

清
實
錄

仁宗睿皇帝實錄(四)

卷二二四至卷三〇一
嘉慶十五年至十九年

清實錄

第三冊

中華書局影印

清 實 錄

(第 三 冊)

仁 宗 實 錄 (四)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 71 7/8 印張

1986 年 7 月第 1 版 1986 年 7 月北京第 1 次印刷

印數 0.001——1,500 冊

統一書號: 11018 · 1355—31 定價: 53.00 元

清實錄第三一冊目錄

仁宗睿皇帝實錄(四)

卷二二四	嘉慶十五年正月	一
卷二二五	嘉慶十五年二月上	一六
卷二二六	嘉慶十五年二月下	二八
卷二二七	嘉慶十五年三月	四二
卷二二八	嘉慶十五年四月	五五
卷二二九	嘉慶十五年五月	七〇
卷二三〇	嘉慶十五年六月上	八八
卷三三一	嘉慶十五年六月下	九九
卷三三二	嘉慶十五年七月	一二
卷三三三	嘉慶十五年八月	一三〇
卷三三四	嘉慶十五年九月	一四三
卷三三五	嘉慶十五年十月	一五八
卷三三六	嘉慶十五年十一月	一七五
卷三三七	嘉慶十五年十二月	一九二
卷三三八	嘉慶十六年正月	二一〇
卷二三九	嘉慶十六年二月	二一九
卷二四〇	嘉慶十六年三月	二三三
卷二四一	嘉慶十六年閏三月	二四七
卷二四二	嘉慶十六年四月	二五五
卷二四三	嘉慶十六年五月	二七三
卷二四四	嘉慶十六年六月上	二九〇
卷二四五	嘉慶十六年六月下	三〇四
卷二四六	嘉慶十六年七月	三一七
卷二四七	嘉慶十六年八月	三三三
卷二四八	嘉慶十六年九月	三四四
卷二四九	嘉慶十六年十月	三五九
卷二五〇	嘉慶十六年十一月	三七三
卷二五一	嘉慶十六年十二月上	三八九
卷二五二	嘉慶十六年十二月下	三九八
卷二五三	嘉慶十七年正月	四一二
卷二五四	嘉慶十七年二月	四二三
卷二五五	嘉慶十七年三月	四三八
卷二五六	嘉慶十七年四月	四五五
卷二五七	嘉慶十七年五月	四六六

卷二五八	嘉慶十七年六月	四八三
卷二五九	嘉慶十七年七月	五〇〇
卷二六〇	嘉慶十七年八月	五一六
卷二六一	嘉慶十七年九月	五三二
卷二六二	嘉慶十七年十月	五四六
卷二六三	嘉慶十七年十一月	五五七
卷二六四	嘉慶十七年十二月	五七六
卷二六五	嘉慶十八年正月	五九四
卷二六六	嘉慶十八年二月	六〇二
卷二六七	嘉慶十八年三月	六一七
卷二六八	嘉慶十八年四月	六二九
卷二六九	嘉慶十八年五月	六四一
卷二七〇	嘉慶十八年六月	六五〇
卷二七一	嘉慶十八年七月	六六七
卷二七二	嘉慶十八年八月	六八七
卷二七三	嘉慶十八年九月上	七〇六
卷二七四	嘉慶十八年九月中	七一九
卷二七五	嘉慶十八年九月下	七三八
卷二七六	嘉慶十八年十月上	七五五
卷二七七	嘉慶十八年十月下	七七一
卷二七八	嘉慶十八年十一月上	七九〇
卷二七九	嘉慶十八年十一月下	八〇二
卷二八〇	嘉慶十八年十二月上	八一八
卷二八一	嘉慶十八年十二月下	八三二
卷二八二	嘉慶十九年正月上	八四九
卷二八三	嘉慶十九年正月下	八六一
卷二八四	嘉慶十九年二月上	八七四
卷二八五	嘉慶十九年二月下	八九〇
卷二八六	嘉慶十九年閏二月	九〇六
卷二八七	嘉慶十九年三月上	九三二
卷二八八	嘉慶十九年三月下	九三三
卷二八九	嘉慶十九年四月	九四五
卷二九〇	嘉慶十九年五月上	九六二
卷二九一	嘉慶十九年五月下	九七三
卷二九二	嘉慶十九年六月	九八六
卷二九三	嘉慶十九年七月	一〇〇五
卷二九四	嘉慶十九年八月上	一〇二五
卷二九五	嘉慶十九年八月下	一〇四〇

溥惠臣民並屢廣覃施用昭敷錫昨冬各省

英奎係屬掌印失察次數最多。予以褫職發

遣固屬咎所應得。但伊係新授大學士。勒保之子。勒保在外宣力有年。又年逾七旬。今聞伊子獲罪遠戍。未免懸耿於懷。且英奎尚非私罪。著加恩。僅予革職。免其發往烏魯木齊効力贖罪。勒保或令其前往隨任。面加訓導。或令其在京料理家務。均聽其自便。用示朕體卹者。臣格外施恩之至意。○是日立春。順天府進王牛春山寶座。○丁巳。

上御重華宮。茶宴廷臣及內廷翰林。以授時通

考聯句。○戊午。

高宗純皇帝忌辰。遣官祭

裕陵。○諭軍機大臣等。昨據松筠面奏。塔爾巴哈台所屬之額魯特官兵等。牧放滋生羊隻。內向於每年照原定數目。撥出羊二萬零八千隻。解送烏魯木齊。作為滿洲官兵口糧。但塔爾巴哈台地方雪太。所有滋生羊隻。未免閒有傷損。而額魯特等。每於動撥此項羊隻。因以本身自養之羊。賠抵。是以日漸艱窘。查

從前伊犁所屬之察哈爾額魯特等。牧放滋生之羊。作為該處滿洲官兵口糧。日久不免拮据。松筠曾奏。請每羊一隻。折銀三錢。甚有裨益。請嗣後每年於草長時。由塔爾巴哈台撥羊一萬五千餘隻。派委官兵。或解赴瑪納斯。或解往科布多。售賣。每羊一隻。可得銀六錢。共計得銀九千餘兩。按每羊一隻。價銀四錢。折給烏魯木齊官兵。其餘羊五千隻。分給貧苦之額魯特等度日。每年如此。則生計充

裕盜案自息。松筠因起程後。始思及此。是以未及與晉昌等商議等語。松筠此奏。於額魯特生計。雖覺稍為寬裕。然究於烏魯木齊官兵。是否有益。亦當熟籌。著寄知晉昌。祥保。興奎等。將塔爾巴哈台牧放滋生羊隻。照依如此折價。解送烏魯木齊官兵之處。互相商酌。妥議具奏。儻有意見不合之處。即各以所見單銜具奏。○以二等侍衛積拉堪。為密雲副都統。○

以上辛祈穀於

上帝。自是日始齋戒三日。○己未。展賑直隸安

新安高陽雄任邱五州縣。上年被水。旗民。○

展賑江蘇安東縣。上年被水。災民。並貸山陽

縣貧民籽種口糧。○展賑安徽盱眙天長宿

鳳臺靈璧泗五河七州縣。上年被水。被旱。災

民。○貸江西南昌新建豐城三縣。上年被水

災民籽種。○貸陝西醴泉高陵涇陽三原郃

長武六州縣。上年被旱。災民倉穀。○庚申。

上詣

南郊齋宮齋宿。○辛酉。祈穀於

上帝

上親詣行禮。○壬戌。

世祖章皇帝忌辰。遣官祭

孝陵。

上詣

雍和宮行禮。

火神廟拈香。○諭內閣吏部議處失察假印

冒領庫項各員一摺。此案書吏等通同舞弊。

私雕假印。冒領各處庫項。至十四次之多。非

尋常疏玩可比。所有部議革職降調降留各

員。俱著照所議行。國家設官分職。大小臣工。

均應殫心竭力。剔弊釐奸。乃近日各部院衙

門。因循怠玩。相習成風。推原其故。由於各大

臣等思避專擅之跡。惟以含容博寬大之譽。

推諉邀安靜之名。虛稱辦事。實則廢弛。不肯

正色率下。綜覈名實。一切文移奏牘。委之司

員。而司員中又無實心任事之人。一切委之

胥吏。聽其播弄。盡諾施行。胥吏等蔑視日久。

舞文玩法。無所不為。漸至肆無忌憚。朋謀盜

竊。成此巨案。試思朝廷政柄。操之自上。若大

臣盜權壞法。則為太阿倒置。今幸綱紀肅清。

大臣等尚無此弊。而大臣委權於所司。所司

委權於書吏。若輩奸猾性生。勾結朦混。竟層

層受其欺蔽。無一人能摘奸發伏者。部院衙

門如此。則外省吏治尚可問乎。經此次嚴懲。

後部院諸臣各宜洗心滌慮振刷精神視國事如家事堂官嚴率所屬司官嚴察吏胥大小相維賢愚有別庶人舉其職不難諸樊澄清日臻上理矣將此通諭中外知之○軍機大臣議奏前據盛京將軍富俊請更定大凌河馬羣餵養章程經臣等以牧丁額設有定不敷分撥議駁今復據該將軍奏稱大凌河馬匹向係十月入圈餵養四月出青入圈之例係按照應餵之數交各莊頭輪流餵養每

十數日趕換一處責成不專往往苟且塞責是以出圈時倒斃甚多臣富俊於便道往各莊頭餵馬處所查看棚槽窄狹馬匹擁擠餵養不盡如法既無益驕馬臆分又有礙騾馬孳生莫若按照莊頭等第均勻分養令其一手經理現有一等莊頭六十六名每名應餵馬四十四匹二等莊頭四十四名每名應餵馬三十八匹三等莊頭四十四名每名應餵馬三十二匹四等莊頭一百十三名

每名應餵馬二十五匹自十月十五日入圈驗明臆分登記號簿按月點驗臆分有起色者記功不足者懲責至出圈日按匹驗明將記功者歸於均羣時在牧長牧丁應得賞項內酌量分給其雖未長臆數與入圈時相等者免議推故不餵及餵養平常倒斃多者將該莊頭斥革示儆其牧長牧丁等祇須令其在所管之羣輪流查察每莊頭餵養之所分撥牧丁一人已數照管亦不致顧此失彼

應如所請從之○甲子享

太廟遣成親王永理恭代行禮○

上詣

大高殿行禮○幸圓明園○詣

安佑宮行禮○遣官祭

太歲之神○乙丑

上御山高水長賜王公大臣蒙古王貝勒貝子

公額駙台吉及回部郡王外藩使臣等宴並賞賚有差○丙寅諭內閣本日據祿康奏應

將失察書吏冒領庫項降革司員概予捐復。此不可行。該員等甫經部議。若遽令捐復原官。非惟不足示懲抑且跡涉言利。有此政體乎。但向來內務府降調人員。仍留本衙門補用。此案戶工二部司員同時降調者甚多。伊等獲咎尚屬因公。除革職治罪各員無庸議外。其降調各員著加恩比照內務府之例。准其各留本部行走。以所降之級。遇有相當缺出酌量奏補。○戊辰。

上御山高水長。賜王公大臣蒙古王貝勒貝子公額駙台吉及回部郡王外藩使臣等食。至辛未皆如之。○己巳。

上御奉三無私殿。賜皇子親藩等宴。○命各部院堂官於行走人員覈實甄別。諭內閣向來分部行走人員三年期滿例。應由各該堂官東公考察。分別去留。原為覈實程材之道。經朕節次降旨諄諄訓飭。乃近日各部院堂官於學習人員報滿時。往往以該員等行走已

歷三年一經澄汰。未免缺望。遂爾概行保留。藉以沽名釣譽。殊不思各部院大臣經理政務。自應綜覈名實。以公事為重。各司員有分理庶事之責。總當視其人之才具能否勝任。不可曲徇人情。多為遷就。且該員等甄別改用之後。亦尚有官可補。不致終於廢棄。又何所用其瞻顧耶。嗣後各該堂官務於行走人員隨時留心察看。報滿時將應去應留。秉公覈實甄別。無涉冒濫。以副朕澄敘官方至意。

○諭軍機大臣等。本月初彭齡奏。已革文水縣知縣捐升知府陳廷圭。私設班館押斃人命一摺。並另片所參官聲甚劣之絳州知州楊映權。陽曲縣知縣吳安祖。已明降諭旨。交素納審辦矣。初彭齡到晉省。不過數月。即經參劾多員。可見該省吏治廢弛。貪劣不少。伊認真整頓。殊為不避嫌怨。今伊調任陝省。則不肖之員從此倖免糾劾。即已經參劾者。亦可圖將就結案。自必人人稱願。此於該省

政治大有關係。素納現護撫篆。接手任事。切不可為人所愚。存姑息了事之見。惟當力加振作。屏除情面。於已叅各案。嚴切根究。務得實情。此外有應行懲辦者。尤不可稍事姑容。務使屬員畏懼。斂戢。方於吏治有裨。若不實心整理。謂初彭齡一去。即可瞻顧屬員。全不以公事為重。則不但輒弱無能。為初彭齡所笑。且初彭齡現在陝省。耳目甚近。設伊聞素納有辦理不實之處。封章密奏。或經朕降旨詢問。得其底裏。則顛預瞻徇之咎。素納亦不能免。天下之人。咸謂汝為狗尾續貂矣。勉之。非朕偏於嚴厲。實緣近年吏習過於鄙壞。之故。不得不然耳。將此傳諭知之。○庚午。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○諭軍機大臣等。百齡奏派員出關傳詢南掌國酋長召溫猛出奔遷徙情形一摺。據稱召溫猛巽懦無能。不

克凝承錫命。不即聲罪。已足示矜卹亡酋。今流寓夷邦。祇可聽其去住等語。所見俱是。召溫猛前於乾隆五十九年請封時。已在播遷之際。迨祇受勅印後。又未能返其國。都力圖恢復。祇在外潛匿。流徙越南國境。且於召蛇榮設謀索害時。倉猝逃遁。竟致遺棄勅印。似此懦弱不振。豈能復掌國事。伊既與阮福映有舊。自應聽其在越南國居住。著百齡傳諭阮福映。以召溫猛既受錫封。不克自立。輾轉播遷。棄天朝勅印。本有應得之罪。姑念其流離失所。不加聲責。但內地不應收留。應聽越南國自為安置。至所稱南掌國於嘉慶五年十年進貢。係何人偽託。請交滇省督臣查覆一節。該國虔修職貢有年。並無得罪天朝之處。此時亦可不必逐細追究也。將此傳諭百齡。並諭伯麟知之。○兩廣總督百齡奏洋匪郭婆帶率夥投誠。在事出力人員。按察使陳若霖等升敘有差。○辛未。

上御正大光明殿賜大學士尚書等宴○諭內閣晉省自初彭齡到後節次參案甚多因思金應琦久任該省藩司擢升巡撫何以置之不辦昨於伊到園時交軍機大臣傳旨詢問據稱臨晉縣程安假裝銀鞘孝義縣葛拱辰審擬親屬相姦兩案實係伊任內查出移交初彭齡辦理其藩司劉清道員張曾獻知府史積中等伊在任時均無貽誤無可參辦惟知府徐秉鈐知州楊映權知縣陳廷圭吳安祖被參各案伊任內雖未發覺但未能先事查出即屬疏忽又成寧閱兵時多用車馬以致平魯縣虧空一節未經參奏亦有不合前經部議降調蒙恩改為降留請再交部議處等語除金應琦已經懲處之案無庸再議外所有初彭齡續參之案金應琦已自認疏忽並著交部議處尋議上得旨照部議降二級以正三品京堂補用○壬申諭內閣昨經步軍統領衙門具奏煤窯內水夫李凱身死訊

係夏太等毆斃並請將訪查案犯之遊擊等量予獎勵今據順天府奏經宛平縣驗明李凱屍身並無毆傷痕痕惟兩手心手指俱有紫紅斑點因傳各窯水工比對亦帶有紅斑名為水秀止係染受溼毒因病身死彼此情節互異非順天府袒庇所屬規避處分即該營訊有意邀功案關出入自應詳悉查辦以成信讞著派刑部侍郎朱理會同順天府府尹宋銘前往將李凱屍身覆加檢驗是否染受溼毒抑係因毆傷斃不難立辨朱理係刑部堂官無所庸其迴護也至該處有稱大都小太歲綽號者自非安分之徒即應按名查拏儻實無其人亦著將何人編造綽號之處嚴行查辦○諭軍機大臣等先福奏查訊漕船陋規嚴行禁革一摺並將江西幫船使費細數開單進呈其所查殊不足憑信據稱傳到旗丁及書吏人等確加訊問書吏等均係積年需索陋規之人安肯將從前弊端全

行吐露不留餘地。至旗丁等雖被各處勒索。但伊等向來習氣。亦樂於使費花銷。並沿途多帶土宜。為結交酬應之需。必須藉此為名。方敢倚勢逞刁。向州縣多索使費。而州縣官亦利於旗丁有此刁難。始得藉口浮收。下以遏小民之控訴。上以抗長吏之查叅。層層弊竇。相因而起。此時欲清弊源。總應先嚴行裁革陋規。陋規既裁。則旗丁費用必少。旗丁浮費既省。則無辭向州縣橫索。而浮收之弊。乃

可漸除。著傳諭有漕省分各督撫。各就該省旗丁出運道路遠近。酌量伊等沿途提溜打聞撥淺等費。共需若干。再令畧有贏餘。以為伊等南北攜帶貨物之資。俾丁力不致往來疲乏。各定章程。數明數目。此外毋許絲毫多索。再嚴禁州縣官橫徵濫與。方可冀漕政逐漸肅清。該督撫等其各實心整頓。不可輕信丁吏等一面浮詞。但以一奏塞責也。○癸酉諭內閣。汪志伊等奏。審明失落本箱被燒緣

由。按律定擬。並請將接遞疏忽之知縣。交部議處一摺。沿途接遞本箱。關繫緊要。此案齎遞本箱之馬夫賈德。因馬驚失落。夏志平既瞥見拾取。回廟扭開箱鎖。知係官物。何以不即送官。輒置鋪旁睡卧。若云該犯回廟後。因檢存柴草。燒火禦寒。旋即熟睡。草灰餘燼。復然。燒及木匣。而廟宇房閃。又何以無恙。是該犯或本識字。拾獲此件本箱。回廟開看。見係印封文卷。不能作廢紙變賣。遂爾焚燬滅跡。

情事顯然。該督等所訊情節。殊不足信。仍著汪志伊等親提該犯。嚴訊確情。據實具奏。其接遞疏忽之該縣知縣。著交部議處。○諭軍機大臣等。據吳璥等奏。豫籌速漕防汛事宜。並籌辦春修隄埽工程。各一摺。地方與河工。本應視同一體。而河工與漕運二事。又相為表裏。每年大汛經臨。在河工官員防守。是其專責。而沿河地方官保衛民生。是即守土之吏職之最重者。亦豈容漠視旁觀。著松筠即

飭知沿河府州縣嗣後凡遇大汛防險之時均著該府州縣協同廳汛官員實力守護其雇夫集料等事亦令相助為理庶呼應較靈不致彼此掣肘並飭兩司於汛期緊要時不得輕調沿河府縣以重巡防至上年漕船回空已遲若今春開行再有耽延不能如期過淮不特抵河口時慮有淤阻且恐今秋回空再遲於疏治河工亦多窒礙著傳諭江蘇浙江安徽江西湖北湖南各巡撫各飭知該管糧道等務即扣算日期將一應出運事宜妥速豫備回空船隻隨到隨兌隨兌隨開其有需迎兌者亦趕緊料理周妥總不許誤往年過淮限期再於沿江瀕河節節派員查催抵淮時著漕運總督迅速認真籤盤以便及早趨過黃河其河防應辦各工吳璥等務嚴督工員覈實辦理至邳宿運河並令及早認真挑挖勿令新漕渡黃到彼又有淺滯總須同心協力而又各專責成庶漕務河工均日有

起色也○甲戌諭軍機大臣等松筠奏行抵邳州路過微山湖查問情形請引沁入衛濟運一摺松筠向來辦事認真內外諸務亦多歷練但河工則從未經手此事重大非可紙上空談輕於一試如所陳引沁濟運一節看來即未必可行微山湖缺水由蘇家山引黃入湖原係不得已之舉上年朕原慮及恐致湖底受淤因詢問諸河臣僉稱從前曾經開放如啟閉有節尚不致大有淤墊是以暫為權宜之計今如該督所奏沁水去臨清道途遙遠又先決隄入衛似屬格礙難行但松筠既有此議姑令豫東兩省查明覆奏再降諭旨其所請派李亨特襄辦河務及令阿克當阿兼管河工錢糧亦屬非是李亨特前隨那彥成辦理荷花塘謬執偏見糜帑誤工革職治罪一誤豈容再誤阿克當阿人雖誠實但河工亦非素習伊係現任鹽政勢難兼管河庫錢糧若令開缺前往亦無此政體此二節

皆於河工無裨。且松筠尚在途次。不過得之採訪。何得輕聽人言。執行入奏。亦太欲速矣。至兩江總督兼轄三省事務。恭繁所司不止河工一事。向來定制。令總督兼管河務者。原以河工與地方相為表裏。必須督臣與河臣同心協力。方不致彼此掣肘。今松筠膺此重任。三省政務均資經理。若河工究係總河專任。如伊等有虛冒錢糧貽誤要工等弊。松筠當查知據實糾參。其應辦事宜。則當和衷商榷。集思廣益。以期相與有成。若於全河情形不加深考。輒自出己見。輕率辦理。一有貽誤。身獲咎戾。固不待言。而國事所關甚鉅。悔何及乎。吳璥久任河督。於全河大局較為諳習。不可因松筠到省後銳意以治河自任。吳璥即心存推諉。任其所為。設有錯誤。河工係河督專政。吳璥之獲咎尤重。凜之慎之。將此諭令知之。○乙亥。諭內閣。本日朱理宋鏞奏會同檢驗煤窰水工李凱屍身並無傷痕。委係

因病身死等語。前此步軍統領衙門具奏李凱身死。訊係夏太等毆斃。並請將營員量予獎勵。顯係輕聽屬員藉事邀功。祿康英和本智著交部察議。所有訪查案犯之遊擊史善載。守備李明亮。把總由勇福開復處分。即行撤回。毋庸查辦。著刑部提同案犯確加研審。並將程六等緋號是否自行編造。抑係旁人捏造。訊明定擬具奏。後再降諭旨。尋奏上得旨。向聞開設煤窰之人。率多橫兇不法。此案除李凱屍身驗明無傷。實係因病身死。毋庸置議外。至程六白三周才楊二均係受雇。錫伙在窰經營水夫。何以東工遂為編造緋號。自係平日暴戾殘刻所致。且李凱雖不死於傷。然該犯等究曾將伊毆打。顯非安分之徒。刑部於棍徒擾害地方例上減為杖一百。徒三年。札發順天府定地充徒。尚覺稍輕。程六白三周才楊二均著發往吉林充當苦差。以示懲儆。○山西河東道劉大觀劾奏前署巡

撫初彭齡任性乖張各款命戶部左侍郎托津刑部左侍郎穆克登額馳往查辦○丙子諭內閣慶溥等奏廣州駐防漢軍丁口繁多議請借項生息養育一摺漢軍旗丁糧少人多謀生計絀自應亟為調劑量籌養育之道著照所請加恩於八旗馬價穀價兩項內現存藩庫銀四萬六千二百餘兩借支生息即於漢軍閒散中挑設無米養育兵一千一百餘名每名月給銀五錢仍與甲兵等一體訓練以次挑補俾餘丁得資養贍於生計操防兩有裨益○命兵部尚書劉權之協辦大學士○命太常寺卿周系英在上書房行走不必兼南書房行走○以候補員外郎中倉監督德泰為廣西按察使○丁丑諭內閣玉寧等奏舊太南新兩倉中間隔斷牆垣現有缺口一處並安設板梯墊腳土軌等項顯係有人意圖偷米故將牆壁拆通請旨交部一摺著照所請即將花戶劉傑主龍光王斌吳永

光等解交刑部審辦該二倉監督明福華齡百順孫立本並著交部議處又另片奏萬安東西兩倉廩座板片未能整齊請將監督扎蘭泰何廷璞撤回該二員年老才庸亦不必仍回原衙門行走即著以原品休致嗣後部院保送倉監督務擇精明強幹之員保送不得將衰庸充數致滋貽誤○又諭官犯甄士林因民欠漕米未完畏避誤運加收斛面抵補並濫責閹漕之張樹桂一案定擬發遣新疆雖所收並未入己案內張樹桂因病身故亦驗無因傷致死等情但究係浮收釀命其咎甚重所有刑部奏稱甄士林妻兄范針具呈代為贖罪之處著不准行○調兵部左侍郎秦瀛為刑部右侍郎轉兵部右侍郎萬承風為左侍郎實授費淳為兵部右侍郎○戊寅孝聖憲皇后忌辰遣官祭泰東陵

上詣

恩慕寺

恩佑寺行禮○調雲南提督孫清元為貴州提

督以江南徐州鎮總兵官喜明為雲南提督

○予故貴州提督富志那祭葬如例○己卯

上幸萬壽山○諭內閣近來各省查辦虧空往

往將丁憂去任之州縣參奏辦理尚非覈實

準情之道州縣虧短倉庫法禁恭嚴自應革

職監追查抄嚴辦但州縣之虧缺多在平時

並非專在去任之際則上司之查察貴於先

事不應直至其交代之時試思丁憂人員猝

遭父母大故孰不思星奔歸里以盡人子之

心乃以公項羈留監追不釋並將原籍查抄

此於法制固亦不得不然而其情究屬可憫

且官員至去任之後始行責令彌補亦往往

窮無設措於帑項易致宕延嗣後各督撫務

當於各州縣在任時加意查察一遇有虧短

州縣即隨時糾劾辦理勿稍假借如此則倉

庫既可及早籌補而遇有丁憂去任之員又

可遂其私情不致辦理兩妨矣將此通諭知

之○以江南督標中軍副將綽哈納為徐州

鎮總兵官○以古城領隊大臣薩炳阿為杭

州副都統○庚辰諭軍機大臣等朕來年巡

幸五臺曾經降旨飭誠疆吏將繁文縻費概

事擯除如直隸山西經過處所有建設戲臺

牌樓點綴者概職示懲該督撫自當仰體朕

意崇實黜華因思現在該二省於應辦事件

均已豫為籌備特再行申諭除道路橋梁草

料柴薪等項勢所必需照舊供億外其一切

酬應使費著嚴行禁絕該督撫務須實力奉

行如隨從人員有向地方需索之事即嚴參

究辦督撫等私相餽遺經朕察出或別經發

覺一併予以斥革治罪不稍寬貸將此諭令

知之○吏部以大學士勒保應定何殿閣請

得旨著為武英殿大學士○辛巳諭內閣刑

部等衙門奏審擬王府太監李來喜串通書

吏韓振邦捏造匿名揭帖訛詐本府親王一
案。近日諸王咸知謹守法度。不敢驕縱妄為。
莊親王綿課人亦謹飭。此案太監李來喜係
其本府家奴。膽敢因貧起意。憑空捏造姦私
重情。勾串外人向本府親王訛索。實屬刁惡
異常。且據供綿課素日。並無將伊磨折酷虐
情事。而該犯任情反噬。干名犯義。莫此為甚。
國家紀綱嚴肅。如王等實有違禁亂法款蹟。
經大臣科道糾參。自必按法懲治。若以奴告

主。名分攸關。律嚴犯上。從前乾隆年間。綿德
與秦雄裒結交。經太監王忠卿匿名訐告。訊
問屬實。

皇考高宗純皇帝將綿德治罪。仍將王忠卿按
律絞決。今李來喜造言污蔑綿課各款。審係
全虛。情罪尤重。李來喜著即處絞。派刑部侍
郎朱理前往監視。先將該犯於法場重責三
十板。再行正法。並著親郡王等各將本府太
監內擇素不馴良者一二人遣往環觀。俾知

做懼。至韓振邦現充都察院衙門書吏。平日
與王府太監交往。已屬不安本分。茲復敢朋
謀勾結。編造匿名揭帖。徑詣王府訛索親王。
不法已極。近來部院各衙門書吏。自無法紀。
作奸犯科。肆無忌憚。上年甫經辦理王書常
等冒領庫款一案。乃為時未久。又有此奸胥
圖詐之事。可見伊等刁猾性成。慙不畏法。不
可不嚴辦示懲。原擬韓振邦發遣新疆為奴
之處。尚覺輕縱。韓振邦著即照投隱匿姓名

文書告言人罪絞監候。律絞監候。秋後處決。
餘依議。○刑部覆奏。湖南民人李啟瀧被胞
叔李芳隴逼令謀殺胞兄李啟黃一案。得旨。
此案李啟瀧聽從胞叔李芳隴逼令捆毆溺
斃胞兄李啟黃。該犯李啟瀧係迫於叔命。緣
李啟黃屢次行竊。經胞叔李芳隴捉獲。欲行
送官。李啟瀧聽從捆縛毆傷。及李芳隴欲行
擡溺致斃。李啟瀧尚代為求饒。李芳隴聲稱
一併致死。李啟瀧始一同擡去。迨推落入河。

又係李芳隴抓住李啟黃髮辮。擊浸水內。數其情節。李啟隴之致斃胞兄李啟黃。實因李芳隴逼令所致。若無用木凳打傷李啟黃左太陽一節。尚可改以監候。茲李啟隴既聽從毆傷。自難輕貸。但竟擬以凌遲處死。則實係謀殺期親尊長之案。又將何以辦理。李啟隴著改為斬立決。餘依議。○陝甘學政溫汝道。以親老請回京供職。許之。命左春坊左庶子陸以莊提督陝甘學政。○以福建臺灣水師

副將朱天奇為金門鎮總兵官。候補副將陳琴署浙江黃巖鎮總兵官。○壬午諭內閣。向來發往伊犁烏魯木齊等處廢員。到戍時均由該處將軍都統奏聞。三年屆期。並將該員當差勤慎與否。奏明請旨。遇有事故。亦隨時具奏。惟發往熱河之員。向俱無人管理。嗣後著交熱河副都統。遇有發往之員。到日即行奏明。派在何處當差。至三年期滿。亦分別具奏請旨。其有事故者。隨時附奏。著為令。○又

諭王寧等奏查看太平倉各廩俱未封鎖。花戶等亦均未在廩口當差。請將該監督革職。及玩誤之花戶等。枷杖示懲等語。近年各倉廢弛。因循。甫經嚴行懲辦。該監督等職有專司。自應隨事隨時認真經理。乃太平倉實貯之廩。竟無封鎖。而花戶等又無一人在廩口當差。該監督所司何事。所有太平倉滿漢監督英林彭景烜均著革職。花戶等均著枷責示懲。其廩門板片及封鎖等項。並著勒限修

整。○以四川夔州協副將福智為松潘鎮總兵官。○癸未

上詣

大高殿行禮。○還宮。○朝鮮國王李珣遣使表賀

萬壽。冬至元旦三大節。及歲貢方物。賞賚筵宴

如例。○旌表守正捐軀浙江象山縣民邵尚

祿妻俞氏。○甲申

孝儀純皇后忌辰。遣官祭

裕陵○諭軍機大臣等前因江南吏治民風積習因循必須大加整頓松筠居心公正辦事認真是以特由陝甘蘭調前往該督管理三省政務殷繁一切察吏安民整頓營伍以及漕河鹽關等事無一不歸統轄則無一不應經理河工特係所管一事以職任而論則總河係屬專辦總督祇係兼管以現在情形而言則吳璥徐端經理河務有年尚無把握松筠焉能如伊等之熟練詎可師心自用乎松筠惟當於河督呼應不靈之處協力幫助俾免掣肘設其辦理不妥則隨時查察糾劾至於應辦事宜惟有與之和衷商榷廣咨博採期於相與有成今松筠甫入江境未經履勘河工即有前日引沁入衛之奏朕披閱時即覺其事有格礙因其既有此議姑發河東總河等詳悉議奏本日閱陳鳳翔履奏之摺詳查舊案敘述形勢甚為明晰從前康熙六十年及乾隆初年均曾有此議俱經彼時熟悉

河務之大員勘明停止且彼時亦僅欲引沁入衛若依松筠所奏是又欲於入衛之後引之自北而南以圖濟運此無論沁水挾沙帶泥慮致淤墊並沁隄衝決之後有礙各處田廬且以地勢而言又豈能強令南趨非但多糜帑金亦斷無此辦法松筠或係誤聽人言不加詳察率爾陳奏所見甚左此時南河正當喫緊之時設松筠到彼均如此誤出主見而吳璥等見伊係特簡調任之人亦即讓其主持觀望推諉一有貽誤則松筠之獲戾甚重彼時即加以懲治於公事又奚益乎松筠前奏冒昧著傳旨申飭嗣後河工事務自當由河督專政伊隨時悉心商酌妥協共濟期於經理有益將此各傳諭知之○以內閣學士明志署經筵講官○以左春坊左中允張師泌署日講起居注官○是月江蘇巡撫章煦奏交卸督篆回蘇得旨和衷為本然亦看合理與否若拘泥固執亦勿詭隨恐松筠有

泥古之弊

大清仁宗受天興運敷化綏猷崇文經武恭
勤儉端敏英哲睿皇帝實錄卷之二百二十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十五

[illegible]

教修

上以祭

社稷壇自是日始齋戒三日。丙戌諭軍機大臣等松筠奏查勘海口情形應行修復正河一摺又另摺與吳璥等會銜具奏意見相同請於此時即設法趕辦等語海口修復正河誠為正辦但經理大事必須中有定見豈可漫無把握動輒游移曠日費時因循疲玩迄無成功徒以摺奏搪塞成何事體前此吳璥差往南河時曾力主挑復正河迨至上年冬

聞忽以工重費繁。時日緊迫。不能趕辦。請先將北潮河入海之路。權宜辦理。試看一年。伊既籌度情形。力主此說。因亦降旨准行。今松筠到彼後。一經查勘會議。又仍請改挑正河。並稱前估各工。尚可刪繁就簡。將雲梯關以下兩岸長隄。設法趕辦。一面將河形應挑之處。酌量挑挖。期於大汛前將馬港口漫口堵閉。其所需帑項。先以前所請五十萬兩。將現在可辦之處及早興工。其餘覆估工程。亦較前有減無增等語。信如伊等所奏。則海口大局既歸正辦。可收永遠之效。而前此估需三百六七十萬兩之數。今又可大加刪減。於帑項又得無糜。豈不甚善。但吳璥等於上年十一月奏到時。已稱趕辦不及。今又遲兩三月。何以又可趕辦。前摺內請銀五十萬。本欲於北潮河一帶挑挖膠淤。此兩月來何以不辦。又前摺內稱挑挖正河有一百餘里之長。又須一律深通。方能暢注。而本日摺內又稱祇

須將應挑之處酌量挑挖。無須一律大挑。何以前後所奏自相矛盾。種種互異。似此工用不繁。又可迅速集事。伊等既為此奏。自應即照所奏辦理。惟是全河大局。出海最關緊要。吳璥等久練河工。非松筠初到可比。此次既親勘會商。奏聞辦理。自係吳璥等斟酌再四。確有把握。將來總不得以此事係松筠主見。為推諉地步。惟當各發天良。認真督辦。詳慎經理。用收一勞永逸之效。勉之又據另片奏。

現辦河工須大員分管。請將江寧巡道王象儀及前任徐州道單雲迅即來工。分司堵築等語。王象儀係本省巡道。儘可遴派辦工。至單雲前在徐州道任內。曾承辦挑挖運河等事。聞其聲名平常。頗有貽誤。從前鐵保在江南時。即曾誤聽該員之言。此時松筠等既經奏請。亦著一併調至工所。責令分管堵築等事。但須隨時留意查察。為要。將此諭令知之。

丁亥祭

先師孔子遣慶郡王永璘行禮（遣官祭文昌帝君廟）戊子祭

大社

大稷

上親詣行禮（乙丑以舉行仲春經筵遣官告祭

奉先殿

傳心殿

上御文華殿經筵直講官劉權之桂芳進講中

庸中也者天下之大本也和也者天下之達道也講畢

上宣御論曰君子之學莫大乎主敬聖人之道莫要於執中道之體用即人之性情與事物相接不剛不柔無所偏倚喜怒哀樂隨其所發皆當乎理從容中道心體暢洽發乎情而止乎禮義或過或不及皆非中道中也者天下之大本也大本既立所發得中上可感天心百穀用成雨暘時若下可定民志興廉講

讓易俗移風六合全消乖戾感而遂通四達無礙以一人之情召萬民之情從欲以治太和洋溢和也者天下之達道也未發謂之中存養省察於平時不容少閒斯所發皆中節得和之效驗矣至靜之中毫無偏倚而大本立應物之時全消私隱而達道行內聖外王之功用總不出於一心心之所存則不懈於寸誠至誠無息斯能致中和以馴至於天地位萬物育故心盡而天應政修而天從中和之極則達道之隆軌豈泛論哉直講官鄒炳泰秀寧進講書經欽哉惟時亮天功講畢

上宣御論曰人君代天治民所理者皆上天之事也然天下之大兆民之衆一人之心思豈能獨任故分命百官量其才力各任以職既受斯職即應敬其事故事為敬君之實君命之事即天事也天豈可不敬哉若尸祿保位怠慢忽畧天事必致廢缺天鑒在上豈能逃乎大舜以上聖之資當極隆之會尚不能獨

治分任二十有二人復勉其盡職勤修職業無曠天功如此懇切況後世君臣轉可懈弛哉蓋天託於君君託於臣臣任庶事君者天之子也子不克承父命為大不敬臣者君所命也不理君事為大不忠不忠之臣君即被其朦蔽天必不容不敬之君臣或不敢進言天亦必降大咎嗚呼常操敬謹時亮天功上下交儆一德同心庶幾常承天眷永保無疆君臣所理皆天之事豈可不勉敬勤哉禮成

上幸文淵閣賜講官及聽講諸臣茶復賜宴於本仁殿諭內閣向例臨御經筵升殿及宣講後講官同侍班各官均於文華殿丹墀內行二跪六叩禮丹墀中互角道兩旁行禮之處殿內不能俯矚嗣後著改於丹陛上分左右行禮諭軍機大臣等據松筠奏蘇家山閘業於正月十五日啟壩放水由蘭家山壩入湖甚為暢順春初黃水尚不甚渾濁擬將蘭家山壩口門再行展寬俟微山湖收水數

足相機堵閉等語引黃入湖原係一時權宜之計現在黃水未經漲發尚不甚渾濁自可趁此多收入湖但微山湖内存水祇以數用為度松筠等即飭知該管道員等留心察驗一俟湖水收蓄足數即上緊將開壩口門堵閉不可使過水太多致有挾沙淤墊之患方為妥善又據奏盱堰兩廳輒石各工被風掣坍一千餘丈至數百丈不等正月十七日大風京中亦然本日適值查淳到京朕於召對時

詢及一路情形據稱去冬今春南數省普得大雪為近年所稀有江南安徽一帶春融雪化流入河渠均匯歸洪澤湖今年湖水勢必充盈現在臨湖輒石各工又多塌卸之處恐水大時隄工著重著松筠等即查明掣坍各工段責令該管道廳各員趕緊補修以資捍禦不可視為緩工聽其遲延推諉致有貽誤並將隄堰各工加意修防為未雨綢繆之計此為至要將此諭令知之○庚寅諭內閣給

事中葉紹楨奏請申明投遞匿名揭帖例禁以靖刁風一摺。朕惟為治之道首正人心。不肖奸徒隱匿姓名。挾嫌控告。意圖傾陷他人。而已則置身事外。居心陰險。誣上行私。其關繫世風者實非淺鮮。不經嚴行懲辦。則愈趨愈甚。流弊何窮。然懲治之法。惟在隨案究治。方為辟以止辟之道。舊例隱匿姓名告言人罪者。絞見者。即便燒燬。送入官司。亦不為審理。固為禁絕刁風起見。殊不知此等刁惡之徒。近年益多。若不查拏懲創。不但鬼域伎倆。可以倖逃憲網。而罪狀不曉。然眾著。又何以儆惕頑愚。近年來此等案犯。層見疊出。豈燒燬不辦所能化導。朕於各衙門具奏之後。從未將所告之人立予訊辦。聞或傳令到案。亦不過示以筆跡。詢其平素往來嫌怨之人。藉得識其根由。便於蹤跡。此正為端肇正犯。昭雪被誣而設。迨於獲犯之後。即所控容有得實。而投遞匿名者。仍必按律問絞。未嘗稍予

末減。如近日辦理莊親王太監李來喜以奴告主一案。覈其情罪更重。則竟予絞決。並傳集諸王府太監在彼環視。使人人怵目警心。共知斂戢。若將其所控之件。即行燒燬。在莊親王則甘心受誣。家奴倖逃刑憲。豈成政體。況此等狡黠之徒。或以前此所告不足聳聽。又復添砌重款。汙蔑百端。亦復何所忌憚乎。朕辦理庶獄。覈實秉公。從不好為察察。邇年大案如廣興英綸倉案。庫案其敗露發覺。並不由匿名控告。設或匿名揭帖中竟有此等巨案。亦必將告訐者治以本罪。誠以懲奸禁偽。兩不相妨。況告案無論虛實。皆當究辦。設因匿名所告多虛。概勿陳奏。則各衙門遇有控案。亦可意為壓擱。不行奏請申理。民隱何由上聞。其中實有冤抑受害者。又將何從昭雪乎。該給事中此奏。為正人心息奸詐起見。而不知不如此。則人心不靖。奸詐益不能戢也。將此通諭知之。○辛卯。

孝淑皇后忌辰命

皇次子旻禪祭

陵寢 壬辰遣官祭黑龍潭

昭靈沛澤龍王之神玉泉山

惠濟慈佑靈瀆龍王之神○諭內閣三載考

績為朝廷激揚大典每屆京察之期擇其勤

奮供職者施恩予以甄敘各大臣三年中偶

有小過原可置之不論而其疏忽尤甚者亦

不可不加以儆惕本年京察吏部開列在京

各部院大臣及各省督撫名單請旨甄別朕

詳加酌覈所有上屆京察曾經議敘之大學

士軍機大臣等所管三庫及戶工等衙門於

書吏王書常等假印冒領庫銀物料一案全

無覺察非尋常玩忽可比慶桂董誥戴衢亨

托津均著毋庸議敘其各部院大臣亦多係

獲咎加恩原宥之人並著毋庸議敘內除長

麟一員患病日久已另降諭旨開缺外餘俱

著照舊供職至兵部尚書明亮舊有勞績此

三年內伊所管兵部並無失察滋弊之處今

在京各大員均未議敘亦不必將伊一人特

予甄敘伊曾經三次得過雙眼花翎俱因事

拔去念其年老無過仍著加恩賞戴雙眼花

翎以示眷注大學士四川總督勒保久任封

圻辦事鎮靜兩廣總督百齡辦理洋匪勦撫

得宜日有起色福建巡撫張師誠於海洋嚴

斷接濟實心經理均著加恩交部議敘餘俱

著照舊供職○又諭長麟上年夏間感患目

疾請假調理自朕啟蹕至熱河迴鑾尚未就

痊供職節經降旨給假調養迨至冬間又經

格外賞假兩月扣至本年二月初三日即已

假滿近日詢問伊兄長琇尚稱長麟瞳人已

見充足初四五日便可生光屆期仍未見效

朕於長麟目疾輟轉賞假業經半載有餘原

係體恤大臣恩意然在長麟自應以職任為

重陳情開缺乃日久遷延支飾殊乖大臣以

誠事君之道即如本日博興以患病兩旬恐

誤職守奏請解任調理朕方加之憐憫不肯遽令開缺刑部事務較繁更非理藩院可比伊二人一則念切急公一則意存戀職顯而易見長麟即著開缺在家靜養如果目疾一切復元朕必賞給差使所有刑部尚書員缺著瑚圖禮調補其吏部尚書員缺著秀林調補所遺工部尚書員缺著托津補授托津未到京以前其工部尚書事務仍著秀林兼署又諭御史西琅阿奏州縣延擱詞訟請酌

立稽察章程一摺向來州縣審理詞訟無論案情大小定例俱有限期近日各省不能實力奉行州縣承審大案於通詳時報有起限日期尚知慮于叅處不敢遲延其自理詞訟多不詳報起限往往任意延擱迨負屈小民屢次呈催猶復輾轉懸牌拘傳守候致胥役從中訛索人證等被累無窮實為怠玩惡習著照該御史所請嗣後各省州縣自理詞訟將所收呈詞每月造報該管道府按例起限

其前報各案已結未結俱於續報冊內陸續聲明即責成道府依限督催於年底具結申報藩臬兩司查覈如各州縣延擱案件及該管道府有縱容徇庇等情即當據實嚴叅以示懲儆將此通諭各省知之○又諭本日御史西琅阿奏訪聞專典八旗兵丁錢糧之山東民人請旨嚴禁一摺向來民人向八旗兵丁施放轉子印子等錢扣取錢糧例禁甚嚴今據該御史所稱竟有山東民人在八旗各衙門左近託開店鋪潛身放債名曰典錢糧以一月之期取倍蓰之利每月屆兵丁等支領錢糧該民人即在該衙門首擱去扣算該兵丁於本月養贍不敷勢不能不將次月錢糧逐月遞典致被層層盤剝受虧無窮似此設計取利較施放轉子印子等錢尤為刁惡於八旗兵丁生計大有關繫著步軍統領衙門嚴密查拏勿令潛蹤又給事中何學林請禁奸商一摺據稱京城錢鋪與錢市通同一

氣兌換錢文每千多有短少。往往換錢之人向爭不理。並有狡猾鋪戶多出錢。票陡然關鋪逃匿。致民人多受欺騙等語。亦著步軍統領衙門及順天府五城實力查禁。並照該御史所請嚴立章程。開張錢鋪者。必令五家互出保結。遇有關鋪潛逃之事。即令保結之家照票分賠。其換出錢文。除照向例錢市與鋪家准各扣底四文外。如有任意短少。許換錢之人扭稟地方官隨時究治。以儆奸欺。而便民業。○轉戶部右侍郎英和。為左侍郎。調吏部右侍郎桂芳。為戶部右侍郎。兼翰林院掌院學士。工部右侍郎榮麟。為吏部右侍郎。盛京戶部侍郎馬慧裕。為工部右侍郎。以內閣學士貴慶。為盛京戶部侍郎。○調正黃旗漢軍都統瑚圖禮。為鑲紅旗滿洲都統。以鑲白旗滿洲副都統托津。為正黃旗漢軍都統。調鑲白旗漢軍副都統長慶。為鑲白旗滿洲副都統。以前任熊岳副都統多福。為鑲白旗漢

軍副都統。○以已革廣東提督錢夢虎廢弛捕務。發往烏魯木齊効力贖罪。○癸巳。

上幸圓明園。○遣官祭

關帝廟。○旌表守正捐軀山東滕縣民陳建

迎妻李氏。江蘇新陽縣民沈益觀妻黃氏。○

甲午。遣官祭

先醫之神。○命禮部左侍郎秀寧教習庶吉

士。○以貝子綿志為內大臣。○以工部右侍

郎馬慧裕兼正紅旗漢軍副都統。○以盛京

工部侍郎博慶額兼管奉天府府尹事。○以

江蘇常鎮通海道趙宜喜為河南按察使。○

乙未。

孝康章皇后忌辰。遣官祭

孝陵。○諭內閣朕恭讀

世宗憲皇帝實錄。雍正四年二月辛卯。欽奉

諭旨。朕常飭八旗大臣。八旗為本朝根本。凡係

生計禁令習俗等事。屢經申降諭旨。從前

皇考之時。恩賞稠疊。歷經多年。而滿洲等生計。

並不見其滋植轉益減損者皆法令懈弛之故也。今八旗兵丁貧乏。即將倉糧國帑盡行頒賜。朕固不惜。但使隨得隨盡。曾不決旬遽即蕩然。亦何濟之有。並有將原置房產變易無遺者。若於此輩加以顧惜。不但惡者無所懲。即善者亦無由勸矣。凡此不肖人等各衆領佐領理宜痛加懲治。如終不改。即應革退。以為不肖者戒。大臣等果能視兵如子。懲惡獎善。并責令衆領佐領等不時教導。何事不成。

今大臣等但知不通賄賂。不徇情面。以校射為要務。勤加操練而已。不知爾等職任。正不止於此也。必教以典禮倫常。及治生之計。俾各好善惡。崇儉戒奢。方可謂教育有成。嗣後大臣及衆領等宜痛加勉勵。竭誠管理。不可仍前粉飾等因。欽此。

聖訓煌煌。所以責成管理旗務大臣等。董率八旗者。至為明切。乃閱今數十年後。法令益覺懈弛。習俗更加敝壞。八旗兵丁不知勤苦上

進錢糧恩賞。隨得隨盡。逞一時之揮霍。而不顧終歲之拮据。快一己之花銷。而不顧全家之養贍。致有房產變易。生計蕩然。風氣改移。仍與當日無異。而現在管理旗務之王大臣。因循怠忽。意存膜視。朕屢經諄切訓諭。仍復疲玩如故。伊等近日辦事。於賄賂一節。或尚不敢肆行無忌。至於瞻徇情面。已恐不免。求其以校射為要務。勤加訓練者。更屬寥寥。若望其視兵如子。懲惡獎善。教以典禮倫常。及

治生之計者。竟無其人矣。試思八旗都統副都統。以及衆領佐領等官。層層管束。最為切近。如果認真體察。何事不可周知。即如前日御史西琅阿所奏。山東民人有專典八旗兵丁錢糧盤剝生計者。該旗員等早應聞而查禁。又何待御史之條奏耶。嗣後八旗都統等。務當各矢蓋誠。盡心職守。視國事如家事。實力誨導。嚴加查察。并隨時分別懲獎。俾兵丁等共知湔除惡習。崇儉戒奢。庶生計日饒凜。

遵法度如經此次訓諭之後仍不加意整飭以致舊俗日壞朕惟管理旗務之王大臣等是問將此通諭八旗知之○命光祿寺少卿盧蔭溥馳往山西會同工部尚書托津前赴四川查辦事件○旌表守正捐軀四川溫江縣民鄒文富妻蕭氏○丙申。

上幸萬壽山遣官祭昭忠祠○命大學士四川總督勒保來京供職以湖北巡撫常明為四川總督調雲南巡撫同興為湖北巡撫賞

翰林院編修孫玉庭三品頂帶為雲南巡撫○伯都訥副都統恒福以濫刑斃命革職以鑲藍旗蒙古副都統色爾袞為伯都訥副都統○以察哈爾牲畜因疫倒斃貸五品以下官員一年俸銀兵丁二年餉銀○丁酉諭內閣御史賽尚阿奏失察王書常假印冒領銀兩案內之戶部銀庫司員僅止降級廣儲司銀庫司員革職治罪一事兩歧又六庫郎中並未治罪定案遺漏等語廣儲司庫銀存貯

弘義閣在紫禁城內較外庫尤重王書常等冒領次數獨多經手司員漫無覺察予以褫職遣戍該堂官等亦分別議罪實屬咎所應得至於戶部三庫較內庫稍覺有閒而銀庫支發須憑部札係該部福建司主稿是以將主稿司員遣戍銀庫司員僅止降級與顏料緞匹兩庫之不憑部札者又有區別其六庫郎中於從前查辦時經內務府大臣以該員向不專司出納未經開送職名即廣儲司司

員內亦擇其經手承辦有失察之咎者方行送議並非遺漏朕辦理庶務權衡至當該御史未悉其中原委所奏無庸置議○調正紅旗漢軍副都統榮麟為鑲藍旗滿洲副都統鑲藍旗蒙古副都統果勒豐阿為正紅旗漢軍副都統以二等侍衛玉衡為鑲藍旗蒙古副都統○戊戌諭內閣近來升擢各員均於謝恩召對後方換新銜頂帶因思廢員內有本無頂帶現在加恩錄用者若於謝恩召對

時不用頂帶進內行走殊於體制未協嗣後如無頂帶之廢員經朕擢用著即用新銜頂帶赴宮門謝恩。償遇朕赴園進宮及傳膳辦事之日俱於道旁碰頭後再用頂帶豫備召對著為令。○又諭領侍衛內大臣等奏漢侍衛呈請給假一摺。向來漢侍衛當差一年方准給假除黃國瑞黃廣吉黃德中馮俊三已滿一年照例准假外其張青雲牛化蛟羅興馬當差甫經數月該員等或以親老或因親病呈請回籍省視原情曲體亦著准其給假。但該員等是否親老有無患病之處自當查明以昭覈實若其中果有捏飾忍以父母衰病為詞既非人子之道而藉端曠職又失臣下急公之誼著兵部行文各該省詳查如有不實即行叅奏嗣後漢侍衛未滿一年以親老病呈請告假者除准假外仍照此查辦。○賞三等侍衛恩明二等侍衛為庫倫辦事大臣尋以恩明年老耳聾令在大門上行走賞

和闐辦事大臣台斐音二等侍衛為庫倫辦事大臣調喀喇沙爾辦事大臣色克通阿為和闐辦事大臣賞三等侍衛哈隆阿三等侍衛為喀喇沙爾辦事大臣。○己亥諭內閣各部額設司員以繁簡分別題選其選缺中班次甚多非盡係捐班人員若題缺過多於一切選法皆屬有礙且各項分部人員統俟行走三年後該堂官嚴行甄別其不諳部務者自不得濫行奏留如果留心學習捐班中豈盡無可造就之材該御史何學林請將戶部兼綜要務司分郎中員外主事一例改題於年深應升人員內揀補其餘各部緊要之缺亦請酌量改題概不准捐班人員補用是欲嚴捐班升轉之階而不顧紛更定制有非政體也該部所駁甚是仍照舊例行。○諭軍機大臣等百齡韓對奏各路洋匪悔罪投誠分別辦理又海洋巨寇張保仔稟懇投誠各摺盜匪張保仔兩次具稟開呈大小船二百七

十餘號大小礮一千餘門頭目夥衆共一萬四千餘人懇乞投首此事尚未可信如果該匪真心來投自應將船隻器械全數呈繳何必呈懇留匪船至數十號之多若因隨同官兵出洋勦捕贖罪立功投首後豈無師船派撥又安用該匪豫為籌計自係該匪以近日各口岸嚴禁接濟無以為生勢窮力絀假意投誠冀作緩兵之術該匪等素性狡猾反側靡常儻情形稍涉可疑仍當乘勢攻勦以期淨絕根株切勿輕信疏防致蹈賊人鬼蜮伎倆所謂受降如受敵不可不慎之又慎即使該匪真心畏罪率衆來投亦須分別安插使之散而不聚聲勢無由聯絡再飭各地方官密加鈐束庶不致有疏虞若祇圖一時苟且將就不顧將來流弊滋多非萬全之策也所有此次奏明歸籍之各股投誠賊匪亦須一律妥為經理不可稍有疏忽又據百齡奏孫全謀所襲騎都尉世職應否仍留請旨定奪

等語孫全謀甫經留粵効力尚未補授官職自未便仍留世襲之職俟孫全謀捕盜有功著百齡再行奏請此時且勿令兵部揀選承襲若孫全謀不知感激出力併當斥革治罪將此諭令知之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十六

臣等謹將本年內各處奏報工程開列於左

一、順天府府尹奏為順天府城隍廟重修工程完竣恭摺具奏事

一、山東巡撫奏為山東巡撫衙門後園重修工程完竣恭摺具奏事

一、江蘇巡撫奏為江蘇巡撫衙門後園重修工程完竣恭摺具奏事

一、浙江巡撫奏為浙江巡撫衙門後園重修工程完竣恭摺具奏事

一、安徽巡撫奏為安徽巡撫衙門後園重修工程完竣恭摺具奏事

一、福建巡撫奏為福建巡撫衙門後園重修工程完竣恭摺具奏事

一、江西巡撫奏為江西巡撫衙門後園重修工程完竣恭摺具奏事

一、湖南巡撫奏為湖南巡撫衙門後園重修工程完竣恭摺具奏事

一、湖北巡撫奏為湖北巡撫衙門後園重修工程完竣恭摺具奏事

一、四川巡撫奏為四川巡撫衙門後園重修工程完竣恭摺具奏事

一、陝西巡撫奏為陝西巡撫衙門後園重修工程完竣恭摺具奏事

一、甘肅巡撫奏為甘肅巡撫衙門後園重修工程完竣恭摺具奏事

一、雲南巡撫奏為雲南巡撫衙門後園重修工程完竣恭摺具奏事

一、貴州巡撫奏為貴州巡撫衙門後園重修工程完竣恭摺具奏事

一、廣西巡撫奏為廣西巡撫衙門後園重修工程完竣恭摺具奏事

一、奉天巡撫奏為奉天巡撫衙門後園重修工程完竣恭摺具奏事

一、吉林巡撫奏為吉林巡撫衙門後園重修工程完竣恭摺具奏事

一、黑龍江巡撫奏為黑龍江巡撫衙門後園重修工程完竣恭摺具奏事

一、盛京將軍奏為盛京將軍衙門後園重修工程完竣恭摺具奏事

一、西安將軍奏為西安將軍衙門後園重修工程完竣恭摺具奏事

一、成都將軍奏為成都將軍衙門後園重修工程完竣恭摺具奏事

一、伊犁將軍奏為伊犁將軍衙門後園重修工程完竣恭摺具奏事

一、塔爾巴哈台將軍奏為塔爾巴哈台將軍衙門後園重修工程完竣恭摺具奏事

一、烏里雅蘇台將軍奏為烏里雅蘇台將軍衙門後園重修工程完竣恭摺具奏事

嘉慶十五年庚午二月庚子

上幸靜明園詣

龍神廟拈香○旌表守正捐軀山東鄆城縣民陳科妻張氏○除江蘇丹徒縣坍沒地二頃七十一畝額賦○辛丑春分朝

日於東郊命

皇次子旻寧恭代行禮○諭內閣工部奏請嚴河工另案工程一摺河工修防事宜首重歲修次則搶修如果認真經理自不應有另案之工從前例價不敷廳員等或借另案名目

通融辦理乃自嘉慶十一年加價之後歲搶修二項價銀業已增至兩倍而另案工程仍不減少據工部摺內稱查覈所奏各案其以舊埽朽腐沈陷壅塌另案開報者竟有四分之一是明係歲修工程不能堅實甚或祇將情形較輕處所畧事補苴轉將實係沈陷朽腐者留為另案開銷地步亟須劃定限制應即照工部所請嗣後著該河督等將每年三汛內修過工段丈尺分次開單具奏再行彙

案題估如有現在修防未經報明淤閉之工旋因舊埽空虛沈陷壅塌另案奏報者將所需銀兩著落該道廳等官分別賠繳不准開銷並著該河督等將各廳汛新舊埽工開具地名起止段落丈尺某段業經淤閉某段現在修防造具總冊送部其每年增入修防及續經淤閉者再於秋汛後專案另報以憑查覈又據另片奏十三年堵築各工現在尚未據該河督等將做過工段丈尺用過銀數開

單具奏恐遲緩滋弊請旨查辦等語南河十三年堵築各工已報竣一年有餘何以銀款尚未覈定將來日久難稽必有浮冒情事除飭令該河督等上緊造報外並切實查明將該道廳底冊有無浮冒之處覆覈具奏勿任滋弊○又諭此次京察屆期光祿寺漢少卿盧蔭溥在軍機章京上行走繕寫諭旨尚屬妥協節經派往外省查辦案件均無貽誤盧蔭溥著加恩交部議敘伊現在出差回京後

吏部不必補行帶領引見○又諭光祿寺卿善寶年逾七旬精力衰邁現屆京察本欲令其原品休致乃臨引見前該員忽以下車傷腿向吏部告假扣帶引見試思下車非墜馬可比何至遽有折傷明係託詞規避若照原品休致不足示儆善寶著以六品頂帶即行休致引見京察三四五品京堂各官得旨太常寺少卿色克精額差使勤勉著加恩交部議敘翰林院侍讀學士保麟欽天監監正

佟政年力俱就衰邁著以原品休致餘俱著照舊供職旌表守正捐軀直隸大名縣民柴敬妻連氏壬寅諭內閣據巡視西城給事中慶明等奏緝獲謀命兇犯並訪拏因販米石奸商二摺蕭三王大等圖得李三驢車輒將李三謀斃情殊可惡近年輦轂重地每有謀命重犯日久無獲若皆能剋期查拏何致正兇遠颺無可蹤跡今指揮曹攀華於數日內派役嚴拏就獲尚屬認真緝捕又將奸

商陳永等因積米石訪拏並究出帳簿及交易字號頗屬能事除將兇犯蕭三王大及奸商陳永等交刑部審訊定擬外曹攀華著加恩以應升之缺升用慶明周鉞併著交部議敘又諭方維甸等奏閩省洋盜現今投誠免罪所有承緝接緝之文武職名應否照舊開叅等語洋匪蔡牽朱濆早經殲斃其鳳尾幫張治等及朱濆全幫亦已率夥投誠前此被劫案內疏防之承緝接緝文武各員自可

酌加寬費但亦須量為分別著該督等查明各員疏防在三案以下者加恩准予寬免其四案以上者仍著照例開叅○又諭方維甸等奏節年海洋被劫臺運米穀懇恩豁免並另籌彌補一摺此項臺灣每年應運內地米穀自乾隆六十年至嘉慶十四年十月因海洋未靖商船被劫有一百四十六案計米三千餘石穀一萬七千餘石向來本無著賠之例經該省自定章程議令廳縣汎弁以及行保人等分別賠繳亦未奏咨著為定例今據方維甸等奏內洋距廳縣甚遠外洋距汎地更遙勢難兼顧且未弁以及行保人等類皆無力之人迄今未能呈繳等語是著落分賠亦屬有名無實現據該督等查有各屬存倉內耗米易穀一項不在常平額貯之內堪以撥補著加恩即照所請查明各該屬舊存新收確數可抵若干咨部辦理其原議分別著賠之處均予豁免此外有續經查出之案亦

著照此一律辦理又諭薛大烈奏為子續姻懇請將宣化鎮守備盧明善酌調督標一摺所奏荒謬已極實屬任性粗鄙不知政體兒女姻親事甚瑣屑豈可形之章奏率行入告且伊既知上司下屬現任內不准結親何難為伊子另行擇配乃必欲向所轄守備求婚竟敢奏請將該守備迴避督標以便其私殊屬膽大妄為除不准所請外並傳旨嚴行申飭先行逐出乾清門仍交部議處總兵蕭福祿違例作媒亦有不合並著交部察議尋議上得旨薛大烈加恩降補天津鎮總兵官蕭福祿降為副將赴部候補○癸卯以右春坊右贊善聶鎬敏署日講起居注官○甲辰上御勤政殿聽政○諭內閣前因刑部審擬蔣廷柱由午門潛入協和門私放爆竹一案降旨令軍機大臣將是日值班官兵在門當差有無曠誤之處查訊具奏茲據覆奏傳訊午門該班之副護軍叅領廷安護軍校巴揚阿

哈福三達色等俱供無曠誤情事。惟該官兵職司門禁不能實力稽查致被謊言混進殊屬疏忽。所有是日該班之叅領護軍校等著交該管大臣記過。其該班兵丁量予責懲亦無庸加以斥革。至協和門該班之護軍校忠敏護軍珠爾松阿一間爆竹聲響即將該犯拏獲尚屬認真自應量加獎賞。前此永琚具奏時僅行自請議處並未將該官兵等奏請分別勸懲亦屬疏漏。所有應賞之忠敏珠爾松阿二人即罰令永琚自行酌給。○諭軍機大臣等本日恩長奏查明引沁助衛濟運勢有難行一摺所論甚是。松筠向來讀書泥古往往不顧事之難行。輕率陳奏朕屢次訓誨而情性未改。此次簡任兩江總督尚未到任在途翻閱舊書輒以沁水引入衛河可以濟運亦不與總河等商榷即以己見入奏朕披閱時即覺其事有窒礙仍交河東總河河南巡撫詳查咨訪。前日陳鳳翔已奏稱斷不

可行。本日恩長覆奏之摺亦甚詳悉沁水入衛本無舊路不但武陟一帶沙底稀鬆難於建築開壩且沁水盛漲之際一經開放勢若建瓴設或橫流衝決則衛輝懷慶一帶各州縣民田廬墓均被淹浸其貽害又豈忍言至由臨清至韓莊開計有六七百里斷不能逆流南向是不能助衛以濟南漕轉致引沙以阻北運松筠於地勢南北高下何亦全然不知運道民生所關非細松筠不諳今昔情形冒昧入告設如所奏辦理豈不大有貽誤此事本當加以懲處念其究為急公起見姑予寬免著再傳旨申飭嗣後松筠於應辦要件惟當慎重熟思周諮博採體察時勢勿持偏見勿泥前聞於經理庶務方有成效若不悉心講求再將此等窒礙難行之事率爾具奏則不能寬其咎矣將此諭令知之。○調庫爾喀喇烏蘇領隊大臣倭星額為英吉沙爾領隊大臣賞已革葉爾羌幫辦大臣達慶藍翎

侍衛為庫爾喀喇烏蘇領隊大臣○乙巳諭
內閣向來

壇

廟大典其陪祀及執事之王公文武大員於穿
孝期內或仍當差或竟行停止未能盡一即
如太常寺官員於乾隆年間奏明因執事之
人穿孝百日後照常供奉祭祀現在兼光祿
寺之成書又因三年服制未滿不恭捧福祚
若以將事遠近有所區別而唱贊福祚皆屬
切近差使何以即有參差若以太常寺嫺習
禮儀之人較少而色克精額昨在家穿孝恭
值祀典並未見讀祝之員至會典開載官員
有服制者俱不齋戒陪祀而御前乾清門大
臣侍衛等併不上

壇仍行扈從若應在家守制而率意當差者即
為越禮若本應當差而在家不出者即為偷
安種種歧異殊與體制未協著大學士會同
禮部悉心妥議章程具奏尋議奏定制旗員

子為父母承重孫為祖父母皆在家持服二
十七箇月凡穿朝服等處停其行走今在

壇在

廟無不朝服將事視朝會宴饗禮數有加若二
十七箇月內即令其執事行走實與定制未
符又文武各官有期以下服皆不與不獨三
年之服為然嗣後太常寺有服人員應行迴
避之處請與各衙門畫一辦理惟期服人員
未便與陪祀官一例請改為兩月不與祭其
大功以下仍照舊例得旨此後恭遇

郊

廟大典即不上

壇入

殿之員其持服未滿二十七月者亦一體不穿
朝服毋庸扈從前往祇穿蟒袍補服送迎餘
依議 丙午戶部議准前護江西巡撫布政
使袁秉直疏報鉛山縣開墾田六畝有奇照
例升科從之○丁未遣官祭賢良祠○諭內

閻明亮前次晉封伯爵恭遇覃恩因伊子年幼遺漏未經請領誥軸此次賞封伯爵又係在上年恩詔之後與請封之例不符但念明亮久歷戎行著有勞績所有伯爵誥軸著加恩准其請領以鑲白旗漢軍副都統多福為內閣學士兼禮部侍郎銜調雲南提督喜明為直隸提督以廣東右翼鎮總兵官雙林為雲南提督賞降調陝西寧陝鎮總兵官楊芳三品頂帶為廣東右翼鎮總兵官調直隸天津鎮總兵官圖興阿為宣化鎮總兵官旌表守正捐軀河南儀封廳民金公成妻張氏戊申諭內閣汪志伊奏遵旨審訊喻李氏控案大概情形與原案互異請將原審之現任知縣知府分別革職拏問革審以便提同另案已革之知府歸案覆訊並請俟審明此案後再行來京陛見二摺此案葉秀圖謀棉線毆死胡紹德既於獲案後並未刑嚇即經直認而供證又皆確鑿自應起獲贓據

兇器以免疑竇何以前審喻春時疊經喻玠等具控呼冤承審各官竟不確切推勘率行刑求審轉以致喻春被誣伏法案關罪名出入甚鉅非尋常錯誤可比該督汪志伊能將此案悉心研鞫得有端倪尚屬認真從此根究明確尚當加以恩獎仍遵照前降諭旨俟同興陞見回任後再行起程來京務使要案水落石出不致稍有枉縱原審之應山縣知縣錢丙曜著革職拏問德安府知府雙慶著革職交該督提同另案參革之武昌府知府丁雲錦阿霖一併歸案嚴訊其率行審轉具題之歷任督撫臬司均有應得之咎並著分別劾參至現在審出實情之各委員俟定案時查明據實保奏又諭本日御史甘家斌條奏各摺多不可行據稱各部院宜多留堂官在署覈辦稿案奏事日期可否祇須滿漢堂官各一員豫備召對其餘堂官俱令逐日進署以免公事稽滯等語此其最謬者向來

朕在宮時各部院堂官進內奏事於召對後不過已刻儘可赴署辦事即軍機大臣偶遇退直稍早亦仍令各赴該管衙門畫稿辦事迨朕赴園各部院衙門有直日奏事之例每屆九日始一輪班其插班奏事係屬偶然此外俱可常川到署刑部案牘較繁遇直日之期仍令一堂官留署辦事且奏事之後未嘗不可到署豈因一日赴園公事即有稽滯耶若如該御史所奏則各堂官直日赴園者少不特進見日疏轉可藉以偷安顯開怠惰之萌矣此一節名為急公實係疲玩斷不能准行又所奏學正學錄由甲班出身者可否准其一體考差等語近來例應考差官員人數較多選充典試分校各差尚屬有餘豈復需此學正學錄一二員方能充數且科場年分不准條陳考試事宜該御史違例陳奏顯係受人囑託為私意而更成法以上二條俱屬不合著交部察議再所奏永遠監禁枷號各

犯請勅部查辦其監候待質各案並查明即行審訊照例辦理等語各省永遠監禁枷號官常人犯上年降旨查辦曾經刑部逐案具奏覈其情節皆重是以未予寬宥其監候待質人犯如命盜重案間有要犯未獲首從不能擬定者焉得不留以待質若如該御史所言先決從罪則首犯未獲又焉知其確係從犯乎若尋常案件可以隨時審結者自當隨辦隨結毋令久稽囹圄以免牽累至另奏飭別司員摺內以常與堂官見面為逢迎以專在司中辦事為謹慎並稱題升一切宜循資格京察一等毋庸保列主事等語部院公務堂司聯為一體司員中有勤奮供職者勢不能不與堂官相見若竟不謀面則堂官且不識其人又何能考覈勤惰該御史甚至謂之趨媚獻勤不亦謬乎各司員升轉一切如必循資按格不論其平日辦事如何則在家安居者皆得以資深題擢是題缺無異選缺何

以鼓勵人材主事人員原與郎中員外郎一律當差如果勤勉例應列為上考何容稍有歧視又奏檔房筆帖式酌量撤回本司辦事京察一等亦應與在司各員分別保送等語各部檔房事務較繁需員自多且遇京察之年其各司行走勤慎者亦均保列一等不僅係檔房人員若遞加裁減勢必差委乏人又奏各部堂印請改用硃砂印色分明易於辨別等語印信真贋全在承辦各員留心稽覈不使朦混若以為改用硃色即可杜絕弊端豈奸胥猾吏不能照色做用作偽亂真乎該御史所奏徒改舊章於事何裨均無庸議○旌表守正捐軀河南夏邑縣民楊海意妻李氏 己酉諭內閣本日朕恭閱

世宗憲皇帝實錄內載雍正五年二月二十三日

諭旨敬覽

聖祖仁皇帝實錄內康熙五十一年奉

旨山東民人出口種地者多至十萬有餘伊等皆朕黎庶既到口外種地生理若不容留令伊等何往但不互相對閱查明將來俱為蒙古矣嗣後山東民人有到口外種地者該撫查明年貌籍貫造冊移送稽查由口外回山東去者亦查明造冊移送該撫覆閱稽查等因此事今尚行否其直隸山西民人有往口外種地者亦照此例行否著大學士等查奏等因欽此嗣經廷臣查奏以口外種地民人於雍正元年二年三年陸續設古北口張家口歸化城三同知管理但地方遼闊各該同知所轄恐有遺漏應令直隸山西督撫查明酌量分交管理並飭三路同知各按所轄地方將寄居民人與種地民人查明姓名籍貫造冊咨查各本籍仍令各省州縣將所有出口種地民人記檔以備日後查對嗣後再有出口種地之人俱著該同知一西安插一面移咨本籍查無過犯逃遁等情准其居住耕

種年終造冊報部等語當蒙

允准施行因思口外各蒙古部落種地民人在聖祖仁皇帝

世宗憲皇帝時已因其人數繁多屢經

降旨設官管理立法稽查迄今又將及百年內

地民人生齒日繁出口謀生者益復加增即

原先出口之人亦復滋息日多其自雍正年

間添設同知以後現又增設官若干員各寄

居種地民人現在作何稽查遇有民人出口

者各該地方是否記檔該口外官員等是否

將有無過犯等情咨查本籍再行安插年終

是否造冊報部著該部查明覆奏尋戶部奏

查古北口張家口歸化城自雍正年間設立

三同知管理以後歸化城種地民人由該同

知通判各按所管地界照編造保甲之例每

年將舊存新到及回籍病故人數各若干註

明條何州縣民人造冊咨送臣部查覈除嘉

慶十四年人數尚未造報外計十三年分實

在民人四千九百餘名古北口以外灤平豐

寧二縣向係土著民人按冊輸糧熱河迤北

一帶係蒙古外藩游牧處所自乾隆四十三

年改設州縣以後民人集聚漸多山廠平原

盡行開墾均向蒙古輸租有家資稍裕搬移

眷屬者亦有偶值歉收投親覓食者張家口

地方偏僻關外東西兩溝雖有山坡墾種地

畝無多數十里外即係游牧草地並無可開

墾亦無村落商販往來俱由都統衙門給與

照票其餘隻身出入民人亦俱取具關內鋪

戶保狀方准放行此山西撫臣造報臣部各

關口造報兵部查覈之原委也至古北口張

家口外寄居種地民人現在作何稽查未據

咨報口外官員等是否將有無過犯等情咨

查原籍再行安插之處歸化城並古北張家

口外均未咨報應請

旨勅交直隸總督山西巡撫查明妥為安置按

年造冊報部查覈從之○引見各衙門保送

京察一等人員得旨此次京察一等圈出人員著各該堂官再行出具切實考語交吏部帶領引見所有圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見其漢軍漢合著交部以撫民同知通判照例選用翰林院侍讀鮑桂星詹事府司經局洗馬秦承業左春坊左贊善多山俱著准其一等內閣侍讀松長准其於中書任內一等加一級其餘內閣侍讀高泰等二百五十三員俱准其一等加一級戶部筆帖式德興阿著改為二等○
庚戌

孝昭仁皇后忌辰遣官祭

景陵○諭內閣前據山西河東道劉大觀奏奏初彭齡在山西巡撫任內任性乖張各款特派托津穆克登額前往查辦並令初彭齡回至山西聽候質詢茲據托津等按款確查分別虛實各取親供進呈請將初彭齡交部嚴

加議處劉大觀交部議處並其餘案犯一併定擬具奏朕詳加酌覈尚有未盡平允者上年金應琦患病請假派令初彭齡前往署理山西巡撫伊陞辭時朕並未降旨令其密查金應琦任內有何款蹟乃伊到晉之後遇事搜求動形白簡計前後數月所叅司道府縣等官為數實屬不少其中固有實在應叅者而其偏執已見任情憎惡率行糾叅者亦正不免今聞托津等查奏各款其最甚者如金

應琦查看號簿即行喚斥一款試思金應琦不過暫時患病之員並非解任去官不應妄行干與者可比伊查看號簿正係留心公事初彭齡自應將應辦之事與之商榷方為和衷集益何至遽加憎惡甚至向司道前指斥其非是其居心實屬褊淺至於試用知縣陶榮淦之死因緣職私敗露畏罪輕生而該員身係職官何得隱而不奏此一節亦屬疏漏且既知朱錫庚辦事不妥已向司道告知並

不即時參辦亦不免有瞻徇情事初彭齡著照托津等所奏交部嚴加議處仍令回陝西本任聽候部議俟議上時再降諭旨至河東道劉大觀奏初彭齡各款其最重者如稱初彭齡刪減諭旨一事如果屬實則初彭齡之罪甚大現在查明初彭齡上年奏請將伊門生徐承慶升補汾州府時於接奉中飭諭旨後當經給署藩司劉大觀臬司積朗阿公同閱看不過行司札內未經鈔粘止於遺漏實無刪減諭旨情事又所稱陶榮淦之死因初彭齡偏聽朱錫庚之言撤回省城欲行參革旋致自縊一節如果屬實案關重大今查明陶榮淦委係畏罪自盡是所告重事均屬不實又如所參平定州徐承慶虧空一事現據劉大觀自稱前次得自風聞此時會同盤查方知不實等語伊以本省之官言本省之事何得隨意入奏諉之風聞乎劉大觀於初彭齡分居僚屬當初彭齡在山西時既覺其

辦事乖謬即當隨時勸阻乃不面加匡正轉一一默誌其短待其去任之後加以參劾此非因初彭齡有將伊劾奏之處借此報復即係晉省怨恨初彭齡之人紛紛向其慫恿伊遂不顧虛實冒昧臚參此等攻訐上官之風亦不可長托津等僅請將該員交部議處所議尚輕劉大觀亦著交部嚴加議處即來京候旨餘著該部議奏尋議上得旨初彭齡著加恩以四品京堂補用就近侍養其親劉大觀著照部議革職○以故奉恩將軍善義子富哈禪襲職○辛亥諭內閣吳璥奏山陽縣平橋汛三鋪東岸土隄漫塌現在趕緊搶築並查參該工人員一摺狀元墩漫口堵合未久乃山陽縣屬瓦廟地方東岸舊隄忽有漫溢之事當此漕艘連檣北上之時於運道大有關係吳璥等務即督率道將等撥運料物趕緊堵合無誤漕運所有在工員弁兵丁失於防守搶護非尋常疏虞可比除辦工兵役

吳璥等現已枷責外。其承辦工役之試用通判孫齡僅予革職。不足蔽辜。並著枷號示儆。吳璥徐端俱著交部嚴加議處。○又諭盛京吉林寧古塔一帶環繞長白山。為本朝發祥之地。產毓人蕩。實為瑞草。二百年來附近山場創採日多。必須遠歷深山。方能採獲佳品。亦事理之所有。該處將軍等應將實在情形隨時陳奏。自可酌量辦理。至種蕩一項。以偽亂真。殊干例禁。乃近年各該處辦解官蕩。竟有攙雜秧蕩情事。此等秧蕩形狀雖覺腴潤。而性味實薄。是以每年賞給大臣等售賣之蕩多不得價。因尚未查得確據。未經覈辦。現據內務府奏。此次驗收官蕩。係會同稽察御史。令各該解員。眼同拆封。並添傳經紀鋪戶人等。認看盛京票蕩四十八斤十二兩內。堪用蕩十三斤四兩。泡丁十五斤八兩。外有秧蕩十八斤十二兩。及帶鉛泡丁一斤四兩。吉林票蕩五十九斤七兩五錢內。堪用蕩一

斤十二兩。泡丁十八斤十五兩三錢。外有秧蕩三十七斤十三兩二錢。帶鉛泡丁十五兩。寧古塔票蕩十七斤十二兩八錢。內堪用蕩八斤十二兩。泡丁六斤十二兩九錢。外有秧蕩一斤十四兩九錢。帶鉛泡丁五兩等語。寧古塔秧蕩尚祇一斤有餘。盛京已十居其六。吉林竟至好蕩轉不及一成。又盛京四等以上蕩六斤內。亦有秧蕩二斤。吉林四等以上蕩三斤二兩。大枝蕩十兩。竟全係秧蕩。該將軍等不能認真查察。均有應得之咎。賽冲阿甫經到任。並非伊任內辦理。無庸交議。外所有吉林將軍秀林等及各該承辦官員著交部嚴加議處。盛京將軍富俊及各該承辦官員交部議處。寧古塔副都統富登阿及各該承辦官員交部察議。其挑出之秧蕩及帶鉛泡丁著交原解官發回。著落該將軍等照數更換補解。如不能足數。即著照兩淮交價之例。分別四五等及泡丁定價解銀歸款。其如

何著落分賠之處。著該將軍副都統等自行酌議辦理。○壬子諭內閣。給事中慶明奏。請嚴禁京城內拆賣住房一摺。京城內住房。向例祇准轉相售賣。不准拆賣。乃近來竟有業主串通奸商。私行拆賣等弊。自應嚴行禁止。著步軍統領及管理街道衙門一體訪查。飭禁。毋任胥吏等藉端滋擾。○諭軍機大臣等。治河所以利漕。東南數省漕糧上供。天庾是必。運道通暢。方能源源轉輸。近年河工敝壞。而漕運亦日見阻滯。推原其故。其始因河湖多故。此衝彼漫。逐處淤墊。以致運道節節梗阻。有礙船行。繼又因漕務緊要。不能須臾停待。每年回空重運。相繼而行。催趲不遑。更無修防之暇。引黃濟運。為害滋深。故無一日不言治河。亦無一年不虞誤運。欲求兩治。轉致兩妨。殊為蘆慮。從前康熙年間。曾因辦理河工。停運數次。始能經理獲效。然彼時京通各倉儲積充裕。足備數載之需。非如今下情形。

每年僅敷支放。可比揆之事勢。欲倣照辦理。蓋有所難。但先事之虞。豈可漫無籌畫。前吳璥曾有由清江陸轉之議。而費重事繁。礙難經理。溯查元明時。本有海運之法。後因積久弊生。遂議停止。然其始轉輸利賴。未嘗不有。裨國計。此時亦並非輕言改易。惟未雨綢繆。不得不作萬一之想。設竟須計出於此。若不先為試辦。豈可冒昧徑行。聞江浙各海日本有商船赴關東一帶販運糧石者。每年絡繹不絕。其船隻習於風濤。熟於沙線。該二省均有出海之路。著松筠章煦蔣攸銘體察情形。或將本年漕米就近酌交商船灑帶若干。先為試行。以觀成效。不妨使商船畧沾微利。俾各踴躍承辦。一面仍催趲重運。北來總期於運務有備無患。是否可行。該督撫即熟籌妥議。據實具奏。○復引見京察一等圈出人員。得旨。高泰廉敬何金鮑桂星吳廷琛吳其彥齊鯤鄧廷楨謝學崇李振翥富倫布廣慶。任

烜華瑞查清阿。廉奇瑜。戴聰。約可清。阿覺羅。德奎。張業南。富綸。熊方受。周錫章。和舜武。富廉姚祖同。慕鑿明。山福森。泰敦良。陳廷桂。張文靖。韓文綺。齊嘉紹。興科。容海。汪玉林。陳啟文。錦明。巴克坦。音德和。多容安。熙昌。安柱。鮑勲茂。陸言覺。羅懷裕。西彰阿。俱著記名。以道府用。○戶部議准。前護江蘇巡撫。布政使慶保。疏報青浦縣開墾蕩田四十六畝。有奇。照例升科從之。○癸丑遣官祭

歷代帝王廟。○引見內務府保送京察一等人員得旨。此次內務府三院等處京察一等。因出人員著各該堂官再行出具切實考語。帶領引見。因出之筆帖式定祥。清安。存榮。著交吏部以撫民同知通判照例選用。所有一等官員達他筆帖式俱著准其一等加一級。筆帖式陞官保著改為二等。至年逾六十五歲之暢春園郎中德元。會計司員外郎德著。南苑六品頂帶苑丞官德俱著以原品休致。

餘俱准其照舊供職。甲寅
上詣
大高殿行禮。還宮。旌表守正捐軀河南上蔡縣民徐豹妻鄧氏。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十七

敬修端莊官樣是日講起歷歷上子太傅武成殿大學士王測閣領事稽察欽奉
上諭事件速管理工部事再新林院掌學士隨帶

加二級章加四級章 曹振鏞總兵武官太僕文淵閣大學士管理刑部事務加五級章 戴功元經筵日講起居注官太子少保內大臣文淵閣

提學閔憲孫承範集
工部事件處湖大學生部圖書翰林院掌院學士教習原吉玄鏡管內務府大臣錢黃滿洲都統步軍統領管

理戶部正庫奉宸苑清湖園等處總理工程處御膳房太醫院西洋堂事務軍工力三級隨帶力二級尋常加立制已銀二十一兩

英和紐海陽宮太子太保禮部尚書工部尚書兵部總管理國子監事務加級隨帶三朝冠飾四次 汪廷珍等奉

救世

嘉慶十五年庚午三月乙卯朔

上御太和殿視朝。王以下文武升轉各官謝恩。

○諭軍機大臣等。百齡等奏洋盜張保仔鄭保養率衆投誠。先經來船面見。經百齡諭將船隻礮械全數呈繳。並將眷屬人等先行上岸居住。方允代奏。該匪等猶豫不肯。適有喫咕喇貨船出口。開礮揚帆。該匪愈覺驚懼。將幫船移赴外洋遊奕等語。張保仔一犯。在洋肆劫多年。最為兇悍。其向線民等懇乞內投一節。看來本不出於至誠。今該匪雖到船面

見百齡自陳悚懼而船隻破械不肯全行繳出家屬人等又不肯遣令上岸居住轉欲藉出洋搜捕為名請將幫船給與七八十號嗣見嘆咭喇貨船開破出口旋即畏懼驚逃可見其性本游移殊為狡詐不實設百齡如其所請則該匪乞降之後仍可帶船出洋仍前伺劫海洋遼濶稽察難周是伊一股匪船竟

嚴加防堵所辦甚是。此等劇賊斷無招徠之理。百齡等惟當策勵官兵如張保仔一股仍在洋劫掠必當相機勦辦其前此乞降之言置之不論至其夥盜內如實有呈繳礮械同家屬登岸誠心乞降者則仍可允准如此次摺內所敘溫添壽鍾阿有等二百五十餘名原不妨賞其一命分別遣散但總不可將勦捕防禦事宜稍為鬆勁以期辦理淨盡海洋寧謐此為至要至節次投誠盜匪已將及萬

人亦應妥為安插。隨時留心防範。不可稍涉大意。將此諭令知之。○復引見內務府園出京察一等人員。得旨。此次內務府引見京察園出之坐辦堂郎中長申。六庫郎中德泰。造辦處郎中桂昌。上駟院郎中阿勒精阿。奉宸苑郎中阿揚阿。武備院員外郎雙慶。會計司主事都隆阿。俱著交軍機處記名。○丙辰。清明節。

上詣

壽皇殿行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。○命

皇次子旻。祭

孝淑皇后陵寢。○遣官祭

端慧皇太子園寢。○諭內閣。慶桂等奏據廣寧門巡役人等盤獲楊姓身藏鴉片烟六盒。請交刑部審辦一摺。鴉片烟性最酷烈。食此者能驟長精神。恣其所欲。久之遂致戕賊軀命。大為風俗人心之害。本干例禁。該犯楊姓。

膽敢攜帶進城。實屬藐法。著即交刑部嚴審辦理。惟此項烟斤。近聞購食者頗多。奸商牟利販賣。接踵而來。崇文門專理稅務。僅於所屬口岸地方稽察。恐尚未能周到。仍著步軍統領五城御史。於各門禁嚴密訪查。一有緝獲。即當按律懲治。並將其烟物燬棄。至閩粵出產之地。並著該督撫關差查禁。斷其來源。毋得視為具文。任其偷漏。○諭軍機大臣等。吳敬等奏趲辦三鋪缺口情形一摺。此次該

工坐蟄過水既無風雨又非汎漲吳璥等曾疑有盜決情事本日摺內何以並無一字提及今三鋪缺口既易施工則日前之漫溢自係有人偷窺此而不嚴密查辦將來大汎經臨設有奸人亦欲生工牟利所關匪細著吳璥等詳悉訪察據實奏聞不可稍有迴護又另摺奏查明另案新生埽工實在情形河工修防事宜每年於歲修之外又有搶修並准增例價開報如果認真經理則另案工程自

應日少一日何以年來未見大減恐承辦工員未免有浮冒之處仍著查照工部奏定章程將新舊埽工起止段落劃清界限並嚴飭工員各發天良於歲搶修各工覈實辦理毋任稍有偷減儻現在修防未經報明淤閉之工旋因舊埽空虛沈陷蟄塌另案奏報者即將所需銀兩著落該道廳等官分別賠繳庶工員等無從影射滋弊○調安徽巡撫董教增為陝西巡撫以浙江布政使廣厚為安徽

巡撫江蘇按察使穆克登布為浙江布政使湖南岳常澧道靈保為江蘇按察使○予陝西陣亡兵丁王伏才等七名賞卹如例○旌表撫卹孤貧浙江諸暨縣監生應榮如例○旌表守正捐軀河南汝陽縣民劉漢山妻周氏○丁巳

上幸圓明園○刑部奏審明澄喜搭死伊父畏罪自盡一案得旨此案澄喜搭死伊父佳渾之處雖無生供可據而訊據院鄰各供及該指揮勘驗情形案證確鑿其為澄喜搭死毫無疑義該犯已倖逃顯戮仍著戮屍示眾惟上年十二月初八日不見佳渾之後若該旗叅佐領及時即至其家詳加查察便可得該犯逆倫罪狀何以直至該犯澄喜畏罪自戕後於本年二月初十日經該指揮前往勘驗在木櫃內搜出佳渾屍軀始得究訊確情該旗叅佐領疏率之咎實無可辭該部僅請察議尚覺稍輕所有此案失察之該旗叅佐領

著內務府查取職名交部議處嗣後各旗人遇有報逃之案該管叅佐領即至其家查明及時呈報毋得稍有稽延致干咎戾○己未諭內閣朕恭閱

世宗憲皇帝實錄內載雍正五年

諭各都統等以八旗人員乃國家根本養育教誨不可少懈佐領者乃統轄一佐領之人俾佐領下人等皆不失生計不染惡習養之教之使趨於善爾等宜為國家宣力正己率物

獎勸懲戒勉習文武之業欽此仰見我

皇祖訓勉周詳樂育八旗人材至意當時風俗人心尚屬淳樸猶恐漸染澆漓不習於善

特命管旗各員勤加勸懲迄今又將百年八旗子弟大半沾染習俗而該管官又不實心化導隨時約束將何以使之遷善遠過漸返敦龐乎八旗滿洲一佐領下多不及數百人戶不過數十家其居址雖不盡毗連里巷而散處較遠者亦祇在數十里之內該都統副都

統猶如外省督撫叅佐領猶如兩司道府驍騎校猶如州縣試思州縣所轄地方遼闊戶口繁多尚應周察無遺豈一佐領下人轉難管轄惟在該管官平時留心稽考孰為安分守法有志向上孰為不守正業怙惡不悛申詳叅領都統分別勸懲則善者益樂為善即不肖之徒亦知懼而不敢為非矣至於叅佐領驍騎校如果實力奉行著有成效該都統等亦當酌量保薦予以優獎如有怠職者即

據實叅處毋稍迴護庶旗人等共相警勸漸摩向善蒸蒸日上朕實有厚望焉將此通諭八旗知之○命嗣後內閣票擬本章遇有因瘋殺死人命之案除一命二命者仍照向例票擬九卿議奏外如係三命以上止票寫斬決斬候二簽進呈○旌表守正捐軀福建永春州民楊于妻徐氏○庚申諭內閣據慶怡等奏請將察哈爾塔勒圭等處開墾地租作為每年正額徵收等因請旨一摺察哈爾牧

場地方開墾本干例禁。今已爾桑阿等膽敢募民開墾。不但有礙牧場。日久必致缺乏。牧馬地方。殊屬不成事體。已爾桑阿。松齡。承續舒恒。塔爾巴。均著交部分別議處。其越境開墾之間。散薩恰等著交部治罪。除將已墾地畝。每年作為正額升科外。仍著該地方官察哈爾總管等。隨時親往嚴查。永遠禁止。不許私墾。嗣後如有私墾。該地方官不行親往驅逐。一經查出。定行治罪。○旌表守正捐軀直隸威縣民張三妻劉氏。山東昌樂縣民李宣女李氏。○辛酉。

上詰

時應官拈香。○還宮。○諭軍機大臣等。據蘊端多爾濟等奏。伊等在恰克圖交界。會見俄羅斯固畢爾納托爾。據云。俄羅斯人等欲遣使納貢。仍請荅使。伊等已置之不問。蘊端多爾濟即回庫倫等語。俄羅斯人等性情詭詐。不可深信。是以節次降旨。令蘊端多爾濟等

於遣使之事。斷不可俯就。今閱蘊端多爾濟等所奏。會見俄羅斯固畢爾納托爾情形。不特現在暫不遣使。仍希冀天朝先遣使臣前往。此事斷不可行。蘊端多爾濟等既已置之不問。自應聽伊等如何呈請。至此時固畢爾納托爾若遣人探問。蘊端多爾濟等即云。爾俄羅斯國若遣使納貢。儘可呈請大部轉奏。大皇帝亦必恩准。不惟爾來使往返妥為照料。中國亦必格外俯賜。爾來使佳品。今來會時。甚屬恭順。爾使臣入京瞻覲。自必尤為恭順。爾使臣至庫倫時。亦不筵宴。亦不令行三跪九叩謝恩禮。爾等若不遣使呈請。我等不敢冒昧具奏。俄羅斯等若言及天朝遣使赴該國之事。蘊端多爾濟即云。天朝入覲納貢屬國甚多。從無遣使赴外國之例。此等邊疆之事。王大臣等斷不敢瀆請。如此曉示。徑行駁飭。俄羅斯等如果恭順呈請納貢。遣使入覲。蘊端多爾濟等一面斟酌具奏。一面仍遵

前旨辦理。儻呈請文內仍有答使之語。即以不敢具奏。飭駁。再行奏聞。斷不可令其遣使也。將此諭令知之。○理藩院尚書博興。因病解任。以正紅旗漢軍都統佛爾額。為理藩院尚書。○以烏里雅蘇台將軍觀明。兼正白旗漢軍都統。○旌表守正捐軀四川名山縣民鄭守學妻閔氏。○壬戌。諭內閣。御史周鉞奏請豫禁踐踏御道一摺。實屬無謂。朕歲舉巡行。典禮攸關。地方官修除橋道。以備蹕路。經臨該督派文武員弁晝夜看守。屆期朕又特派大員分段巡查。並於上年添派虎槍處官兵隨同管理。如有踐踏御道者。自必嚴拏懲辦。但道路寬狹不一。寬展處所。可備副道。以便車馬經行。其狹隘處所。如白河。瀾青石梁等處。向無副道。是以於車馬過後。臨時搶修。若扈從官員人等。先期不准一人行走。則應赴前營豫備執事官。勢必至於貽誤。該御史從未隨圍。於差次情形。未能深悉。且所

言本係現行事例。毋庸申禁。原摺著擲還。近來各御史條奏。非摭拾陳言。即紛更舊例。於國計民生有何裨益。朕非不採納羣言。但欲期實效耳。○又諭刑部。奏黑龍江將軍及江蘇山西廣西各巡撫造報已未到配並到配已逾十年軍流等罪官犯。將應否准減摘敘。案由開單請旨一摺。朕詳加披覽。愛星阿一犯。前於該佐領妄拏探親迷路之哈薩克岳羅拜誣指為賊。該革員今已革主事吉勒通阿刑訊致岳羅拜受刑誣認。尚無授意情事。且該革員曾經効力戎行。著有微勞。葉金標一犯。前帶兵防守海邊汛地。被賊搶去礮位。倉猝不及抵禦。該革弁因此受傷落海。免水得生。陳添柱。王萬春。胡大雄。倪振先。沙文秀。錢開雲。黃智林。楊秀成。周榮貴。九犯。前於洋面盜匪擄劫商船。失於防守。該革弁等均係陸路。其咎止於疏防。業經發遣軍臺。已足蔽辜。黃輔隴一犯。因地保兵章貴欲索詐僧人。

光輝從憑擊突。吳章貴逼令光輝出銀免究。致光輝情急自傷咽喉。業經調治平復。該革員並未得贓。到配已逾十年。蕭明高趙起鳳二犯因外委林安邦被賊匪焚劫所管汛地內礮位房屋。該革員等究係兼轄。且到配後亦均逾十年。以上各犯情節尚有可原。均著准其援減。餘俱不准援減。○旌表守正捐軀廣東龍門縣民洪欣才妻張氏。○癸亥。

上耕藉詣

先農壇行禮。更服至耜田所。

躬耕三推。復加一推。

御觀耕臺。命怡親王奕勲慶郡王永璘榮郡王綿億各五推。吏部右侍郎榮麟。戶部右侍郎桂芳禮部左侍郎秀寧。兵部右侍郎成書刑部右侍郎景祿。工部右侍郎顧德慶。都察院左副都御史潤祥。通政使司參議康綸。鈞大理寺卿曹師曾各九推。畢。順天府府尹率農夫終畝。賞賚農夫耆老如例。○幸圓明園。○

旌表守正捐軀直隸冀州民魏良善妻張氏。

○甲子

上啟鑒恭謁

東陵。○調鑲藍旗蒙古副都統玉衡為吉林副都統。以塔爾巴哈台參贊大臣祥保為鑲藍旗蒙古副都統。○免蹕路經過地方本年額賦十分之三。○是日。駐蹕湯山行宮。○乙丑。孝賢純皇后忌辰。遣官祭。

裕陵。○是日。駐蹕三家店行宮。○丙寅。諭內閣。

溫承惠奏原任知縣丁攀龍徐潤二員在直有年。於地方工程情形均所熟悉。現有降調處分。懇請捐復留直一摺。丁攀龍徐潤俱著加恩准其捐復原官。留於直省差委。俟有相當缺出。酌量補用。又另片奏原任知府蘇勒通阿因公降調。該員老成端謹。熟諳河工地方。懇請留直以同知通判補用等語。蘇勒通阿係部議降四級調用之員。例應赴部候選。但朕聞其居官尚好。素有清聲。現在若令歸

部選用應歸入降四級班次。且一時亦未能得缺。著加恩改為降三級。留於直隸。遇有相當之通判缺出。即予奏補。○兵部奏。拏獲偷竊稿案書吏。請交刑部一摺。得旨。此案書吏錢秉初。輒敢將兵部遠年稿案私賣錢文。鋪戶劉姓收買。衙門稿案作為廢紙。均屬藐法。著交刑部審擬具奏。其起出吏部稿案。並交吏部查明一併歸案辦理。兵部堂司各官自請處分。著照所請。交部分別察議。至各衙門

稿案均屬緊要。該書吏等敢於偷竊。售賣。或另有作弊。營私。意圖銷燬情事。亦未可知。著通飭各衙門一體留心檢查。妥為防範。並著步軍統領衙門隨時飭緝。一面出示曉諭各鋪戶等。如遇有售賣稿案者。立即呈首到官。必當官給賞錢。以示獎勵。伊等知售賣廢紙所獲有限。而一經首繳之後。獲利轉多。自不肯私自收買。以致獲罪。而書吏等亦必知畏懼。斂跡矣。○是日。駐蹕大新莊行宮。○丁卯。

清 實 錄 嘉慶十五年三月

駐蹕白瀾行宮。○戊辰。駐蹕隆福寺行宮。○己巳。

上恭謁

昭西陵

孝陵

孝東陵

景陵

裕陵。俱未至碑亭。即降輿。慟哭。步入

隆恩門。詣

寶城前行禮。躬奠哀慟。王以下文武大臣官員

均隨行禮。○祭

先蠶之神。

皇后親詣行禮。○是日。迴鑾。駐蹕桃花寺行宮。

○庚午。諭內閣。多隆武奏。旅次被竊。失去硃批奏摺等件。自請交部議處。一摺。據稱伊於二月內。陛見時。將應繳硃批奏摺。敬謹帶京。擬於奏事之便。隨時封繳。嗣因在京無應奏事件。仍行帶回。行至山東德州留智廟地方。

被賊竊去等語。外省硃批奏摺。向俱附便繳回。若該員自行帶京。則奏繳更便。多隆武於陛見時。既將硃批奏摺附帶至京。何以遲延不繳。又復帶回。殊屬可笑。且被竊之留智廟地方。係伊管轄汛地。疏懈之咎。實所應得。多隆武著交部議處。其偷竊硃批奏摺之賊匪。著該地方官嚴緝務獲。○直隸總督溫承惠奏。明年巡幸五臺。蹕路向無行宮之處。請添蓋板房。

上命軍機大臣傳旨詢問。溫承惠自認愚昧。並請遵旨將向來一切點綴。概行停撤。得旨。朕何難據奏。將溫承惠交部議處。沽美名而邀衆譽。朕不肯為。此後再如此嘗試。亦祇得交議矣。○旌表守正捐軀山東萊陽縣民陶尚忠妻蓋氏。○是日。駐蹕盤山行宮。至甲戌。皆如之。○辛未。賜扈從王公大臣等食。並賞賚有差。○諭內閣。許兆椿。蔣攸銛。奏浙省幫丁駁回米石。酌請分年折價歸還一摺。漕糧為

天庾正供。該幫丁等於領運之後。經管不善。致有微變。既經盤驗駁回。自應責令賠解。好米惟現據該漕督等奏。浙江漕船歸次。已遲受免急迫。驟難購買多米。請照上年江省折價歸還之例辦理等語。江省上年黑變米石。既係折價歸還。浙省事同一例。未便兩歧。此次姑照伊等所請。准其每石折銀一兩四錢。自十五年本運為始。分作五年繳完。但此後遇有黑變米石。若俱援照辦理。則上倉米石

愈少。而幫丁利於折價。沿途弊混益多。何以實倉儲而肅漕政。嗣後各省幫丁領運赴通。俱責令一律交納好米。儻有微黑。不能上倉。一經駁回。即嚴飭該丁照數賠繳好米。搭解歸款。毋得仍援此例再有瀆請。○浙江巡撫蔣攸銛奏。護黃巖鎮遊擊守備陳秉助。歲除出洋擒獲盜匪多名。命以應升之缺。先予升用。○旌表守正捐軀山西垣曲縣民王丕靈媳陳氏。○癸酉。諭內閣。恩長奏籌辦挑濬趙

王河上游之陶北河酌議動項歸款一摺。陶北河界在直豫兩省之間。為趙王河上游。自應挑挖疏通。以蓄陂水而資利濟。現經陳鳳翔恩長查估豫省應辦工段。並遴委工員協同地方官雇集人夫。剋期興舉。該督撫等務當督飭所屬上緊辦理。以期妥速。歲事所有需用例幫兩項價銀一萬五千四百五十餘兩。著照所請在於封邱、蘭陽、考城等縣地丁內。自嘉慶十六年為始。分作八年攤徵歸款。

○又諭溫承惠奏審明謀毒親姑身死委員覆訊照例辦理一摺。此案固安縣民婦李張氏謀毒伊姑王氏身死。情節確實。罪應凌遲。原無疑義。審明後亦例應恭請王命辦理。但此等情重案犯。該督自應親自過堂。覆加研鞫。溫承惠雖現在差次。時日不至過久。即俟至回省再辦。尚不為遲。乃該督因在公出期內。輒照尋常案件。交清河道覆訊辦理。究屬輕率。溫承惠著交部察議。現在犯婦尚未正

法。仍俟該督回省後。照例訊辦。餘交該部議奏。○乙亥。旌表守正捐軀直隸深州民王仲妻景氏。○是日。駐蹕白瀾行宮。○丙子。諭內閣。朕前此俯允晉省士民之請。於明年三月內親詣五臺。為民祈福。因恐該省地方官員踵事增華。多為豫備。徒滋糜費。特將該處各廟宇內指出十處。係當日曾經

皇考高宗純皇帝屢次親臨者。降旨交護理山西巡撫素納。令其照舊修葺。此外毋得違旨豫備。該護撫接奉諭旨。自應恪遵。妥辦。將應行修葺者。敬謹豫備。不得草率貽誤。其未經指出者。豈得任意增添。乃本日據素納奏稱。五臺工程。除殊像寺等十處業經修葺外。其大道兩旁蹕路。經由各地方及向來欽派官員行禮各廟。均應量加油飾。以壯觀瞻。並開單進呈。朕詳加披閱。內湧泉寺等三處據稱附近行宮尖營。俱已修葺外。又萬佛閣二十五處。俱係蹕路經由附近之處。亦擬量加修

飾又五臺頂各廟宇五處。因係遣官行禮亦擬酌為修葺。是又於前次指出十處之外任意加增三十處之多。大興工作。不遵前旨。明係承辦之員欲為開銷浮冒地步。試思此等廟工多修一處。即當添費若干。今素納增至數十處之多。費將何出。無非科派百姓。俾屬吏飽其私橐。殊屬違制妄為。上不能體朕之心。下不知卹民之苦。太不曉事。素納著傳旨嚴行申飭。並交部議處。所有該處各廟工除降旨應修十處。敬謹修理。不得遲誤外。此外未修各工。俱著停止。若朕臨幸時查出有增修之處。必將素納再行嚴議。○是日。駐蹕烟郊行宮。○丁丑。諭軍機大臣等。首齡等奏。粵洋巨盜張保仔香山二等。畏罪乞降。先令鄭一嫂即鄭石氏來省。繼將各家口送省。一併安置。現據稟報。幫船二百七十八號。夥黨一萬五千人。全赴香山縣之芙蓉沙海。已聽候收驗投誠。並百齡親往查辦。緣由一摺。洋

盜本係內地民人。不過因餬口缺乏。無計謀生。遂相率下洋。往來掠食。伊等愚蠢無知。但知趨此營生。亦不知干犯王法。歲月既久。愈聚愈多。甚至不服擒拏。冒死抗拒。自百齡到粵以後。遵旨斷其接濟。水米火藥無從出洋。而又團聚鄉勇。整飭兵威。認真防範。該匪等遂不能上岸掠食。現在越南又不能銷贓。生計窘迫。半年以來。各股盜匪。皆紛紛棄械投誠。而現在張保仔等大股賊匪。亦率其夥黨前來乞降。在伊等來降之意。仍不過為謀食起見。並非真知大義。自悔前愆。但現在既將船隻礮械悉數呈繳。聽候點驗。並將其家口人等先行送省登岸。看其情節。尚無虛偽。若必拒而不許。轉致生反側之心。亦非寧謐海洋之道。且人數既眾。亦不忍概予駢誅。但其頭目夥黨有二萬餘人之多。安置實屬不易。既不應按口給糧。又無給產養贍之理。伊等為求食而來。若無從得食。勢必仍去而為匪。

况前此節次投首之衆已有數千。而此後投誠之人尚恐不止於此。必須妥為籌畫。俱令口食有資。不再滋事。設遇有滋事者。官能擒拏辦理。不致棘手。方為萬全無弊。現在百齡等稱設法安插。無稍疏虞。伊等究竟如何設法之處。即悉心經理。據實奏聞。至摺內稱張保仔等請留船二三十號。下洋緝捕一節。伊等投誠之後。情願隨同官兵出洋自効。未為不可。但須散而不聚。將伊等分派各船。交與妥幹將領留心鈐束。使其人少勢孤。不相聯絡。方為妥協。若竟准其自帶多船。別為一隊。不但將來立功之後。礙難驟加顯職。且恐伊等因無人管束。又復恣行不法。劫掠商民。並藉稱奉官派往。則查辦尤難。此節亦關緊要。百齡等務當布置周密。使之遵奉約束。幫助官兵。如果認真出力。不妨量加獎勵。若為賊所害。即可毋庸置議也。將此諭令知之。○以故喀爾喀車臣汗扎薩克貝子威多布齊旺

弟朋楚克多爾濟襲訃。○以廣東龍門協副將曾文華為左翼鎮總兵官。○旌表守正捐軀直隸安平縣民陳蘭香妻張氏。○以廣東高州廉州一帶歉收。糧價增昂。命酌量平糶。○是日。駐蹕舊衙門行宮。翼日如之。○戊寅上詣元靈宮永慕寺行禮。○行圍。○賞蹕路經過看守各行宮弁兵半月錢糧。盤山行宮弁兵一月錢糧。○己卯上行圍。○諭內閣。素納奏審明謀殺親夫犯婦一摺。此案據該護撫摺內所敘。門鮑氏年十六歲。先經郝文明調戲成姦。嗣與門關喜子成親之後。因門關喜子年甫十一。不懂人事。欲圖另嫁。遂起意將門關喜子致死。按律將該犯婦問擬凌遲。郝文明並無知情同謀情事。照例科以姦罪等語。所辦尚恐不實。不盡門鮑氏與門關喜子成親。不過數日。門關喜

子雖年甫十一。不知人事。尚可待其長成。該氏即淫蕩無恥。仍不難與郝文明乘便續舊。何至遽將伊夫致死。恐係郝文明從中主使。伊知門閹喜子年小力弱。門鮑氏一人可以致死。無庸幫同下手。是以該犯未經親身在場。亦未可定。此案門鮑氏致死其夫。罪名已無疑義。但姦夫有無同謀。主使情事。關繫罪名出入。不可任令漏網。著該護撫再行親提各犯詳悉覆訊。定擬具奏。○予福建廣東捕盜被戕縣丞余倭署守備葉遇高千總蘇明揚。梁韜。把總蘇國樑。外委惠連升。嚴有信。武舉何定鰲。祭葬世職。臺灣出洋淹斃把總劉光國。祭葬卹廕如例。○是日。駐蹕南衙門行宮。○庚辰。諭內閣。兵部奏議覆福州將軍慶成請酌裁駐防馬匹。即以節省馬乾銀兩。添設養育兵月餉一摺。福州駐防額馬五百六十匹。既據該將軍奏。地土蒸溼。馬匹易於受病。若合棚餵養。恐致傳染。今酌留四百匹。足

敷操演。分給兵丁拴餵。亦可專心照料。係為調劑馬政起見。著照所請辦理。至旗兵生齒日繁。度日未免拮据。今既有裁減馬乾。若以之添設養育兵。俾資養贍。亦於八旗生計有益。著加恩。亦照所請。添設養育兵一百六十名。每旗各添二十名。作為定額。即以此項酌減馬乾抵充月餉。所有減馬添兵各事宜。即著該將軍妥議具奏。○賞看守南苑各行宮苑戶一月錢糧。海戶銀一千兩。○是日。駐蹕圓河行宮。翼日如之。○壬午。諭內閣。工部議駁汪志伊等奏請將充公木植變價興修黃鶴樓一摺。所駁甚是。向來各省修理工程。如城垣衙署等項。係屬官工。方准動撥官項。從前雍正乾隆年間。三次修理黃鶴樓。俱係地方官自行捐辦。此時何得奏請將入官木植變價充用。各省似此名勝甚多。若紛紛請帑修葺。成何體制。汪志伊等率意請行。殊非慎重錢糧之道。著傳旨申飭。該處供奉

皇考高宗純皇帝御筆。地方官原應敬謹守護。既據稱年久應修。即著汪志伊等自行捐辦。毋得輕動公項。將來完工之日。亦不必奏請御書扁額。

皇考奎題。照耀千古。此時毋庸另行頒給也。○是日。駐蹕新衙門行宮。○癸未。上還圓明園。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十八

嘉慶十五年庚午夏四月甲申朔享太廟遣成親王永理恭代行禮。○諭內閣吏部奏請將任意增修五臺廟宇之素納革職一摺。朕來年巡幸五臺。為地方祈福。屢經申諭。毋許徒滋糜費。其應修廟宇。指出十處。特令修葺。以備駐蹕時親詣拈香。乃素納竟欲增修至三十處之多。豈朕在彼數日。祇以拜廟為事耶。若云豫備遣官行禮。亦不過灑掃潔淨。何必徒事觀美。此皆為承辦之員。豫作浮冒開銷地步。素納被其慫恿。本應醵職。姑念

嘉慶十五年庚午夏四月甲申朔享太廟遣成親王永理恭代行禮。○諭內閣吏部奏請將任意增修五臺廟宇之素納革職一摺。朕來年巡幸五臺。為地方祈福。屢經申諭。毋許徒滋糜費。其應修廟宇。指出十處。特令修葺。以備駐蹕時親詣拈香。乃素納竟欲增修至三十處之多。豈朕在彼數日。祇以拜廟為事耶。若云豫備遣官行禮。亦不過灑掃潔淨。何必徒事觀美。此皆為承辦之員。豫作浮冒開銷地步。素納被其慫恿。本應醵職。姑念

尚未動工著從寬改為革職留任來年朕臨蒞時如應修各工不能堅實其不應修者任意增添甚或加以點綴備辦音樂必當從嚴褫革決不寬貸○乙酉

上御勤政殿聽政○諭內閣向來遇鄉會試大典循例豫行考試試差以備簡用每次考試外間多有稱考取名次漏洩妄生擬議者實為近時陋習本年考試前一日御史賀賢志具奏一摺請於官員點名單後即將派出閱

卷大臣予以關防殊屬無謂定例科場年分不准條奏場務況伊本係應考之員即使確有見聞自當早為陳奏何必於考試之前一日始行奏及耶○試思所派閱卷大臣皆大學士尚書侍郎等若必嚴密關防謂伊等俱不足信是跡近猜疑豈君臣相示以誠之道且考試試差之卷並不易書各大臣等如平日有認識筆跡者又豈關防所能杜絕○賀賢志違例條奏即付之吏議處分亦不甚重著毋

庸交部如伊不與考則已若現已報考即著扣除至屢屆考差係由閱卷大臣將擬定甲乙另書空名之名單隨卷進呈候朕親拆彌封填註姓名及至點放時則經朕特簡有名次在後而出試差者亦有名次在前並房考官俱不用者原不掄定所取之高下此次著閱卷大臣竟不必排定名次惟各於所閱之卷將取與不取分為兩束自註銜名一體進呈候朕詳加披覽親定去取前後以杜浮議

即其所閱之卷是否公當亦無難一覽而知也○又諭御史吳椿奏請賦嚴歲額責重經徵均平差務清查實欠各條一摺均係舊例應行查辦者如各直省州縣攤捐一項原為辦公之用但應解正款錢糧尤關緊要自應按照舊額將所解銀兩先清正款至經徵之員責有攸歸必當年清年款豈容掩舊挪新致滋弊混其各省出差之員不能不派用州縣然亦須輪流遴委以均勞逸而免偏枯

又民欠一項。凡有催科之責者。總宜實力清查。是否實欠在民。自不得以正項未完。藉詞掩飾。以為侵挪地步。以上各事宜。惟在督撫等實心經理。第奉行日久。未免視為具文。著再行申諭。務各一體凜遵。隨時查辦。毋得久而生懈。○以候補三品京堂薩彬圖為光祿寺卿。○丙戌。
上還宮。○以本年鄉試考試應開列試差各官於乾清宮。○以常雲祀

天於

圓丘。自是日始齋戒三日。○戊子。

上詣

南郊齋宮齋宿。○諭內閣向來恭遇

大祀。朕閱祝祝版。讀祝官奉至殿上。安設之後。

三叩退出。俟該堂官進至案前展祝。朕敬謹

閱視。該堂官復行加祝。然後讀祝官就案上

奉請安設龍亭。乃此次

零壇大祀。朕閱祝祝版。該讀祝官德齡於安設

案上三叩之後。不行退出。即將祝祝版奉請。維時有與伊序立之人。密向指撥伊方照前安設退出。實屬失儀。不可不加以懲處。德齡即著罰俸一年。並將伊本年京察記名外用銷去。毋庸再交部議。明日祀期。不必令伊上壇恭讀祝版。嗣後祇准充當遣官處差使。其明日恭讀祝版。著另派滿興。至德齡奉請祝版失儀之時。該堂官俱未及見。著毋庸交部議處。亦不必自請處分。○己丑。常雲祀

天於

圓丘。

上親詣行禮。○幸圓明園。○庚寅。諭內閣。與奎

奏接到阿爾塔錫第呈報色克通阿行至吐

魯番患病之信。即派年滿主事職銜古裕付

帶領醫生前往吐魯番看視。因一時不能痊

愈。遂令色克通阿回京等語。奉派辦事大臣

患病均應行抵任所。妥為調理。如不能痊愈。

再據實奏請。另行簡派。與奎一聞阿爾塔錫

第呈報色克通阿中途患病之信。僅派主事職銜古裕付帶領粗通鯨理之醫生往看。並未親見色克通阿病勢。亦未聲明染患何病。惟照阿爾塔錫第所報。色克通阿一時昏瞶。不省人事。一時稍覺明白等語。含混具奏。並令色克通阿回京。殊屬任意妄行。派往新疆人員。設有不願前往。途中捏稱患病者。豈有概令回京之理。興奎甚不曉事。除申飭外。仍交部議處。並著通諭陝甘總督。陝西巡撫。及駐劄哈密古城等處辦事大臣等。色克通阿行至何處。即由何處派醫驗看。色克通阿究患何病。明白具奏。若果病勢沉重。即留在彼處妥為調理。痊愈時。仍令前往和闐新任。若醫治不能痊愈。即據實具奏。到時再降諭旨。○辛卯。上幸萬壽山。○賞已革工部尚書蘇楞額。圓明園六品苑丞。已革工部左侍郎阿明阿。八品筆帖式。在熱河當差。已革山西巡撫成寧。以

六部主事用。○壬辰。諭內閣。晉昌等奏。民人張得喜逞兇。故殺復連傷三人。請旨即行正法。一摺。此案張得喜。先與楊浩之妻楊李氏通姦。旋因楊浩夫婦索錢未與。欲絕往來。該犯輒將楊李氏連扎多傷。立時殞命。且於扎死楊李氏之後。復持刀往楊浩妻母李張氏家尋扎。楊浩未遇。又扎傷攔勸之李張氏等三人。淫兇已極。且犯事在新疆地方。自應從嚴懲辦。以儆兇頑。張得喜著即處斬。嗣後新疆遇有此等案犯。毋庸復行請旨。餘著照所擬完結。○諭軍機大臣等。本日章煦覆奏。試辦海運一事。據稱蘇省惟有大號沙船。尚可灑帶米石。約計裝運之費。每一百石。即需費三百兩。且商船與軍船不同。不能安設氣筒。易滋微變等語。海運一事。流弊本多。原非必欲如此辦理。但年來河道阻滯。重空船隻行走。諸多不便。萬一漕運稍有貽誤。自不得不設法籌辦。今據章煦查奏。海運礙難辦理。蘇

省如此。浙省大畧相同。此時竟可無庸試辦。然漕糧關繫重大。籌辦不可不周。現據漕督等奏報。本年漕船渡黃。較上年遲至四十餘日。萬一大汛經臨。再有阻滯。勢必復議截留。米石既多。一切拋撒徵變。俱不能免。而天庾正供。歲有短絀。成何事體。在河臣經理不善。固當重治其罪。而該督撫等身任地方。亦豈有坐視漕糧貽誤。不行設法運京之理。該督撫務當未雨綢繆。除海運外。尚有何法。詳加籌畫。妥議章程。豫行陳奏。以期有備無患。將此諭令知之。○甲午。

上幸靜明園。詣

龍神廟拈香。○幸靜宜園。○雲貴總督伯麟等奏。肇獲賓川州聚眾謀逆奸民陳老公等首夥多名。知縣王禹甸等升用有差。賞通判色克精阿藍翎。首報之貢生劉浩舉人一體會試。並銀二百兩。武舉平安邦武進士一體殿試。並藍翎。罵賊捐軀村民施安名。把總銜。

照陣亡例賜卹及妻子二名。旌表如例。○是日駐蹕靜宜園。至戌戌皆如之。○丙申。諭內閣。豐紳殷德前於嘉慶四年賞給公爵。在散秩大臣上行走。嗣因被已革長史奎福控告。革去公爵。賞以頭等侍衛。補放副都統。尚能勤慎供職。復賞給伯爵銜。近年來於一切差使。俱能小心無誤。現在抱病未痊。著加恩賞給公爵銜。用示眷念。○旌表守正捐軀安徽寧國縣民饒傳哲妻曹氏。○丁酉。

上御演武廳閱健銳營操。○旌表守正捐軀奉

天義州馬甲顧勇保妻金氏。○己亥。

上幸靜明園。○還圓明園。○旌表守正被戕湖

北鍾祥縣民彭士望妻朱氏。○庚子。

孝端文皇后忌辰。遣官祭

昭陵。○改設熱河統轄大員。諭內閣。口外沿邊

地方。自康熙年間。已有內地民人在彼耕種

居住。百餘年來。流寓漸多。生齒益眾。雍正元

年以後。節次添設官員。現在吉林盛京直隸

山西口外毗連一帶共設有一府一州五縣十二廳此內各廳有隸吉林將軍統轄者有隸奉天府尹統轄者有隸山西巡撫統轄者至承德府所屬各州縣及宣化府口外三廳皆屬直隸總督統轄地方遼闊於吏治察覈刑名審轉諸多不便朕意當於熱河地方設一大員將承德府等處附近各屬專令統轄應如何改隸統屬並建置各事宜著大學士會同各該部妥議具奏尋議熱河原設副都統一員應請裁汰改設都統一員除管轄駐防官兵外所有附近一帶蒙古事件向屬稅員兼管者俱改歸該都統專辦惟查八溝三座塔烏蘭哈達三處向派理藩院司官各一員收稅塔子溝係八溝分口向派理藩院筆帖式一員收稅地方遼闊應添派司員將筆帖式撤回此四處請照察哈爾游牧理事司員之例俱改為蒙古理事官為都統之屬都統衙門應添設筆帖式二員至民人租種蒙

古地畝向無存官冊檔自應及時清釐並交理藩院行文該盟長扎薩克等諭以上軫念蒙古久遠生計慮及開墾益多有妨游牧嗣後各部落內除先經開墾地畝外不准再有私招民人開墾之事現在該處聚集民人既有十萬八千六百餘戶應責成理事司員州縣等嚴查勿令再添外來流民庶可杜蒙古地畝日逐增墾其窮苦者得以孳息牧產流寓民人安居耕種該扎薩克等亦長得租銀津貼辦公一切均有裨益從之○諭軍機大臣等張師誠奏洋盜悔罪投首分別辦理一摺洋盜沈帶悔罪投誠並將船隻礮械呈繳尚非怙惡不悛可以寬其一線所有沈帶等首夥三百一十名著加恩均免其治罪即照該撫所請酌留三十名出洋配緝餘俱妥為安插又據另摺奏閩洋近日雖無大幫匪船其小仁及鳳尾等幫尚有餘匪目前勦捕更比從前緊要等語所論甚是此等零

匪雖非大幫可比。然不早為撲滅。則日久勾結。又致漸成大幫。必須悉數殲除。不可因投誠者多。稍為鬆勁。近日廣東盜夥。投誠者竟至有數萬人。未免存招致之見。殊為懸慮。此等海洋劇盜。人數既衆。心各不齊。安能保其不再滋事。是此時該省餘匪。當悉力勦捕。方為正辦。張師誠即一面札會督臣。一面嚴飭各鎮將分投勦捕。期於辦理淨盡。設鎮將等泄泄從事。即嚴行叅辦。俾知儆戒。將此諭令知之。○遣侍郎英和帶領侍衛十員往奠故固倫額駙豐紳殷德茶酒。賞銀五千兩治喪。照公爵銜賜卹。○旌表守正捐軀河南葉縣民張秉元妻朱氏。○辛丑諭內閣御史昇寅奏請禁八旗童試懷挾槍冒一摺。所奏甚是。各省考試文章。俱於入場時詳加搜檢。原以查禁詭遇。遴拔真材。何以八旗童試向無搜檢之例。若竟以懷挾傳遞習為故常。在學臣憑文取錄。必致挾帶詩文者僥倖入選。而

真材反被斥落。童試為士子進身之階。不可不嚴加防範。以端本源。而正文風。嗣後八旗童試。著順天府照考試編譯生員之例。奏請欽派王大臣逐名搜檢。並著步軍統領衙門。於圍牆外加意巡邏。嚴拏傳遞。以清弊端。至向例入場之日。各該旗俱有叅佐領領催等親行識認送考。乃奉行日久。視為具文。更不免有頂替代倩之弊。所有各旗委出之叅佐領領催等。如有於考試日期託故不到者。並著稽察之御史查明叅奏。○諭軍機大臣等。百齡等奏盜首張保率衆投誠一摺。張保懇乞內投。出於真情。現據該督等准其投首。祇可如此辦理。惟張保請賞留船隻。隨同舟師緝捕一節。此斷不可行。該降匪等果欲立功報効。應俟首繳船械後。將伊等另配兵船。派赴前敵。既資其力。又可藉以鈐制。如有傷亡。加以卹賞。其奮勇當先。殲擒多盜者。予以官職。用示鼓勵。方為正辦。若聽伊等管帶原船。

自成一隊不特洋面遼闊難以約束即使伊等實心報効屢有擒斬是專賴降匪之力用之緝捕官兵竟成虛設豈不為其輕視儻再生反側官兵亦不肯出力尚復成何政體且人數衆多安能保其悔罪之心盡皆如一設日久衣食無資又復出而為匪此實必有之事必然之理總須妥為安插使其各圖生計安分守法不致再生事端為要將此諭令知之○旌表守正捐軀河南長葛縣民朱蓮女松妮甘肅平涼縣民李三怒妻楊氏○壬寅上幸萬壽山詣

廣潤祠拈香○癸卯諭內閣錢楷奏拿獲白晝夥衆連劫兩家之各盜犯審明定擬一摺已批交刑部議具奏矣此案王樂德等均係土人膽敢糾衆至七十餘名之多白晝持械偕至把荷墟劫掠劉殷相唐世良兩家銀錢衣物走至歸順州湖潤寨地方經該巡檢張振遠將人贓一併盤獲即行押解天保縣

而在逃之劉亞關一犯復敢糾邀夥衆至該巡檢衙署希圖搶犯適各犯已經解縣劉亞關等奪犯未遂即行劫該巡檢衙署拒傷家丁該犯等以土人糾衆肆劫非尋常盜案可比該撫審明後即應恭請王命將為首之犯先行斬梟數名其餘犯再候部議方為正辦乃概行循照成例辦理實屬拘泥設夥犯劉亞關等於獲犯內又有奪犯免脫等事俾逃顯戮尚復成何事體廣西地處邊陲近聞盜案繁多尤不可不隨時懲治該撫務當嚴飭所屬留心查察一有獲犯即按律嚴辦以靖閭閻至該巡檢張振遠於所管汛地即將為首之犯盤護解縣尚屬能事張振遠著即以縣丞升用無庸送部引見○又諭文弼等奏請豫支糧庫銀兩採辦駐藏官兵食米一摺據稱向來駐藏官兵所食之米俱係先將米價銀兩交商上噶布倫由帕克哩錯拉二處營官採辦秋冬二季兵米隨時採買支放其

米價即由各兵鹽折銀內扣除。惟春夏米價昂貴。須於每年秋成後。豫為購買存貯。以備支放。約需用銀一千八百餘兩。該營向無公項。可動皆借用糧庫銀兩。通融辦理等語。駐藏官兵食米。動借糧庫銀兩採買。始自乾隆五十九年。相沿已久。究係私自挪用。茲既據文弼等奏。實因官兵辦米需用。著照所請。嗣後採買駐藏官兵春夏兩季食米。准其由糧庫豫發銀一千八百兩。交該營守備承領轉交商上採辦米石。運貯該守備衙門。俟按月支放後。仍將各兵鹽折銀兩扣存歸款。以清庫項而裕兵食。○又諭文弼等奏審明西藏糧員盜用庫項一摺。蔣作梅專司口外軍餉。理應潔己奉公。膽敢私挪庫項。交商生息。已屬藐法。甚至將恩賞喇嘛銀兩。及後藏兵餉易換低潮。撓發侵漁。肥己而於喇嘛與漢人口角爭鬪。又不秉公聽斷。意存袒護。事關邊情。設或激成釁端。尤屬不成事體。蔣作梅著

照所擬。即於西藏正法。以昭炯戒。所有該員原籍資產。前已降旨與任所貲財一併查封。著即查抄入官。至文弼等於此案雖失察於前。但既經查出審辦。所有自請嚴議之處。著加恩改為議處。○又諭兵部奏巡捕營協緝馬譚氏母女被殺案內。降留各員可否依照步軍營之案。准其挑拔應得處分。仍帶於新任等語。巡捕營現在都司守備千把等官。共十餘缺。未經挑補。如將世職候補等項盡行抵補。於緝捕難期得力。若專取健銳等營官員補放。亦未免諸務生疏。著照所請。巡捕營降留各員。照步軍營之案。遇有缺出。准與健銳等營人員一體揀選挑拔。其降留處分。仍帶於新任。但此案於上年奏限滿時。復經展限一年。自立限以後。迄今日久。未獲近日祿康等於此案如何設法緝捕之處。總未奏及。未免意存鬆懈。幾又視同海捕。茲特嚴行申諭。若仍不上緊緝拏。將來一年限滿。除本督

到任未久尚可量從末減。所有祿康英和必當予以實降實革。不能再邀寬貸。○甲辰諭內閣。御史高鶚奏請嚴禁新疆書吏役滿久留一摺。所奏甚是。向例各衙門書吏五年役滿。即行飭令回籍。原以防積久弊生。立法至為嚴密。況新疆地處遼遠。尤非內地可比。若該書吏等役滿後。仍以藉資熟手。留而再留。保無狡譎之徒。因緣為奸。有串通詐偽情事。不可不防其漸。嗣後新疆各處書吏五年役滿。即照例速飭回籍。勿任逗遛。如因新吏生疏。暫留幫辦者。亦不得留過二年。其已留再留之例。著永行停止。○乙巳。以江西南昌城守協副將花連布。為九江鎮總兵官。○丙午。上幸靜明園詣

龍神廟拈香。○諭內閣。據薛大烈奏訪聞福建民人流寓天津之蘇花臉等。開賭窩娼。即派員弁密拏。當經獲犯四十六名。起出刀矛各件。現交天津縣知縣凌泰交看管等語。天

津密通京都蘇花臉等。膽敢窩賭窩娼。藏有器械。以備兇鬪。殊屬不法。應即按律懲辦。惟案內人數衆多。若解往保定。程途較遠。恐有疏失。著派穆克登額溫汝達。前往嚴審定擬具奏。薛大烈前因違例與屬員結親。冒昧瀆奏。降為總兵。仍帶革職留任處分。今能督飭營弁緝捕匪徒。尚屬認真。且伊曾在軍營出力。所有革職留任處分。著加恩開復。○刑部議駁兩江總督松筠審擬糾衆毆斃多命之

徐守剛等一案。得旨。此案徐守剛糾衆至五十餘人。持械趕毆。致斃二十五命。該撫僅照擅殺以七人擬抵。將來秋審。仍可入於緩決。是七命併無一實抵者。何以昭平允而服死者之心。且釁由搶割灘地禾稻而起。自應分別官地民產。庶無枉縱。乃原勘既稱係官斷給與楊愷之地。後又稱楊愷之地應一併充公。前後兩歧。且徐守剛價買楊愷產業原契。亦並未調驗。殊難憑信。部駁甚是。著交該督

松筠再親提人證卷宗覆加研訊另行定擬具奏。○諭軍機大臣等臺灣屯務前經福康安等定議在南北二路分設各屯將未墾番地撥給開墾其民人已墾番地勘丈收租官為經理立法甚為詳備今據方維甸奏體訪番情艱苦皆由各屯未墾之地多被奸民社丁人等串通欺詐誘令典賣越界霸占地方官全不經理所致實屬廢弛至應徵屯租原係廳縣收發乃前署臺灣府楊紹裘等輒議令屯弁自行徵收散給各丁不復官為經理以致刁民抗欠甚多而屯弁又從而侵蝕屯丁苦累益甚該府等擅改章程不奏不咨是何意見除現在臺灣一縣仍歸該縣徵收外其餘一廳三縣方維甸已派員查勘分別清查著俟查報到時將所有屯地屯租各事宜會同張師誠查照舊定章程悉心詳議奏聞並將違例廢弛各員一併叅奏方維甸於該處一切辦竣後起程內渡前經有旨准其陞

見該督順赴江寧看視伊母即行來京瞻覲可也將此諭令知之。○丁未諭內閣本日召見刑部堂官據稱日內刑部應行呈進本章頗少朕當經詢以因何稀少之故則稱刑部案件多與各部院衙門會議必俟議覆到後方能繕本具題現在咨出各件多未覆回須俟陸續呈進等語各衙門會議稿件均有例限何得任意遲延以致題本稽緩將來必又有壅積之弊除飭令各該衙門趕緊咨覆外並著各該堂官查明現在未覆刑部各案件如已逾限三日以上者即自行奏請處分以儆怠玩。○戊申諭內閣崇祿奏審明行竊朝鮮牲畜及受賄隱匿官常各犯分別定擬一摺此案瑪英額烏扎那留成三犯均係錫伯旗人甘心犯竊已屬不顧顏面甚至越邊偷竊朝鮮牛馬更屬大干厲禁無恥已極該三犯應即銷除旗檔先在邊門地方枷號一年俟滿日再照崇祿等所請發往伊犁充當苦

差已革防禦佛爾果春身係職官知瑪英額等偷竊外藩牛馬並不稟報轉庇護同族私收贓畜貪鄙藐法亦著先行枷號半年俟滿日再發往伊犁充當苦差哈青阿本係該處旗兵有查拏匪棍之責於瑪英額等行竊時窺見形跡可疑即向查究尚知旗人顏面為重若彼時即送官究辦則不但無過而且有功並當加以獎賞升擢今哈青阿竊破後即同間散邁德方長西蒙額捆縛回家私行拷訊實有不合但此時若將伊等嚴懲則嗣後遇有出邊偷竊之案該兵丁等俱相率觀望不肯認真緝拏於邊防甚有關繫哈青阿邁德西蒙額三人原擬枷杖之處著加恩寬免哈青阿並著免其革役○己酉

上御勤政殿聽政○諭內閣溫承惠奏審擬糾衆訛詐匪犯一摺此案陳大見周景潞異鄉浮寓箱籠沈重疑有厚資又見伊妻陳氏婦孺可欺輒敢起意誣指家人馬稅圖與之通

姦糾約多人持械入室逼令認姦甚至翦去主僕頭髮作為當場捉獲證據較之強盜尤為兇很可惡已極該督擬請將陳大即予斬梟其餘各犯俱按律擬絞請即行正法所辦甚是惟均請押赴犯事地方處決人多恐有疏虞著祇將為首之陳大一犯在該處正法梟示以昭炯戒其馬八于三金七劉玉山四犯即著於省城處絞馬三杜太霍三三犯亦照所擬於犯事地方枷號三箇月滿日發往黑龍江給披甲為奴無庸復交部議○又諭御史甘家斌奏請實行編戶成法等因一摺向例各州縣鄉鎮村莊設立門牌保甲俾其互相識認稽察原所以詰奸究而弭盜賊而每歲編戶審丁彙冊報部閒遇水旱偏災發帑賑卹按冊而稽自不至於浮冒立法最為詳密乃奉行既久竟同具文不但容留匪犯無人舉發致今日久潛匿恣為不法而偶遇偏災散賑則奸吏蠹胥浮開戶口較歲報丁

冊往往增多。任意獎混。殊不成事體。嗣後各省督撫於編設戶甲一事。務須飭屬實力舉行。俾奸匪不得潛藏。即申報晴雨及約收實收分數等事。並與編審丁冊認真稽察。則戶口多寡。年歲豐歉。隨時覈對。不致浮混。亦可杜捏災冒賑之弊。將此通諭知之。○又諭前因方維甸奏臺灣鎮總兵武隆阿道員張志緒於械關重案辦理遲延。交部嚴議。經部臣議請褫職。復經朕諭令方維甸於到臺後詳查該鎮道有無諱飾及辦理不善之處。並平日官聲如何。據實具奏。到日再降諭旨。茲據覆奏該鎮道於械關一案查覈節次摺奏俱屬實情。委無激變諱飾情事。其平日居官辦事武隆阿於營伍積習未能整飭尚無別項劣蹟。此次在北路查辦輿情允服。張志緒外任未久。辦事不能果決。官聲頗為謹慎等語。是該鎮道之咎止於辦理未能迅速。武隆阿張志緒均著加恩改為革職留任。仍著方

維甸傳知武隆阿以伊本係棄瑕錄用之人。此次復經朕格外矜全。嗣後一切營伍事宜。務須力加整頓。張志緒於地方公事亦當實心經理。持以果斷。勿得仍前遲緩。以副朕宥過施恩至意。○諭軍機大臣等方維甸奏察看班兵情形一摺。內稱班兵三年期滿即應停餉候代。而內地班兵又不能按限到臺。遂致舊班曠誤。差操新班未能充額等語。此項換防班兵。當新舊更替之際。舊班業經停餉。而新班未到。設遇有徵調。難期得力。朕意嗣後班滿候代兵丁。仍令其支領餉銀一半。新班換防各兵亦先予一半。俟新班到臺後。再將舊班餉銀停止。庶該兵丁等無所藉口。而差操可期無誤。至向例派撥班兵。原以漳泉之兵較勝他處。用資防禦。但漳人護漳。泉人護泉。每遇械關之案。不免心存瞻顧。積習相沿。各分氣類。嗣後換防班兵。或可於別府各營內揀派東渡。以備操防。如有地方緊要事

件再於漳泉兵丁量行徵調如此酌為變通。是否可行。著方維甸等體察情形詳議具奏。尋奏查班兵應支糧餉。向例按四月十月晝一起住。是以班滿候代兵丁應於班滿之日即行停餉。茲蒙

聖諭。班滿候代兵丁仍令其支領餉銀一半。即內地新派換防各兵亦先予以半餉。俟新班到臺後再將舊班兵餉停止。是新舊更代之兵皆有半餉口食。更為充裕。至換防兵額向係按內地各營兵數派定。若將漳泉之兵停派。悉於別府各營內改派前往。內地未免空虛。且覈計水陸各營不敷派撥。似可仍循舊例。仍責成臺灣鎮約束稽查。隨時駕馭。以期漸除積習。惟查北路協左營班兵內有水師提標兵二百五十名。悉係泉人。該營駐劄彰化縣所轄地方。多係漳莊。竊恐不能相安。今應請將北路協左營泉籍水師兵二百五十名派往臺灣協。即以臺灣協之閩安海壇烽

火營水師兵二百五十名調往北路左營。該兵等皆福州福寧等府之人。一轉移間。兵數相符。人地較為妥協。從之。○以故奉恩將軍雙德子德克進襲職。○廣西布政使李銘年老。命留京以三品京堂用。以戶部主事齊布森為廣西布政使。○調浙江黃巖鎮總兵官陳琴為定海鎮總兵官。以廣東澄海協副將沈添華為黃巖鎮總兵官。○庚戌諭內閣。百齡奏遵旨審明勦捕洋匪案內之已革各將弁。按律定擬一摺。此案王國寶何葵吳協山等各帶師船在洋緝捕。見賊退避。均屬罪無可逭。但王國寶何葵於賊船衝拒時適值天氣陰黑。各兵怯退。該革員喝阻不住。慮及勢單失事。隨同駛退。至吳協山因兵船擱淺。匪船追至。輒畏懼棄船逃避。覓水上岸。以致米艇被賊劫去。情罪尤重。吳協山著即行正法。餘俱照所擬辦理。○辛亥諭內閣。汪志伊奏民船失火延燒在次。漕船查明已未兌米石

物件分別灑帶賠補一摺。漕船受兌水次。儻有疏於防範之處。該管官均難辭咎。自應查明照例辦理。茲據奏稱。襄陽衛漕船二十一隻。於停泊處所。猝被民船失火。延燒該糧道。即率同押運廳弁等。極力撲救。共救護漕船十九隻。惟段恩鄒學道漕船二隻。已被燒燬。並致燒斃人口等情。是此項漕船。因民船失火。延燒。尚非疏於防範。且該管官率同弁丁等。奮力撲救。僅止焚燬二隻。其水手人等。並猝被焚斃受傷。情殊可憫。所有該管官。應得處分。著加恩寬免。其被焚已兌米石及松板等件。均著加恩免其賠補。仍照例於下年搭運。被焚漕船二隻。亦著官為補造。至失火民船。是否連人焚燬。溺斃有無。捏飾並著該督查明據實具奏。○以兵科給事中陳中孚為雲南鄉試正考官。翰林院編修朱方增為副考官。編修石葆元為貴州鄉試正考官。聶銑敏為副考官。○壬子刑部議奏湖南民人鄧

良粹假官詐騙一案。得旨。此案鄧良粹即鄧良。崔瞻敢詐稱都統。出京滋事。誑騙錢文。並捏造大員書信。編寫謬妄字句。煽惑愚人。實屬可惡。該部擬以斬候。轉得少稽時日。鄧良粹著改為絞立決。○旌表守正捐軀四川大邑縣民古可宗妻彭氏。○癸丑。上幸萬壽山。○緩徵直隸清苑滿城蠡縣高陽新安。安肅定興新城唐博野望都容城定祁束鹿。正定。獲鹿。阜平。靈壽。平山。晉新樂。易涑水。廣昌。藁城。深南宮。武邑。衡水。新河。深。武。強。饒。陽。安平。定。曲陽。深。澤。四十州縣。麥收歉薄。新舊額賦。○是月。兩廣總督百齡等奏。報查辦洋匪張保等五股。首夥收繳船械。並酌留充伍一摺。得旨。目前祇可如此辦理。日後終有不妥。蓋貪功者無遠圖。久亂者難猝治。爾等誌之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十九

機大臣等本日都察院奏山東日照縣民馮愛遣子馮耀尊控告以伊弟婦馮厲氏率領多人將伊弟馮爰毆斃一案已降旨交穆克登額溫汝道二人於天津審案畢後馳往山東審辦矣此案據原呈所控馮爰因無子買妾伊妻馮厲氏悍妒不容即回至母家率領伊兄厲志成等多人毀牆入室竟將馮爰毆斃當經報縣相驗究出實情乃因厲志成之叔充當本縣總役聲氣勾通各犯俱未到官

敕修

嘉慶十五年庚午五月甲寅朔乙卯諭軍

嘉慶十五年五月甲寅朔乙卯諭軍機大臣等本日都察院奏山東日照縣民馮愛遣子馮耀尊控告以伊弟婦馮厲氏率領多人將伊弟馮爰毆斃一案已降旨交穆克登額溫汝道二人於天津審案畢後馳往山東審辦矣此案據原呈所控馮爰因無子買妾伊妻馮厲氏悍妒不容即回至母家率領伊兄厲志成等多人毀牆入室竟將馮爰毆斃當經報縣相驗究出實情乃因厲志成之叔充當本縣總役聲氣勾通各犯俱未到官

迨後祇以素患大麻瘋手足俱廢之屬廷選塞責完案覈其情節甚有關繫此案如祇係厲志成等將馮爰毆斃尚係尋常鬪殺之案然亦不應縱令正兇漏網若竟係馮厲氏主使以致馮爰被毆身死是馮厲氏一犯係屬主謀服制攸關罪名甚重尤不容朦混率結案懸兩載馮爰前在本省疊次具控該管上司自應親提審訊以成信讞何以該撫及臬司仍不過批府集訊豈不慮其迴護前斷現

已降旨令吉綸提齊犯證卷宗迎交欽差審辦穆克登額等馳赴山東著即徹底究訊秉公辦理如原辦不實據實叅奏將此諭令知之旌表守正捐軀直隸赤峯縣民王文魁女坡姐○丙辰

孝誠仁皇后忌辰遣官祭

景陵○丁巳諭內閣五城錢鋪五家互保之事既據該御史等議奏舊有各鋪多至三百五十餘家礙難紛紛查辦致滋擾累著照所請

將從前舊有錢鋪免其取保嗣後陸續新開之鋪仍遵前旨取具五家互保以備稽覈而杜奸欺○戊午諭內閣前因給事中胡大成叅奏川省匿名指訐督藩款蹟一摺派令天津等前往查辦據稱訪查蜀都賦及聯對起於十四年正月間勒保曾經巡捕官拾取聯句稟知因查詢無據旋即寢息朕以此事勒保既早知覺因何不行奏聞當降旨令其明白覆奏茲據稱蜀都賦實無所聞賦內所

云何事亦無從懸揣其拾取聯句所指係責打生員彭述軒及網縛知縣王應辰二事勒保因俱叅辦有案是以未奏迨來京祝嘏又以事屬已往不敢上瀆宸聰等語勒保身任封圻既知匿名聯對所言款蹟於己有涉自應奏明查拏嚴究方為正辦乃隱忍不言已屬咎無可辭迨降旨詢問勒保惟稱萬分悚懼愧汗交流並不自請議處勒保豈竟以此二事不應陳奏耶此案匿名控訐編寫賦聯

現交托津等確切訪查將來無論虛實勒保已先有應奏不奏之咎著交部議處○己未諭內閣張師誠奏舟師攻獲盜船及兵船遭風情形一摺此次遭風兵船猝遇風暴人力難施自係實在情形業經該撫飭令另換船隻出洋其各船下落及沈失礮械等件仍當嚴飭確查所有落水傷斃之兵丁歐日升等二名及壓斃兵丁曾朝等三名淹斃兵丁陳安等九名均著咨部議卹其受傷兵丁業經該撫賞給醫藥銀兩如因傷致斃並著照陣亡例賜卹其胡于鏐陳琴兩幫內傷斃淹斃兵丁並著分歸閩粵兩省照例咨部議卹又另摺奏提訊乞降之洋匪張弗等犯審明酌議發遣一摺未免過當此案既據張弗供稱赴護總兵陳琴護遊擊周應元兩處乞降現在等候沈帶同投適遇兵船即駕杉板小船迎投稟訴等語該犯若果意存觀望一見官兵方逃竄之不暇豈有轉駕小船上前迎訴

之理該撫於張弗一犯擬以發遣黑龍江給披甲為奴黃註等三犯各減一等辦理未為平允所有張弗一犯著改為徒三年黃註一犯著改為杖一百李景明主暹二犯著改為杖八十發落以昭情法之平○又諭御史西琅阿奏請照定例畫一刷卷一摺戶部三庫並內務府廣儲司銀庫及戶部捐納房向來祇將出入錢糧數目或按月或於年終彙奏並不將文卷移送河南道刷卷行之已久上年因工部書吏假印冒領一案復命軍機大臣會同三庫內務府妥議章程層層稽察立法已為詳盡並行知各衙門一體遵照如果承辦之員認真稽覈自足以清弊竇儻如該御史所奏將收支數目概行移送河南道查刷試思上年冒領一案即係江南道專司稽覈何以未經查出甚至該道書吏通同作弊可見稽覈之道惟在循名責實若徒多設科條於事何益且紛紛更改舊章亦非政體現

在河南道本分應查事件已屬不少。果能稽覈精詳。即屬盡職。又何必復將向不經管之事移送查覈為耶。該御史所奏毋庸議。○辛酉。以大理寺卿曹師曾署都察院左副都御史。○壬戌。諭內閣。吏部奏候補筆帖式錫禮岱呈請分部行走一摺。錫禮岱前因庫案獲咎革職。朕念伊父博興年老患病。是以加恩將錫禮岱賞給筆帖式。俾在家侍養。以慰其心。今伊急欲分部行走。則伊父仍乏人侍奉。所請不准行。錫禮岱著在家養親。聽候部選。○又諭。此案已革把總林維相。因在臺灣染病。請咨內渡。遭風漂至粵洋。猝遇艇匪。該革弁抱病不能殺賊。致被劫擄。並未聲言身係職官。迨賊目將伊關禁。伊曾絕粒數日。並欲揮斷手。靠自戕。俱被賊看守。不能自盡。後來賊匪潰亂之際。令伊弟林維意背下小船逃回。即行赴官投到。覈其情節。較從前臺灣南投縣丞洪智在軍營避賊被擄者。猶為有閒。

林維相著從寬發往烏魯木齊効力。○諭軍機大臣等。溫承惠奏直隸河淀淤墊情形一摺。畿輔水利關繫民生。必須盡心講求。通盤籌辦。今唐河等河七十二川之水。向之由西淀入東淀。分三股下注者。近年自趙北口十二連橋以外。已多淤墊。又北股中股悉皆淤塞。僅存南股一線單渠。以洩上游諸大川之水。其勢自難容納。而東淀下游至楊家河一帶。二百餘里。又復節節淤淺。以致上游往往潰決。附近各州縣村莊地畝處處被淹。小民種藝無成。逃荒失業。每年議蠲議賑補救不遑。而各處大道通衢亦常被水淹浸。以致車馬不便。有礙經行。殊非體制。溫承惠摺內稱約計需數百萬金。一時礙難請撥。且南河大工尚在未竣。應俟經費充裕再行辦理。今先委員將趙北口以下淤沙擇其至要之處相機疏導。並勸用民力辦理等語。所見尚淺。國家經費有常。原不可以濫用。然關繫生民要

務則雖多不容靳惜。若如溫承惠之意。必俟南河一切工竣。始行興辦。則南河工程甚多。難以剋期辦竣。豈有因此而令畿輔要工日久延誤之理。至於民力有限。勢必不敷。徒滋科派之累。此事竟當通籌全局。發帑興辦。以籌水利。而衛民生。因思天津鹽務加價一項。本為南河辦工而設。今即移以辦直隸河工。同係正用。此外尚有天津關稅一項。著溫承惠即與嵩年會查。此兩項每年應解戶部內務府者。共有若干。直隸籌辦水利。通計實需銀兩若干。幾年可數辦竣。著覈算明折。據實奏聞。候朕降旨施行。將此諭令知之。○癸亥。諭內閣。本日吏部奏議處勒保照例應行降三級調用。無級可降。請旨革任一摺。勒保仰蒙

皇考高宗純皇帝簡任有年。從前曾因辦事獲譴。仍蒙

聖恩錄用。洊陟封圻。辦理軍務。因勦捕狝苗出

力封授侯爵。嗣復派令勦辦邪匪。據奏生擒賊首王三槐。晉封公爵。

鴻施優渥。寵越尋常。迨朕親政之後。特授以經畧重任。勒保辦賊遲誤。且聞王三槐本係自行投出。當經革職。逮問其獲罪甚重。非尋常過失可比。朕念其熟悉川省情形。棄瑕甄錄。不數年間。仍擢至四川總督。洊錫崇封。當大功戡定之辰。晉爵一等伯。上年冬間。有大學士缺出。因念頻年川省地方寧輯。特將勒保格外施恩。未經協辦。即補放大學士。勒保身沐

先朝恩澤。又疊次受朕厚恩。宜何如實心圖報。纖悉無隱。乃本年給事中胡大成奏。川省有匿名指訐之案。朕派令托津等前往查辦。據奏勒保在蜀之時。即曾經伊巡捕官拾獲聯對向其告知。伊查詢無據。寢息不辦等語。此係伊干涉本身之事。被人指摘。即使查辦無獲。亦應據實奏明。乃勒保當時既不具奏。

及至上年祝嘏到京。經朕召對多次。亦從無一字提及。迨此時降旨垂問。勒保無論事之虛實。其前次不行陳奏之罪。總無可解。免一經接奉諭旨。寧不當據誠履。奏自請處分。乃伊前日奏覆之摺。祇於摺尾鋪敘悚懼。愧汗數言。並不自請議處。是竟毫無待罪之意。亦太不知朕恩矣。此事除俟托津等查明虛實。再行覈辦外。勒保此時豈尚可畛任綸扉。著革去大學士。念伊究有軍功。暫降補工部尚書。以觀後效。祿康曾任大學士。加太子少保銜。上年因三庫有冒領銀物一案。將伊降調。但究係失察。公過著加恩。仍復還東閣大學士。太子少保銜。著管理吏部事務。慶桂著管理戶部事務。明亮著以兵部尚書協辦大學士。其祿康所遺戶部尚書員缺。著托津調補。托津未回京以前。著瑚圖禮暫行兼署。因思漢大學士一缺。亦應補放。戴衢亨即著加恩。補授大學士。管理工部事務。仍掌翰林院事。

費淳上年亦係因三庫冒領銀物案內失察降調。所有工部尚書員缺。著加恩。即將費淳補授。至勒保未到京以前。所有工部滿洲尚書事務。仍著秀林兼署。又諭。尚來朝會大典。應穿朝服。凡官員持服。在二十七日以內者。例應不與至謝恩。即朝會典禮。所該所有不應穿朝服。各官著另為一班。於升殿禮成之後。穿蟒袍補褂。在乾清門外。向上行禮。○以順天府府尹宋銘為兵部右侍郎。○旌表守正捐軀直隸獻縣民陳大林妻王氏。○甲子命於黑龍潭及山高水長。設壇祈雨。上詣山高水長。祈雨壇拈香。○幸靜明園。詣龍神廟拈香。○以大學士戴衢亨為會典館總裁官。協辦大學士兵部尚書劉權之。戶部尚書曹振鏞為副總裁官。○以候補三品京堂李鎡為順天府府尹。○乙丑。諭軍機大臣

等本日據吳璵奏漕運關繫至要河口通塞靡常酌擬剝運江廣各幫俾免誤漕兼利河務所奏不為無見河漕本相輔而行而經權須相濟而理所有試辦海運一節既屬格礙難行而欲求河漕兩治之道總不免於兩妨似此年復一年無日不籌治河亦無時不虞誤運正不可不隨時酌劑量為變通江浙各幫於春夏之交趕緊渡黃尚可無虞淤阻江廣船身笨重最為滯累該三省漕船共計十九幫若徑用剝船分截則全漕抵通較易而江浙回空得免江廣阻壓之虞自可遞年趕早一交伏汛如黃高於淮即堵閉禦黃壩使清水由運河暢注而黃水亦全力東趨以黃刷黃以清刷運皆可日漸深通如此權宜籌辦或於遭運河防兩有裨益至計需剝船二千隻所需銀一百萬兩亦尚易於集事一俟河道順暢即將此項剝船分交北河之天津楊村東河之臨清汶上南河之邵宿等處以

備剝淺之用亦不為無濟其應如何籌辦之處著江南湖廣江西各督撫會同漕運總督妥議具奏以翰林院編修史評為四川鄉試正考官陶澍為副考官編修史譜為廣東鄉試正考官胡承珙為副考官編修彭邦疇為廣西鄉試正考官賀長齡為副考官編修周壽椿為福建鄉試正考官程德楷為副考官刑部員外郎程祖洛為湖南鄉試正考官內閣中書沈欽霖為副考官○丙寅命

皇次子吳璵祭

關帝廟諭內閣來靈奏同子毆死胞兄之妻並推搡幼姪致斃審明定擬一摺此案托克塔庫楚克因年甫二歲之幼姪戲將柴枝打醒即推搡致斃旋因伊嫂護子情急詬詈復用木棍毆傷身死該犯托克塔庫楚克於新疆重地連斃二命殊屬兇惡著即行處絞以昭炯戒○諭軍機大臣等慶怡等奏派出管理察哈爾牧羣總管鄂爾綏病故現派本

翼總管尼瑪管理等語。管理牧羣之總管均係由朕簡派。今鄂爾綏猝然病故。自應一面派人管理。一面將察哈爾總管等開列名單。奏請簡派。今慶怡等並未具奏。請旨。竟派人管理牧羣。殊屬錯謬。慶怡著申飭。尼瑪著暫令管理牧羣。外。仍傳諭慶怡等。將察哈爾總管等開列名單具奏。候朕簡派。管理牧羣。其鄂爾綏所遺察哈爾總管員缺。著慶怡等將應放人員。照例揀選。咨送部。旗與京城應行揀選人員一體。揀選帶領引見。戶部議准。福建巡撫張師誠疏報。閩連江侯官三縣開墾田六頃七十八畝。有奇。照例升科。從之。○
丁卯
上詣
大高殿行禮。還宮。○戊辰
上御太和殿視朝。王以下文武升轉各官謝恩。幸圓明園。○己巳。以翰林侍講穆彰阿充日講起居注官。庚午。

上詣山高水長
祈雨壇拈香。諭內閣大學士慶桂等。奏會議江南總河吳璥等通籌南河全局。請次第修復舊規一摺。朕詳加披閱。內如惠濟正閘。應行拆修。王營減壩。應行修復。二款。惠濟閘為湖水入運關鍵。王營減壩為洩黃減漲要工。原係必應趕修之款。節年議定辦理。總緣南河要工過多。日不暇給。以致輟轉稽延。河患愈甚。此時實不可再遲。著該河督等即行趕辦。一切照所議辦理。此外請於大汛期內。趕堵禦黃壩一款。該督等係為暫救倒灌起見。頻年河患由於倒灌。而漕船又藉倒灌以為濟運之資。遂致弊不能除。而計無所出。今該督等奏請堵壩遏黃。此於倒灌之弊誠可稍減。而遭船未經過竣。又將如何飛輓。且重運回空。源源來去。即暫時堵閉於河務大局。又有何益。前日據吳璥奏。請將江廣各幫在清江一帶過壩剝運。已交江南江西河南山

東各督撫及漕運總督會同妥議本日南漕御史程國仁所請亦大畧相同各督撫等均受重恩地方河漕原應無分彼此相助為理今河漕既勢難並治其應如何及早籌畫俾漕運不致淺阻河工得以措手兩無妨礙之處速行設法辦理勿僅恃借黃濟運暫時堵閉為良策也至於修復毛城鋪石壩一款毛城鋪壩基近日寬至五十丈已非新輔舊制節次啟放屢有漫口吸溜之事兼恐經由入湖之路日漸停淤非當日情形可比儻一經壅塞潰漫則下游受害必多是以以前經查勘未行今該督等謂非此不能減洩盛漲且有此更可助益湖水并以從前係因冬春水弱時啟放以致正河停淤今遵舊制祇於盛漲時酌量啟放自可有益無損等語事關河工救弊之策不厭周詳究竟該督等是否能必其啟放後不至旋生他患如果確有把握再行詳細具奏候旨辦理又高堰碎石坦坡一

事前此屢經議辦並曾試做有效上年該督等業經奏明定議辦理今忽以分年砌做日久費繁又欲改建高堰二隄以資重障二隄雖有舊形而較大隄形制卑狹新土浮鬆焉能較石堰更為得力且高堰為淮揚數郡生靈保障關係久遠該督等以碎石坦坡須七八年辦成勢難久待欲汲汲於兩三年內趕辦二隄究竟高堰現在情形若何仍著該督等據實直陳無稍隱飾以便定議辦理河漕關係國計民生至為重大該督等身膺鉅任自當顧及通盤乃無一日不言治河亦無一年不虞誤運徒為救弊補偏之說迄無一勞永逸之圖而又屢議屢更忽行忽止殊鮮定見此次降旨之後該河督及各該督撫務當悉心詳度協力經理勿涉游移勿存推諉以期河漕兩利方為實心任事之道不可畏難苟安僅以敷衍塞責也○調浙江黃巖鎮總兵官沈添華為溫州鎮總兵官溫州鎮總兵

官李光顯為黃巖鎮總兵官廣東高廉鎮總兵官樊雄楚為浙江定海鎮總兵官以廣東香山協副將洪鰲為高廉鎮總兵官○戶部議准前署陝甘總督勒保疏報甘肅靖遠中衛二縣開墾地四百四十畝有奇照例升科從之 辛未

上詣

時應宮

昭顯廟拈香○還宮○諭內閣向來大員因

公降調處分部議上時朕多加恩改為降革留任免其降調此案承審命案失入之前任浙江杭嘉湖道雲南按察使岳慶近日聞其聲名平常恐難勝臬司之任著降補湖南岳常澧道所遺雲南按察使員缺即著顏檢補授以故土爾扈特貝勒旺扎勒車凌子端多布車凌襲爵○調和闡辦事大臣色克通阿為哈密幫辦大臣哈密幫辦大臣阿蘭保為和闡辦事大臣○旌表守正捐軀直隸宛

平縣民尚進忠妻趙氏四川巴縣民劉遇春妻何氏以夏至祭

地於

方澤自是日始齋戒三日○壬申諭內閣前因嘉慶七年勦辦邪匪大功告成經額勒登保等奏川楚陝三省深山老林路徑分歧酌議每年總兵會哨二次提督會哨一次三年之後地方日臻寧謐即行停止當經降旨以所議會哨之例於三年後不必停止或隔年一行或隔二年一行認真巡緝今已逾數年雖各營有巡閱舊章但恐視為具文奉行故事嗣後川楚陝三省每年輪派一省提鎮著於邊界徧歷周查既可巡閱營伍又可藉資彈壓每巡哨一次即行具奏該提鎮等惟當隨時隨地督率稽查不可有名無實○閩浙總督方維甸奏裁併臺灣各營汛地城守營左軍移駐外委二員裁移十汛兵丁併入三汛移改一汛右軍移駐外委二員裁移十一汛

兵丁併入五汛南路營移駐千總一員裁移三汛並減三汛兵丁併入三汛移改一汛下淡水營移駐外委一員裁移三汛兵丁併入一汛北路協中營共移把總一員外委二員裁移九汛兵丁併入四汛添設二汛二塘左營移駐把總一員外委三員裁移十八汛兵丁併入六汛右營撤回額外外委一員移駐把總一員外委一員裁移三汛並減二汛兵丁併入三汛添設一汛移改二汛艍艍營酌撥外委二員裁移二汛並撥本營兵丁併入一汛添設二汛滬尾水師營酌撥把總一員並本營兵丁添防一汛以上裁移歸併各汛巡防皆歸實用並未於額外添兵其餘各塘汛俱照舊制安設得旨臺灣地方負山臨海道里袤延向於南北水陸各路額設戍兵一萬二千餘名用備巡防而地方今昔異宜自應隨時酌定茲據該督等查明該處緊要地方或本未設汛或原設塘汛兵數太少請於

偏僻零星各汛內裁減弁兵增添移併各情形自係為因地制宜起見所有該督等奏請裁移歸併各汛之處均著照所請行但該處習俗犷悍海疆營伍關繫緊要各塘汛移併之後若不勤加操演遇有緩急仍屬無裨該督等惟當嚴飭各該營隨時實力合操俾巡防皆歸實用儻嗣後各營汛稍有懈弛情弊官則據實嚴參兵則即行斥革○考試進士出身二三品以下京堂於上書房○癸酉吏部以大學士戴衢亨應定何殿閣請得旨著為體仁閣大學士○甲戌夏至祭地於方澤上親詣行禮○辛圓明園○乙亥上御勤政殿聽政○諭內閣前因前鋒護軍叅領等步射平常諄諄誥誡去年在朕前射布靶之委前鋒叅領委護軍叅領等步射仍屬平常是以交王大臣等閱看本年應射布靶

二十八員中三箭者僅有四員。可見該管大臣等仍未認真操演。除將此次中箭較少之該管大臣永琿、富翰、玉福、蘇冲阿等嚴行申飭外。其委叅領五員內僅有一員中箭一技之該管正白旗護軍統領溫春。委叅領三員內俱未中箭之該管正藍旗護軍統領明志。俱著交部察議。經此次訓誠懲辦。明年該管各員等若仍步射平常。必當從重治罪。○又諭莊親王綿課等奏。閱看官員拜唐阿兵丁等射靶。分作六日閱畢等語。派出隨圍之官員拜唐阿兵丁等。令其演射布靶。原為操練技藝。是以派王大臣十餘員。分兩翼閱看。今綿課等將應射布靶之一千八百餘人。分作六日監射完畢。甚屬虛應故事。當此炎熱之際。豈能終日一一詳閱。伊等中箭與否。亦不免潦草塞責。况所稱中箭賞給銀兩後。如有因事裁撤。請無庸入於賞額。尤屬紛繁。嗣後監射王大臣等。著於六月二十日前。後奏派

七月初一日起至初十日止。分作兩翼閱看。此次中箭人員。應得賞銀。著於七月再行賞給。以太常寺卿德文為都察院左副都御史。予山西故雲南巡撫裴宗錫。入祀鄉賢祠。從巡撫衛齡等請也。○丙子。孝恭仁皇后忌辰。遣官祭

景陵。諭內閣。向來遇有外藩蒙古王公等喪事。均按其職分大小。派散秩大臣侍衛章京前往致祭。並訓以不准騷擾站道。私受蒙古王公等財物。惟大門上侍衛衆多。朕所知者甚少。偶或派出。難免沿途騷擾。索取財物。反失體恤。蒙古之意。嗣後除應派之散秩大臣。仍照舊簡派外。其大門上侍衛無庸派往。遇有致祭差使。著御前大臣等將乾清門侍衛及滿洲蒙古四五品京堂職名繕寫綠頭牌奏派。如此辦理。派往時既可面加訓諭。伊等回京亦可面詢蒙古等生計。及沿途情形也。○諭軍機大臣等。張師誠奏。揀員調補泉州

府沿海首縣要缺一摺從前曾降諭旨以福建漳泉二府屬緊要缺出該督撫擇其明幹廉能人員奏請調補如有與例不合者部臣按例議駁俟朕臨時酌量降旨近日伊等以所調之員總邀恩准得免處分遂竟視為具文任意揀補即如泉州府屬之晉江縣為海疆要缺張師誠請將何蘭汀調補自以其才具出眾可勝繁劇乃閱所開叅罰清單非經徵承緝不力即疏脫徒流等犯該員到任甫及三年此等處分已有三十餘案之多其素非能事即此可見且該撫既稱該員遇有竊盜案件親自帶領壯役緝捕何以又有承緝不力處分多案實屬自相矛盾而所捕究係何賊又無指實晉江要缺豈閩省州縣內竟無一二精明強幹者可期勝任而必以處分較多之員奏懇調補耶著該撫另行遴員調補如實在人地俱不相宜即將何蘭汀平日有何政蹟據實臚陳奏明請旨將此諭令知

之旌表守正捐軀河南尉氏縣民李常興妻許氏丁丑諭內閣勒保奏籌議西安軍撫二標收槽馬匹章程一摺據稱西安軍撫二標馬匹並無冬廠可放每至冬春俱係全數收槽餵養不得不於夏秋之間多為放廠將節省料豆乾銀以為貼補雜項之用難免藉詞節省任意多為放廠致滋流弊請酌中定議等語著照所請該二標收槽馬匹每年以二成為率若遇草貴草賤之時該將軍巡撫隨時斟酌辦理其節省銀兩除貼補正用外於歲終全數賞給兵丁其餘營中雜費概不准於節省馬乾銀內挪用仍將存用數目冊報總督該督等認真察覈不使稍有挪移侵虧之弊庶於營務馬政均有裨益○又諭松筠等奏籌運江廣重船以期河漕交利一摺前據吳璥奏請將江廣各幫在清江一帶剝運當經降旨諭令各該督撫及漕運總督會同妥議茲復據松筠等奏稱各省軍船惟

江廣各幫船身笨重喫水最深一遇河口淤淺之時即難輓運請造剝船一千五百隻停泊禦黃壩外以備剝運等語河漕本相輔而行近年來黃水倒漾糧運遞遲所關於國計民生者至為重大亟應隨時酌劑量為變通所有應造剝船一千五百隻即著照所請行其計需工費銀一百餘萬兩現在款項充餘儘可敷用亦均照所奏辦理至淮商等情殷報効懇請捐銀五十萬兩亦著加恩賞收並著阿克當阿查明捐輸各該商咨部照例議敘此項剝船該督等即咨會湖廣江西各督撫飭令承辦各員妥為製造務期寬大結實以濟轉運又諭汪志伊奏審明喻李氏控案情形未便遽擬罪名請將各犯暫行監禁一摺此案葉秀圖謀綿線毆死胡紹德於緝獲後並未刑嚇即直認不諱其為正兇本屬無疑但案關人命自應倍加詳慎此時賊據兇器既未起獲而質證葉秀之褚兆澄等又

即係從前質證喻春之人若即以此為憑既恐一誤再誤且原審各官處分綦重亦不足以折服其心著將葉秀暫行監禁其餘各要證悉行收管俟緝獲真賊起得兇器再行定擬其在逃之程金巖緝務獲至葉秀不避刑誅自認圖財謀命其中有無別情於此體察根訊若能得有端倪即可究出實情以成信讞該督務當虛心採訪不可稍有草率所有已革知府雙慶阿霖即著飭令回旗諭軍機大臣等景安奏議覆給事中史祐御史汪彥博巡視南漕御史程國仁條奏漕務各事宜一摺漕務事宜款目繁多弊端層出而其要不外於先裁旗丁陋規旗丁陋規既裁則用費必少即無從藉口向州縣橫索而州縣亦無從向百姓浮收此外一切弊端皆可以次剔除該省旗丁規費既稱自嘉慶五年清查以後概行裁革節年糧船出運訪無需索情事何以此項名目外間尚有流傳可見名

為清釐其實亦未能革除淨盡現當整飭漕政之時稽察嚴緊自不敢肆行無忌儻日久玩生奉行稍有不力又將故智復萌仍蹈前轍惟在該撫等嚴飭各地方員弁隨時實力查禁庶漕務日有起色於卹丁愛民之道兩有裨益勿徒托之空言視為具文也將此諭令知之○戊寅

上幸靜明園詣

龍神廟拈香○旌表守正被戕奉天海城縣

民杜成芳女杜氏○己卯鑄給山西薩拉齊廳分駐包頭鎮巡檢印從署巡撫素納請也○庚辰諭內閣方維甸奏遵旨酌籌約束械鬪章程一摺臺灣遠隔重洋漳泉粵三處民人在彼錯處各分氣類動滋事端必須約束嚴明經籌久遠前經節降諭旨諄飭方維甸到彼熟籌辦理茲據該督體察南北兩路情形酌議奏聞內如總董一項向在各村莊包庇抗違甚至地方官號令不行諸多掣肘而

隸役等亦擅自分保互相黨護不服拘傳最為該處惡習自應亟行革除所有方維甸奏請嚴禁總董及本保隸役黨護把持立法究治並飭設約長族長責令管束本族本莊等事均照所議辦理嗣後儻有糾鬪之案即並未殺傷亦將為首究辦如不聽曉諭即行派兵嚴拏以示懲儆至所請酌減官員處分一節地方官遇有械鬪會匪搶奪之案其失察處分均干降調每有諱飾情弊嗣後如該地方官果能隨時訪查據實稟報俾奸宄得以破露雖不能全寬處分該督等具奏到時朕尚可酌量加恩免其實降實革若再能認真緝獲首夥多名辦理迅速則不但寬其處分並當施恩鼓勵設仍前諱飾疏縱即著照方維甸所奏分別革職治罪不貸○辛巳諭內閣方維甸奏商船貿易口岸牌照不符官穀難運酌議三口通行一摺據稱臺灣商船向來鹿耳門港口對渡廈門鹿仔港對渡泉州

蚶江八里坌港口對渡福州五虎門。各有指定口岸。然風信靡常。商民並不遵例對渡。往往因牌照不符。勾串丁役。捏報遭風。既可私販貨物。又可免配官穀。獎實甚多。應行酌改章程。等語。商船往來販易。駛赴海口。自應聽其乘風信之便。徑往收泊。若必指定口岸。令其對渡。不但守風折餞。來往稽遲。且獎實叢生。轉難究詰。現在臺灣未運官穀。積壓至十五萬餘石之多。皆由商船規避不運所致。不可不速籌良策。著照方維甸所請。嗣後准令廈門蚶江五虎門船隻通行臺灣三口。將官穀按船配運。即實在遭風船隻。尚堪修理載貨者。亦不得藉口遭風。率請免配。以杜假捏之弊。其責成丞倅等。將船照內數實註明。分別咨報。以便到臺後配運官穀。並層層稽查。互相考覈之處。均著照該督所請行。○又諭。方維甸奏臺灣積年未運內地兵穀。擬照舊例分年帶運一摺。據稱臺灣每年額運官穀

八萬五千餘石。遇閏加增四千餘石。因積年停緩。積壓共有未運穀一十六萬六千餘石。本年額穀配運亦屬無多。應行酌定章程。分年趲運。等語。臺灣額運官穀。係供內地兵糧。春穀之需。今積壓太多。以致近年需用穀石多於內地倉內借支。難敷供用。亟應認真籌辦。除現將十一年欠運及本年應運穀共已撥運一萬一千石外。所有嘉慶十年至十四年止未運穀一十五萬七千餘石。著照方維甸所請。自本年七月初一日為始。分作五年扣限運完。每年帶運穀三萬一千餘石。其每年額運之穀。亦不得再有遲誤。至船戶領運後。如有捏飾稽延。以及臺灣內地官員有延玩捏飾。若累商船各情。獎俱著該督撫等隨時查明。分別參奏。○壬午。諭內閣。刑部議奏。安徽省民人許宜翠。誤傷伊父許英致死。照例定擬凌遲。並聲明救父情切。請旨。此案許宜翠因父許英與魏宗庚之妻通姦。被魏宗

庚撞過後尋毆該犯情切救護用木棒槌向魏宗庚毆打誤傷其父殞命情尚可原若使其父本屬理直被人兇毆該犯救護誤傷致死直可減為絞決今許英姦淫人妻已屬理曲惟該犯救父情殷與逆倫干犯者不同許宜翠著改為斬決又諭昨已降旨將向派往各蒙古王公等處致祭之侍衛章京改派乾清門侍衛及滿洲蒙古四五品京堂開列奏派本日召見福慶據伊奏稱從前派出致祭之侍衛章京等索取蒙古財物騷擾驛站者尚少惟帶去引路之理藩院領催等並不由正路引行每多遠路索取財物等語此等派出致祭侍衛章京等原未分別蒙古遊牧遠近定以限期是以伊等任意緩行稽延時日無從稽查著交理藩院覈議嗣後派出各處致祭人員覈計蒙古遊牧遠近酌定往返日期至理藩院引路領催等如必須攜帶亦應將伊等約束儻有需索騷擾應如何從重

懲辦之處一併嚴定條例具奏若可不必攜帶著即行裁撤尋理藩院酌定往返程限具奏並請將隨帶引路領催裁撤得旨酌定派出祭差散秩大臣侍衛京堂往返限期原以矜恤蒙古禁止擾累臺站今內扎薩克開墾地畝較多牧場較少若令致祭人員一日祇行四十里路途過近嗣後派出祭差大臣官員等於內外扎薩克蒙古有驛站地方定為一日行六十里其未設蒙古驛站地方著交經過蒙古扎薩克等豫將烏拉馬匹備給仍著咨行六盟長喀爾喀四部落將所屬蒙古扎薩克遊牧距京程途呈報理藩院以備填寫執照經此次酌定後儻派往致祭人員仍任意遲延時日該蒙古王公等即行報院嚴叅如該蒙古王公等不以差務為事推諉遲誤亦著該出差之大臣官員據實報部嚴叅餘依議又諭方維甸奏彰化縣義首士民呈請捐修城垣一摺據稱彰化向無城垣難

資捍禦擬請建築土城自應准其捐建其一
切捐輸出入給發工價俱由該士民等自行
經理毋令吏胥催查攬管亦無庸限以時日
俟工竣驗收後覈其捐輸之多寡據實奏聞
量予鼓勵諭軍機大臣等方維甸奏查明
蛤仔欄即噶瑪蘭地方情形一摺噶瑪蘭田
土膏腴米價較賤民番流寓日多若不官為
經理必致滋生事端現在檢查戶口漳人四
萬二千五百餘丁泉人二百五十餘丁粵人

一百四十餘丁又有生熟各番雜處其中該
處居民大半漳人以強陵弱勢所不免必須
有所鈐制方可相安無事其未墾荒埔查明
地界某處令某籍民人開墾某處令社番開
墾尤須分劃公平以杜爭端至所設官職應
視其地方之廣狹酌量議添或建為一邑或
設為分防廳鎮俱無不可其應設官長及營
汛等事該督於回省後俟楊廷理等查稟到
時即會同張師誠悉心詳議具奏至臺灣寫

處海外諸務廢弛今方維甸到彼於地方營
伍力加整頓酌改章程若地方官謹守奉行
自可漸有起色第恐日久生懈且該處俱係
漳泉粵民人雜處素性强悍總須時有大員
前往巡閱使知儆畏嗣後福建總督將軍每
隔二年著輪赴臺灣巡查一次用資彈壓將
此諭令知之賞福建捐貲集勇助剿匪犯
之五品頂帶文生陳大用四品頂帶六品頂
帶貢生蔡邦光五品頂帶○移福建臺灣縣

羅漢門巡檢駐番薯寮從總督方維甸請也
癸未諭內閣此案在逃之舒黑子現經緝
獲著交刑部審辦其北城冷泉村地方有自
縊無名男僧亦經查訪得實即係毆死僧人
洪志之正先元玉一犯該指揮李庭禧於兩
旬之內將二案先犯弋獲訪明尚屬認真緝
捕著該城御史存記嗣後該指揮如有再有緝
獲案犯該御史具奏時即將此二案隨摺聲
敘候朕量予恩施至該御史所奏五城按地

分理本城遇有人命重案兇犯在逃即移會別城協力查緝其無名無傷自盡等案僅止詳報本城不復移會請嗣後將各城所有各案統於五日內通行移會以便彼此查對等語所奏甚是著通諭五城即照該御史所請行

大清仁宗受天興運敷化綏猷崇文經武恭
勤儉端敏英哲睿皇帝實錄卷之二百二十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十

[illegible]

嘉慶十五年庚午六月甲申朔諭內閣祥保

叅奏失察偷挖金塊之額魯特總管車伯克等請交部分別議處並自請察議等語前屢降旨嚴拏達爾達木圖山內偷挖金塊人犯今附近達爾達木圖以外布呼圖山內又有偷挖金塊人犯額魯特等毫無覺察不免另有情弊總管車伯克佐領莽租派往巡查亦未勘出尤屬可疑車伯克莽租均著革職交祥保嚴審儻有貪贓舞弊等事即行定擬具奏並著詳訊挖金人犯究係由何處行至布

呼圖山地方即將該失察駐卡官員參奏。此事由祥保風聞查拏其自請交部察議之處。即著寬免。愛新布著交部察議。再新疆滋事人犯向有改發伊犁塔爾巴哈台喀什噶爾等處之例。惟此等偷挖金塊人犯若均改發喀什噶爾等處。恐仍不免紛紛逃遁。復往產金地方偷挖滋事。著晉昌祥保將嗣後此等滋事人犯或改發內地烟瘴地方或改發東三省之處會同覈擬具奏。○兩廣總督百齡奏大幫舟師殲擒洋匪多名並擒獲積年土匪盜起已革提督孫全謀為守備千總黎英等升敘有差。○乙酉諭內閣德泰奏接收庫項查出另款存貯應行報部銀兩一摺。據稱接署藩司印務覈對庫貯各項內有向未報部銀二十萬九千餘兩其虧在攤捐安南軍需餘剩項下所少銀二萬餘兩查係陸續動支借給各屬修理衙署之用現在分別提扣歸還軍需餘剩原款又西隆軍需餘剩項下有

撥歸西省兵丁應還借庫銀一萬二千餘兩等語。各省庫貯國帑攸關絲毫均應報部。何以該省庫存銀款竟有未經報部之項至二十萬兩之多並擅行動支借用懸宕未歸著該撫錢楷即行查明係何藩司任內之事據實嚴參具奏其失察之巡撫亦一併查奏。因思廣西邊遠小省藩庫尚有此等情弊則此外各省更不能保其必無亟當徹底查明用歸覈實並著各該督撫一體確查如有似此未經報部款項即據實具奏免其究辦。儻經此次諭飭之後別經查出必將該藩司及該督撫懲處不貸。德泰甫到粵西即於署藩司任內查有未報庫款尚屬留心著賞加一級以示獎勵並通諭各督撫知之。○又諭前因川省有匿名歌謠指訐勒保之事特清額係本省將軍又護理督篆半年斷非毫無聞見何以竟無一語奏及令其據實回奏茲據奏稱祇因無從指實難以遽行究辦等語可見

特清額於該省編造聯賦早經知悉伊係該省將軍近在同城明知總督有被人指摘之處不行具奏已屬不合况兩次護理督篆總未奏及此事咎更難辭特清額著交部議處

諭軍機大臣等本日巡視中城御史奏安徽天長縣民人盧應遠呈控剋減賑糧一案已降旨交廣厚審辦矣地方偶遇偏災百姓嗷嗷待哺國家不惜帑金計口授食原以拯濟窮黎即使地方官認真查辦在小民需被

已屬無多乃不肖官吏每欲從中侵蝕私肥囊橐造報戶口則以少為多施放賑銀則減多為少且又需索造冊放票之費層層朘削罔顧民艱是竟以朝廷之賑卹徒飽貪污之慾壑小民所得僅止數十文何補於生計而帑項動需鉅萬思之實堪痛恨上年山陽冒賑一案甫經懲治又有此剋減賑糧之事必須徹底根究從嚴辦理以儆官邪著廣厚將所控姜振萬雲等親提到案詳悉研訊儻該

縣果有任聽串通情弊即著嚴叅究辦其本省撫藩等雖未經盧應遠呈控但俱失察於前即董教增調任陝西亦有應得之咎廣厚切不可稍存瞻徇致干咎戾將此諭令知之

丙戌

上幸萬壽山詣

廣潤祠拈香諭內閣據蘊端多爾濟等奏請將喀爾喀四部落與俄囉斯連界處所駐卡官兵量加鼓勵一摺俄囉斯交界地方所設卡座最為緊要該扎薩克公及官兵等每班駐守五年如能稽察嚴密自應獎勵著加恩嗣後該處駐卡章京昆都扎蘭扎薩克等如踰三年巡查妥善該卡座並無盜賊事故著各賞紀錄二次五年期滿再各賞加一級其統轄邊卡之公扎薩克等五年期滿如果統轄嚴密著各賞加一級其科布多烏里雅蘇台駐卡官兵亦著加恩於年滿時各賞給紀錄二次若各該卡座遇有盜賊等事即將

該員等應得加級紀錄扣抵。又諭。向來尋常發遣人犯在配脫逃其經官拏獲者杖一百枷號一箇月仍發原處其自行投首者免其枷杖發回原處固屬照例辦理但如前日吉林遣犯奇明阿脫逃至六次之多屢經拏獲投首仍不悛改若竟任其自去自來於罪名毫無增加何以示儆嗣後此等人犯除脫逃在五次以內仍照舊辦理外其脫逃在五次以外者拏獲之後應照原罪量予增加即自行投首亦當酌議罪名示以懲儆儻竟脫逃至十次以外則拏獲投首均應分別加重著交刑部妥議具奏所有奇明阿一犯將來拏獲投首後即著照此覈辦尋議嗣後脫逃至五次以外被獲者枷號三箇月投回者枷號一箇月若脫逃在十次以外被獲者枷號六箇月投回者枷號三箇月均鞭一百嚴加管束並通行黑龍江吉林將軍及直省各督撫一體遵照從之。○丁亥諭內閣恩長奏。河

工歲料幫價借款積欠日多請復州縣養廉赴司請領之例以便扣收清款一摺此項歲料幫價應於州縣養廉內攤扣還款自嘉慶五年各州縣將應得養廉在於應徵項下自行留支在急公之員尚知依期清解而怠玩者遂多延宕甚至因交代接任輾轉推諉以致遞年積欠現在豫省欠至三十六萬四千餘兩自應設法清釐以重帑項著照恩長所請豫省州縣養廉自嘉慶十六年為始停其坐支仍照舊在藩庫支領隨時扣收以期年清年款所有從前未完銀兩亦應勒限催提但積欠較多恐滋虧挪情弊至按銀數多寡分限三年勒追並將遲逾職名照情徵正項錢糧分別議處其已經離豫各員著落賠繳之處亦均照該撫所請行他省不得援以為例。○諭軍機大臣等本日松筠吳璥等奏湖河水勢工程各情形現屆大汛經臨之際一面先將禦黃壩上緊堵合俾免倒灌其惠濟

正聞及王營減壩皆係不可再緩之工又海口工程雖據奏稱兩岸長隄次第辦竣而堵築漫口挑挖引河工段正多非可一時集事若不分投並舉及早開工又復輟轉遲延坐失事機將來愈形棘手該督等應一面購備料物分派工員事事早為布置一俟糧船渡竣河口更無他事即專意辦工愈速愈妙此三事屢經該督等陳奏詳議再三經朕降旨允辦若再臨事猶豫又待奏報豈不有誤要工為政之道不必煩言惟求實事果斷乃成因循必誤近年以來皆因推諉急緩是以遲至今日切不可再蹈前轍將此諭令知之○己丑諭內閣溫承惠奏覆訊改擬吳橋縣民蘇立全罪名一摺此案蘇立全見有無名男屍酷肖其弟疑係黃四憑湯毆斃故爾呈控該縣即將黃四憑湯熬訊又據黃四憑湯誣供黃錫武黃錫文在場毆打以致黃錫武監斃在蘇立全祇係懷疑誤控而黃錫武之死

實因輟轉誣扳與伊何涉乃溫承惠審辦此案始則以蘇立全誣輕為重至死罪接律問流迨經部駁以黃錫武冤斃不可無抵罪之人奏令覆訊後另行定擬該督並未訊出別情輒稱遵照部駁將蘇立全照誣告人因而致死律改擬絞候今該督經兩次部駁之後仍將蘇立全照誣告人致死律減等杖流覈其前後所敘案情並無殊殊致而於罪名生死出入忽重忽輕此豈慎重刑名虛衷覈擬之道溫承惠著照所請交部議處蘇立全一犯應即照該督現在所擬問以杖流其餘各犯著交學固亦著照所擬問以杖徒其餘各犯著交刑部查照原擬罪名覈議完結○庚寅以故一等伯趙其椿弟其楨襲爵○辛卯諭內閣御史伯依保奏請禁小說一摺坊本小說無非好勇鬪狠穢褻不端之事在稍知自愛者尚不為其所惑而無知之徒一經入目往往被其牽誘於風俗人心殊有關繫本干例禁

但日久奉行不力而市賈又以此刊刻取其名目尚不止如該御史所奏數種著五城御史出示曉諭禁止如有此等刻本即行銷燬亦不得令吏胥等藉端向坊市紛紛搜查致有滋擾○賞還廣東右翼鎮總兵官楊芳花翎○壬辰刑部奏審明護軍蘇初納扎斃恒磬一案得旨此案蘇初納與恒磬同係護軍乃因不借恒磬箭枝屢被辱罵蘇初納即買備小刀隨身路過恒磬撲毆即於街市上將恒磬連扎致斃實屬蓄意故殺蘇初納著照擬斬監候入於本年秋審情實辦理○又奏審擬呂祥發掘祖墳一案得旨此案呂祥因貧起意先後發掘伊高祖之祖呂承科高祖之父呂九思並伊高祖之弟呂猶龍墳塚開棺盜取金銀器物賣錢花用實屬殘忍蔑倫竟非人類著即照所擬凌遲處死派刑部侍郎朱理前往監視行刑並著查明該犯如有子嗣即著發往伊犁嗣後如有似此創掘

祖父母墳墓至三塚者該犯照例凌遲外其子嗣均即行發遣著為令○癸巳

上御勤政殿聽政○諭內閣據富俊奏稱現於就近海口之各旗倉內撥米五萬石民倉內撥米十五萬石運赴海口以便轉撥運通著該督即嚴飭所屬雇備船隻妥速轉運○甲午諭內閣軍機大臣會同總管內務府大臣具奏選驗吉林等處商買餘蘆並請將辦理蘆務違禁攬雜秧蘆之將軍等再行嚴議各摺盛京吉林寧古塔等處產毓人蘆地靈鍾瑞豈容以偽亂真○湖查嘉慶七年秀林在吉林將軍任內陳奏蘆務即曾將夾帶私人進山及栽種蘆苗之事敘入摺內以飾其查辦不力之咎迨八年分秀林又請歇山培養欲令攬頭等裁養蘆苗節經部臣議駁屢降諭旨申飭成案具在厲禁綦嚴乃近年來各該處所進之蘆俱將秧蘆攬雜本年先據內務府參奏駁回甚多現復據吉林寧古塔等處

將商買餘蘆解京通行選驗寧古塔可用之蘆尚多而秧蘆亦所不免至吉林則秧蘆十居八九好蘆竟屬寥寥閱前日賽沖阿覆奏之摺即云該處果有移種蘆苗之事現在來京商人亦皆所共悉即面詢之秀林亦奏稱伊在吉林時曾有聞見是該將軍等於奉旨飭禁之後並不嚴行杜絕竟任聽創夫等作偽營私明目張膽豈僅止失察可比近年山場產蘆略少即不能壯碩如前原可就其所得真蘆呈進備用即此次揀出之真蘆原不甚小儘可應用乃必欲矯揉造作玉石混淆不知是何意見此種情弊盛京吉林寧古塔等處皆有而吉林為尤甚可見秀林前此所奏欲留秧蘆竟係豫占地步殊不思伊於節年秋蘆即未能查禁經朕降旨飭諭並令其一年後將實在情形具奏寧不當倍加儆懲乃秀林奉旨後仍不查禁又不將該處蘆務情形如何籌辦據實陳奏惟以朦混搪塞為

得計此誠何心除盛京寧古塔辦蘆不善之處先經議處外秀林著再交都察院嚴加議處所有自嘉慶七年至十四年該處承辦蘆務之副都統及官員等著賽沖阿即速查明除身故各員外均即開具職名一併交部嚴議至各處駁回秧蘆除現就商蘆內揀出抵補外其餘應賠銀數本應照兩淮繳價之例罰賠著施恩姑予寬減每蘆一兩減去銀五十兩並量為寬限儘明年冬季以前如數歸款至寧古塔挑出商蘆內除抵補本處官蘆外尚有餘剩淨折五等蘆十二斤三兩有餘即著留抵吉林駁回官蘆所有該商人資本應行給還以示體卹著即責令辦理不善之吉林將軍等查照兩淮變價之例限於本年十月以前照數發給該商不許延緩至辦理蘆務種種紕繆必當根究弊端大加整頓著派英和初彭齡二人前往盛京文寧松寧二人前往吉林寧古塔俱各帶同戶部熟諳司

員馳驛到彼將各該處栽種秧蘖一事徹底查明並將從前承辦各員有無得贓弊混之處一併詳查據實奏其吉林寧古塔十三年報部蘖餘銀數因何與該商等在京所稱多寡不符再該處此外年分有無似此不符之處並盛京報部蘖餘銀兩是否無弊均著一併確切查明勿稍含混至嗣後蘖務應如何辦理及秧蘖如何設法杜絕著英和等四人會同各該將軍等籌議妥協酌定具奏候旨施行其本日兵部議處布蘭泰之摺俟此次嚴議上時再降諭旨尋議秀林革職得旨著革退尚書降補正紅旗漢軍副都統仍帶革職留任布蘭泰照議降一級調用○旌表守正被戕直隸平泉州民辛得義女季姐○戶部議准直隸總督溫承惠疏報藁城縣開墾地四頃一十畝有奇照例升科從之○乙未

上幸靜明園詣

龍神廟拈香○西安將軍阜保奏請將馬廠地租餘剩錢文六百三十三串有奇撥入西安滿營養贍孤寡項下從之○以戶部右侍郎劉鏞之為浙江鄉試正考官翰林院侍講穆彰阿為副考官禮部左侍郎戴聯奎為江西鄉試正考官吏部主事毛式郇為副考官翰林院編修沈岐為湖北鄉試正考官王耀辰為副考官○丙申諭內閣本日巡視五城御史海洪阿等奏承緝馬林家母女被殺及李十兒失去車輛被殺兩案正兇尚未弋獲遵旨屈至半年具奏一次等語禁城左近竟有此等兇徒肆行無忌遠颺漏網日久稽誅成何事體屢經降旨勒限嚴緝未獲經朕施恩特予展限一年宜何如上緊督飭設法搜拏期於必得乃自上年十二月十二日降旨後迄今已閱半年兇犯仍無蹤跡該御史等所司何事伊等不過以人數較多罰不及眾即將來一年限滿仍可曲邀恩宥屆期具奏

一次視為具文摺內所稱悚懼交并戰慄惶愧等空言於事何益似此泄泄成習殊非肅清輦轂之道海洪阿等均著傳旨嚴行申飭自經此次嚴飭之後儻仍前延玩至限滿時未能緝獲則伊等俱係無用之人朕必將各該員全行更換加之懲處另簡賢員再行定限緝拏務獲○又諭昨據膳房總管太監奏有膳房太監之姪於十二日寅刻在紫禁城外膳房投井身死並稱該太監之姪先於十一日在內住過一宿等語禁地森嚴派有前鋒護軍統領代領侍衛內大臣該班之內大臣及六班王大臣等每日輪流直宿並有總管內務府大臣一員在內稽查遇有此等事件例應隨時據實奏聞即云昨早查知未及趕繕奏摺今日亦當奏上乃事已隔宿猶未見伊等具奏命軍機大臣傳問永瑆竟茫然不知實屬無用之物且此案昨交內務府大臣桂芳查審而本日桂芳亦未具奏均屬膽

玩公事膳房太監之姪何得擅入禁門直班諸臣平日既漫無覺察及遇有此等事故又不即時具奏自請處分均屬有乖職守所有查出是日該班之永瑆除革去所管各項仍實罰貝勒俸一年桂芳及內務府直宿之司員等均著交部議處明亮永瑆書明阿景祿著交部查議○又諭御史甘家斌奏請清理庶獄一摺刑部現審各案總當速為訊結以省拖累况現當熱審之時天氣鬱蒸若不概為清理則應行保釋者不即保釋應行發落者不即發落一例羈禁囹圄甚至無辜待質以一人而牽及數人情殊可憫即如該御史所稱廣興案內伊家人李二等九名均因同主家人楊玉一犯曾為伊主經手銀票因而牽連質訊今楊玉未經獲案而此九人及盛時彥一名俱一併羈禁年餘不予釋繫殊為延宕恐此外株累不結者尚復不少著刑部迅即查辦除現在各案均著勒限訊結毋許

濫行監押外其餘日久未結各案犯務即趕緊清理凡應行保釋者速予保釋勿概以監候待質為詞致滋牽累以副朕欽恤至意○又諭錢楷奏請以安南軍需攤捐存項撥補西隆軍需扣款一摺此項安南軍需餘存銀兩前據德泰奏稱西隆軍需款項業於四十三年內報銷聲明在各兵名下扣還何以又需此款撥補是以降旨飭查茲據錢楷奏除向不報部各款補行造冊咨部外所有西隆軍需項下動用公項銀一萬二千三百三十一兩零業經攤捐八千三十兩零尚不敷銀三千四百八十一兩應仍在各兵名下坐扣此案事隔多年兵丁屢經更換若仍一一扣還殊非體卹兵艱之意著照該撫所請即以現在安南軍需外攤款內餘存銀三千五百八兩零撥歸西隆軍需未經扣足之數毋庸再於兵丁名下扣繳以清款項而示體卹其各屬借修衙署一款著按限扣收報部毋得

延宕旌表守正捐軀河南溫縣民鄭克寅女罕姐丁酉諭內閣永琚前於所管之事疲玩怠惰屢經獲咎未予重懲復加恩棄瑕錄用授為前鋒統領右宗人理宜感朕格外恩施奮勉勤慎乃不悔過自新於所管事務仍不留心殊屬有忝厥職業經降旨將伊管項俱行革去永琚著前往

西陵敬謹駐守更換永澤來京永琚務當感激朕恩倍加謹慎儻仍前怠忽不肯實心任事

一經查出定行從重治罪○以莊親王綿課為宗人府宗令貝勒奕紹為右宗人○以散秩大臣德通為鑲藍旗蒙古副都統○以鑲黃旗護軍統領綿志為左翼前鋒統領調正藍旗護軍統領明志為鑲黃旗護軍統領以鑲白旗蒙古副都統慶祥為正藍旗護軍統領西安將軍阜保年老命回京以鑲藍旗蒙古副都統祥保為西安將軍○賞葉爾羌辦事大臣貢楚克扎布頭等侍衛為塔爾巴

哈台叅贊大臣。已革兩江總督鐵保三等侍衛。為葉爾羌辦事大臣。○戊戌。諭內閣。禁城內地方。最為緊要。各門進班章京護軍等。自當嚴查出入。太監于進忠之姪得林。並無腰牌。自四月至六月。每日出入西華門。可見該管大臣等。日久廢弛。該章京護軍等。疏情並不留心稽查。甚屬非是。除另降諭旨。將永珩管項革去外。其自四月以來。每日進班前鋒統領護軍統領等。俱著交部議處。至章京護軍等。本應責革示懲。但人數太多。俱著加恩寬免。惟十一十二等日進班之章京新德玉成。司鑰長如來。保嵩。山俱著交部嚴加議處。此二日進班之護軍校護軍等。均著從重責處。以昭儆戒。經此次曉諭。該大臣等務當各秉天良。誠心謹慎。不可負朕寬免之恩。該章京等飭令護軍等。俱當整齊嚴肅。不可絲毫怠惰。儻日久懈生。經朕查出。必從重治罪不貸。○江南提督田永桐。因病解任。以服闋

雲南提督馬瑜。為江南提督。○以密雲副都統積拉堪。為熱河都統。調熱河副都統毓秀。為密雲副都統。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十一

恭錄成憲在位時諸事

嘉慶十五年六月己亥

嘉慶十五年六月己亥

嘉慶十五年六月己亥

嘉慶十五年六月己亥

故修

嘉慶十五年庚午六月己亥

上幸萬壽山諭內閣刑部奏興化縣民萬定頒與劉鶴年因圖姦船戶張洪之妻章氏商同劉鶴年哄騙張洪上岸勒斃棄屍河內各情節請飭交該撫提犯親訊並嚴緝劉鶴年父子務獲等因一摺此案萬定頒與劉鶴年夥販鹽魚等物赴溧陽銷賣圖姦船戶張洪之妻章氏因張洪礙眼執商同勒斃張洪章氏因其告知實情即赤身跳入河內斃命該犯等復因章氏之幼子幼女啼哭即一併招

斃撩入塘內業據該溧陽縣錄供通詳是該犯萬定頒到案時已將圖姦謀斃各重情供認不諱及該犯因劉鶴年在逃未獲恃無質證忽認忽翻該撫即當一面飭拏劉鶴年一面親提萬定頒嚴切根究以成信讞茲率據該犯現供以監候待質咨部豈此等謀斃一家四命重案且事閱三年竟可藉詞於逸犯未獲懸宕不結乎著傳諭該撫章煦嚴緝在逃之劉鶴年父子迅速就獲仍即親提該犯

萬定頒確切研訊務得實情如訊明該犯有意翻供其情節實與初供無異即可定讞辦理毋得任其藉詞狡展予浙江嘉善縣捐田贍族州同銜程廷璵等議敘旌表守正被戕安徽鳳臺縣民關治國妻侯氏庚子諭內閣科道本有言事之責第近來言官條奏毛舉細故者多而於關繫官方不公不法等事迴護瞻徇轉多緘默其陳奏之件非受人請託即有意露名希冀簡擢實為近時積

習即如上年廣興因奉差審案威嚇取財款跡敗露嚴辦示懲當其在山東時傳播歌謠該省科道等豈無聞見何以竟無一人登諸白簡乎前日御史伯依保奏請禁止小說此等刊本久干例禁若使近日坊間又有新編小說語涉不經該御史自應隨時陳奏乃所請查禁者皆係數十年來舊有名目且該員平日毫無建白何以不先不後必於出有科缺之時將例禁事件撫拾數行本日帶領科缺引見察看該員實屬年老平庸可見該員不過藉此一奏妄思升用果不出朕所料若即予休致又謂朕杜言官之口矣然此等伎倆既知又不能不辦所有該員應得升途及一切差使俱不准開列引見並通諭各科道除緊要事件並實有確據應行彈劾者准其隨時具奏外其餘條奏概不准於出有升缺未經簡放以前妄行瀆陳如違即著照伯依保之例辦理○以右春坊右中允姚文田署

日講起居注官○辛丑諭內閣本日吏部具題議處順天府南路同知實景燕於審詳案犯輒用非刑照例議以革職等因一本已照發批發矣朕詳閱本內該部所引例文內稱官員將人犯除夾棍拶指之外另用非刑者革職跪鍊壓膝等刑者降一級調用等語因思內外問刑衙門承審案犯原當虛衷研鞠不得專事刑求然遇有狡猾之犯不肯供吐實情承問官既不應遽用刑夾亦不能不量加懲究或擗耳跪鍊或繼以壓膝藉以得情定讞尚不致傷其肢體究非同木架撐執或懸吊敲蹶及針刺手指等非刑可比也若承問官審訊各犯於案情未定之時既不能遽得確情而一經擗耳壓膝即例有應得處分則凡屬問刑各員竟無不干吏議者似此名實不符殊不足以昭平允所有承審案犯各員非刑一條應如何酌中定例之處著該部詳議具奏尋議嗣後問刑官於刑部例載刑

具之外另用木架拷踝針刺等項非刑者照例革職外其承審命盜搶竊要案證據明確犯供狡展或用擰耳跪鍊壓膝等刑者免其置議如係案內干連或無辜妄被扳指以及審理尋常案犯承問官率用擰耳跪鍊壓膝等刑仍降一級調用該管上司不察實具報者罰俸一年督撫罰俸六箇月因而致死者照擅用非刑例議處從之○又諭銜齡奏懇將緣事降革之原任蒲州府知府承炷等六員就近捐復原官留工差委一摺該員等俱係緣事降調革職例應分別咨回旗籍赴選即因派委臺山各處工程該員等果能認真辦理悉臻妥協亦當俟朕巡莅五臺時或經詢及據實奏明候朕酌量施恩今距巡幸之期尚遠而每人所派工段不過一處豈該省竟無員可以接辦顯係為該員等邀恩地步且該員等一經留工經手錢糧正可浮冒開銷則捐復之項未必不出於此是所稱就近

在藩庫交納銀兩之處更屬有名無實該撫等受其慫恿冒昧入奏大屬非是銜齡素納陳桂生均著傳旨申飭所有承炷等六員即著照例分別咨回旗籍赴選並將承辦各工另行遴員接辦○又諭溫承惠奏籌辦接運奉天糧石一摺據稱此次奉天撥運米二十萬石與上屆嘉慶七年所撥米數相同需用海船剝船之數亦大概相等均可循照舊章辦理現在飭屬將進口船隻概行截雇並遴選牧令中能事八員前往海口協同妥辦並分起押運抵通儻海船抵津不及轉運應需起卸露囤所有繩席腳價等項籌款支銷等語此項米石該督俟富俊將由何海口裝運應派船若干知會到日即飭令所派之員查照舊例妥為辦理至抵津後不及轉運應起卸露囤一節斷不可行米石一經露囤必有潮溼微變之患且一切夫役口袋等項又滋煩費因思北倉近在該處可以存貯現在南

糧銜尾北上目下水勢充盈著倉場侍郎督飭員弁迅速迎提必須全數抵壩交卸通倉勿得遲逾所有天津北倉廩座南糧既無需在彼截卸則奉省所運米石設屆期不能轉運赴通即可存貯北倉免致露囤著該督會同倉場侍郎妥為辦理○調刑部尚書瑚圖禮為吏部尚書工部尚書勒保為刑部尚書兼正白旗蒙古都統以工部右侍郎馬慧裕為尚書總管內務府大臣常福為工部右侍郎○以黑龍江協領德寧阿為阿勒楚喀副都統○以山西雨澤短少米價昂貴平糶常平倉穀○壬寅諭內閣吏部議駁山東巡撫吉綸等奏請以魚臺縣知縣俞士元升補東平州知州一本近來各省督撫遇有在外揀選州縣缺出輒將與例不符人員奏補該部照例議駁朕因其人地實在相需往往特旨准行並將該督撫等應得處分加恩寬免乃各督撫等習為故常動以人地相需之語違

例奏請吉綸等此次請將魚臺縣知縣俞士元升補東平州知州朕詳閱本內所開該員叅罰案件至十餘案之多內如縣民馬懷璧糾眾殃民一案較為重大該員審辦遲延其不能奮勉可知乃吉綸等尚稱其老成歷練辦事克勤其勤安在且該員叅罰各案甚多豈籠統八字考語所能抵過乎所請將俞士元升補東平州知州之處著照部議不准行另選合例人員奏請升調其違例奏請處分吉綸著改為降二級從寬留任仍註冊陳鳳翔著降一級留任並著通諭各省督撫嗣後遇有州縣要缺例應在外揀選升調者先儘合例人員如無合例之員方准揀員保奏著將所保之員平日居官實蹟敘入不得以含糊考語率行奏請干咎○緩徵甘肅臬蘭金靖遠寧遠會寧漳鹽茶固原環成文靈臺靈中衛平番靜寧隆德隴西通渭安定碾伯二十一廳州縣及花馬池州同沙泥州判紅水

縣丞所屬被旱災民新舊正借銀糧草束並撥附近各省銀一百萬兩備賑○甲辰諭內閣總管內務府大臣奏常福現在補授工部右侍郎所有列銜次序奏聞請旨等語向來總管內務府大臣經特旨簡派自皇子諸王以下至一二品大臣無論品級大小一體辦事並無區別至該大臣等列銜班次則仍視其階級固不可任意僭越亦不得故為卑遜致乖體制常福從前在內務府班次居末今已補授工部侍郎自應按照官階次序列名在刑部侍郎穆克登額之後內閣學士和世泰之前無庸置議乃常福推讓再四必欲奏明請旨而各大臣等亦即聯名奏請均屬非是若常福不敢在和世泰之前其居心更不可問矣內務府人員習氣每於一切無關緊要之虛文故為推讓遇有應辦事件轉不實心講求和衷辦理實為惡習該大臣等著傳旨申飭嗣後若再有似此不遵照定例欲以

退讓取和者必將該大臣等革退以示懲儆○又諭御史興安奏請將鄉民糴買細米准令出城一摺向來粗米不准顆粒出城所以杜回漕之弊至若升斗細米原准鄉民入城糴買以資口食本不在禁止之列乃近日該營員等往往規避處分概行攔阻以致實係附近鄉民買食細米亦一概不准出城殊於小民生計有闕著步軍統領衙門通飭各營員及城門領等嗣後該商戶等如有偷運販賣及囤積牟利等弊該地方文武員弁自當隨時實力訪拏其附近居民糴買細米數在一石以內者著照舊定章程准其出城毋得攔阻○諭軍機大臣等阿克當阿奏陳漕務弊端請旨嚴禁一摺近年漕運稽遲固由河道多阻而旗丁等遷延貽誤種種弊端亦尚未禁絕如摺內所稱軍船虛報開行日期以及私帶貨物過多船尾復攜帶木筏以致輓運不前甚至軍船每修一次輒加寬長以為

私帶貨物地步此等弊竇實皆到通遲誤之源自應概行飭禁著交各督撫等實力查辦至糧船夾帶私鹽以致病商誤課則關繫尤重近來淮網滯銷多至數十萬引本日閱阿克當阿所奏重運北上之時竟於天津公口岸等處豫行定買私鹽回空裝載銷售此外山東江南地方亦有載私之處各幫皆然而江廣幫為尤甚計其所帶私鹽多至十餘萬引甚至過揚州時不服查驗竟敢拒捕傷差等語似此明目張膽肆無忌憚若不嚴拏究辦豈不墮官引而滯淮網看來亦非盡旗丁水手之故押運官弁恐不免包攬縱容地方文武及總運催趲各員弁亦必有得規賣放情事必須加以釐剔向來天津鹽政例應扈蹕熱河因思彼時正值回空滋弊之時嗣後該鹽政毋庸前往著責令在天津專心查辦此事並著直隸總督飭令地方文武一體查禁其沿途山東江南等處著該督撫及巡漕

等認真稽查如敢仍前肆意夾帶私鹽將旗丁等照例治罪並將得受陋規之文武員弁一併叅辦將此傳諭溫承惠等並諭阿克當阿知之○旌表守正捐軀河南息縣民龔瑣妻趙氏○乙巳諭內閣熱河係朕每歲駐蹕之地向設有副都統一員統轄該處駐防官兵事務前因內地民人租種蒙古地畝在平泉等州縣居住者生齒日衆案件較繁酌改設都統一員管理業將積拉堪簡放因思該處一切章程尚有另需詳議之處著軍機大臣會同原議各該衙門再行悉心妥議具奏積拉堪著以都統辦理熱河副都統原管事務俟定議上時候旨遵行○以翰林院編修洪占銓為陝西鄉試正考官傅棠為副考官戶部右侍郎桂芳為江南鄉試正考官翰林院編修饒絢春為副考官○丙午遣官祭火神廟○諭內閣恩長奏酌籌疏濬漳衛河經行要口以資濟運一摺據稱內黃縣為漳

衛兩河經過口門向因漳水挾沙壅滯豫省有漕州縣及長蘆商人畧加挑挖未能寬深次年漲水仍不能容納擬於春秋兩季大加疏濬等語漳水近來形勢北高南下入衛故道既難歸復而兩岸俱係浮沙又非築隄所能堵禦且河道綿亘數百里淤墊日高即耗資數十萬築壩挑溝亦不能即收實效殊於蘆鹽豫漕有礙著照所請即於內黃縣之南豆公北豆公一帶口門遠委熟諳工程之員於每年春秋兩季妥協經理務使工歸實用毋任浮冒所有挑費銀八千餘兩著即著落豫省有漕州縣並長蘆鹽商分為鹽六漕四攤捐辦理○又諭朕恭閱

皇祖世宗憲皇帝實錄內載雍正十一年十月諭刑部從來明刑所以弼教除暴所以安民凡情有可原者務從緩減而意非主寬凡法無可貸者便依斬絞而意非主嚴本無成見惟其自取等因欽此

聖訓煌煌數百言至公至正實為萬世法守因於恭閱之下尋繹朕躬節次所降諭旨飭令直省各督撫明允用刑期無枉縱適與皇祖聖諭符合緬惟我朝

列聖御宇仁育義正矜慎庶獄不事苛求而辟以止辟則必權衡至當可見朕之心尚能仰體

列聖之心即再行申諭亦不能出

聖諭範圍之外本年刑部所進各省招冊因上

年適屆停勾例應將兩年招冊先後呈進朕於六月間即詳加披覽其由緩改實者俱係法無可寬之案原擬疏縱顯然總由失入處分較重各該督撫等意存規避遂於辦理秋讞之時曲從寬典似此豫設成見何以昭情法之平著將欽奉

皇祖世宗憲皇帝諭旨全行恭錄一通傳諭內外問刑衙門一體欽遵即各刊刻恭懸觸目警心於執法定讞寬嚴務臻平允庶幾刑期

無刑之治○又諭景安奏激浦等縣碾運兵米腳費請准報銷以免賠累一摺據稱激浦黔陽永順龍門等縣碾運綏靖永綏二鎮協嘉慶八九十十一等年兵米並買補倉穀及永綏廳接收各縣解到米穀背運上倉所有墊用腳價銀兩經部議駁仍請准予開銷等語該省採買倉穀向係每石五錢加增水腳一錢五分共需銀六錢五分激浦等縣碾運米石既係於本境採買准銷水腳成例外另有運送別境腳價又永綏同知接運米穀運脚亦與買穀各縣情形不同原報採買時均未經聲敘明晰遽請開銷該部照例議駁自是正辦第念此項運費業經該廳縣先行墊給如不准其開銷又恐有藉詞賠累致滋短價勒派等弊姑念其尚無浮冒情事著照所請准令報銷嗣後如有似此聲敘不明牽混冒銷之案不惟不准開銷並當予以議處○丁未旌表守正捐軀江蘇安東縣民李自遠

女李氏○乙酉諭內閣昨朕閱吏部彙題官員告假事故本內庶吉士患病呈請回籍調理者共十二名之多降旨交教習庶吉士查明具奏茲據秀寧等覆奏京官告假省親等項定例須食俸六年始准具呈惟患病准其隨時呈明給假各該庶吉士有實因患病回籍者亦有因甫得一官家有老親不能迎養又未符省親例限偶有微疾即以患病呈請取結咨部辦理等語新科庶吉士由舉子會試來京中式後蒙恩錄用如家有父母即年未衰老急思歸省原屬人子至情或留京資斧不給回籍設措亦屬事所恒有儘可據實呈明何必紛紛託辭患病而教習及吏部亦明知事由假託委驗咨題虛應故事殊非覈實辦公之道著交吏部改擬條例嗣後庶吉士告假除實係患病者循例辦理外其請假省親不必拘食俸六年之例准其據實呈明給假但亦須定以限制如除去來往程期應

給假幾箇月。準情酌議。其資斧不給者。該部
本有回籍措費舊例。著一併酌議奏明。載入
則例。至吏部二次彙題本章。此內告假庶吉
士各員。自上年七月至十二月。先後具呈。無
論七月至今。已將屆一載。即十二月具呈者。
亦何至遲延至今。始行具題。就此一事。可見
該部辦理諸務。實不免延擱積壓。若關繫官
員處分者。尤當迅速擬結。以杜招搖需索等
弊。毋得任意遲緩。致滋叢脞。所有吏部堂官

及承辦此項本章之司員。俱著交都察院分
別議處。○軍機大臣議覆喀喇沙爾辦事大
臣哈豐阿奏請分撥弁兵安設汛防一摺。喀
喇沙爾所屬庫爾勒布古爾二回城貿易漢
民漸多。且距喀喇沙爾本城較遠。應如該大
臣所奏。於該城撥出把總二員。兵十六名。分
駐兩城。以資彈壓。從之。○庚戌
上詣
大高殿行禮。○還宮。○以孟秋時享

太廟。自是日始齋戒三日。○辛亥。諭內閣。王寧
等奏籌辦截卸南糧。以速回空一摺。前因奉
天運京米石抵津後。恐一時未能轉運赴通。
經朕降旨。令於北倉存貯。以免露囤。今據該
倉場侍郎奏稱。現在水勢充足。南糧銜尾北
上。所有奉省粟米。非屬急需。辦理似可從緩。
而南糧幫船未經抵壩者。尚有九十五幫。約
計米三百餘萬石。自七月初一日起至九月
十五日。已屆霜降。前十日埽數回空。例限糧

數甚多。限期緊促。除趲運京倉外。勢不能不
截貯北倉。以期軍船回空。無誤等語。本年南
糧抵通較遲。幫船回空。恐誤限期。自宜豫為
籌備。著長蘆鹽政。當年將天津北倉趕緊修
理完整。以備截卸南糧之用。但截卸係一時
權宜。原非正辦。該倉場侍郎等總須設法上
緊起卸。並著沿途各督撫。星夜嚴催飛輓。俾
全漕迅速抵通。方為妥善。即因米數較多。屆
期趕運不及。亦祇可酌留三四十萬石。暫貯

北倉僅截留過多。則北倉不能容納。必致有露積微變之虞。該倉場侍郎等務當妥為經理。一面上緊籌辦。不可因有北倉豫備存貯。心存懈緩也。其奉天米石。無庸存貯北倉。仍照舊例辦理。○又諭前明舊制。紫禁城內。非特官員等不能輕至。即大臣亦祇在外聽宣。不敢無事輒入。其時宮庭之內。狃於宴安。廷僚召對絕少。以致內外阻隔。下情不能上達。綱紀墮壞。我朝革除一切秕政。首在通下情。

而宣上意。每日宵衣視事。召對臣僚。周諮庶政。乃至外來道府等官。亦俱准其親詣宮門。遞摺請訓。無不隨時召對。法良意美。從無堂廉隔絕之事。然禁城重地。咫尺宸垣。守衛不可不嚴。體制不可不肅。乃近來門禁廢弛。各處直班官兵。全不認真管轄。以致閒雜人等任意闖入。毫無稽考。即如前日查出膳房太監于進忠之姪得林。在外膳房居住兩月。投井身死。該直班之文武大臣官員等。均全然

未知可謂憤憤。迨一經懲治之後。則相率嚴緊紛紛查辦。專向各太監下處檢察。聞人即以爲認真查禁。不過數日之後。旋即因循怠玩。況禁城之內。如各王公大臣直班之處。以及各館內閣文華殿中正殿各處。豈別無閒雜之人容留居住。何以不一律查辦。概行清理乎。又朕昨由圓明園還宮時。見神武門站班官兵在西邊管轄者。尚爲嚴整。至東首站班官兵之外。則竟有無數閒人在巷口擁擠。

該官兵並不早爲驅逐。此等諒係跟隨御前。乾清門行走之人。然或竟有外來閒人攪雜在內。亦未可定。在各王公大臣等進內之時。原不能不酌帶跟役。但祇須足供使令。又何必隨從多人。漫無限制。以致閒人亦得冒充混入。設其時遇有叩關等情。成何事體。朕又聞午門之外。往往有市井閒人。祇圖行路省便。穿走朝門。來往自如。無人過問。並聞

壇

廟重地當朕行禮之時常有不及引避之人屏
匿

壇壝左近任意窺望該管官員兵丁所司何事
竟敢鬆懈至此不可不嚴切申誡以杜將來
嗣後各該處直班官兵以及該管大臣等務
當隨時隨地留心管轄不可仍前泄洩尤不
可專務一時之嚴緊日久又復懈弛至於進
內之各王公大臣文武官員等並須各自檢
束毋得多帶跟役稍令滋事如跟役內有不
遵法度者一經拏獲惟伊主是問其該管官
兵有查察不嚴私情縱容等事并將該管大
臣等一併嚴行懲治不貸將此通諭知之○
內大臣博興以老病乞休允之以刑部尚書
勒保為內大臣○塔爾巴哈台領隊大臣愛
新布緣事革職賞伊犁錫伯總管圖伯特副
都統銜為塔爾巴哈台領隊大臣○壬子諭
內閣百齡奏生擒積年巨寇烏石二等首夥
各犯並幫匪帶船投誠及盜首東海霸等悉

數乞降海洋肅清一摺披覽之下敬叩

天恩

考佑實深感粵省盜匪在洋面肆劫已非一
日百齡自簡任後實心經理振作有為嚴禁
口岸杜絕接濟賊匪無處覓食日形窮蹙前
此紛紛投誠已有數萬惟西路烏石二等心
持兩端仍行抗拒經百齡備造船隻礮位派
撥官兵分路兜剿百齡雖未身臨前敵而親
赴西路督飭舟師紀律嚴明將弁等畏其聲
望無不踴躍用命此次兵船在儋州洋面追
及烏石二等匪船童鎮陞黃飛鵬等即揮令
連環攻擊經首民張保認定烏石二坐船奮
勇逼攏首先跳過將該逆生擒副將洪鼇署
都司胡佐朝委員花東苑周飛熊等將盜首
烏石三及賊目鄭耀章等擒獲其烏石大一
船經孫全謀一意專注親率弁兵過船又將
該逆生擒並擒獲各犯共計四百九十名烏
石二等在洋遊奕日久稽誅今罪惡貫盈已

按名俘獲百齡於訊供後即將該逆等予以寸磔實足以彰國憲而快人心此外臨陣投出者計三千二十餘名又東海霸股匪三千四百餘名亦恐懼乞降粵洋著名大股盜匪除投首外均已悉數殲除全省洋面一律蕩平允宜特沛殊恩用昭懋賞百齡著加太子少保銜賞戴雙眼花翎給予二等輕車都尉世職童鎮陞著賞戴花翎給予雲騎尉世職韓對黃飛鵬著賞戴花翎交部議敘隨同辦事之道員溫承志著賞給按察使銜並賞戴花翎朱爾賡額著賞戴花翎交部議敘藩司曾煥臬司陳若霖亦著交部議敘孫全謀著賞戴花翎以遊擊超升副將洪鼇署都司胡佐朝俱賞戴花翎交部議敘委員花東苑周飛熊俱著賞戴藍翎交部議敘千總頂帶張保著賞戴花翎以守備超升並著將此次在事出力官弁查明分別等次保奏其兵丁內尤為出力者亦著查明保奏其稍次出力者

賞給一月錢糧以示獎勵至現在投出之盜首東海霸及賊目財富等十二名百齡請照洋盜案內免死本罪發往黑龍江給打牲索倫達呼爾為奴實屬罪所應得但念東海霸久有歸誠之意因被烏石二等挾制不能及早登岸其情尚有可原加恩免其發遣遞籍安置用示法外施仁之意並著百齡宣諭東海霸等以伊等在洋肆劫積年稔惡即使畏罪乞降尚應貸死遠戍今蒙逾格天恩並將遣罪一併寬免爾等更當倍加感激回籍後安分守業勉作良民儻敢稍生事端必當從重嚴懲不能再為寬宥也現在洋面業已肅清該督等仍當整飭營伍振興吏治俾閭閻各安生理漸返淳風不得以巨憝已除稍存懈怠將此通諭中外知之○又諭百齡奏驛遞批摺包封屢有私拆痕跡請定章程一摺據稱茂名途次接准兵部遞到四月十八日由軍機處交出夾板一副又於雷州府城接

到四月二十七日軍機處交出夾板一副印花包封兩旁雖屬完整惟上下破損顯係沿途驛遞私拆等語郵遞諭旨奏章最關緊要沿途驛站自當慎重周密今據百齡所奏顯有拆毀私閱情事必當嚴行查辦著兵部自京師起至廣東止按站飭查何站私拆之處查明叅奏嗣後軍機處發遞緊要諭旨應如何防範嚴密以杜弊端著兵部妥議具奏尋議嗣後軍機處發回硃批奏摺交兵部加具

釘封粘貼兩層印花發驛馳遞查定例發遞限行里數俱用排單填註時刻嗣後請令各驛站將有無擦損拆動之處亦於排單內註明各站接遞時如查有損壞痕跡取具上站甘結粘貼本站印花在排單內聲敘緣由申報該督撫一面奏聞即將驛站官弁人等提訊嚴懲再向來文武大員賞給報匣應請遇用報匣時將報匣封固後亦用黃布包裹粘貼印花以昭慎重並請纂入則例通行內外

各衙門一體遵照從之○以洋面肅清賞還陝甘總督前任兩廣總督那彥成頭品頂帶釋遣戍己革兩廣總督吳熊光回京以六部主事用以勦辦洋匪承旨書諭勤慎加軍機大臣慶桂等軍功一級開復降革罰俸處分一次軍機章京下部議敘○命刑部尚書勒保在紫禁城內騎馬

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十一

大清仁宗受天興運數化綏猷崇文經武考恭
勤儉端敏英哲睿皇帝實錄卷之二百三十二

此修總管官燈並日講起居注官太子太傅武英殿大學士文淵閣領事稽察欽奉 上諭事件處管理三節事務翰林院掌院學

隨帶三級尋常西級臣曹振鏞總裁官李太保大司閤大學士管理刑部事務之級臣戴均元總司講起居注官太子少保內閣學士翁同龢

授豫聞事稽察欽奉 上諭事件處協辦大學士之部尚書翰林院掌院學士教習原任總管內務府大臣鑲黃旗滿洲都統章京統領管理

戶部庫奉養汪清湖園等處蝗蝗種養處御藥房藥院西洋堂事務軍功二級隨帶二級尋常空主規紀錄十一次臣 著等謹

議官天子太保禮部尚書工書房行吏武英殿總管聖學園子監事務架板薩帶加二級紀錄四次臣汪廷珍等奉

教序

嘉慶十五年庚午秋七月癸丑朔享

太廟

上親詣行禮。○辛酉。明園。○甲寅。諭內閣。戶部議覆倉場侍郎玉寧等奏在通倉支放藍白布甲及坐甲等米石一摺。國家立法。皆有一定制。章程若輒議變通。必滋流弊。京通各倉存貯米石。何項應貯何倉。及支放時。何項米石應赴何倉關領。原有舊例。通州西中二倉。向祇貯江白次粟四色。以為王公大臣俸糈之用。其餘粳稷米石。除酌留該處看倉官兵等

項食用外概不多貯。近年來或因秋雨過多。或因南漕抵通較晚。趕運不及。經倉場侍郎等奏請暫貯通倉。致有虧缺。徽變等弊。本年春間該侍郎等奏將京員俸米一體赴通關支。又將秋季俸米豫行給領。茲復請將藍白布甲等米在通倉豫放。試思倉儲米石原應陳陳相因。以備三年九年之蓄。豈有因恐積貯難久。豫行支放。以為疏通之理。況驗收米石本係倉場之責。如果米色低潮。不能經久。即不應斛收。至通倉存貯稔熟米石。原為南漕趕緊回空。暫行寄貯。與截留北倉事同一例。起卸後應於當年趕運京倉。以符定額。若謂轉運不及。則南漕數千里。按年輓運前來。豈自通至京僅四十里。轉多阻滯耶。况河道新修更何所藉口。總之今時存因循苟安之見者多。實堪切齒。朕並非紛更成法。不過率由舊章。諸臣因何如此怠玩。且赴通領米車腳食用較多在微員兵丁等亦多苦累。兼恐

花戶漕丁等串通購買回漕尤不可不防其漸此次姑照部議將王公藍白布甲民公侯伯坐甲應領後粟二色米石於盤貯後米內抵放六季外其餘盤貯後米再於王公大臣明年春秋二季次白粟米項下儘數抵給其十四年新收後米著仍運京倉收貯嗣後該倉場侍郎等總須循照舊章所有應貯京倉米石必當如數運京如再有違例多貯通倉致積壓後又議變通紛更舊制必將該侍郎等嚴行懲處○諭軍機大臣等本日松筠吳璥等奏漕船全數渡黃並趕辦要工請撥銀兩各摺國家經理大事總當握其要領專心一意方克有濟即如醫家治病遇有棘手之證若不究其受病根源率行下藥雖多方療治其病不除從前辦理教匪則堅壁清野為要其初游移不辦領兵將帥惟知一味散漫追捕以致數年不能集事迨後修築堡寨之議行而大功旋即告竣又如辦理洋匪則以

杜絕接濟為要閩粵等省水師日久無功一經陸路將水米認真斷絕賊勢頓形窮迫首夥各犯悉皆殲斃其投誠者亦皆安插海疆寧謐實為明效大驗因思辦理河工亦然全河扼要之處全在海口暢流近年河工多事皆由海口淤塞下壅上瀆百病俱生若果海口疏通則河湖之水皆有歸宿何至漫決為患朕數年來屢次降旨飭辦海口而伊等相率泄泄總不肯認真疏導其節次挑挖亦皆有名無實徒費帑金以致尾閘不通漫溢如故甚至見旁趨漫溢之水輒妄希更改正河因循觀望徒致耽延本年朕已照伊等所請定議舉辦而現在糧艘已全數渡黃又目下大汛時河湖一切工程幸臻平穩天時人事極為應手實不可再有游移伊等若謂帑項不敷則本日已照伊等所請之項全行撥給即日可期到工無虞支絀更有何棘手之處該督等惟當立心堅定加意奮興勿聽浮言

勿萌怠志和衷協力共成大功現在松筠回省審辦案件吳璥在河口堰盱一帶督辦宣防徐端已馳赴海口覆行查勘所有應行挑挖之處及籌辦料物著即迅速妥定章程立時興辦務將引河挑濬深通則將來漫口堵閉之後全河水勢順軌暢行南河自永慶安瀾矣勉之將此各諭令知之○兩江總督松筠奏報漕船全數渡黃得旨嘉獎下部議敘賞還河道總督吳璥太子少保並花翎副總

河徐端三品頂帶花翎餘議敘有差○以翰林院修撰吳信中為河南鄉試正考官編修羅家彥為副考官光祿寺卿張鵬展為山東鄉試正考官翰林院編修李可瓊為副考官編修石承藻為山西鄉試正考官檢討申啟賢為副考官○丙辰諭內閣據文弼等奏擊獲搶劫番民兇犯請旨辦理一摺此案羅藏協熱等五人夥同謀搶殺死阿丹等九人又殺傷一人兇殘已極所有羅藏協熱一犯既

經拏獲該駐藏大臣等審訊明確自應一面奏聞一面恭請王命即行正法何待請旨辦理羅藏協熱著即處斬梟示其在逃各犯一經緝獲審明後如供認確實亦應即時正法無庸再行奏請○命吏部侍郎榮麟禮部侍郎成格馳往直隸朝陽縣審案○丁巳戶部議准護理廣東巡撫布政使銜齡疏報開平花恩平廣寧四縣開墾荒地二十三頃有奇照例升科從之○戊午諭內閣儒臣入直上

書房職司訓課責任綦重理應克勤克慎無曠厥官昨日晚間朕閱內左門門單上書房師傅周系英果齊斯歡秦承業三人均未入直當即詢問二阿哥三阿哥以師傅等均不進內是否阿哥等因陰雨難行有言阻止抑該員等另有他故據二阿哥三阿哥覆奏是日俱早至書房循例至午刻散歸久候各師傅等未到不知何故本日令軍機大臣傳到周系英等查詢據稱因澄懷園門內外積雨

水深未能趨直等語。昨日早開宮門左近雖閒有積水各部院衙門仍照常奏事。召見時大臣中年老者亦均未誤班上書房翰林寓居澄懷園距宮門咫尺何至不能入直。明係伊等怠惰偷安有曠職守。從前乾隆年間因上書房師傅曠功曾經

皇考高宗純皇帝

降旨將劉墉等分別嚴懲並將阿肅達椿加以責處。今周系英等藉端曠誤不可不加以懲

治。周系英著降一級調用再罰俸一年。果齊斯歡念係宗室免其責處賞留宗室頂帶降補法式善所出左庶子缺再罰俸一年。伊二人均仍令在上書房行走。秦承業係訓課伴讀綿懌載銓責任較輕免其降調著罰俸一年。伊年老衰積著退出上書房綿懌載銓年已漸長無庸進上書房伴讀著各回本家讀書。王懿修係屬總師傅本應議處念其年力已邁著加恩寬免處分不必在上書房行走。

董誥著加恩充上書房總師傅此旨應載入宮史仍鈔錄一道交上書房存記。○戶部議准護理廣東巡撫布政使銜齡疏報恩平縣開墾水田三頃有奇照例升科從之。○壬戌

孝懿仁皇后忌辰遣官祭

景陵。○諭內閣大學士慶桂等奏酌改票擬章程一摺據稱各督撫違例揀員升調本內如將該員平日官聲政績臚敘詳明確鑿可據者仍擬雙簽其籠統保奏並無實蹟者概照

部駁票擬單簽等語各督撫揀選升調人員定例參罰案件止准在十案以內原以處分過多即不當膺保舉若不論任內所有處分之輕重多寡但以各督撫臚列該員政績為斷則該督撫於處分過多之員自不難加以鋪敘亦仍屬具文嗣後該大學士等於票擬部駁升調本內如處分在十案以外而內有案情重大者即著票擬單簽並將該員處分案由開單一併呈覽如僅止尋常參罰之案

亦祇於處分十五案以內者。票擬雙簽。其踰十五案者。概票單簽。○又諭溫承惠奏永定河南北兩岸漫溢情形。請將道員王念孫交部嚴加議處。並自請交議一摺。王念孫前於嘉慶六年在永定河道任內。因兩岸漫工。革職逮問。經朕棄瑕錄用。復調補今職。本年入伏以來。雨水稍大。亦屬往年所常有。其山西上游之水。並無異漲。何以漫口多至四處。其不能先事籌防。咎無可諉。即如陳鳳翔在任數年。經理各工。俱屬平穩。而前後漫工兩次。皆王念孫任內之事。可見王念孫不稱河道之職。且年力衰老。難期振作。王念孫著交部嚴加議處。先行革去頂帶。留工効力。聽候部議。溫承惠著交部議處。至永定河道員缺。最為緊要。李亨特曾任河督。且年力強壯。著即令其補授。現在該處辦工喫緊。李亨特接奉此旨。著即馳赴新任。不必來京。俟秋汛安瀾。後再來謝恩。請訓其所遺坐糧廳員缺。亦關

緊要。著李鑾宣補授。亦即速赴新任。○定庶吉士告假限期。又諭向來在京實缺官員。有因省親省墓等事。請假者。俱分別歷俸年分。定以例限。其額外人員。呈請給假。不必定以年限。仍俟行走期滿。甄別去留。惟庶吉士一項人員。尚不計俸。又無報滿日期。其告假之久。暫亦漫無定限。殊非勵品覈實之道。嗣後庶吉士等。呈請給假。除實係患病終養外。其請假省親修墓等事。不必論歷俸年分。俱令據實呈明。仍各按省分遠近。除去往返程途。定限在家居住四箇月。期滿即應起咨銷假。如違限不到。查係無故逗遛者。著奏明將該員懲治不貸。○以翰林院侍講恩寧充日講起居注官。○旌表守正捐軀湖北應山縣民陳士奇女陳氏。○癸亥諭內閣。方維甸張師誠奏小仁等幫首夥率眾投誠。分別辦理一摺。閩洋自蔡牽殲斃之後。餘黨離散。今其夥犯陳贊等。帶同蔡牽義子小仁。文幅率眾投

誠又夥犯吳淡曲蹄幅二人亦相率乞投各將船隻礮械全行交出共計首夥一千三百餘名船六隻大小礮五十餘門并烏鎗器械等四百餘件閱摺內所敘該犯等情詞哀切出於至誠自當一律加恩准其投首至小仁等各犯方維旬摺內仍分別定擬具奏固屬按律辦理但所擬未免過重小仁文幅二人雖係蔡牽義子但小仁親生父母即被蔡牽殺害其時小仁年甫九歲不知原委被蔡牽

收為義子直至蔡牽死後其管事陳贊告知始悉前情隨日夜啼哭與陳贊等商量投出又文幅亦本係蔡牽船上舵工之子伊親父故時尚在襁褓之中被蔡牽收為義子現在年止七歲此二人本非逆犯之子不必緣坐且髻齡被劫久陷賊中情殊可憫今皆自行投出竟當免罪釋放妥為安插其吳三池一犯雖曾被蔡牽封為偽職隨同滋擾但今已畏罪投誠其翁吟一犯雖經隨同蔡牽打仗

其後畏懼落後不過在小仁船上罵帳今亦悔罪投誠其情罪皆可末減吳三池著發往黑龍江翁吟著發往伊犁其餘各從犯均著照該督撫所請擇精壯者三十餘人分配兵船令其隨緝餘俱遞籍安插但須散而不聚免致滋生事端設有滋事之徒即從嚴懲辦不可姑息又據另片奏朱渥隨同舟師緝捕奮勉請旨酌量施恩等語朱渥投誠以後隨同兵船出洋頗知感奮今能跳過盜船拿獲

多犯尚屬出力著加恩賞拔把總以示鼓勵所有此次拿獲各犯均著審明覈辦其出力之弁兵人等並著詳查奏明分別獎勵○甲子

上幸靜明園詣

龍神廟拈香○乙丑

上御勤政殿聽政○諭內閣弘謙等奏

裕陵東山口井座因連經大雨山水暴漲塌陷一摺此項工程甫於本年四月內修砌完竣

茲因山水驟發。東面幫輓。又致殿塌。所有承辦不善之員。外郎都隆阿。慶玉。著交部議處。並著都隆阿前赴該處。同慶玉一體賠修。福長安未能先事豫籌。亦著交部察議。至東山口挨近砂山溪河。原設井座。未能經久堅固。現據福長安奏請擇地另建。第

陵寢重地。風水攸關。未可輕率從事。著欽天監派委熟諳堪輿人員。前往相度地勢。合之年向擇吉另建。如原建處所可以設法修理堅固。即可不必更動。用昭敬慎。○以通政使司副使誠安。為太常寺卿。○准江蘇前任道員趙翼。安徽前任郎中姚鼐。重赴鹿鳴宴。並賞趙翼三品頂帶。姚鼐四品頂帶。○旌表守正捐軀直隸廣平縣民城有金女城氏。○緩徵陝西西安鳳翔同州郿乾五府州屬旱災節年帶徵額賦鹽課。並醴泉高陵涇陽三原郿長武六州縣。應還籽種糧石。○丁卯中元節上詣

安佑宮行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。命

皇次子。祭

裕陵。遣官祭

孝淑皇后陵寢。遣官祭

端慧皇太子園寢。諭內閣。向來秋獮啟鑾。以前在京各部院大臣。朕俱遍行召見。而直隸總督提督密雲副都統馬蘭鎮總兵長蘆鹽政。俱於啟鑾前一日。齊赴御園請安。伊等既經來園。即不能不一體召見。及見面時。並

無陳奏事件且伊等次日即詣清河接駕隨至南石槽遞摺請安聽候召見是先期赴園一節實屬繁文除此次總督溫承惠有應辦要工鹽政嵩年督緝私鹽遵旨無庸前來外嗣後啟鑒前一日該總督提督密雲副都統馬蘭鎮總兵長蘆鹽政俱不准赴園請安至每年密雲副都統派出營總率皆奏請應否賞穿黃褂此係循例之事從無不准穿用年分以後著不必奏請俱准穿用○又諭昨日

召見景燭據奏現惟伊與明志二人進護軍統領班詢問其故據稱前鋒統領護軍統領等派出隨園後如行圓日少則啟鑒之前歇班三日行圓日多則啟鑒之前歇班五日歷年相沿已久等語殊非情理即如御前乾清門行走之大臣侍衛於朕啟鑒之前一日照舊進班豈有歇班之理此風日久今亦不究著將前鋒統領護軍統領等申飭外嗣後務將此等習氣痛加禁止即啟鑒前期遇直班

時惟恐倉猝貽誤官差亦當彼此通融遷換不得歇班○戊辰諭內閣富俊等奏請定奉天運通糧石分別責成一摺奉天運通糧石於乾隆年間經倉場侍郎申保奏明海運則責之奉天委員河運則責之天津道縣嗣經直隸總督周元理奏改無庸天津道縣盤驗祇催令原運之員押運交通原未免意存諉卸茲據富俊等奏天津剝船大者不過裝米二百石統計二十萬石須用千艘未免照應

難周亦屬實在情形嗣後奉天運通米石著責成奉天委員於領運時先行出具並無潮溼短缺甘結方准起運抵津時飭令該管道縣按船盤驗出結如有潮溼短缺即著落奉天官員分別著賠若該管道縣驗收出結以後其由津至通則責成直隸委員小心轉運仍令奉天委員一同照料交倉如再有前項情弊即著落奉天委員及直隸道縣委員一體分賠以昭覈實○己巳

上幸萬壽山○以福州協領懷塔布為江寧副都統旌表守正捐軀四川捷為縣民稅大維妻楊氏○庚午諭內閣據英和等奏協領扎布扎那畏罪自盡並富俊自請交部嚴議各一摺盛京護務一案經英和等查有端倪奏請將局員扎布扎那解任質審行文富俊傳提送案乃富俊並不即時飭解又不派員看管以致扎布扎那乘間自縊富俊平日性情拘執此次不免意存迴護即此一端已屬

咎無可辭著先行交部嚴加議處○又諭刑部奏請酌添飯銀以資辦公並請飭令各直省將新舊未解飯銀迅速解部二摺部院衙門設立飯銀向例由各直省於耗羨項下按年批解以資辦公歲有定額刑部事務於六卿中本屬較繁其飯銀支放之處亦自較各衙門需用稍多若以原額不敷遽請議增則各衙門惟戶部飯銀尚為寬裕此外各都院設亦以原額不敷辦公效尤奏懇又豈能一

律增添所有刑部懇請酌加飯銀之處不可行惟該部額設飯銀各項必得及時支領現據奏稱安徽等省共新舊欠銀三萬一千餘兩何以遲至數年並未解部足見外省積習疲玩任意宕延著各該督撫即查明此項飯銀舊欠若干迅速補解其本年應解飯銀亦一併起解毋許再有拖欠○准浙江前任知縣周春重赴鹿鳴宴並賞六品頂帶○免直隸文安縣大窪地畝上年額賦○緩徵甘肅

涇渭源伏羌永昌鎮原五州縣並東樂縣丞所屬旱災新舊額賦○辛未諭內閣當年奏查禁軍船夾帶私鹽章程一摺據稱杜絕弊端當禁止官鹽之濫售及搜查軍船之夾帶現於產鹽處所設法查緝其軍船例准買帶食鹽四十斤應給與印照以杜影射並於直隸滄州及山東江南產鹽之區委大員認真搜查等語軍船夾帶私鹽不獨有礙淮綱即沿河各引地亦有滯銷之患自應大加整頓

力為查辦該鹽政務當督飭場所各官按緝巡緝如有私行販賣即嚴拏究辦至軍船例應買帶食鹽若不明立章程則丁舵水手借端弊混難以查察著漕運總督轉飭運弁於幫船回空之日如果食鹽短缺給予該旗丁印照一紙令其持照赴店照例置買自不致再有透漏其直隸山東江南逼近灘場處所鹽價較賤尤易滋弊著天津兗州徐州各鎮於幫船回空之際實力巡查並著該督撫派

委道府一員一體搜查如有例外多帶鹽斤一面飭令軍船歸次受兌一面扣留私帶之人嚴行懲辦務使囤戶奸丁咸知畏法以清弊源○以葉爾羌辦事大臣鐵保為翰林院侍講學士仍留任○盛京戶部侍郎貴慶緣事解任以盛京禮部侍郎凱音布署戶部侍郎○壬申

上以秋獮木蘭自圓明園啟鑾命

皇次子綿愷皇三子綿愷於八月初旬前往熱

河隨駕進哨○命儀親王永璇協辦大學士尚書明亮劉權之尚書勒保留京辦事○諭內閣伯麟等奏請以候補知府成璧補授思南府知府一摺所奏非是思南府知府係屬選缺自應遵例聽候部選若因近來該府事務較繁非初任人員所能勝任即應將今昔情形不同可否改為題缺之處先行奏明請旨覈定乃該督等於業經出缺之後輒以地方緊要為詞將捐納候補人員違例請補其

摺內聲明成璧係理藩院侍郎策丹之子未免意涉瞻徇試思該員係捐納出身到縣未久於地方一切事宜未必遽能諳悉為通省不可少之員且伊既有力報捐知府即令在彼守候數年再補實缺有何迫不及待乃必於應歸部選之缺急急為之奏請耶所奏不准行伯麟鄂雲布均著傳旨申飭○以光祿寺卿張鵬展為太常寺卿○免蹕路經過地方本年額賦十分之三○是日駐蹕南石槽

行宮○癸酉諭內閣溫承惠奏平泉州知州
麟昌現准部咨推升

泰陵禮部員外郎該員熟悉口外情形請仍留
平泉州原任又稱該員已得升階若令久於
平泉州未免向隅將來遇有地方同知直隸
州缺出請以該員奏補等語溫承惠既稱麟
昌為口外必不可少之員何以又不欲其久
留口外所言實自相矛盾不過以麟昌現補
陵缺託詞規避耳溫承惠此奏殊屬有意取巧

著不准行並將溫承惠交部議處○又諭景
安奏周隴傑仔因挾嫌誣指劉玉光拾獲餉
鞘致劉玉光被誣押斃一摺據稱周隴傑仔
誣告平人致死例應擬以絞抵因該犯犯罪
時年止九歲照例聲明請旨等語朕詳閱情
節該犯始則貪利挾嫌妄扳繼復到官狡供
誣證以致拖斃無辜伊年未及歲已如此狡
黠傾陷將來長成自必更加險詐所有周隴
傑仔一犯罪名著交刑部詳查例案悉心妥

議具奏尋議上得旨刑部奏改擬幼童周隴
傑仔罪名一摺此案周隴傑仔年甫九歲即
知挾嫌誣指狡供捏證以致拖斃無辜殊為
狡黠自應量加懲創但向來十歲以下犯死
罪者定例尚准收贖今刑部照誣告致死平
人之例問以絞候竟請永遠監禁則未免過
重該犯究係童穉且當差役查拏失鞘之案
向伊詢問之時伊因曾被劉玉光毆詈兼貪
圖差役給錢買糖隨即信口誣指彼亦不知
偷竊餉鞘是何罪名不過藉以洩忿是該犯
本無致死其人之心此時加等問擬祇應照
原擬絞罪不准收贖入於秋審緩決已足蔽
辜將來遇有恩赦減等之時仍可邀恩減免
何至令其終身永錮囹圄殊失平允周隴傑
仔一犯應即問以絞候交刑部歸入緩決嗣
後設有案犯相同者著照此辦理至此案現
據刑部奏稱情節尚有不實不盡之處請旨
駁審著交該撫再悉心研鞫據實具奏毋稍

迴護將來該撫覆審到時如果與原審無異則周隴傑仔一犯即照此辦理否則仍當另行改擬○又諭吉林等處私種秧苗多收漫餘銀兩一案獎實叢生秀林在任最久前經朕召見時屢次詢問秀林已自認知情朕看伊奏對之次戰慄恐懼即覺其情虛膽怯必有通同侵蝕情事當諭文寧松寧劉掖詳悉根究務期水落石出茲據文寧等奏到查明侵蝕漫餘銀兩各情獎據實嚴叅并將侵蝕銀數開單進呈該處歷任將軍副都統等無不侵用疊疊而秀林侵蝕之數為甚自十二年以後共侵用銀三萬數千兩之多伊第四子及家人等亦復乘閒分肥而此外饋送廢員以及屬員等朋分侵蝕任意舞弊無所不至皆由秀林縱欲營私通同一氣其罪甚大不料其昧良負恩至於此極著派托津同乾清門侍衛蘇冲阿玉福即日回京將秀林傳旨革職拏問即著蘇冲阿玉福帶同刑部

隸卒等立時押至行在交軍機大臣會同刑部嚴審定擬具奏沿途押解行走務須加意嚴管儻有疏虞惟蘇冲阿玉福二人是問至伊第四子及家人劉姓等並戶部山東司書辦胡果著一併查拏即派刑部司員另行押送行在歸案審辦其秀林家產著派托津會同祿康嚴密查抄秀林知此事發覺已久自必豫防籍沒必有隱匿寄頓情事托津到京後務須與祿康嚴查密訪無任透漏如有應

向伊家人等根究之處並著伊二人會同刑部訊辦伊第四子無論是否分居著與伊家人劉姓等及書辦胡果均一併嚴密查抄托津於查辦完竣之後再回行在復命前任副都統達祿伊鏗額前署將軍降調副都統布蘭泰侵用銀或千餘兩或數千兩不等達祿伊鏗額著革職即行押赴行在審訊布蘭泰著革職交文寧等一併嚴行審訊其布蘭泰家產並交文寧等查抄至該處漫局協領薩

音保錢保係經手之員現復供認分用銀兩著革職拿問交文寧等審辦其從前承辦漫局之協領托克通阿青山亦有質訊之處並著解任備質又諭文寧等查奏吉林邊務將歷任將軍副都統等侵用銀兩分晰開單進呈內有秀林等饋送廢員綳武布巴寧阿慶傑銀兩各款殊為可詫綳武布等均係獲罪發往自應派當苦差効力贖罪乃秀林將婪索之銀恣意交結單內於綳武布名下有

代修造住房伙助盤費多次並代為完繳官項甚至饋送節禮前後計銀九百八十餘兩秀林廢朕國法邀譽違犯即此一節罪在不赦綳武布在彼不但不當苦差而且得任意花銷度節取樂全無畏懼不可不加以懲儆綳武布前已棄瑕錄用著即革職仍行發往吉林効力贖罪該將軍等不准按期奏請總俟朕旨已寧阿亦經得受盤費銀三百兩伊前經賞給主事銜食俸在盛京辦工亦著革

去主事銜仍留工次効力贖罪以示懲儆○以散秩大臣富勒琿凝珠為正紅旗蒙古副都統鎮國公綿齡為正紅旗漢軍副都統正白旗護軍統領溫春為烏里雅蘇台參贊大臣葉爾羌辦事大臣鐵保為喀什噶爾參贊大臣調阿克蘇辦事大臣那彥寶為葉爾羌辦事大臣以藍翎侍衛范建豐為阿克蘇辦事大臣○賞密雲縣接駕兵丁半月錢糧○是日駐蹕密雲縣行宮○甲戌駐蹕要亭行

宮○乙亥諭內閣留京王大臣等會同吏部議處普恭一摺請將該侍郎普恭照違制杖一百私罪例革職固屬咎所應得惟朕細覈情節稍有可原此案若普恭隨帶跟役在朕駕前行走非但將伊革職尚當治以應得之罪姑念伊前日係於駕後隨帶跟役在隊內行走尚未敢於朕未經行之蹕路恣意踐踏且朕亦未目睹其同行之人未必盡係伊之僕從罪疑惟輕尚可量從末減普恭著加恩

以六部員外郎降補○轉兵部右侍郎成書為左侍郎調禮部右侍郎成格為兵部右侍郎以都察院左副都御史德文為禮部右侍郎○調鑲黃旗漢軍副都統本智為正藍旗滿洲副都統以禮部右侍郎德文兼鑲黃旗漢軍副都統○賞看守避暑山莊弁兵及熱河接駕兵丁一月錢糧看守口內口外各行宮弁兵半月錢糧○是日駐蹕兩閒房行宮丙子諭內閣近來諸臣內執法者少廢法

者多大率不肯存任怨之心而惟知蹈市恩之習夫立法創自

祖宗百餘年來奉行勿替朕祇守

成憲諸臣即皆係佐朕執法之人自當有善同賞有惡共罰况本朝法度公平一切斷罪論刑從無過嚴失當之舉設使有過嚴失當者諸臣亦惟當執法論奏苟所奏得當朕亦無不權衡未減豈有陽奉陰違私向罪人昵比之理即如近日查出綢武布等獲罪之後發

往吉林彼時秀林等竟為之代修住房伙助盤費並且為之措繳官項甚至饋送節禮多次風聞各處遣戍官犯竟有與將軍並坐共食者豈不可駭朕於臣下所犯罪名區別詳慎其罪不至死者按照定律分別軍流至於大臣問擬遣戍者大率案情本重尚不至於死是以止坐謫戍令其備嘗艱苦至於日後或加恩釋回或令其多住數年或竟不准釋回皆必詳審再三歸於至當乃朕方令其折

磨改悔而該處大臣轉為經營曲庇安其服食便其起居俾得花銷逸樂盡忘戍所之苦豈非背法而行必欲與朕意違拂乎且人情照應誰則能免果係舊交戚好現非執法之人逢有謫戍遠行解囊伙助此亦情事之常若秀林等正係該處執法大臣何得與本處罪人私相交往往况其所給銀兩又非已貲不過將婪索賍私供其揮霍蓋緣伊等在彼亦自知營私敗檢之事難免人知豫恐發往之

人釋回傳播既可藉此彌縫而又結交見好豫為他日地步其居心豈復可問乎此等特旨發遣之人該處大員尚敢如此庇護無惑乎上行下效各處地方官於發遣流徒常犯皆一味博寬厚之名全不認真管束以致在配脫逃者絡繹不絕如昨日廣西逃遣復來行在叩關成何事體各省刑禁弛縱如此國法安在朕辦理刑政從不肯有意從嚴天下臣民共知共見而大臣中乃敢市恩取悅徇

私廢公則是朕之所惡必欲庇之國之所棄必欲全之將憲典竟可阻撓罪人無所儆懼朕豈肯以國家成法任伊等廢弛將來勢不得不大加整頓激成猛以濟寬朕亦無如之何矣將此通諭內外臣工其各屏去私心凜遵法度勿徇情邀譽自蹈重愆以副朕諄諄訓誨至意○旌表守正捐軀江蘇崇明縣民陳裕添妻胡氏○是日駐蹕常山峪行宮○丁丑駐蹕喀喇河屯行宮○戊寅

上至熱河詣

文廟瞻禮

關帝廟

城隍廟拈香○詣

永佑寺行禮○諭內閣儀親王等奏派往伊犁辦理糧餉之額外主事職銜善良前在顏料庫員外郎任內失察書吏王書常冒領庫項罰賠銀八百兩現因趕緊起程實在貧窘無力完繳呈懇俟差竣回京再行措交等語善

良既係貧窘屬實其應賠之項勢難立時追繳但此時若令伊前赴伊犁轉恐藉賠繳官項為名致有需索情弊善良竟不必派往伊犁令其將應賠銀兩在京設措完交所有伊犁辦理糧餉事務著另行派員前往○賞熱河綠營弁兵及額魯特兵丁一月錢糧○是日駐蹕避暑山莊至八月丁酉皆如之○己卯諭內閣近來告訐之風愈趨險詐刁民等知叩關之案無論虛實皆先犯衝突儀仗罪

名遂將其欲誣之事欲陷之人私行繕寫奏章或封交部院衙門或遞交王公大臣及官員等私宅懇其轉奏接收之人不敢隱瞞遂將原封呈覽如前日都察院所遞雲南民人萬永寧之摺尚不過迂腐之談無關緊要至昨日御史王開雲奏湖南民人陳廷瑜所遞之摺則竟係伊自行控告族人隱匿財產之案曾經部斷不服遂嘵嘵瑣敘摺內遞至朕前欲圖翻控蓋其意在叩關而又欲倖免叩

關之罪居心實屬陰險且伊將原摺交與王開雲時則口稱劉姓及至披閱之下始悉該犯姓名種種挾詐懷欺全係傾險刁控伎倆小民等即實有冤抑叩關陳訴尚不免於罪而該犯等逞其訐告之私又復巧避罪名為鬼為蜮刁風實不可長亟應大加懲創嗣後如有民人等轉交王公大臣官員等代遞密摺如僅止條陳事件言有可採尚當量為嘉獎即所奏祇係迂腐之談無裨政治亦止發

回原籍交地方官嚴行管束若係控告案件即使所告得實亦著將原告之人照衝突儀仗罪名加重懲治俾昭炯戒所有陳廷瑜控案現交留京王大臣會同刑部覆審將來定案時即照此辦理尋奏上得旨此案陳廷瑜以擬流加徒之犯在保潛逃復行誣控又不親自具呈膽敢繕具密摺詭造姓名投入御史王開雲家懇其代奏其居心陰險已極若不嚴示創懲將來告訐之風講張益甚陳廷

瑜著先在刑部衙門前枷號一箇月示眾滿日再照王大臣等所擬發往黑龍江充當苦差以示懲儆嗣後再有似此狡詐棍徒均著照此辦理○庚辰諭內閣吳璥等奏清江浦玉帶河南岸文渠溝宣放積潦因陡遇風暴掣通草壩現已堵閉穩固將承辦工員分別著賠參處一摺本年六月清江浦地方久雨積潦署清河縣知縣羅翺遠急圖疏濬將玉帶河南隄剷成溝槽以期洩乾底水惟時猝

遇暴風署裏河同知陳式平所築雲壘口之壩後戲尚未澆足致風浪撞擊掣通壩身壘塌十六丈吳璣等聞報馳往督率道將廳縣趕緊鑲築堵閉斷流所有堵築此項缺口應用錢糧不准開銷即著落承辦壩工未能趕緊澆戲之署同知陳式平及急圖宣放辦理率忽之署知縣羅翺遠分別賠完並將陳式平撤回革去前加同知升銜仍以通判効力其辦工之備弁兵役等分別撤回責革示懲所有吳璣等自請議處之處著照所請吳璣徐端淮揚道葉觀潮著交部議處至該處正河陡落時聞有被水居民雖經松筠吳璣等捐貲撫卹仍著該督等詳查如有應行加恩之處據實具奏不可稍有諱飾○命廣州將軍慶溥來京另候簡用以前任西安將軍阜保為廣州將軍○遣乾清門侍衛慶長往奠故土默特貝勒索諾木巴勒珠爾茶酒賞銀三百兩治喪○旌表守正捐軀河南夏邑縣

民劉勇魁妻吳氏○辛巳諭內閣本日據步軍統領衙門及稽查俸米御史等奏查出關領俸米以糠充數兩摺各官員赴通關領俸米經朕特派步軍統領及御史巡查原欲使米石全數入城不致顆粒偷漏以杜回漕之弊乃該車夫等膽敢串同鋪戶先行在通售賣將糠粃充數希圖朦混入城情殊可惡此項米石是否係車夫鋪戶私行串賣抑或竟係領米各員知情授意不可不徹底根究所有拏獲之車夫黃五管七等各犯及未獲之雇車人項五鮑三著一併拏交刑部嚴行審訊如祇係車夫鋪戶等串商弊混則已儻領米之員有商同牟利情事即著嚴叅一體究辦此後俸米入城務當嚴密抽查毋任朦混○諭軍機大臣等福慶奏伊家人高斌檢獲匿名揭帖控告吏部郎中吉齡在張家口管理稅差將所收稅銀六千兩交趙四帶京買房一事吉齡身任稅員如果私將稅銀帶京

買房其罪甚重。但係匿名揭帖。未可盡憑。恐有挾嫌誣控之處。現據伊呈內稱。有花戶趙四。向與吉齡相好。經吉齡派其經管稅口。其銀兩即係交趙四送回。且稱吉齡因用趙四之後。遂將伊等徹回。是此事祇須查明吉齡是否信用趙四。並用趙四後。徹回何人。則一切皆可根究得實。此案即著福慶帶伊所屬司員。馳驛前赴張家口查辦。一面將吉齡暫行解任。如果查獲趙四。訊有私送稅銀進京之事。再奏明將吉齡革職治罪。如嚴究並無私送稅銀之事。則應根究匿名控告之人。查拏懲辦。將此諭令知之。○江南河道總督吳璥。以病乞開缺。允之。以副總河徐端為河道總督。並裁江南副總河缺。○命工部尚書馬慧裕。馳往南河。督辦修復海口等事。○是月兩廣總督百齡奏謝得旨。汝竭忠盡力。應受恩施。朕望汝常守清心。永承優眷。切勿過勞。愛惜精神為要。隨摺親解佩囊封寄。如見朕

面矣

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十二

御筆扁聯在乾隆五十七年以前者雖經摹刻懸掛其原奉

墨寶仍應留該省尊藏況其餘

天章

宸翰未經摹刻者尚多正應於朕臨涖之時敬謹懸掛粘貼用遂瞻仰何得一律繳進衡齡即因溫承惠告知直省曾經恭繳

御筆思欲倣照辦理亦當先行奏明請旨乃衡齡既不請旨於前而於委員齎送到京時又不附摺陳奏率將所有

御筆一概繳進實太糊塗冒昧矣此事前已特交懋勤殿查明將應行留貯各件酌量留貯外其應行發回懸掛粘貼者詳細造冊仍交委員齎回著衡齡即敬謹收明遵照辦理嗣後該處一切差務衡齡總當遵照諭旨隨時妥辦毋得妄出己見設明年朕臨涖該處查有伊率意徑行似此冒昧之舉必當加以懲處不能寬恕也○准山西前任翰林院檢討

鄭岱鍾重赴鹿鳴宴並賞國子監司業銜○丙戌

上御如意洲賜扈從王公大臣蒙古王貝勒貝子公額駙台吉等食並賞賚有差○諭內閣據興奎奏已革內務府郎中德音等於本年六月內先後抵戍現均飭派當差等語德音瑞寧廣善士誠恩吉靈鑄常文羅漢保等八員上年在內務府廣儲司銀庫任內均因失察王書常私用假印捏款領銀一案降旨革

職遣戍本屬罪所應得但王書常捏造印文係交內務府堂上復經堂上札庫支放該員等雖管理銀庫未見來文其冒昧支放情稍可原所有德音等八人著加恩俟到配一年之後即予釋回該都統無庸再行請旨至已革戶部郎中劉承霽即劉洋於王書常等假捏印文冒領銀款均由伊主稿札庫又已革工部筆帖式惠崑因受奸書朦混屢次代為繕譯假文情節較重此二人均著俟到配三

年後交該都統照例奏明請旨○諭軍機大臣等榮麟等奏審辦土默特旗護衛諾們呼圖克呈控攢毆斃命一案現已檢驗明確屍親狡辯不服請解送熱河派大員會同訊斷等語此案甘珠爾自將馬鞭遺放茶館之內未經尋獲輒疑飯店偷藏向王二娃子爭鬧迨勸散之後經同喫酒飯之鎖住將馬鞭在茶館取獲給予甘珠爾自覺爭鬧無謂被人恥笑其愧忿實屬有因且其自縊處所在店門十餘里之外若係移屍裝弔豈有捨近趨遠不畏人看見之理是其自縊情節似無可疑惟伊父既未心服必須再行研究著將原被告及要證鎖住等解赴熱河交軍機大臣會同刑部覆加嚴審定擬具奏若於進哨前解到即可審辦儻解到已在進哨之後著暫留熱河監禁俟迴鑾時再行審訊榮麟等將濟克濟特扎布等控案審擬完結後即赴行在覆命可也將此諭令知之○以涼州副都

統富色鏗額為寧夏將軍西安協領穆騰布為涼州副都統○除江蘇上海縣坍沒蕩田五十頃九十九畝有奇額賦○丁亥祭先師孔子遣大學士祿康行禮○諭內閣盛京辦理濫務現據英和等查出私種秧蕩及局員等知情得賄各弊端富俊在任數年漫無覺察前於降旨飭查時仍以取具局員供結委無情弊等詞冒昧覆奏該局員等恃有將軍為之抵辯益復匿不吐實經英和等提證嚴訊始將種種情弊全行究出此案局員扎布扎那實為罪魁當英和等查有端倪奏請將該員解任時富俊自應立將扎布扎那傳提送案訊明得贓舞弊各情按律定擬明正刑章以懲貪黷乃不即時飭解致該犯乘間自縊倖免刑誅富俊疏縱之咎尤無可辭前部議將富俊照徇庇例降三級調用伊任內無級可降應行革任今英和等復奏請將失察栽種秧蕩並屬員得受陋規之將軍富

俊副都統伊冲阿交部嚴議並因富俊先出主見令燒鍋人等賠償駁回漫斤再請交部議處富俊於此案始終迴護獲咎多端無庸再交部議著即革職發往吉林効力贖罪伊冲阿之咎較富俊稍差著交部嚴加議處先行回京候旨尋議上得旨伊冲阿著降宗人府筆帖式仍戴用宗室四品頂帶○又諭前據富俊奏盛京協領扎布扎那許告侍郎貴慶需索等情並於自盡後懷有字帖申訴當

經降旨交英和初彭齡會同崇祿秉公查辦並將貴慶解任備質茲據英和等奏傳到案犯三面質對貴慶並無需索之事惟到任後該處內倉監督圖亮等曾致送水禮貴慶收受並貴慶家人得受銀兩屬實又查榮麟任內亦曾收受節禮其家人亦曾得受門包等語此案已故協領扎布扎那於茂務案內先經查有向該處商人派捐銀兩等事經欽差到彼查拏畏罪自盡復懷字帖控告茲訊問

伊家屬人等眾供如一該犯委係挾貴慶查辦之嫌慮干伏法情急自盡因而為此報復之計是貴慶在彼並無需索情事惟於監督等致送水禮時先經駁回後因再送收受又家人劉喜等曾兩次得受監督賞銀伊漫無覺察雖據該監督等供係歷年舊規究屬不合貴慶著交部嚴加議處即來京聽候部議至榮麟前在盛京戶部侍郎任內既據訊出亦曾收受該監督等節禮並失察家人得受

門包亦著一併交部嚴加議處其致送禮物門包之內倉監督等除吉勒杭阿已於茂案革職治罪外圖亮崇福均著交部議處餘著交刑部議奏尋議上得旨榮麟著降一級調用貴慶降二級調用○命嗣後凡有指定額駙者無論貢舉各項出身均不准再應鄉會試著為令○以光祿寺卿薩彬圖為盛京戶部侍郎大理寺卿哈魯堪為盛京兵部侍郎○調烏里雅蘇台將軍正白旗漢軍都統觀

明為盛京將軍以前任廣州將軍慶溥為烏里雅蘇台將軍兼正白旗漢軍都統調齊齊哈爾副都統靈泰為盛京副都統以打牲烏拉總管蘇清阿為齊齊哈爾副都統○准漢軍前任知縣舒展重赴鹿鳴宴並賞六品頂帶○撥奉天運京小米二十萬石並飭戶部籌撥近省銀三十萬兩賑直隸被水災民○戊子祭大社

大稷遣儀親王永璇恭代行禮○以詹事府詹事佛住都察院左副都御史溫汝适監臨順天鄉試兵部尚書劉權之為正考官刑部左侍郎朱理工部左侍郎陳希曾為副考官○調吉林副都統玉衡為伯都訥副都統阿勒楚喀副都統德寧阿為吉林副都統伯都訥副都統色爾袞為阿勒楚喀副都統○己丑諭內閣蔣攸銘奏請揀調首府一摺嚴榮籍隸江蘇吳縣距杭州府雖在五百里以內但

人地相需且有邵齊然調補杭州府之例嚴榮准其調補杭州府知府至所遺金華府員缺該撫自應即以吳廷琛奏補乃轉以嚴州府福珠隆阿調補該員到浙未久於該省情形諒未必即能熟練並有革職留任處分與例亦屬不符吳廷琛尚未蒞事其勝任與否焉能豫料如果到任一二年後辦理未能裕如該撫不妨隨時據實奏調今請將福珠隆阿調補之處不准行其金華府知府員缺即

著吳廷琛補授○諭軍機大臣等據許兆椿奏邳宿運河河成開以南舊曾添設匯澤利運亨濟濬流四閘嗣因浸水淤成平陸船由越河行走每多淺阻除匯澤濬流二閘節經挑復外亨濟閘地勢平行尚非扼要其利運閘請一律挑通等語運河建設閘座互為節宣今許兆椿請挑復利運閘較之船由越河行走但資草壩擎托蓄水自為得力著該管河督即委員查勘如必應挑復即於本年迴

空糧船過竣後趕緊興挑其滯流河成二開
開底開牆有應修之處亦著及時修理穩固
一切覈實辦理為要又該漕督奏稱駱馬湖
濟運引渠日漸淤高併請嚴禁私壅一節駱
馬湖蓄水濟漕為邵宿運河扼要機宜豈可
任其逐加淤墊著該河督會同該督撫派委
明幹大員妥為清理其壅種已久無礙河渠
者可仍循其舊如有私壅湖灘致妨水道者
申明定例嚴行禁止其堵開尾閘及收蓄泉

水悉依定制辦理庶於通漕利運之道不至
有名無實也○又諭那彥成奏查辦甘省被
災各屬情形一摺甘省被旱成災各地方前
據那彥成兩次奏到節經降旨緩徵外其應
行分別賑卹之處該督即應上緊查明以憑
續降恩旨至其餘尚有續報被水被雹及山
土推壓處所以及續報被旱地方那彥成一
據稟報之後亦即應迅速查明將如何施恩
撫卹之處分別具奏請旨以安衆心乃今日

那彥成之摺祇敘稱查辦情形並酌擬災賑
規條進呈而於應辦賑卹事宜全未之及小
民流離失所望澤孔殷朕廬念災區惟欲早
覃恩澤似此空言奏報於實惠奚裨且閱伊
單內規條亦尚有未善之處如查點戶口一
節向祇責令地方官委員查勘今那彥成忽
欲令本處紳衿耆老隨同點查其意自以不
肖官員浮開侵賑舞弊繁多如上年江蘇省
之王仲漢即其明證因欲矯而為此以杜弊

端殊不知紳耆中亦不皆誠實可靠儻或挾
私舞弊亦可將其親戚相好之人意為朦混
甚或浮開戶口圖便己私隱匿侵吞均屬事
之所有將來紛紛上控告案更多辦理多有
窒礙殊可不必那彥成惟當遴派賢員妥為
經理隨時嚴禁舞弊實有犯必懲則貪吏奸胥
自然斂戢無庸因噎廢食此旨到後著速將
皋蘭三十州縣以及渭源平涼河州等各處
災分輕重賑濟緩急應如何請旨之處速行

分析奏明毋再延緩○除河南溫孟陝三州縣坍沒沙地四百九十八頃八十一畝有奇額賦○庚寅諭軍機大臣等吳璥徐端奏修復海口舊河大工一摺修復舊海口實為治河正辦昨已派馬慧裕前往會同經理矣朕思海口為全河尾閘前人相度經營皆屬因地制宜立法至為周備黃河千里一曲本天地自然形勢非人力所能強總之下游通暢則上游方無壅塞之虞後之治河者自應遵

守前規勿參私臆現在料物將次齊全工員亦均分派一俟秋汛後徐端即會同馬慧裕虛衷商榷督率在工員弁照所估寬深大尺將舊河挑挖深通以成吸川之勢俾正河復歸故道永慶安瀾為一勞永逸之計切勿妄議紛更致滋流弊為要將此各諭令知之○兩廣總督百齡奏瓊洋擒獲盜匪出力員弁權外委黃仕揚為把總餘升敘有差○辛卯太宗文皇帝忌辰遣官祭

昭陵○壬辰遣官祭黑龍潭

昭靈沛澤龍王之神玉泉山

惠濟慈佑靈護龍王之神○除江蘇丹徒縣

坍沒沙潮田三頃九十六畝有奇額賦○蠲

緩吉林本年水災新舊額賦有差並賑旗地

官莊義倉站丁及永智社舊站等四十七屯

災民仍給房屋修費○癸巳

太祖高皇帝忌辰遣官祭

福陵○以故杜爾伯特扎薩克貝子喇特納巴

拉弟鄂綽爾瑚雅克圖襲爵○甲午遣官祭

文昌帝君廟○以故科爾沁貝勒三音察袞

子色楞多爾濟襲爵○乙未

上詣

永佑寺行禮○旌表守正捐軀直隸深州民李

得信女李氏○戶部議准兩廣總督百齡疏

報饒平縣開墾水田三十五畝照例升科從

之○丙申遣官祭

關帝廟○諭內閣每年奉天巡查海口僅由

將軍府尹派員前往恐仍不免疏漏著該將軍奏明請派盛京侍郎一員帶領協領一二員前往緝查如拏獲私濫即著該侍郎具奏將濫斤解京並將該侍郎及協領等一併議敘其山東海口專令登州總兵巡緝亦尚未周著添派登萊青道會同稽查如拏獲私濫上岸即報明山東巡撫具奏濫斤解京將該鎮道議敘並將派查之盛京侍郎協領等官一併議處餘均著照所議行○諭軍機大臣

等本日文寧等奏嚴審局員侵蝕銀兩確情按律定擬并究出秀林捏奏冒銷各緣由一摺除就近訊問秀林外薩音保錢保二犯著該將軍即遵派妥員解京交刑部監禁其已故協領布蘭泰抄產著交該將軍估變同現銀一千兩歸入該處濫務項下備抵又另摺奏體察秋濫積弊一摺吉林等處近年裁種秋濫肆行無忌現據文寧等查出者即有十七處之多皆由秋濫可以交官可以販賣人

人視為利藪故紛紛作偽莫可禁止今經此次查辦之後真偽不能混淆無可銷售孰肯置此違禁之物徒費工本數年以來上自將軍下至協領人等通同作弊上行下效何怪乎此等無知細民此時惟當將官員分別懲創無庸深究伊等文寧等現將拏獲之二犯遵旨保釋自應如此辦理其後未獲各犯不必再行查拏該將軍總當於嗣後挑濫之時認真留心仍隨時申明例禁大張告示此後

官私俱不用秋濫如尚有裁種秋濫者有犯必懲并將該處透漏好濫之路查明杜絕則濫務自臻妥協所有此外有應議章程著文寧等即會同賽冲阿詳敘周妥具奏於辦竣後再將軍古塔濫務並伯都訥安插流民二事次第妥辦可也將此各傳諭知之○命湖南巡撫景嵩馳往廣東查辦事件以湖南布政使朱紹曾護理巡撫事○丁酉上御卷阿勝境賜扈從王公大臣蒙古王貝勒

貝子分額駙台吉及年班外藩等食○戊戌上自避暑山莊啟鑾幸木蘭○遣官祭昭忠祠○是日駐蹕中關行宮○己亥諭軍機大臣等徐端覆奏黃河形勢隨灣取直各緣由並繪圖進呈已於園內俞家灘黃泥嘴舊河灣折相對之處用硃筆攔截即照徐端等原議取直挑挖矣隨灣取直之諭自

聖祖仁皇帝時已明頒訓諭前任河臣靳輔張鵬翮等皆敬謹遵辦並非吳璥等創為此論

松筠自係聽他人慫恿未經熟悉全河形勢亦未詳查舊案率為此奏不獨挑復舊河灣曲處所虛糜帑銀九十餘萬之多且捨直取曲亦斷無此理已諭令松筠不得干與河務機宜唯當幫同督催料物如有應行派調之員即飭令前往以期迅速集事此事專責成馬慧裕徐端二人一面催集料物一面上緊挑挖務令引河得勢方可掣動全溜挽回故道切勿稍有游移仍將何時動工挑挖約於

何時可以開放引河之處隨時具奏以慰塵注將此諭令知之○以太常寺卿誠安為都察院左副都御史○准山東前任知縣林培由重赴鹿鳴宴並賞六品頂帶○給河南孟津縣被水災民一月口糧並房屋修費有差○是日駐蹕波羅河屯行宮○庚子調禮部左侍郎秀寧為吏部右侍郎轉禮部右侍郎德文為左侍郎以內閣學士哈寧阿為禮部右侍郎○調正白旗漢軍副都統秀寧為鑲

藍旗滿洲副都統以散秩大臣恒寧為正白旗漢軍副都統○賞看守黃土坎等五處行宮弁兵半月錢糧○是日駐蹕張三營行宮○辛丑

上行圍以橋道平固賞圍場總管安福等加一級兵丁半月錢糧○是日駐蹕阿圭圖御營○壬寅

上行圍○以降調太常寺卿周系英為光祿寺卿○予故貝子永澤祭葬如例○是日駐蹕

海拉蘇台御營○癸卯

上行圍○順天府以宗室鄉試中額請得旨取中八名○准漢軍前任知府施奕學重赴鹿鳴宴並賞三品頂帶○是日駐蹕呼魯蘇台御營○甲辰

上行圍○命詹事府少詹事汪守和為奉天府府丞兼提督學政詹事吳烜提督順天學政戶部右侍郎劉鏞之提督江蘇學政工部右侍郎顧德慶提督安徽學政吏部左侍郎潘

世恩提督江西學政右春坊右庶子方振提督福建學政右春坊右中允姚文田提督河南學政太常寺卿張鵬展提督山東學政光祿寺卿周系英提督山西學政翰林院侍講學士鮑桂星提督湖北學政編修徐松提督湖南學政禮科給事中趙佩湘提督四川學政福建道御史程國仁提督廣東學政江西道御史汪彥博提督廣西學政翰林院編修程壽齡提督雲南學政戶部主事胡枚提督

貴州學政○以禮部左侍郎戴聯奎署吏部

左侍郎工部左侍郎陳希曾署戶部右侍郎兵部左侍郎萬承鳳署工部右侍郎○是日駐蹕那爾蘇台梁西山根御營翼日如之○乙巳

世宗憲皇帝忌辰遣官祭泰陵○旌表守正捐軀江蘇阜寧縣民朱鏐女朱氏山西文水縣民寇安妻宋氏○丙午上行圍蒙古盟長王公等於行帳西門外設大

蘊廬侍

上膳畢

上閱詐馬等技賞賚有差○是日駐蹕都木達烏拉岱御營○丁未

上行圍○諭內閣朕此次巡幸木蘭舉行秋獮連日圍場牲獸甚少本日巴彥布爾哈蘇台圍尤屬寥寥詢之管圍大臣丹巴多爾濟等據稱山岡上下多有人馬行跡並有車行軌轍山巔林木亦較前稀少從前朕隨

皇考高宗純皇帝屢次進哨此數圍皆係長林豐草牲獸最多之地除田獵弋獲外所放鹿隻動以千百計何以至今情形迥異自係圍場官員兵丁平素漫不查察任聽附近民人及蒙古等私伐林木潛偷牲隻或徇情賄縱均未可知此地界居上塞自康熙年間經喀喇沁王獻作圍場以供獮狩為肄武綏藩之所並非曠棄民田與尋常範圍不同自應嚴行約束禁止樵牧乃該管之員疏於典守即謂袁延遠闖入馬經行防範偶有未周豈車輛往來亦竟毫無見聞姑念現未查獲實據暫免深究熱河都統毓秀前任副都統係總理圍場之員總管安福係專管之員及所屬官弁等均著傳旨嚴行申飭仍責令督率兵丁嚴密稽查嗣後如再不留心管束當加倍治罪決不寬貸至舊例圍場內偷竊牲隻砍伐木植者拏獲按法懲治罪名本不甚重後經鐵保條奏改議從輕又經台費蔭奏明議

改較前稍重無如玩法者多日漸廢弛著交軍機大臣會同刑部將條例再行酌覈應如何復舊加重之處詳議具奏以聞○是日駐蹕巴彥布爾哈蘇台御營○戊申秋分夕月於西郊遣豫親王裕豐行禮○上行圍○是日駐蹕巴彥溝御營○己酉上行圍○諭內閣佛住溫汝迺奏本年順天鄉試南北四官卷應試人數較多請將中額酌增一二名一摺朕披閱後召見軍機大臣據董誥戴衢亨奏自乾隆二十三年定例以後南北四官卷各按十五人取中一名其零數增多者再各取中一名歷科皆以此為定額從未再於額外取中伊二人俱曾充順天鄉試考官均照定例辦理等語順天鄉試南北四取中官卷久經定制本科又非加恩廣額之年該監臨遽為此奏顯係有意見好所奏不准行佛住溫汝迺俱著交部議處尋議上得旨佛住溫汝迺著實降一級調用無庸再

行罰俸○又諭軍機大臣會同各部院衙門議奏新設熱河都統章程內其旗民交涉命盜案件既由該都統審擬將來秋審時自應另繕黃冊進呈並該處文武各員大計軍政俱著該都統切實舉劾會總督後銜具題至熱河非新疆可比應用漢字案件較多所有隨同辦事司員除理藩院司員照議揀派外其應派六部司員著專由刑部揀選熟悉刑名漢司官二員帶領引見候朕簡派一員前

往三年期滿如果該員等辦理妥協著該都統保奏引見候旨升用儻不能稱職即隨時叅奏該都統俟勅印頒到一切遵照新例辦理餘俱照所議行○又諭據戴均元等奏查驗二進軍船米石內松江各幫米色不純者居多至金山江淮五兩幫兌運青浦婁縣之米內有八千五百餘石攪雜較甚間有黑丁入倉難以久貯請照向來辦過成案先行開放等語軍船兌運米色節經降旨總須乾圓

潔淨毋許攪雜况本年曾據江蘇巡撫章煦奏稱恐松江等處近海地方產米未能乾淨是以嚴飭糧道認真查驗辦理乃現在金山江淮五兩幫攪雜米石仍有八千五百餘石之多可見地方官奉行不力該撫亦查察未周章煦著傳旨申飭此項攪雜米石入倉不耐久貯現當趕辦回空之時既難概行駁換而各幫到通已遲食米短少又無從易換好米祇可照該侍郎等所請先行開放至轉瞬

即辦理新漕該撫務當力除積弊嚴飭糧道督同地方官認真辦理期於一色純潔儻明歲到通之米再有似此攪雜不純致不能歸倉久貯彼時必當重治伊等之罪不能寬貸也○以鑲藍旗蒙古都統果勒敏色為內大臣○是日駐蹕鄂爾克哈達御營○庚戌上行圍○是日駐蹕達彥梁北口御營○辛亥上行圍○遣官祭賢良祠○是日駐蹕伊綿溝御營○壬子

上行圍○諭軍機大臣等百齡等奏籌議分船巡緝洋面章程一摺廣東洋面綿亙數千里近年來藏垢納污幾成盜藪自百齡到任以後嚴杜接濟大振兵威將各路著名首夥大盜分別勦撫一律蕩除此次復籌議善後章程分布各路師船責成巡緝所辦實為周妥此時洋面肅清已無大股盜匪但尋常劫奪小盜尚難保其必無若不隨時捕獲則日久嘯聚恐又萌蘖滋事百齡等務當督飭各鎮將等各於所管洋面認真巡邏期於有盜必獲但聞弁兵等積習相仍往往於真盜不能捕獲轉將海濱無業貧民如漁船蜆戶人等妄拏報官塞責邀賞以致誅及無辜從前伍拉納在閩浙總督任內任性妄為即有此等情事最為可恨百齡認真辦事現將粵洋巨盜收捕一空海疆寧謐勲績已成業經身膺懋賞其平素居心詳慎豈尚復存邀功之心朕亦斷不疑其有此但恐弁兵人等積習未

除或妄拏滋事用是諄諄訓諭該督等惟當隨時密查凡於捕獲案犯必須詳細研鞫以期罰當厥辜設竟有妄拏邀功之人即當嚴叅辦理不可姑息仍不得任伊等藉口因循並真盜亦不認真踴捕經理方為得宜其所議派員分設巡哨挑用船隻以及酌給捕盜口糧等項章程均照該督等所請行將此諭令知之○添設廣東水師提督一員駐劄虎門改左翼鎮總兵官為陽江鎮水師總兵官移駐陽江從總督百齡請也○以前任廣州將軍早保為鑲藍旗蒙古都統○寧古塔副都統富當阿緣事解任調吉林副都統德寧阿為寧古塔副都統以內閣侍讀學士松寧為吉林副都統○廣西提督胡天格因病解任以江南壽春鎮總兵官德成額為廣西提督○以緝捕廣東洋盜出力賞按察使陳若霖副將沈煥花翎餘升敘有差○遣乾清門侍衛慶長往奠故內大臣鑲藍旗蒙古都統

十一

清實錄
嘉慶十五年九月

嘉慶十五年庚午九月癸丑朔

一四三

州縣積水村莊額賦有差。○是日駐蹕案巴
究溝口御營。○甲寅。

上行園。○命降調都察院左副都御史溫汝适。
在上書房行走。○是日駐蹕烏蘭哈達南御
營。○乙卯。

上行園。○諭內閣戴均元奏續查興武四幫兌
運松江華亭縣漕糧內有經潮風晾之米一
萬二千四百二十餘石。現雖乾燥而攪雜黑
丁體質受傷難以久貯。又興武七幫兌運青

浦縣之米內有四千八百一十一石零業經
變難以收貯等語。江蘇漕糧前日甫據倉場
查有金山江淮五幫兌運之米多有攪雜。茲
復查出興武四幫之米又有一萬二千餘石
攪雜受傷。甚至興武七幫米色均經霉壞。因
由旗丁收兌後並不小心照管所致。而地方
官交兌恐亦不能一色純潔。此項米石又係
松江府屬華亭青浦二縣之米。巡撫章煦著
再傳旨嚴行申飭。除興武四幫攪雜米石姑

照戴均元所請暫為收貯。先行開放外。其興
武七幫攪變米石。即暫時亦難收倉。著照數
駁回。所有攪變米石。前經有旨責令幫丁照
數賠繳好米搭解歸款。即著該漕督查照定
例辦理。○諭軍機大臣等。興安大嶺於塞北
諸山最為崇峻。且靈應素著。屢見於

皇考高宗純皇帝聖製集中。向來進哨以前。必
派親王帶領喇嘛兩次前往致祭。本年朕行
獮木蘭。晴雨應時。聿昭順佑。應加隆望。秋以
協懷柔著。交禮部查明從前祀典內曾否載
入。如本有舊章。即將儀文節目詳錄具奏。如
未列祀典。著禮部詳議崇祀。即不能與五嶽
並尊。亦應做照四鎮之儀。酌定典禮。並擬定
神位封號。致祭時增設神幄。書寫神牌供奉。
以昭虔敬。奏定後載入則例。永遠遵行。尋議
照列鎮之例。每歲仲春。派熱河都統望祭。至
仲秋行獮木蘭。由行在禮部奏派王大臣致
祭。儻遇停止進哨之年。仍令都統致祭。從之。

○鑄給湖南鳳凰廳新設屯守備關防。從總督汪志伊請也。○以故湖南慈利縣麻寮所土把總黎文炳孫定榮襲職。○旌表守正被戕直隸肅寧縣民王永泰妻滑氏。○是日駐蹕六道河御營。○丙辰賜蒙古王貝勒貝子公額駙台吉等食。○是日駐蹕張三營行宮。○丁巳。

上御行殿。勾到上年及本年新疆雲南貴州情實罪犯。停決新疆斬犯三人。雲南斬犯四人。

絞犯四人。貴州斬犯六人。絞犯六人。餘一百一人予勾。○諭內閣富疆阿等奏請留金州岫巖二處運津米石。以備旗民賑卹一摺。奉天運津米石。前經富俊等奏准。在就近海口各旗倉並民倉內共撥二十萬石起運。茲據該署將軍等奏金州岫巖二處被災均重。有應行撫卹事宜。覈計本處倉儲恐不敷用。其鄰近各屬又俱有被災動用之處。難於轉撥。自應即照該署將軍等所請。將前撥金州岫

巖二處運津米三萬石。停止撥運。以備本處賑卹之需。現在直隸運米船隻已陸續到彼。除別處海口應撥米十七萬石。即迅速趲運外。其派往金州岫巖二處之船。著准該船戶攬載駛回。聽其自便。○准江西前任知縣趙鳴岐重赴鹿鳴宴。並賞六品頂帶。○是日駐蹕波羅河屯行宮。○戊午。諭內閣秀林以將軍大員。經管釐務。乃率先多派商幫銀兩。任意揮霍。自得贓私至三萬餘兩之多。又於大

員獲咎。遣戍者。徇情廢法。不令其習苦當差。轉多方資助。聽其安享種種情節。獲罪甚重。秀林著照部議斬監候。入於本年朝審情實。另繕黃冊進呈。薩音保錢保職分較小。派辦釐局。隨同浮收分潤。所得銀數亦少。應量為輕減。著照部議斬監候。解交刑部監禁。歸入明年朝審情實。餘依議。○刑部覆奏審訊盜犯江二等劫盜各案一摺。得旨。此案盜犯江二。王二。馬五。龔二等。在山東直隸地方。疊行

糾夥肆劫。逞兇斃命。並強姦婦女多次。賊案疊。豈不自虞敗露。京師為輦轂重地。巡邏嚴密。乃該犯等轉敢結伴前來。私藏店寓。並且攜帶兇器。出入城門。行劫自如。目無法紀。現已訊有金魚池居住之金禿子家。向常窩頓匪犯。恐尚不止此。一處。除交刑部覆加熬訊。並將現在所供出犯事次數。地方月日。並夥盜姓名住址年歲。以及捕役監犯如何在逃。如何入夥。飭交直隸總督。山東巡撫各行。

迅速查拏。毋許延玩。並令步軍統領衙門。順天府五城。就近緝緝外。京城地方。有如此巨盜。窩匿多日。文武官員等。均毫無覺察。不行及早查拏。所司何事。著都察院。順天府。步軍統領等衙門。查明參奏。○御史西琅阿參奏。支領甲米。遲延逾限一摺。得旨。此次太平倉輪放正白旗滿洲蒙古漢軍包衣甲米。若於八月初三日空廠後。滿洲甲米。即先行關領。則蒙古漢軍包衣。依次開放。何至逾延多日。

今滿洲甲米。直遲至初七日關起。遞相積壓。以致耽延。其蒙古甲米。係因十八日滿洲甲米領竣。始接續關領。尚非有意逾限。著將該旗滿洲監領不力之各該叅佐領。交部照例議處。嗣後八旗應領甲米。著戶部按照滿洲蒙古漢軍包衣米數多寡。各立限期。議定章程具奏。○以福建督標中軍副將陳廣寧。為江南壽春鎮總兵官。○是日。駐蹕中闈行宮。○己未。命熱河當差八品筆帖式阿明阿。回

京。以內務府主事補用。○是日。駐蹕避暑山莊。至壬戌。皆如之。○庚申。諭內閣。那彥成奏。請修理城垣。以工代賑一摺。據稱甘肅固原等各州縣。均有應修城工。業經報部。除涇州等處。尚可從緩興修。惟臯蘭固原二處。城身敝裂。亟宜趕修等語。臯蘭固原城垣。坍塌過甚。自難緩辦。且本年該處田禾被旱。現雖加恩賑濟。而來春青黃不接之時。必須豫為籌畫。著照那彥成所請。於來年開凍後。即行修

理臯蘭固原二處城工。以工代賑。俾貧民得資餬口。至該督估需工料銀約計三十萬兩。請在辦賑銀一百萬兩內動支之處。亦照所請行。○又諭。據錢楷奏。容縣知縣冉基安。前因會匪黎樹等結拜添弟。會僅獲首夥七名。部議照例降二級調用。先經該縣紳耆人等兩次籲請保留。均經批駁。嗣該撫查明該員實係操守廉潔。能留心整飭地方。民情愛戴。現據呈請捐復。可否准其捐復原官。留於廣

西候補等語。冉基安於會匪案犯雖未拏獲及半。但已獲首夥七名。非緝捕怠玩。不能全獲者可比。且據該撫查明該員操守政績尚係出色之員。著加恩照該撫所請。准其捐復原官。即留於廣西候補。其捐復銀兩著就近呈繳廣西藩庫。俟補缺後再行送部引見。○又諭。錢楷奏。候選衛千總莫奇榮。因強姦不遂殺斃莫劉富一案。莫奇榮身係武弁。圖姦良家子弟不遂。輒起意殺死滅口。淫兇已極。

無庸再交部議。莫奇榮著即處斬。○辛酉。緩徵甘肅巴燕戎格。武威。山丹。古浪。四廳縣被旱被雹地方。新舊額賦。○壬戌。

上御依清曠。勾到上年及本年廣西。福建情實罪犯。停決廣西斬犯三人。絞犯四人。福建官犯三人。斬犯六人。絞犯八人。餘九十二人予勾。○復學政暫停銓選外任。例諭內閣。本日召見廣東學政程國仁。詢知該員係截取御史業經保送繁缺。知府將來遇有應選之缺。

吏部仍行銓選。此項出差人員。聞向例本不歸選。惟從前吳蔭暄在陝甘學政任內。曾選補直隸州知州。辦理殊屬錯誤。學政係特派之員。職任較重。若仍照原職歸部選用。地方官轉將學政開缺。於體制未為允協。程國仁著停其銓選。俟任滿後再照常歸選。嗣後應行外選人員。有簡任學差者。應照此辦理。著為令。○又諭。方維甸上年升任閩浙總督。曾將伊母年老不能迎養情形。具摺陳奏。當經

降旨令其速赴新任。經理一切。俟本年來京。陛見。順道先由江寧省視伊母。到京後。將伊母身體情形。據實奏聞。茲據方維甸奏稱。伊母上年自陝南旋。緩程數月。途中勞頓。心神日形恍惚。今年又兩次患病。戀子情殷。勢難刻離等語。閩浙地方緊要。方維甸在彼辦理妥協。設此時海洋尚有要務。伊身膺重寄。亦難遽行簡員更換。今該處洋面肅清。巨盜均已掃除。地方寧謐。而方維甸母老多病。兩地心懸。其情甚為可憫。若將伊調任他省。伊母仍不能就養。兩江又係伊本籍。與例不符。朕以孝治天下。不忍拂人子至情。方維甸著加恩。令其開缺。回籍養親。以示體恤。○調湖廣總督汪志伊為閩浙總督。以工部尚書馬慧裕為湖廣總督。命俟南河大工告藏。再赴新任。○調禮部尚書恭阿拉為工部尚書。以工部左侍郎福慶為禮部尚書。轉工部右侍郎常福為左侍郎。調兵部右侍郎成格為工部

右侍郎。以內閣學士明志為兵部右侍郎。○予浙江出洋捕盜淹斃額外外委連國寶兵丁俞繼範等七十三名賞卹如例。○癸亥。上自避暑山莊迴鑾。○詣

城隍廟拈香。○諭內閣。本日有民人姜五在道旁跪喊。當即拏交軍機大臣會同行在刑部審訊。據供。伊每日跟隨大營賣柴。為業。本月初六日。有頭戴黃絨翎帽騎馬校尉十餘人。硬取柴枝。伊上前攔阻。被一校尉用馬鞭毆打。伊走避後。所有柴捆銀錢等物。均被搶失。無存。伊難以回家。情急在道旁跪喊。訊以校尉面貌。伊勿促不能指認等語。經軍機大臣等訊明。按例將該民人照衝突儀仗例。問擬滿杖充軍具奏。朕蹕路所經。嚴禁隨從人等絲毫不許擾及閭閻塵市。惟鑒儀衛校尉及各侍衛跟馬人等隨駕外出。沿途滋事。強取民間什物。搶掠出賣食物。以致各村店多有關閉門面者。此皆朕昔日目擊之事。此次

校尉十餘人恃衆強取柴校並用馬鞭毆擊民人其情甚為可惡如該民人當時指認喊訴到官朕必將該校尉從重治罪決不輕恕今據供勿忙之際不能辨識面貌勢難將隨行校尉百餘人徧加刑訊姑從寬免究但不可不加以懲創用示法紀著鑒儀衛堂官將校尉頭目傳到加以責處令衆校尉環視並宣諭伊等此次係從輕辦理嗣後如再有強取民間什物者一經查出即照搶奪例治罪

其各項廝役人等有犯亦必一律嚴懲再自明日為始該校尉等毋許於換班處所在道旁積柴焚燒如違交該管官嚴行懲治管理鑒儀衛各堂官約束不嚴均難辭咎丹巴多爾濟著交部察議博啟圖長慶著交部議處至民人姜五柴捆銀錢俱被搶取淨盡貧民失業情急喊訴與具呈在臨幸地方妄控者稍有不同著加恩免其治罪交地方官遞回原籍管束○又諭三法司具題湖北省民人

張連違犯伊母教令致伊母自盡問擬絞候一本朕詳覈案情張連之母吳氏因乏錢使用欲將家存木料賣錢二千文其街鄰陳大祇給價一千五百文吳氏未允張連輒私令添錢二百文賣給並不告知伊母迨伊母因賣價短少詈其擅自主張令將木料討回張連不肯往討伊母趕毆絆跌致挫傷眼胞該犯並不上前扶救徑自奔避外出嗣有尼僧探望伊母經伊母備訴前因適該犯自外回

歸尼僧向其責備該犯復斥其多管互相爭角以致吳氏聽聞之下復又生氣喊罵而張連仍即避出甚至經旬之久值中秋節日尚不回家伊母因此怨命啼哭抱忿自盡是該犯種種觸忤不顧伊母其違犯教令實非一次情節甚重從前湖南省曾有民人杜梅兆亦因違犯伊母教令多次經刑部問擬絞候具題降旨即行正法張連著即照杜梅兆之例即行處絞○調正黃旗漢軍副都統成林

為正黃旗滿洲副都統。以散秩大臣德麟為正黃旗漢軍副都統。○以兵部尚書明亮為滿洲繙譯鄉試正考官。刑部左侍郎穆克登額為副考官。理藩院尚書佛爾卿額為蒙古考官。○是日駐蹕喀喇河屯行宮。○甲子。上御行殿。勾到上年四川情實罪犯。停決斬犯二十一人。絞犯三十四人。餘一百四十八人予勾。○遣官祭

都城隍之神。○以大理寺少卿文寧為內閣

學士。兼禮部侍郎銜。○調正紅旗漢軍副都統果勒豐阿為正黃旗漢軍副都統。正黃旗漢軍副都統博啟圖為正紅旗漢軍副都統。○以永定河壩工合龍。賞直隸總督溫承惠花翎。道員李亨特。孫樹本。下部議敘。餘升用有差。○命五城於冬春二季設廠煮賑。○是日駐蹕常山峪行宮。○乙丑。

上御行殿。勾到本年四川情實罪犯。停決斬犯十二人。絞犯四人。餘一百一十二人予勾。○

予福建出洋淹斃兵丁朱水等七十名賞卹如例。○是日駐蹕兩間房行宮。○丙寅。諭內閣。向來鄉會試文闈。各有例設漢字書籍。以備考官檢查之用。其繙譯考試。亦應依照辦理。著禮部酌議應用。何書奏明。文武英殿備辦。每屆試期。照例咨取應用。○又諭。前據賽冲阿玉衡奏。局員薩音保等浮收十四年分漫餘銀兩。並捏開創夫壩欠等款。未能查明。參奏。又私裁卡倫。亦未能及早查出。請一併

交部嚴議一摺。當經飭交文寧等查明覆奏。再降諭旨。茲據文寧等奏稱。該局員等抽收十四年分漫餘銀四萬五千八百餘兩。內捏開創夫壩欠銀五千六百二十兩。該將軍未能先行訪出。參奏係於伊等訊供後行查。始據該將軍咨覆數目相符。又裁撤卡倫一節。因嘉慶二年四年調撥吉林官兵。前任將軍秀林。暫將卡倫裁撤數處。八年官兵凱旋。遂因循未設。經文寧等按例咨查。該將軍始以

分派員弁照舊補設咨覆等語。賽沖阿等失察局員浮收捏報。及前任私裁卡倫。各有應得之咎。除秀林業已按律定罪。無庸再議外。賽沖阿。玉衡。均著交部嚴加議處。尋議上。得旨。賽沖阿。玉衡。著加恩改為降四級留任。○又諭。玉寧等奏。稱剝船沈湮米石。請免經紀賠補等語。本年漕船北上。因將在後各幫米石。截卸寄撥北倉等處。方得回空。無誤。並非該經紀等趕辦所致。且剝船偶值風雨水漲。非軍船猝遇風暴。人力難施可比。所有玉寧等請將沈湮米六百七石零。免令經紀賠補之處。不准行。俟將來截留北倉寄撥楊村。及暫貯通倉。應行運京米石。該經紀等。如果依限悉數趕運無誤。該倉場侍郎等再行奏明請旨。儻有遲逾。不但著落該經紀等賠補米石。並當加以懲處。○予全家被水漂沒之盛京鳳凰城總管滿福。祭葬世職如例。○是日駐蹕要亭行宮。○丁卯。諭內閣。福長安奏。

孝陵

景陵儀樹。均已補栽整齊。所有前定各樹戶。每年交樹十株之例。請行停止等語。

孝陵

景陵儀樹。從前因該樹戶等栽種不善。回乾過多。樹行內多有空缺。是以議令每名每年交樹十株。以資添補。現既全行補齊。嗣後惟須於冬令前期查明。

各陵儀樹。限內限外回乾。並所補。

孝陵

景陵樹株。如再有回乾。俱責令該樹戶等如數補栽。另限保固外。其從前議定每名每年交樹十株之處。著自嘉慶十六年為始。即行停止。○又諭。馬慧裕等奏。勘明雲梯關外海口挑河築壩情形。督催興工。趲辦日期。一摺。覽奏俱悉。海口挑復舊河。必須引河寬深。方能吸溜舒暢。今馬慧裕與徐端會同覆勘。請照前此吳璥所估。再行酌量展挑。其馬港口堵。

開壩工亦因進埽之後中泓水勢日深且尚有二壩挑水壩等工恐料物不足現均續行購備自應如此辦理均著照馬慧裕等所請行至於原撥錢糧現既覈算不敷並著即照所請交戶部在於江南鄰近省分各藩關庫內湊撥銀六十萬兩刻日解工俾資接濟○是日駐蹕密雲縣行宮○戊辰緩徵河南孟津縣被水村莊本年額賦○是日駐蹕南石槽行宮○己巳

上還圓明園○詣

安佑宮行禮○旌表守正捐軀四川華陽縣民傅經女傅氏河南柘城縣民余允化妻宋氏○庚午

上御勤政殿聽政○以降調吏部右侍郎榮麟為內閣學士兼禮部侍郎銜降調盛京戶部侍郎貴慶為大理寺卿太常寺少卿色克精額為太常寺卿太僕寺卿福興額為光祿寺卿○命在籍終養前任閩浙總督方維甸馳

往浙江審案○辛未

上御洞明堂勾到上年及本年廣東情實罪犯停決官犯三人斬犯十五人絞犯十六人餘一百五十四人予勾○諭內閣當年自七月內派令查緝私鹽督辦認真屢有緝獲前已施恩交部議敘茲據奏又續獲私販十二起著加恩賞戴花翎以示獎勵其委員內實在出力者並著查明保奏毋許冒濫惟查禁糧船夾帶私鹽其要總在訪拏國戶私販先絕

其源再於幫船過境時毋令泊岸停留船行迅速自無買帶裝載之暇現在軍船回空限期已迫當年不可因奉有恩旨專於緝私見長若因盤驗稽留致軍船有誤回空受兌仍當加以處分○諭軍機大臣等吉綸奏犯屬糾衆中途劫奪遣犯一摺安徽省遞解發遣盜犯孫辰興等四名行至東省鄒縣之二夏店地方突被匪徒全行劫去旋經地方文武拏獲孫辰興孫良玉並奪犯之孫勤趙復勇

張三。三名。復經知會安省拏獲胡同。胡四。二名。尚有遺犯宋四。並謀劫內中途潛回之胡廷曉。二犯未獲。該犯等俱係免死盜犯。孫勤等膽敢糾眾中途劫奪。砍傷兵役。脫逃。實屬惡不畏法。必應嚴行懲辦。其逸犯宋四等當嚴飭所屬文武。並知會安省速獲究辦。無任漏網。再此次朕迴蹕時。途中屢有山東民人叩闕之案。而都察院。步軍統領衙門。近日所奏來京控告案件。亦係東省十居八九。固因

該處民風刁健。亦由該省吏治廢弛所致。地方官若能聽斷公平。民心協服。何至紛紛來京控訴。該撫等所司何事。令京中代辦東省案件。日不暇給。大吏以及道府州縣。皆虛叨爵祿。寧無愧乎。惟當督率所屬實力整飭。勤於政治。務使地方日有起色。勿再闡茸干咎。將此諭令知之。○壬申。以內閣學士文寧兼鑲黃旗漢軍副都統。○以翰林院侍讀杜壻。顧臯。侍講阮元。司經局洗馬蔣予蒲。充日講

起居注官。○賞順天鄉試年老諸生張淳耀等六十二名。舉人副榜有差。○緩徵陝西榆林懷遠。葭安塞。定邊。綏德。清澗。米脂。吳堡。九州縣。歉收村莊新舊額賦。並賑榆林懷遠。安塞米脂吳堡五縣被災民。貸成寧長安咸陽興平醴泉乾武功七州縣籽種。○癸酉。上御洞明堂。勾到上年及本年奉天情實罪犯。停決斬犯一人。絞犯九人。餘五十一人。予勾。○以鑲黃旗蒙古副都統瑞齡。為正白旗護

軍統領。○調科布多參贊大臣長齡。為烏里雅蘇台參贊大臣。賞三等侍衛策拔克。二等侍衛。為科布多參贊大臣。○乙亥。諭內閣。馬慧裕奏遵旨確查南河稽麻價值。秉公酌擬一摺。南河現在修復海口大工。所需一切料物。均關緊要。前因工部叢議。該河督等奏請酌增料價。特諭令馬慧裕就近確查。茲據奏稱。查明購辦物料情形。需用浩繁。運脚亦較昂貴。懇請將稽麻二項價值。量為加增等語。

海口路途遼遠。產料處所遠近不同。而運料亦自不能一律。所有稽價著准其照現行之價。增至三釐七毫。麻價著准其照現行之價。增至四分一釐。惟責成該河督嚴飭承辦各員。覈實經理。務期工歸實用。帑不虛糜。儻辦理稍有未妥。仍即照例著落分賠。○又諭哈隆阿奏審明土爾扈特圖財謀命之羅藏請旨辦理一摺。此案民人董宗成。因不識路徑。在噶綑楚勒楚木家。雇覓羅藏帶領。羅藏即於途間起意。將董宗成謀害。屍身拋棄河內。雖一時未經撈獲。而羅藏獸回之牛馬茶葉布匹等件。皆係董宗成之物。現俱起出。賊證確鑿。正犯無疑。回疆重地。膽敢圖財謀命。哈隆阿於審明後。即應一面具奏。一面將該犯正法。方足以昭炯戒。乃猶拘泥請旨。致兇犯有稽顯戮。殊屬不知輕重。羅藏一犯。著即處斬。將土爾扈特和碩特傳齊看視行刑。俾衆知儆懼。嗣後遇有此等案情。即照此辦理。至

噶綑楚勒楚木。於羅藏回時。詢及董宗成去處。以羅藏言語閃爍。形跡可疑。即報知牛榮章京。並將贓物獲獻。正兇不致脫逃。尚知法度。噶綑楚勒楚木著賞給金頂。並賞銀兩。用示鼓勵。○丙子命

皇次子昊。祭

歷代帝王廟。○旌表守正捐軀山東濱州民信其修女信氏。○丁丑上幸萬壽山。○諭軍機大臣等。吉綸奏密陳東

省倉庫實在情形。懇恩展限。著追彌補。以歸覈實一摺。各州縣庫項倉儲絲毫均關國帑。豈容稍有虧缺。致滋弊混。該省自嘉慶四年。八年。曾經兩次清查。各州縣欠解之款。俱有確數。自當覈實嚴追。及時彌補。何以復有虧缺。該撫摺內所稱何者新虧。何者舊虧。措語殊屬蒙混。從前所查虧缺數目。係一百八十八萬兩。乃至今尚虧缺銀一百七十餘萬兩。可見該省歷年彌補。不過挪新掩舊。全係具文。

似此舊虧未結。新虧復續。年復一年。伊於胡底。此次姑准照該撫所請。展限六年。至二十四年為止。所有應行歸補款項。自本日奉旨以前。俱作為舊虧。毋得再有新虧名目。儻經此次飭諭之後。各州縣如敢再有絲毫續虧。該撫即當據實嚴參。隨時懲辦。並著將所有舊虧。依限如數追補。若再有新虧。該撫及藩司職司綜覈。咎有攸歸。必當重治其罪。決不寬貸。將此諭令知之。○戊寅。

上御洞明堂。勾到上年及本年陝甘情實罪犯。停決斬犯十七人。絞犯十四人。餘一百二十五人予勾。○諭內閣。朱紹曾奏湖南副考官沈欽霖家丁王陞持刀戕傷內監試官知府黃洽。驗明究辦。並代沈欽霖自請嚴議各摺。考試內簾重地理應嚴肅。王陞以考官跟役。輒敢持刀行兇。戕害官長。且因挾求索不遂。監試官斥阻之嫌。蓄意逞忿。情節甚為可惡。著交該護撫即從重定擬具奏。沈欽霖以京

員奉差不能約束家人致生事逞兇。無庸再交部議。即著革職。○又諭刑部奏查訊叩關山東回婦張楊氏。呈控伊子張進才身死不明一案。請交山東巡撫驗訊提質等語。此案張楊氏疊次翻控。業經該省審明。照妄訴律治罪。今復在道旁叩關。經刑部審訊。該氏堅執伊子身死不明。控求質訊。自應驗訊明確。以成信讞。著交吉綸親提犯證。秉公審訊。如該氏所控屬實。即代為申理。若係虛捏。即將

該氏治以應得之罪。雖係婦女。不准收贖。嗣後如遇婦女叩關。審屬虛誣者。均照此例辦理。○己卯。

孝慈高皇后忌辰。遣官祭

福陵。

上詣

大高殿行禮。○還宮。○以孟冬時享

太廟。自是日始齋戒三日。○庚辰。賞廣寧門外普濟堂。煮賑小米三百石。○辛巳。

孝敬憲皇后忌辰遣官祭

泰陵○諭內閣給事中吳邦慶奏請復東省漕船春兌春開舊制一摺東省距通較近向來漕船春兌春開抵壩並不遲誤自改為冬兌春開之後每年仍須在開河守凍而米豆存艙日久轉不無微變之虞又運河挑工因軍船在彼停泊不能趨辦多致遲誤此外弊端尚多自應仍復舊制著照該給事中所請自本年為始將東省開河內外幫船照春兌春

開之例辦理但該管官務當督飭旗丁等兌竣早開沿途迅速趲行無誤抵通定限又據奏山東有漕州縣其開河以外係於九月開徵開河以內係於八月開徵正屆秋稼登場閭閻交納不無拮据等語現在幫船改為春兌春開則州縣徵收時日亦可從容著自今年為始仍照舊例統於十月初旬開徵以紓民力○又諭旨齡奏查明粵省嵯務實係先課後鹽並請將捐輸未完銀兩展限二年按

包攤完一摺粵省嵯務前因吳熊光陳奏未明飭交戶部查覈經該部請旨飭查茲據百齡查明自乾隆五十五年改埠歸網以後每歲領引納課委係先課後鹽年清年款是該省辦鹽尚無變更成例及局運各商互相捐勒情弊至各商節次捐輸未完銀兩原係奏明按引限年完繳之款計至嘉慶十六年均已滿限現在截至十五年七月底為止除陸續完繳外尚未完銀三十八萬一千二百八十一兩零距十六年之限期僅止一載據該督奏稱察看各埠情形不一恐按引勻攤未能剋期完竣若量為變通按包攤完計至十八年冬底可以一律全完等語自係實在情形著照所請所有局運各商未完節次捐輸銀二十九萬八千九百八十九兩零著加恩展至十八年冬底統令按包攤數攤完其潮商未完捐輸銀八萬二千二百九十二兩零亦著加恩一體展限帶繳清楚毋許再有延

宕。俟依限全完。後所有各商應得議敘。著該
督查明攤完銀數多寡。分別等差。造冊咨部。
其完繳最多者。咨明奏請從優議敘。儘屆期
仍未埽數攤完。著將各商應得議敘。咨部註
銷。並將督催不力各職名。咨參議處。仍著落
分賠。○河東河道總督陳鳳翔奏報秋汛安
瀾。賞道員林樹芳。按察使銜南河同知張壇
知府銜餘升敘有差。○是月兩廣總督百齡
奏籌議商船出洋。分別准帶礮械。定以限制
得旨。依議辦理。從來立法。務期久遠可行。不
可朝令夕改。無所適從。勉思久安之策。為要。
○江蘇學政劉鵬之奏謝得旨。江省文風固
佳。士習不堪。包漕包訟。刁詐異常。留心整飭
為要。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百三十四

認真緝捕。俾日久未獲之兇犯不致漏網。殊為可嘉。前任巡城御史周鉞。現任巡城御史扎拉芬。李鴻賓。并該城副指揮張昭。均著先行交部議敘。其捕役內著查明親自下手拏獲陳住兒者。係屬何人。除應得格賞外。著奏明每人加賞廣儲司庫銀各十兩。其餘仍著該城酌量賞給。以示鼓勵。陳住兒劉貴二犯交刑部嚴行審訊。將如何起意謀害實情詳悉究出。勿任稍有支飾。現在馬譚氏母女被

殺二命。尚未獲犯。並著向該犯等詳細研鞫。或亦可從此破案。其餘未獲各犯。該城現在添派吏目盛世宏協同緝緝。俟該員等將本案人犯按名拏獲。再加恩獎。若再能設法將馬譚氏一案兇犯購線獲案。必當加以重恩。馬譚氏李十兒兩案均在皇城附近地方。今事經兩年。而李十兒一案兇犯仍即在西安門內之旃檀寺地方拏獲。可見兇徒犯事潛藏。未必即遠颺他處。而步軍統領衙門之番

役等並不細心端訪。紛紛向各處海捕。以致日久無獲。實屬舍近求遠。所辦殊不認真。此時李十兒一案尚有未獲之犯。其馬譚氏一案全未破露端倪。著步軍統領衙門嚴飭番役勒限查拏。務獲勿任再有延玩干咎。○甲申諭內閣。文寧以內閣學士補授副都統。吏部將學士員缺應否開列另放。抑或仍令兼理之處。具摺請旨。雖係照例辦理。但朕向來補放大員。令其文武相兼者。俱經隨時酌量。

必其人堪以勝任。始行降旨補授。如果其人不能相兼。自必於降旨補授新職時。將其原職開缺。另放別員。此次所降補放文寧副都統之旨。其原官內閣學士並未開缺。即係令其兼任。該部復循例請旨。殊屬具文。嗣後一二品大員。凡文職兼放武職。武職兼放文職者。吏部兵部俱無庸將其原職應否開缺之處再行請旨。○又諭。端恩將前經軍政卓異記名之該管鑲紅旗漢軍印務叅領葉潤華。

保奏堪勝副都統等語。昨因記名副都統人員較少。特降旨令管理旗部王大臣於所屬官員內將確知人員保奏。端恩如實無確知人員原可不必保奏。或將葉潤華業經記名此外不得其人之處聲明具奏。亦無不可。今將業經記名人員復行保奏。豈有再交兵部帶領引見之理。端恩殊不曉事。著申飭○乙酉

上以萬壽節御同樂園賜王以下文武大臣及

蒙古王公等食至戌子皆如之○丁亥

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子及王以下

文武大臣官員蒙古王貝勒貝子公額駙台

吉等行慶賀禮○己丑諭內閣策丹督押八

旗出青園馬回京於本月初七日赴宮門呈

遞請安奏摺本日召見詢據奏稱因兵部行

文令將馬匹於初七日解到初八日驗收伊

遂依限到京等語兵部行文係指馬匹到京

日期而言押解馬匹官員兵丁甚多策丹係

總管之員豈必日日在途親身督押儘可先

期一二日到京乃於萬壽慶節並不趕到隨

班行禮又伊孫二人本年鄉試中式伊亦未具摺謝恩僅於召見時奏及殊屬率意策丹著交部議處尋議上得旨策丹年老糊塗不勝理藩院侍郎之任著即開缺仍於副都統任內降二級留任庚寅諭內閣昨日據巡視西城御史秦擎獲謀斃李十兒案內兇犯陳住兒劉貴二名當交刑部嚴審旋又經步軍統領衙門將案內兇犯楊麟常山擎獲經刑部隔別研訊該犯等謀財害命已各供認

不諱此案飭緝二載今兇犯已就獲四名惟劉老兒一犯尚未到案著即上緊嚴緝質證明確按律定擬其因此案失察議處之營城各員弁著步軍統領都察院分別查明開單奏請開復所有緝獲兇犯之巡城御史坊官前已降旨先行交部議敘並著都察院堂官查明係由何員踣訪確實尋蹤弋獲同督緝之巡城御史一併開單奏聞再降諭旨尋奏上得旨副指揮張昭著以知縣即用緩徵

山東章邱鄒平新城東平聊城莘陽穀汶上平度昌邑濰膠高密濟寧招遠五州縣並東昌衛被水村莊新舊額賦○辛卯皇后千秋節宮內行禮如儀停止筵宴及在外公主福晉命婦行禮○壬辰緩徵河南安陽湯陰內黃孟津四縣歉收村莊積欠額賦及加價銀○癸巳

上詰

安佑宮行禮○諭內閣董誥托津英和奏上年

刑部審訊形跡可疑之竊賊劉貴兒等未能究出謀命實情自請議處一摺李十兒被戕一案上年春間曾據步軍統領衙門等獲偷竊車圓形跡可疑之賊犯劉貴兒等送交刑部審訊如果彼時派審之員究出此案實情則正兇早已伏法何至懸宕兩年之久尚未結案乃刑部彼時祇將該犯等偷竊車圓之處訊明定擬而於謀命重案未能審出實情若非此次復行拘獲審訊幾至正兇漏網是

刑部從前辦理此案殊屬疏率實有應得之咎向來審案均先由司官承辦俟訊明確實然後回堂覈定所有上年刑部派審此案之司員於此等重案不能悉心究出其咎較重著查明交部嚴加議處至堂官係由司官訊明後過堂覆覈董誥托津英和又均在內廷行走不能常川到署且彼時堂官亦不止伊等三人除長麟已休致外著與前任刑部侍郎許兆椿周兆基一併交部議處○甲午

上詣

大高殿

壽皇殿行禮○還宮○諭內閣本日徐端奏高堰山盱兩廳風暴掣塌石工兼仁義智三壩掣通過水現在勘明趨辦緣由一摺據稱本年洪湖存水過旺因本月初二日陡起西北風暴初三日尚未止息巨浪直湧如山隄上官弁兵夫不能站立水勢鼓盪上隄該處廟宇二座牆屋先被衝倒義壩舊埽旋即掣通

過水迨是日百刻仁智兩壩封土護埽亦皆打通其高堰廳屬共塌輓石工湊長一千七百餘丈山盱廳屬掣塌輓石工共三千餘丈等語此次隄壩衝溢非尋常疏失可比本應即將徐端革職治罪但伊轉得置身事外姑念伊究係熟手暫從寬交部嚴加議處責令辦工其餘疏防各員著即查明參奏○諭軍機大臣等據徐端奏高堰山盱兩廳漫決情形想吳璣在浙自早已得有信息高堰為淮

揚保障要工今衝塌輓石工多至四千餘丈越隄過水固由湖水旺發風暴狂烈實在人力難施而其受病根由諒非一日究因何潰決至此吳璣久任河督年來親歷河干定能悉其原委現據徐端奏稱先將下游歸江各閘壩並高郵之車邏大壩悉行開放俾免壅漲一面擬將仁智兩壩先行趕堵其義壩掣通處所擬將兩頭盤護仍留口門減洩隨後再為趨堵一切隄工俟春融續辦此時工段

繁多處處著重亟應上緊趕辦但全河大局吳璥較徐端自為熟悉應否即照徐端所奏辦理或吳璥另有所見著蔣攸銘傳旨詳詢并酌帶醫生察看吳璥病勢如已就痊即令緩程於歲內來京以備詢問仍一面先行覆奏如尚未能就道即著吳璥先將近年河湖受病緣由及目今應如何籌辦之處據實具奏不可一字隱飾所遞之摺著交蔣攸銘由驛馳奏以戶部尚書曹振鏞為武鄉試正

考官內閣侍讀學士彭希濂為副考官○乙未諭內閣國家明罰勅法以罪辜之大小定刑律之重輕皆本

列祖

列宗權衡增損令典昭垂恪遵罔易如刑律內發遣之條其罪原在軍流以上至發遣為奴則皆姦盜先徒身干重典或同案人眾不忍駢誅除法無可貸外擇其情有可原者量減一等本係法外施仁去死一關之人以故到

配時令其充當苦差以磨折其兇狡之性定例一經逃逸拏獲即行正法律意暴嚴乃前者秀林於召對時曾經奏及吉林發遣為奴之犯到彼分給兵丁其人畧具貲財向所分之主贖身以後即聽其所往或擇地謀生或潛行逃遁及至點卯時查出而所給之主公然以業經贖身與伊無涉登覆其太監緣事發遣為奴者亦以贖身在彼閒散自由且有置產經營者及釋回後反甘心犯法情願再

遣是以國家嚴懲罪人之例竟聽伊等私行賣放以致罪人無所敬畏以遠戍之地為樂土豈不於立法之意大相刺謬乎至官員因事獲罪問擬遣戍亦必情節較重罰令親嘗艱苦稍贖罪愆乃近年以來有該管將軍與官犯並坐共食者有代為修理房舍致送節禮者徇情壞法相率效尤恬不為怪甚至遣戍之員轉以在彼安逸毫無苦懼尚復成何事體夫賞功罰罪朝廷馭世之大柄人主從

無私好私惡於其間。其人有善可錄。爵之於朝。則同寅協恭。即屬天下之公。好其人有惡。當懲屏之遠方。則執法明威。即屬天下之公。惡豈容昵比罪人。故與君上之好惡相背。是欲一己博寬厚之名。而不顧憲典之廢弛。違道干譽。國法安在。著通諭各將軍都統等。該管地方。凡有官常人犯發往為奴及當差者。俱遵照定例派撥。令其服勤習苦。其納賢贖身惡習。嚴行禁止。經此次飭禁之後。如有再犯者。加倍治罪。查係該管大員徇私廢法。從嚴究治。如原給之主私行賣放者。交該管官查明一併懲處。朕祇循成憲。誥誨諄諄。爾將軍等。其各凜遵毋忽。○丙申。轉理藩院右侍郎蘇沖阿為左侍郎。以正黃旗滿洲副都統成林為理藩院右侍郎。○丁酉。諭內閣。朕在宮內之日。散秩大臣。向例每日進內。該員等亦有兼管旗分營務者。日入直。並有分管事務。未免積壓。又以不能

上衙門辦事。藉口躲避。而文職各衙門。除六部理藩院都察院大理寺鑾儀衛各有應奏事件。常川進內外。其餘各卿員等事務較簡者。冬令三月。竟無輪班進內之日。殊覺勞逸不均。嗣後散秩大臣。除並未兼管旗營及僅兼管一處之員。仍照舊每日入直。如有兼管二三處事務者。俱著於奏事之日進內。餘日上衙門辦事。無庸進內。其宗人府翰林院通政司詹事府太常寺光祿寺太僕寺鴻臚寺。國子監。欽天監各衙門。著於朕每年冬月進宮之次。日為始。每日輪派一衙門直班。週而復始。至封印日止。直班之日。照在圓明園之例。呈遞名單。以備召對。不必另遞無事摺片。如該衙門遇有應奏事件。除輪班之日。仍令不時陳奏。俾該員等不至習於安逸。並可隨時召見。覘其人之器識。如遇朕出入天壇齋宮及至各廟宇拈香並臨蒞西苑等處。傳膳辦事。著推班一日。無庸隨往。其無執事

之散秩大臣亦無庸隨往著為令○旌表守
正捐軀江蘇泰興縣民錢如成女錢氏○戊

戌

上詣

雍和宮行禮

宣仁廟

凝和廟

火神廟拈香○諭軍機大臣等昨日降旨令
宗人府等衙門於每年冬月進宮之次日為

始每日輪派一衙門直班週而復始此內宗

人府宗令宗正宗人翰林院掌院及太常寺

等衙門管理之堂官自有本衙門奏事直班

過管理衙門直班之期俱無庸進內呈遞名

單再欽天監西洋人監正監副亦不必進內

呈遞名單應傳知各該衙門遵照辦理可也

以前任甘肅河州鎮總兵官游棟雲為陝

西陲安鎮總兵官○旌表守正捐軀四川天

全州民楊均仁妻王氏○己亥諭內閣來儀

等奏查明歸化城沙拉穆楞牧場復被民人

私行墾種會商辦理一摺歸化城沙拉穆楞

牧場為該處蒙古等生計攸關若有民人私

墾地畝自應隨時驅逐例禁綦嚴茲據該將

軍等查明該處現在種地民人為數較多居

住已非一載開成熟地之外尚有試墾未經

成熟費過工本地七八百頃若竟一律驅逐

毀其廬舍未免窮無所歸請照乾隆二十五

年升科之例免其驅逐將所徵銀兩量為變

通為該處喇嘛蒙古等香火養贍之資經此

次查辦後該處空地即不許多墾一壠多容

一人等語此等種地窮民惟利是圖現既墾

種多年自未便徑行驅逐致令流離失所但

向來游牧地方民人私墾地畝往往以閱日

既久礙難驅逐日後毋許再添為詞竟成故

套若不實力查辦或致驅而復集數年後仍

不過如此聲請則查禁仍屬具文著該將軍

會同該省巡撫悉心籌酌出口民人責成該

地方官於關隘處所隨時查察嚴行飭禁其偷墾民人責成該將軍副都統轉飭所屬分往各村詳加查點毋任再添一戶再墾一畝若有新來戶口即時驅逐俾免日後復有未能驅逐情事致礙游牧其應如何嚴立章程定以限制之處著該將軍等會同妥議具奏餘俱著照該將軍等所奏辦理尋議上得旨來儀等會奏查禁民人私墾牧場一摺據稱嗣後私行出口民人免其驅逐倣照保甲之法編列牌頭甲長保正責令互相首報等語編查保甲原係成法但行之內地藉以稽查盜賊而地方官視為具文尚屬有名無實該處係游牧之所蒙古地方向未設立保甲今該將軍等因查禁私墾民人倣照辦理責令互相首報亦屬籌辦之一法惟是此等出口民人原應於關隘處所豫為嚴禁毋令流民濫行偷越則游牧地方自無慮聚集多人礙難驅逐若專責成保甲稽察恐日久奉行不

力仍屬空言該將軍等既有此奏即著妥為經理仍一面嚴飭地方官及守口弁兵遵照舊例遇有出入民人如係隻身驗票放行其移眷之戶概行禁止庶偷越者少私墾之源可冀漸除矣○又諭軍機大臣會同刑部議奏私入圍場偷竊牲隻砍伐木植人犯罪名一摺並另片均著照所議行惟是此等人犯潛入圍場於牲畜木植私行偷竊並竊取茸角不可不嚴行禁止該犯等多係圍場外附近居民及蒙古人等該管官若查察嚴密自不致奸民屢干例禁嗣後拏獲此等人犯如審係附近圍場外居民將該管廳縣議處如係蒙古將該管扎薩克議處其如何立定處分著原議軍機大臣會同該衙門詳議具奏至圍場北柵外向有開設店鋪自係該民人貪利在彼窩竊茸角等項亦應嚴行驅逐此後相去柵口若干里方准開設之處著一併議奏尋兵部議奏嗣後熱河圍場官員失察

私入圍場之案。請按賊犯之多寡。定處分之輕重。如所管兵丁員弁。有通同賄放情事。即將該管章京圍場翼長圍場總管及熱河都統照失察營兵窩竊受賄例降調。又軍機大臣會同吏部理藩院議奏圍場北柵外民人窩竊茸角者。失察之該管地方文武各官。及察哈爾官員並蒙古扎薩克等。應即以人犯罪名之輕重酌定處分。又熱河都統毓秀直隸總督溫承惠議奏所有北柵外開設店鋪

在十數里以內者。應飭折柳須離木柵三十里。方准開設。均得旨允行。○又諭刑部將應減不應減軍流徒罪官犯。開單請旨一摺。朕詳加披閱。內盧權一犯。係因疏脫搶竊逾貫。應擬絞犯李細紅。越獄脫逃。革職留緝。胡大基一犯。係因疏脫在洋行劫應擬斬犯陳統倫。越獄脫逃。革職留緝。此二案或犯無弋獲。或逸犯已經淹斃。無可緝拏。現在俱已限滿五年。盧權胡大基均著加恩准其減等餘俱

不准援減。○以福建按察使廣玉為浙江布政使。前任甘肅按察使劉大懿為福建按察使。庚子。

上詣

時應宮

昭顯廟拈香。○調廣東右翼鎮總兵官楊芳為陝西西安鎮總兵官。以廣東廣州協副將何君佐為右翼鎮總兵官。○辛丑。上御太和殿視朝。王以下文武升轉各官謝恩。

○諭內閣。明歲開印日期。據欽天監擇於正月二十一日卯時。是日恭值

祈穀大祀。其日亦係先由該監恭查奏定。朕祇肅將事。卯刻正當行禮之時。在陪祀諸臣。或可分班到署開印。朕禮成後。應前赴御園。即還宮開寶。已在卯時之後。該監職司選擇。乃於典禮重事。漫不經心。其疏率不慎之咎。實無可辭。管理欽天監事務定親王綿恩著交部察議。監正額爾登布。監副吉寧陳倫俱著

交部議處所有明年開印日期即著用此次改擇之正月十九日辰時○又諭萬承風具題學政任滿一本朕詳加披覽其年月未經另頁書寫已照擬飭行矣至其所書前銜有內廷供奉字樣尤為不合會典所載官職本無此等名目若萬承風因在上書房行走則周系英黃鉞俱係上書房南書房行走之員同日具題接替學政各本並未列有內廷供奉前銜萬承風何得任意形諸章奏著交部

察議伊原係上書房行走本欲俟到京之日仍令其在上書房行走今觀其近日情形念念不忘內廷殊屬躁妄不必在內廷行走嗣後凡在內廷行走人員於奏牘內祇列本銜不得再書內廷供奉字樣以符體制○又諭據百齡等奏暹羅國齎貢使臣抵粵一摺該國貢船在香港縣荷包外洋突遇颶風擊壞沈失貢物此實人力難施並非使臣不能小心防護其沈失貢物不必另行備進用昭體

卹所有鄭佛魁請勅封之處著該衙門照例查辦俟該使臣回國即令領齋○以故土默特扎薩克貝勒索諾木巴勒珠爾子貢楚克巴勒桑襲爵○壬寅

上御懋勤殿勾到上年及本年湖廣情實罪犯停決斬犯十三人絞犯二十六人餘一百十六人予勾○諭內閣吏部奏議處徐端一摺堰圩各工關繫緊要今被風掣卸石工至四千餘丈之多而仁義智三壩俱掣通過水下游州縣田廬被淹浸者不知若干該河督平時疏於防範即應革職追失事之後該河督在海口聞信馳往猶不親自駐劄督辦乃勘明後僅委之道員葉觀潮等辦理伊仍轉回海口工次試思海口工程固關重大但究有馬慧裕在彼不至乏人督率而堰圩一帶正當喫緊之時總督松筠又在省辦理武闡徐端雖經知會松筠並不等候松筠到彼率離工次尤屬玩視要工不知緩急輕重此一節

該河督亦應褫革。惟因一時無熟諳工程之人徐端姑從寬改為革職留任。但其獲咎甚重。著將伊翎頂革去。留工自贖。如果徐端辦工奮勉。能將各處經理完善。無誤運道。將來仍可施恩。如再遲延草率。貽誤要工。則不但革職。尚應治罪。彼時即無熟手接辦。亦不能不執法懲治也。○癸卯諭軍機大臣等。近年以來。南河工程所費帑金不下數千萬兩。而漫工倒灌。歲有其事。偶值風雨。即不能防守。

平穩。且每有一處漫工。遂請帑大辦。其歲搶修銀。仍不能少減。無日不言治河。究之毫無功效。朕為民生運務。日夜焦勞。原不惜多用帑金。惟於國事有濟。即千百萬不為濫費。若置之無用之地。雖銖兩亦屬虛糜。因思節年所發帑項。或未必盡實用在工。又有如從前莊剛劉普偕端。侵蝕私飽囊橐者。不可不加以確覈。著松筠密行查訪。自吳墩徐端。以至道廳營汛等官。其中有無借工支銷。將所領

帑項上下朋分及私侵入己者。一經得有實據。即據實密奏。朕將大加懲創。置之重典。以除積弊。若係辦理不得其當。妄興無益工程。以致帑項多歸虛擲。亦應據實奏聞。但不許籠統聲敘。以虛言覆奏。總須查明某項工程。如何不應興修。係某員經手濫用帑項若干。逐案指明。以憑究辦。松筠素日辦事公正。且係新到江省。從前各工均未經手。即留心密查。或遴選親信之人察訪。亦不限以時日。查

得時即行密奏。毋稍隱諱。將此密諭知之。○甲辰

上御懋勤殿。勾到上年及本年江西浙江情實罪犯。停決江西斬犯十四人。絞犯五人。浙江斬犯五人。絞犯六人。餘一百三人予勾。○諭內閣刑部。奏審擬已革世管佐領善福。同伊子五十三逃走。自行投回一案。已依議行矣。此案善福於本年八月初六日。因心慌病發。帶同伊子五十三。逃往西山。在彼住歇。直至

九月十九日自行投回前後凡四十餘日之久當該旗行文知照之初如果各該衙門認真緝拏則西山離京不遠而該革員又係父子二人患病在彼居住非隻身潛匿者可比一經訪察蹤跡顯然無難立時就獲又何至宕延日久直待其自行投回皆由各衙門緝捕廢弛番役等任情疏懈凡過查拏案犯文書知照到日官員等先已視為泛常不過奉行故事諭交番役照例緝拏而番役等怠玩

性成動輒疏縱甚且有陰為庇護情事以致易破之案亦不能破易獲之犯亦不就獲即如廣興案內之楊玉李十兒案內之劉老兒此皆有名姓可查之人迄未拏獲又何況馬譚氏一案未查出兇手姓名經年累月端緝無蹤又安用此等番役為耶再如太監中亦時有報逃者其聲音狀貌尤易識別捕獲更自不難而該衙門亦從未有拏獲者俱不過日久聽其自行投回成何事體著通諭步軍

統領順天府五城及內務府各衙門嗣後各加意督飭凡有應緝案犯俱著嚴立限期責成番役等上緊捕獲其限滿不獲者該堂司各官分別議處番役等立予重懲以儆懈玩

乙巳

上御懋勤殿勾到上年及本年江蘇安徽情實罪犯停決江蘇斬犯八人絞犯十人安徽斬犯十二人絞犯八人餘一百十七人予勾諭內閣刑部議駁烏魯木齊都統興奎奏吐

魯番同知達洪阿丁憂交代短交庫銀倉糧審明治罪一摺此案已革同知達洪阿於丁憂交代短交庫項銀一萬四千餘兩又短交倉糧小麥五千石零均非例准開銷之項該革員輒將庫貯錢糧擅自動用誠難保無捏供支飾情事部駁情節甚明該都統以該革員挪用各項事尚因公率依挪移例定擬殊不足以成信讞著交那彥成將該革員及案內應訊人證提至蘭州省城確切研審另行

定擬具奏。緩徵四川鹽源縣水災本年屯米。緩徵湖南澧州水災新舊額賦。丙午以陝西土指揮使納獻彩子應祿襲職。以西藏扎嘛爾族百長工錯克那木結子丹增彭錯襲職。丁未諭內閣前據百齡等奏已革知縣王國忠虧缺庫項及私碾倉穀該參員列款通東與該督撫均有干涉特降旨交景安前往審辦昨據景安奏到大概情形王國忠署茂名縣任內虧空係接自前任知縣黃樹棠已訊據黃樹棠供認其私碾倉穀稱係奉前任廣州府福明信札借碾等情當以福明業已身故其信札或出虛捏令景安查明以服其心茲據王國忠之子王景善來京具控代父稱冤據呈出原奉印封信件及各項交代供應印文傳單並稱百齡之妾戚吳姓向伊父需索門包等費未遂百齡聽其讒言挾嫌羅織將伊父參劾等語王景善所呈俱係印據恐景安所訊或有不實不盡之

處著百齡即將王國忠及案內應行質訊要證並伊妾戚吳姓一併派委委員押解來京交刑部審訊原告王景善留京備質景安尚有前此續交之廣東民人徐欽控案該撫審明拜摺後即著回湖南本任。戊申上御乾清門聽政。御懋勤殿勾到上年及本年河南情實罪犯停決斬犯五人絞犯十七人餘一百一人予勾。諭內閣百齡等奏南韶連道富森阿患病開缺一摺據另片稱該省現有加道銜之知府陳鎮在粵年久辦事認真因該省無題缺道員請旨可否以該員升署等語南韶連道係請旨之缺自應由京簡放外省知府加道銜者甚多屆當應升之時自有一定班次豈能占請旨之缺如謂該員熟悉本省情形必須在本省題升以資得力則如道員中加按察使銜者朕或擢放他省臬司該督撫亦可奏留本省乎如果由京簡放者到彼後於本缺不甚相宜該督撫轉

可奏請更調若加銜之員准補請旨之缺各省紛紛效尤殊乖定例百齡等所請不准行廣東南韶連道員缺著齊嘉紹補授○以奉宸苑卿禧恩為內閣學士兼禮部侍郎銜通政使司通政使帥承瀛為都察院左副都御史太僕寺卿李宗瀚為宗人府丞國子監祭酒廉善為詹事府詹事降調詹事佛住為太僕寺卿○緩徵江蘇山陽安東六合阜寧清河桃源鹽城高郵泰東臺江都甘泉興化寶應銅山蕭陽山邳宿遷睢寧海沔陽常熟昭文新陽太倉三十六州縣淮安大河徐州三衛水災旱災新舊額賦○己酉諭軍機大臣等方維甸以親老陳情經朕格外恩施令其回籍侍奉俾遂私情方維甸身為大臣雖在家事毋寧不以國事為念就現在政治而論惟南河工程最為重大海口大工甫經興辦寶應缺口尚未堵合而近日洪湖漫溢高堰山盱兩廳復又掣壩三壩及隄工多至四

千餘丈工用浩繁兼於運道有礙經理又復不易因思數年來河湖漫溢頻仍堵築工程歲無休息而所辦迄無成功朕昨夕焦勞刻深慮念此必經理不得其人籌辦未能扼要方維甸向能留心公事且南河係伊桑梓之區即以私情而論亦難膜視又伊家住江寧相距甚近於該處情形見聞尤為真切究竟因何做壞至此辦公全在得人而和人實非易易方維甸意中有無平日講求河務實能洞悉原委其成見本領可以經理勝任之人惟當悉心訪求確切咨詢如能為國得人所裨不少方維甸當密行保奏候朕簡用至此數年來南河所費帑金不下數千萬兩全無成效此非妄興工作必係工員偷減朕於此事不能無疑近年南河大小各員著方維甸詳加訪察如有此等弊竇甚至營私肥己如從前劉普莊剛等營置產業建造花園各種漁利取樂者訪查得實密行參奏朕將大加

懲辦即查無侵蝕情事。或興辦工程不得竅要以致多糜帑項。受病滋深。並著查條何項工程辦理失當。據實具奏。以上交辦之事。均不限以時日。方維旬務須隨時留心。確查密奏。想伊受恩深重。自能不負委任。將此密諭知之。○以詹事府詹事吳烜為通政使司通政使。服闋詹事王宗誠為詹事。降調都察院左副都御史溫汝适為太僕寺卿。○旌表守正捐軀四川樂山縣民夏祥林妻徐氏。○賑

安徽泗盱眙天長五河靈璧五州縣鳳陽泗州二衛被水被旱災民並蠲緩泗盱眙天長潛山宣城南陵繁昌宿鳳陽懷遠定遠靈璧五河和懷寧桐城壽鳳臺當塗太湖東流。二十一州縣新舊額賦有差。○庚戌諭內閣富疆阿奏

永陵東堡一帶本年六月被水將牧放處所刷去草根所有牛館恭備之牛羊無可牧放請照盛京牛館之例常川關草餵養等語該處

牛館每年自五月二十日起至八月二十日止向例在附近牧放不關穀草現既據稱牧地被水無草可資著暫照盛京辦理每日每牛一隻關草二束每羊一隻關草半束以資餵養俟一二年閒該地長有青草仍即照舊牧放停關三箇月草束。○又諭太常寺奏請增添學習贊讀等官一摺著照所請准其添設學習贊禮郎三員學習讀祝官三員此項學習人員除係護軍領催拜唐阿等挑補者

各照例給與原餉外其由候補筆帖式挑補者准給與護軍錢糧由監生員官學生挑補者准給與馬甲錢糧遇有該旗護軍馬甲缺出即行坐補。○辛亥

上詰

奉先殿

壽皇殿行禮。是月密諭百齡知近聞張保仔東海霸二人現在省城因汝寵待過優行為驕縱百姓曾遭其焚劫積怨方深今見寇讐

得志莫可如何未免心含悲憤此亦人情之常不可以王法懲治也此二人係匪幫盜首擁質既厚舊黨尚多又自恃熟悉海洋情形縱之日益不馴繩之又虞激變積久終不能相安恐又生枝節矣莫若調往他省勿露形迹消患於未萌息事於未起民情大定而二人亦不致又犯刑章豈非兩得乎再此二幫餘匪除被擄脅從者已回籍安業其餘黨夥尚不下數千人雖文州縣官分投安插此輩皆游手好閒之徒所給賞需隨手輒盡此外別無生計無恒產焉有恒心哉聞已有乘閒逃逸或仍竄海洋者若輾轉勾連必蹈故轍豈非前功盡棄乎何如擇其年力少壯者分撥各營伍當差其老弱者散給各衙門充役文武員弁嚴加約束有犯必懲既得養贍以全其餘生且便稽查以防其滋事其已經逃竄者搜緝務獲加倍治罪切勿姑息汝勉力毋忽特諭

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十六

臣等謹將嘉慶十五年十一月壬子朔諭內閣前據德泰奏廣西藩庫貯款有未經報部之項並擅行支借懸宕未歸當經降旨交該撫錢楷查明係何藩司任內之事並將歷任失察巡撫一併據實參奏茲據錢楷覆奏廣西藩庫從前交代未經報部之項除咨部存案及外攤軍需有著各款外惟安南軍需餘剩銀二萬六千餘兩原係通省分年攤捐列為外貯閒款歷任撫藩遂相沿酌動出借修理衙署祇於詳明批准後隨款支給按年扣還均

嘉慶十五年庚午十一月壬子朔諭內閣前

據德泰奏廣西藩庫貯款有未經報部之項並擅行支借懸宕未歸當經降旨交該撫錢楷查明係何藩司任內之事並將歷任失察巡撫一併據實參奏茲據錢楷覆奏廣西藩庫從前交代未經報部之項除咨部存案及外攤軍需有著各款外惟安南軍需餘剩銀二萬六千餘兩原係通省分年攤捐列為外貯閒款歷任撫藩遂相沿酌動出借修理衙署祇於詳明批准後隨款支給按年扣還均

未咨部立案將歷任詳請借給之各藩司並失察之各巡撫開單呈覽可見各省似此閒款尚有未經報部者此項既係通省公捐存貯司庫即因借給修理衙署公用亦應將從前攤捐餘剩緣由聲明報部乃竟擅行支借實屬不合所有該省歷任撫藩各員著交部按照各任內動支銀數多寡分別議處察議又諭賽冲阿等奏查辦吉林長春兩廳流民一摺據稱吉林廳查出新來流民一千四百五十九戶長春廳查出新來流民六千九百五十三戶等語流民出口節經降旨查禁各該管官總未實力奉行以致每查辦一次輒增出新來流民數千戶之多總以該流民等業已聚族相安驟難驅逐為詞仍予入冊安插再屆查辦復然是查辦流民一節竟成具文試思此等流民多至數千戶豈一時所能聚集該地方官果能於入境之始認真稽察何難即時驅逐且各該流民經過關隘處

所若守口員弁果能嚴密稽查何能挈族偷越各該管官種種廢弛於此可見除此次吉林長春兩廳查出流民姑照所請入冊安置外嗣後責成該將軍等督率廳員實力查禁毋許再增添流民一户如再有續至流民訊係從何關口經過者即將該守口官叅處至長春廳民人向係租種郭爾羅斯地畝兼著理藩院飭知該盟長扎薩克等將現經開墾地畝及租地民人查明確數報院存案嗣後

無許招致一人增墾一畝如有陽奉陰違續招民人增墾地畝者即交該將軍咨明理藩院叅奏辦理○癸丑諭內閣多福奏兵米遲誤一摺據稱古北口秋季兵米遲至十一月尚未給放屢次咨催直隸總督未據咨覆等語此項應關米石兵丁養贍所資向由承德府各州縣採買運交貯倉按季支放歷年辦有成案即採買或有應行酌辦之處該督等亦應先將現在所需米石解送以裕兵食此

國家萬年之常政並非新設之營汛乃該地方官任意遲延致秋季兵米至今尚未支放總督溫承惠藩司方受疇督催不力實難辭咎均著先行交部議處並將承辦遲延各員查明叅奏所有此項應解米石設法迅速催齎不得再有遲逾○兩廣總督百齡奏粵省舟師在閩洋捕盜出力千總魏成德等升用有差○甲寅遣官祭

先醫之神○諭內閣吏部奏議處欽天監堂官一摺將綿恩等罰俸處分應否抵銷之處請旨所辦非是向來各官自行檢舉及尋常處分是否准抵自應照例雙請若係特旨交議之件祇宜將該員等應得處分奏上候朕酌奪嗣後毋庸再行雙請所有此次綿恩等罰俸之處著不准抵銷○又諭富疆阿等奏請派侍郎巡查海口私邊一摺已派崇祿去矣至另片所稱酌度總會地方請令派出之侍郎前往駐劄等語奉省海口共有二十餘

處地面既屬遼闊各處俱可透漏私獲奉派之該侍郎挨次查閱固不免顧此失彼之虞若專在總會處所駐劄緝拏則奸徒蹤跡無常更恐巧於趨避即如旅順牛莊等處因與登萊海口相對便於偷越是以每年私獲多從此透漏儻奸商等知該侍郎株守此處何難專避該一帶地方從各處四散繞越。是名為扼要轉無從偵緝奸蹤殊非嚴密端捕之法自不若隨時相度緊要地面往來移駐令

奸徒無可揣測自然疑懼不前仍分派協領各員於各海口梭織巡查一有拏獲即嚴行辦理並督飭稽查海口旗民地方各官實力緝拏令將稽查情形具文呈報隨時考覈其有拏獲私獲等項究明係從何處偷越即將失察之該管官嚴叅示懲俾各處咸知認真緝查庶足以儆奸商而杜透漏至該侍郎移駐巡查之期亦不必過於久遠約駐至兩三月後便可回任飭令各該處官員毋稍疏懈

可也。又諭衡齡奏民人郭玉友故殺胞伯並扎傷胞叔身死一案該犯連斃期親尊長二命兇惡已極既經審訊明確其罪名何須再議該撫尚待奏聞後勒部覈議辦理則各省安用恭設王命為耶設因等候部覆該犯身斃因圖豈不令其倖逃顯戮衡齡辦理實屬拘泥著傳旨申飭郭玉友著即凌遲處死

乙卯

上御懋勤殿勾到上年及本年山東情實罪犯

停決官犯一人斬犯七人絞犯十九人餘八十五人予勾○諭軍機大臣等前因山盱三壩掣通過水石工塌卸數千丈河工處處著重特降旨詢問吳璥茲據吳璥縷悉覆奏其所論甚屬切要朕詢問在廷諸臣即不諳河工者所言大畧相同此時自應以速堵義壩為最要之務據前日徐端所奏仁壩日內自已堵合水勢專注義壩該處塘深水急堵築斷不可再遲徐端前奏期於本月二十日內

外堵閉斷流已有旨令其趕早數日務當上緊趲辦尤須工堅料實若再有滲漏湖水外洩日多河口倒灌益甚明歲刷黃濟運將何所恃徐端不可不慎之又慎勉力辦理至高堰石工塌至四千餘丈隄身狹窄情形自為著重總須於明年大汛以前一律補砌全竣以資保障其隄工石料被風浪掣卸仍不過沈落湖濱左近損失不至過多著即一面著落該廳員等按段打撈覈計不足應行購補

者今冬即上緊採備齊全毋誤春融興工剋期蕝事其海口挑工吳璣以為黃水暢出則洪湖河口之病悉除徐端並隨時知會馬慧裕嚴飭工員實力挑挖寬深毋得稍有偷減將此諭令知之○丙辰諭內閣前日百齡奏請揀發水陸營員赴粵差委一事茲據兵部奏水師向無在部候補之員揀選乏人請旨仍飭交該督在本省照例辦理等語外海水師例無選缺焉得有在部候補之員京中自

無憑揀選惟據兵部摺內稱向來陸路人員情願改用水師者有准其出洋試驗報部改用之例所有粵省需用水師各員著即交百齡在於該省陸路人員及本省武進士舉人內詢明有情願補用水師者遴選試驗如果能諳習水師差委得力即由該督覈實奏明准其留粵分別補用補缺時照例送部引見丁巳旌表守正捐軀山西陽曲縣民劉仲妻郭氏○戊午

上御懋勤殿勾到上年及本年山西情實罪犯停決斬犯八人絞犯六人餘九十六人予勾諭內閣兵部彙題議處本內將看射布靶到遲之哈迪爾罰俸六箇月請以紀錄抵銷免其罰俸等語大員中交部議處者自應由該部覈議辦理亦當於數日內專摺具奏不應遲延日久歸入彙題此案哈迪爾所得議處前經御前大臣奏請罰俸六箇月當即降旨依議久經辦結該部何以數月之後復行

覈議請以紀錄抵銷殊屬非是所有此次哈迪爾罰俸六箇月之處不准抵銷該部堂官著交部察議承辦司員著交部議處嗣後大員議處由各該衙門覈議業經降旨依議者該部即毋庸查抵○又諭董教增奏據藩司朱勲詳請陝西朝邑縣武舉蘭廷薦係乾隆庚午科中式呈請重赴鷹揚宴當即查照向例令同本科新中之武舉一同入宴並捐給花紅表裏等語向來各直省文闈鄉試遇有

本省應行重赴鹿鳴宴者該督撫於先期具奏朕疊經降旨施恩錫予加銜以昭渥典文武兩闈事同一例所有武舉蘭廷薦著加恩賞給千總銜嗣後各直省鄉試遇有武舉應行重赴鷹揚宴者並著該督撫先期具奏請旨候朕施恩著為例○諭軍機大臣等常明奏密查川省州縣稅契盈餘一事請明降諭旨令其據實自首一摺川省州縣稅契盈餘未能儘徵儘解陋習相沿已非一日本日詢

問勒保據稱州縣等平日徵多報少比比皆是甚有去任之際欲圖多得稅契因而減收稅銀百姓乘其收銀輕減紛紛投稅該州縣藉以沾潤其實並無藩司契尾總緣該州縣除養廉之外別無得項而養廉攤扣又多不能全領以致各項辦公之費多有未數不能不借此貼補常明所奏俱係實情等語稅契一事向以藩司契尾為憑其無契尾者即皆虛捏今川省州縣據稱十契中往往捏填

一二在愚民投稅之時不能盡知而上司又勢不能向各州縣投稅之時紛紛查驗以致徵多報少事涉浮收殊違定制常明陳奏及此自應加以禁防但如該督摺內所云請令該州縣據實自首之處辦理尚屬未協民間稅契之數每年多寡不同此時即令該州縣自首而州縣亦不能將確數舉出將來如何覈辦此時辦理之法當一面嚴飭州縣等據實報解一面曉諭百姓以所稅之契若無藩

司契尾係州縣虛捏爾等一時貪圖便宜將來查出之後即同漏稅必當議罰示儆至州縣等若嗣後有仍蹈故轍虛捏填報者則隨時加以參辦俾知遵守定制其應如何覈實查察不致隱漏以及分別懲辦之處即著該督妥議章程奏聞辦理將此諭令知之○遣乾清門侍衛綿恩往奠故教漢貝子德威多爾濟茶酒○己未緩徵兩淮板浦中丞臨興富安安豐伍佑梁梁河梁草堰丁溪東臺新

興廟灣劉莊十四場積歉貧竈新舊折價銀○除安徽無為州築隄挖廢田十頃五十畝有奇額賦○辛酉戶部議准浙江巡撫蔣攸銘疏報仁和富陽蕭山西岑四縣開墾田二百一十一頃九十畝有奇照例升科從之○緩徵甘肅狄道河平涼華亭崇信撫彝鎮番七州縣及肅州州同莊浪毛目二縣丞所屬水災旱災電災新舊額賦○壬戌上御懋勤殿勾到上年及本年直隸情實罪犯

停決斬犯五人絞犯十六人餘一百八人予勾諭內閣秀林由吏部司員仰蒙皇考高宗純皇帝簡擢深恩用至吉林將軍迄今在任有十五年之久朕復加恩用為吏部尚書承受

兩朝恩遇至為優渥乃因辦理藩務執私派商幫銀兩侵蝕至三萬餘兩之多以致吉林大小官員人人效尤且將該處卡倫私行撤減致將真蘆透漏則夫等私用缺撥攬雜充數伊佯為不知任聽作偽一切弊竇皆係由伊作俑入於該處發遣官犯並不遵旨派當若差轉私自幫助盤費餽送節禮並為之蓋造房屋俾令安居皆由平素侵蝕商幫銀兩得以任意揮霍徇私廢公此即亂法之大者按律問擬斬候入於本年朝審情實伊又無軍功無可原宥本應予勾但思從前辦理魁倫一案因其在四川總督任內縱賊匪竄過潼河戕害生靈貽誤軍務按律擬斬彼時曾經

格外加恩未經在該處正法迨解京後究念其曾任總督祇經賜令自盡秀林廢法營私雖屬罪無可逭但其簞盞不餒由於巧取商餘尚非朘削民膏魁倫既經從寬秀林亦稍可末減朕法外施仁於無可寬貫之中姑原一線著加恩免其肆市派軍機大臣托津刑部侍郎朱理前往傳旨賜令自盡其同案問擬斬候之達祿薩音保錢保三今前在吉林舞弊獲罪皆因秀林首先倡始今秀林既從寬辦理所有達祿等三合亦著從寬改為絞監候歸入下年情實○諭軍機大臣等吉綸奏籌辦東省水利請展徵曹工幫價銀兩一招所奏殊屬非是直等於橫征暴斂矣試思江省每歲興舉大工動輒幾百萬朕尚不忍稍增賦稅豈因此而累及庶民耶各省水道關繫民間井舍田廬如果有必應挑濬及培築隄岸之處自當籌款辦理即如直隸興修水利係於鹽務加價內撥給俟收有成數再

行興工焉有因捍衛民生轉為累民之事東省境內河道並各屬川澮溝渠如果急需興修亦應依照直隸辦法熟籌妥議乃率請將曹工幫價展徵十年其所稱豫備興辦水利及一切便民公事等語試問便民公事又係何所指實不過欲豫備東巡託詞便民實則藉端加賦且朕此時並無東巡之舉前經降旨明諭吉綸該撫復何得意存揣測為此巧取橫征之計耶所請不准行並著傳旨申飭其曹工幫價銀兩除應行攤徵足數外所有嘉慶六七兩年被災恩蠲銀二萬八千八百餘兩既係蠲除之款豈得復行補徵又前次張秋大工及善後各工未歸款銀十萬九千八百餘兩早經該部議令於東平州等五處徵還亦著遵照辦理無得再行攤派致干咎戾○以鴻臚寺卿初彭齡為順天府府尹○戶部議准江蘇巡撫章煦疏報奉賢丹徒丹陽鎮洋四縣開墾灘地二十二頃八十畝有

奇照例升科從之○癸亥

上御懋勤殿勾到上年及本年朝審情實罪犯
停決官犯十人斬犯五人絞犯十人餘三十
四人予勾諭內閣據靈泰等奏奉天裝運
撥解直隸米石遭風沈失一摺此項海船運
載米石陡遇颶風船隻損壞所有漂沒米石
著加恩免其賠補其溺斃夫役並著查明咨
部照例賜卹惟摺內稱幅吉順船隻遭風後
船底損漏該船戶將米颶入海內約計五六

百石所奏殊未明晰海船遇風救護不暇因
何轉將米石拋颶致令船身輕簸既拋去米
石此船曾否駕攏得免沈溺抑或船戶人等
因米石本有短缺借遭風為由隱飾捏報再
著確查具奏尋奏上得旨此次沈失米石係
該船戶恐船重沈沒自行拋颶並非經水漂
淌本應照數賠補姑念究因海洋遭風倉皇
失措所致著加恩免其賠補一半○甲子
聖祖仁皇帝忌辰遣官祭

景陵

上詣

壽皇殿行禮○諭軍機大臣等松筠密奏一摺
朕詳加披閱內稱吳璥議論河務多有不實
徐端祇知做舌欠曉機宜查伊二人任內經
手工程如堰圩改建甄石各工老壩工改挑
毛家嘴移建束清禦黃二壩迴龍溝挑挖引
河清口攔做圍堰種種辦理失宜峯山壩現
又堵閉遲逾此外如毛城鋪率請修復海口
仍稱高仰語皆飾詞又所用屬員如葉觀潮
張文浩繆元淳等皆委任不當或應參不參
或應賠不賠以致各處工員無所敬畏現在
即查有墊款應領銀九十餘萬恐有虛捏報
帳情弊必須查辦以杜浮冒等語近年河工
費用帑銀多至數千萬迄無成功其中自難
保無弊混失當之事松筠所奏各款著即秉
公參奏朕自當執法辦理至摺內稱懇請將
伊調補總河以便查弊並可遴選工員講求

河務等語。河工弊壞已極。正當辦理棘手之時。人人視為畏途。松筠現任總督。管理地方。不但不藉詞推諉。轉肯銳意自任。毫不畏難。全是一片公忠實心。為國覽奏。實為可嘉。但河工與地方究有不同。經理機宜。實非易易。松筠雖能實心任事。而於河務素非所長。且廳營中不肖者甚多。其詭詐伎倆。無所不至。設見松筠接手之後。諸事生疏。因而假公濟私。乘機恣憑。弊端混多。端萬一稍有貽誤。則松

筠徒然為其所累。仍於公事無益。此時徐端已明降諭旨。革職留於工次効用。其總河一缺。既據松筠另片奏稱。蔣攸銑可勝斯任。已降旨將蔣攸銑補授。俟伊到任之後。松筠惟當與之實心講求。相助為理。並將河工各弊端會同查奏可也。將此諭令知之。○以京營右翼總兵本智為理藩院右侍郎。○調鑲黃旗漢軍副都統文寧為正黃旗滿洲副都統。以烏什辦事大臣納爾松阿為鑲黃旗漢軍

副都統。以江南河道總督徐端不勝河督之任。革職留工効力。以浙江巡撫蔣攸銑為江南河道總督。調湖北巡撫同興為浙江巡撫。廣西巡撫錢楷為湖北巡撫。以理藩院右侍郎成林為廣西巡撫。○調湖北布政使張映漢為山西布政使。山西布政使素納為湖北布政使。○乙丑諭內閣。松筠奏江西漕船量為改小。並造剝船。隨帶一摺。江西漕船笨重。前經該撫酌擬。將每年新造船隻丈尺量

為改小。並將原帶剝船改為三百石。剝船一隻。以資分裝。茲既據松筠等悉心察覈。利於輓運。自應如此辦理。統俟輪造之年。陸續更換。至湖廣軍船較之江西。少裝米石。若另行改小。誠恐經歷江湖。未能穩重。著交該省督撫察看情形。是否仍舊抑或依照江西新定丈尺改造之處。妥議具奏。再降諭旨。○又諭成文因侵蝕吉地工程銀兩。按律問擬斬候。已加恩免勾。二次。此案罪魁實由盛住貪贖。

不法首先侵蝕多金成文係屬為從分肥伊年已八十有七每年朝審勾到之期押赴市曹情殊可憫定例老不加刑有八十以上犯罪減等之條成文著加恩減為流罪仍准其照例收贖○調貴州布政使陳預為廣西布政使廣西布政使齊布森為貴州布政使○丙寅諭內閣內務府廣儲司銀兩向例祇給內工動用先據英和面稱因積存楚銀較多請留為內外各工支領之需聯銜奏准原不

過一時權宜辦理工部自遵照後所辦千兩以上之工均停支戶部由廣儲司支領歷年支用存銀漸少該大臣等即應將外工銀兩及早奏請仍由戶部支領何以因循至今庫存銀僅止二萬餘兩伊等尚未計及直待朕披閱內務府月摺見庫貯不敷應用勅令與該部會議始據隨同奏請應仍循舊章可見其平日漫不經心近來內務府大臣辦事疲懈大率如此不可不加以薄懲此事原係英

和先奏著罰俸六箇月常福桂芳穆克登額和世泰徵瑞俱著罰俸三箇月不准抵銷○又諭本日溫承惠覆奏兵米遲誤一事據稱古北口駐防兵丁及提標官兵應放秋冬二季米石先據該道府等稟稱總可勒限完交不至遲誤迨截至九月底止尚未完米五千一百二十石請將承辦玩延之承德府州縣等交部嚴議其熱河道吉隆阿坐視遲延惟稱一籌莫展迄今並無一字詳稟請一併交

部議處等語此項應放米石為滿漢官兵養贍所資向由承德府州縣採買運交歷有年所係國家經久定制並非新立章程當日每石例價一兩辦理從無遲誤迨後因例價不敷每石增銀四錢經理倍當充裕何以轉致遲延屆期貽誤竟以一籌莫展搪塞支吾疲玩已極此時溫承惠僅請將該道府州縣分別嚴議議處而於現需兵米未能上緊籌辦豈竟令官兵等枵腹從事乎溫承惠著傳旨

中飭此項秋冬二季兵米著該督務即設法購辦。期運交限於十二月內全數完竣。儻再有遲逾不但承辦之員尚當從重懲辦。即溫承惠亦無可辭。茲至此項採買價值自早經給發該府州縣承領。此時購米遲延例價究歸何處。如該府州縣業經發給鋪戶。而鋪戶抗不交米。則應將鋪戶治罪。該府州縣不行嚴催。亦有應得處分。若領銀之後並未給發鋪戶。竟有挪移侵蝕情事。以致臨時購買

不及。則竟當革職。等因。非僅交吏議所能了事。著溫承惠徹底清查。據實奏聞。毋少含混。現據溫承惠另派道員督催運交。其解到古北口米石數目。并著隨時具奏。此時先著照溫承惠所請。將承德府知府喜步昌。阿平泉。州知州麟昌。建昌縣知縣烏訥璽。豐寧縣知縣慶恩。并熱河道吉隆。阿交。部分別嚴議。議處。○戊辰諭軍機大臣等。松筠在河口督催漕船。俱懸立重賞。每幫勒限趲渡。或數百兩

或一二千兩。均立時賞給。因此人夫踴躍。本年重運得以無誤。現在回空。亦如此辦理。松筠自係為力趲漕。運起見。但此項賞銀出於何處。計其為數不少。非養廉所能敷用。松筠操守清廉。朕所深信。斷不疑其取自官民。自係向人借貸。但借貸銀兩將來必須完欠。松筠何得不豫為計及。即如阿克當阿近在兩淮。若松筠係向伊借用。則伊又豈能解囊。借與勢不得不藉資商力。又與取之於民何異。

此更不可況賞之一事。非可濫施。賞之得當。則人皆感奮。過濫則視為泛常。弁兵夫役人等。始而見利爭趨。人人欣悅。久之視同常例。勢將非賞不行。且賞亦不見恩。不賞即易見怨。軍船淺阻地方。本所時有。惟在認真催趲。隨時相機。其得賞而可以輓渡者。可見不賞亦未必停閣。全在人夫之是否出力。辦理之能否得法耳。若專以賞項為事。則年復一年。何所底止。恐弁兵夫役人等。邀求重賞。別生

不肖之心甚或於軍船可以暢行之時亦復藉稱淺阻貴重則照常曉渡賞薄則觀望不前作偽多端易生流弊松筠不可不防今歲河口阻滯伊權宜辦理亦已成事不說嗣後務當別為相機經理期臻經久可行不得專以懸賞為事也將此諭令知之○緩徵江西南昌新建豐城三縣被水地方帶徵額賦漕糧○賞八旗兵丁一月錢糧○己巳上詣

雍和宮行禮

大神廟拈香○除江蘇寶山縣築塘挖廢地十頃有奇額賦○庚午諭內閣永琚等奏馬甲蘇勒芳阿呈稱防禦富興逼勒伊妻烏雅氏自縊身死一案事關人命永琚等即應一面請旨將富興解任一面提集犯證審明錄供送部方為正辦乃摺內轉稱是否屬實未便審訊殊不成話此係伊等應辦之事若全行推諉又安用該處駐守大臣為耶現在一

千人犯儻業經解部則已如尚未起解即著永琚等將富興解任並屍親等先提到案訊取大概供詞奏聞再行解部嗣後遇有此等案情即必應解部審訊者該貝勒大臣等總須訊錄初供送部辦理毋得意存諉卸○以故貝子永澤子綿疆降襲奉恩鎮國公○戶部議准雲南巡撫孫玉庭疏報嵩明賓川馬龍尋甸文山武定六州縣開墾田一項有奇照例升科從之○辛未諭內閣戶部議駁那

彥成奏酌增採買糧價一摺甘省採買糧石例價自前任總督吳達善奏准後歷經辦理多年該省地瘠民貧閒有水旱偏災其被災情形有較之本年為甚者而例價採買從無不敷之處今該督遽請加價計需銀至九萬餘兩之多國家經費有常豈得輕議加增致滋糜費該督顯係輕聽屬員恣憑率行奏請殊屬不合那彥成著傳旨申飭所有該省採辦兵米著照部議行○旌表守正捐軀河南

榮澤縣民何文興妻范氏○壬申

上御乾清門聽政○諭軍機大臣等吳璥奏請展土方捐例限期並請添派道府赴工幫辦一摺河工土方捐例原係不得已之舉况屢經開例報捐者並不踴躍即再行展限亦屬無益此次卯期本截至年終為止臨時竟可無容再展至江南海口挑工業已辦有九分光景即義字壩工現在趕緊堵築口門亦僅存二十餘丈兩處工程不日皆可蒞事亦可

無須另派道府前往幫辦吳璥惟當在家上緊調理一俟病體大愈即遵前旨緩程來京可也○將此諭令知之○旌表守正捐軀山東福山縣民唐幅妻劉氏○癸酉

上幸瀛臺閱冰技○以故土爾扈特扎薩克貝勒庫奎子巴圖濟爾噶勒襲爵○甲戌諭內閣據阿克當阿奏稱前任揚河通判繆元淳於本年承辦揚河堤岸工程共領銀五六千兩止用錢一千八百餘串人言藉藉無不切

苗痛恨等語近年南河糜帑甚多而工程仍未能保護平穩意工員內自必有草率偷減情事今果查有此弊弊端亟應徹底究訊繆元淳已因另案革職著托津初彭齡前往查辦傳旨拏問嚴審定擬具奏吳璥此時病體就痊自己來至清江並著會同查辦勿稍瞻徇迴護看來河工此等弊端尚多未必止繆元淳一人如續經查出另案浮冒之處即行嚴參辦理現據阿克當阿摺內稱本年吳璥

路過揚州時曾向伊述及廳員營弁中誠實者少不肖者多不願無事只求有工曾有人稟報工程一段伊親往查看直不用辦又如外河廳同知王世臣承辦土壩一段伊親往查勘將壩剗開祇有一半工程更有並未辦工之人輒具稟先行借支銀兩以便私用云俟將來辦工時再行扣除自係從前有人辦過方敢如此肆行無忌又伊從前修辦四五座壩止用銀十萬兩上下如今修辦一壩

竟用至十餘萬兩伊在任前後六七年止用銀一千餘萬此數年來竟用過三四十萬實在可怕因此晝夜焦急病勢益劇等語吳璥既知此等弊端何以不行參奏除一面降旨飭詢外著托津初彭齡於到彼後會同松筠蔣攸銘將此數年來河工用過款項通行覈實鈎稽如查有弊混之處即行參辦其吳璥稱虛報工段者何人稟借銀兩者何人並著逐一指出同辦工偷減一半之王世臣一併

查明參奏歸案覈辦至阿克當阿於河工弊竇既有聞見著於查收海口工竣即行同赴清江將摺內指陳各條以及續行訪聞一切確實憑據俱面告托津等以憑按款查辦○上以冬至祀

天於

園丘自是日始齋戒三日○乙亥改湖北襄陽府樊城同知為鹽捕同知移宜昌漁洋關同知駐歸州新灘改歸州州判為隨州唐縣鎮

州判隨州唐縣鎮巡檢為東湖縣南沱巡檢從巡撫同興請也○丙子

上詣

南郊齋宮齋宿○諭內閣據百齡奏審明已革守備李榮華勒扣防兵月餉並解任總兵孫應奉私役兵丁分別定擬一摺又另片奏李榮華堅不畫供請照衆證明確即同獄成之例辦理等語此案李榮華被參款蹟如果審訊明確李榮華俯首無辭何以堅不畫供雖

例有衆證明確即同獄成之條但李榮華曾任職官經提審多次而不畫招是其心必有負屈不肯輸服之處且伊弟李聯華在京自縊遺有呈稿開列帳單並家信內有總督從寬審辦令其弟星速回粵無庸再控之語果爾何以仍不畫供恐未確實著交景安提集人證卷宗再行秉公研訊定擬具奏○又諭百齡等奏停止鹽斤加價仍請海陸兼運並商人願輸師船經費一摺粵東鹽斤加價原

為該省捕盜之需今大小匪幫俱已辦竣海	洋寧謐所有加價銀兩即著停止至巡哨師	船例有動支經費原無須商人捐輸但該商	等既以海運鹽船往返悉藉舟師防護俱願	按年備銀八萬餘兩支應巡洋師船兵丁口	糧情詞懇切著准其捐輸三年以後仍在緝	捕項下按數支給無庸藉用商力再粵東鹽	務前此百齡等因籌杜接濟奏改陸運惟是	東西兩江鹽場濱臨大洋由海配載較之陸	路便捷省費且全洋寧靜與上年情形迥不	相同自應准其海陸兼運如果陸運不便於	商百齡等無須迴護前奏仍當遵照舊章由	海裝運以期配銷迅速俾商力益臻饒裕○	准廣東前任都司周文光守備鄒鳴珂重赴	鷹揚宴並賞周文光遊擊銜鄒鳴珂都司銜	○丁丑冬至祀	天於	園丘
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	--------	----	----

上詣	戊寅	黃旗漢軍副都統德麟為鑲白旗護軍統領以正	旗護軍統領玉福為正白旗護軍統領以正	端慧皇太子園寢○停次日朝賀○調鑲白	孝淑皇后陵寢○遣官祭	皇次子旻寧祭	裕陵○命	泰東陵	泰陵	景陵	孝東陵	孝陵	昭西陵	昭陵	福陵	永陵	上親詣行禮○遣官祭
----	----	---------------------	-------------------	-------------------	------------	--------	------	-----	----	----	-----	----	-----	----	----	----	-----------

壽康宮行禮○諭內閣據賽沖阿奏吉林遣戍廢員慶傑吉順均滿三年等語吉順前控伊弟吉剛並未於該管王公族長處呈訴即於朕前叩關又誣告尊長情殊可惡吉順著仍留吉林當差俟再滿六年具奏慶傑人本卑鄙前於熱河副都統任內與屬員聚飲又因伊喪子收受屬員奠分慶傑著仍留吉林効力當差嗣後凡二品以上滿漢大員獲罪遣戍該將軍大臣等毋庸三年一次請旨朕於廢員大臣俱存有名單儻原犯情罪較輕者朕自加恩著通諭盛京吉林黑龍江伊犁烏魯木齊等處將軍大臣等知之○己卯上幸北海閱冰技諭內閣本日都察院奏山東民人張連呈控伊兄張丹被李連承謀財害命官不據實申理一案已有旨交該撫吉綸親提審辦矣近日各省民人來京控案甚多皆緣地方官先不據實審辦迨往各該上司衙門控告而該上司又不皆親自提審往

往仍批交該府州縣審訊試思該州縣既有原審供勘在前即另有冤枉別情又豈肯自行平反不過設法彌縫多方消弭其有不能消弭者或監斃滅口或付之延宕以致小民負屈莫申惟有來京赴愬人但知控案紛紜刁風日甚而不知率皆官員之闇茸有以啟之也各督撫經朕簡派前往查察閩省官民申冤理枉即係欽差如果隨案親提秉公剖斷則百姓豈有近捨本省上司轉遠來京師呈控之理嗣後各省上司凡遇控案若在督撫衙門控告即著督撫親審若在臬司衙門控告即著臬司親審如須派員隨同研鞫亦當另行遴派毋得仍批本屬及原審之員自行覆審致蹈迴護瞻徇之弊如尚不凜遵致小民等仍來京控告彼時查明曾在本省控告係發交原問官審辦者必先將該省不行提審之上司懲治不貸將此通諭知之○又諭松筠許兆椿奏請減造江廣剝船以裕修

費一摺據稱前因江廣漕船笨重偶值河口水淺即難輓渡請添造剝船一千五百隻所需造費共一百二十萬兩已交湖南湖北江西三省酌覈成造茲體察江廣漕船行走情形即遇河口淺滯祇係最後各幫難以輓渡向無全幫停阻之事其在後各幫應須過壩盤剝米石為數亦不過五六十萬之閒以現造剝船裝米七百石而計止須添造一千隻即敷剝運所有減造剝船五百隻節省銀四

十萬兩請分撥江廣三省發商生息以為隨時修艚之費等語所奏甚是著照該督等所請行○緩徵江蘇寶應高郵甘泉三州縣水災新舊額賦○庚辰諭內閣向來遣阿哥恭祭

陵寢本係歲時常典朕在潛邸時屢蒙

皇考高宗純皇帝派往祭

陵往返道途即偶遇該處歲歉閭閻安堵如常從未有遮道乞賑之事昨二阿哥三阿哥由

西陵恭祭回京據奏本月二十三日行抵半壁店有民婦百餘人跪求賞賑經隨往之裕全孟佳以業已傳知該縣迅速給發曉諭民人始行散去迨二十六日回至該處復有涿州房山老幼民婦約三四百人環擁馬前阿哥等奪路而走內有扯住三阿哥馬繮者並隨至宮門以仍未得賑同聲呼籲喧鬧擁擠直至亥末方散及詢之房山縣猶以此項賑銀於本月初九日領到逐加分派必須由近及

遠勢不能一時同放為詞此事殊出情理之外地方偶有偏災不惜帑金予以賑濟原期窮黎早沾惠闔今房山縣知縣於初九日業將賑銀領到距二十六日為時已逾半月儘可按戶放給何以遷延不發致小民屈此嚴冬嗷嗷待哺其辦理遲延獲咎甚重房山縣知縣沈一仁著革職拏問涿州知州查係何人一併革職拏問加等定擬押解來京總督溫承惠藩司方受壽地方是其專責乃於所

屬領到賑銀後任聽延玩並不隨時稽查令其及早散給俾災黎口食有資實屬玩視民瘼溫承惠著降為二品頂帶拔去花翎方受疇著降為三品頂帶並俱著交部嚴加議處此案著派勒保英和盧蔭溥馳驛前往查辦該州縣究於何時領到賑銀因何不即發給有無侵挪情弊嚴審定擬具奏並將主使婦女乞賑之令究出從重治罪

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十七

嘉慶十五年庚午十二月辛巳朔
上幸北海閱冰技○壬午諭內閣吏部參奏留粵以知縣升用之原任浙江嚴州府經歷高颺於九年丁憂後即隨德楞泰赴臺撤兵後復隨至清江閱看河工事竣復同回京十一年又隨赴陝西十二年遣人回籍呈報服滿又復來京由天津航海以致遭風遂入廣東得邀議敘等語該員惟知奔競營求希圖微倖是其志親不孝直不知丁憂守制為人子至情根本之地已虧實屬有傷風化高颺著

嘉慶十五年庚午十二月辛巳朔
上幸北海閱冰技○壬午諭內閣吏部參奏留粵以知縣升用之原任浙江嚴州府經歷高颺於九年丁憂後即隨德楞泰赴臺撤兵後復隨至清江閱看河工事竣復同回京十一年又隨赴陝西十二年遣人回籍呈報服滿又復來京由天津航海以致遭風遂入廣東得邀議敘等語該員惟知奔競營求希圖微倖是其志親不孝直不知丁憂守制為人子至情根本之地已虧實屬有傷風化高颺著

革職發往烏魯木齊以為匪喪干進者戒○
又諭戶部奏請飭催陝西等省軍需駁查未
結各案一摺軍需為帑項攸關本應隨時報
銷以歸覈實乃陝西湖北四川三省尚有駁
查未經覈銷銀至一千八百餘萬兩之多此
項軍需所用銀兩或在嘉慶三年以前或在
四年以後迄今已十有餘年日久懸宕未結
殊非慎重錢糧之道可見外省辦理案件任
意遲延致多積壓著該督撫等務即嚴飭所

屬逐案清釐趕緊查報完竣此外尚有各省
協濟軍需及廣東博羅福建臺灣等處未結
各案銀數雖屬無多究亦未便久延著該督
撫等一併速行題報覈銷○癸未

上幸瀛臺閱冰技○諭內閣吏部奏嚴議直隸
總督溫承惠藩司方受疇一摺此案涿州房
山等處被災賑濟該州縣既經領到賑銀猶
不即行放給以致小民情急呼籲皆由上司
督辦不嚴所致吏部議將該督藩均照溺職

例革職實屬咎所應得惟伊二人獲咎輕重
亦尚有所不同阿哥恭祭

陵寢沿途經過地方竟有飢民等環繞馬前擁
擠求乞復又隨至宮門喧鬧多時乃從來未
有之事該督接據稟報猶不嚴叅辦理自請
處分祇以派員覈查有無遺漏放賑之處具
奏塞責是直將州縣疏玩情事視為泛常伊
以通省大員辦事如此鬆懈無怪乎州縣等
愈加疲玩積習不悛其咎較之方受疇為重

此事現在特派欽差查辦溫承惠著先改為
革職留任八年無過方准開復方受疇著改
為革職留任統俟勒保等查奏到時再行覈
辦○又諭同興奏緝獲拐犯並究出國戶一
摺已交刑部覈議矣此案朱正笏妻女被拐
事逾八年輾轉控告未經緝獲實為外省因
循積習現署沔陽州事新題石首縣知縣王
翰雲南試用縣丞何裕壇經同興飭委訪拏
即能購線緝獲俾積年拐國之犯不致漏逸

尚屬能事俱著加恩以應升之缺即行升用
何裕壇即著留於湖北補用○以湖北宜昌
鎮總兵官吉林泰為提督江西南昌城守協
副將蕭福祿為宜昌鎮總兵官○予故湖北
提督駱朝貴祭葬如例○甲申諭內閣誠安
奏都察院保題轉掌工科給事中一缺左都
御史王集欲將賀賢志擬正陸言擬陪未為
平允一摺當令軍機大臣傳詢王集誠安帥
承瀛等據王集稱賀賢志科俸較深是以將
伊擬正帥承瀛稱此事稿未盡齊尚未具題
等語各衙門保題人員自應視其人之才具
斟酌正陪御史陸言屢次條奏允行者多且
又京察一等賀賢志條奏既少本年陳奏考
差一事即經駁飭扣除不准與考京察又係
二等是陸言較賀賢志為優將來具題時朕
亦必將陸言補授掌科著即將陸言擬正賀
賢志擬陪仍照例具題此次該衙門堂官畫
諾未齊尚在商辦亦不值付吏議也○刑部

右侍郎秦瀛以目疾乞開缺允之調兵部右
侍郎宋銘為刑部右侍郎以都察院左副都
御史胡長齡為兵部右侍郎○乙酉

上詣

大高殿拈香○幸北海閱冰技○旌表守正捐

軀山東高密縣民張星焯女張氏○丙戌

孝惠章皇后忌辰遣官祭

孝東陵○丁亥

上幸瀛臺閱冰技翼日如之○己丑諭內閣前

據興奎等奏色克通阿途次患病沈重不能
前進率行送回當即降旨令那彥成等各加
察看嗣據那彥成覆奏色克通阿調理月餘
病已向愈仍令前赴和闐迨達慶派往新疆
換班行至蘭州那彥成又奏稱達慶患病服
藥鮮效竟係隱為乞恩還京曾經傳旨申飭
仍著達慶前往茲據達慶奏稱現已調理就
痊照常辦事可見該員等偶爾患病皆可醫
治就痊若彼時朕閱興奎等所奏遽以為實

即將伊二人撤回。到京後病俱痊愈。豈再令前往新疆。抑竟聽其閒居安逸。尚復成何事。體耶嗣後。派往新疆人員。儻實有重病。恐誤公事。准其自行陳奏。候旨派員察看。酌奪如係路過地方。有代為冒昧陳請。以博寬厚之譽者。即交部治罪。將此通諭知之。○旌表守正捐軀山東郟城縣民王守開妻倉氏。四川江安縣民鄭元萃妻苟氏。庚寅上幸北海閱冰技。○諭內閣。本日兵部將懷他

布叩關處所之管段章京等。分別嚴議具奏。已依議行矣。此案護軍懷他布在

壇內道旁喊訴。係因竟夜沽飲。乘醉妄瀆。迨次日訊。伊所控何事。已茫然不能省憶。除業經刑部審明。定擬具奏。照例辦理外。因思恭遇大祀致齋期內。理應虔潔。况

郊壇重地。尤當敬謹嚴肅。豈可客人在彼沽酒。致令滋事。嗣後每遇宿

壇之日。著管門官弁等。嚴行稽察。毋令人攜酒

入內。亦不准賣酒人入內。儻視為具文。一經覺察。究治不貸。再朕出入宮禁。請與校尉。不特酒氣熏蒸。且有失跌之時。皆因飲醉之故。其隨從之侍衛等。偶經奏對。頗覺有酒氣。殊非敬事之道。除既往姑寬不究外。此後著御前大臣管理鑾儀衛大臣。豫行飭禁。若有不遵者。據實叅奏。儻稍涉瞻徇。經朕指出。即將該管大臣一併議處。○又諭曹師曾奏鄉會試考官等聽候宣旨。請添派御史稽察一摺。

每科鄉會試屆期。所有正副考官及同考官。史等官。自應遵照定例。在午門前恭候宣旨。謝恩。即行入場。近日竟有不到午門前祇候在家。得信徑赴貢院者。殊非敬事慎密之道。著照所請。嗣後添派滿漢御史各一員。查收應行聽宣職名。除內廷行走。與是日在圓明園奏事。及有執事各員。先期行知。都察院外。如有無故不到者。即將該員叅奏。扣除不准入場。仍交部議處。又諭刑部奏審訊山東

民人李錦屏呈遞奏冊語多違悖請比照大逆擬以凌遲一摺此案李錦屏呈遞冊內請將前明崇禎引為鑒戒尚與悖逆有聞其牽敘撥什戶為前明之事雖語涉謬妄姑念鄉愚無知隨意填寫李錦屏著從寬改為斬監候歸入來年朝審情實辦理○又諭誠安奏將應奏未奏三案摘敘節畧請旨一摺湖南民人塗正通呈控伊父被縣役唆囑誣扳窩竊酷刑拷打致斃四川民人王正明呈控伊

女因妾有姦情唆使本夫毆斃滅口直隸民人王琚呈控裝載糧食赴集被人毆傷搶奪財物控呈緝賊後經縣役縱放等案皆關涉命盜情節較重著發交各該督撫提集卷證秉公審訊定擬具奏此即與奏交之案無異該督撫當親加研鞠以成信讞毋得仍委屬員審辦致有玩延至都察院堂官何以徑行咨交督撫並未奏聞著王集等明白回奏尋奏上得旨向來都察院衙門遇有各省呈控

案件其情節較重者具奏即情節較輕咨回本省審辦者仍俱分析案由彙奏昨日誠安所奏內湖南民人塗正通四川民人王正明所控關繫人命情節稍重自應具奏其直隸民人王琚呈控毆傷奪取財物縣役縱賊一案今據王集等所敘情節尚可奏本日召見潤祥曹師曾據稱係公同酌議畫閱誠安亦曾畫稿二次及召詢誠安據稱前日是伊續陳所見似此控案無論虛實俱應具奏請

旨等語若如誠安所言是不覈案情輕重僅以一奏了事則都察院衙門不過一接收呈詞之官並供情亦可不必詳訊豈國家設立臺垣之意乎嗣後該衙門遇有外省控案仍著覈其情節分別奏咨辦理所有前案未行具奏之都察院堂官除帥承瀛尚未到任未經畫稿外王集邵自昌潤祥曹師曾溫汝造俱著加恩改為交部察議誠安於塗正通咨稿銜名下註寫接駕未畫其王正明等二稿

亦俱畫諾且既已隨同畫稿復行具奏亦有
不合併著交部察議○又諭理藩院奏駁已
革喀爾喀諾彥呼圖克圖之徒弟端多布等
請仍准出扎木揚丹津呼畢勒罕等語喇嘛
等理應恪遵佛教體行善事諾彥呼圖克圖
前因逞兇將喇嘛定津扎斃

皇考高宗純皇帝本擬將伊擬抵嗣經降

旨以諾彥呼圖克圖究係大喇嘛曲加寬宥監
禁停其出呼畢勒罕朕加恩將伊由京監放

出發往熱河入於閒散喇嘛內令在普陀宗
乘廟居住三年期滿令回原部落今端多布
等嘗試瀆請明係希冀徵俸所請著不准行
本應將端多布等從重治罪但念伊等究係
糊塗蒙古不曉事體著加恩寬免其諾彥呼
圖克圖永不准出呼畢勒罕儻端多布等再
行瀆請定將伊等加倍治罪不貸○調鑲藍
旗滿洲副都統榮麟為正紅旗漢軍副都統
以鑲紅旗漢軍叅領葉潤華為正紅旗漢軍

副都統○旌表守正捐軀山東陽信縣民范
正元妻劉氏○免雲南銅廠民欠工本銀○
癸巳

上御乾清門聽政○諭內閣戶部奏據兵部主
事成寧呈稱前在道府及臬司任內分賠代
賠各款除繳過銀五萬四千餘兩外尚有未
完銀二萬九千二百九兩零現在無力措繳
懇將伊應得主事俸銀並伊胞姪重嘉長孫
穆常阿筆帖式俸銀一併坐扣等語官員賠

項本應按照例限如數完繳近來外官降革
在京其應賠之項輒請將房產抵繳其房產
不敷抵繳者即請坐扣本身及子弟俸銀每
經邀恩允准並祇令其坐扣一半以示體恤
乃該員等意存希冀紛紛具呈視為故套其
在職分較小之外官或實在苦於無力尚屬
可原若歷任督撫大員受恩深重廉俸優厚
何得藉詞無力完繳殊非情理所有成寧未
完賠項二萬九千二百九兩零著不准將伊

主事及胞姪長孫筆帖式俸銀扣抵仍加恩
予限六年每年繳銀五千兩如逾限不完即
當照例治罪嗣後降革在京之督撫大員毋
許將俸銀扣抵賠項如有似此具呈瀆懇者
該部即當駁飭不准無庸再行請旨○又諭
前因兵部將哈迪爾降旨罰俸之案復於彙
題本中聲請抵免將該部堂司各官交部分
別察議處並飭諭各該衙門嗣後遇有罰
俸之案業經降旨依議者無庸再行查抵乃

本日兵部具奏將降一級調用之世管佐領
張毓麟應否折罰抵免或開缺另襲之處請
旨等語張毓麟業經降旨降一級調用自應
遵旨辦理何庸再行奏請豈前次所降諭旨
竟未寓目耶張毓麟世管佐領即著開缺另
襲所有兵部堂官均著傳旨嚴行申飭仍交
部議處其承辦司員亦著一併議處○以大
理寺卿曹師曾為都察院左副都御史○旌
表守正捐軀河南裕州民楊鳴妻馬氏○甲

午諭內閣刑部議覆四川省程鄧氏商同伊
子勒斃親夫一案向來外省遇有因姦謀斃
親夫之案審擬具奏例應聽候部議此案程
鄧氏因伊夫程洪受平日酗酒嫖賭又見其
站立伊媳房門外輒疑圖姦商同伊子程德
幫勒斃命實為人倫至變該督審明後即將
程德恭請王命正法而程鄧氏一犯尚照尋
常謀斃夫命案情仍請勅下部議未免拘泥
程鄧氏著即凌遲處死此案非情理所有事

屬僅見嗣後如或有情節似此者即照此辦
理○調直隸按察使福昂為江蘇按察使江
蘇按察使靈保為直隸按察使○以故廣西
太平府土知州閉成鏐子顯榮襲職○乙未
諭內閣勒保等奏遵旨查明涿州及房山縣
賑銀藩司方受疇於該州縣請發大賑銀兩
後未俟專差承領即於十一月初五日發兌
委解按之定例大賑期限並無遽踰等語此
案方受疇於所屬延不給賑未能稽查前經

降旨將伊與溫承惠並降頂帶革職留任。因思發賑係藩司專責。特諭勒保等將該藩司發賑日期是否與定例相符之處據實查奏。如果踰限未發以致州縣給放稽延則方受疇獲咎較重。茲據勒保等查明並無遲踰。是該藩司尚非玩視民瘼。咎止失察。州縣較之溫承惠以通省大員既經失察於前。及接據稟報知婦女等有向阿哥環繞喧嚷之事。猶不將該州縣嚴叅辦理。並不自請處分。其獲

咎輕重。自屬有閒。方受疇業已革職留任。著加恩賞還原品頂帶。○又諭孫玉庭奏勦辦儂匪案內支用銀兩請免報銷一摺。據稱此案前於司道庫發銀一萬四千一百六兩四錢二分六釐。又各屬墊支銀一萬七千五百五十四兩二錢五分。現於江蘭賠項內分別歸還發領。並尚有餘銀報撥充公。惟從前支用細數藩署案卷本不齊全。各屬冊檔又未存留交代。若令已隔數任之員按款造冊勢

必懸揣捏開以符原數。跡涉欺罔。可否免其造冊報銷等語。庫帑支發絲毫必須題報。以歸覈實。此項支用鹽糧賑卹等銀。雖係著落江蘭賠繳。既已報解藩庫。即屬公帑。自應照例造冊題報。若竟就案完結。則勦辦儂匪一案日久必至全無稽考。斷無此辦法。如云動支細數遠隔多任。難於追考。造冊則從前辦理此事豈竟全無案據。即如司道庫實發銀一萬四千餘兩一款。原請作正開銷。自有冊

檔可憑。又各屬墊支銀一萬七千餘兩一款。係江蘭賠繳。後陸續發領。該屬等具領時自應將原墊銀數申詳。此時彙總查出。即可據以造冊具題。何庸懸揣捏開虛列細數為耶。所奏不准行。仍俟具題到日再降諭旨。○兩江總督松筠等奏報洪湖義壩合龍候補道裴世璘等升敘有差。○戶部議准陝甘總督那彥成疏報烏魯木齊頭屯所開墾田三頃九十畝。照例升科從之。○緩徵湖北漢川黃

梅廣濟斬四州縣並屯坐各衛所被水地畝本年額賦○丙申諭內閣向來阿哥春秋遣祭

陵寢及秋閒往來熱河除派出隨往之大臣官員外直隸地方官向不遣員隨同照料朕於潛邸時即所深悉本年二阿哥三阿哥派祭西陵往返半壁店竟有民婦環擁乞賑之事殊屬不成體制嗣後著直隸總督於阿哥出京時遴委文武官員隨同照料其行宮外附近

堆撥亦應派撥兵丁屆期在彼住宿至阿哥所過地方固無除道之理但值雨水盛行之時橋梁道路偶被衝圯自當修補整齊或豫備船隻以便經行著總理行營王大臣妥議章程具奏○又諭毓秀奏熱河蒙古民人交涉事件請由道府覈轉一摺向例各省命盜案件州縣招解由府審轉惟直隸州招解事件由道府轉解臬司衙門加看詳申督撫覈定今平泉等州縣蒙古民人交涉事件原

奏章程內未經指定覈轉之處著倣照各省覈轉之例所有平泉等州縣遇有民人蒙古交涉命盜案件經州縣會同理事司員審擬後由州縣詳解承德府由府詳道加看覈轉至承德府所管地方民人蒙古交涉命盜案件亦由道加看覈轉統解熱河都統衙門訊擬覈定以昭慎重○以故一等公安寧子盛貴襲爵○賞山東等省鄉試年老諸生李品重等八百八十七名舉人副榜有差○賞廣

西一百四十二歲壽民藍祥六品頂帶及御製詩章扁額仍加賞銀五十兩○予安徽故知府江濬源入祀鄉賢祠從巡撫董教增等請也○丁酉諭內閣步軍統領衙門奏山東德平縣民人劉靜遠呈控該縣浮收漕糧勒折錢文一案州縣勒折浮收大千例禁山東德平縣前任知縣周宗華李藩徵收滋弊曾經該縣民人王大勇在本省控告該撫藩不為審辦以致該民人前來叩關經朕特派欽

差到彼審結乃甫經繼辦未及一年而該縣復蹈前轍現據劉靜遠所控新任周姓知縣設法梟明上司派員彈壓恣意浮收而接任之夏姓知縣浮收益甚該撫藩等於屬員擾累閭閻不加飭禁一任其苛索橫徵所司何事巡撫吉綸藩司朱錫爵俱著先行交部議處其周姓夏姓兩知縣著交該撫確切嚴查如查明所控屬實即將該縣等革職拏問並將該管知府一併嚴叅訊擬具奏○又諭吉

綸奏審明城武縣民胡祥呈控王傑等毆死伊父胡振標各情係出自懷疑情急投愬將胡祥照不應重律擬以杖枷收贖等語胡祥之父胡振標屍骨現經檢驗委係受傷後被勒身死其為人致斃無疑雖胡祥所控王傑毆死之處審係虛誣但伊年甫十四痛父情切並非挾嫌誣控又何必擬以杖枷之罪此案毋庸交部叵議著該撫督飭該地方官將正兇上緊緝緝務須弋獲到案審明擬抵以

成信讞胡祥即著釋放○欽差湖廣總督馬慧裕奏雲梯關外馬港口大工合龍黃河復由正道歸海得旨嘉獎下部優敘賞遊擊孔成花翎在工出力人員升用有差以原任淮徐道單澧聲名平常飭令回籍終養不准加給升銜准揚道葉觀潮官聲尤遜仍以五品頂帶留任不准復還原品○以故三等男那延子富順三等子瑞祥叔博玉各襲爵○戊戌諭內閣祿康等奏原任緞匠庫郎中明泉

等求賞差使一摺該革員等俱因冒領庫項案內失察一二次不等經部議革職本屬咎所應得茲復呈請賞給差使不過希圖濫竽食俸耳從前穆馨阿係自行審出之員是以加恩賞給庫使與該革員等究有不同今祿康等概行據情代奏求賞差使顯係意圖見好著傳旨申飭所有該革員等呈請賞給差使之處著不准行○又諭向例年終來京朝覲之御前行走內扎薩克蒙古王公等其正

班來者按日給與盤費其非正班者給三日盤費即令回收此內有本非正班感戴朕恩呈請留京叩賀元早始行回收者尚屬出於至誠著加恩嗣後御前行走之內扎薩克蒙古王公等不必分班改為年終全行來京朝覲應得盤費等項照例按日賞給如有事故不能來京者報明理藩院轉奏其御前行走之外托薩克等遊牧距京較遠仍照舊例按照年班前來著為例○又諭戶部奏請嚴催

各省積欠錢糧一摺地丁錢糧為國家正供一切廩祿兵糈度支浩繁自應年清年款不得絲毫拖欠乃各省欠項積壓既久竟至一千五百四十餘萬兩之多節經該部奏請勒限催徵迄今又閱二年仍復任意拖延未能清釐不但帑項日久虛懸並恐不肖官吏有侵蝕虧挪情弊著通諭各督撫即將此項未完積欠銀兩嚴飭所屬上緊催徵勒限一年完半二年埽數全完儻經此次予限之後屆

期仍有未完者不惟將經徵之員嚴叅辦理並督催不力之各該上司等亦一併嚴處○己亥諭內閣前因江南河務緊要河督一缺簡任乏人特降旨將蔣攸銛補授該撫一聞恩命即起程前赴新任而於謝恩摺內附陳未諳河工深恐才不勝任婉轉懇辭朕以蔣攸銛辦事認真於河防雖非素習必能盡心講求力圖成效是以未經允准本日蔣攸銛奏報接印日期摺內附片稱現雖接手經理

一切俱非所諳貿然從事無所適從恐一有貽誤關繫甚重等語情詞懇切出於至誠看來蔣攸銛於河務實不能知一時驟難諳習初非意存推諉現在工程敝壞之時事事均資整頓儻稍有貽誤蔣攸銛一身獲咎所關猶小而全河利弊繫乎民生國計者甚大此正所謂學而後入政非可以政學也蔣攸銛竟不必強令任事伊在巡撫任內整理地方官聲本好著仍回浙江原任所有江南河道

總督著陳鳳翔調補其河東河道總督著李
亨特補授所遺永定河道員缺著溫承惠於
諳練河務人員內保舉二員候朕簡補至李
亨特到任尚需時日陳鳳翔奉旨後應即馳
赴新任所有河東河道總督印務交吉綸暫
行兼署貴州巡撫鄂雲布現已年老著來京
另候簡用其員缺即著同興調補○諭軍機
大臣等江南河道總督員缺因陳鳳翔熟諳
河工已加恩簡用南河散壞已久河湖受病

日深而究其受病之源皆由底高淤墊所致
蓋黃水挾沙而行非清水不能刷滌而欲多
蓄清水非堰工堅固不能保無漫溢之虞年
來論治河者咸以海口未經復舊下游不能
通暢以致黃水倒灌運河非特運河受淤而
黃河挾沙帶泥下游亦日臻淤墊甚至海口
阻塞尾閘不通譬諸人之一身無往非病經
朕力持定見已將海口挑挖深通堵塞馬港
旁趨之路現在河水滔滔東注更無壅遏之

虞惟清口倒灌乃全河痼弊昨據馬慧裕奏
馬港合龍之後河水消落三尺有餘未知所
報何處若清口一帶亦一併消落此時清水
遂能高於黃水自可暢出刷黃則事機已臻
順利設河水雖已消落而清水仍不能外注
則是該一帶河底墊高清水被其壅遏其為
患在咽喉胸膈之間不能宣暢並不專在於
尾閘明矣現屆清水力綿之候即使多方籌
蓄而一兩月之閒豈能即高於河身轉瞬重

運經臨清水壅遏不出勢必仍須借黃濟運
明知倒灌之害而不能不開門揖盜其弊將
何可勝言即現在海口費數百萬帑金挑挖
深通亦仍歸無益朕思此時全河大局全在
蓄清敵黃去其淤墊使清水無旁洩之途黃
河絕倒灌之路方能日有起色至蓄清要法
則先須修復高堰隄工所有風掣石工四千
餘丈亟須大汛前一律修整完固然後有恃
無恐現在海口除善後工需之外尚餘存銀

三十五萬兩並有餘存估價三十餘萬之料物陳鳳翔到彼接收後即將此項存銀迅速購料興工將堰圩工程剋期辦竣庶將來清水力旺不致旁洩以之刷黃剝運可收專注之功再此時禦黃壩既議堵閉必當使黃水涓滴不能入運方克有濟來春如果清水暢出運河已覺高於黃水北來重運可以照常趨行固屬甚善儻或清水仍有淤滯湖水不能即時蓄高來歲重運北來一將禦黃壩啟放黃水依然倒灌則又於事何益夫漕河本屬相需今因利漕先已病河權其輕重寧使暫時剝運渡黃必不可復用借黃濟運之計以致倒灌增病前年吳璥所奏剝運事宜章程具在且湖廣江西剝船俱已次第造成陳鳳翔惟當力持定見通盤籌畫勿稍游移仍將河口積淤設法消除俾河身日低清水日高全力下注因勢利導實為尋源探本之法朕於治河諸書並未多閱惟恭讀

列祖

列宗實錄於治河一事

訓誠昭垂總以蓄清敵黃為第一要議此時若不遵循辦理有何把握該河督膺此重任惟當服膺

聖訓勿惑浮言實力實心持以敬慎從此清強黃弱永慶安瀾日有起色勉之望之將此諭令知之○以光祿寺卿周系英為大理寺卿以故四川威龍州土長官司張如山子照

遠雲南雲龍州土千總段理子履仁各襲職○庚子諭內閣本日刑部奏常犯情實改緩及常犯減等各摺係每年照例辦理因思在京及各省官犯向無彙奏緩減之條原以官犯與常犯不同問刑衙門不敢輕擬寬減但此內所犯案情本有輕重之別監禁年分亦有多暫之殊聞有經朕記憶特降諭旨加恩宥赦者其餘各犯或尚有情罪較輕未邀恩宥之人著刑部自本年為始將各官犯彙開

名單於年終具奏一次單內將所犯事由罪名及監禁年分並該犯年歲詳細分註奏上時候朕酌覈該部載入則例永遠遵行○旌表守正捐軀河南汝陽縣民李明妻劉氏○

辛丑

上御寧壽宮賜王公大臣及蒙古王貝勒貝子公額駙等食並賞賚有差○諭內閣本日都察院奏請飭催各省未結咨交各案一摺近年來赴京上控之案日多都察院步軍統領

等衙門擇其情節較重者奏交審辦餘亦咨行各督撫審理誠以控案紛繁若該衙門概行據呈具奏不加酌覈則與收呈接文之吏無異是以各該堂官於接呈後訊取供詞不能不稍有區別其實情重者固請旨辦理即情節稍輕咨回本省仍係按月具奏及年終又復彙奏原與奏交無別乃各省於特旨交辦之件尚不敢遲逾而於各該衙門咨交之案往往視為泛常任意積壓甚至有一省而

積至數十案者有一案而數年不為審結者似此疲玩因循實為外省痼習除此次都察院所開單內未結各案著交部查明各督撫照例議處外嗣後咨行案件日久未結者著各該衙門查明彙奏或半年或一年應如何立定章程分別辦理責成該督撫隨時咨報之處著該衙門詳議具奏尋議嗣後咨交本省之案照例兩月彙奏半年咨催應改為三月咨催半年彙奏督撫於逾限未結之案應

令自請處分並將批發承審之員一併開具職名咨部議處仍歸都察院覈對如單內有遺漏逾限之案隨時彙奏從之○以纂輯勦平三省邪匪方畧告成總裁官慶桂等優敘有差壬寅

上幸瀛臺閱冰技科爾沁扎薩克郡王敏珠爾多爾濟等三人蘇尼特扎薩克郡王喇特納錫第喀爾喀車臣汗扎薩克郡王巴圖鄂齊爾等十人烏珠穆沁扎薩克貝勒旺楚克阿

巴噶貝子巴雅爾錫第等二人阿巴哈納爾扎薩克貝勒瑪哈巴拉喀喇沁輔國公瑪哈達爾瑪等四人烏喇特扎薩克輔國公多爾濟帕勒瑪鄂爾多斯扎薩克頭等台吉噶勒桑濟克密特多爾濟青海扎薩克頭等台吉羅布藏吹達爾察哈爾額魯特三等台吉衮布等五人班禪額爾德尼來使堪布敦益曲木丕爾於西苑門外瞻覲○諭內閣前因古北口兵米逾限未放其玩誤之府州縣等是

否將價值已發鋪戶抑或從中侵挪均未可定於吏議上時令俟該督查明具奏再行覈辦茲據溫承惠奏派委道員前往提催均已陸續放竣其原領價值早經發交鋪戶具領該鋪戶聞係奉旨嚴催趕緊運交等語此項古北口駐防綠營未完兵米至五千餘石之多一經朕降旨飭催於兩月之內即俱採買運交可見前此該府州縣等以鋪戶因例價不敷觀望遷延竟係藉詞推諉雖經查明並

無短發侵挪情弊其玩延之咎實所難辭承德府知府喜步昌阿平泉州知州推升泰陵禮部員外郎麟昌建昌縣知縣烏訥圖豐寧縣知縣慶恩均著照部議實降一級調用○又諭溫承惠奏查明初二兩次及三次清查案內已未完銀數開單具奏一摺內初二案內本年續完銀一萬六千三百九十五兩零尚未完銀一百三十五萬餘兩三次案內本年續完銀二百四十兩尚未完銀二十

五萬餘兩直省倉庫錢糧皆係國家正帑本不應有虧缺直隸節次清查將歷年積欠銀兩分限追賠原屬格外恩施亟應上緊嚴催早清款項乃本年具報所完銀數初二兩次尚有一萬餘兩三次則祇二百餘兩試思該省積虧一百數十萬若似此疲玩每年所繳不及百分之一帑項終歸懸宕尚復成何事體溫承惠方受疇督催不力實屬懈弛又不自請處分著傳旨嚴行申飭仍交部議處並

著將所屬各府州承追數目多寡及在任久暫查明開單具奏其外省咨追銀一百萬餘兩本年亦祇續完銀一萬六千二百餘兩並著分咨嚴追毋任延宕○以荊州將軍興肇為察哈爾都統察哈爾都統慶怡為荊州將軍 癸卯

上御撫辰殿大幄次賜蒙古王貝勒貝子公額駙台吉及外藩使臣等宴並賞賚有差○乙巳

孝莊文皇后忌辰遣官祭

昭西陵

上詣

慈寧宮

壽康宮行禮○諭內閣方維甸等奏據奇玖呈稱因與民人薛如蘭合開木廠一節情願認罰銀二萬兩先將木廠成本及木廠房屋價值一併入官餘銀陸續繳等語奇玖身為鹽政失察家人向所部甲商挪借銀兩已屬

咎無可辭並訊有合開木廠情事是竟以現任職官與市僧爭利尤屬貪鄙不職除方維甸等所擬全案內應得罪名已交軍機大臣會同刑部覈議俟議上時再行降旨懲治外其自認罰銀二萬兩之處亦必應照罰示懲所有伊現請入官之木廠成本銀八千兩房屋價值二千餘兩著先行解交江南河庫其餘銀隨後措解足數以資工用○又諭鑾儀衛奏直隸省應解恩利庫租銀新舊共欠十萬五千四百餘兩請飭交直隸總督嚴飭各州縣迅速催解完款等語此項租銀例解恩利庫作為滋生銀兩係充鑾儀衛公需該省自應如數清解何以積年拖欠致該衙門每年請旨飭催該督等仍置若罔聞既不遵旨催解並不見有覆奏現在新舊欠數目愈積愈多該督等竟成約債套習有何顏面著該督等即嚴飭各屬將所欠租銀迅速催徵照數解交以清款項一面先行覆奏毋得仍前

玩延○展緩江蘇江寧淮安揚州徐州海五
府州屬節年因災緩徵額賦○丙午

上以歲暮裕祭

太廟自是日始齋戒三日○丁未諭內閣朱紹
曾奏密陳道府考語一摺所辦非是兩司道
府賢否每年由督撫密奏一次原屬定例但
朱紹曾祇係暫護撫篆非實缺巡撫可比况
景安回任在即伊身係藩司尚應由景安註
考乃不靜候景安覈辦輒於巡撫未經回任

之先遽將閩省道府出考陳奏并將兼署臬
司之道員圖勒斌亦一併註考是竟公然以
巡撫自居殊屬越分朱紹曾著傳旨申飭並
將伊陳奏考語清單發回仍俟景安回任後
再將該藩司及司道府等考語一併補行具
奏○戊申以歲暮裕祭遣官祭

太廟中殿

後殿○己酉裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵遣官祭

孝淑皇后陵寢○遣官祭

端慧皇太子園寢○遣官祭

太歲之神○庚戌

上御保和殿筵宴朝正外藩巴林喀喇沁科爾

沁奈曼阿巴噶蘇尼特浩齊特喀爾喀烏珠

穆沁阿巴哈納爾敦漢烏喇特鄂爾多斯王

默特翁牛特土爾扈特青海和碩特額魯特

王貝勒貝子公額駙台吉及朝鮮暹羅國正副使等隨文武大臣依次就坐。諸樂並作。上進酒。召左翼巴林扎薩克親王銜郡王索特納木多爾濟喀喇沁扎薩克親王銜郡王滿珠巴咱爾科爾沁扎薩克郡王和碩額駙索特納木多布齋科爾沁扎薩克郡王敏珠爾多爾濟奈曼扎薩克郡王巴勒楚克科爾沁貝勒理藩院額外侍郎鄂勒哲依圖喀喇沁扎薩克貝勒丹巴多爾濟右翼喀爾喀扎薩克親王固倫額駙拉旺多爾濟教漢扎薩克郡王德濟特喀爾喀車臣汗扎薩克郡王巴圖鄂啟爾喀爾喀扎薩克貝子凝保多爾濟翁牛特扎薩克貝勒達瑪琳扎布土默特扎薩克貝子固倫額駙瑪呢巴達喇回部郡王銜貝勒哈迪爾至。

御座前賜酒成禮。是年旌表孝子江蘇等省陳應隆等二十五名。孝女江蘇等省沈清如等四口。孝婦浙江胡陳氏一口。順孫安徽等

省邢道光等二名。義夫安徽等省施道浩等三名。守節合例宗室慶成妻金佳氏等十口。滿洲護軍永福妻巴雅拉氏等八十九口。蒙古佛爾清額妻陳氏等十七口。漢軍張玉衡妻孟氏等二十二口。內務府黃揚武妻李氏等五口。各省駐防索住妻伊氏等一百九十九口。直隸等省慈士惠妻常氏等一千一百一十八口。未婚守志滿洲佐領興祿聘妻賽米勒氏等二口。蒙古護軍定住聘妻李氏。漢

軍三等侍衛施鏐聘妻趙氏。江蘇等省沈維恒聘妻彭氏等二十三口。百歲壽民婦陝西等省張耀等二十五名口。七世同堂河南捐職從九品郭士培一家。五世同堂山東等省傅士元等七十七家。各給銀建坊如例。○一產三男奉天等省鳳成等六家。○會計天下民數穀數。直隸等省通共大小男婦三萬四千五百七十一萬七千二百一十四名口。存倉米穀三千一百四十四萬三千一百七十

七石一升二合三勺

中錄卷百七

某

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三十八

欽定四庫全書
大清高宗純皇帝實錄卷之二百三十八
嘉慶十六年辛未春正月辛亥朔
上詣奉先殿行禮○詣堂子行禮○遣官祭太廟後殿○御太和殿受朝作樂宣表如儀○詣大高殿壽皇殿行禮○御乾清宮賜皇子親藩等宴○癸丑高宗純皇帝忌辰遣官祭

教修

嘉慶十六年辛未春正月辛亥朔

上詣

奉先殿行禮○詣

堂子行禮○遣官祭

太廟後殿○御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

癸丑

高宗純皇帝忌辰遣官祭

裕陵

上詣

奉先殿

壽皇殿行禮○甲寅

上御重華宮。茶宴廷臣及內廷翰林。以春勝聯

句○御紫光閣。賜蒙古王貝勒貝子公額駙

台吉及外藩使臣等宴。賞賚有差○賞扈從

五臺蒙古王公等銀兩有差○展賑奉天承

德遼陽牛莊熊岳復州金州岫巖鳳凰城蓋

平興京撫順白旗堡小黑山十三處。上年被

水旗民○展賑直隸霸保定文安大城固安

永清東安宛平涿良鄉雄安新安任邱十四

州縣。上年被水災民○貸山東章邱鄒平新

城東平聊城莘陽穀汶上平度昌邑濰膠高

密濟寧招遠十五州縣及東昌衛上年被水

災民籽種○展賑安徽泗盱眙天長五河靈

璧五州縣及屯坐各衛上年被水被旱災民

○貸陝西西安同州鳳翔邠乾五府州所屬

及榆林懷遠安塞定邊綏德清澗米脂吳

堡寧陝南鄭城固褒城寧羌西鄉留壩鳳沔

洋石泉靖邊神木府谷二十三廳州縣。上年

被水被旱被雹災民籽種口糧○展賑甘肅

皋蘭金靖遠隴西會寧安定通渭固原鹽茶

靜寧隆德平番靈中衛靈臺十五廳州縣及

花馬池州同沙泥州判紅水縣丞所屬上年

被水被旱災民並貸籽種口糧○乙卯

上詣

大高殿行禮○辛圓明園○詣

安佑宮行禮○丙辰諭軍機大臣等本日據托

津等奏到各摺朕詳加披閱所查河工獎實

各款大半付之空言河工連年妄用帑銀三

千餘萬兩謂無獎實其誰信之朕特派托津

等前往查辦托津係國家重臣初彭齡素稱

敢言茲於特交事件如此將就了事此後若

別經有人告發或叅出實據伊二人將何顏

見朕乎且伊等所奏提查工員帳簿現在欽

差到彼工員帳簿多係捏造何足為憑托津等不認真訪察僅以查帳為據焉能究出弊端畢竟此三千餘萬帑金原不盡歸侵蝕其中何人浮冒及何處妄興工段濫用虛糜係必有之事著確查具奏毋稍含混至刻下河務情形以清水能否暢出為第一緊要關鍵伊等亦未詳悉奏明目下清水甚弱義壩堵閉之後又曾蓄高若干轉瞬糧艘北來如湖水不能暢出將用何浮送朕節次降旨不許

再借黃濟運伊等惟知頌聖並云俟陳鳳翔到任後遵旨辦理究竟不借黃濟運應如何設法引出清水或湖水實在微弱則撥運事宜亦應早為計及豈竟互相推諉坐待貽誤此事著托津初彭齡松筠吳璥會同許兆椿陳鳳翔查勘水勢情形熟商妥議籌定辦法迅速由驛覆奏再松筠職任係兩江總督河工不過兼轄非其專責如河工有須地方官員協力之處伊幫同調遣不致掣肘其河員

內有侵貪不職劣蹟伊據實糾參若一切發帑辦工等事轉不必以身獨任致多牽礙將此諭令知之○丁巳

世祖章皇帝忌辰遣官祭

孝陵○戊午諭內閣溫承惠奏籌議阿哥出京沿途照料章程一摺內稱東北兩路行宮係馬蘭鎮總兵專管西路行宮係泰寧鎮總兵專管請令該鎮接奉行知即迎赴前途總查經理等語阿哥出京既有道將等隨赴沿途

照料其東北暨西路行宮係馬蘭泰寧二鎮專管該鎮等派員經理足矣若必該二鎮親來迎赴則遇朕鑾輅經臨又何以加乎該督此一條所議太過不知大體著傳旨申飭不准行其餘添設弁兵堆撥責成各該道將之處俱著照所議辦理嗣後每屆阿哥出京禮部太常寺早為題奏以便總理行營處先期咨會豫備並徑行通永霸昌二道俾免遲誤○以巡防南河馬港口河岸新築長隄添設

淮海道一員。駐劄中河。以桃北中河。山安海防。四廳屬之。並設海安海阜同知兩員。守備兩員。把總兩員。協辦把總兩員。河兵三百七十五名。堡夫一百二十五名。並移海州州同。阜寧縣縣丞。分駐南北兩岸。鑄給印信。從欽差湖廣總督馬慧裕等請也。○己未。享

太廟。遣皇三子綿愷恭代行禮。○遣官祭

太歲之神。○庚申。以四川綏寧協副將張績。為山西大同鎮總兵官。○辛酉。立春。順天府

進士牛春山寶座。○壬戌。諭內閣。同興奏接辦喻李氏一案。究出承審委員有意誘翻。以致葉秀誣認正兇各情。據實奏一摺。湖北應山縣民婦喻李氏控案。上年據汪志伊奏。從前胡紹德之死。訊非喻春毆斃。係縣民葉秀圖財謀命。該縣知縣錢丙曜將喻春非刑逼認。問擬斬決。當將錢丙曜及承審各員。分別革審。復因贓據兇仗。及要證程金均在未獲。迄未定讞。案關重大。經朕特降諭旨。令同

興詳悉審究。今據同興奏現將要證程金緝獲。親提研訊。則從前喻春之搶奪殺人。不為無據。而葉秀此時之誣認正兇。全係委員有意誘翻。現據查出劉曜庚賈鈞二人於提訊葉秀時。提髮擗耳。令其直跪。至一日夜之久。葉秀情急妄供。該同知等隨給與酒食用言開導。並誘以殺人不過軍罪。將圖財害命挑線售賣各情。逐層領說。葉秀遂照依供認。該委員復常賞給錢物。是以該犯安心直認。全

不翻供。其見證褚兆澄等。亦經該委員等押令在雪地內日夜長跪。並將程楚揚打落二齒。始隨同附和。驗視屬實等語。該同知等種種誘翻逼拷。殊出情理之外。汪志伊前奏。不無偏聽。周內亟須徹底究訊。以期水落石出。此案著交同興一手審明。若汪志伊有授意屬員情節。迅速先行嚴參具奏。俟定擬後。再來京陛見。前赴貴州新任。所有原審之武昌府同知劉曜庚。施南府同知賈鈞。著革職。其

會審之鄖陽府知府劉坤亦著解任一併交該撫提同嚴審定擬如審訊確實著查明從前汪志伊原叅之知府雙慶等奏請開復案經屢翻該撫當虛衷研鞠無枉無縱以成信讞○癸亥諭內閣昨因馬譚氏母女二命被害一案正兇日久未獲經吏兵二部將十一年及十二年以後歷任文武各員開單進呈惟各員名下未經註明係何處分復命軍機大臣將本管地面承緝督緝城內關廂協緝督緝各武職暨五城關廂外督協緝各文員查明具奏朕詳加酌覈除本管地面十一年失事在任各員業經降調外其節經議處改為降二級留任之保祥等四員又失事以後十二年陸續到任部議實降改為降二級留任之額勒金泰等六員均無庸另議其在十二年十二月以後陸續到任之卓佛霍等三員從前部議實降改為降二級留任著再加恩改為降一級留任其自十一年十二月以

後城內關廂及五城關廂外文武各員處分本所應得但念究非本管地面可比所有該員等處分著與十二年十二月以後在任文武各員一併施恩俱著全行開復該員經此次寬免之後務宜各矢天良上緊查緝如本管地面有能弋獲正兇者不但開復處分並當格外優獎其業經開復各員一經拏獲即予升擢無得視為海捕具文急急從事因循疲玩終無結案之時成何事體此後步軍統領五城順天府每屆三月具奏一次亦不必自請處分惟當督飭弁兵番役等一體踴躍期於必獲副朕起雪沈寃連年縈繫至意○甲子
上御奉三無私殿賜皇子親藩等宴○御山高水長賜王公大臣蒙古王貝勒貝子公額駙台吉及外藩使臣等食至丁卯皆如之○乙丑
上詣

安佑宮行禮○御正大光明殿賜朝正外藩等宴作樂賜酒如除夕儀○丙寅

上御正大光明殿賜大學士尚書等宴○戊辰

上還宮○以下辛祈穀於

上帝自是日始齋戒三日○己巳調鑲黃旗漢

軍副都統德文為正黃旗滿洲副都統鑲藍

旗護軍統領扎克塔爾為正黃旗護軍統領

以三等侍衛富蘭為鑲黃旗漢軍副都統已

革正白旗護軍統領瑞齡為鑲藍旗護軍統

領○庚午

上詣

南郊齋宮齋宿○辛未祈穀於

上帝

上親詣行禮○詣

恩佑寺行禮○辛圓明園○刑部奏議覆湖北

民婦張羅氏令伊媳取砒乘閒服毒一案得

旨此案張羅氏起意尋死圖賴王家澤令伊

媳陳氏取砒伊媳不肯前往該氏即誣稱止

係攜砒至王家澤家恐嚇並非真正服毒伊

媳始行取砒該氏復將伊媳遣開乘閒服毒

及伊媳知覺當即泣喊灌救是張羅氏服毒

身死實為陳氏所不及知且張羅氏毒發未

死之前業將自行起意尋死圖賴及誣伊媳

取砒各情向伊夫妾賀氏言明並有賀氏不

必責怨伊媳等語眾所共聞所有陳氏問擬

凌遲處死之處著改為斬監候歸入本年秋

審服制冊內辦理○諭軍機大臣等陳鳳翔

奏查明湖河水勢高低尺寸並趨挑運河情

形一摺此時扼要機宜全在蓄清敵黃四字

湖水得蓄高之效始能全力敵黃黃水無旁

洩之時自必迅流達海如此不但以清刷黃

並可以黃刷黃將來湖水匯黃東注奔流湍

急河槽愈刷愈深則黃水永無壅潰之虞湖

水永無泛濫之慮即運河之淤墊更當不挖

自除而其辦法全在隄堰堅固多蓄清水實

為至要關鍵陳鳳翔惟當力遵朕訓即朕亦

非懸度臆揣而得實緣恭繹

列祖

列宗聖訓敬考

前謨厯著成效若捨此不遵又將憑何辦理勉之望之將此諭令知之○壬申添設直隸建昌赤峯二營都司千總把總外委各一員額外外委各二員兵各二百名朝陽營守備千總把總外委一員額外外委二員兵一百五十名並於建昌赤峯朝陽三營所轄境內要

區每營添設三汛每汛各添設千總一員額外外委二員兵六十名移蔚州路叅將駐八溝管轄建昌赤峯朝陽三營並歸提標統轄熱河都統兼管移八溝營都司駐蔚州路仍歸宣化鎮管轄裁清家口滴水崖都司四海冶堡守備從總督溫承惠請也○癸酉

孝聖憲皇后忌辰遣官祭

泰東陵○兩廣總督百齡以病乞解任命來京為刑部尚書調兩江總督松筠為兩廣總督

以刑部尚書勒保為兩江總督○以禮部尚書福慶兼正白旗蒙古都統甲戌上幸萬壽山○乙亥諭內閣本日倉場侍郎秦漕白糧分賠會議未為允協逐款陳明一摺並恭錄原奏及戶部原文呈覽當經朕召對玉寧等面加垂詢所奏亦甚詳晰此項陳稷米八千石自嘉慶十年冬間起至十二年九月止俱已搭放完竣奏銷在案今議令自三年以後分賠豈不於案外溢出況事隔多年

今忽云此八千石有弊而又不能指出確據又漕糧微變之米於十四年五月十八日高添鳳破案後即經倉場侍郎以白糧既有虧短漕糧亦難憑信奏請次第清釐面請另派大員朕面諭汝二人即係新任斷無迴護即派汝二人盤查七月十七日開倉盤糧九月二十二日完竣曾將虧短微變米數具奏設使彼時派慶桂董誥盤查具奏漕糧有弊即令盤查之人賠償有是理乎今議截至十四

年七月十七日為止分別追賠是以查辦之人代認分賠之咎且與白糧以五月十八日高添鳳破案之日為止辦理兩歧至中西兩倉白糧六月二十日始行盤竣曾於是月十四十五等日因大雨廩座滲漏霉壞米石經監督等呈報該侍郎於六月二十六日具奏並請派員勘估修葺是米石霉壞在先接任監督出具收管在後今議令向接管各員分別追賠則前任監督轉得置身事外殊未允當以上三條原議大臣董誥等辦理未免草率俱著明白回奏所有各文卷戶部俱有案可憑前此查辦時若係該司員有意隱匿不行送看並著查叅具奏毋稍迴護尋奏陳稷米八千石應遵旨將十一年以前各員免其賠補其漕糧微變之米應照白糧一律自五月十八日截止新任倉場玉寧等無庸著賠中西兩倉白糧應仍在舊任監督等名下追賠至全案冊檔由戶部司員彙送並無遺漏

臣等前議拘泥例案應請交部議處得旨著加恩改為察議○丙子諭內閣勒保奏懇將刑部郎中韓文綺員外郎邱樹棠帶往江南差委酌量奏補一摺在京部院大臣簡任外省前曾有旨不准將所屬司員奏請帶往以杜營求之弊茲勒保所請若係伊曾經歷任地方如四川陝甘等省則係為人擇官不特不允所奏尚當予以應得處分念伊此次前赴江南於該省情形素未閱歷酌帶信實可靠之員以資佐理尚屬因公起見亦不准隨帶兩員著加恩准其將刑部員外郎邱樹棠帶往江南差委如果實心任事總俟三四年後遇有兩江知府缺出奏請補用嗣後不得援以為例○以兵部尚書劉權之為國史館副總裁官○戊寅

上諭
大高殿行禮○還宮○朝鮮國王李瑢遣使表賀

萬壽冬至元旦三大節進貢方物賞賚筵宴如
例○暹羅國王鄭佛遣使表貢方物賞賚筵
宴如例○己卯

孝儀純皇后忌辰遣官祭

裕陵○諭內閣本日稽查甲米御史良輔甘家
斌等奏稽查甲米章程一摺披閱各條尚屬
可行著照所請冊查米處所移於朝陽門外
路西所有官房五間即為該御史等駐班之
所領米各車每日限於已刻陸續趕到如遲

至未刻者查取領放遲延職名議處查米吏
役定為五名由五城司坊各派一人按月輪
換應需公費交倉場侍郎照稽查俸米之例
於茶果項下動支該御史等務須實力稽查
毋令日久生懈

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百三十八

[illegible]

嘉慶十六年辛未二月庚辰朔旌表守正捐

岸上年漫溢之後現須大加疏培以禦盛漲又石景山東岸亦有應添要工皆係亟須辦理所有溫承惠奏估需五萬四千五百四兩著准其在大工項下動支督飭承辦各員實力妥辦其另請於歲搶修項下添銀八千兩之處雖據該督奏稱下年不得援以為例但永定河歲搶修銀兩從前那彥寶已奏明於舊額二萬二千兩之外添至一倍嗣又據該督奏請五千兩並據聲稱作為定額今甫隔年即續有加增安知來年該督不又託詞多請殊非慎重經費之道著不准行尋據溫承惠覆奏上年水勢異漲現在即需加鑲並多拆做之處仍懇賞銀八千兩購料貯工修防將來仍不得援以為例從之○以故喀爾喀扎薩克圖汗扎薩克輔國公車登多爾濟子索諾木車凌襲爵○壬午以舉行仲春經筵遣官告祭

奉先殿

傳心殿

上御文華殿經筵直講官王麟費淳進講中庸用其中於民講畢

上宣御論曰古聖人御世以天下人之聰明為己之聰明所謂好問則裕也孔子稱舜為大知誠後聖得先聖之心傳道統矣蓋人之見識有偏有全自作聰明者喜說惡直不納嘉言拒諫飾非不聞忠告久之自趨於隘流為下愚不移徒自蔽耳上聖才知迥異常人好

問好察虛衷採納從善如轉圜改過不吝雖抱濟哲文明之資不敢自恃咨於岳牧詢於芻蕘誠立極之大綱為政之要道也然發言盈庭鮮皆當理或過或不及有兩端焉於是兼綜衆說酌覈至當自有一定不易之理所謂中也中也者天下之大本也五六天地之中上天以之定四時成歲功聖王用之於民無過不及措之事業見諸施行知愈精而量愈廣德益純而道益彰後代人君豈可不景

仰虞舜敬希重華之心法乎用中建極敷錫庶民政治蒸蒸日上於變時雍孰謂有虞之隆軌不能見於今日總在於人君一心自勉耳直講官桂芳陳希曾進講易經聖人以順動則刑罰清而民服講畢

上宣御論曰大易釋豫象辭曰志行順動黎庶嚮風聖人體天行健御極治民道德齊禮講讓興廉獄訟自息民志大畏無繁刑也順理而動舉直錯枉明慎用刑虛衷研究一言不可偏聽一字必歸於是準於人情合諸物理則情得其平兩造孰有不服理行其是吾心亦可自安所動皆順朝野胥悅豫矣夫物不平則鳴民不服則獄訟滋興刁風日熾用刑無休息之時比戶鮮安寧之象豈小民之樂於爭鬪甘心告訐乎皆治世之君所行之政事鮮能中禮而岳牧百司習於安逸不能克勤諉之於習俗殊不知上無仁風善政安望刑清訟簡哉君臣交泰力行政治非禮不為

彰善癉惡。小民知所趨向。漸臻易俗移風。刑措不用。咸中有慶矣。人君為百官萬民之標準。誠能宵旰孜孜。敬事不息。必能成治功。建皇極。熙皞同豫。遠溯唐虞之盛。軌無思不服。合於豫卦順動之義。此聖人示象垂教之深意。以為後世人君之極則也。禮成。

上幸文淵閣。賜講官暨聽講諸臣茶。復賜宴於本仁殿。○遣官祭。

文昌帝君廟。○以內閣侍讀學士洋海為鑲

黃旗蒙古副都統。○癸未諭內閣。本日御史王開雲奏。戶部貼寫田慶豐投遞封章一摺。田慶豐以貼寫書吏。封章言事。雖屬越分。披閱摺內。並無違悖字句。其中明舊例各條。亦不為無見。各衙門堂司官。近來辦事遲延。因循疲玩。怠忽悠游。實屬不免。果能謹守成規。奮勉職業。遇事留心察覈。按期速結。則吏胥自無從作弊。乃各部院積習相仍。經朕屢加訓飭。尚未見振作。甚至偷安樂逸之處。為書

吏所指陳。在署辦事之員。能無引以為愧乎。嗣後各部院案件。務須照依例限速結。勿致積壓滋弊。其各員同辦一案。亦必當與主稿之員。悉心參酌。勿以畫諾塞責。各該司員出入禁廷。不准攜帶書吏隨侍。以杜豫通聲息。乘機舞弊。田慶豐無庸治罪。仍令其回署貼寫。交該衙門自行管束。○定臺灣鎮總兵官非升調。不准奏請陞見。例又諭臺灣鎮總兵武隆阿奏。懇來京陞見。一摺。臺灣遠隔重洋。

在海疆中。尤為最要之區。該處文武大員。惟鎮道二人。管轄兵民。職守綦重。現雖洋面肅清。漳泉客民鬪案。亦俱完結。但地處重鎮。時資彈壓。該鎮豈容暫離。即如新疆辦事大臣。從無奏請陞見之事。邊疆外海。宜同一例。武隆阿所請。著不准行。嗣後臺灣鎮總兵。除有升調。准其奏請陞見外。餘俱不得奏請陞見。著為令。○又諭兵部奏。議處文弼一摺。文弼係西藏辦事大臣。缺分緊要。前此不過令其

換班回京與特旨調往他處諭令即速起程者迥乎不同新疆定例即如伊犁等處領隊大臣等員數較多遇有換班之時並不乏人署理然總須新任到彼方能交代從未有一經奉旨即置本任事務於不顧先行來京者文弼在西藏居首辦事陽春又到彼未久諸未諳習伊自應俟慶惠到後詳細交代或多住數日方是乃一得換班之信輒將印篆交付陽春匆遽就道現在查伊家內並無老親

明係繫念妻孥徇私情而忘公事文弼著照部議降三級調用不准抵銷○又諭恩長奏請將衛輝府知府郎錦驥調補南陽府一摺南陽府缺例應請旨簡放乃恩長率以郎錦驥調補顯與定例不符該撫不過欲為該省知府內多占缺分故有此奏若各省皆紛紛似此效尤成何政體所奏請以衛輝守郎錦驥調補南陽守之處不准行其衛輝府既未出缺亦無庸置議也○甲申遣官祭

先醫之神○乙酉命直隸上年被水各州縣以給賑餘米減價平糶○

上以祭

社稷壇自是日始齋戒三日○丙戌

孝淑皇后忌辰遣官祭

陵寢○申定軍機章京迴避例諭內閣軍機為樞密重地滿漢章京趙公執事先以謹慎為本從前御史吳邦慶條奏太員子弟不准充補軍機章京經軍機大臣議覆自道員以上

子弟皆令迴避其有行走在先者並隨時請旨定奪茲據慶桂等奏新授南贛道查清阿之子誠端應否迴避朕思謹慎與否總視乎其入而防閑之道亦必當定以限制嗣後文職京官三品以上外官集司以去武職京官副都統以上外官總兵以上其親子弟均不准在軍機章京上行走其行走在先者亦無庸隨時具奏即令照例回本衙門當差誠端係道員之子無庸迴避○丁亥祭

先師孔子

上親詣行禮○詣

雍和宮行禮○諭內閣。托津等奏查明南河節年銀款工程。分別覈辦。奏一摺。近年以來。南河鉅工林立。費用綦繁。統計各項銀數。不下數千餘萬。而每年歲搶修各工。甫經動項興修。一遇大汛。即有墊塌淤墊之事。甚至上年堰圩。甄石各工。掣塌四千餘丈之多。恐承辦各員。自不免有偷減浮冒情弊。是以特派

托津。初彭齡。前往徹底查辦。茲據覆奏。到江後。即親赴工次。遍加察驗。並將各年文卷印領。逐層覈對。所發銀兩。與各工所領數目。均屬相符。是銀款出入。尚無虛捏情弊。惟支領後。該工員不能如式實心辦理。以致新工未竣。舊工復生。而歷任河督等。又未能經理協宜。均難辭咎。其中有自乾隆五十七年起。至嘉慶十四年止。已經題銷。尚未找領之款。銀六十萬六千兩零。據查此款虛懸日久。工程

已無可考。且經手工員。又多升遷。事故未便

復行找領。致滋冒濫等語。著照所請。所有前項未領一款。竟無庸再行找發。以歸覈實。其十四十五兩年。加培黃運中河大隄土工。夫役增儉。覈計多用銀四萬八百餘兩。及上年挑復海口時。酌量接濟疲累工段。所借銀數。覈計共有十萬六千餘兩。均著陳鳳翔分別勒追。以清款項。又挑挖淮北鹽河一事。雖係豫行挑挖。以備宣洩盛漲。但於減壩興工之

前。該河督等未經先行奏明。殊屬疏忽。且查所辦工段。已有淤墊處所。所有此項工用銀八萬三千餘兩。著吳璥。徐端。照數分賠完繳。均仍交部嚴加議處。其另單所開承辦工員。除已故及革職治罪各員外。其餘四十五員。均著照所請革職。但念概令離工。一時全易生手。未免貽誤。且未便令其置身事外。著將各員弁中。現任者姑留本任。候補者留工効力。各限三年。如果各知奮勉。所修工段並

無掣壩。屆時再請開復。如限內再有疏失。著陳鳳翔隨時奏。定當加倍治罪。至原任道員葉觀潮所管地方。屢有漫口大工。實屬漫不經心。著即革職。留工以觀後效。歷任河督除徐端前已降旨懲處外。戴均元。吳璥均在任年餘。著交部分別嚴加議處。那彥成在副總河任內。已歷數月。亦著交部議處。尋議上得旨。吳璥素曉河務。前後在任年分最久。因循貽誤。且任內又有挑挖鹽河。應奏不奏。一

案。伊現已衰病。豈能勝尚書之任。著照部議降四級調用。仍於補官日降三級留任。戴均元在任年餘。亦不能查出弊端。姑念河工非所素悉。其在任年分較吳璥為淺。著加恩改為革職留任。那彥成本不諳河務。在任僅止數月。著加恩改為降四級留任。○諭軍機大臣等。陳鳳翔奏。盤護禦黃壩並添做二壩一摺。現在禦黃壩前水深二丈八尺三寸。比較湖水尚高六尺餘寸。陳鳳翔現擬於大壩之

下添做二壩。以為重門鉗束。使將來啟壩之後。水勢下注不猛。自應如此辦理。其於濟運壩用料盤裹導引清水之處。亦應照所議行。總使黃水少灌一分。則減一分淤墊。清水多出一分。則增一分頂托。該督惟堅守定見。妥協經理為要。至河工加價一事。自嘉慶十一年之後。歲搶各料物。較例價業已加增。若再加增無已。則年復一年。何所底止。嗣後每年工程料價。該河督等均不得再有加增。以示

限制。開遇大工。尤當撙節估計。儉過料物豐收之歲。更當奏明酌減。用歸覈實。將此諭令知之。○又諭。粵東洋匪經百齡辦理肅清。其內河土匪亦屢經緝獲懲辦。盜風就息。境內全寧。乃該省一大轉機。吏治民風自應日有起色。惟前次安插各降匪眾至數萬。其中多係投首。由勦捕擒獲者甚少。恐此輩驕悍之性未能盡戢。不可不時加防範。松筠素性仁慈。非比百齡之嚴厲有威。此時前赴粵任。須

振作精神。大加整頓。俾宵小聞風知懼。不敢生心。並隨時嚴密查察。如首民中竟有勾結土匪。及潛出外洋復蹈故轍者。查得確情實據。即當立時拏獲。明正典刑。斷不可稍事姑息。致啟狎玩之心。須知海疆水陸錯雜。良莠混淆。當此綏靖之初。人心易動。難靜較之控制新疆。尤宜加慎。總當不動聲色。弭患未形。方為不負委任。將此諭令知之。○戊子祭

大社

大稷

上親詣行禮。○幸圓明園。○庚寅

孝康章皇后忌辰。遣官祭

孝陵。○諭內閣。御史鄒家燮奏。請清理各衙門

書吏一摺。各部院經承書吏。向來設有額缺。或多或寡。本隨部務之繁簡。酌定章程。各該衙門現俱照舊辦理。並非參差不齊。可無須另議增汰。至貼寫一項。俱由書吏雇覓。不過幫謄稿案。近來人數過多。紛紛入署。居然託

名辦公。從中朋比為奸。固不免滋生弊竇。若概行裁去。則司曹稿件繁多。責令經承書吏一手謄寫。亦恐難行。且伊等既非額設。即係閒散之人。并無所庸其裁革。總在該衙門堂官督率司員等遇事認真。一切查例辦稿。悉心參酌。不稍假手。經胥致猾吏輾轉滋弊。並留心稽察。嚴切防閑。隨時飭令書吏。無許多雇貼寫。如見人數稍多。即嚴行查禁。勿令混跡。則不安本分之徒。自無由作奸犯科。其所

請將戶部貼寫田慶豐飭部治罪之處。田慶豐妄遞封章。前已降旨。交該衙門自行管束。儻再有滋事。不難執法懲辦。亦無庸更行議罪也。○辛卯。遣官祭

關帝廟。○諭內閣。同興等奏。籌議湖廣漕船量為改小一摺。該省漕船。向與江西一律辦理。茲據該撫等奏稱。此次新造各船。亦請倣照江西新定丈尺。船身輕便。載運可期。迅速。並照江西每漕船一隻。准帶可裝三百石剝

船一隻以便分裝土宜運具等語事屬可行著照該撫等所請准其將新造之船照江西糧艘成造并帶剝船其尚未輪屆改造船隻毋許影射攜帶三百石剝船以杜隱混○以故教漢貝子德威多爾濟子諾爾布桑襲爵○壬辰遣官祭黑龍潭

昭靈沛澤龍王之神玉泉山

惠濟慈佑靈瀆龍王之神○癸巳

上幸靜明園詣

龍神廟拈香○遣官祭昭忠祠○諭內閣鐵保奏查明歷次辦理回疆鋪面房間及收取地基銀兩章程請妥議以免紛擾一摺據稱回疆鋪面房間向例止分頭二三等每月按等取租銀三錢二錢一錢歸公並無另立名目今據三成以查出葉爾羌商民添蓋房間奏請按閒增租於發摺之後始行咨送摺稿並稱三成於頭二三等之外增出上上等等上等各名目每間每月徵銀至五六錢之多既

與向例不符且未經札商即行入奏請交那彥寶查照成例覈實詳議等語前據三成奏請增取葉爾羌商民房地租銀一節朕早知其所辦非是已降旨交鐵保親往查辦計此時尚未奉到今據奏三成於新疆地方擅改舊章錙銖較量並不與統轄之員會商妥辦率行奏請已屬不合三成著交部先行加等議處鐵保即遵前旨親赴該處會同那彥寶詳細確查如三成於增添租銀尚無侵蝕情

弊著來京聽候部議若尚有藉端紛擾私用入己之處即著嚴參革審以示懲儆○諭軍機大臣等據給事中陸言奏拾獲匿名揭帖一函係用刊刻之字剪碎黏貼連綴成文內指稱山東藩司朱錫爵居官貪黷知府徐日簪同知邵葆醇交通盤踞各等情除交步軍統領衙門緝拏投遞匿名揭帖之人外著交托津於回京時路經山東地方即沿途察訪朱錫爵及徐日簪邵葆醇等居官聲名若何

於行近濟南時順道前赴山東省城以查詢孔廟暨

岱廟工程為由或藉詞長途憩息在彼居住二三日如查無實據不必宣露即行回京或訪有款蹟即據實奏 賞和闐幫辦大臣百祥三等侍衛為葉爾羌幫辦大臣以正紅旗漢軍副都統法禮哈為和闐幫辦大臣正白旗滿洲叅領富寧阿為正紅旗漢軍副都統 甲午命

皇次子 慶郡王永璘榮郡王綿億於二十

日分詣

天神壇

地祇壇

太歲壇祈雨 乙未諭內閣御史李培元奏

請禁民間私鑄制錢一摺私銷制錢例禁甚

嚴乃奸民冒法趨利巧將官鑄錢文鑄化改

製器四總由地方官查禁不力所致著通飭

直省各督撫嚴飭所屬留心察訪如有招匠

設局私收制錢潛行鑄化者一經訪獲即將

為首奸民緝拿到案從重治罪俾匪徒知所

儆畏庶積弊漸除官錢日加充溢但不可令

蠹役借名搜查貽累商賈致滋流弊○丙申

上幸萬壽山○臨西花園

莊妃殯所賜奠○丁酉以齋戒之期內雪澤

先降命

皇次子 慶郡王永璘榮郡王綿億即於二

十日分詣

三壇報謝○諭內閣齊布森奏暫護撫篆一

摺朕因鄂雲布現在年老令其來京另候簡

用並非因事罷斥亦非有緊要差使須伊來

京辦理鄂雲布接奉此旨自應一面具摺謝

恩仍候同興到黔之後交印起程方為正理

乃齊布森甫經到任一切尚屬生疏鄂雲布

於兩日之內即將巡撫篆務移交護理遽行

起程實屬太不曉事昨因文弼換班回京不

候接任之員交代將印務護之陽春曾交部

議處貴州為苗疆要地巡撫責任較之駐藏大臣尤為重大且文弼雖匆促回京而陽春尚係同辦事之大臣今鄂雲布不俟新任交代將篆務交初到之藩司護理即行回京其咎視文弼尤重鄂雲布著交部嚴加議處尋議革職得旨如恩以六部筆帖式用○又諭戶工二部奏降調人員呈請捐復開列名單請旨各一摺單內所開各員俱因失察書吏冒領庫銀一案經吏部議處分別降調該員

等平日在部行走如果留心辦事何至錢糧總匯之所漫無稽覈俾奸胥猾吏得以恣意侵欺皆由伊等玩視公事於所司出納全不經心書吏等毫無忌憚乘機舞弊習以為常致王書常起意勾通歷次侵冒國帑數逾累萬竟無一人知覺釀成如此巨案其失察罪名非比尋常定議降調實所應得惟念勒保之子英奎亦係此案革職前因勒保奏請捐復業已施恩允准該員等事同一例亦著格

外施恩俱照所請准其捐復仍留該衙門行走分別補用但此等重大處分逾時仍得捐復若不稍示懲創則該員等仍復無所儆畏所有此次捐復各員將來祇准照常題升截取下次京察該堂官不准保列一等用示薄懲該員等惟當知感知懼認真辦事以圖稍贖前愆儻再似此疏懈必當嚴行治罪毋謂寬典可以倖邀也○諭軍機大臣等陳鳳翔覆奏體訪培養高堰二隄情形一摺高堰大

隄一經風浪鼓盪動形掣卸必須熟籌經久之策從前吳璥等先請建築碎石坦坡嗣又請加培二隄迄未定議今閱陳鳳翔所奏其云加培二隄比之碎石坦坡錢糧可以節省之說尚在其次朕因保障民生節年來頒帑已至四千餘萬兩若果碎石坦坡有效豈復惜此區區惟所稱現在有坦坡處所大隄仍不免塌卸而有越隄之處大隄可以無虞是二隄之勝於碎石坦坡具有明驗此次若再

發交廷臣集議。懸揣臆度。勢必往返詢問。徒延時日。既據陳鳳翔所奏如此。該處衆論僉同。著即照所奏辦理。惟二隄在大隄之外。該處保障。究恃大隄。若大隄不能得力。則二隄又豈復可恃。此時欲辦二隄。自應先將大隄殘缺之處。一律補築齊全。使屹然為金湯之固。然後再將二隄籌辦如式。始可收重門保障之益。將此諭令知之。○戊戌諭內閣。朕恭

閱

皇考高宗純皇帝實錄內載乾隆四年十二月
欽奉

諭旨。四執事總管首領。將太監李蟠放假四五日。往弘哲處將宮內之事。信口傳說。太監等告假不過一日兩日。豈有四五日在外之理。將四執事總管首領查明議罪。爾總管等。曉諭旗下太監等。既已身離旗下。復往何為。現今將李蟠交訊。即是榜樣等因。欽此。仰見我皇考整肅宮廷。嚴禁弊端之至意。旗下太監既

送進宮內服役。即不應再回伊原主家中。所以嚴內外之防。而杜關通之漸。乾隆年間。宮中太監尚多。其由旗下交進者少。彼時尚有如弘哲家所交之李蟠。藉放假為名。竟敢私回伊原主家中。傳說宮內之事。況近來宮內太監較少。由旗下交進者多。豈能皆是善良。恐膽玩性成。未必不出外滋事。茲特嚴定章程。嗣後旗下太監。一經送進宮內當差。不許再回本主私宅。該王公等於交出之後。再見

該太監潛來私宅。即著立時斥逐。勿准片刻逗遛。如斥逐不遵。或仍行潛往。即著鎖拏奏交。以便懲創。祇治該太監之罪。其本主皆毫無不合。若不斥逐拏解。或竟任其傳說宮內之事。一經發覺。不但重治該太監之罪。其本主亦獲戾不小。必不姑貸。將此旨通諭諸王公知之。仍載入宮中現行則例。○又諭綿課等奏會議查倉章程一摺。朝陽門外太平等五倉。於嘉慶五年改定舊例。由步軍統領衙

門。派撥北左二營弁兵看守。仍照向例。欽派王大臣。每月夜間輪流出城稽查數次。原以防範該弁兵等偷安誤班情弊。但稽查之日。須先行知照該衙門。委弁前往劄門。則看倉官兵。自必早得查倉之信。不難豫作準備。迨查畢後。仍可抽減人數。懈怠曠班於防弊之道。殊屬有名無實。且城門晝夜啟閉。該王大臣隨從多人。看門官兵。勢不敢逐名盤詰。恐奸宄得以夾混出入。尤非所以昭慎重。著照

所請。嗣後毋庸欽派王大臣夜出查倉。即照依豐蓋倉之例。由步軍統領衙門。添派北左二營將官。在該倉廩等處。上夜認真稽查。如查有曠誤。即稟報祿康等嚴叅究辦。儻徇隱不報。當併治以重罪。其城內七倉查倉大臣。著派綿課。哈迪爾。奕紹。明亮。瑚圖禮。恭阿。格。巴特瑪。扎朗阿等八人。輪班晝夜不時稽查。如看守之旗員。旗兵等稍有偷安情事。亦即嚴辦示懲。毋稍疏懈。○己亥。諭內閣。武隆阿

等奏。審擬兇犯蘇光居謀殺蘇廷玉。請旨即行正法一摺。蘇光居係蘇廷玉總麻服姪。因口角微嫌。輒圖洩忿。並敢起意殺死蘇廷玉。令長房絕嗣。占其產業。於黑夜誘至荒僻地面。用刀連砍。致重傷五處之多。立時斃命。兇惡已極。該犯按有服卑幼圖財謀殺尊長之例。自應斬決梟示。況海疆重地。有此不法情事。尤當立正典刑。以肅法紀。何必拘泥請旨。以致兇犯日久稽誅。蘇光居著即處斬。照例

梟示。嗣後該地方遇有似此案情。當一面具奏。一面恭請王命。即行正法。○庚子。

上臨西花園

莊妃殯所賜奠。○辛丑。諭內閣。給事中喬遠瑛奏。考試供事。請毋令翰林院編檢及庶吉士代出圖結一摺。翰林為京員清秩。非在署行走。司曹可比。若紛紛代供事。出結考試。臨期識認。於體制未協。嗣後各衙門考試供事。所有編修檢討及庶吉士等官。不准出具圖

結其邊遠省分在京六品以上人員較少著准其取具七品京官圖結再加印結收考。若有六品以上人員可出印結者亦不准出具圖結。至所稱每員酌出結三五名一節新定條例考試供事每員止准出結一名以防冒濫。若許令增多又恐滋濫保之弊應照現例行。○命工部右侍郎成格光祿寺少卿盧蔭溥馳往山西審察。○以故喀爾喀車臣汗輔國公車登扎布子巴圖魯襲爵。○癸卯

上幸靜明園詩

龍神廟拈香。○遣官祭賢良祠。○除安徽無為州。○它廢田三十六頃六十畝有奇額賦。○甲辰賞西巡扈從弁兵等一月錢糧。○乙巳孝昭仁皇后忌辰遣官祭景陵。○貸陝西榆林延安兩府屬沿邊州縣歉收貧民牛具銀並安定清澗延川甘泉延長安康洵陽七縣籽種有差。○丙午春分朝日於東郊。遣怡親王奕勳行禮。○諭軍機大臣

等據托津覆奏交查匿名揭帖一事擬於沿途密訪並請向東省京員詢問實據等語此等匿名控告之案必須訪求實據方可查辦現在原告訪拏未得朕亦在此留意密訪據近日人言云朱錫爵在彼聲名平常去取不公在所不免而其貪婪實踐則未能確鑿查明此時托津路過山東既不經由省城自無庸繞道至彼著即於經過各地方加意密訪如訪有確實憑據即一面奏聞一面徑赴

省城將朱錫爵解任查辦如並無確實見聞著遵旨無庸宣露即回京覆命。○以廣東黃岡協副將寶興為潮州鎮總兵官。○丁未上御勤政殿聽政。○諭內閣向來耕藉典禮於親耕後升觀耕臺閱視從耕之三王九卿以次俱畢然後順天府府尹等率父老耆民謝恩維時父老等散布藉田招集需時行禮匆遽未足以肅觀瞻嗣後著該府尹等豫飭父老耆民整齊排列於親耕後升觀耕臺時即

率領至臺下先行謝恩朕俟謝恩禮畢再閱
從耕用昭整肅○以前任順天府府尹李鐸
為光祿寺卿○戊申

上詣

大高殿行禮○還宮○旌表守正捐軀山西長
治縣民高建昌聘媳王氏○是月四川總督
常明叢奏川省契稅章程請於業戶置產後
限以半年逾限不稅者坐之並責令中鄰約
甲等隨時具報以憑稽覈如地方官有虛捏

奏

奉

填報及減稅收納者查出叅辦示懲則隱漏
短稅之弊可除而稅額亦可倍增得旨依議
辦理總期官不多侵民少擾累相安於無事
而已至於所收之數不必錙銖較量

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百三十九

實錄卷之

王人

監生魏煥管巡捕提督唐奎全權英英殿學士六部尚書閣部事務兼欽奉 上諭事件總理部事務翰林院掌學士
薩寧加級兵部尚書 曹振鏞楊燾官奎全條謝開泰三管理刑部事務五級直戴功經官 薩寧加級學士才德臣劉
閣臣東閣尚書稽察欽奉 上諭事件總理刑學吉部尚書翰林院掌院學士致和 吏部總管戶部府倉糧按察滿洲都統兼統
領軍機部尚書奉茂隆阿圖等爲副理程庭和朱膳居仰藥房恭親院西洋書格爾功士統隨帶之爲常不才政紀額士
恭親總管吏部掌印鑄印書書房恭親總管欽國司監書格爾級隨帶之政紀額西拉溫溫珍等奉

奏外洋鴉片烟透入內地。貽害多端。請飭嚴禁一摺。所奏甚是。鴉片烟一項。流毒無窮。無賴匪徒。沈迷癖嗜。刻不可離。至不惜以衣食之資。恣為邪僻。非特自甘鴆毒。伐性戕生。而類聚朋從。其蹤跡殆不可問。大為人心風俗之害。前經降旨飭禁。而奸商販鬻如故。流行浸廣。皆由濱海各關查禁不力。縱容偷越所致。著責成各處海關監督。嚴加禁遏。並交廣東福建浙江江蘇沿海各督撫認真查察。嗣

吉林例放淺票五百張。上年經欽差大臣文
寧等奏定減放三十五張。以四百六十五張
作為定額。如有短放。交部嚴議。茲據解到淺
泡八百一十九兩。照例覈算。吉林實放部票
三百四十三張。印照三張。餘淺三錢八分。伯
都訥三姓。阿勒楚喀三處。實放部票六十五
張。印照二張。餘淺一錢二分。兩項餘淺合為
印票一張。統共放部票四百九張。印照二張。
而吉林來文另單內開。動淺餘銀買補未進

山票一百一十四張。印照一張。短放部票一百一十九張。燒鍋票七張。印照三張。數與原定四百六十五張之數不符。又查向例伯都訥等處官渡。即在吉林官渡額內。今三處所放渡票。如歸於吉林。漫額計算。只短放部票五十五張。印照二張。該將軍等於額定渡票既已短放。而單開短放數目又多未符。其動用漫餘買補足額一節。查該處商渡共有三千餘兩。較官渡增倍。此項商渡為吉林所產。

原應先儘交官。官票外有贏餘。乃歸商販。何以官票短發。轉須動項向商人買取。顯係辦理有未善之處。况新定章程。松寧即原議之人。該將軍等自宜遵照辦理。多募創夫。將燒鍋幫辦及漫餘買補相沿陋習。逐漸裁減。乃率照秀林所奏。折算銀兩。又所開短放數目。輾轉不清。以致成數不能遽定。礙難覈辦。著該將軍等明白回奏。○諭軍機大臣等。陳鳳翔奏於本月初一日。啟放禦黃壩。俾糧艘渡。

黃北上等語。前據托津二十二日具奏。黃水高於清水。五尺有餘。是現在水勢情形。一經啟放。倒灌固不待言。恐勢若建瓴。黃流勇猛。下游開壩。在在著重。即使工程竭力保護。無慮。而金門溜勢湍激。幫船輓運維艱。渡黃亦斷難迅速。迨溜勢稍平之後。清水微弱。不能刷滌淤墊。又屬可虞。且距桃汛不遠。萬一水勢尚有變遷。漕船行走阻滯。關繫甚重。必須豫為籌畫。方不致臨時棘手。著該督等詳細

妥商。為未雨綢繆之計。至蓄清敵黃。係前人一定之法。但隨時啟閉機宜。亦應酌量辦理。該處設立五壩。原為宣洩盛漲而設。上年湖水過旺。因堅守五壩。未經稍為啟放。以致湧漫掣壩多工。從前余家壩千根旗杆等處漫工。亦因各壩未經早放所致。設使豫為酌啟一壩。俾水勢少減。或不致別生工段。是宣洩正所以資儲蓄。該河督惟當相時酌辦。無得膠執成見。致有遺誤為要。將此諭令知之。○

命兩淮鹽政阿克當阿駐劄清口督辦漕運自高寶運河起至黃河北岸楊莊一帶於幫船經過時設法催趲○旌表守正捐軀山東嶧縣民婦王韓氏○辛亥

上耕藉詣

先農壇行禮更服至耜田所

躬耕三推復加一推

御觀耕臺命鄭親王烏爾恭阿慶郡王永璘和郡王綿脩各五推吏部尚書瑚圖禮戶部左

侍郎英和禮部左侍郎戴聯奎兵部左侍郎萬承風刑部右侍郎宋鎔工部左侍郎陳希曾都察院左副都御史誠安通政使司叅議文修大理寺卿貴慶各九推畢順天府府尹率農夫終畝賞資農夫耆老如例○辛圓明園○壬子諭軍機大臣等來儀等會奏查禁民人私墾牧場一摺據稱嗣後私行出口民人免其驅逐倣照保甲之法編列牌頭甲長保正查令互相首報等語編查保甲原係成

法但行之內地藉以稽查盜賊而地方官視為具文尚屬有名無實該處係游牧之所向未設立保甲此等出口民人原應於關隘處所豫為嚴禁毋令流民濫行偷越則游牧地方自無慮聚集多人礙難驅逐若專責成保甲稽察恐日久奉行不力仍屬空言該將軍等既有此奏即著妥為經理仍一面嚴飭地方官及守口弁兵遵照舊例遇有出入民人如係隻身驗票放行其移眷之戶概行禁止

庶偷越者少私墾之源可冀漸除矣將此諭令知之○癸丑

上幸萬壽山○諭內閣鐵保等奏阿奇木伯克入覲年班懇恩展限一摺阿奇木伯克等年班瞻覲之例向係分為六班每班派三品阿奇木一員帶領四品以下伯克九人該處三品阿奇木共九員六班輪派領班止須六員其餘三員即作為散眾跟隨未免於官制未符且四品以下伯克六年一輪為期既速其

程途迂遠往返旅費亦未免拮据著照鐵保等所請所有八城回子阿奇木等年班加恩改為九班俾三品阿奇木俱得一律領班而四品以下伯克亦得稍為寬假以昭體制而示優卹○塔爾巴哈台叅贊大臣貢楚克扎布以親老命來京以葉爾羌辦事大臣那彥寶為塔爾巴哈台叅贊大臣葉爾羌幫辦大臣百祥為辦事大臣賞筆帖式鄂雲布藍翎侍衛為葉爾羌幫辦大臣○甲寅諭內閣內

務府奏開列恭從採桑福晉命婦清單奏請欽點一摺每年

皇后親蠶以福晉命婦七人隨從採桑係屬大典乃近年來開列單內除近支福晉外大率係

皇后姻親意欲藉此請安所以年年開送其餘多託故不與此次開列單內僅止九人其中大臣命婦則止有二人自係各該大臣等不令其妻恭與典禮是以託故不行開送似

此積漸因循必致開列人數不敷點派成何事體此次姑就單內圈出七人以備典禮嗣後各該大臣命婦除實係有故照例聲明免其開送外餘俱著一併開列如仍前託故規避致人數短少著內務府查明無故不到者將該命婦之夫叅處○又諭宗人府議駁御史伯依保條奏宗室人員請添派學習行走員數一摺所駁甚是我朝家法宗室人員以學習清語勤肄騎射為重即文學科名尚非

所亟是以宗室考試之例從前乾隆年間即曾欽奉

皇考高宗純皇帝聖諭停止所以定其趨向一其心志不致荒棄本業也近年來宗室生齒日繁朕慮其無進身之階屢經加恩於六部理藩院添設司員十六缺并准令鄉會試又增添宗室學生六十名現在宗室登進之途不為不廣今該御史又以宗室人多差少請將候補人員分部行走無論現在宗室候補

未經得缺者。祇有一人。該御史人多差少之言。已為不確。且其意不過欲宗室等多得文職。其流弊必至重文輕武。或竟希圖外任。將來清語騎射。鮮有究心之人。於滿洲家法。殊有關繫。該御史年老平庸。必係聽人慫恿。為此見好之奏。應無庸議。○諭軍機大臣等。昨據原任安徽盱眙縣知縣黃嶠條陳河工事宜。朕披閱之下。所奏似有所見。該員因病痊引見。本日已降旨發往江南。以沿河知縣補

用矣。黃河下游宣洩不暢。自緣海口壅滯之故。該員摺內所稱海州近海一帶。較之現在河身低至一二三丈不等。本屬沙磧不毛之地。擬將黃河改由宿遷穿運河過隄。經沐陽贛榆至該處入海。其說是否可行。於該一帶地方情形有無妨礙。著該督等俟黃嶠到江之時。遴派妥員帶同前往。詳加查勘。又據稱淮安山陽以下至召伯兩岸石工近三百里。現在衝塌無存。亟請修復。而該處取土維艱。

聞向來係由山東用回空糧船裝運土石前往等語。該一帶石工為緯道所經。自應修築其需用土石。曾否有用糧船裝載舊章。現在能否做行。並其餘各條均交該督等詳查議奏。尋議上得旨。勒保等議駁黃嶠條陳河工一摺。所議甚是。前有旨將黃嶠發往江南以沿河知縣補用。看來該員係多事之人。並不能通曉河務。不宜補用。沿河知縣著留於江南。以距河較遠之缺酌量題補。○以內閣學

士榮麟。吳芳培。知貢舉。大學士董誥。戶部尚書曹振鏞。為會試正考官。兵部右侍郎胡長齡。內閣學士文寧。為副考官。○以吏部尚書鄒炳泰。署戶部尚書。○旌表守正捐軀江蘇崇明縣民陸方德妻黃氏。山東掖縣民馬兆成妻陶氏。○乙卯。以故雲南景東廳保甸土巡檢陶中選子鎮襲職。○丙辰。遣官祭歷代帝王廟。○以故奉恩將軍額勒崇額子哲林布襲職。丁巳。祭。

先蠶之神。

皇后親詣行禮○戊午。

上幸靜明園詣

龍神廟拈香○旌表守正捐軀山東城武縣

民艾朝鳳女艾氏○己未。

孝賢純皇后忌辰遣官祭

裕陵○諭軍機大臣等前據陳鳳翔奏於本月

初一日開放禦黃壩今已十日尚未據奏到
開壩後是何情形現在黃水高於清水五尺

有餘而下游將近海口之大淤尖地方又形
淺滯即使本年糧運尚可勉強通行日久終
恐貽誤不可不豫為之計因思海船試運一
事上年據章煦覆奏吳淞一帶尚有沙船可
雇果能試行有效則來年即可踵行比之撥
運截卸一切事宜皆為徑捷惟地方官辦理
之始不無畏難此事全在該督撫實力講求
認真經理將此時應灑配若干船隻應撥用
何項米石如何設法交卸及旗丁水手如何

安置均即熟籌妥辦今歲不拘糧石多寡務
即趕緊試行切勿坐視因循又以海洋涉險
為詞率行推卸仍一面催趲重運北上至浙
省雖向無海運出口章程其應如何幫雇船
隻之處將攸銘亦應一體籌商互相經理方
為不負委任將此傳諭知之尋據兩江總督
勒保等會議不可行者十二事一漕運惟元
至元十九年始為海運至明永樂十三年而
罷然元明雖係海運而內河漕運仍不廢今

以清黃交會之水消長靡常欲易河運為海
運俾得專治河淮為一勞永逸之計若海運
與河運並行則禦黃壩仍不能閉凡漕運官
弁一切不能少減徒增海運之費一江南至
天津海道必從吳淞江出口由崇明南茶山
而北東過山東成山至綠水大洋西過之眾
山又西北由大沽海口始達天津其間吳淞
口之陰沙黃河口之大沙五條沙以及山東
貓兒島沙門島等處沙礁叢雜皆海道極險

之處。天庾正供。非可嘗試於不測之地。一。海行欲避外洋之險。前代曾欲從膠西開鑿陸地。徑通直沽海口。勞費不貲。迄無成功。雍正初。朱軾亦奏開山東膠萊運道。卒以工力難施而止。一。海運若由旗丁領運。則旗丁不習海洋。如責成船戶收兌。則船戶非如旗丁有冊編審。必致散漫無稽。又難約束。且河運有總漕及巡漕御史等統領稽察。復有各省糧道及地方文武。押送查催。尚不免短缺微變

等事。若改海運。斷不能設立多官出洋巡視。將來船戶偷盜私賣。捏報沈失。甚至通盜濟匪等弊。皆所必有。甫經肅清之洋面。轉恐匪類萌生。一。海行風信靡常。凡商賈市舶。往往飄至外洋。經年累月而後返。並有竟不能返者。漕船向在內河。可以隨地催趲。一出海洋。其遲速平險。皆非人力可施。設有耽延所關匪細。一。海運需籌經費。查至元間。每石給中統鈔八兩五錢。迨及至大延祐間。加至十三

兩。彼時相距不過數十年。而其費已加至三分之一。方今物力昂貴。以古準今。其費必甚浩大。一。海運即需用船。計造海船一隻。其犬可裝載二三千石者。估需工價不下萬金。以全漕而論。需船一千七八百號。即需銀一千七八百萬兩。一。造船既不能行。不得已議雇商船。若照民間販運給值。則需費不貲。實難為繼。若祇給以官價。則在官支發之數已多。而船戶猶形苦累。即如閩洋。勘匪添船。多係

隨時短雇。大小多寡不等。悉按受載石數。每月每石給銀七分。截至上年二月。已發過官價銀十九萬餘兩。船戶等除領官價外。又得行商津貼。仍以賠累為辭。規避官雇。今欲長雇運漕。尤恐避匿不前。難於雇覓。况重洋巨浸。必須船身堅大。始敢開行。吳淞一帶。頭號沙船。向赴天津貿易者。止有四五十隻。每隻帶米不過千石。受載無多。閩省惟赴津大船。始詣北洋水道。亦屬不敷供運。至粵省相距

更遠。其船向不能北行。浙省則更無船可雇。一查元明海運。每年必有漂失之米。統計到倉米石欠交者。每石自數合至一斗數升不等。今時生齒日繁。常慮地之所產。不敷人之所食。豈堪再有漂失之數。一海運即需添設水師防護。若令現有水師分段護送。兵船少而漕船多。遙為聲援。鞭長莫及。必致有名無實。若每船配兵一二十名。即須設兵三四萬名。所需糧餉。又復不貲。一京師百貨之集。皆由糧船攜帶。若改由海運。斷不能聽其以裝米之船。多攜貨物。將來京城物價必驟加昂貴。並恐官民日用之物。皆致缺少。於生計亦有關礙。一運丁所用兵工短絳等項。以每船二十人而論。現用者計八九萬人。窮民賴以資生。若改海運。均需另募熟悉海道之人。而此常年運漕之八九萬人。一旦失業。難保不流而為匪。亦非安輯之道。得旨。前因洪湖洩水過多。運河淺涸。恐新漕北來阻滯。是以令

該督等兼籌海運。以為有備無患之策。至其事之需費浩繁。諸多格礙。朕亦早經計及。今據分款臚陳。以為必不可行。自係實在情形。此後竟無庸再議及此事。徒亂人意。河漕二務。其弊相乘。其利亦相因。漕運由內河行走。已閱數百年。惟有謹守前人成法。將河道盡心修治。河流順軌。則漕運按期遄達。原可行所無事。即萬一河湖盈絀。不齊。漕船不能暢行。亦惟有起剝盤壩。或酌量截留。為暫時權宜之計。斷不可輕議更張。所謂利不百不變法也。○庚申。諭內閣。那彥成奏查訊莊浪城守尉端多克琳沁。參奏佐領阿勒精阿緣由。並酌籌齋摺盤費等因。一摺。此案端多克琳沁。因甫經到任。於放餉時。見有平餘銀兩。欲撥為鎗兵賞號。及摺差盤費。意在革除攤扣月餉。相沿陋習。以肅營規。尚無不合。其叅劾阿勒精阿一節。亦因該城守尉查閱軍器之時。該佐領搬驗遲延。又演礮未到。諸多怠玩。

所致。惟平素糊塗無能。各佐領未免意存藐視。此時若照那彥成所議降為藍翎侍衛或拜唐阿是因叅奏屬員。自罹懲處恐將來藐視上官之員。彌復無所畏忌為上司者甚至於應行叅劾之人不敢叅奏。又將何以管轄屬員乎。端多克琳沁無庸降調著飭令回京。仍以原品侍衛在大門上行走至阿勒精阿平日懶惰。激令端多克琳沁冒昧陳奏。著交部議處。○又諭榮麟等奏彈壓副都統策丹

之孫明訥明誼。應否迴避請旨一摺。榮麟等既查明定例。兩翼副都統之子弟均不迴避。自應照例辦理。即使伊等另有所見。亦祇應場後條陳。不當於考試之際。猝議更改舊章。今頭場既准該舉子應試。忽欲令其不進二場。成何事體。榮麟等著申飭。明訥明誼著照例毋庸迴避。○又諭理藩院奏喀爾喀四部落盟長土謝圖汗車登多爾濟等呈請願代哲布尊丹巴呼圖克圖交庫圖勒多倫等三

處之烏拉官畜人物。代為請旨一摺。阿勒台地方。安設喀喇沁臺站。哈布蘇爾噶烏拉之庫圖勒多倫。塔拉多倫莫端三處所備烏拉牲畜人物。向係哲布尊丹巴呼圖克圖徒眾備辦。今車登多爾濟等。因哲布尊丹巴呼圖克圖徒眾牲畜節年被災多有傷損。呈請於該四部落按佐領多寡均勻代辦。尚為急公奮勉殊屬可嘉。惟哲布尊丹巴呼圖克圖品級較大。此項烏拉向係伊之徒眾備辦。由來

已久。若因近年被災牲畜傷損。即令免交。派令四部落代交。則將來該四部落人等亦不免稍有拮据。似未平允。而該呼圖克圖徒眾處牲畜時災既過。自可日漸蕃息。嗣後該處烏拉。著該四部落與哲布尊丹巴呼圖克圖徒眾各按三年輪班更換備辦。著為令。○諭軍機大臣等。韓蔚奏防範首民情形。據稱香山縣陽江鎮各案。先後拏獲匪犯多係投首後夥。同為盜。可見此輩狼子野心。未能馴服。

該督撫務須嚴查密訪。時刻防閑。儻稍有滋事。立即從重懲辦。俾地方咸知畏懼。庶足以銷反側之萌。至匪船礮械。現雖俱經收繳。但從前洋匪滋擾之初。亦何嘗遽有船礮。迨潛聚日久。牽劫日多。遂敢恃以抗拒官兵。儻此日防範稍疏。俾得出洋為匪。則船礮亦難保其必無。惟製運礮械。非洋面所能辦。必由內地奸民偷製賣給。尤當隨時留意。嚴飭所屬於各地方密行查緝。務絕盜源。總不得以現無可恃之船礮。謂宵小無從竊發。遂相率疏懈。不加防制也。將此諭令知之。○壬戌。清明節。上詣安佑宮行禮。○遣官祭永陵。福陵。昭陵。昭西陵。

孝陵。孝東陵。景陵。泰陵。泰東陵。裕陵。○命皇次子 祭孝淑皇后陵寢。○遣官祭端慧皇太子園寢。○臨莊敬和碩公主園邸。賜奠。○諭內閣李亨特等奏籌挑積土一摺。東省濟寧等處塘河。每歲挑淤。俱將所挑之土。堆放兩岸。積成山阜。其濟寧城外一處土山。自嘉慶五年估挑十分之三以後。仍歷年堆積。現已高並城牆。不惟挑河之際。人夫下上艱難。兼於附近民居有礙。現在地方紳民等。籲懇挑除。自應亟為籌辦。著照該河督等所請。每挑土一方。准估方價銀一錢八分六釐。共估銀二萬九千七百二十兩零。先在運

河道庫兵夫工食存款內借墊發挑。將每年運河挑工津貼。及黃河歲料幫價兩項節省銀兩。按年歸還。此次挑出之土。據稱運至城東玉露庵。及教場迤東一帶窪地。均離該處四五百丈之遠。辦理自屬得宜。但此後挑河。若仍照舊就近出土。則該處挑復平地。不久又成土山。徒糜經費。著該河督等於每歲挑河之際。酌定離遠低窪處所。出運淤土。免致日久堆積近處。又需挑挖。且俾兩岸民房永

無被累之虞。方為妥善。該省除濟寧以外。所有歲應挑挖之塘河。並各處閘河。均著照此辦理。○諭軍機大臣等。本日勒保陳鳳翔奏報。開放禦黃壩幫船行走順利一摺。覽奏稍慰。伊等以黃水直灌洪湖。致湖身淤墊。先將束清壩堵閉。始將禦黃壩啟放。該處有二壩擎托。又有運口頭二三壩層層鈐束。水勢不致建瓴直瀉。諸獲平寧。現在淮安各幫。亦皆接續前進。以目下情形而論。重運正當喫緊。

而洪湖水力甚微。亦祇可如此辦理。但此時運河全係黃水。將來受淤必深。且汎水長落無時。恐兩岸漸形著重。為今之計。唯有速將幫船趕緊趲行。多趲一幫。則可省一幫之累。如果洪湖淤蓄充盈。早晚可以刷黃濟運。則將來清壩啟放之後。漕船自可暢行。即不然。亦務須將頭二進幫船通行趲渡。止留江廣幫船在後。亦尚可籌辦剝運事宜。須全漕不致貽誤。方為妥協。將此諭令知之。○癸亥。翰

林院掌院學士戴衢亨等奏。考取供事章程。得旨。依議。各衙門考試供事。往往於招考之後。日久宕延。又緣收考太多。以致弊端叢生。有營倩冒考等事。今翰林院酌擬章程。稱該衙門額設供事十六名。照定例再備額外供事十六名。額外懸缺五名。即行招考。如數補足。五名收考不得過三四十人。出示後。即令投考等語。似此人數既少。辦理迅速。便於稽查。則諸弊可以盡除。嗣後各衙門考取供事。

均著照此章程隨時妥辦。至從來辦事之道。敏斷則諸弊肅清。奸人無所措手。怠延則百端叢脞。宵小易致生心。近日部院衙門。常有書吏等在外舞弊。皆緣官員等於應辦公事。不能立時剖決。迅速施行。以致猾吏奸胥。乘機起意。或將未定之稿。傳說播弄。或將候發之件。影射招搖。其間與人關說。以及受賄舞弊。皆必先有作弊之暇。若該管官勵精從事。能使案無塵牘。伊等更何所施其伎倆耶。嗣

後各衙門大小官員。務當勤奮辦公。力加振刷。以除奸蠹之萌。切勿怠玩因循。釀奸滋弊。○甲子。諭內閣。丹巴多爾濟等奏。鑲藍旗漢軍丁憂雲南普洱鎮總兵尚維侗。呈請百日孝滿。不敢照漢員丁憂之例。呈請賞給苦差。據情代奏一摺。凡漢軍大員丁憂。皆照漢員之例。守制二十七箇月。並無呈請賞差之例。從前巴哈布丁憂。亦於服滿後始行補授少卿。尚維侗不過由鑾儀衛章京。祔用至總兵

之人。今既百日孝滿。理宜遵例丁憂二十七箇月。乃以身受殊恩。不能仰答為詞。呈請賞給苦差効力。牽綴多言。希冀微倖。尚維侗著仍照漢員例。丁憂二十七箇月。毋庸賞給差使。○乙丑。

上詣

安佑宮行禮。○禮部以宗室會試中額。請得旨取中三名。○旌表守正捐軀江蘇桃源縣民倪金山妻林氏。○丙寅。

上啟鑒。恭謁

西陵。並巡幸五臺。○命成親王永理協辦大學士尚書明亮。劉權之。尚書瑚圖禮留京辦事。○諭內閣。汪志伊奏。據臺灣鎮總兵武隆阿。稟請將熟悉南路捕匪出力之下淡水營額。外委王登山留臺。以資熟手一摺。班滿兵丁更換。限於半月內。即行內渡回營。係屬新例。何得藉此請留。又未聲明留駐年月。恐開逗遛之漸。該鎮既稱該弁於南路一帶極

為熟悉。緝捕勇往出力。將來即可拔補臺灣實缺。令其挈眷赴臺。以資緝捕。此時仍飭令該弁內渡。勿任藉辭延宕。○免蹕路經過直隸地方。本年額賦十分之三。○是日。駐蹕黃新莊行宮。○丁卯。駐蹕半壁店行宮。戊辰。駐藏大臣陽春奏。察木多拉里前藏三處糧庫撥存銀兩。除一年應用外。每多贏餘。致有糧員侵挪之事。請於前藏管理夷情司員衙署內。建造備貯銀庫數間。每年三處贏餘銀兩。俱解交收存。由駐藏大臣查覆。以杜弊端。從之。○以故土爾扈特扎薩克貝勒巴圖濟爾噶勒弟巴圖克什克襲爵。以浙江定海鎮總兵官樊雄楚署福建寧鎮總兵官。調浙江黃巖鎮總兵官李光顯為定海鎮總兵官。賞玉環營叅將陳登捷副將銜。署黃巖鎮總兵官。○是日。駐蹕秋瀾行宮。○己巳。鑲白旗漢軍都統富明阿年老休致。以刑部尚書百齡兼鑲白旗漢軍都統。賞蹕路經過看

守各行宮弁兵半月錢糧。○是日。駐蹕梁格莊行宮。○庚午。上恭謁泰陵。泰東陵俱未至碑亭。即降輿慟哭。步入隆恩門。詣寶城前行禮。躬奠哀慟。王以下文武大臣官員均隨行禮。○至孝淑皇后陵。寢奠酒。臨

妃園寢賜奠。○禮部以會試中額請。得旨。滿洲取中七名。蒙古取中二名。漢軍取中四名。直隸取中二十三名。奉天取中二名。山東取中十九名。山西取中十二名。河南取中十二名。陝甘取中十名。江蘇取中二十名。安徽取中十四名。浙江取中二十三名。江西取中十八名。湖北取中十一名。湖南取中九名。福建取中十三名。廣東取中六名。廣西取中六名。四川取中七名。貴州取中九名。雲南取中十

名。○賞直隸辦差兵丁一月錢糧。○是日駐蹕東北溪御營。○辛未駐蹕隆山溪御營。○壬申免蹕路經過直隸大興宛平良鄉房山涿清苑安肅定興新城唐望都容城完正定新樂易深永定行唐滿城曲陽阜平二十二州縣節年緩徵帶徵銀米並大興宛平良鄉涿清苑安肅新城定興八州縣節年緩徵帶徵旗租及良鄉房山涿清苑安肅定興新城容城八州縣新舊借欠銀米。○是日駐蹕五郎村御營。○癸酉旌表守正捐軀安徽懷寧縣民婦饒曹氏。○是日駐蹕東都亭御營。○甲戌諭內閣周系英奏辦理召試章程請旨遵行一摺向來迎鑒士子加恩召試雖經辦有成案但未明定章程辦理未能畫一自應以其父兄官職之大小為子弟應試之限制此次朕巡幸五臺所有應行召試士子京官除現任京堂及翰詹科道軍機章京外官除督撫藩臬及道府以上之親子姪兄弟俱著

迴避無庸與試仍准其進冊其業經病故離任緣事在籍及其餘京外各官之親子姪兄弟俱准其與考嗣後巡幸各省設有召試之典即照此例行。○是日駐蹕隆村御營。○乙亥轉都察院左都御史王集為工部尚書以盛京刑部侍郎崇祿為左都御史大理寺少卿和寧為盛京刑部侍郎。○以肅親王永錫兼正紅旗蒙古都統。○賞還故工部尚書費淳大學士銜予祭葬諡文恪以其子戶部主事履升為員外郎。○是日駐蹕王快鎮御營。○丙子諭內閣溫承惠奏將直省庫貯款項徹底清釐除正雜錢糧外另有附貯賞項存剩並公捐提解等銀四款或本係恩賞或通省捐解向有支用皆不報部等語此項銀兩係以通省公捐濟通省公用即兵差經費用剩銀兩亦係恩旨賞給並非應行報撥之款著加恩將前項兵差用剩銀兩賞留直省充公其提解公捐等款仍准本省照舊支銷免

其報部。俾地方公事得資寬裕。○賞資蹕路。經過直隸各州縣老民老婦如恩詔例。○是日。駐蹕法華村御營。○丁丑。旌表守正捐軀雲南新興州民鄭莊妻馬氏。○是日。駐蹕大教場行宮。○戊寅。免山西五臺縣本年額賦十分之三。○是日。駐蹕臺麓寺行宮。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百四十一

救修

嘉慶十六年辛未閏三月己卯朔賞賚山西

迎鑾老民老婦如恩詔例○是日駐蹕白雲寺行宮○庚辰免山西全省州縣本年額賦十分之二○是日駐蹕菩薩頂行宮至甲申皆如之○辛巳賜扈從王公大臣蒙古王貝勒貝子公及直隸總督山西官員等食並賞賚有差○綏遠城將軍來儀年老命來京署正白旗漢軍都統以正黃旗漢軍副都統果勒豐阿為綏遠城將軍二等侍衛花尚阿為正黃旗漢軍副都統○增廣山西學額一次

大學五名中學四名小學三名○旌表守正捐軀江西豐城縣民胡允奇聘妻張氏○壬午諭內閣韓對奏知縣自縊身死請將該管道員解任質訊一摺此案疑實甚多情節互異該故員王槐壽辦理賞卹吏使及修理夷船費用係由省委員李威齋銀交發李威先發銀三百兩自屬應用之項該管道員智濼令其如數繳回該縣王槐壽於本府發到銀內湊足繳還此項銀兩繳歸何處何以王槐壽自縊之日適在繳還銀兩之後情節可疑若王槐壽因負欠無償輒尋短見則據該撫訊明並無債主逼索如果近患疾迷之病該管道府時常接見何以不詳明令其解任調理是王槐壽自縊之由難保非該道智濼於勒令繳銀時實有逼迫陵辱情事智濼著解任交松筠會同韓對秉公研鞫如有侵蝕捏飾等事必當據實叅奏嚴行懲辦即訊無別情該道智濼擅將該縣應用之項逼令繳還

又因備飯遲延呵斥該縣家人以致釀事亦當治以應得之咎該督撫務須徹底根究毋稍徇隱○復命工部右侍郎成格光祿寺少卿盧蔭溥馳往山西代州審案○召試迎鑾士子賞一等舉人龍汝言張斐然楊鎮源內閣中書生監李堂棟雷百里段可傳郝臺魁田賀年崔墳舉人二等郭安鈺等十人綴匠命充文穎館膳錄○予山西辦差官員紀錄並開復處分有差○癸未賜隨扈侍衛及山西巡撫等食○賞山西修理廟宇行宮銀二萬兩○甲申賞山西辦差兵丁一月錢糧○乙酉
上自五臺迴鑾○諭內閣山西五臺縣清涼山為文殊演教之區靈蹟昭著我聖祖仁皇帝親臨瞻禮
皇考高宗純皇帝復屢次巡幸鑾輅所臨布閭推恩
天章巍煥典禮常昭康熙乾隆年間節經

勅命詞臣纂修清涼山志刊刻頒發惟歷次
巡典尚未陸續全載本年朕初次臨涖凡行慶
施惠各事宜悉遵

成憲推廣舉行亦宜載諸簡冊用示來茲著交
文穎館將清涼山志一書續行纂輯所有廟
宇行宮及經由道途前書有未載者著該撫
速飭地方官繪具圖說咨送該館辦理尋館
臣董誥等奏查清涼山志恭載
高宗純皇帝五次巡幸五臺山

聖製詩文惟六巡未經載入今遵照前例敬謹
纂入以成完書

皇上啟鑒至駐蹕清涼其間謁

陵閱武顯俊諸大典有前志所未備者謹擬纂
為西巡盛典從之○以禮部尚書福慶為滿
洲繙譯會試正考官都察院左副都御史潤
祥為副考官理藩院尚書佛爾卿額為蒙古
考官○減山西軍流以下人犯罪○是日駐
蹕白雲寺行宮○丙戌諭軍機大臣等勒保

奏兩江地方大概情形一摺兩江地方獄訟
繁多現在未經審結者不少皆由歷任上司
因循疲玩不即早為審理以致民風漸趨刁
健吏治日覺廢弛該督蒞任伊始必須力為
整頓嚴查速辦俾官吏知所儆畏積案自可
漸清毋令日久生懈至漕運河防為目今至
要之事本年因清水不能外出以致黃水入
運漕艘不得不藉之輓行乃最下之策該督
豈可公然形諸摺奏以為慶幸乎黃流入運

百弊叢生上年因洪湖蓄水過盛未經相時
宣洩遂致掣壩三壩湖水過耗清不敵黃運
河全係黃水此皆從前辦理不善之咎該督
等正當引以為戒何得竟以苟且目前自為
得計耶蓋蓄清敵黃係古人成法而設立五
壩原豫為宣洩之地試思蓄之過盛致有潰
壩則清水反弱不能暢出濟運豈古人立法
之本意乎該督等務當隨時講求相機啟閉
免致臨時掣肘方為妥善將此諭令知之○

是日駐蹕臺麓寺行宮○丁亥諭內閣據祿康等暨倉場侍郎等奏裕豐倉被火延燒兩摺倉廩重地理宜加意防範裕豐倉歲宇等廩現在正值開放俸米之時計尚應存稜米稷米三千餘石何以封鎖嚴密並未啟門遽報火起是否前一日放米時挖竈人夫遺火在內抑或該倉米石本有虧短花戶等恐其不敷支放有意延燒均未可定著將該管廩花戶等交刑部審訊具奏○以前任塔爾巴

哈台叅贊大臣貢楚克扎布為鑲黃旗蒙古副都統○遣乾清門行走回部郡王銜貝勒哈廸爾往奠故喀什噶爾阿奇木伯克郡王伊斯堪達爾茶酒賞銀三百兩治喪以其子玉努斯襲爵○是日駐蹕大教場行宮○戊子駐蹕法華村御營○己丑旌表守正捐軀安徽靈璧縣民趙成明聘媳趙氏○是日駐蹕王快鎮御營○庚寅賞會試年老舉人李菁等二百八十八名編修檢討助教學正職

銜有差○以山東登州萊州青州三府屬糧價漸增平糶倉穀○是日駐蹕楊家莊御營○辛卯諭內閣據穆騰額奏監督巴寧阿染患痰疾步履艱難令其回京調理等語巴寧阿為人詭詐從前曾經叅劾穆騰額此次派令跟隨前赴

永陵查勘應修各工呈明患病回京調治顯係託詞有心規避巴寧阿不准回京著前赴熱河養病病愈後即辦理布達拉工程總俟朕秋間駐蹕熱河時派人驗視果否實係患病再降諭旨○是日駐蹕樺皮村御營○壬辰諭內閣朕本日駐蹕正定府隆興寺行宮沿途民婦夾道歡迎約有數萬人之多具見該民人等情殷望幸愛戴出於至誠自因鑒輅經臨疊邀閭閻澤日內復值甘膏應候霖霖均霑是以鼓舞歡欣不但無控訴之事且整齊嚴肅淳樸可嘉總督溫承惠綏撫有素約束得宜著加恩賞還頭品頂帶所有伊前得革

職留任處分八年無過方准開復之案著改為四年無過照例開復以示獎勵○又諭貢楚克扎布等奏審擬福珠靈阿罪名一摺此案福珠靈阿身任遊牧總管輒於所管部落內索取駝馬牲畜多隻又將備用廠內牛羊私自侵挪孳生廠內牛馬勒價賤買種種卑鄙營私殊出情理之外且將馬匹私行借給哈薩克台吉魯斯塔木等尤屬荒謬塔爾巴哈台係邊疆重地福珠靈阿如此妄為其罪

甚重乃貢楚克扎布等摺內僅擬照監臨官吏索借所部財物計贓准不枉法論於杖流本例上從重發往回疆充當苦差殊屬輕縱福珠靈阿自應問擬絞候入於本年秋審情實辦理著交軍機大臣會同行在刑部按律更正並將其餘各犯聲請免議之處一併查覈具奏至福珠靈阿平素種種舞弊摺內僅請將失於覺察之前任叅贊大臣祥保領隊大臣百順交部察議所辦亦輕祥保百順均

著交部議處至貢楚克扎布審辦此案於福珠靈阿罪名問擬輕縱又未將祥保等請旨議處均屬不合並著交部議處○賜扈從王公大臣蒙古王貝勒貝子公台吉及直隸官員等食○命吏部左侍郎王麟刑部左侍郎朱理馳往湖北查辦事件○予直隸辦差官員紀錄及開復處分有差○是日駐蹕隆興寺行宮翼日如之○癸巳

上御黃幄閱兵賞賚有差○甲午駐蹕彭村御營○乙未駐蹕衆春園行宮○丙申

上詣

堯母陵

帝堯廟行禮○諭內閣溫承惠奏酌議籌備漕制懇請俯准添造官剝一千隻等語直省楊村額設官剝一千五百隻地方官漫不經心僅交船戶水手看守駛駕往往無所顧惜遇有損壞並不隨時修繕久之竟屬有名無實迨至船隻不敷剝運臨期則封雇民船備

卹封雇之弊非船少居奇苦累旗丁卽豫封守候擾累船戶種種掣肘皆承辦各官經理不善之故今既據該督具奏請添造官剝一千隻著准其添造所有籌議款項均著照原奏辦理第此項剝船成造以後必須嚴定章程以專責守如有損壞作何議處之處卽著該督嚴定處分具奏如所議尚輕豫爲屬員地步定當另行覈辦不能依議也嗣後每年朕當特派京堂前往察驗若仍不實力經管

致有短缺損壞等事必當從重懲辦至現在所添官剝照例排造計須二三年方能全數應用此二三年內尚不能不添雇民船該督應會同鹽政悉心籌辦務使漕運不致稽遲商民無滋擾累方爲妥善○又諭鐵保等奏查辦巧取病商之葉爾羌協辦大臣三成及有心弊混之章京觀文審擬具奏一摺觀文係棄瑕錄用之員膽敢恣憑三成奏請增取回疆房地租銀巧取病商竟與勒派無異鐵

保等僅擬以革職發往伊犁充當苦差未免過輕觀文著卽發往伊犁到戍後枷號一年以爲邊疆滋事者戒三成亦係棄瑕錄用派往葉爾羌協辦回疆事務率據觀文稟請增租妄行入奏實屬乖謬鐵保等僅飭令回京聽候部議亦覺過輕三成前已照部議革職著發往烏魯木齊効力贖罪○禮部以繙譯會試中額請得旨滿洲取中六名蒙古取中二名○改雲南大理府同知爲東川府巧家

同知賓川州赤石崖巡檢爲普洱府他郎廳知事從巡撫孫玉庭請也○旌表守正捐軀直隸慶雲縣民楊廷臣妻宋氏○是日駐蹕高腴鋪御營○丁酉定盛京七廟養贍喇嘛丁地科則先是七廟喇嘛等於官撥養贍地加差累丁致興獄訟經盛京戶部侍郎薩彬圖等會議章程具奏下軍機大臣議至是議覆各廟莊地園地並自行招佃納租地計三萬九千一百七十六畝零概行升科每畝納

銀八分交各界官徵收按照喇嘛名目分別支給口糧其丁銀照奉天民丁例按則徵收分給各廟以充公用從之○以四川提督豐紳為成都將軍調貴州提督孫清元為四川提督以河南河北鎮總兵官蔡鼎為貴州提督江西南昌城守協副將仙鶴林為河北鎮總兵官○以拏獲冒差人犯賞還戶部侍郎京營左翼總兵英和花翎黃馬褂○賞直隸修理廟宇行宮銀二萬兩○賞保定府駐防兵丁半月錢糧○是日駐蹕靈雨寺行宮翼日如之○戊戌上御黃幄閱兵賞賚有差○幸蓮池書院○己亥以關帝後裔兆慶襲五經博士○旌表守正捐軀直隸武邑縣民史得敬妻楊氏○是日駐蹕新莊御營○庚子諭內閣成格等奏查訊崞縣民人溫宣在臺懷叩閭一案此案兇犯溫爾泰因爭索小嫌縱火燒燬溫璟等父母

屍棺並刃斃二命兇惡已極迄今逃遁三年尚未弋獲歷任知縣視為海捕具文均未認真追比實屬玩縱所有該縣歷任知縣及毓鳳朱悅唐樹椿唐維錫均著革職其該管之上司除巡撫銜齡藩司張映漢臬司陳桂生皆到任未久免其議處至該管雁平道及代州直隸州知州著查明在任月日分別久暫奏請交部議處民人溫宣家罹慘毒情急控告且於道旁跪遞呈詞時並未敢高聲喊訴著仍照前旨免其衝突儀仗之罪兇犯溫爾泰著銜齡嚴飭所屬勒限緝拏務獲毋任漏網○遣官祭明臣楊繼盛祠○減直隸軍流以下人犯罪○是日駐蹕紫泉行宮○辛丑駐蹕涿州行宮○壬寅以緝獲閩洋盜首黃治賞總兵官徐錕提督銜並花翎千總張琴以守備用○戶部議准陝甘總督那彥成疏報烏魯木齊塔西河所開墾地三頃六十畝照例升科從之○是日駐蹕黃新莊行宮○

癸卯

上還圓明園○詣

安佑宮行禮○甲辰

上幸靜明園詣

龍神廟拈香○工部尚書恭阿拉等議奏興

京界屬穆奇驛站係為恭送

永陵祭品及各項差務而設上年被水衝淹勢

難改建他處懇於原踞官莊地內酌撥六十

畝挪建其官莊缺額地畝請交盛京戶部照

例撥補下部知之○乙巳戶部議准陝甘總

督那彥成疏報正寧縣開墾地二十八頃八

畝照例升科從之○丙午旌表守正捐軀河

南永寧縣民蕭順妻段氏○丁未調正白旗

蒙古副都統成格為正藍旗滿洲副都統以

湖廣道御史緒莊為正白旗蒙古副都統○

直隸泰寧鎮總兵官多慶以侵分長平銀兩

革職逮問以理藩院右侍郎京營右翼總兵

本智為泰寧鎮總兵官兼總管內務府大臣

山東巡撫吉綸為理藩院右侍郎兼京營右
翼總兵○調貴州巡撫同興為山東巡撫以
雲南按察使顏檢為貴州巡撫太僕寺少卿
巴哈布為雲南按察使○是月廣西巡撫成
林奏查拏會匪盜匪各情形得旨立法原備
奈奉行不力苟且因循不過幕友作一篇好
文字於實政何益故為政不在多言只須躬
行實踐勉之

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百四十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十二

隆恩殿工程各員一摺據稱前月十二日晝夜

福陵

隆恩殿工程各員一摺據稱前月十二日晝夜

福陵

隆恩殿工程各員一摺據稱前月十二日晝夜

嘉慶十六年

嘉慶十六年辛未夏四月戊申朔享

太廟命

皇次子恭代行禮○太子少師大學士戴

衢亨卒晉贈太子太師命榮郡王綿億帶領

侍衛十員往奠茶酒賞銀一千五百兩治喪

入祀賢良祠予祭葬諡文端○己酉

上御勤政殿聽政○諭內閣觀明等奏奏承修

福陵

隆恩殿工程各員一摺據稱前月十二日晝夜

透雨

隆恩殿東間二標以下方椽墜落琉璃甍望瓦片一併脫落將東邊陳設配椅一張稍有損等語

陵寢

殿宇供奉

神牌

寶座工程關繫重大承修官員宜何等小心乃於購買木料時未能敬謹採擇輒以市賣杉松充用致逾時窳樸朽一經透雨間有脫墜竟將殿內所設豫備安奉神牌之龍椅稍有挫損辦理玩忽已極幸而脫墜之處係在東間止於損及龍椅否則該員等試思當得何罪耶所有原辦此項工程之副關防達桑阿郎中奇明額退任筆帖式德精額俱著交部嚴加議處觀明博慶額未能先事覺察亦著交部議處現據該將軍等詳勘中間

墜竟將

殿內所設豫備安奉

神牌之龍椅稍有挫損辦理玩忽已極幸而脫

墜之處係在東間止於損及龍椅否則該員

等試思當得何罪耶所有原辦此項工程之

副關防達桑阿郎中奇明額退任筆帖式德

精額俱著交部嚴加議處觀明博慶額未能

先事覺察亦著交部議處現據該將軍等詳

勘中間

正殿琉璃甃望微有離縫方撽帘棹亦露鈔朽形狀自應一併急修其所請將

神牌

寶座先行恭移東

配殿安奉之處著欽天監迅速擇吉行知遵照奉移現在應修各工即著穆騰額勘估敬謹辦理所有動用錢糧俱著落達桑阿等照數分賠以示懲儆○又諭戴衢亨之子年尚穉幼戴均元著賞假一月代為經理喪事其

倉場侍郎事務著師承瀛暫行署理○諭軍機大臣等方維甸前任陝西巡撫時曾迎養伊母在署辦公之餘克資孝養迨簡放閩浙總督之後伊母因道途遙遠於南方風土未習難於就養方維甸當經具摺陳奏一面將伊母送歸江寧原籍自赴閩省任事上年秋間伊到熱河陞見時朕施恩詢及伊復瀝陳忱悃朕念伊母高年患病方維甸孝養情殷兩地睽違殊增戀慕若將伊調任兩江庶可

就近侍養而又係伊原籍應行迴避祇得令其開缺回籍養親此朕不忍拂人子至情曲為體卹也方維甸自回籍以後承歡侍奉伊母自己日就安健現在大學士戴衢亨因在臺懷偶患時證不意為醫藥所誤遽於昨日溘逝朕心悼惜此時軍機漢大臣人少樞務至重朕於中外諸大臣遍加遴選惟方維甸性情公直在軍機章京上年久熟諳事務人地相宜今特簡用為軍機大臣將來補放尚書用資倚畀伊母從前本在京邸久住於北方風土素能習慣即此時在江寧居住亦未必如在京邸之服習伊若奉母來京於散直之餘朝夕侍奉豈不公私兩遂即遇巡幸亦不令伊隨往朕於方維甸母子之間所以優加體念者實為無所不至今當辦事需人方維甸亦當仰體朕用人不得已之苦衷勉思報効伊將此旨告知伊母諒伊母亦必感激樂從但不知伊母現在身體情形究竟若何

如果目下精神委頓實難遠行方維甸自應據實陳奏若酌量可以就道方維甸於奉旨後即一面先行由驛奏聞一面親自奉母起程朕當降旨施恩著沿途地方官妥為照料方維甸俟進山東境後再先行來京謝恩供職將此諭令知之○以戶部尚書曹振鏞為翰林院掌院學士○旌表守正捐軀雲南鎮元州武生游雲漢妻曾氏○庚戌上還宮○諭內閣福長安奏請添設

孝東陵殿內執事人員一摺

饗殿祭祀典禮攸關執事人員自應整備嚴肅今

孝東陵殿內執事官共需九員原設郎中員外郎主事等官僅止六員實不敷用著照所請添設尚膳茶副委副內管領各一員俾資供應即於茶膳房拜唐阿內揀選引見補放賞帶七品虛銜仍食本役錢糧○又諭本日禮部帶領老生在道旁謝恩內有山西老生曹

廷選呈遞謝恩表文據稱現年七十五歲丁卯科欽賜副貢庚午科欽賜舉人今辛未科又欽賜國子監學正寸衷感激莫可名言儻蒙賜一教職使育斯文庶幾矢公矢慎獲報聖恩等語曹廷選以年老諸生幸叨盛典得與科名朕嘉惠耆儒有加無已疊次恩施俱屬榮選格外該老生尚不知足輒越分呈遞表文求賞官職雖尚無違礙字句殊屬妄為試思量能授職分制墓嚴即一命之榮國家

大柄所繫豈容妄生希冀公然干請耶此風斷不可長著革去國子監學正銜並革去舉人姑念其老耄無知仍格外施恩留其副貢即飭令回籍安居勿再滋事○以常雱祀天於

圓丘自是日始齋戒三日○辛亥貸黑龍江墨爾根二十六處臺站被災驛丁銀○壬子上詣南郊齋宮齋宿○癸丑常雱祀

天於

園丘

上親詣行禮 幸圓明園 甲寅

上臨故大學士戴衢亨園居賜奠賞其子嘉端

舉人一體會試仍准兼襲雲騎尉職 乙卯

上幸萬壽山 丙辰諭內閣國家設立都察院

堂官六科各道凡內自王公大臣外自督撫

藩臬以至百職庶司如有營私執法辜恩負

職者言官據實糾彈立即按款嚴究執法重

懲我朝

列聖相承綱紀肅清力除蒙蔽之弊朕祇遵

成憲太阿在握懲蠹鋤奸亦從不稍事姑息然

事必覈實斯罰不妄施乃近年言官中竟有

懷挾私怨陽沽鯁直之名陰施報復之計以

巧試其術者其初列款上聞浮言聳聽及查

明毫無證據若將言官懲罰過重似杜敢言

之路而被劾之大臣一登白簡雖辨明心跡

譴責不加究以枉受誣讟使在廷之議謂其

曾遭指摘不免中懷畏歔損其精白之衷且君臣之間亦不若無此芥蒂益孚股肱心膂之義也即如原任大學士戴衢亨果於任事惟性急語直每遇部院公事判別是非或從或違安能盡協人意因此為怨者所詆前被給事中花杰封章叅奏指稱伊與貢士洪瑩交往情密拔置一甲一名又黃旭試卷行楷相間濫置二甲經朕密取殿試各卷加封呈覽特將洪瑩帶至上書房命二阿哥監看令其默寫試策惟時距殿試已閱兩月有餘洪瑩所默試策與原卷悉相符合不過數虛字間有異同其黃旭原卷末數行稍欠工整並無一筆行書當即明白宣示剖分曲直本年己巳科庶吉士散館朕料洪瑩黃旭二人文義必應考居前列若抑置在後非有心屏黜即衡校未當及閱卷大臣公擬進呈拆閱彌封洪瑩黃旭同列一等設戴衢亨尚在派令閱卷必謂其徇情拔取即不與閱卷之列亦

或疑其轉相囑託今戴衢亨已故可見文章自有定評豈同列諸大臣至今日尚曲為附和乎戴衢亨蓋棺論定心跡已明應含笑泉下矣花杰從前憑空捏造誣陷大臣是誠何心姑置勿論嗣後諸言官務當各矢天良遇有不公不法之事必求確據直列彈章不可因有此旨緘默不言若以毫無影響之談誣人名節

天鑒難逃國法具在凜之慎之○諭軍機大臣

等前據蘊端多爾濟奏俄羅斯固畢爾納托爾特呼斯沁懇請遣人探望伊之喇嘛及學生并齋送盤費等語當經交該部議奏茲據該部奏稱向來俄羅斯駐京之喇嘛並無遣人前來接濟盤費探望之例其請沿途供應駝馬路費廩給之處應不准行所駁甚是著蘊端多爾濟等咨覆該處諭以此事已咨理藩院據院駁稱事不合例本院未敢具奏即著飭回將此諭令知之○以故青海額魯特

扎薩克貝子旺沁丹津子格勒克納木扎勒襲爵○予廣東出洋淹斃都司黃勇把總劉炳洪外委陳國寧祭葬世職兵丁李青彪等七十三名賞卹如例○旌表守正捐軀山東滕縣民任住妻紅氏○以河南開封歸德彰德衛輝懷慶河南陳州南陽許汝光十一府州屬缺雨命借糶倉穀並給開封駐防兵一月本色米貸綠營兵每名穀一石○丁巳諭內閣據徐鉞奏伊父徐績現年八十六歲伊

並無兄弟此次來京陛見曾以終養之意稟請伊父徐績自以精力尚健情願赴闕就養俾其子及時報効等語建寧係海疆要地徐績曾任大員勉勵伊子辦公報効不令終養尚屬能知大義但念徐績年逾八旬南方炎熱風土不宜設或就養至彼稍有疾病徐鉞轉不能專意操防且亦非國家教孝之意徐鉞著調補直隸正定鎮總兵俾得就近迎養九十從前曾歷軍營於操練一切尚能認真

即著調補福建寧鎮總兵九十不必來京請訓俟徐銳到任交卸後即赴新任其餘銳另摺奏伊次子達興阿三子達昌阿此次俱經圈出挑差懇將達興阿隨帶赴任以便侍奉伊祖並料理家務等語亦著照所請將達興阿引見之處扣除准其隨任○引見已已科散館人員得旨此次散館之修撰洪瑩編修廖金城張岳崧及補行散館之編修石承藻業經授職其漢書二甲考列一等之庶吉

士孔傳綸黃中模鄭家麟熊常鐔王家相李振庸周之楨廖鴻藻李廣滋黃旭馮清聘譚瑞東敏惠龔鏗清書二甲考列二等之庶吉士謝崧郭尚先漢書二甲考列二等之庶吉士黃安濤喻士藩俞肯堂卿祖培宗室瑞林俱著授為編修漢書三甲考列一等之庶吉士戚人鏡唐鑑李德立漢書三甲考列二等之庶吉士丁傑俱著授為檢討劉敦五潘正常李韞英潘標元在功邱雲騰郭承恩余文

銓徐鏞張曾霽吳孝銘光聰諧何炳宗室崇碩顧寬杜薇之路德高賜禮周祖蔭姚慶元鍾昌朱瀛玉綬俱著以部屬用何太青曹德贊金洙陳宗疇解運衢姚樟余源陳瑞球張思誠蔡培齊彥槐葉申蘇潘光燁郭安齡俱著以知縣即用○戊午命於

黑龍潭及山高水長設壇祈雨○

上詣山高水長

祈雨壇拈香○辛靜明圓詣

龍神廟拈香○辛靜宜園○旌表守正捐軀

安徽宿州民李李玉女李氏○是日駐蹕靜宜

園至壬戌皆如之○已未頒發直隸保定府

蓮花池

開帝廟

御書扁額曰神佑靈源○旌表守正捐軀陝西

榆林縣民賀有柱妻莊氏○庚申諭內閣禮

部議駁吳椿奏請老生另編字號並添號軍

等一摺官生向例另設中額老生自未便引

以為例。號軍本有定額。不應遽議增添。人多轉恐滋弊。至老年筋力就衰。必令等候。士子全行入場後。始准點進。殊非體卹之道。嗣後派出王大臣。於點名時。毋許士子擁擠。即年老諸生中。亦勿致自相攪越。務飭員役等。妥為扶掖。以示體卹。○以雲貴督標中軍副將珠勒什。為雲南普洱鎮總兵官。○賞還雲南巡撫孫玉庭二品頂帶。○辛酉

上御演武廳閱健銳營操。○旌表守正捐軀陝西華陰縣民蔡喜生妻謝氏。○四川彰明縣民張開學妻章氏。○壬戌諭內閣。勒保等奏。截留宿州兩幫漕船。請將此項漕糧。借給回空各幫。來春另購好米。搭運交通。一摺。宿州兩幫漕船。經由洪湖。本年湖水微弱。出口較遲。著照所請。該二幫正耗米三萬四千八百餘石。即令在清河縣境內截留暫貯。並循照舊章。每百石貼出備耗米二石。俟回空幫船南下。按照軍船四千四百餘隻。每隻各借給後

米五石一斗零。粟米二石八斗零。以為飯米。各借領丁船。於歸次後。另購好米。來春搭運交通。內粟米一項。非江浙等省所產。並准其將每船所借粟米二石八斗零。各隨地土所宜。改購粳稞米二石。搭運同交。其應交麥十九石零。仍令本幫收領。下運搭解。所有此二幫未行程途銀米。並加恩准於今冬先扣一半。餘俟下運扣還。以紓丁力。該漕督即遵照督率所屬。妥速經理。現在重運漕船四月初

七日以前。已渡黃七十七幫。在後者僅有十九幫。計二十日以前。當可全數趲渡。該督等並飭催各項銅鉛船隻。銜尾前進。迅速渡黃。其禦黃壩總遵前旨。務於端陽前堵閉。使黃水併力東行。暢刷海口。禦黃壩堵後。運河內有應須修濬之處。並著及早籌辦。俾回空船隻。通行無滯。○旌表守正捐軀河南泌陽縣民張良貴妻高氏。○癸亥

上幸靜明園。○還圓明園。○詣山高水長

祈雨壇拈香○命

皇次子儀親王永璣成親王永理分詣

天神壇

地祇壇

太歲壇祈雨○旌表守正捐軀四川雅安縣

民李春盛妻范氏河南項城縣民孫麥妻李

氏○甲子

孝端文皇后忌辰遣官祭

昭陵○

上詣

黑龍潭神祠拈香○太子少保協辦大學士

刑部尚書長麟卒予祭葬諡文敏○旌表守

正捐軀四川廣安州監生張鳴岐妻鄒氏河

南唐縣民黃鑰妻馬氏○乙丑諭內閣慶桂

等奏審明偷竊倉米各犯分別定擬一摺此

案驍騎營滿洲馬甲慶幅在朝陽門城上包

班替放膽敢起意釣扇將太平倉米石節年

疊竊實為全案罪魁著照擬處絞即行正法

其聽從盜竊及效尤夥竊之百順等二十五

犯擬以發遣隨同偷竊分贓及知情銷米拉

米之藥王保等十二犯擬以杖徒俱尚覺輕

縱百順等著加枷號三箇月藥王保等著加

枷號兩箇月再行發遣杖徒餘俱照所擬完

結至此案情節所繫甚大京師重地城垣守

衛綦嚴國家定鼎以來立制於九門城上分

設堆撥派驍騎步軍兩營章京率領兵丁輪

班防守每十日交代報明本旗都統等及步

軍統領各派員不時前往稽察並將每班官

兵名冊先期送兵部備覈由該部輪派司員

不時往查定例森嚴具有深意誠以兵可百

年不試不可一日無備非專為查察倉庾起

見也該旗營派撥官兵及該衙門分司稽覈

宜如何認真辦理乃馬甲慶幅自派該城班

之後即令各兵丁不必上城每月索取包班

錢文與同夥百順等八人在城應名該班甚

至藐法肆竊緹城入倉歷有年所章京等曠

班不直毫無管束本旗及各衙門亦漫無覺察而步軍營所派兵丁非但任其包班雇替不加查察並於分派之時概令年老殘疾不能掃街墊道者前往充數試思養兵原以備用似此殘廢無用兵丁即應查革豈容以額設錢糧為伊等養老養病之需况街道係屬平地伊等尚不能供掃墊之役轉令其登高查城又安能不包班雇替耶京城守備如此實屬廢弛已極總因朕不知人所用都統副

都統步軍統領總兵等官皆任意因循無能無恥以致如此朕惟引咎自責未知諸臣知愧否知悔否若尚不知愧悔朕之咎益重在朝竟無可議政之大臣矣所有失察慶福等此次偷米之該旗都統副都統並步軍統領衙門該倉監督兵部查城官員俱著交部嚴加議處其歷年失察各員亦著交部查明分別議處以示懲儆至各該城直班官兵日久曠玩其非附近倉廩處所雖不致有竊米之

案亦難保無包班曠直及衰老兵丁充數等弊自應急為整頓著軍機大臣調查各衙門各旗例案將如何嚴立章程及如何派員認真稽查之處悉心詳議具奏又諭本日御史韓鼎晉條奏請覈戎政以歸實效一款據稱近京各省軍政尚修遠省每視為具文即如川省歷年兵額缺多虛懸上下通同侵蝕兵餉從前有事勦捕及大員閱兵率皆臨時募充等語國家設立營伍給予餉糈以資干

城之衛此全在各該督撫提鎮等平時實力訓練俾人人技藝嫻熟而尤須認真查點足額無虧設一兵即得一兵之用方足以杜虛糜而收實效今據稱四川一省竟有冒支虛糧之事恐他省亦所不免著各直省督撫等隨時嚴密查覈務期兵充實額餉歸實用儻有虛捏冒領情弊該督撫等徇庇容隱不行參奏一經查出即將該督撫等一併嚴懲至武員專以嫻習弓馬為事何得耽逸忘勞乃

據該御史稱川省參遊都守等官近多乘坐大轎費用侈靡尤為訛事該武員等所得餉項無多何能供其揮霍其有侵扣情弊已可概見前歲慶惠前赴西藏以欽差二品大員違例乘轎經朕查出尚經加以懲處況該武員等竟敢恣意妄為罔顧國家體制耶此時該武員等如有乘轎等事著該督撫等即行指名嚴叅懲辦若徇隱不奏別經叅劾亦惟該督撫等是問又據稱川省陣亡兵丁子孫應得賞卹銀兩該將弁等往往刁難不發並假名扣存作為營中公項實則任意花銷已多虧缺等語現在四川及陝楚各省如有從前陣亡子孫未領賞卹銀兩者著該督撫等嚴飭該管將弁會同道府等官訪查確數按名親給毋任影射捏冒致有虛糜又所稱各州縣分汎千把外委原以協同彈壓而川省汎舟竟至于與地方公事亦屬大干厲禁並著各直省督撫等一體飭禁以清積弊而肅

戎行將此通諭各直省督撫提鎮等知之○丙寅上詣山高水長祈雨壇拈香○旌表守正捐軀安徽和州民劉啟鋒妻畢氏○丁卯諭內閣向來天壇三大祀恭閱祝版時祝版玉帛香亭設於太和殿之西香亭設於太和殿之東及恭閱祝版玉帛香行禮後各安設亭內復詣東邊香亭行禮方始昇行朕思香亭之設原因祝版通誠於上帝故必於香亭內上香行禮至昇行時即昇於祝版亭之前今祝版亭安設在西朕祇於香亭前望空行禮尚於義未協嗣後三大祀閱祝版時祝版亭即設於東邊香亭之後朕閱祝版後再恭詣香亭前向祝版上香行禮以昭祇肅○以協辦大學士兵部尚書劉權之吏部尚書瑚圖禮部尚書鄒泰禮部尚書王懿修吏部右侍郎秀寧兵部左侍郎萬

承風工部左侍郎陳希曾內閣學士汪廷珍
為殿試讀卷官○直隸宣化鎮總兵官圖興
阿年老命回京以前任江西九江鎮總兵官
劉榮慶為宣化鎮總兵官○命修築直隸任
邱等州縣長隄並雄縣疊道以工代賑○戊
辰策試天下貢士朱壬林等二百三十七人
於保和殿制曰朕誕膺

昊眷寅纘丕基於今十有六年幸函夏寧謐海
洋肅清惟日孜孜冀臻上理探帝王建極之

原期河漕安瀾之慶刑罰清而民訟息操防
肅而兵制嚴爾多士以敷奏為明誠爰資啟
沃佇聽嘉謨危微精一之旨為帝王道統所
開堯曰執中舜曰用中湯曰建中與中庸致
中和之義有合否朱子謂大學之格致誠正
以至修齊治平始終不外一敬中庸之聖神
功化樞紐不外一誠心法治法一以貫之二
書實括其全能申明其意歟真德秀大學衍
義畧治平而不言何歟唐太宗帝範范祖禹

帝學以及大寶丹床之歲有可採歟洪範皇
極漢儒訓為大中宋儒又以為不然何歟禹
之治河先疏下流禹貢一書可按也若今之
治河則兼欲利漕其治法不過曰疏曰浚曰
塞潘季馴云水性不可拂河防不可弛地利
不可強治理不可鑿此誠不易之論也夫以
隄束水以水刷沙自有成法顧何以濁流或
致分侵運道或成淤澱以借黃濟運苟且目
前不顧後患宜用何策使之涓滴不入又能

利漕其於入口出口隄防牆壩之利宜何如
置力歟國家數百萬漕歲資濟運而施工亦
所費不貲必使清足敵黃黃不倒漕水得過
行帑歸實用始於河漕均有裨益詎可因循
怠忽致失機宜歟虞廷弼教欽恤惟刑周官
大司寇以五刑糾萬民有五禁五戒所以使
勿犯也有三刺五聽所以致其慎也有三赦
三宥八議所以加之仁也肉刑除於何代五
刑之屬三千夏商與周同否法與名何以分

為二家。兵與刑何以合為一典。人命至重。所謂悉其聰明。致其忠愛。豈不在折獄者之無成心。無偏見歟。朕哀矜庶獄。每閱讞牘。再三審慎。以期無枉。無縱。而司獄者或以姑息為陰德。或以武健為勝任。豈稱不剛不柔。受王嘉師之意歟。兵可以百年不用。不可以一日不備。易占利用。書稱克詰。禮有蒐苗獮狩之典。皆於農隙講武。所以振國威也。周制寓兵於農。管子作內政而兵農以分。漢有南北軍之屯。唐有府兵彍騎之制。宋有禁兵鄉兵之殊。元立五衛。明設京兵邊兵。統屬異同。其詳若何。今直省營制。非不勾稽有冊。簡閱有規。校練有期。侵冒有禁。保無有老弱充伍。巡防疏惰。習為具文。而無實效者乎。近日又有團勇。練勇之稱。究竟有益無益。其何以副朕整飭戎行。設兵衛民之意。多士試詳言之。夫心法為宰化之樞。河防為安民之本。刑罰中而祥風洽。訓練謹而武備修。皆致治之要圖。經

邦之大計也。多士學古入官。講求實用。其各以素所誦習者著於篇。毋泛毋隱。朕將親遊焉。○欽差侍郎成格等奏。審明山西民杜子海挾制訛詐。致令縣官自縊一案。得旨。此案杜子海本係蔑倫。重犯。被控到官。該管知縣陳紹貴意存姑息。改寫供詞。從輕審辦。該犯不知感愧。轉藉端訛詐索銀多至數千。以致本官被逼自縊。情節殊為可惡。秋錄應入情實。亦必予勾。杜子海著即處絞。以昭炯戒。○以雨澤愆期。命刑部清理庶獄。並以河南山東缺雨。一體遵照辦理。○賞二等侍衛台保頭等侍衛。為庫爾喀喇烏蘇領隊大臣。○貸興京錦州金州熊岳復州遼陽岫巖各城兵丁旗倉米。○己巳上幸萬壽山。○庚午上詣大高殿行禮。時應宮拈香。○還宮。○諭內閣前據管理欽

天監事務定親王綿恩等奏查得嘉慶十八年癸酉時憲書係閏八月是年冬至在十月內為向來所未有因復查得十九年三月亦無中氣可以置閏應否改為十九年閏二月等語朕思置閏自有一定非可輕言更易恐該監推步之處或有舛錯因降旨交綿恩等再行詳細通查茲據奏稱溯查康熙十九年五十七年俱閏八月是年冬至仍在十一月與

郊祀節氣均相符合今嘉慶十八年閏八月冬至在十月內則

南郊大祀不在仲冬之月而次年上丁上戊又皆在正月不在仲春之月且驚蟄春分皆在正月亦覺較早若改為十九年閏二月則與一切祭祀節氣均屬相符復將以後推算至二百年其每年節氣以及置閏之月俱與時憲無訛等語定時成歲所以順天行而釐庶績

南郊大祀應在仲冬之月上丁上戊應在仲春之月此外一切時令節氣皆有常則今據該監上考下推直至二百年之遠必須改於嘉慶十九年二月置閏始能前後脗合實為詳慎無訛自應照此更正至該監此次推算據稱係時憲科五官正王嵩齡何元泰陳恕何元海四員將十八年時憲書與萬年書校出之後尚該堂官告知復行詳查具奏等語王嵩齡等四員俱著施恩各加二級其管理監

務之定親王綿恩著施恩紀錄二次監正額爾登布福文高監副吉寧陳倫李拱辰高守謙俱著施恩各加一級至從前何以於嘉慶十八年八月率行置閏彼時職司推步者實有錯誤著該監查明如其人尚在應奏聞候旨治罪○諭軍機大臣等松筠等奏閩洋餘匪莊三央囑被擄粵民代懇赴粵投誠一摺洋匪游奕駛竄往往因捕急投誠藉作緩兵之計此等狡獪伎倆已成習慣現在各洋面

俱就廓清莊三等窮蹙乞哀難保非虛飾情詞冀延時日即如該匪所稱並未殺害商賈一節伊等在洋日久糧食俱盡豈能不劫掠商船既肆劫掠又豈能一無殺害况礮械等件若非出於擄掠又係從何得來所稱殊不可信松筠等探聽虛實據該匪竟係詐降即迅速兜剿不可姑息如係實心投首自可循照前此辦理降匪章程妥為安插至該匪因族中命案逃避下海等情著張師誠即行訪

查莊三原籍是否伊族中毆斃人命該匪畏累潛逃或毆差斃命即係該匪之事則投首後亦當治罪如實係宗族命案與伊無干該縣令有心株累致良民被逼為盜即指名嚴叅以憑究辦將此各諭令知之○以祈雨三壇齋戒一日○辛未

上詣

天神壇命

皇次子
皇三子綿愷分詣

地祇壇

太歲壇祈雨慶郡王永璘祭

宣仁廟○御乾清宮召讀卷官入親閱定進呈十卷甲第○諭內閣本日朕恭詣

天神壇虔祈雨澤乘輿進

先農壇東門派出隨祭之阿哥及扈從之御前大臣侍衛等俱於門外下馬步行隨入約

行二里許方至壇所朕由

神祇門進壇時天色未曉及祭畢出壇見

神祇門外路西車轎馬匹甚衆人聲嘈雜該處距壇內不過數十步至朕下轎處祇十餘步如各官員應至該處下馬何以阿哥及御前隨從之人轉於

先農壇門外下馬著交查壇之莊親王綿課等查明是否向例相沿抑係始自此次其

神祇門外係由何處派員稽查彈壓此次門外之車轎馬匹均係何員乘入從何門而進一併查明叅奏不可回護取和朦混了事尋

據叅奏將該管官分別議處並聲明陪祀之王大臣俱已散歸不能按名指叅得旨

壇

廟執事陪祀皆有冊籍可憑無難稽考此係綿課等意存迴護見好著傳旨申飭交軍機大臣將是日在

天神

地祇二壇執事之禮部太常寺等衙門堂司各官並陪祀之王大臣官員查開職名具奏

概行交部議處成親王榮郡王綿偉是日在先農壇外門稽查距壇內稍遠伊二人及隨帶之章京著交部察議莊親王綿課儀親王在壇內稽查未能先時驅逐亦未經叅奏伊二人及隨帶之章京著交部議處莊親王綿課儀親王並著退去稽查

壇

廟差使慶桂年踰七旬不能久立亦著不必稽查

壇

廟其

神祇門外管理路西之護軍叅領等著交部嚴加議處護軍等每名各責二十板護軍統領玉福著交部議處嗣後

先農壇以內各壇宇每遇親詣及遣官祭祀之日俱不准開北街門擅放車轎馬匹所有執事陪祀之王大臣官員均於南街門外下馬步入壇門以內亦不許支搭帳房以昭整肅○又諭宗人府刑部等衙門將問擬軍流

徒罪照例圈禁之宗室覺羅及解部折枷官犯並在京現審案內軍流各常犯叅明情節分別應減不應減開單請旨各摺朕詳加披閱內宗室果敏係因容留旗人在家聚賭情節尚輕著准其減等宗室秀全係因扎傷雇工現已圈禁期滿著免其責罰官犯那昌阿審因挪用庫項叢其擅動倉米係煮粥散賑尚屬以民事為急著准其減等餘俱不准援

減其常犯王步延等著照該部所擬辦理○
壬申

上御太和殿傳臚賜一甲蔣立鏞主毓吳吳廷珍三人進士及第二甲毛鼎亨等九十二人進士出身三甲王禹功等一百四十二人同進士出身○辛酉明圓○癸酉諭內閣給事中陸言奏請勅禁非刑及斷罪應照本律一摺所奏甚是聞刑衙門遇有應加刑鞠之處本有一定制度若私造非刑任意殘酷必至

損折肢體戕害性命殊失國家欽恤之意摺內所稱鸚哥架天平架等名目皆非刑典所應有必係外省州縣任意創為因而相習成風該給事中諒非憑虛臆說著各該省督撫嚴行飭禁如有此等刑具概令毀除儻嗣後再有私行造用者立即叅辦以儆殘酷至於定擬罪名尤應準情酌理按律援引不得意為重輕前曾降旨禁用不足蔽辜及從重字樣近來聞刑各衙門又漸有用未便僅照本

律致滋輕縱請照某律定擬字樣者是於本律之外抑揚其詞深文曲筆又何以昭刑罰之平亦宜永遠禁止以絕流弊內外問刑各衙門各宜凜遵仰體朕明慎用刑之至意將此通諭知之○又諭兵部奏議處失察兵丁偷米之都統副都統等一摺所議非是此案係由鑲白旗滿洲馬甲慶幅自嘉慶十一年閒即首先起意得錢包班藐法絕城入倉偷米同旗夥犯多人蒙古漢軍旗分之馬甲巴

揚阿等相率效尤人數較少今兵部將該旗之都統副都統均議以降二級調用實屬無所區別祿康在鑲白旗都統任內年久於該犯等夥同偷竊多次漫無覺察伊又係步軍統領於應行該班之步甲等率將年老殘廢者派往充數其咎甚重本應將都統及步軍統領一併開缺姑念此案係由祿康派員查拏破案著革退鑲白旗滿洲都統加恩改為革職留任鑲白旗滿洲副都統明志長慶漫

不經心著革退副都統加恩改為降三級留任鑲白旗蒙古都統扎郎阿副都統孟住慶祥前任鑲白旗漢軍都統富明阿副都統成秀蒙其情節祇應議以降一級調用著加恩改為降二級留任總兵英和於步軍營所派該班步甲率以殘廢兵丁充數咎實難辭業由該管營員等獲懲辦亦著加恩改為革職留任○諭軍機大臣等據方維甸瀝忱履奏一摺前因軍機大臣需人朕念方維甸熟習機務是以降旨召伊來京並令伊察看伊母身體情形先行覆奏茲據奏伊母近日心神恍惚難以力疾遠行情詞懇切朕閱之甚為憐憫現在天氣漸熱方維甸母子不能暫離若令其母長途跋涉朕心殊為不忍方維甸著不必來京仍在籍安心養親時屆端陽並加恩賞給方維甸之母香珠一匣香袋一匣香牌一匣摺扇一匣方維甸即告知伊母俾其懽欣頤養可也將此諭令知之○調正黃

旗漢軍都統托津為鑲白旗滿洲都統正白旗蒙古都統福慶為正黃旗漢軍都統以都察院左都御史崇祿兼正白旗蒙古都統調鑲黃旗蒙古副都統貢楚克扎布正白旗蒙古副都統玉福為鑲白旗滿洲副都統以陝西西安軍標副將倭興額為鑲黃旗蒙古副都統正黃旗蒙古叅領烏爾德尼為正白旗蒙古副都統○命湖北巡撫錢楷來京以侍郎用○以山西布政使張映漢為湖北巡撫山西按察使陳桂生為布政使冀寧道錢臻為按察使○裁直隸祁州州判涑水渠強二縣縣丞赤城龍門二縣驛丞設平泉州州判建昌縣縣丞及巡檢赤峯縣縣丞承德府司獄從總督溫承惠請也○緩徵河南缺雨之開封歸德彰德衛輝懷慶河南南陽陳州許汝十府州屬新舊額賦及加價銀○甲戌上幸靜明園詣龍神廟拈香○賞接駕廢員武漢等三十三

名職銜有差○乙亥旌表守正捐軀安徽定遠縣民李貴妻趙氏○丙子

上詣

昭顯廟拈香○還宮○以故烏珠穆沁扎薩克貝勒旺楚克孫圖克濟扎布襲爵○命內閣學士文寧汪廷珍教習庶吉士○旌表守正捐軀安徽歙縣民方維宣妻宋氏直隸曲陽縣民陳見澄妻李氏○以夏至祭

地於

方澤自是日始齋戒三日○丁丑授一甲一名進士蔣立鏞為翰林院修撰二名進士王毓吳三名進士吳廷珍為翰林院編修○是月湖廣總督馬慧裕奏查閱營伍情形得旨所論亦祇一邊近聞各營缺額者多盡被將弁占去此實大病不可膜視應嚴察密訪切勿姑息了事○湖南巡撫景安奏清查限內已完未完銀數數目得旨此事惟以嚴辦新虧勿令牽混舊者密補新者明參已補不容借

用分毫未補不可稽延歲月除此別無辦法

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十二

監辦稅關處督辦庫場起應官李士傑文到督辦司務處發庫上辦事仲庶管理部務翰林院掌院學士隨
學堂政務司留學書院補辦教習李士傑文到督辦司務處發庫上辦事仲庶管理部務翰林院掌院學士隨
閣事稽察欽奉 諭旨事仲庶補辦教習李士傑文到督辦司務處發庫上辦事仲庶管理部務翰林院掌院學士隨
理戶部庫本依先清冊開支總辦理庫支移膳銀與學度支司理官西澤辦事庫單均照舊例辦理常例銀子照
支庫庫摺官李士傑文到督辦司務處發庫上辦事仲庶管理部務翰林院掌院學士隨

嘉慶十六年辛未五月戊寅朔引見新科進

清實錄
嘉慶十六年五月

雷景鵬吳方文張朋來趙廷熙衛如玉崔錫
榮李輝斗席尚清俱著以內閣中書用趙湘
匡守勤袁鍊陳柱勲羅世德林元英朱應詔
周坦沈用維戴南崑俱著以國子監學正學
錄用馮雲鵬梅茂南楊承湛尹作翰周樹槐
鄭長錄胡世墉吳衡照包啟堂劉榮珩王有
為戴廷選張學尹汪理朝張師德司河吳庭
燁楊思敬賀崇禧王寅弼張向辰張景袁如
凱蔡世璣希靈阿萬鼎洋陳蒸鐵林呂璜劉

珊謝元暉楊俊士吳文健李存周林士煥蘇
榮魯鼎曹人傑張連茹高蔚溶李彬蕭斯伊
雲崧白明義賈懋功馬良臣仇琨楊兆璫全
卜年郭淳章盧奎趙克明高凌雲陳大綱劉
鳴鶴著交吏部掣籤分發各省以知縣即用
候選員外郎李瑩著以六部員外郎即行選
用候補主事袁應惇著以六部主事即行選
用額外中書文綸著遇缺即補議敘候選知
縣陶鎔黃熾著交吏部以知縣即行選用無

庸掣籤分發餘著歸班銓選○己卯夏至祭
地於

方澤

上親詣行禮○辛圓明園○庚辰

孝誠仁皇后忌辰遣官祭

景陵○辛巳

上幸萬壽山○命兵部尚書劉權之為大學士
總理工部事務吏部尚書鄒炳泰協辦大學
士以戶部右侍郎江蘇學政劉鏞之為兵部

尚書前任湖北巡撫錢楷為戶部右侍郎○
命內閣學士文寧提督江蘇學政○命吏部
左侍郎玉麟教習庶吉士○以工部左侍郎
陳希曾為武英殿總裁官○賞借健銳營官
兵生息銀五萬兩○癸未

上御勤政殿聽政○諭內閣本日據步軍統領
衙門奏拳獲偷竊豐益倉米石賊犯已交刑
部嚴審定擬具奏矣豐益倉距圓明園宮牆
甚近該賊匪膽敢偷竊官倉米石並拒捕扎

傷巡夜弁兵實屬目無法紀因思皇城及紫
禁城內如有拒捕逞兇及自戕案犯俱從重
問擬例有專條以示禁地森嚴非恒常可比
朕今駐蹕圓明園則相近地界即與禁城無
異著交刑部酌議如朕駐蹕圓明園及巡幸
之處其左近地方遇有竊盜逞兇等案距宮
牆若干里應做照紫禁城之例擬何罪名稍
遠若干里應做照皇城之例擬何罪名酌定
科條奏明載入則例如值不駐蹕之日仍照

常例行所有此案賊犯即照新例辦理尋議請嗣後駐蹕之處竊匪偷竊附近倉廩官廨拒傷官兵者如相距在一里以內刃傷及折傷以上之首犯擬斬立決為從發伊犁給駐防官兵為奴傷非金刃傷輕平復之首犯亦發伊犁給駐防官兵為奴為從杖一百流三千里如在一里以外三里以內刃傷及折傷以上之首犯擬絞立決為從杖一百流三千里傷非金刃傷輕平復之首犯擬杖一百流

三千里為從杖一百徒三年其行竊之罪有重於流徒者各於本例上加拒捕罪二等若拒捕殺死官弁兵丁者無論一里三里以內首犯擬斬立決梟示為從幫毆如刃傷及折傷者擬絞立決傷非金刃又非折傷者擬絞監候未經幫毆者發伊犁給駐防官兵為奴如值不駐蹕之日仍照本例行至謀故鬪毆等案應照例辦理從之○以大學士劉權之為國史館會典館總裁官○甲申諭內閣向

例派員賜奠蒙古親郡王等差係由領侍衛內大臣將侍衛及四五品京堂繕寫名牌進呈候朕欽派其所遞名牌於已經派過之人並不註明或有甫經差旋又復派出者此項差使自應輪流遣派週而復始以均勞逸嗣後遇有應行差遣之處著於呈遞名牌時即將已經派過之員扣除○諭軍機大臣等那彥成奏密陳甘省彌補章程一摺據稱口外鎮西府迪化州等處俱經查明並無虧短惟

口內各廳州縣截至十五年年底止尚有未歸庫項未歸倉糧共銀二百一十一萬五千餘兩內除已經報部覈銷尚未撥給之軍需又提貯糧價及流抵攤銷各項外其無抵者共銀一百七萬五千餘兩均請勒限十年分別追繳等語甘省瘠苦情形倍於他省倉庫虧缺已非一日姑照該督所請准其分限追完以清款項惟是清查之法總以截止新虧實籌彌補為最要近來各省督撫往往立限

於前及屆期不能全完又復請展於後是名為彌補實啟延宕之端且舊虧未補新虧續增年復一年終無了期成何事體該省倉庫既以截至嘉慶十五年年底為止即著按限嚴逾提貯司庫勿任稍涉延緩至十五年以後倉庫該督尤當嚴飭所屬認真稽察不准再有絲毫虧短將此諭令知之○以甘肅春夏缺雨糧價昂貴命於省城減價平糶○旌表守正捐軀山東青城縣民萬狗子母王氏

○乙酉諭內閣上月二十四日朕恭詣三壇祈雨禮成出壇見

神祇門外車轡馬匹甚多當將稽察

壇

廟之王大臣等交部分別議處並降旨交軍機

大臣將是日在

天神

地祇二壇執事之禮部太常寺等衙門堂司各官並陪祀之王大臣官員查開職名具奏

概行交部議處茲據軍機大臣查明開單呈覽本應全行交議惟念向例致祭

三壇朕不親詣行禮執事陪祀人員由北街門入壇將事相沿已久因致前次朕躬祭

天神壇

神祇門外竟有車馬擁擠人聲嘈雜之事所有是日赴壇之王公大臣京堂等率屬將事自應恪恭整肅御史有稽察典禮之責均非不諳體制者比乃於隨從人役車馬不自約

束咎實難辭著交部議處至執事陪祀之司員章京等雖亦有應得之咎但係因見王大臣等停放車馬相率效尤著加恩免其議處現已有旨於初十日朕復親祀

天神壇虔求雨澤僅屆期再有車轡馬匹在神祇門外左近停放者定當嚴行懲治不能復邀寬貸至向來

三壇內有太常寺印宅公所禮部太常寺執事官及壇戶等均由北街門出入除遇朕親

詣致祭之日。各官俱改由南街門出入。關閉北街門。不准行走。外餘日。仍著照常。由北街門出入。○又諭。昨因太平倉廩座有從城上釣扇偷米之案。業經查辦。示懲。因思萬安倉亦附近城牆。難保無匪徒偷竊情弊。特派王福等前往履勘。茲據奏稱。勘得鑲白旗滿洲及正白旗滿洲蒙古漢軍堆撥地方。城牆上共有繩痕九十餘道。深廣自二三分至寸餘不等。可見萬安倉亦有釣扇偷米情事。著倉

場侍郎即赴該倉詳細履勘。有無偷竊痕跡。並將額貯米石盤量。有無虧短。據實具奏。正白旗滿洲蒙古漢軍都統副都統等。於該處堆撥係派何人看守。平日因何未能查察。均著明白。回奏。鑲白旗兵丁。前於偷竊太平倉米案內。現有在刑部枷號者。並著該部堂官。提訊該犯等。有無偷竊萬安倉米石情弊。及另有同夥之人。一併訊明覆奏。○丙戌上詰

時應宮拈香。○還宮。○以祈雨。

三壇齋戒一日。○丁亥。

上再詰。

天神壇命。

皇次子。皇三子綿愷分詰。

地祇壇。

太歲壇祈雨。○命再於。

黑龍潭及山高水長設壇祈雨。○諭內閣本。

日朕親詰。

天神壇虔誠祈雨。執事各員宜如何敬慎。祇肅。乃派充典儀之贊禮郎圖薩於應行唱贊送。

神時率行唱贊送燎。實屬褻慢不敬。若係他人唱贊錯誤。不過交部嚴議。處以革職。即問罪亦止於發遣。圖薩係曾經身犯命案。問擬絞罪之人。彼時因伊父扎郎阿熟諳壇。

廟禮儀。特加恩賞發交伊父在家管束。嗣據伊

父扎郎阿稱其悔罪自新。諳曉禮節。唱贊熟練。復錄用為贊禮郎。又經補授實缺。伊此次派充典儀。自應倍加小心。無敢褻越。乃竟漫不經心。罹此錯誤。其咎較重。現已革職鎖拏。著交刑部。即於明日定擬具奏。至扎郎阿平素並不認真教誨伊子。輒屢次在朕前飾詞妄譽。此次復將伊子派充典儀。希圖見長。邀恩實屬徇私不職。本應即予罷斥。姑念其充當

壇

廟差使有年。著加恩仍降為贊禮郎。即補伊子所出之缺。哈寧阿。明志二人亦屢次在朕前稱譽圖薩。並將伊派充典儀。明係袒庇同僚。曲為援引。均應交部嚴加議處。惟本日哈寧阿於圖薩錯贊送燎之時。仍贊引送神儀。注於行禮節次。得以如儀。尚不致誤。哈寧阿著從寬交部議處。明志著交部嚴加議處。其餘管理太常寺福慶等各堂官均著交

部議處。惟馬履泰係屬漢員。不諳清語。著加恩免其議處。再本日贊樂之贊禮郎。於圖薩錯贊送燎時。若仍贊送

神樂。則錯誤益甚。併未贊樂。實屬胸有定見。又司祝之贊禮郎。及司香帛之在前列者。俱能循照定儀。並未相率錯誤。此三人均熟諳儀文。著加恩各賞給小卷紗一匹。以示獎勵。嗣後有似此曾經身犯重罪。得邀寬宥。續經錄用之人。遇有一切

壇

廟祭祀差使。俱不准派充執事。以昭誠肅。著為令。○以署正白旗漢軍都統來儀。為鑲白旗蒙古都統。○戊子。上臨莊靜固倫公主園邸賜奠。○諭內閣。圖薩充當

天神壇典儀。於應唱贊送

神時。輒唱贊送燎。實屬褻越不敬。刑部擬以斬立決。自為罪所應得。但念伊年幼糊塗。因

伊父扎郎阿平素不行管教飾詞妄譽且徇私派充典儀以致唱贊錯誤經刑部審訊時尚昏然不知是其身罹大辟實由伊父溺愛之故其罪尚可末減圖薩著改為斬監候秋後處決○又諭王寧戴均元奏查出豐益倉盈餘米石分別辦理一摺該倉稭稜二米現在盤出盈餘八千一百餘石既據奏稱嘉慶十四十五兩年大通橋車戶有應賠額內掣欠稭稜米一萬四百一十七石逾額掣欠一

萬二百三十一石著照所請即將此項盈餘之米准抵該車戶應賠十四十五年逾額掣欠其餘不足之數仍照該侍郎等原奏分年扣繳其請將稭米作正支放稭米分別搭放之處並著照該侍郎所請行○以米價昂貴命五城設廠平糶派都察院左副都御史潤祥等十員監糶○緩徵山東歷城章邱新城淄川長山齊東齊河濟陽禹城陵德平原德平鄒平聊城莘堂邑博平茌平清平高唐

恩館陶冠東平泰安新泰萊蕪惠民青城陽信海豐樂陵商河濱利津霑化蒲臺臨清武城邱夏津濟寧金鄉嘉祥魚臺四十六州縣及德州東昌臨清三衛東平所本年旱災新舊額賦貸章邱新城淄川長山新泰萊蕪東平濟寧滋陽陽寧陽曲阜鄒泗水嶧壽張滕汶上陽穀濮朝城蘭山莒費沂水二十四州縣及濟寧衛倉穀○己丑

上詣山高水長

祈雨壇拈香○庚寅遣官祭

關帝廟○諭內閣向來京師平糶俱於城內及關廟處所分設廠座第念城外貧民入城赴糶其道較遠之處來往維艱并或日暮趕城不及既非所以示體卹且甲米出城向有例禁若令小民糶米出城轉恐甲米藉此影射透漏無所區別尤難稽查所有此次平糶廠座即著於城外擇地分設以便民食而杜弊端嗣後凡遇平糶俱照此辦理著為令

○又諭前因正白旗堆撥城牆上查有繩痕當經降旨該都統等查各堆撥係何人看守平日因何未能查察著明白回奏昨據該旗滿洲都統等繕具清字摺覆奏寥寥數語祇請將該班章京交部議處並自請察議本日據蒙古漢軍都統覆奏所言大率相似自係觀望滿洲旗分覆奏後鈔錄摺底依樣誦蘆聊以一奏塞責均屬非是近來管理旗務王大臣一味因循毫無振作朕實憤懣看守堆撥官兵有無情弊首以包班頂替為重該都統等並不就此確切查明據實奏率以並無偷米情事顛預請予處分亦何以服該班章京等之心綿恩等均著傳旨申飭除崇祿緒莊烏爾德尼到任未久及福慶在任未幾旋即調任均加恩免其察議外其餘都統副都統該班章京等仍著查明所管堆撥各兵有無包班頂替情弊據實覆奏再降諭旨○又諭恩長奏擎獲糾眾不法匪徒首夥多名

審明按律定擬一摺此案匪徒王勝子與常幅魏二膽大羅洪道高二喫杯茶等五人乘地方歉收勾結無賴夥眾七十餘人在南陽府屬裕州葉縣舞陽泌陽等處搶奪村將錢米拋撒誘惑貧民並敢於官兵擒捕之時持械抗拒不法已極必當嚴辦示儆所有已獲各犯除首犯常幅等四名該撫已審明正法梟示外其餘各犯罪名著交刑部建議具奏至地方官遇有此等案件自應趕緊查辦方可淨絕奸宄寧謐閭閻恩長前於得信之後遷延多日始往查辦迨行至中途又藉稱獲犯業已解送前來就地審辦不復馳抵該處督緝撫綏怠玩已極節經降旨嚴飭今據該撫奏稱該州縣等於此案匪徒滋事之後自四月初一日至十二三日從無一字稟及甚至初九日在葉縣地方有抗拒官兵重情猶且隱匿不報直至行查後始以一稟塞責等語可見該撫平素諸事疲玩本不以地方

公務為重。以致屬員毫無忌憚。不復有巡撫在其目中。相率顛頊廢弛已極。又本日摺內將此等匪徒目為流匪。尤不成話。從前邪匪滋事。聚集多人。一經官兵勦辦。亦即全數撲滅。不能任其流竄。何況此等村市棍徒。不過糾夥數十人。就近搶劫。又何得加以流匪之名。駭人觀聽。措詞更屬不倫。恩長前於已革道員林樹芳劣跡未能先為查叅。經朕降旨查詢。自請處分。本有應得之咎。今又玩視地

方重務。著併案交部加等議處。至該撫請將葉縣李賓革職之處。尚不足以示儆。李賓著革職。發往烏魯木齊効力贖罪。裕州知州錢培善。舞陽縣知縣許明。泌陽縣知縣張兆安。均著交部嚴加議處。該管知府定倖。本係棄瑕錄用之人。於地方匪徒不能認真查察。其咎亦重。並著交部嚴加議處。其千總聞元。一經得信。即能帶兵往捕。并身先射斃賊匪一人。匪徒始畏懼散走。尚屬奮勉。著加恩賞戴

花翎。以守備補用。其首先開鎗斃賊一名之營兵李玉芳。著加恩以外委拔補。至此案尚有未獲首夥王勝子等二十餘人。必當一一按名查拏。悉數懲辦。除交該省地方官上緊勒緝外。並著鄰近之湖北安徽山東直隸陝西等省督撫。一體飭屬嚴拏。無任免脫。就獲後一面奏聞。一面解往河南交該撫歸案審辦。其王勝子一犯。並當凌遲處死。以昭炯戒。○辛卯。以詹事府少詹事茹霖。著日講起居

注官。○江西南贛鎮總兵官明泰。年老留京。以副都統補用。以鑲黃旗漢軍副都統納爾松阿。為南贛鎮總兵官。○壬辰。諭內閣。御史景德奏。禁止都城擅拆房舍一摺。所奏甚是。京師第宅雲連。市廛密布。為四方會極之區。大小街巷。設立堆撥柵欄。分派弁兵。晝巡夜察。法至備也。向例房舍牆垣。遇有傾圮。即令報官修整。以復舊觀。乃近年以來。竟有私拆房間。將甍瓦木植零星售賣者。積日既久。

衙巷之間漸多隙地。皇都四民輻輳。何以壯肅觀瞻。甚至巷宇毗連之處。來往成蹊。而柵門之啟閉。轉同虛設。於擊柝禁暴之義。必致防檢多疏。步軍統領衙門。專司管轄。廢弛若此。咎將誰歸。除吉綸甫經到任外。祿康英和均著傳旨申飭。嗣後內城房屋。遵照定制。概不許私行拆毀。其歲久坍塌者。責令隨時修葺完整。儻有仍前私售輒木。該管地界官兵。立即報明飭禁。若官兵明知故縱。查明懲處。

從前步軍統領有兼御前大臣者。尚云事務繁賾。稽察未周。今祿康管理吏部。又不兼司旗務。尤當專心將步軍營一應事宜。詳考舊章。認真整頓。毋得因循姑息。置諸務廢弛於不問也。○又諭。向來吉林動用濬餘。買補額濬。係為官濬。交不足額而設。上年商買餘濬。較官濬多至數倍。是所產未嘗不豐。如果廣募創夫。何至官濬短絀。轉向商人購買足額。其中即難保無影射情弊。賽冲阿松寧等辦

理不善。咎無可辭。著交部議處。至減票歸公名目。前於嘉慶四年奏明。在抽收濬餘項下劃扣抵充。該處官兵俸餉。歷年遵辦有案。是票張雖減。銀款並未裁除。何以該將軍等摺內有減票歸公三十五張印照三張。於現在減票內一併裁去之語。而本年二月內奏報上年抽收濬餘銀數單內。又未將此項減票歸公銀兩開載。尤屬含混。並著該將軍等明白回奏。所有短放票張之承辦各員。除阿勒

楚喀足額外。其吉林伯都訥三姓。短放票張之應議職名。著該將軍等查明咨部。照例議處。嗣後該將軍等於官濬額數。務須遵照奏定章程。實心經理。不得恃有濬餘買補。轉致官濬短絀。自干咎戾也。○吏部以大學士劉權之應定何殿閣。請得旨。著為體仁閣大學士。○旌表守正捐軀河南郟縣民王學妻王氏。○癸巳。

上詣

黑龍潭神祠拈香○予熟悉水師之已革福建提督張見陞千總銜金門鎮總兵官吳奇貴把總銜閩安協副將張世熊外委銜俱發往水師營効力過缺補用○甲午以候補副都統明泰為鑲黃旗漢軍副都統○乙未上詣山高水長

祈雨壇拈香○諭內閣吏部奏議處河南巡撫恩長等一摺朕聞恩長在河南巡撫任內官聲平常伊前此失察同城道員林樹芳劣

跡未叅本有應得之咎近日復據伊奏該省中牟縣缺出有縣丞冒冠惠稟許賄銀求升一事雖據欽差訊明恩長尚無授意情事但該撫若素無此等情弊屬員何敢冒昧為此是此次伊特因冒冠惠率行稟求形諸簡牘遂迫於不得不奏之勢非必其峻絕干求也至現在該省裕州等處匪徒糾搶一案該撫先則查辦遲緩繼復中途逗遛怠玩已極而昨又據伊自行奏稱該州縣等於案犯滋事

之後延不稟報者多日直待行查始知等語自由恩長平日辦事疲軟屬員等心存藐視不復畏其風厲相率廢弛恩長豈復能勝巡撫之任本當照部議革職姑念伊辦理此案於首犯五名內已拏獲四名惟王勝子一名未獲其夥犯亦經緝獲多人著加恩以三等侍衛補放烏里雅蘇台叅贊大臣以觀後效其河南巡撫員缺著長齡補授長齡未到任以前著錢楷暫行署理恩長俟錢楷到豫交代後再行馳驛起程○丙申

代後再行馳驛起程○丙申

上幸萬壽山○丁酉諭內閣昨據掌院學士曹振鏞桂芳奏新科庶吉士內派習清書者三人未免過少國初庶吉士分習清書係與漢書各半雍正年間每科派十四五員十七八員不等嗣於乾隆十六年欽奉

皇考高宗純皇帝諭旨除雲貴川廣邊省不派外其直隸山東河南山西陝西等省庶吉士若在三四員以上派一二人江浙等省庶吉

士在五六員以上派二三人每科通計在十人內外定制昭垂自當循例酌派若為數太少亦不足以備典制而均教育除本科業經派定無庸增改外嗣後每科清書庶吉士著遵奉乾隆十六年

諭旨仍酌派在十人內外勿致過少○戊戌

上詣

大高殿行禮

時應宮拈香○還宮○戶部議准廣東巡撫

韓鈞疏報番禺香山恩平三縣開墾水田二

十七頃有奇照例升科從之○以得雨報祀

三壇齋戒一日○己亥

上詣

天神壇命

皇次子~~民~~皇三子綿愷分詣

地祇壇

太歲壇謝雨○辛圓明園○庚子

孝恭仁皇后忌辰遣官祭

景陵○諭內閣前因京畿一帶雨澤愆期特派阿哥親王等虔禱

三壇朕復親詣

天神壇祈祀二次嗣於十三十七日仰蒙

神貺連沛甘霖是以於二十二日躬申報祀

典禮並因旱久地燥恐尚未能霑足仍係以

報為祈昨於禮成回園途間復蒙濃膏普被

連宵達旦雨勢至今猶復綿密因思前日

天神壇贊禮錯誤止係圖薩一人其餘太常

寺各官尚能恪恭將事著交軍機大臣查明

太常寺各堂官前因圖薩被議者係何處分

並本身有何另案處分及在壇上執事之贊

禮郎等有無處分之處一併詳細查明分析

開單具奏候朕再降恩旨尋奏上得旨兼管

太常寺事務之禮部尚書福慶太常寺卿色

克精額少卿舒寧係降二級俱著加恩開復

兼管太常寺之禮部侍郎哈寧阿等係降三

級著加恩開復二級其兵部侍郎明志前因

神樂觀開設茶館不行驅逐所得降二級處分及已降贊禮郎之扎郎阿失察馬甲克星額剴墳一案得有降二級處分並著加恩開復少卿馬履泰以不諳清語前已加恩免其議處此次無庸再行加恩至單開之贊禮郎及寺丞讀祝官委署博士等共十八員俱並無處分著加恩各加一級以示朕仰體

昊慈特數闡澤至意再臣工得受恩典者應否叩頭謝恩向來按職分大小定有限制乃近

日每多越分即如二十二日朕自壇回園因隨扈之大臣官員等在途遇雨加恩賞給紗葛一時謝恩各官漫無區別乃至大門侍衛鑾儀衛章京及上虞備用處侍衛拜唐阿等俱隨同叩頭成何體統所有各該管官著傳旨申飭嗣後均須恪遵定例除王公大臣部院堂官御前乾清門侍衛內廷行走各員俱准叩頭謝恩外其餘卑秩微員毋得混行攙雜以杜僭逾如有違例叩頭者將不行約束

之該管官交部議處此次加級之太常寺贊禮郎等即著不准叩頭○定祈雨辦理減等人犯例又諭本日刑部具奏京城普被甘露遵例停止軍流減等一摺前因京畿一帶雨澤稀少豫東二省亦俱奏報缺雨降旨交刑部清理庶獄將軍流以下各犯分別減等並著豫東二省一體遵照辦理以冀感召祥和甘膏速沛本月十三日以後連次得雨四野均霑朕於二十二日躬詣

三壇報祀仍復默籲

神麻旋即陰雲密布朕禮成回園途間大雨滂沱已極優渥自昨夜至今連宵達旦尚復廉纖未已仰見

昊慈眷注誠切感孚實深欽慰所有此次減等發落之軍流以下人犯如照向例即於二十

二日停止尚非朕仰荷天和推恩布澤之意著加恩再行展限三日並著豫東二省亦一律遵照於得雨三日之後

停止嗣後遇有祈禱雨澤酌減軍流以下案犯俱著於大霽甘霖三日之後再行截止○
辛丑

上幸靜明園詣

龍神廟拈香○命都察院左都御史崇祿順天府府尹初彭齡馳往福建審案○以工部尚書王集署都察院左都御史都察院左副都御史帥承瀛署順天府府尹○壬寅以故奉恩將軍寧章阿子英隆襲職○癸卯諭內

閣前派兵工二部堂官等前往各城周歷四面城垣詳查有無繩物繩痕茲據覆奏各城垣上繩痕共有一千餘道其中有因興舉城工總取料物者有因芟除城牆草木繫繩總下者並有堆撥官兵乘便取用什物以致日久牽曳繩跡滋多等語京師重地周圍城垣自應一律整齊每遇興舉大工例有架木天橋可以轉運本不應於城上總取即尋常工程閒或就近總取料物及芟除草木致有牽

曳繩跡事竣後著隨時責令立加修整至堆撥官兵應用什物各城均有馬道可行何得於城上乘便取物毫無忌憚實屬藐玩除舊有繩跡著工部堂官等勘明修葺外此後附近堆撥地方城垣上如再有繩物繩跡即將該處堆撥官兵治以應得之罪其應如何酌定罪名著刑部另議專條具奏並纂入則例尋議嗣後在城該班兵丁取用什物不由馬道行走仍乘便由城上總取者照違制律杖

一百再加枷號一箇月若該管員弁疏於稽察經查城官員看出繩跡即將失察員弁交部議處兵丁仍按律治罪從之○諭軍機大臣等勒保等奏堵閉禦黃鉗口兩壩並現在湖河水勢及黃河兩岸隄工情形一摺已於摺內批示均應如所奏辦理至摺尾稱海口北岸並無人烟之地現在隄裏隄外面面皆水低窪之處水高於隄所有該處工程應俟秋閒黃水消落時相機辦理等語上年堵築

馬港口工程。南北兩岸新隄。係一律培築。況北岸地勢較高。何以轉有漫溢之水。明係北岸隄工疏於防範。又有缺口。該督等前此諱匿不奏。此時始漸於摺內透露。殊屬粉飾。黃河形勢。全在海口深通。方無他病。今該處散漫若此。去年挑挖工程。豈不全歸虛擲乎。現在黃河入海之路。舍正河之外。別無他途。應如何趕緊堵築。將水勢輓歸正河。使不致海口受淤之處。著即妥籌速辦。將此諭令知之。

○以刑部尚書百齡病未全愈。改授都察院左都御史。轉左都御史崇祿為刑部尚書。○內閣學士王綬因病乞休。允之。○旌表守正捐軀廣東陽江縣民張益明聘妻曾氏。○甲辰。

上幸萬壽山。○旌表守正捐軀河南羅山縣民趙元興妻彭氏。○乙巳。

上御勤政殿聽政。○諭內閣倉場侍郎會同巡漕兩御史議奏。李亨特請將南糧全數自楊

村起剝到壩一摺。所駁甚是。南糧軍船例應到通起卸。偶因楊村水淺。不得已始用剝船。原非定制。剝船除官設一千五百隻之外。其由直隸添雇者。即不能及官設之數。軍船遇水大之時。起四存六。遇水小之時。起六存四。向係輪轉應用。惟三進軍船未後數幫。因恐回空太遲。閒或全數起剝。亦緣三進之後。更無幫船。始可將剝船儘用。今若照李亨特所奏。頭二三各進幫船。於行抵楊村之時。俱令

全數起剝。則所需剝船過多。何由數用。勢必前後積壓。欲速轉遲。重運回空。豈不兩有耽誤。所請斷不可行。李亨特曾任坐糧廳。乃不能諳悉情形。率為此奏。殊屬冒昧。著交部議處。○又諭。兵部議駁勒保奏減松江五營馬兵。改為戰守兵。酌減馬匹一摺。所駁甚是。國家設立兵防。馬步戰守。各有定制。額設馬匹。原供操演乘騎之用。不宜漫議更張。今勒保以松江係屬水鄉。請酌減馬匹。以節糜費。該

處即地氣卑溼亦當設法餵養豈可因噎廢食況該營馬匹前經節次裁減所存已屬不多若再議裁減成何體制恐該營官兵平素不善餵養甚或侵食馬乾以致虧短缺額此時欲藉以朦混掩飾倡為此議亦未可定設松江一處如此辦理其餘各處海疆亦俱援照此例紛紛效尤殊非慎重武備之道勒保久任封疆在軍營有年自應熟諳兵制乃輕聽人言不加詳審率行奏請殊屬不合勒保著交部察議○又諭刑部奏稱河南省秋審題本有楊煥章一起於情實後尾內將該犯擬入情實而緩決後尾內復將該犯擬入緩決所擬實緩兩歧之處請飭令該撫覆行詳覈定擬等語秋讞重典理應詳慎乃以一犯兩議罪名出入攸關該撫與臬司辦理此案實屬草率朦混著該撫即將該犯應緩應實定擬具奏交部覈辦並將因何錯誤緣由查明一併覆奏恩長著交部議處趙宜喜專司

刑名著交部嚴加議處○以浙江金華協副將范建志為衢州鎮總兵官○旌表守正被戕河南汝陽縣民李德興女李氏守正捐軀江蘇崑山縣民傅榮美妻顧氏○丙午諭內閣刑部議覆御史甘家斌奏請嚴定西洋人傳教治罪專條一摺西洋人素奉天主其本國之人自行傳習原可置之不問至若誑惑內地民人甚至私立神甫等項名號蔓延各省實屬大干法紀而內地民人安心被其誘惑遞相傳授迷罔不解豈不荒悖試思其教不敬神明不奉祖先顯畔正道內地民人聽從傳習受其詭立名號此與悖逆何異若不嚴定科條大加懲創何以杜邪術而正人心嗣後西洋人有私自刊刻經卷倡立講會蠱惑多人及旗民人等向西洋人轉為傳習並私立名號煽惑及衆確有實據為首者竟當定為絞決其傳教煽惑而人數不多亦無名號者著定為絞候其僅止聽從入教不知悛

改者發往黑龍江給索倫達呼爾為奴旗人
銷去旗檔至西洋人現在住居京師者不過
令其在欽天監推步天文無他技藝足供差
使其不諳天文者何容任其閒住滋事著該
管大臣等即行查明除在欽天監有推步天
文差使者仍令供職外其餘西洋人俱著發
交兩廣總督俟有該國船隻到粵附便遣令
歸國其在京當差之西洋人仍當嚴加約束
禁絕旗民往來以杜流弊至直省地方更無

書奏事

十一

西洋人應當差役豈得容其潛往傳習邪教
著各該督撫等實力嚴查如有在境逗遛者
立即查拏分別辦理以淨根株○又諭軍機
大臣慶桂等議奏城班章程一摺所議俱是
京師城垣守衛舊制本極周詳祇因日久廢
弛以致該兵丁等包班舞弊而該管之大臣
視為具文並不認真查察殊隳舊制經此番
申明定例分別責成加以鈐束章程已為嚴
密各該大臣等務當督飭官兵實力遵行勿

再始勤終惰方於守衛有益嗣後該都統副
都統等並著於本管官兵直班之時輪流親
往密查不必約會時日使該班官兵常存畏
忌庶免懈弛滋弊設該都統副都統等查有
包班曠玩等情惟當據實嚴叅勿稍瞻徇其
失察之咎轉可寬免摺內著無庸自請處分
慎勿仍前疏慢因循致干咎戾

書奏事

十四

大清仁宗受天興運敷化綏猷崇文經武恭
勤儉端敏英哲睿皇帝實錄卷之二百四十三

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百四十四

臣等謹將本年內各官奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此
吏部奏請開缺等因奉聖旨該部知道欽此

敕修

嘉慶十六年辛未六月丁未朔○戊申諭內

閣。朋素克琳沁奏請將莊靜固倫公主金棺請至土默特地方安葬等語。朋素克琳沁。本係土默特蒙古。若所管地方公事。原可自行具奏。若為伊家事務。自應呈明理藩院轉奏。今竟膽敢單銜具奏。實屬越分妄為。朋素克琳沁前曾被屬下人等屢次控告。是以安置熱河居住。嗣因將四公主指婚與伊子瑪呢巴達喇特沛殊恩。令其來京授為副都統。賞給二等台吉。今乃如此冒昧。顯欲誇耀於眾。

蒙古從中聚斂。實係不安本分。著革去副都統及二等台吉。派蘇冲阿帶領理藩院司員。即日解往馬蘭鎮交福長安團禁管束。若於二三年內安靜改過。再行奏聞。朕必酌量降旨。儻再不悛改。即據實嚴叅。不可瞻徇。○以理藩院右侍郎吉綸大理寺少卿福克精阿為正黃旗蒙古副都統。○己酉。以故土爾扈特扎薩克貝子恭坦子巴勒丹喇什襲爵。○庚戌。以王營減壩隄工。整塌革江南河道總

督陳鳳翔翎頂疏防員弁革職逮問。○辛亥。諭內閣張師誠奏。閩洋盜匪二起先後投首。情節不同。請旨覈辦一摺。洋盜悔罪投誠。自當察其情節。真偽隨時區別辦理。閩省盜匪林蔡因家有老母。不願在洋為盜。現將盜首莊補殺斃。帶同夥眾乞投。并將船隻礮械一併呈繳。察其情詞懇切。悔懼出於至誠。林蔡等著加恩准其投首。毋庸再行治罪。伊等如有情願出洋効力者。准其分撥兵船隨緝。餘

俱遞籍管束至蔡井一起雖據稱有悔罪之意而游移觀望不遽投誠因聞兵勇圍拏始行赴官自首雖未便仍照洋盜本律辦理亦不能竟予寬縱盜首蔡井及其同行之高啟等五犯均著免死發黑龍江等給披甲人為奴其曾經在船接贓一次之柳夢等二犯亦著問擬杖徒以示懲儆餘俱照該署督所奏辦理又據另片奏兵船出洋捕盜情形金門鎮總兵朱天奇追及盜船親自督兵攻捕以致受傷多處仍復帶傷進攻擒獲盜匪七十餘名殊為奮勉朱天奇著加恩先交部議敘如果再能將此幫匪船一律勦淨尚當加以優獎所有此次傷斃兵丁陳蓋著照例咨部賜卹其現獲各犯交該督撫審明定擬具奏○予堵水淹斃阿克蘇伯克依斯瑪依勒卹典並賞卹被水回民○旌表守正捐軀甘肅隴西縣民喬得庫女喬氏○壬子諭內閣五月二十八日御史韓鼎晉密奏風聞近日內

城聚賭之處甚多大約俱係諸大臣之轎夫開局等語當即密飭祿康英和查辦旋據拏獲杏花天賭棍一起人犯又聞明亮家轎夫亦有此事及至往拏人俱逃散祇有空棚嚴訊看街兵役始知素日得錢未報及王福送信等事朕面詢明亮伊俯首認罪辭色之間未盡輸服復命軍機大臣傳問諸大臣中尚有轎夫聚賭之事否命伊直陳伊未能直指何人但云心疑祿康轎夫亦曾聚賭伊家如此是以效尤近於報復不成話矣朕思祿康係寬厚之人或不能約束亦未可定若不查辦無以服明亮之心即密令英和桂芳迅速查拏今將開局轎夫頭徐四訪實又拏獲看門之三人英和桂芳能不避嫌怨不辱君命甚屬可嘉昨日所得處分英和桂芳俱改為降三級留任郎中尚燁主事岳琳每人賞紗一件再賞加一級番子頭目四人每人賞葛布一件廣儲司銀十兩以示獎勵○又諭御

史韓鼎晉於前月二十八日奏請查拏內城賭博後現在數日之間即經拏獲三起可見該御史所奏確實甚為可嘉著加恩交部議敘○又諭毓秀溫承惠奏查辦園場北柵外店鋪窩鋪一摺所有北柵外舊有大道旁開設各店鋪即著照所議分別存留拆卸辦理其該處租種蒙古地畝民人亦應定立章程不得在距柵木三十里以內招認開墾搭蓋窩鋪以杜偷漏園場鹿隻茸角嗣後距柵木

三十里以內有開設店鋪及開墾地畝者如何責成查禁其查禁不力之該管地方並招募民人開墾之蒙古扎薩克章京等作何查叅辦理並著直隸總督會同熱河都統妥議章程具奏○又諭昨諭軍機大臣傳詢明亮令將伊轎夫開場賭博一事曾否素知並伊何以知有御史條奏禁止賭博一一據實具奏今據伊登答各條顯多詭飾前日步軍統領衙門奏明亮於伊轎夫另住房屋之時曾

傳喚該處步軍校到家面為囑付今明亮稱該步軍校並非由伊傳喚前往係因轎夫另覓房屋自赴明亮家關白伊因囑以轎夫僕或滋事即隨時查拏等語步軍校並非明亮所屬若非明亮遣人傳喚何為到伊家中殊非情理至明亮稱伊於御史叅奏轎房賭博一事係聞朝房窗外有人傳說不能辨其為何人聲音等語更不成話明亮曾經奏稱伊從前因默放爆竹致將一耳震聾況時常召

見常有錯聽朕語之時伊平日既未能審聽語言此時在朝房內何以又聞窗外之言且既不能辨別聲音又何由詳悉語句其為掩飾更不能問而知即窗外私論密奏之事亦必低言細語斷無高聲大喊之理皆由伊從前在軍營中習慣編說今陋態未除諸欠真實至伊是日遣家人王福進城或竟係送信轎房亦未可定今伊稱係派令進城查察無論其詞不足憑即使果如所言亦屬辦理不善

伊既欲查拏轎夫賭博即當不動聲色親自進城徑往查看則轎夫自不能散走何必派人往查致轎夫等聞風逃逸耶此事明亮於奉旨傳詢之後不肯據實直陳本當即行褫革懲治惟念伊舊有軍功現在加恩用至協辦大學士年將八十無庸再向詢問著先交部嚴加議處其究竟有無知情之處著軍機大臣仍會同刑部將伊家人等研訊具奏尋議革職得旨明亮身為協辦大學士兵部尚

書本應坐轎若僅止失察轎夫聚賭自行據實陳奏請罪不過交部議處即議革職亦必加恩留任乃於轎夫開場聚賭平日既不能約束得信後又授意家人進城送信致令該轎夫等聞風逃逸種種迴護欺飾殊失大臣之體不勝協辦大學士尚書之任本應照部議褫職姑念明亮前同阿桂平定金川著有功績嗣勦辦三省邪匪於湖北孝感殲斃賊衆保護地方亦有微勞此次係因文職任內

獲咎著將伊所有太子少保銜內大臣協辦大學士兵部尚書鑲藍旗滿洲都統閱兵大臣管理稽察

壇

廟事務上書房總譜達清字經館總裁紫禁城騎馬雙眼花翎全行革去至伊所得伯爵係由軍功給予著加恩仍留三等襄勇伯降用二品頂帶賞給單眼花翎並賞給副都統署理富蘭鑲黃旗漢軍副都統出差之缺仍管

理火器營事務輪流直班○又諭李亨特奏黃水節次漲發計有六尺三寸因西北風勢勇猛儀封汎大隄於本月初一日卯時坐壘過水等語該處坐壘過水僅有十一二丈口門不寬且未掣動大溜施工尚易該河督急須加緊搶鑲剋期堵閉切勿再有疏懈至此次隄岸坐壘究係疏防所致該河督於奏報時自當奏請處分並將文武廳營嚴參請旨乃李亨特並不自行請罪工員等亦置之不

議殊屬非是。李亨特著交部議處其失防各員著查明參奏。○以遊擊銜孫全謀署廣東陽江鎮總兵官。○癸丑諭內閣溫承惠奏王邦彥所控李景幅等聚眾斂錢一案據稱李景幅等每逢朔望燒香念經勸人行善並藉修尼山祠宇派斂多金。同會有一千六百餘人。其次會宋連捷等九十餘人。現經派員分緝。而李景幅亦自願寄信往喚。旬日間聞信陸續投到聲勢較眾。呼應亦靈。若非另有邪

說異端惑眾愚民不應至此。其勸捐銀四萬八千餘兩。現據李景幅等供係送孔傳標家兌收。初到曲阜曾見孔慶鎔一次未經提及捐款。後欲再見。輒為孔傳標所阻等語。此項勸捐銀兩孔慶鎔自不知情。俱係孔傳標一人侵蝕。即日孔傳標迎提到直該督訊得實情當即從重定擬。至李景幅等家內查有不法經卷字跡。自當嚴加懲辦。如無此等情節應與宋連捷等九十餘人審明分別輕重各

治以應得之罪其餘一千六百餘人俱係鄉愚業已為人誑誘出錢竟可無庸查辦免致滋擾其姓名住址仍當存記有犯必懲王邦彥所控李景幅等聚眾斂錢之事據該督查稱伊與李景幅等素無嫌怨祇因畏累首告尚屬為公。王邦彥係捐納天文生著加恩交部以縣丞巡檢選用。○又諭大學士祿康兼任步軍統領專司緝捕凡京城內有犯禁不法為匪滋事之人皆當嚴拏淨絕方使奸宄

斂跡輦轂肅清乃平日一味寬厚不加整頓致涉懈弛前月御史韓鼎晉奏內城賭風甚熾多係諸大臣之轎夫開局等語朕密飭祿康英和查辦旋據祿康等拏獲二起具奏一條杏花天賭棍一條明亮轎夫而祿康於伊家內之轎夫有無開賭情事則全不計及並不首先查辦迨朕詢及明亮伊奏稱心疑祿康轎夫亦不免此是以效尤朕即於初五日密諭英和桂芳查拏英和桂芳隨於是日晚

開查明祿康轎夫頭徐四開局屬實拏獲案犯數人。於初六日具奏。當降旨交軍機大臣會同刑部審訊。現據徐四等供認係十四年十月起開局聚賭。隨將局內夥犯多人一一供出。並據供稱每日分給地面官兵京錢八千文。祿康宅內之家人張四內監楊二每日錢二三十千不等等語。是祿康不但失察轎夫在外為匪。而於伊宅內家人內監等包庇縱容。聯為一氣。亦竟懵然不知。無能已極。然其咎總在失察。如果祿康今日自行具摺請罪。不再迴護。則其過究非有心。朕無不加之原諒。將來吏議上時。亦不過革職留任而止。乃今日忽據奏稱。伊於初六日早間先已將轎夫頭徐四看押。正在訊辦。適英和桂芳遣人將徐四拏去等語。所奏未免虛飾。伊果有心查辦。則五月二十九日奉旨之後。隨時皆可訊問。何以候之多日。直至初六日始將徐四看押乎。況英和等於初五日晚間已將代

徐四看房之王三潘二陳四等三犯拏獲。究出徐四開賭情事。而祿康於初六日早間始將徐四訊問。其為聞風掩飾。豈非欲蓋彌彰。此一節獲咎較重。祿康著交都察院嚴加議處。其祿康本日交出各犯著與現在拏到各犯均著軍機大臣會同刑部嚴審定擬。究竟祿康有無知情一併據實具奏。其步軍統領衙門番子頭目王鑑等於偵緝匪徒是其專責。乃內城有此等開局賭博之事。全不過問。並敢於提督屢次詢問之時。任意朦蔽。其為知情朋比。玩法分肥。已可概見。並著歸案審訊。加以懲創。尋議上得旨。祿康前在步軍統領任內。因其賦性軟弱。特換文寧管理。嗣因文寧降調。一時簡任乏人。仍令祿康兼管。乃前後在任數載。於地方應辦事件。一味廢弛。毫無振作。罷軟無能。又非若明亮尚有軍功。可紀。本日都察院議上奏請褫職。本應照議。罷黜。姑念祿康供職有年。時常患病。著革去

太子少保內大臣東閣大學士管理吏部事務步軍統領稽察欽奉上諭事件處經筵講官閱兵大臣管理戶部三庫事務崇文門正監督國史館總裁管理右翼宗學管理西洋堂紫禁城騎馬並拔去花翎加恩降為正黃旗漢軍副都統○又諭直隸溫榆河上游果渠村一帶新河培築隄壩各工前據溫承惠奏估需工料懇請加給半價銀兩節次經工部駁飭刪減在案茲復據溫承惠奏該處地僻鄉隅素不產料工匠人夫等又須向別處雇覓所需價腳較多若概行刪減不無掣肘現在大汛屆期購料鳩工實難減省可否准將本年及十四五兩年加給半價開銷俾免賠累等語河工料價等項俱有定例不能逾額增加今據該督奏該處工料情形不無昂貴而現在又屆大汛之期亟須趕辦不能悉照定價姑照所請將本年鑲築加培隄壩等工並十四五兩年已辦工程俱准其加給

半價仍令覈實造報請銷但此次加價後將來不得再行濫請加增致開冒濫之漸儻不隨時搏節任意浮多又欲援照此奏藉詞加給該部於銷冊到時除照例覈駁外并當參奏議處○賞山東等省庚午科鄉試年老諸生謝殿程等四十名舉人副榜有差○甲寅諭內閣本日陝西巡撫董敦崇奏因姦謀死本夫及伊姑二命姦夫姦婦分別凌遲斬決一摺已批交該部知道矣此案黃宋氏商同姦夫勒斃本夫後因伊姑查問伊子下落復商同將伊姑勒斃似此淫兇之案實為目不忍觀可謂人心漸滅全無倫理該撫以黃宋氏蔑倫淫惡二罪相等從一科斷依因姦殺死親夫者凌遲處死律凌遲處死自係照例辦理但該犯婦兩犯凌遲處死之罪因法無可加仍照因姦殺死本夫之條定擬尚覺情浮於法著刑部悉心詳擬嗣後有似此兩犯凌遲重罪者於凌遲內酌定如何予以寸磔

以示區別之處。具奏載入例冊。其姦夫如有商同謀死本夫。復殺死姦婦期親以上尊長者。著立斬梟示。○又諭番子王鑑等既在步軍統領衙門充役。自應畏法奉公。一切犯禁滋事之徒。皆當隨時偵緝。乃於祿康明亮所用轎夫開設賭局。並不拏送。雖據供祿康係本管官。素未奉有查拏自家轎夫之諭。不敢輒查。何以明亮轎夫亦任其開局聚賭。顯係知情故縱。本當徹底究明。立予發遣。惟念祿

康一味寬縱。平日於查拏賭博等事毫無整頓。此次伊轎夫局賭一案。係於上月二十九日。轎夫聞風逃散之後。始飭令查拏。前此竟未論及。是該番役等膽玩散法。皆祿康懈弛所致。現在案犯尚未全獲。仍應責令上緊緝拏。王鑑聞國祥李璣俱著革去頂帶。劉起鳳交該衙門量加責處。以示懲儆。嗣後該衙門務須嚴行管束。若再有玩縱情弊。即當從重治罪。毋許隱庇。○命兩江總督勒保來京另

候簡用。以都察院左都御史百齡為兩江總督。禮部左侍郎德文為左都御史。轉禮部右侍郎哈寧阿為左侍郎。調盛京禮部侍郎凱音布為禮部右侍郎。○調鑲黃旗蒙古副都統瑞齡為正黃旗滿洲副都統。以禮部右侍郎凱音布兼鑲黃旗蒙古副都統。○旌表守正捐軀陝西渭南縣民張興銀妻王氏。○乙卯。

上幸靜明園詣

龍神廟拈香。○以直隸天津道沈長春為河南按察使。○旌表守正捐軀河南閭鄉縣民楊作鑲妻張氏。○丙辰。加大學士劉權之協辦大學士吏部尚書鄒炳泰戶部尚書托津太子少保。○命兩廣總督松筠協辦大學士以戶部尚書托津兼內大臣。調工部尚書恭阿拉為兵部尚書。以禮部尚書福慶署工部尚書。○丁巳。諭內閣步軍統領衙門奏查明左右翼地面共有十二處曾開賭局。並鑲藍

旗馬甲羣住搭棚聚賭各一摺。步軍統領衙門專司緝捕。凡京城內有為匪不法之人。自應隨時偵察。嚴拏淨盡。乃本日據奏。兩摺內已有十三案。並現在審辦。明亮祿康轎夫及杏花天三案。賭犯共有十六案之多。伊等平日毫無覺察。所司何事。除祿康現已降革外。吉綸到任未久。著加恩寬免。英和係左翼總兵。現獲案犯在左翼地面者較多。著交部加等議處。至失察轎夫聚賭之大學士慶椿尚

書恭阿。拉係本應坐轎之人。貝勒丹巴多爾濟係由朕恩賞坐轎。咎止失察。俱著交部議處。恭阿拉出差已逾半年。伊子和世泰亦未查出。並著交部議處。本智雖年逾六旬。但伊前任右翼總兵。係屬武職。即理藩院侍郎亦非六部侍郎可比。本不應坐轎。且伊於總兵任內。賭犯各案已有失察之咎。現在伊轎夫又有開局聚賭之事。獲咎較重。著交部嚴加議處。即著來京聽候部議。其步軍校金治及

該協副尉右翼翼尉等均有稽察之責。並未查出實屬疏忽。著一併交部分別嚴加議處。所有本日續經查出十二案及羣住一案。均著步軍統領衙門。勒限十日內全數嚴拏究辦。如十日內不能拏獲。即將新任吉綸玉麟及英和俱交部議。該省役等治罪。其前三案未獲各犯亦著一併上緊緝拏。毋任遠颺。至現獲各犯著交刑部審訊。○命前任兩江總督勒保為武英殿大學士。管理吏部事。兼鑲

藍旗滿洲都統。以協辦大學士尚書松筠兼內大臣。理藩院右侍郎吉綸為工部尚書。兼鑲白旗漢軍都統。步軍統領正白旗滿洲副都統玉麟為京營右翼總兵。正黃旗漢軍副都統花尚阿為盛京禮部侍郎。鑲白旗滿洲副都統貢楚克扎布為理藩院右侍郎。○以刑部左侍郎穆克登額為直隸泰寧鎮總兵官。兼總管內務府大臣。轉刑部右侍郎景祿為左侍郎。以大理寺少卿成寧為刑部右侍

郎○以奉宸苑卿穆騰額為總管內務府大臣○以署鑲黃旗漢軍副都統明亮為正黃旗蒙古副都統調鑲白旗蒙古副都統慶祥為鑲藍旗滿洲副都統以刑部右侍郎成寧兼鑲白旗蒙古副都統○以兵部尚書恭阿拉充經筵講官○以戶部右侍郎桂芳為國史館副總裁官○戊午

御製訓諭八旗簡明語曰八旗子弟國之世僕也百有餘年英才輩出不可勝紀然生蓋日

衆間有失於教訓之子弟又遇不肯為國家作養人才祇知尸祿保位之都統副都統加之以作奸犯科開局哄騙之莠民以致趨於下流甘為卑污如蛾投火不知改悔惟圖片時逸樂罔恤一世身家深可憫也奸匪棍徒多方引誘最可恨者無如聚賭蓋開局之惡棍其意總在斂錢受其愚弄昏迷不覺誠可哀也好賭之人其弊有五為我八旗子弟言之食祿於朝罔知節儉妄希恩澤終至困窮

其弊一也上不能供父母之甘旨下不能顧妻子之飢寒其弊二也學習文武俱缺資本終為無用之人其弊三也一入賭局有敗無勝典賣之物既窮偷竊之心頓起其弊四也偶為鼠竊未犯王章膽益放恣卒致身名皆喪其弊五也此五弊賢者必不犯不肖者必不改特書此數語誡告八旗務令家喻戶曉爾都統副都統七十餘員何忍視國家有用之子弟半為無用之匪徒不為朕加意訓導

耶諸臣中能盡一分心力國家受一分之福八旗子弟觀朕此旨能翻然改悔日引月長皆復舊習成佳士誠國家之大福也若諸臣無一人盡心盡力八旗子弟無一人翻然改悔是國家之大不幸此篇文字不必存朕亦不再饒舌矣○諭內閣向來九卿科道等遇有條陳糾劾俱封章入奏呈遞時面交外奏事官轉交內奏事太監直達朕前拆封朕親行披覽其摺內所奏何事無論外間不應有

人傳播即內奏事太監等亦無由得見杜漸防微立法至為嚴密上月二十八日御史韓鼎晉密奏內城有開場聚賭之事當命軍機大臣傳到該御史詢以所指何人即於二十九日由該御史自行覆奏朕始令步軍統領祿康等密行查拏節據先後拏獲賭局共一十六起內有八起於五月二十八二十九兩日散局顧係得信逃匿此非有人洩漏或有人探聽御史條奏此事潛向告知致令逃逸

而何此時朕姑不深究其人嗣後九卿科道等有陳奏事件如呈遞之前或奏事處及在朝之人向其詢問所奏何事著即指名奏奏若無人詢問而具摺陳奏之後或向外人敘說亦著聞其言者立即揭叅均當加之懲治庶不致嘉猷入告以採納之資啟漏言之漸蓋君不密則失臣朕斷不肯先行曉諭以致敢言之臣招怨而臣不密則失身近日此風甚熾朕生平最惡者探聽朝政先欲得信之

人樞機之發榮辱所關有不可不慎者勿謂朕誥誡之不早也如敢干犯決不輕恕將此通諭知之○己未諭內閣御史景德奏步營兵丁用黃土墊道勞人傷財請加愛惜一摺所奏瑣屑失體步營兵丁墊道是其常分聞遇典禮出入陳設儀仗之時加用黃土亦不過浮面一層且向例本有開銷該兵丁先期修整有何苦累乃該御史遽以此為勞民傷財言之喋喋且稱往城外取土坑坎漸多大乖蕩平之道兼恐郊關以內因此洩氣等語更不成話科道奏事必當權衡政體將實有關繫者數陳以備採擇何容毛舉細故自詡建言現在該御史摺內亦稱朝廷廣開言路當務其大者遠者城外取土原係向例有何關繫耶隨口出此鄙陋之談豈不自相矛盾朕廣諮博採前日御史韓鼎晉奏內城賭博一事因其大為風俗之害立加查辦並將該御史賞給議敘示以嘉獎即景德本人前月

亦曾奏請禁止都城擅拆房舍一事。關繫都城規制。亦經降旨准行。若該御史今日所奏。總因提督衙門近日獲咎。故因風縱火吹毛求疵。此誠故套。其細已甚。其詞不經。又豈能邀朕採納耶。景德此奏。甚不曉事。著將原摺擲還。○庚申諭內閣。步軍統領衙門奏請將出租開設賭局之房間棚座入官懲創。並請嗣後明定規條等語。此等游手匪徒。經年累月聚賭不散。其房主及搭棚鋪戶。斷無不知。明係將房間棚座重利出租。知情容隱。不可不一併懲創。但從前既未飭禁。此時亦未便坐罪。姑先酌量薄懲。所有此次聚賭各案之房間棚座。著概行入官。至此後若再有似此干禁圖利者。則不但將房間棚座入官。並當將房主鋪戶治以應得之罪。其應如何分別治罪之處。著交刑部酌議奏聞。歸入條例。如係租住官房。並著內務府將經管官房之人查明懲治。此外窩娼及軟棚等案。其房間棚

座均即照窩賭之例究辦。○又諭本日中城監糶大臣等及步軍統領衙門具奏。中城副指揮孔傳葵於該城米廠糶畢封倉後。擅自揭去封條。將糶米裝載二十五石拉至署內交卸。後復又至廠照數裝運。當經都司高明良等阻止呈報。並詢據該副指揮稱係餘剩之米。監糶大臣賞給等語。甚為怪誕。孔傳葵於應糶官米。輒敢私運回署。顯有分肥入己情弊。實屬膽大無恥。孔傳葵著革職。拏問交軍機大臣會同刑部提集應訊人證。嚴審定擬具奏。都司高明良於孔傳葵運米出廠時當即阻止呈報。尚屬曉事。著以應升之缺升用。以示鼓勵。○調鑲藍旗滿洲副都統慶祥為鑲紅旗滿洲副都統。鑲紅旗滿洲副都統蘇沖阿為鑲藍旗滿洲副都統。○辛酉諭內閣。京師為輦轂重地。理宜法令嚴肅。規制整齊。方足以杜弊端而除奸宄。近來諸事廢弛。皆由祿康情性過寬。不能整頓。以致其屬下

相率疏懈宵小無忌。即如街道堆擔皆有兵役看守。如果認真盤詰。加意巡查。地方自臻安靜。近年不但不能查獲轉多得錢包庇匪徒之官兵。及至上司欲查拏官兵反先行送信以致逃匿。再各處柵欄之設並不按時啟閉。雖有若無。夜間鈴鐸無聞。更鼓不應。遇有酗酒鬪毆之人。官兵不甚過問。竊物者破寨寥寥。至一切送究之案。不過發交問官收審。伊等並不斟酌事情以致重案輒行釋放。輕

案轉行咨部。情弊頗滋。枉縱不少。而番役之養奸滋事者。更不知凡幾。似此事事因循。國家禁制安在。此後該衙門當查明積弊。盡力革除。日加整飭。再向來內城命案係由提督衙門立傳正指揮相驗。至活傷之案則先咨照刑部。再由刑部傳正指揮相驗。文移往來動經數日。以致傷重者不能扶回調養。漸至潰變。傷輕者業已就痊。勘驗難憑。辦理亦屬疏玩。嗣後凡有內城毆傷之案。俱著提督衙

門一面咨部。一面即傳司坊官相驗。毋許延擱。再京城五方輻輳。如茶園酒肆以及街衢戲伎之類。窮民亦藉以謀生。勢難概行禁絕。苟不藉端滋事。原可聽其自然。至內城開設戲園。引誘旗人日滋游惰。則定例在所飭禁。祿康受人慫恿。曾屢次奏請開設。朕俱駁飭不允。近來查禁未力。恐不能免。必當嚴行禁止。至官員等聞竟有不修邊幅。狎比優伶者。甘近下流。更屬不成品行。試思官員侍衛等。如不戴頂帽。輕入市廛者。尚當加以懲處。又何況挾優馳逐。混入戲園。甚至日暮忘返。有趕城爭道等情。殊屬游蕩無恥。向來該衙門不加禁約。致無顧忌。嗣後有似此放僻邪侈之徒。著步軍統領衙門嚴拏究辦。立即奏聞。從重懲治。以肅禁令而端風俗。○又諭九卿議覆四川省民人張恩泰毆斃大功堂兄張恩科。仍照刑部原議。問擬斬決。一本所議甚是。向來刑部遇有救親情切。毆傷尊長之案。

夾簽請旨係專指救護父母祖父母而言並無救兄之條若救兄亦得聲請則將來救弟救姊救妹俱因此推廣援引復何所限制律設大法自當遵照定憲況此案張恩泰見伊兄張恩赦被張恩科騎壓身上喊救時既欲救護即應將張恩科拉散乃遽拾柴塊毆傷張恩科腦後斃命覈其情節亦不能量予寬減張恩泰著即處斬餘俱照所擬完結至此本於閏三月二十一日由內閣繕寫雙簽進

奏稿

三

呈維時在閣票擬者係祿康明亮劉權之三人適屆迴鑾之候接駕諸臣沿途召見幾務殷繁此本進呈時朕即照向來票擬刑部雙簽之例用九卿議奏一簽發下未曾細覈情節實朕一時疏忽茲詳閱案由本不應票擬雙簽係屬內閣錯誤祿康明亮現已另案降調無庸再行交部議處伊二人既邀寬免劉權之亦不必交議嗣後內閣遇有票擬雙簽之本務須加意詳覈以昭慎重如再有似此

舛誤者即當予以處分

實錄

三

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百四十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十五

駐修德意志帝國總領事官李士德武英殿大學士劉坤一領閣事務察敘奉
肅事件盛管理三部事務翰林院掌院學士薩爾

二級尋常科級員 曹振鏞總校官太子太僕士洲岡大學一管理刑部事務加五級員戴均元總巡撫起居注官太子少傅府右翼洲岡復興閣

事皆奏敘奉 上諭事件處協辦大學士 部尚書翰林院掌院學士教習庶吉士總管內務府查驗黃旗滿洲都統步軍統領管

理部三庫奉宸苑清湖園等處題壁處御茶膳房太監院西洋堂等積軍功加級隨帶銀兩尋常加主級紀錄云改

和親英機官太子太保禮部尚書上書房行走武英殿總裁管理園子監事務頭級隨帶頭級紀錄四次銜汪廷珍等奉

救修

嘉慶十六年辛未六月壬戌旌表守正捐軀

雲南寶寧縣民朱安太女朱氏○癸亥諭內閣前經兵部議駁青州副都統納海奏請裁減駐防兵丁餽養馬匹一摺已降旨依議尚恐有借裁減為掩飾空缺情弊復諭令同興將該駐防現拴馬匹逐細點查是否足額茲據同興奏稱查點該駐防馬匹照額計短三百九十八匹係因上年六月買馬以後至本年五月陸續倒斃較之上年報斃數目尚少並非常年空缺借裁減為掩飾地步等語各

營額設馬匹原為兵丁等操演乘騎之用何
得漫議更張乃該副都統納海輒以近年革
豆較貴藉名體恤兵丁遽議裁減不獨於武
備大有關繫亦非調劑兵丁之道實屬冒昧
納海著交部議處嗣後該駐防馬匹著照同
興所請每年於倒斃馬匹並買補足額時一
面咨部一面移會該撫委員查驗以杜虛混
挪掩之弊

甲子諭內閣章煦奏咨交控案
承審提解各員逾限未能辦結遵例依限具

奏請交部分別議處一摺據稱節次欽奉諭旨交到提訊之案均已逐起審明依限奏結惟咨交各案除現據詳辦並業經咨展限期未逾各案外尚有未能依限具詳者五案請於立法之始予以創懲等語各直省於奏交咨交案件自應隨時依限速結該委員等承審各案若人證已齊不能速結則咨在委審之人若因各州縣查拘人證不到頻催罔應以致遲延者則咨在州縣均當分別查辦以

歸覈實此次江蘇省督催不力之巡撫藩臬兩司並承審逾限及提解遲延各員即著照該撫所請交部分別議處各直省於刑部都察院步軍統領等衙門咨文案件俱係奏明咨交即與特交之案無異現在江蘇省承審咨交未結各案已據章煦按限奏請議處因思直隸山東山西河南等省較江蘇距京為近何以已屆半年期限俱尚未據奏到即著該督撫等查明速奏其省分較遠者亦應照

前降諭旨於接奉咨交各案半年期限內遵照新例查奏如有逾限未結者即奏明分別交部議處毋得日久因循顛預了事○又諭前因河南省秋審題本有楊煥章一起於所擬情實緩決兩項後尾內俱行列入辦理兩歧顯有錯誤經刑部參奏當將前任巡撫恩長及臬司趙宜喜交部分別議處並令該撫將該犯究竟應實應緩另行覈擬仍將辦理此案錯誤緣由一併查明覆奏旋據吏部議

處奏上降旨將恩長降為四等侍衛趙宜喜降二級調用茲據署巡撫錢楷覆奏此案因本年辦理秋審臬司趙宜喜原擬緩決人犯於繕本之前稟請恩長改擬情實者共有數起均經恩長覆覈酌定令書吏將繕寫題本內篇頁隨時抽換楊煥章一犯以聽從幼子與人爭吵之嫌糾眾攢毆一死一傷情節較重既已改擬情實而未將本內原擬緩決篇頁抽出實係書吏臨時抽改倉猝疏忽恩長

未能查出並無另有舞弊情事與臬司亦無干涉各等語除楊煥章一犯應入情實繕本書吏陳正即著照錢楷所擬枷杖革役外恩長僅止失察書吏抽換題本篇頁錯誤其咎尚輕著改為罰俸六箇月加恩賞還三等侍衛仍留烏里雅蘇台叅贊大臣之任趙宜喜於原擬緩決人犯稟請改擬情實係為慎重獄案起見尚無不合著加恩無庸降調仍回河南按察使之任惟究因稟改遲延致有此

誤著罰俸一年以示懲儆。所有前經簡放河南按察使之天津道沈長春著加按察使銜。仍回天津道原任。遇有按察使缺出再行簡用。其候補天津道遺缺之約可清阿著交直隸總督差遣。委用遇有道員缺出奏補。○乙丑諭內閣前因御史韓鼎晉奏稱關東三省賭風甚熾。已降旨飭令觀明等嚴行查禁矣。本日召見榮麟朕因其曾任盛京侍郎詢以此事據稱盛京地方聚賭者頗多甚至協領

佐領等官亦俱開局賭博從前富俊認真查拏稍覺斂跡。然尚不能根株淨盡等語。盛京為陪都重地風俗素稱淳樸豈容棍徒誘賭致旗民子弟紛紛效尤轉荒本業非嚴拏重懲不能除莠安良著觀明遵照前旨嚴拏辦理務絕根株。富俊前在盛京將軍任內辦理邊務因受局員朦蔽致官濫有攙雜等弊其餘辦理地方事件尚屬妥協嚴禁賭博尤屬認真現發往吉林効力著加恩賞給盛京驍

騎校遇缺即補。隨同觀明當差。即將盛京聚賭匪徒責成實力查緝。如果辦理認真能使賭風斷絕觀明即據實奏聞朕必加以重恩。並著吉林將軍賽冲阿傳諭富俊迅速起程前往。○以直隸天津道沈長春為湖南按察使。○予故湖南按察使傅鼎蔡葬如巡撫例。並賜祭一次。○旌表守正捐軀陝西大荔縣民孫克蛟妻王氏四川犍為縣民稅光洪妻楊氏。○丙寅

上幸靜明園詣

龍神廟拈香。○諭內閣嗣後滿洲六部侍郎年至六旬者著照例准其坐轎。至理藩院侍郎非六部侍郎可比。雖年逾六旬仍不准坐轎。著為令。○又諭本日吏兵二部會奏議處失察轎夫等開局聚賭各員一摺。內議以降一級調用之大學士慶桂貝勒丹巴多爾濟俱著加恩改為降二級留任。兵部尚書恭阿拉出差已逾半年失察之日無多且因伊

子內閣學士和世泰於伊出差之後未能覺察一併議處恭阿拉著改為降一級留任和世泰照部議降一級留任前任理藩院侍郎右翼總兵本智雖年逾六十兼任理藩院侍郎亦應將應否坐轎之處請旨乃伊竟擅行坐轎致有轎房聚賭之事且失察該管地面開局聚賭著照部議革職加恩仍留輕車都尉世職在本旗當差其加等議以降二級調用無級可降應行革任之戶部侍郎左翼總

兵英和失察開局聚賭現獲案犯在伊所管地面者居多本應即照部議革任但念伊平日辦事尚屬勤慎春間扈從緝捕認真賞還花翎黃馬褂且伊究係總兵與提督有閒著加恩仍帶革職留任以觀後效英和若不思奮勉再蹈愆尤不惟難免罷斥並當治以應得之罪儻自知感奮倍加策勵朕亦必加之恩獎○諭軍機大臣等景安奏臬司傅鼎因病身故一摺已明降恩旨加銜賜卹矣傅鼎

辦理苗疆屯防一切事務綏撫得宜該苗民等畏威懷德聞其溘逝自必同深哀悼儻有願至其靈前祭奠者不必禁止或有請為建祠者即許其建設並著景安書扁懸掛至湖南辰州永州二府三廳一帶苗民雜處為邊疆要地從前傅鼎鎮撫有法久臻寧謐著景安傳諭現任道員姚興潔於該處應辦各事宜惟當以傳鼎為法所有傳鼎舊定章程自皆妥協務須遵照辦理將此諭令知之○丁

卯諭內閣本年春間曾據玉寧等奏拿獲在倉把持之棍徒王喜方世德二名請旨永遠枷號朕因該侍郎所稱王喜等二犯在倉把持滋擾之處並無實款惟既據訪明積慣兇橫且有綽號自係不安本分之徒罪疑惟輕應行酌量懲處原議永遠枷號未免過重是以降旨改為枷號一年期滿發遣昨據都察院奏現有方世德之母方王氏控告本年二月間玉寧之子廣春曾差人先持職名向萬

安倉監督囑託交派正黃鑲黃兩包衣好米三千石斛面要加太並令墊辦車腳錢文該花戶回覆不允嗣又遣人傳玉寧之言令其照辦該花戶仍未允辦玉寧輒將該花戶用重枷枷號又有玉寧家人朱大等索錢一千帛包管釋放該花戶未經許給玉寧隨將該花戶捏造綽號奏請嚴辦等語當即交軍機大臣立提人證審訊本日據慶桂等奏詢據監督齊斌常泰二人僉稱廣春曾經遣人持

伊名帖到倉囑託領米屬實並稱伊等均不知方世德等素有綽號等語是玉寧之縱令伊子恃勢妄為及挾嫌誣奏均可概見朕思方世德之案既有情弊王喜之案恐亦未必平允勅令一併詢問軍機大臣隨即訊據王喜係跟隨倉監督黃士麒之人如果王喜滋事則伊主豈無應得之咎而原摺內亦並未聲明種種朦蔽專擅實屬膽大除將全案人證交軍機大臣會同刑部徹底嚴究外工部

員外郎廣春著革職拏問玉寧亦著解任候質其方世德王喜二犯如果詢有冤抑並著先行奏請釋枷所有倉場侍郎事務著玉麟暫行署理○又諭軍機大臣會同刑部奏審擬祿康轎夫等開局聚賭一摺此案徐四張三以提督轎夫輒敢賄通祿康之管門家人等囑令該管地面官兵不得查禁公然開場引誘旗民恣意聚賭經年累月各處設局紛紛效尤悉由此起祿康為其朦蔽形同木偶

該二犯實為此案罪魁即照擬發極邊烟瘴充軍尚覺情浮於法徐四張三著不必發遣改為永遠枷號遊示九門俾棍徒等觸目警心咸知凜戒其窩何一犯係祿康管門家人膽敢受賄包庇釀成巨案著加枷號三年胡老劉德白幅兒俱著加枷號一年滿日再發極邊烟瘴充軍楊進玉曹斌俱著加枷號半年再照擬杖徒毋庸折枷發落協尉烏爾登有查拏賭博之責伊係朝廷職官即祿康意

存寬縱尚且不應聽從今乃受祿康之家人囑託朋庇迨祿康飭令查拏猶復始終欺飾且於兵丁等得賄故縱之處伊亦知情實屬卑鄙不職不必再交部議著革職責處三十板發往伊犁効力贖罪○又諭那彥成奏鞏昌府知府員缺緊要請於甘省現任同知直隸州知州內補用一摺鞏昌府係請旨簡放之缺何得在外奏請年來外省似此違例具奏者俱經駁斥不准該督豈不知之即或新

任之員人地未宜惟當酌量奏調若俱紛紛在外請補但為屬員升轉地步勢必致京官壅滯殊屬非是況閱所保二人內嵇承裕前由該省經歷以應升之缺升用業經洊升同知若藉此屢升不已將來復何所限制至李受曾由知縣捐升同知曾因辦理軍需奏留甘省業經補授秦州直隸州知州其不能再邀升用亦與嵇承裕相同且從前李受曾因弟兄爭訟財產牽涉軍需解部審訊有案其

聲名本屬平常朕所素知而現在尚有降職降俸各案與例顯不相符該督猶遷就其詞稱與尋常請升之員稍有區別又有何區別耶該督所請不准行仍著傳旨申飭○又諭本日據勒保陳鳳翔許兆椿奏查驗江廣新造剝船不能合用請變通辦理一摺所奏不知緩急重運北來以原船抵通為正辦此時籌辦漕運先須籌辦河工如果河道通順則軍船無所阻礙又何至須用剝船近來山東

直隸一帶河道閒有淤淺尚易為力而惟江南河務其弊不可勝言殊勞朕心伊等目擊情形寧不當竭力妥辦以期治河而兼治漕乃於河工現辦事宜毫無措置惟沾沾於剝運一事許兆椿身任總漕祇知自顧職守猶為有說陳鳳翔專司河務何亦自忘其當辦之事耶著俟百齡馳抵江南即會同將河工要務通盤籌畫勿再泄洩至摺內稱此項剝船因造辦不能堅固致多裂縫器具亦屬不

全兼有沿途損壞者且現在用船無多請酌留二三成外其餘變通籌辦或給與兩淮商人承領繳價改為鹽船或撥與山東河南運丁改作漕船以期歸款等語漕糧即需剝運亦不過二三十萬石何用多船伊等除挑留二三成加添油艚器具備用外至其餘剝船既云官不合用而欲強令淮商及山東河南之運丁承領繳價伊等又豈能合用耶所辦殊屬未協此項船隻本係湖南湖北江西三

省承辦現既辦不如式即應不准開銷著駁回該三省變價歸款伊等亦無可推卸也○戊辰諭軍機大臣等松筠等奏籌議安輯首民章程一摺粵省節次首民經朕法外施仁貸其一死本屬一時權宜之道從前伊等在洋所犯重罪除尋常竊劫及罪不至死之案自應一併肆赦至其出洋之前或曾有逞兇斃命之案若被害之家若主現在伊等父母之讎豈能強其隱忍況殺人者死律有明文

儻殺人之後旋即下洋為匪一經自首即可免死則匪徒視下洋為得計而人命竟可不償豈不因此廢法似此控告之案仍當按律辦理該督撫等若慮該處民人與首民尋釁無已或至釀成事端或將該首民安插他處使其彼此隔絕自可相安無事是亦一道惟在該督撫等隨宜妥辦此事亦難明定章程也將此諭令知之○以內閣學士榮麟為倉場侍郎○以鑲紅旗滿洲叅領松齡為正紅

旗漢軍副都統○己巳遣官祭

火神廟○諭內閣連日據軍機大臣等奏詢問玉寧親供并案內人證各供朕詳加披閱玉寧之子廣春聽從家人張大之言欲包領鑲黃正黃兩旗色衣甲米三千石令其持帖赴倉囑託監督交派花戶承辦現已據張大供認不諱玉寧身任倉場如果認真查獎即當首先將伊子及家人嚴管勿任干與外事一有見聞立當斥責查辦今據玉寧供稱廣

春曾將有人託領甲米之處向其告知并自稱不敢應允。王寧不將廣春訓斥轉告以出倉本應好米。如再有人向伊說及只管應允。差人赴倉告知等語。是王寧不但不杜絕伊子舞弊。而轉任令招搖顯係知情在前。而為此多方掩飾之語。以云無弊。其誰信之。至伊將花戶方世德及王喜枷號一節。現據戴均元奏。王寧先未向商迨業經枷號之後始行告知。并告以方世德枷號後曾託人欲送銀

一千兩求為疏枷。恐該犯意圖挾制。因商請永遠枷號等語。王寧於懲辦花戶。並不會同戴均元辦理。直至事後告知。明係挾嫌專擅。至方世德果有賄請疏枷情事。王寧亦當據此情節。秉公奏辦。又何必諱匿不奏。轉稱其素有綽號在倉把持。欲將伊永遠枷號。又王喜更非花戶。不過前後跟過倉監督三人。伊如另有弊端。自當加以懲辦。乃王寧亦未查出弊竇。輒謂其希圖串通滋事。立行枷示。并

又言伊素有綽號。亦請永遠枷號。試思長隨跟官服役。朝往暮來。係其常態。前後跟隨三人。有何重罪。王寧任性作威。種種謬妄。恐其中另有情弊。著革職交軍機大臣會同刑部秉公審訊。方世德著先行疏枷。以便覆訊。俟將來訊有應行治罪之處。另當覈辦。王喜亦著疏枷。暫交刑部羈禁。○調甘肅寧夏鎮總兵官祝廷彪為陝西陝安鎮總兵官。陝安鎮總兵官游棟雲為寧夏鎮總兵官。○庚午

上幸萬壽山。○辛未諭內閣。昨據刑部堂官奏及已革協尉烏爾登。交部責處時。衰邁不堪。難以重懲。本日刑部奏請革職之步軍校廣安七格。又俱年逾七十。步軍統領衙門所屬官校。均有管束兵丁稽察地方之責。豈可任聽衰老龍鍾之人。戀棧貽誤。今業內三人如此。則此外似此者。想必不少。著交吉綸等嚴加甄別。此內如年老而精力尚強。不誤差使者。仍准其照舊供職。若衰朽無能。不堪驅策

者均即勒令休致不可稍存姑息勒限於啟
蹕前具奏○壬申諭內閣薩彬圖奏新收刺
麻壯丁擬請添設委署六品官一員專辦一
摺據稱刺麻丁衆繁衍散居村屯一切稽查
約束催差比丁等件必須設有專員一手經
理等語著照所請即於戶部筆帖式內揀選
試委准令暫換六品頂帶仍食原俸如果勤
能稱職遇有本衙門應升缺出儘先補用○
諭軍機大臣等據御史李可蕃條奏粵東積

弊四款內稱粵東劫案甚多州縣官每借盜
銷案嚴審併招誘令兼認祇圖規避處分等
語審辦盜案總須贓真犯確今以一盜而令
兼認數案之罪承緝官役恃有此通融銷案
之途必致怠於緝捕且案已結後遇正犯被
獲又必設法彌縫或竟私行縱逸均未可定
是地方官祇因規避處分而貽害無窮無怪
盜風之日熾也著該督撫嚴行查禁嗣後如
有借盜銷案者查出嚴叅又稱廣州駐防兵

丁內漢軍多有出城交結外勾夥謀刺並
屢有搶竊等案該管員弁徇庇縱恣請嚴加
管束等語外省安設駐防原以慎重城守今
廣州駐防漢軍竟有勾竊為匪之事該管官
不知約束實屬廢弛著交該將軍副都統實
力查禁嗣後如有違犯照例治罪若旗員知
情袒庇查出嚴叅又稱粵省有河道之州縣
近日添設巡船並不認真巡緝轉濫索商民
船隻或勾匪販私包運鴉片硝磺等物地方

官諱匿不辦等語設立巡船原以防內河盜
賊乃視為具文安望戢盜安良著該督撫嚴
定章程凡設有巡船州縣先將巡緝地面及
巡役姓名詳悉造冊申詳如有失事照捕役
例比緝其有訛索私運等弊各照本律治罪
該管官失察或諱匿不報亦比照失察捕役
及諱匿例叅處又稱粵東仰食廣西湖南米
石近因關口及交界地方文武衙門并各埠
土匪留難訛詐商販觀望不前請旨飭禁等

語粵東產米素少不敷本境民食前松筠尚奏請召商販運并弛免關稅今據該御史所奏是商販之稀少由於官吏之需索地棍之把持商民無利可營自然裹足不前著該督撫查照該御史所指關口地界嚴行查禁使遠近聞風知該省邇日禁令嚴明吏胥斂跡自必源源販運民食漸充裕矣該御史原摺著發交閱看將此諭令知之○命兵部左侍郎萬承鳳仍在上書房行走○以西安協領

八十方為青州副都統○旌表守正捐軀廣西義寧縣民唐士漢妻吳氏○癸酉調巴里坤總兵官閻俊烈為陝西西安鎮總兵官以甘肅瑪納斯協副將唐際盛為巴里坤總兵官○甲戌

上詣

大高殿行禮○還宮○諭內閣前因松筠奏粵東產米無多請免各關廠米販稅銀以勸商販而裕民食當經降旨令成林將廣西桂林

平樂梧州等處關稅查明何項為重並未稅寬免是否有礙國課之處一併詳查覆奏茲據成林奏稱向來粵西各關廠徵收稅課銀兩共計十三萬一千餘兩為通省撥支養廉兵餉之用每年粵西米穀販運粵東者查歷屆冊報數目均在一百數十萬石以上徵收米穀稅銀約計一萬八九千兩不等如將米稅寬免本省廉餉即不敷支用並將徵收稅銀分析開單呈覽粵西稅銀既為該省廉餉

之需經費攸關未便遽議寬免米稅致缺正課且販米多至一百數十萬石而稅銀不足二萬為數正自無多如各關廠胥吏無藉端勒索情事該商販等斷不至以徵收有限之稅銀遂致裹足不前現在御史李可蕃條陳及此即有廣西湖南二省販運粵東米石近因關口及交界地方文武衙門并各埠土匪留難訛詐是以商販觀望不前之語已有旨交松筠查照辦理所有粵西桂林等處各關

廠米販經由惟在該撫嚴飭所屬查禁兵役棍徒如有藉稱稽察盤詰故意留難勒措等弊立時懲辦庶胥役斂跡商販不至受累粵東民食自可日臻充裕○以孟秋時享

太廟自是日始齋戒三日○乙亥諭內閣給事中何學林奏用刑衙門吏胥舞弊一摺刑罰之設所以懲治奸宄其應行羈禁枷號者均有一定之例刑部執法尤應明允若任吏胥等從中舞弊百端訛詐得錢則與以疏縱不

得錢則加之磨折是竟以國法為若輩牟利之具實可痛恨至番子捕役等有緝拏匪徒之責若輩因事生風威赫滋擾竟至習為慣常而營私枉縱之處更不一而足又如查抄家產必係重大之案乃該番役等竟有將緊要什物透漏藏匿之事尤為肆無忌憚皆由各衙門該管大臣官員諸事廢弛並不實心查察以致該吏胥番役等毫無顧畏積弊日滋嗣後在京問刑緝捕各衙門務當實力整

頓剔除積弊俾用刑勅法各昭平允如有仍蹈前轍種種滋弊除將該吏胥番役等盡法懲辦外其該管大臣官員亦必從重議處○又諭御史景德奏整飭八旗學校一摺八旗設立各項官學選用滿漢教習責成訓課立法已為詳備惟因循日久積漸廢弛學生僅圖沾潤膏火教習惟冀如期報滿以為進身之階竟至官學之設成為具文嗣後稽查各官學大臣等務當實心考察俾各教習勤加

訓課各學生認真肄業其幼官學義學及弓箭教習等並著各該管大臣等一體查覈務期立有成效不致有名無實以副朕教育人才至意○又諭部院捐納各員俱係籤分學習行走既云學習則必有優劣之殊該堂官於行走年滿之時自當詳加甄別乃近來各該堂官於捐納報滿人員無不保留一味市恩邀譽祇圖見好於人不顧登進之濫不辨賢否之別近來大員俱中此病朕實寒心甚

至如昨日在圓明園宮門嚷鬧之工部司務沈震一員在該衙門行走業已九年素有瘋證該堂官又皆知悉况曾妄言時事亦經駁斥此等劣員早應叅處乃平日一味姑容任令留署以致此時疾發滋事矢口胡言現經該班章京等擎獲已交刑部治罪試思此等患病之員設當補缺引見時亦疾發失儀甚至持械混鬧尚復成何事體該堂官又能當此重咎耶現據劉權之等自請交議所有歷任工部堂官均難辭咎除戴衢亨費淳均已故無庸議外著查明沈震留部以後之各堂官俱著交部議處仍查明在任年月久暫另行開單呈覽劉權之吉綸係甫經到任著從寬交部察議嗣後各衙門於捐納學習各員斷不准一概留署務當秉公甄別不但其才質高下差使勤惰不當混淆即其平素行止亦當留心審視覈實去取切勿稍涉徇情浮濫干咎○又諭近聞刑部於應行枷號人犯

卑役等聽受賄屬有用大眼枷及將枷面斤兩任意輕重者現在祿康之家入轎未及杏花天賭局各犯俱經該部枷示各地方恐即不免此弊本日適給事中何學林御史景德俱進內奏事著派乾清門侍衛承啟會同何學林乾清門侍衛色布徵額會同景德即行分投前往將各犯所帶之枷逐細查驗其枷眼大小及枷面輕重是否如式查明據實覆奏儻查有舞弊之處著即嚴叅○賞阿克蘇被水兵丁鹽菜銀並免回莊額糧緩徵商民房屋地基銀○丙子諭內閣前因汪志伊來京陛見經朕召對面奏伊前在湖廣總督任內於應山縣民婦喻李氏控案委令同知劉曜庚賈鈞審訊該員等錄供翻異汪志伊自提犯證研審兇器賊據無獲未經定案嗣後同興以劉曜庚等誘令葉秀誣認翻案將劉曜庚等叅革照例擬發軍臺奏交部議劉曜庚賈鈞承審此案但錄草供並未具詳其應

得處分。汪志伊情願自行承認。各等語。當即降旨。交馬慧裕張映漢查明。該參員承審此案。是否僅錄供詞。未出印詳。並汪志伊自行研審月餘之處。確實覆奏。茲據馬慧裕等奏稱。此案種種平反情節。均係該參員等審定供詞。錄呈汪志伊閱看。迨汪志伊親提覆鞠。該參員仍俱隨同審問。是雖未具詳於前。而隨同覆審。致犯證人等無從剖辯。不得不符合原取供詞。若非始終贓仗全無懸案待質。勢必冤及無辜。劉曜庚賈鈞欲藉平反控案見長。實有應得之咎。著仍照原擬發往軍臺効力贖罪。汪志伊於特交案件。委員審訊誘翻。至親提覆鞠時。又不能究出實情。幾致誣坐平人。罪至駢首。無由昭雪。並坐原審前任應山縣知縣錢丙曜。以擅用非刑之罪。因致叅革。拏問在監病斃。咎已難辭。乃至同興已將誘翻緣由審出。定擬具奏。汪志伊又在朕前為劉曜庚等剖白心跡。且欲代認處分。意

存見好。汪志伊既情願為屬員任過。朕亦不必曲加寬貸。著即照馬慧裕等所請。交部嚴加議處。○是月。江南河道總督陳鳳翔奏。文職佐雜。尚無應行甄別人員。得旨。未到任之先。必云可劾者多。既居此任。即無可劾者矣。所謂旁觀者清。當局者迷。因循迴護。今之大病也。○貴州巡撫顏檢奏。謝得旨。清潔立身。汝之長處。剛方御下。汝未能及。所以被人欺侮。今世小人多於君子。一味厚道。斷乎不可勉力振作為要。

孝

三十七

教修

~~These are the same~~

~~These are the same~~

上親詣行禮○幸圓明園○戶部議准廣西巡撫成林疏報天保奉議二州縣開墾水田二十四埤一伯七十畝○照例升科從之○戊寅諭內閣本日錢楷奏恩長於南陽匪徒一案前後具奏情節與原報不甚相符○辦理亦覺過當等語○所見非是○恩長在河南巡撫任內聲名平常○近又失察林樹芳劣蹟○並有冒冠德稟賄求官之事○其獲咎實在乎此○是以將

伊降為三等待衛烏里雅蘇台叅贊大臣以觀後效至伊辦理南陽匪徒一案從嚴懲創實不為過此等匪徒糾夥搶奪前後多次並聲言劫富濟貧聞拏拒捕雖據錢楷稱並未傷人放火亦尚未與官兵對敵然聞官兵將至業已點放擡鎗並於逃往地方又復連劫多次恣不畏死怙終不悛其兇惡情形實堪痛恨該一帶素多滋事之紅鬍子即係此類又寧可存姑息之見以致養癰貽患乎恩長

前後奏到拏獲各犯懲治多名此正除莠安良辦理尚有主見特伊初接地方官稟報不即親自往辦及起身後又復中途逗遛經朕屢次訓飭始趕緊前往督辦此尚其疲玩之咎若謂其後來懲創案犯立意從嚴實屬認真得當方當加之獎勵又何得目為過當之舉乎又如該府州縣等於所管地方有此奸徒聚眾情事而又具報延緩咎將安辭錢楷以伊等緝犯並未懈弛平日聲名尚好代為

敘及豈伊等此時尚可邀開復耶又據稱此摺別無意見因現擬絞候之二十餘犯明年秋審均應情實是以不敢知而不言密請慈鑒存覈等語此等案犯一經審擬確實將來秋審自應列入情實至於予勾與否朕臨時自有權衡豈臣下所可豫言錢楷自擢用戶部右侍郎以來甚覺高興數陳頗多均不甚中肯綮此摺所見更謬豈能勝巡撫之任兼於繁缺侍郎不甚相宜應行酌予更調所有

戶部右侍郎兼錢法堂員缺著陳希曾調補錢楷著調補工部左侍郎俟長齡到任之後即來京供職仍交部察議○又諭錢楷奏陳四等聽從主母汪彭氏將家長汪如舟親生子女謀斃一摺此案汪彭氏素性妒悍與夫妾張氏不睦雇婦郭陳氏乘間挑唆以致張氏時遭陵虐嗣因令張氏磨麵致被頂撞汪彭氏即用木棒將張氏毆傷郭陳氏亦取柴斧幫砍殞命囑令工人陳四捏稱病斃此等

案件尚屬情事所有即汪彭氏與郭陳氏於張氏殞命後復將其女仲姐致死滅口亦事所經見至汪彭氏忽又與陳四等商謀復將親生子女三人一併焚勒斃命此則情理所無為從來希見之事該氏即恐身死後伊子女無人照管亦何至殘忍若此且汪彭氏復給與陳四銀兩令其事後遠逃覈其情節殊多疑竇陳四一犯於問擬凌遲之外固已無可再加但案情豈容稍有不實摺尾尚稱陳

四逃後別無行兇為匪等情試思陳四謀害多命兇惡至於此極逃後即再犯案豈尚有重於此者耶此案必須徹底根究務令水落石出以成信讞著再飭交該省臬司趙宜喜提犯嚴切刑鞫務得實情再由該撫覈定具奏加光祿寺少卿盧蔭溥四品卿銜命在軍機大臣上學習行走○禮部右侍郎邵洪因病乞休允之以都察院左副都御史師承瀛為禮部右侍郎仍兼署順天府府尹○己

卯

上御勤政殿聽政○以詹事府少詹事茹養為內閣學士兼禮部侍郎銜○庚辰旌表守正被戕江蘇宿遷縣民吳兆成母蔣氏○辛巳以太僕寺卿溫汝逆為都察院左副都御史通政使司副使閻泰和為太僕寺卿○壬午諭內閣據吉綸奏伊接任步軍統領據祿康交到合符並無匣貯印封僅用布袱包裹其存在正陽門西直門者即由該處城門領掌

管伊亦未查驗等語京城內外門及皇城紫禁城各門設立合符規制綦嚴今步軍統領衙門如此輕率交代殊不足以昭慎重著交軍機大臣詳悉查明一併妥議章程於啟鑒前具奏尋議嗣後各門所貯陰文合符用黃紙包封木匣存貯在紫禁各門存貯者內封加貼左右翼前鋒統領印花匣外加貼鑲黃旗護軍統領印花每屆一月由該直班統領親加啟驗一次正陽西直二門存貯者內封

外匣加貼步軍統領印花。每屆一月由步軍統領親加啟驗一次。步軍統領衙門所貯陰文合符自行加製木匣如法存貯。庶規制謹嚴。典守益昭慎密。從之。○又諭此次射布靶之前鋒侍衛護軍叅領等中箭人數甚屬寥寥。惟左翼前鋒統領鄂勒哲依圖所管之前鋒侍衛賡音通阿。鑲白旗護軍統領德麟所管之護軍叅領萬神保。副護軍叅領富通阿。正藍旗護軍統領慶祥所管之副護軍叅領

善彭。副護軍叅領賡音布五人。俱中箭三枝。餘皆中箭一二枝不等。並無不中布靶之人。可見鄂勒哲依圖等平日操演尚能妥善。鄂勒哲依圖、德麟、慶祥俱著加恩交部議敘。其正白旗護軍統領玉福所管之副護軍叅領伊林保等五人。內中箭兩枝者二人。中箭一枝者一人。並無中箭三枝者。玉福著交部察議。鑲黃旗護軍統領明志所管之副護軍叅領福順等五人。內福順中箭二枝。奇成額中

箭一枝。喀爾滿等三人俱未中箭。鑲藍旗護軍統領瑞齡所管之護軍叅領三人。內惟平山一人中箭二枝。其餘俱未中箭。明志、瑞齡著交部議處。馬步箭乃旗人根本。而於武職尤為切要。凡管理各營武職官兵大臣等。理宜從嚴操演。務期悉臻精銳。除此。已將該管前鋒叅領護軍叅領之大臣等計其中箭與否及中箭數目酌量分別勸懲辦理。外經此次辦理之後。儻仍不妥為操演。以致中箭

人數稀少。不惟將該員從重治罪。並將該管大臣等一併治罪。決不寬貸。○湖南巡撫景安因病乞解任。允之。調安徽巡撫廣厚為湖南巡撫。以工部左侍郎錢楷為安徽巡撫。○癸未諭軍機大臣等。李亨特奏請將河庫錢糧濫支冒領之道廳分別辦理一摺。據稱查覈接管卷內。有已革開歸道林樹芳具報於上年霜降後十月起。至十二月止。共借給南岸七廳銀二萬八千九百五十兩。查黃河各

廳霜降以後並無搶辦緊急工用何至借銀二萬八千九百五十兩之多且並不遵照飭定章程隨時報明實屬有心朦混當經飭查旋據下南蘭儀儀睢睢寧四廳將所借之銀如數完解其餘三廳所繳銀兩均未及十分之四捏稱前項借款係購備板木逼凌捲把縛繩匠工及歲料例幫二價不敷並鑲埽夫工等項之用現飭開歸道嚴飭未完三廳將借項追還道庫歸款其濫支庫項已經另案

革職發往伊犁効力贖罪之原任開歸道林樹芳係專管河庫經手之員未便令其置身事外所有前項銀二萬八千九百五十兩在於該革員名下照數罰出充公以昭炯戒等語河庫錢糧絲毫皆關帑項豈容濫支冒領藉詞捏飾如果前項銀兩並非豫購料物備辦工程該員等通同擅支擅借盈千累萬私肥囊橐是直與侵蝕無異豈革職追繳遂足蔽辜仍當治以應得之罪李亨特所奏名為

從嚴轉不免失之寬縱若係向來河員豫備次年工料於秋冬間物價平賤之時借項購買不過一時借用將來仍於報銷抵補自有冊籍可稽則事屬因公其所辦又未免過當長齡甫經到任無所用其迴護著將李亨特所奏逐細查明並調取案卷詳覈如各廳員果有捏冒借支情弊即行嚴叅懲辦儻係因公豫借亦即據實奏明總須秉公覈定毋得稍存偏倚之見將此諭令知之○轉工部右

侍郎顧德慶為左侍郎以順天府府尹初彭齡為工部右侍郎○以鑲黃旗漢軍副都統富蘭為直隸正定鎮總兵官○緩徵河南榮澤縣水災新舊額賦○甲申諭內閣大理寺向有彙奏永遠枷號人犯之例朕因京城現有賄贖疏枷案件於召見該寺卿員時詢以向來有無稽察條例本日據該寺酌議察驗章程具奏京城暨各直省永遠枷號人犯向例大理寺僅行查各衙門於年終摘敘案由

景奏一次並無稽察殊屬有名無實嗣後京城各衙門永遠枷犯著大理寺專司稽察每月輪派堂官二員司官四員五日一次前往查驗如有疏縱等弊即時奏奏每屆三箇月後將稽察情形具奏一次至枷號輕重本有定式著刑部等衙門將各枷犯所戴枷號尺寸斤兩開具印冊隨時知照大理寺以憑查覈其外省永遠枷號人犯恐賄贖疏脫之弊尤所不免著各該督撫將軍都統等派員嚴

查如有情弊指叅重懲仍於年終咨報大理寺彙奏以符定制○又諭許兆椿奏駁監生康文河條陳南糧借用幫船兩截盤運一摺漕糧南兌北交春出冬歸自國初定制以來遵循將近二百載辦理無誤近年糧艘稽遲係由河道阻滯並非漕運章程尚有未備康文河以草茅陋見妄議更張經許兆椿逐款議駁朕詳加披閱其所駁俱係實在情形前令百齡將該監生原呈帶往江南會同陳鳳

翔許兆椿叢議並將康文河解往備詢今許兆椿所議如此百齡等所見想亦相同康文河所言紕繆難行不可留在南河妄言淆聽著百齡即將康文河解回原籍交地方官嚴加管束毋許滋事○以前任湖南巡撫景安為內閣學士兼禮部侍郎銜○賑江蘇清河安東海三州縣被水災民○乙酉諭內閣朕巡幸在途所有隨從之王公大臣官員等皆當於大營住宿環衛周廬方協扈蹕之義乃

近日隨從之員多有貪圖自便於前一日晚門後即先赴下營住宿者殊違定制嗣後隨從之王公大臣官員等皆著在大營住宿毋得私住下營其有奉派緊要差使必須本日趕至下營或次早於朕未到之前有應行豫備事件均著報明總理行營王大臣以備查察如有未經報明私往下營者即著總理行營王大臣查明奏奏至此扈蹕大臣內大學士慶桂總管內務府大臣徵瑞俱年逾七

十有五。若亦在大營住宿。則次日須起早戒途。勞頓非宜。著加恩准其於前一日申刻。先往下營住宿。以示體卹。兼可查看行宮。此外各軍機大臣。均著在大營住宿。次早先往下站豫備。至此後凡遇隨圍。非奉特旨施恩。准在下營住宿者。概不得違例自便。○丙戌。

孝懿仁皇后忌辰遣官祭

景陵。○軍機大臣議覆喀什噶爾參贊大臣鐵保等奏。烏什錢文不敷搭放一摺。查烏什兵

丁鹽菜俱以銀錢四六搭放。烏什每年例調經費銀一萬二千兩。茶封折價銀五百餘兩。已足敷用。所需錢款。每年在阿克蘇支領。惟向來兵丁鹽菜係給普爾錢一百六十文。合銀一兩。自嘉慶五年奏准銀一兩給普爾錢二百二十文。每年多放錢三百七十九串七百餘文。不敷錢款。即以烏什鑄局積存錢內添補搭放。至十五年積存錢款業已用完。今擬將屯田兵丁裁撤六十五名。暨班外留駐

之兵四十二名。全行歸伍。並將兵丁食羊折價錢文改為銀錢四六搭放。應如所奏辦理。以汰冗兵而節浮費。從之。○予廣東追賊淹斃千總彭朝勝祭葬卹廕。兵丁馬士龍等六十一名賞卹如例。○丁亥。挑濬直隸玉田縣雙城河。從總督溫承惠請也。○戊子。

上幸靜明園詣

龍神廟拈香。○己丑。諭軍機大臣等。據百齡奏查看王營減壩漫口情形。請暫緩堵築。先

赴下游察看海口。並繪圖貼說進呈。朕詳加披閱。減壩口門大溜現已掣至九分有餘。目下秋汛方長。徐州一帶。在在俱係險工。若遽行堵閉。缺口水無所歸。恐生他患。此時亦祇可暫緩。至下游海口一帶。據陳鳳翔稱海口不能通暢。百齡詢之黎世序。則稱河身中段積淤三千餘丈。其自東窪至海口。現尚深通。等語。是陳鳳翔黎世序二人之言。已不相同。百齡現已起程前赴海口。親歷履勘。自能得

其實據統俟查明熟籌妥計。詳細具奏。再圖內減壩口門之束。正河內有攔黃壩一道。實不可解。漫口未堵。大溜奔騰。若正河尚可分溜。則收窄口門。豈不較易為力。今該河督轉行築壩攔阻。豈非欲使正河斷流。著百齡確切查訪。所辦或是。或否。據實陳奏。將此諭令知之。○庚寅。諭內閣。據管理西洋堂事務大臣福慶等奏。查得西洋人賀清泰。吉德明。現在年老多病。又畢學源尚能諳曉算法。此三人請令留京。其高臨淵。顏時。暮王。雅各。伯德。天賜。四人。學業未精。留京無用。請俱遣令歸國等語。賀清泰。吉德明。畢學源。三人著准其留京。飭令在西洋堂安靜居住。其高臨淵等四人著交步軍統領衙門。於伊等起程時。派參將遊擊二員。酌帶兵丁數名。伴送至良鄉縣。直隸總督另於文職。同知。通判。內武職。都司。遊擊。內揀派妥員。帶同兵役。接替伴送出境。其山東以下經過各省。均照直隸一體派

員接替。遞至廣東。交該督松筠收管。俟有便船。飭令附載歸國。其沿途所過地方。及到粵居住之日。均不許令與內地民人交接往來。儻有意外之事。惟伴送之文武官弁是問。慎之。○以翰林院侍讀李鈞。簡為順天府府尹。○予廣東捕匪被戕額外委胡卓堂。兵丁邱正等五十一名。賁卹如例。○辛卯。中元節。上詣安佑宮行禮。○遣官祭

永陵
福陵
昭陵
昭西陵
孝陵
孝東陵
景陵
泰陵
泰東陵

泰陵
泰東陵

裕陵（命）

皇次子吳寧祭

孝淑皇后陵寢○遣官祭

端慧皇太子園寢○諭內閣馬慧裕奏請將
審案出力之知府吳之勳候補直隸州張琴
施恩鼓勵一摺所奏非是直省督撫於應審
案件派員隨同訊辦係屬常有之事該委員
既經派審自當盡心研鞠使獄無枉縱案不
遲逾此乃職分當然至若平反重案經朕降

旨褒敘係出自特恩豈臣下所可瀆請況上
控案件多由地方官遲延不辦所致今審結
者遽請優獎而從前闔草之員又不行參處
豈非有勸無懲乎近來外省大吏多好於屬
員前見好馬慧裕倡為此奏此端一開各省
紛紛效尤間遇審理一二案件即冒濫保奏
成何政體馬慧裕所請不准行○壬辰月食
○嚴禁西洋人潛住內地諭內閣西洋人住
居京師原因其諳習算法可以推步天文備

欽天監職官之選昨據管理西洋堂務大臣
查明在京者共十一人除福文高李拱辰高
守謙三人現任欽天監監正監副南彌德在
內閣充當繙譯差使又畢學源一人通曉算
法留備敘補賀清泰吉德明二人均年老多
病不能歸國此外學藝未精之高臨淵等四
人俱已飭令回國現在西洋人之留京者祇
有七人此七人中具有官職差使者出入往
來俱有在官人役隨地稽查不能與旗民人

等私相交授其老病者不過聽其終老不准
擅出西洋堂外人亦不准擅入管理大臣及
官員弁兵巡邏嚴密諒不至聽有傳教惑眾
之事至外省地方本無需用西洋人之處即
不應有西洋人在境潛住從前外省拏獲習
教人犯每稱傳播始於京師今京師已按名
稽覈徹底清釐若外省再有傳習此教者必
係另有西洋人在彼煽惑地方匪徒私自容
留不可不加之厲禁除廣東省向有西洋人

來往貿易其居住之處應留心管束勿任私行傳教有不遵禁令者即按例懲治外其餘各直省著該督撫等飭屬通行詳查如現有西洋人在境及續有西洋人潛來者均令地方官即行查拏具報一面奏聞一面遞交廣東遣令歸國如地方官查辦不力致令傳教惑衆照新定條例嚴叅重處若內地民人私習其教復影射傳惑者著地方官一律查拏按律治罪將此通諭知之○吏部兵部奏遵

旨會議旗民人等傳習西洋教失察之該管及地方文武各官處分請將不行查拏之州縣官降二級調用該管各上司降一級留任督撫罰俸九箇月如西洋人在地方潛住並無傳教情事內地民人習教並未轉傳者不行查拏之州縣官降一級調用該管各上司罰俸一年督撫罰俸六箇月其僅止過境並未逗遛失察之州縣官降一級留任該管各上司罰俸六箇月督撫免議如諱匿不報照

諱盜例革職該管上司均照諱盜例分別議處其武職旗員處分一律辦理得旨吏部兵部會奏叢議失察西洋人傳教之地方文武各官處分均著照所議行至旗人居住京城尤應遵守法度該管官耳目切近亦易於稽察如有傳習西洋教者本人既應加等治罪其失察之該管官亦應從重議處所有部臣原議失察旗人潛習西洋教之該管官降二級調用著改為降三級調用兼轄官原議降

二級留任著改為降三級留任統轄大臣原議降一級留任著改為降二級留任○刑部奏審擬廣東軍犯陳組遣孫亞邦來京呈遞封章一案得旨此案廣東安置軍犯陳組以棍徒擾害定擬發配按例不准援減歷次赦典遵循辦理並無屈抑乃該犯不獲邀恩減免輒妄指原籍配所各官為朋黨亂政羅織多人繕寫封章遣伊孫陳亞邦來京投遞並於封面鈔錄諭旨挾制接收衙門不敢不將

原封進呈實屬膽大玩法天下有道則庶人不議即平民妄寫封章違分越訴尚當治以應得之罪况過赦不赦之軍犯乃敢逞誣洩忿詐稱封事直達御前其情罪尤為重大刑部擬以改發黑龍江給披甲人為奴實屬廢法益熾刀風該犯在廣東配所既敢如此妄為即改發他處亦難禁其不故智復萌刑部所擬未免輕縱陳組著改為絞監候在廣東省城永遠監禁不必歸入秋審如該犯再敢

妄寫封章該督撫查出即行奏明請旨正法
○癸巳

上幸萬壽山○以總管內務府大臣穆騰額兼鑲黃旗漢軍副都統○以甘肅西寧道慶煥為湖南按察使○甲午

上詣

安佑宮行禮○刑部奏議覆湖北民人楊文萬聽從伊兄買砒致伊兄服食身死一案得旨此案楊文萬因伊兄楊文彩病磨難受聽從

買砒致伊兄自食斃命刑部按律將楊文萬問擬凌遲處死仍以該犯與逞兇謀斃者不同請旨定奪朕詳閱案情當楊文彩因病磨尋死向伊弟楊文萬催逼買砒未經應允輒欲自挖咽喉冀圖閑死楊文彩自尋短見如欲以金刀自戕楊文萬自當慮其傷命今僅以手挖咽喉不過一時嚇逼何至殞命且伊即被逼無奈欲藉以安慰伊兄之心何妨以他藥假稱砒石則伊兄服食亦不至遽爾戕

生乃聽從買砒收存枕下以致伊兄乘閒取服竟至不救楊文萬兄弟並無財產妻室不致有謀斃別情但楊文萬本係出外營生或因侍奉伊兄病久見其有病磨尋死之心即曲意順從亦未可定事無指證原供僅據該犯一面之詞若竟照從前陳氏被伊姑張羅氏誣令取砒服毒一案改問斬候兩案情節不同楊文彩之死究由楊文萬買砒所致倫紀攸關難以寬宥惟罪疑惟輕楊文萬著改

為絞立決。乙未定兵丁故殺本官例諭內閣兵丁楊幗俊因妒姦故殺本管把總李定祥身死刑部以李定祥自取凌辱應同凡論將楊幗俊問擬斬候具奏朕詳覈案情楊幗俊李定祥先後與楊吳氏姦好是晚楊幗俊正在楊吳氏家姦宿適李定祥潛往叫門楊幗俊即以汎官不應與民婦通姦向其挾制致彼此爭罵揪毆楊幗俊先將李定祥戳傷自知難免問罪復恨其奪姦隨起意戳傷李定祥心坎殞命李定祥係楊幗俊本管營官如因姦宿民婦輒將所管兵丁凌辱以致兵丁氣忿爭毆致命則是死者有罪逞兇者本係無罪之人應以凡論但科其故殺之罪今李定祥楊幗俊同與楊吳氏通姦均係有罪之人楊幗俊因妒姦逞忿刃斃本官干名犯義目無法紀若竟以凡論殊覺無所區別楊幗俊一犯問擬斬候秋審情實亦必予勾著即行正法餘照該部所擬完結嗣後遇有兵

丁故殺本官之案若兵丁亦係犯罪之人與本官犯罪同者著照例問擬斬候仍請旨即行正法○已革倉場侍郎玉寧以罪遠戍伊犁○丙申

上以秋獮木蘭自圓明園啟鑾命

皇次子吳璠皇三子綿愷於八月初旬赴熱河隨駕進哨○命儀親王永璇大學士勒保劉權之協辦大學士尚書鄒炳泰留京辦事○免蹕路經過地方本年額賦十分之三○免

喀什噶爾回莊本年水災額賦○是日駐蹕南石槽行宮○丁酉賞密雲縣接駕兵丁半月錢糧○是日駐蹕密雲縣行宮○戊戌駐蹕要亭行宮○己亥旌表守正捐軀直隸永清縣民徐九鳴女徐氏○賞熱河接駕兵丁並看守避暑山莊弁兵一月錢糧口內口外各行官弁兵半月錢糧○緩徵河南孟津孟陽陰內黃安陽五縣水災新舊額賦並給孟津孟二縣災民口糧及房屋修費○是日駐

蹕兩間房行宮○庚子駐蹕常山峪行宮○
辛丑駐蹕喀喇河屯行宮○壬寅

上至熱河○詣

文廟瞻禮

關帝廟

城隍廟拈香○詣

永佑寺行禮○賞熱河綠營兵丁一月錢糧○

是日駐蹕避暑山莊至八月辛酉皆如之○

癸卯諭內閣據百齡奏稱查勘海口上下未

經挑挖處所尚俱深通即馬港口以上河身

雖經減壩奪流存水亦尚及丈惟中段挑浚

之處轉已涸成平陸詢之河兵土人等僉稱

去歲挑河所挖之土即在河灘堆積並未遠

移隄外今春黃水漫灘衝刷土山坍塌仍淤

河內又挑工盡處之攔潮壩一道放水時壩

根起除未淨以致阻梗水中黃水泥沙俱為

壩基攔阻停淤特甚本年凌汛後淮海道黎

世序即屢次將漫水汕開土山必致河身淤

墊之故稟明河督陳鳳翔批令俟秋汛後再

行籌辦等語上年特派馬慧裕前往南河督

辦挑工費帑數百萬乃壩根起除未淨又堆

積土山逼近河灘以致水過沙停淤塞幾同

平陸馬慧裕係駐工專辦之人實難辭咎著

交部議處陳鳳翔身任河臣本年三四月閒

倪家灘一帶既有漫溢之處即應親往相度

及早籌辦乃該管道員屢經稟請伊轉視為

緩圖以致河流不暢上游漫口實係該河督

因循貽誤且現據奏報棉拐山李家樓復有

兩處漫口陳鳳翔著交部嚴加議處其疏防

之蕭南同知陳熙守備管友仁邳北通判朱

楹守備鄭慶瑤及該管之文武汛官俱著先

摘去頂戴戴罪堵築仍交部議處兼管之徐

州道張鼎遊擊孔成一併交部議處○諭軍

機大臣等百齡具奏查勘海口情形審度全

河局勢一摺所奏甚為明晰海口現無高仰

形跡亦無攔門沙阻窒其受病之處在去年

挑挖河身工段內積淤三千餘丈。又親至馬港口以下。見該處積有淤沙。且入海路窄。仍以修濬正河為便。所見甚是。並擬將竈工尾以下河身加挑寬深。兩岸接築新隄。夯碮堅實。再於七套地方增建減水壩。及修復王營減壩。復建磨盤埽等工。所議均有條理。此事即責成百齡盡心籌畫。吳璥久任河督。於南河情形素為熟悉。已降旨令其前赴南河。隨同百齡辦理一切。百齡素能辦事。此時責無

旁貸。務勤思熟計。以副委任。將此傳諭知之。○旌表守正捐軀陝西綏德州民郝成才妻蘇氏。○甲辰諭內閣。伊冲阿奏。納爾松阿輕動庫銀。借給官弁一摺。此項烏什駐防各營員弁。做照喀什噶爾之例。兒支內地本任養廉。該叅贊大臣納爾松阿。既將該員弁等兒支緣由咨行戶部。並將兒支銀數與本任應關養廉銀數。能否照扣之處。咨查陝甘總督。自應俟戶部覈准。及陝甘總督覆到之日。

如果准其兒支。方可照數給發。今納爾松阿不候覆准。即動用庫項支給。以致該員弁內竟有不敷扣抵之款。實屬輕率。納爾松阿著交部嚴加議處。其糧餉局章京成福。係專管錢糧之員。未經阻止。亦有不合。著交部議處。該員弁等兒借銀兩。除已由內地司庫扣還。及在防呈繳外。所有尚未歸款之把總謝林。陳潤外委趙富。朱升。郭成俊。連陞。革職守備玉芝。共兒借銀三百五十二兩。並革職守備

劉加得。兒借銀七十七兩零。既據陝甘總督查明。司庫有項扣還。即令搭解歸款。報部查覈。○旌表守正捐軀直隸定州民白雲嵐妻楊氏。安徽宿州民時敏媳張氏。○乙巳諭內閣。前因拉旺多爾濟牧場內有民人聚眾。創挖黃耆。拒傷官弁之事。節經降旨。令興肇將如何起釁緣由。並作何辦理之處。據實具奏。本日據興肇等將該處歷年創挖黃耆各案犯緣由。聲敘覆奏。此項民人。先於嘉慶十五

年間在海奴克達木諾爾烏訥格特等處聚
集創挖黃耆並經該處總管呈報有將護軍
依達木扎布恩克哈麟打折之案其事係在
前任都統慶怡任內上年慶怡來京經朕詢
問該處情形據奏地方安靜總未將此事陳
奏且託稱不曉蒙古言語巧辭規避及將伊
調任荊州將軍以為可以卸責後任即欣然
赴任置身事外是其居心巧詐置地方重案
於不辦因循貽誤厥咎甚重慶怡著交部嚴

加議處彥吉係係該處副都統與慶怡同時
在任亦著交部嚴加議處興肇於本年二月
甫經到任四月內民人聚眾在拉旺多爾濟
牧場創挖黃耆毆傷長史護衛等是其任內
之事伊未經奏辦經降旨詢問始行陳奏興
肇年老無能不勝察哈爾都統之任著交部
議處慶怡彥吉保興肇俱著來京聽候部議
所有荊州將軍察哈爾都統副都統員缺已
另降諭旨補放貢楚克扎布補授察哈爾都

清 實 錄 嘉慶十六年七月

統到任尚需時日其未到任以前著成寧由
京馳驛前往署理本智補授察哈爾副都統
亦一併馳赴新任俱不必來行在請訓伊二
人接任後即將此案現獲各犯再行詳訊該
處創挖黃耆首犯牛禿子現已就獲其另夥
為首之梁五麻子所有前次毆傷官弁即係
伊雇往之人尤為此案罪魁該犯籍隸豐寧
並案內籍隸多倫諾爾廳等處之田伏有侯
懷仁籍隸山西之高榮等四犯著直隸總督

平定李

山西巡撫熱河都統古北口提督等一體飭
屬嚴拏並案內人犯無論何處緝獲俱著解
赴察哈爾都統衙門交成寧等歸案訊辦其
興肇摺內所敘獲犯牛禿子等供或稱雇覓
十餘人或稱數十人所訊亦未確實該衙門
從前報案即稱有四五百人雖或不至如拉
旺多爾濟所言數千人之眾亦斷不止如所
供之數並著成寧等據實查訊具奏黃耆係
尋常藥植本非例禁之物但如此聚集多人

三三一

創挖滋事不可不加以禁令嗣後黃耆細載入口應如何查辦及民人糾集出口應如何禁止著成寧本智會同直隸總督山西巡撫詳悉妥議章程具奏成寧於辦理此案完竣後俟貢楚克扎布到任交代再行回京供職○又諭宗室族長學長有管束宗室之責本應揀派曉事及能常時稽查教導之員此次失察宗室安祿私自出京之總族長奉恩輔國公成秀人本平庸護軍統領玉福在乾清門行走不能兼顧本不應派伊二人兼充成秀玉福著革去總族長仍交部嚴加議處所遺總族長之缺即著揀選能辦事之員奏補○又諭刑部議將山西等省流徒官犯應減不應減之處摘敘案由開單請旨朕詳加披閱單內所開之王敏樹因虧欠採買穀價藉稱巡撫閱兵辦差賠累希圖挾制旋經勒限全完董芝堯因跟隨巡撫閱兵代知縣說合給巡撫家人門包孫耀因虧賠採辦兵米銀

兩並供應巡撫過境夫馬等款虧短公項業經依限全完歸恩慈因屬員捏冒賑銀事後借貸亦依限全完俱著加恩准其援減其汪庚一名因細故將十歲幼婢疊毆致死實屬殘酷著不准援減○以鑲紅旗滿洲副都統慶祥為理藩院右侍郎○以正白旗漢軍副都統恒寧為荊州將軍鑲白旗滿洲叅領慶保為正白旗漢軍副都統正黃旗蒙古副都統明亮為鑲白旗滿洲副都統正紅旗漢軍叅領楊樹增為正黃旗蒙古副都統○丙午以二等侍衛承啟為葉爾羌幫辦大臣○是月直隸總督溫承惠奏請恭詣中關接駕得旨九月間不必接至中關至遠常山峪足矣看完熱河兵回至常山峪候接若任汝意明歲必求入哨矣總之地方大吏勞心為本勞力為末切勿倣學俗吏以多見幾面為榮

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十六

佛說阿彌陀經疏

1

大清仁宗受天興運敷化經猷崇文經武孝恭勤儉端敏英哲睿皇帝實錄卷之二百四十七

監修板官想無言此唐官太子太傅武英殿學士文淵閣領閣事務察欽奉 上諭事件處管理工部事務翰林院掌院學士同帶

聖恩序常四級中校總裁官太子太保大淵閣大學士掌理刑部事務加五級戴均元經筵日講起居注官太子少保內臣大淵閣提

梁閣下稽察欽奉
上諭事件處協辦學士戶部尚書翰林院掌院學士教習庶吉士總管內務府大臣鑲黃旗滿洲都統崇蔭

領管戶部一庫奉從監清園等處總理工程處御茶膳房御藥房太醫院澤堂事務筆劄五級隨帶五級尋常加五級紀錄主文英祐

總辦官太子太傅禮部尚書王書房行走武英殿總裁管理園子監事務加三級紀錄四次汪廷珍等奉

敕修

嘉慶十六年辛未八月丁未朔祭

先師孔子遣大學士劉權之行禮○以古城

領隊大臣果勒明阿為三姓副都統○旌表

守正捐軀江蘇泰州民英連德妻姜氏○戊

申祭

大社

大稷遣儀親王永璇恭代行禮。○己酉。賞熱河

及額魯特兵丁。一月錢糧。○庚戌。

上御如意洲賜扈從王公大臣蒙古王貝勒貝

子公額駙台吉等食並賞賚有差○遣官祭

文昌帝君廟○辛亥遣官祭

闕帝廟○諭內閣松筠等奏雷瓊道出缺委員遞署並稱該處瘴熱潮濕水土惡劣前任道海祥清華二員均因病出缺必須諳練海疆能耐烟瘴之員始克勝任請以廣州府知府陳鎮升署等語雷瓊道係請旨簡放之缺非例得在外題升者可比該處雖孤懸海外而設立道缺多年歷任簡放之員不少未聞有受瘴致病者海祥清華二員因病出缺不

過適逢其會上年南韶連道出缺時百齡等即奏請以陳鎮升授今松筠等復有此奏顯係為屬員升任地步飾辭乞恩松筠等所奏不准行所有廣東雷瓊道員缺著胡大成補授○改廣東雷瓊鎮總兵官為瓊州鎮水師總兵官鎮標左右二營萬州儋州原設陸路各營及水陸相兼之崖州營均駐劄瓊州仍歸瓊州鎮管轄原轄之雷州左營徐聞營及白沙塘雷州右營改歸陸路高州鎮管轄自

陽江至東海西上路陽江鎮標左右二營廣海寨吳川碇洲東山各營歸陽江鎮統轄自海口至龍門西下路海豐龍門海安崖州各協營歸瓊州鎮統轄從總督松筠請也○調廣東高州鎮總兵官洪鼐為瓊州鎮水師總兵官雷瓊鎮總兵官馬應圖為高州鎮陸路總兵官○壬子諭內閣本年節候較早天氣漸寒大學士慶桂年逾七旬現有腿疾不必隨進木蘭著留住熱河會同徵瑞察看普陀

宗乘廟工俟迴鑒時迎至中關接駕隨扈回京以示體卹○諭軍機大臣等陳鳳翔奏棉拐山漫口堵築合龍陳鳳翔現馳赴蕭南查勘情形此時李家樓缺口已塌寬五十餘丈水勢甚盛急切亦難以施工陳鳳翔到彼後即回至清江協同百齡先將挑濬王營減壩以下河道并堵築減壩漫口各事妥速籌辦將此諭令知之○癸丑秋分夕

月於西郊遣鄭親王烏爾恭阿恭代行禮○甲

寅以刑部右侍郎成寧為山西巡撫○乙卯
太宗文皇帝忌辰遣官祭

昭陵○諭內閣據御史西郎阿奏查覈方王氏
呈控倉場侍郎王寧一案內花戶方世德於
支放甲米時兩次收過任五交給京錢二百
三十千以所供每石三百四十文覈計米七
百石應有京錢二百三十八千已不止二百
三十千之數且尚有餘石似符一百二十兩
之例其罪不止擬軍並任五等屢次包攬領

米作與其罪亦不止於答責等語定律計贓
科罪應以實在八已者覈算此案前經軍機
大臣會同刑部審訊定擬茲該御史以原擬
未協奏請飭交刑部查究著派勒保成格即
將此案供情秉公覆覈軍機大臣等原引律
文是否平允查明據實具奏尋奏原議甚為
平允惟任五未經計贓科罪僅予答責未免
輕縱任五應依誑賺人財物律杖九十從之
又諭御史劉彬士奏本年秋審有安徽省

戲殺絞犯二起均係出於無心應依過失殺
人律辦理並引據律條及舊案開單呈覽朕
詳加披閱繆二一犯因被徐從峯走至背後
戲將該犯右臂膊扭轉口稱能掙脫始算本
事該犯荅以何難即站起用左肘肘往後一
聳適傷徐從峯胸膛殞命李松一犯因與楊
順一同拾糞該犯蹲地楊順從背後用兩手
戲擎兩肩身向前撲問其能站起否該犯以
何能擎住為荅即將身掙起因掙勢過猛致

頭顱挫傷楊順心坎倒地殞命覈其情節俱
無爭鬪形狀亦無有心致傷情事該御史援
引從前王學溥與謝潛修戲耍致謝潛修跌
斃及陳阿住與方官森戲耍致方官森淹斃
二案比較該二案均係死者自行失足致斃
與繆二李松挫傷人命者情節不同惟所引
祝興發拋刀演戲無暇旁顧致挫傷姚元寶
身死一案從前刑部曾依過失殺律擬罪祝
興發以金刃過失殺人尚從輕擬則繆二李

松二犯以過失殺擬罪尚非寬縱。繆二李松俱著照該御史所奏依過失殺人律改擬。嗣後如有情節似此者該部俱覈照辦理。○又諭吏部奏原任順天宛平縣縣丞加捐布政司理問張士鑑該員於未經服滿時經河督陳鳳翔調赴河工奏留東河以沿河州同補用又原任直隸天津縣知縣王德榮一員於丁憂回籍後稱有隄工清算事件復行來直在永定河工効力經總督溫承惠奏請留直補用均屬違例。請旨將該二員及陳鳳翔溫承惠均交部議處等語。外省官員丁憂離任原應在籍守制從前並降有諭旨不准各督撫等籍詞奏留以杜賣緣。乃張士鑑王德榮於未經服滿時藉詞投効濫邀議敘補用實屬取巧。張士鑑王德榮俱著交部議處。其違例奏留之陳鳳翔溫承惠亦著交部議處。此係初次懲創嗣後各省督撫如再有將丁憂未經服闋人員率請奏留者定當交部嚴議。

以頭等待衛安成為鑲白旗蒙古副都統。丙辰遣官祭黑龍潭。昭靈沛澤龍王之神。玉泉山。惠濟慈佑靈瀨龍王之神。○諭內閣常明奏請將川省緝匪嚴加懲創據稱該省從前辦理緝竊之案除緝竊至五六次者比照積匪猾賊減等擬徒仍奏明照該省懲治匪徒例按依徒限繫帶鐵桿示儆其尋常罪止笞杖之緝匪只照例發落請嗣後除徒罪以上及初犯賊輕並無糾夥帶刀之緝匪仍照本律問擬其糾夥緝竊有賊輕而訊係再犯並帶有刀械者枷號三箇月滿日折責加繫帶鐵桿三年如未糾夥或糾夥而訊係初犯帶有刀械者枷號兩箇月滿日折責加繫帶鐵桿二年其未竊物分贓而隨行服役及帶刀到處遊蕩者枷號一箇月滿日折責加繫帶鐵桿一年釋放時仍照例分別刺字免刺各等語川省無藉貧民動輒身帶小刀四出遊蕩

乘機肆竊或聚集一處恃衆行兇釀成搶奪鉅案自應從嚴懲治俾知儆畏著即照該督所奏按緝竊次數及有無糾衆帶刀分別枷號繫帶鐵桿年分辦理惟各州縣獲犯懲辦必當有所查考著該州縣每辦一案即報明臬司總督由總督彙冊報部限滿開釋鐵桿時亦報部查覈庶不致州縣官任意常年羈禁而各匪徒儻於限滿開釋後仍復犯案即加重懲辦部中亦有可稽考○丁巳

太祖高皇帝忌辰遣官祭

福陵○予故鎮國公綿疆祭葬如例○戊午遣

官祭昭忠祠○以江西南昌城守協副將沈

洪為南贛鎮總兵官○乙未

上詣

永佑寺行禮○諭內閣鐵保等奏查拏指稱叛

裔名目斂取錢物並捏寫回經妄添不法語

句之首從各犯審明辦理一摺新疆回民久

經安居樂業薩木薩克遠竄窮邊距喀什噶

爾尚有五六千里之遙伊故後其子玉素普窮困無依欲向伊舊日屬下回人斂錢幫助乃沙朶斯等膽敢私通書信藉名惑衆斂取錢物實屬不法鐵保等一經訪聞即能不動聲色密飭阿奇木伯克玉努斯等將案內首從各犯全數拏獲辦理甚為妥速鐵保著加恩賞給副都統銜其本任翰林院侍講學士交吏部開缺照例進本哈豐阿著加恩賞給二等侍衛阿奇木伯克郡王玉努斯甫經到

任即差七品明伯克阿布都拉五品頂帶藍翎侍衛愛里巴克依等借清查回莊為名悉心訪拏搜獲各項字跡解送到案甚屬奮勉玉努斯著加恩賞給大緞二匹五絲緞二匹明伯克阿布都拉著賞給大緞一匹五絲緞一匹以示獎勵愛里巴克依係玉努斯屬下之人令其自行加賞所有案內首從各犯俱著照所奏辦理○庚申諭內閣伊犁將軍呈進馬匹以備天閑之選自平定西域以來歷

年遵辦已久。昨據察哈爾都統興肇奏。此次伊犁進馬。共帶有一百八十五匹。沿途多索支應。當交軍機大臣會同行在刑部。將派來進馬之總管佐領等。提訊據供。將軍晉昌原交進貢馬五匹。備用馬四匹。此外多係該將軍及領隊大臣等。帶來分送各大臣官員者。下及總管佐領。以至隨從兵丁。均各有私帶馬匹。或沿途售賣。或分送親友。以故馬數增多。並將該將軍等分送王大臣等馬匹數目。

開單進呈。朕披閱單內。御前大臣及御前侍衛華聘。阿那保。均各得有饋送馬匹。每年貢馬僅止五匹。備用之數亦畧相等。而私帶分送者。竟加至數十倍。殊屬不成事體。且御前侍衛多人。何以獨華聘。阿那保二人得有饋遺。明係因華聘。阿那保為派出試馬之人。是以該將軍進馬。恐其挑剔。先行致送。以杜其口。此等風氣。亟應飭禁。嗣後伊犁將軍每年進馬。除例貢五匹外。再備進五匹。派委妥員。

送到一同交上駟院驗收。此外不許多帶一匹。至官兵等所供附帶馬匹。售賣添補盤費。亦係託詞支飾。如該官兵遠道隨行。盤費實有不敷。著該將軍給發充足。毋令藉口滋弊。添設成都駐防滿營。養育兵九十六名。從將軍豐紳請也。旌表守正捐軀河南寶豐縣民楊曰恭女楊氏。辛酉。

上御卷阿勝境。賜扈從王公大臣蒙古手貝勒貝子公額駙台吉等食。○諭內閣。本日景安

奏留湖南試用知府雙成一摺。已照所請行矣。直省分發人員。試用期滿。例有甄別之條。與各部院學習司員。期滿分別去留。事同一例。前經降旨。令各部院堂官。於學習司員報滿時。認真區別。不准一概奏留。以博寬厚之名。司官分理部務。共相商辦。尚不止責成一。人若外省道府州縣。或身膺表率。或職司民社。各有專責。若將不能勝任之員。妄行保留。將來遇缺敘補。必致貽誤地方。嗣後各省督

撫遇有分發試用期滿人員務須嚴加甄別如實係才具明晰辦事勤能者准予保留其才質平常者不得一味姑容或酌量改補丞倅佐貳等官俾以閒曹自効庶量能授職不致濫竽貽誤將此通諭各督撫知之○壬戌上自避暑山莊啟鑾幸木蘭○諭內閣慶怡前在察哈爾都統任內於民人聚衆創挖黃耆拒傷官弁重案未能即時查拏奏辦上年進京時又不將該處情形據實奏聞託稱不曉蒙古言語巧為規避本應照部議革職姑念伊所得處分係都統任內之事著革去將軍仍將本身承襲公爵加恩賞留彥吉保與慶怡同時在任於此案亦未查辦本應均照部議革職惟該副都統未曾來京與慶怡飾詞諱匿者有閒著加恩改為降三級賞給三等侍衛在大門上行走興肇係接任之員本年續有創挖黃耆之案未經奏辦亦應照部議降三級調用姑念伊到任未久著加恩改為

降二級賞給頭等侍衛在大門上行走○緩徵吉林打牲烏拉被水兵丁應納倉穀○是日駐蹕中關行宮○癸亥駐蹕波羅河屯行宮○甲子諭軍機大臣等百齡覆奏南河要工分別緩急辦理及籌畫先後挑濬堵築章程一摺王營減壩漫口未能即時堵合因上年所挑馬港口以下河身淤平三千餘丈北岸新隄坍塌多處以致河流梗塞大溜不能順注必須重加挑築始能堵閉漫口自減壩奪溜以後由王營以至馬港上缺下淤又幾二百餘里亦須開段抽溝使之一律深通其減壩以東之老壩工舊積淤灘既梗黃流復阻清水應一併挑除至清水出湖欲使七分敵黃三分濟運機括全由設立磨盤埽仍應依照辦理百齡擬於雲梯關外將竈工尾以下至二木樓積土壅塞處所照上年挑挖加深二尺出土在五十丈以外北岸倪家灘缺凹五處補築堅固又於二木樓以東加估挑

工至八巨港並於兩岸接築土堰俾盛漲時漫水不致散洩再將老壩工積淤估挑取直於減壩之下估挖引河使合龍時吸引大溜免致旁溢其湖口應設之磨盤埽倣照其意將運口舊有蓋壩接長遮過口門使迴溜東入運河挑正溜北趨清口再於壩後酌量幫鑲以復舊式自九月初旬開工勒限於十二月上旬即可普律完竣所奏情形甚為明晰其分別各工緩急先後籌畫亦甚得宜所有

一切工程均著即照所請辦理將此諭令知之○又諭溫承惠奏審擬交河縣民崔希勝赴京呈控伊文成寵妾害妻賄串捏傷一案據稱伊文成之妻崔氏素性癡傻與夫不睦常被責詈上年六月崔氏在住房門外褪袴捉尋伊文成回家瞥見詈其無恥欲毆崔氏奔避被臺堦絆跌擦傷左右兩腿經伊女扶起崔氏因被詈氣忿輒萌短見投繯殞命等語伊崔氏既係癡傻在門外褪袴捉蟲是不

知以羞恥為重且常被夫責詈何以此次一經伊夫罵詈遂即氣忿輕生若素性激烈不甘恥辱又不似癡傻人所為或係伊文成憎嫌其妻時常責打以致斃命裝點自縊情節均未可定現據溫承惠奏此案已經知府吳兆熊沈華旭如法檢驗或該委員未曾親身眼同檢視另行轉奏被其朦混著溫承惠再將此案確實研訊或另行委員覆檢如原驗情節無誤仍照原擬具奏或有不實不盡之處即據實平反以成信讞將此諭令知之○

是日駐蹕濟爾哈朗圖行宮○乙丑諭內閣據御史景德奏近日刑部枷號尺寸較大不照舊式著派勒保成格提到新舊枷犯逐一查驗如有違式者據實參奏尋議刑部枷號斤重均符定例惟因遵例定尺寸枷面較大應請量為變通將枷號定為長二尺五寸闊二尺五寸總以例載二十五斤為準並請纂入則例從之○刑部議奏湖北民婦謝姚氏

聽從弓兵向寧教唆誣控氏翁調姦毆傷一案。得旨此案謝姚氏因被夫謝宗賢毆打奔訴伊叔途遇向寧誘令捏控伊翁調姦不從將其毆傷該氏係鄉愚無知並不知調姦係何罪名受人愚弄隨口叫喊與罔顧倫常自行干犯者有閒至其夫謝宗賢自戕身死亦由向寧詐賊嚇逼所致向寧構釁詐賊嚇斃人命實屬險惡向寧著即處絞謝姚氏著從寬改為絞監候○是日駐蹕阿穆呼朗圖行

宮○丙寅

上行圖○諭內閣朕披閱刑部進呈四川省情實人犯招冊一起絞犯陳仲黃隴保二名均係聽從已經正法之李洪輪姦葉長春之妻楊氏已成刑部依輪姦為從同姦者絞監候例擬絞監候一起斬犯韓喜貴係隨同已經正法之陳大觀至田文舉家行竊撥門入室時田文舉外出伊妻劉氏喊捕陳大觀與同夥五人先後逃出陳大觀聽聞止有婦女聲

音起意強姦復約同韓喜貴進房將劉氏推倒韓喜貴揪按兩手陳大觀先將劉氏姦污韓喜貴正欲行姦適本夫回歸喊問未及成姦而逸刑部依因竊盜而強姦婦女未成者斬監候律將韓喜貴擬斬監候覈觀兩案陳仲黃隴保輪姦為從已成擬絞監候韓喜貴輪姦為從未成擬斬監候若謂韓喜貴因盜竊而強姦從重問擬當陳大觀等聞喊逃逸復約韓喜貴進房並無行強盜劫之心進房

後亦均未掇取贓物其時該犯等之意專在輪姦既以姦論則即應以已成未成分別輕重與強盜之以得贓不得贓科斷理無二致姦已成者擬絞姦未成者擬斬兩相比較殊未平允除陳仲黃隴保一起照輪姦為從同姦本律問擬絞候無誤無庸再議外其韓喜貴一犯著刑部詳覈案情另行定擬於四川省勾到以前具奏尋議將韓喜貴量改為絞監候并請纂入則例從之○是日駐蹕布克

御營○丁卯

上行圍○旌表守正捐軀浙江會稽縣民錢浩妻鄭氏○是日駐蹕巴彥托羅海御營○戊辰

上行圍○加兩廣總督松筠太子少保○緩徵直隸藺文嵩昌黎樂亭天津青靜海滄慶雲玉田大名南樂清豐武邑武強宣化十六州縣水災旱災新舊額賦並旗租倉穀○是日駐蹕哈里雅爾御營至庚午皆如之○己巳

世宗憲皇帝忌辰遣官祭

泰陵○庚午

上行圍○諭內閣本年朕進哨行圍四日牲獸甚多較去歲行圍十數日所得牲獸相同皆由圍場總管安福等平日管查嚴密安福前在軍營曾給副都統銜補授京城副都統嗣因在圍場總管任內修理圍場橋道平常革去副都統銜本年管理圍場甚好著仍加恩賞給副都統銜仍賞加一級翼長齊克圖巴

達朗貴著各賞一級○辛未

上行圍○遣官祭賢良祠○諭軍機大臣等百齡等奏李家樓漫口急難堵合並會同商酌辦理緣由一摺李家樓漫口現寬至一百零一丈口門水深二丈八九尺外灘已刷成河槽亦寬一百餘丈水深一丈八九尺不等奪溜已至八九分峯山間之東河道淤成平陸者三千餘丈宿桃南北四廳亦間段露出乾灘是該處漫口急切亦難於堵合該督等擬

於大隄之外繞遠圍築土堰接築東西壩基盤做裏頭以為進占地步並築攔河壩以免停淤目下亦祇可如此辦理昨已據百齡奏將現辦各工區分次第此時惟有先將王營減壩以下河身淤墊處所上緊挑挖接築以便將減壩漫口及早堵合俾河流歸入正路則黃水繞湖出口尚可稍收刷滌尾閘之益隨後再將李家樓以下河道逐段抽溝挑濬方能將全河挽歸正流復還故道至李家樓

以下漫水紆回數百里四散旁溢江蘇安徽兩省被淹各州縣民田廬舍悉在巨浸之中朕宵旰焦急實在於此著百齡章煦錢楷委員逐處勘查加意撫卹毋令災民失所應如何分別蠲緩施恩之處迅速據實馳奏其安徽靈璧泗州附近洪澤湖一帶詳勘舊有河渠溝港設法疏濬導令漫水多入洪湖被淹民田亦可早行涸出俾得及時耕種各安生業將此各傳諭知之○旌表守正捐軀直隸

曲周縣民張蓋妻王氏○是日駐蹕吉林烏

里雅蘇御營○壬申

上行圍蒙古盟長王公等於行幄東門外設大禮廬侍

上膳畢

上閱詐馬等技賞賚有差○是日駐蹕齊爾博庫口內御營翼日如之○癸酉

上行圍○刑部奏議覆直隸民人周菊擲刀誤傷伊繼母一案得旨此案周菊醉後用刀砍

傷伊妻王氏因王氏奔避該犯將刀向擲適伊繼母張氏由廂房出視誤傷項頸部議照子毆父母斬律擬斬立決周張氏係周菊繼母若該犯有心干犯或持刀在手誤行砍傷其罪均無可末減今該犯因擲刀追砍其妻適伊繼母出房誤中致傷於子毆父母律稍覺有間周菊著改為斬監候趕入本年秋審情實辦理○軍機大臣議覆盛京將軍觀明奏新定大凌河馬羣餵養牧放章程窒礙難

行各款○驕騾兒馬入圍若按莊頭等第分馬匹多寡責令常川餵養較為覈實請無庸議改所有馴練各事宜仍令該牧長牧副分率牧丁辦理○兩歲兒駒仍留騾馬羣內食乳於孳生蓄息有益惟覈計口齒實逾兩歲即令撥入三四歲兒馬羣內餵養俟馴割後再歸入驕馬羣以杜弊混○出圍入圍日期天氣寒暖以節候為憑請以立夏日出圍立冬日入圍於牧放馬匹調劑合宜應如所奏

辦理從之甲戌

上行圖○是日駐蹕森吉圖御營○乙亥

上行圖○是日駐蹕葉巴究溝口御營翼日如之

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百四十七

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百四十八

監修禮部尚書臣等奉勅纂修仁宗實錄卷之二百四十八

臣等謹將仁宗實錄卷之二百四十八

臣等謹將仁宗實錄卷之二百四十八

臣等謹將仁宗實錄卷之二百四十八

校修

嘉慶十六年辛未九月丙子朔

上行圖諭軍機大臣等首齡等奏回空幫船

渡黃行走順利並現在籌辦宣洩事宜一摺

洪澤湖因上游李家樓漫口黃河大溜全行

匯注清水日漸增長現已長至一丈五尺二

寸雖禦黃壩順清湖兩處啟拆分洩暢流而

山盱五壩著重前已將智壩開放其禮壩已

將土埽拆卸察看機宜亦應及時宣洩免致

意外之虞惟目下湖水由清口暢出雖湖口

一帶可資刷滌幫船行走順利而水自王營

減壩缺口旁洩仍不能收刷滌正河暢達尾閘之益此時惟有趕緊將王營減壩以下河身淤墊處所挑挖深通以便將減壩漫口及早堵合則河水繞湖出口尚可趁其旺盛之勢束令直達海口不致仍歸散漫該督等相機速籌妥辦為要將此諭令知之○丁丑

上行圍 諭內閣百齡奏補參辦工冒濫草率之道員請旨飭令來工賠辦一摺上年馬港口堵閉漫口挑挖正河各工程動用帑項至三百四十餘萬兩在事各員辦理草率以致新挑之工又多淤塞仍須另行挑挖除駐工督辦之馬慧裕業經議處外其前任徐州道單澐原任河北道今以員外郎用之張裕慶捐納道員張鳳藻已革淮陽道葉觀潮或經手錢糧或總催工段皆係專調來工委辦之員責無可諉除葉觀潮一員已於另案革職單澐張裕慶張鳳藻俱著交部嚴加議處並飭令該三員與葉觀潮迅速前赴工次將現

在所估重挑正河補築隄埝各工銀五十餘萬兩著落分賠以為玩誤要工者戒至上年挑挖港口各工派令分段承挑之各文武員弁亦著照所奏均予革職留任三年無過方准開復 諭軍機大臣等有齡等奏籌計南河工用一摺南河頻年興辦鉅工糜帑浩繁此次必須計出萬全方於國計民生有益若目前暫圖節省將來仍不能一勞永逸則所費必遠過於所省總以工歸實濟帑不虛糜

為準固不可任聽浮銷亦不可有心惜費也至所請各直省督撫鹽政關差司道府州縣等官扣捐養廉一節所奏非是斷不可行國家養廉之設係為辦公之用若普行攤扣在賢者自以急工奉上為重不改廉隅而不肖者或因此藉口多方巧取其弊豈可勝言況為政有體從前辦理軍務費帑數千萬尚未令官員扣捐廉俸此時豈值為河工創為此舉現在所籌之款已足數所辦之工但能經

理得宜即為不負委任也將此諭令知之○
旌表守正捐軀河南陝州民張一教妻高氏
廣東陽江縣民吳洛媳朱氏給江蘇碭山
縣被水災民一月口糧○是日駐蹕烏闌哈
達南御營 戊寅

上行圍 命伊犁將軍晉昌遣駐卡侍衛一員
往奠故塔爾巴哈台哈薩克公卓勒齊茶酒
賞銀三百兩治喪以其子薩喇特襲爵○是
日駐蹕伊遜河東御營 己卯

上行圍 諭內閣伊犁將軍呈進馬匹遵循已
久現在天關內馴良得力者多係伊犁所貢
即該將軍每年於備貢之外隨帶數匹致送
親友及弁兵各私帶數匹亦向所時有但未
有如此次隨帶馬匹多至一百七十八匹者
皆由該將軍辦理不善復給與支應牌文以
致該弁兵等沿途滋擾且恐經過地方官不
為應付並各致饋馬匹殊屬不知政體晉昌
著交部嚴加議處其沿途經過臺站及地方

官員於晉昌饋送馬匹率行收受即濫與供
支均屬不合烏魯木齊提督定桂科布多參
贊大臣策拔克烏里雅蘇台將軍慶溥前任
參贊大臣長齡貝子凝保多爾濟古城遊擊
楊杰迪化州知州經額喇嘛廟同知那清阿
承德府知府世永均著交部議處至派出試
馬之御前侍衛華聘阿那保管理上駟院丹
巴多爾濟廐長德克精阿於晉昌進貢馬匹
均照例驗收並無挑剔駁換情事其得受饋

送馬匹亦係陋習相沿均著免其議處防禦
博勒洪武係晉昌派出專管進馬之人於沿
途例得騎馬換用馱隻車輛又因察罕布喇
克驛站所給車輛不敷加倍添索實屬違例
即照前旨革職其烏爾圖納蘇圖色克精布
哈丹保因引見同行幫同照料於博勒洪武
索添車輛各止不能阻止所有前旨革職之
處均著開復仍交兵部照例議處嗣後伊犁
每年進馬除正貢五匹外再備進五匹將正

貢馬照數交上駟院驗收餘馬幾匹一併交上駟院奏明候朕降旨指賞此外不得借貢馬之便私帶一匹致滋流弊尋議上得旨晉昌著改為革職留任定柱等俱著改為降二級留任命於木蘭東哨門內建立

興安大嶺神祠定每年秋獮經行親詣拈香其由西崖口進哨之年行在禮部奏請派員致祭是日駐蹕阿圭圖御營庚辰

上賜蒙古王貝勒貝子公額駙台吉等食○賞

看守黃土坎等七處行宮弁兵半月錢糧

是日駐蹕張三營行宮○辛巳遣官祭

歷代帝王廟以貝勒丹巴多爾濟失察護

衛家人等包庇賭局革領侍衛內大臣都統

及三眼花翎仍留御前大臣賞雙眼花翎○

以睿親王端恩為正黃旗領侍衛內大臣都

察院左都御史德文兼鑲藍旗漢軍都統

是日駐蹕波羅河屯行宮壬午

上御行殿勾到雲南貴州新疆廣西福建情實

罪犯停決雲南斬犯三人絞犯三人貴州斬犯七人絞犯六人新疆斬犯三人廣西斬犯二人絞犯四人福建斬犯五人絞犯八人餘九十四人予勾○以禮部右侍郎帥承瀛知武舉內閣學士吳芳培為武會試正考官詹事府詹事王宗誠為副考官○命五城於冬春二季設廠煮賑是日駐蹕中關行宮○

癸未上詣

永佑寺行禮是日駐蹕避暑山莊至丁亥皆如之乙酉

上御依清曠勾到廣東情實罪犯停決斬犯十

四人絞犯十九人餘七十八人予勾給河

南永城夏邑虞城三縣被水災民一月口糧

蠲緩永城夏邑虞城考城新舊額賦及衛工

加價銀有差並緩徵汲新鄉淇封邱延津五

縣雹災水災新舊額賦及加價銀應還倉穀

緩徵浙江諸暨新昌嵯岵台永康武義浦

江建德遂安壽昌桐廬分水麗水縉雲青田
松陽宣平富陽十八縣及杭嚴衛旱災本年
額賦丙戌免直隸文安縣大窪地額賦○
丁亥

上詣

永佑寺行禮○御依清曠勾到四川情實罪犯
停決斬犯三十五人絞犯四十二人餘一百
三人予勾○戊子

上自避暑山莊迴鑾○詣

城隍廟拈香○以福州協領喀勒沖阿為荆
州左翼副都統○旌表守正捐軀山東城武
縣民傅鳴臣女傅氏○是日駐蹕喀喇河屯
行宮 己丑

上御行殿勾到奉天湖廣情實罪犯停決奉天
斬犯二人絞犯三人湖廣斬犯五人絞犯六
人餘八十五人予勾○諭內閣本日勾到奉
天省情實人犯內張保儒一犯因患瘋疾毆
死伊妻小王氏並醫生姚魁瘋病連斃二命

依律擬絞已將該犯免勾照例永遠監禁矣
惟細覈案情張保儒陡患痰迷經伊父張銀
延醫士姚魁診視即留在伊家住宿已經十
日是夜姚魁在裏屋炕上睡卧張銀與伊妻
老王氏在外屋炕北就寢張保儒與妻小
王氏睡在炕南張保儒瘋發下地忽取木菜板
先將伊妻小王氏毆傷復跑進裏屋將醫士
姚魁毆傷先後殞命姚魁為張保儒醫治瘋
病何必留住其家過夜至十日之久且在裏
屋睡卧張保儒如係痰迷忽發將伊妻小
王氏毆傷或執持兇器逢人亂毆或顛狂向外
奔跑何以隨進裏屋將姚魁連毆致斃或張
保儒尚有知覺疑姦狂殺或姚魁在伊家住
宿日久竟與伊妻小王氏有曖昧情事均未
可定且招冊內並敘有張保儒目瞪神迷所
供均係不經之語所謂不經者究係何言恐
承審之員因兩命已斃有意不加深究將就
完案殊不足以成信讞著盛京刑部侍郎會

同奉天府尹等提集犯證再行研鞫訊取確
情據實具奏○河東河道總督李亨特奏報
秋汛安瀾出力員弁下部議敘○是日駐蹕
常山峪行宮○庚寅駐蹕兩間房行宮○辛
卯遣官祭

都城隍之神○是日駐蹕要亭行宮○壬辰
上御行殿勾到陝甘浙江江西情實罪犯停決
陝甘斬犯十四人絞犯十四人浙江斬犯五
人絞犯六人江西斬犯九人絞犯八人餘九

十四人予勾○是日駐蹕羅家橋行宮○癸
巳兩廣總督松筠奏審擬民婦陳朱氏挾嫌
教唆伊女鄒陳氏毒斃親夫及夫兄身死一
案得旨此案陳朱氏因挾鄒阿齊鄒隴章斥
逐之嫌輒商令伊女鄒陳氏毒死其夫及夫
兄二命致令鄒姓絕祀除鄒陳氏業已凌遲
處死外陳朱氏造謀陷伊女於極刑實屬兇
殘著即處斬○以故雲南南越宣撫司刀維
翰弟維周襲職○旌表守正被戕山東鉅野

縣民王希韓妻孫氏守正捐軀河南鄭州民
金賜福女金氏○是日駐蹕髻髻山行宮○
甲午

上御行殿勾到江蘇安徽河南情實罪犯停決
江蘇斬犯十人絞犯九人安徽斬犯十五人
絞犯四人河南斬犯五人絞犯八人餘九十
七人予勾○諭內閣溫承惠奏請將直隸省
州縣養廉辦公銀兩照數解司收支一摺州
縣坐支養廉著為定例今直隸省以司庫墊

款繁多急須歸補援照河南州縣赴司請領
養廉扣抵藩庫墊發河工歲料幫價積欠之
例請將直隸各州縣養廉辦公二項仍行解
司兌收著照所請准其自嘉慶十六年為始
將各州縣養廉辦公銀兩仍照數解司隨時
支放如有應歸司庫墊項即分別扣抵以清
庫款○旌表守正被戕直隸東鹿縣民王明
子妻謝氏○是日駐蹕大新莊行宮○乙未
諭內閣前據御史劉奕煜奏吏部銓選兵

部主事員缺錯誤一摺當交吏部明白回奏吏部各堂官覆奏均自認錯誤未經更正旋據兵部候補主事程同文等具呈申訴由都察院奏聞朕覈其情節即覺吏部辦理未協特派勒保等四人秉公查覈勒保等初次覆奏即意存偏袒吏部並將吏部司員及鄭敏行辯訴呈詞一併進呈同日又據鄭炳泰將司員回護堅執並辦理實在緣由具摺陳奏朕復明降諭旨令勒保等再行詳查續據勒保等援引舊案並簽註則例具摺覆奏朕詳加披閱覈其粘簽貼說及所引案據均於定例不符因改派慶桂劉鐸之覆查茲據慶桂等奏稱各衙門弊竇之滋在於舍例言案此次吏部扣選五缺第一次徐名絳係捐復人員祇准於本衙門留題之缺先補豈能再占吏部應選之缺吏部不行扣選率准留補與例不符係屬錯誤李鑒宣放道遺缺定例截缺後奉旨補放者即算一班下月不必還缺

吏部仍將袁應惇補選以還上月之缺與例不符亦屬錯誤吏部於此二案顯有成例竟不遵行轉將從前未經入例舊案牽連援引請旨將吏部堂司官交都察院分別議處並將勒保等交部察議等語所奏甚為明晰本日並據副都御史誠安給事中喬遠煥各將吏部參奏吏部綜理銓政必應謹遵定例嚴杜牽混以絕弊端乃此次吏部任聽司員將久應註銷之塵案牽引枝梧而各堂官亦不詳察轉惑於其說固執回護瑚圖禮係吏部滿尚書不能虛公定議以致曲直混淆瑚圖禮庸碌無能不勝吏部尚書之任著降為副都統職銜另降清字諭旨補放阿克蘇辦事大臣仍交部加等議處王麟戴聯奎秀寧宋鎔隨同畫稿茫無定見俱著交都察院議處鄭炳泰前經自請處分業經交議毋庸再行察議勒保久膺外任於吏部事務本不諳習此次伊管理吏部奉特旨交查吏部事件乃

並不公慎查辦殊負委任勒保著無庸管理吏部伊舊係兵部司員出身著管理兵部事務仍交部議處劉權之於此案先曾異議後亦隨同入奏曹振鏞吉綸唯諾附和俱著交部議處鄭敏行承辦錯誤又肆言詆毀堂官著照都察院所議降三級調用懷裕孫益廷熊如澍於慶桂等查辦時又復具帖置辯經慶桂等逐一簽駁懷裕等附和妄言俱著交都察院議處至徐名絨袁應惇業經引見應無庸議嗣後捐復奉旨留於本部之員應積缺不積缺之處著吏部再行妥議具奏慶桂劉鏞之查辦此案甚為公允如任內有降級處分著開復一級如無處分著各加一級以示鼓勵○又諭御史楊懌曾奏請嚴申停徵蠲免事宜一摺向來各省偶遇水旱偏災由該督撫報明分數降旨分別蠲緩其各省蠲免以奉旨之日為始奉旨之後部文未到以前已輸在官者准作次年正賦惟奉旨日期

以及蠲免分數村野小民無由周知而不肖官吏藉以因緣為奸或於部文未到之前催比更急私圖肥己且有奸猾書役藉名墊納加倍索償等情即各督撫頒示恩旨通諭各州縣而各州縣尚有隱匿不急為懸掛者嗣後著各督撫嚴查飭令各州縣遇恩旨頒到之日即將奉旨日期遍行曉諭並刊刷實徵額冊串票等註載明晰俾小民得知蠲免分數官吏無從欺隱務期實惠及民以副朕愛育黎元至意將此通諭知之○又諭松筠等奏拏獲反獄脫逃寄監遣犯陳亞貴等審明辦理一摺遊擊馬兆鯤並無管轄監獄之責當該犯等分投逃走時即能督飭千把外委同署典史倪瑛巡檢嚴紹陵帶領兵役在城廂內外將陳亞貴等二十八犯即日全數拏獲實屬奮勉可嘉馬兆鯤著加恩賞戴花翎遇有叅將缺出即行升用外委梁占鰲帶兵拏獲首犯陳亞貴並從犯黃錫組等九名著

加恩遇有把總缺出即行升補千總梁耀昌把總楊清巡檢嚴紹陵俱著加恩以應升之缺先行升用以示鼓勵其有獄官署清遠縣知縣楊景泰經松筠帶往查勘該縣屬大埔坪地方於陳亞貴等反獄時該署縣未任縣城管獄官署典史倪瑛於該犯等反獄雖未能覺察於前旋同營員督帶兵役全數捕獲不使一名漏網均著加恩免其議處松筠辦理此案於審明後即將陳亞貴等二十五犯

立予正法毫不姑息所辦甚是其自請議處之處著加恩寬免其餘楊亞同等各犯著刑部叢議具奏以協辦大學士兩廣總督松筠為吏部尚書兼鑲紅旗滿洲都統浙江巡撫蔣攸銑為兩廣總督喀什噶爾叅贊大臣鐵保為浙江巡撫○調阿克蘇辦事大臣范建豐為喀什噶爾叅贊大臣降吏部尚書瑚圖禮副都統銜為阿克蘇辦事大臣○撥長蘆運庫銀五十萬兩分解河南安徽備賑

免河南被水之永城縣額賦三年夏邑縣二年虞城縣一年○是日駐蹕白澗行宮○丙申諭軍機大臣等昨據長齡奏河南永城夏邑虞城三縣被水情形朕復詳加體訪河南三縣係被漫水經過被淹已如此深廣其江南碭山地處頂衝安徽宿州以下為全流匯歸其被災情形自必更重朕軫念災區宵旰焦勞未嘗暫釋試思此十數州縣居民悉在巨浸之中流離顛沛惟賴官為賑卹稍資接濟若明歲不能復業其患豈復可言為今之計惟有將李家樓以下淤墊處所與王營減壩以下各工同時並舉庶減壩合龍後李家樓漫口亦即接手堵築早一日合龍則災民早一日安堵朕亦可早贖一日之咎該督等即決意速籌分投趲辦不可再存觀望之見將此傳諭知之○是日駐蹕隆福寺行宮○

丁酉

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○以喀什噶爾幫辦大臣哈豐阿

為伊犁總兵官古城領隊大臣慶格為喀什

噶爾幫辦大臣正紅旗漢軍副都統富寧阿

為古城領隊大臣是日駐蹕挑花寺行宮

戊戌諭軍機大臣等百齡等奏查明李家

樓漫水安豫兩省被災情形籌議辦理緩急

次第又興挑減壩以下河身淤墊各一摺本

年江境兩開漫口現有王營減壩李家樓兩

處鉅工未堵其被災地方亦廣朕宵旰焦勞

時時軫念普天之下未有重於此事者百齡

等所奏欲堵減壩必須大挑雲梯關內外河

身欲堵李家樓必須大挑邳北上下河身減

壩不能遽堵李家樓口門亦不能即堵此乃

事理之自然原不待煩言而解惟有設法趕

緊辦理成功愈速則人事盡而災患可弭現

在減壩以下挑工業已分段興挑若如百齡

等所議俟減壩工竣再籌辦李家樓濬河築

口之事此則實不能待朕已通盤籌畫惟有

將王營減壩以下挑工與李家樓以下挑工

同時並舉可以將時日趨前於全局補救甚

大在該督等之意不過以帑項不足工員不

敷二事為詞昨不待奏請已發給長蘆備辦

直隸水利銀五十萬兩茲又降旨令粵海關

撥給銀五十萬兩迅速解工應用儻仍有不

敷據實奏請朕不少靳惜其需用工員奏請

到日亦即發往想該督等亦更無掣肘難辦

之處至若仍執借黃助清之說遷延觀望此

則太不權利害輕重大小甚屬非宜非大清

之臣僕矣從古治河重在宣防皆以河決為

患未聞有言河決轉受其益者。刻下安豫十餘縣災地盡在洪濤巨浸之中。民情急迫。其可虞之處。昨降諭旨已言之甚明。且該督等此次摺內並言洪澤湖已日形漲滿。開放智禮二壩之後。又須放放仁壩。是黃水入湖。不但無益。且恐有害。現值霜降水落之時。湖內尚不能容。若李家樓漫口。不及早堵合。明年伏秋大汛。漲水日增。安豫被災之區。益形泛濫。所不待言。而以全黃之勢。直注洪湖。設時堰不能保守。其患尚可言乎。彼時不但河工無從措手。漕運又將如何措辦。百齡等豈可輕聽曲說。而不遠慮及此。至該督等現欲於蕭南工次搭蓋棚廠。姑示剋期進堵。以安民心。此說亦非長策。民不可欺。指日汎水方來。漫口未築。何忍將此數十萬良民盡付洪水。不思援救。朕承

天

考付託。豈肯為此暴虐之事。朕銳意速辦。以贖

已咎。著百齡等即遵照昨降諭旨。剋期興挑李家樓以下河身淤墊。其所需人夫。不患短缺。王營減壩以下挑工。所用者係海沭一帶民夫。李家樓以下挑工。切近安徽河南被災各縣。一聞興舉大工。數十萬之夫。可以一呼而至。既可以工代賑。使災民藉資餬口。並可曉諭該處紳士。使知國家不惜重帑。同時趨辦鉅工。用以救災卹患。恩意傳播。民情自必大安。其李家樓以下挑工。亦著分為三段。吳墩雖不能奔走河干。若專駐一處督辦。伊力所優為。著伊承管一段。徐端承管一段。張鼎承管一段。百齡等即酌分派定。並每段各撥給委用員弁。示期一同興挑。愈速愈妙。但不可稍有草率。挑工一竣。王營減壩合龍後。即將兩處熟諳工程員弁。入春併力堵築李家樓漫口。如此同時興工。而次第自在其中。可冀於明年挑汛前。使河復故道。以拯災黎。以釋朕憂。百齡等即勉力籌辦。以副委任。若再

飾詞推諉必將倡議之人正法示衆凜之將此由四百里諭令知之○以前任鑲白旗滿洲副都統長慶為正紅旗漢軍副都統○調江寧布政使史積容為廣西布政使廣西布政使陳預為江寧布政使江蘇按察使福昂為雲南按察使雲南按察使巴哈布為江蘇按察使○免被水之江蘇碭山縣額賦三年蕭縣一年安徽泗州額賦三年宿靈璧二州縣二年五河縣一年是日駐蹕白澗行宮

己亥緩徵河南原武陽武正陽羅山信陽光光山固始息九州縣旱災新舊額賦及衛工加價銀○是日駐蹕烟郊行宮 庚子
上還宮 旌表守正捐軀江蘇銅山縣民趙俊妻林氏湖北黃岡縣民詹伯章妻劉氏 辛丑
上詣
壽皇殿行禮 御乾清門聽政 諭內閣兵部奏本年會試取中武舉請旨於十月十七日

紫光閣閱看馬步箭十八日閱看弓刀石十九日帶領引見二十日傳臚如此排日辦理諸可詳審從容嗣後該部俱著照此奏請○又諭據豐紳常明奏嶺夷向化改土歸流一摺據稱嘉定府裁邊廳通判所屬十二支嶺夷自嘉慶十三年夷目約列等震懾天威率衆投誠奏准即令約列等充當頭人管束十二支夷衆認納糧石茲該夷人約列等以川省所轄各路土司向有改土歸流之例情願

一心向化永作盛世良民並請升科納糧更名易姓一體當差等語該夷人僻處窮邊不通聲教自歸服以來業經數載漸通內地語言畏法奉公飲和食德今具詞環籲輸忱內附願列齊民著加恩准其改土歸流以遂其臚誠慕義之懷所有戶口冊籍及升科糧數著該督覈明分別題咨辦理○諭軍機大臣等廣西地處邊隅民風素稱淳樸近來俗漸刁悍往往有匪徒拜會糾劫恣行不法等事

前日刑部奏進立決本章三十餘件內廣西之案竟有二十餘起可見該處盜風甚熾不可不嚴加整頓著傳諭成林務當督率各屬隨時加意將地方實力整飭化導俾皆返樸還淳以杜盜源而安良善廣西巡撫成林奏報擊獲會匪首夥逆犯得旨嘉獎賞成林花翎提督德成額下部議敘○以吏部選補錯誤革左侍郎王麟聯仍留右翼總兵副都統調右侍郎秀寧為禮部右侍郎署侍郎戴聯奎宋銘仍回本任均帶降一級留任○以浙江巡撫鐵保為吏部左侍郎調禮部右侍郎凱音布為吏部右侍郎○以直隸熱河道高杞為浙江巡撫○壬寅

孝慈高皇后忌辰遣官祭

福陵○緩徵直隸灤鹽山新河寧晉元城鉅鹿廣平龍門八州縣及天津府同知所屬數收村莊新舊額賦並旗租倉穀○賑兩淮板浦中正二場被水竈戶並蠲緩新舊折價銀有

差○癸卯命吏部右侍郎凱音布教習庶吉士

上以孟冬時享

太廟自是日始齋戒三日○甲辰

孝敬憲皇后忌辰遣官祭

泰陵諭內閣副都御史曹師曾奏清釐各部院衙門例案一摺部院衙門為政事總匯之區慎守紀綱必以定例為憑其吏胥高下其手堂司意見參差總由於舍例言案蓋例有一定而案多歧出也該副都御史所奏係為釐除弊混起見著照所請交部院各衙門堂官各率所屬將現行定例詳加查覈如有例所未備而案應遵照者即檢明彙齊纂入則例其案與例不符者造冊註明事由將原稿即行銷燬若有例案不符而稿件仍有關查覈者著另冊登記鈐印貯庫辦稿時不得再行援引該堂官等務督飭司員加意清釐同失公慎以杜弊源而歸畫一○以翰林院侍

讀學士王引之堯日講起居注官○旌表守
正捐軀山東掖縣民郭天成妻劉氏 賞廣
寧門外普濟堂煮賑小米三百石 乙巳諭
內閣我朝

列聖相承勅幾勤政求莫求寧惟以民生休戚
為念無逸知依從無崇尚侈侈之事朕寅承
丕緒惟日孜孜時以崇儉黜奢倡導寰宇以冀
億兆阜康風俗淳樸萬世子孫皆當恪守即
向來歲時慶節張樂設宴亦以酒醴笙簧惠

洽臣鄰綏歡藩服百餘年來垂為典制其間
日期儀節均有一定從未稍為增減我

皇考高宗純皇帝八旬聖壽為亘古未有之鴻
慶其時臚歡祝嘏尚經頒發

聖諭撫抑儀文務崇淳樸前年朕五旬萬壽不
敢仰同

皇考慶辰盛典因臣民之請祇較常年略通燕
饗以達下情並不許民間廣陳戲樂巷舞衢
歌誠以繁文縟節素非朕心所愉實屬有損

無益每觀往史如前代之侈陳百戲賜酺旬
朝方且心薄所為引為監戒況本年南河漫
口下游被災各直省亦間告薄收朕軫念民
艱吁宵莫釋即值旬慶之年亦必將臚祝靡
文概行裁抑儻朕稍忘民莫侈舉慶儀各大
臣言官等必應上章切諫方為愛君之道乃
前日御史景德冒昧奏請欲於萬壽節令城
內演戲設劇十日歲以為例朕兢業萬幾敦
崇實政中外臣庶共見共聞景德竟敢以此

言輕為嘗試其視朕為何如主耶本應於陳
奏之日立予杖責發遣朕不為己甚先交部
嚴加議處茲部議將該御史照溺職例革職
實屬咎無可寬景德著即革職並發往盛京
交觀明差遣派當苦差盛京風氣撲質俾景
德在彼覽觀服習當自知其識見庸鄙愧慙
無地也免烏里雅蘇台塔爾巴哈台呈進
正貢外備用馬匹 賑安徽宿泗二州水旱
災民 是月江南河道總督陳鳳翔奏謝得

旨汝祇知惜小費坐失機宜以致多費數百萬多費事小害民事大數萬百姓流離昏墊皆汝因循之罪再不速堵李家樓朕即不究天地鬼神斷不恕汝凜之凜之○兩淮鹽政阿克當阿遵旨密奏百齡籌辦河工悉心經理不避嫌怨地方及屬員賢否纖悉皆知吏治為之肅清惟秉性剛方不免過嚴且河工緩則易辦不能欲速見功以一人之心思恐難敵工員千百人之朦蔽督撫責任綦重培養尤難仰望曲賜矜全時頒訓誨得旨言言公允字字切實百齡實當代賢臣朕必保護愛惜之汝亦當時常勸導

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十九

監修禮部尚書臣等謹將嘉慶十六年辛未冬十月丙午朔享太廟上親詣行禮○遣官祭永陵福陵昭陵昭西陵孝陵孝東陵景陵

嘉慶十六年辛未冬十月丙午朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

孝東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十七年時憲書

○諭內閣本日恭舉孟冬時饗

太廟之禮扎郎阿承充典儀唱贊時聲音清亮

節奏適宜甚為可嘉扎郎阿於

壇

廟典禮儀文嫺熟供職多年從無舛誤前因飾詞保奏伊子圖薩革退都統降為贊禮郎今伊差使勤勉著加恩賞給二等侍衛仍兼太常寺贊禮郎圖薩於夏間告祀

天神壇時唱贊錯誤若交部嚴議其咎止於黜革因伊曾獲重罪遽恩賞宥甫充典儀又復不加敬慎是以立付法司仍冀重典但念禮係中祀伊過出無心其咎亦尚在可寬圖薩著加恩釋放交扎郎阿領回拘禁在家不

許出門滋事○琉球國中山王尚灝遣使表貢方物賞賚筵宴如例○丁未

上詣

大高殿

恩慕寺

恩佑寺行禮○幸圓明園○詣

安佑宮行禮○諭軍機大臣等百齡等奏接奉

諭旨將籌辦堵築緣由趕緊辦理並湖河水勢及被水地方情形各摺覽奏俱悉李家樓

漫口前此伊等慮於減黃助清之說欲暫緩

堵閉經朕剴切指示百齡等悉心籌議現已

將該處挑工派員設法集夫以期與減壩以

下挑工同時並舉必應如此辦理毫無疑義

試思李家樓漫水下注即使實能減黃助清

於河工有益而下游災區甚廣尚當權其利

害輕重迅即趕堵况李家樓漫水現在匯注

洪湖不能容納堰圩各工亦皆著重是於地

方有損而於河工亦覺無益豈可尚存觀望

之心著即剋日興工李家樓一帶毘連災區數十萬人夫可以一呼而集務於今冬將挑工辦理完善一俟減壩工竣即進占李家樓漫口能於明年正月內合龍桃汛以前黃水不致加增則於災區河工皆有裨益若果如期歲事朕必加以重恩減壩上段挑工現已辦有四分一經挑竣趕緊將減壩口門堵閉彼時用清水刷滌河身下游計有兩月之期亦可以盪滌深通所有上下游兩處挑工著

於每一處完竣之時即行具奏其兩處堵築

工程著於進占之後每隔十日具奏一次但

必須工堅料實詳慎辦理於迅速之中又不

可稍涉草率至洪湖漲水自開放仁禮智三

壩之後據稱白馬汜光諸湖現尚足資容納

恐三壩全開來源甚旺百齡等現擬湖內一

形漲滿即將鳳凰壁虎二橋開放宣洩歸江

此等機宜總在該督等相機妥辦無令泛溢

為要又另片稱此次工員日用以及兵夫飯

食並一切雜項甚多請於應領項內每兩酌扣二釐作為例外支銷等語工員等既無廉俸可支日用無出其餘一切雜費亦均無開銷與其暗中影射浮濫滋弊自不如覈實加以津貼著即照所請於應領項內每兩酌扣二釐作為例外支銷分別酌給俾伊等無所藉口但既准有此扣項若於此外再稍有剋扣即係侵蝕一經察出必當重治其罪並著百齡等隨時訪查認真稽覈將此諭令知之

○緩徵山東章邱東平東阿汶上濟寧新城鄒平平度昌邑濰縣高密招遠博興東光堂邑莘館陶臨清邱夏津武城兗城濟陽平原臨邑朝城壽張陽穀聊城博平在平清平冠高唐恩魚臺三十七州縣並東昌臨清一衛東平所水災蟲災新舊額賦及本年漕糧有差○戊申改江西安仁縣縣丞為分防縣丞移駐鄧家埠臨川縣清泥司巡檢為東館司巡檢給予關防並撥銅鼓營新昌汛千總一

員兵三十名歸饒州營參將管轄駐鄧家埠移大石口汛把總一員駐新昌存城外委一員駐大石口進賢縣汛外委一員兵十名駐潤溪從巡撫先福請也○己酉上以萬壽節御同樂園賜皇子及王以下文武大臣蒙古王公外藩使臣等食至壬子皆如之○改浙江海寧州南沙地方隸蕭山縣並移紹興府同知駐赭山為鹽捕同知赭山巡檢駐河莊為河莊巡檢從巡撫蔣攸銛請也

○辛亥

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子及王以下

文武大臣官員蒙古王公及外藩使臣等行

慶賀禮○癸丑以倉場侍郎榮麟署戶部左

侍郎內閣學士和世泰署京營左翼總兵○

調江西贛州鎮總兵官沈洪為江南徐州鎮

總兵官徐州鎮總兵官綽哈納為贛州鎮總

兵官山東兗州鎮總兵官多隆武為安徽壽

州鎮總兵官○壽州鎮總兵官陳廣寧為兗州

鎮總兵官○甲寅緩徵山西保德奇嵐興嵐

靜樂河曲五寨潞城代九州縣旱災本年額

賦給陝西神木府谷大荔潼關華陰六

廳州縣被水被雹災民一月口糧緩徵大荔

潼關華陰陰漢陰鳳翔渭南朝邑延川榆林

葭懷遠寧陝十三廳州縣新舊額賦並貸籽

種給房屋修費有差○乙卯

上詣

安佑宮行禮○

皇后千秋節宮內行禮如儀停止筵宴及在外

公主福晉命婦行禮○免甘肅各屬貧民元

年至十五年積欠籽種口糧及折色銀並軍

夏府屬未完渠夫口糧○丙辰

上詣

大高殿

壽皇殿行禮○還宮○調福建按察使劉大懿

為山東按察使以服闋按察使王紹蘭為福

建按察使○賞烏什辦事大臣伊冲阿頭等

侍衛為塔爾巴哈台叅贊大臣頭等侍衛色

玉慎副都統銜為巴里坤領隊大臣二等侍

衛蘇精額頭等侍衛為吐魯番領隊大臣奉
國將軍文弼三等侍衛為哈密辦事大臣二
等侍衛色布徵額頭等侍衛為塔爾巴哈台
領隊大臣已革吐魯番領隊大臣愛星阿三
等侍衛為烏什辦事大臣以正白旗蒙古副
都統烏爾德呢為庫車辦事大臣正黃旗蒙
古副都統福克精阿為西寧辦事大臣○戶
部議准署陝甘總督董教增疏報長安縣及
烏魯木齊蘆草溝所開墾地七頃二十畝有

奇照例升科從之○丁巳諭內閣戶部議覆
吉林將軍賽冲阿查奏伯都訥流民納丁入
冊一摺已依議行矣其摺內稱嗣後令該將
軍嚴飭各邊門關隘實力查禁並飭該管官
申明保甲之法毋再容留滋弊等語內地流
民出口私墾本干例禁迨人數衆多難以驅
逐每閱數年查辦仍懇請編丁入戶不過以
此後申嚴禁令不得再有私墾為詞該將軍
等亦視同具文並不實力查辦殊非清源節

流之道著通諭直隸山東山西各督撫轉飭
各關隘及登萊沿海一帶地方嗣後內地民
人有私行出口者各關門務遵照定例實力
查禁若有官吏互相容隱私行縱放一經查
出口之人漸少則私墾之弊當不禁而自除
該將軍仍督令該管官隨時嚴查保甲互相
稽考俾得各專責成毋致日久生懈○戶部
議准吉林將軍賽冲阿疏報伯都訥拉林河

等處開墾田四萬八千二百四畝照例升科
從之○戊午諭軍機大臣等成林等奏審訊
會匪李添保唐明三供情分別辦理一摺此
次拏獲之李添保既據審明係與游金等拜
會之李必豐又名添保並非此案正犯其正
犯李添保據唐明三供稱改名黃添保逃往
歸順州卜村黃元濟家藏匿該匪與唐明三
糾結滋事係屬案內要犯該撫等先後拏到
同名二人其正身現仍在逃是此案巨魁尚

未全獲且該犯曾有逃往越南之說該撫現派員前往卜村查拏務須嚴飭委員慎密訪緝以期必獲不可又如前次將形跡相似之人誤拏邀功轉致正兇漏網至該處大龍洞內有石笋下垂形似蝙蝠並石牀旁有石虎形象或即係該犯等造作詭異托名福祿藉以惑衆前次成林查看之時未將石洞即行堵閉恐愚民無知聽信奸徒煽惑再向該處藏匿為匪著即飭令地方官壘石堵閉加以封禁毋許居民人等潛往窺探再該省近來拜會肆劫之案不一而足總在地方官隨時隨事查緝化導該撫尤當督飭各屬實力整頓以期弭患未形禁暴安良為要將此諭令知之○旌表守正捐軀河南泌陽縣民朱法廣妻謝氏○己未諭內閣本日禮部具奏福建原派伴送琉球國貢使來京之同知那紱病故請旨飭令直隸總督派員來京伴送起程並照例行知沿途督撫派員接替護送等

語直隸總督溫承惠現在山海關一帶查閱營伍著交順天府府尹先行揀派明幹之員二人由京伴送琉球國貢使起程即行知直隸藩司方受疇於知府丞倅中揀派二員於河間一帶接替護送出境其經過之山東江蘇浙江福建各督撫一體遵照派員於各省交界處所接替伴護至向例貢使來京由入境省分派員護送原應遵派二三員沿途妥為照料此次琉球國貢使來京張師誠僅派同知一員以致該員病故無人伴送回閩辦理殊屬不合張師誠著交部察議嗣後福建廣東廣西雲南等省遇有外藩使臣入貢著各該督撫均於文武員弁內揀派明幹者兩三員伴送來京以昭慎重毋得止委一員致有貽誤○諭軍機大臣等據步軍統領衙門奏直隸滄州民人王大有呈控張自明等毆傷伊父王其祥身死賄買頂兇並首出彭姓等鹽店私賣給湖北三幫糧船鹽一萬八千

餘擔控縣不為究辦各等情已明降諭旨交溫承惠親提審辦矣天津一帶地方向有土棍等私販鹽斤賣給回空漕船蒿年前在長蘆鹽政任內派員查拏緝獲多起春間溫承惠曾奏及蒿年查拏私鹽太嚴於肩挑擔負窮民均一律搜查未免過於苛細嗣蒿年因另案降調新任鹽政祥紹赴任時朕曾諭及查拏私鹽一節須酌量辦理寬嚴得中今王大有所控滄州鹽店賣給糧船私鹽一萬八

千餘擔釀成命案係在八月二十一日計其月日已在蒿年離任之後或係祥紹接任因有前諭遂將查緝員役概行裁撤以致私販公行無忌亦屬非是溫承惠祥紹仍各飭所屬認真查禁固不可過於苛細使負販貧民艱於謀食亦斷不可廢弛怠玩任其私販夾帶致令滯銷滋事也將此諭令知之○緩徵湖北江夏咸寧嘉魚蒲圻崇陽通城興國通山鍾祥應山襄陽光化荊門當陽武昌漢陽

漢川黃陂孝感黃岡蘄水潛江安陸隨江陵松滋枝江宜都穀城二十九州縣及屯坐各衛所旱災新舊額賦有差○緩徵安徽泗宿靈璧五河四州縣節年帶徵額賦並給房屋修費蠲緩盱眙霍邱全椒合肥廬江壽鳳陽定遠鳳臺天長舒城桐城巢無為懷寧潛山太湖望江東流涇蕪湖繁昌懷遠六安滁來安和含山霍山當塗三十州縣暨屯坐各衛水災旱災新舊額賦有差並給盱眙霍邱全

椒合肥廬江桐城壽鳳陽定遠鳳臺十州縣災民一月口糧並貸舒城巢二縣籽種○庚申試中式武舉徐勇等五十四人於太和殿前諭內閣善慶著掣籤分部行走嗣後內務府人中式繙譯舉人仍在內務府補用其中式繙譯進士人員著與八旗繙譯進士一體掣籤分部行走○旌表守正捐軀江蘇安東縣民李士順妻潘氏江西德安縣民洪開敏妻楊氏辛酉命協辦大學士吏部尚書

松筠禮部尚書福慶在紫禁城內騎馬○以福建建寧鎮總兵官九十為廣西提督山西殺虎口協副將永寧為建寧鎮總兵官○壬戌

上詣

時應宮

昭顯廟拈香○御紫光閣閱中式武舉馬步射○建福建臺灣噶瑪蘭城樓四座北關一座礮臺一座並立山川社稷壇廟設通判縣

丞巡檢各一員聽淡水同知就近控制守備千總各一員把總外委各二員額外外委三員戰兵二百五十五名守兵一百四十名歸艚艚營遊擊兼轄建設衙署給予關防從總督汪志伊請也○癸亥

上詣

大高殿行禮○御紫光閣閱中式武舉技勇○諭內閣國家設科取士武闈與文場並重每屆三年考試原冀選拔真才凡派出校試及

覆試之人自應詳慎校閱分別去取庶技藝超羣者得蒙錄用而弓馬平庸者亦不致倖進本月十七十八兩日朕御紫光閣閱視新中式武舉弓箭技勇除山西省李殿楹一名因墜馬未試弓刀石著於下科補行殿試外其安徽省程冠甲廣西省莫懷亮二名馬步箭中靶最少十二刀弓全未開動刀石亦俱平常俱著罰停一科俟下科再行殿試所有原看此二名之外闈王大臣著交部議處覆

試之阿哥王大臣交部察議○閩浙總督汪志伊奏擎獲洋匪出力人員守備林化鳳暨兵丁文成才等升用有差○命戶部右侍郎桂芳在南書房行走○甲子

上御乾清宮引見中式武舉親定甲乙○諭內閣向來密雲副都統及直隸各鎮總兵因距京較近每遇元旦暨萬壽節皆豫期奏請來京慶賀朕或據摺批准或不令前來並未定有章程嗣後直隸各鎮除馬蘭泰寧二鎮外

其天津正定宣化三鎮著同密雲副都統四人分為二班每歲輪派二人於封印後來京作為年班本年即派慶長前來再著溫承惠於正定宣化二鎮內酌定一人與慶長為一班至明歲即派多福等二人為一班以後均無庸豫期奏請其每歲萬壽節該四員俱不必奏請來京叩祝○又諭多山等奏博士懸缺有關訓課據實奏聞一摺據稱國子監漢博士自嘉慶十四年歷選外省府教授均以

告病告休咨部開缺續選之員亦久未到任員缺久懸於課士之道殊多未便等語國子監漢博士一缺向例由外省府教授推升而府教授多係論俸升轉資深年老之員往往不能赴京供職應如何更定選法俾人缺相宜不致曠官著吏部妥議具奏尋奏內外各官例有京升班次惟國子監博士輪用升班時專以各省府教授升用酌擬於雙單月選內增入京升一項以學正學錄升用至京外

教授推升者亦應勒限三月赴部從之○旌表守正捐軀江蘇安東縣民女劉氏○賑江蘇清河安東海沭陽陽山蕭六州縣被水災民蠲緩清河安東海沭陽睢寧邳桃源銅山宿遷上元江寧句容江浦六合山陽鹽城高郵東臺江都甘泉興化阜寧寶應二十三州縣及淮安大河徐州三衛水災旱災新舊額賦○緩徵江西義寧奉新武寧建昌安義瑞昌德安七州縣旱災本年額賦○乙丑

上御太和殿傳臚賜中式武舉一甲馬殿甲成必超林芳標三人武進士及第二甲王之漢等六人武進士出身三甲魯大臣等四十人同武進士出身○諭內閣據觀明叅奏遵旨查明富疆阿將牧長西靈阿等六人同時均以患病彙總奏請休致實屬拘泥一摺各省官員因病呈請解任皆宜據呈驗實請旨蓋一處官員新舊閒設原屬兼用以新舊兩任彼此指示方於公事有益本年九月錦州副

都統富疆阿將牧長西靈阿等六人一時均請勒休頓易生手不惟於公事生疏且於牧放事宜無益所辦甚屬拘泥富疆阿著交部察議嗣後凡遇有因病呈請告休者隨時查驗具奏毋得彙總辦理○戶部議准著陝甘總督董教增疏報烏魯木齊塔西河所開墾田十二頃九十畝照例升科從之○丙寅上御懋勤殿勾到山東情實罪犯停決斬犯五人絞犯二十七人餘二十四人予勾○諭內

閣御史吳椿奏請將武闡鄉會試卷彌封加厚一摺武闡考試以外場為重其內場不過默寫武經然既用彌封何得有名無實著照該御史所請嗣後武闡鄉會試卷糊名之處照文鄉會試一律加厚以符定制○湖廣總督馬慧裕等奏按察使周季堂心術不醇妄示威福命工部右侍郎初彭齡馳往會同訊辦○戶部議准著陝甘總督董教增疏報烏魯木齊頭屯所開墾田四頃五十畝照例

升科從之○丁卯

上御懋勤殿勾到直隸山西情實罪犯停決直隸斬犯三人絞犯二人山西斬犯五人絞犯四人餘八十三人予勾○諭內閣御史王開雲奏山東省奏銷賑案延玩請旨嚴查並釐定章程一摺山東省荷澤等十八州縣被水加賑展賑一案係嘉慶八年之事前因奏銷冊內籠統開報經戶部議駁迄今已閱九年尚未據續行造送辦理實屬遲延著同興嚴飭造報並查明遲滯緣由據實具奏嗣後直省遇有偏災辦理賑務各該督撫等務須督飭所屬認真經理先將戶口清查一經辦竣即詳悉造冊按限報銷並著部臣逐案稽覈毋任玩延滋弊○又諭刑部奏酌定偷挖黃耆人犯罪名一摺著依議行黃耆為藥植所需附近貧民零星挖賣在所不禁若至聚集多人並倚眾拒捕則必應按律治罪現將偷挖黃耆明定科條稽察嚴密小民自不敢干

犯禁令。但近年口外游民衆多。伊等本係無業之徒。趨利若鶩。邊外所產。如鉛斤木植。不一而足。設奸民等舍此趨彼。聚集既衆。必仍滋事端。若逐案增定條例。亦屬繁瑣。此事總在沿邊關隘。於無業游民出口時。認真查禁。為正本清源之道。出口之民既少。自不致羣相糾集牟利逞兇。從前所定守口文武員弁處分較輕。率多視為具文。以致關禁廢弛。著吏兵二部會同覈議。將守口官弁賄縱及失察無票民人出口處分酌改加重。庶該員等自顧考成實力稽查。不致仍前懈玩。尋議嗣後邊關隘口查民人無用印文票及有文票而人數浮多情節不符。該管文武員弁失察偷度一二名者。降一級留任。三四名者。降一級調用。五名以上。降二級調用。十名以上。降三級調用。放出私販人口者。革職。受賄縱放者。革職治罪。若夾帶違禁貨物守口官徇縱放出者。按其所帶之物分別治罪。其有盜犯

逃犯偷度邊口失察一名者。降一級留任。二名降一級調用。三名以上。降二級調用。五名以上。降三級調用。十名以上。革職。至威遠堡鳳凰城法庫等處邊門邊柵。向來文職武職分別專管兼管。如有失察賄縱等事。照此例議處。其專管官應降級留任者。兼管之員。罰俸一年。專管官應降級調用者。兼管之員。降一級留任。其各處水溝守口官失察者。均應分別專管兼管。悉照此例議處。從之。○戊辰諭內閣。向來道府內因病痊捐復各員。由吏部帶領引見。奉旨准其照例補用。後往往具摺赴宮門謝恩。道府等官或由特旨簡放。或發往直省。試用該員於奉旨後具摺謝恩。朕召見時。訓以地方情形及察吏安民之道。此項病痊捐復人員。尚須在吏部候銓。無可訓示。且將來該員得缺時。仍當照例請訓。無庸令其於引見後先行謝恩。所有昨日吏部帶領

引見之病痊知府王蘇捐復知府阿霖二員。即著照此例行。○又諭閱兵乃國家大典。每年十月均由閱兵大臣照例閱看具奏。朕自御極十六年來迄今未克舉行大閱典禮。明歲朕親行閱兵。但十月間日短天寒。著於明歲三月恭謁。

東陵禮成後即赴南苑於二十日舉行閱兵典禮。所有應行備辦事宜著該處查照定例備辦。○諭軍機大臣等刑部具題江西省民人王春貴傷斃嚴善慶一本其所書慶字字典內並無此字。前此先福奏案內亦曾將犯名改書此字。自係該省幕胥俗見以慶字係屬年號加寫草頭以示敬避之意。年號頒示海寓官府案牘以及閭閻日用通行書寫從無應避之例。若以條刑名事件則此本內豈不敘述年月乎。外省章奏皆無似此者。惟獨江西省為然。著傳諭該撫嗣後章奏內凡遇此等字樣俱照常書寫。毋庸加添字畫。有乖書

體轉失敬謹之意也。將此諭令知之。○己巳上御懋勤殿勾到朝審情實罪犯。停決官犯十人。斬犯八人。絞犯十二人。餘十人予宥。○壬申諭內閣御史何夢蓮奏部院纂修則例請慎擇司員一摺。各衙門纂修則例一經編輯成書。即為將來辦案程式。若辦理不得其人。或假手吏胥。詞意含混。易滋高下。其手之弊。現當清釐例案之時。尤當慎重辦理。所有各衙門纂修官員著各該堂官等擇其在署年久熟諳政務及平素端謹之人。責令詳慎修輯。務使意義貫通。詞句明顯。以便永遠遵守。不得將新進資淺未諳政務之人濫派充數。○又諭御史楊懌曾奏請禁指名請員以符定例一摺。各省地方及河工遇差委之員該督撫等祇應將需員若干奏明請旨揀發。不應指名奏請。致啟夤緣奔競之門。近日百齡奏請發往南河各員因現在河工緊要百齡所指名奏請者皆其平素深知差委得力之

人是以破格允准。非可援以為例。嗣後各督撫仍應恪遵定例。遇需員差委。准其酌擬人數奏請揀發。毋得指名陳奏。以杜弊端。○戶部議准署陝甘總督董教增疏報烏魯木齊頭屯所開墾田三頃六十畝。照例升科從之。○癸酉。

上詣

宣仁廟

凝和廟

火神廟拈香。○旌表守正被戕浙江石門縣民張士魁妻唐氏。○戶部議准署陝甘總督董教增疏報烏魯木齊塔西河所開墾田二頃四十畝。照例升科從之。○緩徵甘肅皋蘭河靖遠鹽茶中衛五廳州縣及花馬池州同所屬電災新舊額賦。○甲戌諭軍機大臣等據御史趙未彤奏山東曹州府一帶。有義和拳名目蹤跡詭密多條。不安本分之徒請飭下撫臣設法查禁等語。外省民風良莠不齊。

偶有一二匪徒潛匿里閭。惟在地方官密訪嚴拏。隨時懲辦。俾奸宄絕跡。自能弭患未形。山東曹州府與直隸河南兩省接壤。居民錯雜。現據該御史風聞有義和拳名目。自必有不妥本分之徒。潛習拳勇。擾害地方。若非早為禁戢。恐黨夥日多。別滋事端。著傳諭同興密飭該地方官設法查禁。不可張皇株累。驚擾閭閻。亦不可因循姑息。縱惡養奸。總須不動聲色。嚴密訪拏。將為首者懲辦。數人則徒

衆必聞風畏懼。立時解散。禁暴即所以安良。該撫職任封圻。務妥協查禁。以靖地方為要。○旌表守正捐軀河南登封縣民張旺成妻王氏。○給浙江宣平麗水縉雲青田四縣被霜歉收貧民一月口糧。並蠲緩宣平麗水縉雲青田仁和歸安烏程德清武康仙居十縣及台州衛旱災霜災新舊額賦有差。○乙亥。

上詣

奉先殿

壽皇殿行禮。詰

關帝廟拈香。○諭軍機大臣等。本日據戶部奏議。覆百齡等奏籌撥賑濟銀兩一摺。已依議行矣。地方遇有偏災。窮民流離失所。朕不惜重帑。亟為拯卹。每念災區戶口衆多。即施濟周普。其惠及於民者。已屬有限。若不肖官吏。再於中剋扣侵欺。私肥囊橐。則數數待哺之民。輾轉溝壑者。更不知凡幾。此等忍心害理之人。實為

天理所不容。國法所不宥。前歲該省曾有王仲漢冒賑之案。彼時督撫如鐵保。汪日章諸事。顛預以致屬員無所畏忌。釀成巨案。本年該省被災情形較廣。一切督辦稽察。尤應倍加凜慎。百齡章煦察吏嚴明。自遠勝於鐵保。汪日章。但貪劣之員。作奸犯科。無所不至。上官稽察愈嚴。伊等彌縫之術愈巧。該督等不可自恃聰察。即謂所屬不敢舞弊。亦不可因該省先有王仲漢之案。大加懲創。即信現在辦

賑之官。皆能引鑒前車。不蹈覆轍。惟當隨時隨地嚴密查訪。在州縣中具有天良者。自必盡心撫卹。惠此窮黎。如有瞽不畏死之徒。仍敢取巧侵漁。一經查出。即據實嚴參。立置重典。該督等務諄切告誡。先事豫防。使吏服明威。自民需實惠也。將此各諭令知之。○以妄言裁汰綠營名糧。調劑滿洲生計。降雲南臨元鎮總兵官托雲泰三等侍衛。為阿克蘇辦事大臣。以服闋總兵官李慶雲。為臨元鎮總

上蒼昭鑒

賜汝麟兒必能長沐朕恩。平成奏績。勉之。○安

徽巡撫錢楷奏遵旨辦賑得旨覽奏稍慰散賑一事最難須用有良心人辦理否則盡入貪官之腹矣若有此輩切勿姑容勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十

監修總裁官臣等謹將嘉慶十六年十一月丙子朔丁丑上御乾清門聽政○諭內閣本年辛未科覆試中式武舉姚三元楊定泰蕭煥新劉慶長俱弓力不符罰停殿試由於原監射王大臣等校閱草率不能認真拔取所議罰俸之處均著實罰不准抵銷此後著為令○內閣學士常英以讀本錯誤降二級調用○旌表守正捐軀河南湯陰縣民韓谷獨妻蕭氏○緩徵吉林三姓被水旗戶牛具額穀壯丁官穀並給口糧○戊寅諭內閣百齡奏奏玩視要工

校修

嘉慶十六年辛未十一月丙子朔○丁丑

上御乾清門聽政○諭內閣本年辛未科覆試中式武舉姚三元楊定泰蕭煥新劉慶長俱弓力不符罰停殿試由於原監射王大臣等校閱草率不能認真拔取所議罰俸之處均著實罰不准抵銷此後著為令○內閣學士常英以讀本錯誤降二級調用○旌表守正捐軀河南湯陰縣民韓谷獨妻蕭氏○緩徵吉林三姓被水旗戶牛具額穀壯丁官穀並給口糧○戊寅諭內閣百齡奏奏玩視要工

文武各員弁一摺現在南河要工林立。在事文武員弁自應遵照該督等派委工段趕集夫料晝夜趲辦以期迅速。嚴工乃該員弁等仍前懈怠。此而不加嚴懲。何以除積玩而重河防。百齡不避嫌怨。據實嚴叅。所辦甚是。所有派辦仁壩防護不力之守備周宗義著即革職。掌管北壩鑲築遲延之署高堰通判王召勳把總尹連著先行摘去頂帶。仍押令在工趕辦完竣。儻再稍延玩。即行從重治罪。其

派挑下段引河之銅沛同知王元佐於承辦工段並不加夫趲辦。藉辭支飾。王元佐著革職。罰令將所辦下游工段銀兩全行賠繳。仍責令兼辦上游挑工。候補通判沈成宗承辦減壩正料領銀後延至兩月。僅交料三十餘堆。實屬藐玩。沈成宗著革職。押令趕交料物。如遲延貽誤著該督即行嚴叅加倍治罪。此次懈怠各員經懲創之後。如仍不知悛改。奮勉出力以贖愆尤。即奏明枷示河干。俾各工

員咸知儆戒。○戶部議准署陝甘總督董教增疏報烏魯木齊蘆草溝所開墾地三頃三十畝。照例升科。從之。○己卯諭內閣。常明奏川省各官攤扣軍需。請仍以養廉三成勾扣。以資辦公。一摺。川省廓爾喀軍需攤扣未完。又同時並扣達州軍需。各官養廉統扣十分之五。為數較多。在謹飭者。自以敬事後食為心。恐不肖之員。或因此藉口。多方巧取。轉非祿以養廉之道。著加恩先儘廓爾喀軍需未扣銀兩。遵照前旨。於各官養廉內扣繳三成。俟扣完後。再將達州軍需未扣銀兩。亦於養廉內接扣三成。俾各官辦公不致拮据。共知砥礪廉隅。盡心奉職。○庚辰予福建廣東捕盜被戕千總何定鼈翟超漢外委徐廷爵蔡莽世職兵丁廖明亮等一百七十一名賞卹如例。旌表守正捐軀山東濟寧州民路廷元妻楊氏山西忻州民張慶妻趙氏。給黑龍江被水災民口糧。

上以冬至祀

天於

園丘自是日始齋戒三日。辛巳諭內閣朕風聞近日健銳火器兩營該班大臣多不在彼住班尚未深信特諭吉綸密行查訪據吉綸奏遵旨派委綠營備弁前往訪得健銳營自十月三十日至十一月初四日並無大臣在彼住班火器營初二初三兩日無人住班因立傳該二營翼長交軍機大臣詢問令其將

十月十一日朕進宮以後該二處大臣住班曠班日期逐一據實呈明據慶桂等詢問按日開具清單進呈朕詳加披閱其中竟有數日全不住班者亦有閒住一兩日者其按期全班直宿者甚屬寥寥殊為可恨健銳火器二營特派多員管理原令其輪直住班藉以稽察官兵勤加訓練乃竟耽習安逸全不以營務為事相率曠班不到在家高臥眷戀妻孥恬不知恥習為故常此而不加懲創何以

重職守而懈怠玩其總理營務大臣綿恩拉旺多爾濟勒保若果明知各員曠班不行奏奏亦當治以應得之咎今據該二營翼長等僉稱伊等從未將何人曠班之處向其稟知是綿恩等尚非知而不奏有心徇庇著加恩免議至單內曠班各員健銳營該班日期單內德通慶通敬敏三人各輪班四日均全未住班德通著革去散秩大臣副都統慶通著革去散秩大臣均仍留世職賞給二等侍衛

在大門上行走敬敏著革去散秩大臣副都統仍留公爵隨旗上朝蘇沖阿本月初四日該班未到初五日始行前往自係聞有查辦之信趕往住班著革去侍郎護軍統領副都統退出乾清門念伊父德楞泰曾著軍功且止此一子加恩留其侯爵仍賞給頭等侍衛在大門上行走其火器營該班日期單內布蘭泰全未住班著革去散秩大臣留其公爵隨旗上朝索特納木多布齋輪直兩班一班

全住一班未到着將御前行走退出念伊係蒙古人加恩令在乾清門行走仍交部議處富翰曠班兩日俱另有差使但並未告知以次輪直之人接替亦屬疏忽著退出御前侍衛令在乾清門侍衛上行走並革去火器營差使仍交部議處其藉有別項差使即不往接班之綿志綿懷巴特瑪成秀明亮明泰究屬曠誤俱著交部議處所有仍留爵秩之德通慶通敬敘布蘭泰蘇冲阿仍各罰職任俸一年雖有加級紀錄不准抵銷其交部議處之巴特瑪著仍令管理健銳營索特納木多布齋綿志綿懷成秀明亮泰均仍令管理火器營以觀後效至策丹綿齡二人查明均按期住班本係分內之事但較之衆人尚知小心供職著施恩各賞加一級以示鼓勵嗣後管理健銳火器二營各員如再有曠班情事著該二營翼長即行稟知綿恩拉旺多爾濟勒保等隨時參奏示懲庶不致狃於積習

相率玩誤如翼長不稟或綿恩等徇隱不奏經朕查出定將伊等一併懲處經此番懲創之後務交相警惕勤思職守夙夜在公以勉副朕諄諄訓誡至意轉理藩院右侍郎慶祥為左侍郎以內閣學士景安為理藩院右侍郎正白旗滿洲副都統玉麟為內閣學士兼禮部侍郎銜以鑲藍旗蒙古副都統倭星額兼正紅旗護軍統領調鑲白旗漢軍副都統那彥寶為鑲藍旗滿洲副都統以理藩院右侍郎景安兼鑲白旗漢軍副都統巴里坤領隊大臣巴凌阿為鑲藍旗蒙古副都統鎮國公綿齡為正白旗漢軍副都統○壬午上詣南郊齋宮齋宿癸未冬至祀天於圜丘上親詣行禮遣官祭永陵

福陵

昭陵

昭西陵

孝陵

孝東陵

景陵

泰陵

泰東陵

裕陵 遣官祭

孝淑皇后陵寢 遣官祭

端慧皇太子園寢 停次日朝賀 甲申遣

官祭

先醫之神 諭內閣同興奏請將原任湖北

知府現在捐復在部候選之阿霖賞發山東

委辦案件俟一二年後有相當知府缺出奏

請補用一摺殊屬冒昧各直省遇差委乏員

祇應請旨揀發不准指名奏請屢經飭禁即

有曾任本省之員緣事降革離任捐復後該

撫以藉資熟手為詞奏懇賞發原省已屬違

例況阿霖原係湖北知府與山東地方素不

相習現在東省並無關繫緊要必需請員幫

辦事件若以審理詞訟為名則何省不可藉

口自係阿霖因銓選需時干求同興懇恩奏

請豫為得缺地步此端一開凡在部候選人

員得缺稍難者皆可夤緣親舊揀擇省分大

啟奔競之門於銓政殊有窒礙同興所奏不

准行並著交部察議 又諭刑部奏審擬大

通橋車戶金泳祥等具控書吏姜如漢侵扣

運腳等情一案著照所擬辦理其摺尾另請

調劑大通橋車戶領運章程一節所奏實屬

越俎刑部專司刑名祇應將本案情節審明

照例擬定罪名具摺奏結即為盡其職守至

此項運務應如何調劑各有專司於刑部何

涉如各該堂官等別有所見伊等皆有奏事

之職或單銜具奏或聯銜入告不妨另摺敷

陳何必附入摺尾今刑部於定案摺後忽生

議論已非一次似此節外生枝何曾出自堂官之意必係承辦書吏有心牽混敎入稿尾司員不揣事理呈堂畫諾堂官不加詳察即據以上陳越職侵官易滋流弊嗣後著永行飭禁又諭蘊端多爾濟奏本年伊子多爾濟喇布丹雖非乾清門年班懇請入覲已令伊子起程來京等語御前乾清門行走之蒙古王公台吉等年終來覲定有班次不得任意前來蘊端多爾濟即欲令其子於年班外來覲亦當先行奏請候旨允准再令起程今不候諭旨一面具奏一面即令伊子起程實屬冒昧所請不准行蘊端多爾濟著交理藩院議處並行文迎交多爾濟喇布丹於何處接奉咨文即於何處回牧嗣後若非年班之蒙古王公台吉等不准冒昧奏請如有奏請者理藩院即行叅奏○福建巡撫張師誠請假回籍省親允之以布政使景敏暫護巡撫賞八旗兵丁一月錢糧○乙酉貸阿拉善

被災蒙古倉糧○緩徵奉天復寧海二州縣歉收貧民本年借欠米石及帶徵銀米○丙戌諭內閣御史李可蕃奏請覈實支放工程銀兩一摺該御史自係風聞各處承辦工程諸多弊混方有此奏近年來京城奏辦工程日多其中固有應辦之工亦有其工尚在可緩而亟亟興辦者總係工頭希圖攬辦工程從中年利串通官吏夤緣慝所致朕於奏修各工每次派查估承修查收大臣各二員滿洲及漢大臣輪流均派以為層層稽考可期無弊而派出之大臣總不肯實心任事不過各於所屬司員內委派數人其所委司員仍不過委之工頭工頭惟利是圖彼此互相勾結往往承修一工開工之後又加續估所需帑項竟有倍於原估者及收工之時皆係已成之工但查驗丈尺無差其中工料之堅實與否已莫可究詰是雖有大臣官員分司督理其實全係工頭等盤踞把持任情侵冒

以致工程則愈修愈壞興辦則日積日多百弊叢生若不加整頓將來必至更興大獄嗣後京城各工凡

壇

廟城垣衙署營房等項應酌定分年修理有實逾保固限外合例應修者亦須報查工部俟應修之年方准奏請其如何區分以示限制之處著工部詳悉妥議章程具奏該御史所陳劃扣平餘銀兩及慎重估冊二條並著戶

工二部覈議具奏尋議應修工程先咨報工部由工部查明限外應修者即奏請查估大臣詳悉查勘將情形較重者於本年奏辦稍重者一年後奏辦較輕者二三年後奏辦一應修工程應令查估官詳悉估勘不得豫先聲說不露明處所不能懸估致開續估之端如拆卸後實有虧朽應修者應令承修大臣咨報工部另行奏請派員續估一做法估冊及工部存查覈算錢糧細冊請鈐蓋堂印

以杜弊端一銀庫支放各處工程銀兩每兩扣平二分所扣銀兩令銀庫年終彙報至零星工程在千兩以內者向由工部節慎庫支發每兩扣銀三分八釐毋庸再扣從之○丁亥諭內閣錢楷奏審擬張良璧採生斃命一案並請將不為究辦之知縣知府革職再行嚴審各一摺此案張良璧吸食嬰女精髓前後共十六人致斃女孩十一人成廢一人實屬窮兇極惡人形獸性該犯自嘉慶元年九

月作俑其始尚可託詞不知因此傷生迨連斃一二命後該犯豈毫無知覺乃稔惡至十六年之久斃命至十餘人之多免殘已極錢楷比照採生折割人凌遲處死律量減擬以斬決庇護人妖是何意見試思殺死一家非死罪二人即應斬決三人以上即應凌遲處死該犯殘斃嬰孩十餘命豈斬決所能蔽辜張良璧一犯著即凌遲處死該犯年已七旬設因病致斃或畏罪自戕豈不倖逃顯戮著

由四百里傳諭錢楷接奉此旨即先將該犯凌遲正法示衆傳齊十六家親丁環視以快人心而抒衆憤所有張良壁家產併著抄沒傳集被害之十六家親屬當官分給仍將情形具奏錢楷錯擬罪名著交部察議知府成履恒知縣曾佩蓮均著革職交該撫將有無受賄故縱等情嚴行審訊該府縣如果得受贓銀必有過付之人現有家人書吏及張良壁家屬均可指證亦無須暫留張良壁質對

該撫務秉公嚴鞫毋稍瞻徇審明後另摺定擬具奏其方大川等應行察議之處亦歸於定案時一併覈議又諭綿課等奏審擬宗室恒瓘具控伊兄薩彬圖拆毀護壁房屋等款一案此案薩彬圖拆毀護壁房間私用並失察家人取木作榔復於家忌日跳神實屬不孝不恭宗室中有如此敗類豈可不辦若儀親王於恒瓘呈訴時據呈查辦亦必訊出實情照例懲治乃不接呈詞因恒瓘執意控

訴即起身用手向推未免有褻親王體統儀親王年近七旬現在管理

雍和宮樂部中正殿武英殿清字經館正紅旗滿洲都統事務本多是以精神未能周到儀親王著不必管理宗人府其自請察議之處並著寬免所遺宗人府宗令著莊親王綿課管理右宗正著肅親王永錫管理順承郡王倫柱原辦薩彬圖等家事並無不合本無庸自請嚴議其摺內措辭未免過激著改為察

議恒瓘著革去三等侍衛仍留奉恩將軍世職令其承管祭祀戊子

聖祖仁皇帝忌辰遣官祭

景陵

上詣

壽皇殿行禮己丑諭內閣前據馬慧裕等奏奏集司周季堂心術不醇妄示威福當經降旨將周季堂解任交初彭齡會同該督撫東公訊辦茲又據給事中喬遠英奏周季堂

偏袒署知縣黃南金濫責生員案延一載不結並蓄養戲班收買優伶且每逢放告之期先令代書呈繳制錢五十千文種種款蹟皆有指證周季堂著革職交初彭齡等嚴審定擬具奏○調廣東按察使陳若霖為湖北按察使以廣東糧儲道溫承志為按察使○辛卯刑部奏駁直隸總督溫承惠疏報新安縣民謝張來謀殺馮九兒一案得旨部駁甚是律載三百六十日為一年之文係專指各項

限期而言若稱人年紀則祇以年甲為準兩例分載詳明不容牽混如計年論罪之案於定律之外復扣算生年月日易啟犯供欺飾及官吏高下其手之弊溫承惠誤會律意其所引嘉慶七年饒陽縣民劉虎謀殺舊案係從前辦理錯誤不得援引比照嗣後遇有計年論罪之案仍照舊律以年甲為準用昭畫一○轉工部右侍郎初彭齡為左侍郎調禮部右侍郎帥承瀛為工部右侍郎以內閣學

士汪廷珍為禮部右侍郎○以山西巡撫成寧為刑部右侍郎前任山西巡撫衡齡署山西巡撫命左春坊左中允聶鎬敏提督安徽學政旌表守正捐軀直隸曲陽縣民馮義幅妻孫氏陝西商州民侯必聰妻王氏○壬辰

上幸瀛臺閱冰技○以廣東春江協副將沈煥為江蘇蘇松鎮總兵官○癸巳以故鎮國公綿疆子奕奎襲爵○戶部議准江蘇巡撫章

煦疏報陽湖上海丹徒鎮洋四縣開墾田九頃六十八畝照例升科從之○乙未諭內閣成林奏通判戴為瀚才難勝任懇請另選一摺所奏甚是戴為瀚由捐納出身地方事務未能諳悉著照該撫所請將潯州府通判一缺歸部另選戴為瀚即留於廣西試用俟二年後再行酌量具奏因思各直省捐納人員由部選得缺者不少該員等或本未讀書於吏治民生均不能通曉一旦驟膺外任遇事

茫無所措設身蹈愆尤既於公事有損而該員等亦必至求榮轉辱嗣後著各督撫於捐納初任人員留心察看如其才識平庸即將實缺奏明另選將該員留於該省試用學習二年若才堪造就隨時奏明酌量補用其實難勝任者即奏明以原品休致頂帶榮身著為令○丙申

上幸北海閱水技○諭內閣吏部議處和世泰降四級調用徵瑞降二級調用一摺又議處徵瑞降一級調用一摺和世泰於奏請派員查驗茶膳房金銀器皿一事所開御前侍衛單內將阿那保華聘安成蘇爾慎四人扣除經朕召見和世泰面加詢問如係伊等一時疏忽繕單遺漏本無大咎乃和世泰奏稱係伊不令承辦章京等開入及詢以係何主見則稱阿那保等四人係東三省人均屬糊塗即開列亦未必簡派等語實不成話和世泰既以明白自命何以內務府之事動輒得咎

交審事件總不能結伊年輕識淺甫令學習辦事正當加意謹慎輒敢心存自滿蔑視同儕漸不可長意欲何為且伊遠祖額亦都本係東三省人國初建立大勲賞延於世今和世泰薄視東三省之人是不但意存狂傲抑且自忘其本厥咎甚重至徵瑞於和世泰辦理此事時甫自圓直班回城奏單俱已繕定伊未經詳覈隨同具奏咎尚可原惟伊奏請將索特納木多布齋開墾田租交納廣儲司一事則紕繆太甚徵瑞原派管公主家務其於額駙索特納木多布齋產業即不應干涉自公主逝後從前陪嫁之產朕尚施恩賞給額駙乃伊轉欲將索特納木多布齋自有田租奏請入官朕曾有言利之臣朕斷不用之旨徵瑞竟敢嘗試希圖取巧見長實屬卑鄙不知大體咎無可寬和世泰徵瑞二人本應均照部議降調姑念和世泰年幼無知徵瑞年老昏瞶分別量予薄懲俾知儆懼和世泰

著拔去花翎革去內閣學士副都統實降一級以三品頂帶仍留總管內務府大臣之任徵瑞亦著拔去花翎革去副都統實降一級以三品頂帶仍留總管內務府大臣之任和世泰仍帶降二級留任徵瑞仍帶降一級留任伊二人所管各處差使均仍令照舊管理其和世泰原署左翼總兵亦令暫署以觀後效又諭據和寧奏經過復州及寧海縣各處村莊查看荒歉情形據實奏聞一摺本年

奉天復州及寧海縣被災歉收本月初十日據博慶額等奏到懇將本年出借米石及帶徵上年緩徵民欠未完等項銀米一併緩至十七年秋收後徵收並聲明本年額徵各項銀米仍請照額徵收等語當經照依所請降旨加恩茲據和寧奏稱該處村屋荒涼男婦遷徙被災情形較重災民環訴懇請將新舊錢糧一併緩徵並呈訴復州因鄉約等報舉嚴責鎖押各情又查訪該處旗戶散處村莊

雖不敢呈報災荒除有力之家交糧十分之一其無力者實難措交等語自係實在情形何以博慶額等前奏仍請將本年額徵各項銀米照額徵收而觀明於旗戶無力完糧之處亦未經奏明請旨觀明博慶額繼善俱著傳旨嚴行申飭是否該州縣有心諱匿或州縣已具稟而觀明等匿不具奏著該將軍府尹等據實查叅明白回奏所有復州及寧海縣本年額徵各項銀米著加恩一併緩至明

年秋收後徵收該二處旗戶並著查明已經交過糧石若干其實在無力完納者加恩一律緩至明年秋成後交納該將軍府尹等接奉此旨即迅速徧貼謄黃宣示災區俾旗民早霑恩澤共臻寧輯又岫巖屬濱海被災地方經觀明等於九月二十七日奏到先行撫卹一月口糧其應蠲應緩各事宜俟查明疏題等語當經批令查明速奏何以至今尚未題到現據和寧奏稱該處業已確勘成災著

該將軍府尹等即行照例題請蠲緩毋稍稽遲。調鑲黃旗蒙古副都統凱音布為正紅旗滿洲副都統。以刑部右侍郎成寧兼鑲黃旗蒙古副都統。吏部左侍郎鐵保兼鑲藍旗漢軍副都統。命翰林院侍講湯金鉉提督湖南學政。丁酉諭內閣御史李培元奏八旗甲兵米石多由領催串通鋪戶放債挾買巧圖重利。請旨嚴禁。一摺所奏是我朝自開國以來額設八旗甲兵按月支給銀米兩項

原使各兵丁關支銀兩可以製備衣甲給領米石足以養贍身家立法至為周備。該甲兵等總應將銀米實領到家節儉用度其所領米石如有數餘亦當存貯常令充贏。即或自行售賣增補家計亦屬例所不禁。乃近日旗人不善謀生該管王大臣全不以國事為要旅進旅退漠不關心任聽旗人率先豫借米鋪錢文至領米時則由領催串通鋪戶彙總代領剋扣折算及至甲兵等食米缺乏又轉

向鋪戶按市價買用以國家惠養旗人米石聽其賤賣於前貴買於後輾轉折耗無怪生計日形窮蹙各領催分管甲兵各戶內有不能零星赴倉關支者浼其代為彙領領出之後自應按名發給何得從中私相勾串網利分肥嗣後著交八旗都統等嚴飭該管叅佐領等於兵丁支領甲米時認真稽察務俾各兵丁等將所領米石均得全數領回以資口食並嚴查各領催如有前項情弊查明嚴行

懲處庶積弊漸除旗人生計亦可日臻饒裕將此通諭八旗知之。又諭京都內城九門城垣安設堆撥輪派官兵駐守巡查本年五月復經新議章程嚴密稽察恐該官兵等仍有頂替曠誤等弊昨派潤祥等八人前往分段查點茲據各查明覆奏其該班之章京兵丁等有全無曠誤者亦有曠班不到人數多寡不齊者且有包班頂替應名者均應分別查辦著交軍機大臣彙覈詳議具奏領催倭

和慶德兵丁恩官趙慶福財神保福登額于保住衛得寧著先交刑部審訊○又諭此次查出城上堆撥官兵正藍旗滿洲章京曠班者三員兵丁曠班者三十八名頂替者一名正藍旗漢軍兵丁曠班者三十一名頂替者一名正紅旗滿洲章京曠班者四員兵丁曠班者十二名正紅旗漢軍章京曠班者二員兵丁曠班者二十一名年歲不符者一名正紅旗蒙古兵丁曠班者三名正藍旗蒙古兵丁頂替者一名所有該管之都統副都統均著交部議處曠班之章京交部嚴加議處其曠班各兵丁除頂替各名交刑部審明再行辦理外其餘俱著各該旗查明責革示懲此外呈明患病有人更代及報明下城置辦食物者既據查明屬實均免置議○戊戌上幸瀛臺閱冰技○諭內閣朕昨詢問派出查城之副都御史潤祥據稱在城直班兵丁鑲白三旗衣帽整齊正藍三旗衣帽不全該管

大臣盡心不盡心即此可見當此隆冬沍寒各兵丁在城晝夜巡邏亦應量加體卹著八旗都統等在於各該旗公項內酌籌款費以爲該班官兵爐火之資俾令禦寒有具當差不敢懈惰稍示先養後教之意該都統等妥籌定議即奏准施行尋議上得旨八旗都統等奏遵旨籌議增給城班倉班兵丁爐火之費於各旗房租項下支銷著照所議行其所給之費著自十月初一日起至次年二月初

一日止該兵丁等禦寒有資務須親身按班直宿不得再有曠誤其城班兵丁直宿城上風高地敞燃熾薪炭尤當晝夜小心儻有不成致駭見聞必當較常例加倍治罪該都統等即出示曉諭並嚴飭各章京等常川巡察勿稍疏懈○旌表守正捐軀直隸霸州民鄧明助女鄧氏山東濟寧州民張會妻魏氏○貸山西大同等營兵丁倉穀○己亥諭內閣給事中西琅阿奏請禁止問刑衙門訊供時

擅用問板一摺所奏非是濫用非刑原指律所不載私造酷虐刑具而言至責板一項係刑典應有之具問板較刑杖狹小問刑官原不准苛責過多若犯供狡展開以責訊從未聞有因此斃命之事設併此飭禁則人情詐偽豈能僅以空言窮詰即可得其實情轉用非法拷訊矣該給事中必係受奸書指使圖脫重罪故為此奏所奏不准行○予江蘇故山東濟東道秦震鈞貴州故四川保寧府通判徐暹入祀鄉賢祠從巡撫章煦顏檢等請也 庚子

上詣

壽康宮行禮 幸瀛臺閱冰技○諭內閣百齡奏江南邳宿運河廳請毋庸改隸東省管轄一摺據稱邳宿運河貓兒窩一帶古淺之處距徐州僅有一百數十里而距濟寧則有四百數十里一切撈挖雇剝事宜改隸山東運河道不如仍隸徐州道之便且運河道本管

之境已屬路長事劇再加邳宿運河二百五十餘里難免顧此失彼之虞又駱馬湖之蓄水劉老澗之分洩最為中河一廳關鍵其地皆在邳宿廳境內改隸兩省尤多未便不若仍循舊章以黃林莊為兩省分界等語運河分隸章程相沿已久前因巡漕御史周鉞條奏以邳宿運河全資微山湖放水下注請將該廳改易東省一手經管飭交江南山東督撫等會議准行今據百齡等剖陳利弊甚為明晰亦不必再行交議著照所請邳宿運河毋庸改隸東河一切仍循舊制辦理又百齡等奏稱江南山東運河挑濬事宜向歸河員辦理嘉慶十二年巡漕御史文修條陳改歸地方官經理今州縣賠累日多而河道益形淺阻請仍歸河員辦理等語河員專管河務於承辦挑濬事宜自較地方官熟悉且運河平日攔沙蓄溜節宣等事均係河員專責若將挑挖屬之地方官則濬治防守兩易其人

轉啟互相推諉之弊嗣後江南山東運河挑濬事宜著仍循舊章復歸河員辦理以專責成諭軍機大臣等錢楷審辦張良璧採生斃命一案錯擬罪名已交部議處百齡恐錢楷被人朦蔽並以現在安省如蒙城霍邱等縣獲盜被衆各案情節支離請欽派大臣前往審辦此可不必錢楷現任安徽巡撫該省一切案件係伊本任之責若特派欽差前往代為審理則巡撫備員充位所司何事所有

張良璧一案承審府縣官及蒙城縣等案仍聽錢楷審辦著百齡留心查該如該撫有徇庇屬員斷擬不公之處即據實奏朕自有權衡也○壬寅

上幸北海閱冰技○諭內閣先福奏縣監絞犯越獄即經拏獲審明定擬一摺此案信豐縣絞犯曾癩瘕越獄脫逃該縣公出典史黃思錦疏於防範原有應得之咎但該典史親督丁役於三日內即將該犯拏獲尚屬知懼知

勉若仍予革職未免無所區別黃思錦著革去頂帶改為革職留任四年無過題請開復嗣後管獄官遇有脫逃監犯能於五日內緝獲者即照此例辦理○癸卯諭內閣御史楊懌曾奏請除稅契積弊一摺民間置買田房隨契納稅國課攸關乃州縣官吏竟有以多報少為欺隱侵蝕地步積弊相沿自應嚴行查禁著直省督撫等通飭各藩司認真稽覈隨時抽驗如有前項弊端一經查出即隨案

叅處照例懲辦至該御史請將各州縣冊報銀數由藩司每季刊刷懸示曉諭一節小民田地房產置買不時若由司常川出示通諭愚民耳目混淆輾轉訐告必致獄訟煩興是除弊而轉以滋弊也○甲辰諭內閣御史慶福奏請慎定挑選日期一摺所奏甚是向來揀選各項官員先由該衙門奏請簡派大臣其揀選日期由派出之大臣自行酌定往往相距多日始行赴挑而請託夤緣即相緣踵

至嗣後揀選各項人員著承辦之衙門先行擬定日期將應行與挑人數概行傳齊屆期奏請簡派該大臣一經派出即於本日前往東公挑取毋許稽遲如有遲延後期者該衙門查叅著為令又諭賽沖阿等奏向例額淺以淺六泡四分成辦解本年六月據內務府咨稱奏准盛京等處嗣後解交官淺毋許另分泡丁經該將軍等遵照曉示該劄夫僉稱近年採淺本少若概交好淺不准帶交泡丁實無力賠納等語盛京等三處交納官淺分成以淺泡並解辦理已數十年茲遽令全交人淺該劄夫一時力有不給自係實在情形但從前淺六泡四分成定額亦未免過寬嗣後盛京吉林寧古塔等處應解官淺著以人淺七成泡丁三成為準照數收解該將軍等務數實督辦毋任局員等稍滋弊混致有短缺命都察院左副都御史誠安先祿寺少卿費錫章馳往直隸河間府查辦事件

是月駐藏大臣瑚圖禮奏報赴任得旨西藏為極邊要地二大喇嘛住錫之所汝才非肆應切勿任意更張惟謹守成憲以儉持躬以嚴御下兵宜練習民宜撫卹勿濫賞刑恩威並濟勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十

[illegible]

嘉慶十六年辛未十二月乙巳朔

著伯麟孫玉庭據實確查明白回奏如係廠店及領運之員有通同朦混情弊該管道府稽查不實著查明將應行議處罰賠之處一併叅奏又諭刑部將秋朝審情實免勾官犯各起開單進呈請旨覈定此內密柱一犯因伊母赴妹家居住欲接回過節伊妻富卞氏屢向阻止該犯氣忿用拳向毆先被該氏拔刀扎傷肚腹並劃傷手指富卞氏本係有罪之人該犯奪刀欲回扎其面亦無必欲致死之心因連扎致傷項頸等處殞命密柱依夫毆妻至死律擬絞監候情實免勾三次覈其情罪尚可從寬密柱著改為緩決其餘各犯著仍歸情實辦理○移直隸獨石口協左營外委一員駐赤城營從總督溫承惠請也旌表守正捐軀直隸清苑縣民女曹氏○丁未諭內閣御史王開雲奏請慎選掌印司員一摺所奏非是六官分率所屬經理部務各有專司即吏兵二部掌選司員事繁任重

亦祇應令該堂官於本部司員內擇其人品端方政事明練者慎選責成以重官守。如果任得其人自能謹守綱紀剔弊釐奸足資整頓。若由別部揀選調補該員於文武銓政素非諳習一旦責令任事例案生疏安能肅清獎賞至三庫司員由各衙門調補係保送差使舊規何得援以比例所奏無庸議。○又諭京都內城九門城垣分段安設堆撥輪派八旗官兵駐守巡邏全在統轄大員認真稽查

方不致日久懈弛嗣後除親王郡王御前大臣軍機大臣領侍衛內大臣兼都統者或軍機大臣內有兼副都統者均無庸上城巡查外所有各旗都統副都統無論內廷行走及兼管事務繁多之員均著上城巡查都統每月上城二次副都統每月上城三次不必豫定期隨時親往密查並著步軍統領衙門飭知管理馬道官員隨時具報該衙門每月彙奏一次如有曠誤不到者據實叅奏其各

旗叅領著每月上城六次輪流派查不必在城住宿順貴本非應住城班之人著免其議處至城垣舊有繩痕前經飭令工部勘明修整茲朝陽門迤北附近萬安倉一帶城壕內面修補整齊外面仍閒有繩痕自係前次派出承修之員辦理草率著工部查明此段原派之員罰令賠修以示懲儆。○又諭據步軍統領衙門查明崔大花爆炸坊內廚役喬泰亦係同日燒斃合計燒斃人口共有十五命

之多甚屬可憫著步軍統領衙門查明無論男婦大小名口於該衙門公項內各賞銀五兩傳屬給領以為埋葬之費崔大著即行釋放無庸議罪向來製造火藥即官局俱在曠闊地面此案民人崔大花爆炸坊開設闌市本屬非宜著五城逐一查明俱飭令遷徙空閒處所以昭慎重。○以翰林院侍講毛謨著日講起居注官。○戊申諭內閣據巡視南漕給事中陳中孚奏江廣尾幫埽數出江並豫

籌重運事宜一摺係由驛三百里馳奏殊屬冒昧本年回空漕船全數渡黃業經督漕河臣會同該給事中聯銜奏報此次幫船全數渡江仍應照例會奏即查勘徒陽運河挑工亦係應會同巡撫具奏事件該給事中即欲專摺陳奏祇當差人齎呈乃擅發急遞疲勞驛站何太不曉事體陳中孚著傳旨申飭並著交部察議○以故貴州定番州屬木瓜副司土官顧天明子飛鵬麻嚮司土官得榮子

觀光各襲職○旌表守正捐軀山東鄆城縣民孫孫住妻呂氏○己酉

上幸瀛臺閱冰技○庚戌

孝惠章皇后忌辰遣官祭

孝東陵○諭軍機大臣等百齡奏通籌黃運河湖利病擬備善後一摺所奏俱係援據古書修復前人舊制自不同於臆斷但河工關繫重大當師古而不泥古總須參覈今昔情形相機籌辦始能動出萬全該督摺內如修復

減水閘壩一條黃河隄岸建立減水壩以洩盛漲原係前人良法但河流遷徙靡常現距靳輔張鵬翮治河之時又越百餘年其舊蹟所在揆之目下河形地勢是否仍能扼其衝要宣洩得宜尚須詳悉勘明始可定議修復至堰圩石工之外加做土坦坡一條該處風浪拍隄所砌巨石尚被衝掣若添做土坡自更易於塌卸據稱此項工程取土惟仗挑挖隄外二河并加椿木柳條等費覈計約已百

萬儻築成後或被風浪衝激不能經久豈不無益有損該督等當親往履勘相度形勢以期斟酌盡善至所稱設立挑水壩及切坡抽溝增設修防料土搜捕鼠穴糴洞並修復磨盤埽移置束清壩修築鉗口壩各條多係應辦事宜亦應公同商酌區分先後次第辦理將此傳諭知之○兩江總督百齡等奏減壩合龍下游諸工完竣得旨獎賚下部議敘賞河道總督陳鳳翔四品頂帶道員黎世序按

察使銜餘升敘有差○江西布政使袁秉直年老命來京以四品京堂用調江寧布政使陳預為江西布政使以淮揚道胡克家為江寧布政使○辛亥旌表守正捐軀河南洧川縣民孫相楚女孫氏湖北穀城縣民蔡一楷妻曹氏○壬子

上幸瀛臺閱冰技○貸吉林額木赫索囉被水兵丁口糧○癸丑諭內閣賽沖阿奏沿途目擊奉天災民遷徙情形一摺奉天岫巖復州寧海等處被災歉收前和寧於經過該處時據實奏聞朕當經降旨將該處應徵各項銀米加恩緩徵並飭令觀明等將有心諱匿之州縣查叅該將軍等至今尚未奏到殊覺延玩昨於奏請停止採買倉穀摺內僅聲敘該省糧價增昂而於地方之荒歉百姓之流離全不聲敘始終匿未陳奏漠不關心實屬溺職無能已極今賽沖阿途次親見各災民挈眷出邊絡繹在道可見該處被災情形較重

將軍府尹等統轄郡邑察吏綏民乃諱災不報玩視民瘼其咎甚重觀明博慶額繼善俱著交部嚴加議處即來京聽候部議盛京將軍員缺著和寧補授盛京工部侍郎員缺著富俊補授並兼管奉天府府尹事務著由四百里傳諭和寧富俊於接奉諭旨後即將被災地方迅速確查除業經緩徵外如有應行蠲免撫卹之處上緊妥籌先將辦理情形亦由四百里覆奏勿稍稽緩並查明地方官會否申報如報而不奏責在將軍府尹若州縣官匿不詳報查明嚴叅該處副都統城守尉等知而不舉一併叅處再本年岫巖城等處武職官員如有年班應行來京者著無庸前來或業已起程亦著該將軍飭令各回本任協同地方官將應行撫輯事宜認真經理至盛京侍郎薩彬圖花尚阿哈魯堪等均有奏事之責該處年歲荒歉災民流徙豈竟毫無見聞形同木偶緘默不言大屬非是薩彬圖

花尚阿哈魯堪均著交部議處並各明白回奏尋議上得旨觀明博慶額繼善俱著革職薩彬圖花尚阿哈魯堪均著加恩改為降四級從寬留任○以大理寺卿貴慶為盛京刑部侍郎通政使司副使砥柱為奉天府府尹○賑奉天岫巖復寧海三州縣被風災民○

甲寅

上御乾清門聽政○以詹事府詹事廉善少詹事阮元為內閣學士兼禮部侍郎銜○乙卯

諭內閣同興奏請將東省州縣佐貳等官廉俸等項仍解司收放備扣墊款一摺各省州縣等廉俸役食銀兩即於所徵耗羨項下坐支著有定例前此河南直隸因藩庫墊款過多奏請將州縣養廉辦公銀兩解司支發抵扣姑允所請俾資調劑前降諭旨內即明示他省不得援以為例今山東省又以抵扣曹工幫價等款為詞奏請援照坐扣該州縣於應行解還司庫之款如果任意遷延該上司

儘可分別叅處乃率請更改成例各直省司庫大率俱有扣款若似此紛紛奏請殊乖定制同興所奏不准行著傳旨申飭嗣後各省督撫如再有奏將州縣廉俸等項解司收支者除不准行仍交部議處○又諭據潤祥李可蕃奏本月初十日有內閣中書屈廷鎮在景運門內被人竊割海龍皮褂後襟奏請申嚴門禁等語景運門內切近內廷理宜整齊嚴肅乃竟有竊割皮襟之事各門稽查不密致宵小混跡稠衆之中漫無辨識著交步軍統領衙門迅速查拏務獲究辦護軍統領管理禁門是日係德麟直班既經失察於前又不據實陳奏直同木偶甚屬平庸德麟著傳旨申飭並交部加等議處嗣後景運隆宗後左後右各門應如何稽察出入嚴密慎重之處著軍機大臣內務府大臣前鋒統領護軍統領會同詳議章程具奏○又諭那彥成等奏酌定挑變牧廠孳生馬匹價值一摺古城

濟木薩二廠馬匹前經長齡等奏請挑除變價屢經部駁迄今又閱三年遷延日久馬匹益形疲損今那彥成等委員查驗酌中定價著照所請准其將挑出之三等馬每匹定價銀五兩交地方官承變四等馬每匹定價銀四兩交營廠酌量賠補分別交貯道庫報撥充餉嗣後於兩次均齊考成後挑變一次均著照此辦理以故扎噶特鎮國公特固斯巴雅爾弟曼都巴雅爾襲爵○免雲南銅廠

民欠工本銀○丙辰諭軍機大臣等本日據博慶額等奏盛京所屬各城民倉缺額米石前經奏請於秋後買補十二萬石今查明該處本年秋成歉薄加以直隸山東商販來奉販運以致糧價日昂請再減去二萬石酌買米十萬石以備支用等語博慶額等摺內前云秋收大半豐稔後又云本年收成歉薄已屬自相矛盾且該處既已歉收焉得復有外來商販絡繹不絕豈奉省之人多儲糧石足

供販運而本境之人乃口食無資輾轉流徙乎博慶額等於地方年歲情形至今猶未明悉實屬矢口混說昏愎糊塗著和寧富俊即遵照前旨將被災地方情形確實查明有應行蠲免撫卹之處迅速由四百里覆奏其各城採買缺額民倉米石該將軍等分別確查或通省各廳州縣收成數尚有堪以採買者或糧價增昂即應奏請停買者詳查妥酌一併據實覆奏○戶部議准雲南巡撫孫玉

庭疏報文山恩樂二縣開墾田七十五畝有奇照例升科從之○緩徵奉天岫巖廳馬廠連被偏災地畝花利銀米○丁巳諭軍機大臣等博慶額繼善覆奏復州寧海縣各村莊荒歉情形一摺據稱該二處得雨稍遲間遭風信行據復州知州教時汁署寧海縣知縣胡紹祖委員通判豐盛額先後稟稱秋收並不成災又據稱和寧所經地方俱係山僻濱海烟戶較少多屬外來流寓向無恒產二遇

歉收勢必他出謀食其土著各戶委無遠去情事等語所奏均屬飾詞地方偶遇荒歉司牧者自應體察情形據實勘辦無令小民失所即流寓民人既在該處託業一切戶婚詞訟等事俱歸該管官聽理獨至年歲饑荒則視同膜外任其紛紛流徙不加綏撫有是理乎著和寧富俊遵照前旨確查速辦其知州敖時汴知縣胡紹祖所稟係在和寧未奏以前抑係先經諱匿聞和寧具奏後始行詳報

所報是否確實委員豐盛額有無扶同徇隱情事查明據實奏又和寧賽冲阿兩次所奏岫巖被災民人遷徙情形與復州寧海二處相同博慶額等摺內亦未聲敘岫巖通判曾否稟報著和寧等一併詳查具奏○以雲南曲尋協副將李錦麟為廣西右江鎮總兵官旌表守正捐軀江蘇陽湖縣民顧民書妻謝氏○戊午倉場侍郎榮麟等奏查出萬安倉黑朽米石得旨此案查出萬安倉藏歷

黑朽米石至八千餘石之多該監督等毫無見聞如同聾瞽實屬溺職齊斌常奏均著革職交刑部審訊其舞弊漁利之花戶頭役劉元泰先因另案充徒著刑部提回歸案審訊在逃花戶張貴恒楊廷棟蘇亮三犯著交步軍統領衙門勒限五日拏獲送部如逾五日不獲一名自行議罪具奏五日內三犯全獲朕必加恩至萬安倉徽壞豆石甚多方世德本係該倉花戶頭役前經犯罪發遣著一併

行提審訊定擬具奏所有劉元泰張貴恒楊廷棟蘇亮方世德五犯家產著交步軍統領等即行查抄此項徽壞米石應如何著落追賠之處著倉場衙門查明議奏○諭軍機大臣等陽春等奏噶哩噶達部落夷人馬杏帶同通事漢人趙金秀到藏朝佛該大臣等察看馬杏面貌光景與西洋人相似恐其素習天主教假借朝佛之名希圖暗中傳教等語所慮甚是近來西洋夷人散布各處傳習天

主邪教意圖煽惑甚不安分必應加意嚴防夷人馬客據稱係噶哩噶達部落其地濱海路通西洋向不信奉佛教今迂道遠赴西藏顯係託名朝佛潛來窺伺或有隙可乘即漸圖傳教惑衆斷不可任其久留藏中著瑚圖禮等即將該夷人驅逐出境並通飭藏衛各卡倫於該夷人出境後隨時防範勿令再行混入嗣後如有西洋一帶夷人以朝佛為名前來藏地即概行阻回毋令入境以杜奸萌

其漢奸趙金秀以內地民人由京師至廣東度越重洋隨夷人深入藏地甚屬可惡著解交常明嚴審從重定擬具奏將此各傳諭知之○又諭給事中甘家斌奏風聞川省有無為老祖等教潛相煽惑請旨飭禁一摺四川東北下游一帶山深箐密向易藏奸茲甘家斌奏稱該處現在又有無為老祖等教與天主教大畧相同煽惑人心恐致延蔓所聞自必確實著傳諭常明即飭川東川北各州縣

嚴密訪查為首之犯緝拏按例懲治其被惑入教者俱令首明悔改該督等總須不動聲色弭患未形不可姑息養奸稍涉疏懈○又諭本年各省糧船於端陽節前埽數渡黃北上回空船隻於十月內即全數渡黃南下較之往年已趨早一兩月若似此行走迅利漕政可冀日有起色但恐各弁兵等恃程限寬餘或再遷延觀望有稽時日著傳諭有漕省分各該督撫嚴飭各州縣趕緊交兌漕運總

督嚴飭各旗丁迅速受兌務須冬兌冬開以符定制所有新漕頭進大河衛揚州等幫於明春正月間即催令渡黃以後各幫源源跟接勿許脫幫約計四月內即可全數渡黃北上俾得早達天庾毋稍遲緩○賞二等侍衛德通頭等侍衛為哈密辦事大臣○己未諭內閣陽春慶惠奏嘉慶十三年內布魯克巴部長喇嘛曲扎懇恩賞賜玉爵寶石頂花翎勅書印信等件彼時經文弼駁飭不准嗣十

五年內喇嘛曲勒接管部長事務改請賞給諾們汗名號又經文弼陽春咨駁兩次駁飭之時均未入奏茲據實查明奏聞等語布魯克巴部落自雍正年間投誠時

賞賜額爾德尼第巴名號嗣後接充部長俱仍前號並無更易今該部長曲扎曲勒僭越妄求該大臣等自當一面駁飭一面奏明請旨何得僅以咨覆了事匿不奏聞甚屬舛誤文弼始終未經具奏著交部加等嚴加議處即

回京候議陽春具奏已遲且此時必係因慶惠到彼查出始行聯名入奏著照所請交部嚴加議處慶惠雖經查出具奏伊到任已經數月其自請交部議處之處著改為察議尋議文弼革職陽春降三級調用慶惠罰俸一年從之又諭德麟人本平庸不堪造就素日差使懶惰屢經獲咎今景運門內竊割衣襟之事又適係伊直班本日及次日俱未據實陳奏迨潤祥等奏聞之後將伊交議僅於

帶領引見時扭頭始終未將查緝情形奏及昨日朕詢問明志據奏是日伊曾至德麟直宿班房告知當令章京進房傳說未見德麟之面自係彼時尚在高卧其怠惰偷安紈袴陋習仍未悔改德麟著革去護軍統領副都統仍帶降二級留任在散秩大臣上行走伊所兼差使多已革退轉得安逸著管理火器營輪班直宿○諭軍機大臣等據溫承惠奏豐潤縣張家莊地方有匪徒聚眾一二百人

乘夜偷扒鹽坨是否鹽梟肆行無忌抑係匪徒附和滋事現已飛飭通永道李于培務關叅將慶昌星馳前往察看督同該處文武員弁就近查拏拏務獲解究等語豐潤縣地方距馬蘭峪不遠為

東陵風水重地今張家莊有匪徒聚眾之事福長安想已聞知如探聽李于培等業將案內人犯拏獲究辦該鎮即無庸前往若尚未辦竣著福長安於所屬將弁兵丁內選帶數十

員名馳赴該處嚴密防緝毋令匪徒向馬蘭
峪一帶逃逸將為首之犯務獲解交直隸總
督審辦以靖地方為要將此諭令知之○以
鑲藍旗滿洲副都統那彥寶為鑲白旗護軍
統領散秩大臣裕瑞為正黃旗漢軍副都統
○以故廣西思恩府陽萬土州判岑熙子裕
坦襲職○旌表守正捐軀山東惠民縣民劉
景幅妻李氏

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百五十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百五十二
監修 臣等謹將 嘉慶十六年十一月二十二日庚申刑部奏審擬
王老等發塚圖財一案得旨此案王老李太
糾夥發掘墳塚攫取財物多至十數次殘忍
已極內王老一犯起意發掘原任公和琳墳
塚二次原任將軍成德墳塚一次李太一犯
起意發掘原任提督穆克登布墳塚一次該
犯等肆惡圖財目無法紀致使大臣墳塚慘
遭發掘且穆克登布効命疆場使其忠魂不
安寃宥尤為可憫該二犯兇惡尤甚應加重
辦理方足以洩幽憤而快人心乾清門侍衛

王老等發塚圖財一案得旨此案王老李太
糾夥發掘墳塚攫取財物多至十數次殘忍
已極內王老一犯起意發掘原任公和琳墳
塚二次原任將軍成德墳塚一次李太一犯
起意發掘原任提督穆克登布墳塚一次該
犯等肆惡圖財目無法紀致使大臣墳塚慘
遭發掘且穆克登布効命疆場使其忠魂不
安寃宥尤為可憫該二犯兇惡尤甚應加重
辦理方足以洩幽憤而快人心乾清門侍衛

頤齡係成德之孫。穆克登布之子。著派伊會同署刑部侍郎成格。前往監視行刑。將王老李大二犯先重責三十板。再行處斬。梟示。其張三常二二犯俱著處絞。黃有兒依擬應絞。著監候入於明年朝審情實辦理。○以故三等子剛奎子祥壽。二等子巴彥鄂爾齋子納木扎爾各襲爵。○以故奉恩將軍德哩綱額子徵泰襲職。○以大理寺少卿普恭為內閣學士兼禮部侍郎銜。○辛酉。諭內閣御史李可蕃奏。請整飭部務。以勵官方。一摺。據稱各部司員。停其兼司行走。以杜奔競。而專責成。等語。各部院司官。遇有明練之員。該堂官派令兼攝別司。俾資佐理。相沿已久。其司員之奔競與否。全不在此。若概行停止。不能為官擇人。亦非整飭部務之道。惟兼司過多。則責成不專。嗣後各部院司員。不准兼三司行走。其捐班資淺之員。亦毋得派令兼司。以歸覈實。至所奏保送各倉監督。將京察一等及截

取繁缺人員儘先保送一節。京察一等司官。必係本衙門得力之員。方膺卓薦。旋令保送倉差。豈各衙門出色司員。悉令改司倉務。而本衙門轉不留熟練之員。襄理政務耶。且京察一等及截取繁缺人員。為數無多。一經記名。不時簡放外任。其留部者。亦不敷倉差額缺。所奏殊多窒礙難行。惟各倉監督管理倉儲。有典守除弊之責。該堂官原應遴選精明勤慎之員。保送充補。嗣後有以衰庸劣之員充數者。經朕查出。定將原保官議處。該御史又稱景運隆宗門內。嚴禁司員無事擅入等語。景運隆宗等門。均近內廷。司員等非有緊要公事。原不准進內。現已諭令申嚴門禁。詳議章程。一體飭遵。至書吏將稿件送至司員私宅閱畫。本係陋習。著嚴行飭禁。又所奏各部院保送人員。請照外省之例。申敘該員事實。及曾否議敘。議處等語。外省保題人員。開列事實。撫拾具文。已不足憑。至各部院司

員勤慎供職。本無事實。可以聲敘。亦無常選。議敘之例。所奏亦於慎重官方無涉。總之國家設官分職。卿士各率其屬。果能持正秉公。時加振作。而庶尹百僚。亦皆夙夜在公。盡心厥職。則綱紀肅清。部院諸務。必能整飭修明。固不在頻更舊制。多立科條也。○又諭御史張源長奏。請覈實歲修料垛一摺。河工購辦歲料。分垛堆貯。原應覈實查驗。現因例價不敷。並准其加價購買。尤不容稍有虛浮。著通

諭江南山東各河督。嚴飭所屬道廳。將稽料束數斤數。務按奏定章程。覈實採辦。於購買齊全後。該河督親往抽查。若丈尺束數斤數。或有未符。及攙雜碎料。泥溼朽腐等弊。一經查出。即據實嚴叅治罪。○以故一等公阿克棟阿子福克津襲爵。○壬戌。諭內閣。據姚文田奏。請嚴禁文武生員充膺領催甲長一摺。文武生員。不准充膺官役。雜差載在學政全書。定例綦嚴。原以生員為齊民之秀。國家培

養人材。身列膠庠者。各宜潔修自愛。豈可承充官役。自取侮辱。若州縣官押令承充。即係顯違定例。啟伊等以交通官吏之門。此弊諒不獨豫省為然。著通諭各省督撫。嚴飭所屬州縣教職。申明舊例。文武生員。毋得派充官役。雜差。從前有詭名濫充者。一概徹退。以肅學校。而安里閭。○又諭。那彥成奏。請升補狄道州知州一摺。向來外省督撫。專摺奏請升調人員。是否合例。先交部議。迨部臣議上。內

閣於升調不合例之員。票擬雙簽。請旨。朕隨時酌覈。有照部議飭駁者。亦有特旨允准者。今那彥成開列知縣王楚堂。王世焯二員。請升狄道州。聲明俱不合例。請旨欽定。以一缺保奏二員。礙難交部覈議。那彥成意在邀請特旨。簡放一員。實屬有心取巧。那彥成著交部議處。王楚堂。王世焯二員。俱不准升。其狄道州知州一缺。著該督另行遴員奏請升補。○以詹事府少詹事詹泰為詹事。太僕寺卿

佛住為大理寺卿。○鑄給四川興文縣改撥江北廳訓導印。從總督常明請也。○癸亥諭內閣軍機大臣等會議門禁章程摺內王公大臣隨帶人數一條。王公大臣等管轄部旗事務較多者。各處皆有應行跟隨人員。往往有每處隨帶跟從多人。以為榮耀。嗣後王公大臣進景運等門。總按此次奏定章程。王貝勒等各照應帶人數。文武大臣無論兼管幾處。祇准隨帶一人。以昭畫一。又司員等遇有

緊要稿件。准進景運等門閱畫一節。司員人數衆多。或有假託畫稿攙混進內者。管門章京護軍等無從辨識。嗣後各衙門有緊要稿件。須送內閣畫者。著該司員告知各門護軍。令其帶信跟隨該堂官之人。出外取稿呈畫。若稿內有須面議之處。即著跟隨該堂官之人將該司員由景運等門帶入。則稽察易周。可杜冒混。餘依議。○又諭前鋒統領護軍統領條奏東華門西華門外設立鹿角攔木。不

准車轎馬匹行走。一摺。紫禁城內各門。惟大清門係正門。設立鹿角攔木。禁止過往人等車轎人馬。餘門設立下馬牌。此國家定制。自當永遠遵行。且紫禁城內騎馬王大臣等。在東華門西華門行走者居多。若設立攔木。馬匹不能過往。豈不令騎馬王大臣等亦俱徒走斷無此理。所奏竟不可行。凡事惟在辦理。不可改易舊制。鄂勒哲依圖等並不善為管轄官兵。嚴巡紫禁城各門。惟於事後更改舊

章。濫行條奏。祇欲顯其盡心。並未計及事之有無。濟益。嗣後前鋒統領護軍統領。惟當遵照舊例。嚴飭所屬官兵。除在紫禁城內騎馬王大臣。仍令騎馬進門外。其餘當差大臣官員等。轎車馬匹。俱令在各門外。不准過下馬牌。若有不服管轄者。該大臣等即行叅奏。將此通諭知之。○以翰林院編修吳其彥。充日講起居注官。○甲子。諭內閣。據多福奏。查出順義縣駐防防守尉等於該處應修工程。率

行咨修領銀恐有虛冒等弊一摺。向來各處駐防於營伍估修工項均須詳報本管衙門覈轉咨修。今順義縣駐防修理官廳等項自嘉慶六年以至本年。歷任防守尉等並不呈報覈轉。竟自移咨該省藩司請項興修。實屬違例。所有領銀興修不行詳報之前任防守尉鄂勒錫泰。接手領修亦不呈報之現任防守尉崇福及失察漏報之前任防守尉和莽阿。花連布均著交兵部照例分別議處。多福

未能及早查出。著交部察議。此項已修未完各工。著該督溫承惠即派員會同該副都統原委官確切查勘。如查有侵冒情弊。據實叅辦。○又諭薩彬圖花尚阿遵旨明白回奏一摺。奉天被災情形。薩彬圖花尚阿哈魯堪三人均係大員。不能據實入告。俱有應得之咎。昨經部議降三級調用。已加恩從寬改為降四級留任。今據薩彬圖奏稱伊管理邊門稽察出入。當流民等紛紛出口之時。伊毫無覺

察其咎較重。薩彬圖屢經棄瑕錄用。不實心任事。著再交部嚴加議處。尋議革職從之。○又諭和寧等奏籌辦復州寧海岫巖三處被災旗民大概情形一摺。據稱該三處被災情形畧有不同。而地方官辦理情節亦異。岫巖本年被海水潮淹之後。良田已成鹵地。非三二年不能耕種。是以居民紛紛攜眷北徙。通判訥泰確勘成災具報。現經觀明等辦理賑卹蠲緩事宜。其寧海復州二屬秋禾突被風

災。寧海縣知縣胡紹祖已據實具報。府尹查辦。惟復州知州教時忤。不准鄉約呈訴。並押令捏報秋收六分等語。奉天被災各屬。觀明等於岫巖寧海兩處具報到時。尚非心存諱匿。竟置不辦。惟一經地方官具報到時。應即覈明撫卹蠲緩事宜。由驛迅速具奏。朕降有恩旨。百姓聞知。自可安心待賑。不致紛紛流徙。絡繹不斷。乃觀明等拘泥勘報限期。具題待覆。窮黎迫於飢寒。遂各輕去其鄉。莫由安

集是其辦理遲延之咎實無可辭。但究與諱災者有聞。觀明等昨已照部議革職。觀明著加恩賞給二等侍衛。在大門上行走。仍留雲騎尉世職。博慶額亦著加恩賞給二等侍衛。在大門上行走。繼善年力衰邁。著加恩賞給四品頂帶原品休致。其熊岳副都統祿成。於復州民人呈訴荒歉時。即親赴省城。告知將軍府尹。借給口糧。尚屬關心民瘼。岫巖通判訥泰。寧海縣知縣胡紹祖。既將本境被災情形據實勘報。均無不合。惟復州知州教時。忤於鄉約。呈訴災荒時。駁飭不准。且押令捏報六分收成。照舊開徵。以致小民不勝追呼。流離蕩析。身為牧令。罔卹民艱。厥咎甚重。教時忤著革職。擎問。交和寧富俊嚴行審訊。該革牧必欲於災地催徵。其意何為。如查有侵蝕貪冒情弊。即著查抄治罪。城守尉金福。伊合哩。於旗戶艱苦。匿不呈報。俱著交部嚴加議處。現在和寧等遵旨籌辦賑卹。已將前奉恩

旨。騰黃曉諭。並於奉天城外。開設飯廠。流民足資餬口。其明春耕作之時。著再加恩。將旗民極貧戶口。賞給三月口糧。俾資接濟。如尚有應行撫卹事宜。並著查明。由驛具奏。○又諭本年十月二十二日。萬壽山無盡意軒內。失去紅氍二條。鑲玉如意三柄。穆騰額和世泰係管理三山大員。若一聞呈報失竊。即時親往躡勘。跟尋蹤跡。必能立時究出。賊據緝獲正犯。乃伊等聞報後。漠不關心。迄未到彼

一查。數日後。於當舖內。起得紅氍。始與常福會奏。派令桂芳。徵瑞。會同研鞠。將各園戶及當夥傳提多人。嚴刑拷訊。所錄供詞。毫無端緒。因續派景祿。盧蔭溥。會同覆審。各犯已多受刑傷。供情反覆。游移。總無賊據。茲分別具摺。自請嚴議。議處。此案穆騰額。和世泰。係專管之員。不能及早查緝。任意延玩。以致賊賊無蹤。辦理費手。伊二人之咎。較重。穆騰額著降為三品頂帶。拔去花翎。和世泰著降為四

品頂帶各罰俸一年半。加恩俱仍留內務府大臣之任。其所管三山及各項差使均照舊管理。常福署管三山。距失竊時僅止半月。伊聞信後曾親往履勘一次。雖未能究出賊贓。其咎較穆騰額和世泰尚輕。常福著罰俸一年。桂芳徵瑞並非經管之事。惟派審不能詳慎。研究著罰俸六箇月。景祿廬蔭溥派審在後。况已頭緒紛亂。實屬不易辦理。尚非耽延。著各罰俸三箇月。其萬壽山無盡意軒失於看守之該管官員及是日直宿之達他等均著查明即行革職。所遺員缺著內務府大臣遴員委署。俟開印後帶領引見。現訊各犯內趙黑子吳幅太張招兒三犯交慎刑司嚴行看管備質。其餘人等概予保釋。仍著步軍統領順天府五城並內務府各派番役一體嚴密訪緝賊贓。俟查有端倪即行審辦。○諭軍機大臣等松寧奏近有奉省流徙飢民由威遠堡一帶邊門潛越入境。現在飭員妥為驅

逐等語。所奏非是。本年奉省復州等屬歉收。飢民流徙。前賽沖阿曾奏明札致松寧於該處資賑妥為安撫。今松寧以流民例禁出邊。飭將飢民概行驅逐。各災黎等已離故土遠出邊門。今復遭驅逐。嚴冬沍寒凍餒無依。豈竟聽其輾轉溝壑。莫為軫卹。識見竟與觀明相同。所奏錯謬矣。著松寧將各飢民照賽沖阿所奏暫為安頓。並明白曉諭。以爾等原籍被災歉收已奉旨將爾等本年應徵錢糧加恩蠲緩。並諭令地方官迅速辦理賑務。爾等若速歸原籍尚可在家領賑。免至流離遠徙。且來年耕穫有收。亦可不至失業。即或年歲稍歉。地方官亦斷不敢諱災不辦。必能加意撫綏。無虞失所。如此剴切曉諭。該飢民等稍有業者當必相攜回籍。其實在無力者松寧督同地方官查明戶口分設粥廠妥為照料。俟來歲春融再行籌遣回籍。或無籍可歸之人口數無多。即於本處編戶安插可也。○

又諭奉天復州。寧海。岫巖。一帶地方。本年秋收歉薄。飢民遷徙者甚多。該處皆係濱海之區。與山東對岸。或窮黎覓食。有搭坐海船前往登萊一帶者。著該撫飭知該府縣加意安輯。妥為撫卹。勿令失所。○以內閣學士晉恭兼鑲黃旗漢軍副都統。○以故四川松潘廳屬巴細蛇任霸寨土百戶踏愛子林噶亞建昌道屬白路土百戶申祖子光先。松茂道屬藏咱寨土目由仲絆孫見住蓋羊崗中岔寨

土百戶丹柘笑孫吉借各襲職。○賞四川綽倭土司地震災民銀○乙丑

上御寧壽宮。賜王公大臣蒙古王貝勒貝子。公額駙等食。並賞賚有差。○諭內閣。百齡奏查明承辦馬港工各員分別著賠銀兩。並訊有勒派工員等弊。奏請革審一摺。上年馬港口挑挖正河。因攔潮壩起除未淨。出土不遠。致令河身淤墊。壩工未及一年。埽段俱有歪斜。倪家灘新築長隄。亦有漫缺處所。並於發辦

料土項下。每兩扣銀三釐五毫。以備例外雜用。雖屬以公濟公。尚非侵冒入己。惟先事未經詳稟。又擅行借給工員銀兩。該員等糜帑玩工。咎無可貸。除葉觀潮已於另案革職。張裕慶照部議降調外。單灃著一併革職。所有本年重挑馬港以下淤墊引河。共估挑土方銀三十一萬一千三百九十餘兩。補築北岸漫缺長隄。共估土方銀三萬八千七百九十餘兩。西壩歪斜。共估修整銀二萬兩。又挑河

各員借領銀十萬六千五十兩。俱著照百齡開具清單。著落葉觀潮。單灃。張裕慶。張鳳藻。並派令幫辦支發局款催挑河工各員分別罰賠。勒限追繳。其原借銀兩各員弁著於本任廉俸內分年扣繳。以清帑項。至張鳳藻等勒派工員一節。尤應徹底根究。毋稍輕縱。張鳳藻。晏志安。羅錦。均著革職。交該督提同曾被勒派各員嚴行究訊。查有侵吞情弊。從重定擬具奏。○又諭。百齡等奏查明玩誤河防

文武員弁請旨分別枷示革職一摺據稱察看李家樓漫口情形與該廳等原稟不符密訪水漲漫灘之時曾有紳士張大鶴邀同協防宋魁搶堵運草填塞並商酌跑躡買去運錢到壩其時廳員陳熙在田工搶險派令防範之千總熊禮臣並未到工宋魁旋亦他往迨大隄漫缺二十餘丈該管守備管友仁聞信復於中途等候廳員陳熙耽延時刻遂至大隄坐墊河溜南趨請將已革同知陳熙守備管友仁千總熊禮臣協防宋魁均枷號工次該管道員遊擊不據實稟揭請旨一併革職並自請交部議處各等語河工設立員弁當伏秋大汛之際自宜晝夜在工梭織巡防乃漫水淹及隄根已越數日本境紳士因保衛桑梓情願捐資堵築而汛弁竟無一人在工商辦以致釀成漫口糜帑殃民殊可痛恨該員弁等前已革職今百齡等奏請枷號工次示衆此等劣員即枷號亦不知恥或用輕

枷示辱仍屬具文亦不足以示警管友仁熊禮臣宋魁俱無庸枷號著即拿問交百齡嚴審伊等貽誤險工並此外有無侵帑玩公情弊訊明從重定擬具奏不可稍縱陳熙因在田工搶險到工遲延著照百齡等所奏枷號示懲該管徐州道張鼎淮徐營遊擊孔成於所屬廳營員弁玩愒疏防並不據實稟揭且辦公不能妥速張鼎孔成俱著革職仍責令在工幫同堵築以觀後效陳鳳翔前赴工次多日未能訪悉前情具奏著交部議處百齡甫經到工即查明參奏其自請議處之處著加恩寬免所有徐州道員缺著照該督等所請准以候補知府王逢源署理淮徐營遊擊員缺准以都司銜睢南營守備張位委署○增浙江玉環廳學拔貢生一名從學政周兆基請也○丙寅

上詣

大高殿行禮○幸瀛臺閱冰技回部伯克伊斯

瑪伊勒等十四人。及緬甸國使臣孟幹。於神武門外瞻觀。○諭內閣。許兆椿奏江西承造河口剝船請量加津貼緣由一摺。此項河口剝船。今冬屆當拆造之年。應交江西省承辦。據稱江西因近年疊次代造各省剝船物料昂貴。每船定價銀一百四十兩。實有不敷。請酌加銀四十兩等語。所奏自係實在情形。著即照所請辦理。至此項津貼銀兩。江西省從前承辦剝船之初。因適有調劑旗丁銀米永遠濟運之款。該旗丁等曾經捐銀六千餘兩。湊辦剝船器具。此次該旗丁仍請照數捐出。外數尚不敷銀五千餘兩。該漕督以此項剝船原係六省旗丁公捐之事。請將此項不敷銀兩。在於本年江蘇、安徽、浙江、湖南、湖北、五省出運船四千餘隻。每船扣出調劑銀一兩二錢。此內如有因災減歇船隻。并請於下運補還。均著照所請行。並加恩准其先於江西藩

庫內動墊銀一萬一千二百兩。發交委員督丁趕緊拆造。其各省旗丁協貼銀兩。著於明春解還江西。各丁應還銀兩。自今冬起。分作三年扣還。以紓丁力。嗣後此項剝船。每屆十年成造。即照現定章程津貼辦理。○又諭直隸天津一帶。向有私販鹽斤賣給回空糧船之弊。前任鹽政嵩年查緝甚力。惟將肩挑負販之人紛紛查拏。未免苛擾。曾經溫承惠奏及。乃祥紹接任後。又一味因循。任令奸商私售。前經滄州回民王大有呈控命案。首出彭姓等鹽店私賣給湖北三幫糧船鹽一萬八千餘擔。當飭許兆椿派員截查。茲據該漕督奏稱。將湖北頭二三幫一體搜查。共起出私鹽二十九萬二千餘斤。並訊據丁舵等供稱。所帶私鹽係買自天津一帶常春等店。並非買自滄州彭姓等鹽店。糧船私載鹽斤至二十九萬之多。必非零星擔負所能售給。自係奸商私開店鋪大起販運。毫無顧忌。鹽政係

專管之員。祥紹著交部議處。溫承惠不能查察著交部察議。所有應行承緝各員著該督查明參奏。分別議處。現在糧船丁舵等供出情節與王大有所控不符。經許兆椿咨行該督提訊。王大有及彭姓等確供私鹽究係賣給何幫。著溫承惠即行訊明覆知該漕督覈辦。償許兆椿所訊丁舵等續行供出有與王大有控案相涉。應行質訊者。著即解交直隸歸案辦理。○又諭據觀明覆奏查明復州等

五城旗戶秋收歉薄情形一摺。本年復州寧海等州縣被災歉收。旗戶所獲秋糧不敷餬口。其應交錢糧無力完納。觀明前此竟為屬員朦蔽。毫無見聞。迨奉旨飭查。始據查明覆奏。時已歲暮。辦理實屬遲延。除復州寧海二城旗戶無力完交地糧。前於和寧奏到日當即加恩緩徵。其兵丁春閒所借倉糧亦著加恩一律緩至明年秋後交納。岫巖熊岳鳳凰城三處歉收情形與復州寧海相等。並著加

恩將該三處應徵各項銀米普予緩徵。與復州寧海一例辦理。明春青黃不接之時並著賞給該五城旗戶一月口糧以助農作。其所參詳報不實之城守尉伊合哩等五員除伊合哩金福昨已降旨交部嚴議外。岫巖城守尉傑信署鳳凰城城守尉協領諾莫色楞熊岳協領果勒敏俱著交部嚴加議處。觀明業已降為二等侍衛。毋庸再交部議。○丁卯上御撫辰殿大幄次。賜蒙古王貝勒貝子公額

駙台吉及外藩使臣等宴。並賞賚有差。○是日壬申年立春。順天府進土牛春山寶座。○戊辰諭內閣李亨特奏請籌給河標兵丁辦公生息銀兩一摺。河東河標兵丁於本營操防外尚有撥派護送及催趲重運回空等差沿途往返。自應量給差費。著照所請將河標積年存剩朋扣皮贓銀款內動撥銀四千兩由藩司交商按月一分生息。所得息銀自嘉慶十七年春季為始分給四營添補差費。以

示體卹。○以戶部右侍郎陳希曾兵部左侍郎萬承風充經筵講官。○己巳。

孝莊文皇后忌辰遣官祭

昭西陵

上詣

慈寧宮

壽康宮行禮。○以都察院左副都御史潤祥為

盛京戶部侍郎。○庚午。

上以歲暮裕祭

太廟自是日始齋戒三日。○辛未。諭內閣昨據御史何南鈺奏有兵部員外郎凌鳴喈至伊寓所將所擬清理馬政一疏並夾片一件交伊代為陳奏當派崇祿吉綸王麟同赴馬館查點馬匹實數茲據覆奏現缺馬三百零一匹並訊據馬頭等供稱係因倒斃未經買補且有出差未回之數所供是否實情著交刑部提集馬頭書吏人等並馬館冊檔詳查審訊具奏凌鳴喈非管理馬館之員其所言馬

政事務並未向各堂官稟辦伊管理滋生庫

曾於前二日至尚書劉鐸之家面言欲將直

隸解到應行補發馬頭舊欠津貼銀兩先令

貯庫經劉鐸之飭駁伊所私擬奏疏亦未告

知劉鐸之輒交御史何南鈺代為陳遞實屬

越職言事凌鳴喈著先行交部議處並著軍

機大臣傳到該員確切詢問再行覈辦其所

擬馬政各條是否可行著軍機大臣議奏尋

議馬館額定經費其來已久節經兵部酌籌

調劑始而借帑營運繼而置地滋生數十年

來於應付各項差務無論用馬多寡從無貽

誤應一切仍循其舊該員指陳各條紛更瑣

屑窒礙難行均無庸議從之。○壬申以歲暮

裕祭遣官祭

太廟中殿

後殿。○諭軍機大臣等初彭齡等奏查辦學政

徐松款蹟大概情形一摺此案徐松於按試

時每學發交經文試帖新編派出重價一款

現據訊明長沙府及長沙善化兩縣學每處發給一百四十本一百二十本不等。均令士子每本繳銀三錢六分。又招覆優等生員。每人繳錢數百文。為刊刻考卷所需。又擅將備卷童生發縣充脩。每學自五六名至二十餘名不等。實屬違例。其出題割裂。亦查明有據。徐松身為學政。罔顧廉隅。取戾甚重。伊考試各郡不止一處。長沙三學勒索如此。其餘可知。著初彭齡等查明伊各處所得賣書價值。及優等生員繳錢之數。共有若干。將來應併贓計罪。至於考試題目。出自聖賢經傳。亦不應妄行割裂。侮慢聖言。此一節亦有應得罪名。伊既如此狂妄。恐平日所著詩文有悖謬之處。亦未可定。將來定案時。當一併敘列。擬具奏。將此諭令知之。○緬甸國王孟隕遣使表貢方物。賞賚筵宴如例。○癸酉。拾祭太廟。上親詣行禮。○遣官祭

永陵 福陵 昭陵 昭西陵 孝陵 孝東陵 景陵 泰陵 泰東陵 裕陵○遣官祭 孝淑皇后陵寢○遣官祭 端慧皇太子園寢○遣官祭 太歲之神○甲戌 上御保和殿筵宴朝正外藩。科爾沁。巴林喀喇沁。喀爾喀。奈曼。浩齊特。蘇尼特。扎賚特。土默特。青海。教漢。阿巴哈納爾。郭爾羅斯。土爾扈特。察哈爾。達爾漢。鄂爾多斯。四子部落。茂明安。翁牛特。杜爾伯特。綽羅斯。和碩特。王貝勒

貝子公額駙台吉塔布囊等及朝鮮緬甸正副使等隨文武大臣依次就坐。諸樂並作。上進酒。召左翼。科爾沁卓哩克圖親王。噶勒桑棟羅布達爾漢扎薩克親王。布彥溫都爾瑚巴林親王。銜扎薩克郡王。索特納木多爾濟喀喇沁親王。銜扎薩克郡王。滿珠巴咱爾。科爾沁扎薩克郡王。和碩額駙索特納木多布齋郡王。棟默特。貝勒理藩院額外侍郎鄂勒哲依圖。右翼喀爾喀賽因諾顏扎薩克親王。固倫額駙拉旺多爾濟。扎薩克圖汗扎薩克郡王。布尼喇特納。土謝圖汗扎薩克親王。車登多爾濟。奈曼扎薩克郡王。巴勒楚克。回部郡王。銜貝勒哈迪爾。喀喇沁扎薩克貝勒丹巴多爾濟。土默特扎薩克貝子。固倫額駙瑪呢巴達喇。至御座前。賜酒成禮。○增設江南淮安府外河通判一員。守備一員。從總督百齡請也。○是年旌表孝子直隸等省荀士立等二十一名。孝

女江蘇等省吳慎容等二口。孝婦湖北等省徐楊氏等三口。守節合例。宗室鳳秀妻史佳氏等十四口。滿洲哈芬布妻吳爾古陳氏等九十二口。蒙古蘇尼拉圖妻富察氏等二十五口。漢軍甘世儀妻陳氏等三十口。內務府常德妻鄭氏等七口。各省駐防永得妻陳氏等一百七十五口。直隸等省王楨妻姜氏等九百九口。夫亡殉節滿洲魁山妻徐氏等二口。直隸等省孫庭玉妻劉氏等三十六口。未婚守志滿洲喜林聘妻郭洛羅氏。江蘇等省王渭聘妻李氏等二十口。百歲壽民婦廣東等省連春英等四十七名口。五世同堂山東等省李鳳現等四十一家。各給銀建坊如例。○一產三男。直隸等省郭永柱等八家。○會計天下民數穀數。直隸等省通共大小男婦三萬五千八百六十一萬三千九百五十九名口。存倉米穀三千三百三十九萬六百五石一斗一升五合七勺。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百五十二

奉先殿行禮

詣

上詣

奉先殿行禮 詣

堂子行禮 遣官祭

太廟後殿 御太和殿受朝作樂宣表如儀○

詣

大高殿

壽皇殿行禮○御乾清宮賜皇子親藩等宴○

諭內閣上年夏秋間河水盛漲江南隄工屢
有漫溢之處直省年穀收成合計豐歉各半

因前歲冬雪較稀未登上稔朕夙夜祇懼默
額

吳穹冀邀

貺佑普福羣生今南河漫口年內已堵合三處
惟李家樓壩工現在剋期籌辦儻計春融當
可奏報合龍全河順軌去冬先得臘雪二次
立春次日繼沛祥霽茲於歲除同雲密雪竟
日續紛優渥霑足實為豐登豫兆仰荷
上蒼昭格顯融

鴻施普被朕欣感之下益增寅畏惟有仰體
天庥覃敷闡澤錫惠推恩先由親始儀親王成
親王慶郡王永璘著加恩各賞銀四千兩定
親王綿恩著賞銀三千兩榮郡王綿億著賞
銀二千兩諸王渥承錫賚並可分賞所屬之
護衛人等以廣恩施御前大臣拉旺多爾濟
今歲為伊子完娶著賞銀二千兩丹巴多爾
濟著賞還三眼花翎嘉慶二十年朕東巡盛
京經由伊所屬部落丹巴多爾濟分應除道

清 實 錄 嘉慶十七年正月

清塵並著賞銀二千兩以上賞項均著由廣
儲司頒發慶桂董誥自朕親政以來贊襄機
務勦平教匪懋著勤勞俱著加恩賞加太保
銜其在京之滿漢文武大小官員任內有降
留處分者均著開復降一級其無處分者俱
著賞加一級年班來京之吉林將軍賽冲阿
著加恩在紫禁城騎馬直隸總督溫承惠著
賞加太子少保銜其餘年班來京之文武大
員及蒙古王公等任內有降留處分者亦著

開復降一級其無處分者亦著賞加一級總
管內務府大臣桂芳現充前引著賞戴花翎
常福著賞還花翎徵瑞穆騰額著賞還二品
頂帶和世泰著賞給三品頂帶朕本年三月
於南苑舉行大閱典禮所有八旗兵丁著加
恩賞給半月錢糧由部庫支領以示朕祇承
昊眷數錫春祺至意○又諭朋素克琳沁著加
恩釋回仍賞給三等台吉與伊子瑪呢巴達
喇在京居住不必令回遊牧○命科爾沁郡

四二三

王和碩額駙索特納木多布齋仍在御前行走○丙子

上御重華宮茶宴廷臣及內廷翰林以養心殿聯句○展賑江蘇陽山蕭清河安東海沭陽六州縣上年被水災民貸桃源邳睢寧三州縣災民籽種口糧○展賑兩淮板浦中正二場上年被水竈戶○展賑安徽宿靈璧泗三州縣上年被水災民給五河盱眙霍邱全椒桐城合肥廬江天長八縣被水被旱災民一

月口糧貸鳳陽壽鳳臺懷寧太湖五州縣被旱災民籽種○展賑河南永城夏邑虞城三縣上年被水災民並貸籽種牛具銀借糶孟津孟安陽湯陰內黃滎澤原武陽武正陽羅山信陽光光山固始息臨潯汲新鄉淇封邱延津考城二十二州縣倉糧○展賑陝西神木府谷二縣上年被水被雹災民並貸籽種口糧貸朝邑大荔潼關華陰渭南寧陵延川鳳翔漢陰榆林葭懷遠十三廳州縣災民

口糧並寧羌南鄭畧陽鳳沔定遠留壩石泉米脂九廳州縣常社倉糧○貸江西義寧奉新武寧建昌安義德安瑞昌七州縣上年被旱災民籽種○貸湖北江夏咸寧嘉魚蒲圻崇陽通城興國通山鍾祥應山襄陽光化荊門當陽十四州縣及屯坐各衛所上年被旱災民籽種倉穀○貸山東章邱東平東阿汶上濟寧新城鄒平平度昌邑濰縣高密招遠博興壽光堂邑莘館陶臨清邱夏津武城歷

城濟陽平原臨邑朝城壽張陽穀聊城博平茌平清平冠高唐恩魚臺三十七州縣及東昌臨清二衛東平所上年被水被蟲災民籽種並借糶登州萊州青州三府屬州縣倉穀○貸山西保德代奇嵐興嵐靜樂河曲五寨潞城萬泉十州縣上年水旱霜雹災民籽種

○丁丑

高宗純皇帝忌辰遣官祭

裕陵

上詣	奉先殿	壽皇殿行禮○戊寅	上以上辛祈穀於	上帝自是日始齋戒三日○庚辰	上詣	南郊齋宮齋宿○辛巳祈穀於	上帝	上親詣行禮○	世祖章皇帝忌辰遣官祭	孝陵○以二等侍衛扎郎阿為太僕寺卿○壬午享	太廟命	皇次子旻恭代行禮○	上詣	大高殿行禮○幸圓明園○詣	安佑宮行禮○遣官祭	太歲之神○癸未
----	-----	----------	---------	---------------	----	--------------	----	--------	------------	----------------------	-----	-----------	----	--------------	-----------	---------

清 實 錄 嘉慶十七年正月

上御山高水長賜王公大臣蒙古王貝勒貝子公額駙台吉及外藩使臣等宴賞賚有差○乙酉諭內閣昨園內掃雪培樹載錫遲誤當交綿恩等詢問據稱於初九日進班初十日清晨回家並未他往傳伊之人於午正二刻至伊家送信伊即乘馬前來於申正始至圓明園請將載錫罰俸六箇月等語載錫乃近支宗室係朕曾孫且又年輕在乾清門行走理應較眾尤為奮勉今載錫於初十日清晨並不待眾同散先行回家已屬非是迨傳事人於午正二刻至伊家送信伊若即行趕赴圓明園無論乘車乘馬何至闕兩時之久始行趕到看來伊於下班後並未回家不知何往至伊家復遣人尋找伊方趕至此一節朕亦不究惟伊既稱在家得信後仍不速行遲至兩時之久始從容至園實無出息著御前大臣軍機大臣傳齊御前侍衛乾清門侍衛等眼同將載錫以家法處治在勤政門外重

責二十板以示懲戒並著退出乾清門賞給頭等侍衛在大門上行走仍罰俸一年○已革湖北按察使周季棠以劣款審實發往烏魯木齊効力贖罪○丁亥

上御山高水長賜王公大臣蒙古王貝勒貝子公額駙台吉及外藩使臣等食至庚寅皆如之○降鑲紅旗護軍統領玉福頭等侍衛為哈密辦事大臣○戊子

上御奉三無私殿賜皇子親藩等宴○己丑

上詣

安佑宮行禮○御正大光明殿賜朝正外藩等宴作樂賜酒如除夕儀○諭內閣據溫承惠奏永定河下口情形請加培辦理一摺永定河下口近多險工亟須籌辦所有加培隄岸挑挖引河及接築草壩土壩等工共估需銀一萬九千九百餘兩著照所請准其於藩庫內如數動支該督即督飭該道分率廳汛員弁認真修辦勒限於大汛前一律告竣毋許

稍有草率偷減務令料實工堅俾資捍衛○庚寅

上御正大光明殿賜大學士尚書等宴○辛卯諭內閣乾清門行走之王公大臣侍衛等理應逐日早到當差乃今早查得乾清門侍衛內只有昨日進班之托恩多哈當阿百順及不直班之塔清阿哈朗阿五人到來而蒙古王公等均已到齊端恩等陸續後到富永等則俱未到成何體制實屬懶惰不堪本月十

一日因載錫誤差曾經板責退出乾清門示懲十三日又因王福到遲亦曾退出乾清門仍交部議處此二事未逾五日復有如此多人懶惰曠誤豈不貽笑於衆蒙古本應將伊等均照載錫辦理惟念人數較多且此內尚有親王著加恩暫免板責端恩綿恩俱著退出乾清門仍罰職任俸一年富勒琿凝珠富翰前曾獲咎今不知悔改又誤差使富勒琿凝珠著退出乾清門革去副都統武備院卿

仍留公爵及散秩大臣管理圓明園事務。富翰著退出乾清門。在大門上行走。其趕到人員內除桑吉斯塔爾另行交部議處外。其餘各員均著各降一級。博啟圖著降為頭等侍衛。羅布藏多爾濟阿布都薩塔爾阿彥托克托巴彥巴圖景行福增阿俱著降為三等侍衛。福壽布彥泰俱著降為四等侍衛。均仍留乾清門行走。其未到人員俱著退出乾清門。各降二級。富永著降為三等侍衛。額勒經額

蘇章阿伊勒杭阿俱著降為藍翎侍衛。均在大門上行走。御前大臣等本日清晨俱赴同樂園。不知伊等曠誤著加恩免其察議。嗣後凡遇節令應赴同樂園之期。御前大臣著輪流一人在奏事門稽查乾清門侍衛事。畢再赴同樂園。如有遲到及空誤人員。立即奏奏朕必重處決不寬貸。其本日早到之塔清阿哈朗阿雖係分內差使。然較之空誤諸人尚為勤慎。俱著加恩補授頭等侍衛。又諭本

日正藍旗蒙古都統等呈遞馬園月摺。經朕召見。都統巴特瑪並未來園。因思該旗副都統桑吉斯塔爾係乾清門侍衛。傳旨詢問。伊亦尚未到園。其副都統禧恩係御前侍衛。已先赴同樂園查詢。該旗月摺係參領定柱代遞。由奏事處員外郎恒麟接收。該旗既有陳奏事件。都統副都統等自應親詣宮門呈遞。豫備召見。乃巴特瑪桑吉斯塔爾均未親來。遞摺於召見傳詢時刻。又復遲誤。殊屬懈惰。

俱著交部嚴加議處。禧恩雖應赴同樂園。該旗有應遞事件。巴特瑪等俱未早來。伊亦不先赴宮門遞摺。著交部議處。恒麟於該旗都統副都統等三人均未親面。即接收奏摺。亦著交部議處。再本日刑部會同吏部奏事。刑部堂官全班來園。而吏部堂官除松筠桂芳先赴同樂園外。惟帥承瀛在宮門祇候。經朕召見。其鄒炳泰陳希曾凱音布三人均未來園。殊失在公匪懈之義。著交都察院議處。尋

議上得旨已特瑪降一級補授正藍旗蒙古副都統桑吉斯塔爾降一級作為頭等侍衛仍賞副都統銜恒麟降一級以主事用鄒炳泰曾經來園凱音布進禁城班均免罰俸陳希曾罰俸一年○以內閣學士玉麟兼鑲紅旗護軍統領廉善兼鑲藍旗蒙古副都統頭等侍衛興肇為正紅旗蒙古副都統○以散秩大臣孟住為鑾儀衛鑾儀使○給陝西留壩定遠寧美鳳畧陽汧陽褒城洋寶雞藍屋寧

陝孝義十三廳州縣山內貧民兩月口糧○壬辰以御前大臣丹巴多爾濟兼正黃旗領侍衛內大臣○癸巳

上御山高水長賜王公大臣蒙古王貝勒貝子公額駙台吉及外藩使臣等食○諭內閣陽春等秦廓爾喀國王稟懇仍照向例專遣噶箕頭目進京呈進表貢一摺廓爾喀國王向例每屆五年差噶箕頭目進京呈進表貢一次嗣於嘉慶七年經朕俯念該國王年幼辦

事需人曲加體恤祇令將表貢敬謹送至交界由內地派員接收俟該國王能經理國事時再遵照定例遣派貢使來京本年係該國例貢之期據該國王稟懇請仍照定例專遣貢使赴京情詞極為恭順著准其遣噶箕頭目來京呈進表貢陽春等接奉諭旨即傳諭該國王並計算日期令該貢使到藏派員護送起程於本年封印前後到京隨班瞻覲○甲午諭內閣汪志伊等奏查明閩省場員虛

報鹽斤請著罰賠繳一摺閩省各場收曬鹽斤具有定額例應考覈分數分別勸懲茲據該督等查明浦東等場自乾隆四十六年以後絀收虛報係由陰雨過多埕坎荒廢所致該省歷任場員因規避處分以少報多本應一例參革但念事閱多年前任倡首者多因事故離任此時僅將現任者懲辦亦不足以昭平允著加恩均免其參處所有各員內除何蘊文一員虛報鹽價已經繳收漆洛義潘

肇豐二員均已彌補外其餘梁建昌等二十
三員共虛報額鹽一百七十五萬一百三擔
零數計曬價銀一十三萬六千兩零著照該
督等所請於原報各員名下分別罰賠勒限
追繳嗣後場員造報考覈時著委員盤查結
報覈計未完分數照例報部覈議如再有仍
前虛報等弊即行叅辦○又諭據和寧等叅
奏疏懈職守之邊門章京一摺奉省災民紛
紛攜眷出邊經和寧等飭行邊門章京查報

該章京等乃以秋冬之間曾經巡獲數十餘
起派兵押令回籍並有附近邊柵旗民包攬
偷送出邊等情稟覆所言全不足信該章京
如果巡獲多起何以數月之久從無一字稟
報顯係於奉文飭查後捏詞支飾並欲發過
附近旗民以掩其失察之咎所有管理威遠
堡章京員外郎塔清阿防禦雙喜俱著革職
交和寧富俊嚴審如有賄縱情弊仍奏明治
以應得之罪若無別項獎竇祇係失察於前

掩飾於後亦訊明據實具奏○乙未諭內閣
松筠等奏因未親遞月摺請交都察院察議
一摺昨日兵部呈遞月摺有堂官三人到園
俱經召對吏部呈遞月摺堂官並無一人來
園奏事處未敢將月摺接收茲該堂官等奏
請處分因係咎有應得但查詢松筠鄒炳泰
係在本部開印桂芳陳希曾凱音布帥承灝
各分赴內務府錢局本旗開印尚非無故曠
班惟未會公同商議酌分一二人來園其過

止於疏忽所有奏請察議之處俱著加恩寬
免嗣後遇事當加意慎勤用符敬事之義○
丙申諭內閣朕於二十年自避暑山莊起程
前往盛京恭謁

祖陵由九關臺邊行走所有經過蒙古部落地
方丹巴多爾濟豫備行宮二處備用房二處
滿珠巴咱爾瑪呢巴達喇俱各豫備行宮一
處備用房二處瑪哈巴拉豫備行宮一處正
月初一日業賞給丹巴多爾濟銀二千兩著

加恩賞給滿珠巴咱爾瑪呢巴達喇銀各一千五百兩。瑪哈巴拉銀一千兩。此項銀兩即由廣儲司動支給予。○又諭御史陳超曾奏本年三月舉行大閱典禮各省營伍請降旨通行一體整飭一摺。國家設立兵制原應勤加訓練其直省遇應行簡閱之年或差在京大臣或交本省督撫兵部請旨遵行著有成例。本年朕舉行大閱典禮各省查閱營伍自有一定限期無庸因此議加整飭惟是朕召

見來京陛見之提鎮大員詢及外省操閱營伍情形多稱每年春秋兩季時加操演冬夏則恐妨農務所言殊未覈實。古者寓兵於農是以蒐苗獮狩皆於農隙以講武事。今則兵與農分入營充伍者月支糧餉本無事於南畝。即勤加簡校並無妨礙。嗣後各直省督撫提鎮有統轄營伍之責者著不必拘定春秋之期於所屬弁兵不時訓練務令技藝精嫻有勇知方以簡軍實而嚴武備將此通諭知

之。○又諭御史陳超曾奏請飭各關監督及總理兼理關務各員慎選家人書吏並隨時嚴行約束一摺。各省關口徵收稅課勢不能不派家丁書吏代為經管該丁役等有誠實謹守者或不敢作奸犯科若貪詐之徒用度侈靡則虧缺侵隱之弊相因而起近年各省關稅每多短絀未必不由於此。嗣後各直省有經徵關稅之責者務宜選擇誠實家丁書吏分派經管並不時查察嚴行約束其狡偽

侵欺者即隨案懲辦庶權務肅清自於公帑有裨將此通諭知之。○以御前大臣丹巴多爾濟為正藍旗蒙古都統。○以正黃旗漢軍副都統裕瑞為正白旗護軍統領。○調鑲黃旗蒙古副都統成寧為鑲白旗滿洲副都統。以頭等侍衛蘇沖阿為鑲黃旗蒙古副都統。○丁酉

孝聖憲皇后忌辰遣官祭

泰東陵○戊戌

上幸萬壽山○以大學士勒保充經筵講官○
己亥改陝西西寧道仍為滿漢兼用缺從總
督那彥成請也○庚子朝鮮國王李琮遣使
表賀

萬壽冬至元旦三大節及歲貢方物賞賚筵宴
如例○給直隸灤樂亭昌黎三州縣上年被
水災民兩月口糧○辛丑

上詣

大高殿行禮○還宮○諭內閣朕於二十年由

九關臺邊前往盛京貝勒貢楚克巴勒桑在
葛達葛察地方亦備行宮一處係出至誠昨
因瑪哈巴拉豫備行宮一處賞銀一千兩貢
楚克巴勒桑亦賞給銀一千兩即就近由熱
河道庫內動支賞給○旌表守正捐軀江蘇
桃源縣民女王氏○戶部議准陝甘總督那
彥成疏報奇臺縣開墾地一頃五十畝照例
升科從之○壬寅諭內閣溫承惠奏上年豐
潤縣匪徒搶扒鹽坨一案經總兵慶長派令

玉田營都司朱文郁寶坻營都司伊克進協
同豐潤營都司陳明亮帶兵查拏陳明亮伊
克進在要路堵截朱文郁前往查探一見匪
徒多人遂即退回各兵丁亦皆走避未獲一
犯陳明亮等亦未向前追捕請將朱文郁革
職於該營加號三箇月發往伊犁充當苦差
陳明亮伊克進請一併革職等語國家設立
營制優養員弁兵丁小之緝捕盜賊大之敵
愾顏行總應勇往直前茲都司朱文郁等奉

派緝捕所緝不過鹽匪百餘人朱文郁帶兵
前探望見烏合匪徒輒先行退避以致一犯
未獲似此恒怯無能設令効力行間尚安望
其克敵致果耶營員畏縮至此不可不大加
懲創朱文郁著革職交刑部嚴訊治罪陳
明亮等於朱文郁退避之後亦並不上前追
捕俱屬玩懦僅予革職不足蔽辜陳明亮伊
克進均著革職發往伊犁充當苦差並先於
各該營加號三箇月再行發遣其跟隨朱文

郁退避各兵丁著該督查明將首先逃避者責革加號數名以示懲儆天津鎮總兵慶長派出弁兵如此懦弱由該總兵平日紀律不嚴操防懈弛所致慶長著交部議處尋議上得旨革去總兵仍留一等男世職授為三等侍衛在大門上行走○又諭據稽查京倉御史等奏上年冬季各倉領運土米稽查完竣一摺五城領運各倉土米責成查倉及巡城御史稽查每季彙奏一次總以並無好米攙雜等詞聯銜具奏其實各倉積弊往往於領運時上蓋腐朽土米暗將好米影射在內運出售賣該御史亦並未逐細查驗不過奉行故事一奏塞責殊非覈實之道嗣後各倉出放土米時著該查倉御史親往眼同驗放實力稽查如有攙和掩覆等弊立即據實叅辦毋得視為具文○以吏部尚書松筠為國史館總裁官○以翰林院侍講柏齡阿充日講起居注官○癸卯

孝儀純皇后忌辰遣官祭

裕陵○旌表通嫁捐軀安徽舒城縣民王克富

妻劉氏○是月貴州巡撫顏檢奏謝

頒賞福字得旨貴州民情不似從前淳朴有習

西洋教者有販賣人口者汝不加嚴究又似

先時懦弱情形矣若再犯國法朕斷不輕恕

慎之勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十四

嘉慶十七年壬申二月甲辰朔以舉行仲春

經筵官告祭

奉先殿

傳心殿

上御文華殿經筵直講官桂芳曹振鏞進講中

庸修身以道修道以仁講畢

上宣御論曰聖人論人君用賢之要必先修治

其身也蓋正君心以正百官為臣下之標準

作庶民之綱紀所謂形端表正也修身必以

道者何日用倫常之理威儀進退之節經禮

三百曲禮三千無不動作應禮從容中道然後綱常倫紀反身而備故修身莫若以道也然修道之極則又必全乎本心之德也心德者何即我生之初本性之善也自孩提以至成童純然天理之全此稟賦先天之仁也及其長也知識漸開各趨所好或為物欲所蔽仁心漸失矣能常具惻怛慈愛之誠日修中正仁和之道全體大用咸止於仁則道備身修身修則家齊國治至於天下平一以貫之

者惟仁也聖人示後世人君之至德要道必以仁為大本誠立政之純理也直講官明志萬承風進講易經聖人養賢以及萬民講畢上宣御論曰嘗讀大易頤卦彖辭曰聖人養賢以及萬民其義極深遠而理極精微也夫君臣民物皆天地所養也天生民而立之君使司牧之代天地養臣民者人君之責也故稱為天子代上天治家事所謂以天下為一家也堯舜為後世人君之表率以上聖之資尚

不能獨治九州分任九官十二牧用成唐虞之治彼九官十二牧皆堯舜所培養造就者也能養賢圖治推而及於萬民矣養賢在於人君而人君能養賢又先本於自養其心咸歸於正惟聖主方得賢臣心純則賢才輔一定不易之理也反求諸身心德義充實光明正大則愷士之徒烏得而進哉所用皆賢臣所行皆善政以心德所培養感召庶官庶官各培養其心德化被萬民萬民得其所養皆

合於正無不吉也天人上下相通君臣咸有一德欲臻大同之治其庶幾乎禮成

上幸文淵閣賜講官及聽講諸臣茶復賜宴於本仁殿遣官祭

關帝廟乙巳諭內閣百齡等奏請將玩視要工倡議諉卸之廳員革去升銜撤回同知一摺上年因海口挑工淤墊重行挑濬復於倪家灘一帶添築縷隄三千餘丈攔束水勢並恐漲水旁趨於縷隄工頭工尾添築格隄

一道使水不分流以收束水攻沙之效經調任淮海道黎世序會同本汛海安同知師兆龍勘估即令師兆龍承辦茲師兆龍忽倡言格隄不必防守夏至以後任其潰塌並有縷格各隄皆應廢棄之論此項縷格二隄原為夾溜刷河之用師兆龍既經估辦於前復倡言廢棄於後是何居心師兆龍著革去知府銜撤回海安同知仍責令防守倪家灘一帶縷格各隄如三汛安瀾隄工鞏固不但全予

開復並當加之優敘若稍有疏虞必從重治罪設該員因具稟在前有心致隄潰決冀實已言即將該員在工所正法其潰塌之工仍著落該員子孫賠修以昭炯戒諭軍機大臣等河工向有代廳員辦工之幕友人等名曰外工此項人等本非在官人役自恃熟悉工作料值各處攬辦工程其中偷減侵蝕等弊大半皆出其手迨至所辦之工或有疏失工員罰賠治罪而伊等轉得置身事外實為

積蠹嗣後著該工員等承辦工程如需用代辦之人即先將伊等姓名造冊報明河督存案設有貽誤一併攤賠治罪將此傳諭知之

上以祭

社稷壇自是日始齋戒三日○丙午遣官祭

文昌帝君廟○丁未祭

先師孔子遣皇三子綿愷行禮○戊申祭

大社

大稷

上親詣行禮○己酉諭內閣本日大考翰詹據翰林院掌院學士曹振鏞奏侍讀學士承恩奏於傳知該員時自行註明考試繙譯今領卷未到請將該員嚴議並據承恩奏自行陳奏因去秋墜馬不能書寫請革職治罪等語承恩奏既稱手足麻木不能寫字即應早行辭職或自揣可望就痊當翰林院傳知考試時亦應呈明掌院學士暫行告病扣除應

試乃既自註與考甫隔一日又越分遞摺抗不就試自稱情願革職治罪實屬膽大妄為向來滿洲翰林試以清語騎射則自謂身係詞員未嘗肄習及考試文藝又稱身係旗人文藝非其所長甘居人後陋習相仍如承恩泰者尤屬無恥無能之至著逐出批本處即行革職此等不堪之輩亦不值治罪○諭軍機大臣等常明奏查禁川省傳習無為老祖邪教緣由一摺據稱該省從前教匪未起以前曾有無為老祖教名目其教亦崇奉神佛惟習教之家俱供

聖祖仁皇帝龍牌曾經地方官嚴行查禁自教匪平定後近年以來未聞復有此教名目現仍密飭嚴查並曉諭令各首明悛改等語邪教惑眾斂錢最為風俗之害若不及早禁絕日久蔓延轉難查辦該省從前既有此項無為教名目不可不嚴密稽查前除惡俗至習教之家供奉

聖祖仁皇帝龍牌尤屬無知妄為我朝自開國以來

列祖

列宗皆有深仁厚德淪浹遐邇凡含生賦性之倫同深感戴但供奉

龍牌則國家自有定制即王公大臣等亦不敢私行尊奉况屬編氓何敢妄行僭越或係該省紳士從前有荷受

聖祖仁皇帝厚恩者冒昧尊崇罔知例禁倡始於一二家其附近無知小民遂轉相尤效急應廣為示禁著該督即查明前此曾有傳習無為教地方令該州縣剴切出示家喻戶曉俾知

聖祖龍牌非小民家所應供奉如有現供龍牌地方官敬謹收請尊藏儻經示諭之後仍有不遵者即治伊等以越分僭妄之罪務使鄉曲愚氓羣曉然於守義安分不敢陽借崇奉之名陰庇邪惡之術稽查化導漸淨根株

庶經正民興地方日臻綏靖再本日又據給事中甘家斌奏川省佐雜不遵定制擅受民詞所用總散各役多至百數十名並有三四百名者魚肉鄉愚請嚴行飭禁等語佐雜擅受民詞本干例禁前經降旨飭諭乃該省佐貳雜職仍公然擅受並違例多用人役擾累閭閻自係常明於該省吏治不能整頓嚴肅佐雜等官實有越職妄為之事以致言官形之章奏著常明詳細訪察如所屬佐雜中有

干與詞訟縱役滋弊者即據實嚴參照違制例治罪不得仍前玩愒將此諭令知之○大考翰林院詹事府各官於乾清宮○庚戌孝淑皇后忌辰命

皇次子

祭

陵寢壬子春分朝

日於東郊

上親詣行禮○幸圓明園○癸丑

上御勤政殿聽政○諭內閣和寧富俊奏遵旨

訊取州縣協領等供詞並確查案據緣由一摺據稱查明胡紹祖於寧海縣屯社被災田禾歉收情形曾經親詣查勘稟請緩徵兩次原稟經博慶額繼善批令徵收本年錢糧胡紹祖並未開徵委員豐盛額委勘復州寧海災區均經據實會稟亦無扶同捏飾情弊熊岳協領果勒敏於上年八月間具報旗戶所種田地秋收歉薄該將軍觀明僅批令妥為安慰並未委員查勘嗣復誤行叅處請將協領果勒敏通判豐盛額署知縣胡紹祖可否量予革職留任三年無過開復等語上年盛京復州等處被災歉收居民流徙前此朕以觀明等辦理遲延降旨將觀明博慶額革去將軍侍即仍賞給侍衛差使繼善以四品頂帶休致茲據和寧等查明觀明於果勒敏稟報後僅批令妥為安慰並不委員查勘博慶額繼善於胡紹祖豐盛額稟報後仍批令徵收本年錢糧是該處諱災不辦全係該將軍

府尹等主見觀明等玩視民瘼厥咎甚重本應斥革治罪姑念或年老衰積或庸懦無能從寬免其治罪觀明博慶額俱著革職此二人永不敘用以為不實心為國者戒繼善著革去頂帶至協領果勒敏通判豐盛額俱經據實呈報知縣胡紹祖詳稟於前及府尹等批令徵收本年錢糧該員仍未開徵尚屬曉事果勒敏豐盛額胡紹祖均著加恩開復原官無庸再帶革職留任其教時忤有無侵虧

情弊仍著確查具奏又諭晉昌奏稱已革知縣陳寅之子陳榮禮呈請代父在戍當差一摺陳寅前在廣東英德縣任內於應訊案件遲延拖累監斃人證四十餘名彼時不行擬抵僅初號三月發往伊犁充當苦差已屬寬典迨三年期滿時曾經前任將軍松筠具奏特降諭旨將該犯永遠不准贖罪亦不准釋回即係遇赦不赦之犯今伊子陳榮禮以伊父年逾七十老病衰積呈請代父遠戍當

差係屬人子私情晉昌自應遵照前旨即行駁斥若以陳寅年老可憫寧不思因彼監斃之四十餘人獨非民命乎晉昌此奏實屬舛誤著交部議處陳寅永遠不准釋回其子陳榮禮毋庸置議又諭初彭齡奏接奉諭旨審辦山東民人朱颺焯控案當由直隸臨洺關取道馳赴曹州並就近咨明溫承惠攜帶現署成安縣之試用知縣周蓮及試用知縣劉斯璋前往等語所辦甚屬冒昧初彭齡在途接奉諭旨審辦控案因無隨帶司員慮及入山東境後仍用本省委員吏件或滋弊竇擬於直隸省攜帶委員自應具摺請旨沿途等候俟批回後再行遵旨辦理乃一面具摺一面即帶領前往且所帶兩人內其一尚係試用人員至周蓮一員雖亦係試用知縣但現署成安縣有地方之責即與實缺人員無異初彭齡何得遽行帶往各部院大臣奉命讞案外省係常有之事若將隔省官員紛紛

攜帶成何政體此端斷不可開初彭齡著交部察議至周蓮等二員既已帶往即著初彭齡督率訊辦此案事竣飭令速回原省以鑲黃旗蒙古副都統蘇冲阿為內閣學士兼禮部侍郎銜通政使司通政使書明阿為都察院左副都御史以直隸督標中軍副將祥啟為天津鎮總兵官甲寅

孝陵 諭內閣此次考試翰詹各官按其文字

優劣分為等第一等四員二等四十七員三等七十員四等四員不入等一員除考列二等之侍讀學士王鼎侍讀穆彰阿業經升授少詹事外其考列一等之編修徐頤著升授侍讀學士編修陳嵩慶著升授侍講學士編修顧純著升授侍讀編修姚元之著升授侍講二等之編修彭邦疇著升授左贊善侍講學士宗室果齊斯歡著轉補侍讀學士編修朱士彥白鎔李宗昉程德楷著各賞綠綬二

匹。編修葛方晉陳官俊史評周之琦賀長齡
右中允吳其彥編修邱煌著各賞線縐袍料
一匹。編修李廣滋孫升長宋湘侍講毛謨編
修朱榮朱珩楊惠元著各賞線縐褂料一匹
及名在二等未經升用者俱著照例記名遇
缺題奏其考列三等之侍講沈學厚著改用
六部員外郎左庶子寧古齊著改用六部郎
中侍讀張師泌著改用六部員外郎侍讀學
士蔡之定著降侍讀候補侍講學士李錫恭
著降侍講候補左贊善李潢著降編修洗馬
宗室德朋阿著降右贊善侍讀覺羅寶興著
降左贊善侍讀學士明通著降左中允編修
宗室瑞林夏國培廖金城檢討平志編修郭
尚先均著罰俸半年檢討葉申萬李德立編
修陶樑何彤然王耀辰均著罰俸一年編修
胡敬程伯鑒錢昌齡李仲昭施杓檢討丁傑
均著罰俸二年其考列四等之修撰洪瑩著
罰俸三年編修彭良齋侍講柏齡阿編修胡

兆蘭均著原品休致其不入等之左中允覺
羅續祿著革職繙譯考列三等之右贊善景
福著改用六部筆帖式其考列四等之右庶
子法克精額著原品休致其不入等之左贊
善佛保著革職餘俱照舊供職該員等其各
砥行礪名敦崇實學以副朕造就人材至意
乙卯諭內閣此次朕親行大閱儀親王成
親王俱已年邁不必乘馬隨往閱隊時著於
晾鷹臺戎服站班接送○丙辰遣官祭黑龍
潭
昭靈沛澤龍王之神玉泉山
惠濟慈佑靈蘆龍王之神○諭內閣工部奏
議給吉林等處採捕東珠賞項請照舊例區
別辦理一摺吉林等處採珠官員領催等向
以得珠多少定為賞罰總管翼長驍騎校合
計各珠軒所得總數覈算領催各按旗分內
所得之數覈算定例本有區別近年龍統交
收不分旗分領催等亦按總數均勻得賞殊

非覈實之道。除此次已就總數揀選。即按數均勻分給。賞項外嗣後吉林等處解交東珠。著該將軍各按旗分將所得之珠分析封記。並將領催等各按旗分造冊送部。以憑覈計。分議賞罰。其嘉慶三年以後酌減三成。賞項之案亦著查銷。至此次賞項。朕閱單內所開共用彭緞七十二匹。潞絀二百十六匹。毛青布三千三百餘匹。近日外省製解此等緞絀布匹多以下劣充數。該官員兵丁等領受賞

項。為數孔多。俱不能適用。仍不過賤價變賣。孰肯長途攜帶。轉糜運費。非所以示體卹。自應量為變通。所有此項賞需之彭緞潞絀布匹等項。著內務府覈計應給之數。各按例價折賞銀兩。俾伊等均需實惠。其緞匹等件。每歲所需既少。即可減數採辦。並著交內務府詳細確查。如有似此可以折賞者。一併覈議具奏。以故喀爾喀賽因諾顏公銜扎薩克頭等台吉旺沁扎布子額依多布多爾濟襲

爵。以翰林院侍讀學士徐頤。侍講學士陳嵩慶。侍讀顧毓。署日講起居注官。予廣東浙江出洋勦賊被戕外委殷勝發。姚魁元。祭葬。世職額外外委李占魁。步兵徐兆鴻等一百十六名。賞卹如例。福建出洋淹斃外委劉元得。浙江內河淹斃外委金朝泰。祭葬如例。旌表守正捐軀四川酉陽州民左漢勝媳喻氏。丁巳。

上幸靜明園詣

龍神廟拈香。遣官祭昭忠祠。○以山東沂州協副將富斌為湖北鄖陽鎮總兵官。○己未諭內閣。成林奏特叅辦理秋審人犯混行取結。留養及捏飾具詳各員。請旨革審一摺。所辦甚是。國家明罰勅法。援律定罪。期於無枉。無縱。其親老丁單。准令留養。係屬法外施仁。必應覈實辦理。方得情法之平。若罪犯族鄰徇情捏結。該管官不加查覈。率准詳報。輕減罪名。使正兇漏網。則死者豈不含冤地下。

乎此案前署新寧州事龔霖雨於審辦絞犯吳友義時並不詳查案犯是否實係獨子率請留養現署知州黃金濟奉批飭查不據實訊辦捏詞詳覆其中均難保無通同賄縱情弊龔霖雨黃金濟俱著革職交成林提同犯證嚴審定擬具奏並著通飭各直省問刑衙門遇有聲請留養人犯務當認真確查毋任蒙混結報以肅憲典而昭覈實○調兵部右侍郎胡長齡為禮部左侍郎禮部左侍郎戴

聯奎為兵部右侍郎○以山東膠州協副將馮聯科為貴州威寧鎮總兵官○庚申旌表守正捐軀奉天廣寧縣民薛名盛妻李氏○辛酉

上幸萬壽山○諭內閣本日慶長差人齎遞謝恩奏摺實屬越分慶長前已革去總兵若仍在乾清門行走尚可於回京後具摺謝恩乃伊並已退出乾清門授為三等侍衛在大門上行走自應照例交卸回京在大門上當差

伊即感激朕恩冀陳謝悃亦應於到京時具呈由該管領侍衛內大臣轉奏或由該大臣帶領撻頭何得於接奉諭旨後妄行具摺差人齎遞慶長著交部議處○壬戌諭內閣據閱兵大臣等奏稱派出交衝之管理健銳營副都統綿齡松齡均不能馳馬等語本日召見松齡詢及據稱不能馳馬是實馬步箭乃滿洲舊業豈可荒廢綿齡松齡皆係管兵之人不能馳馬豈能訓練兵丁實屬無用綿齡

松齡均著不必管理健銳營並革去副都統加恩仍准在散秩大臣上行走向例大閱應派巴圖魯侍衛交衝著御前大臣將御前乾清門侍衛繕寫綠頭牌進呈候朕簡派八員充當交衝差使○以委散秩大臣敬徵為正白旗漢軍副都統鑲藍旗漢軍叅領蕭昌為正紅旗漢軍副都統○命副都御史書明阿改名書敏以與散秩大臣公舒明阿同名故也癸亥諭內閣近日京城內外竊案繁多

甚至皇城內有賊犯拒捕傷人之事巡緝懈弛罔知敬畏並聞緝獲賊匪內多有徒遣釋回之犯詰訊供詞則稱外省居民散處編設保甲稽查較嚴不似京城人居稠密易於潛藏夫京師乃輦轂重地理宜加倍肅清定制設立步軍統領衙門五城御史又有順天府大宛二縣其所屬營汛司坊兵役牌甲碁布星羅百倍於外省原令其盤詰奸宄綏靖市廛乃相率廢弛致宵小易於潛蹤轉不若外省之整肅以首善之鄉為遁逃之藪朕實深抱愧自知用人不當該管官所司何事寧不報顏知愧乎著通諭步軍統領五城順天府督飭所屬激發天良各思禁暴戢奸為職守所當盡分率兵役嚴密巡查弭盜安良俾首善之區俗靖風淳勉副朕諄諄訓戒至意諭軍機大臣等據給事中何學林奏風聞貴州傳習天主教各鄉聚集數十人及百餘人不等省城之北門外尤甚又思州府等處有

成羣拐匪各據巢穴誘拐婦女至數十人即販往湖南江西發賣地方官俱不行查辦等語黔省地處遠僻易容究隱地方官當隨時防範加意偵緝以杜奸萌茲該給事中所稱天主教及拐販兩種匪徒聚積漸多如思州平越等處距省尚遠或係府縣官隱匿不報至省城北門外傳習天主教者實繁有徒該撫駐劄省垣豈竟毫無聞見乃漫不留心所司何事顏檢係曾獲重咎之人經朕棄瑕錄用仍畀以封疆重任倍當激發天良力圖報効今該省有此奸匪伊未能早行查辦已有失察之咎著該撫即督率所屬將省城關外各處傳習天主教匪徒及思州等處拐匪分飭嚴密查拏將首惡按律嚴懲俾隨從者咸知改悔革面革心漸淨根株以靖地方而除積患若因循姑息釀成大案其咎更重於失察書吏侵蝕錢糧矣思之慎之將此諭令知之改四川建昌道寧遠府為在外題調缺

松茂道綏定府為請旨缺西昌渠三縣為在外升調要缺奉節縣為中缺秀山縣為簡缺歸部銓選從總督常明請也○甲子

上辛靜明園詣

龍神廟拈香○諭內閣章煦奏拏獲跟幫盤剝病漕害丁之積棍分別嚴辦一摺糧道李長森因丁力疲敝留心察訪根由親獲跟幫索債各犯起出歷年借券並米照印文稟請查辦該道曾任藩司罷斥後經朕復用為坐

糧廳知有漕船負欠積弊今擢任糧道即能訪拏得實以除積蠹尚屬留心整飭李長森著加恩賞給加一級以示獎勵所有現獲各犯著章煦即審明按律定擬具奏至負欠各丁現當開兌之際無庸提質該撫所辦甚是其供出跟幫索欠各廠犯該撫已分飭江安糧道等按名查拏著即緝獲歸案辦理此外無庸紛紛搜查以杜擾累至漕船轉運天庾正供通州有此棍徒盤踞滾利大千例禁著

倉場侍郎順天府尹一體出示嚴禁除漕船零星借貸不違例禁者在所不究外如有廠戶等仍前重利盤剝及指索公項註償私券者一經查出定當嚴懲不貸○乙丑

上御勤政殿聽政遣官祭

歷代帝王廟○諭內閣據劉權之等奏休致庶子法克精額前在工部郎中任內尚為得力懇請留部以筆帖式用等語法克精額係因考試休致該員既於部務熟習前次何不

奏請扣留今因休致忽有此舉姑著加恩賞給七品筆帖式仍令在工部行走但係已經休致人員止於筆帖式不准升轉以杜流弊○諭軍機大臣等據御史王開雲奏黔省近年畧販人口之風甚熾地棍關役窩藏包庇且有隱語目為販賣高腳驢黎平思州一帶有地名三腳地為川販出沒之區麻哈州有小徑為販匪通舟要地請嚴行飭緝等語該省傳習天主教及拐販人口昨甫據給事中

何學林叅奏茲御史王開雲復有此摺並指實興販地界及傳述隱語自係確有證據非僅得之風聞顏檢身任封圻緝暴安良是其專責今該省有此奸匪畧賣興販干禁病民伊已失察於前若再因循姑息不認真查辦其咎更重著該撫即督率所屬地方文武及關津員弁嚴密查拏獲犯按例嚴辦儻仍前疏縱不能禁絕奸宄綏靖地方朕追論前愆一併懲治恐該撫不能當此重譴也將此諭

令知之○展緩直隸宣化龍門二縣上年被霜被雹地畝額賦緩徵張家口獨石口赤城萬全懷來蔚西寧懷安延慶保安十廳州縣新舊額賦並借糶倉穀○丙寅諭內閣慶桂等會同松筠議覆伊犁將軍晉昌酌定屯田事宜一摺該處從前八旗公種之田若仍令其通力合作伊等視公產不如私業勤惰不齊不足以專責成自應將此項田二萬餘畝分給八旗俾各專心耕種永資樂利其原奏

所稱如有人力不敷准其佃人耕種計畝收租一節日久恐滋流弊應如慶桂等所議責令八旗閒散餘丁自行耕種既敷養贍又免游惰於駐防旗人教養之道大有裨益至松筠另片所奏伊前在伊犁將軍任內曾於伊犁河北岸附近地方築堡造屋移駐閒散壯丁按堡授田教之樹畜並令三時務農冬時操演所辦已將次第舉行費用亦有款可支無須另給松筠在彼年久熟悉情形現在該

處自有原派承辦員弁著晉昌遵照所定章程認真妥辦以收實效○以故鄂爾多斯扎薩克貝子色旺喇什子額爾德尼桑襲爵○旌表守正捐軀山東陽信縣民王林妻趙氏○丁卯清明節

上詣

安佑宮行禮○遣官祭

永陵

福陵

昭陵	昭西陵	孝陵	孝東陵	景陵	泰陵	泰東陵	命	皇次子吳	祭	裕陵	遣官祭	孝淑皇后陵寢	○遣官祭	端慧皇太子園寢	○己巳	孝昭仁皇后忌辰	遣官祭	景陵	旌表守正捐軀直隸冀州民婦成賈氏	○庚午諭內閣據武隆阿等奏澎湖地方偶被風災捐貲購買薯絲前往接濟一摺澎湖地方上年雨澤愆期小米高粱收成歉薄自八月二十一日以後颶風連作花生又多被吹毀該處孤懸海島閭閻向鮮蓋藏貧民口
----	-----	----	-----	----	----	-----	---	------	---	----	-----	--------	------	---------	-----	---------	-----	----	-----------------	---

清 實 錄 嘉慶十七年二月

食維艱前據汪志伊等奏到時業經批交該督等將被災情形及應如何酌量撫卹之處查明速奏著汪志伊張師誠即遵照前旨據實查明妥速辦理其武隆阿等先行捐辦之薯絲二千七百石即著作正開銷無庸該鎮道等捐廉歸補○諭軍機大臣等閩省自前年辦理降匪之後洋面已就肅清近日復有零星土匪駛竄各洋屢見奏報現據武隆阿等奏有漳泉土盜竄臺伺劫並據稱該鎮等差役齎遞奏摺舟行至東旋洋面有被盜劫失摺匣之事可見該省洋匪仍未淨盡近年粵省舟師巡緝嚴密洋面土盜不敢停留粵界而閩省洋面仍劫掠頻聞是閩省水師緝捕懈弛遠不及粵省不可不速加整飭著傳諭汪志伊等嚴飭水師各將弁分探盜蹤認真搜緝悉數殄除務令海氛永靖儻日久疏懈致匪船勾結成幫辦理又形棘手則該督等不能辭養癰之咎也○辛未

上幸萬壽山。諭內閣御史楊懌曾奏外官緣事解任請分別情節以重職守一摺。所奏不可行。向來外官遇有被控應訊之案。該督撫奏請解任質審。原因所控之案虛實未分。必得該員到案確訊。勢不能仍令在官視事。至一經訊明之後。如所控虛誣。亦必奏明復令回任。儻實有劣蹟。則或應革職。或應逮問。且當從此嚴究。是解任一節。不能不用於獄案之初。若因其現係職官。不行飭調改委。則案情百出。但據原告一面之詞。何憑查訊的確。或劣員得以藏身。或循吏橫遭污讟。均非國家明罰勅法之意。至此項解任之員。既經審係被誣。自當即令回任。各該督撫毋得輟轉遷延。致滋流弊。又諭汪志伊等奏奏玩視捕務之護福寧鎮總兵項統請革職。作為兵丁隨緝自贖一摺。項統身膺專閫。所轄地方見有洋匪船隻。亟應盡力勦除。乃畏葸遷延。將兵船收泊水澳。致令匪船擄劫商艘。乘風

遠竄。實屬怯懦。無能該督等奏請將伊革職。作為兵丁。隨同緝捕。伊曾任大員。仍令與同幫兵丁逐隊出洋。統率之員未必能責令奮勇出力。況伊屢次託詞逗遛。亦應徹底訊究。項統著革職。拏問交該督撫會同嚴審。儻有玩縱情事。即當按律治罪。以儆戎行。如訊無別情。再行奏明。令其緝捕自贖。所有福寧鎮總兵員缺。著劉成魁補授。以福建臺灣水師副將謝恩詔為浙江黃巖鎮總兵官。○壬申遣官祭賢良祠。○諭內閣。崇文門外居民徐東升家失火。燒斃男婦大小十二名。據步軍統領衙門奏請將撲救不力之南營官弁交部議處。並據東城御史世昌等奏請同司坊官一併交議。各衙門公廨被焚。該管官失於防範。自有應得處分。今民居失火。戶內延燒致斃多命。除撲救不力之該營弁仍照例交部議處外。其巡城御史及司坊官防護不及均著加恩免其議處。惟民人徐東升家

內燒斃人口至十二名之多甚屬可憫著該御史及司坊官等公同捐貲給屬殮埋以示矜卹被燒傷重之徐宣飭令調治痊愈該部再行傳訊○諭軍機大臣等陽春慶惠等奏接據第穆呼圖克圖咨送緬甸國寄來信字請飭交雲貴總督伯麟確切查奏一摺桑昂曲宗地方距藏四千餘里察瓦免空地地方離桑昂曲宗二十站其緬甸離察瓦免空地里又不知凡幾此項第穆呼圖克圖查送緬甸國信件朕詳加閱看其漢字書信漢夷言語夾雜多不成文夷字未經譯出是否係該國王所寄抑係雲南邊外與藏衛接壤地方漢奸番民中好事者捏造均未可定此時若交伯麟查辦雲南徼外野夷甚多無從究問若經檄詢緬甸國王或該國本無此舉轉令心生疑惑此事竟無庸交伯麟查奏該大臣等現已飭噶布倫另選番官等前往察瓦免空地地方會同詳查即靜俟該員等查覆到日據

實奏聞至桑昂曲宗營官從前覆濟龍呼圖克圖稟內稱差人往查此字原係緬甸有男婦二人送交野人洛巴接遞至察瓦免空地地方其時既未將該男婦二人拏住訊究此時瑚圖禮等當飭知桑昂曲宗等處地方營官以後留心嚴密稽查毋許緬甸國人與藏中呼圖克圖等私通書信如有送到信件即將持信之人拏獲同信件一併解送駐藏大臣處該大臣等親自查訊並可將前次寄信根由一併究明此時祇宜持以鎮靜不必多生枝節也所有奏到緬甸各字件仍著發回交瑚圖禮等俟番官查覆到日以憑覈對將此諭令知之 是月江南河道總督陳鳳翔奏陳感悚下忱得旨河工關繫至重稍有疏失民命無窮汝捫心自問安乎今命汝辦一案即有錯誤止於一二人命若河工走失尚可問耶國法雖疏天網甚密河工大小員弁咸宜凜戒常存自作

柴薪停止聽兵丁自買實為便益原款銀兩請發商生息作為滿營辦公筆墨紙張之費從之○甲戌諭內閣汪志伊奏詳查拏獲洋盜出力各弁兵請旨獎勵一摺閩浙舟師勦捕零匪先後拏獲多起其緝捕出力之千把總等末弁以及兵丁該督應覈其勞績自行獎拔今單開至數十人之衆豈能仰邀恩旨悉予甄錄所有汪志伊保奏獲賊多名之遊擊柯蒙額李增階著加恩交部議敘其千總

阮朝良等十七員兵丁五十二名著該督擇其勞績較優者自行記名遇缺拔補或酌量從重賞賚以示區別○又諭御史倪琇奏請嚴懲捕役奏賊積弊一摺京師步軍統領順天府五城各衙門設立捕役專司查緝姦宄其有奏賊分贓者例有明條著該管官實力查禁有犯必懲至所奏近年京城有外來插籤匪徒三五成羣往來街市乘間竊奪此等賊犯形蹤詭譎以插籤為標記招朋引類不

可不嚴拏懲辦著步軍統領順天府五城一體查緝如有堆卡兵役縱容包庇者查出從重治罪毋稍寬貸○又諭戶部議覆許兆椿等奏浙省各幫造船應添造費請旨遵行一摺浙省每年成造漕船每船於應得造費銀二百八兩零外只屯田一項零無別項可以幫貼其所請加給造費動撥減存行月銀兩一項從前本係給丁之款自裁船以後始行入撥歸公今該省造船賠累自應仍以此項

添給著加恩准其照江廣置造剝船之例每船除例給銀二百八兩零外再添給銀五百九十餘兩計每船給銀八百兩以十六年新造為始所需銀兩即於裁船減存行月款內動撥以裕丁力○以右春坊右庶子昇寬翰林院侍讀瑞林侍講王輅充日講起居注官加浙江鎮海營叅將林孫副將銜署福建金門鎮水師總兵官○乙亥

上耕藉詣

先農壇行禮更服至耜田所

躬耕三推復加一推

御觀耕臺命睿親王端恩鄭親王烏爾恭阿慶

郡王永璘各五推吏部右侍郎凱音布戶部

右侍郎陳希曾禮部右侍郎秀寧兵部左侍

郎成書刑部右侍郎宋鏐工部右侍郎帥承

瀛都察院左副都御史曹師會通政使司叅

議康綸鈞大理寺卿佛住各九推畢順天府

府尹率農夫終畝賞賚農夫耆老如例○幸

圓明園○緩徵山東招遠平度昌邑濰膠高

密博興壽光蓬萊黃寧海海陽萊陽棲霞文

登樂成福山掖即墨益都諸城安邱臨朐昌

樂樂安高苑臨淄博山二十八州縣上年水

災新舊額賦並厯城章邱東平東阿汶上濟

寧新城鄒平堂邑莘館陶臨清邱夏津武城

濟陽平原臨邑朝城壽張陽穀聊城博平在

平清平冠高唐恩魚臺三十九州縣及東昌

臨清東平三衛所水災蟲災額賦○丙子

上啟鑾恭謁

東陵○諭軍機大臣等和寧等奏接據朝鮮國

義州府尹馳報該國境內有土賊滋擾當即

飛飭鳳凰城城守尉福寧密派官兵於邊門

及沿江各卡巡查防守嚴密堵禦等情一摺

朝鮮國臣服本朝最為恭順今該國有土賊

嘯聚據城劫掠現經該國將勦捕情形移報

誼難漠視該國與鳳凰城邊界接壤僅有一

江之隔該處土賊被勦緊急或逃竄過江逸

入邊門和寧等現雖飭令城守尉福寧密派

官兵巡查防守恐福寧一人督辦不能得力

著派祿成前往鳳凰城督率弁兵於邊門及

沿江一帶嚴密巡防如有朝鮮國土賊潛行

竄入其面貌服色易於辨識立即擒拏訊問

大概情形一面報明將軍具奏一面將賊匪

解至邊界交該國押回自行辦理並嚴飭各

處邊門守卡官兵毋許容留土賊一人將此

諭令知之○免驛路經過地方本年額賦十

分之三○是日駐蹕湯山行宮○丁丑駐蹕三家店行宮○戊寅賞內閣侍讀學士巴克坦頭等侍衛為科布多叅贊大臣○是日駐蹕大新莊行宮○己卯駐蹕白瀾行宮○庚辰諭軍機大臣等伯麟等奏籌辦邊外滋事之土目以期除患寧邊一摺據稱上年南甸耿馬猛猛三土司地方有野夷猓黑搶劫各寨之事此項猓黑即土目張輔國管轄據各土司具稟該土目暗招漢奸唆令土司所屬夷民歸伊管轄並訪聞張輔國現在招致從前滋事夥黨聚處謀議又將附近威遠猛撒江邊各寨樹立木柵情似叵測該督等以孟連猛猛皆為張輔國所擾耿馬土司亦因猓黑侵掠其境欲圖報復又迤南九龍江土司邊外地方亦時有猓黑出沒亦歸怨於張輔國擬密諭各土司令其會同籌勦庶以夷治夷可期事半功倍等語所見殊屬非是土目張輔國即係僧人銅金從前勾結猓黑滋擾

地方原係罪犯叛逆嗣因其投具悔結率眾乞降施恩免其治罪後伊請改名還俗經永保奏明給予土目職記令其約束三猛五圍等處猓黑乃該土目近來不但不嚴束猓黑且有縱令搶掠之事自應加以懲治但伯麟等所奏祇係各土司具稟一面之詞其反側情形究未顯露或係各土司與該土目本有仇隙設詞傾陷亦未可定即其樹立木柵或亦為自固藩籬未必即心存抗拒若如伯麟等所籌令各土司會同密勦是令各土司與該土目鷸蚌相持其跡涉於挑釁且摺內稱各土司因張輔國係內地賞給土目不該擅行驅戮各土司平日尚知遵奉天朝法度今若令其密相仇賊此端一開將來各土司再有擅啟兵端之事轉恐難以禁約殊非控馭外夷之道目前辦理之法該督等當飭問該土目係專令約束猓黑之人今猓黑屢出滋擾即係該土目之咎令其自行前來省城當

面稟覆該土目如遵諭前來該督等即將伊罪酌擬發落或羈縻內地或從重問擬俱無不可若經札飭之後該土目竟不親來亦不稟覆其抗違形跡顯著伯麟等再行奏明或加以兵威聲罪致討彼時明降檄諭令各土司厚集勇練用為前敵官兵於邊界隨後統攝以壯聲威諒各土司必肯盡力會剿而師出亦覺名正言順也將此諭令知之○是日駐蹕隆福寺行宮○辛巳

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○祭

先蠶之神

皇后親詣行禮○諭內閣百齡等奏請借項挑濬武進縣孟瀆南段河道一摺孟瀆河為武進縣境內通江支港前此北段河身淤塞時曾經奏准循例借項給辦分年攤徵還款今據該督等查明該處南段由小河口入江一帶河身因北段疏濬之後水勢趨下日漸淺涸雖於運道無關但該處兩岸民田俱資灌溉自應亟加開濬若照業食佃力之例興辦

民力未免拮据所有估需土方壩工等項銀一萬八千八百八十七兩零著照該督等所請准其於司庫耗羨存公銀內借項興挑分作六年按田攤徵歸款以利田疇而紓民力○又諭百齡奏審明玩誤河防之已革備弁分別定擬一摺李家樓汛地係千總熊禮臣專管當黃水盛漲之時該革弁並不在工巡防以致大隄潰溢災延三省實為罪魁禍首其所稱感受暑氣顯係事後飾詞卸罪不足

憑信該督擬將該革弁先於工次枷號三箇月。滿日發往黑龍江所擬尚輕。熊禮臣著於河工枷號不必拘限三箇月。本年伏秋大汛何處工程報險。即將該革弁押赴險工處所示衆。俾各工員觸目警心。共知畏懼。俟秋汛安瀾後再行疏枷。發往黑龍江充當苦差。餘俱著照該督所擬辦理。○以捐貲助賑。賞江南安徽官員商人開復加級有差。○是日迴鑾。駐蹕桃花寺行宮。○壬午諭內閣。馬慧裕

等奏湖北各屬承變逆絕田產情形不一。請分別查參展限一摺。湖北省勦除教匪。所遺逆絕各產。原勘入官估變。勒限歸款。從前辦理此事。本未能迅速妥協。以致懸宕日久。實難保無朦混影射。及不肖官吏串通徇隱等弊。既據該督等奏稱各州縣境內情形本有不同。不可不徹底確查。著照所請再予展限一年。該督等即督同藩司遴委公正誠實之員。分往各屬確查。先將已經變價銀兩提解

司庫。仍查原勘數目。是否確實。原定價值。今昔有無增減。儻有匿報侵挪情弊。即將承辦各員指名參究。務於展限一年期內認真辦竣。毋再任遲延滋弊。○又諭。上年因京都內城九門各城上堆撥官兵曠誤班期。特定章程。令各旗都統。副都統。叅領等。每月分次查城。並交步軍統領按月查明彙奏。以憑稽考。自上年十二月初四日起。兩屆奏報均無曠班之人。此次據吉綸等查奏。副都統叅領內

有曠班一次二次者。未免漸萌怠惰。不可不予以處分。所有此次查城不到之副都統興肇。華聘舒。明阿。均著交部察議。其叅領等著該旗查取職名。交部一併察議。嗣後如查有三次不到者。即著交部議處。若再曠誤多次。並當交部嚴加議處。該都統等務當按期上城認真稽察。毋得日久生懈。視為具文。○又諭。據賽冲阿等奏。議駁三姓副都統果勒明阿奏請三姓獲場加增獲餘銀兩。所賞船隻

官為修理等因一摺三姓獲斤向皆送至吉林由吉林將軍彙總辦理並無另有獲餘費用即如官船係業經賞給該處官兵之物每年黏補自不應動用官項從前果勒明阿妄行奏請殊屬不合果勒明阿著交部察議外此二事著俱照賽沖阿所議辦理○諭軍機大臣等給事中周鉞奏請飭定南河善後事宜章程一摺朕詳加披閱該給事中所奏十款俱係河工積弊其首條所云梢挖添工一節尤應嚴密查辦河工如有不肖員弁兵役梢挖決口以致隄工漫溢不特糜費帑金其傷害生靈不可數計為患至大一經訪獲即應於河干斬梟示衆不能稍為寬宥百齡等務密派幹員時時留心查緝有犯即懲毋稍疏懈其餘各條弊端河工事繁人衆情偽百出該督等當隨時防範實力整頓以重河防而除積蠹將此傳諭知之○是日駐蹕盤山行宮至丙戌皆如之○癸未

孝賢純皇后忌辰遣官祭裕陵○諭內閣韓蔚奏酌定懲治悍俗章程一摺廣東無籍匪徒攜帶順刀逞兇嚇詐大為閭閻之害不可不嚴加懲治該撫請照川省成例飭令各州縣將此等匪徒督獲到案鎖繫鐵杆每枝定限四十斤各犯繫帶以去年為限察其實能改悔者即予釋放如不知悛改再繫一年儻仍前時強索擾即照棍徒屢次滋擾例定擬罪名著照所議辦理從前廣西風俗尚稱淳樸近來會匪盜劫案牘繁多係廣東匪徒流入該省以致風氣漸多獷悍著兩廣總督飭知廣西各屬遇有此等匪徒均照廣東此次所定章程一律懲辦以挽頽風而安良善○甲申刑部議駁四川總督常明疏稱民人彭仕榮強姦幼童胡留春已成聲明彭仕榮年未成丁可否減等一案得旨此案彭仕榮強姦幼童胡留春已成經該督照律擬以斬決聲明該犯童稚無知與淫

兇光棍有別經刑部議以律內並無十五歲以下強姦幼童夾簽聲請之條應照本律辦理所駁甚是彭仕榮一犯雖年僅十三歲如被污之人或年齒較長該犯尚可以年未成丁未減今被污者僅止九歲被該犯強姦已成是其以長脅幼不得謂為童稚無知彭仕榮著照部議即行處斬○諭軍機大臣等陽春等奏接據哲孟雄部長來稟懇將唐古忒莊子賞給一所俾資居住並求差派漢番官員前往分斷界址經伊等嚴行駁斥並飭帕克哩營官等豫為防範不令偷越等語所辦甚是哲孟雄部落並非藏屬因畏懼廓爾喀侵欺慮及日後不能保守疆土稟求在唐古忒居住伊現在尚存日呢杵岡多二處地方非比失土無歸輒豫為營窟之計妄希賞給藏屬莊子邊外部落甚多若因強鄰侵侮俱紛紛效尤乞賞地方則藏內疆域豈能徧為容納至外番犬牙相錯各守地界亦不能差

派官員一一代為清釐界址著傳諭瑚圖禮等此次哲孟雄部長既經駁斥之後或仍懷貪鄙再行瀆稟並以後邊外各部落有似此妄生希冀飾詞稟求者俱當嚴詞檄諭絕其妄想一面嚴飭邊界營官加意巡防毋致偷越為要○貴州鎮遠鎮總兵官策楞以年老留京賞副都統銜為頭等侍衛以定廣協副將哈豐阿為鎮遠鎮總兵官○乙酉賜隨扈王公大臣等食並賞賚有差○諭內閣溫承

惠奏辦差經費銀兩請通融籌撥開銷一摺據稱直隸每年辦理營尖橋道等項經費銀兩向在司庫當雜稅銀款內動撥上年承辦巡幸五臺差務道路綿長經費較多於司庫充公帶辦並節年文職空曠項下借撥支用經戶部行令照例歸款現在當雜稅銀按年動支並無存餘請於本款開銷嗣後均分別報部等語直隸常年辦理橋道等項司庫當雜稅銀儘足敷用若遇差務增多之年不能

清 實 錄 嘉慶十七年三月

不動用另款所有上年巡幸五臺直隸借動帶辦等款銀兩著准其即於本款開銷毋庸撥歸原款嗣後如值當雜稅銀不敷准撥文職空曠帶辦等款均著分別造冊報部開銷以免懸宕旌表守正捐軀浙江黃巖縣民陳金渠妻程氏○丙戌諭內閣溫承惠奏請將河工降補通判陳春熙等各員仍照原奏遇缺酌補毋庸援照特旨留工之例概請先補一摺河工定例應先儘特旨留工之員溫承惠因永定河出有固安縣丞一缺該處工程險要另以試用縣丞劉芬咨補經吏部以直省現有降等儘先補用縣丞之何銓綬等員議駁各省候補官員班次較多其中儘先補用人員或止二三員則俟補竣後再用別班尚可不形壅滯若人數衆多必俟用完始補別班則候補人員多至向隅亦不足昭銓法之平所有各省保奏奉旨儘先補用人員不止河工一項應如何酌定班次與各項候

補人員分班輪用之處著吏部妥議章程具奏其直隸留工降補之陳春熙等各員俟吏部議定章程再行請補尋議嗣後凡遇河工缺出如有特旨留工之員仍照定例先儘補用至保奏留工者究與特旨留工之員有閒自應明定班次應先用該督保奏留工之員一人次用次儘仍赴原工一人兩項相間輪用輪至第五缺用投効分發試用一人週而復始不得越次攙補如先儘次儘兩俱無人聽該督撫將投効試用人員酌量補用再各省地方儘先補用人員均屬無多補缺尚不至壅滯無庸更立章程其陳春熙等各員既經保奏留工即歸於先儘班內酌補從之○丁亥旌表守正捐軀山東魚臺縣民李忠仁女李氏○是日駐蹕白澗行宮○戊子諭內閣董教增會同那彥成奏請改建寧陝廳城垣一摺陝省寧陝廳新舊二城前因舊城被燬議將新城培築作為廳治嗣該處士民以

新城取水較遠舊城井泉甘美居民稠密呈請仍就舊城基址建築經該撫委員查勘情形屬實著照所請即依舊城基址建築城垣以為廳治其應築正城五百五十餘丈估需工料銀七萬九千八百餘兩覈實興辦照例題銷至新城現駐官兵就所存土堡收進一百四十餘丈因山增堞加修海漫所需工費亦著一併估計覈銷無庸該同知捐辦○賞

謁路經過看守各行宮弁兵半月錢糧○是日駐蹕烟郊行宮○己丑諭內閣先福奏查明辦理會匪案內出力人員開單懇恩鼓勵一摺江西龍泉縣會匪一案辦理妥速所有在事出力各員應量予鼓勵惟先福摺內請將李清英等三員交部從優議敘殊屬不合從優議敘字樣係出自上非臣下奏章內所可擅用且所保李清英一員係湖南鄱縣知縣並非先福屬員其出力之處自當咨明該省由廣厚奏請乃竟與江西各員一體保

列豈非越俎耶所有該撫單開各員內江西知縣黎燮縣丞張元奇二員著加恩送部引見湖南知縣李清英一員著交廣厚查明出力屬實另行具奏給咨送部引見其江西試用知縣陶堯臣陳國華試用府經歷熊兆祥試用從九品吳兆熊著各歸本班儘先補用○雲南富州土知州沈毓棟年老告替以其子佩璵襲職○是日駐蹕舊衙門行宮翼日如之 庚寅

上 諭

元 靈 宮

永慕寺行禮○諭內閣前據陽春等奏布魯克巴頭人等因貨物進關漏稅經帕克哩營官查詰有策忍敦柱輒同跟役郭結卜瓊等將正副營官揪毆經伊等訊供將該頭人等問擬斬梟斬決具奏部議上時業經降旨發往旋又據陽春等奏到接據布魯克巴部長來稟稱營官先持刀向戩該番民始行抵格請

免治罪。因查陽春等初次奏摺並未將營官持刀一節聲敘。似有意偏袒營官。辦理不公。隨又特降諭旨。由五百里發去。令瑚圖禮等再行詳查起釁根由。其策忍敦柱等三人暫緩辦理。本日召見松筠。諭及此事。據松筠奏。向來布魯克巴進藏貨物。例不上稅。節經禁革。有崇並稱營官等均係唐古忒充當。向來外夷人等與邊地營官及唐古忒等鬪毆。致斃均依各部落土俗治罪。並准收贖。罰付死者之家等語。此案陽春等所奏策忍敦柱等逞兇治罪根由。係因漏稅而起。若向來既不收稅。豈能加以漏稅之咎。竟是該營官等勒索肇釁。陽春等不將營官滋事之處據實查辦。以服夷情。轉稱該頭人抗稅起釁。且彼時既據跟役幹扎喜有營官先用刀向毆之供。摺內全不敘及。其檄諭該部長文內亦不敘明。以致該部長具稟申辯。再營官被毆之傷亦未驗明輕重。案內緊要情節。伊等均一味

含糊不加詳訊。顯係偏聽枉斷。案情多不確實。至外夷與唐古忒鬪毆之案。既有舊例可循。伊等又何以不行查明。輒將策忍敦柱等三人問擬重辟。陽春慶惠二人辦理此事。欺隱舛謬。糊塗不堪。厥咎甚重。著交部嚴加議處。即來京聽候部議。尋議陽春慶惠均照溺職例革職。從之。○賞八旗各營大閱備操兵丁銀。辛卯。

上行圍。調鑲藍旗漢軍副都統文孚為鑲白旗滿洲副都統。以頭等侍衛策楞為鑲藍旗漢軍副都統。○賞成都將軍豐紳都統銜。為駐藏幫辦大臣。調西安將軍祥保為成都將軍。以鑲白旗滿洲副都統明亮為西安將軍。旌表守正捐軀山西長治縣民和東安妻王氏。是日駐蹕南衙門行宮。翼日如之。○壬辰。上御晾鷹臺。大閱八旗官兵。○賜隨扈王大臣等食。並賞賚有差。○諭內閣。慶成等奏養贍

孤寡銀兩今昔情形不同酌籌支放一摺據稱福州駐防滿洲官兵內無依孤寡舊有月支養贍銀兩有依孤寡不支養贍於甲兵月餉內攤助情形實多拮据現在旗庫積存節年養贍餘剩銀八千八百餘兩請撥出銀一千八百二十兩零修理坍塌官租房閒其七千兩交商生息以息銀合之前項生息併房租銀兩除無依孤寡人口支放外餘銀酌給有依孤寡人口等語福州駐防有依孤寡人口較之無依者尤多其攤幫月餉之甲兵亦因此日形窘乏自應酌籌調劑著照該將軍等所請准其於節年積存餘銀內撥銀一千八百二十兩將官租房屋修理其七千兩交兩首縣發商生息每年所得息銀湊同前項生息併房租共銀四千七百餘兩除無依孤寡人口支放二千五六百兩外餘銀二千餘兩先儘有依孤寡中人口最多而所依甲兵生計平常者照大口八錢小口四錢舊規依

次支放俾生計漸資寬裕而甲兵亦不至攤扣拮据○賞賚閱兵執事王大臣侍衛有差並賞入操兵丁半月錢糧○癸巳駐蹕團河行宮翼日如之○甲午賞伊犁屯田疫災回民麥石○乙未上行團旌表守正捐軀河南新鄭縣民霍五妻王氏○是日駐蹕新衙門行宮○丙申上還圓明園○丁酉諭內閣溫承惠奏勘明天津靜海兩縣境內急須修濬各工請動項興辦一摺天津靜海一帶河道淤墊連年被水居民田廬未能涸復有妨耕作自應亟為疏築以利農田但該處地近海濱本係汙下之區必須勘明宣洩渠道使水有所歸則修築之後方可收一勞永逸之效不致頻年糜帑徒煩工役所有此二處工程著照該督所請在於鹽引加價項下撥銀八萬八千八百八十餘兩由天津運庫就近發交天津道李鑾宣承領分給各委員趕緊興辦並令祥紹不

時前往稽查如有草率偷減情弊即嚴叅究辦工竣後仍著溫承惠親往驗收覈實題銷○又諭據恩長等奏貝勒衮布車凌扎薩克台吉貢楚克扎布互爭游牧今分定地界請將盟長德木楚克扎布等交部議處等語此案貝勒衮布車凌扎薩克台吉貢楚克扎布以兩旗游牧地圖不符各無確據疊次相爭未能斷結今恩長等酌量形勢將兩旗人畜多寡均勻分定游牧邊界設立鄂博繪圖定制貢楚克扎布衮布車凌等各願具結甚屬心服至前此薩木丕勒多爾濟請仍還給察罕山納木嶺一節薩木丕勒多爾濟既已自行繪圖定界具結今若更張恐衆扎薩克等必致效尤此風亦不可長恩長等奏請無庸議所辦甚是均著照所奏辦理經此次分定之後該蒙古人等斷不許復行爭競如再具呈妄爭定行治罪德木楚克扎布等均著加恩免其議處○遣貝勒鄂勒哲依圖帶領侍

衛十員往奠喀爾喀土謝圖汗扎薩克郡王繡端多爾濟故母伍氏茶酒賞銀三百兩治喪○戊戌

上幸靜明園詣

龍神廟拈香○諭內閣百齡等奏河南開歸道陳啟文河北道張志鑑承催河工料物山東濟南府同知章埏河南歸河通判徐章督辦協濟料糴勤幹出力請旨分別議敘升用等語陳啟文等分隸豫東二省非百齡等所屬即使催辦料物出力亦應由各該撫保奏非百齡等所應陳請著交長齡同興查明具奏再降諭旨○諭軍機大臣等蔣攸銛奏請將給事中趙慎畛分發雲南知府李長根三員特發來粵等語所奏非是趙慎畛係現任給事中李長根業已分發赴滇現在粵東並無應辦要務急於需人之處未便照該督所請將二員特旨發往且趙慎畛一員前經交軍機處記名遇有廣東相當缺出時朕酌量

簡放此時該督不應指名奏請也將此傳諭知之○已亥諭內閣昨據百齡等保奏大工出力人員摺內聲稱此次所派大小文武分司職役總計六百餘員朕覺其人數太多即降旨令該督等不得將六百餘員概行報部以示限制本日恭閱

皇考高宗純皇帝實錄內載

諭軍機大臣等御史魏涵暉條陳河工効力人員應照各省之例揀選引見發往所奏甚是

南河効力定額百二十員其一切工程則各有廳員專管即分防大汛及遇缺委署開亦需人祇須足數差遣而已何必如許之多此等人員到工之後自備資斧無所獲利勢必競事欺朦指平為險惟冀添築工程恣其浮冒是誤工虧帑皆若輩為之歷來河臣拙於陋習不察其弊殊不思各省州縣刑名錢穀頭緒紛繁何嘗不一人兼理未見於正印之外概委多人紛紛協辦嗣後河工亦應照各

省之例按其額設員缺陸續酌量奏請發往以備委署或有緊要工程萬難兼顧必資分辦者亦應限以數目不得仍前濫請徒使有名無實著詳悉酌議奏聞尋經議准江南六十員直隸三十五員河東三十員仰見

聖訓煌煌立制至為周備河工遇有應辦工程若因工段綿長需人經理亦應擇其曾任河員工程熟悉者奏請發往差委方可得力即間有一二本籍紳士鹽商情殷桑梓出力幫

辦如此次蕭南紳士張大鶴運送草束錢文赴工搶險此項人員或因諳悉工作或因保護鄉閭原可資其急公協佐以收實效乃近日各工投効人員藉詞辦工紛紛前往該督等不加選擇任意收錄以致人數衆多漫無限制此等人員不過意存倖進藉邀優敘竟以興辦大工為伊等終南捷徑甚或有不肖之徒偷將完善隄防有意殘毀希冀興工漁利糜帑殃民尤為可恨此皆因濫等者衆遂

致賢否不齊。轉滋弊竇。該督等又安能遍加查察。一一防範耶。試思地方守令。管理刑名錢穀事務殷繁。印官之外。並無另有委員為之協理。河工即需員差。委亦何得濫行收錄多人。致啟奔競。即如百齡等。此次所奏捐職員外郎劉承澍。捐辦稽料。奏請捐復原官。該員並非奏請來工之員。又非因保衛田廬捐資慕義。該督等本不應令其備料運工。今既經工竣保奏。自不得不一體加恩。而收用投効人員。漫無區別。即此已可概見。是河工委用人員。自應明定章程。以昭體制。嗣後工員非奏請發往者。不得擅行差用。其平時應准委用若干員。遇有應辦之工。應准委用若干員。著該部詳議具奏。尋議。向例河工効力。江南六十員。直隸三十五員。河東三十員。本有定額。嗣後伏秋防汛及歲修各工。既有實缺人員專司其事。復有額設試用人員足資差委。毋庸再准投効。以杜冒濫。將來遇有要工。

需員。應令該督等於興工以前。將現在人員不敷差委。應添派若干員。奏明請旨。奏准後。一面准其投効。一面即造具名冊咨部存案。工竣時。儘將未經奏明之員。濫保即將該督議處。再河工指名附請人員。定例已奉諭旨。永行飭禁。嗣後如仍有奏請者。即將該督嚴叅。仍不准其赴工効力。如此明定限制。庶足以杜奔競。而昭曩實。從之。○又諭。此次南苑大閱。朕視排列隊伍處。距閱武臺相隔甚遠。因查歷來大閱規制。雍正年間。定例鹿角排列處。至閱武臺。二百九十七丈五尺。乾隆三十九年。自鹿角排列處。至閱武臺。一百七十五丈。自係因舊制相距較遠。是以排列近前。此次鹿角排列處。至閱武臺。一百九十五丈。則轉復移遠。閱視不甚明晰。嗣後每遇大閱。鹿角排列處。距閱武臺。著定為一百六十丈。較之乾隆年間。近十五丈。視此次近三十五丈。庶於閱視陣勢開闔進退。較為明晰。著纂

入會典○又諭永錡等奏起妃園寢內添修石券擊傷人夫一摺該處地基因築打夯土砂石即行坍塌自係其地土性本鬆是以一經築打震動遂致擁腫皆從前辦理未臻妥善著穆克登額等詳細熟商當如何修造方可無虞坍塌或竟當另為擇地之處悉心籌畫奏明辦理至現在因傷身斃之人夫六名既經穆克登額捐資掩埋著免其議處其承辦石券各監督俱著交部議處○又諭御史

嵩安奏請平銅器價值以重錢法一摺所奏不可行國家鑄造錢文以利民用如有敢將制錢銷燬或剪錯薄小取銅求利者律有明條地方官果能嚴行查禁自不致有私鑄等弊若如該御史所奏將民間所用銅器官為酌定價值勿任擡價居奇以杜奸商私燬制錢取銅牟利之弊無論民間製造銅器尚需手工火耗等費工本懸殊其價值原不能齊民間日用器具甚多豈能一一官為定價該

御史所奏無庸議○旌表守正捐軀河南睢州民劉柱妻傅氏○庚子

上御勤政殿聽政○前任山東按察使張彤以親老乞終養允之加賞

御書扁額及福字○以戶部尚書托津署吏部

尚書○以刑部左侍郎朱理為江蘇巡撫轉

刑部右侍郎宋銘為左侍郎以江蘇巡撫章

煦為刑部右侍郎○以光祿寺卿福興額為

通政使司通政使○以廣西結安土知州張

承壁子學鵬襲職○旌表守正捐軀福建永

定縣民吳冠春妻劉氏河南夏邑縣民彭之

安女彭氏○辛丑

上幸萬壽山詣

廣潤祠拈香○以福州副都統扎拉芬為將

軍調正白旗漢軍副都統慶保為福州副都

統以鑲藍旗滿洲叅領西拉布為正白旗漢

軍副都統○予故福州將軍慶成祭葬諡襄

恪○是月兩江總督百齡等奏報二進漕船

渡黃日期得旨嗣後每年如此迅速河工亦
有暇修防旗丁亦無須守候百廢俱興安瀾
永慶實億兆蒼生之福願卿等常勉寸心毋
忽○四川總督常明奏遵訪川省佐雜擅受
民詞多用差役查各佐雜所用差役姓名皆
係按月造報不許違例添差查察之法極為
周密惟川省州縣地界動輒以千餘里計印
官一人耳目難周分駐各佐雜遇有窩賭窩
娼酗酒鬪毆等事皆准其接受呈詞並有額
設刑俸遇有命案准其就近相驗牒縣辦理
其同城佐雜值印官公出鄉民遠道投詞亦
有代收俟公回訊斷者蹟雖近於擅受事實
起於分理但恐日久弊生惟有實力嚴查果
有其人即當叅辦斷不姑容得旨實心辦理
為公則可為私必叅原不能執一而論也

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百五十五

大清仁宗受天興運敷化綏猷崇文經武孝恭勤儉端敏英哲睿睿皇帝實錄卷之二百五十六

纂修總纂官 禮部侍郎 王士禛 纂修纂修官 禮部侍郎 王士禛 纂修纂修官 禮部侍郎 王士禛

纂修纂修官 禮部侍郎 王士禛 纂修纂修官 禮部侍郎 王士禛 纂修纂修官 禮部侍郎 王士禛

纂修纂修官 禮部侍郎 王士禛 纂修纂修官 禮部侍郎 王士禛 纂修纂修官 禮部侍郎 王士禛

纂修纂修官 禮部侍郎 王士禛 纂修纂修官 禮部侍郎 王士禛 纂修纂修官 禮部侍郎 王士禛

纂修纂修官 禮部侍郎 王士禛 纂修纂修官 禮部侍郎 王士禛 纂修纂修官 禮部侍郎 王士禛

教修

嘉慶十七年壬申夏四月癸卯朔享

太廟遣成親王永理恭代行禮○甲辰諭內閣伯麟等奏奏永昌府知府王旭載辦理夷務輕率躁妄請交部嚴議一摺此案孟定土司所屬夷民與回聘夷人錢債構釁該土司捏詞稟報希冀聳聽該府王旭載不察虛實率行帶兵前往嗣復徑咨鎮協添兵會辦幸該鎮協未經派撥尚屬曉事茲查明孟定城內並未被災各夷人均伏罪安業邊境寧謐是此案起釁之由本屬細微但當責令該土司

自行查辦內地官員即不應置問何況輕動官兵張皇滋事王旭載措置乖方實屬謬妄不職著即交部嚴加議處其動用兵練口糧鹽菜銀兩並著落該員按數賠繳以示懲儆○諭軍機大臣等八旗生齒日繁京城各佐領下戶口日增生計拮据雖經添設養育兵額而養贍仍未能周普朕宵旰籌思無時或釋前日舉行大閱典禮各旗營隊伍整齊在南苑先期訓練祇遵約束朕嘉旗人服習教

令更念養先於教為之謀衣食者益不可不周國家經費有常舊設甲額現已無可復增各旗閒散人等為額缺所限不獲挑食名糧其中年輕可造之材或閒居坐廢甚或血氣方剛游蕩滋事尤為可惜因思東三省原係國家根本之地而吉林土膏沃衍地廣人稀聞近來柳條邊外採獲山場日漸移遠其閒空地流民並有私侵耕植者從前乾隆年間我

皇考高宗純皇帝軫念八旗人衆分撥拉林地
方給與田畝俾資墾種迄今該旗人等甚享
其利今若仰循

成憲斟酌辦理將在京閒散旗人陸續資送前
往吉林以閒曠地畝撥給管業或自行耕種
或招佃取租均足以資養贍將來地利日興
家計日裕該旗人等在彼儘可練習騎射其
材藝優嫺者仍可備挑京中差使於教養之
道實為兩得著傳諭賽沖阿松寧即查明吉

林地地方自柳條邊外至採蘆山場其閒道里
共有若干可將蘆場界址移近若干里悉數
開墾自此以外所有閒曠之地計可分贍旗
人若干戶並相度地勢如何酌蓋土銍草房
俾藉棲止其應用牛具籽種每戶約需若干
再該處現有閒散官員是否足資統束抑或
須增設佐領驍騎校之處一併詳細妥議章
程並繪圖貼說具奏候朕酌度或先派旗人
數百戶前往試行俟辦有成效將來即可永

資樂利此事經營伊始該將軍等毋得畏難
觀望盡心籌畫以副委任將此諭令知之○
命翰林院侍讀學士徐頤提督安徽學政○
丙午

上還宮○諭內閣汪志伊等奏臺灣換回弁兵
在洋遭風淹斃一摺據稱此次臺灣換回之
督標撫標五營四起弁兵伍得喜等配坐商
船於二月初七夜在澎湖洋面陡遇暴風漂
至外洋小金嶼地方衝礁擊碎淹斃弁兵及
水手人等一百餘人等語可憫之極不忍覽
視向來官兵因公差委遭風漂沒者係照巡
洋官兵淹斃之例辦理此次淹斃弁兵九十
一員名內如有曾經出兵打仗及殺賊受傷
者著該督撫查明加恩照陣亡例賜卹該弁
兵等均有名冊可稽即據實查覈無稍冒濫
其未經出兵受傷者仍照巡洋例議卹嗣後
弁兵設有遭風淹斃均著照此分別覈辦至
其餘淹斃水手及鳧水得生兵丁仍照例卹

賞沈失官穀軍械均查明照例咨部辦理再海洋風濤危險官兵遠涉亦應加以慎重著該督撫飭知各將領於往來配渡時均宜察看風色詎吉開行俾資順利毋得冒險輕涉致有疏虞○諭軍機大臣等據和寧等奏稱奉天海口自開凍以來山東民合攜眷乘船來岸者甚多咸稱因本處年成荒歉赴奉謀生各貧民已渡至海口人戶較多勢難阻回酌擬於省城飯廠加米煮賑散放請飭令山東巡撫嚴飭登萊各屬毋准再放流民上船渡海等語山東省上年登萊等處地方歉收節次降旨令該撫督飭地方官妥為撫卹昨同興前來陞見時朕曾諄諄面諭並慮及該處災民有渡海赴奉省謀食之事茲和寧等具奏情形果不出朕所料總由山東地方官於撫卹事宜全不認真經理以致災黎流離遠徙上年奉省收成本不豐稔冬閒即有災民出邊就食吉林曾將觀明等懲辦今山東

災民又赴奉省是奉省本境米糧尚不能自給又益以外來就食之戶豈不更形拮据現在和寧等已設法調劑著傳諭同興即督率登萊各地方官將該處窮民上緊賑卹但令餬口有資人情重去其鄉亦孰肯遠涉海洋自干例禁並曉諭各海口以東省現已多方賑卹禁止該處民人再航海前赴奉省該撫務即實心經理毋再玩泄為要至和寧等奏稱現來奉省貧民除有親友可依外其窮苦者擬加米煮賑於省城飯廠散放至四月十五日停止屆期工作大興兼值耕耘多需人夫則災民儘可傭工度日等語著即照依所奏妥協辦理毋令失所將此傳諭同興並諭和寧等知之○以常雩祀

夫於

園丘自是日始齋戒三日○丁未緩徵山西上年被旱之保德代苛嵐嵐興靜樂五寨河曲潞城九州縣本年額賦○戊申

上詣

南郊齋宮齋宿。○諭軍機大臣等據伯麟等奏擊退撲卡野夷該督馳赴該處察看情形酌量籌辦一摺滇省騰越州外南甸土司地方上年有野夷二斗木等糾眾劫殺曾經伯麟等督飭官兵拏獲首夥各犯分別辦理將二斗木首級梟示邊外仍飭緝逸犯務獲茲奏稱據騰越鎮州稟報探聞逸犯等有暗行勾結欲搶二斗木首級之信伯麟等已飭該鎮州設備防範仍購線緝拿等語所奏殊未明晰該逸犯欲勾結來搶二斗木等首級信息該督等接據該鎮州稟報究竟該鎮州所稱探聞又係聞自何人其二斗木首級曾否搶去現在仍否照舊梟示摺內均未聲敘著伯麟等查明具奏其松園頭等邑山托盤山硯四山各寨野夷據總兵李東山等查知該野夷互相勾結屬實當飭隴川土司多朝惠等帶領土練前往緝捕又稱查得盆渡龍塘兩

寨山險菁太亦有勾結為匪之人應請懲辦等情盆渡龍塘二寨野夷勾結為匪有何實據土司多朝惠前往勦辦該土司與該二寨素有讐隙與否摺內所敘盆渡寨夷人並未出境焚掠係因練勇進勦設柵拒守或該土司有貪功起釁情節亦未可定均著伯麟到彼詳查奏聞至該總兵令南甸干崖蓋達等土司帶領練勇與官兵分路進勦盆渡野夷竟敢抵拒以致外委楊偉馬子金馬才周受傷身故兵丁亦傷斃七名其抗拒情形已成自不能不加以懲創伯麟業已馳赴該處現在各寨野夷紛紛呈送刀鏢木刻真心畏懼不敢助逆惟盆渡一寨恃險孤立如經兵練勦逐羣知悔懼將首惡縛獻伯麟審明起釁根由將應正法者對眾懲辦亦即可就案完結邊外瘴癘漸盛兵練亦可以時撤回該督等斟酌情形不可草率了事亦不可輕舉致釁妥協籌辦為要將此諭令知之○己酉常

等祀

天於

圖丘

上親詣行禮。○幸圓明園。○賞太僕寺卿扎郎阿副都統銜署正白旗蒙古副都統。○庚戌上幸萬壽山。○辛亥諭內閣本日文穎館總裁等奏續編清涼山志纂輯西巡盛典告成請將提調纂修及謄錄供事等分別超一二等給予優敘等語。朕披閱書內所載宸章恩綸

秩祀閱武以及程途歌頌之類祇須編次繕錄即可成書且卷帙無多校讐較易若遽加之優敘則各館編輯書成無論卷數多寡皆思濫邀恩獎殊非所以示限制此次續編清涼山志纂輯西巡盛典二書之該館提調總纂纂修收掌等官及謄錄供事等均無庸給予優敘亦不准分列超等著分別一二等照例給予議敘嗣後各館纂辦書籍至一百數十卷以上者方准其奏請優敘分別超一二

等其不及一百卷者止准分列一二等照例

議敘以杜冒濫○以翰林院侍講姚元之署

日講起居注官○旌表守正捐軀直隸深州

民單興妻李氏山東嘉祥縣民王二孫妻蔣

氏○壬子諭內閣汪志伊等奏龍溪縣童生

唐應時呈控學政考試已經錄取復被書吏

獎換將審訊情形先行具奏又據學政方振

奏考試寫案錯誤隨即更正請交部議處各

一摺此案既據該童生呈控書吏串通舞弊

何以兩造鄉親又復赴司具呈求息其中或

另有別情著交汪志伊等提集人證秉公研

鞠務得確情定擬具奏至該學政方振於出

案時偶爾筆誤旋即更正本可無庸請議惟

既經被人控告事隔一年始行陳奏實屬遲

緩方振著交部議處○命鑲白旗滿洲副都

統文孚內閣學士阮元馳往山西查辦吉蘭

泰鹽務控案○旌表守正捐軀安徽桐城縣

民江友高妻俞氏○賞卹伊犁額魯特游牧

地方地震災民○癸丑

上幸靜明園詰

龍神廟拈香○幸靜宜園○予廣東捕盜被
戕外委萬國平陳見揚祭葬加等世職如例
守備黃振烈千總蔡振華泊大剛祀總魏高
洪日際陳鴻外委雷常振郭韜張得義劉旺
錦祭葬世職兵丁蘇鱣等四百四十七名賞
卹如例○是日駐蹕靜宜園至丁巳皆如之
○甲寅諭內閣前日吏部帶領月選官引見

內山東觀城縣知縣陶琳一員經朕改用教
職該部自應將備班人員即時帶領引見候
朕簡放乃其時該堂官等並未帶領已屬錯
誤又不詳查舊例彼此意見不同有面奏者
有摺奏者俱以意為之茫無定見經朕降旨
飭查成案始據查明乾隆年間六案開單進
呈是此次吏部不即帶領備班人員實與舊
例不符難辭疏漏之咎所有吏部堂官俱著
交都察院察議此係從輕辦理應知感愧嗣

後各矢天良和衷辦事戒之慎之其陶琳所
遺山東觀城縣知縣員缺著該部即將三月
分原擬備班各員補行帶領引見候旨簡用
嗣後該部帶領月選知縣引見著即將備班
人員一同帶進丹墀下遇有改用扣除遺缺
以便即時帶領簡放○予廣東捕盜淹斃外
委林超選向秀邦祭葬世職兵丁黃友華等
一百八十名賞卹如陣亡例○旌表守正捐
軀河南鎮平縣民婦張常氏○丙辰

上御演武廳閱健銳營操○諭內閣李亨特奏
請添設河道庫使一摺東河開歸河北運河
三道向無專立庫官前此該河督奏請添設
曾勅下部議當經議駁茲該河督復以河道
庫貯錢糧繁重各道員在工日多雖委員經
理事非專責難期得力仍奏請增設所需廉
俸役食等項在通工雜職人員廉俸內攤給
等語所奏未免固執河道庫貯典守固應慎
重但東河現有雜職九十三員於此內遴派

管理孰敢推諉。即與專責無異。至攤給廉俸一節。如果應設額官。即當增給廉俸。若因惜小費。於通工雜職人員攤扣。伊等微員。俸廉本薄。致令辦公竭蹶。亦非政體。所有東河開歸河北運河三道。均無庸添設庫使。仍照舊委員管理。著鑄給鈐記。發交該河督。即分給派管各庫委員。以專職守。若再瀆陳。以違制論。○以駐藏幫辦大臣豐紳親老。命回成都將軍任。賞新授成都將軍祥保。都統銜。為駐藏幫辦大臣。○戊午。

上幸靜明園。○還圓明園。○旌表守正捐軀四川石砭廳民譚添富妻冉氏。○己未。

孝端文皇后忌辰。遣官祭。

昭陵。○諭內閣御史辛從益奏。敬陳聞見一摺。其臚列各款。皆律有明禁。應行整飭之事。靡俗相沿。江西一省如此。恐他省似此者亦復不少。如書吏結交官府。差役橫掣平民。惟在守令正身馭下。則奸胥蠹役。自畏懼不敢縱。

恣。至保甲隱奸。捕役豪賊。尤應法令嚴明。有犯必懲。其大員過境。除浮費。以杜逢迎。長吏莅官。省儉從以養廉潔。家丁但供給使。勿許在外招搖。胥役凜奉憲章。勿許踰分僭侈。從來有治人。無治法。如果大小官吏。隨時查禁。原可使吏治民生。日臻淳樸。無如奉行不力。怠忽因循。以致積風陋習。視為故常。即學校師儒。亦不認真訓課。屬士型民。該御史有所見聞。形之奏牘。著通諭直省督撫學政。各率所屬體察地方情形。實心整頓。慎守紀綱。革除積弊。勵官方而端士習。朕有厚望焉。○舉行嘉慶十六年大計。安徽卓異官六員。年老官三員。有疾官二員。才力不及官二員。分別議敘處分如例。○辛酉。

上詣

大高殿行禮。

時應官拈香。○還宮。○旌表守正捐軀河南河內縣民陳雨中妻王氏。四川仁壽縣民謝

元亨妻黃氏○壬戌

上御太和殿視朝王以下文武升轉各官謝恩

○詣

雍和宮行禮○辛圓明園○癸亥改江蘇州沙

同知為撫民同知劃上海縣二十二保南匯

縣十七二十保各圖地漕稅契等項銀米歸

同知徵解從總督百齡請也○以署鑲白旗

護軍統領禧恩為正黃旗護軍統領副都統

銜桑吉斯塔爾為正藍旗漢軍副都統○予

故護軍統領扎克塔爾祭葬賞銀二百兩治

喪○旌表守正捐軀湖南衡陽縣民周保妻

李氏○甲子諭內閣承炷前在龍巖州任內

於所屬知縣不行勘驗竊賊拒捕之案未經

揭叅實屬徇庇應照部議降三級調用嗣在

蒲州府任內於所屬知縣侵用錢糧又將錢

文輒塊假裝銀鞘解省承炷失察於前迨奉

上司委赴確查仍不據實稟揭亦屬私罪應

照部議降四級調用此兩案現據吏部查明

具奏辦理並無屈抑至伊前經山西巡撫衡

齡奏請捐復留省經朕特旨駁斥並將衡齡

中飭本年伊復在吏部呈請降捐知縣經吏

部擬准具奏朕覈其案情特旨不准降捐承

炷在官屢次獲咎例應鐫秩不知安分思過

尚敢嘖嘖瀆辯實屬躁妄姑免治罪著仍照

部議降調若再不安分重究不赦矣○又諭

御史楊懌曾奏請肅清街道一摺京師首善

之區商賈雲集正陽門大街兩旁向有負販

人等列肆貿易勢難一律查禁但毋許侵占

軌轍以便車馬往來著步軍統領及督理街

道衙門隨時稽查如沿街鋪戶及市僧等有

搭棚露積致礙官街者即押令移徙以利經

涂○乙丑諭內閣吏部奏已革山西文水縣

知縣捐升知府陳廷圭在部具呈瀆訴請飭

交都察院詳查各案請旨辦理一摺陳廷圭

在知縣任內任聽衙役詐贓斃命行賄私和

案情甚重且據初彭齡奏伊聲名狼籍為

晉省最劣之員。經該撫等訊明褫職。毫無屈抑。乃該革員於一年之內。在部具呈七次。嘵嘵置辯。吏部疊經查辦。該革員實應罷斥。難從寬宥。此時即再交都察院查覈。亦不能與吏部異議。陳廷圭逞刁干瀆。情節可惡。著發往吉林充當苦差。以為革員強詞妄訴者戒。○宗人府奏圈禁之覺羅富存。自戕身死緣由。得旨依議。此案富存於上年見另案被母呈送圈禁之人。有呈懇釋放者。伊心懷憂悶。自稱父母俱故。不能放出。勸慰莫解。因而自戕。閱其情節。亦覺可憫。予於父母如有干犯重情。早經依律治罪。其偶違教令。經父母一時之怒。送官監禁者。情節本屬稍差。伊父母呈懇釋放。亦尚有不忍遽絕其子之心。設伊父母猝患危疾及衰老身故。該犯羈身園土。聞信後漠不關心。是其天良漸滅。無可矜憐。若尚知悵念天親。哀思悔恨。痛不欲生。竟以無人懇釋。因而自戕。或疫死囹圄。亦無以廣

法外之仁。著刑部會同宗人府覈議。並此外旗人人民經父母呈送忤逆之犯。其父母因病身故。有情節類此者。應如何訊問本犯酌理準情。分別應禁應釋。詳議條款。奏定後載入則例。遵行。尋議上。得旨。宗人府議奏宗室覺羅呈送子孫違犯分別圈禁年分各款。朕詳加披閱。所議多有未協。如所稱初次呈送之犯。查明素不能承歡膝下。又復辭色不遜者。請圈禁三年。平日不能敬謹依順。又向不安分者。請圈禁六年。賦性乖劣。屢訓不悛者。永遠圈禁等語。不能承歡與不能依順。及賦性乖劣。雖措辭各異。祇係空言。互較之有何區別。若據此定議。易涉含混。必至高下其手。轉滋流弊。嗣後宗室覺羅父母祖父母呈送子孫違犯者。總令其將伊子若孫於何年何月因何事違犯之處。據實書寫呈送到官。將伊子孫按款審訊明確。再覈其情節之輕重。次數之多寡。以分別其圈禁之年限。或三年

或六年或永遠圈禁。覈實辦理方足以昭平允。又所稱永遠圈禁者。經釋放後仍復干犯。再經呈送發往盛京嚴加管束一節。所辦亦殊非是。圈禁之法。義同圈土。若永遠圈禁。釋放仍不知悔改。再犯乃發往盛京管束。是較之在京圈禁。轉得閒散。自便。豈不失之寬縱。此等案犯。著改發盛京永遠圈禁。以示懲儆。至所請圈禁之案。若係獨子。遇親故暫行省釋。令其治喪一條。除三年六年者。准其治喪外。其永遠圈禁者。既罔知孝道。難復望其喪葬盡禮。即遇親故亦不准省釋。○以光祿寺卿李鉉為宗人府府丞。通政使司副使盧蔭溥為光祿寺卿。○丙寅。諭內閣。穆騰額等奏請修補永陵明堂。迤西河岸。添設籠石土隄。以資保護。一摺。據稱嘉慶十一十五年。因山水漫溢。西堡一帶。壅積沙石成隴。以致水勢向北。亟宜築隄保護。俾大溜仍順軌西行等語。

陵前河道風水攸關。理應倍加慎重。著欽天監遴選精曉地理之員。前往敬謹相度。該處現在河流形勢。與穆騰額等所擬改挑形勢。兩相比較。孰為上吉。奏明請旨。如查看方向合宜。亦著敬諏吉日吉時。具奏。遵照興修。以昭詳慎。○鑄給陝西西安鎮總兵官印。從總督那彥成請也。○以故奉恩將軍蒙格圖子富康阿襲職。○丁卯。上御勤政殿聽政。○以故土爾扈特扎薩克貝子瑪爾噶錫哩子察罕布音襲爵。○以通政使司副使華連布為光祿寺卿。降調內閣學士常英為太僕寺卿。○緩徵山東登州萊州二府屬上年水災新舊額賦。○己巳。戶部議准。長蘆鹽政祥紹疏報蘆臺場開墾灘地一項十三畝有奇。照例升科。從之。○庚午。上幸靜明園。詣龍神廟拈香。○諭內閣。高杞奏審明太平縣民孔傳南在京呈遞封章。砌告各款。均係虛

妄請照擬發近邊充軍等語該民人如係具呈告言人罪其所控通盜銷贓等款審屬全虛按律反坐即應擬軍乃擅行呈遞封章以虛妄之詞越分奏訴尤屬膽大妄為自應加等問擬該撫仍請發近邊充軍辦理未免輕縱孔傳南一犯著交刑部另行從重定擬具奏○諭軍機大臣等本日高杞奏報雨水糧價一摺內稱杭嘉湖寧紹台金衢嚴溫處等府二麥漸次結實雜蔬茂盛民情歡悅糧價尚非昂貴等語昨據給事中陸言奏溫台處三府春花麥豆收成無望糧價增昂民食拮据已有旨令高杞迅速查辦令該撫於奏報糧價情形將溫台處荒歉地方與各府一律籠統入奏詞意掩飾豈非有心諱匿若竟不知無能已極高杞著傳旨嚴行申飭年歲豐歉為地方第一重大要務上年奉省歉收觀明諱災不辦當即將伊罷黜並革去世職觀明素未獲咎因此一事尚立加重譴高杞係

棄瑕錄用之人若玩視民瘼致災黎不能安堵自思當得何罪著即遵照前旨嚴飭溫台處各屬地方官將荒歉情形迅速查明實力籌辦如仍前玩泄必從重治罪不貸將此諭令知之○辛未諭內閣本日刑部具題河南省民人李成謀殺十歲幼孩秦黑翠一本已降旨將李成改為斬決矣因思定例將未至十歲幼童幼女誘去強行姦污者照光棍例斬決自因幼穉無知橫被姦污特設重典以防淫惡但被姦之幼童幼女並未致死即將強姦之犯問擬斬決至謀斃幼孩之犯仍照謀殺人本律問擬斬候其間輕重未免殊科此兩條例文孰先孰後當日定例時是否別有意義著刑部詳細查覈將謀殺幼孩之案應如何分別年歲定擬斬決斬候之處參酌妥議奏准後載入則例遵行尋議嗣後謀殺幼孩之案除十一歲以上者仍照律辦理外其逞忿謀殺十歲以下者首犯擬斬立決若

旗人毋庸在倉爭論。即將米樣包呈該旗都統副都統據實奏。朕派員赴倉查勘。如米石實不堪食用。定將監督懲治。若米石並無不好。旗人妄行呈瀆者。亦必加以懲處。所有榮麟等請申明舊例。於放米時將氣頭揭去。其浮面中間之米拌勻支放。及挨次挨廩。不得兩廩並開。以杜揀廩滋弊之處。均著照所請行。將此通諭八旗。並諭倉場衙門知之。○又諭。新疆各處大臣准戴翎枝。原以示威外藩。並非特賞。前曾降旨。令於回京時不准戴用。昨副都統巴靈阿由巴里坤回京。召見時仍戴花翎。甚屬非是。著再嚴行傳示。嗣後新疆換班回京辦事領隊各大臣。除經特賞花翎及因京任應戴花翎人員。仍准戴用外。餘著離任後即行摘去。如有任意戴用者。照違制例治罪。決不寬貸。○甲戌

孝誠仁皇后忌辰遣官祭

景陵○命嗣後管理三庫大臣三年任滿賞給

飯銀八百兩。○乙亥。以江蘇蘇松糧道兼巡之蘇州府歸松太道分巡。改鑄糧道關防。為蘇松常鎮太糧儲道關防。巡道關防為分巡蘇松太倉兵備道兼管水利關防。從巡撫章煦請也。○丙子。諭內閣。據百齡等奏。淮揚運河西岸白田鋪通湖水口。最為得力。請於南窪地方建造雙孔石閘一座。約需銀數萬兩。又洪澤湖仁信兩壩石底均已坍塌。請先將信壩修砌。勘估銀十五萬九千餘兩等語。該二處均係亟應修辦之工。著照所請。將蕪湖關徵存銀款內撥銀二十萬兩。解赴河庫另款存貯。辦理兩項石工。該督等即督率興修。務令工堅料實。毋稍浮冒。○諭軍機大臣等。百齡等會議覆奏黃運湖河各工善後章程。開單呈覽一摺。朕詳加披閱。單內所開築做挑水壩。並切坡抽溝。搜捕獾鼠。洞穴修復。減水閘壩修整磨盤埽。移置束清壩。以及將築做坦坡之土。加培大隄。添做後戩。修復鉗口。

壩各條皆係就現在黃運湖河情形參用前人成法酌量籌畫以為補救善後之策均著照所奏辦理內如多備料土一條所云分段派員率領兵夫梭織巡查節節有人聲息相通方可防守周密等語最為扼要之論治河之道首在於勤如果在工員弁兵夫晝夜梭巡料土充足一有險工應手搶辦所費或數百金或數千金一經搶築完固其所省豈可數計若晝巡夜守僅屬空言其貽害國計民生者甚大該河督等惟當先以勤自勵再督率文武員弁各矢勤勞則兵夫等不患不同心効命也再啟放毛城鋪一節該處本前人分洩盛漲要路前因下游洩水湖渠多已淤墊一經開放水即泛濫無歸是以不敢輕議啟放茲該督等議於距河較遠處所挑挖引河並添築壩堰使水有鈴束自可無虞猛驟掣溜並請將下游引水諸河勘估疏挑以資利導如此相度形勢通盤籌辦更屬有益無

損該督等總須先將洩水槽渠經理妥協俟遇盛漲必應分減之時再行啟壩如察看水勢分寸宣洩已足立即堵閉務令操縱由我河流聽命節宣方為至善至堰盱石工添籌二隄原屬不可恃之事今以加培之土添築大隄後戲捍衛自較得力本年大工合龍一切修防事宜最關緊要該督等所籌善後事宜悉如所奏辦理百齡等務同心協力保護萬全得一年全黃順軌則從此河工日有起色即可永慶安瀾也勉之慎之將此諭令知之○兩江總督百齡奏報本年糧艘於四月二十八日全數渡黃賞其子扎拉芬六品廕生河道總督陳鳳翔等下部議敘○舉行嘉慶十六年大計直隸卓異官十七員才力不及官一員年老官七員有疾官四員奉天卓異官二員罷軟官一員江西卓異官十一員浮躁官一員罷軟官一員才力不及官一員不謹官二員年老官三員有疾官二員福建

卓異官八員。不謹官一員。年老官三員。有疾官三員。湖北卓異官九員。才力不及官二員。罷軟官二員。年老官四員。河南卓異官十員。不謹官二員。浮躁官二員。罷軟官一員。才力不及官二員。年老官八員。有疾官一員。山東卓異官十二員。罷軟官一員。才力不及官一員。年老官九員。山西卓異官十一員。不謹官一員。才力不及官五員。年老官五員。有疾官二員。陝西卓異官六員。不謹官二員。浮躁官一員。罷軟官一員。才力不及官一員。年老官三員。有疾官一員。甘肅卓異官八員。罷軟官一員。才力不及官一員。年老官三員。四川卓異官十四員。才力不及官二員。不謹官一員。年老官九員。有疾官四員。貴州卓異官七員。年老官四員。有疾官二員。東河卓異官二員。有疾官一員。年老官一員。烏嚕木齊卓異官一員。吉林卓異官一員。分別議敘處分如例。

○鑄給河南歸德府新設歸河通判關防。從

河道總督李亨特等請也。○丁丑上幸萬壽山。詣

廣潤祠拈香。○諭內閣。賽冲阿等奏吉林官莊壯丁積年拮据情形一摺。據稱該處官莊設立之初。丁戶富庶。地土肥腴。歷年來壯丁缺額。牛隻不敷。原數兼有拋荒地畝。不堪耕種。糧石攤徵。致多積欠。請量加調劑等語。吉林官莊丁戶近多缺額。應徵糧石。逐漸攤徵。丁力日形竭蹶。既據該將軍等徹底清查。自應覈實辦理。著照所請。加恩將該處應徵丁糧。即以一萬零六百八十石作為正額。所缺壯丁二百三十四名。准其以現存幼丁。於五年後添補足數。所缺官牛一百一十七隻。准其於五年倒斃牛銀內。豫支一半。銀一千零五兩。陸續買補。每年仍領未支一半銀二百零一兩。俾資按年添補。其不堪耕種地畝。著於零星間荒內挑揀撥補。招丁抵租。至所欠官糧二千九百五十九石四斗。著加恩豁

免一半。餘剩糧石。著落值年官員名下。分作五年賠補交倉。俟糧額交完。方准更換。並著該將軍等於將來丁牛數額撥補地畝齊全。後再行察看情形。將能否查照原額交糧之處。另行酌議具奏。○戊寅。諭內閣。前月二十六日。據武英殿御書處奏。校刻皇考高宗純皇帝聖訓告成。裝函呈覽。朕詳細敬閱。內字畫訛誤處甚多。而訛誤最重者。第二百四十四卷內。

世宗憲皇帝廟號第十卷第三十一卷板心內。高宗純皇帝廟號各訛寫一字。並未詳校刊正。大失敬謹之義。校書如掃落葉。魯魚亥豕。豈能無一字之訛。然在尋常書籍。過尚可原。至若

實錄

聖訓關繫

祖

宗謨烈所存。冊府尊藏。用垂久遠。校勘應倍加

小心。況卷內恭書

廟號之處。更當如何敬謹。朕每晨恭讀

實錄。凡卷頁內前後書寫

廟號

徽稱。必皆字字恭閱。如承

昭鑒。近年來館臣及部院衙門有訛寫

廟號者。並曾降旨嚴懲。且諄諄訓誡。大小臣工。

自當共知儆惕。乃此次仍復漠不經心。怠忽

舛錯。若律以大不敬之條。大小臣工實不能

當此重咎。此次格外從輕懲治。以昭炯戒。所

有承校此三卷刻本之校對官大理寺評事

曹江。內閣中書顧英。工部員外郎彭鳳儀。俱

著革職。發往烏魯木齊効力贖罪。過六年後

方准提奏。候旨施行。提調官編修陳鴻墀。在

館多年。兼辦校勘。著革職。提調侍講姚元之。

到館未久。著降為編修。仍罰俸二年。總裁英

和陳希曾。二員係翰林出身。校書悉所優為。

乃不加敬慎。厥咎較重。亦應革職。姑念素行

勤勞著實降三級調用英和仍留南書房行走管理三山事務儀親王大學士慶桂二人係總理大臣因年老不能照料周到著退去管理武英殿御書處差使儀親王仍罰職任俸三年慶桂仍罰俸三年至其餘訛錯各處內有盱眙二字訛寫日字偏旁查係原本錯誤以致刊校相沿此等處本無甚關繫若係尋常書籍即可免議惟係聖訓內字畫不能邀免所有原充

實錄館各總裁內除慶桂英和二人業已分別處分德瑛劉鳳詒久經休致革職外董誥曹振鏞均著交部察議此外承校錯誤應議各員一併交部察議○加昆明湖廣潤靈雨祠安佑普濟龍神沛澤廣生封號命每年春秋致祭○調理藩院右侍郎景安為戶部左侍郎以內閣學士普恭為理藩院右侍郎○調戶部左侍郎趙秉冲為右侍郎工部左侍郎初彭齡為戶部左侍郎轉工部右侍郎帥承

瀛為左侍郎以內閣學士阮元為工部右侍郎○以戶部右侍郎桂芳禮部右侍郎汪廷珍為武英殿總裁官工部左侍郎帥承瀛為文穎館總裁官○賞浙江鹽政蘇楞額三品頂帶為總管內務府大臣○調京營右翼總兵玉麟為左翼總兵以降調左翼總兵英和署右翼總兵○調鑲黃旗漢軍副都統明志為鑲黃旗滿洲副都統以署正白旗蒙古副都統扎郎阿為鑲黃旗漢軍副都統○己卯

諭軍機大臣等伯麟等奏督勒野夷縛獻首惡審明辦理一摺此案野寨頭目拉幹與四貫糾眾焚劫傷斃弁兵經該督等派員督率兵練分路進剿盆渡眾野夷等畏懼將拉幹捆縛獻出并將漢奸匡老匡混等縛送伯麟當即審明將各犯分別斬梟現在邊外各夷寨均各投獻刀鏢木刻安靜就撫惟四貫一犯查訊尚無下落該犯係屬首惡著該督即責成該夷寨令其認真訪拏一經擒獲即速

解送內地審明正法毋任潛藏隱匿日下邊外瘴癘已盛亦不必留兵在彼協緝其各要隘照常安設兵練駐劄防範至另摺奏密查土目張輔國反側情形一節時屆夏令邊地瘴氣盛行難以駐兵如該土目此時實有蠢動侵擾情事自不能不以時勦辦若形跡未露應俟秋冬瘴退再行斟酌辦理可也將此傳諭伯麟並諭孫玉庭知之○又諭據溫承惠奏拏獲鉅鹿縣傳教散會首劉愾名等犯並起出榜文經卷木戳訊據犯供係因孫維儉正法伊等心懷不甘商同偽刻御寶鈐蓋榜文令夥犯王心正赴京鳴冤希圖重興邪教等語上年鉅鹿縣民孫維儉等傳教惑眾一案經溫承惠查明人數眾多將為首之孫維儉問擬絞決從犯分擬發遣其餘散會首一千六百餘名奏明存記姓名免其查究辦理本屬從輕失之寬縱所謂水懦民玩轉令易於犯法現在劉愾名等仍類聚商謀欲圖

興教並膽敢描摹御寶私雕木戳是該犯等愚頑性成罔知悔改必須嚴加懲創以杜奸萌此次若再從輕恐該督不能當此重咎矣慎之與其從井救人奚如辟以止辟所有訊出起意偽刻御寶逃往山東之張九成一犯已降旨令同興速行緝獲解赴直隸歸案審辦該督即將現獲各犯嚴加審訊伊等聚謀興教並描刻御寶罪名甚重一經質對明確即將首從各犯從嚴定擬俾頑民共知儆懼庶革面革心羣生悔悟不敢復蹈邪惡將此諭令知之○以故鎮國將軍椿齡子慶恩降襲輔國將軍○以鑲白旗滿洲副都統文孚為內閣學士兼禮部侍郎銜○庚辰遣御前侍衛喀喇沁公銜托恩多往奠故教漢扎薩克郡王德濟特茶酒○辛巳上還宮○諭內閣錢楷奏續勘靈璧泗州應行挑築河埝各子估需銀數請旨遵辦一摺安徽省靈璧泗州二州縣各河道自嘉慶十三年

借帑挑濬之後。歷年啟放天然峰山二閘。減黃下注。不免受淤。上年李家樓漫溢之後。河身益形淤墊。兩岸土埝更多殘缺。此時亟應挑築兼施。現據該撫奏上年勘估之後。茲覆加詳勘。靈璧縣境自宿靈交界起。至靈泗交界止。應挑河身。並添築灘河南埝。又於閘河尾南岸添築攔河壩。及前估各工內。應行加寬加深。共計連原估銀三萬八千六百三十八兩有零。又泗州境內自靈泗交界起。至淮河口止。各段一律挑挖深通。並開謝家溝導灘入汴。兩股分流。以殺湍激。共估需挑河銀五萬八千六十七兩有零。請借帑興工等語。著加恩准照所請。將此項估需銀九萬六千七百餘兩零。先在司庫地丁正項內動支。開工。務於大汛前一律辦竣。並責成該道府認真稽查。勿任偷減遲延。至該州縣分年攤徵歸款之處。並著同前奏宿州借項。一併緩至蠲限屆滿。再行徵還。以紓民力。其泗州境內

四山湖河身淤墊。應行挑挖。以及挑築隄埝。攔束水勢之處。俟該撫確查後。再行奏明辦理。○給山東登州。萊州。二府屬貧民一月口糧。○以夏至祭地於方澤。自是日始齋戒三日。○癸未。賞伊犁協領綏福副都統銜。為領隊大臣。○甲申。夏至。祭地於方澤。上親詣行禮。○幸圓明園。○命皇次子 祭關帝廟。○乙酉。諭內閣。綿壩前因開局聚賭。革職圈禁三年。釋放後。尚不知悛改。安分。今為伊媳送殯出城。輒以該門領等不為攔阻。車馬挑斥咆哮。停柩國門。並欲於海漫上焚燒紙錢。經門領富忠向其理論。即將該員揪扭毆打。毀折官廳槍桿。門窗一併打壞。喝令從人毆打門甲六十四。已成重傷。且口出無

狀之言實屬兇橫。罔知法紀如此狂妄。即內廷阿哥及親郡王亦應革審。綿墉何物竟敢悖謬至此。著管理宗人府之王貝勒等會同刑部堂官。在宗人府衙門先傳旨將綿墉革去頂帶。重責四十板。再行審訊。訊明後從重定擬具奏。其被毆成傷之門甲六十四著照例保辜。如限內因傷斃命。即將綿墉擬抵。此旨著通行曉諭各宗室務令比戶知之。尋議上得旨發往盛京嚴加管束。○丙戌諭內閣

吏部奏駁汪本申呈懇改廕一摺所駁甚是。汪本申係恩賞二品廕生。因伊父汪承需獲譴。將廕生革退。迨嘉慶十四年恭祝萬壽呈獻詩冊。恩賞七品京官。並非賞還原廕。現在伊因病呈請將七品京官改廕伊子汪向榮。顯係取巧。著照部議飭駁。嗣後有似此呈請者俱一例不准行。○以右春坊右中允彭邦疇充日講起居注官。○丁亥諭內閣百齡等奏蕭南同知陳熙因李家樓漫口未能搶護

革職枷示工次。今李工歲事可否將該革員疏枷釋放等語。該革員陳熙於李家樓漫口。急緩疏防。致興大工。自堵築以來。糜費帑金數百萬。尚非所惜。而被水地方。貽害生靈甚衆。該革員玩誤之罪。非可輕宥。現在李工雖已合龍。伏秋大汛屆期。南河在工各員正當防守喫緊之際。著仍將陳熙枷示工次。俾各工員等觸目警心。共知儆懼。俟本年秋汛安瀾後。再行奏明疏枷釋放。○命宗人府王貝勒等查覈閒散宗室詳議移駐盛京章程。○舉行嘉慶十六年大計。湖南卓異官三員。不謹官二員。年老官三員。有疾官二員。才力不及官一員。浮躁官一員。分別議敘處分如例。○展緩山東歷城章邱鄒平新城濟陽平原臨邑東平東阿汶上陽穀壽張聊城堂邑博平茌平清平莘冠館陶高唐恩朝城臨清邱夏津武城濟寧魚臺益都臨朐博興高苑樂安壽光昌樂臨淄安邱諸城三十九州縣。及

東昌臨清東平三衛所上年水災蟲災舊欠額賦漕項並民佃正耗銀○戊子

上幸萬壽山○諭軍機大臣等溫承惠奏訪獲傳教惑眾邪匪嚴拏究辦一摺據稱灤州民人董懷信因伊父董太於乾隆三十八年拜平谷縣人張榮為師傳習金丹八卦教嘉慶二年張榮之子張思勝與董太等在密雲縣地方募錢修廟經縣拏獲分別問擬軍杖未經究出傳教惑眾情事嗣董太故後董懷信復與余旺玉等商同惑眾斂錢令林自貴等分管八卦各宮經該州訪聞將董懷信等拏獲起出經符板片等件其所存入教男婦名冊乾隆年間有二千二百餘人嘉慶年間有二千九百餘人該督現將拏獲之犯親提嚴審等語畿輔重地有此匪徒倡立邪教惑眾斂錢自乾隆三十八年至今已及四十年現始破案此在初起之時不過三五莠民邪說煽誘如地方官留心查拏立時翦除淨盡原

屬易辦之事乃漫無覺察聽其流毒數十年漸傳漸廣以至從教者至五千餘人之多礙難全辦四十年以來一味因循姑息歷任大員均無良心實堪痛恨即如從前三省邪匪其初亦不過念經斂錢迨黨與既多州縣官查拏不善遂至釀成亂階今董懷信等為首各犯俱經拏獲務須從嚴懲辦其教內分管卦宮及幫同傳教緊要之人俱當按名查緝務獲依律重懲不可又存姑息若不忍用刑

何不削髮出家既登仕版當以國事為重豈可存婦寺之見至冊載五千餘人斷無悉數查拏之理若州縣官辦理不善或胥役人等仇扳賄縱紛紛滋擾必至激成事端著該督即將首要各犯迅速嚴拏重懲定擬具奏其僅止入教者即照所請俟定案後剴切曉諭收繳經符令出具改悔甘結仍存記姓名時時稽察有犯即懲伊等見首惡殄除羣知畏懼自可革面革心也其楊得坡一犯已降旨

諭知和寧富俊等密拏解直歸案辦理至直隸失察之總督藩臬除乾隆年間者免究外其自嘉慶元年以後歷任各員另有旨交軍機大臣會同吏部詳查具奏分別治罪將此諭令知之○己丑諭內閣本日兵部將軍政卓異人員帶領引見鑲白旗護軍校六十九射箭連次墜箭太屬不堪著革去護軍校降為護軍其原保之護軍統領著交部議處左翼派看軍政步射之土大臣御史等併交

部察議○命貴州巡撫顏檢來京候旨以福建布政使景敏為貴州巡撫甘肅按察使積朗阿為福建布政使甘涼道遇昌為按察使○庚寅諭內閣長齡奏孟縣小金隄子請借項修築一摺據稱孟縣近年河勢北徙逼近護城隄根時虞汕壩本年先經借帑修築尚有小金隄一道必須趕緊鑲築以資保衛等語著照所請准其先於藩庫內酌發銀一萬兩分給河內溫孟等縣迅速採辦稻麻料物

運工調撥河營椿埽備弁兵丁上緊興築以禦汎漲所有動用錢糧俟工竣後照例覈實攤徵歸款○又諭刑部奏各省秋審後尾到部遲延請旨飭催一摺各省秋審後尾到限於四月內具題到部本年將屆五月下旬未到者尚有十一處而其中山東山西直隸熱河道里俱近亦復遲延恐不免有意觀望私向部中書吏探聽實緩情節再行改合具題冀免將來失入失出處分不可不嚴防流弊所有此次辦理遲延之山東山西直隸各督撫及臬司並熱河都統均著交部議處其貴州廣西廣東福建湖南湖北浙江各督撫及臬司均著交部察議並將此旨各由四百里發往令其速行具題達部嗣後俱著遵照定限如有遲延刑部查叅即照此次一律懲處○諭軍機大臣等昨因宗室綿墉在城門逞兇滋事將伊交宗人府會同刑部審訊治罪因思國家宗支繁衍天潢中秀良醇樸者

固多而人數既衆如綿壙之不知自愛者亦復不少盛京為本朝發祥之地風俗醇厚若將不安本分之閒散宗室酌量挑出送往妥為安插令其照舊支領養贍錢糧伊等在彼觀摩善俗或能奮勉自新仍可擇其才堪造就者隨時咨送回京挑選差使已明降諭旨令宗人府詳查辦理矣但念伊等到彼後棲止無所自須豫為籌及著傳諭和寧富俊會同量度該處有無入官閒曠房屋或有可建

蓋之處計可得若干所能容若干戶熟籌妥議先行具奏再伊等在彼雖照舊支食錢糧或恐養贍不敷如該處有閒曠地畝可以量為撥給俾裕生計更為有益著一併詳查議奏○壬辰命都察院左副都御史誠安順天府府尹李鈞簡馳往直隸武清縣審案○旌表守正捐軀直隸香河縣民李大妻馬氏○緩徵陝西潼關華陰三廳州縣民屯上年水災新舊額賦○除安徽霍山縣埧沒田五

十八頃七十畝有奇額賦○癸巳諭內閣直省大吏有整飭地方之責如有秀民惑衆斂錢俱應及早查拏以靖邪慝至畿輔重地尤不應容留左道煽誘愚民其失察之咎自較之他省為重茲據慶桂等將直隸失察灤州傳教匪徒之歷任各總督藩臬查明開單具奏此內除已故各員概行免議外顏檢在總督任內最久並曾任藩司且前因失察書吏王麗南冒領庫銀一案獲譴特恩棄瑕錄用

又失察貴州天主教及拐販人口二事可見有為者到處整頓無能者終歸無用顏檢之咎較重著實降二級以京員用陳大文吳熊光俱在任未久吳熊光著降一級留任陳大文俟補官之日降一級留任溫承惠在任已閱數年惟此案經伊查辦始行破案亦著加恩降一級留任其歷任藩臬各員同興慶格均兼任藩臬在任日久俱著降二級留任景安素納福昂傳修俱著降一級留任楊志信

著以降一級留任註冊方受疇靈保隨同溫承惠查辦亦著加恩降一級留任○諭軍機大臣等本日伯麟由驛覆奏遵旨飭查野夷滋事情形一摺此案該督於初次奏報時聲敘該鎮等稟報野夷有暗行勾結搶奪二斗木首級之信因其所奏情節不甚明晰是以降旨飭查若果二斗木首級被野夷搶去或係土司多朝惠別有貪功起釁等情自應迅速覆奏候旨遵辦今據該督查明二斗木首級現在仍舊懸示土司多朝惠亦係該鎮等飭令查拏並非與盆渡野夷素有仇隙該督祇應將所查情節差人齎摺覆奏乃率發急遞此外又別無一陳奏事件況此案辦理完結邊境寧謐情形該督前已由驛具奏此次豈非徒勞驛站奔馳萬里乎外省督撫每因奉旨由驛查詢事件亦即由驛覆奏試思諭旨由京特發者總係交兵部由驛馳遞該督撫覆奏則應斟酌事理之緩急重輕方為

曉事伯麟未免拘泥著傳旨申飭仍遵前旨將四貫一犯責成該夷寨認真查拏務獲辦理結案可也○甲午
孝恭仁皇后忌辰遣官祭景陵○
上幸靜明園詣龍神廟拈香○丙申諭內閣御史賽尚阿奏各倉存貯黑豆戶部每於春季奏請令官員等承買近來竟有延至秋冬始赴倉關領者恐官役人等有串通耽延俟新豆入倉攙雜支放等弊請照各旗管拴養馬匹支領豆石之例於開倉日起限兩月內一律放竣等語所奏甚是每年戶部奏請將各倉黑豆令官員等減價承買原為出陳易新調劑倉貯起見自應明定限制杜絕弊端若各官員關領遲延倉役人等俟新豆入倉得以攙和滋弊仍於倉儲無益著照該御史所請嗣後各官員承買倉豆戶部於奏准後行文各衙門限

十五日內造冊咨送到部。該部即劄倉開放各倉於五日內呈報開倉一面將開倉日期知照承領各員自開倉之日為始限兩月內一律放竣如逾限不完任令倉役等從中舞弊攙放新豆查出將該監督照例叅處儻查係承買官員等有意遲逾即將應領豆石停其支給仍於俸廉等項內坐扣豆價以嚴例限○諭軍機大臣等據同興奏登萊所屬州縣連年收成歉薄小民素鮮蓋藏上年奉天

省因歉收奏明將高粱停運登萊市集糧價異常昂貴現聞奉省豐收牛莊錦州等處存有商販高粱數十萬石朽腐堪虞請勅盛京將軍等查明可否准令商販照常載運俾沿海生民得資口食等語東省登萊各屬向籍奉省高粱以資口食上年因奉省歉收經該將軍等奏明將高粱一項暫停商販海運以裕本地食用茲據同興奏奉省現在豐收牛莊等處積有高粱數十萬石奉省東省皆係

朕之赤子奉省春收豐稔商販積有高粱自可量為流通著和寧等查明牛莊錦州等處果否商人現有積存高粱數十萬石如奉省民食充足即著出示弛禁聽該商等自行販運俾東省沿海一帶貧民藉資口食如奉省仍須將高粱停留接濟者將實在情形具奏將此傳諭知之○又諭本日刑部奏審訊直隸鉅鹿民人孫朋呈繳護道榜文一案孫朋於上年孫維儉惑眾斂錢案內雖曾出過布

施錢文業已具結悔過因見地方官告示內並無查繳護道榜文之言未將榜文燒燬本年四月間聞該縣又查拏邪教慮恐榜文為累不敢存留家中又畏懼牽連不敢赴縣呈繳遂自帶榜文來京繳銷當被盤獲經刑部訊明孫朋實係畏罪自首到京後亦未敢在道旁叩關無憑科以罪名孫朋著解回直隸即予釋放其榜文交該督即行銷燬至此等偽造榜文該處鄉愚收藏者諒仍不少此時

自當盡數銷燬。以免流傳。但查辦之法。地方府縣官。安能家喻戶曉。如僅以空言詢問。則愚民隱匿不報。仍屬有名無實。設若派人搜查。則胥役等倚勢作奸。或實係入教之家。賄賂得以倖免。其無辜者。轉致株連。擾累比戶驚惶。此在柔懦鄉民。隱忍被其詐索。已屬可憫。設遇强悍之徒。逞忿毆差。致釀巨案。更屬不成事體。此時現有孫朋呈繳榜文一案。該督即出示曉諭。以孫朋本係被誘入教之人。今誠心悔過。將存留榜文呈出銷燬。已奉旨立予釋寧。並未治罪。爾等從前被惑之人。如家中尚有存留此項榜文者。即行到官呈繳。亦即照孫朋之例一體開釋。必不牽連拘禁。爾等呈繳之後。真心悔過。各安生業。即屬良民。儻或執迷不悟。依然收存榜文。將來別經訪出。或被人首告。必當從重治罪。不能寬宥。如此剴切示諭。將此次諭旨一併鈔寫懸掛。則小民自必畏法凜遵。較之紛紛查辦。實不

啻事半功倍也。該督即遵行妥辦。為要。將此諭令知之。○緩徵福建澎湖通判所屬上年旱災新舊地種銀。○丁酉。以故杜爾伯特扎薩克汗瑪克蘇爾扎布子齊旺喇布坦襲爵。○戊戌。

上御勤政殿聽政。○諭內閣。據稽察豐益倉御史塔勒炳阿奏。該倉圍牆以外四隅。東南西南三面均有堆撥衙署。足資查察。惟北面一帶空闊。請添設堆撥。派兵看守巡察等語。所奏是。豐益倉北面一帶空曠。自應酌加防範。以重倉儲。著照該御史所奏。於圍牆北面適中處所。添建堆撥房二間。即於原設額兵四十八名內。撥出兵十二名。以六名在新設堆撥處看守。以六名隨同該營員更替巡察。以昭嚴密。工部步軍統領衙門。即遵照辦理。○以詹事府詹事王宗誠。為內閣學士。兼禮部侍郎銜。○己亥。上幸萬壽山。詣

廣潤祠拈香。○諭內閣御史楊健奏請飭查銅鉛運員捏報沈溺積弊等情。一摺。所奏是銅鉛為鼓鑄攸關。長途運載。理宜加倍慎重。其間遠涉江河。風水之險。固所不免。而不肖運員。竟有短帶銅斤。或沿途盜賣者。亦捏報沈溺。以掩飾其虧短。不可不嚴行查辦。由滇黔至京。經過各省。俱派有藩臬大員。專司督催稽覈。原為剔除弊端。嗣後銅鉛船隻過境。遇有沈溺者。著該地方官報明。該省督撫及專司查察之藩臬。如水次去省較近。即令藩臬親往查勘。其離省較遠者。督撫專派道府大員前往查勘。若查有捏報情事。據實詳揭。該督撫即將運員嚴叅究辦。毋稍輕縱。至銅鉛質體笨重。必須船身堅固。方足以資運載。並著派出之藩臬。隨時稽查。如有板薄釘稀。易致損壞者。查出將承辦之員一併揭報。叅處。並嚴禁夾帶私貨。以利遄行。其節年沈溺銅鉛。應行勒限打撈。及應繳撈費。並著一體

覈實查催。毋任懸宕。○戶部議准。江西巡撫先福疏報南昌。峽江崇仁。宜春。分宜。五縣。開墾田二十三項七十畝。有奇。照例升科。從之。○庚子。諭軍機大臣等。本日據錢楷奏。拏獲安省巢縣人金棕。有等惑眾傳徒。做會斂錢一案。供係傳自儀徵縣人柳有賢。提到柳有賢。訊問。復供稱。得自王景曾。傳授。詰以王景曾籍隸何縣。現住何處。該犯不能指出。僅稱係直隸人。不知縣名。柳有賢年已七十三歲。取供後。即於次日。監斃。錢楷業已咨行直隸。確查王景曾蹤跡。柳有賢所供王景曾。祇有姓名。並無縣名住址。直隸自難遍行各州縣訪查。該省現辦有鉅鹿。灤州。傳教兩案。俱曾搜出冊籍。著溫承惠。即將兩案名冊。逐細檢查。內中有無王景曾姓名。如冊內無名。再將現獲各犯。隔別提訊。伊等教內已故及現存者。曾否有王景曾其人。籍隸何縣。如其人現存。即迅速密拏究辦。一面先行據實覆奏。再

該督於本月十七日具奏拏獲灤州八卦教首董懷信一案。近日朕聞該省查拏教內人犯已株連至三五千。人旬日以來。總未見該督奏及此等重大案情。豈必待審明定擬。方行奏結。自應將現辦情形。隨時奏聞。現在該委員等究竟拏獲若干人。解至保定審辦者。共有若干人。著該督於接奉此旨之日。即將辦理情形。迅速具奏。毋稍延緩。將此諭令知之。○辛丑諭內閣。御史嵩安奏監犯患病。及

監斃人犯。請交查監御史稽覈一摺。所奏是。向來刑部監犯患病。管獄官僅止報明該堂。官分別保釋調治。即或監斃。札行五城坊官相驗出結完案。本不足以昭慎重。但如該御史所奏。凡遇監犯患病。將起病日期。並醫治等情。俱行移咨查監御史稽覈。亦未免繁瑣。著交刑部覈議。嗣後監犯患病。其病勢如何。危篤。方咨明御史查驗。至因病身故。即著該御史率領坊官會同刑部司員相驗。如有情

弊。據實查叅。議定章程。奏明載入。則例遵行。尋議。嗣後監犯患病。沈危。醫生呈報救治。後即令提牢司員回堂移會。滿漢查監御史。即日赴部查驗。至監斃之犯。毋論因病因刑。及猝患暴病身死。不及呈報救治之犯。俱移會查監御史率領指揮一員。限一日內會同刑部司員相驗。儻有非法拷打。及將不應刑訊之人。濫刑致斃。並禁卒有陵虐罪囚情事。即據實嚴叅究辦。其由各衙門解送之案。將人

犯是否患病。及曾否刑訊受傷之處。於文內聲明。若受有刑傷。及病勢沈重者。刑部立即移咨御史。亦於一日內赴部查驗立案。俾有稽考。從之。○是月直隸總督溫承惠奏。上月糧價情形。得旨。風俗積敗。滅理亂常。我君臣須反身自省。誠心化導。或可感召。天和。切勿因循怠忽。勉之。○新任貴州巡撫景敏奏謝得旨。封疆任重。勤慎為本。切忌怠緩。貴州近日民情。不似從前安靜。加以四川傳

染天主教。並興販人口。拐誘良家子弟等事。頗不易治。勉力辦理。勿負任使。

書錄

書

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百五十七

清 實 錄 嘉慶十七年六月

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百五十八

世宗憲皇帝實錄卷之二十一 嘉慶十七年六月 壬申六月 壬寅朔 戶部議准直隸總督溫承惠疏報新安縣開墾田一項有奇照例升科從之○甲辰諭內閣勒保等奏武英殿修書章程一摺武英殿恭刻高宗純皇帝聖訓皇極數言訓行寰宇允宜敬謹詳校垂範億年前因已革提調陳鴻墀急就竣工希圖議敘以致辦理草率疊見舛訛若不敬加校刊不足以昭慎重著照所請予限一年責成原校官逐篇逐字詳細覈對仍令武英殿總裁細

教修

嘉慶十七年壬申六月壬寅朔戶部議准直

書錄

下

四八三

心覆閱其原刻板片錯誤應行抽換之處俱著前任總裁英和陳希曾及原充提調陳鴻璉姚元之罰賠工料以示懲儆至清文

聖訓篇帙數倍於漢文且刻字匠役不諳清文字畫尤應詳校完善不得欲速滋誤併著予限二年俾得敬慎襄事武英殿纂修內現乏通曉清文之員仍由

聖訓校勘處總裁原校各官覆校如有舛訛惟該處總裁原校各官是問所有抽換工價併

令罰賠以專責成○又諭本日勒保松筠等奏武英殿校書章程一摺經朕召見勒保松筠面降諭旨伊等承旨後自應於次早擬寫述遞乃勒保等輒於本日午刻述旨大屬非是向例惟御前大臣軍機處及內務府南書房四處所奉諭旨於本日述遞其餘部院衙門均係次早述旨此係一定體制勒保松筠二人均職司部務述旨多次豈不諳悉舊規此次所奉校書章程諭旨並非刻不可緩之

事朕又未諭令即日述遞有何迫不及待明係伊等意存偷安憚於次日起早故爾亟亟殊非夙夜靖共之道勒保松筠均著罰俸半年其奏事處員外郎德寧率行接收呈遞亦有不合並著罰俸半年○旌表遇賊捐軀前明湖南長沙縣民周沖元妻李氏○免衛藏影爾等二十族番民雪災上年貢馬銀○乙巳

上幸萬壽山詣

廣潤祠拈香○諭內閣近日軍流人犯往往有於配所遣人來京呈遞封章之事實為刁詐之尤不可不嚴行禁止罪囚如因本案屈抑到官申訴即臨刑呼冤亦所不禁至呈遞封章條陳利弊此在平民尚當治其越職言事之咎若不法之徒身犯軍流重罪正所謂屏畀遠方俾不齒於衆庶豈得復聽其率臆妄陳希圖僥倖嗣後軍流人犯有在配所遣人來京呈遞封章者無論所言是非虛實均

應一體治罪著刑部酌擬罪名定立專條奏明載入則例遵行尋議軍流人犯在配所遣人陳遞封章條陳事務毋論所言有無可採原犯軍流加一等調發遣罪無可再加即在配所枷號六箇月若呈遞密摺奏告人罪毋論所控是否得實原犯流罪改發極邊烟瘴充軍原犯軍罪改發黑龍江仍照例分別當差為奴原犯遣罪無可再加即在配所枷號一年儻本案實有屈抑不赴內外風憲衙門

申訴違例遞摺除本案准予審明更正外仍將該犯照衝突儀仗妄行奏訴例發近邊充軍如因呈遞封章另犯應死罪名仍各從其重者論從之○丙午命翰林院侍讀顧蕪提督雲南學政○戊申命於

黑龍潭及山高水長設壇祈雨○諭內閣和寧等奏請將奉省囤積高粱酌分一半聽商販運接濟東省一摺上年奉省歉收經該將軍等奏准將牛莊等處積存高粱暫停商販

嗣據同興奏東省登萊二府糧價昂貴異常現聞奉省豐收請將積存糧石仍准商販照常載運俾沿海生民得資口食特降旨令和寧等將此項積存糧石現在奉省是否仍須留食之處查明具奏茲據覆奏各海口商戶囤積高粱現有三十餘萬石惟各屬冊報糧價未甚平減請分半調劑兩省均無乏食之虞等語著照所請將海口現存高粱三十餘萬石酌分一半令各商戶由海船販運登萊

等處售賣仍留一半以備奉省民食俟奉省收成豐稔糧價平減即照常弛禁俾商販流通共資樂利○又諭本日奕紹奏因有妻喪懇請賞假數日已有旨給假矣近來王公大臣等遇有妻喪有自行陳請賞假者有同官代為面奏降旨賞假者又有不敢乞假者亦有託病在家料理者又有竟不請假照常當差者殊屬非是夫婦居人倫之一服制期年自應明定給假章程以飭倫紀嗣後王公及

滿漢文武大臣官員等遇有妻喪除遵照定例期年之內不與朝會祭祀外其初喪時應如何分別等級給予假限及如何報明陳奏之處著交軍機大臣會同宗人府禮部詳議具奏載入會典尋議上得旨綿課等奏會議王公大臣官員等妻服給假限期一摺內御前乾清門行走之王公大臣南書房上書房行走之大臣官員軍機大臣總管內務府大臣等原議令同官代奏給假十四日之處著改為同官具摺代奏○諭軍機大臣等朕敬禮神祇為民祈福大內及御園多有供奉諸神祠宇每遇祈報就近瞻禮以申誠敬惟水府諸神如天后河神向無祠位凡遇發香申敬之時皆係望空瞻禮遙紓虔悃今擬於御園內添建祠宇著百齡親赴清江浦於崇祀各神如

天后惠濟龍神素昭靈應載在祀典者將神牌坊號宇樣詳繕陳奏俟廟宇落成照式虔造供奉以迓神庥將此諭令知之○己酉諭內閣據御史榮椿奏稱京城大小溝渠並不認真開通請飭該衙門實力稽查等語京城街巷溝渠每年循例疏治以利經涂若虛應故事致有壅塞值大雨時行必致停潦有礙往來著交工部步軍統領暨督理街道衙門隨時稽查如有溝渠坍塌及街巷積水之處查明修整其修費著落原承辦之員分別攤賠○又諭御史烏爾袞奏保奏慎重倉儲嚴除弊端一摺甲米為兵丁食用所需每月支放原不許鋪戶人等包攬關領例禁甚嚴至車輛裝載亦不能概禁人夫入倉著倉場侍郎等留心稽察如有米鋪車戶等勾通舞弊者隨時查拏以杜弊端○又諭國家自平定西域以來和闐

葉爾羌歲貢璞玉山川所產獻致上方亦猶任土作貢之義每歲所貢約踰四千斤擇其良者追琢成器其餘充物內廷歷年所積不可勝數新疆距京萬有餘里長途輦運勞費頗繁頓置無用何如損之之為益乎嗣後宜減其額歲貢以二千斤為率惟歲額既省該管大臣不得以下劣充數宜擇其溫潤精良者備制器之選無俾貨棄於地焉○命理藩院傳諭蒙古王公等嗣後奉派差使俱於熱

河謝恩無庸來京○庚戌

上詣山高水長

祈雨壇拈香○幸靜明園詣

龍神廟拈香○戶部議准廣東巡撫韓壽疏報恩平縣開墾田一項三十畝有奇照例升科從之○辛亥戶部議准廣東巡撫韓壽疏報恩平高明二縣開墾田一項五畝有奇照例升科從之○壬子諭內閣晉昌奏審擬邢傑強姦子婦邢吳氏未成被邢吳氏敲落脣

皮將邢吳氏照律擬斬請旨定奪一摺此案邢傑蔑倫行強翁媳之義已絕從前乾隆年間江蘇省民人蔡通撞遇伊叔與伊妻行姦刃傷胞叔原擬絞決經部議照律勿論蔡通以男子捉姦刃傷胞叔尚從寬賞今邢吳氏身屬婦女猝遭強暴情急敲落伊翁脣皮其情節斷非裝點與無故干犯尊長者迥別邢吳氏應照律勿論免其治罪邢傑照例調發烏什葉爾羌等處為奴○舉行嘉慶十六年

大計浙江卓異官十一員年老官七員有疾官一員才力不及官二員浮躁官一員雲南卓異官十員不謹官二員年老官四員有疾官二員才力不及官二員浮躁官二員南河卓異官一員罷軟官一員分別議敘處分如例○戶部議准前護福建巡撫景敏疏報閩侯官海澄三縣開墾田一項二十畝有奇照例升科從之○癸丑諭軍機大臣等據溫承惠奏接奉諭旨擬移會和寧等將奉省傳教

買符各犯詳加研訊如係傳徒惑眾法難寬貸之犯仍解直隸歸案辦理如僅止被惑入教買符情罪較輕者由和寧酌量辦理免滋株累等語所奏是已有旨諭令和寧分別查辦矣至摺內稱上年查辦鉅鹿縣一案曾究出孫維儉與劉美奐先拜吳洛興為師於嘉慶五年趙州破案前督臣僅將劉美奐吳洛興杖責遞籍現辦灤州董懷信一案亦究出董懷信之父董太立教賣符於嘉慶二年在密雲縣破案前督臣亦僅將張思勝董太等修廟騙錢情節就案完結皆未將倡立邪教徹底究辦等語此案莠民其初倡為邪說傳徒斂錢若地方大吏隨時查辦將為首者按律重懲則被誘者立時悔悟解散必不致煽惑多人釀成鉅案乃前此地方官於破案後仍不認真究辦一味迴護處分顛預了事實堪痛恨不可不加以嚴懲所有嘉慶二年及五年辦理此二案之總督溫承惠豈不知為

何人乃摺內止敘言前督臣而不及其姓名豈非官官相護惡習君前臣名寧該督備官而未之聞耶著交吏部將二年辦理密雲縣張思勝董太修廟騙錢一案五年辦理趙州劉美奐吳洛興杖責遞籍一案之該總督及按察使查明如業已身故將該員子孫現在曾否出仕一併詳查開單具奏候旨覈辦將此諭令知之○甲寅諭內閣據給事中葉紹楨奏民間邪教最干法紀每因傳播日久奸宄叢生請飭令各督撫臬司出示曉諭將律定罪名刊刷通行俾小民深知遠害自行改悟並請令各督撫體訪各該省習俗所易犯而大干法禁者一一摘錄律文明白曉諭廣為禁止等語自古聖賢立教惇敘彝倫惟君臣父子之經仁義禮智之性為萬世不易之道朝廷之所修明師儒之所講習必以此為正軌他如二氏之學雖儒者弗尚以其法歸於勸善懲惡亦猶虞書迪吉逆凶之義

故神佛祠宇列入祀典。瞻禮祈禱亦律所弗禁。至若創立教名私相授受行蹤詭秘惟恐人知。斯則始於一二奸民倡為邪說其意專在傳徒斂錢而愚民無知惑於禍福之說輒轉傳習迷不知返。其初不惜捐資破產飽首惡之囊橐迨經官府查辦則為從徒黨亦與為首之犯同罹法網貽害多人深堪憫惻。如近日直隸江西福建廣東廣西貴州等省每有奏辦邪教及會匪等案其案由雖各不侔而蚩愚被誘其情節大率相類此等頑民既經破案不能不嚴行懲創若先時化導或可冀其覺悟改悔陷法者少著該督撫各就該省情形敘次簡明告示通行曉諭使鄉曲小民羣知三綱五常之外別無所謂教天理王法之外他無可求福從正則吉從邪則凶即閒有一二莠民設法煽誘而附和無人奇袤自以漸滅熄風俗人心庶可日臻淳樸至該給事中請飭各督撫等刊刻律文廣為曉諭

一節國家明罰勅法刑人於市與衆棄之必將所犯罪名出榜曉示原使愚夫愚婦共見共聞知所畏懼而犯法者相仍豈刊布律文遂能止奸禁暴況律文各有精義乃朝廷用法之大柄又豈編戶愚氓所可家喻而戶曉耶所奏不可行將此通諭知之○旌表守正捐軀河南唐縣民高華文女高氏○乙卯改湖南鎮草鎮標左右二營遊擊前營都司中左右前四營及中營後軍守備楷書鈐記為篆文關防從總督馬慧裕請也○以四川雅州改設府治增設雅安縣學將州學原額拔貢一名歸雅安縣仍設府學拔貢一名從學政趙佩湘請也○丙辰鑄給直隸新設蔚州路都司關防從總督溫承惠請也○以移建陝西孝義廳於舊縣關撥鎮安縣民地三頃三十畝有奇歸該廳徵收銀糧從巡撫董教增請也○旌表守正捐軀浙江嘉興縣民婦繆陳氏○戶部議准直隸總督溫承惠疏報

寶坻安肅天津遵化豐潤三河香河新樂八州縣開墾田一百二十頃有奇照例升科從之○丁巳諭內閣慶桂等會同刑部審訊王肇興等呈控孔傳標誣扳贓銀直隸承審官刑逼教供分別定擬一摺邪教惑眾斂錢最為風俗人心之害各直省皆應及早查拏以靖邪慝況畿輔為首善之區尤不容有此等莠民潛滋煽誘直隸上年即有鉅鹿縣民孫維儉等倡立大乘教一案現在灤州地方又查有董懷信等傳授金丹八卦教一案該省大吏平時失於查察已有應得之咎及事發懲辦仍不免意存姑息如溫承惠辦理孫維儉一案於初交審訊時即先有從寬之見止將為首之孫維儉一犯擬以絞決餘犯概從輕減即謂愚民無知被誘案犯眾多未便悉寘重典此內如李景幅等四犯名為大會首係幫同孫維儉倡教之人比例拜會糾搶案犯亦當擬以絞候乃該省問官置邪教重情

於不問不將李景幅等鎖梏嚴鞠轉就所斂以少改多銀數株累多人晝夜刑拷而令李景幅等衣冠對質快其私忿是非顛倒輕重混淆何以彰刑法之平李景幅李經呂興旺劉美典四犯原擬發遣黑龍江實屬輕縱著俱改為絞監候入於直隸省本年秋審情實交溫承惠將該四犯嚴行鎖押分投發往順德廣平大名永平四府嚴密監禁若有別故惟該督是問至案內被誣之王肇基等分別開復省釋內王肇興刑傷最重著於直隸承審官革職之沈華旭薛學詩俞英世張學程劉繼昌五人名下各罰出銀四十兩賞給王肇興以示矜卹吳兆熊首先有意迎合上官以致各委員一味刑求任情枉斷皆係聽其指使情節最為可惡僅發往軍臺効力不足蔽辜吳兆熊著改發黑龍江溫承惠辦理此案本失之柔懦復被屬員朦蔽以致案情屈抑現又有失察灤州邪教之咎溫承惠著革

退官銜拔去花翎褫去黃馬褂降為二品頂帶仍交部嚴加議處靈保本係刑部司員素稱能事及身任臬司刑名是其專責乃於屬員偏勘錯擬毫無駁正一味迎合殊屬無恥著降為三等侍衛前往新疆換班即由保定起程不准來京○以喀什噶爾幫辦大臣慶格為直隸按察使三等侍衛靈保為喀什噶爾幫辦大臣○旌表守正捐軀河南溫縣民吳土成妻趙氏○戊午

上幸萬壽山詣

廣潤祠拈香○諭內閣前定於本年七月兵丁軍政現在雨澤稀少恐屆七月彼時大雨時行道路泥濘不便馬步射本年十月大閱既已停止所有兵丁軍政著改於十月考驗○又諭吏部奏據富俊等請以候補知縣胡紹祖補授寧海縣知縣現任寧海縣知縣許作屏留省另補請飭該府尹等據實聲明等語許作屏係寧海縣實缺知縣其應得處分

部議查級抵銷並未出缺應令仍回本任胡紹祖官聲雖好係候補署任之員應俟另有缺出奏請補用若以胡紹祖補授寧海縣轉令許作屏留省候缺殊與定例有礙富俊砥柱違例奏請著交部察議○又諭據吏部奏查明嘉慶二年辦理張思勝董太修廟騙錢一案係在前任總督梁肯堂臬司全保任內五年辦理劉美吳洛興杖責遞籍一案係在前任總督胡季堂臬司同興任內將該督

等銜名開單請旨此二案該督等不能先事查拏已有失察之咎迨經破案復意存姑息將就完結厥咎較重如梁肯堂胡季堂全保其身尚在必當加以重譴今均已病故姑免置議其前任直隸臬司同興著交部嚴加議處○又諭吉綸奏前在山東巡撫任內有安邱縣民人王錫強姦子媳王孟氏未成致被王孟氏毆落舌尖一案與近日晉昌所奏邢傑強姦子婦邢吳氏未成被邢吳氏毆落唇

皮案情相同。現在邢吳氏已照律勿論。伊前辦王孟氏一案，因格於妻毆夫之父母成例，擬以斬決奉旨改為監候秋審。情實二次未經予勾，現仍監禁可否一體免其治罪等語。著交刑部查明王孟氏案情與邢吳氏相同，即行釋放。並著該部檢查各直省有與此二案情節相符者，均奏明畫一辦理。○刑部議覆廣西巡撫成林疏稱：民人盤相晚與族姪婦盤李氏通姦，毆傷該氏之父李鳳銘身死。依律將盤相晚擬斬監候，李氏擬絞立決。得旨：此案盤相晚與族姪婦盤李氏通姦，已屬有乖倫紀，乃於盤李氏之父李鳳銘前往捉拏時，復敢拾輒毆傷，並用刀連砍立時斃命，兇狠已極。除盤李氏應即處絞外，盤相晚原擬斬候，將來秋審時亦必予勾。盤相晚著即處斬。○己未撥喀什噶爾阿克達什閒地四千畝給道蘭回子墾種，從叅贊大臣范建豐請也。○庚申諭內閣：據曹師曾奏胞弟師程

幼聘原任協辦大學士尚書彭元瑞之女為妻，師程九歲病故。彭氏時年十七，矢志守貞。現年四十六歲，本年二月間呈報禮部請旌。經部臣以年未五十，與例不符，議駁可否懇恩俯賜旌表等語。彭氏未婚守節甫在髫齡，即深明從一之義。禮部以年未五十，照例議駁，但覈其守節歲月實已逾三十餘年，艱貞自矢，歷久不渝，且彭元瑞曹秀先俱係一品大員，為江西望族，有此閨門節行之美，允宜及時褒獎，以彰風化。而式閭閻，該氏現嬰痼疾，著禮部速即題請旌表，以慰貞操。○諭軍機大臣等：據同興秦山東近年訟獄紛繁，且多京控之案，除趕緊審辦現已題咨完結外，其未結應奏者尚有二十六案，應咨者尚有一百零九案。委審之員止有首府首廳控案，既多非該二員所能清理，查有兗州府鄭又明、武定府胡祖福均長於聽斷，飭調來省分委審訊，統限四箇月完結等語。所奏非是，東

省未結各案皆係該撫及臬司應行親提督審之事即案件繁多亦祇可委省會府廳州縣幫同審辦何得將現任實缺知府執行調省辦理該府各有本任及所屬州縣其應辦之事不少一經調省則伊等本任事件又將委之何人勢必耽延積壓日漸廢弛是省垣之舊案未清而外府之新案已積該撫若謂首府於委審案件不能得力即於該二員中揀選一員與首府對調尚屬可行若徑將該二員調省久住武定距省雖近已難兼顧兗州地當孔道濱河事繁豈可令表率之員日久曠職况該撫摺內稱因公來省之員委之幫辦往往視非本任之事因循觀望有名無實等語因公來省之員於審案既多觀望今鄭文明胡祖福二員委審之案亦並非本任之事寧獨不慮其意存觀望該撫措詞直同醉夢不覺自相矛盾乎同興所奏斷不准行著傳旨嚴行申飭邇來各直省均有積案若

皆如同興所奏將實缺知府調省審辦致曠本職成何政體東省候補各員中諒不乏才具明晰者同興儘可於未經得缺人員內遴員委審再同臬司親身督辦何患積案不逐漸清釐耶將此諭令知之○辛酉

上幸靜明園詣

龍神廟拈香○壬戌諭內閣吏部議處妄奏偷翦髮辮之御史榮椿議以降四級調用一摺從來訛言弗聽則人心自靖即聖人不語

怪之義從前乾隆年間直省訛傳有翦辮之事地方官紛紛查辦毫無證據仰蒙

皇考高宗純皇帝洞燭情偽飭禁妄摺

詔旨甫頒浮言頓息閱今數十年來無復有傳說此事者前日該御史以市井游談妄行入奏並請通飭查緝朕披覽時即知為子虛當交軍機大臣查詢伊無從指實惟自認冒昧糊塗降旨將該御史交部嚴議日來召詢吉綸據稱京城內外居民行旅安靜往來實無

有敢造作妖言者。可見該御史所奏毫無影響。朕若誤信其言。據以查辦。豈不株累多人。紛紛滋擾耶。該御史陳奏謬妄。本應照部議降四級調用。姑念伊職係言官。例得風聞言事。若懲治過重。恐以後實有關繫重大之事。伊等亦相率緘默。殊於言路有礙。榮椿著降一級。以六部主事用。○以審辦上年清漪園失竊案犯完結。賞還內務府大臣穆騰額等翎頂。○以翰林院侍讀蔡之定。左春坊左贊善瞿昂。充日講起居注官。○癸亥。舉行本年軍政。侍衛處鑒儀衛滿洲蒙古各旗營卓異官一百一十七員。罷軟官三員。年老官八員。有疾官七員。才力不及官一員。分別議敘處分。如例。○甲子。上幸萬壽山。詣廣潤祠拈香。○遣官祭火神廟。○刑部議覆山東巡撫同興疏。稱民人朱幅扎傷朱岱。朱樂然身死。依律將該犯

擬絞立決。得旨。此案朱幅因朱岱。朱樂然共毆伊母成傷倒地。攜刀趨救。扎傷朱岱。朱樂然先後斃命。刑部議覆該撫原題。以該犯後扎之朱樂然。非因救護伊母。未經援例夾簽。聲請將朱幅仍照毆死一家二命例擬絞立決。所擬未為平允。朱幅見伊母被毆倒地。持刀將朱岱扎傷。若朱樂然係邂逅相值。趨護朱岱。亦被朱幅扎斃。自不能援例未減。今細覈案情。朱樂然係朱岱邀同偕往。尋釁之人。朱岱用力扎傷朱徐氏。朱樂然亦同時用繩鞭疊毆朱徐氏成傷。朱幅聞喊趨救。刀傷朱岱。其時朱樂然復上前用繩鞭向朱幅毆打。朱幅回扎。致朱樂然亦被傷殞命。是朱岱。朱樂然本係同毆伊母之人。朱幅倉卒救護。焉知有所趨避。且朱岱。朱樂然均向朱幅撲打。朱幅回扎之傷。俱在右腿。亦係臨時抵格。並非有心致死。朱幅一犯。若置救母情節於不論。專以毆死一家二命本律擬絞立決。未免

無所區別。朱幅著改為絞監候。入於本平秋審情實。餘依議。○命八旗額駙職銜人員。不准應試。革退後仍准應試。著為令。○以正紅旗漢軍副都統蕭昌為廣州滿洲副都統。署京營右翼總兵英和為正紅旗漢軍副都統。○旌表守正捐軀浙江建德縣民宋其才妻徐氏。○乙丑諭內閣。兵部請將軍政人材庸懦之藍翎侍衛壽喜照例降二級調用等語。當經交慶桂等查辦。茲據稱壽喜係吉慶之子。前革去散秩大臣。賞給藍翎侍衛。平素庸懦。慶桂等未經特參。自請察議等語。侍衛非各項人員可比。領侍衛內大臣當不時稽察。如有人材庸劣。馬步射平常。人員當隨時查出。立即參奏。何必待至軍政耶。況壽喜係大員之子。且由散秩大臣革職。復賞藍翎侍衛。又非別項侍衛可比。乃慶桂等並未特參。至軍政時不能迴護。始行咨送。壽喜著即革職。慶桂鄂勒哲依圖俱著照所請交部察議。嗣

後侍衛內如有此等材庸技疏者。領侍衛內大臣查出。即著特參。不必待至軍政時辦理。○旌表守正捐軀直隸開州民呂廷璧妻劉氏。○丁卯上幸靜明園。詣龍神廟拈香。○戊辰大高殿行禮。○還宮。○以孟秋時享太廟。自是日始齋戒三日。○己巳諭軍機大臣等。和寧等奏酌議建蓋宗室房間。並撥給地租。各緣由一摺。此項宗室房間地基。據稱在省城內外。委員查丈。合計可得百所。現已降旨交管理宗人府王貝勒等查明宗室內可。以移往者。約有若干戶。俟查明奏上。後再飭知該將軍等照數建蓋。至於房間款式。將來建造時。著依照京中八旗健銳等營房規制。比戶聚處。外仍繚以垣牆。安設總門。俾出入有所稽考。其圍牆內並於適中處建造官廳。

以便派員在彼約束方為妥善其建房工料銀兩動用蘆餘款項並分撥地租銀兩俾資養贍之處均照所議辦理將此諭令知之○又諭據和寧等另片奏稱緣事發到盛京宗室九名內除恒伯曾任大員不敢擬請賞給住房錢糧外其餘八人養贍不敷可否賞給全分錢糧並量給房屋地租以資養贍棲止等語所奏大屬非是和寧等單開宗室恩福等八人皆係緣事獲罪發往盛京充當苦差及嚴加管束圈禁之人其原犯案情俱重俟伊等各屆年滿之時該將軍查明案由具奏覈其情罪或留或釋再行分別辦理至現擬移往盛京之宗室各戶事同移徙駐防並非有罪發遣若如和寧所奏先將犯事發往之恩福等賞給房屋地租則此後資遣之各間散宗室所有賞給房屋地畝均不以為恩竟與獲罪發遣之人毫無區別殊乖政體和寧等冒昧陳請太不曉事和寧富俊均著傳旨

中飭將此諭令知之○又諭成林叅奏前署藤縣知縣夏維衡短交倉庫一案已降旨將夏維衡革職并將梧州府知府金樞署蒼梧縣知縣楊有恒一併解任交該撫提同審辦矣其摺內所稱該府幕友羅修遠曾將女伶薦與署知縣董邦本一節殊堪詫異女伶一項乾隆年間仰蒙

皇考高宗純皇帝降旨飭禁以端風俗直省久無此敝習廣西地處邊隅何忽有此靡俗自係由他省輾轉流徙著該撫於審訊此案時即將此項女伶訊明來自何處此一節先行具奏所有女伶押令改業照例遞回原籍並知照該省嚴行查禁勿許流傳演習儻此後再有窩留容隱者定將查禁不力之地方官嚴行懲處不貸將此諭令知之○大學士會同戶部議覆欽差侍郎阮元等奏吉蘭泰鹽務章程據稱吉鹽自招商承辦以來動皆折本虧課詢據河東商人公稱近年吉鹽滯銷

虧課半因潞引辦理周密之故。若復大興水運，必致侵壞潞網。如蒙停止吉鹽水運，情願倣照長蘆之例。於河東額餘引外，再加活引八萬七千五百道。自嘉慶十八年為始，每年得課六萬三千五百八十餘兩等語。復查嘉慶十一年侍郎英和等奏請吉蘭泰鹽船准至磧口起岸。十三年原任陝甘總督長齡等奏吉鹽票運至河口而止。河口至磧口相去千里，而磧口則切近河東引地，恐防範稍疏，致累潞網。應酌中定地，示以限制。請於河口之南三百餘里黃甫川地方為界。將磧口大使一員改為黃甫川大使，移駐該處，專司稽查。所有吉鹽水販，只准至黃甫川而止。其自磧口商運鹽船，仍照舊至河口起卸存倉。至吉蘭泰引地，實因土鹽蒙鹽歉旺不常，未可限額行銷。致使商民並累，應請將吉引改為活額，不必限以定數。俟此次十七年官引八萬餘引銷完之後，十八年仍歸商辦。先課後

鹽隨運隨徵，無論引數多少，資本若干，皆聽商民自便等語。查嘉慶十一年，晉省潞鹽復引招商，將吉蘭泰鹽池一併收歸官辦。定額行銷，原因從前潞商疲乏，改行民運。彼時吉鹽充斥，晉豫各省私商興販獲利。是以定議吉鹽潞鹽並由河東僉商行運。迨河東復引以來，試行定價，比舊額較增。商人運辦潞鹽尚無苦累。而吉蘭泰鹽斤則因晉省復商，疆界既清，不能任意侵灌，遂致額引壅滯難銷。商人誤運虧課，招募不前。上年復有官辦之議，奈售銷無地，將來勒派虧挪等弊，勢所不免。查河東鹽務未歸地丁以前，惟有乾隆二十二年、四十七年，因潞地被水，請運蒙鹽接濟。其餘各年所產潞鹽均敷配運。今吉鹽原定引地太原汾州等屬六十四廳州縣既有本地土鹽及鄂爾多斯等處蒙古鹽價廉易購，吉鹽道遠值昂，自無人售販。若仍令吉鹽水運直至磧口，既虞侵占，各省鹽綱若如該

侍郎等所奏稟運吉鹽以黃甫川為界示以限制仍歸商辦亦屬有名無實其改作活引徵解無常尤非覈實之道其吉鹽引額八萬七千五百道應請照長蘆之例定為餘引以十八年為始咨部領引交商行運吉鹽引地既歸潞商承辦無需吉鹽銷販其吉蘭泰鹽池應請勅還阿拉善王瑪哈已拉仍聽該處人民自行撈運俾藩屬人等及口外貧戶足資生計其課銀六萬三千五百八十兩應如所奏即由河東商人按年完納吉鹽既已停運其阿拉善王瑪哈已拉賞項應請停其賞給從之○庚午諭內閣御史倪琇奏請刊刻漕運全書一摺漕運全書款目繁多戶部現已續行修纂著即刊刻刷印凡倉場總漕各巡漕御史坐糧廳以及有漕省分之督撫藩司糧道府州縣衙門各頒給一部令其入於交代查照奉行其刊刻工費著戶部先於公項內支發照例於領書各衙門攤解歸款至

查倉御史各倉監督毋庸頒給○又諭直省命盜重案各督撫有專摺具奏者經朕詳覈其中有批交該部速議之件原因案犯情罪重大不容稽誅是以定限於五日內覆奏乃近日各省專奏案件閱其情節儘有照例應入題本之案而該督撫亦改題為奏者限期既迫部臣不能詳悉覆覈設有疏率流弊滋甚殊非慎重民命之道著交刑部將命盜各案詳晰區分定為何者應題何者應奏酌擬條款奏准後行知各督撫永遠遵行如定例後督撫仍有任意遲速題奏混淆者即著該部查叅以昭畫一○諭軍機大臣等朕恭閱皇考高宗純皇帝實錄內載乾隆二十三年八月諭軍機大臣等據白鍾山奏揚莊一帶中河水淺現將臨黃臨運二壩開放引黃濟運等語所奏恐不免利少而害多也引黃入運雖權宜濟運之法但黃水多挾泥沙一入運河易

致淤墊非甚不得已不可輕為此遷就之計
聖訓煌煌至明至確實為治河緊要關鍵允宜
久遠遵循近年來清口一帶因河底日高清
水不能暢出運河水小每至漕艘經行不能
浮送即取助於黃水久之不但借黃竟係以
黃濟運遂致清口倒灌並運河亦形淤墊百
弊叢生皆由於此本年河流順軌糧艘通行
朕詢問來往臣工道經該處者皆言近日運
河內全係清水並無黃流侵灌為數年來罕
有此皆仰賴

昊貺昭垂

河神默佑實全河轉關極好機會該督等務
當恪遵

聖訓謹守成規趁此清黃分注安瀾循軌之時
將一應啟閉防守事宜盡心修治不可復循
故轍仍思借黃濟運能自今年以後總令清
水暢出運口黃河迅赴尾閭則河工與漕務
並治從此即可永慶平成也將此諭令知之

○命協辦大學士吏部尚書松筠赴盛京查
辦恭修

永陵殿宇河道並宮殿各工及建蓋移駐宗室
房屋撥給地畝各事宜○是月兩江總督百
齡等議覆給事中周鉞奏南河善後事宜十
款得旨河工大利所在難免以身試法之徒
總在大吏秉公守則不徇情面犯者嚴懲善
者力保心無私而政必理人事盡斯
天佑至萬民沐福歲歲安瀾不必多設科條紛
更成法朕與卿等共勉之

大清仁宗受天興運敷化綏猷崇文經武恭勤儉端敏英哲睿皇帝實錄卷之二百五十八

寶鑑卷之五十八

子

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十九

出外總辦官糧道自該起居注官太子太傅武英殿大學士文淵閣領閣事務欽奉 上諭事件處管理工部事務翰林院掌院學士詹

學加級尋常加四級臣曹振鏞題裁官太子太保文淵閣大學士臣呂理刑部事務加五級臣戴均元題是日議起居注員外少保內大臣文淵

閣議舉閣事務察錄奉
上諭事件茲協辦大學士戶部尚書翰林院掌院學士散日保言士聰管內務府大臣銀鋁滿洲都統案

統領管理戶部奉宸苑清漪園等處總理王拉慶御茶膳房御藥房太醫院西洋堂事務軍功處祿隨帶加級尋常加十級紀錄二十

次在英和親王攝官太子太保禮部尚書上書房行走武英殿總管理園子監事務加六級隨帶加五級紀錄四次臣汪廷珍等奉

教修

嘉慶十七年壬申秋七月辛未朔享

太廟。

上親詣行禮。○幸圓明園。○壬申諭內閣。許兆椿奏請停造浙省疲幫船隻一摺。浙江温州後等五幫。前於嘉慶七年。經漕督鐵保。以旗丁疲乏。奏明停造船十八隻。將所有糧米灑帶本幫。其應領錢糧。即照灑帶米數分給各丁。俟十年後察看情形。如果丁力漸殷。再行成造。茲屆十年期滿。據許兆椿查明奏稱。現在丁力仍屬拮据。承餉造船實屬不易。且該

五幫自停造疲船以來。本幫灑帶漕米。每船祇多裝六七十石。並無負重之慮。每年各丁攤給錢糧三四十兩。於現運亦多有盈。請將疲船永遠停造。以省幫累等語。著照所請。將温州後台州後。處州後。金衢所。嚴州所等五幫。前次停造之疲船十八隻。永遠停其成造。照舊將糧米灑帶本幫起運。以紓丁力。○又諭據拉旺多爾濟轉奏。哲布尊丹巴呼圖克圖。懇請賞給伊師喇嘛羅布桑恭楚克名號。

等語。羅布桑恭楚克。教授哲布尊丹巴呼圖克圖多年。著加恩賞給羅布桑恭楚克綽爾濟名號。仍照呼圖克圖所請。羅布桑恭楚克著給假一年。此次往藏呈遞丹書克。即著伊領首前往外。朕所賞哲布尊丹巴呼圖克圖。黃哈達。著發給蘊端多爾濟等轉行賞給。○癸酉。諭內閣。巡視東漕御史韓鼎晉奏。請復東省運河挑工舊制一摺。東省運河募夫工程。舊例係沿河州縣衛承辦。嗣因陳大文及

百齡先後奏准。改委河員辦理。茲該御史奏稱。東省沿河州縣衛承辦募夫。相沿已百有餘年。仍請改循舊例。東省應挑運河。分隸沿河各州縣衛地方。其募夫挑工。著仍歸沿河十九州縣衛承辦。應領津貼銀兩。亦由該州縣衛承領。並責令該撫督率稽察。如有藉詞虧缺派累者。指名叅處。其額設兵淺泉閘等夫。及疏濬修治各事宜。仍專責河員經理。勿得互相推諉。妄議更張。○又諭本日刑部議

奏酌定命盜各案應題應奏條款一摺。所議俱是。依議行。直省命盜重案。應題應奏。本有一定章程。嘉慶十三年。復經飭交刑部酌改條款。纂入例冊。乃近日各督撫仍係意為遲速。於尋常命盜案件。亦多改題為奏。以致刑部逮議之案。日見增多。限期迫促。若察覈未周。流弊滋甚。如本日衡齡具奏。山西保德州民人王恒心圖財謀殺幼孩王丑人子一案。係謀殺無服族孫。照謀殺十歲以下幼孩例。

問擬斬集。本條例應具題之案。該撫業經專奏。仍批交刑部速議。自此次刑部議定條款。著通行各省一體遵照。嗣後各督撫於命盜重案專奏者。俱著於摺尾聲明。此案係援照刑部議定應奏某條。例得專摺陳奏。朕批交部議時。該部察數與原定條款相符。即行議覆。儻有強行比附。率意改題為奏者。該部即行叅奏駁回。仍令照例具題。以符定制。○甲戌。

上幸萬壽山。○諭軍機大臣等。本日溫承惠奏。審擬灤州民人董懷信等傳教惑眾一案。已交刑部速議具奏矣。畿輔重地。理應風淳俗厚。政教肅清。豈容邪惡涸跡。誘惑愚民。此案董懷信等傳習金丹八卦教。賣符惑眾。冊載入教男婦至五千一百餘人之多。皆由地方官平日不能化導。又不能嚴密查察。以致釀成鉅案。直隸地方民風素樸。不過被一二為首奸民所愚。一經查拏。俱尚畏法聽候拘解。

並無違抗情事。現在已將首從各犯按律懲辦。其餘僅止習教買符之五千一百餘人。該督擬令呈繳經符。並取具改悔甘結。仍存記姓名。不時稽察。此內人數眾多。須飭州縣官妥協辦理。祇應出示曉諭。不可派人搜查。若地方官辦理不善。分遣胥役比戶查索。或得賄故縱。或無辜被累。至滋生事端。殊非安戢閭閻之道。著該督即查明冊載名姓。分札各州縣令具於城鄉市集張掛告示。明白曉諭。

其人數較多之處。務使周徧無遺。諭令入教之人。自將經符到官呈繳。其祖父習教現已身故者。令其子孫將舊存經符檢出呈繳。並示以限期。或一年或半年。依限繳出。概免治罪。如違限不繳。別經查出。定行嚴懲。該州縣將繳到經符註明姓名。按季造冊彙報總督。將經符一併申送。該督查對冊符。驗明後當堂銷燬。如此靜鎮辦理。自可以次查銷淨盡也。再該督奏稱灤州知州汪洄。此次查拏案

犯多名起獲經板。所有平日失察處分可否寬免一節。汪洞查辦此案。不規避處分。據實詳報。獲犯解辦。尚屬實心任事。著該督查明該員在任年分。如到任在三年以外。其失察日久。其功過僅足相抵。著將處分寬免。如到任在三年以內。則該員到任未久。即能留心查訪。將多年傳教鉅案。破獲懲辦。除功過相抵外。仍奏明交部議敘。其餘歷任失察各職名。著該督逐一查明。咨部照例議處。○旌表

守正捐軀河南鄧州民李金女李氏。西平縣民馮四林姊馮氏。妻王氏。○乙亥。諭軍機大臣等。本日吏部兵部奏議處溫承惠喜明一摺。已降旨將溫承惠降二級留任。喜明降三級留任。並降為二品頂帶矣。建昌添設新營該督等於定制之初。即未經理妥協。前喜明於危從途次。並曾面奏所募之兵。皆係該處外來游民。於弓箭馬鎗各技藝全未練習。口外地方因近日盜竊頻聞。增立營汛。以資彈

壓。今以烏合之衆。招募入伍。不諳營規。領得餉銀。不久輒行散去。并從前鄉勇之不及。汝二人所辦。實屬草率之極。此等游手好閒之徒。難保無盜竊匪徒。洩跡其內。用以緝捕。馬能得力。並據常福奏稱該處擬建營房。並未蓋造一間。即基址亦尚未畫定。惟有營官數人在彼賃房居住。以致餘剩兵餉馬乾。皆為伊等乾沒。即所領火藥等項。料亦盡屬虛糜。溫承惠喜明。身任總督提督。既知營伍如此

情形。奈何不亟思另籌妥辦。除現已懲處外。著該督等再詳細會議。或於附近各營內。量為抽撥移駐。俾舊習之兵。與新募之兵。彼此相聞。庶氣習聯絡。於訓練較為有益。或另有可以鈐制覈實之道。該督等議定章程。再行奏明遵辦。若實無善策。與其虛糜糧餉。毫無實效。即奏明裁撤。無庸辦理。亦無不可。將此諭令知之。○丙子。諭內閣。巡漕御史韓鼎晉等奏全漕尾幫趲出東境一摺。本年三進全

漕於七月初二日埽數輒出東境比較上年有閏之年計早二十日較之十五年早四十餘日該御史等督率文武員弁催趲迅速韓鼎晉陳廣寧俱著加恩交部議敘其沿河催漕出力員弁著交李亨待同興查明具奏各部議敘糧艘為天庾正供每年經行河道地方文武官職司催趲不致遲誤原屬分所當然朕因其行走迅速賞給議敘乃係格外恩施該河督等務擇其晝夜來往河干實在出力者保奏數員毋得稍有虛冒若徇情濫保多人必全行飭駁轉不得邀恩甄敘也○又諭榮麟等奏查驗興武六等幫米色灰黯分別辦理一摺江蘇婁縣等處兌運漕糧米色灰黯除不堪收受之米易換食米交卸外其攙雜黑丁篩聽不淨者興武六幫兵米二千四百八十石江淮五幫兵米二千九十二石若概行駁回為數較多入倉又難久貯姑照所請另覓存貯先行搭放俾漕船迅速回空漕

糧為天庾正供該省兌收時即應慎選米色一律乾潔迨過淮時由總漕盤驗遇有米色不純者立即飭駁該處距兌漕各省道里較近駁換亦尚易辦若不認真查驗遠涉數千里轉運抵通坐糧廳及各倉監督自顧考成孰敢遷就報收一經駁回損耗必多即權宜搭放以不堪久貯之米陳陳相因倉儲之受獎滋甚此次蘇松兩屬漕糧灰黯者多至數千石章煦辦理不善許兆椿簽盤草率俱著交部察議本年江省兌運新漕著百齡朱理嚴飭所屬妥協經理幫船過淮時並著許兆椿認真盤驗毋得仍前疏懈干咎○丁丑諭內閣市恩邀譽臣下之私心慎重名器人主之大柄本日慶桂等奏纂輯會典漢書完竣將辦書出力各員開單請旨量加鼓勵朕詳加披覽內兵部候補主事程同文請作為候補員外郎遇缺坐補實屬越次且該員於上年兵部出缺吏部擬選錯誤首先列名同候

補主事十八人。並不呈明該管堂官行文查辦。率向都察院具呈申訴。此等刁風。斷不可長。恐啟司員藐視堂官之漸。此次不應以該員越次升用。姑念其編纂微勞。程同文著遇有本部主事缺出。即行補用。其原任內閣中書沈欽霖。前因典試湖南。失察家人於闈中酗酒滋事。革職後甫經到館効力。此次奏請開復原官。亦屬過優。沈欽霖著加恩賞給舉人。准其一體會試。庶吉士喻元準係未經散

館之員。祇應給予議敘。其奏請補授館職之處。著不准行。○旌表守正捐軀直隸任縣民賈富妻吳氏。○戊寅。諭內閣。現在議將閒散宗室酌派移往盛京居住。將來派往時。應於鎮國將軍以下等員內。遴選老成曉事者一人。沿途管帶。至盛京後。即令該員在彼暫住。專司約束彈壓。著管理宗人府王貝勒等酌議。將此缺定為幾年更換。其派往之宗室等。有不遵教令者。應令如何銓束懲治。如管理

妥善。期滿換回。將該員作何獎勵。或管理不善。以致宗室滋生事端。應如何處分之處。一併詳議章程具奏。○又諭伯麟等奏請照額復設防練一摺。雲南邊外一帶。野夷獍匪。乘閒搶掠。從前安設土練。俾資防範。嗣經裁撤。茲該督等奏請於緬寧騰越等處要隘。照額復設。著照所請。准其復設土練一千六百名。以八百名駐劄緬寧之丙野。雲南之馬鞍對面山梁等十處。以八百名分防騰越之蠻章

山等十處。每名日給銀二分。並令該土司等撥給曠土耕種。以資養贍。惟是該處皆係瘴癘之地。內地官兵不能駐劄稽查。各土司操練。恐係有名無實。虛糜糧餉。著俟設立一年後。該督等再查看情形。如可無需防範。即奏明裁撤。○諭軍機大臣等。前據和寧等奏酌議建蓋宗室房屋。並撥給地畝章程。曾降旨諭令該將軍等。飭知照數建蓋房屋。茲據管理宗人府王貝勒等。查奏現在應行移往者。

共有五十五戶。計算每戶人丁多者不過八口。著該將軍等即計數建蓋房間。寬為豫備。至六七十所。亦無不可。務遵奉前旨。依照京中八旗健銳等營房規制。比戶鱗次。繕以垣牆。安設總門。稽查出入。於適中處所。建造官廳。俾派往在彼約束之員。有所棲止。或再添建更樓。以資守望。現又派松筠前往盛京。該將軍俟松筠到彼時。即會同籌度。妥協辦理可也。○命刑部左侍郎景豫都察院左副都

御史曹師曾。馳往直隸天津府審案。○以湖南常德協副將慶普。為永州鎮總兵官。○己卯。諭軍機大臣等。百齡等奏。江境黃運兩河。伏汎安瀾。工程平穩。一摺。覽奏欣慰。本年江境黃河。甫經挽歸故道。伏汎疊次長水。仰荷昊蒼默佑。各工平穩。現在大溜奔騰東注。悉走中泓。自係海口通暢之效。惟伏汎已過。秋汎正長。該督等摺內所稱險工林立。雖係習見之詞。但大河兩岸。工段綿長。其迎溜頂衝。應

行防護之處。自必不少。該督等務督率道將廳營文武員弁。倍矢敬勤。小心防範。趁此溜勢安穩之時。將一應隄防埽段。認真培築。以期有備無患。本年秋汎。再得保護平穩。則河底刷滌日深。從此年復一年。瀾安工固。即可永慶平成也。勉之慎之。再治河之道。本係順水之性。乃天地自然之利。如清水之於黃水。因勢利導。以水攻沙。水行地中。歷來胥資其益。後因措置失宜。人事不盡。拂其就下之性。

始分流旁溢。以利人者害人。目下黃河尾閘通暢。大有轉機。惟洪湖為清水總匯。其節宣索籌。前人妙用。全在五壩啟閉得宜。今五壩已壞其四。惟餘智字一壩。設遇湖水漲滿。不足以資宣洩。豈不束手無策。且各壩底衝壞。一經皸裂。毫無鈐束之具。不特下河一帶橫遭淹浸。而清水不能收蓄。則淮弱黃強。倒灌接踵。即黃運兩河。仍必日形淤墊。此時大局應以修復五壩為緊要機宜。著該督等趁此

各工無事之時。即會同籌辦。除智壩外。其仁義禮信四壩。皆應以次修理完整。亦不必拘定次序。相度形勢。何壩扼要。先修何壩。前此該督等曾有擬修信壩之議。連次摺內。亦總未提及。是否即先由信壩興修。務斟酌妥善。全復前人舊規。使湖水啟閉由我。可以放心收蓄。永資以清刷黃之利。則湖治而河益治。其理本一貫。其效亦相因者也。該督等即悉心妥籌速辦。為要。將此諭令知之。○鑄給廣

州將軍節制陸路鎮協印。從將軍福會請也。

○增江蘇海門廳沙籍學額。文章二名。武童一名。改崇明縣訓導為海門廳訓導。從巡撫

朱理等請也。○庚辰。

孝懿仁皇后忌辰。遣官祭

景陵。○辛巳。

上幸靜明園。詣

龍神廟拈香。○諭內閣。昨內閣呈進永州鎮總兵武自珍遺本。因令詳查舊式。從前各大

員身故。呈遞遺摺者居多。將軍督撫內。亦間有齎進遺本者。原無一定程式。外省題進本章。例應鈐用印信。拜發時。並有行禮儀注。本任之員已故。則印信封固。不當擅用。且係何人代為拜發。其事全屬蹈虛。嗣後內外大員。應呈遞遺摺者。仍准其照舊呈遞。其遺本一項。著概行停止。○壬午。

上御勤政殿聽政。○諭內閣。據晉昌奏。新授伊犁領隊大臣綏福。可否令過二三年後。陞見

之處。請旨等語。伊犁路途遙遠。由協領補授

領隊大臣者。向來均令其陞見。除綏福竟不必前來外。嗣後如有似此。由協領補授者。俱

無庸奏請陞見。○以詹事府少詹事王鼎為

詹事。○戶部議准。陝甘總督那彥成疏報。山

丹縣開墾地七頃二畝。有奇。照例升科。從之。

○癸未。以故鄂爾多斯扎薩克貝子喇什雅

木素叔喇什丕勒襲爵。○旌表守正捐軀安

徽鳳陽縣民高小寅。攷妻葛氏。○甲申。諭內

閣宗人府議奏聞散宗室移住盛京派員管帶及約束章程一摺其所議派出管帶約束之員一人查察難周請多派一二員以資助理著照所請行第為期尚遠不必即行帶領引見俟移住定有日期於前一月再行帶領屆時並著宗人府將現任尚書侍郎都統副都統內之宗室覺羅人員另行開列具奏候朕簡派一二員沿途一同管帶彈壓至盛京與該將軍交代後再行回京至所議在彼駐劄之員遇有宗室滋生事端令該將軍隨時叅辦一節亦應有所區別其三年期滿無過者僅給予紀錄一次所議亦覺稍輕此項派往約束之員若宗室內偶有小過該員約束不嚴著交該將軍隨事存記如宗室內有不安本分事應奏辦者再將約束之員隨時附叅覈其事之重輕分別懲處其三年內約束嚴明無過換回者著給予加一級並於回京日由宗人府帶領引見候朕酌量施恩○又

諭吏部議駁御史恒麟奏請酌添京升知州班次一摺所駁甚是銓選知州向有一定班次該御史奏請添設京升一班不但不能疏通選法轉多積壓該御史顯係受人囑託妄議更張除照部駁不准所奏外恒麟著交部察議○乙酉中元節
上詣
安佑宮行禮○遣官祭
永陵
福陵
昭陵
昭西陵
孝陵
孝東陵
景陵
泰陵
泰東陵
裕陵○遣官祭

孝淑皇后陵寢○遣官祭

端慧皇太子園寢○諭內閣。貢楚克扎布覆奏。創挖黃耆章程一摺。所議是。察哈爾牧廠等處游民。私挖黃耆。上年甫經議定章程。限以人數斤數。嚴禁聚眾創採。今若又開領票認採之例。奸民趨利若鶩。勢必多方影射。聚集紛爭。轉致難以稽察。阿勒精阿所奏不行。著該都統等。仍照原議章程。督飭所屬實力查辦。毋得日久生懈。○丙戌。月食。○諭軍

機大臣等。瑚圖禮等奏。審明布魯克巴頭人爭毆情節。改擬罪名一摺。此案前據陽春等奏。布魯克巴頭人等。因貨物進關漏稅。經帕克哩營官查詰。輒將正副營官揪毆。訊明問擬斬梟斬決。續又據陽春等奏到。以接據布魯克巴部長來稟。有營官先持刀向戕。該番民始行抵格之事。陽春等前奏並未將情節聲敘。似有意偏袒營官。並據松筠奏。向來布魯克巴進藏貨物。例不上稅。曾經禁革有案。

如果該營官以例外勒索聲譽。並先有持刀向戕情節。則陽春等審辦不公。實不足以服外夷之心。因命瑚圖禮等秉公確查。茲據瑚圖禮等訊明。商上徵收貨稅。乾隆五十七年曾經奏明有案。以後並未禁革。其帕克哩仍係循例徵收。並非額外勒索。至營官持刀先戕一節。係幹扎喜業經病故。而該部落頭人郭勒等同辭具結。稱不敢扶同誣賴。並訊據同

時在場之策忍敦住等。及頭人百姓。亦均供營官當日並未持刀在手。其正副營官。傷雖平復。而比較原報傷痕。俱屬符合。是此案起事根由。尚非營官聲譽。從前陽春等原審案情。尚非虛捏。惟比照毆斂差侍衛之例。將策忍敦住等問擬斬梟斬決。實屬錯謬。茲瑚圖禮等改議。將策忍敦住郭結卜瓊三犯。仍解回布魯克巴部落。令該部長分別責懲。擇其境內極邊苦地發遣。所擬亦未允協。該犯等

毆打營官情殊兇橫。今營官俱以辦理不善褫革。若仍將該犯等解回本部落。其責懲發遣與否。內地無從得知。未免外番無所懼畏。策忍敦住郭結卜瓊三犯俱著發往雲貴極邊烟瘴地方充軍。珣圖禮等將辦理此案緣由明白檄諭該部落。以大皇帝辦理中外事宜。一秉大公至正。毫無偏倚。此案因前任駐藏大臣陳奏未明。特派本大臣覆加詳審。今訊明具奏。大皇帝如天好生之德。將策忍敦住三犯寬免死罪。從輕發遣。實屬格外施恩。該部長及頭人等應同知感畏。嗣後約束所部番人。如因事違藏。務遵守舊規。若營官等有例外勒索欺陵情弊。必將該營官從重究治。斷不袒護。若該頭人等逞強滋事。亦必嚴行懲辦。不能寬貸。如此明白示諭。庶該夷人等懷德畏威。益矢恭順。至珣圖禮等另摺所奏。達賴喇嘛徵收外番貨稅。請於一半年後將稅課量為酌減一節。殊屬非是。該處商上

徵收稅課。既係歷年辦理舊規。若因此次有與營官爭毆一事。遽爾議減。恐長外夷強傲之漸。殊於體制有關。此事惟應遵守舊章。無庸瑣屑紛更也。將此諭令知之。○旌表守正捐軀直隸晉州民女劉氏。○丁亥。賞已革駐藏大臣陽春員外郎慶惠藍翎侍衛。○旌表守正被戕江西鉛山縣民王兆松妻彭氏。○減免直隸文安東安二縣積水地畝上年額賦。○戊子。

上以秋獮未闌。自圓明園啟鑒命

皇次子。皇三子綿愷於八月中旬。赴熱河隨駕進哨。○命成親王永理。大學士慶桂。勒保。劉權之。留京辦事。○戶部議准。升任浙江巡撫蔣攸銑疏報富陽定海臨海黃巖浦江五縣開墾沙塗田二十頃六十四畝。有奇。照例升科。從之。○免蹕路經過地方本年額賦十分之三。○是日。駐蹕南石槽行宮。○己丑。賞密雲縣接駕兵丁半月錢糧。○是日。駐蹕

密雲縣行宮。○庚寅。駐蹕要亭行宮。○辛卯。諭軍機大臣等。百齡奏查明海口實在通暢各緣由一摺。覽奏欣慰之至。其另摺覆奏治河機宜。尤為至當。不易黃河之性。總在去路通暢。則其流猛迅。大溜直走中泓。河身刷滌日深。使水勢不至擡高。自無旁趨漫溢之患。所謂束水攻沙。其效莫捷於此。現據百齡查奏河水自雲梯關至八灘而下。直至海口南尖。俱係二三四丈。至五丈餘尺不等。而瞭望海中黃流亘起。直由南北尖之外。衝入海中。約有四五十里。此即黃流迅注尾閭明效大驗。百齡現復擬將馬港口對岸之攔黃壩拆去一半。並將河中拆除未盡之民堰。全行起除。使灘面展寬。俾資消納。所辦俱妥。目下秋汛方長。臨淮兩岸隄埽。尤當嚴督各廳汛加意防護。不可稍存大意。是為至要。至全淮匯入洪湖。以清刷黃。尤為治河良藥。惟清水非豫為儲蓄。則力弱不足以敵黃。而蓄清之道。

全在保護高堰。欲保護高堰。則必須修復五壩。使宣洩得宜。操縱在我。方能收湖水之益。而不使為害。今五壩已壞其四。惟餘智字一壩。而禮壩跌穿之後。洩水過多。下游高寶一帶。已受其患。現在該督擬將禮壩速行堵閉。收蓄清水。所見甚是。昨已有旨諭令該督等修復五壩。即使工費浩繁。不能同時並舉。本年當先擇何壩最要。先行修整完固。其餘再以次遞修。務令全復。前人舊規。然後治河關鍵得有把握。清水治而黃水益治。實係全河至要機宜也。至引黃入運。無利有害。從前皇考高宗純皇帝聖訓。至明至當。永遠遵奉。近日河工各員。仍以借黃濟運為辭。此等劣員。並非關心河務。漕運其意。總欲使黃河為患。則大工屢興。伊等不但可以侵帑肥橐。並可以為升遷捷徑。其從前獲咎之員。亦藉以開復。而國計民生之貽誤。概置不顧。即百齡摺內。所謂以苟安便己之私心。為敗壞事機之

大弊。嗣後若再有倡為此論者。即應拏問治罪。方足以息妄言。該督現在籌辦各事宜。俱有條理。謂當盡人事。以俟天時。尤為確論。該督等惟力持定見。勿惑浮言。竭力盡心。敬慎不怠。人事克盡。則

天佑必加。從此全河順軌。永慶安瀾。勉之望之。將此諭令知之。○賞熱河接駕兵丁。及看守避暑山莊弁兵。一月錢糧。看守口內口外各行宮弁兵半月錢糧。○是日駐蹕兩間房行

宮。○壬辰諭內閣。本日據慶桂等奏。查議穆騰額等請減稻田廠租銀等款。請將穆騰額交部嚴議等因。一摺。穆騰額自授為總管內務府大臣。管理奉宸苑以來。有意取巧。見長屢議更張。其請減稻田廠南花園額費等事。皆曾於召對時奏及。朕當即斥言其非。以稻田年歲豐儉不齊。若將銀數裁減。該佃人等必至用度不敷。其南花園支應花卉。若移至城外運送亦多不便。乃穆騰額巧為之辭。總

稱該佃戶等情願請減。與阿明阿合詞具奏。惟禧恩以意見不合。另摺請旨。彼時朕若不派員查辦。無以服伊等之心。茲慶桂等查明稻田廠各佃戶。本無願減租銀呈詞。係穆騰額派出庫掌廣寧代寫呈稿。勒令畫押。是穆騰額前此面奏之言。全屬欺詐。且伊管理三山。曾請將靜明園西門內涵漪齋大加興修。而以妙喜寺之羣樓折移添造。其餘不急工程。悉憑修辦者。尚不一而足。計其所費。不下

十餘萬。俱經朕面加斥駁。伊計無復之。乃欲於此等纖細處所。設法裁減。以見其工於節省。若誤信其言。派辦前項工程。伊即得藉肆侵漁。所省不過數百金。所費轉需十餘萬。小處取信。大處牟利。其居心殊不可問。穆騰額無庸再交部議。著革去內務府大臣。賞給內務府主事職銜。即日前往盛京。交與和寧富俊。驅使。令其在原辦工程處効力。不准前來熱河。俟工竣後。由和寧等奏明。再令回京。在

內務府當差。至阿明阿於裁減租銀一事。既與禧恩傳集各佃戶面詢。明知衆情不願。若與禧恩聯銜具奏。伊毫無不合。乃心知其非。仍扶同穆騰額具奏。不過以穆騰額係管理大員。附會迎合。阿明阿人本無能。識見復如此卑陋。著革去奉宸苑卿賞給員外郎。在工部行走。庫掌廣寧。抑勒佃戶。代填五成數目。一味逢迎上官。著降為內務府八品催長。其聯名具稟之員。外郎永慶常興。二員俱著交

部議處。○刑部議駁。四川總督常明疏報。民人周位學。戕傷伊妻張氏一案。得旨。此案四川民人周位學。與謝學祥之女謝一秀。通姦情密。謀娶為妾。已向謝學祥商允。給予財禮錢一千文。因餘錢九千文無措。向伊妻卧房樓上竊取伊父錢文。伊妻張氏於黑暗中驚醒。聲喊拏賊。該犯與張氏誼屬夫婦。何難直言。向告。囑為隱瞞。乃用刀狠戕致命。重傷張氏於越日殞命。是該犯蓄意謀娶謝氏。臨時

頓起殺機。立斃妻命。情節顯然。該省原題稱殺非有心。仍照夫毆妻致死律科斷。殊未允協。刑部議駁甚是。周位學著改照故殺妻絞律絞監候。入於本年秋審情實。毋庸再交該省覆訊。○以署京營右翼總兵英和為總管內務府大臣。○是日。駐蹕常山峪行宮。○癸巳。駐蹕喀喇河屯行宮。○甲午。上至熱河。詣文廟瞻禮。

關帝廟
城隍廟拈香。○詣

永佑寺行禮。○賞熱河綠營兵丁一月錢糧。○是日。駐蹕避暑山莊。至八月乙卯。皆如之。○乙未。諭內閣。國家獄獄用刑。自有常法。即使獄囚狡不吐實。不得不加以刑訊。如輕則施以箠楚。重則威以三木。皆係古有其制。至今頒為令典。若擅用非刑。則具供成招。實難保無畏刑誣伏之事。前經屢次降旨飭諭。而外

省酷暴之習。仍未盡除。如現在直隸。又有汪應鈴擅用木架熬審斃命之案。不可不再行申禁。嗣後著各督撫嚴查所屬。如有私造非刑問獄者。即指名叅處。雖用以成招定讞。案非誣罔。除將本案擬結外。其承審官濫刑之罪。仍一併附叅示懲。將此通諭知之。○命戶部左侍郎景安。刑部右侍郎章煦。馳往直隸保定府審案。○丁酉。諭內閣。和寧貴慶奏審辦宗室色布桑阿覺羅巴彥等聚賭一案。例得罪名。應如何折罰。圖責之處。請勅交宗人府議覆。遵行等語。此案各罪名。著交宗人府刑部會同叢議具奏。至盛京居住宗室覺羅人數不少。遇有過犯。若必由京定議。豈不往返需時。著宗人府查明從前曾否將宗室覺羅犯罪。則例頒發盛京。如曾經頒發。該將軍等不行援引。即將和寧等奏。若尚未頒發。著補頒一分。交盛京將軍衙門存貯。嗣後該處宗室覺羅有犯罪者。即由盛京刑部侍郎

會同將軍援例定擬。奏到時。再交在京衙門叢議。○雲南開化府土經歷周紹宗緣事革退。以其弟紹曾襲職。○戊戌。諭內閣。榮麟等奏查驗南糧三進。浙江台州前等幫灰嫩米石。為數甚多。難以久貯。請另覓收存。與十六年存貯之米。掉換先放。又驗明尚可食用米石。實係七成。請將不敷成色。令糧道等分賠等語。所奏殊未明晰。此項灰嫩之米。共有八萬數千餘石之多。該倉場侍郎既稱實係七成。究竟如何分別成色。是否重加篩剔。或如何分貯廩內。將來開放時。又如何作為七成。榮麟等摺內。均未逐一聲敘。著該倉場侍郎明白回奏。其黷贓不堪收受之米。共一萬六千六百餘石。著照議駁回。勒限一年分賠完交。至江淮頭幫補交之米一千八百八十餘石。驗係乾潔。著即起運交倉。其江淮四幫買賠米九百六十石。仍係攙雜。著即行駁回。飭令下年照例賠補搭解。○賞熱河及額魯特

兵丁一月錢糧。○庚子。予陝西陣亡馬兵朱現章賞卹加等。江南遭風淹斃試用從九品任起璠。福建出洋淹斃外委王國材。祭葬卹。廕兵丁張士達等一百二十六名。賞卹如例。○旌表守正被戕河南舞陽縣民女王氏。安徽廣德州民趙加畛妻戴氏。守正捐軀廣西馬平縣民婦計氏。○是月。閩浙總督汪志伊奏報。舟師在洋節次殲獲匪盜。得旨。粵洋安靜。閩洋又熾。若不速除。將來又成蔡朱之續矣。水師固宜奮勇。陸地仍須嚴拏。接濟為本。不可舍本逐末。勉之。○湖廣總督馬慧裕奏報。兼署撫篆。得旨。諸事認真。勿縱劣員。汝之病在於寬緩。若濟之以嚴厲。亦可與百齡並駕齊驅矣。勉之。○山東巡撫同興奏。謝降級留任。得旨。既往不咎。現在山東亦有匪徒。較之直隸。更加强橫。宜留心察訪。勿憤憤從事。勉之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十

[illegible]

嘉慶十七年壬申八月辛丑朔○癸卯旌表

守正捐軀山西夏縣民武振倉妻裴氏○甲辰

上御如意洲。賜扈從王公大臣蒙古王貝勒貝子公額駙台吉等食。並賞賚有差。○遣官祭

黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神○緩徵福建閩侯官連江三縣被水災民本年額賦○乙

已遣官祭

文昌帝君廟論軍機大臣等據蔣攸銑等奏拏獲積匪懇恩鼓勵各員均照所請施恩矣該督等督飭所屬將夥劫匪黨分路緝拏其著名盜首均已就獲嚴懲俾地方日臻寧輯自應量予施恩第恐該省員弁或因此次獲盜蒙賞不免意存邀功甚至濫拏無辜亦不可不防其漸嗣後該督等於所獲盜犯解到時務須逐一研訊詳覈定讞果係真盜雖

千百名亦無可寬宥。若無辜平民。即一人亦不可濫及。僅獲解案犯。內察有妄拏邀功者。即應將該員并指名叅處。以昭平允。總之該督等綏靖封圻。既不可姑息。以長亂萌。亦必當詳慎。以重民命。毋枉毋縱。乃為政之要道也。將此諭令知之。○兩廣總督蔣攸銑等奏拏獲陸路積匪出力員弁。賞候補遊擊張仁。花翎。餘升敘有差。○丙午。遣官祭闕帝廟。○諭內閣。斌靜以接奉頒賜墨刻詩。

句用漢字摺謝恩朕頒賞南苑大閱詩原期各將軍大臣等留心武備訓練士卒自應用清字摺謝恩斌靜身係宗室且任黑龍江將軍尤當勤習技藝清語其摺內鋪敘四六甚屬非是朕閱此摺即料係劉鳳詒代擬斌靜倩劉鳳詒代擬奏摺已屬錯謬劉鳳詒亦有不合斌靜著申飭嗣後此等謝恩俱著用清字摺不得再以漢字摺具奏○丁未祭先師孔子遣大學士勒保行禮○諭軍機大

臣等本日御史李仲昭奏奸商賄增法馬侵欺國課一摺據稱長蘆現用法馬斤兩增重以致額引之外多有侵欺皆緣總商江公源即查有圻為通商造謀之首請旨嚴究等語現在降旨交留京王大臣等審辦著祥紹將欽差侍郎景祿比對多出斤兩封請究辦之法馬迅速派委妥員解京查驗並將該御史所奏之查有圻內司馮昶外司樊宗鑑及任秉衡等各綱總一併押解赴部以憑訊辦設

此時解部法馬有被人偷換情弊將來驗明並非原法則該鹽政獲罪甚重不能寬貸再查有圻現在天津充當鹽商所有該處資產並著該鹽政派人密行看守毋任隱匿寄頓如審出該商實有營私舞弊等情再行降旨查抄將此傳諭知之○戊申祭

大社

大稷遣儀親王永璘恭代行禮○己酉

太宗文皇帝忌辰遣官祭

昭陵○辛亥

太祖高皇帝忌辰遣官祭

福陵○以故教漢扎薩克郡王德濟特弟達爾

瑪濟爾迪襲爵○壬子諭內閣據百齡奏陳

鳳翔於禮壩要工自四月開放後並未親往

查看迨至六月水已衝動壩下土舌椿木道

應節次稟報始往察看行至高堰仍不親身

籌辦僅委遊擊陳岱堵築陳鳳翔復藉查陳

家浦埽工遠赴海口至八月初二日始行赴

壩並查河庫所發堵築禮壩工銀已至二十七萬七千餘兩之多仍未竣工清水大洩下河州縣被水成災據實奏聞等語陳鳳翔在河督任內上年王營減壩及李家樓各工漫口皆其貽誤所致嗣經簡用百齡督率辦理將各漫口次第堵合朕念陳鳳翔亦隨同幫辦加恩賞給三品頂帶以觀後效乃陳鳳翔於禮壩要工仍不及早親往籌辦因循玩誤糜帑殃民此而不加懲創尚復何所儆懼陳

鳳翔著革職留於河工交百齡等差委令當勞苦差使其禮壩工程所用銀二十七萬餘兩本應令伊一人賠出但為數過多即責令賠繳亦未必能如數全完陳鳳翔著罰賠銀十萬兩其餘十七萬七千餘兩交該督等照例覈辦所有江南河道總督員缺著黎世序以三品頂帶署理俟三年後如果實能稱職再行降旨補授○又諭百齡奏參衛守備章琳然任性乖謬請旨革職一摺辦理未免過

當章琳然因伊妻韓氏付給伊子章鏞銀兩未經查實誤信韓氏捏抵之詞輒以忤逆重情移文隔省詳辦固屬率意妄行但究係家事於該員職任無關如果伊辦理公務亦有似此乖謬之處自當據實參辦今以家事逆億其誤公亦非平允之論且伊查知伊子並無忤逆即追悔移請免究其過亦止於誤聽章琳然著免其革職改為交部議處○諭軍機大臣等松筠等奏會勘大凌河牧廠餘地

並柳河溝一帶均可陸續移駐旗人墾種緣由一摺朕因八旗生齒日繁在京養贍不敷生計日形竭蹶欲規圖久遠之計前經降旨令賽冲阿等在吉林等處籌度曠閒地畝欲令酌量移居並派松筠前往盛京地方會同和寧等相度地勢此事計關久遠必須籌度周備或十年或五年移駐一次從容調劑逐漸疏通方為有益且移往耕屯之處亦必須附近將軍副都統等駐劄之所十數里內就

近管轄稽查勿任游蕩滋事則教養兼資經久無弊今松筠等所勘大凌河柳河溝一帶之地距盛京省城皆遠在數百里之外四面遼闊並無官員駐劄設旗人移往居住憑何約束和寧富俊皆曾任京城都統副都統松筠更係現任都統豈不思在京旗人移駐外省斷無將平素安分有志上進者先行挑往之理若擇素不安分者聚集多戶移之無人管轄之所豈能日久相安即使該將軍派委旗員前往稽查而相距遙遠終有鞭長莫及之勢至摺內所敘東廠南北東西周圍不下百餘里皆有積水須自邊牆相地開河使入大川歸海方可涸出沃壤又東柳河溝一帶積水蕩漾須自北山東由拒馬流河西至鷄鷹河橫開大渠東水入海方可闢墾耕屯等語開渠引水必須察勘地勢高下方不至受水之患十年前詣盛京馬上遙見海水混茫海舶來往高仰之勢顯然即使地勢合宜而

興舉鉅工事豈易言現在帑項不能寬裕伊等豈不熟知即使儲蓄充盈朕亦不肯徒勞罔功為此無益之事松筠等所議俱不可行亦無庸繪圖呈覽既據伊等奏稱大凌河一帶地方多有閒曠地畝向被游民私墾著即嚴行示禁將閒曠之地造冊存記或日久另有需用之處以備查考至鳳凰城一帶松筠富俊已往查勘即使勘有可墾之地亦無庸辦理松筠前派往查盛京各工並會籌宗室

移居盛京之事著即將各工敬謹查勘收驗其籌辦宗室房屋分撥地畝一節亦須先行籌度將所需經費若干詳悉估計分別具奏俟奏到酌量經費所出再行降旨辦理松筠於此二事辦畢後即回京供職可也將此諭令知之○又諭百齡等奏通籌南河善後工需一摺內稱覈計江南江北地畝若按照靳輔舊議每田一畝出銀一錢計算可得銀三百一二十萬兩等語朕惠愛黎元與民休息

從不肯議及加賦。今令按畝出銀。非加賦而何。現既據該督等覈計善後各工。不過需銀三百萬兩。所有前議著即停止。無庸籌辦。其另摺奏准商捐輸銀四百萬兩。並另片請將此項銀兩除撥節辦工之外。尚餘銀一百萬兩。解交內務府備賞等語。南河善後工需。准商既懇請捐輸。通盤估計三百萬兩。已可集事。商捐亦係民力。但取足敷工用而止。其額外多餘之數。另解內務府。殊可不必。現在外

省支撥款項。部庫不敷。每年尚由內務府撥給數十萬兩。朕躬行節儉。從無濫費。內務府亦無需如許賞項。已降旨將准商捐銀。祇賞收三百萬兩。其餘一百萬兩。仍給還該商等。以示體恤。將此各諭令知之。○以江南狼山鎮總兵官劉芬為烏魯木齊提督。服闋總兵官尚維侗為狼山鎮總兵官。○除河南陝西溫孟三州縣河占沙壓地四百九十八頃八十一畝有奇額賦。○癸丑

上詣

永佑寺行禮。○諭軍機大臣等。百齡等奏阜寧縣境內救生河一道。於該處農田利賴且洩水保隄。添渠運料均有裨益。今淤塞日久。應行挑復。請先於河庫存款內撥銀估辦。將來查辦蕩務有增出餘柴。應行估價之款。即以此項分年陸續歸還等語。國家度支自有常經。取民亦有定制。昨據百齡等奏籌辦河工善後工需。援引靳輔舊議。於江南江北按畝徵銀。可得銀三百餘萬兩。朕以事近加賦。雖靳輔當日辦有成案。然自康熙年間至今。百有餘載。久未舉行。小民難以家喻戶曉。恐辦理諸多未便。當即降旨停止。至本日所奏阜寧縣境內挑挖河淤。此等河渠水利。向係應用民力之事。即使民力一時不逮。先行借帑興挑。事後攤徵還款。已屬國家惠民之舉。今遽請支用帑項。雖此一處渠工。不過需銀三萬餘兩。而該省河渠水道。似此應修者甚多。

若此例一開。將來他處士民紛紛援此呈請。又將何詞飭駁。若概予准行。國家焉有如此帑項。足供支用。所謂惠而不知為政矣。所有阜寧縣挑河一款。應仍照舊例借帑興修。其如何分年攤徵歸款之處。著該督等另行酌議奏請。再降諭旨。○以故喀爾喀賽因諾顏扎薩克輔國公車布登多爾濟弟達拉扎布襲爵。○甲寅諭內閣。御史陸泌奏請飭禁通壩驗收漕米諸弊一摺。據稱幫船灣泊通壩。

經紀各役俱勒索使費。約計每船用銀八十兩至一百二三十兩不等。至倉場侍郎下幫驗米。舍人丁役轎夫等。每幫約用制錢二百四十千。坐糧廳減半。如不滿所欲。即挑斥米色多量斛面。任意拋灑。種種積弊相沿等語。本年抵通幫船均已兌收完竣。回空南下。該御史所奏並未指明難。以紛紛提究。著倉場侍郎等。於明年重運抵通時。先將該御史所陳各項情弊出示嚴禁。如查有經紀吏役人

等私行勒索。即嚴拏懲辦。儻該侍郎等容隱不舉。別經發覺。定將伊等一併懲處。至摺內所稱漕船起卸時。鈞載船乘閒偷換及巡役匪徒勾通夥竊等弊。著該管文武員弁一體嚴密查拏。毋稍疏縱。○又諭御史陸泌奏。各倉收米遇有潮溼。宜隨時風扇。以期經久。一摺。風扇之制。鄉曲小民固積無多。用以隨時節聽。至天庾積貯。每歲新漕三百餘萬石。若用風車扇聽。不惟日不暇給。且出入盤運。易

滋透漏折耗之弊。該御史所奏不可行。○又諭景安等奏。審明徐黃氏控案。分別定擬。並將徐用書從前歷任涿州虧空緣由查明具奏。此案徐用書涿州任內虧空。伊子徐思曾在直隸具控。該總督藩司雖屢經委員覈算。總未辦理完結。延至三年之久。實屬遲緩。溫承惠方受疇均著交部議處。其餘當日未經查出各上司。並含混交代之。歷任涿州知州。西路廳。及監盤各員。應議職名。交該督詳細

查明送部照例分別議處。至知州周景查出虧項底裏稟商藩司慶格該司令算入前任知州王盛清任內一節。事關弊混。著溫承惠於慶格到日。令與周景質對。此非溫承惠任內之事。無所用其迴護。務秉公訊明。據實奏。前任總督顏檢被屬員朦混。據詳率奏。實屬憤憤。伊歷任封圻。毫無振作。豈復能勝京堂之任。著於到京後。以六部郎中降補。無庸再交部議。○又諭長蘆掣鹽法馬。現據留京

王大臣等驗明增多斤兩屬實。顯有弊竇。此項法馬究係部中鑄造時。即有弊混。抑係頒發之後。該商等另有私造抵換情弊。著徹底嚴究。務得確情。查有圻馮和樊宗鑑任秉衡等八綱總均著解案嚴審。其較兌法馬之工部主事黃遐年。前任戶部郎中。現任天津府知府張大維。均著解任歸案質訊。○以漕運總督許兆椿為工部右侍郎。工部右侍郎阮元為漕運總督。○乙卯

上御卷阿勝境。賜扈從王公大臣蒙古王貝勒貝子公額駙台吉等食。○丙辰。上自避暑山莊啟鑾。幸木蘭。○是日駐蹕中闕行宮。○丁巳遣官祭昭忠祠。○諭內閣。百齡奏禮壩急難堵合。現在清水宣洩過多。籌備減黃助清一摺。據稱禮壩口門連日收窄後。尚存寬二十丈。壩門水勢陡急。堵閉尚需時日。惟有籌畫減黃助清。以濟糧艘回空。河臣陳鳳翔急於開壩。於前連於閉壩。於後以致

辦理棘手。請旨嚴加議處。並自請議處。將不能匡正之河道黎世序一併議處等語。本年李家樓壩工合龍之後。河流順軌。海口深通。黃河兩岸大隄。又俱保護平穩。溜勢直走中泓。再能清水暢出。刷黃。則全河積病漸除。實為南河極好機會。乃陳鳳翔不知守蓄清定見。於本年四月下旬。湖水並未旺長之時。即開放智禮兩壩。並不商之百齡。迨開放至一月有餘。禮壩土舌樁木俱已衝動。猶不親勘

堵閉。自李家樓回署之後。數月安坐衙齋。直至百齡前赴山盱工次。始往察看。行至高堰。距禮壩咫尺。仍不親督籌辦。僅委之遊擊陳岱。在彼堵築。而陳岱任意延緩。以致清水大洩。下游被淹。禮壩口門愈刷愈深。亟難堵閉。此事陳鳳翔急玩乖舛。貽誤全河大局。殊堪痛恨。前日百齡具奏壩工情形。並未將陳鳳翔指參。經朕看出。降旨將陳鳳翔革職罰賠。續又責令查辦災務。今伊罪狀昭然。褫革尚不足蔽辜。百齡於奉旨之日。傳旨將陳鳳翔在禮壩工次。枷號兩月示衆。如禮壩剋期堵合。再移往他工。限滿疏枷。發往烏魯木齊効力贖罪。俾通工大小員弁。共知總河大員一經貽誤。尚如此重懲。庶怵目警心。羣知炯戒。已革遊擊陳岱。派辦要工。心存延玩。著在工次。枷號四箇月。滿日發往伊犁充當苦差。百齡辦理河工事務。盡心籌畫。此次自請議處。原可寬免。但伊不早將陳鳳翔參奏。至事機

已誤。始行查參。究屬遲緩。百齡著交部議處。黎世序在淮揚道任內。見總河開放禮壩。錯誤不能力爭匡正。亦著交部議處。伊現在署理河督。當以前任為鑒。於一切河工緊要機宜。認真講求。知慎知懼。勉副職守。至此時回空糧船業已南下。黃水高於清水。即趕緊堵閉禮壩。設法挑逼。亦未必能使清水暢出。敵黃。所有百齡奏請開放祥符五瑞閘。以資減黃助清之處。著即照所請。會同黎世序迅速

妥辦。其下游被淹各處。並著百齡迅速派員查明撫卹。○又諭。據貴慶奏審明蔑倫重犯。分別辦理一摺。此案呂英與媳李氏通姦。被伊妻史氏主使伊子呂得新毆傷身死。呂得新係子毆父母至死。例應凌遲處死之犯。儻該犯畏罪自盡。則應剐屍示衆。茲貴慶摺內前引子毆父母如因傷身死。將該犯剐屍示衆例文。後敘稱呂得新蔑倫重犯。未便久稽顯戮。派員押赴市曹正法。是逆犯並未身死。

何得引剗屍之例實屬謬誤貴慶著交部議處史氏主使伊子將伊夫毆傷殞命李氏經伊翁嚇逼成姦仍勉從姦宿俱罪應斬決著即行正法無庸再交部議○是日駐蹕波羅河屯行宮○戊午秋分夕

月於西郊遣莊親王綿課行禮○諭內閣戶部奏查明各省積欠錢糧及耗羨雜稅等款銀兩數目一摺直省丁賦錢糧皆國家惟正之供每歲量入為出以給俸餉諸大端度支所繫國有常經戶部具報月摺毫無額外支銷此中外所共知者且內府歲用所需不特從不取之部庫歷年以來每將內府餘款撥給戶部應用歲不下數十萬有將及百萬者而覈計部中正項錢糧積欠竟至一千九百餘萬兩之多屢經飭催報解寥寥此實歷任直省大吏催徵不力所致除單內奉天山西廣西四川貴州五省皆年清年款並無積欠雲南省僅有積欠五百餘兩均無庸議外其安

歲山東積欠各多至四百餘萬兩江寧江蘇積欠各多至二百餘萬兩疲玩尤甚該省督徵不力之督撫藩司均著嚴行申飭其積欠自百餘萬數十萬至數萬兩之福建直隸廣東浙江江西甘肅河南陝西湖北湖南等省各督徵不力之督撫藩司均著傳旨申飭自此次奉旨之日著督率所屬實力催徵毋任延玩拖欠一經徵有成數即行報部撥解並著戶部於每歲年終將各該省積欠原數若干已完若干未完若干詳悉開單具奏以報解之多寡分別飭議以重國課而昭覈實將此通諭知之○賞看守黃土坎等五處行宮弁兵半月錢糧○是日駐蹕張三營行宮○己未

上行圍○是日駐蹕阿圭圖御營○庚申上行圍○是日駐蹕海拉蘇台御營○辛酉上行圍○諭內閣據吉綸玉麟奏酌籌查辦稅務情形一摺崇文門稅務從前徵收課額並

無缺少近年何以遽形短絀吉綸等所奏白役冒充海巡勾通透漏等弊自係實在情形從前正副監督因家丁人少稽察難周吉綸玉麟現任步軍統領左翼總兵並管稅務所屬兵役人衆足數查察著即分飭周巡將冒充海巡之白役人等嚴拏懲辦如有私收私故及藉端訛索等弊一併嚴懲崇文門稽查稅貨地面多係京營所轄即著該管營汛官員分任巡查之責將來吉綸玉麟任滿後更換監督亦著照此辦理○諭軍機大臣等據

留京王大臣等奏審訊長蘆鹽法斤兩浮多一案提訊原鑄匠頭高文瑞供稱此項加重法馬係於戶部較準發領之後工部書吏韓泳昌帶同天津運司衙門書吏靳維安囑伊將小法三塊加重另鑄許給銀一百兩除先後付銀七十兩外尚有銀三十兩未給存有借票為據現在查起屬實當即飛提靳維安並嚴拏韓泳昌俱尚未到案等語除即降旨

祥紹將靳維安一犯趕緊拏解並查抄家產外高文瑞係應官匠役聽從靳維安賄囑私鑄加重法馬伊冒法舞弊其所得贓銀恐尚不止此數或私鑄後每年天津商人尚有另行寄與贓銀著再行嚴切根究至靳維安係天津運司衙門書吏鹽法加重未必止係該犯一人獲利自係商人轉託通謀著於該犯解到時嚴加根訊是否係值年綱總樊宗澄一人私囑抑係衆綱總公同賄囑其給與鑄

匠高文瑞之銀係何人所出如係樊宗澄所為樊宗澄已故著即嚴訊樊宗清以樊宗澄當日辦理此事查有圻是否知情務須徹底究明毋任稍有匿飾致令正犯漏網此人手眼最多王大臣及承審司員須存天理勿徇情面國法森嚴慎之並訊明加重鹽斤所賣利銀該商等係如何按股侵分務得確數訊明即迅速先行奏聞其工部書吏韓泳昌一犯著即嚴拏歸案審擬又另片所請將商人

李偉遠曰瑜二名先行釋回。並將患病未到之宋思德查魯勤二人暫免起解。以資辦運之處。著依議辦理。將此諭令知之。○是日駐蹕胡魯蘇台御營。○壬戌。

上行圍。○諭內閣。鐵保等奏審明阿克蘇錢局積弊。先將現案人犯按律定擬。並將局書解部以憑質對一摺。此案阿克蘇局員舞弊情由。經鐵保等訊明。那彥寶范建豐家人俱經得受陋規。范建豐前經革職審問。今訊明並

無知情入己情弊。祇係失察家人犯贓。本應與那彥寶一同交部議處。但伊二人均係曾經獲咎棄瑕錄用之人。今復於該處錢局積弊毫無覺察。又不能約束家人。其咎較重。那彥寶范建豐均著交部嚴加議處。范建豐著即來京聽候部議。遊擊達祥明知官成等有餽送情弊。匿不稟揭。且與該管大臣家人往來實屬溺職。著即革職。無庸再交部議。其前任局員達冲阿已滿書吏羅洪基及那彥寶

家人王姓著於楊恩珍解到後刑部審訊明確分別定擬。再將此案各犯罪名一併覈議具奏。○是日駐蹕那爾蘇台梁西山根御營。○癸亥。

世宗憲皇帝忌辰。遣官祭

泰陵。○旌表守正被戕河南陳留縣民呂正女呂氏。守正捐軀直隸獻縣民盧守業妻張氏。○是日駐蹕都木達烏拉岱御營。翼日如之。○甲子。

上行圍。○刑部奏訊擬高六毒斃韓貴興一案。得旨此案高六因圖占韓貴興家產謀毒斃命。致令韓氏絕嗣陰險已極。到案後復狡供卸罪。致韓貴興屍骨慘遭蒸檢。又於謀毒韓貴興之時。將趙幅兒誤行毒斃。慘傷二命。按律斬決。尚覺情浮於法。高六著即處斬。仍加梟首示衆。張寬身充大興縣仵作。孫成寢因慮武清寧河二縣仵作不諳檢骨。特調取前往該犯聽囑得贓。不但不據實檢驗。竟將屍

身割卸。用藥物久資。令毒痕脫落。骨殖殘毀。以致承審各官被其欺朦。俱罹罪辜。張寬一犯。險惡已極。不得以贓未滿貫。稍從寬減。張寬著改為絞候。入於本年朝審情實。餘依議。

○乙丑

上行圍○諭軍機大臣等。松筠等奏。續經會勘彰武臺邊門外養什木河牧廠閒地。可移住旗人。並籌辦大凌河西廠先行試墾各緣由。一摺。盛京移駐旗人一事。現在經費不敷。實

不能辦理。前次松筠等奏到會勘大凌河牧廠地畝情形。已有旨詳晰指示。松筠等仍遵照前旨。毋庸勘辦。亦不必繪圖呈覽。其所稱大凌河西廠東界一帶。於大道附近之處。酌墾田數十頃。於今冬雇夫翻犁。來春給以籽種。先行試種一節。該處既有可墾之田。著該將軍等。即雇夫試種。如獲有秋收。陸續開墾。其所交糧石。即於附近存貯。亦可留為將來添贍旗人之用。將此諭令知之。○以江寧布

政使胡克家為安徽巡撫。浙江按察使陳觀為江寧布政使。江蘇淮海道楊馥為浙江按察使。○于故安徽巡撫錢楷祭葬如例。○是日。駐蹕巴彥布爾哈蘇台御營。○丙寅。

上行圍○是日。駐蹕巴彥溝御營。○丁卯。

上行圍○諭內閣。吉綸等奏。閒散宗室麟鑑。將官廳槍架板壞。經步軍校拏送。詢據供稱。因欲移駐盛京。恐宗人府不派。是以將槍架板倒等語。朕因八旗閒散宗室。支派繁衍。生計

維艱。是以降旨。令和寧等於盛京地方。酌量建蓋房屋。挑派閒散宗室前往居住。照舊給與錢糧。並另行籌撥田畝。以為添補養贍之需。原以優待宗室。裕其生業。俾日習陪都淳樸之風。藉資造就。將來挑派時。亦擇其食指衆多。家計艱窘者。先行派往。並非專取素不安分滋事獲咎者。押往安插。致令加惠宗室之舉。鄰於發遣也。乃宗室麟鑑。欲移住盛京。慮及宗人府選派不與。輒將官廳槍架板倒。

冀因獲罪遣往實屬不知主恩糊塗膽大若俱效尤成何事體必須嚴辦以杜流弊麟鑑著交宗人府會同刑部嚴行究訊審明後即奏請在京園禁不准發往盛京將來園禁期滿宗人府遇挑派宗室移住盛京之年所有伊全家子弟永遠不准挑往○又諭御史朱澄奏鹽商現任戶部司員請酌立迴避章程並令交完積欠一摺戶部總司各省鹽法自不應令鹽商任本部司員致啟交通之弊現任戶部員外郎查元偁著即迴避開缺另選別部嗣後凡現充鹽商者俱令呈明不准選補戶部司員以昭限制至該御史所奏查元偁現充當蘆商其引名下應交積欠勒令先行如數呈繳一節現在審訊法馬加重一案俟審明後再行覈辦○又諭色成額身係滿洲曾充馬甲即因家口衆多貧苦難度希圖得差養贍亦應繕寫清字呈詞向本管官懇訴乃私寫漢字黃摺潛進哨內叩關其呈詞

俚鄙不經實屬謬妄本應照擬發遣惟念伊年逾六十家口共有三十餘人若將伊一人發往吉林其全家仍留輝罕益致困苦流離老幼失所色成額著同伊全家一併移駐吉林歸入本旗其子孫內本有錢糧者著該將軍仍按照原舊差使挑補錢糧俾資養贍吉林為根本之地伊全家到彼濡染樸儉舊習仍可勉力當差以圖上進至園場總管安福失於查察本有應得之咎但念園場地方遼闊色成額又係閒散一時稽察未周著免其察議罰伊出銀三四十兩賞給色成額以為全家移徙之費○命內閣學士文孚光祿寺少卿費錫章馳往貴州審案○以故鄂爾多斯扎薩克郡王什當巴拜子巴保多爾濟襲爵○是日駐蹕鄂爾楚克哈達御營○戊辰上行圍○諭內閣溫承惠奏請將鉅鹿縣改為繁缺一摺該督前請將鉅鹿與永清二缺繁簡互換部議因與順天府所咨意見兩歧奏

請飭令另行妥議。茲該督復以鉅鹿情形緊要。請改為繁缺。並稱通省繁缺州縣內無可酌改。請免其改簡。互換等語。直省州縣缺分。無論繁簡。總期得人。則治。該督以鉅鹿近有傳習邪教之案。即欲奏請改繁。試思莠民所聚。豈分繁簡地方。若以簡缺例歸部選。則新任人員。如果勉為循吏。加意化導。亦能靖匪安良。若不得其人。即在外題調之員。亦屬有名無實。該督有察吏之責。鉅鹿一缺。既稱難治。其部選人員到任後。如不能勝任。不妨據實奏明。請旨酌調。無庸增易舊額。致礙銓政。○諭軍機大臣等。本日朱理奏遵旨。拏問查有圻解部候審一摺。據查有圻在蘇供稱。伊自祖父以來。辦理長蘆鹽務。江公源係是引名。並非總商名目。伊向來在京當差。素不習諳鹽務。曾經具呈告退。不准。是以託夥友樊宗清馮昶。在天津經辦。現在樊宗清係接充。其兄樊宗澄。綱總之缺。並非託令代充。所有

法馬加重並鹽引數目。伊均不明。悉亦未充。當總商有院司案據可查。所有法馬增重一事。伊何能總攬全綱造謀為首等語。查有圻所供各情。自係一面之詞。但御史李仲昭原奏。指查有圻為通綱造謀之首。稱伊令外司樊宗澄勾通吏役。紊亂權衡。形蹤詭秘。證據難明等語。該御史亦祇係因查有圻家資富厚。又曾任京官。疑其有造謀勾串之事。多係懸揣之詞。亦未能指有確據。此時鹽法加重

一節。已經查明。係書吏匠頭受賄改鑄。樊實顯然。其來京勾串之書吏靳維安。已拏獲到案。即向其根究。當日係何商人賄囑。令伊來京串通舞弊。一有確供。即將樊宗清馮昶及各商總。切實嚴訊。無難水落石出。如樊宗清馮昶當日辦理此事。係聽查有圻主使。或伊等起意。曾與查有圻商謀。皆令一一供吐。舉出實據。若謂伊二人主謀。查有圻並不知情。亦令指出實據。總之此事虛實不難剖辨。伊

等賄囑私鑄法馬之後其加重鹽斤所獲利銀係如何侵分如查有圻每歲分肥得有餘贏則其知情通謀毫無疑義即迅速奏聞治以重典伊將何所逃罪若利銀悉歸樊宗清馮昶等而查有圻竟毫無所得則罪有所歸亦當據實奏明按律辦理查有圻商賈市儈如情真罪當國有常刑若罪狀未明據御史一人懸揣之詞即將伊籍沒轉似因伊家產富饒故入其罪其何以昭情法之平此案王大臣等務當一秉至公勿徇情面嚴密追究不可使正犯漏網亦當詳慎持平不可胸有成見致有屈抑庶定案方成信讞也將此諭令知之○命詹事府少詹事蔣祥墀為奉天府府丞兼學政○緩徵山東歷城章邱齊河齊東濟陽臨邑長清禹城德平原肥城東平東阿惠民青城陽信商河蒲臺滋陽寧陽汶上陽穀壽張嶧荷澤鉅野鄆城濮范聊城聊城堂邑博平茌平清平莘冠高唐恩文登臨

清夏津武城濟寧金鄉嘉祥魚臺平度昌邑濰高密壽光安邱五十三州縣並德州濟寧東昌三衛水災旱災新舊漕糧額賦○是日駐蹕達彥梁壯口御營○己巳上行圍○遣官祭賢良祠○諭內閣本年哨內牲獸稀少行圍時圍外捕獸者較多看來並非草生缺少皆由行圍時領燾大臣及管圍大臣廢弛未能設法圍護以致牲獸逃逸且於朕未上圍以前伊等隨意迅速行走至朕進圍時又不令兩翼人等嚴密圍管有心縱獸俾圍外人射獲跪呈希圖邀賞所有本年行圍領燾及管圍大臣蒙古王公等應得賞項均著減半賞給由京隨扈之管圍大臣侍衛官員等俱著罰俸半年以示懲誡以下四圍僕再如此疏忽必當從重治罪○是日駐蹕伊綿溝御營○是月直隸總督溫承惠因諭令伊弟溫承志赴署探視奏謝得旨得人則治用人尤難如吳兆熊等皆小有才而心

不正之輩必致債事大約能辨其為公為私
即可不受其欺飾矣勉之○山東巡撫同興
奏興修行宮座落得旨各處行宮均不過一
宿而已所有遊廊山石山洞廠亭水池等項
俱停辦理止用正殿寢殿照房耳房廂房羣
房樣式如南石槽行宮之類若能一處節省
三四萬兩十處即三四十萬矣勉力遵循毋
為屬員搖惑誌之○按察使銜福建臺灣道
糜奇瑜奏報抵任得旨公正廉明敬慎勤敏
此八字時存於心則思過半矣如遇奸民煽
惑之事寧嚴毋縱水濡民玩所損者大誌之
勿忽

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百六十

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百六十一

裴修 魏城官廨庭日講起居注官太子太傅武英殿大學士文淵閣領閣事稽察欽奉
上諭事件處管理工部事務翰林院掌院學士

陞帶加級尋常加四級臣曹振鏞隨職官李永傑文淵閣大學士官理刑部事務加五級臣戴均九題遵日講起居注官太子少保內大臣文淵

閩提舉閣事稽察敘奉 上諭事件處協辦大學士部尚書翰林院掌院學士教習庶常主簿管內務府大臣鍾黃旗滿洲都統崇

統領管理戶部三庫奏事處苑驛園等處總理三程處御茶膳房御藥房太醫院西洋堂事務軍功加三級隨帶加二級尋常加主戰紀錄十

次英和經廷議官太子太保禮部尚書上書房行次武英殿總管管理國子監事務加六級隨帶加二級紀錄四次直隸巡撫等奉

救修

嘉慶十七年壬申九月庚午朔

上行圖○諭軍機大臣等汪志伊等奏據海壇鎮總兵孫大剛稟稱匪犯吳屬差夥匪前來稟懇投首願先將妻兒親屬人等投請管押該匪俟我尋竄散二船之後即親來呈繳礮械船隻全幫投首等語海洋匪犯本係內地良民甘心出洋為盜殺害人口劫奪貨財甚至抗拒官兵實屬罪大惡極乃近日習為狡謀如官兵緝捕疏懈伊等連幫竄劫毫無忌憚一遇官兵追捕緊急即投首乞哀以為曲

全身命之地。此等匪徒狡詐性成。即自首後亦難保其不故態復萌。從前辦理海盜投誠各案。原屬一時權宜之計。今吳屬投首一事。經汪志伊等駁飭多次。該犯將其妻兒親屬人等先令上岸聽候管押覈辦。似尚出於真誠。該犯稱俟我尋覓散二船。定於八月十六十七等日。至竿塘洋面呈繳礮械船隻。此時計已投到。著該督等察看。如情狀謊詐。尚有遲疑邀重之意。仍即威以兵力。痛加勦戮。若

真心悔過俯首受罪則該督等於訊取供詞時諭以爾等聚衆肆劫本當問擬凌遲姑念悔罪投誠僅能奏明免其一死不能別有希冀該督等一面將其礮械船隻等件照例驗收分撥一面將首犯問擬發遣黑龍江等處其餘各夥犯亦查明分別安插妥為辦理不可意存姑息將此諭令知之○戶部議覆署山西巡撫銜奏稱大學士會同戶部議覆侍郎阮元奏吉鹽引額八萬七千五百道准

令河東商人認辦即以吉鹽六十四廳州縣
行引之地歸於該商一體行運潞鹽等因查
河東鹽池僻處省南所食蒙鹽土鹽之陽曲
等六十四廳州縣遠居省北今以河東之商
復令兼辦無論道險途長成本必貴而民間
素食賤鹽斷不能強令食貴懇將六十四廳
州縣向食蒙鹽土鹽之地仍循其舊所有潞
鹽加增餘引八萬七千五百道歸於現行潞
鹽引地行銷又原請加增活引實緣現行引
地暢滯不一若令運商按地一律酌加則暢
行地方不患難消而滯消之地必致賠累所
有現加餘引請察看何處暢消趕緊配運課
額仍無流弊至寧夏道既無應辦鹽務無庸
再兼鹽法此外磴口運判鹽大使吉蘭泰大
使河口大使等四缺應俟吉鹽運竣即行裁
撤等語應如所請從之○以直隸督標中軍
副將音登額為宣化鎮總兵官○鑄給直隸
八溝營叅將守備建昌營赤峯營都司朝陽

營守備關防從總督溫承惠請也○是日駐
蹕案巴究溝口御營○辛未
上行團○是日駐蹕烏蘭哈達南御營○壬申
上行團○是日駐蹕伊遜河東御營○癸酉
上行團○是日駐蹕六道河御營○甲戌
上賜蒙古王貝勒貝子公額駙台吉等食○諭
軍機大臣等據松筠等奏酌擬移往盛京宗
室房屋現擇於小東門外東北里許按照健
銳營規式共建仰瓦房七十所內除五十五
戶宗室居住外尚餘住房十五所等語盛京
移往宗室房屋共有七十所前經擬定移住
之宗室祇有五十五戶餘房十五所日久空
閒勢必漸就彫朽現在閒散宗室內可以移
往者尚多著綿課等再公同酌擬添派十五
戶共成七十戶屆期一同派往可也將此諭
令知之○給移住盛京宗室每戶田三十六
畝從欽差協辦大學士松筠等請也○是日
駐蹕張三營行宮○乙亥

上御行殿勾到雲南貴州廣西新疆情實罪犯
倖決雲南斬犯一人絞犯五人貴州斬犯八
人絞犯十人廣西斬犯二人絞犯五人新疆
斬犯五人餘一百六人予勾○諭內閣廣東
按察使溫承志前在道員任內隨同總督百
齡辦理洋盜甚為出力經朕擢任臬司並加
恩賞戴花翎此次前來熱河陞見召對數次
見其人頗明白能事方資任用陞辭時令其
順道看視伊兄溫承惠茲據溫承惠奏伊弟

在伊署內患病身故殊為可憫溫承志職係
臬司例無應得卹典其子溫啟熊係候選員
外郎著加恩俟服闋後以員外郎即用○熱
河都統毓秀奏正紅旗馬甲恭訥春率賊偷
砍圍場木植得旨此案正紅旗馬甲恭訥春
身係圍場官兵本有巡查緝匪之責膽敢帶
領賊犯多名私進圍場偷砍木植已屬目無
法紀迨官兵將該犯等捕獲八名及車二十
三輛復有賊匪多人乘夜奪回竟敢拒傷官

兵九名並有受傷身死者不法尤甚且八月
二十五日正在朕行圍期內木蘭重地如此
防範不密廢弛已極總管安福著交部議處
右翼翼長巴達朗貴著交部嚴加議處現在
恭訥春業已逃逸其夥賊姚祥傳亦查係多
倫諾爾民人其餘各犯諒亦多係附近匪徒
著派熱河道明山即日親赴圍場西界及多
倫諾爾一帶督率兵役嚴緝案犯並著古北
口提督喜明察哈爾都統貢楚克扎布副都

統本智一體派員協緝該賊犯供有住址姓
名並有隨帶車輛諒難遠颺務期全數弋獲
毋任一名漏網獲犯即迅速解交刑部嚴審
定擬具奏其派往巡察馬甲十一名能立時
捕獲賊犯八名尚屬勇往所有被賊拒傷之
馬甲九名內那木達克因傷身故著施恩賞
給銀三十兩其餘八名每人賞給銀五兩那
木達克之子並著賞挑馬甲如無子嗣即於
伊兄弟親丁內挑補尋議上得旨已達朗貴

降四級調用。安福革副都統職銜。以三品頂帶。仍帶降三級留任。○封陝西大荔縣九龍廟龍神為

昭靈普潤龍王之神。從巡撫董教增請也。○調河南按察使趙宜喜為廣東按察使。以河南開歸道諸以謙為按察使。○戶部議准升任浙江巡撫蔣攸銛疏報仁和象山二縣開墾沙地蕩田一百九十二頃六十六畝有奇。照例升科從之。○是日駐蹕波羅河屯行宮。

○丙子諭內閣。給事中甘家斌奏酌議實行保甲八條。請交部妥議一摺。保甲所以弭盜詰奸。為歷來奉行良法。該給事中所奏各條。亦祇係遵守成規。無庸勅交部議。惟是此事編查切近。全在責成牧令。所謂有治人無治法。近來地方官視保甲為虛應故事。雖章程周備。亦屬徒託空言。著通諭各直省督撫。分飭所屬各就地方情形。參酌保甲舊章。認真經理。期於行之有效。毋得以具文塞責。至各

省民風良莠不齊。間有傳習邪教匪徒。惟在地方官隨時查緝。將為首匪犯訪獲重懲。使其餘被惑之徒。共知警畏。從此加以化導。愚民覺悟。頓開自能革面革心。普臻經正民興之治。將此通諭知之。○以失察家人得受錢局陋規。革喀什噶爾叅贊大臣范建豐職。降鑲白旗護軍統領那彥寶為二等侍衛。○以鑲黃旗漢軍副都統扎郎阿為鑲白旗護軍統領。戶部左侍郎景安兼鑲藍旗滿洲副都

統。總管內務府大臣和世泰兼鑲白旗漢軍副都統。○是日駐蹕中關行宮。○丁丑上詣

永佑寺行禮。○諭軍機大臣等。據汪志伊等奏。審訊已革護總兵事副將項統尚無畏蕙。玩縱情事。惟緝捕不力。請旨在海口先行枷號三箇月等語。所辦非是。項統率領兵船在所轄洋面巡緝。因半年之內未據追獲一船。報擒一犯。以致吳屬匪船在境疊劫。前經該督

等叅奏將該員作為兵丁責令緝捕自贖因恐該員尚有玩縱情事當經降旨交該督等嚴審該督撫審辦此案自應訊明罪狀按律問擬儻該革員情罪較輕亦不妨據實聲明革職責令効力今該督等率請將該革員在海口枷號三月試思項統以副將護理總兵係屬專閫大員豈微末弁兵可比督撫統轄營伍其標下弁兵遇有獲譴枷杖之事伊等可以自行辦理至於大員間有枷號示警者

則必出自特旨並無常例豈臣下所可輕擬此端斷不可開恐啟文員陵轢武職之漸汪志伊等原摺發還仍交該督等將項統獲罪情節覈其應得罪名按律定擬具奏將此諭令知之○河南河北鎮總兵官仙鶴林因病休致以哈密辦事大臣色克通阿為河北鎮總兵官○建福建臺灣鹿耳淡水等處礮臺三座每座設兵房二十六間從總督汪志伊請也○是日駐蹕避暑山莊至辛巳皆如之

○戊寅諭內閣近日園場特有偷竊木植之案自因地界遼闊稽察不周所致著熱河都統毓秀將園場周遭各地面原設堆卡與官弁兵丁各數目及如何防範巡查之處詳查舊制繪圖貼說並將應否調劑之處一併酌議具奏○福建汀州鎮總兵官滿倉因病解任以山西蒲州協副將王威寧為汀州鎮總兵官○緩徵直隸博野蠡邢河間獻景故城吳橋元氏贊皇邢臺沙河南和平鄉鉅鹿唐

山內邱任永年邯鄲成安肥鄉廣平雞澤磁閭元城大名南樂清豐東明冀叅強武邑隆平臨城寧晉深滄鹽山豐潤新河龍門延慶四十四州縣水災旱災雹災本年額賦並旗租倉穀有差○己卯

上御依清曠勾到福建廣東情實罪犯停決福建官犯一人斬犯三人絞犯八人廣東官犯三人斬犯十一人絞犯十五人餘一百十人予勾○庚辰旌表守正捐軀四川邛州民秦

世俸妻王氏崇慶州民沈國佑妻旦氏○辛巳

上詣

永佑寺行禮○諭內閣貢楚克扎布等奏請於察哈爾左右兩翼各派總管一員每旗各派兵四十名緝捕搶劫蒙古商人物件賊盜等語察哈爾八旗遊牧處所地闊賊多若緝捕兵少不惟無以示威轉致賊人輕視自應多派官兵嚴緝但僅令二總管帶兵三百餘名

常川搜捕設約束不嚴轉致滋事嗣後察哈爾遊牧處遇有搶劫之事著貢楚克扎布等即按照報出賊數酌派官兵迅速嚴緝儻賊中有敢拒捕者即持械懲辦庶賊衆畏懼不敢搶掠矣至所派官兵即照貢楚克扎布所奏給與盤費○移河東中河通判銜署駐中牟堡從河道總督李亨特請也○緩徵河南湯陰臨漳安陽內黃林武安汲新鄉輝淇濬孟津十二縣水災旱災新舊額賦○壬午

上自避暑山莊迴鑾○詣

城隍廟拈香○遣官祭

都城隍之神○是日駐蹕喀喇河屯行宮○

癸未駐蹕常山峪行宮○甲申遣官祭

歷代帝王廟○諭內閣松筠等奏查勘

永陵前面河工情形會同商辦緣由一摺據稱

恭查

永陵右方鹿角迤外舊有石隄現屆深秋水落之時石隄外尚有積水長十餘丈亦須填墊

石去猶舊栽柳又石隄西首鹿角外僅餘地一丈亦有積水此一段亦宜填墊毗連石隄

永資鞏固將擬辦緣由繪圖呈覽請旨等語

永陵前面河工前此和寧等原奏祇將南岸河

身挑淤北岸築隄一百八十五丈今據稱

陵西小河一道夏日水長之時衝汕大路三段

湊長二百九十一丈行人多由

陵西鹿角旁行走實非慎重之道伊等詳查舊

制亟須修築著即按照舊勢修築護路攔水

小隄以資保障並將街汕道路二百九十一丈逐段排插荆園內填河淤沙石一律修墊平坦俾行人於此往來不致繞踐山脚此項工程著飭令穆騰額率同工員遵照妥辦其需用銀兩即著於漫餘銀兩內動支辦理至所稱附近鹿角有農民數戶在彼開墾地畝亦恐於風水攸關請於漫餘項下給價遷移並將附近官地照數撥還之處均著照所奏辦理又松筠另摺奏查驗

永陵明堂前各項工程一摺

永陵明堂前土岸迤外添修泊岸一道雖釘椿排下荆園而所填沙石未經礮打堅實辦理未免草率著即照松筠所議照例在十里外取土培厚尺餘來春於東西下馬牌內自鹿角木前至新舊泊岸一律排栽樹株並於泊岸周圍培土多為栽柳俾令盤根束土永資保護此項工程著責令穆騰額及該監督等賠修毋許開銷並著於工竣時交和寧等查

驗如再有草率即行嚴叅其將來歲修請於漫餘項下動支修理並隨時補種樹株及每年大雨時派員駐守保護泊岸之處均照所請行即著該將軍府尹等入於交代每年年終將保護泊岸情形具奏一次以昭經久○又諭福克精阿奏西寧辦事大臣衙門主事筆帖式請用加二級頂帶並請將通事頭目六名准帶金頂一摺所奏非是從前新疆甫隸版圖派往辦事章京有暫用加級頂帶者

嗣因該處辦事大臣有私給回目兵丁頂帶之事改定章程通飭不准私用加級頂帶著為定例至西寧尤屬內地福克精阿甫歷外任率請將該衙門主事筆帖式賞用加級頂帶此端一開若各處紛紛瀆請殊乖體制福克精阿受人慫恿妄意市恩糊塗膽大所請不准行並著傳旨申飭仍交部議處至通事頭目六名請賞戴金頂亦屬過多著准其於通事頭目中擇其能事出力者賞給金頂

二名作為定額遇缺揀補以昭限制尋議上得旨福克精阿著革去副都統降為頭等侍衛仍留西寧辦事大臣之任○是日駐蹕兩間房行宮○乙酉

上御行殿勾到四川情實罪犯停決斬犯三十人絞犯三十五人餘一百四十四人予勾○命五城於冬春二季設廠煮賑○緩徵湖南澧州被水災民新舊額賦○是日駐蹕要亭行宮○丙戌諭內閣朕於嘉慶二十年再

涖陪都恭謁

三陵所有沿途經由行宮橋座及廟宇各工皆應先期修整前次詣盛京時曾賞發差費銀三十萬兩此次仍照舊賞給即於天津運庫鹽斤加價項下撥發銀三十萬兩交該督豫備工需俾得從容經理○又諭溫承惠等奏籌議建昌新營事宜一摺著照所議辦理所有現在另行召募之兵丁既由鄉地舉保該督等務飭各地方官切實查覈擇其居住年

久及有眷屬誠實可靠者方准加結移營並督率該營將弁等時加訓練俾技藝精嫻以收禁暴詰奸之效毋得有名無實虛糜糧餉○又諭據蔣攸銑奏廣東副將世襲一等男吉郎阿呈稱伊父書麟名下續有分賠代賠銀二款計二千八百餘兩懇將伊男爵俸銀全行扣繳以清帑項一摺書麟歷任封疆清聲昭著伊身故後一應賠項俱經加恩豁免茲據伊子呈明由部咨追二款仍係書麟總

督任內代屬員續攤分賠之項著將此兩項銀二千八百餘兩加恩全行豁免無庸於伊子名下扣繳以示體恤○建安徽新設潁州營守備衙署駐蒙城縣從原任巡撫錢楷請也○復廣東南雄府為州並裁復設保昌一縣增嘉應直隸州州同吏目學正各一員從總督蔣攸銑請也○緩徵廣東鎮平縣白馬等五鄉水災本年額賦○是日駐蹕密雲縣行宮○丁亥諭內閣福長安奏湯泉苑丞五

雲懇恩賞給六品銜一摺奉宸苑南苑三山等處苑丞俱有賞給六品職銜者湯泉苑丞五雲當差年久著加恩賞給六品職銜仍食八品原俸嗣後該處苑丞一缺著即照奉宸苑等處之例以六品頂帶食八品俸作為定額○喀什噶爾幫辦大臣靈保緣事降調以哈密辦事大臣玉福為喀什噶爾幫辦大臣三等侍衛慶長為哈密辦事大臣○是日駐蹕南石槽行宮○戊子

上還圓明園○詣

安佑宮行禮○改江蘇海州營遊擊為叅將移南汛把總駐大伊山外委駐龍溝撥漕標左營都司一員千總把總各一員外委額外委各二員兵二百名駐錢家集歸海州叅將管轄並撥守備把總各一員外委二員額外委一員兵九十七名駐揚州歸遊擊管轄仍添設揚州營千總把總外委各一員額外委二員兵二百名均改歸督標從總督百

齡請也○己丑賑雲南祿豐縣被水災民並免沙壓田畝本年秋糧及條公銀○庚寅上御洞明堂勾到陝甘奉天情實罪犯停決陝甘斬犯十人絞犯十六人奉天斬犯三人絞犯九人餘九十九人予勾○諭軍機大臣等伯麟等奏查明土目張輔國上年滋擾土司地方情形現在各土司懇請緩辦緣由一摺土目張輔國上年縱令猺衆滋擾各土司地方該督等奏請籌辦經朕指示令先行飭調

該土目來省若該土目抗違不至再行派令各土司厚集土練會剿今據奏稱現在孟連耿馬二土司因緬甸戛于腊構釁牽練防堵邊境不能專力商辦而接壤之車里土司亦有防範緬甸戛于腊之事未能分練協剿自應如該土司等所請暫緩辦理著該督撫等留心防範俟各土司沿邊地方安靜無煩防守之時仍遵照前旨飭令土目張輔國來省此時該督等摺內所稱張輔國素性狡黠自

知稔惡札調必畏罪不來亦祇係逆料之詞若彼時伊遵諭前來該督等即將該土目不能約束所屬任令滋擾之處明白宣示治以應得之罪自可無須兵力設若該土目顯然抗違竟不前來其時各土司邊境無事正可檄調土練會同進剿則名正言順於事機亦甚合宜不難一舉殲除也將此諭令知之○增湖南保靖縣苗童學額一名從學政湯金釗請也○辛卯

上幸萬壽山○成親王永理等奏會同比兌法馬嚴審定擬一摺得旨此案私換加重法馬情節經王大臣等審明係網總樊宗澄起意賄屬舞弊實為此案罪魁設該犯尚在自當從重治罪現已身故其家產並已查抄著無庸議其長蘆網總及衆商人明知偽法加重夥同侵用餘利隱漏國課本應一律照擬治罪姑念承辦引課人數衆多未便一時全易生手所有各網總及衆商人凡曾經侵用餘

利者著將職銜頂帶全行褫革其應得罪名俱著加恩寬免仍責令照舊充商如再不實力辦公定當加倍治罪其應追罰繳銀兩著照王大臣所議交長蘆鹽政勒限追繳查有圻此時亦著暫緩發遣伊名下各處資產免其查抄概無庸看守責令上緊措繳官項俟全數完納後該鹽政再行奏明請旨餘依議○賞前任貴州威寧鎮總兵官烏爾泰奏二等待衛為烏魯木齊領隊大臣○緩徵福建

武平縣水災本年額賦○壬辰諭軍機大臣等百齡等奏黃河水勢未能消落籌畫減黃助清訂期啟壩一摺本年李家樓壩工合龍之後河流順軌海口深通黃河兩岸大隄又俱保護平穩再能清水暢出刷黃則全河積病漸除實為極好機會乃陳鳳翔不知以蓄清為要於湖水並未旺長之時輕率自用任性妄為即開放智禮兩壩迨禮壩土舌椿木俱已衝動又因循怠玩猶不上緊堵閉以致

湖水旁洩過多下游民田廬舍均被淹浸河員職任宣防若天時風雨隄埝搶護不及已有應得之咎此次開放禮壩實因人事之乖失誤機宜既於河工有礙復災及數郡貽害生民陳鳳翔之罪甚重實堪切齒痛恨上致君憂下貽民禍即正法亦不為枉陳鳳翔著再加號兩箇月俟限滿疏枷請旨再辦並傳諭通工大小員弁再有似此貽誤者更較陳鳳翔加重治罪俾各怵目警心共知悚惕現在節候已交霜降開壩過船不能再遲而黃水尚高湖水九尺有餘恐倒灌勢猛不能不多籌減助之法其祥符五瑞二閘著相機妥為開放並疏導低窪灘地積水歸湖稍資挹注該督等務各慎重辦理俾回空糧艘不致遲滯而河湖亦不致受於增壅為要將此諭令知之○賑江蘇高郵興化甘泉寶應西州縣被水災民蠲緩高郵興化甘泉寶應泰東臺清河山陽阜寧桃源鹽城安東江都宿遷

蕭沐陽十六州縣並屯坐各衛水災旱災新舊額賦○癸巳
上御洞明堂勾到湖廣浙江情實罪犯停決湖廣斬犯十四人絞犯二十八人浙江斬犯二人絞犯七人餘九十一人予勾○鑄給安徽壽春營分駐鳳陽守備印從原任巡撫錢楷請也○甲午
上御勤政殿聽政○諭內閣大學士慶桂前蒙皇考高宗純皇帝簡用在軍機大臣上行走朕親政以來復令入直內廷十有餘年夙夜在公奉職勤慎今年近八旬步履遲鈍每日趨直樞庭朝入暮歸高年精力殊非所宜慶桂著不必在軍機大臣上行走輪班赴內閣閱本其所兼文淵閣領閣事管理戶部及正黃旗滿洲都統均仍其舊伊所兼領侍衛內大臣現已開缺著仍授為內大臣嗣後遇所管部旗引見人員均無庸帶領每屆直日奏事之期遣人呈遞膳牌於辰刻以前進內豫備

召見如是日精神稍倦即無庸前來以節勞
勩或自揣體氣稍健即非奏事之期閒隔數
日進內呈遞膳牌亦無不可慶桂所管事務
既簡庶得頤養延齡用副朕體恤老臣之意
○吏部奏各館供事等議敘章程一摺得旨
吏部奏酌定議敘章程各款俱著照所議行
內辦工書算人等不准照膳錄議敘請照供
事應得職銜選用一條仍未允協工程書算
人等與匠役無異不但與膳錄繕寫書籍從

事翰墨者難以比例即照供事選用官職亦
屬非倫嗣後如有當差勤慎者著管工大臣
酌量獎賞無庸奏請議敘○命協辦大學士
吏部尚書松筠仍在軍機大臣上行走為國
史館總裁官刑部尚書崇祿為會典館副總
裁官○以大學士勒保兼正白旗領侍衛內
大臣○以江西按察使何銑為甘肅布政使
陝西督糧道盛惇崇為江西按察使○乙未
上幸靜明園○諭內閣曹師曾奏慎選賢能以

重京察一摺京察為考績鉅典舉劾悉東大
公方足澄清仕路明年又屆舉行計典之期
各堂官於保舉一等人員務當慎重遴選迨
引見記名後復令出具切實考語以備簡用
道府尤當加意甄別擇才守兼優之人登諸
薦牘不得以尋常供職者濫保充數用副朕
慎簡賢良之意○兩江總督百齡河東河道
總督李亨特奏報秋汛安瀾在工出力員弁
下部議敘○丙申

孝慈高皇后忌辰遣官祭

福陵○以總管內務府大臣徵瑞為正黃旗蒙

古副都統○丁酉

上詣

大高殿行禮○還宮○諭軍機大臣等成寧等

奏訊辦偷砍園場木植奪犯傷兵人犯情形

一摺恭訥春一犯係園場馬甲不惟縱賊不

拏轉帶領賊犯多人偷砍木植不法已極定

案時自應問擬死罪又姚祥一犯本係商同

恭訥春偷砍木植之人該犯被拏脫逃後復起意糾約多人逞兇奪犯迨官兵追緝該犯又率同匪夥拒捕傷斃官兵種種兇惡情形目無法紀亦應定以死罪此二犯將來應解往西柵地方先加重責再行正法該犯等獷悍性成屆時應多派熟河官兵嚴加管押並派明山安福二人前往監視此外各犯內如訊出傷斃官兵之人亦應按律重擬不可姑息如別無罪應至死之犯除分別定擬外亦

先應押赴圍場附近各處均枷號數月俟滿日加責後再按律辦理俾各該處人人怵目知儆所有未獲各犯並著嚴拏務獲勿任漏網將此諭令知之○緩徵山東平陰陵觀城邱四縣並臨清衛東平所旱災新舊額賦○以孟冬時享

太廟自是日始齋戒三日○戊戌

孝敬憲皇后忌辰遣官祭

泰陵○賞廣寧門外普濟堂煮賑小米三百石

○己亥諭內閣前日據舒明阿奏拾獲匿名揭帖控告健銳營翼長祥保等因虧空庫項將出借兵丁紅白銀兩議改章程一案當派松筠等會同刑部審訊茲據訊明此項健銳營庫貯銀兩前因兵丁指稱紅白事故濫借濫應扣款過多以致公私皆形支絀該兵丁借用後每月坐扣本利又公攤無著賠項所領錢糧漸少生計亦致拮据上年經管理健銳營之王大臣等奏改章程借帑調劑洵為

正辦於兵丁大冇利益舒明阿派管健銳營事務在議改章程之後伊若以此項銀兩仍以借給兵丁為便應向同管營務之王大臣會商具奏設眾人議論不合伊即自據己見奏明請旨覈辦亦無不可乃伊於本年六月先向翼長祥保諭令將庫銀酌議照舊支借該翼長以奏定章程不敢擅改稟覆舒明阿仍必欲飭令遵辦於本月操演兵丁時復對眾揚言將該翼長申飭是其意專欲於眾兵

丁前見好市恩以致在旁聞知者心生覬覦旬日之間遂有投遞揭帖之人假稱公議以冀遂其私圖舒明阿沾名邀譽招致浮言舛無可辭除將本案再行研究外舒明阿著先行交部議處○以右春坊右贊善朱士彥署日講起居注官○緩徵兩淮板浦中正臨興三場被水竈戶新舊額賦○是月四川總督常明奏籌定編查漢民私佃夷地章程一查夷地在萬山之中佃耕漢民各自成家相距數里十數里不等勢難編連十甲一牌但所佃之地各有業主如係土司地方即以土司為綱列佃耕漢民於後夷人地方即以夷人為綱列佃耕漢民於後各以道里遠近挨順編連將戶口填入牌內如有在彼窩匪滋事者同牌之人赴地方官呈首償該佃民情願搬回內地責成土司夷人投明立案准其退佃註冊但不准將所佃之地轉佃他人土司夷人亦不得將所退出之地再招漢佃違者

照私入夷地例治罪夷人一律究懲若土司有蹈前項情弊更當從嚴懲治一查寧遠府西昌縣之缺前以地方緊要奏請改為在外題調之缺惟該府所屬州縣地方遼闊耳目難周必須有分駐之員方可就近稽查彈壓除原設之縣丞巡檢等官應請移駐外尚須添員之處即於通省額缺內照例裁抵擇要添安以期防範一查建昌各營從前分別汛地原為防邊而設今汛地之外增添場市防邊汛地轉在場市以內現在編連保甲責重巡防須擇扼要之區將原安各營汛移查分撥駐劄以資控制得旨此皆汝應辦之事持之以久行之以勤毋託空言為要

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百六十一

平泉表書卷五

未

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十二

監修總裁官題曰請起居注官太子太傅武英殿大學士文淵閣領閣事務稽察奉
上諭事件處管理刑部事務翰林院掌院學士陸

常加頭序常加四級臣曹振鏞題奉旨太子太保文淵閣大學士管理刑部事務加五級臣戴均元題遵日講起居注官太子少保內大臣文淵

閣議舉閣事樞密欽奉
上諭事件定協辦大學士戶部尚書翰林院掌院學士散館京堂總管內務府大臣銀黃旗滿洲都統崇

就領管理之部工庫奉宸苑繕補園等處經理程處恭膳房御藥房太醫院西洋藥事務筆劄加三級隨帶加二級尋常加主級紀錄二十

次兵部總議官太子太保禮部尚書上書房行走武英殿總管理園子監事務加六板頂帶加二級紀錄四次直隸巡撫等奉

致修

嘉慶十二年十一月庚子月

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

太朝。

親詣于豐○遣官祭

人彘

田

10

上
月

地 區

与 陵

子東陵

京陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十八年時憲書

○諭內閣松筠等奏覆訊健銳營匿名揭帖

一摺健銳營上年奏改兵丁借款章程借帑

調劑原係有益兵丁之事舒明阿妄意更張

又不敢具奏輒於操演衆兵時揚言市惠以

致召啟浮言昨降旨將舒明阿交部議處尚

覺稍輕舒明阿著改為嚴加議處拉旺多爾

濟丹已多爾濟係管理營務大員於生日收

受該管營員餽送如意亦有不合著交部議

處嗣後凡管轄大臣生日所屬官兵有餽送

如意者著嚴行飭禁委前鋒叅領德福於上

官前有意見好代衆購備禮物著交部嚴加

議處匿名投遞揭帖之人交步軍統領等衙

門一體訪緝務獲究辦尋議上得旨舒明阿

照部議革職加恩留其公爵賞給頭等侍衛

在大門上行走拉旺多爾濟丹巴多爾濟各

罰世職半俸六年免其降調○辛丑

上詣

恩佑寺

恩慕寺行禮○幸圓明園○免直隸安隆平寧

晉新河四州縣積水地畝額賦有差○癸卯

上以萬壽節御同樂園賜王以下文武大臣蒙

古王公及外藩使臣等食至丙午皆如之○

甲辰諭軍機大臣等阿克當阿來京朕詢問

南河情形據稱近年以來糜帑之多由於料

販居奇遇有大工重價購買所費多至數倍

河員胥受其累共深憤嫉等語國家修治河

防以衛民生一切事宜皆係發帑經理絲毫

不假民力其所需柴薪料束亦用帑銀市購

而奸商囤積高其價值轉利於河工有事以

遂其三倍牟利之心揆之情理實為可恨聞

從前河工廳員所領歲修銀兩係於年前秋

冬閒早為按成發給廳員等乘新料將登之際豫先訂買其價所省甚多而料物充足應手亦不致別生他工近年則給發較遲至春工將舉之時料價日益昂貴往往以數斤之價購料一斤層層虧折積累日多且每年所發歲修銀兩由河庫支撥時先儘另項工程之用各廳員既不能及時承領而素與料販交易積有欠項轉不能不受其挾制種種弊端實為河工之蠹著百齡黎世序設法籌畫

當令復還舊制將各廳員應領歲修例帑按照成數及早實發實領俾得乘時購料不致為奸商抑勒至河防閒有險工非例備料束所能敷用不能不倉卒購買以應一時之急百齡等亦當常時曉諭俾商民知以公事為亟勿得貪利忘義致櫻衆怨或能設法查禁俾附近農田所產稻束悉向官廠售賣奸民不得從中包攬漁利令不擾而事易集則更為妥善也將此諭令知之○乙巳

萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子及王以下文武大臣官員蒙古王公外藩使臣等行慶

賀禮○戊申

上辛靜明園詣

龍神廟拈香○諭內閣上年降旨令各都統副都統等每月輪班上城稽察堆撥官兵內除親王郡王御前大臣軍機大臣領侍衛內大臣毋庸上城巡查外其餘管旗大臣均各按月分次上城稽查但思都統副都統內遇有年老之員乘馬登城亦覺未便嗣後都統內有年至七十者副都統內有年至七十五者均著毋庸上城巡查以示體卹均不必來圓明園謝恩○己酉

皇后千秋節宮內行禮如儀停止筵宴及在外公主福晉命婦行禮○庚戌命總管內務府大臣徵瑞馳往天津會同長蘆鹽政祥紹審案○辛亥以正白旗護軍叅領寧慶為鑲紅旗漢軍副都統○命庫倫辦事大臣台斐音伊犁領隊大臣福勒洪阿吹扎布英吉沙爾領隊大臣倭陞額和闐幫辦大臣阿蘭保回

京○以內閣學士鑲黃旗蒙古副都統蘇冲阿

為庫倫辦事大臣頭等侍衛博啟圖塔清阿

為伊犁領隊大臣賞三等侍衛彥吉保二等

侍衛為英吉沙爾領隊大臣二等侍衛慶通

頭等侍衛為和闐幫辦大臣○旌表守正捐

軀廣西永福縣民蔣登雲女蔣氏○壬子命

協辦大學士吏部尚書松筠戶部左侍郎初

彭齡馳赴江南查辦事件○癸丑

上辛萬壽山○以戶部尚書托津署吏部尚書

禮部尚書福慶署理藩院尚書刑部右侍郎

章煦署戶部左侍郎工部右侍郎許兆椿署

吏部左侍郎○甲寅

上詣

安佑宮行禮○乙卯

上詣

大高殿

壽皇殿行禮○還宮○諭內閣百齡等奏營署

箭廳失火焚燬軍裝請將防範不嚴之守備

議處等情一摺著交兵刑二部覈議具奏至該營署失火軍裝被焚係本年六月十三日之事查訊明確分別定擬旬日即可具奏乃該督等遲至數月之久始行奏聞實屬延緩外省辦理地方事件怠玩懈弛即此可見百齡朱理俱著傳旨申飭○又諭長齡奏湖南差弁中途被賊戕劫勒限緝拏先將原摺進呈一摺此案湖南差弁毛超齋摺進京經由河南許州地方與腳夫白德安二人同被劫殺身受多傷非尋常疏縱可比著該撫勒限嚴拏務獲並將地方營汛官嚴叅示儆直省驛路安設墩鋪營房原以稽查盜賊乃近日率皆有名無實致令奸宄肆行為害商旅甚至將齎摺員弁中途戕斃廢弛已極著通諭各督撫嚴飭所轄文武員弁於驛站塘汛認真整頓實力巡緝務使宵小屏跡途途肅清以靖盜風而安行旅○丙辰諭內閣直省驛路通衢設立塘汛亭堠相望即聞有盜賊伏

伺而兵役巡邏聲氣聯絡不難立時擒捕規制最為周密乃近日奉行不力漸就廢弛朕於來往奉使臣等詢問沿途所經據稱營房大半坍塌兵丁駐守巡查者甚屬寥寥寒冬昏曉孤行商旅胥有戒心甚至河南地方竟有戕劫差弁之案若不嚴加整飭則奸宄肆行尚復成何事體向來各省塘汛遼闊之處州縣官並增設更鋪夫役來往梭巡近來相率裁汰不以緝捕為事宵小益無顧忌著通諭各督撫嚴飭所轄文武員弁會同協力籌辦將境內墩汛塘鋪查明一律修整添撥兵役常川守望稽查如有疏縱失事者嚴叅究辦若督撫諱匿不舉查出一併懲處務使戢暴安良共臻蕩平之治○以降調戶部右侍郎陳希曾為內閣學士兼禮部侍郎銜○丁巳吏部議駁兩江總督百齡等請以宿遷縣知縣丁堂調補上元縣一疏得旨丁堂處分在十五案以外又係以繁調繁與例不符其

請調上元縣知縣之處。不准行。朱理百齡俱著罰俸九箇月。嗣後各督撫違例題請升調。經部議駁。並將該督撫議處者。著即另選合例之員具題。儻該督撫藉詞員缺緊要。仍將議駁之員復行保奏。除所保之員不准升調外。仍將瀆奏之督撫。再行交部議處。○戊午。諭內閣。大門侍衛。每逢朕出入。均有前後扈蹕。近御差使其挑選。自應設定章程。以昭慎重。嗣後凡屆挑選侍衛之期。除本處侍衛仍

照例升等外。其餘藍翎侍衛員缺。著於各項拜唐阿前鋒護軍內。挑選帶領引見。不准將馬甲閒散入選。其馬甲閒散內。如有二品以上大員子弟。仍准入選。其三品以下官員子弟。亦不准入選。著為令。○又諭。本日挑選藍翎侍衛。將四阿哥之哈哈珠色。霍托克帶領引見。哈哈珠色例應過十年方准挑選侍衛。茲霍托克僅行走三年。看來明係二阿哥三阿哥儀親王。成親王。大學士慶桂於揀選時。

有意瞻徇。均著傳旨申飭。嗣後挑選侍衛。所有哈哈珠色。仍照例過十年准其入選。未及十年不准入選。○緩徵陝西葭榆林懷遠神木府谷潼關六廳州縣本年雹災霜災新舊額賦。並貸米脂白水澄城三縣災民籽種。○己未。

上御太和殿視朝。王以下文武升轉各官謝恩。○旌表守正捐軀山東東平州民滕大興妻周氏。○庚申。諭內閣。本月十八日。據明志成

格聯銜具奏。現屆軍政之期。分赴保定寶坻等處。校閱駐防官兵。當即召見訓諭。據奏定於二十二日起程。其明志所兼護軍統領。成格所管錢法堂印鑰。並已派員署理。本日明志成格復聯銜遞摺請訓。殊屬重複。均著傳旨申飭。嗣後在京大員出差。俱著於啟程前一二日具摺請訓。召見後各按期前往。毋許重複具摺。○命大學士勒保禮部右侍郎秀寧總管內務府大臣英和校勘。

聖訓清文。旌表守正捐軀山東新城縣民李壯子妻張氏。○戶部議准前任貴州巡撫顏檢疏報涇潭縣開墾田八十五畝。照例升科從之。○辛酉

上詣

時應宮

昭顯廟拈香。○諭內閣各部院設立司員。原令辦理各司事務。以專責成。間有經該堂官派令兼攝者。或因該司事務較繁。令別司官

員兼辦。以資佐理。若兼司過多。則才長者亦恐照料難周。才短者愈致竭蹶罔措。均屬有名無實。非覈實辦公之道。前曾明降諭旨。令各部司員不准兼三司行走。其一人而兼二司者。亦須慎擇。不可冒濫。必該司實在需才。該堂官遴選賢員。俾令兼辦。以資整飭。若因司分之繁簡。與司員之才具。兩不相宜。則奏明對調。較之彼此兼攝。尚為覈實。儻司員中實有才不勝任者。該堂官即應隨時甄劾。以

重職守。不必俟京察之年始行黜退。致滋貽誤。總之設官分職。各有攸司。惟期各盡乃心。斯庶官無曠府事咸修。不必以兼理為長。務虛名而鮮實效也。○諭軍機大臣等。本日百齡等奏籌辦河湖全局善後緊要工程一摺。據稱現在清江浦至雲梯關一帶河底尚高八九尺不等。必須收蓄清水。以期暢出。敵黃而高堰石隄不如從前之可靠。惟有先行趕緊築二隄。以資重門保障。其二隄之外。請另挑

二河一道。以通鹽菜運行之路。現在委員確估請旨遵辦。又五壩減洩之水。由下河歸海。現在各河道皆已淤塞。民田隄堰不修。以致被淹為患。請將下河河道隄堰分別挑築。以通歸海之路。現亦委員查估。請照例分別官辦。民辦商辦次第經理等語。南河受病之源。總因淮弱黃強。清水不能暢出。以致河底淤墊為患。故治河之道。全在蓄清刷黃。此全河緊要機宜。欽承

列聖垂訓千古不易之理必應謹守

成憲至蓄清之道全在高堰隄工今石工率多倒塌一遇湖水盛漲之際岌岌可危清水欲蓄不能遂致壅通五壩淹灌下河而黃河亦因此倒灌目前善後工程自以籌辦堰盱為至亟惟上年伊等先有補還二隄及加做坦坡之說節經降旨令其再加籌商嗣經伊等以二隄費繁欲將築做坦坡之土移之加培大隄添做後戩今復據百齡等奏稱現在五

壩不足以資宣洩大隄危險難恃仍請加築二隄事關重大必須一勞永逸不可不慎重圖維朕思如將大隄修理完整湖水不致外溢則隄防鞏固自較添築二隄為有益若大隄不能修復如舊全恃二隄為保障將來二隄築成設大隄或有疏虞二隄是否能資扞禦均應詳慎籌計著松筠初彭齡二人於查辦事竣即親往高堰一帶詳加體察確實訪詢不必問之河工官弁恐伊等先有成見隨

聲附和惟當向年久河兵及土著老民細加採訪究竟以辦大隄為是以辦二隄為是二河是否應挑確審定議具奏至下河連年被災所有歸海各河道及民田隄堰均應趕緊挑築但此時是否能一律興辦辦成後啟壩放水下游州縣能否全免淹浸並著松筠初彭齡二人前往該處訪察民情與論一併奏聞再行降旨飭辦不可急欲回京將就了事將此諭令知之○予故三等鎮國將軍奕綬

祭葬如例追封輔國公賞銀三百兩治喪○癸亥

上御懋勤殿勾到江西安徽江蘇情實罪犯停決江西斬犯十人絞犯五人安徽斬犯七人絞犯七人江蘇斬犯五人絞犯十一人餘九十三人予勾○諭內閣汪志伊等奏海疆知縣呈請終養懇將該員調補內地一摺彰化縣知縣楊桂森因伊母年老久患目疾遠隔重洋不能迎養懇請終養該督等即應據實

轉奏令其終養以遂烏私今以改補內地知縣實屬違例此端一開將來海疆知縣或烟瘴地方遇有缺分疲難者家有老親皆得援請改補內地易啟規避之漸楊桂森著令其回籍終養汪志伊等所請以該員調補同安縣之處著不准行○甲子諭內閣那彥成奏奏借差包攬騷擾驛站之司員請旨革審一摺向來喇嘛入貢其堪布等進京隨帶貨物均有一定例額尚不准例外多帶至護送官員尤應奉公守法以為倡率今員外郎奇福主事岱清阿私帶貨物一百餘包非自置牟利即係包攬夾帶均應確實根究奇福岱清阿著革職交那彥成嚴審治罪其所帶貨物均著變價入官○又諭常明奏特參貪差不慎解犯脫逃多名之知縣請旨革審一摺此案該縣於管解盜劫重犯並不慎選差役小心押解以至盜犯脫逃至十一名之多非尋常疏玩可比鄧都縣知縣瞿頤署長壽縣事

南川縣知縣張聰慧俱著先行革職交該督提同解役人等訊明有無賄縱情弊分別定擬即訊無別情案犯於限內全獲該縣等疏脫重犯多名其咎較重定案時應加重示懲不准照例開復至案內未經脫逃之李德潮一犯著常明親提研鞫若該犯係案內首犯因鎖禁獨嚴不能逃逸仍按律治罪設該犯與衆犯一律管解疏懈因畏法不敢同逃審明後著於應得罪名酌量減等以示區別○旌表守正被戕河南靈寶縣民趙來成妻劉氏○乙丑諭內閣據瑚圖禮等奏奉旨改為發遣之布魯克巴夷人策忍敦住一犯先因患病未經監禁發交噶布倫及布魯克巴頭人管束現在該犯逃走未獲應俟拏獲時再行發遣瑚圖禮豐紳祥保因辦理疏忽請同失察出境之江孜守備岳廷椿均交部議處其防範不嚴之噶布倫及失察出境之帕克哩營官等均交理藩院議處並將第穆呼圖

克圖一併奏等語策忍敦住一犯先因抗稅毆傷帕克哩營官經陽春等問擬斬罪嗣經降旨交瑚圖禮等查明起釁根由特旨改為發遣向來內地免死發遣之犯一經潛逃拏獲後無不立予正法瑚圖禮曾任刑部堂官豈不諳悉定例今策忍敦住膽敢乘閒遠颺瑚圖禮等摺內尚稱拏獲時再行發遣實屬輕縱事關撫馭外夷不應如此軟弱瑚圖禮祥保均著傳旨嚴行申飭策忍敦住一犯

嘉慶十七年

十月

一俟拏獲到案著即行正法以示懲儆至從前審辦該犯時瑚圖禮豐紳將伊開釋刑具不行監禁以致脫逃伊二人疏忽之咎較重著交部議處祥保到任在後但未能飭令嚴防亦難辭咎著交部察議其江孜守備岳廷椿失察該犯逃走出境著交部議處噶布倫多爾濟策凌敏珠爾索諾木班珠爾敦珠布多爾濟於發交管束案犯並不嚴密看守著與失察出境之帕克哩營官霞喀巴班覺倫

布一併交理藩院分別議處至第穆呼圖克圖係總辦商上事務之人咎止不能督飭著從寬免其置議○緩徵奉天復寧海岫巖三廳州縣旱災新舊額賦有差並復州金州熊岳岫巖鳳凰五城旗戶本年租糧兵丁舊借倉糧緩徵黑龍江墨爾根災民借支糧石

丙寅

上御懋勤殿勾到河南山東情實罪犯停決河南斬犯五人絞犯三十五人山東斬犯五人

嘉慶十七年

十月

絞犯十一人餘九十六人予勾○丁卯

上詣

雍和宮行禮

宣仁廟

凝和廟

火神廟拈香○調兵部尚書恭阿拉為禮部尚書禮部尚書福慶為兵部尚書以都察院左都御史德文署理藩院尚書旌表守正捐軀河南新蔡縣民薛文禮妻樊氏上蔡縣

民朱文塔媳馮氏○戊辰命刑部尚書崇祿
工部尚書吉綸王集在紫禁城內騎馬○己
巳

上詣

奉先殿

壽皇殿行禮○免福建臺灣府屬抄叛各產被
賊搶失租穀應徵銀○緩徵安徽潛山盱眙
天長五河壽鳳陽懷遠定遠鳳臺九州縣及
屯坐各衛本年水災旱災新舊額賦懷寧桐

實錄卷二六三

十一

城太湖涇東流當塗蕪湖繁昌無為合肥廬
汭巢和十三州縣帶徵額賦並給宿泗盱眙
天長五河五州縣泗州衛軍民口糧有差

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百六十二

實錄卷二六三

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十三

恭親王奏為請旨將山東巡撫馮潮前經吏部以該督留工差委係在山東巡撫題報患病之前

督營取巧請旨革職緣該員前此告病之後已無職守因病急就醫未候東省咨文即行

奏請開缺等因奉旨該部知道欽此

欽此

欽此

教修

嘉慶十七年壬申十一月庚午朔戶部議准

浙江巡撫高杞疏報錢塘富陽安吉定海黃巖樂清象山七縣開墾田四十六頃一畝有奇照例升科從之○辛未

上御乾清門聽政○諭內閣百齡奏賢員被議革職分別陳明據實檢舉一摺據稱原任山東滕縣知縣加同知銜馮潮前經吏部以該督留工差委係在山東巡撫題報患病之前

督營取巧請旨革職緣該員前此告病之後已無職守因病急就醫未候東省咨文即行

奏請開缺等因奉旨該部知道欽此

欽此

欽此

欽此

欽此

起身回籍路過清江正值河工需員緊要之時該督前在山東素知其人因飭令就近醫治痊愈奏明留工差委迨工竣出力據實保奏委非該員鑽營取巧可否將該員開復送部引見該督上年因辦工匆遽未經移查東省曾否給咨請勅部嚴加議處等語馮潮在東省告病後未經領咨即行回籍旋經奏留

江省辦工東省題報在後是以吏部查叅但馮潮如果籍隸西北省分於山東告病之後

不回本省轉紆道前赴江南則跡涉鑽營今該員籍隸浙省歸程經過清江彼時百齡因

河工緊要奏留差委其非該員取巧干求尚屬可信馮潮著加恩准其送部引見百齡自

請交部議處之處亦著加恩寬免○又諭書敏奏外省齎摺差弁包帶銀兩請飭查嚴禁一摺各省督撫提鎮凡有應行專摺具奏事

件差委弁丁齎遞長途往返原應按限進行如私行包帶銀兩囊橐過重不特行程稽滯

且易啟宵小覬覦之心嗣後各省督撫提鎮等於齎摺弁丁俱著嚴禁私帶銀兩如陽奉陰違經沿途查出即行報明懲處○又諭德文等奏據四川崇慶州十一歲女子余酉州以懇恩釋赦伊父余長安等情具稟請旨遵辦一摺四川民人余長安前因控告譚飛農等開賭私宰等事審屬虛誣問擬軍罪發遣湖北覈其情罪尚非常赦所不原該犯到配已閱九年之久現有父母年逾八旬無人侍

養今伊女年甫十一痛念伊父遠違祖父母暮年缺養不遠數千里匍匐來京中訴其情甚為可憫余長安著加恩釋放回籍○復還廣東新會縣文武學額各三名從總督蔣攸銑等請也○以戶部左侍郎景安為理藩院尚書調刑部右侍郎成寧為戶部左侍郎以內閣學士文孚為刑部右侍郎○以鑲藍旗滿洲副都統景安為正紅旗漢軍都統調正紅旗漢軍副都統英和為鑲藍旗滿洲副都

統以總管內務府大臣蘇楞額兼正紅旗漢軍副都統○壬申諭內閣國家明法定制辦上下別等威尊卑之分纂嚴定例民間詞訟先赴州縣衙門呈控州縣官聽斷不公則由府道司院以次中訴如實有冤抑重情准於刑部都察院等衙門呈訴奏明代為申理以通下情以定民志典至善也至封章奏事則各有一定職分內而九卿臺諫外而督撫司道方准呈遞奏章下至庶尹末僚尚不得越

職言事況齊民乎朕廣開言路嘉慶四年曾有封章言事即以原封呈覽之旨原以在官而言防壅蔽而達民隱非謂民間尋常訟獄及無稽浮言皆可直達朕聽也乃近日人情險詐萬端於瑣屑訟案不向該管官吏控訴輒匿名告訐以期封奏上聞甚至將呈詞封固投遞挾制接受官員不敢拆閱原封入奏此內罪因叢役廝隸役夫比比皆是蔑等冒尊較之道旁叩關衝突儀仗者其情節尤為

可惡若不嚴設屬禁其為害於人心風俗者甚大。著交刑部叢議。嗣後如有捏稱重情封遞呈詞者其所控得實仍應作何治罪若所控虛誣應如何加重治罪其罪犯封遞呈詞者再如何加重治罪分別擬定條例奏准後頒發直省交各督撫分飭所屬州縣出示廣行曉諭俾愚賤之人共知儆戒以懲刁健而肅紀綱。尋議嗣後軍民人等控訴事件俱令向該管官露呈投遞。儻有將呈詞封固者即

令本人開具控情略節一併進呈。如所開略節與原呈相符而所告又得實者照衝突儀仗妄行奏訴例加一等發邊遠充軍。若所控虛誣除罪應斬絞立決者無可復加外原犯斬絞監候秋審應入緩決者改為情實應入情實者改為立決。原犯軍流遣罪無論已未到配即照本年議定在配遣犯遣人遞摺之例分別治罪。如係應擬笞杖枷號徒罪者即發極邊足四千里充軍。儻呈遞封詞之人不

肯開寫控情略節即行擲還毋庸具奏。如已開具略節接收官員不為具奏別經發覺者即將從前接收不奏之員照應奏不奏例議處從之。○又諭巡城御史恒麟等奏吏目訪獲脫逃要犯請交部審辦並將該吏目可否量加鼓勵之處請旨訓示等語。遣犯趙三喜即趙三著交刑部審辦至吏目徐樹蘭本有緝捕之責所獲人犯並非要案重情奉旨指名偵緝之犯該御史等代為奏請鼓勵殊屬

非是。嗣後司坊各員拏獲人犯不准該御史市恩瀆請。若果能將緊要重犯如馬譚氏案內正充設法緝獲該管官於摺內聲敘朕必立予恩施亦不待伊等陳請也。○戶部議准福建巡撫張師誠疏報長汀縣開墾田三畝有奇照例升科從之。○緩徵山西保德奇嵐靜樂河曲西州縣本年歉收額賦○癸酉上御懋勤殿勾到直隸熱河山西情實罪犯停決直隸斬犯三人絞犯十四人山西斬犯八

人絞犯一人。餘八十一人予勾。○諭內閣。乾隆六十年正月十五望月蝕。是日例設筵宴。仰蒙

皇考高宗純皇帝特命移改宴期。以示謹凜。天戒之意。明歲正月十五望亦值月蝕。所有年例節次應設筵宴。自當恪遵。

成憲。酌改日期。用昭寅畏。上元前一日家宴。阿哥王貝勒著照舊舉行。十五日仍照例穿蟒袍補服。屆申時即更換常服。其正大光明殿

筵宴外藩及王公大臣著移於十六日辰時。皇后內廷家宴著移於十六日未時。小宴廷臣著移於十七日未時。十七日與宴之王大臣著穿蟒袍補服。餘俱常服。○緩徵吉林三姓寧古塔打牲烏拉本年霜災旗民銀米倉糧並貸兵民口糧有差。○緩徵江西萬安泰和廬陵新淦清江南昌新建豐城八縣本年被水地畝額賦。○甲戌遣官祭

先醫之神。○諭內閣。向例科道各員遇有應

行開列引見補授之缺。都察院將各該員條陳事件。曾否准駁。咨送吏部開單呈覽。以備考覈。本日御史引見科缺。所開單內韓鼎晉名下共開列條奏參奏五件。其四件係應行列入者。內有具奏全漕趲出東境一件。此係該御史巡漕任內之事。與條奏何涉。該員巡漕時所奏。不止此一事。各御史曾任巡漕者。亦不止一人。何以該員名下獨將此件列入。嗣後都察院於開列科道條奏清單如係該

員等出差循例奏報事件。無關建白者。均著無庸列入。○又諭董教增奏。因公降調知縣呈請捐復一摺。向來降調人員。其事屬公過者。准令送部引見。朕察其才力。如尚堪錄用。每有改為降留。仍用原官者。若年老才庸。則照部議降調。原以甄別人才。今王森文係奉旨准令送部引見人員。該撫遽為奏請捐復。是不以甄別人才為重。亟圖邀准捐復。殊於政體非宜。且所奏修濬渠堰。亦非冬令亟辦。

之事。王森文著不准捐復。仍照例出具考語送部引見。再降諭旨。○又諭內務府著傳知吉林將軍黑龍江將軍伊犁將軍嗣後遇有發往各該處年滿應行釋回太監著該將軍等先將各太監發遣案由行文內務府由總管內務府大臣開單具奏。候朕酌覈案情准其釋回者再行釋回。再凡遇慶典肆赦之年亦著該將軍等將發往該處永不赦回之太監等詳敘案由行文內務府著總管內務府

大臣開單具奏。候朕降旨。嗣後釋回之太監俱著總管內務府大臣挑選。如年力衰邁仍撥換親王郡王家太監進內當差。如尚年力富強即無庸撥換。仍交進當差。○乙亥諭內閣旨齡奏審明狡供漏網之兇犯昭雪沈寃。並查明節烈請旨旌表等情一摺。此案冷鶴鳴因陳時序逼欠斥辱懷挾夙嫌起意謀害慘殺多傷。既經審認不諱。復因贓銀未獲翻供狡脫漏網二十年。現據百齡研訊明確。冷

鶴鳴一犯自應先行正法以彰國憲。案內各犯除業已病故者無庸議外。餘俱照所擬完結。陳王氏因夫被殺。先縱冤埋。絕食捐軀。節烈可嘉。著准其給予旌表。均無庸再交部議。所有從前承審此案應議各職名著交部分別覈議。知府邱樹棠候補直隸州知州許乃來同知達興阿通判俞穎達將多年冤獄訊明平反。著加恩各加一級。毋庸送部引見。○丙子

上御懋勤殿。勾到朝審情實罪犯。停決絞犯三人。餘二十人予勾。○諭內閣國家建立營伍。歲賦於民。以供弁兵祿餉之用。藉以除暴安良。保衛民生。凡身隸戎行者。優蒙瞻養。平日則當勤於緝捕。綏輯地方。遇有不靖。期於克敵致果。盡力顏行。若果能奮不顧身。有功者立邀旌擢。即或捐軀効命。贈卹褒榮。賞延於世。朝廷所以鼓勵士氣者。其典至為隆備。若臨事恒怯。畏避退縮。則國有常刑。不稍寬貸。

本日勾到朝審內官犯朱文郁一名。該犯因上年豐潤縣匪徒搶扒鹽坨。經該鎮委令帶兵數十名前往查拏。其時匪徒僅止百餘人。所執器械亦止鞭杖木棍。並無兇悍拒捕情形。而該犯一經查探。首先退回。以致所帶兵丁相率避縮。未獲一犯。續經該督派員前往。即將案犯全數弋獲。是該犯所捕不過烏合匪徒。無難擒緝。乃怯懦性成。罔顧軍紀。若不嚴辦示懲。何以整飭戎行。是以將該犯特予

勾決。俾昭炯戒。嗣後大小營員。當深明國家養兵之意。小之緝捕盜賊。大之臨戎敵愾。皆應身先士卒。有勇知方。庶為不負厥職。設有不肖之員。甘心怙怯。則國法森嚴。斷難幸免。當以朱文郁為前車之鑒也。將此通諭知之。○又諭良鄉縣為附近京師驛站首程。遇有盜劫之案。該地方官據實稟報。迅速緝拏。則匪徒知所畏懼。戢暴安民。行旅蒙福。該革員范鍾因規避處分。教供捏詳。諱盜殃民。情節

較重。著先在刑部枷號一箇月。滿日發往烏魯木齊効力贖罪。○諭軍機大臣等。刑部奏馬夫常興旺在長楊村地方被劫一案。已另降諭旨。將已革署知縣范鍾。枷號一月。發往烏魯木齊矣。此案據常興旺供稱。伊於九月二十三日三更時分。行至良鄉縣長楊村二道橋地方。柳林內走出一人。將伊推掀下馬。又一人搭住咽喉。劫去公文馬匹衣服等件。察其情節。似非遠來夥盜。或即係該處附近

村莊匪徒。於晝夜時乘間搶劫。著溫承惠派員前往長楊村一帶附近村莊。密行查訪。如訪有蹤跡。獲犯後一面取供具奏。即一面派員押解刑部審擬結案。○丁丑。諭軍機大臣等。據溫承惠奏。派員追拏滋事羊販。在雄縣任邱地方。先後拏獲辛志琴等三十一名。并獲槍刀器械馬匹等件。訊係河間肅寧等處回民。現因南路截拏嚴緊。俱折回北路涿州固安一帶逃逸。已分投截拏。追捕並將獲犯

解省訊供等語該羊販在保定縣逃逸之後至雄縣地方經官兵追拏復敢持械拒捕不法已極直隸地方密邇京畿竟有此等駭人觀聽之大案朕實抱愧自總督至州縣尚有何顏面忝不知恥不思速辦不自請罪必待降旨革職拏問耶現經拏獲三十一名其餘均折回北路涿州固安一帶除已降旨天津鎮總兵祥啟令其派兵截拏外著溫承惠再傳知秦寧鎮總兵穆克登額亦派委弁兵攔截協拏務將要犯全數捕獲毋任漏網所有現獲各犯著溫承惠親提嚴訊該回民趕羊牧販因何帶有器械馬匹其器械馬匹從何斂集一面據實具奏一面將各犯即速審訊從重定擬具奏至該羊販由河間肅寧等處出外販羊攜帶器械馬匹行走人衆勢強地方官何以不行查禁並著該督查明嚴參併沿途經過關隘普行查察將此諭令知之○命刑部將緩決三次以上人犯照例分別減

等發落○旌表守正捐軀山東滋陽縣民种集湖妻張氏○展緩江蘇省積年災歉民欠額賦○戊寅諭軍機大臣等松筠等奏查訊陳鳳翔呈訴大概情形一摺松筠等奉命前往南河請訓時經朕面諭務當秉公查辦不得以陳鳳翔業已獲罪稍存偏見今松筠等到彼陳鳳翔呈訴華蕩營柴束情弊松筠等即先派員詳細查究據實奏辦毫無徇實屬公正可嘉華蕩營所收柴束原以備築壩搶險之用前百齡奏稱所採蕩柴俱係堅麤適用今查明柴質微溼且夾帶雜草充數而斤重大相懸絕是原奏所稱節省銀四十餘萬兩全係捏詞誑報朱爾賡額以少報多妄稟邀功轉將據實稟訴之犯總錢永勝摘去頂帶勒令裝運實屬任性妄為松筠等面詢該道已自認不無通融情節支離顯有弊竇江寧鹽巡道朱爾賡額著革職拏問交松筠等提同應行質訊之員弁兵丁等詳加研鞠

有無從中冒銷情弊徹底根究嚴行懲辦其
隨同督辦蕩柴之南安府知府韓桐著交順
天府查明咨行直隸山東沿途派員迅速押
赴清江歸案質訊審明後將百齡因何被其
朦蔽率行勘定章程之處一併附參若百齡
竟有通同舞弊之事即由四百里嚴參不可
姑息至啟放智禮兩壩緣由據松筠等奏稱
檢查案卷黎世序因上年陳鳳翔奏定湖水
長過一丈三尺酌啟一壩再長再啟本年四

月下旬湖水已逾一丈五尺稟請開放智禮
兩壩原稟已經百齡批示覈與陳鳳翔原呈
所訴相符等語黎世序稟請開壩百齡既有
批示其原批之稟自在道署存案著黎世序
呈出百齡所批是何詞語與陳鳳翔批准日
期孰先孰後著松筠等逐一查明秉公覈辦
本年智禮兩壩彼時是否應開開放後陳鳳
翔堵閉遲緩又於獲罪後辯訴其咎固屬難
逭若百齡前曾批准迨奏時並不聲敘全

行該過於人含混入奏亦著據實參奏松筠
等審案完竣後即前赴高堰下河一帶將派
令履勘之高堰隄工河道及下河水利悉心
察訪斟酌盡善定議具奏將此諭令知之○
庚辰諭內閣賽冲阿等奏新增錢糧請分別
覈實攤徵一摺伯都訥東十甲黑林子地方
丈出新陳餘地應徵銀兩自十六年起徵至
今未能一律完納現據二道河西民衆結稱
東十甲地畝本屬低窪不如河西屯僅平坦

膏腴所有東十甲未完銀糧情願自十七年
起永遠代為攤徵十分之六所餘四成令東
十甲民戶自行完納經該副都統履勘屬實
並無勒徵情弊自應准其通融攤徵以紓民
力著照所請該處應徵銀六千零三十兩六
錢七分五釐自十七年起著於東十甲實徵
四分河西攤徵六分分別造冊永遠照徵其
十六年未完銀二千九百六十兩九錢五分
除逃丁正耗銀四百七十八兩九錢九分五

釐准其豁除外其餘銀兩仍於東十甲民戶分作五年帶徵其新陳流民拋荒地畝著飭令招佃耕種交納錢糧無致曠廢○旌表守正捐軀雲南通海縣民丁幘相女丁氏○辛巳諭內閣本日內務府議奏長蘆鹽商義和泰懇借運本銀兩一摺已依議行矣摺內引照乾隆五十一年商人王世榮請借帑銀原案敘稱奉

高宗純皇帝特旨准借措詞殊未審慎各部院

章奏關繫重大典禮書寫

廟號

尊謚進呈時朕必敬奉展觀倍加虔肅若尋常事件輒引用書寫轉涉輻輳嗣後各衙門具奏尋常事件凡引用乾隆年間以前舊案但載明年分將奉

旨字樣三疊書寫即足以表示敬恭遇有典禮奏章必應恭引

廟號

尊謚者方准敬謹書寫以昭慎重○又諭御史張源長奏請查積欠條款一摺各省積欠其實欠在民者應照例限催徵若有官吏挪移影射則應查參追補其清查之法總在州縣新舊任交代之時將冊籍款項逐一清釐自不致前後互相欺隱並將一應陋規濫費裁汰倉庫可期日臻充實至豫防續虧之弊則在各督撫藩司於州縣額徵銀兩隨時查明提解嚴杜挪新掩舊其弊自絕若徵收報銷

期限定例已久無庸紛紛改易也○又諭要綏於身後追封輔國公係屬格外加恩自應作為未入八分公宗人府於禮部行查時無難覈定咨覆乃節次咨詢該衙門明知應照未入八分公之例輒稱是否入八分公抑係未入八分公難以懸擬無憑覈覆等語殊屬顛預推諉跡涉瞻顧管理宗人府王貝勒等著各罰職任俸半年不准抵銷所有該部奏請應給要綏蓋造墳院銀兩著即照未入八

分公例給與嗣後宗室如有身後追封公爵者俱作為未入八分公著為令○又諭刑部彙奏秋朝審各官犯案由罪名及監禁年分開單進呈請旨朕覈其情節稍輕者量從末減內楊觀貴一犯係與伊妻張氏口角互毆適傷斃命因該犯身係職官擬以絞候入於情實伊當日致斃伊妻之由並無謀故情事著施恩釋放發往伊犁又達祿一犯係在吉林副都統任內薩音保等將獲務商幫銀兩代為雇備車輛盤費又添修衙署器具改擬絞候入於情實伊所用車價盤費等項由局員沿照陋規供給與秀林婪索侵肥者有間亦著施恩釋放發往伊犁餘仍照舊監禁○命禮部右侍郎汪廷珍在上書房行走○兵部左侍郎萬承風因病解任轉右侍郎戴聯奎為左侍郎以通政使司通政使吳烜為兵部右侍郎仍留順天學政任光祿寺卿盧蔭溥為道政使司通政使○壬午

聖祖仁皇帝忌辰遣官祭

景陵

上詣

壽皇殿行禮○諭內閣軍政乃國家大典派出考驗之王大臣等理宜慎重遴選此次派勘世職軍政之端恩等將綿丹等二十四員定為一等具奏朕御箭亭閱看伊等步射騎都尉齊木清阿箭俱中靶弓力尚勁當經賞給三等侍衛挑在乾清門行走其餘技藝尚好

者亦均賞給大門侍衛惟奉恩將軍宗室嘉瑞步射平常恩騎尉舒凌阿步射平常且不能奏履歷當將嘉瑞改為二等舒凌阿改為三等此次朕親臨箭亭閱該員等步射將技藝平常人員等第更正若於宮內引見祇看拉弓伊等弓力強弱技藝優劣何由勘閱看來派驗之王大臣等並未認真閱看改為三等之舒凌阿著照例罰俸一年端恩等著交部察議嗣後官員軍政經朕由一等改為二

等應無庸議如有改為三等人員定將原驗之王大臣交部察議著為令○癸未諭內閣給事中喬遠瑛奏請令直省督撫嚴飭州縣官速結詞訟及緝捕要犯按例處分一摺所奏俱是州縣為親民之官遇有詞訟原應速為審理以免拖累經朕時常降旨訓飭而外省因循疲玩積習相沿置若罔聞或性耽安逸怠於聽斷或豫防翻控冀免干連以致訟師逞其伎倆顛倒是非往往啟釁甚微久且釀成巨案而上控京控呈詞亦日漸增多皆不肖州縣官養成刁風而督撫多徇情袒護吏治民習日壞一日實深痛恨督撫有整飭地方之責著各嚴飭所屬州縣盡心民事以聽訟之勤情斷獄之遲速分別勸懲庶吏治修明案牘漸稀民風日臻淳樸至緝捕要犯定例分別初二三四叅處分以次加嚴原使承緝官自顧考成不敢任意疏縱乃近來州縣官任內有緝拿要犯之案四叅居限往往

設法通融委署他缺將處分移於接緝之員遂致捕務廢弛奸徒漏網嗣後各督撫於所屬州縣官如有承緝要犯四叅限滿者即按例題叅降調離任毋得取巧瞻徇通融規避以嚴定制而肅官方將此通諭知之○諭軍機大臣等溫承惠覆奏辦理販羊滋事回民一摺回民領票販羊進口牧放售賣藉以營生本屬例所不禁此次在保定滋事羊販係因踐食麥苗啟釁爭鬧經地方文武官彈壓

查拏膽敢拒捕毆官情勢兇悍所以必應嚴辦者其罪在此摺內據現犯所供其拒捕之人係馬三驛子一起並稱係馬文魁等六人動手將把總楊起發揪扭下馬奪去烏鎗所供是否的實該督嚴訊明確即將現獲之犯並在逃各犯嚴飭迅獲從嚴定擬以示懲創其並非拒捕案內各羊販審明即予省釋不可株連至回民販羊進口途間買馬乘載並身佩小刀均無不合即隨帶棍杖防夜亦屬

無干例禁惟絕鞭撻梃究係兵器不應任其執持該督即出示明白曉諭嚴行禁止並諭知販羊回民以爾等商賈謀生農民以田苗為業皆應各安生理若縱放羊隻踐食麥苗必致彼此爭鬪甚至經官捕逐受罪拘繫並將資本虧折嗣後務各安靜貿易毋得滋生事端至此次保定縣羊販拒捕一案該縣傳德臨於回民牧放羊隻鄉民集眾驅逐之時並不妥為彈壓迨至拒捕之後猶不迅速稟報以致案犯遠逃實屬疏忽把總楊起發帶兵往拏未獲一犯轉至被揪下馬亦屬庸懦無能傳德臨楊起發均著革職其隨往兵丁均著革伍該管南路同知李成集霸州營遊擊明祿於稟報後並不就近督拏又遲延不行轉報均著交部嚴加議處該督溫承惠平日不能督率屬員稽查彈壓亦有應得之咎著交部議處將此諭令知之○旌表守正捐軀陝西商南縣民陳玉章妻白氏○乙酉建

直隸永定河
河神廟加封
安流衍澤之神頌
御書扁額曰鏡流環極○
上以冬至祀
天於
圓丘自是日始齋戒三日○丙戌給山東禹城
齊河濮鄆城東平汶上壽張荷澤八州縣濟
寧東昌臨清德州東平五衛所被旱災民一
月口糧○丁亥
上詣
南郊齋宮齋宿○戊子冬至祀
天於
圓丘
上親詣行禮○遣官祭
永陵
福陵
昭陵

昭西陵

孝陵

孝東陵

景陵

泰陵

泰東陵

裕陵○命

皇次子 祭

孝淑皇后陵寢○遣官祭

端慧皇太子園寢○停次日朝賀○以長至南郊大祀天氣清朗執事大小官員敬共將事賞禮部尚書福慶花翎太常寺卿哈寧阿以下執事官等銀幣有差○賞八旗兵丁一月錢糧○乙丑諭內閣將攸銘等奏海陽縣要缺需員整飭請仍以徐一麟調補一摺直省督撫奏請升調繁缺州縣前曾降旨凡違例奏請經部議駁者該督撫如復行保奏除不准升調外仍將該督撫議處茲廣東海陽縣

一缺係潮州首邑俗悍訟繁素稱難治徐一麟先經署任民情悅服械鬪漸息蔣攸銘等據實保奏係為整飭地方起見徐一麟著准其調補海陽縣知縣蔣攸銘韓蔚應得處分並著加恩寬免此係特旨允行嗣後如海疆邊要缺分該員先經署任治理有效者方准該督撫據實聲請候旨酌定如係尋常升調之缺該督撫將議駁之員復行保奏仍遵前旨除不准行外將該督撫照例議處○以總

管內務府大臣英和為內閣學士兼禮部侍郎銜○庚寅旌表守正捐軀河南確山縣民薛世祿妻項氏○辛卯上幸瀛臺閱冰技○以光祿寺卿華連布為奉天府府尹○壬辰旌表守正捐軀山東荷澤縣民許樹梅妻張氏○癸巳上幸北海閱冰技○諭內閣御史李培元奏調劑八旗閒散人生計請酌令下鄉種地一摺八旗生計固應調劑但近畿入官旗地民人

佃種已久。今若逐戶查撥。不特紛紛滋擾。且奪其世業。亦非朕一視同仁之意。况旗人下鄉。一時棲止無所。又不諳耕種。既納官租。復令自贍身家。恐亦力有不給。該御史所奏。多格礙難行之處。著無庸議。○旌表守正被戕河南睢州民申恭妻張氏。○甲午

上詣

壽康宮行禮。○諭內閣。鄒炳泰等奏武清縣民人姚翰清等一百餘人公遞呈詞。為已革發

遣知縣孫寔寔。指資贖罪一摺。本日朕召見鄒炳泰等。並據面奏。伊等於接收呈詞後。傳集該鄉民等。詳細詢問。僉稱孫寔寔居官清正。愛民有素。茲聞其獲罪遠戍。不忍坐視。是以捐資代為贖罪。其情詞出於至誠。等語。孫寔寔在武清縣任內。克孚輿論。閱呈內牘。舉各事蹟。該鄉民同聲愛戴。似無虛捏情事。但該革令犯事緣由。係因縣民高六毒斃韓貴興一案。初驗本無錯誤。繼因審無確供。詳請

覆檢。致為忤作。張寬及伊門丁書吏串通受賄。朦蔽該革令被欺枉聽。部議褫革。發遣實係罪有應得。著鄒炳泰等傳到該鄉民等。明白曉諭。以伊等同心好義。感戴去任之官。其意亦屬可嘉。惟孫寔寔平素官聲雖好。而斷獄錯誤。則朝廷執法懲辜。不能寬宥。若竟徇所請。此後官員獲罪者。或詭託效尤。其弊亦不可不防。令該鄉民等將代孫寔寔贖罪銀二千兩。即行領回。勿許瀆懇。至孫寔寔獲罪

遣戍。並無貪酷情弊。其詳請覆檢。亦尚有慎重民命之心。將來到戍三年。期滿該管大臣奏請。朕覈其案情。亦必降旨釋回。茲念其平日居官尚好。著加恩於到戍一年半。即予釋放。回籍。國法民情。並行不悖。該鄉民等亦當共知感激。若再行妄訴。即當治以應得之罪。○旌表守正捐軀直隸定州民楊治家妻劉氏。○乙未。諭內閣。首齡等奏。請借項挑濬劉河。以資水利。一摺。劉河係太倉等六州縣民

田水利攸關。且為商船出入要津。今因湖沙
灌積。年久淤淺。自應疏濬。以惠農商。據該督
等委員確勘估計。共需銀九萬八千六百零
並請循照歷次成案。借項興挑。著照所請。於
司庫內先行借給。分派承挑。工竣後覈實驗
收。其所借銀兩。准其分限三年。隨同地丁徵
收歸款。○又諭。松筠等奏。詳察葦蕩船務營
制情形。請仍循舊章一摺。葦蕩營採辦柴束
及船務營兵額官制百齡新定章程。既多窒
礙難行之處。松筠等請交河臣詳酌議奏。此
事計關久遠。恐黎世序一人智慮未周。著松
筠初彭齡於履勘時。堰下河回至清江時。會
同黎世序詳悉參酌。或仍循舊章。或量加損
益。妥議章程具奏。松筠等再由邳宿一路查
看運河開座。順道回京。黎世序俟松筠等啟
程後。再行來京。陸見。○又諭。松筠等奏查訊
已革江南河道總督陳鳳翔呈訴各款。審明
定擬一摺。此案陳鳳翔所呈蕩柴弊混一款。

現經松筠等查明。朱爾賡額經百齡委辦蕩
務。捏詞邀功。飾增採之虛名。多糜工本。無濟
實用。百齡被其欺朦。率以節省帑銀數十萬
輕改章程。冒昧入奏。已有失察之咎。至啟放
智禮兩壩。百齡於黎世序稟請開放時。批詞
內有豫籌減洩甚合機宜之語。即與陳鳳翔
批准啟放者無異。迨後見湖水宣洩過多。欲
全行護過於人。具奏時並不與陳鳳翔合詞
請罪。輒將陳鳳翔嚴參。僅自請議處。而於曾

經批准情節。又匿不聲敘。且所參陳鳳翔自
李家樓工竣後。安坐衙齋。數月未赴工次。一
節。現亦查訊在工各員。事屬虛誣。百齡陳奏
不實。意存欺飾。較之失察屬員。其咎更重。百
齡著革去太子少保銜。拔去雙眼花翎。准帶
單眼花翎。降為二品頂帶。仍交部嚴加議處。
陳鳳翔於獲罪後。遣人赴訴。若所控虛誣。自
當加重治罪。今蕩柴弊混情形。伊本擬工竣
參奏。因革職呈控全實。餘亦訊非虛捏。陳鳳

翔著即日疏初仍照前旨發往烏魯木齊効力贖罪。朱爾賡額督辦蕩柴虛糜工本。苦累兵丁。復飾詞朦朧倚勢作威。著在葦蕩營加號三箇月。滿日發遣伊犁。其隨同辦理蕩柴之南安府知府韓桐。著革職按律杖徒。參將王福守備安鵬。均著革職。俟賠項繳完。照例免罪。開復縣丞瞿封。王元伊。知縣劉平驕。侯維藩。俱著交部議處。黎世序。楊護。徐忻。先於委查蕩柴情弊時。草率結案。亦著交部議處。

所發工本銀兩。除變價歸款外。其無著之款。著照松筠等所奏。按成分賠。勒限追繳。左營未運蕩柴。並著該督等遠籌運交各廳。以免耗折。餘均著照所奏完結。尋議。百齡革職。黎世序等降三級調用。得旨。百齡加恩改為革職留任。黎世序等降四級留任。○丙申。上幸瀛臺閱冰技。○諭內閣。史從志著即凌遲處死。李氏著即處斬。其史靈科一犯。收弟婦為妻。按律本應絞決。但律又載姦兄弟妻和

者絞決。原以重倫紀而杜邪淫。今該犯收弟婦李氏為妻時。曾與其弟李泳年商賄。並告知地保。覈其情節。實係鄉愚不知例禁。並無先後後娶情事。若與兄姦弟妻者。一律絞決。未免無所區別。史靈科著改為絞監候。入於明年朝審情實。嗣後有似此兄收弟妻。審明實係鄉愚無知。誤蹈瀆倫之罪者。俱照此案辦理。餘依議。○諭軍機大臣等。賽沖阿等奏踏勘拉林可墾閒荒地畝一摺。據稱勘得拉

林東北有閒荒一處。可墾五千餘晌。又有東南夾信子溝一處。可墾二萬餘晌。該兩處距阿勒楚喀城四五十里。不等。恐新駐旗人。該副都統難以約束。並稱近來吉林各處收成不豐。請俟三五年後從容籌辦等語。又據另摺奏請將三道卡薩里閒荒地畝撥補吉林官莊壯丁除撥給外。其餘閒荒不許旗民侵占。每年秋收後。請令該管官親往查勘。以杜私墾等語。移駐閒散旗人以裕生計。今既勘

明拉林附近。有可墾地二萬五千餘畝。而三道卡薩里地方。除撥補官莊之外。仍有閒荒可墾。是該省未經墾種曠土甚多。與其每年派人查管。何如一併籌畫。使旗人前往耕種。俾收地利。而成恒產。至拉林荒地。離城雖有四五十里。移駐旗人耕作。與按期演習騎射者不同。亦不必專在近郊。如從前拉林專設副都統稽察。旋即裁汰。至今該處旗人久安生業。亦無庸專設大員就近約束。若謂該處

近年收成不豐。此時原不能即將旗人移駐。其一切墾荒計畝章程。則須豫為籌辦。不必延至三五年後推諉時日。著該將軍等即檢查乾隆年間移駐舊案。將先期試墾備辦各事宜。詳細酌覈。先行籌議章程具奏。候旨遵行。其請撥補瑪琿官莊欠地三千餘畝。即著照所請辦理。將此諭令知之。○丁酉。諭內閣。伯麟等奏。因公議革知府。請捐復留滇補用一摺。所奏非是。向來官員因公處分。部議上

時有旨令該督撫出具考語。送部引見。原因事屬公過。引見時朕察其才具年力。如尚堪錄用。或仍予原官。或降等改補。並非悉照部議罷斥。若被議恩准引見之員。先行自請捐復。是不以甄別人材為重。將來議革議降者。人人希冀捐復。或虧帑腹民。豫為蓄資地步。殊與政治攸關。宋思楷著不准捐復。仍令該撫出具考語。送部引見。再降諭旨。○又諭。同興奏。宗室綿遜來東干求公事一摺。實屬罕

見。綿遜身係宗室。干與外省訟案。已違例禁。乃私自出京千里之遙。潛逃東省。往見同興。膽大已極。現據同興派員將綿遜並隨同前往之回民張勇志。雇工張四。解京。著交宗人府會同刑部嚴審定擬具奏。同興於綿遜五。月內差人致書。關說訟事。不即行奏辦。僅將來人逐出。以致綿遜生心。自往干求。辦理錯誤。著交部議處。管理宗人府王貝勒等。失察綿遜私赴外省。茫然不知。著明白回奏。並將

該管之總族長族長等一併查明列名嚴察
案內串通說事之李七張得祿著交步軍統
領衙門順天府即行查拏交刑部歸案訊究
○免雲南防守失耕之思茅寧海二廳縣所
屬土司地方本年秋糧及條公銀○戊戌
上幸北海閱冰技○諭內閣本日永璉等奏
泰陵寶城牆身間有隙裂應行修理一摺已派
桂芳景祿前往敬謹勘估

泰陵寶城牆身據稱自嘉慶九年即報有裂縫
本年因被雨水浸滲寒氣凍結較前加重是
隙裂情形並非始自近日本日王集甫自
西陵勘工回京朕召見詢問據奏永璉等曾將
情形向伊告知永璉等若早數日具奏即可
派王集等敬謹查勘乃遲延奏聞另須派員
前往永璉永玉穆克登額均太不曉事著交
各該衙門分別察議○又諭綿課等覆奏失
察宗室綿遜私赴山東請分別議處嚴議一
摺綿遜私行出京或因貧病在都城附近地

方潛匿數日伊家或可諉為不知今綿遜遠
赴山東自必束裝措費豈有不告知妻孥之
理乃該族長奕紹前此查傳時僅據學長綿
青綿榜以不知去向呈報並未詳細根究致
令綿遜任意遨遊遠出千里伊等常時漫無
覺察有事只知請罪事過又歸疲玩朕實代
王等抱愧所有綿課等自請交部議處及嚴
議之處均屬咎所應得綿課年力正強朕特
派為宗令總理宗人府事務乃任事以來一

味因循遷就瞻顧和同不認真管理有負朕
恩綿課暫留此任以觀後效著罰親王俸半
年成親王及肅親王永錫著各罰親王俸三
箇月均毋庸交部議處奕紹係該管族長著
罰貝子俸一年亦毋庸再交部嚴議綿課等
四人罰俸銀兩著戶部另款存貯以為明年
閒散宗室移住盛京之費永珠人本平庸又
常時患病著革去左宗人隨班上朝仍罰職
任俸三年學長員外郎綿青輔國將軍侍衛

綿榜俱著革職。作為閒散宗室。俟明年移居宗室時。仍派伊二人。隨同送往。○以輔國公晉隆為宗人府左宗人。○旌表守正捐軀湖南益陽縣民李顯青女李氏。○己亥諭內閣。本年屆應軍政之期。兵部將在京之都統護軍統領。副都統。左右翼總兵。鑾儀使。內務府護軍統領。在外之駐防將軍。都統。副都統。領隊大臣。提督。總兵。分晰開繕。履歷清單。進呈。朕詳加披閱。內鑲白旗蒙古都統來儀年逾

七十人。亦老實無能。西安右翼副都統何其惕年逾七十人。亦平庸。荊州右翼副都統圖瓦尚阿年近九十。精力衰穢。俱著以原品休致。餘著照舊供職。其造冊遲延之廣東南韶連鎮總兵何君佐。廣西右江鎮總兵李錦麟。俱著交部照例察議。○又諭。前據三河縣民人王自士呈控。命案內有該縣王國屯莊老虎會名目。特飭鄒炳泰等派員確查。茲據奏查明該莊並無老虎會之名。惟於莊稼成熟

時各家夥同看守。立有青苗會名目等語。鄉間春耕秋穫。守望相助。以防攘竊。原屬風俗所恒有。惟不應立有會名。著該地方官即出示嚴禁。各村民每屆收穫之時。准其照常看守青苗。但不許糾眾結會。如有倚恃人眾。滋生事端者。即行查拏懲辦。○以正黃旗漢軍副都統祿康為鑲白旗蒙古都統。庫車辦事大臣來靈為正黃旗漢軍副都統。○實授英和為京營右翼總兵。○以左翼步軍翼尉額

勒金泰為西安右翼副都統。杭州協領花沙布為荊州右翼副都統。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十三

實錄卷二百六十三

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十四

欽定大清會典事例

欽定大清會典事例

欽定大清會典事例

欽定大清會典事例

欽定大清會典事例

教修

嘉慶十七年壬申十二月庚子朔

實錄卷二百六十四

十一

上幸北海閱冰技○諭內閣東三省為我朝龍興之地因吉林黑龍江二處地氣苦寒從前定例將獲罪人犯發往該處給兵丁等為奴昔時人數有限到配後尚易於管束近緣廣東福建等省辦理洋盜會匪等案將夥犯情重者俱照擬發往人數積至數千名以外該處兵丁歲支錢糧本有定額祇數養贍身家今發給為奴者日增日眾責令收養其生計必愈形苦累且該處習尚淳樸此等為奴之

犯。大率皆兇狡性成。百千羣聚。故習未悛。甚或漸染風俗。於根本重地。尤屬非宜。甚有關繫。著刑部即速詳查該二處現在業經到配為奴之犯。共有若干。此內覈其在彼年久者。量減軍流。分別改發烟瘴極邊等處。其到配未久未便減等者。即著改發新疆並著改定條例。嗣後各省案犯。有例應發遣該二處為奴者。量為區別。酌留數條。其餘如洋盜會匪。人數較多之案。均酌擬改發新疆。及烟瘴等

處。奏明條款。纂入律例遵行。○辛丑

上御乾清門聽政。○諭內閣。御史善柱奏。申明官員交代定例。以重倉庫錢糧一摺。各省州縣倉庫。絲毫。不容虧短。定例新舊官交代。如查有虧缺。該督撫立時嚴叅究治。近皆相率彌縫。以致倉庫多有不實。著通諭各該督撫。藩司各於所屬州縣。新舊交代時。認真糾察。如後任官報有前任虧缺。即據實將前任官嚴叅。勒追治罪。不可稍存袒護瞻徇之見。若

後任不行舉報。私行接受。既已具結申詳。將來別經查出。則惟後任官是問。務須覈實稽查。以杜侵欺。而重帑項。○諭軍機大臣等。朕近聞河南汝光一帶。紅鬍子匪徒黨類漸多。本日據御史曹恩綬奏請嚴禁。所言皆係實在情形。此等匪徒。其初不過糾集數十人。朋賭爭毆。地方官因循玩縱。不行查拏。久則愈集愈多。漸難辦理。著傳諭長齡。即嚴飭地方官認真查緝。勿存畏難之見。各州縣於所屬

鄉村市鎮。訪有匪徒聚集。立即親帶兵役。嚴拏重懲。則其風漸戢。若聽其擾害鄉民。肆無忌憚。日久釀成巨案。尚復成何事體。查辦之法。又惟在嚴拏首犯。該匪徒每夥內必有著名渠魁。總當設法購線。指名緝獲。從重問擬。則餘黨自行解散。而無知莠民。亦不敢復行效尤。該撫有綏靖封圻之責。戢暴安良。為地方重務。切勿玩視彌縫。養癰貽患。勉之慎之。將此諭令知之。○以通政使司副使書興。候

補三品京堂吳璣為光祿寺卿○壬寅

上幸瀛臺閱冰技○旌表守正被戕四川巴縣

民李大才妻陳氏○癸卯諭內閣馬履泰奏

稱陳鳳翔呈訴百齡一案非尋常過愆可比

請於吏部嚴議外勅下在廷大臣詳覈公議

自行繕摺呈遞無庸連為一稿隨眾閱畫等

語此案前經松筠等逐款研訊明確數擬具

奏朕詳閱案情百齡於朱爾賡額辦理蕩務

一事率據所稟捏詞邀功以少報多該督係

被屬員所愚訊明並無串通侵蝕情弊其過

祇於失察至啟放禮壩一節當黎世序具稟

時百齡陳鳳翔俱以為事屬當行先後批准

迨至堵閑遲延百齡見事機舛誤即專諉過

於人將陳鳳翔嚴叅僅自請議處而於前會

批准緣由匿不聲敘顯係有心迴護跡涉欺

隱前松筠等奏到時即明降諭旨將百齡革

去官銜拔去雙眼花翎降為二品頂帶仍交

部嚴加議處迨吏部議以革職朕統覈功過

念百齡前在兩廣總督任內辦理洋盜綏靖

海疆自簡任兩江總督以來堵閑王營減壩

李家樓大工督辦奮勉平時率屬亦能嚴飭

是以加恩改為革職留任八年無過方准開

復設該督八年之內再有過愆自當重治其

罪不稍寬貸朕於臣工賞罰權衡一秉大公

從無偏倚之見今馬履泰既有此奏如百齡

於此二案外另有真實劣蹟即著馬履泰列

款糾叅其九卿科道大小臣工有言事之責

者如知百齡有貪劣款狀亦著自行封章密

奏但須指有確據朕必立時究辦若以無據

空言此時部議已上業經降旨裁定復令廷

臣各出己見交章議奏國家實無此政體也

○以正藍旗滿洲叅領密哩為鑲紅旗蒙古

副都統○甲辰

上幸北海閱冰技○諭內閣朕念旗人生齒日

繁限於甲額不能挑補錢糧者甚多因思步

軍統領衙門所屬八旗步甲及巡捕營馬兵

二項俱在京城內外當差。原設額缺本寬。若酌分缺額。以滿洲蒙古閒散正身旗人挑補。伊等既不致壯歲曠閒。亦可稍裕生計。著兵部會同步軍統領衙門。將此二項兵額數計。可酌分若干。改歸旗人挑補。並如何陸續改補之處。悉心妥議。章程具奏。○舉行嘉慶十六年大計。廣東卓異官十二員。不謹官二員。浮躁官一員。罷軟官一員。才力不及官三員。年老官五員。有疾官五員。廣西卓異官七員。浮躁官一員。罷軟官二員。才力不及官二員。年老官三員。有疾官一員。分別議敘處分如例。○予直隸故舉人王模。入祀鄉賢祠。從總督溫承惠等請也。○戶部議准。江蘇巡撫朱理疏報。青浦無錫丹徒丹陽四縣開墾田十三頃十七畝有奇。照例升科。從之。○乙巳。孝惠章皇后忌辰。遣官祭。孝東陵。○予貴州故知縣左維憲。入祀鄉賢祠。從巡撫顏檢等請也。○貴州盤江從九品土

官李佐。因病告替。以其子鎮衡襲職。○除福建葛瑪蘭被水衝陷田園。正供各穀石。并緩徵被淹田地穀石有差。○丙午。諭內閣。黎世序現應來京陛見。前曾降旨。令其將河督印務交百齡暫行兼署。百齡係兩江總督。事務較繁。現在松筠初彭齡在彼查看堰工河道。並會議葺蕩營章程。事竣後。黎世序即將印務交初彭齡暫署。起程來京。初彭齡俟該河督陛見。回至清江。交卸印篆。再行回京復命。

○又諭。刑部查辦減等。將緩決二十次以上各犯。開具案由。進呈請旨。朕詳加披閱。內絞婦王氏。因與華幅通姦。致令本夫差忿自盡。又斬婦韓氏。因與張可習通姦。被伊翁窺破。該氏輒聽從姦夫教唆。勾引伊翁。將舌尖敲落。有心陷翁不義。刀狡可惡。又絞婦羅氏。因母羅黃氏縱容與梁奇保通姦。伊夫麻六成聞知。往捉該氏。逃跑。麻六成誤將羅黃氏傷斃。因姦致父母須命。以上三犯。情節較重。均

不准援減。又斬犯崔三。與姦婦同謀毒斃本夫。又斬犯李倫。因竊穀拒捕殺人。又絞犯潘與進。用棍拒傷胞叔手腕。致令忿恨自盡。以上三犯。均係因單大經越獄時畏法未逃。免勾改緩。惟數其原犯罪情節俱重。未便與同時畏法未逃各犯一例寬宥。崔三李倫潘與進亦均不准援減。餘俱著減等發落。○予山東故知縣加知府銜李毓昌。入祀鄉賢祠。從巡撫同興等請也。○丁未。

上幸瀛臺閱冰枝。○予湖南故鴻臚寺少卿羅典。知縣聶壽余昌祖。入祀鄉賢祠。從巡撫廣厚等請也。○旌表守正捐軀河南永城縣民盧芳妻楊氏。○戊申。諭內閣。桂芳等敬勘秦陵寶城牆身皸裂情形。請於明歲春融後擇吉興修。著欽天監於明春二月內。敬謹選擇興工。吉辰工部於欽天監選定吉辰後。奏請欽派大臣。先期前往敬謹勘估。豫備興修。○又諭大學士會同戶部奏議。駁常明請將川

省計引鹽課改歸地丁完納一摺。所駁甚是。川省鹽務。行商等擡價病民。復慮鹽不暢銷。招集匪徒。妄拏滋事。該省無業之人。聚充私販。漸與官商為敵。常明係本省總督。既屢有搶奪案件。自當嚴行查辦。免滋弊端。今遽請將鹽課改歸地下。聽民興販。此議若行。不但該省奸民趨利若鶩。為害滋甚。且川省與兩湖毗連。私販順流而下。浸灌淮綱。諸多窒礙。常明身任封疆。不為地方計及久遠。又不通

盤籌。畫於鄰省利弊。顯分畛域。除所請不准行外。常明仍著交部議處。○諭軍機大臣等。據松筠等奏。查勘籌議山旰隄埝。及下河地勢情形。並毛城鋪無須修復等款。所議俱是。高堰以大隄為根本。大隄堅實。則二隄無庸添築。二河更無須挑挖。著照松筠等所議。將大隄子埝東首卑薄之處。分別培築。並於子埝栽種排柳。蟠根護工。以資保護。至五壩急需修復。即著以次估修。俾清水得有關束。不

致泛濫為患。具下河一帶各河道及毛城鋪工程均著無庸辦理。高寶運河應修隄工著照所請動項修築。以利漕運。所有應行修培各工著即交黎世序遵照妥辦。不可再為浮言惶惑。輕議更張也。將此諭令知之。○以故察哈爾和碩特輔國公敏珠爾多爾濟子丹津扎布襲爵。○予陝西故知縣武達觀入祀鄉賢祠。從巡撫董教增等請也。○己酉調正紅旗蒙古副都統興肇為密雲副都統。以二

等侍衛那彥寶為正紅旗蒙古副都統。○庚戌諭內閣。朕恭聞

皇考高宗純皇帝實錄內載乾隆二十九年諭旨。各省遇有子孫蔑倫重案。令該督撫於審擬定讞後。一面奏聞。即一面正法。原因該犯情罪重大。不便稍稽顯戮。但事關重辟。其中情偽多端。亦不應輕率完結。即如廣東遂溪縣監生梁舉朝毆死陳國英之母張氏一案。初經該縣妄斷屍于陳國英弒母及該督蘇

昌覆審始究出梁舉朝自行毆死。狡稱陳國英搭斃實情。幸而獄無枉縱。嗣後各省如遇此等重案。不可不倍加詳慎。欽此。仰見我皇考慎重民命。明允用刑之至意。朕綜理萬幾。每遇刑辟重案。必再三詳閱。始行報可。原以人命至重。不敢稍存草率之心。近因各省奏請即行正法。批交刑部速議之案過多。特降旨令刑部分別應題應奏章程。飭交問刑衙門遵辦。惟恐直省督撫因犯人罪干重辟。率

以未便稍稽顯戮為辭。動輒奏請即行正法。不將案情詳審。夫小民訟獄。其間情偽百出。在尋常命案。尚應聽斷平允。況倫紀攸關之案。尤應細心鞠勘。設州縣官少存大意。或有富豪勢惡之徒。逞兇致斃人命。轉行賄勒。供陷死者子孫於極典。因以滅口。使其家申理無人。在督撫僅憑地方官詳報。加勘具奏。及交部臣覈議。亦祇據案照覆。擬定爰書。即題奏達於朕前。而奏當之成。亦遂無從指駁。試

思子孫果干蔑倫大罪。自應立置重典。設其中有如從前廣東梁舉朝之案。不加詳審。致令死者含冤。先徒漏網。則覆盆之枉。豈不足召陰陽侵沴之災。所關殊非淺鮮。嗣後各督撫。遇有蔑倫重案。務須親提人證。再三確審。以成信讞。毋僅憑州縣供詳。輕率定案。以期無枉無縱。仰體朕欽恤惟刑之意。將此通諭知之。○又諭。前因松筠等奏葦蕩船務兩營規制。應照舊章辦理。當經降旨。以事關久遠。

令會同黎世序再行詳悉。參酌議奏。茲據奏稱。蕩地產柴。逐年豐歉無定。現在左營之柴。未經運出者。尚有二百餘萬束。右營除去蒲草之外。實在可得若干。應俟來年清明後。採竣運工。確有實數。方能酌定等語。葦蕩為河工歲料所資。近年弊混甚多。自應加以清理。祇緣朱爾賡額存邀功之見。將草細短小之柴。一併搜採。並將蒲草夾雜。捏報斤數。致無實濟。其實兩營所產之柴。亦斷不止僅如從

前額定之數。此時總須覈實辦理。著仍交百齡、黎世序妥為經理。俟來年清明後。蕩柴採竣運工之時。查明實在數目。詳酌覈議。其從前原設葦蕩營官員兵額。究竟應設應裁。並著該督等一併歸案。妥議具奏。尋議。查葦蕩左右兩營額柴三百十六萬餘束。今報採除正額外。餘柴三百二十餘萬束。與上屆之數大畧相同。請循照舊額辦理。按年臨期圍估。俟增採得有確數。再行具報。仍查照工部前

議。將額柴統歸兵採。餘柴另給工本。分別辦理。以免牽混。至葦蕩營官員兵額。該處既經添設淮海道。責令督率備弁。管轄營務。足資整飭。所有葦蕩營參將一缺。仍請裁汰。其船務營備弁兵丁。應仍復舊制。下部議行。○予福建陣亡外委陳剛。廣東把總王大猷。外委黃文海。秦葬世職。福建出洋淹斃外委林士得。林有環。黃鵬海。郭錦明。秦葬卹。兵丁周振廣等二百三十二名。賞卹如例。○辛亥。諭

內閣御史王澤泰請刊刻治河方略。以重河防一摺。我朝

列聖相承。重熙累洽。制度典章。成書大備。方今寰區康阜。庶績咸熙。惟大河修防。為豫東江安數省民生利賴。兼之東南轉漕。運道攸關。比年以來。議濬議築。工作頻仍。迄未得一勞永逸之策。敬念從前

聖祖仁皇帝軫念民依。會親莅淮揚。指授方畧。

世宗憲皇帝特命館臣繕錄成編。

高宗純皇帝鑒古準今。亦屢申

睿訓。詳授機宜。百餘年來。

神謨奠定。

典法昭垂。著有成效。今河工每有籌策。盈庭集議。鮮有能練習舊章。通曉全局者。應詳稽

成憲。彙載簡編。俾原委昭然。用為萬世遵守。著交文穎館敬司其事。即行文在京各衙門。及河道總督。溯自康熙年間以來。凡歷次河工

所奉

聖諭及大小臣工條議足資參考者。俱詳查繕錄。造冊移咨該館。並令江南河東河道總督。將河湖隄堰等工。分晰繪圖。附冊咨送該館。俟各項冊籍畧備。即奏請簡派總裁。再酌擬凡例。遴選纂修各官。詳慎修輯。進呈後刊刻頒行。以垂久遠。○戶部議准。雲南巡撫孫玉庭疏報。陸涼。永善。文山。新平。鎮沅。五州縣。及魯甸。通判所屬開墾田六頃七十二畝。有奇。

照例升科。從之。○壬子。封一等承恩侯恭阿拉。為三等公。○以吏部左侍郎鐵保。為禮部尚書。轉吏部右侍郎。凱音布。為左侍郎。調戶部左侍郎。成寧。為吏部右侍郎。以內閣學士玉麟。為戶部左侍郎。○以服闋侍郎祖之望。為刑部尚書。○都察院左都御史邵自昌。以病休致。調工部尚書。王集。為都察院左都御史。以江西學政吏部左侍郎潘世恩。為工部尚書。轉吏部右侍郎。周兆基。為左侍郎。調工

部左侍郎帥承瀛為吏部右侍郎轉工部右侍郎許兆椿為左侍郎以內閣學士茹養為工部右侍郎通政使司通政使盧蔭溥為內閣學士兼禮部侍郎銜○命詹事府詹事王鼎提督江西學政○調鑲白旗漢軍都統吉綸為正藍旗滿洲都統以鑲藍旗漢軍副都統鐵保為鑲白旗漢軍都統頭等侍衛百順為鑲藍旗漢軍副都統○予故刑部尚書金光悌祭葬如例○癸丑諭內閣長齡奏特參

緝捕不力之文武員弁請旨革職一摺豫省地處通衢往來摺報經行乃驛站文武官員毫無防範以致湖南差弁並腳戶同被劫殺非尋常懈縱可比許州知州李廷讓吏目馬俊俱著革職留緝千總李金峯併革職該撫仍嚴飭所屬上緊勒限緝拏務獲正盜按律懲辦毋稍疏玩○封肅親王永錫子敬敦為不入八分輔國公睿恭親王淳穎子吉恩貝勒永錡子綿恩為二等鎮國將軍和郡王

綿循子奕謹為三等鎮國將軍貝勒永錡子綿岐綿崙貝勒永鑒子綿清為一等輔國將軍不入八分輔國公敬敏子華需為三等輔國將軍故奉國將軍永萼子綿杔故貝子永碩子綿翔故奉國將軍葉鏗額子興靈額為奉恩將軍鎮國將軍德文泰子蘇藩為一等奉國將軍故奉恩輔國公綿佐子奕贊鎮國將軍恒傑子春和為二等奉國將軍○以戶部尚書托津為會典館副總裁官○旌表守

正捐軀四川酆都縣民朱一富妻文氏○除陝西咸陽縣硝城荒地四頃一十畝額賦○甲寅以密雲副都統興肇為江寧將軍察哈爾副都統本智為廣州將軍調鑲紅旗蒙古副都統策丹為密雲副都統以伊犁領隊大臣福勒洪阿為鑲紅旗蒙古副都統調正黃旗漢軍副都統來靈為察哈爾副都統以正紅旗護軍叅領拴住為正黃旗漢軍副都統免雲南銅廠民欠無著工本銀○乙卯

上御乾清門聽政○諭內閣。綿遜身係宗室時。向肉肆與市井小人交往。已屬卑鄙。迨聞張勇志道及馬守義訟案。即起意寫信託情冀得酬謝。嗣復私行出京千里之遙。往見地方大吏。實屬膽大妄為。著管理宗人府王公等。將綿遜在宗人府大堂。先責三十板。將伊同家口一併發往吉林安置。交該將軍嚴加管束。○以故二等子托喜子博坤襲爵。○以詹事府詹事賡泰為通政使司通政使。○以雲

南鶴麗鎮總兵官張玉龍為鑾儀衛鑾儀使。○以故廣西下雷土知州許瑞麟子嘉猷襲職。○丙辰。以故三等男扎克塔爾子長安襲爵。○以貴州銅仁協副將高遠為雲南鶴麗鎮總兵官。○舉行嘉慶十六年大計。江蘇卓異官十員。不謹官一員。年老官六員。有疾官一員。分別議敘處分如例。○舉行本年軍政。盛京將軍所屬卓異官四員。罷軟官七員。年老官五員。吉林將軍所屬卓異官四員。罷軟

官三員。才力不及官一員。黑龍江將軍所屬卓異官三員。罷軟官三員。年老官六員。有疾官二員。江寧將軍所屬卓異官三員。杭州將軍所屬卓異官三員。年老官一員。有疾官一員。荊州將軍所屬卓異官三員。西安將軍所屬卓異官四員。年老官一員。有疾官二員。寧夏將軍所屬卓異官一員。伊犁將軍所屬卓異官一員。成都將軍所屬卓異官二員。廣州將軍所屬卓異官一員。罷軟官一員。年老官

一員。有疾官一員。察哈爾都統所屬卓異官三員。年老有疾官一員。有疾官一員。罷軟官三員。烏魯木齊都統所屬卓異官二員。密雲副都統所屬卓異官一員。有疾官一員。山海關副都統所屬罷軟官一員。青州副都統所屬卓異官一員。年老官三員。河南巡撫所屬卓異官一員。年老官一員。分別議敘處分如例。○戊午。諭內閣。那彥成奏。請將護送喇嘛由外省委員逐程接護。毋庸專派京員一摺。

前後藏喇嘛年班進京。理藩院派委司員押送。原以資其彈壓。近年喇嘛等行走俱各安靜。而派出司員。如現在辦理奇福等一案。轉有藉差騷擾驛站。包攬貨物。從中年利者。況沿途例派文武官員。按程接護。足敷照料。實毋須再派京員。徒滋流弊。嗣後喇嘛年班進京。著照新疆伯克年班之例。令經過各省。遞派道府大員。會同武職護送彈壓。出境交替。至京交該管衙門照例辦理。其出京之日。該

管衙門亦祇須派員送交直隸接遞。所有專派京員護送往還之例。著即停止。以節糜費。而肅郵政。○舉行本年軍政。京營卓異官三員。年老官三員。才力不及官一員。直隸卓異官十四員。年老官六員。才力不及官二員。江南卓異官六員。年老官二員。有疾官一員。才力不及官一員。江西卓異官四員。罷軟官一員。年老官三員。浙江卓異官九員。罷軟官一員。年老官一員。才力不及官二員。福建卓異

官十員。罷軟官四員。有疾官二員。才力不及官一員。湖北卓異官四員。年老官一員。有疾官二員。才力不及官一員。湖南卓異官四員。罷軟官一員。山東卓異官四員。罷軟官一員。有疾官二員。山西卓異官六員。罷軟官二員。年老官一員。有疾官二員。河南卓異官三員。罷軟官一員。有疾官一員。才力不及官二員。陝西卓異官八員。年老官二員。甘肅卓異官七員。年老官一員。有疾官二員。才力不及官

二員。四川卓異官八員。有疾官三員。才力不及官五員。廣東卓異官五員。罷軟官二員。有疾官一員。才力不及官三員。廣西罷軟官一員。有疾官二員。雲南卓異官四員。罷軟官一員。年老官一員。才力不及官一員。貴州卓異官六員。罷軟官三員。年老官二員。有疾官二員。分別議敘處分如例。○己未諭內閣。御史常文等奏。請申禁庶民呈遞封章。以歸畫一。一摺。朕前因近日人情險詐。每以瑣屑訟案。

封詞投遞。挾制官員代為陳奏。特降諭旨嚴行飭禁。令刑部分別定罪。以懲刁風。刑部於議奏條例內。有令本人將呈控事件開具畧節。併進呈。如接收官員不為具奏。照應奏不奏例議處一節。所議本未允協。國家定制。臣工奏牘。或露章上達。或密封進呈。原為職應言事者而設。至小民身有冤抑。分當具呈控訴。聽候審辦。內外大小衙門。法制相維。何敢不為申理。若尋常詞訟。皆欲直達朕前。或

妄議建言。希榮干進。此等狡黠之徒。必應嚴罰示懲。所謂天下有道。則庶人不議也。今若令其開具畧節。即為呈遞。奸民巧詐。百出其所開畧節。未必皆與封詞符合。接受官無從查考。轉致案無鉅細。悉以上聞。仍不足以杜刁頑而清訟獄。著申諭文武臺諫各員。嗣後如有民人呈遞封章者。接收之員。一面將所遞封章具奏。一面即將該犯鎖繫。先行送交刑部押禁。附於摺內陳明。朕查閱封章。數其

案情輕重。或即照封遞呈詞新例治罪。或詞語悖謬。再加等治罪。交刑部分別懲辦。所有刑部前議開呈畧節一條。著即刪除。○以故土爾扈特扎薩克貝勒端多布車凌子巴雅爾莽。奏襲爵。○贈故禮部尚書三等公恭阿拉太子太保。諡勤懇。賞銀一千兩治喪。遣皇三子綿懌往奠茶酒。發引日再往祖奠。目送。

○庚申。

上御寧壽宮。賜王公大臣。蒙古王貝勒貝子。公。

額駙。台吉等。食並賞賚有差。○諭內閣。百齡性情褊急。遇事專尚嚴厲。同官每失和衷。是其氣質之偏。然平日辦事認真。不避嫌怨。能使屬員畏憚。故剔弊釐奸。所至著有成效。前在兩廣總督任內。值地方廢弛。洋匪不靖。百齡銳意整飭。嚴參闖茸文武員弁。督率舟師。人人用命。以次殄除逋寇。洋面肅清。迄今數年。海疆寧謐。其功在人耳目。嗣伊因病回京。補用京職。值江省河防數處潰溢。特簡放兩

江總督百齡莅任後。稔知河工積弊。先將貽誤劣員嚴行叅劾。親駐工次。將王營減壩李家樓各漫口。剋期堵合。並分飭河員慎守隄岸。本年黃流順軌。伏秋大汛。獲奏安瀾。各軍船重運回空。亦悉臻迅速。此又其實心任事之效。昨因陳鳳翔控訴各款。特派松筠初彭齡前往查辦。所查葦蕩營弊混一事。係由朱爾賡額捏稟邀功。以少報多。百齡委用非人。受其朦蔽。此其過之小者。至開放禮壩一節。

今年四月湖水盛漲。已逾定誌。黎世序稟請宣洩。百齡與陳鳳翔先後批准。原無錯誤。迨後堵閉遲緩。將壩基衝壞。洩水過多。則係陳鳳翔辦理貽誤。非百齡之咎。百齡於奏陳鳳翔摺內。亦曾自請議處。但未將前此曾經批准開放一節。詳悉聲敘。此則近於迴護隱飾。以致責有繁言。其咎較重。朕當將百齡降摘翎頂。革去官銜。交部嚴議。部議上時。加恩改為革職留任。仍限以八年無過。方准開復。

如八年內再有過愆。尚當從重治罪。朕於百齡功過權衡斟酌。罰當其辜。並以封疆重任。愛惜人材。實毫無曲徇於其間。此衷自邀天鑒。乃本月初間。先據太常寺少卿馬履泰奏。請將百齡應得處分。另交廷臣覈議。其意不過欲罷斥百齡。以快失意人之私忿。旋又據御史吳雲具摺奏。以百齡性情陰險。操守平常等詞。請旨查辦。伊二人既有此奏。自當徹底詳查。以憑覈辦。百齡受恩深重。如實有

貪私劣跡。雖從前著有勞績。亦不能掩覆其短。稍從寬宥。隨即降旨諭令松筠等嚴查密訪。據實糾參。本日松筠等覆奏。據稱遵旨查訪。吳雲原摺所參。皆毫無確據。良由毀譽之詞。出諸恩怨之口。伊二人實不敢以無據之言。瀆聽等語。松筠等二人平日辦事公正。衆所共知。今其所言如此。豈能據馬履泰吳雲二人空詞搖惑。即將百齡斥辦耶。吳雲身係言官。尚得以風聞奏事為詞。至馬履泰現係

卿員。非言官可比。似此妄行。瀆奏。本應加以懲處。姑念其年老糊塗。亦著從寬免議。總而言之。百齡實屬有為之臣。朕非虛言。所能搖惑之主。百齡將來能永承恩澤與否。朕不能保。看其造化。此時不能再加重譴。以遂讒譖之奸計。所有辦理此事前後緣由。特明白宣諭。俾中外諸臣知之。○以貝勒綿勳為內大臣。○辛酉。

上詣

大高殿行禮。○幸瀛臺。閱冰技。遣羅國使臣柏冊托里巡段亞排那車突等二人。廓爾喀使臣噶箕拔格達畢爾塔巴等十四人。吐魯番回部郡王玉努斯等十四人。於神武門外瞻觀。○以戶部左侍郎玉麟。內閣學士英和。吏部右侍郎帥承瀛。禮部右侍郎汪廷珍。充經筵講官。○壬戌。
上御撫辰殿大幄次。賜蒙古王貝勒貝子台額駙。台吉及外藩使臣等宴。並賞賚有差。○調

寧夏副都統格布舍。為鑲紅旗漢軍副都統。鑲紅旗漢軍副都統寧慶。為寧夏副都統。○緩徵安徽省積欠未完銀並宿靈璧泗五河四州縣上年水災新舊額賦。○癸亥。諭軍機大臣等。朕聞江蘇寶蘇局近日所鑄錢文。多攙和沙子。錢質薄脆。擲地即碎。外省設立錢局。鼓鑄錢文。應遵照定式斤重。以期久遠流通。今該省錢質如此薄脆。自係經手官吏匠役人等剋扣銅斤攙和沙子所致。事關錢法。不可不加以整頓。著百齡朱理即留心查察。提驗該局現鑄錢文。如實係薄脆不堪行使。即將局內吏役人等嚴行審訊。究出弊端。將該管官員據實嚴參。勿稍迴護。再聞該省所屬潁潁。淮。揚。蕪湖。各關胥役人等於過往船隻。每故意留難。希圖勒索。近日南省各關於應徵稅額。每多短絀。而往來行旅仍受稽留之累。其理殊不可解。或該監督等受人欺朦。任聽劣幕長隨。恣意舞弊。商賈受其刁難。伊

等將所收關稅私自分肥監督不能覺察國課轉致缺額並著百齡朱理嚴查密訪若有前項情弊即將幕胥等拏究並將經理不善之員一併叅處將此諭令知之○甲子

孝莊文皇后忌辰遣官祭

昭西陵

上詣

慈寧宮

壽康宮行禮○諭內閣同興奏籌辦挑濬東平

州境內河道一摺山東東平州境內小清河為分洩汶河盛漲之所安流龍拱二河疏消州境積水民便河匯注泉源達汶濟運均與民田運道攸關現據查明淤塞亟應勘估興挑該處本係民辦之工所需工銀三萬六千三百七十五兩零著照向例先於該省節年地丁項下如數借支飭令及時興辦至此項借支銀兩向係攤徵完款念該州頻年積歉並加恩照該撫所請於發商生息項下提取

息銀三萬兩再交東商生息以息銀分年歸還借款以裕民力○以歲暮祫祭

太廟自是日始齋戒三日○乙丑諭內閣朕因旗人生齒日繁甲額不敷挑補特降旨令兵部會同步軍統領衙門於八旗步甲及巡捕營馬兵二項原設額缺內酌量均勻撥補茲據奏步軍營步甲內可撥出額缺二千名巡捕營可撥出無馬馬兵額缺二千名統計兩營共添補旗缺四千名八旗正身旗人得添

有此項額缺均勻挑補伊等按月關支錢糧生計既可寬裕而操演當差有該管官常時約束亦不致壯歲曠閒於教養均有裨益其所議章程內惟巡捕中營汛地在圓明園香山一帶距城較遠所撥馬兵額缺即使就近旗分挑補朝夕該班所議仍多未便圓明園八旗及火器營健銳營皆與中營汛地切近該三營均有閒散子弟所有中營撥出兵額著即於該三營閒散內挑補其如何分額

充補之處。仍著兵部會同步軍統領衙門。分
 晰議奏。餘俱著照所議行。尋議。查中營五汛。
 共計無馬馬兵五百四十名。內圓明園。暢春
 園。樹村。三汛兵共三百名。圓明園八旗人數。
 較火器健銳二營多至加倍。且俱近在該三
 汛地方。請即咨取圓明園八旗之間。散挑補
 滿洲二百四十名。蒙古六十名。其樂善園汛
 兵一百二十名。應即咨取附近之火器營間
 散挑補滿洲九十六名。蒙古二十四名。靜宜
 園汛兵一百二十名。咨取附近之健銳營間
 散挑補滿洲九十六名。蒙古二十四名。查南
 營六汛。共計無馬馬兵五百二十名。內遼東
 之東珠市口。東河沿。花兒市。三汛兵共二百
 六十名。應就近咨挑正藍旗間散滿洲二百
 八名。蒙古五十二名。遼西之西珠市口。西河
 沿。菜市口。三汛兵共二百六十名。應就近咨
 挑鑲藍旗間散滿洲二百八名。蒙古五十二
 名。北營四汛。共計無馬馬兵三百二十名。內

遼東之朝陽東直。二汛兵共一百六十名。應
 就近咨挑鑲黃旗間散滿洲一百二十八名。
 蒙古三十二名。遼西之安定。德勝。二汛兵共
 一百六十名。應就近咨挑正黃旗間散滿洲
 一百二十八名。蒙古三十二名。左營四汛共
 計無馬馬兵三百二十名。內遼南之左安。廣
 渠。二汛兵共一百六十名。應就近咨挑鑲白
 旗間散滿洲一百二十八名。蒙古三十二名。
 遼北之河陽。東便。二汛兵共一百六十名。應
 就近咨挑正白旗間散滿洲一百二十八名。
 蒙古三十二名。右營四汛。共計無馬馬兵三
 百名。內遼南之永定。廣寧。二汛兵共一百五
 十名。應就近咨挑鑲紅旗間散滿洲一百二
 十名。蒙古三十名。遼北之西便。阜城。二汛兵
 共一百五十名。應就近咨挑正紅旗間散滿
 洲一百二十名。蒙古三十名。以上各按營汛
 地方。指定旗分。分額陸續挑補。以足二千名
 之數。從之。○丙寅。以歲暮祫祭。遣官祭

太廟中殿

後殿○諭內閣。據百齡奏。請令關稅監督。派委所屬筆帖式。司庫等官。分司查報等語。各關口徵收稅課。例有分設口岸。該監督等向來祇派家人長隨前往分駐。率同書吏徵收。其中實難免串通隱漏。以多報少等弊。近年課稅短少。未必不由於此。該省管理關務之江寧蘇州兩織造。及淮關監督衙門。各有額設司庫庫使。及筆帖式等官。該員等品秩雖微。

究係職官。以之分辦公務。較為得力。嗣後該監督各於所屬內。揀員分派所司稅口。督同書役家丁。驗貨納稅。逐日登記報查。如書役家丁弊混。該員即詳明監督懲辦。儻該員等通同舞弊。經該監督查出。據實叅奏重懲。設遇錢糧短絀。除監督照例罰賠外。並將該委員一併議處。以嚴稽覈。而昭責成。○丁卯。祭太廟。

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○遣官祭

太歲之神○戊辰

上御保和殿。筵宴朝正外藩。科爾沁。巴林。喀喇沁。喀爾喀。阿拉善。奈曼。土默特。烏珠穆沁。教漢。阿巴噶。扎魯特。杜爾伯特。翁牛特。綽羅斯。烏喇特。蘇尼特。青海。察哈爾。額魯特。和碩特。

土爾扈特。鄂爾多斯克什克騰。王貝勒貝子。
公額駙。台吉。塔布囊等。及廓爾喀。朝鮮。暹羅。
國正副使等。隨文武大臣。依次就坐。諸樂並
作。

上進酒。召左翼。科爾沁扎薩克土謝圖親王諾
爾布琳沁。卓哩克圖親王噶勒桑棟羅布。扎
薩克達爾漢親王布彥溫都爾瑚。巴林親王
銜扎薩克郡王索特納木多爾濟。科爾沁郡
王和碩額駙索特納木多布齋桑曼扎薩克

郡王巴勒楚克喀喇沁貝勒丹巴多爾濟。右
翼喀爾喀扎薩克親王固倫額駙拉旺多爾
濟阿拉善扎薩克親王瑪哈巴拉喀喇沁親
王銜扎薩克郡王滿珠巴咱爾。同部郡王銜
貝勒哈迪爾。科爾沁貝勒理藩院額外侍郎
鄂勒哲依圖。主默特扎薩克貝子固倫額駙
瑪呢巴達喇。至

御座前。賜酒成禮。○是月。欽差戶部侍郎初彭
齡。因署河道總督奏謝。并現議挑挖清口內

五道引河。水深難以施工。松筠令開壩放水入
運河。黎世序恐清水不足。明春難以敵黃。未
敢遵辦。得旨。署理不過四十餘日。冬春之交。
水勢不盛。自應謹守。為是。松筠之見。亦未能
透徹也。○兩江總督百齡奏。滙陳感愧下忱。
得旨。汝才實可取。不甚切實。才以德為本。事
不可以巧為。取巧必拙。前功可惜。慎之。○是
年。旌表孝子安徽等省江奎等四名。順孫。浙
江省王正培一名。孝女。江蘇省黃氏等二口。

孝婦。浙江省鄭嵇氏一口。守節合例。宗室富
隆阿妻富察氏等十口。滿洲孟額圖妻侯氏
等八十五口。蒙古雙林妻布魯齊特氏等四
十一口。漢軍蔣文昇妻方氏等二十三口。各
省駐防商俊妻姜氏等一百九十三口。直隸
等省王永芳妻楊氏等七百二十五口。未婚
守志。八旗蒙古棍布扎普聘妻扎克齊特氏
一口。漢軍鄭額聘妻李氏一口。湖北等省程
才洗聘妻柯氏等三十一口。百歲壽民婦。福

建等省王夢善等二十九名。五世同堂陝西等省廩生張景仲等三十九家。各給銀建坊如例。○一產三男直隸等省賈逢運等八家。○會計天下民數穀數直隸等省通共大小男婦三萬三千三百七十萬五百六十名。口存倉米穀三千三百五十八萬八千五百八十五石五斗一升七合七勺。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十五

嘉慶十八年癸酉春正月己巳朔
上詣
奉先殿行禮○詣
堂子行禮○遣官祭
太廟後殿○御太和殿受朝作樂宣表如儀○
詣
大高殿
壽皇殿行禮○御乾清宮賜皇子皇孫親藩等
宴○庚午以禮部左侍郎胡長齡充經筵講
官○展賑盛京承德廣寧牛莊錦州遼陽復

州熊岳鐵嶺蓋州。金州十處。上年被水。旗民
○貸直隸博野蠡祁束鹿河間獻景故城吳
橋元氏贊皇邢臺沙河和平鄉鉅鹿唐山
內邱任永年邯鄲成安肥鄉廣平雞澤磁開
元城大名南樂清豐東明冀叢強武邑隆平
臨城寧晉深滄鹽山豐潤新河龍門延慶四
十五州縣。上年被旱。被水。被雹。災民口糧。○
加賑山東禹城齊河濮鄆城東平汶上壽張
荷澤聊城茌平博平莘范觀城朝城平原十
六州縣。上年被旱。被水。災民。並貸歷城章邱
齊東濟陽臨邑長清陵德平陰陽穀堂邑清
平冠恩高唐文登壽光安邱十八州縣貧民
籽種。及德州濟寧東昌臨清四衛東平所災
民口糧。○貸河南湯陰臨漳安陽內黃林武
安淇滑汲輝新鄉十一縣。上年被旱。被水。災
民倉穀。○展賑江蘇高郵寶應甘泉興化四
州縣。上年被水。災民。○展賑安徽宿泗盱眙
天長五河五州縣及泗州衛。上年被水。被旱

災民。○貸江西萬安泰和廬陵新淦清江南
昌新建豐城八縣。上年被水。災民籽種口糧。
○廓爾喀額爾德尼王吉爾巴納租塔畢噶
爾瑪薩野遣使進貢方物。賜勅賞賚如例。○
辛未。
高宗純皇帝忌辰。遣官祭
裕陵。
上詣
奉先殿
壽皇殿行禮。○調工部左侍郎許兆椿為吏部
右侍郎。以國子監祭酒蔣予蒲為工部左侍
郎。○壬申。
上御紫光閣。賜蒙古王貝勒貝子公額駙台吉
及外藩使臣等宴。並賞賚有差。○御重華宮
茶宴廷臣及內廷翰林。以武功良具聯句。○
命總管內務府大臣徵瑞在紫禁城內騎馬。
○是日立春。順天府進土牛春山寶座。○甲
戌。

上詣

雍和宮行禮

火神廟拈香○乙亥

世祖章皇帝忌辰遣官祭

孝陵○追封故御前大臣喀喇沁扎薩克貝勒

丹巴多爾濟為郡王遣定親王綿恩往奠茶

酒賞銀一千兩治喪予祭葬以其子托恩多

襲貝勒○命協辦大學士吏部尚書松筠為

御前大臣大學士勒保為軍機大臣○命翰

林院侍讀毛謨提督四川學政○丙子享

太廟遣皇三子綿愷恭代行禮○

上詣

恩慕寺

恩佑寺行禮○幸圓明園○詣

安佑宮行禮○遣官祭

太歲之神○諭內閣百齡等奏懇恩借帑挑

河分年帶徵還款一摺安東縣境民便河舊

為宣洩積水入海之路前因馬港口漫水橫

衝淤墊以致縣境民田及山安黃河隄根均

停有積水自應設法疏通該河之傍舊有一

帆河施工挑濬足資宣洩著照該督等所請

准其將估需銀一萬五千四百五十餘兩在

於江寧藩庫正項銀內先行借支興辦分作

五年攤徵還款以紓民力○以大學士勒保

為國史館總裁官○以協辦大學士吏部尚

書松筠兼正黃旗領侍衛內大臣鑲白旗漢

軍副都統和世泰掌鑾儀衛事廣州將軍福

會為正藍旗蒙古都統○戊寅

上還宮○以次辛祈穀於

上帝自是日始齋戒三日○乙卯諭軍機大臣

等伯麟等奏檄調邊外不法之土目張輔國

抗違不來現督各土司集練會剿一摺土目

張輔國即僧人銅金原係漢奸因其悔罪投

誠免其治罪並加恩給予土目戳記令其約

束所屬猓夷無令滋事乃怙惡不悛上年膽

敢勾結猓匪搶占各土司地方肆行滋擾又

復縱令猥衆焚劫土司地方。是該土目罪狀昭著。斷難稍事姑容。自應聲罪致討。以靖邊隅。伯麟現已馳赴緬寧。著即在彼督率沿邊將弁。嚴兵備禦。以壯聲威。其應給發該土司等銀兩火藥等項。即飭知該道府轉發接濟。務期迅速殲擒。以除頑梗。各土司如將張輔國拏獲。即飭令解至內地。伯麟審明後。由驛速奏。即將張輔國明正典刑。以彰國法。將此諭令知之。○又諭。昨據張映漢奏。遵照部行

查明湖北彌補無著倉庫確數。覈實辦理一摺。所奏係屬誤會。各直省倉庫錢糧。本不應有虧缺。前因各省有年遠遞虧。或歷任各官身故無著者。接任之員。不能一時完繳。諭令各督撫設法彌補。每歲年終。密奏一次。以備查覈。上年戶部奏請將各省欠款報部查覈。此內如災緩錢漕及民間積欠。原應分析咨部。部中覈其能否依限催徵。奏明分別勸懲。若倉庫虧空。係萬不得已一時權宜密辦之

事。不可藉以為例。若部臣知有數目。即當照例參奏。治罪勒追。戶部原奏未經分析清楚。各督撫若據此即將虧空數目。按年報部。以空言塞責。該管州縣。知係已經報部之款。或心生推諉。亦不上緊完交。辦理轉多窒礙。著傳諭查有虧空各省之督撫等。嗣後仍遵照前旨。將所屬虧空。認真催追彌補。並於新舊交代時。徹底盤查。每歲年終。將彌補確數據實密奏。俟奏報全完日。朕仍分派大員前往

確查。如有短缺情弊。惟該督撫藩司是問。無庸照戶部所奏。紛紛咨部。徒以歲報具文。於彌補之法。轉致有名無實也。○庚辰

上詣

南郊齋宮齋宿。○辛巳。祈穀於

上帝。

上親詣行禮。○幸圓明園。○御山高水長。賜王公大臣蒙古王貝勒貝子公額駙台吉及外藩使臣等食。翼日如之。○壬午。

上御奉三無私殿。賜皇子皇孫親藩等宴。○以正紅旗蒙古副都統那彥寶為正紅旗護軍統領。鑲白旗蒙古叅領福珠隆阿為鑲黃旗蒙古副都統。○釋遣戍軍臺等處已革山東布政使楊志信。甘肅按察使朱棟。吏部侍郎劉鳳誥回籍。○癸未。月食。○

上詣

安佑宮行禮。○甲申。

上御正大光明殿。賜朝正外藩等宴。作樂賜酒。

如除夕儀。○御山高水長。賜王公大臣蒙古

王貝勒貝子公額駙台吉及外藩使臣等食。

○以工部尚書吉綸署經筵講官。○乙酉。

上御正大光明殿。賜大學士尚書等宴。○諭軍

機大臣等。成林奏查明東西兩省水陸界址。

建設橋座。截捕盜匪。繪圖呈覽一摺。粵東土

匪多由水路竄入西省。該撫欲於江心建設

浮橋。以資攔阻。派委員弁兵夫駐劄盤詰。遇

有商旅船隻。驗明方准放行。盜匪乘間伺劫。

其行蹤詭詐。豈盡公然顯露盜形。令兵役得以指認查拏。或冒充商旅。亦事所恒有。安能一一區別。且守橋兵夫良莠不齊。或有得錢賣放等弊。於盤詰奸宄仍屬有名無實。該處江面寬廣。浮橋橫互。設遇江水漲發。恐橋座不免有衝失之虞。現據該撫奏稱建橋估需銀二萬八千餘兩。先於鼓鑄餘息動用。該撫與司道等分年捐還。其歲需經費三千七百餘兩。派潯梧二府按年捐給。若船隻漂滿。其重修之費。又出何款。該撫於此事利弊。全未通盤籌及。所奏殊覺難行。該處既係地方津隘。為捕盜扼要之區。或於東西兩岸。建設兵房。酌派文武員弁。在彼駐紮。再於兩岸各添設哨船二三十隻。分撥兵役往來巡邏。無論晝夜。瞭見形跡可疑船隻。即駛往盤詰查獲。似於緝盜較為有益。於經費亦覺稍省。將此諭令知之。○丁亥。

上御山高水長。賜王公大臣蒙古王貝勒貝子

分額附台吉及外藩使臣等食。○諭內閣朕前定於二十年由熱河啟鑾前往興京盛京恭謁

祖陵禮成後由九關臺邊門經過蒙古地方蒙古王公等懇請豫備行宮。經朕加恩賞給丹巴多爾濟銀二千兩。滿珠巴咱爾瑪呢巴達喇銀各一千五百兩。瑪哈巴拉貢楚克巴勒桑銀各一千兩。並令丹巴多爾濟總理此事。茲丹巴多爾濟業已身故。恐伊子托恩多年雖及歲不能接辦。伊即能辦理妥協。彼時朕經過其地未免思及丹巴多爾濟轉增不悅。所有二十年七月前往興京盛京仍改照十年之例由山海關行走。謁

陵後仍由原路回京。前所賞蒙古王等銀著毋庸繳還。伊等彼時隨扈亦須賞給路費。即將前賞銀作為路費。前賞丹巴多爾濟銀即賞伊子托恩多作為路費。其餘蒙古王公等仍照例賞給。○己丑諭軍機大臣等汪志伊等

奏閩浙兩省舟師節次報獲盜犯一摺。據稱該省洋盜節經嚴飭舟師分催緝捕。現計水陸先後拏獲洋盜奸民共二百五十三犯。其黃茂匪幫經舟師追捕原船已被擊碎無存。黃茂一犯僅坐小漁船一隻率夥數十人在洋竄匿。現分飭各舟師加緊追捕等語。前此地方文武各官往往徇於招撫之說以圖將就了事。不思此等奸民稔惡多年商民受其屠毒至為慘酷一經投首得以倖逃法網而該匪等投首後轉瞬閒又故智復萌逃逸下海勾結舊日夥匪仍肆行劫掠是招撫不如勦捕。歷有明徵。朕屢經訓諭奈該督等姑息存心終無成效。况受降宥罪其法祇可施於外夷若內地莠民必當拏獲嚴辦方足以彰國法而杜奸萌。現在該省洋面盜首祇有黃茂一名其勢極為窮蹙該督等斷不可再事姑息。惟有嚴飭舟師上緊追捕務期迅速殲擒盡法懲治以靖海疆。將此諭令知之。○辛

卯

孝聖憲皇后忌辰遣官祭

泰東陵。○諭內閣初彭齡奏熟籌下河水利宜加修理一摺。江省高寶興鹽等處下河地方。勢處窪下。為上游水潦奔匯之區。從前河道。屢經疏濬。今歲久淤塞。每遇洪湖盛漲。分洩運河不能容納。而下游去路阻滯。數縣民田。廬舍悉被淹浸。年來蠲賑頻仍。多糜帑項。茲據初彭齡覆查明確。亟應先時修辦。著照所

請。將下河一帶應挑應築各工。即行勘估興修。其應歸官辦銀一萬八千餘兩。照數動撥。應歸商辦銀八萬八千餘兩。飭令趕緊興工。此內應歸民辦工程。急需銀三十二萬一千餘兩。著先行借款給發。俟年歲豐收後。攤徵歸款。事關水利民生。百齡。黎世序嚴飭承辦各員。實心經理。張鼎。劉重。熟悉工程。現既委令確切勘估。其餘工員。亦一併認真責成。務令工歸實濟。帑不虛糜。工竣後。百齡。黎世序

二人內酌分一人親往驗收。如辦理妥協。實於河工地方有益。奏明量予獎勵。設有偷減草率情弊。立即嚴叅治罪。毋稍姑息。○諭軍機大臣等。本日據拉旺多爾濟。松筠奏張家口蒙古婦人蘊濟特呈控協領圖滿得受賊犯銀兩。誣伊子達瑪琳扎布等三人為盜一案。已有旨交熙昌會同貢楚克扎布來靈審辦矣。此案達瑪琳扎布。圖克濟圖布德恩等。均係總管鄂特歡派出查拏盜賊之人。連獲

十餘犯。協領圖滿得受賊犯銀兩。轉將達瑪琳扎布等。嚴刑逼認通盜。定擬罪名。將已獲正賊釋放。如果所控屬實。則圖滿得賄縱賊。誣良為盜。其罪甚重。熙昌等訊明。即將圖滿嚴叅治罪。不可稍有回護。若達瑪琳扎布等平日竟與賊犯相通。亦應按律究辦。毋任狡脫。熙昌貢楚克扎布來靈奉旨會同審辦。務須秉公詳慎。以期無枉無縱。將此諭令知之。○壬辰。諭內閣蒙古王公等墳塋。向無立碑

之例。丹巴多爾濟係舊蒙古。自幼在內廷養。經朕擢至御前大臣。一切差使。謹慎奮勉。著加恩准其建碑。即刊朕所降恩旨於前。祭文於後。前賞丹巴多爾濟銀二千兩。托思多隨扈盛京。無需如許路費。即著將此項建碑。以示朕體恤舊蒙古之至意。○癸巳。

上幸萬壽山。○諭軍機大臣等。伯麟奏督飭勦辦邊外首惡張輔國情形一摺。據稱該督自馳抵順寧之後。據報張輔國之黨目楊文星

率領衆探首先投誠。惟張輔國竟敢恃險拒捕。經派出員弁督飭耿馬孟連猛猛三土司帶練分路進勦。連日將被賊侵占各寨分投克復。傷斃賊匪多名。現在該督復添派員弁馳往各路督催土練進勦。張輔國勢已窮蹙。不難搗其巢穴。速就蕩平等語。張輔國以內地奸民滋事不法。投誠後赦過宥罪。令其充當土目。乃仍敢在邊外跳梁。蠶食土司。肆其侵擾。並敢踞險立柵。抗拒官兵。兇悖已極。據

稱現在潛伏南興地方。重重立柵。甚為堅固。附近並分布賊寨。是其勢尚非十分窮蹙。此時乘勝進勦。不可稍涉疏懈。著伯麟即曉諭各土司。以伊等被張輔國擾害侵凌。銜恨已久。今仗內地兵威。搗其巢穴。能將張輔國迅速擒獲。則各寨從此永享安寧。一面督令各土練奮勇進攻。並飭知該道府將賞助該土司銀米予藥。應時接濟。勿令缺乏。總期於瘴癘未起之前。將首逆擒獲。斷不可聽其勢迫

請降。仍留餘孽擒獲審明。即奏聞立正典刑。以安邊境。將此諭令知之。○甲午。命翰林院侍講學士寶興。在上書房行走。○乙未。朝鮮國王李璿遣使表賀。

萬壽冬至元旦三大節。及歲貢方物。賞賚筵宴如例。○琉球國中山王尚灝暹羅國王鄭佛遣使表貢方物。賞賚筵宴如例。○旌表守正捐軀江蘇吳縣民陳雙受妻成氏。○丙申。予原任湖南按察使傅鼐。入祀名宦祠。從巡撫

廣厚請也。○丁酉。

孝儀純皇后忌辰遣官祭

裕陵○

上臨故喀喇沁郡王丹巴多爾濟園居賜奠。○

戊戌

上詣

大高殿行禮。○還宮。

貴錄卷之五十五

十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十五

六〇二

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百六十六

監修總裁官總道日講起居注官李太僕玄英殿大學士文淵閣領閣事稽察欽
上諭事件處管理工部事務翰林院掌院學士趙

帶加級尋常加四級臣曹振鏞總教習李太保文淵閣大學士管理刑部事務加五級臣戴均元護理自講起居注官太子少保內大臣文淵

閣議錄閣事稽察欽奉
上諭事件處協辦大學士
部尚書翰林院掌院學士
教習原吉等總管內務府
大臣銀黃旗滿洲那統等

沈貞吉選郎三革本食院有衡司等處總理三程處御茶膳房御藥房太醫院西洋事務撥軍功加二級頭帶加二級尋常加三級紀錄二十

卷之六

[illegible]

救修

嘉慶十八年癸酉二月己亥朔諭內閣百齡

等奏請將新添海州揚州官兵俸餉等項概

由商人捐辦。毋庸移改漕標左營一摺。所奏

斷不可行國家設兵衛民一切廉俸餉糈乘

皆支用正帑直省營伍皆然從無令民間捐

辦之事茲該督等以江南海州地方私販

斥時有械鬪拒捕之案揚州存城額兵亦不

數巡緝議於該二處增設官兵夫緝私禁暴

皆保衛民生之事商亦民也亦復何所區別

若謂商人等自顧綱引出資雇募巡下屏御

梟販原例所不禁聽其自辦今既定制建營名為額設官兵而令商人等捐給俸餉朝廷豈有此政體乎百齡阮元阿克當阿何陋見若此均著傳旨嚴行申飭仍交部議處汝三人俱係有才有為之人今如此存心卑陋朕實不解至該二處如必需添設弁兵或漕標不能裁撥另於通省各營伍議撥均無不可即江省無可改撥之處或將所增俸餉另行籌款動支統俟妥議具奏到日再降諭旨○

諭軍機大臣等百齡初彭齡奏接准東省移會因微山湖存水短絀咨商啟放蘇家山閘現在委勘籌辦緣由一摺微山湖為濟運水樞現在存水短絀不敷濟運東省自應早為籌備即如嘉慶十四年東省湖水不敷議開蘇家山閘係於年前十月間具奏辦理此次湖水短絀應如何設法濟運李亨特同興並

引黃入湖本非善策十四年係十一月興工次年正月月中旬開放彼時乘冬令水涸沙輕幸免淤墊至三月中旬堵閉已大費經營今本年伊等正月始議籌勘計挑渠築壩工竣三月間甫能開放其時桃汛經臨正黃河水長之時溜挾沙行不但湖身受淤兼恐穿運為害夏令一交水勢盛漲萬一掣動大溜堵合需時則下游水緩沙停全河受弊於大局殊有關繫百齡初彭齡能計慮詳慎不即照

東省咨商辦理所見甚是李亨特同興均著傳旨嚴加申飭現在湖水不敷濟運斷不准開放蘇家山閘著李亨特同興二人於東省附近各湖河泉源悉心籌畫接濟湖水總期不誤漕運又不致有礙河防全局將此各傳諭知之○旌表守正捐軀河南確山縣民沈幅瀧妻熊氏○庚子以舉行仲春經筵遣官告祭

奉先殿

傳心殿

上御文華殿經筵直講官秀寧劉鏞之進講大學自天子以至於庶人壹是皆以脩身為本講畢

上宣御論曰聖人垂訓後世以脩身為齊家治國之大本格物致知正心誠意之功用無論分位之崇卑皆具於天性之本來良知所蘊為脩身之要道也自天子以至於庶人各脩其身各立其本等級雖殊而功效則一也天

下兆姓良莠不齊能脩其身則顯親揚名垂裕後嗣否則徒自作孽貽害身家耳若夫為人君者上承天祖之命下撫億兆蒼生君之身脩則人皆仰望賢者觀感興起不肖者改悔勉勵故責己勝於責人必以自脩為本也天子以脩身為為政之本百官庶民各正性命共沐薰陶冶功蒸蒸日上風俗純厚和氣致祥家齊國治一本萬殊會其有極也聖王之學不外正心正心為脩身之本脩身又為

治家國天下之本欲望家國天下之治又在各脩其身而其大本不外建極之一身所謂形端表正立極執中為天下萬民之標準共遵王路咸有一德庶幾臻於大同之盛必以天子脩身為本也直講官英和汪廷珍進講易經君子體仁足以長人講畢

上宣御論曰上天以生物為心乾德以元為首元者仁也天以元德資始萬物生生之本成始成終健行不怠天之道也惟君子以仁為心之德本於吾性善之所發以道德涵育之以理義陶鑄之百行由此而出萬物由此而遂蓋善之長也體乾之德功用精純所存所發莫非天理之流行毫無人欲之閒雜雖天下之廣兆姓之衆而度量之含弘光大自足以怙冒寰宇品物咸亨功效有餘無不備矣為人君止於仁法天之行健溥愛而無私仁者人心之所同也因人心之同施推恩之政殷胞與之懷己飢己溺關切深衷曰教曰養

籌思力行所謂體也。以不忍人之心行不忍人之政。正民德。厚民生。恤民隱。化民俗。斯對時育物。容保無疆。仁之全體大用。足以浹洽人心。生成庶物矣。推其本原。必盡己性。乃能盡人物之性。己所不欲。勿施於人。以忠恕之道為體。仁之夾輔。以義利之辨作體。仁之防閑。先成己而後成物。明良交泰。呼吸感通。天人胥慶。政治克諧。體仁之效。長人之功。光被四表格于上下。其旨深矣。禮成。

上幸文淵閣。賜講官及聽講諸臣茶。復賜宴於本仁殿。○辛丑遣官祭。

文昌帝君廟。○諭內閣。從前挑選八旗女子官員兵丁閒散之女。均經一體挑選。自嘉慶十一年曾經降旨。令將漢軍自筆帖式驍騎校以上之女備選。現在八旗滿洲蒙古應行挑選女子人數漸多。下屆挑選時。除八旗滿洲蒙古女子自護軍領催以上女子仍照舊備選外。其各項拜唐阿馬甲以下女子著不

必備選。著為令。○又諭。外扎薩克蒙古王公台吉等。業經出痘者。均於年班來京。其未經出痘者。祇於熱河瞻覲伊等游牧較遠。此內年老者來京當差。步行差使較多。恐伊等不能耐勞。著加恩嗣後年逾六十五歲之外扎薩克蒙古王公台吉等。如遇年班毋庸來京。均赴熱河以節其勞。著理藩院將如何輪班之處定議具奏。尋議喀爾喀土謝圖汗車登多爾濟現年已逾六十五歲。下屆年班應免

來京。即令前赴熱河瞻覲。其餘外扎薩克四部落土爾扈特和碩特杜爾伯特青海蒙古汗王公台吉內年逾六十五歲者。通行查明遵旨免其來京。均令輪赴熱河。隨同喀爾喀四部落兩翼派定善獵之王公台吉等進哨當差。永為定例。從之。○壬寅諭內閣。本年京察屆期。吏部開列在京各部院大臣及各省督撫名單。請旨甄別。朕思三載考績為朝廷黜陟大典。自當覈計各臣工三年內功過以

示激揚現在朝政肅清紀綱整飭大學士慶桂董誥勒保劉權之協辦大學士松筠鄒炳泰戶部尚書托津內閣學士盧蔭溥或襄贊綸扉或趨承樞禁夙夜匪懈恪勤供職均著加恩交部議敘盛京禮部侍郎花尚阿本係棄瑕錄用之人此次任內又有失察邪教及諱災不奏過失伊年逾七旬著以原品休致餘俱著照舊供職其直省總督巡撫此三年內均係循分供職無可甄敘之員亦無年老應行罷斥者俱著照舊供職○癸卯命

皇次子 祭

關帝廟○諭軍機大臣等本日甘肅奏查勘微湖水勢一摺漕運關繫緊要向來邳宿運河屆當重運經臨俱藉微湖鋪水濟運歷年東省籌備儲蓄從無缺誤今微湖存水短絀上年不早為籌畫以致目前祇有水八尺三分昨據李亨特奏稱以之宣濟東省八閘無虞匱乏若接濟邳宿一帶實不敷用所言

甚屬紕繆試思重運自南而北必先過邳宿一帶後至八閘若在邳宿一帶先已淺阻不能入山東境則八閘存水何所用之若將此八尺三分之水先儘鋪注邳宿運河則糧船過邳宿之後八閘以內又虞缺耗總須一律通順毫無淺滯消除成見毋分畛域現在軍船已銜尾北來為期孔迫豈可坐視延阻百齡黎世序李亨特同舉務須同心協力通盤計算江境附近邳宿各閘壩有可以引入運

河者即上緊疏導東省泉源較廣尤應多方挹注引入湖河俾資接濟李亨特同舉不可以東境運河足數接塘打放即置江境於不顧百齡黎世序亦不可專俟微山湖鋪水下注仍應亟籌邳宿一帶轉運良法總之漕艘經行南北運河事同一體斷不能任其遲阻將此各諭令知之○以都察院左副都御史誠安為盛京禮部侍郎○甲辰上御勤政殿聽政○遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神○遣官祭

先醫之神○以翰林院侍讀學士果齊斯歡

為內閣學士兼禮部侍郎御太常寺卿張鵬

展為通政使司通政使仍留山東學政任詹

事府少詹事穆彰阿為詹事○命翰林院編

修葛方晉提督河南學政○乙巳

孝淑皇后忌辰遣官祭

陵寢○戶部議准山東巡撫同興疏報膠州開

墾海灘田六十七頃三十三畝照例升科從

之○

上以祭

社稷壇自是日始齋戒三日○丙午以翰林院

侍講珠爾松阿和桂克日講起居注官右春

坊右贊善汪潤之編修李宗昉著日講起居

注官○丁未祭

先師孔子命

皇次子行禮○諭內閣前據百齡等奏接

准東境移會本年微山湖存水短絀恐不敷

濟運請開放蘇家山閘並派道員陸言赴江

會議等語當經降旨以引黃注湖為害甚鉅

此事斷不可行將李亨特同興嚴加申飭令

其另行籌議辦理本日據李亨特覆奏前此

議啟放蘇家山閘一事係由運河道陸言聽

信加河同知師慕祖及候補通判甘運濂之

言具稟請辦該河督曾經批飭並面為曉諭

該道仍惟該廳等之言是聽紛紛具稟江南

督臣漕臣河臣山東撫臣請將該道廳等分

別議處並自請議處等語微湖存水短少李

亨特身為河督並不於上年及早籌辦以致

目前重運將臨情形支絀該河督咎無可辭

除飭該河督迅速另籌濟運外李亨特著交

部議處陸言於河工情形未能諳悉輕信人

言率行稟請不勝河道之任著即來京交該

部帶領引見另降諭旨仍先交部議處所遺

運河道一缺著李亨特會同同興長齡於山東河南二省遴選通曉河務之員奏請補放
加河同知師慕祺於該湖已受淤墊之後復
議引黃注湖實屬不諳機要著交部嚴加議
處候補通判甘運濂隨聲附和亦著交部議
處至巡撫同興於漕運經由本省河道亦應
一體籌計乃上年微湖蓄水短少全未過問
著一併交部議處○戊申祭
大社

大稷

上親詣行禮○幸圓明園○乙酉

孝康章皇后忌辰遣官祭

孝陵○辛亥

上幸靜明園詣

龍神廟拈香○諭軍機大臣等甘家斌奏東
省附近河湖十七州縣舊有泉源四百八十
四處原為濟運之用若平日認真疏濬湖水
自能充裕近日潛伏不常或居人堵截葦根

巨塞水多旁耗又蔭泉柳樹年年補栽旋聽
人偷拔塞責一時請飭令設法辦理分別勸
懲等語濬泉裁柳藉以廣裕湖潴通漕利運
皆地方應辦之事該省平日視為具文並不
實力奉行一遇雨澤稍愆即致湖水短絀大
費周章著同興遵照歷次所降諭旨上緊籌
辦並嚴飭有泉各州縣認真疏導務期有備
無患不誤漕運至該給事中所奏該省旱乾
已久麥苗就枯民心不定等語並著該撫留
心查察即日糧艘行入東境設有阻滯停集
河干飢民乏食或致別生事端該撫安能當
此重咎耶將此諭令知之○癸丑遣官祭昭
忠祠○諭軍機大臣等百齡奏勘籌水線河
引黃入運礙難舉行並詳議邳宿運河水勢
漕運情形一摺江境邳宿一帶運河向資東
省微山湖水鋪注濟運本年因微湖蓄水短
絀不敷應用李亨特等議開蘇家山閘由水
線河引黃入運百齡等以開放水線河仍係

開放蘇家山閘同一引黃而於河串運流契更甚通盤籌畫必須兩省運行不致此盈彼絀方為周備所辦甚是其所議於駱馬湖黃道人橋抽溝引水及築束水草壩於各閘下板擎蓄登豫備剝船各事宜俱應及早籌備以免貽誤該督等即知照東省酌量鋪水一面啟放禦黃壩催趙漕船迅速北上勿致阻滯為要至百齡等此次摺報係覆奏前奉諭旨用四百里儘不為遲今率用五百里急遽不但疲勞驛站呈遞時朕深為駭異百齡等何不曉事嗣後陳奏河工事務總不許輕用五百里馳遞將此諭令知之○甲寅緩徵山東歷城章邱齊河齊東濟陽陵臨邑長清禹城德平原平陰肥城東平東阿惠民青城陽信商河蒲臺滋陽寧陽汶上陽穀壽張嶧河澤鉅野鄆城濮范朝城觀城聊城堂邑博平往平清平辛冠高唐恩文登臨清夏津邱武城濟寧金鄉嘉祥魚臺五十一州縣及德州

濟寧東昌臨清四衛東平所旱災本年額賦○乙卯引見京察三四五品京堂得旨此次京察引見三品以下京堂各官翰林院侍講學士黃鉞供職內廷差使勤慎鴻臚寺少卿姚祖同在軍機章京上行走朝夕在公並無貽誤俱著加恩交部議敘太常寺少卿馬履泰順天府府丞汪鏞內閣侍讀學士舒昇阿馮世枚均年力就衰著以原品休致其餘宗人府府丞李鉉等四十四員俱著照舊供職○以故喀爾喀賽因諾顏扎薩克鎮國公齊旺達什子巴勒沁襲爵○丙辰上幸萬壽山○諭軍機大臣等李亨特奏多方疏導泉源並勘辦水利河渠以利運行一摺東省湖潞原以灌注運河其東岸各泉由汶由泗及獨山馬場等湖皆可分流入運並有徑行入運者若濬治暢達不但東省運河足資挹注並下游邳宿亦可冀其接濟目下雖因天時久旱坡水未能匯注但各處河渠必

須豫為挑挖。則時雨既降。百川灌河。即迅收通漕利運之效。若不先事豫籌。遇有雨澤。必致散漫。得雨後始設法導引。必致漫溢。民田以有用成無用。非徒無益。反致有害矣。總須時刻留心辦理。勿令緩不濟急。至運河西岸昭陽湖與徽山湖毗連。此時兩湖水面雖平。將來徽山湖放水之後。昭陽湖存水仍可下注徽湖。即可導之順流入運。現在首進幫船已計日北來。二進亦銜尾而至江境。邳宿運河總須東省啟板鋪水。方可保無阻滯。該河督等務當照節次所降諭旨。通盤籌畫。俾漕艘早達天庾。為要。將此諭令知之。○丁巳春分朝

日於東郊遣鄭親王烏爾恭阿行禮。○諭軍機大臣等。斌靜奏墨爾根城遣犯商謀糾眾行劫。現在馳往審辦。一摺。據稱接據墨爾根城副都統明德來咨。遣犯李必連、劉義章等首告該處遣奴內有商議糾眾行劫之事。先後

拏獲首夥各犯三十一名。審出係韓自有、石方山、馬伏龍等三人起意為首。其餘潛逃各犯。無從緝拏。又據另片奏稱查閱明德來咨。初稱逆賊商議行劫。即晝夜派兵往拏。並無向首告李必連、劉義章追問之語。次日審係韓自有等三人為首。及定案文內。復稱首告時。即據李必連等報稱。係遣犯劉三為首。該副都統於似此供情。專務刑求。誠恐未為確實。俟到彼提審。斷不敢化大為小。亦不敢稍涉迴護等語。該處遣犯均係免死減等發遣為奴之犯。遇有脫逃滋事。拏獲即應正法。若該犯等膽敢有商謀糾眾行劫之事。審明必當從重定擬。按律正法。如有起釁別情。亦必須徹底根究。此事關繫緊要。斌靜現已赴墨爾根城查辦。著傳諭松寧。接奉此旨。即日馳驛前往墨爾根城會同斌靜審訊。先就現獲案犯三十餘名詳細研究。該犯如何商謀為逆。抑或另有別故。韓自有等是否係此案首

犯抑此外另有首謀之人如首犯仍有在逃者即督飭嚴拏務獲歸案審擬不可姑息亦不可稍有瞻徇欺隱將此諭令知之○庚申諭內閣上年十一月間據永銘等奏

泰陵寶城牆身皴裂二段應行修理當經派員前往敬謹勘估交凱音布哈寧阿二人承修據凱音布等奏稱開工後復詳細查勘

泰陵寶城週圍牆身露明皴塊均有酥鹼除原估外尚有皴裂五段湊長二十四丈裂縫五

逾上臺面皴並有沈蟄當即降旨令永銘等將因何不據實報出緣由明白回奏日來朕召見凱音布面加詳詢據稱伊二人到工日穆克登額先告以原報二段之外皴裂情形尚多其勘工時永銘永玉未經同往穆克登額與伊二人同至

寶城週圍上下詳細查勘所有續行動出皴裂各情形俱經同穆克登額口講指畫等語本日又面詢哈寧阿其所奏與凱音布相同並

據哈寧阿奏稱伊等擬定奏稿之後並曾令隨帶司官將奏稿同丈尺清單送與穆克登額閱看是凱音布等續奏情形穆克登額知之甚悉乃本日據永銘等覆奏稱城上海墁皴塊間有酥鹼凸起為數無多至

寶城牆身並無另有皴裂五段二十四丈之處凱音布等起程回京其如何奏報情形意見伊等不可得知等語所奏顯有不實

陵寢重地遇有應行修理之處理應加倍敬慎

永銘等上年查勘時或有未周抑或勘估後續增情形均應據實奏聞以憑敬謹覆勘乃經奉旨查詢仍復迴護前奏強詞支飾實屬謬誤永銘永玉穆克登額著交各該衙門嚴加議處永銘永玉即回京候議其承辦

西陵事務二缺著交宗人府迅速開單奏請簡派穆克登額著在彼聽候部議其泰寧鎮總兵兼總管內務府大臣員缺著那彥寶補授並派蘇楞額同那彥寶即日前往

泰陵敬謹詳細估勘其應如何妥協修整之處
昨派景祿蔣子蒲二人前往覆勘如蘇楞額
等到彼景祿等尚未回京著即會同查勘如
業已回京蘇楞額那彥寶另行詳勘具奏○
諭軍機大臣等伯麟奏埽蕩賊巢及躡緝首
惡招撫各寨情形一摺南興為張輔國巢穴
該逆恃險負固經各路目練奮勇圍攻縱火
焚燒傷斃賊匪甚衆餘匪向後山逃逸張輔
國乘夜滾巖潛遁現在各練占住南興山寨
分投搜捕賊巢業已破毀匪衆無盤踞之地
張輔國由山後老林遁匿諒亦不過在附近
寨洞伯麟現將應徹兵練及時撤回責成各
土司窮搜山谷著即嚴行曉諭以張輔國係
肆擾渠魁必應上緊拏獲明正刑誅庶可邊
隅永靖責令剋期擒獻將此諭令知之○以
正白旗蒙古副都統緒蔭為正紅旗護軍統
領散秩大臣花沙布為正紅旗蒙古副都統
○辛酉降寧夏將軍富色銓額為頭等侍衛

以正藍旗蒙古都統福會為寧夏將軍宗人
府左宗人晉隆兼正藍旗蒙古都統○壬戌
上幸靜明園詣

龍神廟拈香○諭軍機大臣等本日刑部議
覆黑龍江改發遣犯事宜一摺已依議行矣
昨據斌靜奏墨爾根城有遣犯韓自有等糾
衆行劫之案已派松寧前往會同查辦因思
斌靜接到部覆之後即須將該處衆遣犯分
別起解各遣犯聞知現在韓自有等獲罪之
由紛紛疑慮不可不明白曉諭著斌靜等即
先繕發簡明告示廣為宣布以爾等在配各
犯本係犯罪應死之人仰蒙天恩寬免將爾
等發遣為奴爾等自到配以來俱能安靜歷
有歲月並未另犯罪名既蒙皇上施恩於前
斷無此時再行加誅之理此時係因黑龍江
地方寒苦連年發來犯人太多衣食艱難將
爾等改發新疆及內地省分新疆地方天氣
溫暖食物價賤內地更屬樂土爾等到彼度

日謀生遠勝於黑龍江不可因見辦理韓自有一案心生疑懼韓自有係因搶劫生事另犯罪名是以查拏審辦與爾等毫無干涉試思爾等若果犯罪應諫朝廷頒到諭旨何難將爾等即在黑龍江本處辦理爾等又何能逃脫豈有遠解萬里之外然後正法之理即爾等在此數年幾曾見伊犁烏魯木齊犯罪之人有解至黑龍江正法者如此反復譬喻各遣犯雖至愚蒙亦必明白曉悟安心就道至於鎖項一節伊等在配日久安靜營生已無拘繫之苦今一旦加以鎖項亦恐不免疑畏並當諭以此係改發犯人定例不過暫時拘帶到配後旋即開釋該將軍並飭知承辦之員不必用重斤鐵繩過於纍繫至於老病釋回各犯情節輕重不同即同一邪教會匪案犯亦有區別如會內教內狡黠重犯恐其回籍復行煽惑自難寬宥若情節本輕者亦可酌量減釋並著該將軍等詳覈案情分別

辦理其吉林應行改發遣犯見黑龍江遣犯安靜過境自必易於辦理其一切章程即照部中議准黑龍江條例妥協照辦可也將此諭令知之○成都將軍豐紳丁憂回旗以四川總督常明兼署成都將軍○癸亥引見各衙門京察保送一等人員得旨此次京察交出記名人員除御史宗室永明額例不簡放外任外其餘各員著各該堂官再行出具切實考語交吏部帶領引見其滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判分別選用兵馬司正指揮沈慶廉順天府司獄何應樞交部照例以應升之缺升用宗人府筆帖式宗室泰存欽天監主簿許翰著各該衙門照例升用翰林院侍讀玉輅准其一等司經局洗馬彭邦嚮准其於中允任內一等工部主事恒灝准其於筆帖式任內一等加一級其餘內

閣侍讀蘇明阿等二百五十九員俱准其一等加一級戶部筆帖式富寧阿兵部筆帖式楊沅刑部筆帖式農伊泰清語生疏人亦平庸俱著改為二等○諭軍機大臣等本日景祿蔣予蒲到園覆奏恭查

泰陵寶城情形朕當即召見據伊二人奏稱寶城裏面荷葉溝並無淤積不至浸水牆執共十七進工程甚為鞏固其裂縫之處細視寬僅一線東北面通長一道上截裂紋至寬處

不過二三分下截亦僅如線拘抵即可完整若如凱音布等所奏間段拆卸三十餘丈不但舊做之工十分堅緻不應輕易拆動且恐新做之工不能如舊事關重大不敢不據實奏明並據蔣予蒲奏伊原查估之牆身二段前次因春初冰凍未解恐春融後續有顯露情形是以擬換執三進此次覆勘春融凍釋毫無續增痕跡即三進尚屬寬估伊不敢迴護前奏等語其所奏情形與凱音布等日前

之言迥異朕復召見凱音布哈寧阿二人詳詢凱音布等仍執前此查勘隙裂多處必應大加拆修之議

陵寢重地所關至鉅若實有滲隙閃裂情形亟應施工修整萬不可稍事遲延因循不辦若工程堅固保無敬閃亦萬不可輕舉妄動蘇楞額那彥寶奉命往勘不可稍存偏袒著敬謹周歷詳查不妨多往數日勘明定議必應判定是非不可隨意遷就即日朕恭謁

西陵屆期當先派親信王大臣前往敬謹覆勘謁

陵之日朕仍親謁

寶城週圍詳勘儻蘇楞額等所奏稍有不實恐不能當其咎也將此諭令知之○甲子

孝昭仁皇后忌辰遣官祭

景陵○諭軍機大臣等未理奏查明江蘇省倉庫虧墊各款酌定追補章程一摺直省倉庫虧缺數目以江蘇省為最多前於嘉慶十四

年查明江藩所屬共虧銀一百七萬三千五百餘兩米八千六百餘石蘇藩所屬共虧銀三百三十三萬五千二百餘兩米豆三千九百餘石今據朱理奏稱截至上年十一月江藩所屬已完銀六萬三千四百餘兩未完銀一百一萬餘兩錢二千七百餘串已完米六百餘石未完米七千九百餘石蘇藩所屬已完銀七十一萬三千八百餘兩未完銀二百六十二萬一千三百餘兩已完米豆二千六

重刊書李未

未

百餘石未完米豆一千二百餘石該省倉庫錢糧虧缺如此之多數年以來江蘇並無大差大役而彌補者為數無幾是該撫所奏並無續虧之言殊難憑信各州縣彌補之法總在杜絕新虧若不節其流其事迄無底止自此次截數之後該撫務通飭所屬清查只此一次斷不能再邀寬典各州縣中如有挪新掩舊再致虧缺者查出一處即叅辦一處照例監追治罪庶現任之員各自顧身家接任

之員亦不肯代人任咎自經此次奉旨之後務照依所定年限數目覈實提解如查明某款原虧若干分限幾年補完此幾年中一年應補若干每屆年終將依限補足若干尚有未完若干逐款分晰開列清單據實密奏交軍機處查覈該撫務督率該藩司等認真經理確實勾稽勿得一奏之後仍聽屬員掩飾拖延以致有名無實也勉之慎之將此諭令知之○乙丑

重刊書李未

未

上御勤政殿聽政○以大理寺卿佛侍為都察院左副都御史湖南布政使朱紹曾為太常寺卿雲南布政使梁敦懷為太僕寺卿○調江西布政使陳預為湖南布政使以太僕寺卿袁秉直為江西布政使江南蘇松糧儲道李長森為雲南布政使○旌表守正捐軀河南葉縣民張駱駝妻盧氏○賑山東聊城堂邑博平往平清平莘冠東平東阿滋陽寧陽汶上陽穀壽張荷澤鉅野鄆城濮范觀城朝

城濟寧二十二州縣被旱災民○丙寅復引見京察一等圈出入員得旨蘇明阿誠端何金彭邦疇葉紹本佟景文宋湘孫爾準朱榮錢昌齡和精額扎隆阿朱文翰岳齡安祥泰徐志晉童槐珠隆阿伊星阿恒安奎昌積勒杭阿金齊賢阿齡住趙麟盧坤景慶恒安程祖洛張潤盛泰屠之申覺羅承寶覺羅慶善德啟方應綸岳祥伊什扎木素福泰富明巴寧安西琅阿葉紹樞常文魏元煜韓鼎晉多賚戴聰俱著交軍機處記名以道府用其不應補放道府之起居注主事文忠太常寺寺丞善祿俱著照例俟調部後以直隸州知州同知選用○緩徵直隸博野蠡祁河間獻景故城吳橋元氏贊皇邢臺沙河南和平鄉鉅鹿唐山內邱任永年邯鄲成安肥鄉廣平雞澤磁州元城大名南樂清豐東明冀叢強武邑隆平臨城寧晉深新河廣宗曲周威清河長垣南宮高邑滄鹽山豐潤龍門延慶五十

中錄卷一百一

元

一州縣水災旱災雹災節年額賦旗租倉穀○丁卯遣官祭賢良祠

實錄卷一百一

元

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十六

卿○庚午諭內閣

清實錄
嘉慶十八年三月

無才客 門君 乃 賢 言 甚 下 久 拔 十 科

固不應如凱音布等所請大加拆修並據蔣予蒲奏稱原估牆身二段現無續增情形仍可搏節緩辦朕以伊等各執一詞連日於伊等奏事到園屢次分別面詢所言又各歧異本日據蘇楞額等奏稱此次恭詣

寶城周圍敬謹詳視並懸線測量所有城身牆閃二段與原報原估相符應行修理此外又北面牆閃一段西南面新舊牆接縫參差一段俱應增修其凱音布等所稱另有牆裂五

宮錄卷三十三

十三

段湊長二十四丈有餘裂縫五道內通身滿裂一道各情形細查裂縫長僅數尺寬僅一線及一二分不等拘抵即可完善委無通徹裂縫之處荷葉溝亦無滲水痕跡另擬工段丈尺清單進呈將凱音布哈寧阿二人嚴叅請旨朕詳慎酌覈蘇楞額於工程素稱諳練那彥寶前任泰寧鎮總兵有年茲重荷蘭任嚴旨責令詳勘其所奏情形較為確實可信已降旨即命蘇楞額那彥寶二人敬謹承修

其前後異議諸臣不可不明白宣諭區分功罪此事永綽等三人原報工段本係應修之工凱音布等續奏工段不應拆修伊等不敢隨聲附和其於凱音布等欲上

寶城查勘之時謂係慎重

陵工不便向阻均無不合本可將前日嚴議寬免惟凱音布等回京後穆克登額曾於司員桂良處取到摺稿併丈尺清單共永綽永玉觀看前次明白回奏之摺並不據實聲敘轉

宮錄卷三十三

十四

稱凱音布等如何具奏不可得知殊屬隱飾伊三人之過在此永綽永玉穆克登額仍交各該衙門嚴加議處桂芳景祿蔣予蒲三人先後查勘查估均無不實惟於蘇楞額等此次續行勘出應行增修工程二段未能詳細查報不免疏畧桂芳景祿蔣予蒲均著交部議處此時應修工程俱已照蘇楞額等所勘派修蔣予蒲本不諳工程其前奏原估工段仍應緩修之言亦殊非是毋許再行瀆奏至

凱音布哈寧阿二人承修

陵寢工程祇應照原報原估處所敬謹修理堅固乃伊等於估報之外率臆查勘已屬多事查勘後即浮開丈尺張皇入奏而於蘇楞額此次查出實應增修之工又不符合實屬冒昧且前日據稱伊二人到工之時穆克登額先行告知

寶城工段應行續勘者甚多與之一同周歷審視復又奏稱係伊二人自欲查勘穆克登額

先無此言蘇楞額等傳旨詢問穆克登額亦實無先言工段尚多之事凱音布等奏對之詞又前後矛盾種種不實其咎較重凱音布哈寧阿俱著交該衙門嚴加議處○調鑲黃旗漢軍副都統普恭為正紅旗滿洲副都統以內閣學士果齊斯歡兼鑲黃旗漢軍副都統○辛未轉吏部右侍郎成寧為左侍郎以內閣學士文寧為吏部右侍郎轉禮部右侍郎秀寧為左侍郎以內閣學士英和為禮部

右侍郎○調正紅旗漢軍副都統蘇楞額為正紅旗滿洲副都統以鑲白旗蒙古叅領文凱為正紅旗漢軍副都統○壬申清明節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子

祭

孝淑皇后陵寢○遣官祭

端慧皇太子園寢○復引見內務府京察一

等圈出人員得旨六庫郎中清海都虞司郎

中克蒙額造辦處郎中嘉祿上駟院郎中恒泰奉宸苑郎中阿揚阿圓明園郎中熱河清漪園郎中阿爾邦阿廣儲司員外郎那祥武備院員外郎長庚圓明園員外郎延隆俱著交軍機處記名○以通政使司副使扎拉芬為太僕寺卿○癸酉

上詣

大高殿行禮○還宮○甲戌諭內閣本日宗人府吏部兵部奏議處永琮等分別降革各一

摺所議多未允協上年冬間永琮永玉穆克登額奏

泰陵寶城牆身有應行修理工段特派桂芳景祿二人前往敬謹查勘桂芳等來京覆奏其所勘牆裂之處與永琮等原報大概相符於摺內聲明以時屆隆冬儻遇嚴風大雪難保無再有牆動情事恐春融之後丈尺不符未經估計請於來春另行派員查勘嗣於本年二月間派蔣予蒲前往查估蔣予蒲查勘情

形與桂芳等畧同將應修丈尺做法覈估錢糧請旨派員修理隨派凱音布喀寧阿二人敬謹承修凱音布等赴工請訓時朕諭以陵寢重地必當加意敬謹毋稍褻慢每日帶領工匠進內俱當叩頭行禮並時時稽查出入勿任稍有容止不謹之處以昭慎重訓詞明晰並未令伊等於應修工段之外另行查勘乃凱音布等於到工後即率意欲上

寶城查勘其罪一也彼時永琮永玉穆克登額

即當向其詢問曾否奉有明旨如凱音布等執意欲行亦必奏准方可查勘乃不行阻止隨同凱音布等徑上

寶城凱音布等於查勘後遂奏稱原估工段之外另有牆裂五段湊長二十四丈有餘裂縫五道內並有通身滿裂一道且稱上臺面甃塊間有沈蟄不平緣荷葉溝浸水所致言之駭聽其罪二也朕思

陵寢工程如果情形較重永琮等原報不實所

關匪細當復派景祿蔣子蒲二人前往覆勘迨景祿蔣子蒲回京則稱凱音布等續奏職裂情形皆屬不實並稱伊等上年查勘應修之工亦可不辦此一節係景祿蔣子蒲二人之咎其時永琿等回奏之摺亦不無迴護之見均不可信因思蘇楞額素諳工程而那彥寶又久任泰寧鎮熟悉該處情形特派伊二人前往敬謹詳勘適節屆清明派二阿哥前往恭祭

西陵起程時特諭令二阿哥敬謹審視前日蘇楞額等覆奏據稱敬詣

泰陵寶城周圍詳視其永琿等原報職閃應修二段查勘相符此外另有北面職閃一段西南面新舊甃接縫參差一段應行增修係永琿等原報及桂芳景祿蔣子蒲原勘所無即凱音布哈寧阿亦未詳細指出其凱音布等所稱職裂各處及荷葉溝浸水之語全然不實本日二阿哥回京朕詳細面詢據二阿哥

奏稱親上

寶城敬謹周視凱音布哈寧阿二人所奏實係不應修理之工蘇楞額那彥寶勘明奏修四處皆係必應修理之工奏呈工段丈尺清單與蘇楞額等前日所奏悉相符合此次恭勘情形至為確實毫無不詳不愼之處蘇楞額那彥寶二人將事敬謹殊為可嘉伊二人從前曾賞戴花翎緣事革退俱著加恩賞還花翎現在派令承修俟修理鞏固再行施恩其

歷次查勘諸臣疏畧謬誤過失輕重懸殊不可不區分示懲此內桂芳祇經查勘一次雖於蘇楞額等勘出增修工段未能詳查但原摺內曾聲明春融之後恐有續增情形未經定議其咎較輕著照部議降二級留任至永琿永玉穆克登額於凱音布等欲上寶城之時不行阻止其原報應修工段內遺漏二處經蘇楞額續行勘出均有應得之咎又於取閱凱音布等摺稿後謊言不可得知意

存隱飾原議永錫永玉各按降二級調用罰俸之處著改為降三級調用各折罰世職俸九年半原議穆克登額降二級調用之處伊係因兼管內務府大臣獲咎著於內務府大臣任內改為降三級調用即來京候補景祿蔣子蒲二人奉命查勘二次於應行續修之處迄未勘出後又於勘估應修之工力矯前說執奏停修試思

陵寢重地如工程鞏固原不可輕舉妄動若實有應行修理者亦豈可稍事因循景祿蔣子蒲專務與凱音布等爭勝偏執意見所有部議降二級留任之處著俱改為實降二級調用以儆妄言執謬輕視要工至於凱音布哈寧阿二人率上

寶城查勘冒昧已極如伊等於奉派承修之先果聞知工段情形甚重何不於陛辭赴工時先行奏明請旨乃先無一言迨後浮開工段張皇入告而於實應增修之工轉未勘出且

凱音布等先則飾稱穆克登額告知原勘之外工段尚多及蘇楞額等傳旨詢問穆克登額實無此言凱音布哈寧阿二人亦旋自稱非出穆克登額之意奏對之詞前後刺謬若此凱音布並自於召對時妄舉不經之詞云聞得

寶城牆身裂縫較寬竟可用竹竿深入試探其言係聞之景祿朕又面詢哈寧阿曾否同聞此語哈寧阿則稱景祿係泛論工程情形頗重實未造作此語向其面述凱音布敢於朕前矢口謾說尤屬誕妄其罪三也伊二人有此三罪均非革職可以蔽辜而凱音布獲咎為尤重凱音布著革職發往盛京充當披甲哈寧阿著革職發往熱河充當披甲以示嚴譴朕於諸臣功過權衡一秉至公此事關繫重大其獲戾重輕皆其人之自取特將前後辦理原委明白宣諭中外知之○兩廣總督蔣攸銹等奏粵東洋面肅清獲匪多名下部

議敘出力員弁補用有差○以故鎮國將軍奕綬子載銳襲爵○命禮部左侍郎秀寧教習庶吉士○以吏部右侍郎許兆椿為貴州巡撫調兵部左侍郎戴聯奎為吏部右侍郎轉兵部右侍郎吳烜為左侍郎以內閣學士盧蔭溥為兵部右侍郎轉工部右侍郎茹綦為左侍郎以內閣學士陳希曾為工部右侍郎浙江巡撫高杞為刑部左侍郎○以直隸布政使方受疇為浙江巡撫調湖北布政使素納為直隸布政使以江蘇按察使巴哈布為湖北布政使安徽寧池太廣道楊懋恬為江蘇按察使○調正白旗蒙古副都統緒蔭為正白旗滿洲副都統以駐藏大臣瑚圖禮為正白旗蒙古副都統○命西安將軍明亮來京以廣西左江鎮總兵官穆克登布為西安將軍服闋總兵官王兆夢為左江鎮總兵官○乙亥

上耕藉詣

先農壇行禮更服至耜田所躬耕三推復加一推御觀耕臺命睿親王端恩鄭親王烏爾恭阿慶郡王永璘各五推吏部右侍郎戴聯奎戶部左侍郎初彭齡禮部左侍郎秀寧兵部左侍郎成書刑部右侍郎章煦工部右侍郎成格都察院左副都御史佛住通政使司通政使廣泰大理寺卿常英各九推畢順天府府尹率農夫終畝賞賚農夫耆老如例○旌表守正捐軀安徽靈璧縣民陳澄滾妻李氏○丙子

上啟鑒恭謁

西陵○詣

元靈宮

永慕寺行禮○戶部議准陝甘總督那彥成疏報烏魯木齊塔西河所開墾田五頃七十畝照例升科從之○是日駐蹕舊衙門行宮翼日如之○丁丑

上行圍○以福建按察使王紹蘭為布政使調
甘肅按察使遇昌為福建按察使以甘肅平
慶道德克精阿為按察使○戊寅

孝賢純皇后忌辰遣官祭

裕陵○是日駐蹕南衙門行宮○己卯駐蹕團
河行宮翼日如之○庚辰戶部議准陝甘總
督那彥成疏報烏嚕木齊蘆草溝所開墾田
一頃八十畝照例升科從之○辛巳

上行圍○祭

先蠶之神

皇后親詣行禮○賞看守南苑各行宮苑戶一
月錢糧海戶銀一千三百兩○是日駐蹕新
衙門行宮○壬午戶部議准陝甘總督那彥
成疏報奇臺縣開墾田四頃八十畝照例升
科從之○免蹕路經過地方本年額賦十分
之三○是日駐蹕黃新莊行宮○癸未諭軍
機大臣等百齡奏確勘仁義禮三壩必須移
建一摺並繪圖貼說朕詳加披閱當即召見

扈從之軍機大臣及松筠指畫酌商山盱五
壩為宣洩洪湖盛漲保護堰工而設康熙年
閒靳輔原議建仁義禮三壩乾隆十六年
皇考高宗純皇帝特命添建智信兩壩迄今歷
有年所地形水勢自必斟酌盡善今該督等
奏稱仁義禮三壩近年屢經開放衝跌壩基
損壞刷成深塘難以修復即修復亦難經久
擬於蔣家壩以南附近山岡之處移建仁義
禮三壩並挑挖引河三道儘先改建仁義兩
壩將禮壩地基築做草壩以備本年宣洩計
需費五十餘萬兩等語仁義禮三壩既不能
就原處修復該督等斟酌情形奏請移建但
詳閱圖內舊壩之下所繪民莊相距甚遠現
擬移建之處界畫引河三道兩旁民莊鱗次
則其閒田畝廬墓自必繁庶所挖引河淺狹
水必泛溢若挑挖寬深恐所傷實多其舊有
三壩既不開放則與堰隄無異必須填砌堅
實與石隄聯為一體方足以資捍禦隄頂處

所並應添建鋪房。派駐弁兵防守。方可保無疏失。合計各項需費。恐該督等所估銀數。以之興辦。尚不敷用。事關謀始。不可不詳細酌覈。朕意或於蔣家壩地方。先行改建一壩。本年試為啟放。若水勢順利。足以消滅盛漲。並於附近田廬無傷。再議續改二壩。著該督等再行詳議。是否可行。並統計引河寬深丈尺若干。工費若干。另行籌度。繪圖貼說具奏。再降諭旨。將此諭令知之。○是日駐蹕半壁店行宮。○甲申。駐蹕秋瀾行宮。○乙酉。諭內閣。每屆朕行營。沿途均經特派管段大臣。而於南苑內。向不管理。惟思南苑內地方遼闊。若於沿途無管束之人。殊不足以昭嚴肅。嗣後朕臨幸南苑時。著派出管段之大臣等。分段帶領兵丁管理。並於朕起蹕至駐蹕地方。多派官兵管理。以昭嚴肅。○賞蹕路經過看守各行宮弁兵半月錢糧。○是日駐蹕梁格莊行宮。○丙戌。

上恭謁
泰陵
泰東陵俱未至碑亭。即降輿。慟哭步入隆恩門。詣寶城前行禮。躬奠哀慟。王以下文武大臣官員。均隨行禮。○至孝淑皇后陵。寢奠酒。臨妃園寢。賜奠。○旌表守正捐軀江西永豐縣民熊文杰妻張氏。○是日迴鑾。駐蹕秋瀾行宮。○丁亥。諭內閣。此案白鵬鶴。因向伊嫂白葛氏借取燈油。不給。出街嚷罵。白葛氏趕出門首。理論。白鵬鶴拾取土坯。向白葛氏擲毆。不期伊母白王氏出勸。以致誤傷殞命。刑部引子毆父母殺者。凌遲處死律。又引鬪毆誤殺旁人。以鬪殺論律。比擬問以凌遲處死。覈其情節。白鵬鶴遙擲土坯。誤傷其母。非其思慮所及。與鬪毆誤傷者。究屬有閒。白鵬鶴著改為斬立決。嗣後有案情似此者。即照此問。

擬○貸喀什噶爾被旱災民籽種○是日駐蹕半壁店行宮○戊子諭軍機大臣等本年二月內據斌靜奏接據墨爾根城副都統明德來咨該處遣犯李必連等首告遣奴韓自有等商謀糾衆行劫斌靜以該副都統明德所訊供情未確馳往審辦朕以此事情節該將軍所奏與該副都統咨報既不相符必須徹底根究明確當即降旨派令松寧馳驛前往會同斌靜查辦本日據明德奏稱斌靜到

墨爾根城將案犯委之劉鳳誥保三二人審訊未經審明斌靜忽然起程回轉並私遣保三向遣犯龐添棟家教供令其就輕罪一邊供認請特派欽差前往審辦等語閱明德所奏情節不應仍令斌靜會審著派富俊馳驛迅速前往會同松寧秉公審辦此案人犯審明後罪名輕重懸殊若該遣犯等果有謀叛情事供證確鑿即將該犯等分別按律定擬毋稍姑息而劉鳳誥保三二人身係遣犯經

該將軍委令承審若果如明德所奏意存私曲並教犯串供則其咎甚重劉鳳誥不特不准釋回仍應治以應得之罪保三更應從嚴示懲至斌靜既知案情重大供情不確乃委之劉鳳誥等從中顛倒是非亦應據實嚴叅設明德因前問擬不實此次又捏為此奏希圖飾過即將明德及承審各員一併嚴叅此事關繫緊要富俊松寧務須詳慎研鞫毋枉毋縱不可稍存偏畸之見松寧到彼後曾否

訊有大概情形先行具奏若尚未拜發奏摺即俟富俊到日公同詳鞫先將曲直大端由四百里會同覆奏再將全案供招定擬結案可也將此諭令知之○貸陝西潼關榆林懷遠神木府谷靖邊定邊延川延長安塞安定綏德吳堡米脂清澗十五廳州縣被旱災民糧銀○是日駐蹕黃新莊行宮○己丑駐蹕潭柘寺行宮○庚寅

上詣

北惠濟龍神廟拈香。○諭內閣前因吉林黑龍江二處遣犯過多。諭令刑部酌議。將該犯等分別改發新疆及減為內地軍流。今思該犯等同係為奴之犯。其改發內地者。得邀恩減等。至改發新疆之犯。在戍並未別有過犯。忽令遠徙萬里之外。照舊為奴。辦理尚未允協。除減軍減流各犯。仍照前議辦理外。所有此次刑部酌擬改發新疆為奴之犯。其現在配所者。應令仍留吉林黑龍江。無庸改發。嗣

實錄卷一百一

辛

後有應擬發配吉林黑龍江為奴罪名者。再照刑部新擬條款。改發新疆著即速議具奏。飛飭遵行。○旌表守正被戕山東齊河縣民女溫氏。廣東四會縣民劉通妻梁氏。○是日駐蹕北惠濟龍王廟行宮。○辛卯賞故哈密郡王銜扎薩克貝勒額爾德錫爾銀三百兩治喪。以其子博錫爾襲爵。○是日駐蹕靜宜園。至乙未皆如之。○壬辰戶部議准陝甘總督那彥成疏報。烏魯木齊頭屯所開墾田一

頃八十畝。照例升科。從之。○癸巳諭內閣。刑部奏酌議吉林黑龍江改發遣犯章程。俱著照所議行。其減等改為內地軍流等犯。悉照前議辦理。該部請令情願留配者。仍准留配一節。事涉繁瑣。未免意存姑息。殊非政體。近來習氣相率從寬。廢法邀譽。作威固不可作。福亦足害家。誤國也。著不准行。刑部堂官仍著傳旨嚴行申飭。○以故三等公恭阿拉子和世泰襲爵。○以健銳營前鋒叅領積德為

實錄卷一百一

辛

鑲白旗漢軍副都統。○甲午上御演武廳。閱健銳營操。○乙未諭軍機大臣等。本日姚文田到京。經朕召見。詢問河南地方情形。據奏衛輝府所屬地方。去冬雪澤稀少。三麥多未播種。春間又未得有透雨。雖於本月初七八等日得雨三四寸。因枯旱已久。大田仍未能翻犁耕種。貧民皆以草根樹皮餬口度日。經過官道兩旁柳葉採食殆盡。緣該府地方近三四年來。總未大稔。糧價騰昂。

是以民情倍形拮据幸該府民風淳樸閭閻尚各安靜等語豫省衛輝府地方現在荒旱情形至於如此長齡總未據實陳奏豈竟聽小民轉徙溝壑不為拯救該撫係棄瑕錄用之人若玩視民瘼意存諱飾自問安能當此重咎著傳諭該撫即將該處荒歉實在情形應如何施恩調劑俾小民不致流離失所之處迅速由驛具奏將此諭令知之○丙申上幸靜明園○還圓明園○以頭等侍衛呢瑪

實錄卷一百一

七

善為浙江衢州鎮總兵官

實錄卷一百一

七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十七

上年十月閒甫由三等侍衛擢授二等侍衛

及奏蒙古事兩處未定手眼原未平允尹箴

當差日久。每以升遷遲滯為詞。嗣後著照奏事處之例。行走八年。即行更代。著御前大臣查明。現在兩處當差人員。如有已過八年者。即照新例更換。○雲貴總督伯麟奏報。肇獲土目張輔國等。邊境肅清。得旨嘉獎。賞都司方振奎等藍翎道員周緯等。升敘有差。○調吉林將軍賽冲阿為成都將軍。以直隸提督喜明為吉林將軍。熱河都統毓秀為直隸提督。鑲白旗蒙古都統祿康為熱河都統。○予

故成都將軍豐紳祭葬如例。○己亥。

上御勤政殿聽政。○諭內閣。直省鄉試考官禮部向按道里遠近。分次請簡。宣旨後。考官限五日內啟程。其同日簡派者。啟程時仍須分起出京。以便沿途驛站輪流付給夫馬。此內第二次同日進本之廣東、廣西、福建、湖南、四川、五省。程站本遠近不齊。派出考官十員。於五日內分起行走。亦覺擁擠。促迫。著禮部將廣東、廣西、福建三省定為第二次進本。湖南

四川三省定為第三次進本。餘仍照舊例行。○以太常寺卿色克精額、二等侍衛阿隆阿、詹事府詹事王鼎、光祿寺卿吳璥為內閣學士。兼禮部侍郎銜。王鼎仍留江西學政任。○以前任西安將軍明亮為鑲白旗蒙古都統。○庚子。

上詣

昭顯廟

時應宮拈香。○還宮。○諭內閣。孔郎阿禮儀

嫺熟行走有年。現在患病。著加恩賞給都統俟病大痊再行當差。○又諭。每屆朕進哨時。熱河都統有稽查圍場管理車駝差使。祿康素有殘疾。難當此差。祿康著留京署理。正白旗漢軍都統慶溥之缺。明亮著不必署理。○以本年鄉試考試應開列試差人員於乾清宮。○以刑部右侍郎文孚兼鑲白旗護軍統領。內閣學士阿隆阿兼鑲黃旗漢軍副都統。○命毓秀仍留熱河都統任。調江南提督馬

瑜為直隸提督。以山西太原鎮總兵官烏爾卿額為江南提督。江南江寧城守協副將祥泰為太原鎮總兵官。○緩徵河南祥符陳留鄆陵中牟蘭陽儀封禹安陽武安內黃汲新鄉輝獲嘉淇延津滑濟封邱考城修武原武陽武扶溝許臨潁長葛湯陰臨漳二十九廳州縣旱災新舊額賦。○以常雩祀天於

圓丘。自是日始齋戒三日。○辛丑諭內閣工部

奏南河歷年辦理各工造報遲延再行請旨飭催一摺。南河另案工程上年六月開據該部奏有未經開單具奏及未經造冊估銷者共一百數十案。曾經降旨飭催令即勒限造報。今已半載有餘。其未經開單具奏者。僅據將十五年堰盱風掣石工一起開單奏到。其餘並未奏呈清單。其已經開單具奏者。僅據造報六十八案。而未經估銷及駁查未覆者。仍有一百餘案之多。南河自去年以來安瀾

無事。該督等正可督同工員將積年工用錢糧認真查覈。乃任其玩延不報日久。弊生難保。無影射捏冒情事。百齡黎世序督催不力。均著傳旨申飭。再若遲延定加處分。慎之所。有應行奏報清單各大工。著即上緊稽覈。於奉到部文後限四箇月全行奏報。其未估未銷及駁查未覆各案。著於奉文後限六箇月全行造報。如再有延宕著該部叅奏辦理。其近年伏秋大汛搶辦各工亦著分別趕緊奏題。又另片所奏自乾隆五十七年起至嘉慶十四年止不准找領各款並著即速查明案由及每案未給各數造冊送部以杜前後牽混之弊。○壬寅

上詣

南郊齋宮齋宿。○癸卯常雩祀

天於

圓丘

上親詣行禮。○辛圓明園。○乙巳

上幸萬壽山詣

廣潤祠拈香。○丁未。諭軍機大臣等。據賽沖阿奏。原犯邪教會匪各犯。到配後往往執迷不悟。可否仍將此項遣犯。發往新疆。免其為奴。到彼均勻安插。庶杜故智復萌之弊等語。所奏非是。意存推諉。邪教會匪各犯。如果執迷不悟。則隨處皆可滋事。隨處皆可辦理。豈一經改發新疆。即比之在吉林黑龍江配所。頓能安靜。國家法律具在。如在配所不安本分。故智復萌。何難按律懲辦。該將軍等。惟當嚴加約束。有犯必懲。不得以其桀驁難馴。但請改發新疆。即為了事。此時章程已定。若再議紛更。亦屬不成政體。所奏不准行。將此諭令知之。○戊申。諭軍機大臣等。刑部議駁。河南省具題汝陽縣民人丁華先等。聽糾共毆。誤傷張二明身死。問擬絞候一案。所駁甚是。已依議行矣。此案張喜成等。自信陽移家回籍。其車中祇有婦女幼孩二人。行人攜帶着

屬事所恒有。何以陳志遽疑為興販人口。且伊與丁華先等。係私相談論。何以張喜成即能聽聞。嚮罵。況張喜成等。祇有三人。如果陳志等被罵。不甘伊等現有四人。並非寡不敵衆。何以當時不與爭執。另須糾約十人。執持刀械。隨後趕毆。而張喜成於伊等追趕到時。不圖抵禦。猶身負幼孩。張二明致被丁華先砍傷斃命。種種疑竇甚多。恐有不實。南陽汝寧一帶。民風强悍。匪徒等有紅鬚子名目。往往糾衆搶奪。為害行旅。此案或係陳志等見張喜成車上攜帶婦女。因而商同丁華先等。糾約多人。強搶混毆。以致慘斃幼孩。而地方官規避處分。思欲化大為小。因就現犯捏改案情。草率完結。殊未可定。著該撫即親提嚴審。徹底究明。切勿迴護原題。如審出搶奪實情。及地方捏報情節。當據實叅奏。另行詳覈定擬。以成信讞。○乙酉。

上幸萬壽山。○諭內閣。昨因南苑馬匹被竊一

案派員審訊。今據訊出已革廐長哈豐阿供稱。自伊充當廐長以來。每年冬園內皆有分養丹巴多爾濟馬一二十匹不等。本年正月俱已牽回。現在尚有阿那保馬一匹在園餵養等語。南苑園養官馬地屬天閑。該管大臣等何得將私馬混入餵養。實屬膽大妄為。今查明此一廐內丹巴多爾濟私餵之馬已有二十匹。則其餘五廐諒必相同。伊係該處總管大臣。首先弊混。無怪各官員太監人等

紛紛效尤。以致私馬日益增多。官給芻豆不敷餵養。廐長等遂將官馬違例放青。侵蝕草豆。諸弊叢生。實由於此。使丹巴多爾濟尚在。必當重治其罪。今既查出。不可不盡數清釐。著派英和文孚會同桂芳。即親赴各廐逐一確查。從前丹巴多爾濟私餵之馬。統計各廐共有若干匹。現在曾否一併收回。阿那保名下除現在查出馬一匹外。尚有若干匹。阿勒精阿有無私餵馬匹。桂芳自接管上駟院以

來。有無私自交餵馬匹之事。查明開具確數。據實奏。毋稍迴護。至其餘私交馬匹。餵養之官員太監人等。本應按名治罪。姑念陋習相沿日久。一概免究。限三日內。著將私馬盡行驅除出園。勒令本人迅即領回。如有遷延不領者。即行入官。其園內所存官馬。俱著於三五日內。照例烙印。以昭區別。而杜淆混。嗣後如再有將私馬混入官廐餵養者。著該管大臣奏。如該管大臣徇隱。別經發覺。將伊

等一併懲處。再南苑本有阿哥等額餵官馬。嗣後阿哥等如有新增馬匹。著交上駟院試驗。如馬匹堪臻上選。即歸入額內官為餵養。若係駕下者。無庸存留。致逾定額。○庚戌上詣山高水長祈雨壇拈香。○命皇次子~~莊親王~~莊親王綿課儀親王永璇分詣天神壇地祇壇。

太歲壇祈雨慶郡王永璘祭

宣仁廟○辛亥諭內閣衡齡奏酌請出借年久倉穀一摺晉省各屬所貯常平倉穀有年久未經出易之處若不設法變通閱年愈久漸至腐耗殊非慎重倉儲之道著照所請准其出借以陳易新令各州縣查明力田有業之家酌量借給俟秋成後按照收成分數分別加免息穀還倉該撫仍督率藩司認真稽查擇其存貯年分最久者儘先出借無令胥役等挪換新陳致滋弊竇○以司經局洗馬那丹珠克日講起居注官○壬子諭內閣春秋傳稱龍見而雩考古雩祀權輿於此乾隆七年議於孟夏龍見擇日行

常雩禮其義以蒼龍宿見東方則為百穀祈膏雨占星之法總以節候為準非以孟夏朔日為斷也比年欽天監所擇日期在立夏節前後不齊殊於古義未協嗣後常雩大祀著欽天監定於立夏節後數日內蠲

吉行禮其立夏節如在三月以內則擇於四月初行禮著為令其明年

常雩祀期著欽天監查明如原定在立夏節以前即改擇吉日奏准頒行○又諭英和等奏查明南苑各官廄內丹巴多爾濟共交養馬一百二十餘匹阿那保共交養馬六匹阿勒精阿曾交馬一匹餵養二十餘日即行取回請將阿那保等交部嚴加議處廄長等交部分別議處桂芳失於查察並自請議處等語南苑圍養官馬地屬天開該管大臣何得將私馬混入餵養今查明各廄內丹巴多爾濟私餵之馬共有一百二十餘匹朕豈不知一百二十餘匹之多必有委託借名等事今不難按名追求朕不為已甚姑從寬免究丹巴多爾濟係總管大臣首先作弊無怪以下官員人等紛紛效尤以致官給芻豆不敷廄長等相率侵欺弊端叢集丹巴多爾濟膽大妄為設使其身尚在必當重治其罪業經身故

前加恩晉封王爵亦不忍復行追奪惟前曾
賞立墓碑本係恩施格外今伊既有此咎著
停其豎立以示懲儆阿那保私交之馬僅止
六匹較之丹巴多爾濟多寡懸殊伊平日承
應御馬差使甚屬盡心著加恩免其嚴議革
退副都統罰俸一年仍留上駟院卿戴用三
品頂帶照舊當差阿勒精阿私交馬一匹僅
餵養兩旬著罰俸一年加恩免其嚴議桂芳
現據查明並無私交馬匹伊自管理以來丹

軍機處

上

巴多爾濟所養馬匹已陸續牽回僅於失察
阿那保私交馬匹所有伊自請議處之處著
加恩寬免○以內閣學士色克精額兼正紅
旗蒙古副都統○旌表守正捐軀河南夏邑
縣民魏鳳舞母閻氏○癸丑旌表守正捐軀
安徽蒙城縣生員蔣景清妻喬氏○甲寅
孝端文皇后忌辰遣官祭

昭陵○

上詣

軍機處

上

黑龍潭神祠拈香○賑直隸邢臺沙河兩和
平鄉鉅鹿唐山內邱任廣宗永年邯鄲成安
肥鄉廣平雞澤磁曲周威清河開元城大名
南樂清豐東明長垣冀寧強武邑新河南宮
隆平臨城寧晉高邑三十五州縣被旱災民
○乙卯諭內閣與奎奏在配廢員繆元淳之
姊王繆氏呈請代弟贖罪一摺繆元淳前在
楊河通判任內因王莊大隄漫口革職遣戍
其疏防原案係繆元淳先在竹絡壩搶辦要
工未能豫籌防堵覈其情罪尚可准予納贖
但向來在配遣犯或因祖父母父母老病無
依或係子孫代為捐贖均可原情邀准今繆
元淳係伊已嫁之姊代為呈請此端一開凡
外姻親屬概得效尤呈贖不足以昭限制繆
元淳著不准其贖罪○舉行嘉慶十七年軍
政漕標卓異官六員年老官三員有疾官一
員才力不及官二員分別議敘處分如例○
丙辰

上詣

大高殿行禮

時應宮拈香。○還宮。○諭軍機大臣等。昨據李亨特奏。南糧首幫入境。摺內稱江境各古淺之處。因東境湖河水勢遞注。日積日深。幫船行走過速等語。朕即覺此語不確。當經批令。仍須放水接濟。本日復據百齡等奏。稱東省鋪水較誌。樁短放一尺七寸。按河道又短鋪二百餘里。並每日漫板水。亦或有或無等語。微湖係運河水櫃。歷來邳宿一帶。重運經臨。皆由東省鋪水下注。并每日留漫板水。以資浮送。其辦法并非始於本年。既據李亨特奏。稱微湖存水六尺四寸有餘。而滕嶧一帶。續得雨澤。泉源甚旺。何以不挹注江境。若幫船在江境阻滯。則東省即有存水。又將安用。兩省經理重運。同是一事。節經降旨。令其通盤籌辦。伊等亦自稱和衷共商。而其實此疆彼界。顯形齟齬。殊非實心任事之道。該河督

務確探下游情形。隨時節宣。妥為經理。如重運不能過速。即在江境淺滯。亦由李亨特貽誤。恐不能當此重咎也。將此諭令知之。○丁巳。

上御太和殿視朝。王以下文武升轉各官謝恩。

○戊午。

上以祈雨

三壇齋戒一日。○己未。

上詣

天神壇祈雨命

皇次子~~○~~皇三子綿愷分詣

地祇壇

太歲壇行禮。儀親王永璇祭

宣仁廟。○幸圓明園。○旌表守正捐軀江蘇

高郵州民郭庸妻戴氏。○庚申。

上詣山高水長

祈雨壇拈香。○以故輔國公慶怡子景綸襲爵。○命於五城設廠平糶麥石。○辛酉。諭內

閣御史夏修恕奏。清釐刑獄。以省拖累。一摺。所奏深合事理。國家明刑弼教。意本期於無刑。有罪者不容輕縱。無罪者尤不可株連。刑部雖總理獄。然案情較重。罪名大小。辦理自有等差。近日五城及步軍統領衙門。於尋常訟案。罪止杖笞以下者。往往不察事理。概以送部了事。以致刑部現審之案。日積日多。不能速為斷結。迨至逐案審理。其事甚細。而到案之人。久羈縲。隸徒中飽。貲產蕩然。又或查拏案犯。不辨真偽。輒請交部嚴鞫。及訊明無辜。被累而正犯轉得遠颺。紛紛株繫。枉結相望。皆足上千天和。著刑部詳查定例。並酌定條款。凡輕罪細故。可由五城及步軍統領衙門審結者。俱令自行擬結。其應送部而不送部者。固當照例參處。如不應送部而率意送部者。刑部將原案駁回。並將該衙門參奏請旨。至於刑部收禁人犯。尤當審度案情。其問徒以下輕罪人犯。以及干連待質之人。

例應取保候審。今往往一概收禁。以致囹圄積滯。疾病顛連。甚或遭瘐斃之慘。據該御史奏稱。本年正月以來。獄犯患病及病故者。已數十起。殊堪憫惻。著刑部查明。現在監禁人犯。此內凡輕罪及傳案待質者。立即清理。省釋。毋稍稽滯。嗣後該堂官並隨時查察。如司員等有濫傳收禁者。均予參處。其內外問刑衙門。引用律例。前曾有旨不得用。雖但字樣。抑揚其詞。今或以他字代用。仍復何所區別。著再行申禁。斷案總當援引正條。如本有專律。不得改引他條。意為重輕。文致人罪。又該御史奏請飭令刑部。於承審本司之外。勿另行派審一條。獄獄之道。本當專其責成。即如刑部為執法之官。朕於一切案件。皆交該部審擬。遇有案情重大者。特派大學士九卿或軍機大臣會審。亦非事所恒有。今刑部於籤分各司之案。多派員會審。殊非覈實之法。嗣後除實有疑難重案。仍准遴派幹員會審外。

其尋常案件總責令承辦之司細心推鞠俾令各舉其職以杜諉卸該堂官其加意整飭欽恤惟刑用協咸中之慶○以都察院左副都御史書敏為盛京兵部侍郎○壬戌

上御勤政殿聽政○以詹事府少詹事鮑桂星為詹事光祿寺卿書興為太常寺卿太常寺少卿費錫章為光祿寺卿○准前任內務府郎中德元重赴鹿鳴宴並賞三品卿銜○癸亥諭內閣據富俊奏審訊遣犯韓自有等商

謀糾劫大概情形一摺此案遣犯韓自有等糾眾滋事前據斌靜奏副都統明德辦理張皇並將派審之協領巴達爾呼奏請革職茲據富俊訊明韓自有等雖非謀叛而糾眾謀劫各情節業據劉三供認明確遣犯糾約滋事自應嚴拏懲辦明德一聞首告即將各犯全行拏獲惟未能審訊明晰全委之巴達爾呼等嚴刑拷問致將案犯拖斃雖有應得之咎亦不過止於議處乃斌靜前至墨爾根

城即不會同明德審辦率行參奏並請將巴達爾呼革職實屬偏執意見斌靜不勝將軍之任著即來京候旨○所有此案犯證多名著富俊遵照前旨逐一訊明分別定擬具奏巴達爾呼著先行開復俟結案時與明德一併交部分別議處○諭軍機大臣等富俊奏革退佐領頗連控告協領添喜保等侵用恩免銀兩一案其中侵蝕賄託各情節已據富俊查有端緒情節甚重不可不徹底究辦富俊

現已補放黑龍江將軍著即接印任事並宣諭斌靜伊因辦理遣犯一案未能允協令其來京候旨不可宣露頗連一案催令迅速起程不可耽延至添喜保等案內各情絲毫勿許向其洩漏富俊於斌靜起身時並派委員護送同行途中加意防範毋稍疏懈富俊俟斌靜起程一二日後再將協領添喜保主事富昌傳旨革職派員解送刑部並將現在配所之戶部書吏胡景巖加鎖鑰該犯係案

內要犯務須遴委幹員沿途小心管押解交刑部會同軍機大臣審訊將此諭令知之○以盛京工部侍郎兼奉天府府尹事富俊為黑龍江將軍盛京禮部侍郎誠安兼管奉天府府尹事內閣學士廉善為盛京工部侍郎○盛京副都統靈泰以年老命來京調正白旗滿洲副都統緒莊為盛京副都統○甲子諭內閣蔣攸銛等奏知縣才難勝任請分別改用敎職佐雜一摺陽山縣知縣鄧文淳據該督等查看才識迂拘不勝民社著准以敎職改用至候補知縣戴玉衡前因在海豐縣縣丞任內拏獲洋盜引見奉旨發往該省以知縣用茲該督等奏稱該員於刑錢事務不能明晰又稱其留心緝捕可資差委請以縣丞改用殊於事理未協該員降補縣丞後若再有緝捕出力之處豈能抑不保奏引見時仍得按階升轉後先黜陟之閒豈不兩相刺謬乎戴玉衡著仍以知縣補用補缺後如實

不稱職不妨叅劾罷斥以昭平允○刑部奏審明江南僧人淳輝妄編詩冊一案得旨此案僧人淳輝編造詩冊呈遞妄用擡寫字樣語多悖謬刑部比照大逆律擬以凌遲處死姑念草野愚蒙罔知文義尚非不可原宥惟該犯求派侍衛殺人以洩私忿實屬狂妄可惡淳輝者改為斬監候入於本 triều審情實○以正紅旗漢軍副都統長慶兼正紅旗護軍統領調正白旗漢軍副都統西拉布為正白旗滿洲副都統鑲藍旗蒙古副都統英綬為正白旗漢軍副都統以散秩大臣朱毓瑞為鑲藍旗蒙古副都統○乙丑上幸靜明園詣龍神廟拈香○諭內閣五城御史奏籌辦平糶麥石請交鋪領賣一摺平糶麥石原期市價平減以便民食嘉慶十五年曾將麥石交鋪戶領賣辦有成案此次著即倣照辦理前因分廠出糶派乾清門侍衛十員稽察彈壓

今交鋪領賣事歸簡易該侍衛均毋庸前往
與議著派出之卿員十人會同五城御史查
照舊章將平糶麥石訪查殷實鋪戶承領糶
賣五城城內關外務令均勻分撥方與貧民
有濟並廣行出示禁止囤積擡價該鋪戶赴
倉領運時仍著該卿員輪流赴倉監放毋令
倉書花戶人等有需索串通等弊所有酌定
價值及分撥鋪戶章程數目詳查妥議迅速
具奏○以翰林院編修吳廷珍為雲南鄉試

中書省

十一

正考官內閣中書戴鼎恒為副考官翰林院
編修郭尚先為貴州鄉試正考官程伯鑾為
副考官○以正白旗漢軍副都統英綬為鑾
儀衛鑾儀使○以故廣西恩恩州土知州黃
鍾永子沅襲職○旌表守正捐軀湖南華容
縣民李志成妻張氏四川酉陽州民陳光庭
妻許氏○緩徵河南襄城杞二縣旱災新舊
額賦並貸祥符陳留禹安陽湯陰臨漳武安
內黃汲新鄉輝獲嘉淇延津滑濟封邱考城

原武陽武二十州縣籽種口糧○是月兩廣
總督蔣攸銑奏謝因疊獲積匪交部議敘得
旨去莠安良固屬善政妄竽邀功翻成虐政
總求一是字耳勉之

中書省

十一

大清仁宗受天興運敷化綏猷崇文經武恭
勤儉端敏英哲睿皇帝實錄卷之二百六十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六十九

監修總裁官禮部尚書李鴻藻副總裁官學士周永年上諭事件處總辦官學士周永年上諭事件處總辦官學士周永年

學士周永年上諭事件處總辦官學士周永年上諭事件處總辦官學士周永年上諭事件處總辦官學士周永年

開辦學士周永年上諭事件處總辦官學士周永年上諭事件處總辦官學士周永年上諭事件處總辦官學士周永年

開辦學士周永年上諭事件處總辦官學士周永年上諭事件處總辦官學士周永年上諭事件處總辦官學士周永年

開辦學士周永年上諭事件處總辦官學士周永年上諭事件處總辦官學士周永年上諭事件處總辦官學士周永年

款修

嘉慶十八年癸酉五月丁卯朔諭內閣總理

工程處向派內務府大臣三人兼司其事近改定新例內廷大項工程由總理工程處勘估工竣覈銷報總理工程處存查其承修者仍係內務府大臣於稽覈之道殊未周密嗣後總理工程處三缺著於滿洲大學士尚書內簡派一員滿洲六部侍郎內簡派一員內務府大臣內簡派一員各帶所屬司員承委勘辦自派出之日為始一年期滿至五月初一日奏請簡員更換本年總理工程處大學

士尚書內著派勒保侍郎內著派常福內務府大臣內著派蘇楞額○諭軍機大臣等百齡等奏遵旨議覆移建山盱仁義禮三壩一摺山盱仁義禮三壩近年疊經啟放跌塘過深計有三四丈不等勢難修復自不能不議改建蔣家壩地勢高亢逼近山根土性堅實壩基可期穩固新挑引河仍可歸舊壩引河宣洩於該處民居亦無妨礙著即照所請改建本年先將義壩趕建石壩一座挑挖引河

一道並將仁壩地基先行盤做草壩挑出引河以備宣洩盛漲所有趕做壩工務須於大汛前一律辦竣引河尤須挑挖寬深俾水勢無旁溢之慮如本年節宣得力則三壩分年遞修可以永資保障至舊壩既不開放尤須填砌堅實該處為歷年水勢所趨經行已熟且外有數大深塘根腳不固必須夯礮結實使與石隄聯為一體大汛時尤須多派弁兵不分晝夜住宿防護勿稍疏懈是為至要將

此諭令知之。○戊辰。刑部奏審明諾木圖爭繼一案。得旨。此案塔什納之妻孀婦馮氏。情願將族姪孫忠恰布繼與伊已故子博平為嗣。倫序相當。定例祇敘昭穆。不計年齒。乃諾木圖再三呈控。自欲繼與博平之祖為嗣。其意希圖承襲世職。而不顧塔什納博平父子兩世絕嗣。實於情理有悖。諾木圖逞刁健訟。刑部議以革去護軍鞭責。交該旗管束。諾木圖若仍留京中。或再與馮氏忠恰布等尋釁。終不相安。諾木圖著革去護軍。同伊家屬全行移駐密雲。作為披甲當差。以懲刁頑。而杜爭訟。○己巳。

孝誠仁皇后忌辰。遣官祭

景陵。○

上詣山高水長

祈雨壇拈香。○諭內閣。汪志伊等奏審明私與洋盜書札。招令投首之叅革護遊擊許廷進等。分別定擬一摺。海洋盜匪。皆內地奸民。

法所難宥。惟當擒捕治罪。以彰國典。其有窮蹙投首者。經該督撫奏明。請旨赦罪免死。原係法外之仁。前曾屢降諭旨。不准帶兵之員。私行招撫。許廷進以水師將領。捕盜是其專責。且曾任總兵大員。獲咎後。棄瑕錄用。復賞戴花翎。擢至都司。兼護遊擊。乃不認真緝捕。私寫札諭。招致洋匪。吳屬投首。並聽營書之詞。札內稱盜匪為兄。卑鄙無恥。已極。汪志伊等擬以杖一百。流三千里。甚屬疏縱。不足蔽辜。許廷進著在閩省枷號三箇月。滿日責處三十板。發往黑龍江充當苦差。以示懲儆。○諭軍機大臣等。本年春夏之交。天氣燠旱。各處湖河水勢俱形缺耗。其邳宿運河。以至韓莊八閘一帶。已屢降諭旨。責令李亨特會同江南督河諸臣。悉心籌畫。刻下頭二進幫船已陸續行入東境。李亨特現駐韓莊。自必隨宜趲辦。至軍船過臨清以後。全藉汶水及漳衛諸河匯流入運。以資浮送。本年直隸河南

二省地方亦多缺雨恐漳衛來源不旺北運河水勢不能充裕重運行走濡滯著李亨特同興各飭所屬察看水勢情形相機經理並著同興親赴臨清一帶遇有應行挖淺起剝各事宜督率妥辦務令軍船銜尾北來行走順速勿稍稽滯為要將此諭令知之○旌表守正捐軀河南濬縣民謝文耀女謝氏○庚午。

上詣

黑龍潭祈雨○命

皇次子皇三子綿愷儀親王永璇分詣

天神壇

地祇壇

太歲壇祈雨慶郡王永璘祭

宣仁廟○癸酉諭內閣據步軍統領衙門奏宗室榮贊與護軍穆隆阿鬪毆搬毀官廳槍架肆行辱罵一摺著交宗人府會同刑部審訊定擬具奏並據宗令綿課等奏請將該族

長等分別議處察議總族長倫柱等自請議處各一摺宗室生齒日繁其中不安本分者酗酒鬪毆時有其事在本人自應按律懲治而該管之族長學長及宗人府王公等不論事之重輕紛紛具摺奏請處分平時不加管束有事但請處分徒令羣干吏議反長刁風於教化毫無實效著自此次為始凡宗室人員獲有罪愆該宗令及族長學長等先無庸奏請交議俟案經審明如其人罪在流罪以

上者承審衙門於定擬具奏時摺內將失於管束各員按其輕重分別議處察議具奏請旨著為令○甲戌以翰林院編修張鑒為廣東鄉試正考官蘇繹為副考官編修孔傳綸為廣西鄉試正考官戶部主事吳頤為副考官陝西道御史孫汝為福建鄉試正考官翰林院檢討李德立為副考官○以山西雁平道瑞麟為福建按察使○乙亥上幸萬壽山詣

廣潤祠拈香○諭內閣衡齡奏河東道瑞弼
丁艱一缺查有冀寧道訥福在晉年久明析
鹽務可否施恩調補等語所奏甚屬非是山
西河東道係請旨簡放之缺該撫奏請在外
揀調已屬違例且冀寧道係該省題缺該撫
請將訥福調補河東道如蒙允准則該省出
有冀寧道一缺又可揀員題升其意顯為屬
員開缺地步更屬取巧所奏不准行衡齡仍
著交部議處○丙子旌表守正捐軀四川巴
縣民王棟妻郭氏○丁丑

上詣

宣仁廟

凝和廟拈香○還宮○以祈雨

社稷壇自是日始齋戒三日○己卯遣官祭

關帝廟○以左春坊左贊善瞿昂為湖南鄉

試正考官翰林院檢討葉申萬為副考官編

修廖鴻藻為四川鄉試正考官內閣中書萬

啟昀為副考官○庚辰

上詣

社稷壇祈雨○幸圓明園○諭內閣向來恭祀
壇

廟甬道上有鋪設椽薦之例朕前經降旨令止
於降輿處鋪設方椽薦餘俱無庸鋪設久經一
體遵行本日朕親詣

社稷壇行禮鑾儀衛鋪設椽薦自太和門階下
起直至西闕門止經朕查詢和世泰覆奏係
照太常寺來文鋪設並稱倣照嘉慶五年舊

規辦理等語太常寺所進儀注載明在分水
橋南降輿鑾儀衛應於橋南鋪設方椽薦乃於
太和門階下鋪設已屬錯誤若云倣照五年
舊式則五年在未經奉旨之前仍係由乘輿
處直鋪至壇內此次由太和門鋪至闕門新
旨不遵舊例又缺究竟遵何條例此事全係
鑾儀衛辦理舛錯與太常寺無涉著將鑾儀
衛承辦之員並該堂官交部分別議處察議
○賑山東東平東阿壽張荷澤鄆城濮范觀

城。朝城莊平博平。莘。邱十三州縣。本年被旱災民。並緩徵新舊額賦。及濟陽平原德汶上陽穀聊城堂邑清平冠高唐恩臨清夏津武城館陶十五州縣德州濟寧東昌臨清四衛東平所新舊額賦。○辛巳。

上幸靜明園詣

龍神廟拈香。○壬午。諭內閣御史黃鳴傑奏稱祭祀齋戒期內官民一體禁止演戲。如遇祈雨未經報祀之先官員亦均不得演戲。並請嚴禁職官邀請善會各等語。齋戒期內不准設筵演戲。例有明禁。如有違例演唱者。該御史確有見聞。即當指名叅劾。何必隱躍其詞。若因雨澤偶稽。將官民一切洗腆稱觴之事。概行禁止。國家向無此科條。殊可不必。嗣後齋戒期內禁令。仍照舊例行。至職官邀請善會。褻體曠官。有乖職守。著永行飭禁。○又諭馬慧裕等奏沿習天主教限外改悔呈首可否邀免治罪一摺。據稱湖北京山縣民劉

義等九名呈明伊等自祖父相沿習天主教。今因編查保甲傳誦示諭俱投案自首具結改悔。但在一年限外。該犯等係遠鄉農民。未能早知例禁。致逾定限。其自行投首。畏法輸誠。較事發到官改悔者。似更真切。可否免其治罪等語。此案劉義等畏法自首。雖在一年限外。然較之拏獲到官始行改悔者。情節不同。刑部原定傳習天主教治罪條例內載。能於一年限內改悔出教者免罪。已過定限到官後始行悔悟者。減為杖徒。並未將自首與被獲之處。顯示區別。例文本屬含混。所有此次投首之劉義等九人。均著施恩免罪。嗣後傳習天主教之人。於例限外拏獲後始行改悔者。仍當照例治罪。其有自行投首出教者。雖經逾限。概予免罪。著刑部再將例文分析詳明。通行各直省一體遵照辦理。○封未婚守志貝勒綿懃女為節義縣主。○癸未。諭軍機大臣等。百齡等奏詳勘徐城等處工程趕

辦以資保護一摺據稱徐州護城石工因河底漸高愈形卑矮一經風浪危險異常現估辦石工二千五百七十九丈加砌二三四五層並於石工外添築越隄二百六十丈包砌碎石共計用銀九萬八千餘兩又清江浦汰黃隄外加築重隄以資保衛俱屬必不可緩之工等語該二處臨黃土石各工既據該督等查明情形扼要不能不趕緊興修著即照所請辦理該督等務督率工員認真修築俾工堅料實用資捍衛惟是摺內聲稱徐城東門一帶石工本高出城上汰黃隄外灘面現高於隄內民居街市幾及二丈該二處形勢若此甚屬危險總緣河底日高隄防亦隨之增長以目下情形而論加高培厚亦係不得不然之勢但似此逐歲加增將來伊於胡底該督等總當探本窮源盡心講求能使河底刷滌日深則水由地中一切隄堰倍臻鞏固即修防之費亦所省實多較之隨處補苴不

啻事半功倍現在重運已全數渡黃即日將禦黃壩堵閉令黃流全勢東趨兩岸固守隄防正可收束水攻沙之益也再糧艘渡黃後循次經由邳宿一帶計日即可趲出江境本年東境湖河水勢本屬微弱即日重運銜尾北來該省開河內外亦不得不酌量情形豫為儲蓄以資浮送其江境邳宿一帶漕艘但能行走無阻即可無須東省接濟總之南北河道均歸利運該督等惟當通盤籌畫期於天庾正供迅速抵通不可稍分畛域也將此諭令知之○甲申諭內閣據御史張源長奏邳宿運河工段境隸江南而上游資微湖灌注向聞河水微弱之時南河專司挑濬以為上游不能暢注東河專司蓄放以為疏導不能深通恐啟互相推諉之漸應請專其責成等語邳宿運河係江南所管之地若令東河越境挑濬則地方非其所轄一切呼應不靈前經議定章程將挑濬事宜仍歸南河其蓄

放事宜歸之東河。兩省本無所庸其推諉。本年該處糧艘行走濡滯。係由微山湖蓄水短絀。不敷鋪放。咎在東河。此時亦毋庸輕議。更張。嗣後惟在該督撫河督等各勤其職。東省蓄放湖水。遵照定制。毋稍欠缺。江省挑工。悉照奏定尺寸。毋稍偷減。事有分任。即所以專其責成。該御史所奏。毋庸議。○又諭先福奏請留升任守備以資差緝一摺。江西撫州營千總蘇兆熊。前因節次緝獲匪犯。加恩以守備用。茲既選升廣東韶州鎮右營守備。即應令其領劄前赴新任。乃先福違例奏請將蘇兆熊留於江西省題補摺內。稱近年匪徒斂跡。比戶輯寧。實屬緝捕著有成效等語。竟似蘇兆熊一人將江西省盜賊緝獲淨盡者。任情誇美。不自知其言之失實。况部選將備各有定例。若外省請留之例一開。紛紛援照。殊於銓法有礙。所奏不准行。○又諭松寧奏查明宗室弼興。酗酒謾罵。實在情形一摺。弼興前

因醉後滋事。發往吉林交該將軍管束。乃不知悛改。本年四月間。復因酒醉闖入將軍衙門。將將軍指名辱罵。官署乃國家建設公所。觀瞻攸屬。將軍由朕特簡。為該省官兵統領。職分優崇。今弼興酗酒無忌。肆行謾罵。實屬目無法紀。不可不嚴加懲創。著喜明等將弼興重責三十板。並當堂曉諭。以此次責處尚係從輕辦理。嗣後務當痛加改悔。毋再滋生事端。責處後嚴行圈禁。並著喜明等留心稽察。如弼興三年內安分改過。年滿時該將軍等照例奏聞。儻仍怙惡不悛。另有不法情事。即據實奏。從重治罪。○乙酉。諭軍機大臣等。李亨特奏。南糧二進幫船全入東境。並湖河水勢情形一摺。南糧二進幫船已全入東境。其三進幫船現已全數渡黃。銜尾北來。東省湖河水勢短絀。若於閘河內外前後壅擠。辦理必致棘手。李亨特摺內稱時已仲夏。定可甘霖渥霈。增添水源。

天貺不可豫期。總當先盡人事。以期有備無患。其所稱設法料理。不可俟臨渴掘井。該河督等刻下即應先期籌畫。豫為必不阻滯之計。如此後澍雨應時。固屬甚善。即河水長發稍遲。亦勿至臨事周章也。再微山蜀山等湖。均係東省有名水櫃。一切儲蓄機宜。全賴講求。有素。上年偶值秋雨短少。該河督並不別籌儲蓄。致本年濟運不敷。今歲夏秋大雨時行。若各處泉源旺長。坡水充盈。則收蓄自能足。

中書省言

上

額然不可不以上年為鑒。該河督等此時即應將疏濬湖底。導引泉源各事宜。多方經畫。秋冬閒務將湖水收足尺寸。有盈無絀。毋致一誤再誤。勉之慎之。將此諭令知之。○旌表未婚守志內閣學士宗室果齊斯歡女。○丙戌。

上御勤政殿聽政。○諭內閣本日太常寺奏夏至大祀。

地壇前經奉旨遣永璘視牲。遵即知照宗人府。

轉行知會十九日慶郡王永璘並未赴犧牲所視牲。特據實奏。當令軍機大臣詢問慶郡王永璘因何遲誤。據稱因清文生疏。接到宗人府知會時誤認為陪祀。是以未往視牲等語。永璘即清文生疏。伊府中官屬豈無通曉清文之人。何至將視牲認作陪祀。殊屬疏玩。永璘著交宗人府嚴加議處。尋議上得旨。著實罰郡王俸一年。○以鑾儀衛鑾儀使英綬為內閣學士。兼禮部侍郎銜。通政使司通政使。廣泰為都察院左副都御史。前任泰寧鎮總兵官穆克登額為光祿寺卿。○丁亥。

中書省言

上

上還宮。○諭內閣劉鳳誥於黑龍江遣犯滋事之案。僅止隨同斌靜開導犯人。並無教供情事。仍著釋令回籍。其保三一犯。曾有向龐廷棟教令從輕供說之語。意在迎合將軍。著照所擬加枷號兩箇月。再行釋回。○以夏至祭地於

方澤。自是日始齋戒三日。○戊子。賞直隸南宮。

縣捐貲助賑廩生齊如驤舉人一體會試○

己丑

孝恭仁皇后忌辰遣官祭

景陵○庚寅夏至祭

地於

方澤

上親詣行禮○幸圓明園○遣貝勒奕紹赴密

雲縣

白龍潭祈雨○辛卯命截留南漕糶米十萬

實錄卷五十九

十一

石分賑直隸河南山東被旱災民○壬辰

上幸萬壽山○給河南祥符陳留禹安陽湯陰

臨漳武安內黃汲新鄉輝獲嘉淇延津滑濬

封邱考城原武陽武二十州縣被旱災民一

月口糧○甲午以盛京

堂子神幃被竊私造頂補革前任盛京禮部侍

郎花尚阿頂帶將軍和寧下部議處○乙未

以甘霖疊降命

皇次子

誥

皇祇室行祀謝禮○諭內閣向來滿洲蒙古旗

人俱應武鄉會試後經停止國家甄拔人材

文武並進現在文場鄉會試滿洲蒙古與漢

人一體應考按額取中旗人尤應習武武場

亦當一律辦理著軍機大臣會同兵部詳查

舊例妥議章程具奏○旌表守正被戕河南

新蔡縣民周松妻王氏○戶部議准廣東巡

撫韓鈞疏報遂溪合浦恩平三縣開墾荒埔

二十五頃七十三畝照例升科從之

實錄卷五十九

六

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百六十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十

駐劄經載官經近日講起居江官本字太傅武英殿大學士文淵閣學士閣事稽察欽奉
上諭事件應管理工部事務翰林院掌院學士

帶加三級尋常加四級臣曹振鏞欽此太子太保文淵閣大學士管理刑部事務加五級臣戴均元經筵日講起居注官太子少保內大臣文淵

閣提舉閣書稽察欽奉 上諭事件處場辦大學士部尚書翰林院掌院學士教習庶吉士總管高務府大臣領黃旗滿洲都統董

統領管理戶部五庫奉宸苑清漪園等處總理工程處御營膳房御藥房太醫院西洋筆書科軍機處三廠隨帶加二級加三級紀錄五

次至英和總領事官太平水保禮部的高士高房行走英殿總領事官理國子監事務加六級隨帶加二級紀錄四次自汪廷珍等奉

教修

嘉慶十八年癸酉六月丙申朔戶部議准廣

東巡撫韓對疏報廉州羅定三府州屬及西寧縣開墾水田三十七頃九十四畝有奇照例升科從之○丁酉命每年春秋致祭密雲縣

白龍潭神祠前期由太常寺奏請遣官行禮。
○准休致太僕寺少卿銜康基田重赴鹿鳴宴並賞三品卿銜。○戊戌。

上幸萬壽山詣

廣潤祠拈香○旌表守正捐軀江蘇宿遷縣

民劉京子妻鍾氏。○己亥諭內閣。本日據長慶奏。正紅旗副護軍叅領普慶在昆明湖落水身故。當詢之管理三山事務大臣和世泰。據稱其地在繡漪橋以南。係昆明湖下游。乃奉宸苑所管。是普慶落水處所。尚不在昆明湖禁地之內。惟是昆明湖四圍地面。本屬遼闊。從前亦有溺斃人命之事。該處係園亭內地。御舟時常經過。向來堆撥稀少。防範未能嚴密。著管理三山事務大臣會同步軍統領

衙門將該處應如何添設堆撥責成兵丁晝夜巡查之處詳定章程此後如有沈溺人口事故該管地面官兵俱酌予懲處其有心自溺者家屬亦應定以治罪之條一併妥議速奏○戶部議准福建巡撫張師誠疏報閩侯官羅源惠安四縣開墾田九頃五十畝有奇照例升科從之○庚子旌表守正捐軀四川酉陽州民辛榮妻李氏○戶部議准四川總督常明疏報秀山縣開墾田九十五畝有奇

照例升科從之。○辛丑諭軍機大臣等伊冲阿奏俄羅斯向哈薩克台吉罕巴爾索討安集延情由一摺據稱接色布徵額來信哈達蘇開齊外四五十里有俄羅斯人在彼駐劄詢據俄羅斯回稱哈薩克台吉罕巴爾處有俄羅斯屬下安集延數名現奉汗差派人一百名帶領安集延八十二人前來向罕巴爾索討並囑付不許滋事亦不許私進卡倫開齊旋經防禦吉勒杭阿令通事傳諭伊等既

知規矩不應在開齊左近駐劄俄羅斯當即移退六七十里現在派委員弁幫同卡倫官員嚴密巡查不令罕巴爾等偷進開齊躲避並探知俄羅斯仍在卡倫外安靜駐劄等語此事俄羅斯向罕巴爾索討安集延外夷因交易起釁自相爭論本屬常有之事一經卡倫官員傳諭當即移退距卡倫百餘里外安靜駐劄其情形極為恭順現在惟當嚴飭卡倫官員嚴密稽察斷不可令罕巴爾帶領安

集延人等偷進開齊儻任其潛避境內或俄羅斯來向內地索討轉致礙難辦理且其爭論情由天朝亦難為之剖斷著傳諭晉昌通飭沿邊各卡倫如有罕巴爾帶領安集延人等前來卡倫投訴求理者務各嚴行曉諭不准其擅進開齊伊冲阿並即知會色布徵額圖伯特等安靜巡守卡倫疆外之事不須過問正以崇天朝之體也將此各諭令知之。○壬寅諭內閣據李亨特奏。汾河廳屬滕家汛

境內彭家閘至韓莊閘相距五十里上游閘水不敷鋪灌幫船行走每致艱澀請於兩閘適中之張阿地方添建正閘一座以利漕運並將應挑月河添築攔河大壩一律估辦等語張阿地方添設閘座留蓄水勢既與漕運有裨著即照該河督所請辦理所需工料土方例幫二價銀八千八百八十餘兩准其於運河道庫墊發剋期興辦工竣報部覈銷其抽撥閘夫亦著照所議行。○又諭御史辛從

益奏請申明國積例禁一摺定例米石不准載運出城原以防私運回漕之弊前次步軍統領衙門拏獲私販米石之案祇將查出米石總數具奏其米數未滿例限者並未一一分晰著刑部訊明各鋪戶米石確數按例分別辦理以昭平允至五城鋪戶所存米麥雜糧每種例不得過一百六十石又有流通糶賣不在定限之例國積糶賣兩相影射亦覺難以區別著戶部再詳加酌覈明定規條俾得簡易遵行免滋流弊其步軍統領衙門查拏私運原應申嚴門禁有犯必懲若小民糶買細米擔負出城不在例禁之內者毋許紛紛苛索以杜擾累又五城御史所奏酌議平糶米石事宜一摺著俟刑部審明定案後再行遵照辦理尋奏例載五城鋪戶貯糧每種不得過一百六十石本虞國戶居奇定以限制乃奸商巧於規避或分貯數處數十處均在例額以內該管官兵無從查拏請嗣後開

設通衢流通糶賣鋪戶間有賣少存多並非有心滋弊者雖在一百六十石之外亦當體察情形以昭區別如租賃廟宇民房堆貯隨時糶賣即係國積居奇雖不及一百六十石亦當嚴行查禁從之○癸卯以禮部右侍郎汪廷珍為浙江鄉試正考官翰林院編修于德培為副考官禮部左侍郎秀寧為江西鄉試正考官刑部主事蔣雲寬為副考官翰林院編修陳玉銘為湖北鄉試正考官吏部主事張輜為副考官○甲辰諭內閣宗人府奏移居盛京宗室戶口人數並酌議章程進呈此次移居盛京宗室七十戶分為三起陸續前往所有派往駐劄之宗室官員必須更事之人方足以資彈壓現在鎮國將軍以下各員多係年輕未經歷練者設派往後移居之宗室不服管教滋生事端伊等轉致連累獲咎殊屬無益著宗人府查明宗室覺羅中曾任大員緣事黜退者揀選數員帶領引見並

將其從前獲咎案由繕寫漢字簡明節畧進呈。候朕酌派二員賞給職銜前往俟三年期滿如果經理妥協另行施恩。至宗室等由京起程既分三起沿途自應簡派大員三人分起管帶著宗人府將貝勒以下侍郎副都統以上宗室覺羅人員開列名單進呈。候朕簡派以資約束。其沿途經過地方著直隸總督於每起遶派同知守備各一員護送至山海關其山海關以外著盛京將軍奉天府府尹

遶派文武五品官各一員在彼接替護送。又所請移居盛京宗室之子弟應否另設官學一節盛京本有官學宗室覺羅皆有學額此時無庸另建著即於原設官學內量增額數隨時挑補其宗室起程時前經降旨撥給戶部另款銀一萬一千三百兩交宗人府擬充恩賞。今據宗人府酌議除分給車價盤費之外每人各再賞銀十五兩俾製行裝著即照所請賞給其隨往男女僕從一百六十人亦

應量加賞賜著即於餘剩銀八百七十餘兩內每名口各賞給銀四兩○又諭宗室覺羅定例不准與漢人聯姻本日宗人府奏移居盛京宗室戶口單內開寫妻室氏族內有張氏李氏白氏陳氏是否漢軍抑係漢人其關氏或係瓜爾佳氏童氏或係佟佳氏亦當照本姓書寫不應訛為漢姓著宗人府逐一查明並普查宗室覺羅有無與漢人聯姻之戶據實奏聞已聯姻者各予應得處分不必離

異自此日始申明定制嚴行飭禁○乙巳諭內閣大學士會同刑部議覆御史嵩安條陳火器誤殺等案秋審時應分別實緩一摺所駁甚是國家明罰勅法律令為民命攸關頒行四方較若畫一不容輕易變更問刑官吏謹守憲章猶慮有上下其手之弊若於不應區別者而強為軒輊將使析律二端深淺不平科條既備民多偽態吏轉得以因緣為奸甚無謂也朕矜慎庶獄欽哉惟恤如烏鎗竹

銃殺人之案律以其為害慘烈概擬情實至勾到之時其中疑賊誤斃情節可原免予勾決者亦歲所時有其共毆致斃四五命以上之案聚衆逞兇從前乾隆年間曾經欽奉諭旨令執法研究一命一抵不得姑息養奸歷年均欽遵辦理而其中隨行助毆情介疑似之犯亦間有免勾者誠以人情萬態事變千端訟獄之成原有律例所不能該者法司隨案聲請朕權衡輕重區示寬嚴或執不宥之

律或施法外之仁所謂惟齊非齊以成協中之治此明慎用刑之精義又豈更改科條所能執一而論者乎高安不知政刑大體念係言官不加深責嗣後各科道於國家頒行法令不得私出己見妄議紛更以謹舊章而嚴法守○又諭本日給事中清安等奏五月二十四日致祭

地壇稽查應行齋戒之大臣一摺五月二十四日祭

地壇理宜將稽查齋戒之大臣即行具奏何以半月之久始行具奏著將該給事中御史申飭嗣後凡遇祭祀將稽查應行齋戒之臣工俱於致祭後五日內具奏不可遲緩○撥直隸天津鎮左營外委一員暨大沽裁改守備原管兵八十名葛沽營馬兵三名守兵十名歸新設大沽營都司管轄甄河營外委一員暨海口裁改把總原管兵八十名葛沽營馬兵二名祁口汛馬兵三名歸新設海口營守備管轄建設衙署給予關防從總督溫承惠請也○丁未諭內閣戶部具題更換左右翼監督已另行簡派矣數日前文孚於召對時面奏伊管理左翼稅務僅三月有餘今屆更換之期恐令其接管伊才短不能照料若俟題本後即不能辭免為此先行密奏乞恩懇請免其接管等語殊屬非是人臣詎敢奉公事無難易惟君所使若意存趨避遇事之稍涉煩難者即豫為推卸設彼此相率效尤甚

乖敬事之道。此風斷不可長。況密奏為公則可為私。不可。文孚跡似小心。實則膽大。文孚著交部加等議處。○戊申。

上御勤政殿聽政。○諭內閣。五城御史。卓麟等奏緝拿馬譚氏案內正兇無獲。又屆三月具奏一次等語。前因此案正兇日久未獲。曾降旨將承緝各官寬免處分。令其每屆三月具奏一次。自飭諭以來。步軍統領衙門及順天府因案犯未獲。未經具奏。五城御史每三月具奏一次。亦止以虛辭塞責。竟似海捕具文。

此案經朕特予恩施。概免議處。以後官役人等有能緝獲正兇者。即屬有功。無過。試思首善之鄉。使良民負屈含冤。數年未獲正犯。實屬疲玩已極。朕先抱愧引咎。步軍統領五城及順天府當激發天良。各嚴飭兵役人等認真偵緝。如能獲犯破案。一經奏聞。兵役立加獎賞。其督緝承緝之員。並可一體加恩。若似此虛應故事。即每日具奏。亦復何益。所有馬

譚氏一案。各衙門三月具奏一次。自此次降旨之後。著即行停止。實心實力。嚴拿正犯。毋懈。○以太僕寺卿扎拉芬為通政使司通政使。○戶部議准。四川總督常明疏報。裁邊廳屬開墾田一千四百五十七畝。有奇。照例升科。從之。○己酉。諭內閣。自鴉片烟流入內地。深為風俗人心之害。從前市井無賴之徒。私藏服食。乃近日侍衛官員等。頗有食之者。甚屬可惡。沈湎荒淫。自趨死路。大有關係。深惑

人心。不可不嚴行飭禁。著刑部定立科條。凡商販售賣鴉片烟者。應作何治罪。侍衛官員等買食者。應議以何等罪名。軍民人等買食者。應議以何等罪名。區分輕重。奏定後通行頒示。俾羣知警戒。以挽澆風。○諭軍機大臣等。溫承惠奏永定河水漲各工搶護平穩。並稱現交伏汛。擬即馳往工次督辦修防事宜。等語。本年永定河水勢旋長旋消。尚不甚大。盧溝橋一帶距京較近。設遇汛水長發。有亟

須防守搶護之事朕簡派在京大員就近前赴該處督率道廳員弁隨時經理總可無誤該督此時竟無須前來防汛著飭知永定河道如河水盛漲工程險要即迅速報知軍機處隨時奏聞現在直隸省南三府地方仍未得有透雨且毗連豫省河北開封四府被旱之區將及千里朕心日深廛念前撥給直隸漕糧四萬石將來如何散放撫卹亦未據該督奏有章程刻下該處民情口食最關緊要不可不早為籌備該督不必兼顧河防當即親赴南三府地方督率道府各官將災區輕重戶口多寡情形詳細查勘應作何調劑之處酌議規條勿致飢民流離失所將此諭令知之○賞三等侍衛永芹二等侍衛為喀喇沙爾辦事大臣以二等侍衛哈當阿為塔爾巴哈台領隊大臣○庚戌諭內閣榮麟等奏幫丁短交米數一摺漕運為天庾正供豈容顆粒虧短此次江北長淮四兩幫漕船抵通

交卸旗丁李祁運等十二人共短米五百七十餘石其中并有一人而短至五十餘石七十石者殊屬藐玩著將該旗丁等押交既元按照虧欠米數清單查明實在緣由照例治以應得之罪其另摺所奏旗丁張中權等呈控頭伍買米攪雜一案現在查明米色乾潔所控不實呈內尚有吞扣銀兩一款著將該旗丁頭伍等一併押交既元秉公審訊定擬具奏○以正黃旗漢軍副都統栓倖為直隸正定鎮總兵官正定鎮總兵官富蘭為正黃旗漢軍副都統○革黑龍江將軍斌靜職遣乾清門侍衛慶惠馳往提解來京並革其子奉恩將軍果勒卿阿職歸案審訊○辛亥調正藍旗蒙古副都統禧恩為鑲白旗滿洲副都統以光祿寺卿穆克登額為正藍旗蒙古副都統○壬子諭內閣前因宗人府奏移居盛京宗室戶口酌派宗室官員前往駐劄誠恐未經歷練之人不足以資彈壓特令揀選

宗室覺羅中曾任大員緣事黜退者數員帶
領引見本日已派出文弼傑信二員以四品
頂帶作為郎中前往矣但該二員係司員職
分不能具摺奏事著派盛京將軍和寧戶部
侍郎潤祥禮部侍郎誠安專管移居宗室事
務統轄彈壓遇有應奏事件文弼等二人具
報該將軍侍郎等奏聞以專責成○又諭昨
因宗人府奏移居宗室戶口單內開寫妻室
氏族有張氏白氏李氏等姓恐係與漢人聯

宗室書

奏

姻令宗人府查奏茲據查明前次單開漢姓
有係漢軍人者有以章佳氏訛寫張氏者李
佳氏訛寫李氏者博爾濟吉特訛寫白氏者
其中並無與漢人聯姻之人凡分姓受氏滿
漢一理滿洲之瓜爾佳氏章佳氏皆係相沿
清語亦如漢姓之張李並無文義可尋豈容
刪減覆字以訛傳訛寢忘本始嗣後書寫氏
族不但宗室妻室宜照本姓書寫其八旗滿
洲蒙古人等俱各照氏族書寫不許改寫漢

姓以正根本以杜訛偽將此通諭八旗併各
省駐防知之○又諭百齡等奏酌籌劉河善
後事宜一摺劉河工段現已挑濬深通惟海
口湮土嫩沙易致停淤該督等議請設立混
江龍鐵埽帚等物用海船四隻水手二十四
名往來爬疏俾河流暢出工程得資經久著
照所請准其於挑工節省項下動支銀二千
八百三十五兩零以充製備船隻器具之用
餘銀四千兩並准其發商生息存貯蘇松道
庫作為歲修及增給工食之需所有一切經
管章程俱著照所議行○又諭朕每日召對
臣工周咨博採勤求治理書云爾有嘉謀嘉
猷則入告爾后於內人臣懍忱獻納惟當乃
心公事豈容瀆奏私情前此文字於召見時
輒因管理左翼稅務更換屆期懇恩免其接
管更換左翼稅差一本戶部尚未進呈文字
何由揣知朕必令接管彼時朕曾問以左翼
稅務現在有何弊竇礙難辦理據實奏文

孚如因凱音布前任管理不妥即應據實奏乃伊力言並無他故惟稱自揣才具短絀不能經理無人可託心懷畏懼又稱舉朝臣工皆勝於伊儘可派令管理等語昨日據文孚奏報稅差期滿錢糧數目凱音布任內共虧短盈餘銀三千餘兩已勒限令其賠繳是文孚之意竟係慮及接管之後再有虧短難免著賠故爾先期辭避實屬膽大妄為糊塗冒昧文孚著照部議降四級調用伊既自知

才具不能辦事自甘廢棄亦不必降補文職著賞給二等侍衛仍留公中佐領在大門上行走如慮不能辦理公中佐領事務即行具呈辭免令本旗都統代奏○以正藍旗蒙古副都統穆克登額為刑部右侍郎○以鑲白旗漢軍副都統成秀為鑲白旗護軍統領○
癸丑

上幸萬壽山詣

廣潤祠拈香○諭內閣軍機大臣會同刑部

審訊偷竊南苑御馬賊犯王二定擬具奏一摺國家詳定刑律頒為令典以為讞案準則其有本律者應按本律科罪無本律者方准比照定擬此案賊犯王二偷竊御馬本律係枷號三箇月發近邊充軍即加重亦不至死其律文內偷竊南苑等處乘輿服物者斬立決一條載明乘輿服物究無馬匹字樣既有偷竊御馬專條即不應比照辦理惟王二一犯先經犯案問徒脫逃後行竊滿貫律應緩

首復在逃稽誅一經拏獲即應明正典刑茲又怙惡不悛罪無可逭王二著即處絞至南苑廠養馬匹本有等差其偷竊罪名亦當區別今律內祇載偷盜御馬字樣難以分晰著交刑部詳加覈議嗣後偷盜御廠郭什哈馬及偷盜多羅馬駕馬者應如何區別罪名具奏請旨載入律例遵行再郭什哈馬豫備上乘與園內尋常馬匹不同著上駟院將此項馬匹無論在園行路俱拴用黃籠頭其項懸

牌記亦應製造殊異易於識別其管理南苑英和等自請處分此次賊犯王二訊明係於白晝進南紅門並非門禁疏防惟該犯偷馬後由沙堆高與牆平之處跨越出苑伊等平日未能留心查察又前此誤拿韓猛兒到案妄行拖累均有不合著罰令英和禧恩長申三人將苑牆內外積聚沙堆派人起除不准開銷公費以示薄懲毋庸再行議處尋議上得旨刑部酌定偷盜御廄馬匹罪名請將盜竊郭什哈馬者增入盜內府財物條例內與乘輿服物一併照例不分首從擬斬立決盜竊多羅馬駕馬者俱枷號三箇月發近邊充軍所議仍有未詳郭什哈馬豫備上乘究係馬匹與乘輿服物不同即多羅馬亦與駕馬有別嗣後遇有盜竊郭什哈馬者為首之犯擬絞立決從犯擬絞監候並註明不論已宰未宰均照此辦理盜竊多羅馬者枷號六箇月發邊遠充軍盜竊駕馬者枷號三箇月發

近邊充軍該部即載入則例永遠遵行○諭軍機大臣等晉昌奏北路卡倫外向哈薩克索討人口之俄羅斯已完結歸回部落一摺外夷因交易起釁自相理論係常有之事既在卡倫以外即與中國無涉此次俄羅斯向哈薩克台吉罕巴爾索討安集延人口晉昌得聞此信惟當嚴飭卡倫官員加意巡查勿使罕巴爾帶領安集延人等闖入潛匿別滋事端方為鎮撫邊疆之道乃晉昌輒派協領哈芬布前往查辦哈芬布至哈達蘇卡倫復因罕巴爾求懇官為管理即出卡倫外數十里之地安設帳房摘傳俄羅斯安集延頭目數人面為開導令兩造公議償還之項實屬多事幸而俄羅斯恭順彼此將財物償還安靜歸部若使當哈芬布剖斷之時稍有抗違情形又將如何辦理豈非自生邊釁且據奏罕巴爾曾殺死安集延三人今以元寶馬駝等物抵償人命此在夷俗為常有之事若官

為判斷依中國法律豈能如此完結至稱俄羅斯在邊外居住日久難保土爾扈特不生驚懼此語尤為可笑土爾扈特各部遊牧俱在卡倫以內安居樂業俄羅斯與哈薩克爭論遠在開齊以外與土爾扈特何與晉昌身任將軍遇事張皇著交部議處哈芬布辦理舛謬著交部嚴加議處總之卡倫以外各夷部落自相爭論之事天朝斷不值代為剖判嗣後遇有似此事件該將軍惟當嚴飭卡倫

官員謹守邊界即使夷人稟請投訴亦當詞嚴義正告以不應越界管理之故切勿輕舉妄動有乖體制慎之將此諭令知之○遣鑲黃旗滿洲副都統明志往奠故都統銜太僕寺卿扎郎阿茶酒予祭葬賞銀三百兩治喪○命撥奉天官倉粟米二十萬石並截留湖廣漕船糴米五萬石備賑直隸順德廣平大名三府被旱災民○乙卯諭內閣朕勅幾餘暇披覽往籍見宋范祖禹所著唐鑑一書臚

敘一代事蹟考鏡得失其議論頗有裨於治道宋平五代之亂近接有唐其政教風俗歷歷可稽故以唐為殷鑒我朝紹膺大統道接治法遠述百王至有明三百年時代相承其一朝政治亦鑒觀得失之林也宜倣唐鑑體例輯為明鑑一書臚舉大綱蒐採編次其論斷即令派出編纂諸臣輪流撰擬進呈後經朕裁定勒為成書刊刻頒行用昭法戒○又諭黑龍江八旗駐防兵丁前因積年借欠糧於十四年內援照恩詔咨請豁免戶部書吏胡果擅騙使費銀七千兩該協領等即於各兵名下攤扣給付現已審訊得實按律懲辦各直省督撫大員辦理地方公事與部院交涉者甚多或部院書吏欲高下其手從中舞弊而各省有成案可循官吏精明者尚不至為其所愚聽從需索惟各省駐防官員於部院事例多未通曉遇有題咨事件意謂應准應駁書吏即能持其短長而奸胥猾吏亦

遂乘機詐索積習相沿牢不可破不知國家設官分職大小相承各部院辦理公務司員具稿呈堂該管堂官查覈題奏迨至朕前部議准而特旨指駁者亦有部議駁而特旨允准者但以事理為權衡其准駁即部院大臣尚不能以已意豫為主持況書吏至為微末不過供繕寫奔走之役又豈能聽其把持公事任情顛倒乃相率入其彀中科斂多金關通納賄一經敗露株累多人實堪痛恨著

書纂卷五

七

通諭各省駐防大臣官員嗣後一切公事惟當查照例案秉公覈辦其應行題奏之件進呈時准駁悉出上裁若妄生僥倖受人播弄事經發覺不特受賄者盡法懲治即以財行求之人亦必按律治罪不稍寬貸當以黑龍江之案為鑒慎勿再蹈覆轍也○又諭官齡等奏奏辦工不善溺斃逃夫多命之工員並緝兇不力之文武員弁請旨革職一摺此案夫役受雇挑土若非工價有剋扣短發情弊

何至潘開得等七十人同時逃散夫頭崔全率人追趕同行止二十餘人逃夫七十人並無拒捕情狀何以淹斃至二十四人之多且撈獲屍身內驗有帶鐵器金刃等傷者案多疑竇必應徹底根究著該督等就現獲各犯詳悉研鞫如工員夫頭有侵扣聲釁情弊分別嚴行懲辦或另有羣毆逞兇緣由亦訊明按律定擬毋稍枉縱其工員候補州同袁遲及緝兇不力之署清河縣知縣縣丞龔京正

書纂卷五

七

把總張永貴俱著革職仍留於地方協緝督緝不力之淮揚道徐承恩副將汪德都司徐彬淮安府知府岳山及督工不慎之淮海道河洲著交部分別議處至此案溺斃多命事在四月十八日迄今兩月有餘始行奏聞殊屬遲緩百齡黎世序朱理俱著交部察議○丙辰戶部議准江西巡撫先福疏報廣豐貴溪二縣開墾水田一項三十畝有奇山田十三畝有奇照例升科從之○丁巳

上幸靜明園詣

龍神廟拈香○諭內閣吉綸等會議昆明湖地面添挪堆撥增派官兵分段行查俱著照所議章程辦理惟所議繡漪橋以北昆明湖內所有沈溺之人將本段看守不嚴之兵弁各杖一百罪名尚未允協沿湖三面設立堆撥比櫛聯亘即與宮牆無異直班弁兵職司守望如有赴湖投溺者其罪與擅入宮牆等該弁兵如能將赴溺之人察看形色未事擊獲或於落水後撈救得生但將赴溺之人訊明治罪其弁兵均屬無過若失於查察竟致溺斃人命本段堆撥弁兵必應從嚴懲處其左右附近之堆撥二所不能瞭望互相覺察亦應減等懲治著交刑部另行覈議罪名奏定載入則例遵行該管大臣並嚴飭各弁兵如濫將外圍行走之人妄拏滋事者亦必嚴行究治至沈溺之人其家屬不能豫知無由防範所有家屬治罪之處概毋庸議○以工

部左侍郎茹荼為江南鄉試正考官翰林院編修黃中模為副考官戶部郎中史祐為陝西鄉試正考官內閣中書陳何龍為副考官○戊午遣官祭

火神廟○諭內閣本日軍機大臣會同刑部奏黑龍江請免駐防兵丁積欠銀糧戶部書吏胡杲撞騙使費銀兩一案已按律分別治罪矣國家內外相維以直省之事分隸六部法令科條具有成式從否予奪悉秉上裁羣工各舉其職胥吏原不能上下其手此案黑龍江如係題咨在前經戶部議駁書吏借端需索該省官員斂費彌縫已屬大千例禁然尚得藉口被其所愚今該協領等於未經咨題之先已議定使費向各兵丁名下錙銖科斂用以飽奸胥之谿壑事發到官同罹重譴真可謂大惑不解下愚不移著再通諭直省及各處駐防嗣後地方題咨公事如部院書吏有藉准駁為名從中需索者被索之人即

據實向該管大臣官員前具呈首告一經審實。先將臺吏從重治罪。首告者其事得直。苦累可以立申。豈不勝於低首下心。橫受抑勒。若執迷不悟。甘心納賂營私。則是自投法網。事覺與受同科。國法具存。斷難曲為寬宥也。○大學士董誥等奏審訊已革黑龍江將軍斌靜解任盛京副都統靈泰各請豁免積欠任聽協領等使用部費並向所屬主事索借錢文屬實。請將斌靜發往伊犁靈泰革職發往烏魯木齊効力贖罪從之。○旌表守正捐軀江西德化縣民李運貴妻朱氏。○己未諭內閣御史丁孝彝奏請將各衙門保送出差人員立定章程一摺。各衙門保送差使該堂官於司員內遴選操守謹飭辦事勤能者出。具切實考語咨送彙齊帶領引見聽候簡用。必須所保之人與此差人地相宜方可收得人之效。設該員出差後另有貪劣貽誤情事。原保之堂官均不能辭濫行保舉之咎。若如

該御史所奏。凡保送差使既論其等第同為一等。又須比較資俸淺深以為先後。是與挨次銓選無異。該堂官不能稍有審擇於慎重差使甄別人材兩無裨益。所奏不可行。嗣後各衙門保送差使仍著照舊例辦理。○遣三等侍衛慶惠上駟院卿阿勒精阿前往大凌河查辦牧羣事件。○庚申諭內閣生員鮑廷博於乾隆年間恭進書籍其藏書之知不足齋仰蒙

高宗純皇帝寵以

詩章。朕於幾暇亦曾加題詠。茲復據浙江巡撫方受疇代進所刻知不足齋叢書第二十六集鮑廷博年逾八旬好古績學老而不倦著加恩賞給舉人俾其世衍書香廣刊祕籍亦藝林之勝事也。○又諭晉昌身任伊犁將軍於邊疆事務當鎮靜撫綏此次俄羅斯與哈薩克台吉罕巴爾因交易爭論係外夷常有之事天朝本不應過問且俄羅斯先在卡倫

外四五十里居住一經卡倫官員諭令遷移又退出六七十里之外其情形極為恭順乃晉昌聞信後遽派委協領哈芬布前往查辦哈芬布至彼輒於卡倫外安設帳房摘傳俄羅斯安集延頭目為之剖斷議令罕巴爾償還財物辦理實屬外誤晉昌才識拘隘不勝伊犁將軍之任部議降一級調用因伊本有革職留任之案請旨革任晉昌著革去領侍衛內大臣斥退伊犁將軍念其人尚不至廢

棄已另降清字諭旨令其署理正白旗漢軍都統晉昌俟新任將軍松筠到彼再行交代來京供職仍將革職留任處分帶於新任哈芬布著照部議降四級調用○命大學士勒保管理理藩院事以協辦大學士吏部尚書松筠兼伊犁將軍禮部尚書鐵保署吏部尚書刑部左侍郎高杞為總管內務府大臣○以左翼前鋒統領鄂勒哲依圖為正白旗領侍衛內大臣調右翼前鋒統領綿志為左翼

前鋒統領以正白旗護軍統領裕瑞為右翼前鋒統領正黃旗漢軍副都統富蘭為正白旗護軍統領調正黃旗漢軍都統福慶為鑲紅旗滿洲都統以署正白旗漢軍都統祿康為正黃旗漢軍都統○旌表守正捐軀直隸開州民王滿妻趙氏深州民張俊女張氏○士戍

上詣

大高殿行禮○還宮○以孟秋時享

太廟自是日始齋戒三日○癸亥諭內閣各省駐防兵丁子弟准其於本省就近考試入學因鄉試必須來京道路遙遠者每以艱於資斧裹足不前現在駐防旗人並議准就近應武童試嗣後各省駐防子弟入學者即令其於該省一體應文武鄉試於造就人材之道較為有益其如何編號定額取中之處著禮兵二部妥議具奏尋議各省駐防生員請自丙子科為始於本省鄉試編立旗字號另額

取中學政錄送十名准取中一名其零數過半者再取中一名將來人數增多總不得過三名入場時另編坐號仍由該將軍等考試馬步箭合式者再行咨送錄科其武鄉試編號定額俱照文場之例約十人內取中一人武生由學政錄送前鋒等項由該將軍等造送仍令監射主考臨時酌量情形如人數雖多其中技藝生疏者亦不得以十人內取中一人濫行取中俟三科後各督撫將應科應試人數多寡技藝優劣咨明兵部再行請旨定額惟現在尚未取有武生請將前鋒等項內願應武鄉試者先行造送應本年癸酉科試其武生就近應試之處亦自丙子科為始從之○又諭毓秀奏查勘圍場情形請量加調劑一摺圍場地方遼闊原設卡倫官兵不敷巡察本係實在情形其應如何添設卡倫官兵及建造營房酌增俸餉之處著軍機大臣會同各該部再行詳查妥議具奏尋議原

設卡倫兵額外添卡倫二十二處兵一百五十名每名先給餉銀一兩五錢俟正額缺出再行挑補并各給予隨缺地畝建兵房四百六十六間得旨依議至圍場兵丁原額餉銀每名每月給銀二兩此項新添兵一百五十名既經議定每名每月先給銀一兩五錢俟有正額缺出再挑補二兩錢糧其隨缺地畝亦應量為酌減若照正額兵丁一體給予一頃二十畝未免無所區別著照每名先給地一項該兵丁挑補二兩錢糧後其應得地畝再照一項二十畝原額隨缺給予○諭軍機大臣等阮元等奏南糧三進尾幫於本月二十二日全入東境一摺漕船經由邳宿一帶向藉微湖放水鋪注本年重運行走艱澀皆由上年微湖蓄水短少以致不敷接濟幸江省廣為設法調劑得免貽誤此皆係李亨特一人之咎朕念幫船行走日期統計亦不為遲未將李亨特謹責已屬格外施恩伊應自

知愧奮所有本年蓄水事宜應及早妥為經理微湖為東省水櫃各處泉源坡水均可匯注該河督惟當先盡人事將疏濬導引各事宜悉心辦理以期克符定制不可專恃雨水人事既盡亦必能感召

天和有備無患若該河督仍心存玩愒本年湖水蓄蓄再不足額來年重運經臨又形支絀則李亨特咎無可逭屆時朕必重治其罪不難另行簡員更換至同興係該處巡撫地方漕河事宜亦應幫同盡心籌畫勿存推諉之見將此諭令知之

中興本志

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十

實錄本志

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十一

世宗憲皇帝御製日講起居注錄卷之二十一 上諭 嘉慶十八年七月

世宗憲皇帝御製日講起居注錄卷之二十一 上諭 嘉慶十八年七月

世宗憲皇帝御製日講起居注錄卷之二十一 上諭 嘉慶十八年七月

世宗憲皇帝御製日講起居注錄卷之二十一 上諭 嘉慶十八年七月

世宗憲皇帝御製日講起居注錄卷之二十一 上諭 嘉慶十八年七月

世宗憲皇帝御製日講起居注錄卷之二十一 上諭 嘉慶十八年七月

嘉慶十八年癸酉秋七月乙丑朔享

太廟

上親詣行禮○辛圓明園○諭內閣本年京城

自春夏以來雖疊次得有甘雨仍未十分需

足茲屆孟秋時享

太廟朕於二十七日入宮齋戒二十八日夜間

澍雨優霑連宵達旦二十九日夜及本日致

祭之辰甘霖續沛勢甚廣遠大田得資長發

可冀秋成朕心深為欣慰迴蹕御園道途泥

濘隨扈者衣履沾溼著御前大臣軍機大臣

會同查明本日隨從來園之王公大臣侍衛

官員及站道之章京等如任內有罰俸處分

者加恩免其罰俸半年其無罰俸處分者加

恩各賞給三箇月俸銀其站道兵丁及修道

步甲每人賞給半月錢糧○又諭本日孟秋

時享禮成朕迴蹕御園正值甘霖時沛已降

旨將官員兵丁等查明恩賞矣惟蹕路自西

直門至圓明園紅橋八旗兩翼派出站道章

京兵丁甚屬寥寥其例應在紅橋站班之前

鋒統領護軍統領一員亦誤班未到殊屬怠

玩著御前大臣軍機大臣會同查明本日輪

直紅橋站班者應係何人據實具奏其章京

兵丁除到班者覈實給賞外誤班者逐一查

明具奏候旨○丙寅諭內閣昨日圓明園紅

橋誤班之前鋒統領護軍統領交御前大臣

軍機大臣會同確查茲據查明覆奏其綿志

等八員俱有別項差使不能兼顧內禧恩因

係御前侍衛長慶因係鑾儀使未經輪派殊

屬非是向來御前侍衛兼護軍統領者俱兼充查道站門等項差使。歷歷可指。即禧恩等於朕進宮時亦於禁門站班。何以此次紅橋獨不應輪派。顯係藉詞支飾。惟是禧恩長慶二人內並非專派一人誤班未到。姑從寬免其議處。其昨日隨從來園加恩寬免罰俸賞給俸銀各員內著將禧恩長慶二人扣除。以示懲。嗣後伊等於所兼護軍統領差使仍輪班派直。毋得藉詞推諉。○又諭向例發往

吉林黑龍江為奴人犯多係免死減等情罪較重者分給兵丁為奴。原使之備嘗艱苦。長受折磨。乃兵丁不能養贍。竟有聽其贖身自謀生理者。殊乖立法懲奸之意。現已嚴行飭禁。惟是該兵丁每月所領錢糧僅足自贍身家。令其養贍遣犯多人。適足以增苦累。似不若改給該處官員為奴。伊等廉俸較優。並約束亦易於為力。所有現在發黑龍江給披甲為奴之太監人數無多。著即全行改撥於黑

龍江官員名下為奴。俾其役使管束。毋許再蹈贖身陋習。如有故違者。太監加重治罪。該官員一併議處。至各省發往人犯過多。該處官員額缺有限。亦恐不敷養贍。著交刑部將條例酌量變通。再增入盛京及各處駐防以違犯情罪之輕重。分地方之遠近。到配日均給與官員為奴。俾行之日久。免滋流弊。該部妥議章程。奏准後頒發遵行。尋議發遣人犯臣等於例內摘其情罪較重者五條。仍發黑

龍江吉林其情罪稍重者五條。改發盛京。情節稍輕者十五條。改發各省駐防。均給各該處官員為奴。從之。○丁卯。

上御勤政殿聽政。○諭內閣貝勒綿志之子奕績病故。奕績係儀親王長孫。綿志僅此一子。從前朕見奕績尚有出息。曾賞給三品翎頂。今忽病故。實為可惜。著加恩追封未入八分輔國公。前曾指原任都統蘇寧阿之女為奕績妻。尚未聘娶。茲蘇寧阿之女聞夫病故。情

願至夫家守節尚知大義甚屬可嘉除另行賞給朕親書扁額外其應得旌表事宜著該部照例辦理○又諭戶部奏御史李仲昭私向書吏索取文案不遂濫行杖責一摺部院衙門案卷例不許書吏私攜出署各科道如因公查取或奏請飭查或行文咨取均無不可李仲昭籍隸廣東乃以本省洋商事件自書紙條向戶部書吏私行索取此與作弊何異書吏范徵雲答以案非本司承辦並稱不

敢私行帶出所言本無不合該御史輒將范徵雲擅行杖責實屬肆意妄為李仲昭著交部嚴加議處○軍機大臣會同兵部議奏此次復設滿洲蒙古武科其考試外場請照舊例就步射馬射硬弓三者分別列入雙單好字號停其舞刀掇石內場一體默寫武經至取中額數暫照漢軍武童試約五人內取中武生一人鄉試約十人內取中武舉一人俟數科後再由兵部奏請定額其會試中額仍

令知武舉開列外場雙單好名數奏請欽定中式後覆勘騎射硬弓及殿試一切均照漢軍漢人例畫一辦理得旨國初開設武科多沿襲前明規制於馬步箭之外又試以開弓舞刀掇石以驗技勇順治十七年旋將技勇停試至康熙十三年又議復踵行武場以騎射為重再試以硬弓掇石可以驗其力之強弱至舞刀一項不足以分優劣本屬無謂嗣後武會試與各直省武鄉試及武童試俱著

將舞刀一項停止此次議令滿洲蒙古旗人應武鄉會試童試所有考試馬步箭並開弓掇石均著與漢軍漢人一體比較以昭公允餘依議○以貴州布政使齊布森為光祿寺卿通政使司副使巴綱阿為太僕寺卿○以雲南按察使福昂為貴州布政使雲南糧儲道額特布為按察使○戊辰諭內閣貴慶奏審明

神像被竊緣由將已革佐領商安布等定擬一

摺商安布查知

神幪被竊不即行舉報轉私行賠造冀圖掩飾其咎較重商安布著於盛京枷號半年滿日再行發往伊犁効力贖罪當夥谷泳英尤顯章誤當官物訊不知情應發保候獲犯日傳令指認毋庸監候待質○旌表守正捐軀湖南湘鄉縣民彭榮則妻王氏○己巳

上幸萬壽山○諭內閣本月初一日朕臨幸圓明園遇雨沿途站道官兵甚屬寥寥及至紅

橋又無站班之護軍統領前鋒統領即經降旨交御前大臣等查詢茲據稱前鋒統領護軍統領等互相推諉所屬章京內惟正白旗護軍校豐紳布曠誤外其餘俱無曠誤兵丁內共止有一百餘人曠誤等語朕所以交查此事者原欲獎賞冒雨當差之人而懲畏雨曠誤之人今伊等具報均非實數竟不可信若照查出人數以定賞罰必至不能允協此次姑置不究昨曾降旨賞賚現在曠誤官兵

未能查明賞罰亦難施行著無庸議惟偶因微雨綿志等所屬官兵即曠誤多人皆由伊等平時不能嚴加管束所致著將查出曠誤兵丁二十名以上之該管護軍統領敬徽歲秀玉麟瑞齡各罰俸三年十名以上之該管護軍統領明志禧恩各罰俸二年十名以下之該管前鋒統領綿志裕瑞護軍統領長慶慶祥各罰俸一年綿志等十人著革去頭品職銜無論賞穿黃馬褂及職任應穿黃馬褂

均不准穿用其有兼任副都統者著照例穿本旗號褂此後果能奮勉朕再酌量施恩前鋒侍衛叅領護軍叅領亦各按本旗曠誤之前鋒護軍數目二十名以上者各罰俸三年十名以上者各罰俸二年十名以下者各罰俸一年以示懲戒○又諭行在戶部印鑰著托津佩帶嗣後凡行在各部院衙門印信如管理大臣及滿尚書隨圍即令其佩帶印鑰無庸奏請欽派如無管理大臣及滿尚書隨

圖仍由該衙門奏請派員佩帶印鑰○諭軍機大臣等百齡等奏伏汛期內湖河水勢加長隄壩各工一律穩固一摺所辦俱妥其議覆御史程贊寧條奏河工各款所議亦是朕思目今全河之弊在於河底高仰治河之法惟有將兩岸隄堰修築鞏固並防守料土貯備整齊一遇盛漲官弁兵夫實力保護使水無旁溢之患則溜逼中泓河底愈刷愈深海口愈出愈暢一二年河病悉除即可永底安

濶之績如程贊寧所請疏通下河水利及減水閘壩各款其說亦本之新輔治河各書殊不知今昔情形不同斷難墨守舊說即如醫生引用成方本皆古人經驗良劑而施之所治之證寒熱虛實不能合宜非特不能奏效且至有損非古方之不善用之者不當耳治河之道亦復如是現在經費支絀該督等惟當師古人之意而酌以今之時勢凡河務應辦工程須擇其至當至要者方議修舉不可

輕為浮言所惑亦不可專為成法所拘如治病者期於病除而止治河者期於全河順軌即永慶平成之效也將此諭令知之○庚午諭內閣刑部叢議昆明湖內溺斃人命各罪名摺內稱赴溺之人經弁兵拏獲或撈救得生訊係因貧因病者杖一百枷號一箇月所議太輕官民人等私登隄岸遊玩已屬違令若擅入禁地投水自溺情罪較重該部議與失察溺斃人命之本段堆撥弁兵一律枷杖

殊覺漫無區別嗣後如有赴溺之人經弁兵撈救得生訊明止係因貧因病者著枷號半年仍杖一百發往伊犁如另有重情仍各依本律從其重者論餘依議○諭軍機大臣等朕前因糧艘行至邳宿運河年年剝淺一入東境即少阻滯推原其故由於東境七十餘里之中遞建八閘而江境三百餘里祇有六閘水勢不能停蓄是以逐處淺澀特降旨交百齡等於江境運河扼要之處或添建二閘

或添建四閘以利漕運酌議具奏本日據阮元奏稱該處急應添建閘座其所論甚為通暢著百齡等接奉此旨查照阮元等所稱匯澤上下一帶地方選擇扼要處所或建二閘或建四閘一面勘估興工不必奏報待復又稽時日並責令委員覈實修築務期啟閉得宜勒限於明年重運未到之前二月內一律工竣該督等查驗報銷勘定後先行繪圖貼說將辦理情形由驛迅速覆奏○以翰林院

侍講學士蔡之定為河南鄉試正考官修撰蔣立鏞為副考官侍講學士黃鉞為山東鄉試正考官檢討戚人鏡為副考官編修吳毓英為山西鄉試正考官周之璿為副考官○旌表守正捐軀廣東澄邁縣民邱立勳妻李氏○辛未諭內閣綿譽等奏莊頭誤差一摺西陵祭品向由承種官地莊頭備辦年久相沿並無缺誤本年清明節莊頭劉福來誤差即應叅奏查辦此次中元節又復貽誤祭品關

繫典禮非尋常誤公可比該莊頭具呈以地畝沙壓為詞著溫承惠即飭拏劉福來到案訊問並著內務府查明該莊頭承領地畝冊檔移交該督委員確勘如地畝實有曠廢等情奏明調劑如係飾詞玩誤訊明從重懲辦即查無別情其兩次誤差亦治以應得之罪○癸酉諭內閣黎世序奏辦理南河工程估銷各案懇請展限一摺南河歷年辦理工程各案日久積壓易滋輟輟牽混之弊前特降

旨勒限逐案造報以清積牘茲據黎世序奏稱飭催造報各案皆非伊任內之事現在趕緊清釐惟自接任以來查勘要工籌催重運現值伏秋二汛來往巡防在署辦事之日甚少各案款目糾紛若非親為稽覈恐受欺朦其勢難以兼顧亦係實在情形著交百齡即於道府丞倅中遴派誠實明練之員督同檢齊檔冊逐案勾稽如有弊混據實糾叅奉到此旨後仍遵原限分別造冊咨部覈銷黎世

序於霜降後。工務稍暇之時。並一同悉心會
覈。以昭詳慎。○兩江總督百齡等議奏。海州
揚州添設營員。應給俸薪銀兩。請准作正開
銷。添設兵額五百名。即由江蘇安徽兩省督
提。漕河撫鎮各標內抽撥軍裝器械。隨糧移
解。兵房衙署。由江寧蘇州兩藩司籌款辦理。
從之。○雲貴總督伯麟等奏。籌酌緬寧邊外
善後事宜。○現在克復村寨。及投歸保衆。令
聽土司約束。並飭各土司妥為撫戢。○猛猛

黃草嶺猺黑伙頭楊文星。自五年投誠後。曾
招致張輔國。尋以輔國抗調不法。遣人協助
官兵擒獲。今年逾七十。請免其遷徙。歸農養
老。○黃草嶺等五十四寨。分屬六大寨。請暫
設掌寨一人。令公舉保衆悅服者充當。報緬
寧廳轉報順寧府立案。掌寨催收錢糧。亦由
廳解府彙入。猛猛土司額徵項下轉解。如有
漢夷交涉事件。呈報緬寧廳辦理。如係猺黑
事件。即聽該掌寨自行完結。其與猺夷交涉

事件。令土司秉公處置。○令各土司於要隘
處所。自行設練防範。○緬寧南路之天生橋
猛托。三岔河。及西路之兩野霧。露寨。應添設
五汛。並於馬臺園內。二汛適中之撒馬廠。添
設一汛。再將雲州之白石汛。移駐東南萬年
橋。共應添兵四百三十名。○請暫緩裁撤練
兵。○請修葺緬寧坍塌城垣。從之。○內閣學
士兼正黃旗護軍統領禧恩。以步射平常。革
護軍統領任。以鑲藍旗漢軍副都統百順。為

正黃旗護軍統領。○戶部議准。陝甘總督那
彥成疏報。秦靖遠。秦安。正寧。古浪。五州縣。及
紅水縣。丞所屬開墾地。二十二頃九十七畝。
有奇。照例升科。從之。○甲戌。

孝懿仁皇后忌辰。遣官祭。

景陵。○諭內閣。太常寺寺丞德齡。於嘉慶十五
年四月。因執事失儀。降旨銷去京察記名。外
用。即與銷去一等無異。上年該寺辦理京察。
仍以該員為舊一等。復行保薦。即係錯誤。德

齡著銷去一等管理太常寺堂官除鐵保等到任在後扎郎阿病故無庸議外其原保之各堂官著交部查明議處至色克精額因違官稱賀已屬多事如在家演劇原例所不禁乃於城外戲園排日張筵敘取分金據步軍統領等飭查色克精額演戲三日邀客至七百餘人其中有本屬官員已乖體制且多市井商賈之徒溷跡雜坐伊係二品大員罔知自愛貪利忘恥有玷朝班實屬卑鄙色克精

額著先行開缺仍交部嚴加議處三日內具奏不准逾限○又諭刑部議奏侍衛官員買食鴉片烟者革職杖一百加枷號兩箇月軍民人等杖一百枷號一箇月均著照所議辦理近日侍衛官員中朕風聞即有違禁買食者姑因事未發覺免其查究若不知悔改將來或經舉發即照新例懲辦不能寬貸再太監供役內廷聞亦有買食者其情節尤為可惡著總管內務府大臣先通行曉諭如有違

禁故犯者立行查拏枷號兩箇月發往黑龍江給該處官員為奴至鴉片烟一項由外洋流入內地蠱惑人心戕害生命其禍與鴉毒無異奸商嗜利販運陷溺多人皆由各處海關私縱偷越前曾降旨各省海關監督等嚴行查禁乃數年來迄未遏止並聞各海關竟有私徵鴉片烟稅銀者是竟導奸民以販鬻之路無怪乎流毒愈熾也著再嚴飭廣東福建浙江江蘇等省沿海各關如查有奸民私

販鴉片烟冒禁過關一經拏獲將鴉片烟立時拋棄入海奸商按律治罪儻管關監督等陽奉陰違并私收稅課著該省督撫實力查叅將該監督先行革職由驛具奏朕必從重懲治其各處輾轉營販之徒並著五城順天府步軍統領衙門及各直省督撫等一體嚴查按律究辦○又諭御史傅崇泰考試軍機章京請欽派大臣在舉場公所將試卷彌封以昭慎重一摺軍機章京入直樞廷先取人

品端謹再叅以文理清順字畫工楷方為無愧厥職。若如該御史所奏糊名考試則但能觀其文字其人之才品何由識別。惟在軍機大臣秉公甄拔期於得人自足以昭慎重。如充補後該章京有舞弊營私劣跡軍機大臣均難辭考選不慎之咎。至各衙門保送人數亦應定以限制員缺至多者不得過八員如逾額即著軍機大臣叅奏。此次內閣保至三十二員未免太濫著駁回令該衙門大加刪

減不過七八員出具切實考語另行保送。由軍機處考試揀選帶領引見嗣後軍機章京中如有因濫保獲咎者其本衙門原保之堂官亦著一併議處。○命戶部右侍郎桂芳刑部右侍郎章煦馳往熱河審案。○以上駟院卿阿那保為正紅旗蒙古副都統。○旌表守正捐軀河南確山縣民婦房韓氏山西永寧州民李樹寬妻馬氏。○乙亥諭內閣派往西北兩路之將軍大臣並侍衛官員等來往俱

馳驛行走著兵部載入則例。○以安徽壽春鎮總兵官多隆武為四川提督兩江督標中軍副將喀勒吉善為壽春鎮總兵官。○予故四川提督孫清元祭葬如例。○旌表守正捐軀河南祥符縣候補知縣宮楷妻方氏。○戶部議准陝甘總督那彥成疏報中衛縣開墾地三十畝照例升科從之。○丙子諭內閣凱音布哈寧阿二人本年春間因派修

泰陵工程浮開工段種種謬妄當經降旨將伊二人褫革治罪然其獲罪之處輕重亦有不

同凱音布哈寧阿於初到

西陵時未將應辦工程敬謹閱視凱音布輒先對眾揚言以原估銀數不敷如何辦理將估摺擲交穆克登額等閱看是其浮增工段實已豫存成見而情狀恣睢毫無顧忌哈寧阿不過隨同附和迨後朕詰問凱音布以張皇入告之由伊輒以景祿泛論之言強引作據及質之景祿其語亦參差不合其時哈寧阿

亦經召對。伊即稱不聞景祿先有此言。是哈寧阿尚不至如凱音布之誕妄不經。哈寧阿前經發往熱河充當披甲。念其情罪較輕。尚可寬貸。現在太常寺官員中。嫻習禮儀者較少。哈寧阿著加恩釋回。賞補贊禮郎。在太常寺効力行走。仍帶革職留任。四年無過。開復。○又諭色克精額。因遷除內閣學士兼副都統。輒演劇稱賀。沾沾自喜。已屬器小易盈。且在城外戲園中開筵敘分。邀客七百餘人。不擇流品。濫與酬接。伊身為二品大員。卑鄙若此。實屬有玷朝班。著即照部議革職。惟伊向來充當讀祝官。儀節尚嫻。現在

東陵

西陵贊禮郎俱屬平常。著色克精額自備資斧前往教演。

東陵贊禮郎人數較多。著先行教演二年。期滿再赴

西陵教演一年。此三年中如再有過失。著福長

安。那彥賢據實奏。從重治罪。若盡心教肄。安靜無過。屆期由該管大臣奏請回京。再降諭旨。○又諭向來西北兩路叅贊領隊辦事。各大臣帶有京職者。於例支養廉鹽菜等項。銀兩外。仍兼領京職廉俸。嗣後伊犁將軍兼京職者。亦著照叅贊以下各大臣之例。一體兼支。戶部載入則例。○又諭據刑部查明四川等省由緩決擬改情實起數。並將由情實擬改緩決各起。一併開單進呈。朕詳加披閱。

該部覈改各起情節。俱尚允協。其四川省所改情實絞犯楊桂春一起。楊桂春係向氏故夫羅振古之甥。並無服制。因向氏與羅教二通姦。聽從向氏夫家族姪羅巫頭古糾往捉姦。輒用刀背連毆。致將羅教二向氏先後傷斃。該犯以無服外姻。非例許捉姦之人。並無義憤可激。逞兇連斃二命。情節較重。楊桂春一犯著仍照該督所擬。入於本年秋審情實辦理。所有各該省錯擬罪名。應行議處各員。

著該部仍照例彙奏。○諭軍機大臣等。瑚圖禮等奏。據西藏布賚綢寺內喇嘛等稟稱。西寧地方有布賚綢寺。所管噶勒丹彭錯嶺寺院一座。原係從前建修。與旺黃教。嗣有紅教扎烏喇嘛。江巴曲達爾身係喇嘛。又於西寧地方請給百戶頂帶。欲將該寺毀壞踐踏。黃教該喇嘛等屢向駐藏大臣處控訴。曾移咨西寧辦事大臣查辦。仍各爭執。未能允服。瑚圖禮等接據該喇嘛等稟。懇代奏。以所控人證。地方寺院俱係西寧所管。請飭交福克精阿就近提集人證。剖斷等語。此事黃教紅教喇嘛彼此互相爭競。屢控不服。事關緊要。著那彥成即親赴西寧。會同福克精阿秉公查辦。扎烏喇嘛。江巴曲達爾身充喇嘛。何以給有百戶頂帶。不僧不俗。殊乖體制。其頂帶係由何人給與。是否奏明賞給。抑係由該處辦事大臣自行給與。著那彥成等先行查明。如係奏明賞給。從前援照何例呈請。曾否有辦

過舊案。亦著詳查聲敘覆奏。那彥成曾任西寧辦事大臣。或係伊任內之事。亦不可稍有迴護。至此案據瑚圖禮等摺內所敘情節。彼此各執一詞。是否扎烏喇嘛欺陵黃教。抑係彭錯嶺寺住持喇嘛霸占扎烏地方糧戶。著那彥成等。溯查根據。秉公剖析。不可稍有偏袒諱飾。一切據實奏明。候旨覈辦。將此諭令知之。○丁丑。諭內閣。御史馮大中奏。京外各衙門辦事遲延。急緩請旨設法稽覈。以符例

限一摺。所奏甚是。為政之道。敏則有功。京外各衙門積習相仍。狃於疲玩。經朕節次訓飭。而公事積壓之弊。仍不能盡除。近日部院堂官等於奏事直日。亦皆夙興待漏。循節無愆。然詢以本衙門題奏事件。或有不能條舉原委者。是但勞其身而不勞其心。亦於政治奚裨。夫大臣坐而論道。殫心竭慮。全在於公署。剖析例案。釐剔弊端。使所屬憚其嚴明。不敢怠忽從事。則物無遁情。案無留牘。自然百務

就理。若但以奔走趨踰為盡職失之遠矣。即如議處議敘。所以明示賞罰。惟辦理迅速。則身受者立知感畏。旁觀者共起勸懲。乃任意遷延。藉行查加級紀錄為名。竟有經旬累月始行議上者。殊不足以警人心而動觀感。嗣後各衙門辦理議處議敘。皆著依限趕辦。毋得藉口詳查級紀展緩時日。其應行議抵與否。不妨於摺內先行聲敘。請旨再行查明辦理。以免延擱。各部院司官尤應手理案牘。隨

事稽覈。使吏胥無所售其奸。其有蠹吏敢於惰慢者。隨時責革嚴懲。勿稍寬假。庶上下相攝。可期明作有功。至於外省因循之習。更不可問。地方要務。不過刑名錢穀二端。其於刑名案件。不為速結。以致株連拖累。案情愈益。講張於錢穀事務。亦不趕緊清釐。報銷題覆。動輒數年。其間任催罔應。輾轉牽混。百弊叢生。皆由該督撫不能精心敏力。時加振作。遂至吏治日即廢弛。嗣後部中題奏事件。著照

該御史所奏將科抄咨文。何日到部。該衙門何日具題。俱於本尾聲明。如有遲延。即行附叅。至題本奉旨後行文。以及咨行外省事件。著各衙門設立號簿登記。如有遲延。分別記過。叅處。其外省遇有特咨。咨交審辦各案件。如實有不能依限完結者。均著分別奏咨。以備查覈。即聲覆部院咨查事件。亦著將何日接准部文。何日咨覆。一併詳敘。違限者均予叅處。經此次訓飭之後。內外大小官員。其各

振刷精神。力除痼習。毋即怠荒。以期熙績亮工。共臻上理。將此通諭中外知之。○又諭。本日端思等具奏。八旗護軍叅領等射靶已中未中數目。經朕交軍機大臣等。將本年於朕前射靶中箭之前鋒章京。及護軍叅領數目查覈。左右兩翼前鋒章京內。竟無一人。中三箭者。正黃正紅正藍三旗護軍叅領內。中三箭者。僅有一人。此皆該管前鋒護軍統領平日並未加意操練所致。所有左右兩翼前鋒

統領俱著交部議處。正黃正紅正藍三旗護軍統領俱著交部察議。○戊寅加賑廣東三水南海高明高要開建封川清遠鶴山番禺四會南雄順德新會花廣寧德慶開平十七州縣被水災民並緩徵新舊額賦。○己卯中元節

上詣

安佑宮行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵。○遣官祭

孝淑皇后陵寢。○遣官祭

端慧皇太子園寢。○諭內閣喜明等奏歷年巡查產蘆大山並無藏匿私人請暫停分派官兵駐冬搜查一摺。綏芬烏蘇里產蘆山場前因劄夫等夾帶私人在彼潛住偷採蘆枝派官兵等進山驅逐并令駐冬巡查。茲據該將軍等奏連年巡查嚴密已無夾帶私人緣綏芬烏蘇里山遠雪深口糧草束維艱現在官兵馬匹多有病斃者兼之糜費錢糧請暫

停派駐冬官兵等語。該處數年以來因官兵巡查嚴密挖蘆私人不敢存留蘆務較有起色。此時前弊已除暫停駐冬官兵尚無不可。但恐官兵既停之後劄夫等又故智復萌著該將軍等仍隨時酌量密派官兵賞給口糧飭令進山巡查如有潛匿私人立即查拏究辦。庶山場可以久遠肅清不致懈弛滋弊。○除江蘇六合縣水衝衛田七頃四畝有奇額賦。○除河南祥符榮澤安陽臨漳內黃封邱

武勝。原武。陽武。九縣。水衝沙壓地二千三百九十頃三十八畝。有奇額賦。○庚辰。諭軍機大臣等。據朱理奏。稱江蘇省清釐各州縣虧墊。案內應行咨追各員。有現經升調外省。及已回旗籍者。每藉詞推諉。希圖宕延。請由該督撫。即委員押解來蘇。質算嚴追等語。所奏不可行。各省州縣虧墊各款。從前降旨飭令該督撫設法清釐。原係各省自行密辦之件。今該撫請將升調外省各員。飭令押赴原省。

即如江蘇州縣中。此時升調外省者。道府州縣等官。各省皆有。該督撫豈能以現任官員。不奏明解任。即擅行押解赴蘇。如一一奏明。尚何密辦之有。且江蘇一省。如此辦理。此外現辦清查省分尚多。若皆做照各解。勢必將實缺道府州縣各官。紛紛互相解質。來往梭織。治絲而勢。尚復成何政體。該督撫仍當遵照奏定章程。覈算明晰。勒限嚴追。如有抗違。即指明據實嚴叅。以警其餘。自可逐案清釐。

也將此諭令知之。○河南巡撫長齡奏。賈魯河及惠濟廣惠等河。現已挑竣。惟該處土性鬆浮。上游滎陽一帶。每遇山水漲發。挾沙下注。易致淤阻。從前惠濟河設有歲修銀四千兩。在於耗羨項下動支。自乾隆十年。大挑後。未經動用。請復循舊制。於此項銀兩內。每年支銀四千兩。作為歲修之用。俟報銷完竣後。再於耗羨項下扣支。如無需疏濬。即將銀兩存貯。從之。○以陝西按察使常格。為浙江布

政使。江南江安糧道繼昌。為陝西按察使。○賑河南祥符。陳留。禹。中牟。儀封。蘭陽。杞。新鄭。許。臨。潁。襄城。長葛。荥。郟。寶豐。伊陽。十六廳州縣。被旱災民。○辛巳。

上詣

安佑宮行禮。○壬午。

上以秋獮木蘭。自圓明園啟鑾。命

皇次子。皇三子綿愷。於八月初旬。前往熱河。隨駕進哨。○命儀親王永璘。大學士勒保。

協辦大學士吏部尚書鄒炳泰兵部尚書福慶留京辦事。○以湖北督糧道張凱元為廣西按察使。○免蹕路經過地方本年額賦十分之三。○是日駐蹕南石槽行宮。○癸未賞密雲縣接駕兵丁半月錢糧。○是日駐蹕密雲縣行宮。○甲申諭軍機大臣等晉昌奏廢員恒傑投遞呈詞控告烏魯木齊都統興奎各款請派大臣前往查辦等語。恒傑指控興奎款跡甚多。且事有關繫。必應欽派大臣前往查辦。松筠熟悉該處事宜。設此時未經補授伊犁將軍。亦必特派松筠赴彼查辦。今事機甚巧。著即交松筠查辦。並有旨將長齡補授烏魯木齊都統。會同辦理。松筠此時不必行走過速。著緩程前進。已諭知長齡令其趕赴前途。與松筠會合。計行抵潼關。必當相晤。現將恒傑所控興奎款摺及呈出證據各件。俱發交松筠閱看。松筠晤長齡時。亦交伊公同詳閱。伊二人即會同馳驛加緊速赴烏魯

木齊秉公審辦。原告恒傑已諭令晉昌派委委員押赴烏魯木齊備質。松筠等行近該處。約計何時可到。先期知照晉昌。令其將恒傑如期解到。不可豫先等候。致有串供消弭情弊。恒傑人本虛浮。今被叅之後。列款訐訴。其呈內所稱並非報復。原不足信。但款跡甚多。亦未必盡由虛捏。松筠等務當一秉虛公。逐款確查。如所控虛多實少。恒傑係獲罪之人。又捏詞傾陷。應加重問。擬若所控多有實據。間有一二虛誣。但照例治以應得之咎。至興奎年已衰老。即各款審係全虛。亦令其來京候旨。一經得實。松筠等即傳旨將興奎革職。研訊。不必再行奏聞。請旨以致往返稽遲。審明後。即行按律定擬具奏。不可稍存姑息。將就了事。其所供各款內。矢公教一款。最關緊要。新疆地方。豈可令兵丁官員學習書符念咒之事。此風斷不可開。究竟由何傳習。果否煽惑多人。著松筠等確查嚴禁。不可張皇株

累務令革除敝習。以靖邊疆。至其餘各款。如兵丁縱妻賣姦。佐領不行革退錢糧。任其冒領。而以子告父。原審官聽情故出。又知縣署內畜養女曲歌唱。及廢員朱棟毒斃跟役。委員檢驗不實。如果屬實。該員等均應革職審擬。此外關繫官員營私舞弊之處。松筠等查明某款得實。即將該員一併革職。嚴行審訊。其所控庫爾喀喇烏蘇領隊大臣台斐音於今歲上元前赴烏魯木齊看燈一節。該處領隊大臣係台保。並非台斐音。著松筠等查明。台保如實有擅離職守。逢迎都統之事。亦即據實奏。將此諭令知之。○直隸總督溫承惠奏疏失餉銀被劫之浙江委員熊濬。請革職。留於武清一帶協緝。得旨。熊濬無庸留。於該處協緝。著該督即行解京交留京王大臣會同刑部審訊。○以河南巡撫長齡為烏魯木齊都統。調浙江巡撫。方受疇為河南巡撫。以安徽布政使李奕疇為浙江巡撫。調河

南布政使蔣繼勳為安徽布政使。賞二等侍衛台斐音三品頂帶。為河南布政使。○賞熱河接駕兵丁及看守避暑山莊弁兵一月錢糧。看守口內外各行宮弁兵半月錢糧。○是日駐蹕要亭行宮。○乙酉。駐蹕兩間房行宮。○丙戌。諭內閣。初彭齡奏吏部辦理議處案件輕重未協。據實陳明。請旨查辦等語。著派勒保、福慶、劉鐸之、潘世恩將所指吏部原議傳士奎、漆淦、姜邱、安校及陳之揆、王廷格各案調齊文卷。則例、東公詳覈。如有辦理歧誤之處。據實奏。○是日駐蹕常山峪行宮。○丁亥。改鑄廣東督糧道管民屯糧料兼分巡廣州府管轄佛岡直隸同知帶理水利關防。並鑄大埔坪佛岡直隸同知關防。佛岡同知司獄印。從巡撫韓鈞請也。○戶部議准廣西巡撫成林疏報天保奉議二州縣開墾水田二十三埜有奇。照例升科從之。○是日駐蹕喀喇河屯行宮。○戊子。

上至熱河詣

文廟瞻禮

關帝廟

城隍廟拈香○詣

永佑寺行禮○賞熱河綠營兵丁及額魯特兵

丁一月錢糧○是日駐蹕避暑山莊至八月

己酉皆如之○己丑諭內閣據留京王大臣

等奏傳訊已革同知熊濬呈出兵牌號簿沿

途文武俱粘貼印花內載州縣撥役二十八

名營汛撥兵十六名護送惟天津縣並無粘

貼印花楊村汛僅有兵丁羅亮一名並據供

稱伊曾面見天津縣知縣三次囑其上緊撥

役次日開船僅有衙役一名隨即走散楊村

汛止有兵丁一名在船支更等語此案前據

溫承惠將移會遲延及不親身護送之縣營

各官叅處茲據供於例應撥派兵役全行貽

誤以致餉鞘被劫疏玩已極著溫承惠再行

確查據實叅奏○又諭百齡奏前任閩浙總

督方維甸現丁母憂一摺方維甸歷任封疆

均能勤慎盡職因母老在籍侍養茲伊母吳

氏病逝著加恩賜祭一壇派江寧將軍興肇

前往奠醊並著興肇傳旨慰諭方維甸令其

節哀守禮再圖為國宣勞○諭軍機大臣等

據吉綸等奏查封興奎額僧保家內貲財訊

出興奎三子額僧保於本年三月初四日自

烏魯木齊回京興奎給伊銀二千八百兩令

其帶回京中還帳生息等語興奎現任都統

廉俸有限除伊每年用度外給伊子帶京銀

兩何以竟有二千八百兩之多此外伊署內

諒必尚有存蓄留為日用伊子額僧保既經

伊父交付銀兩帶京看來興奎署中家務亦

必係額僧保管理著留京王大臣會同刑部

堂官傳到額僧保嚴切訊問伊父任所除交

伊帶來銀兩外尚有存留若干向其確實根

究再恒傑所控興奎各款除地方公事伊不

能深悉外其餘如烏魯木齊地方傳習失公

邪教以及每年三節兩生日收受餽送該處協領成格在公堂醉罵並今歲上元點放烟火花燈四款俱係共見共聞之事額僧保在署多年不得諉為不知著將此四款抄寄王大臣等閱看向額僧保逐一確訊如與奎果有婪索情事即著吉綸等將與奎額僧保財產查抄交造辦處封貯其興奎長媳舒穆祿氏及分居另住之次子阿靈保所有資產均行給還無庸查抄將此諭令知之○河南巡

撫方受嚮賞假回籍以刑部左侍郎高杞署河南巡撫○庚寅免湖南澧沅江二州縣被水地畝節年緩徵銀並緩徵龍陽武陵澧三州縣本年額賦○辛卯諭內閣弘謙等奏據莊園頭等呈稱官地不敷備辦祭品懇請補撥一摺據稱

東陵

后

妃以下各主位桌張自乾隆八年歸併承辦

內未准議撥地畝者尚有五十五分俱係該莊頭等由租息內通融辦理現在物價昂貴未免拮据請酌半賞撥地畝等語著交禮部詳查檔冊與所奏是否相符如當年未經議撥屬實即奏明飭令直隸總督於附近州縣內查明官地酌半撥給俾該莊園頭等承領備辦以昭慎重既經添撥地畝之後如再有缺誤即奏明照例懲治○諭軍機大臣等百齡等奏詳查邵宿運河閘座礙難添建一摺

江境邵宿運河節年淺阻朕意該處河道路長閘少水勢不能停蓄以東境七十里河道遞建八閘比量叅觀或應添建閘座數處以節水勢是以降旨令該督等覈議適阮元繼有此奏語相符合復有旨飭令詳查速辦今據該督等查明地形土性多有窒礙添建無益徒滋糜費自係實在情形朕辦理庶政惟求一是從不豫存成見即如該督等從前奏請於蔣家壩地方改建五壩朕初意慮於民

田有礙未遽允行。嗣衆議會同謂可收洩水之益。又免於跌塘。即降旨准其辦理。今邳宿添建閘座一事。朕並非必以阮元之言爲然。該督等既確有所見。即從伊等之議。停止辦理。總期漕艘年年經行無滯。於公事有濟。正無所庸其遷就迴護也。將此諭令知之。○旌表守正被戕山東鉅野縣民郝西忠女郝氏。○戶部議准。兩浙鹽政常顯疏報。長亭玉泉鳴鶴海沙四場新開墾田竈地一千七百三

書

書

十九畝有奇。照例升科從之。○除陝西寧陝廳水衝營地五十八畝有奇額賦。○壬辰上御如意洲。賜扈從王。令。大臣。及蒙古王貝勒貝子。公額駙。台吉等食。並賞賚有差。○諭內閣。朕本年臨幸熱河。閱看射靶官兵二十四名。內中五箭者五名。其餘中四箭三箭者不等。中兩箭者僅止三人。並無不中箭者。此皆平日操演精練。所有中靶人員。俱已酌量加恩賞賚。因思每次由京派出隨圍各營章京

等步射。火器健銳兩營。尚稍可觀。前鋒護軍各營章京中箭人數甚少。熱河官兵與京城官兵同係滿洲奴僕。操演亦應相同。若謂熱河射箭之官兵皆擇精練者在朕前豫備。豈京城豫備朕前射箭之章京等竟不選擇耶。看來前鋒統領護軍統領平日不加妥爲操演。實屬不堪。除將前鋒統領護軍統領等俱著申飭外。嗣後各該管章京務須加意管束。操演兵丁。凡遇派出在朕前射靶章京。務各

書

書

加意精選。如仍步射平常。必當從重治罪。明年射靶。果能如熱河官兵步射優長。朕亦必照此加恩賞賚。○諭軍機大臣等。百齡等奏添建邳宿閘座。現在勘定。勒限趕辦一摺。昨據該督等奏稱。該處地形土性多有窒礙。添建閘座無益。徒滋糜費。今又奏請於莊家樓及頭灣兩處添建石閘二座。所奏前後兩歧。大屬非是。朕綜理庶務。從不豫存成見。該督等身膺重任。於地方公務應辦與否。惟當斟酌

酌盡善歸於一是今添建閘座一事所言自相矛盾甚非實心為公之道且所奏添建石閘二座又係將舊有之閘拆除移造意圖將就塞責豈非徒勞無益百齡黎世序不應若此俱著傳旨申飭所有該處閘座仍遵照前旨毋庸興辦其江境舊有閘座損壞者著該督等一律修補完整以利宣蓄至所稱駱馬湖尾閘五壩迤下應添碎石滾壩一節既於湖豬運道有益著照所請即行估計興辦將此諭令知之○賞熱河兵丁一月錢糧○甲午予陝西陣亡六品軍功張鈺祭葬世職如守備例田貴祭葬世職如千總例佟要元將魁周立坤及鄉勇劉思宏賞卹如例○予雲南貴州陣亡外委楊傳馬才周馬子金黃世祿祭葬世職兵丁陳廣元等七名賞卹如例○予福建浙江出洋捕盜淹斃額外委林上珠兵丁李法等六十五名賞卹如例○是月河東河道總督李亨特奏臣赴豫查工適

七月十二三等日大雨東省當亦均霑現飭曹濮一帶工員如得透雨趕緊收蓄湖水批收蓄湖水固待天澤然人力不可不盡良法不可不籌勉力辦理勿誤今歲若再缺乏汝罪不赦慎之○又奏原任山東泇河同知師慕祖前因微山湖水短絀稟請開放蘇家山閘引黃濟運案內降二級調用茲據呈請捐復原官查該員在工年久辦事勤幹可否准其捐復出自聖恩批既係熟手不應出此鄙見較陸言不知情形者尤重若從所請則在工人員皆豫糜帑項以為他日捐復之用斷不准行不許再行瀆奏

聖

六八七

銀二萬兩提還歸款○又諭據勒保等奏查明吏部議處傅士奎等五案輕重未協係因例無挪改月日議處專條以致援引失當各部堂官於應辦事件果能督率司員逐案體察情形詳悉覈辦則書吏等不敢高下其手亦何至援引比例畸重畸輕顯有舛誤乃近日各堂官於呈堂稿件率皆隨便閱畫並不詳覈案情致滋弊混即如吏部議處傅士奎等五案意為輕重難保非書吏從中舞弊此時姑不深究所有承辦之堂官著與各司官等一併交都察院查取職名分別議處以示懲儆至傅士奎等呈請捐復一節現據勒保等查明均應議准鄒炳泰身任尚書總理銓部事務遇有呈請捐復者應准應駁自當準情覈議乃於傅士奎一案則已駁復准旋又改駁於夏本榮一案則已准復駁茫無定見殊有未合鄒炳泰著交都察院議處初彭齡於此二案既與鄒炳泰意見不同不妨兩議

或專摺陳奏乃於批准傅士奎捐復之後又隨同改駁亦有未合惟此五案議處失當之處究由初彭齡奏明查辦著加恩改為察議其官員挪改案件月日規避處分者應如何議處之處即著吏部按其規避處分之輕重酌定專條奏明載入則例永遠遵辦○諭軍機大臣等前據步軍統領衙門查訊興奎第子額僧保據供本年三月間伊自烏魯木齊進京時伊父給伊銀二千八百兩令其帶回生息當經降旨交留京王大臣等傳到額僧保訊問伊父得銀來歷及署內尚有存銀若干本日留京王大臣等覆奏傳訊額僧保據供伊父除交給銀二千八百兩帶京外任所約尚有存蓄銀三千餘兩伊父每逢年節綠營官員公送禮物間有銀一二百兩不等伊父俱行收受其州縣等官年節送禮只收綢緞食物從未收受銀兩等語興奎以都統大員不思潔己奉公收受綠營官員餽送銀

兩殊屬貪鄙除已降旨吉倫等令將興奎及伊子額僧保名下在京貲產籍沒外松筠長齡二人到彼後即著傳旨將興奎革職並將伊任所貲財嚴密查抄現在興奎任所貲財是否僅如額僧保所供之數興奎平日有無得受州縣餽送銀兩及此外另有婪索之處均再查訊明確據實奏聞勿任支飾至此外恒傑所控各款如矢公教並上元節點放烟火及協領成格醉罵公堂各款現在訊問額

僧保俱屬有因惟與原控情節輕重互異並著松筠等同其餘所告各款一併徹底究明覈實辦理將此諭令知之○以候補三品京堂蔣予藩為宗人府府丞○以喀喇沁公瑪哈巴拉為理藩院額外侍郎○丙申諭內閣成書奏由京帶赴熱河引見之兵部主事姚堃在昌平州地方被劫一摺詢據姚堃稟稱伊於七月二十七日黃昏時行至昌平州地方沙孤堆之北八仙莊之南遇有劫賊一夥

手持繩鞭刀棍將伊車夫家人打傷劫去銀錢衣物騾馬祇留引見衣帽等語昌平州所屬八仙莊等處係近畿輦轂之下且距圓明園不遠每屆駐蹕熱河該處為官員人等往來孔道乃有劫賊行強拒傷跟役車夫之案皆由地方官平日緝捕廢弛所致深堪痛恨昌平州知州馮績熙著革職留於地方協緝如能限內獲犯照例辦理逾限不獲即行具奏候旨該管霸昌道士俊著交部嚴加議處

兼管順天府府尹事務鄒炳泰順天府府尹李鈞蘭著交部議處所有此案行劫賊犯著直隸總督順天府飭屬一體勒限嚴拏務獲無任遠颺漏網○又諭慶惠等奏查明大凌河牧羣馬匹情形分別定擬一摺前據福疆阿奏大凌河牧羣本年倒斃及生癩馬匹為數過多經朕派令慶惠阿勒精阿前往確查據實具奏茲據慶惠等詳細訊明該牧長等尚無盜賣捏飾情弊奏請分別革職賠補等

語該處牧羣馬匹。經慶惠等查明現在生癩者一千六百四十餘匹。倒斃者一千三百二十餘匹。雖訊無盜賣捏飾情事。該牧長等餒養失宜。以致生癩倒斃。竟有如是之多。其咎甚重。牧長多倫布等七員所管四羣馬匹。盡數損傷。若照慶惠等所奏。僅予革職。尚屬寬縱。牧長多倫布。音德訥。多儀。副牧長穆特恩。布常布。德陞額。保德。七員俱著革職。在該處枷號三箇月。滿日充當牧丁。差使其為數較

多之牧長巴哈那。興德。勇仲。穆京阿。副牧長秋德烏爾登額。烏金泰。舒金泰。八員著照所請。革去頂帶。四年無過。方准開復。其為數較少之牧長扎青阿。富倫泰。副牧長七十三。他思哈塔隆阿。西勒們。六員著加恩免其降革。至圈養不善之莊頭杜文遠等十三名。著全行斥革。應賠馬價。著照慶惠等所奏。按其在圈在廐。責令官丁莊頭等。勒限六年分別賠補。翼領圖善泰。格爾特。有總管馬羣之責。漫

無經理殊屬怠玩。圖善泰。格爾特俱著革職。作為牧丁。在該處効力。無庸交部嚴議。副都統福疆阿。人本軟弱。於所管牧務不能早為妥辦。以致馬匹損傷過多。應行示懲。福疆阿著革去副都統。降為宗人府副理事官。戴用宗室頂帶。回京當差。仍罰出職任俸四年。賠補馬價。無庸交部嚴議。所遺錦州副都統員缺。著慶惠補授。慶惠於途次接奉此旨。即速赴新任。令阿勒精阿前來復命。慶惠抵任後

著和寧前赴大凌河。將現在應辦牧羣各事宜。會同慶惠悉心籌辦。慶惠此時無庸前來謝恩。俟辦理妥協後。於十月十一月間。將副都統印務交結。莊署理。慶惠再行來京謝恩。○以通政使司副使王引之為太僕寺卿。○以頭等侍衛納爾松阿為河南南陽鎮總兵官。○丁酉祭

先師孔子。遣大學士勒保行禮。○諭軍機大臣等。溫承惠奏奉天省應撥粟米二十萬石。

請循照向例。仍由奉省委員押運赴直交兌等語。奉天省每遇撥運米石。皆係奉省委員由海運送。循辦已久。今若令直隸派員前往領兌。事屬創始。所派之員不能熟悉海運難期妥協。所有此項粟米。著和寧查照歷辦章程。委員押運赴直交兌。至移居宗室出關後。奉省須派員照料。恐該省人員不敷差遣。著照溫承惠所請。移居宗室出關後。即令直隸所派文員按起徑行送至盛京。奉省無庸另

行派員接護。較為兩便。將此各傳諭知之。○

旌表守正捐軀山西文水縣民婦王殷氏。汾

陽縣民任玠妻郭氏。○戊戌祭

大社

大稷遣儀親王永璇恭代行禮。○諭內閣。前據

成書奏。兵部主事姚瑩在昌平州八仙莊地

方被劫一案。已降旨將該州馮績熙革職。並

將該管道員及順天府府尹分別嚴議。議處

本日。據鄒炳泰等奏。請查叅勒緝。並據御史

丁孝彝奏。稱直隸省捕務廢弛。亟須整飭等語。近日畿輔地方盜劫頻聞。前此武清縣甫有夥劫餉鞘之案。迄今逸犯尚未全獲。乃昌平州所屬八仙莊。復有行劫引見官員致傷跟役車夫之事。該處距京城僅止數十里。為官員商賈往來孔道。更非武清縣距京稍遠者可比。盜匪膽敢糾眾邀劫。得財傷人。實由地方各官一味闡葺。漫無整頓。所致鄒炳泰等。僅將專管知州奏請革職留任。並未將該

管上司叅奏。亦未自請處分。竟視為尋常盜案。照例辦理。殊屬懈弛。鄒炳泰年老精力不能兼顧。著毋庸兼管府尹事務。所有順天府府尹事務。著劉鐸之兼管。李鈞蘭於所屬地方未能整飭。亦不勝府尹之任。順天府府尹著費錫章調補。其光祿寺卿員缺。即著李鈞蘭補授。劉鐸之費錫章接任後。當實心整理。務將此案盜犯及武清縣逸犯。飭屬嚴拏究辦。以示懲儆。至總督溫承惠有統轄全省之

之責於地方捕務未能督率所屬實力奉行亦有應得之咎。姑念昌平武清俱近隸順天府管轄。稍予寬貸。該督當知愧知懼。嚴飭文武員弁將此案要犯上緊勒限查拏。並將疏防武職查叅。其武清縣案內逸犯著一併按名緝獲懲辦。毋再玩泄。○加封

福漕利運漳河神為

福漕利運靈澤漳河之神頌

御書扁額曰靈昭利涉。○己亥遣官祭

文昌帝君廟。○諭軍機大臣等。給事中甘家斌奏微山湖水短絀。敬陳江境籌備事宜一摺。據稱微湖蓄水鋪注江境。每年本有尺寸定誌。近年來於定制外多放至一尺餘寸。未免用水太費。致有短絀。應將貓兒窩等處古淺處所照例挑挖。無使間段高仰。多費蓄水。並請將駱馬湖尾間洩水之處築壩攔截。以資收蓄等語。現在東省應以收蓄湖潴為目前要務。該處湖底節年被淤。若不設法多蓄

將來必形匱乏。該河督李亨特等當趁此水潦盛漲之時。嚴飭所屬將上游坡水引導入湖。並將各處泉源認真疏濬。務使湖水收蓄充盈。足敷啟放。不可專恃大雨時行。藉資浮送。至江境現當汛水安瀾之際。該督百齡等亦當悉心籌酌。將邳宿一帶河道高仰處所設法挑濬。無致淺澀。其東境下游駱馬湖為挹注江境運河之助。同興亦當留心察看。違員將湖水來源一律疏導。以益湖潴。至駱馬湖尾間洩水之處。應如何添築隄壩。以資撻蓄。著百齡等及時興辦。免致臨期抽溝引水。又形掣肘。總之幫船經由兩省。祇係一事。該督等當屏除畛域之見。和衷共濟。俱應未雨綢繆。於公事有裨。方為不負委任。若辦理得宜。功則同獎。設有遺誤。罪亦同罰。斷不容互相推諉。即可卸責也。將此各諭令知之。○庚子遣官祭

關帝廟。○以理藩院右侍郎普恭內閣學士

吳璣監臨順天鄉試協辦大學士吏部尚書
鄒炳泰為正考官兵部右侍郎盧蔭溥內閣
學士果齊斯歡為副考官○以戶部尚書曹
振鏞署吏部尚書○辛丑諭內閣據英和奏
承德府生員王世昌呈控伊父王章被王克
昌等率眾毆傷請交行在刑部審辦一摺此
案王克昌等以遞籍逃犯於外委劉士泰往
拏時膽敢率眾拒捕將王章右腿毆折經王
世昌於上年八月九月兩次控告經行在刑部
咨交熱河都統審辦迄今一載並未將犯證
傳提到案審訊熱河設立都統專司辦理刑
名案件乃於咨交要案並不飭令地方官上
緊緝拏經年不為剖斷以致控告頻仍殊屬
廢弛毓秀著交部議處此案若交行在刑部
審辦無論隨來行在之人職任危從不能代
為辦案熱河亦安用設此都統為耶毓秀不
必隨朕進哨現在熱河道明山解任無事著
毓秀即帶同明山並司員等親往建昌縣將

此案犯證迅速查拏嚴審定擬毓秀即行啟
程無庸具摺請訓其赤峯縣張興業控案現
在人證尚未傳齊無可訊問桂芳章煦即當
隨赴木蘭行圍並著毓秀於王世昌控案辦
結後即回熱河審訊張興業一案朕於九月
初六日出哨彼時兩案俱已審結毓秀即在
中關一帶接駕如未審結無庸前來接駕若
迴鑾後始行審結亦無庸至京復命○又諭
鐵保等奏堂官各執成見據實陳明一摺據
稱吏部從前所辦處分錯誤及現在叢議捐
復各案應遵旨酌量辦理乃鄒炳泰以倒填
月日同一規避不應再分等差而初彭齡又
以司監越獄之夏本榮仍應議駁各存意見
互相牴牾等語官員遇有議處事件原應覈
其案情酌予處分即挪移月日之案自當視
其規避處分之輕重分別定議方為平允至
司監越獄及各州縣越獄之案同一案情若
犯已全獲並無餘罪究係公過亦應一體准

其捐復且從前辦有成案未便前後兩歧致有軒輊鄒炳泰初彭齡各存成見殊屬固執所有官員挪改月日作何議處之條著吏部權其規避輕重分別定議奏准遵行其因監犯越獄之夏本榮著准其捐復鄒炳泰出關後不准復行清陳初彭齡亦不得再有異議尋吏部議嗣後官員承審命案如有挪改月日情弊請照規避例革職至自理戶婚田土各案如有挪改月日規避處分者均按照所

規避之處分輕重擬定專條如係罰俸並降級留任處分議以實降一級調用如係實降實革處分即議以革職從之○又諭同興奏請嚴定逆倫重案之該管府州縣及上司處分一摺向來逆倫之犯該管地方各官未經定有處分原因此等人犯兇惡性成本無人理惟有隨案懲辦以彰國法若多設科條嚴定處分該管各官懼干吏議或相率諱匿不行究辦或捏飾情節避重就輕祇圖規避處

分轉使梟獍之徒倖逃法網殊不足以昭憲典而快人心各省盜案地方官即往往慮有處分致多諱匿者現在此等逆倫之案各直省奏辦較多亦因該管各官無所顧慮是以認真查辦若更改舊章添設條目名為綜覈實滋流弊該撫所奏係屬偏見甚乖立法之意著毋庸議即所稱親族鄰保人等遇有偶然觸犯父母之事許其呈首一節亦恐鄉曲小民紛紛挾嫌誣捏致滋煩擾其端斷不可

開亦著毋庸置議至所奏逆倫重犯請押赴犯事地方正法俾眾觸目警心事尚可行著照所請辦理○又諭同興奏審明幾倫重犯分別辦理一摺向來姦夫同謀致死本夫者均問擬斬監候秋審時亦必予勾此案丁光位因姦輒聽從姦婦文李氏並糾其子將本夫文四歲謀毒勒死陷人母子均罹寸磔實屬淫兇已極該撫僅照姦夫同謀殺本夫律問擬斬候請旨正法殊屬拘泥丁光位著即

處斬嗣後有似此情罪之犯即著定擬斬決
辦理○癸卯

太宗文皇帝忌辰遣官祭

昭陵○諭內閣溫承惠奏盜犯行劫引見官員
請將兼轄文武各員交部嚴議並自請處分
一摺此案盜犯膽敢於近畿輦轂之下搶劫
引見官員拒傷跟役該管地方官緝捕廢弛
非尋常盜案可比知州馮績熙現已革職留
於地方協緝若限內獲犯仍照例辦理如限

滿無獲即著順天府具奏另行治罪無庸再
行留緝至所參兼轄文武各員除霸昌道士
俊業經交部嚴加議處外其署北路同知江
德沛參將豐盛額俱著一併交部嚴加議處
溫承惠於此案未能督率豫防亦難辭咎姑
念犯事地方近隸順天府其咎尚輕但該督
尚有失察大名及武清縣地方巨盜夥劫之
案溫承惠著交部議處提督馬瑜到任未久
著寬免○命吏部右侍郎戴聯奎提督順天

學政工部右侍郎陳希曾提督江蘇學政左
春坊左贊善白鏐提督安徽學政禮部右侍
郎汪廷珍提督浙江學政右春坊右中允汪
潤之提督福建學政翰林院侍講朱士彥提
督湖北學政兵科給事中劉彬士提督湖南
學政內閣學士吳芳培提督山東學政翰林
院侍講學士陳嵩慶提督山西學政光祿寺
少卿韓鼎晉提督陝甘學政翰林院侍講彭
邦彥提督廣東學政太僕寺少卿梁上國提

督廣西學政右春坊右贊善李宗昉提督貴
州學政○緩徵直隸邢臺沙河南和平鄉鉅
鹿唐山內邱任廣宗永年邯鄲成安肥鄉廣
平雞澤磁曲周威清河開大名元城南樂清
豐東明長垣隆平清苑定興新城完博野蠡
祁束鹿河間獻景故城吳橋元氏贊皇藁藥
強武邑新河南宮臨城寧晉高邑深武清寶
坻香河安靜海獲鹿饒陽五十八州縣旱災
雹災地畝新舊額賦○甲辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟龍王之神○諭內閣前據弘謙等奏

東陵各莊園頭等承辦祭品因從前

后妃以下各主位內有未經議撥地畝者未免

拮据懇請酌半賞撥當經降旨交禮部詳查具奏並諭令綿譽等恭查

西陵莊園頭等承辦祭品情形是否相同茲據奏稱

西陵

皇貴妃園寢內主位亦有八分未經撥給地畝者與

東陵事同一例著禮部一併詳查檔冊奏明辦理尋奏

東陵祭品臣等按該貝子等所奏五十五分詳查檔冊內雍正七年以前奉安之

后

妃十一位所有承辦祭品莊園頭等業經雍正七年撥給地畝乾隆八年以前奉安之

妃

嬪八位所有承辦祭品莊園頭等業經乾隆八年撥給地畝今俱無庸再給惟乾隆八年以後奉安各

主位共三十六位其承辦祭品莊園頭等應遵旨酌半給與地畝又

西陵

妃園寢

主位八位俱係乾隆八年以後奉安其莊園頭等地畝亦請酌半給與從之○又諭本日奉報至申刻始到熱河詢據董誥等奏稱接得京中內閣來信此次奉報係因等候護軍統領瑞齡具奏拏獲民人王仁剛擅入大清

門一摺於初九日申時始行發遞是以本報到來較遲殊屬非是本報往來應照原定時刻封發瑞齡所奏之摺本非緊要事件且人犯已交刑部審訊即初九日封發不及儘可俟下報再發如果實有緊要事件附報不及亦可單行發遞何得將本報等候遲擱大學士等著傳旨申飭嗣後本報俱著照原定時刻封發毋許稍有耽壓○又諭瑞齡奏據該班章京稟稱本月初九日有民人欲擅入大

清門經該班官兵攔阻該犯輒用刀扎傷前鋒校德勒濟善訊據該犯供稱係名王仁剛現將該犯送交刑部等語所奏殊未明晰該犯王仁剛擅入禁門該班官兵如何向其攔阻該犯何以輒敢逞兇用刀傷人至前鋒校德勒濟善受傷後又係何人將該犯捆縛著瑞齡將獲犯情形再行詳細訊明據實覆奏其王仁剛一犯著交刑部確切研訊並將德勒濟善所受刀傷輕重若何是否致命查驗

明確定擬具奏○又諭和寧等奏會議移居宗室章程一摺此次移居盛京宗室事當創始該宗室等甫經移往自應派員彈壓迨住居日久即與舊居宗室無異該宗室等有事出入祇應令其報明彈壓司員俾資稽覈無須給發照票所有派出彈壓司員三年回京後無庸另行更換一切稽查約束事宜應仍由該將軍等妥為管理文弼傑信二員前經賞給郎中派往著一體關支俸祿該處仍按

月支給鹽菜銀兩餘俱照所議行至另摺所奏派員沿途照料等語此次移居宗室戶口人數衆多前已有旨令直隸總督溫承惠遴委委員分起護送至盛京交卸和寧等無庸派員赴山海關迎候接替其沿途行走並尖宿處所仍應該地方官照料豫備和寧等即飭知該地方官豫為尋覓房間酌量人數多寡分別安置其所住客店房屋無令與來往商民雜處致滋事端○又諭理藩院奏駁儀

親王之格格原任巴林公賽尚阿之妻。呈懇來京歸寧。於例不合。一摺。固山格格來京。於例雖屬不合。但儀親王年近七十。固山格格懇求來京歸寧。尚屬可行。著加恩准其來京。○又諭。前據伊冲阿奏防禦吉勒杭阿。在開齊外瞭望。俄羅斯人等。於該夷等去後。尾隨數日。遠出五百餘里。當經降旨。令伊冲阿查明該防禦是何意見。是否該防禦自行追隨。抑係色布徵額差令前往。茲據伊冲阿查明。實係色布徵額恐該夷等遠次別生事端。差派吉勒杭阿。並非吉勒杭阿自行尾隨等語。此次俄羅斯人等。自向哈薩克台吉罕巴爾索討安集延人口。既在卡倫以外。天朝即不必代為管理。色布徵額於俄羅斯等既去之後。復差吉勒杭阿尾隨遠出。實屬冒昧。著先行逐出乾清門。仍交部嚴加議處。吉勒杭阿既非自行前往。著無庸置議。○調順天府府丞徐如澍。為奉天府府丞。兼提督學政。○調

順天學政戴聯奎。為山東學政。山東學政吳芳培。為順天學政。○鑾儀衛鑾儀使長慶。緣事降調。以散秩大臣孟佳。為鑾儀衛鑾儀使。正白旗滿洲副都統西拉布。為正紅旗護軍統領。哈密辦事大臣成德。為正紅旗漢軍副都統。○蠲減直隸隆平。新河。寧晉。三縣積水地畝額賦有差。○乙巳。太祖高皇帝忌辰。遣官祭福陵。○諭軍機大臣等。據同興奏。有蔑倫重犯二案。俱已於審明後。照例辦理。內趙小幅一犯。傷斃替母。並先經抓傷伊父。尤為兇悖。可惡。向例蔑倫之犯。均擬凌遲。而同一凌遲處死。亦有區別。如趙小幅一犯。必當盡法處治。予以寸磔。方足以彰國法。而快衆心。同興業經辦理。毋庸置議。嗣後若再有似此者。即當寸磔處死。此等梟獍之徒。實足為風俗人心之害。山東一省。閱時未久。竟有數案。此非教化不行。而何。朕披閱之下。實為痛恨。該撫自

必尤深憤懣。亟應設法化導。力挽積風。恭讀聖祖仁皇帝聖諭廣訓。首稱敦孝弟以重人倫。各地方官朔望宣講。小民具有良知。即推魯無文。漸染薰陶。亦當潛移默化。但念鄉愚鄙俚。不諳文義者多。著同興恭繹

聖諭廣訓之意。衍為通俗易解之辭。以人身皆父母所生。羊跪乳而烏反哺。禽獸猶知報本等語。明白宣諭。以冀激發天良。即刊印告示。飭令所屬各府州縣等。於窮鄉僻壤。徧行張

掛。俾小民易於通曉。以副其桀驚之性。庶幾類潛消而俗臻淳美也。將此諭令知之。○丙午。遣官祭昭忠祠。○丁未。

上諭

永佑寺行禮。○平糶湖北隨應山二州縣倉穀。

○撫卹琉球國遭風難夷如例。○己酉。

上御卷阿勝境。賜扈從王公大臣及蒙古王貝勒貝子。公額駙。台吉等食。○庚戌。

上自避暑山莊啟鑾。幸木蘭。○旌表守正捐軀

河南滑縣民王日昇女王氏。○除安徽無為州建隄挖廢田五十三頃四十六畝有奇。額職。○除陝西洋縣水衝田二畝有奇。額職。○是日。駐蹕中關行宮。○辛亥。諭軍機大臣等。那彥成等奏。查明西藏喇嘛互爭糧戶布施大概情形一摺。據稱扎烏喇嘛世襲百戶。從前有奏定案據。世代承襲布資綳寺喇嘛。不知原委。係屬妄控。其彭錯嶺寺實屬扎烏喇嘛之地。並非西藏布資綳寺之地。扎烏百戶

自雍正十年至今。納貢當差由來已久。且地界戶口糧賦等項。青海衙門舊有印冊可憑。該處俱係紅教。舊有西藏黃教喇嘛二人來寺坐牀教經。每屆六年換班一次。近年來因在扎烏坐牀年久。希圖併占扎烏之糧戶。以致業結復翻等語。是此案爭控情節。曲在西藏喇嘛。已無疑義。著瑚圖禮等。向第穆胡圖克圖剴切告知。令其轉諭該喇嘛等。以彭錯嶺寺院既係扎烏喇嘛地方。歷年久遠。確有

憑據西藏喇嘛不應妄思占據且藏內廟宇甚多又何必遠占他廟致滋訟端設西藏廟宇有被人侵占之事亦必為之從公理論不能意為偏袒如此嚴切曉諭該喇嘛等自知理屈即不致再有訐訟其扎烏地方向有西藏喇嘛二人前往教經六年更換此時該處喇嘛習教已久經典諳諳熟諳嗣後西藏喇嘛自無庸派往更換以期永杜爭端至前據瑚圖禮等奏稱將原告喇嘛押赴西寧以備

質訊但長途行走有須時日急切不能完結瑚圖禮等接奉此旨若此項喇嘛尚未起程即無庸解往西寧著就近明白曉諭自可完案息事如已押解在途著照那彥成等所奏即令西寧派出之委員瑚圖克等查帶案卷就近剖斷免致往返又滋延緩將此各諭令知之○賑河南祥符陳留禹杞蘭陽儀封中牟新鄭許臨潁襄城長葛汝郟寶豐伊陽鄭尉氏洧川通許鄆陵密太康扶溝裕繁二十

六廳州縣被旱災民蠲免額賦有差並緩徵寧陵睢鹿邑虞城柘城洛陽偃師鞏孟津登封魯山羅山信陽光榮澤孟安陽湯陰臨漳武安內黃汲新鄉輝獲嘉淇延津滑濬封邱考城原武陽武修武三十四州縣新舊額賦及倉穀漕項加價銀○是日駐蹕波羅河七行宮○壬子以永定河秋汛安瀾遣官分詣南惠濟龍王廟北惠濟龍王廟致祭○諭內閣本日工部奏

弘謙等承辦

東陵茶膳房鋪席苫蓋及汲桶器具應由工部動項辦理並內務府奏銷永濟庫項各一摺東陵茶膳房應行添安橡望苫蓋席箔並修製汲桶等器具自應遵照向例先將估需銀兩造冊報部由工部節慎庫動支錢糧興辦其永濟庫存貯租銀乃恩賞官員人等養贍孤寡並該處修理衙署等項之需另由內務府報銷非由部報銷之工程等款所得通用此

次弘謙等承辦茶膳房鋪席苫蓋汲桶等器具並未報部。輒於永濟庫租銀項下動用。殊屬非是。所有此次添設席蓋器具用過銀兩著弘謙等分賠歸款。不准開銷。嗣後遇有暫行苫蓋粘補等工。著仍照舊例辦理。○又諭吏部奏各省舉人自十三年戊辰科大挑後至明歲甲戌科已閱六載。應否舉行挑選請旨等語。各省舉人從前

皇考高宗純皇帝加恩寒畯特予大挑俾多士及時自効。朕親政以來。每閱六年按次舉行。惟現在分發各直省者為數過多。該舉人等挑選以後。補缺無期。省垣需次資斧。惟艱。此次若再照例挑選發往。更形壅滯。轉非所以體恤寒士之意。所有明歲大挑著暫緩一科。於丁丑科會試後舉行。並著嗣後每屆四科奏請大挑一次。仍照例扣除近三科舉人。俟各省挑往人員漸次疏通。該部即奏明再行照舊辦理。○以故喀喇沁輔國公瑪哈達爾

瑪子布尼雅錫哩襲爵。○轉刑部右侍郎穆克登額為左侍郎。兼總管內務府大臣。調工部右侍郎成格為刑部右侍郎。理藩院左侍郎慶祥為工部右侍郎。轉理藩院右侍郎。普恭為左侍郎。以駐藏大臣瑚圖禮為理藩院右侍郎。○以地方廢弛。降熱河都統毓秀為副都統。以署河南巡撫刑部左侍郎高杞為熱河都統。○是日駐蹕濟爾哈朗圖行宮。○癸丑順天府以宗室鄉試中額請得旨取中

八名。○是日駐蹕阿穆呼朗圖行宮。○甲寅上行圍。○是日駐蹕布克御營。○乙卯諭內閣御史王庭華奏請將步甲等缺改撥一萬挑補旗人一摺。步軍統領所屬步甲等缺自漢軍步甲改撥九百餘名。挑補旗人正身之後。朕復降旨改撥二千名。挑補八旗閒散。原因此項額缺向係挑選旗下家奴。乃近日旗下家奴與挑者僅十之二三。甚至回民亦有充當步甲等。翼尉奎亮於挑甲時不准回民承

充自屬正辦步軍統領衙門轉刊刻告示曉諭。回京准其挑選。殊屬不合。著將出示之步軍統領等交兵部察議。至此項步甲等缺。除兩次撥挑正身旗人二千九百餘名外。是否尚可酌撥若干缺。改歸八旗挑補之處。著兵部會同步軍統領等再行詳悉妥議具奏。尋議前經奉旨添撥滿洲蒙古步甲二千缺。迄今將及一年。僅挑補五百四十四缺。若再議挑補一萬。不獨有名無實。且於添撥二千名

之缺。轉致壅塞。請俟前項額缺挑補將足之時。再行酌看情形具奏報聞。○又諭昌平州盜犯夥劫兵部主事姚堃一案。係近京地方。疊經降旨勒限嚴拏。務獲迄今尚未緝獲一賊。殊屬懈弛。著直隸總督順天府再行嚴飭所屬上緊緝緝。並著步軍統領衙門遴派弁役一體訪拏。毋任漏網。再據御史李恩繹奏稱風聞該州於此案失事之後。復有搶劫行客驛馬之案。並未詳報該州地方是否續經

另有盜案。曾否稟報。有無諱匿情弊。亦著直隸總督順天府確切嚴查據實究辦。○又諭密雲至德勝門一帶。向非孔道。本未設有墩鋪防兵。然每值駐蹕熱河之期。官民商賈人等即往來絡繹不絕。長途遠曠。防範較疏。著直隸總督將清河至密雲一帶。作何添設堆撥巡防緝捕之處。妥議章程具奏。尋議自清河村起至喬梓村止。應建堆撥十四處。自喬梓村起至密雲縣城止。應添堆撥五處。每處

各於本營撥兵五名駐守。查清河村北至沙孤堆新設堆撥四處。係鞏華營把總汛地。計鞏華城距清河三十餘里。鞭長莫及。請將該把總移駐前屯。作為前屯汛把總。於昌平營撥兵二十五名。令其督率巡查會哨。其自沙孤堆起至八仙莊止。新設堆撥二處。係昌平營貫市把總汛地。又自蘭溝起北至賴馬莊止。新設堆撥三處。係昌平營牛房把總汛地。該二汛均距大路數十里。請將該五處堆撥

改歸蘭溝外委管轄。至昌平順天交界小南頭村堆撥。係昌平營牛房把總汛地。又自板橋村起。至營爾村止。堆撥四處。係提標前營所屬順義營漕河把總汛地。亦均距大路數十里。請將該五處堆撥改歸南石槽外委管轄。從之。○是日駐蹕巴彥托羅海御營。至丁巳。皆如之。○丙辰。以頭等侍衛那林泰為鑲藍旗蒙古副都統。○丁巳。

世宗憲皇帝忌辰遣官祭

泰陵。○以浙江嚴州協副將郭文魁為處州鎮總兵官。○戊午。諭內閣。都察院奏議處吏部堂司各官辦理處分錯誤一摺。已依議行矣。此案被議之歷任堂司各官。議以降留降調者人數甚多。而該部承辦之書吏。不予以責懲。殊不足以示儆戒。著吏部查明各該書吏等自行分別責革。惟是各部院衙門分設堂司各官。綜理庶務。原應克勤厥職。共襄公事。至署中胥吏。祇不過供繕寫之役。本不應令

其稍參末議。乃近日堂司各官漫不經心。一切例案。悉委書吏之手。遂致意為高下。互有歧誤。迨一經發覺。堂司各官悉置吏議。而該書吏轉得置身事外。無怪其任意作奸。毫無顧忌也。嗣後各部院堂官及司員等。務當盡心公事。將應辦事宜。準覈例案。秉公酌議。庶猾吏不得因緣為奸。而部務可期整肅。○諭軍機大臣等。李亨特覆奏收蓄湖水情形。並接閱給事中倪琇條陳一摺。據稱微山湖自

七月得雨後。截至八月初三日。共長水八寸。現在湖心水止二尺有餘。是以前此請於江境添設二閘。以期擡蓄河水。節省湖流。倪琇摺內所言閘座太密。漲水難消。轉多淤阻。似非真知灼見。應否添建閘座。仍請勅下江省督臣河臣。悉心籌畫等語。江省邳宿一帶。向資微湖灌注。浮送糧艘。本年湖水不敷。鋪注皆上年蓄水短絀所致。並非因原設閘少。瀉水過多。李亨特不思疏濬泉源。認真收蓄。俾

湖水日漸充裕。總以江省應添建閘座為詞。屢行陳請。越俎代謀。顯係豫為諉卸地步。邇宿運河。毋庸添設閘座。前據百齡黎世序等覆奏甚明。即舊有利運等閘。已俱陸續修復完竣。足資銓束。李亨特職任東河。籌蓄湖水。濟運是其專責。本年東省春夏雨澤雖稀。入秋以來。澍雨優霑。微湖上游各處泉源坡水。儘敷挹注。即使湖身稍有淤墊。亦應設法疏濬。俾得及時匯導。蓄蓄寬裕。以便來年重運。經臨隨時鋪放。方為稱職。紙上談兵。無益於事。今不及早經理。若屆時再有貽誤。惟李亨特是問。伊係棄瑕錄用之人。試思能當此重咎否耶。凜之慎之。將此諭令知之。○是日駐蹕薩達克圖御營。至庚申。皆如之。○己未。上行圍。○諭內閣。熱河改設都統。原定養廉銀八百兩。該都統管理命盜案件。事務較繁。需費自多。著每歲增給銀四百兩。共支養廉銀一千二百兩。以資辦公。○庚申。

上行圍。○遣官祭賢良祠。○諭內閣。廣厚奏審明聽從母命。溺斃胞兄之犯。按律定擬一摺。向來辦理。關繫服制之案。情有可矜者。俱係照例具題。刑部於題覆時。夾單聲敘。內閣票擬雙簽。朕酌覈情罪。復令九卿定議。議上時。改為斬監候。入於情實。歷經辦有成案。今張僕潮一犯。推溺胞兄張僕五致斃。係迫於母命。該撫自應照例具題。乃專摺陳奏。竟與有心逞兇。候旨速議者。毫無區別。殊屬錯誤。廣厚著交部察議。所有張僕潮一案。仍著九卿定議具奏。○辛酉。上行圍。○調兵部左侍郎吳煥為吏部右侍郎。轉兵部右侍郎。盧蔭溥為左侍郎。以內閣學士吳芳培為兵部右侍郎。○命翰林院侍講學士黃鉞提督山東學政。○旌表守正被戕江蘇丹徒縣民蔣志信妻支氏。○是日駐蹕吉林烏里雅蘇御營。○壬戌。上行圍。蒙古盟長王公等。於行幄西門外設犬

種廬侍

上膳畢

上閱詐馬等技。賞賚有差。○是日駐蹕永安泮

御營。○癸亥秋分夕

月於西郊遣肅親王永錫行禮。○

上行圍。○御行幄賜蒙古王貝勒貝子舍額駙

台吉等食。○諭內閣近年哨內牲畜稀少。此

皆由於偷砍樹木及往來取便行走之令驚

逸獸羣致乏牲畜喀喇沁王游牧距圍場較

平糶奉旨

奏

近著明年為始派喀喇沁王滿珠巴咱爾每

歲不拘時日進哨三次盡行稽查如有偷砍

樹木及偷盜牲畜之人即拏交圍場總管會

同辦理儻有往來行走之人亦即查明拏究

滿珠巴咱爾每歲查哨所帶人名數目著豫

先造冊咨報理藩院至查勘事竣將所查情

形繕摺奏聞。○是日駐蹕波里口御營

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百七十二

平糶奉旨

奏

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十三

世宗憲皇帝御製實錄卷之二百七十三

世宗憲皇帝御製實錄卷之二百七十三

世宗憲皇帝御製實錄卷之二百七十三

世宗憲皇帝御製實錄卷之二百七十三

世宗憲皇帝御製實錄卷之二百七十三

教修

嘉慶十八年癸酉九月甲子朔諭內閣每月

朔日向不進立決本章乃本日理藩院由本報具題行劫致死事主之兇犯索密雅問擬斬梟一本並未計算日期送交內閣內閣亦未計算日期輒轉遞行在均屬錯誤內閣理藩院在京堂司各官著查取職名交部分別議處○又諭據綿綿課等奏因移居盛京之宗室果敏自勒身死遺呈懇留伊弟學敏住京請將學敏一户開除另選奕寅一户移居辦理殊屬非是宗室移居盛京原因支派蕃衍

俾得歸依根本之地漸返淳樸之風並非伊等獲咎遷徙何至果敏遽爾輕生若欲留伊弟學敏在京而不具呈於生前妄思免移於身後殊出情理之外且果敏即呈懇不准亦不至情急自盡是果敏之死未必不另有釁端即所遺呈詞亦難保無捏飾情事綿課等輒請開除學敏另選奕寅一户移居若紛紛效尤又將如何辦理試思此時若遽令奕寅前往置辦一切行裝豈不倉猝著先無庸派

補所有果敏自勒身死緣由著交刑部將學敏嚴行審訊如訊無別故仍將學敏移居若果敏另有致死之由或學敏因伊兄既死捏寫呈詞希冀留京即治以應得之罪再將奕寅一户補行移往○以陰雨減圍改由伊瑪圖出哨賞辦理橋道安速之古北口提督馬瑜等紀錄有差兵丁半月錢糧並免本日經過地方本年額賦十分之三○賞看守黃土坎等六處行宮弁兵半月錢糧○撫卹朝鮮

國遭風難夷如例○是日駐蹕阿穆呼朗圖行宮○乙丑駐蹕濟爾哈朗圖行宮○丙寅旌表守正被戕廣東感恩縣民女林氏○除湖北江陵縣築堤挖廢田四十八頃十三畝有奇額賦○是日駐蹕波羅河屯行宮○丁卯諭內閣巡視西城御史德恒等奏繡漪橋南河內溺斃男婦二人並無屍親認領該御史等現既出具招示俟有親屬認領再交刑部查訊至高梁橋西長河一帶向有亭榭點綴不准人行嗣因官工拆去該處河岸俱通行路自難禁止行人其所請添設堆撥責令巡查之處應於適中扼要處所酌量添設著交步軍統領衙門查勘情形妥議具奏尋議長河南北舊設堆撥十座足資巡緝無庸增添惟嚴飭各員弁實力稽查防範從之○諭軍機大臣等本年直隸南三府一帶被旱成災地方甚多現據溫承惠奏請查明戶口分別賑卹並奏派藩司素納前往覆查該處災

務較重刻下即屆放賑之時關繫緊要著佛住等於審案完竣後前往該處詳細察看被災情形並該地方官辦理賑務是否認真如業已給賑即查明該處窮黎是否能普沾實惠有無遺濫如尚未開賑亦著將伊等所辦給賑章程是否周妥據實具奏將此諭令知之○命都察院左副都御史佛住鴻臚寺卿彭希濂馳往直隸審案○賑直隸平鄉隆平南和廣宗鉅鹿肥鄉曲周廣平雞澤威邯鄲寧晉十二州縣被旱災民並給清苑定興新城完四縣被電災民口糧○是日駐蹕中關行宮○戊辰上詔永佑寺行禮○諭內閣蔣攸銘等奏粵省各屬歷年墊支捕費酌定追補章程一摺該省各州縣自乾隆五十九年起至嘉慶十七年止因堵捕洋匪及應辦公事墊用無著款項閱年既久墊數漸多現據該督等就各屬挪墊

數目區別等差。共計應補銀三十萬九千兩。零應追銀十八萬八千六百兩零。自應截清已往。徹底覈辦。現在該省外海內河漸次肅清。其緝捕零星土匪。已有酌留關鹽盈餘銀兩。可支捕費。自無須再有挪墊。所有從前此項因公墊用無著銀兩。著照該督等所定章程。將應補銀三十萬九千兩零。在於督撫司道府州縣應得養廉內。每年扣解三成。俟前案應補捕費扣完之後。接續扣解。分限六年全數補足。並令隨同正項錢糧陸續批解司庫。無任延宕。其應追銀十八萬八千六百兩零。亦著查明應追各員。按照所定銀數。分別年限。照例勒追。若家產盡絕。在於原該管道府名下分賠。如原管上司亦因事故離任。即歸籌補案內扣廉完款。以清帑項。並著該督等自十九年為始。每年於奏銷後。將扣廉籌補及追解銀數具奏一次。儻此次清釐之後。復有挪墊虧短者。即著隨案嚴叅。以示懲儆。

○是日駐蹕避暑山莊。至壬申。皆如之。已諭內閣。劉鑾之等。奏擊獲昌平州行劫兵部主事姚瑩車輛銀物案內盜犯白二白大二名。並訊出該犯等於七月三十日行劫。平西務王二洪錢文驪頭一案。又供認上年在通州靛莊地方行劫。民人李有哲馬匹一案。該犯等膽敢在輦轂近地。蹕路經行之處。連次夥劫。殊屬可惡。盜犯白二白太及現獲代盜銷贓之田五一犯。俱交刑部嚴行審訊。加等定擬。如該犯等應擬監候者。即問擬立決。應擬斬決者。即加以梟示。以昭炯戒。逸犯張典等。上緊嚴拏。歸案審辦。其拏獲盜犯之南路同知張步高。永清縣知縣宋齊連。緝捕認真著送部引見。協緝之已革知州馮績。懇著於定案後。照例辦理。又諭。常明奏請酌改西鑪五臺委員管理糧務章程一摺。川省打箭鑪口外裏塘巴塘拉果察木多西藏等處五臺糧務。向係派委實缺丞倅州縣管理。現

在該省試用人員較多。補缺既需時日。又不能常川署任。自宜酌量委用。俾得及時自効。著照該督所請。准其將五臺糧務。照從前西藏錢局並五屯之例。無論實缺及試用丞倅州縣一體派委管理。惟向例委管西藏錢局及五屯人員。既儘先補用。並准保題應升之缺。未免過優。所有委管五臺糧務試用人員。著自任事之日起。扣滿三年更換。覈其任內。如果於撫輯番民。經手錢糧等事。均能辦理。

無誤。准由該督具題。以原銜儘先補用。不必再予升階。○諭軍機大臣等。貴楚克扎布奏雲騎尉噶勒桑呈報。民人段機因偷竊牛馬拒捕自扎身死一案。已有旨交銜齡提犯研審定擬具奏矣。此案疑竇甚多。該雲騎尉噶勒桑因兵丁稟稱草地內拴有牛馬。何以知其係屬賊贓。即帶兵持械前往緝捕。迨段機業已用刀自扎肚腹。傷重倒地。不難即時拘執。該雲騎尉何以又奪刀復砍。始行捆縛。是

原報之肚腹一傷。是否自扎。殊難憑信。現在嚴訊同行之武建昇於夥同偷竊一節。堅不承認。難保無妄。拏釀命情事。且段機身帶帳簿。俱係蒙古人欠帳。若帳內載有該處官兵姓名。則顯有因索欠起釁。誣竊妄拏。希圖抵賴情弊。著銜齡提集人犯。逐一詳細研鞫。務期勿枉勿縱。以成信讞。○旌表守正捐軀安徽蒙城縣民馬允修女馬氏。○展緩陝西西安鳳翔同州郿鄠五府州屬歉收地方節年

緩徵銀糧。○庚午軍機大臣會同。上駟院議覆錦州副都統慶惠等奏。大凌河牧馬事宜。一牧廠莊家散在各處。請添派錦州廣寧兩處協領及寧遠佐領義州城守尉就近查察。竊以十羊九牧之弊。不可不防。總當責成盛京將軍暨該副都統認真經理。不時查驗。至馬匹立夏出圈。責在牧丁。立冬歸圈。責在莊頭。每當交替。將廐分及有無殘傷患病之處。派員驗明。造冊具報。應如所奏。再向來莊頭

領馬俱派牧丁一人前往照料訓練馴割等事。今議撤回歸牧長等分率經理。查莊頭既任餵養即可責其馴練其馴割一事似應即於點交莊頭時登記屆期派人前往馴割以杜藉端擾累。每羣馬匹請設圈領二人於莊頭中擇家道殷實老成明白者充當就近兼管。凡同羣馬匹殘傷倒斃令其一體分賠查村莊遠近不齊一二人勢難徧查此在安分者既苦波累而不肖者或藉充圈領向各

家陵壓擾累應毋庸議。嗣後請將四歲以上兒馬責令牧長等及時馴割調馴歸入馴馬羣內餵養按月具報不得逾期應如所奏一馬匹如有患病難痊具報副都統驗明即酌量變價至每年倒斃馬匹皮張向係十月內解交武備院請改於五月間全數解京並於摺內劃清月日以免牽混應如所奏至額設馴馬十羣今據奏祇有一千一百四十三匹實計所留不及三羣應如何按數補足及

此外有無釐剔之處並請勅交和寧等確覈情形妥議具奏請旨遵辦從之。○辛未旌表守正捐軀安徽靈璧縣民女陸氏。○除湖北石首縣沿江坍沒田二十八頃五十五畝有奇額賦。○壬申

上詣

永佑寺行禮。○諭內閣溫承惠奏酌議勘丈官荒地畝章程一摺直隸天津豐潤青縣靜海滄州鹽山任邱寶坻寧河九州縣馬廠官荒地畝前於乾隆年間賞給附近民人報墾升科當據文明可墾地七百二十餘頃造報升科所餘地畝歷年久遠已墾未墾尚未據查文明確分別造報每致外來牟利之徒合夥包攬認墾轉租互相攘奪訐訟不休上年經戶部議准行令該督飭委道府大員確切勘丈茲據溫承惠奏此項地畝為數較多墾戶蕃庶向無鱗冊可稽非墾戶自行首出礙難勘丈而墾戶因私墾多年隱漏糧賦恐按律

治罪并畏追地入官多方欺隱未肯據實首報自係實在情形著照該督所請先行出示曉諭該民人等如果據實首報准將從前私墾漏未報升之處免其治罪并免追歷年糧賦給予管業不准外來包戶影射爭奪以杜訟端儻此次查辦之後再有隱匿包占一經查出即照例嚴懲○癸酉

上自避暑山莊迴鑾○詰

城隍廟拈香○御行殿勾到新疆雲南貴州

廣西情實罪犯停決新疆斬犯五人絞犯一人雲南斬犯一人絞犯四人貴州斬犯三人絞犯九人廣西斬犯一人絞犯五人餘九十人予勾○雲貴總督伯麟等奏原任大定府知府王汝琛被參革知縣陳大本翻控各款審係虛誣惟該員在滇質審時兩次遣家人看望陳大本結案後又幫給銀兩形跡竟同籠絡經部議准實降四級調用茲據呈請捐復原官查該員在黔十有餘年官聲素好

可否准其捐復出自

聖恩得旨所犯係私罪不准捐復官官相護惡習甚深朕方加意整飭豈能因循用此劣員耶此旨著吏部存記○是日駐蹕喀喇河屯行宮○甲戌

上御行殿勾到廣東福建情實罪犯停決廣東斬犯十人絞犯十二人福建斬犯四人絞犯七人餘一百七人予勾○以理藩院尚書景安為滿洲繙譯鄉試正考官大理寺卿常英

為副考官太僕寺卿巴琿阿為蒙古考官○戶部議准署山西巡撫銜齡疏報薩拉齊廳墾復水占葦塘地二十四頃四畝有奇照例升科從之○除江蘇丹徒縣坍田三頃七畝有奇額賦○是日駐蹕常山峪行宮○乙亥諭內閣刑部奏訊據宗室學敏供稱伊兄果敏實因曾經獲咎派往盛京居住京中所有房產難捨追悔自勒身斃並無別故其所遺呈詞亦無捏寫情事前因宗室生齒日繁恐

例得養贍銀兩不能自給。派令前往盛京居住。授室分租。俾得衣食豐足。乃加惠無業之宗室。非以其獲咎而移之也。管理宗人府王公等不能仰體朕意。轉將家道充裕之果敏。派往以致變賣房產。迫於移居。情急自盡。是果敏勒斃之由。皆宗人府王公等辦理不善所致。姑念前此曾經議處。著傳旨嚴行申飭。至學敏一戶。其兄業經勒斃。情殊可憫。著免其移往。即所請補派之奕寅一戶。亦無庸派往。嗣後宗室若再移住盛京。祇將宗室之無業者移居。其家有恒產者。即不必挑派。○又諭李亨特奏。沁黃二河水勢異漲。南岸睢州下汛二堡無工處所。大隄坐墊。過水現在竭力搶辦。自請治罪。並請將該管各道廳等分別懲處一摺。李亨特本係棄瑕錄用之人。上年微山湖蓄水短少。以致本年邳宿運河不敷鋪放糧運。稽緩皆由伊辦理不善。本當即行懲處。姑從寬令其戴罪自贖。茲又有睢州

下汛二堡漫口之事。可見其平日漫不經心。疏防貽誤。怠玩已極。不能再為寬貸。李亨特著革職。留於工次効力。其河東河道總督員缺。著戴均元補授。接奉此旨。即馳驛前赴工。接印任事。戴均元曾任江南總河。於南河工員內有素知諳練堵築者。一面奏聞。一面調撥差委。至該工督辦緊要。現在廣厚陞見來京。並著於途次接奉此旨。亦即馳驛赴工。會同戴均元督率妥辦。迅就合龍。俟工竣後。廣厚再來京陞見。回湖南巡撫之任。李亨特在工能否隨同出力。並著廣厚等留心察看。俟工竣時據實具奏。再候諭旨。其疏防失事之睢寧通判鮑居垣著革職。專管工程之協備裴興鎮著革職。並枷號工所。俟工竣之日再行覈辦。該管道員陳啟文亦著交部議處。○諭軍機大臣等。本日溫承惠奏河南滑縣老安地方有匪徒黃興宰黃興相兄弟並宋姓為首。興立天理會。於本月初七日聚眾滋

事。滑縣已失。縣官被戕。直隸長垣縣亦有習教之人。並聞教匪竄往河南考城及山東曹縣一帶。現在睢州二堡黃流漫溢。台斐音馳往該處下游被水一帶查辦災務。高杞此時若尚未起程離豫。著即挑帶將弁兵丁督同河北鎮總兵色克通阿。星夜前赴該處。加意防範。並嚴飭沿河文武員弁嚴密防堵。勿令偷渡河南。致形滋蔓。高杞俟方受疇到任後。再來京赴熱河都統之任。將此傳諭知之。○

又諭本日溫承惠奏河南滑縣老安地方有邪教黃興宰等興立天理會聚眾滋事。直隸長垣縣境亦有習教之人。並聞教匪南竄往河南考城及山東曹縣一帶。並據慶格奏稱探聞匪徒等已將長垣縣九級集搶掠赴山東曹縣一帶逃奔各等語。現在匪徒聚眾滋事。總以迅速撲滅勿任蔓延為要。同興即挑派將弁兵丁於邊境扼要處所堵截嚴拏。其為首起事各犯務宜勦捕淨盡。無致漏網。被

脅之人並當設法解散。出示曉諭勿令裹脅者多。致滋株累。將此傳諭知之。○給直隸總督溫承惠欽差大臣關防賞還花翎。命同古北口提督馬瑜馳往長垣滑縣一帶統兵勦賊。命護軍統領富蘭副都統格布舍頭等侍衛蘇爾慎三等侍衛伊勒通阿額勒精額蘇倫保阿勒罕保副護軍叅領諾木齊護軍校蘇清阿帶兵隨溫承惠勦賊。○命陝西提督楊遇春選帶將弁馳赴直隸大名一帶協

同溫承惠勦賊。○調戶部左侍郎彭齡為倉場侍郎兵部左侍郎盧蔭溥為戶部左侍郎以刑部右侍郎章煦署直隸總督馬蘭鎮總兵官福長安兼署古北口提督。○命塔爾巴哈台領隊大臣哈當阿來京以頭等侍衛衛松福為塔爾巴哈台領隊大臣。是日駐蹕兩閤房行宮。○丙子。諭軍機大臣等據素納奏接據東明縣朱煒稟報縣屬齊五集鐵匠張文典首稱有長垣縣南樂集人姜復興

託伊打鋼刀十把。伊因情有可疑。赴縣呈首。該縣於是日盤獲。姜復興。究出伊與滑縣白家道口宋義村長垣縣馬寨村馬文龍夥同習教。曾託張文典打刀。該縣當將該犯收禁。又於初十日接據長垣縣典史劉世治稟報。有民人王小白向都司陳夢熊處首告。知縣被害。該都司帶領兵勇。搶出該縣屍骸。看明遍身有傷。身首異處。又據開州知州于曉稟報。東明縣城已被圍。勢甚危迫。等語。該匪等聚衆戕官。圍城猖獗。可恨已極。且俱用白布纏頭。身穿白衣。看來竟係邪教。並非飢民。著溫承惠即飛飭富蘭速選弁兵。帶領趕赴該處堵剿。毋令向各處竄逸。該督俟兵力到齊。即統率師千一鼓殄滅。至擒獲醜類。如有白布纏頭。查係真實賊犯。即概行正法。若無辜被脅之衆。不可株連。該督當仰體朕意。總以安民為要。其首逆黃興宰。黃興相。宋義升等。犯就獲後。即派委乾清門侍衛及文武官員。

嚴密解京。候朕親訊。處以極刑。以彰國憲。至長垣縣知縣趙綸。如平日居官尚好。猝被戕害。即奏明賞給卹典。如別有劣蹟。無庸置議。鐵匠張文典。率先到官舉報。尚知畏法。該督查明酌量獎賞。○又諭高杞行抵直隸臨洛關。接見藩司素納。聞知匪徒滋事。即馳赴大名一帶。札調正定弁兵督率查拏。所辦甚是。昨已派令溫承惠同提督馬瑜前往長垣一帶堵剿。直隸地方無須高杞在彼督辦。著遵照前旨。速行赴豫。到彼後仍接署河南巡撫印務。所有豫省一切查拏防堵。俱責成高杞悉心經理。其黃河口岸尤應選派文武員弁小心防守。將沿河船隻悉令停泊南岸。勿致賊匪偷渡。又形滋蔓。○又諭同興前次奏拏獲金鄉縣編造歌詞。斂錢惑衆之匪徒李允魁。崔士俊。張文明等十八人。現據溫承惠奏接據該撫札稱。教匪崔士俊等三十餘人。供係長垣縣人。徐安。幟傳授。囑令密拏。今長垣

縣又有戕官之案。東省與長垣接壤。該匪徒等同習邪教。聲息相通。於戕官搶劫之後。既經逃往東省。自係糾結黨與。山東曹單鉅野一帶。順刀會。梟匪甚多。且與直隸河南現在滋事之處。境宇毗連。現派令溫承惠帶兵由北堵剿。高杞帶兵在河南緊防西南。其東路專責成同興防堵。該撫即選派精銳弁兵迅速親自帶赴東省邊界。嚴密偵緝。勿令匪徒乘間闖入東境。潛相勾結。致滋蔓延。再

前該省拏獲之崔士俊等三十餘人。現在監禁在獄。著該撫即嚴行訊鞠。是否與黃興宰等係屬一黨。一面錄供具奏。即一面將該犯等先行正法。並多發告示。剴切曉諭居民。所有查拏懲辦者。俱係鄰省滋事亂民。斷不株連無辜。以靖民心為要。將此傳諭知之。○命五城於冬春二季設廠煮賑。○是日駐蹕要亭行宮。○丁丑。上至密雲縣詣

白龍潭神祠拈香。○諭軍機大臣等。據溫承惠奏東明等處各州縣已守禦有備。而大股賊匪尚在滑縣屯聚。該督應飭令富蘭迅速帶兵前進。俟兵力齊全。該督即帶領大兵親赴賊匪屯聚處所。一鼓作氣。將匪徒聚而殲。旗刻下該督先於附近各州縣多發告示。曉諭居民安靜自守。勿為匪徒煽脅。斷不肯稍有株連。庶人心安定。不致再生事端。至邪教一節。此時斷不可提及。即所發告示內雖經

習教未曾滋事之人。概不查辦之語。亦不可敘入。將來擒獲匪徒審訊時。亦不必根究習教。若有首告邪教者。查無蠢動端倪。均姑置勿論。或擬以誣捏。以安反側。該督總以勦辦起事匪徒為正務。其無藉之徒。乘機搶掠者。亦從緩辦理。不可顧小而遺大。尤不可使無知愚民疑畏驚擾。至附近村莊自為守禦。挑挖溝濠。為堅壁清野之助。亦因賊之良法。但民人自衛鄉閭則可。若鄉勇一節。斷不得再

踵陋習設該處鄉民有情願隨營打仗者該督務嚴行禁止曉諭該紳民等各保村莊俾匪徒等無從裹脅即屬急公向義平定後尚當量予獎賞至勦除逆匪係官兵之責無須伊等協助將此傳諭知之○又諭本日據色克通阿奏稱滑縣匪徒牛亮臣等十餘人在該縣大伾山之東坡聚集匪徒數百打造軍器殺入縣署劫放獄囚現帶兵前往勦辦等語昨已有旨令高杞接署河南巡撫印務帶

兵前赴滑縣查拏防堵現在色克通阿已帶兵五百名前來著高杞即迎合一處統率弁兵前往勦捕若兵力尚少著即添調豫省官兵併力殲除其防堵機宜滑縣南距黃河迤西即係太行山徑該撫務周密布置嚴防西南兩路勿使渡河奔竄亦勿令竄入山谷滋蔓難圖惟當堵剿兼施蹴之於平原曠野之地則兵力易展四面兜圍不難一鼓勦滅淨盡○予捕賊被戕直隸長垣縣知縣趙綸祭

葬世職如陣亡例賞守城出力武生張得正吳士登把總○是日駐蹕羅家橋行宮○戊寅諭軍機大臣等本日同興奏金鄉匪犯崔士俊供稱該犯先從城武縣民劉燕傳習八卦離字教上年八月間又從直隸長垣縣陳家莊人徐安幘改習震卦教徐安幘曾告以今歲九月以後要交白洋劫屆時老教首送給白布小旗一面插在門首可免殺戮又據獲犯張建木同供本年二月間徐安幘亦曾

到過伊家迨崔士俊被拏該犯曾寫信知會徐安幘躲避等語徐安幘一犯前據溫承惠奏稱接據同興知會已派副將舒凌阿前往密拏現在長垣縣聚眾滋事是否即係徐安幘為首著溫承惠於勦捕時確實查明具奏正在降旨聞又據同興奏稱據曹州府並菏泽縣稟報定陶縣城於初十日黎明被陷文武官員存亡未保同興現已派兵分赴曹州東昌等處彈壓並親帶劉清率本標兵三百

名前往督辦等語。現降旨令同興督兵往剿。將賊匪由東北逼向西南。其河南邊界又降旨令台斐音將所帶兵一千二百名全數交與高杞帶領防堵。溫承惠當督催直隸派出鎮將兵丁迅速前往。合力勦捕。務期一戰成功。將此傳諭知之。○又諭。本日辰刻遞到同興審訊匪犯崔士俊等一摺。並據片稱。接據稟報。閭長垣縣匪徒抗官滋事。調兵堵截等語。正在飭諭該撫嚴防邊境。並傳諭朱錫爵劉大懿。將崔士俊等犯速提審擬。即行正法。茲於未刻遞到該撫奏摺。據稱已獲之匪徒首惡崔士俊等七名先行正法。俾免奸人窺伺。所辦甚是。並據奏定陶縣城於初十日黎明被陷。文武各官存亡未保。又於申刻據該撫奏到毗連定陶之曹縣於十一日亦被賊匪占據。看來賊勢鴟張。自係直隸匪徒闖入東境。肆行劫掠。該撫現在調集多兵前往勦捕。著即迅速前進。若能就地擒捕。早為撲滅。

固屬甚善。如不能剋期殲除。該撫務由東北將賊匪逼向西南。豫省現有高杞帶兵防堵。直隸溫承惠督率大兵前往勦辦。現已有旨諭令徐州鎮總兵沈洪選帶兵一千名迅速由東南迎頭北上。正可併力兜圍。將賊匪聚而殲旃。該撫所轄地方遼闊。務須布置周密。不可令匪徒再向東竄。致滋蔓延。至所稱臨清地方與長垣滑縣一水可通。該撫飛調德州駐防兵一百名赴臨清防範一節。賊匪如由水路東趨。豈一百名兵所能堵禦。該撫當飭沿河州縣官將附近船隻調令遠離。毋令賊匪搶掠。即可斷其來路。該撫嗣後具奏軍務事宜。俱著由五百里馳遞。將此傳諭知之。○又諭。本日申刻又遞到同興本月十三日由五百里馳奏之摺。內稱接據曹州府百歲稟報。賊匪於十一日續陷曹縣。在彼占據。現在兗州鎮總兵陳廣寧已由濟寧帶兵馳往。同興亦由東昌集兵前進。勦辦等語。賊匪於

數日之間。將定陶曹縣兩處攻陷。漸向東南。肆逆看來。並非東省另起之賊。自即係長垣滑縣等處賊匪。相率竄往。刻已降旨。派徐州鎮總兵沈洪帶兵一千名。由江省自南而北。堵剿前進。賊匪此時既向東竄。則長垣東明開州一帶。賊蹤想已漸遠。溫承惠即當迅統大兵。由長垣滑縣一帶進發。如該二縣已無賊屯聚。即探明大股賊匪所在。直赴曹州定陶一帶。與東省堵剿之兵併力夾擊。將此傳

實錄卷二百七十三

五十五

諭知之。○又諭豫省因睢州下汛黃流漫溢。前降諭旨。令台斐音親往該處查辦撫卹事宜。高杞馳回豫省。署理河南巡撫。專辦勦捕之事。台斐音現帶兵一千二百名前往。著於迎會高杞時。將所帶之兵全數交與高杞帶領。台斐音仍赴漫口處所。幫同經理堵築。及災區撫卹事宜。再現被賊匪蹂躪州縣。亦應妥為撫綏。並著台斐音迅速查明。應如何施恩之處。奏明候旨遵辦。將此傳諭知之。○轉

兵部右侍郎吳芳培為左侍郎。以都察院左副都御史溫汝造為兵部右侍郎。○是日。駐蹕髻髻山行宮。

實錄卷二百七十三

五十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十三

[illegible]

愷奏本月十五日午刻突有賊入擅入蒼震
門經總管太監擒獲未刻內右門西又有賊
匪越牆入內見事在倉猝取進烏鎗撒
袋腰刀先用鎗將牆上一賊打墜又有手執
白旗之賊在牆上指揮復用鎗擊斃實出無
奈大膽等語係內廷皇子在上書房讀
書一聞有警自用鎗擊斃二賊餘賊始紛紛
潛匿不敢上牆實屬有膽有識乃奏稱
大膽無奈詞語謹飭殊覺過當朕垂淚覽之

皇后現亦在宮。身先捍禦。獲保安全。實屬忠孝兼備。二阿哥著加恩封為智親王。於皇子歲支分例加倍。歲給俸銀一萬二千兩。以示優獎。三阿哥綿愷。隨同捕賊。亦屬可嘉。朕於在廷臣工。有功必賞。今皇子能如此。忠勇自効。豈容稍靳恩施。此大公之心。內

新錄卷之三

外諸臣當共知感。知奮也。○又諭。托津英和現。有查辦事件。著先行回京。此案賊匪。擅入禁門。步軍統領吉綸。左翼總兵玉麟。毫無覺察。其咎甚重。吉綸玉麟。俱著革職。交與托津等。差遣効力。所有步軍統領事務。著英和署理。諭軍機大臣等。本日申刻。儀親王等。遞到。勦辦賊匪事。已大定一摺。據訊。取活賊供。詞。賊匪共進禁城二百名。現所呈遞草單三紙內。細覈殲斃及活拏者。共祇三十一名。其

餘賊匪一百六十九名究竟作何下落所奏殊未明晰。再成親王訊出賊傍地安門外尚有賊五百名。此項賊匪此時是否伏而未動。抑係查有蹤跡。伊等現在如何辦法。摺內亦未提及。著儀親王等即速明白回奏。至摺內請將格布舍等六人留京勦捕賊匪事屬可行。內蘇爾慎格布舍二人著速迎赴行在。朕面詢勦賊情形。其伊勒通阿等四人留京責令幫同搜捕。俟朕迴鑾後再諭令一同馳赴軍營。將此傳諭知之。○又諭。此次賊匪突入禁門。並敢潛匿膳房。王公大臣侍衛官兵人等奮勇擒捕。實為可嘉。內有在內右門以內擒獲賊匪者。功績最優。在禁城內捕賊者。次之。著托津等詳細查明開單具奏。此內捕賊受傷身死者。列為上等。其受傷重者。列為二等。受傷輕者。列為三等。無論侍衛官兵。即家人閒散等。俱一律歸入等第。開單呈覽。候朕分別施恩。托津等務須秉公確查。不可稍徇。

情面。俟朕進宮後。再行呈遞。亦不為遲。現在二阿哥躬親捕賊。忠孝可嘉。已施恩錫封智親王。著托津等啟知。二阿哥不必遠來謝恩。俟朕進宮時。在內東華門之內道旁碰頭謝恩。三阿哥四阿哥等。仍照常。在內接駕。將此傳諭知之。○又諭。現在查緝匪犯最關緊要。都城滿洲蒙古漢軍二十四旗。各有所轄地方。著托津等到城後。即傳諭滿洲蒙古漢軍八旗正署各都統副都統。迅即督率本旗章京兵丁等各在本管地面嚴密搜查。八旗正署護軍統領各在本管三旗地面搜查。兩翼前鋒統領督同所管官兵在紫禁城內外詳細挨查。勿任一名漏網。亦毋許擾累居民。一有拏獲之犯。一面具奏。一面將犯人交與托津等嚴審。如本管地面實無匪犯潛匿。伊等自信可以出結。即各自具奏。其管理圓明園之大臣著飭令俱赴圓明園督率該管章京兵丁等將御園四面附近村莊烟戶以及清

河等處地方逐細訪查香山藍靛廠等處著派明亮前往專司查察各該處如有潛匿匪犯俱即按名緝獲一面具奏一面將犯人交托津等嚴審所有諭派各大員飭令各矢天良盡心查辦不可稍有疏忽自蹈重譴托津等於獲犯訊供後隨時速奏再朕於十七日迴蹕烟郊十八日駐蹕一日十九日進宮托津等查明京城現在情形據實馳奏將此傳諭知之○又諭昨同興具奏據濟南府知府

實錄卷五十四

五

凝圖稟稱訊據匪犯張建木供出教首劉真空現住京南二十八里大路邊沙河地方收徒聚眾等語正在降旨飭辦聞本日據玉麟等奏十五日未刻忽有賊匪二百人潛入紫禁城內滋擾當經王大臣及各營官兵會同擒捕立時悉數殲斃並生擒帶傷賊匪宋尚忠李二格二名訊據宋尚忠供稱係天理教約同二百人於本日已時動手等語該逆匪膽敢突入禁門不法已極朕聞信後暫緩謁

陵於十七日即由白潤迴鑾進京親訊此案根由著溫承惠等迅速督兵馳抵該逆匪屯聚處所盡力勦辦如拏獲賊犯先行嚴鞫附京一帶伊等黨與約有若干開明姓名住址由五百里具奏其現獲宋尚忠李二格是否有名頭目一併聲敘至該督等勦賊仍先專辦抗拒滋事之人不可揚言勦辦邪教致令聞風蠢動為要將此傳諭知之○命御前大臣額駙拉旺多爾濟御前侍衛和世泰御前行

實錄卷五十四

六

走額駙索特納木多布齋瑪呢巴達喇回京○命陝甘總督那彥成馳驛兼程來京陛見並酌帶勇幹將備聽候差委○命江南提督烏爾卿額赴徐州邊界安徽壽春鎮總兵官喀勒吉善赴潁毫一帶各帶兵駐守○以吏部左侍郎成寧為工部尚書轉吏部右侍郎文寧為左侍郎調禮部左侍郎秀寧為吏部右侍郎理藩院右侍郎瑚圖禮為禮部左侍郎以都察院左副都御史佛住為禮部右侍

即內閣學士禧恩。為理藩院右侍郎。總管內務府大臣蘇楞額。為戶部左侍郎。○調正藍旗漢軍都統莊親王綿課。為正藍旗滿洲都統。實授英和。為步軍統領。兼正藍旗漢軍都統。調鑲紅旗蒙古副都統福勒洪阿。為鑲藍旗滿洲副都統。鑾儀衛雲麾使長慶。為鑲紅旗蒙古副都統。調鑲黃旗蒙古副都統福珠隆阿。為正白旗滿洲副都統。正藍旗蒙古副都統穆克登額。為鑲白旗滿洲副都統。以禮部右侍郎佛住兼鑲黃旗蒙古副都統。調鑲藍旗蒙古副都統朱毓瑞。為正藍旗蒙古副都統。正白旗漢軍副都統敬徵。為鑲紅旗護軍統領。正紅旗護軍統領西拉布。為京營左翼總兵。正白旗滿洲副都統英綬。為右翼總兵。賞馳遞奏報司員扎勒杭阿花翎。琦昂等藍翎。並予議敘。○是日駐蹕白瀾行宮。庚辰。頒

硃筆。遇變罪己詔曰。朕以涼德。仰承

皇考付託。兢兢業業。十有八年。不敢暇豫。即位初。白蓮教煽亂四省。黎民遭劫。慘不忍言。命將出師。八年始定。方期與吾赤子永樂昇平。忽於九月初六日。河南滑縣又起天理教匪。由直隸長垣至山東曹縣。亟命總督溫承惠率兵勦辦。然此事究在千里之外。猝於九月十五日。變生肘腋。禍起蕭牆。天理教逆匪七十餘眾。犯禁門。入大內。戕害兵役。進宮四賊。立即捆縛。有執旗上牆三賊。欲入養心門。朕之皇次子親執烏鎗。連斃二賊。貝勒綿志續擊一賊。始行退下。大內平定。實皇次子之力也。隆宗門外諸王大臣督率烏鎗兵。竭二日一夜之力。勦捕搜拏。淨盡矣。我大清國一百七十年以來。定鼎燕京。

列祖

列宗深仁厚澤。愛民如子。

聖德

仁心。奚能縷述。朕雖未能仰紹愛民之實政。亦

無害民之虐事突遭此變實不可解。總緣德涼愆積唯自責耳。然變起一時禍積有日。當今大獎在因循怠玩四字。實中外之所同。朕雖再三告誡舌敝唇焦。奈諸臣未能領會。悠忽為政以致釀成漢唐宋明未有之事。較之明季梃擊一案。何啻倍蓰。思及此實不忍再言矣。予唯返躬修省。改過正心上答。

天慈下釋民怨。諸臣若願為大清國之忠良。則當赤心為國。竭力盡心。匡朕之咎。移民之俗。

實錄卷一百一十五

九

若自甘卑鄙。則當挂冠致仕。了此一身。切勿尸祿保位。益增朕罪。筆隨淚灑。通諭知之。○諭內閣。此次賊匪擅入紫禁城。經王大臣侍衛官員等奮力搜捕。擒獲淨盡。儀親王成親王在紫禁城內親身督辦。晝夜勤勞。甚屬可嘉。著加恩將所有未經開復處分及未完罰俸。悉予開復寬免。又本日和世泰奏稱。昨據二阿哥告知。前日賊匪突入禁城。綿志先入大內。經二阿哥將自帶鳥鎗交給熙祚。綿志

於二阿哥鎗斃兩賊之後。亦用鎗斃賊一名。其餘賊匪始皆畏懼。避匿。綿志為儀親王之子。係朕親姪。如此奮勇出力。著加恩賞加郡王銜。於歲支貝勒俸銀二千五百兩外。每年加給銀一千兩。以示嘉獎。莊親王綿課。於賊匪奔突之時。親身持械勦捕。並射傷賊匪一名。亦屬奮勇。著加恩將從前所罰王俸未完者。全行寬免。仍交宗人府從優議敘。奕顯安成。蘇爾慎。格布舍四人。各殺斃賊匪均屬出力。奕顯安成著交宗人府兵部從優議敘。蘇爾慎著賞給副都統銜。仍交部議敘。格布舍著交部議敘。三等侍衛阿勒罕保。親軍校清福。亦皆殲斃賊匪。阿勒罕保著升為二等侍衛。清福著升為三等侍衛。其餘出力各員。俟托津等查明再行施恩。至派出捕賊兵丁。經王大臣等帶入紫禁城內者。健銳火器兩營兵丁。尤為勇銳。著查明各賞給一月錢糧。前鋒護軍營及八旗步軍營兵丁。查明各賞給

實錄卷一百一十五

十

半月錢糧。入諭本月十五日賊匪擅入禁城。係由宣武門入東華門西華門進。蒼震門該管步軍統領等門禁懈弛。已將吉綸玉麟革職。是日紫禁城直班係署護軍統領楊澍曾其咎更重。楊澍曾著革職。即日發往伊犁効力贖罪。至此三門。蒼震門係在大內疏防最重。東華門西華門次之。宣武門又次之。所有該班之官員兵丁等除受傷身故及受傷者將功抵過無庸議外。其餘著托津等查明會同刑部分等治罪。據訊取現獲賊犯供詞。多係直隸固安縣及黃村一帶籍貫。鄒炳泰李鈞蘭在順天府尹任內。平日漫無查察。以致養癰貽患。鄒炳泰著以中允贊善降補。李鈞蘭著降為編修。溫承惠身任直隸總督。順天府屬地方皆其所轄。著交部嚴加議處。劉鏐之費錫章到任未久。著交部議處。諭軍機大臣等。前同興所奏首犯劉真空潛匿離京二十八里之沙河。順天北路廳同知即駐

劄沙河地方該處距圓明園不遠。著英和派明幹可靠員弁前往密行緝拿。有無蹤跡。現在刑部監獄朝審人犯不少。又加以逆匪多名著托津等傳知刑部堂官留心防範。英和並添派弁兵小心巡察。再現在格斃各屍除兵役屍首令家屬認領查明再行施恩外。其已斃賊屍令活賊指明拖赴外城分地到屍梟示。不必盡在市口。其現訊逆犯錄供後如無可再訊者。先凌遲一二名。以後陸續辦理。只留為首要犯四名。豫備廷訊。所留逆犯此時轉不必加以嚴刑。俟廷訊時盡法處治。現已明降諭旨。將門禁懈弛之官兵分別懲辦。著托津等於訊供時嚴鞠賊犯。未必悉由宣武門入城。如有自他門入者。亦查明將該管官兵一體治罪。再現在紫禁城內既已搜查淨盡。無須多兵駐守。著托津等酌留若干在禁城內分設堆撥。撤出若干在皇城內分設堆撥。紫禁城內酌留之數。比之皇城內尚可

略以派定後先行具奏至昨降旨飭令在京都統護軍統領等各查所轄地面此事非一二日所能辦竣恐草率從事轉屬有名無實著傳知該都統等從容詳辦其挨查之法所有王公以下二品文武大員以上無庸點查著傳令該本家等自行查明實無形跡可疑之人令其出具切結報明該管大臣如有隱匿情事發覺後從重治罪其三品以下官員以及軍民鋪戶人等俱著逐戶挨查除婦女

實錄

五

不查外丁男按名點驗勿稍疏漏如有外來行蹤詭秘之人隱匿在家即行拏究將此傳諭知之○命陝甘總督那彥成馳赴軍營接受欽差大臣關防直隸總督溫承惠專辦後路糧餉○命西安將軍穆克登布挑選駐防馬兵一千名交副都統富僧德管帶隨欽差大臣那彥成剿賊○調戶部尚書曹振鏞為吏部尚書協辦大學士工部尚書潘世恩為戶部尚書以刑部右侍郎章煦為工部尚書

湖南布政使陳預為刑部右侍郎貴州按察使翁元圻為湖南布政使貴州貴西道伊湯安為按察使○以鑲紅旗蒙古副都統長慶為鑾儀衛鑾儀使○緩徵廣東鎮平縣被水村莊新舊額賦○是日駐蹕烟郊行宮翼日如之○辛巳遣官祭

實錄

五

都城隍之神○諭內閣本年九月初六日豫東交界地方有亂民戕官滋事拏獲匪犯供係天理會邪教並據同興奏稱會內首逆林姓又捏名劉林在近京藏匿正在降旨飭拏聞十五日忽有賊匪潛入紫禁城持械逞兇經王大臣及文武官兵協力圍捕職擒淨盡嚴究首犯據英和等選派番役於近京之宋家莊地方拏獲林清一犯供稱前生姓劉所有十五日潛入禁城賊匪均由伊派撥屬實該犯傳習邪教糾眾謀逆罪大惡極今夥黨殲除首逆旋即就獲仰承

天

祖恩佑欽感實深除將該逆按律懲辦外英和督拏要犯剋日就擒厥功甚鉅英和著交部從優議敘其原拏之官員番役人等著英和分別等第開單呈覽候朕明日進宮再降恩旨將此通諭知之○又諭據溫承惠奏請將兵丁日需口糧每名折給銀一錢五分並轉運軍火等項雇用騾頭覈實報銷等語直隸省南北各府屬糧價昂貴現在各路官兵起程前赴大名沿途應支口糧若照定例折給恐不敷食用著加恩每名每日折給銀一錢五分俾資果腹俟軍營糧運到時再照例支給鹽糧其轉運軍火銀糧及隨營裹帶軍裝等項雇用騾頭所需價值准其覈實報部開銷○諭軍機大臣等本日據托津等奏訊據賊犯陳爽供出太監劉得財等夥同入教等語覽奏實堪駭異該犯等供役內廷膽敢習教入夥並聽從逆犯指揮豫為引路實屬罪大惡極著托津等將已獲各太監等隔別嚴

訊務令將同夥之犯逐一全行供出勿任稍有狡飾隱匿至該犯等以內監謀逆悉當問以大逆凌遲該犯等家屬亦應緣坐著英和等即刻按名查拏此案入教各太監內劉得財一名係太監內入教傳徒首犯情節尤為可惡著留備廷訊並再留情罪較重者一名候朕親加嚴鞫盡法處治所有托津等訊出從逆太監現據二阿哥奏交五名外又續交九名托津等陸續訊出如尚有在逃者著步軍統領順天府五城及內務府番役一體嚴拏務獲現在無論已獲未獲先查明係在何處當差之人開具清單於明日具奏至林清一犯係屬首逆托津等審訊時務令將夥犯人數悉行供出以便按名根究林清並備廷訊無稍疏虞○又諭上年因賭案發遣之顧進祿一犯據太監閻進喜供聽見太監劉得財說伊亦在教著傳諭富俊接奉此旨即刻查拏到案將該犯在京時如何入教及有無

與商謀逆情事。嚴加刑訊。一經審訊明確。一面據實具奏。一面將該犯凌遲處死。並傳齊該處在配各太監。環視行刑。以儆兇惡。○又諭此次教匪滋事。直隸長垣縣地方。戕官不法。該督溫承惠已有失察之咎。本月十五日。忽有逆犯七十餘人。突入禁門。首逆林清潛匿黃村西宋家莊地方。現據英和等派員弋獲。而所獲從逆之犯。多籍隸近京固安等處。溫承惠在直隸總督任內有年。於所屬州縣匪徒潛行習教。釀成大案。平日漫無覺察。厥罪甚重。乃本日溫承惠具奏。接奉前次諭旨。聞知此事。竟不自行請罪。實屬怪誕。並請將守門章京兵丁查明重懲。可謂祇知責人。不知罪己者矣。現在北路逆匪總頭目林清一犯業經就獲。所餘夥黨。朕自欽派大臣前往擒捕。其東路賊首崔士俊。已明正典刑。所有滋事之天理教。祇有南路首逆聚眾於山東河南邊界滋擾。溫承惠身係總統。惟當督率

將領迅速馳赴賊匪聚集之處奮力勦辦。一鼓掃蕩。邪氛庶可稍贖前罪於萬一。若再不奮勉。遲延貽誤。該督自問當得何罪。將此傳諭知之。○加賞看守髻髻山白澗烟郊行宮弁兵半月錢糧。○撥京倉小米五萬石運赴大名一帶以備軍糈。○壬午上還宮。諭內閣本月十五日賊匪擅入禁城。經在京王大臣等督率官兵立時殲捕。連日搜拏淨盡。朕本日進宮。一切整肅如常。辦理甚為妥協。除格外出力之王大臣官員先已降旨分別施恩。及捕賊兵丁。分賞錢糧外。其餘進內幫同辦事之親王郡王貝勒貝子公等俱著賞給紀錄八次。文武大臣官員等各賞加二級。行在扈蹕諸王及拉旺多爾濟等盡心翊衛。亦著賞給紀錄八次。慶郡王永璘前有應罰王俸。著查明如未經扣過。寬免一半。若業經分扣。即將未扣者寬免。軍機大臣董誥托津盧蔭溥總管內務府大臣桂芳及

軍機章京等晝夜宣勞均著賞加二級。扈蹕武職大臣侍衛官員章京等俱賞加二級。文職大臣章京官員等俱著賞加一級。署古北口提督福長密雲縣副都統策丹口北道廉敬正定府任銜惠及直隸地方文武各官並調到駐防各滿員俱著賞加一級。其行營原派隨圍各兵丁並續經調到滿漢官兵著查明俱賞給一月錢糧。○又諭本月十五日紫禁城內擒獲突入滋事之逆犯訊出首逆劉林即林清前經同興密奏該犯在附近京城地方潛匿英和等派員前往得以立時捕獲並將其家屬全數成擒此亦同興之功著加恩交部議敘。○又諭托津等查辦賊匪潛入禁門一案請將疏防賊匪進城之右安門正陽門宣武門三處城門該班官員革職。兵丁責革。所議實屬過寬。所有該三處城門是日該班之官員及兵丁等俱著黜革。發遣吉林黑龍江兩處以示嚴懲。○諭軍機大臣等

前日拏獲突入禁城滋事各逆犯究出首逆劉真空即林清已在黃村拏獲訊據該逆供係八卦教今改名天理教其黨與散布各處磁州頭目係趙得一長垣頭目係賈士元羅文志鉅鹿頭目係楊遇山又饒陽南宮縣喜峰口並滑縣之大頭目劉玉澤馮克善各有五百多人等語。長垣滑縣賊首自己隨同起事其磁州饒陽鉅鹿南宮喜峰口賊匪仍伏而未動著章煦即選派妥幹員弁前往密訪嚴拏務將賊首緝獲訊明由驛速奏如有抗拒捕情事即飛咨溫承惠派兵勦捕就地殲除毋任竄逸勾結。○又諭首逆林清現經拏獲訊據供認八卦教今改名天理教人數衆多散布各處山東東昌府一路係李萬成為首曹縣一路係徐安輞為首德州一路係宋躍澄為首金鄉一路係崔士俊為首手下各有數百人等語。崔士俊業已正法。徐安輞已在長垣滋事其東昌之李萬成德州之宋

躍澤尚伏而未動。著同興即選派妥幹員弁分往東昌德州。不動聲色。密訪嚴拏。獲犯後。訊供由驛速奏。儻有抗違拒捕情事。即速調兵就地勦捕。毋任竄逸勾結。○又諭。前日據同興密奏。拏獲金鄉教匪張建木。訊據供稱。傳教大頭目劉惻明告知。這教山西最多。先收集山西多年。如今續收山東。其收西邊的人。係于克敬。係山西人。現在河南滑縣等語。又現在拏獲突入禁城滋事匪犯之總教首

林清供稱。八卦教今改為天理教。有艮卦頭目王道。澤在歸化城傳教等語。河南滑縣及山東定陶曹縣等處教匪滋事。連陷數縣。于克敬一犯。雖在河南滑縣。此時或潛回山西。其王道澤一犯。現在歸化城。著銜齡即速選派妥幹員弁。不動聲色。密訪嚴拏。務獲拏獲後。訊取供詞。由驛速奏。先須密為布置。不可使聞風蠢動。儻有糾約拒捕情事。著即派兵立時撲滅。毋任竄逸勾結。○又諭。本月十五

日突入禁城各匪犯。現已殲捕淨盡。其總頭目林清業已拏獲。訊據該逆供係八卦教。今改名天理教。散布各處。有乾卦頭目華姓。現在宣化府。兌卦頭目王忠順。現在潼關。坤卦頭目魏正中。現在安慶。著貢楚克扎布。朱勳。胡克家。即速選派妥幹員弁。密訪嚴拏。務獲拏獲後。訊取供詞。由驛速奏。務須不動聲色。將首逆擒獲。勿令聞風蠢動。儻有抗違拒捕情事。並著派兵立時撲滅。毋任竄逸勾結。○

又諭。賊匪傳教滋事。前在長垣滑縣等處。距京尚遠。曾經降旨。祇令將焚劫滋事者殲戮。務盡其無。知習教者。概置勿問。原憫其無知。寬以一線。乃本月十五日。該教首林清竟敢遣同教匪徒突入禁城。逞兇滋事。罪大惡極。為覆載所不容。其同教之人。天理滅絕。斷難望其改過自新。此時不可再存姑息之見。著同興於戕官滋事匪徒。帶兵痛加殲戮。其實係天理教之夥黨。查訪明確。即按名擒捕。審

訛按律治罪。惟嚴諭派委之員。不可濫及無辜一名。此時東省教匪俱責成同興一人辦理。該匪在定曹單三縣之間遊奕窺伺。奸詐叵測。同興恐各處竊發。內應所慮甚。是該撫當厚集兵力。一鼓殲擒。勿留餘孽。將此傳諭知之。○以捕賊奮勇。予乾清門三等侍衛伊勒通阿副護軍叅領諾木齊議敘。○以失察匪徒潛匿。革直隸通永道任烜職。○癸未上詣

壽皇殿行禮。○諭內閣。我朝定鼎以來。

列祖

列宗愛民如子。深仁厚澤。洽於寰區。朕繼承大統。保惠黎元。惟恐一夫不得其所。凡食毛踐土之倫。縱不能家喻戶曉。豈身享太平。亦竟忘其所自。乃本月十五日。忽有教匪七十餘衆突入禁門。將至大內。幸皇次子親執烏鎗。連斃二賊。逆黨始退。王大臣督率官兵殲除淨盡。仰賴

天

祖庇佑。渠魁就獲。餘孽悉平。越三日。朕由行在還宮。京城內外安堵如常。事定思痛。此實非常未有之變。寇賊叛逆。何代無之。今事起倉猝。擾及宮禁。傳之道路。駭人聽聞。非朕之涼德。何以致此。但諸王大臣同國休戚。今使皇子親執火器。禦賊於禁籞之中。諸臣其何以為顏返而思之。更何以為心乎。本日特於乾清宮召見諸皇子及諸王文武大臣。面加訓

諭。令王大臣等各殫忠竭慮。以匡國治。勿再因循怠玩。平日文恬武嬉。事至則措置失宜。事過則泄沓如故。素餐尸位。益重朕辜。夫涓涓不塞。將為江河。禍變之來。必有由致。不究其本。患將未已。諸王大臣及各言官。如能洞見致患之原。官常吏治有亟須整飭修明者。各據所知。剴切直陳。朕必衷而行之。若瑣瑣焉摘一事。改一例。博建言之名。以圖塞責。朕甚無取焉。將此通諭知之。又諭本月十五

日有賊匪突入紫禁城滋事。次日朕於行在接據留京王大臣奏報。不能深悉情形。恐賊黨衆多。潛匿市闐。當降旨飭令在京都統。前鋒統領。護軍統領。副都統等各於所轄地面逐戶挨查。昨日朕進宮時。見京城內外一切安堵如常。其日前滋事賊匪。早經殲捕淨盡。逆匪之總頭目林清。拏獲審訊。據供伊所遣入城謀逆匪徒。本祇數十人。除現已殲擒各犯。餘匪數人聞拏遁歸。俱經伊目見都城實

奏

奏

無遺孽。所有各旗都統等挨查地面之處。著即停止。自本日奉旨之後。如有藉口稽查擾累居民者。該管大臣查叅嚴懲。又諭。前因賊匪潛入禁城滋事。搜捕未盡。經留京王大臣等調派火器健銳各營官兵。分布禁城防範嚴密。並於皇城內外通派八旗官兵周布巡察。茲朕已進宮。京城內外安堵如常。餘匪捕獲淨盡。官兵自應酌撤。著派綿恩。哈迪爾查明原派在紫禁城安卡之內火器營官兵酌

分十分之四。暫留禁城內巡察。撤出十分之六。在皇城內暫時駐卡。其原派在紫禁城外之健銳火器營官兵。均即撤回原營。皇城外八旗官兵。著各撤歸本旗。又前因捕賊未淨。恐其乘閒逃逸。京師內外城各門。經王大臣下令嚴閉。此時賊氛全淨。無須戒備。禁城各門。著全行開啟。外九門除已開五門外。其餘各門。著於明日全開。照常以時啟閉。至稽察出入門禁。本應嚴肅。著護軍統領。步軍統領。

奏

奏

左右翼總兵。各率所屬慎密巡查。毋稍懈弛。又諭。國家熙績亮工。豈能以一人獨理天下。惟賴大臣等盡心翊贊。無曠厥官。方克收股肱心膂之效。朕眷念耆舊。臣工中宣力有年者。多不忍即予屏退。而陳力就列。不能者止。在臣子則當自權進退之義。古人七十致仕。雖平素才猷卓越者。精力就衰。即不肯貽誚素餐。況才具素本中平。年齒既邁。仍居高位。其職守所在。悉屬曠廢。而賢路轉因而阻。

塞現當整飭紀綱之時當先行於貴近大學士慶桂劉權之俱年老多病於所管事務不能盡職著均以原品休致慶桂從乾隆年間即任軍機大臣朕親政後仍贊襄機務前平三省邪匪與有勤勞加恩賞給全俸以養餘年劉權之曾經獲咎其年齒雖老在閣臣中資格較淺加恩給予半俸禮部尚書王懿修亦年力衰穉並著以原品休致○諭軍機大臣等京城內外照常肅清惟訊據該首逆林清供稱伊係天理教與滑縣長垣曹縣等處滋擾匪徒商同謀逆恐豫東滋事匪徒有潛遣來京探信之人或有前日禁城逃出之賊潛投該處入夥者不可不嚴加防範著章煦即飭沿途地方官員於行旅往來嚴密查察時刻留心如有形跡可疑者盤獲訊明由驛速奏○建陝西寧陝廳文廟學署從護理巡撫朱勲請也○以擒獲首逆林清擢把總田濤為都司番役頭目張

吉為守備均賞花翎番役高鐸徐勇祥為千總均賞藍翎恩賚有差○以頭等侍衛舒明阿為正黃旗蒙古副都統○贈江蘇因岑淹斃縣丞黃文華國子監學錄銜卹蔭如例○予福建陣亡千總鄭嘉惠外委張朝龍傷亡千總陳際唐祭葬世職額外外委王大中等二名兵丁范金爵等七百六十六名賞卹如例○予福建出洋淹斃千總許法把總金紳外委周國龍呂國魁祭葬卹蔭如例○予甘肅捕盜被戕外委陝有貴祭葬世職如把總例○旌表守正捐軀安徽宿松縣民吳少美妻但氏山東單縣民周存義女周氏守正被戕山東魚臺縣民謝映女謝氏甲申諭內閣朕即日駐蹕圓明園所有御園周圍堆搭應如何添派官兵之處著軍機大臣會同內務府大臣桂芳常福及管理圓明園八旗大臣妥議章程具奏又諭本月十五日有畿南亂民勾引太監突入紫禁城滋事當經官

兵職捕淨盡。賊匪總頭目林清經步軍統領派營弁番役四人立時擒獲。業已廷訊明正典刑。現在京城內外安堵如常。或有一二逃逸匪徒著步軍統領五城順天府及直隸總督派員留心緝拏。其京城及附近村莊概不許藉搜索為名擾累良善。如有讐扳誣陷等事查明按律治罪。匪黨已除。良民宜各安生理。毋相驚擾。將此旨刊刻謄黃。通行曉諭。知之。又諭紫禁城內暫設之內火器營兵六

實錄卷一百五

完

百名著各賞一兩重銀。銀一箇內徹出二百名暫回原營休息。其紫禁城外暫設之護軍九百六十名即著撤回原營。○又諭將攸銑奏暹羅貢船失火一摺。暹羅國因屆例貢之年。備表進貢。其正貢船在外洋失火焚燒。副貢船先已抵粵。著該督派員將現到貢使即行護送來京。將所存貢品十種呈進。其正貢船沈失貢物不必另行備進。以昭體卹。○諭軍機大臣等。本日溫承惠奏直隸長垣東明

開州三處賊匪俱在邊境滋擾。現已拏獲數十人。防堵尚易。惟河南濬縣有被攻之信。衛輝府城亦在危急。滑縣被賊占踞。另有千餘人分起屯聚偷渡衛河。山東賊匪現亦竄入金鄉濮州一帶等語。現在京城匪徒業已全數捕獲。溫承惠不必顧及京畿。惟當統率師千將河南山東一帶賊匪痛剿淨盡。刻下又據素納奏稱河南滑縣界內之賊多於長垣。其為首之犯似在滑縣之內等語。看來河南

實錄卷一百五

三

賊勢甚張。尤當先往痛剿。著溫承惠親統大兵隨路將直隸邊界肅清。即速馳赴河南與高杞約會。將滑縣濬縣及大伾山一帶之賊合力夾擊。務將賊匪就地殲除。勿使與山東之賊連合。滑濬之賊剿淨。即與同興高杞會兵將曹單之賊兜圍。一鼓殄滅。該督失察謀逆叛匪。其咎本重。部議革職。念伊正在帶兵。已加恩改為革職留任。溫承惠此時不必心懷疑懼。惟當一意勤賊。速成大功。尚可施恩。

格外也。○又諭山東曹定單三縣連被賊匪滋擾勢甚。鴟張前據該撫奏稱在曹州一帶厚集兵力。前往勦辦。日內調派之兵想已陸續到齊。可以剋期進兵。本日又據素納奏。訊據賊探供稱。山東定陶縣邵家樓居住之邵舉人不知何名。於本月初十日聚集二三千人。攻破定陶曹縣與滑縣之賊。並非一夥等語。賊匪中竟有舉人為首聚眾滋事。實出情理之外。是否武舉抑係文舉。係何名字。著同

實錄卷二七四

五

興查明具奏。至目前賊勢。豫省滑縣等處匪徒與東省同時犄角。已令溫承惠先辦豫省。其山東之賊。著責成同興即調集兵力。親自督率將賊匪痛加勦戮。如東境之賊辦竣。再馳赴豫省邊界。會同溫承惠高祀四面兜圍。將豫境賊匪聚而殲旃。毋稍稽遲。○又諭本日溫承惠奏各處探報賊匪情形。豫省賊勢甚屬鴟張。必應速為擒捕。刻下高祀業已馳抵豫省。著督率色克通阿將滑縣濬縣大伍

山一帶屯聚之賊。相機勦捕。俟溫承惠帶兵到豫。兩面併力夾擊。務將賊匪就地一鼓殲除。毋使蔓延為要。○吏部議處失察匪徒潛匿之直隸總督溫承惠等。分別降革。得旨。此案溫承惠劉鏞之費錫章於所轄地方失察匪徒潛匿。以致擅入禁城。經吏部分別議以革職降調。實屬咎所應得。姑念溫承惠現在帶兵著加恩改為革職留任。劉鏞之費錫章到任未久。著加恩改為降四級留任。○命御

實錄卷二七四

五

前頭等侍衛副都統銜蘇爾慎為領隊大臣。帶領火器營兵一千名。馳往直隸大名一帶。赴總督溫承惠軍營。副都統格布舍為領隊大臣。帶領健銳營兵一千名。馳往山東曹州一帶。赴巡撫同興軍營。○以定親王綿恩年近七旬。臨事亦無主見。革御前大臣領侍衛內大臣。以莊親王綿課為御前大臣。鑲黃旗領侍衛內大臣貝子奕紹為內大臣。○命協辦大學士松筠為大學士。仍兼伊犁將軍。協

辦大學士吏部尚書曹振鏞為大學士管理
工部事。戶部尚書托津。協辦大學士。賞還兩
江總督百齡。一品頂帶。命協辦大學士。調禮
部尚書鐵保為吏部尚書。工部尚書章煦。為
吏部尚書兼國史館副總裁官。以都察院左
都御史德文。為禮部尚書。禮部左侍郎胡長
齡。為尚書。吏部左侍郎周兆基。為工部尚書。
兼會典館副總裁官。轉吏部右侍郎吳烜。為
左侍郎。以內閣學士吳璥。為吏部右侍郎。轉

實錄卷一百一十五

七

禮部右侍郎汪廷珍。為左侍郎。以內閣學士
王宗誠。為禮部右侍郎。大理寺卿周系葵。詹
事府詹事鮑桂星。為內閣學士。兼禮部侍郎
銜。以鑲白旗蒙古都統明亮。為都察院左
都御史。調正藍旗滿洲都統莊親王綿課。
為正黃旗滿洲都統。鑲白旗漢軍都統鐵保。
為正藍旗滿洲都統。以署正白旗漢軍都統
和世泰。為鑲白旗漢軍都統。予獲匪被劫
致害河南滑縣知縣強克捷。祭葬。世職。如陣

亡例。○乙酉。諭內閣。移居盛京宗室。除前兩
起業經起程外。其第三起著停止起程。已領
賞項無庸追繳。裕瑞遵照前旨。即由盛京回
京。其查勘

實錄卷一百一十五

七

將豫境之賊。痛加殲戮。殺賊數千名。並生擒
百餘人。又據同興奏報。山東曹州之賊。亦被
官兵斬獲甚多。可見匪徒不過烏合之衆。指
日溫承惠等所調大兵雲集。即可撲滅淨盡。
所有昨派之火器健銳兩營兵二千名。著挑
出豫備。此時暫緩起程。祇令格布舍。蘇爾慎。
二人各帶巴圖魯侍衛四員。分赴豫東兩省。
幫同帶兵勦捕。其挑備之兩營兵丁。如豫東
二省續有奏請。再令慶祥。桑吉斯塔爾帶往。

○人諭紫禁城內現留內火器營兵四百名紫禁城外原留之外火器營健銳營兵各五百名撤回原營備挑著改派內火器營兵六百名在紫禁城外暫留守衛其八旗驍騎營兵無庸在禁門守衛著八旗各挑精壯兵一百名按照本旗方位於京城八門內駐守彈壓正陽門著派護軍營兵一百名駐守彈壓又諭台斐音奏報官兵連次痛勦賊匪濬縣圍解現在進攻滑城剋期收復各緣由一摺據稱本月十六日色克通阿率領將備行抵濬縣石羊村有賊匪百餘人迎敵官兵鎗礮齊發登時打死數十人。生擒二人。餘匪逃逸次日卯刻色克通阿督兵行三里許遇賊千餘人與官兵拒敵經叅將張拱辰陳弼直前搏戰賊衆驚潰官兵追殺三十餘里。殲賊六七百人。午後趕赴濬縣城外。該匪約有二千餘人。占據山梁縣城被圍。運河石橋阻隔復經叅將張拱辰陳弼奮勇先登。搶過石橋。

實錄卷二百五十五

五

賊人抵死抗拒官兵鎗箭齊發打斃賊匪一千七八百人擒獲活賊一百餘人濬縣圍城立解奪獲馬騾鎗刀旗幟甚多等語。所辦俱好豫境賊匪嘯聚搶劫茲官兵甫經接仗即將該匪殲斃二千五百餘人。生擒一百餘名。可見該匪等不過烏合之衆。經此番殄戮業已喪膽。指日大兵會集四面兜圍無難一鼓殲除。總兵色克通阿叅將張拱辰陳弼奮勉可嘉。色克通阿著交部議敘。張拱辰陳弼交部從優議敘。張拱辰陳弼著高祀查明該二人如向未得有翎枝俱著賞戴花翎以示獎勵。至摺內所稱此次打仗守城文武各官先已獎賞仍擇其尤為出力者另摺保奏官員効力行閒奮勉出力自當加之鼓勵但必須覈實辦理勿蹈從前軍營陋習稍涉瞻徇致令有功者屈抑無功者冒濫方足以服人心而勵士氣。所有出力各員著高祀確實查明開單保奏候朕施恩。諭軍機大臣等。現據

實錄卷二百五十六

五

獲賊朱成珍供詞內有逆匪定期於滑縣起
手後先搶汴梁之語開封省會地方關繫緊
要著高杞即飭知在城文武各員率領兵役
嚴加防範鎮靜彈壓勿稍疏虞○又諭本日
給事中陸泌奏請團練鄉勇以代賑濟以靖
地方一摺據稱現在賊匪滋事各州縣地方
均有保障之責恐城廂村堡不能遍為經理
乏食窮黎難免被賊煽惑請令各州縣設立
鄉勇以息附和等語直隸省南一帶及河南

實錄卷一百一十五

三

山東被災之區雖經撫卹賑濟但貧民乏食
者多現在賊匪滋事之時自當加意經理著
傳諭溫承惠高杞同興各飭所屬勸諭附近
村堡鄉民令其各自團練義勇剷挖溝濠自
相保衛免致被賊裹脅是亦堅壁清野之良
策但不許令各鄉勇隨同打仗又蹈從前流
弊也○軍機大臣會同刑部奏審出太監楊
進忠從逆得旨此案續獲從逆太監楊進忠
係由巡視南城御史及副指揮等偵捕嚴密

先行拏獲同謀之林四趙增從此究出楊進
忠俾要犯不致漏網實屬可嘉御史海齡給
事中陸泌御史曹恩綬俱著加恩賞給四品
卿銜副指揮汪忠增著加恩賞給六品升銜
其緝獲該犯捕役查明每人各賞給銀三十
兩以示獎勵○湖南綏靖鎮總兵官海麟奏
臣因陞見進京路經衛輝知滑縣等處匪徒
滋事情願隨同署撫臣高杞帶兵勦辦報可
○除江蘇丹徒縣沿江被淹田十三頃八十

實錄卷一百一十五

三

三畝額賦

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百七十四

實錄卷二百七十四

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百七十五

此係清高宗皇帝御製實錄卷之二百七十五

此係清高宗皇帝御製實錄卷之二百七十五

此係清高宗皇帝御製實錄卷之二百七十五

此係清高宗皇帝御製實錄卷之二百七十五

此係清高宗皇帝御製實錄卷之二百七十五

教修

嘉慶十八年癸酉九月丙戌

上廷訊首逆林清逆黨劉進亭太監劉得財劉

金悉凌遲處死並傳示林清首於直隸河南

山東賊匪滋擾地方○諭內閣本月十五日

天理教逆首林清潛遣夥黨勾結內監伺朕

未經迴蹕之際突入禁門謀逆將及大內經

皇次子用鎗擊斃二賊王大臣等帶領官兵

將賊匪以次殲捕淨盡首逆林清潛伏黃村

步軍統領衙門遂派官役立時擒獲連日派

軍機大臣會同刑部徹底研鞫本日朕復親

自廷訊已將首逆盡法懲治寸磔傳首從逆
匪犯一併駢誅現在指名擒捕者不過一二
醜黨無難剋日緝獲按律懲辦賊匪事起倉
猝實屬非常鉅變今數日之間渠魁就戮餘
孽悉平都城內外安堵如常此皆仰賴

天

地

宗

社神靈默佑迅賜平寧朕感荷

厚恩不能言喻敬與中外臣民同承禔福謹於

孟冬朔日蠲潔祀謝遣儀親王永璘代祭

天壇遣成親王永理代祭

地壇遣慶郡王永璘代祭

社稷壇

太廟本值時饗之期朕躬親行禮虔申昭假用

答

鴻慈所有一應事宜著各該衙門敬謹豫備○

又諭國家撫御寰區百數十年來溥海蒸黎

畏神服教凡有血氣莫不尊親乃本月十五
日近郊忽有逆賊數十人突入禁門謀逆此
實意外之變經王大臣等派兵殲捕馳奏行
在朕於途次聞有逆賊數人潛逸京外之黃
村及董村等處此等助惡逆犯覆載不容若
不盡數誅夷不足以彰國典因派拉旺多爾
濟等帶兵掩捕官兵未至董村即望見該處
火起延燒拉旺多爾濟等到彼撲熄詢悉在
逃逆賊縱火焚燒乘間四逸而良民猝見兵

火亦不免驚怖奔逃有輾轉溝壑者此外兵
役搜捕想各居民亦不無驚擾因逆賊而累
及良民朕思之轉為之不忍現在就獲各逆
犯俱經嚴訊伏法首逆劉林即林清本日廷
訊盡法懲治寸磔傳首其妻子親屬等均一
一按名捕獲照律緣坐鉅案已結毫無株連
念附近良民因此等奸宄滋事聞致失所朕
斷不肯因近郊有數十莠民稍減愛憐赤子
之心著施恩將大興宛平二縣本年應徵錢

糧全行豁免以示憫卹。現在近畿各處仍恐有一二餘犯在逃。尚須嚴密偵緝。已嚴諭官吏等確訪指名擒捕。不許波及無辜。百姓等毋得聞風驚懼。自形紛擾。惟當感激朕恩。安靜守法。勉為善良。共享太平之福。其或冥頑不靈。受人愚惑。甚至有隱匿奸黨。一經官吏訪獲。必從重治罪。不貸。將此刊刻謄黃通諭知之。○又諭本月十五日在內直日之署護軍統領楊樹曾業已革職發遣。是日禁門直

班官員兵丁等俱係鑲黃旗護軍營。該管護軍統領明志平日訓練無方。致兵丁不能禦賊。亦有應得之咎。明志著即革職。其蒼震門東華門西華門該班官員兵丁等查明捕賊被戕者著加恩照陣亡例賜卹。捕賊受傷者准其將功抵過。餘俱著交刑部分別治罪。○又諭本月十五日首逆林清潛遣逆夥數十人突入禁城滋事一案。嚴訊現獲賊犯。據供太監內竟有逆賊六人與謀引路。其引賊

入東華門者係劉得財。劉金二犯引賊入西華門者係張太高廣幅二犯。又王福祿蘭進喜二犯在內接應。續據南城御史緝獲賊夥林四。又究出楊進忠一犯。亦由西華門引賊入內。該逆賊等罪惡滔天。為從來所未有。除高廣幅一犯於是日經官兵殲斃外。其劉得財等六犯俱按名捕獲。無一漏網。連日軍機大臣會同刑部研究。本日朕親自廷訊。盡法處治。逆賊劉得財等堅供此外再無通同謀

逆之人。復嚴詰首逆林清。亦堅供在內同謀。祇此七人更無餘黨。所有本日執事站班文武大小各員人人聽聞。供情毫無疑義。即將各犯凌遲處死。太監等充當差使等級懸殊。凡近御者皆馴謹誠樸之人。此案逆賊七人平日所當差使俱極疏賤。從未見過。不知姓名。僅於宮內看守門戶。從無一名曾隨赴御園者。宮中所留首領曉事者少。平日約束懈弛。聽伊等告假閒遊。致令交結外人。甚至如

廣寧門馬駒橋等處數十里之外任其恣意往還聽從賊匪糾約謀逆以致釀成巨案本日朕嚴詰該逆賊謀叛之由皆俛首無可供吐復訊以朕平日有無苛待伊等之處該逆賊供稱素來天恩寬厚近日復又加賞錢糧更有何銜怨之處尚口稱佛爺不置是該逆賊等全係被外間匪徒迷惑至死不悟而任其出入自便該首領等疏懈之罪實無可辭嗣後嚴諭總管首領太監等俱不得任各處

太監藉詞告假獨自私出禁門其有不得不暫時給假者並著該首領太監查問確實限以時刻必須兩三人同行方准放出如違除本人治罪外將該管首領太監一併治罪至此數犯梟獍性成本非常有現在訊問明確別無同黨之人此外各太監等當感戴主恩照常當差安靜守法不必心生疑畏儻有狡誦之徒挾嫌誣扳查明從重治罪斷不寬及無辜將此旨交總管內務府大臣轉交總管

太監通諭各等處太監知之並著載入宮史○又諭百齡等奏八月二十九至九月初九等日江境上游黃沁等河同時異漲其睢南薛家樓及桃北丁家莊漫水俱經掣通刷缺適因河水陡落亦已乘勢補築完善等語江境薛家樓丁家莊兩處刷缺之處已搶堵斷流自因上游睢州漫口掣溜旁趨得以迅速堵合其不能先事豫防之總督百齡著河道總督黎世序著交部議處該管廳營各員弁

著該督等題奏所有補築漫口工程即責令分賠示懲○諭軍機大臣等百齡奏准同興咨會直隸長垣縣匪徒滋事已竄赴東省曹州一帶當即飛飭各鎮將選派弁兵於江蘇安徽兩省交界地方分路協防該督並就近選帶標兵馳赴徐州相機籌辦所辦甚是東省曹單一帶匪徒向東南竄擾與江境地界緊相毗連如或賊匪被勒緊急有竄入江南信息該督即添調弁兵相機勦辦勿令賊匪

一名闖入江境將此傳諭知之○又諭總兵陳廣寧帶兵防賊因同興尚未到彼將曹州一帶現在賊情奏報尚無不合此後同興到彼則一切勦捕情形均應由同興具奏該總兵不許列名以符體制此時該總兵帶兵有限祇可防守曹州府城不必以有限兵力冒昧擊賊不能制勝轉挫銳氣同興現調各路官兵計已到齊該撫即親自督率將賊匪併力兜擊務期一鼓撲滅毋稍蔓延將此傳諭知之○丁亥

上命

皇次子智親王諱皇三子綿愷詣

昭顯廟

時應宮拈香○諭諸王大臣逆匪突入禁城實非常之大變今雖首逆伏誅餘黨就戮閭閻安輯城市如常此正我君臣卧薪嘗膽之日永懷安不忘危之念勵精圖治夙夜在公庶幾補救前非仰承

天眷因思十月初六日為朕壽辰國家典禮自初三日至初九日俱穿蟒袍補褂正日御正大光明殿受賀此定例也今歲突遇此禍若仍照常年典禮而行朕實無顏受賀况軍書交馳邪氛未靖尚有何心宴樂乎非博虛名實無暇也向年俱進如意即日回費原上下聯情之意耳今遇大不如意之事豈可復行呈進朕不見此物轉覺心不安見物思名益增煩悶矣今酌省繁文副予警惕之念諸王大臣愛戴之忱仍可得伸著於初五初六初七三日穿蟒袍補褂初六日朕御乾清宮皇子諸王貝勒貝子公文武頭品大臣二品內廷行走諸臣御前侍衛乾清門侍衛俱在乾清門內行禮二品文武大臣三四五品京堂俱在保和殿階下向乾清門行禮除此俱在本衙門行禮作樂排儀仗照常不必宣表行禮後朕酌簡數人進寧壽宮入座賜宴勉盡一日之歡而已至歲朝禮節一切如常彼時亦

不矯情刪改。此次壽辰實無心緒。爾諸臣勿行奏籲。副朕苦衷。為是特諭。○諭內閣成寧奏條陳時務一摺。所有八旗閒散挑選團練一條。著八旗滿洲都統詳查議奏。挑補步甲兵丁宜覈實辦理一條。著步軍統領等查照舊章妥議具奏。其請於直隸河南山東浙閩兩廣五省差觀風整俗使巡查一條。於實政無益。各省吏治民風因循廢弛。豈一二使臣所能化導轉移。若所差不得其人。轉滋流弊。

所奏毋庸議。至言官條奏雖經部駁。請准其復奏一條。斷不可行。各言官條奏事宜。有經特旨准行者。有交部議者。部臣議准議駁。允當與否。仍經朕裁定。若既駁後仍令該言官復行申辯。曉曉終無已時。成何政體。所奏毋庸議。○以內閣學士果齊斯歡為兵部右侍郎。○調鑲黃旗漢軍副都統果齊斯歡為鑲黃旗滿洲副都統。以鑲白旗漢軍叅領董連第為鑲黃旗漢軍副都統。○以京營右翼總

兵英綬兼鑲黃旗護軍統領。○戊子。上御乾清門聽政。○遣官祭。

歷代帝王廟。○禮親王昭槤等奏請於萬壽聖節前後初三初四初八初九四日俱穿補服。初十日。

皇后千秋令節。擬穿蟒袍一日。得旨。勉從所請。實深愧憤。初十日不必穿蟒袍。稍示區別。願諸王大臣清夜捫心。究竟欲作何等。成何等事業。三思而行。勿甘暴棄。朕亦無顏瀆告。

矣。○以詹事府少詹事寶興翰林院侍讀學士黃鉞為內閣學士。兼禮部侍郎銜。黃鉞仍留山東學政任。○己丑。諭內閣高杞奏濬縣賊匪經前次官軍殲擒數千名後。餘匪竄回道口滑縣等處。連日仍敢前來窺伺。該署撫督同色克通阿張拱辰陳弼帶領備弁兵丁鎗礮齊發。賊匪抵死抗拒。官兵奮勇直前。殲斃賊匪三百餘人。生擒六十一名。奪獲騾馬器械甚多。搜出冊檔四本。首頁開載有後天

祖師林清字樣提犯嚴審內蔡成功一犯衆賊呼為蔡四大王其偽職即係林清所封。潘滑一帶聽伊勾結調遣並有被獲之徐夢林一犯亦受林逆偽封宰相該署撫於審明後即將該犯蔡成功等臠割示衆等語高杞於馳抵豫省即督率將弁奮勇殺賊生擒受賊偽職之著名賊目蔡成功徐夢林等審明正法並搜獲賊黨冊籍甚屬可嘉高杞著交部議敘潘縣知縣朱鳳森經賊匪屢次攻城該

縣守禦完固並將城內奸細查拏正法以絕內應朱鳳森著加恩賞加同知銜先換頂帶以示鼓勵○又諭據弘謙等奏於馬蘭峪迤東南新城地方盤獲形蹤可疑太監解交刑部審訊一摺所有拏獲匪犯之總管魁綿郎中文勇員外郎舒明阿雲騎尉品級章京雙喜俱著交部議敘校尉方文儉馬甲常壽保賽寧阿達星阿著每人各賞銀十兩即在本處庫帑支給其盧喜一犯交刑部歸案嚴訊

○又諭本日福慶條奏防守稽察各章程一摺各城門原有額設該班官兵現又添派護軍營及八旗官兵於九門駐守彈壓著各旗營大臣認真選派精壯官兵毋得以老弱充數禁城出入人等皆應稽查嚴密各館供事人等均有例給腰牌著內務府太臣以實查覈毋任弊混堆撥柵欄以時啟閉徹夜支更悉屬舊制近年積久廢弛甚至步軍缺額虛冒錢糧不敷撥派差使實屬懈弛著步軍統領等實力整頓儻有仍前怠玩著嚴參究辦其鋪面庵觀寺院著交步軍統領衙門順天府五城認真稽查近畿各州縣著交順天府轉飭各該州縣實力編查保甲庶令奸匪無所容留以靖地方而安良善○又諭御史孫升長條陳一摺國家設兵以資捍衛戰守之備全賴軍器精良乃承平日久各營兵大臣一任廢弛竟至軍器缺額或敝壞不堪不足以彰武備著各該旗營大臣將所屬官兵軍

器實力點驗。悉令補製足額。經此次訓飭之後。儻軍器再有缺額損壞者。一經查出。必將該管大臣從重治罪。兵數缺額。虛冒錢糧。最為營中積弊。現當整飭之時。內外統兵大臣。督撫提鎮。務當各矢天良。實心稽察。儻有仍蹈故轍者。查出嚴叅究辦。門閹譏禁。所以防奸。近日門禁廢弛。已極。著步軍統領衙門。轉飭所屬實力稽查盤詰。仍不得藉端需索。以安行旅。內監交結匪人。總由告假出外。得有

暇隙。著內務府大臣詳議規條。務令防微杜漸。以絕奸萌。奏准實力奉行。永遠遵守。○諭軍機大臣等。據和寧奏。查勘大凌河養息牧曠地。初年試種。著有成效。一摺。大凌河東岸一帶。及養息牧空曠廠地。經該將軍等派員劃定地界。分投試種。現在大凌河一處。墾成熟地五十頃。計四年加墾。可得熟地一千頃。養息牧河一處。墾成熟地一百六十八頃。計五年加墾。可得熟地八千四百頃。該旗佃等

甚為踴躍。和寧辦理此事。一年已有成效。著即循照辦理。自可冀地利日闢也。○又諭。刻下官兵四面兜剿。賊氛不日即可殄滅。念各處脅從附和之衆。本係鄉愚。被賊匪誘惑。著溫承惠高杞。同興於附近州縣村莊。廣行出示曉諭。以首逆林清倡立邪教。圖謀不軌。該逆黨奉若神明。及破案時。不過二三捕役。即刻鎖繫送獄。身罹寸磔。現將該犯首級傳往豫東一帶懸竿示衆。可見鬼蜮伎倆。不過自

取誅滅。現在滋事匪徒。渠魁已戮。悉皆喪魄亡魂。不難剋期殄滅。其無知鄉愚。平日為邪說所誘。及臨時被其裹脅者。此時當深明利害。自顧身家。或能立時悔悟。據實首明。尚可貸其一死。或先行解散。各歸鄉里。亦可概免誅夷。若冥頑不靈。始終從逆。指日大兵雲集。悉數翦除。無能脫者。禍福兩途。惟其自取。該督撫等多張告示。如此明白曉諭。賊衆中兇狡者必聞而股慄。愚懦者必相率解散。賊黨

漸孤於勦辦當更易為力也將此傳諭知之○又諭同興奏逆匪現在附近曹定一帶分作三股聚於該境之牛家集何家樓驂山等處該撫一面飛催在後各起官兵並續調青州駐防兵二百名仍使兵力歇足以期一鼓撲滅等語同興於二十一日已到曹州此數日內所調官兵亦應到齊著即督同將弁將屯聚賊衆迅速勦捕勿任賊勢散漫致延時日為要其所請令朱錫爵前往東昌辦理軍需一節刻已降旨派文孚馳赴東昌會同朱錫爵經理同興一面劄知朱錫爵起身前往俟文孚到彼與朱錫爵議定章程交文孚駐劄東昌督率妥辦山東省城緊要即令朱錫爵回省彈壓將此傳諭知之○又諭章煦奏稱接據東明縣稟報有賊匪裏脅良民向西奔竄等語豫省賊匪現在衛輝滑縣一帶屯聚今直隸東明之賊向西奔竄必係與衛輝等處之賊聯合楊遇春此時由潼關進發衛

輝係必由之路著探明賊匪所在會同豫省官兵迎頭截勦勿令奔逸計溫承惠彼時大營亦必相距甚近楊遇春逼賊東向正可與溫承惠將賊匪一鼓殲除再接辦東省賊匪以次肅清毋稍稽遲將此傳諭知之○又諭直隸保定河間一帶章煦務時刻留心相機鎮撫並督辦軍火糧餉各事宜毋稍缺誤該督探有豫東邊境情形仍隨時具奏將此傳諭知之○命二等侍衛文孚馳往山東東昌會同布政使朱錫爵經理糧餉○命署古北口提督馬蘭鎮總兵官福長安選兵六百名赴總督溫承惠軍營隨同勦賊○除江蘇昭文縣民捐義冢田十畝額賦○緩徵山東德平平原清平館陶冠恩惠民青城商河樂陵汶上嶧陽穀武城濟寧嘉祥鉅野曹定陶鄆城城武范觀城朝城單金鄉魚臺博平任平堂邑濮邱厯城章邱齊河齊東禹城臨邑長清三十九州縣並德州臨清東昌濟寧西衛

被旱村莊新舊額賦○庚寅

孝慈高皇后忌辰遣官祭

福陵○頒

硃筆盡心竭力仰報

天恩諭曰九月十五日之變史冊所無我君臣相率怠玩於平時方罹此重罰幸承

天

祖垂佑雷厲風行大逆立誅餘邪漸熄若仍諸事怠忽苟且依違是自作孽不可活矣只知

私家為重國事為輕誠昏愚之極矣有國然後有家國破家豈能存保國斯能保家一定之理也為今之計密訪以滌其源安良以杜其隱譬諸虎狼噬人焉能絕其種類曳尾潛逃亦可網開一面矣以仁心化天下尚有此等逆徒若專事殘暴禍不旋踵而至

上蒼斷不保佑可不畏乎自今各思盡心竭力保國保家平日恩怨勿借此有事之秋先圖報復先公後私正心為主先本後末安民為

急也邪教之起匪伊朝夕操刀犯闕詭計有

年州縣懼千處分隱忍姑容養癰貽患至於如此試問地方大小官員何國之人則曰大清國之人也問其祿則曰君上所賜也問其

職守則曰我不知也或曰與我何涉也朕用是寒心況本無才德之主而庸碌者居半實

心保國之臣力不能敵深可悲也諸臣各盡乃心各竭乃力辦實事與朕看庶幾仰答

天恩轉禍為福在此寸心耳勉聽朕言願同朕

志特諭中外文武知之○軍機大臣等奏查明本月十五日傷亡及受傷各員名得旨覽奏實深哀憫那倫等四十一員名俱照陣亡例賜卹觀定保等六十員名俱照軍營受傷例給賞○辛卯諭內閣儀親王奏請無庸增設團練一摺所奏甚是國家養兵之道在精而不在多現在八旗及前鋒護軍健銳內外火器步軍各營額設之兵數本不少惟在訓練嚴明技藝精熟悉成勁旅自足備干城腹

心之用若另議添設團練既於營制不協徒增糜費於守衛鎮撫毫無裨益所有成寧前請八旗挑選團練之處著無庸議○諭軍機大臣等據同興奏鉅野縣知縣王朝恩於所屬田家集地方殺死拒捕賊犯二名拿獲匪犯李忻登等十五名內馬朝棟一名訊係曹縣戕害縣官姚國旃之犯現已先將該犯凌遲處死等語逆犯馬朝棟手刃縣官不法已極今於竄逸後即被拏獲予以寸磔可見該

逆等罪大惡極天理不容此等兇逆匪徒應手就獲天道助順看來逆匪必可迅速剷平該撫當思一戰成功不待吉林黑龍江官兵到彼已將全境肅清方為實心任事之大臣現據該撫奏稱曹定匪徒人數雖多被脅者衆已出示遍諭令其及早投誠予以生路所辦甚是該撫於臨陣對敵時飭知領兵將弁如係白布纏頭及腰繫白巾持械抵禦之賊即痛加殲戮若脅從之衆或降或竄不妨網

開一面不可妄殺被脅良民使其無路可歸轉與賊衆結成死黨至接仗之時匪徒蜂聚毫無紀律其器械不全所最畏者火器官兵宜令烏鎗在前迎頭轟擊自能所向克捷但當於賊匪臨近鎗力可到之處始行打放並嚴禁鎗口向高鉛彈虛發方能發必中的賊衆一經鎗斃無不轉身奔逸再令弓箭刀矛併力齊施何難一鼓殲除該撫若能勦殺多賊得有大勝仗即由六百里馳奏但不可以

少報多以輕報重蹈從前軍營陋習即保奏出力人員亦當擇其打仗立功實係奮勇者覈實保奏無稍冒濫將此傳諭知之○又諭據溫承惠奏稱探有山東賊衆三千餘人竄入滑濬一帶拏獲賊犯據供該匪等有欲行入山之語現札會高杞派兵堵禦等語河南衛輝西北附近太行山與山內澤州潞安兩府地方在在毗連該處山徑紛歧如賊匪乘隙竄往勦辦更為費手著衛齡飭知該處文

武員弁先事國防。凡卡隘處所。悉留心堵禦。大同鎮總兵張績。久歷戎行。派令選帶弁兵。前往山外扼要處所駐劄。如有賊匪竄近。即迎頭勦擊。勿令一名闖入山內。○又諭豫省賊匪。現在衛輝滑縣一帶屯聚。衛輝迤西係懷慶洛陽接連陝州。其迤北由彰德近接太行界連山西澤潞。恐賊匪狡計百出。乘間四竄。那彥成接奉連次諭旨。自己由蘭州起程。著迅速行走。帶領西安馬隊官兵。探明賊蹤。迎頭截勦前來。毋稍稽遲。○命服闋總兵官劉榮慶暫充京營額外總兵。在前三門外駐劄。○命吉林副都統德寧阿。色爾袞帶兵一千名。黑龍江副都統蘇青阿。達斯呼勒岱帶兵一千名。由京分赴河南山東軍營協同勦賊。○裁翰林院筆帖式四員。添設步軍統領衙門筆帖式四員。從步軍統領英和等請也。○調浙江衢州鎮總兵官呢瑪善為河南南陽鎮總兵官。南陽鎮總兵官納爾松阿為衢

州鎮總兵官。○旌表守正捐軀直隸天津縣民祁遇春妻高氏。○免直隸長垣開東明三州縣未完新舊額賦及口糧倉穀。○上以孟冬時享。

太廟自是日始齋戒三日。○壬辰。

孝敬憲皇后忌辰。遣官祭。

泰陵。○諭內閣。那彥成奏孳生馬匹。因災倒斃。虧額無著據實參辦一摺。已里坤孳生馬匹。偶被風雪。何至凍斃二千七百七十餘匹之

多。點查皮張。又復短少。恐有捏詞抵飾情弊。所有總理東廠護遊擊守備龍九成。經牧廠五羣外委千總訥恩德布。俱著革職。如已提至蘭州省城。著長齡秉公審辦。如尚未解省。即交松筠就近審辦。○諭軍機大臣等。豫省賊匪。現在屯聚滑濬一帶。亟須兵力勦辦。著富僧德即將挑出馬隊官兵一千名。帶領迅速馳赴河南滑濬一帶。高杞軍營幫同勦捕。其另備官兵一千名。著穆克登布等挑選。

齊全並豫備軍裝等項。一俟那彥成行抵西
安。即交與統率前赴河南督勦。穆克登布與
額勒金泰應留駐西安鎮靜彈壓。毋庸請赴
軍營。將此傳諭知之。○又諭。本日據高杞奏
稱滑濬一帶屯聚賊匪。約有二萬人。其附近
村莊尚多潛匿。豫省兵力單弱。不敷勦辦。現
已有旨傳諭富僧德先帶西安馬隊官兵一
千名。馳赴高杞軍營。幫同勦捕。並諭穆克登
布另派西安兵一千名。豫備軍裝等項。那彥
成行抵西安。即自行統率續派官兵。或添調
綠營兵五百名。一千名。徑赴河南滑濬一帶
相機進勦。彼時溫承惠軍營亦近在該處。那
彥成即接受欽差大臣關防。總統辦理。將此
傳諭知之。○又諭。前派徐州鎮總兵沈洪帶
兵一千名。在江南山東交界防堵。現在百齡
已親往徐州一帶相機防禦。著沈洪即統領
原帶兵一千名。迅赴同興軍營。幫同進勦。同
興處又添此一路兵力。聲勢壯盛。務即親身

督率向賊匪屯聚處所痛加勦洗。毋再遷延。
觀望。致令賊勢日張。將此各傳諭知之。○命
工部右侍郎護軍統領慶祥。乾清門侍衛副
都統桑吉斯塔爾。帶領外火器營兵五百名。
副都統長慶。積德。帶領健銳營兵五百名。
赴溫承惠軍營協同勦賊。○以烏魯木齊都
統長齡為陝甘總督。前任伊犁將軍晉昌為
烏魯木齊都統。○撥長蘆運庫銀二十萬兩。
解往直隸省城。以備軍需。○癸巳諭內閣。日

前奸民突入禁門。仰賴

天

地

宗

社靈佑渠魁就戮。餘孽肅清。朕欽感

鴻慈。涓吉於十月初一日。虔申告祭。前降諭旨

甚明。並令翰林院特撰祝文。敬達祀謝之忱。

乃太常寺拘泥。是日為每歲時饗之期。於

太廟後殿用新撰祝文。

太廟前殿朕躬親告祭轉沿用時饗祝文實屬昏愎錯謬該衙門二十八日具奏之摺前祇聲敘告祭所用祭品其於恭讀祝文並未明白請旨非尋常錯誤可比太常寺堂官俱著交部嚴加議處速具摺奏不許稍遲時日德文著先摘去頂帶聽候部議尋議禮部尚書兼管太常寺事務德文太常寺卿書興朱紹曾少卿舒寧鮑勲茂均應革職從之○又諭董誥等遵旨查明蒼震門東華門西華門各

該班官兵於賊匪突入滋事時不能堵捕分別定擬一摺所議俱是各官兵直班禁門稽查出入乃於賊匪闖入時不能抵禦擒縛任令突入禁垣其罪甚重但其中亦有差別當賊匪突入東華門時東華門官兵均曾上前撲捕立將門扇扃閉在後賊匪不得續入現在審訊逆犯搶入東華門者不過四五人是該官兵尚知奮力防守惟不能捕禦淨絕究屬懦弱所有東華門該班之副叅領雙福護

軍校真武保雙全均著革職護軍巴彥圖官紹傳森布泳恰布全泰崑崙保鍾安瑪達春雙祥富清阿德克金布富克精額嚴喜那林均著責革原擬發往吉林當差之處著加恩寬免其西華門該班官兵若亦如東華門之奮力撲捕賊匪縱或闖入為數無多易於擒殲亦可寬減其罪乃該官兵等疏懈畏愆致賊匪擁進數十人之眾禁門被賊先行闖閉在內滋擾其罪無可末減所有西華門該班

之副叅領雙全護軍校達哈布均著革職護軍八十九忠貴德成富桑阿舒靈阿長慶春和常年常保住長麟多隆武伊克敦布那清阿倭陞阿那林保賡音額偉格海祿達興等均著革退並照原擬先行枷號兩箇月發往黑龍江當差至蒼震門切近內廷該班官兵責任尤重乃不能竭力抵禦至賊匪闖入二名本罪無可寬姑念人數眾多概真重典朕心不忍所有蒼震門該班之副叅領齊欽護

軍校明崑堪明均著革職護軍福珠隆阿富倫保鎖住。闡隆瑞長榮泰依靈阿凌佳得勝保岳得福保訥蘇肯海長均著革退。原擬絞決著從寬改為絞監候。入於本年朝審情實。○又諭御史恒麟奏敬陳管見一摺。滿洲蒙古驍騎營護軍營向俱設有鳥鎗。自設立內外火器營將各營鳥鎗裁撤。今該御史奏請仍令兼習鳥鎗。著八旗滿洲蒙古都統護軍統領會議具奏。內外火器營火藥火繩係按季支領。八旗漢軍於開操前期計日支領。鉛彈則計數支領。向無餘存。有鎗無藥。又無鉛彈。譬諸有弓無箭。同歸無用。應如何酌支存貯備用之處。著該旗營速議具奏。不可遲延。京城內九門。外七門。額設兵丁為數無多。應酌撥增添若干名。著兵部步軍統領衙門會議具奏。至所稱文武疏防一條。文武地方官所轄境內。如有惑眾不法之徒。該管官能查出究辦。准其將功抵過。其始終諱匿不舉者。

事發從重治罪。如此顯為區分。規避之弊。可除。轉免致養癰貽患。著吏兵二部將舊例酌為變通。寬小過而收實效。奏明頒發直省一體遵行。○又諭昨都察院奏據革職應行發遣之盧溝橋巡檢陳紹榮呈控。本月十三日訪有宋家莊匪徒滋事。十四日曾經報縣請拏等語。當令劉鏞之費錫章秉公明白回奏。本日劉鏞之等奏稱陳紹榮於十四日將宋家莊匪徒滋事稟報宛平縣。該縣於十五日已刻至順天府署面稟該府。該府尹等當即差探差役未回。俄頃已報東華門有匪徒突入等語。首逆林清在宋家莊潛匿滋事。分遣逆匪等於三十四等日進城。當該巡檢報縣之日。逆匪等先已潛入京師。迨該縣面稟府尹時。已將在逆匪突入禁門之際。該巡檢何能以臨期一稟。該過上官情節甚屬刁玩。陳紹榮著先行枷號一月。滿日仍著發往伊犁効力贖罪。發遣之已革宛平縣知縣陳

鉅釧亦毋庸截回。○諭軍機大臣等。安省額毫所屬地方。在在與豫省毗連。鳳陽府屬之宿州。接壤徐州。亦與東省密邇。現在豫東二省賊匪屯聚。濬滑定曹一帶。各路官兵四面雲集。一經勦殺。該匪等勢必紛紛四竄。胡克家現飭知署壽春鎮帶兵一千名。前赴交界處所分駐防守。本任總兵喀勒吉善。已令星馳回任。該撫惟當督率地方文武各官。加意巡防。無令賊匪一名闖入境內。安省額毫一

帶地方。民情素稱犷悍。該撫當時刻留心鎮靜。彈壓為要。將此傳諭知之。○軍機大臣會同步軍統領議覆。御史程贊寧奏稽察京城內外章程一。請多設兵衛。查紫禁城內外。及京城九門。現已奉旨暫派內火器營八旗驍騎營及護軍營各兵分駐。毋需添撥。惟所稱派統領大員督率之處。應如所奏。請編查保甲。查順天府五城所轄地面甚廣。應令分別旗民造冊編排。並刊刻簡明條約。使人易

曉。嚴禁胥役藉端苛擾。其步軍統領所屬官兵。尚有稽查居民之責。應仍照舊例辦理。請令各城營汛司坊。夜間實力巡查。堆房柵欄。責成官兵看守。巡緝應如所奏。至所稱令官宅民居鋪戶每家各出一人。於所住各街徹夜巡更。查按戶派人。無所統屬。於巡緝無益。轉令兵役藉口偷閒。且此內單丁貧戶。未免苦累。窒礙難行。又所奏門禁宜嚴。現已奉旨。勅令實力稽查。亦無庸議。至圓明園增設

兵衛章程。本年十月。

聖駕暫緩臨幸。容臣等察看情形。再行議奏。從之。○調工部尚書成寧。為禮部尚書。兼鑲藍旗漢軍都統。以步軍統領領英和。為工部尚書。○賞廣寧門外普濟堂煮賑小米三百石。○是月直隸按察使慶格。以失察匪徒潛匿。奏請交部嚴加懲處。批。總朕之咎。罪汝何益。但京中如此大變。通省文武。將來史冊為何等樣人。惟有盡一分心力。贖一分罪耳。無可再

諭矣。此旨通諭道府知之。○新授山東學政黃鉞奏謝得旨。山東士習宜加整飭。下帷讀書者少。包攬公事者多。勉力教誨。勿專以文章為事也。試思學政為名政者正也。正人心厚風俗之責。非淺鮮也。汝人品學業朕所深知。從此循分做去。自能永承恩澤。大吏官聲民間疾苦。隨時密奏。切不可隱飾。但須字字切實。勿以風聞塞責。誌之。特諭。又批朱錫爵才勝於德。汝應念石君師傳之舊恩。時加訓誡。毋忽。此一節。傳諭朱錫爵令伊回奏。

實錄卷二百七十六

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十五

實錄卷二百七十五

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十六

監修總裁官禮部尚書禮部侍郎等奉 上諭奉 慈禧端佑康頤昭豫莊誠壽恭欽獻崇熙皇太后 諭旨

奉 上諭奉 慈禧端佑康頤昭豫莊誠壽恭欽獻崇熙皇太后 諭旨

奉 上諭奉 慈禧端佑康頤昭豫莊誠壽恭欽獻崇熙皇太后 諭旨

奉 上諭奉 慈禧端佑康頤昭豫莊誠壽恭欽獻崇熙皇太后 諭旨

奉 上諭奉 慈禧端佑康頤昭豫莊誠壽恭欽獻崇熙皇太后 諭旨

教修

嘉慶十八年癸酉冬十月甲午朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

孝東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十九年時憲書

諭內閣據高杞奏蘭陽縣知縣童泰初稟

報該縣北岸村莊有匪徒焚掠難民男婦二

千餘名逃至渡口該縣全行渡至南岸恐有

匪徒涸跡在內嚴行申飭等語難民被賊奔

逃如果查驗確實自應撫卹今黃河北岸正

在勦賊緊要之時童泰初不辨虛實率將二

千餘人渡赴南岸實屬冒昧童泰初著革職

枷號河干示儆並著高杞通飭瀕河州縣實

力盤查勿稍疏懈○諭軍機大臣等雖汛漫

口工程自應剋期堵合但興舉大工必須鳩

集人夫目下河北賊匪滋事地方距工次不

遠難保無竄逸零星匪涸跡其中現在該處購

料維艱工次料垛最關緊要該匪狡計多端

設潛往焚燬或乘勢擄掠所關匪細著戴均元抵任後與廣厚會同籌酌現在先將漫口裏頭做好從容購料工次人夫無須太多擇附近村莊樸實可信者量為雇募勿墮賊計為要○又諭現在未獲各逆李文成劉懋明徐安懋于克敬王學禮馮克善六犯俱係震卦教大頭目又前次突入禁門逆犯內祝現劉第五係林清手下大徒弟現在查拏尚無下落必應嚴拏盡法處治此內李文成徐安懋自係在滑縣長垣起事匪徒股內或潛赴直省勾結亦未可定其祝現劉第五二犯於滋事後或逃往直隸一帶投歸夥黨著章煦飭知地方文武員弁嚴密查拏勿任漏網○署河南巡撫熱河都統高杞奏勦殺濬縣賊匪得勝情形得旨嘉獎賞叅將張拱辰已圖魯名號知縣梁直方等升擢有差○命服闋總兵官徐錕赴軍營効力○賑直隸鉅鹿縣被旱災民並給順德廣平趙三府州屬貧民

兩月口糧○乙未諭內閣現因河南滑濬及山東曹州有逆匪滋事特派慶祥等分帶火器健銳二營官兵自京起程赴溫承惠軍營協同勦捕原以除莠安良俾得早靖賊氛撫綏黎庶該官兵沿途行走務當恪遵軍紀秋毫無犯領兵大員尤當約束嚴明儻兵丁有不遵紀律侵奪市販及互相爭鬪情事查明責革插箭示懲如竟有搶掠奸淫重情立即正法儆衆若該管官約束不嚴或縱容徇庇別經奏聞必將帶兵之員從重治罪不稍寬貸○諭軍機大臣等此次東省官兵甫經與賊接仗將定陶縣附近匪徒殲斃三百餘名生擒八十餘名事機尚為順利惟官兵殲擒之賊若果係兇狡逆犯自足以挫賊鋒如祇係裹脅老弱或將被難良民妄殺充數則是驅良為盜堅其從賊之心於全局大有關係該撫當嚴切曉諭帶兵將領認真勦賊勿蹈妄殺邀功之習自取罪戾將此傳諭知之○

又諭現在匪徒滋事。屯聚於豫省濬滑二縣。及山東定陶曹單一帶。溫承惠帶領大兵。已抵開州。同興在曹州防堵。豫省現有高杞帶兵。方受疇此時毋庸前赴河北軍營。河南省城緊要。該撫即馳赴省垣鎮靜彈壓。料理地方事宜。督率沿河文武官弁。扼要設卡。實力巡防。無令賊匪偷渡。現已降旨將睢汛漫口暫行停工。諭令藩司台斐音回省。該撫督率該藩司等將糧餉軍火及撫卹災黎等事。悉心妥辦。其帶兵勦捕之事。著專責成高杞辦理。將此諭令知之。○又諭溫承惠等調集直隸河南山東三省大兵。分投勦辦。其江南陝甘各路官兵。亦皆次第調發。近日復又由京簡派慶祥等帶同巴圖魯侍衛多人。統率火器健銳兩營官兵前往進勦。尚有吉林黑龍江勁兵啟程在途。即日數萬王師星馳雲集。諒此烏合之衆。何難一鼓殲除。此內為首逆犯以及黨惡抗拒之徒。覆載不容。自當一概

誅夷。不使一名漏網。惟念真正賊匪本屬無多。其裹脅良民。被其逼迫。勉強隨行。若不為區別。全罹鋒刃。大兵所到。玉石俱焚。於朕心實有不忍。今朕特施寬大之恩。凡有被賊裹脅入夥者。如果悔罪投誠。或聞官軍將至。各自散歸。或臨陣不敢抗拒。自行投出者。其從前陷賊之罪。概置勿問。官軍等不得妄戮一人。地方官亦不得妄拏追問。若伊等能殺賊自効。將首逆及著名賊目。或生擒來獻。或割取首級投赴大營。一經驗明屬實。則不但赦其已往之罪。並當奏聞加以恩賞。伊等具有天良。轉禍為福。惟其自擇。切勿迷而不悟。久陷賊巢。此朕保全良善之苦心。若聞此諄諄誥誡。猶不知改悔。則是冥頑不靈。自取誅夷。罪在不赦。以上諭旨。著溫承惠高杞同興等。均即速騰黃於所在地。方遍為張掛曉示。官軍接仗之時。亦明白宣諭。使賊黨聞風解散。彼此離心。而真正賊目。亦必自相猜疑。其勢

日孤勦捕更易為九○又諭前經有旨令貢楚克扎布在該處牧羣內挑馬三四千匹豫備吉林黑龍江馬隊官兵到京更換著再傳諭該都統此項馬匹不必全行解京即先挑選驍壯堪勝馳驟者二千匹烙具火印委員解赴保定交章煦收備吉林黑龍江官兵過直更換○命嗣後王公等之首領太監無許與宮中太監交接往來著內務府大臣留心查察如有陽奉陰違者嚴叅治罪○以候補

太常寺贊禮郎哈寧阿為太常寺卿○丙申

硃筆報

天恩肅吏治修武備諭曰

天佑我國家迅雷除賊大逆立擒鎗斃踰垣之盜雨炮舉火之謀餘黨全誅無一倖免朕遭非常之大變受非常之

天恩驚懼之餘益深乾惕敬同內外諸臣洗心滌慮盡心盡職仰荅

昊慈以迓承平之福念茲母忽予之至願也奸民以教誘人邪說充塞積有年矣直隸山東河南自督撫至州縣豈盡聾瞽乎緣私心太重以致吏治不肅也大吏待屬員明以奔競為才能暗以苞苴定高下過一公務彼此推諉各顧處分上下迴護所辦無實政所議皆游辭良知泯而利心深戀人爵而輕天爵小事吹毛以求疵大事養癰而貽患叢脞疲玩怠惰因循吏治之壞至今極矣逆賊竊視官庸吏玩至於如此有何畏憚顧忌乎始則斂錢聚眾官吏不辦終則揭竿肆逆官吏不知若非

天佑尚可言哉朕無知人之明乏馭世之才屢申勸誡徒費苦心依違遷就習與性成事前則漫無覺察臨事則張皇失措事後仍漠不關心皆朕不德之所致也諸臣各勉致君澤民揚名後世切勿視此硃諭又不領會相率頌揚具摺了事真不知朕之苦心矣九重皋

應何等尊嚴。八旗守衛。何等雄壯。豈有數十逆賊。哄然直進。官兵空手遮攔。立被殺害。皆由經年累月。不修軍器。弓無弦。矢無鏃。刀槍鈍敝。火藥潮溼。日前擊賊。皆用瓦礫。言之可羞。軍威不振。毫無紀律。此皆管兵大臣之咎。亦朕誤用之過也。逆賊盤踞京畿。伏藏禁閤。官吏廢弛。兵丁怠惰。軍器無用。皆見慣之事。是以大逆林清。自六月至九月。毫無顧慮。公然布置勾結為奸。竟無一人舉發。誠怪誕之

極矣。近日言事諸臣。可採用者。立見施行。留中不報者。實不可行者也。若顯斥其非。又以朕為拒諫。為君難。至朕尤難。為臣不易。諸臣未必能留意體會。亦太覺容易矣。惟祈

上天啟迪。渺躬用股肱心膂之臣。同心協力。挽回汚俗。庶幾補救於萬一耳。特諭。○諭內閣。現在辦理軍需。著傳諭工部。除應辦

壇

廟緊要工程外。其餘內外大小一切工程。俱著

飭令停止。○刑部尚書祖之望。以疾解任。以廣東巡撫韓蔚為刑部尚書。調陝西巡撫董教增為廣東巡撫。以陝西布政使朱勳為巡撫。湖南按察使慶岐為陝西布政使。○以翰林院侍講那清安充日講起居注官。編修史致儼。朱琦。修撰彭浚。署日講起居注官。○緩徵黑龍江墨爾根貧民舊借口糧。○丁酉諭內閣。國家修明武備。禁暴戢奸。必平日紀律嚴明。器械堅利。方足稱干城之用。近因承平

日久。漸就廢弛。卒伍既多怯懦。軍器敝壞。相仍。一有緩急。備禦全不足恃。即如前月十五日賊匪突入禁門者。僅止數十人。各處守門官兵不能立時擒捕。甚至各門所備弓箭刀矛。全係飾觀。不堪應用。尤為可詫。夫慎簡軍實。器械為先。全在鋒銛堅利。方能殺敵致果。即壯勇兵丁。亦不能以徒手搏賊。况恒怯之人。加以朽敗之器。何怪其臨事倉皇乎。軍政若此。不可不亟加整飭。著兩翼前鋒統領。八

旗護軍統領將紫禁城內例設各項軍器逐一查點可用者若干應行修理補造者若干其各城門及各堆撥例設軍器並各營應用軍器交八旗都統副都統步軍統領及管理圓明園暨火器健銳營大臣等一體確查據實具奏至遲在本月二十日之外若遲延推諉耽擱不辦自行摘去翎頂議罪具奏朕另簡賢臣辦理不患無人也並著武備院先查明該院現存各項軍器共有若干開單具奏所有各處軍器殘缺不全者先將該院現存軍器撥補再有不敷動項製造各該管大臣不得以籌款為詞遷延時日俟彙齊交工部等衙門確覈需項若干奏上朕發帑飭修勒限報完另派大員前往查驗如有製造不精通融短缺等弊必將該管大臣從重治罪各禁門經朕常時出入或間一抽驗察有弊端該管之員難逃重譴軍械既全管理營務各大臣以時認真訓練務令步伐整嚴將士相

習庶軍政修明克副有備無患之意○諭軍機大臣等連日據各處奏報賊匪高屯聚濟滑地方現在各路官兵漸次逼近恐賊匪被勦情急向太行山一帶奔竄若竄入山內則搜捕又需時日已降旨令大同鎮總兵張縉帶兵在澤潞山外堵截那彥成由潼關一路進發途次探有賊匪西竄之信即迎頭勦擊毋任蔓延其富僧德所帶西安官兵亦著飭令迅速馳赴河北揚言大兵西來使賊不敢西竄將此諭令知之○以禮部尚書胡長齡署工部尚書○命國子監祭酒姚文田在南書房行走○以湖南糧道恒敏為按察使○賞順天鄉試年老諸生周尚淳等八十一名舉人副榜有差○越南國王阮福暉遣使表貢方物賞賚筵宴如例○乙亥

萬壽節遣官祭

太廟後殿○遣官祭

福陵

昭陵	昭西陵	孝陵	孝東陵	景陵	泰陵	泰東陵	裕陵○遣官祭	孝淑皇后陵寢○遣官祭	顯佑宮	東嶽廟	城隍廟○	上詣	奉先殿行禮○御乾清宮。皇子皇孫及王以下文武大臣官員蒙古王。公。外藩使臣等行慶賀禮○御寧壽宮。賜皇子皇孫及王以下文武大臣蒙古王。公。外藩使臣等食○山東巡撫同興泰殲戮定陶賊匪情形得旨嘉獎與
----	-----	----	-----	----	----	-----	--------	------------	-----	-----	------	----	--

運司劉清泰將馬建紀。均下部議敘○庚子諭內閣。近日查緝禁城滋事匪犯業已捕獲殆盡間有一二逸犯祇須購線查拏。所有禁城內外及九門暫設官兵應如何酌撤之處著軍機大臣會同內務府大臣步軍統領管理火器營大臣速議具奏。尋議禁城新設護軍請暫留守衛。九門暫設官兵減半酌撤從之○命兵部左侍郎吳烜教習庶吉士○命候補總兵官劉榮慶馳赴軍營○辛丑諭內閣現在天氣漸寒所有查緝禁城滋事匪犯業已捕獲殆盡其紫禁城內外原留內火器營兵一千名著暫留四百名在午門東華門西華門神武門四處幫同該班護軍等防守稽查每門內外各派五十名輪班宿衛其餘六百名俱著徹歸原營○又諭儀親王奏駁御史恒麟條奏八旗滿洲蒙古驍騎營兼習鳥鎗一摺所奏尚是武備所需各項軍器皆堪利用鳥鎗特其一端我朝開國之初以
--

弧矢威天下。迨後戰勝。攻取明之將帥來歸。始以漢軍營練習火器。以備戎制。此次賊匪突入禁門。因二阿哥用鎗斃賊。並火器營官兵殲賊多名。於是言者交章請習鳥鎗。不言弓矢。殊不知臨陣以弓矢為先。裝鎗之時。即可連發數矢。修明武備。各營將士。於弓矢刀矛。皆應按照成規。勤加訓練。不可重此輕彼。致有偏廢。且火器已設有專營。進步聯環。以時教演。足稱勁旅。其八旗滿洲蒙古驍騎營。

及護軍營。實無庸再增此名目。紛改舊章。所有御史恒麟奏請兼習鳥鎗之處。實屬無益。著無庸議。○諭軍機大臣等。那彥成兼程行走。刻下自己馳抵衛輝。溫承惠帶兵前赴濬滑。計日內即可會面。此次由京揀發健銳火器兩營官兵。帶兵之人多係滿洲大員。及吉林黑龍江侍衛章京等。不諳漢話。溫承惠係直隸總督。恐調遣約束不能得力。那彥成現賞加都統銜。本屬京職。且係滿洲大員。諳習

清語。著接受欽差大臣關防。總統軍務。溫承惠馬瑜楊遇春會同商辦軍務。俱職同叅贊。奏報之摺。一同列銜。溫承惠等及高杞同興。並受那彥成節制。現在大兵雲集。賊勢窮蹙。若賊匪亡命奔逃。那彥成等即率兵窮其所向。溫承惠著於富蘭等員內酌帶一人。並帶領直隸兵一二千名。專在開州一帶嚴防後路。就近搜捕零匪。並督辦軍火糧餉及撫卹難民事宜。那彥成等督兵亦可無後顧之患。

將此傳諭知之。○以通政使司副使彭希濂為光祿寺卿。○壬寅。諭軍機大臣等。據那彥成奏陳各條。朕詳加披覽。有甚是者。有不可行者。如第一條內所稱賊匪滋擾之處。南有黃河北有滹沱河漳河。將兩岸船隻不許傍岸。則賊匪不能飛渡等語。那彥成未至軍營。於情形尚未深悉。豫東兩省賊匪屯聚。總在濬滑曹定一帶。毘連直隸開州東明長垣三處。距黃河尚近。已令船隻停泊南岸。嚴查渡

口至漳河距賊已遠。漳沱河則相去數百里。豈能將船隻停渡其所。請多隆武閭俊烈二員。朕素知其勇往。即令馳赴山東。幫同截勦。至所請河督帶河標兵在東。德州滿漢營兵在北。於運河附近防堵。均可不必。第二條請於衛輝一路進兵。兜勦據聞高杞兵單。先將西路肅清。再與溫承惠合勦。甚合機宜。至所稱北面緊要。應留溫承惠駐紮。所見亦是。昨已有旨令溫承惠酌量情形。在長垣東明開

州一帶嚴防後路。即令欽遵辦理。第三條請明降諭旨。將習教而未經從賊者。不得因教匪滋事。概與株連等語。此時原係勦辦起事亂民。並未指稱查拏邪教。其平素未經習教。而此時從賊抗拒者。即在應誅之列。若此時並未附賊。止於平素習教。原不在誅夷之內。但此時不能明降諭旨。全在伊等留心區別。凡被脅良民散出投誠者。賞其一死。持械抗拒者。盡殺無赦。不許揚言邪教二字。則百姓

不生疑懼。地方官亦不敢株連。第四條請辦理團聚義勇護衛鄉閭。此正堅壁清野之義。前已降旨令直隸豫東三省一體妥辦矣。第五條請暫緩修築河工一節。目下賊氛未靖。睢工距河北甚近。恐人夫混雜。致有疏虞。已降旨停工。其第六條請設粥廠普濟飢民。以杜賊裹脅。三省歉收之處。業經分別蠲緩賑濟。再於五六十州縣。概添粥廠。非徒力有不能。且事尤有所不可。試思賊匪隨處裹脅。若

將粥廠設於遠處。則近賊地方乏食。貧民仍被裹脅。若設於近賊之處。則賊匪皆來溷跡。廠中豈非藉寇兵而齎盜糧乎。總之辦賊之法。以勦捕迅速為主。那彥成受朕厚恩。今付以統兵重任。惟當一意除賊安民。凡軍營應行調遣布置事宜。果計出萬全。即迅速辦理。正不必一一條陳請旨。兵貴神速。機宜朝夕不同。往返遷延。於事無益。朕惟佇待捷音。那彥成不可不勉之。又勉也。又諭前日據高

杞叅奏河南蘭陽縣童泰初將難民二千餘人渡至南岸。因其摺內奏稱黃河南岸亦有勾連蠢動之機。恐奸匪潛往勾結。該縣不加詳慎。不得不嚴辦示懲。特降旨將該員革職。枷號現在南岸。並無蠢動。看來童泰初所渡或實係難民。此時黃河渡口稽查盤詰。不能不嚴。儻沿河文武各官。因童泰初獲罪。凡老弱難民。一概不加撫卹。全令被賊戕害。殊覺於心不忍。甚或迫而從賊。所關甚鉅。著那彥

成查明黃河以南。現無勾結蠢動情事。即將童泰初先行開枷。飭令該革員在河干幫同防守稽查。如能認真出力。再行奏請加恩開復。○以太僕寺卿王引之為大理寺卿。○鑲藍旗蒙古都統阜保年老休致。以左翼前鋒統領綿志為鑲藍旗蒙古都統。貝勒永琿為左翼前鋒統領。○戶部議准。調任浙江巡撫方受疇疏報海寧富陽臨海黃巖樂清五州縣開墾田一百七十二頃三十九畝有奇。照

例升科從之。○癸卯。

皇后千秋節。宮內行禮如儀。停止筵宴。及在外公主福晉命婦行禮。○諭內閣。成親王奏。現因腹瀉。請假調理。並稱所管地面堆撥進班官兵。恐有曠誤。於日出後。尚可往查等語。八旗地面。安設堆撥。該管大員。俱應不時稽查。著傳諭八旗滿洲蒙古漢軍都統副都統等。各按所管旗分地面。安設堆撥之處。無分晝夜。隨時巡察。如有官兵曠誤等事。俱著嚴叅懲辦。○同興奏。勦滅危家集賊匪。淨盡。得旨。

嘉獎。賞運使劉清布政使銜。叅將馬建紀。副將銜。兵丁王吉昌等。以外委升補。並賞賚有差。○命四川提督多隆武。馳赴軍營。以松潘鎮總兵官福智署四川提督。○甲辰。諭內閣。紫禁城內各門各堆撥。定例額設該班章京護軍前鋒。每日共有六百八十員名。為數不少。原以嚴宿衛而備非常。該官兵等若果平日紀律整肅。技勇精嫻。則當前此匪徒突入。

禁門時逆賊不過數十人。各門官兵併力緝拏。何難立時擒獲。乃倉皇莫措。由午至未。閱一時之久。俟火器營官兵調入。方將匪犯盡行擒戮。該前鋒護軍營官兵六百八十員。一時之久。擒賊乎。避賊乎。不問可知。如此怙怯無能。即律以退縮之條。概從軍法。亦屬罪所應得。姑念事已大定。若再紛紛查辦。恐守禦與避匿者。彼此推諉抵賴。轉致混淆。姑從寬免。究現在整飭武備。各門所設軍器。一律繕

治堅完。但士不習練。即器械精良。仍歸無用。著通飭兩翼前鋒統領。八旗護軍統領。各矢天良。實心實力。將所屬官兵勤加訓練。俾技藝嫻熟。克成勁旅。並當喻以大義。使曉然於尊君親上有勇知方。無負朕宥罪施仁。諄諄訓誡之意。○宗人府奏審擬宗室海康從習邪教一案。得旨。此案海康身係宗室。乃甘心拜匪徒。劉興禮為師入會。背本喪心。原罪在不赦。但此次從教。未與謀逆。各犯經刑部覈

議。俱罪不至死。未便獨將海康縶首。海康暨伊子廣韜。廣畧。並伊姪廣茂。俱著革去黃帶。子即日發往盛京。嚴行圈禁。永遠不赦。○乙巳。諭內閣。御史齡椿奏。請禁止私造私藏軍器一摺。軍器武備攸關。民間私造私藏。原有例禁。著步軍統領衙門。五城及各地方官。申明定例。將違禁私藏之烏鎗。勒限嚴行查繳。至刀劍。係民間習用。器用難以概禁。嗣後凡打造時。令鐵鋪取有保結。方准造給。並於刀

劍上鐫鑒本人及鐵匠名字。以備稽查。○同興奏。勦平曹定賊巢十一處。得旨。嘉獎。副都統銜蘇爾慎等。下部議敘。賞道員熊方。受協領哈岱。花翎。知縣吳階。王朝恩。以同知擢用。賞兵丁一月錢糧。○命伊犁領隊大臣吉勒通阿。來京。賞三等侍衛富永。二等侍衛。為伊犁領隊大臣。○旌表守正捐軀安徽五河縣民王作礪妻蕭氏。○丙午。

上詣

時應宮

昭顯廟拈香。○密諭那彥成。九月十二日。溫承惠至兩間房接見。面奏河南滑縣教匪滋事。竄入大名長垣等處。朕因伊曾帶兵在陝。況係本省之事。是以授伊欽差關防。命伊馳往速辦。彼時尚未有林清之逆案。至十四日。同興具奏京城附近大逆林清。三省邪匪皆聽調遣。正在降旨密拏。十五日即出。此意外之變。十七日英和即拏獲林清。京城方定。而

溫承惠聞知此事。具摺祇論門禁不嚴。官兵皆應治罪。伊並不請處分。若與伊毫無干涉者。有此理乎。而伊自九月十二日自古北口起程沿途逗遛。總以等兵為詞。直至十月初一日。始至開州。至十一日至濬縣。接仗二次。未見大勝。又不能肅清後路。賊匪仍四出滋擾。今日奏到之摺。尚云不便進兵。仍俟厚集兵力。其意全將重任推卸於汝。伊可脫然事外。其心不可問。罪不可逭矣。現已明降諭旨。

授汝為直隸總督。汝當竭忠盡力。勿辜朕恩。保全汝祖顏面。明降溫承惠五品職銜。專辦後路糧餉。本日六百里之旨到營後。汝先傳示伊知。降伊五品職銜。令其即回大名辦理糧餉。伊離營後。汝即密問馬瑜富蘭併文員。溫承惠平日官聲貪鄙劣蹟。及此次實在違誤逗遛不進。畏怠無能。各種罪案。速發六百里具摺嚴參。臚列實在款蹟。摺內首稱欽奉硃筆密諭查明實在劣蹟。具摺嚴參事。密諭

隨摺即行繳回。拜摺後。令長慶帶可靠之文武官一二員。緩程回至大名。以查覈軍糧為名。在彼候旨。自有用處。汝應思君上之命。不可違切勿姑息。然必須有確據。不可含混。伊與汝交情深淺。朕亦不問。汝若負朕。汝祖必追汝之命矣。此事切勿遲延。若有劣蹟。賊私即速由六百里具奏。如無亦須還朕確實憑據。由五百里具奏。將來經言官告訐。併汝罪斷不宥。汝慎之密之。○諭內閣逆賊林清滋

事一案。溫承惠係直隸總督。順天府所屬地方。皆其所轄。且在任年久。乃於該逆傳習邪教。煽惑多人。八年之久。並不及早查拏。以至奸匪糾衆謀逆。昨九月十五日。竟敢潛布黨與。直犯禁門。並欲於蹕途伺劫。雖其謀因兵衛森嚴而止。而禁門內則已有匪徒闖入。幸荷

天恩垂佑。首惡伏法。餘黨悉誅。而河南山東滑曹定滋事亂。民悉由該逆布散邪言。同期

造反。至今餘孽未淨。從前山東逆匪王倫滋事之案。亦因倡興白蓮邪教而起。巡撫徐績因此獲咎。然王倫於乾隆三十九年秋間滋事。而其倡興邪教。即在是年春間。為日尚淺。林清則於嘉慶十一年業已傳教。至今有八年之久。溫承惠不能訪聞破案。其咎本重。適前月先聞河南滑縣及直隸長垣賊匪滋事之信。朕因溫承惠同興俱係本省督撫。因各派其帶兵剿賊。俾令自贖。旬日以來。同興訪

出大逆林清。馳奏方能擒賊靖亂。此功甚偉。進兵奮勉。連次奏捷。是以恕其失察之咎。並加恩給予議敘。溫承惠帶兵由保定前赴大名行走。已覺濡滯。本月初三日。在滑縣劉固村等處剿賊。一次初九日。又在滑縣道口一帶。得有勝仗。然兩次殲賊。千有餘名。賊勢尚未窮蹙。且直隸本境內。如開州長垣東明等處。亦尚未搜剿淨盡。其籌畫不周之咎。更無可辭。溫承惠著革去總督。拔去花翎。賞給五

品職銜。責令辦理。那彥成一路軍營糧餉。以示薄懲。如不知愧。知感。再有貽誤。著那彥成嚴參。拏問治罪。如辦理奮勉。將來軍務告竣。著那彥成奏明。再行酌量錄用。其直隸總督員缺。著那彥成補授。那彥成未到任之前。仍著章煦署理。又諭。綿億等奏。請將八旗漢軍馬鎗馬甲所需火藥鉛彈。每年豫領一分。存貯該旗礮局。派兵看守。屆俟秋操時放給。再豫領一分。以備下年之用。其城外新營房

所設漢軍鳥鎗馬甲亦請自今歲起豫領一季火藥鉛彈存貯備用等語。火藥鉛彈存貯公所不先豫給兵丁。因為慎重支領起見。但戎器以戒不虞。設倉猝之間。急需火藥鉛彈。而該官兵等高須前赴公局支領。未免需時。再遇看守之人拘泥不發。益覺緩不濟急。著該都統等再行詳議。所有火藥鉛彈存貯公所之後。設遇應用。如何趕緊運送。俾該兵丁所到之處。皆得應手。不致遲延誤事。另議章

程具奏。尋議火藥鉛彈。領存該旗印房。覈數封貯。一遇需用。傳集兵丁。按名散給。從之。○又諭張鵬展奏。確陳百姓平日不敢首告。邪匪緣由。並現在裹脅情形。請區分良莠。聯民攻賊一摺。所論皆是。百姓善良者多。平居鄉里之間。見有邪匪莠民。斷無甘與為伍。不慮干連之理。惟因一經首告。地方官先畏懼處分。相率諱匿。甚或將首告之人坐誣。而匪徒轉逍遙無事。於是奸民益與首告之良民積

恨成仇。必乘閒肆其荼毒。良民即知畏法。寧不思自保身家。共相隱忍。迨為日既久。奸民黨與漸多。肆行無忌。浸成叛逆。是地方官祇因規避吏議起見。而養癰貽患。其害遂至於不可言。不知邪惡之積。非由一日。地方官果能發奸摘伏。翦其萌蘖。不但前此失察可邀寬免。設因此消弭大患。並可加以恩獎。其始終掩飾。既經告發。仍姑息養奸。置之不理者。則是縱容奸宄。其罪在所不宥。昨因御史恒

麟奏。及已有旨。令吏兵二部。將文武各員失察處分。另行的議。寬其既往失察之咎。嚴其將來諱匿之罰。地方官各宜凜遵。毋再玩泄。至現在滋事亂民。其甘心悖逆者。本屬無多。其餘烏合之眾。大半由於脅從。官兵等臨陣勦殺。以及搜捕村莊。自應區分莠良。嚴禁濫殺。已連降諭旨。飭知領兵大員等。務各申明軍紀。仰副朕除賊安民之意。○又諭御史蔡炯奏。請飭禁民間結會拜會。及坊肆售賣小

說等書並查覈僧道一摺。愚民燒香拜會。原祇惑於因果利益之說。然至聚集多人。鳴鑼結會。即有莠民。涸跡其間。日久必滋生事端。著步軍統領。五城。順天府。及各督撫。各飭所屬。實力查禁。並勤加化導。俾小民曉然於安分守業。即係為善獲福之端。自不為邪說所惑。至裨官小說。編造本自無稽。因其詞多俚鄙。市井粗解識字之徒。手挾一冊。薰染既久。關很淫邪之習。皆出於此。實為風俗人心之

刑部書局卷六

七十九

害。坊肆刊刻售賣。本干例禁。並著實力稽查銷燬。勿得視為具文。至僧道亦齊民之一。由來已久。領牒剃度。本有定制。無庸另設禁令。以省煩苛。又諭御史蔡炯奏請專大學士職任。以備諮詢一摺。所奏不知大體。大學士兼管部務。及入直樞廷。國朝舊制相承。俾綜理庶政。隨事敷陳。以資襄贊。近日大學士中年力就衰者。業予休致。其現任大學士等。於所管諸務。精神儘堪兼理。設如該御史所奏。

實錄卷五十六

七

不令兼任。則每日召對。徒以空言敷奏。竟似無官守而專有言責。亦非所以重輔弼而裨實政也。所奏毋庸議。○諭軍機大臣等。現在開州長垣東明一帶。賊勢蔓延。直豫大兵俱聚於濬滑界內。賊股數處轉在我兵之後。大名以北。又無重兵駐守。不特軍營後路空虛。儻賊匪被勦北竄。尤不可不豫為防範。馬瑜現任直隸提督。富蘭曾任正定總兵。該省情形。較為熟悉。著馬瑜富蘭二人。即帶同巴圖魯侍衛數人。率領直隸官兵二千名。由濬縣繞道速赴開州。以北將開州東明長垣三處邊界之賊。逐一搜捕。總當由北向南。步步進剿。不必長驅直入。務期殲捕淨盡。勿留餘孽。昨令慶祥等帶領健銳火器兩營官兵各五百名。分作四起。前赴豫省軍營。著馬瑜富蘭於慶祥等所押各起官兵路過大名時。即傳旨令其先在該提督軍營。勦捕直隸邊境賊匪。俟直境肅清後。再赴豫省軍營。總以顧住

北面勿使賊匪散竄為要。此路勦賊機宜專責成馬瑜富蘭二人。其奏報之摺。即著馬瑜富蘭聯名具奏。毋庸再與欽差大臣會銜。俾得迅速馳達。以慰廛注。○調直隸按察使慶格為山西按察使。山西按察使錢臻為直隸按察使。○丁未諭內閣。前經降旨。令各旗營整飭武備。著通諭前鋒護軍健銳火器各營八旗及圓明園各該管大臣。各將本處操演日期。看操處所。及所操技藝。按定章程。報明軍機處。由軍機處彙造清冊。進呈存覽。軍機處仍另錄一分備查。嗣後遇該營操演之期。朕不拘時地。特派親信王大臣或侍衛等前往稽察。如訓練認真。技藝嫺熟。將該兵丁獎賞。並將該管官甄敘。若期會曠誤。技藝生疏。將該兵丁斥責。並將該管官嚴懲。其操演時刻。春秋二季。著於辰巳午三時。夏季著於辰巳午未四時。冬季著於辰巳二時。如本日值雨。准其停操。若遇大風。停演火器。其餘各項

實錄卷二十七

七

技藝。仍照常演習。勿許藉詞曠惰。○戊申諭內閣。綿恩等奏。內火器營兵丁所需火藥等項。除春秋二季操演。照舊例支領報銷外。請由工部豫領火藥四千斤。烘藥一千六百斤。五兩零。火繩一千五十。六條零。散給兵丁收存。以備需用等語。火藥等項。收貯必須慎重。若散交兵丁。不特伊等房屋狹隘。難以存貯。且恐有散失短少情事。自應存貯公所。嚴密看守。惟兵丁偶有急需。應如何立時分給。俾兵丁所到之處。皆得應用無誤。著該大臣等再行妥議具奏。其外火器營火藥等項。豫領存貯公所之處。著即照所議行。尋議領存八旗公所。每旗十四隊。每隊派兵八名。每日兩班於公所聽事。遇有急需。飛傳本隊兵丁領藥從之。○以詹事府少詹事陸以蔭為太常寺卿。

實錄卷二十七

七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十六

寶錄卷二百七十六

三十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十七

此後我官經題曰故居汪夫子大傳武英殿藏書文淵閣開闢事務察敘奉
上諭事件處管理部事務翰林院掌院學士

廣東省立圖書館藏
宣統三年六月十五日
大總統府秘書長
袁世凱
國務卿
趙秉鈞
財政部
梁士詒
內務部
朱啟鈐
司法部
王士珍
教育總長
蔡元培
交通總長
孫多森
農商總長
宋教仁
陸軍總長
蔣作賓
海軍總長
薩鎮冰
參謀總長
段祺瑞
副總統
黎元洪
國務院
總理
段祺瑞

開導導閣事務祭欽奉 上諭事件處協辦大學士部內書翰林院掌院學士兼管庶吉士禮部內務府大臣領黃旗滿洲都統鑒

統領管理各事奉宸苑清將園等處總理工程處御茶膳房御藥房太醫院西洋堂事務軍功加五級隨帶加三級尋常加主級紀錄二十

次臣英和經筵講官太子太保禮部尚書上書房行走武英殿總纂管理國子監事務加六級隨帶加級紀錄四次臣汪廷珍等謹奉

較修

嘉慶十八年癸酉十月己酉密諭那彥成本

日接汝摺奏憤恨極矣大逆林清勾結滑縣李文成謀危社稷現在李逆株守滑縣機不可失朕日夜焦急寢食俱廢望汝速勦大逆奠安民社不想汝到衛輝遲疑不進逗遛觀望以等兵為詞大失朕望具何肺腸忍心病狂天良何在非阿桂之孫非朕之臣任汝為之可也近因溫承惠遲迴貽誤所以用汝孰意汝之因循疲玩更甚於彼汝以世家滿洲不及一山西人有何顏面立於天地之間乎

賊匪一日不滅良民一日不安汝一日不進兵賊匪多裹脅一日若等兵齊進勦須至臘月彼時賊匪又增數萬矣况汝安坐衛輝有何良策不令賊匪裹脅又有何策不令賊匪竄逸將此二策明白具奏直入大內之逆黨為覆載所不容稍有人心者孰不思滅此朝食而汝漫不關心可恨之極可恨朕屢用庸臣敗壞國事今日之旨是汝生死關頭信與不信憑汝自議擲筆付汝好自為之三路進

兵攻打桃源道口以重兵圍住滑縣勿令一賊潛逃此為上策勉力辦理稍贖重咎朕計日以待捷音汝若再有遲疑朕永不見汝之面矣○諭內閣據初彭齡奏順天府府尹等於已革之盧溝司巡檢陳紹榮先期申報林清謀逆一案含糊具奏請旨查辦一摺所奏甚是已革南路同知張步高著鎖拏審問其業經發遣之已革宛平縣知縣陳鉅釗著截拏鎖鑰解回交軍機大臣會同刑部提同

陳紹榮秉公嚴審另行定擬具奏如該府尹等前奏不公一併據實查叅尋奏上得旨此案已革巡檢陳紹榮因巡查鄉村於九月十四日傳到地保宋進榮刑詰究出林清姓名次早備文申詳帶領宋進榮面稟該縣嗣步軍統領衙門拏獲林清即係將該革員傳到之地保作為眼目陳紹榮係河工汛員兼轄地方事前尚能留心訪查據實稟報且事後緝獲要犯多人雖有失察之咎覈其功過業

經革職已足蔽辜陳紹榮著加恩免其枷號發遣已革知縣陳鉅釗十四日接據陳紹榮稟報已有傳聞詫異之詞乃顛預怠緩遲至次日始稟知府尹事後又未緝獲一犯其罪甚重著照原旨發往伊犁効力贖罪已革同知張步高駐紮黃村距宋家莊甚近經該管千總告知有匪徒謀逆之事該革員不能立刻查拏又始終匿未申報僅發邊遠充軍尚覺寬縱張步高著發往烏魯木齊効力贖罪

兼管府尹劉鏞之府尹費錫章於此案情節會令明白回奏不將該革員等情罪輕重明白區分物議不平致有初彭齡之奏念伊二人咎止聲敘含糊尚非有心朦混劉鏞之著加恩改為交部察議費錫章著改為交部議處宋進榮係逆犯宋進耀胞弟現充宋家莊地保不早行舉報已有應得之罪經陳紹榮傳訊加以刑責始將逆犯姓名供吐情殊狡譎宋進榮著照擬發往附近充軍其所得恩

賞銀二百兩照數追出發交五城分賞出力緝捕人役○諭軍機大臣等那彥成奏探明賊匪現在情形通籌全局一摺覽奏實深憤懣豫省匪徒前溫承惠於濬縣道口得有勝仗因其未能大加勦戮辦理遲延降旨褫革乃那彥成於初八日已抵衛輝初十日接收欽差大臣關防十三日發摺時仍在衛輝駐紮並未至濬縣軍營茲奏報現有之兵不敷分勒請調大同鎮及甘肅寧靖綏遠等處之

兵並欲俟吉林索倫兵到齊方數勦辦其言實屬畏葸遷延之至吉林黑龍江兵到齊約計總在十二月間甘肅距豫遙遠非剋期可至屆期天氣沍寒無論進勦不能得力且此兩月中任賊匪盤踞蹂躪養精蓄銳該督等束手坐視縱賊殃民自作孽矣況目下最好機會乃賊匪安踞滑城正如魚游釜中若官兵日久不戰賊匪停留長智聞官兵日漸增多斷無延頸受戮之理彼時豕突狼奔縱西

面有兵堵禦而東北南三面何處不可遁逃其勢又如三省教匪辦理需時那彥成受朕深恩畀以重任若老師糜餉使賊首李文成等遁出滑城該督身家性命尚能保乎那彥成著先傳旨嚴行申飭其請調大同鎮兵一千名道路尚近准其檄調甘肅靖遠之兵遠不濟急不准調取日內京兵及直隸續調之兵均已到齊那彥成務儘現在兵力相機進取速奏捷音朕惟計日以待也○庚戌諭內

閣喜明奏請交部治罪一摺逆賊林清伏處畿甸潛蓄逆謀分遣黨惡突入禁門實屬非常之變地方文武官員毫無覺察廢弛已極喜明自以曾任直隸提督離任未久奏請治罪尚能自知咎愆溫承惠前奏於九月十六日行抵保定十七日接奉諭旨知有逆匪突入禁門之事惟稱禁垣門禁森嚴何得任聽逆匪闖入請將守門章京兵丁查明治罪而於所轄地方有此大逆重犯竟不自請治罪

漠不關心一似置身局外實屬昧良負恩以溫承惠與喜明相較喜明轉覺可原溫承惠益覺可惡所有喜明自請治罪之處著加恩寬免又諭此次逆匪林清滋事案內究出有旗人入教者照例定擬罪止遣戍其該旗都統等失察之咎從寬概未查辦今究出正黃旗漢軍教爾布幅昌竟係入教與知逆情幅昌身係漢軍充當兵丁於七月間早知林清謀逆匿不舉首情罪尤重所有失察之該

旗都統副都統等著軍機大臣查明在任年月開單具奏候旨其失察之叅領佐領等官著該部查取職名具奏候旨○諭軍機大臣等昨因那彥成辦賊遷延降旨嚴行申飭本日同興奏據獲賊目曹光輝供稱豫省賊匪實係李文成為首滑縣城中是徐安惲掌管裏脅約有三千餘人李家莊屯聚亦有二三千人李文成被強知縣拏去腿受重刑現在李家莊養病等語計滑縣城中李家莊兩處

之賊道口桃源再有屯聚總不過萬人何以那彥成摺內云有三萬人明係屬員捏報現在帶兵已有萬餘人以之進剿何至棘手著傳諭那彥成遵照諭旨鼓勵將領弁兵刻期進剿勿稍延緩李文成一犯係極惡首逆現因腿傷養病正可乘其不能動移設法擒獲徐安惲亦係緊要賊目若速將該二逆擒獲則賊心渙散定可一鼓殲除該二逆擒獲後若受傷不重著派侍衛等管押解京以便盡

法處治用彰國憲 命降補中允贊善鄒炳

泰降補編修李鈞簡休致回籍 辛亥

上詔

大高殿行禮 緩徵河南商邱縣水災額賦給

寧陵睢商邱柘城鹿邑五州縣災民一月口

糧 壬子

上御懋勤殿勾到四川情實罪犯停決斬犯十

八人絞犯三十七人餘一百二十八人予勾

諭內閣御史李恩繹奏請禁止典當軍器

一摺各營官兵軍器不特平時操演在所必

需且豫備不虞尤須取攜便捷著管理旗營

大臣嚴飭所轄兵丁勿許將軍器私行典當

仍不時查察違者重懲著順天府五城出示

嚴切曉諭鋪戶如有違例收當者事發一併

治罪 又諭御史李恩繹奏詳審逆案勿滋

枉縱一摺此次首逆林清分遣黨惡擾及禁

門謀危社稷罪大惡極現在研究逆情刑部

堂司各員若有稍存將就了事之心即屬背

恩負國

天必加誅必應詳審周密勿留遺孽儻有旗人

昧良背本甘心從逆尤應切實根究不可稍

涉瞻徇迴護 又諭正黃旗漢軍都統副都

統等失察兵丁曹幅昌從習邪教與知逆情

非尋常疏懈可比裕瑞人本平常在任日久

著革去副都統並兼任之前鋒統領所襲公

爵賞給宗室四品頂帶以宗人府筆帖式用

祿康富蘭俱著交部嚴加議處尋議上得旨

祿康革去都統加恩賞給四品頂帶以宗人

府副理事官用富蘭現在軍營帶兵議處之

案著交軍機處存記 以土默特貝子固倫

額駙瑪呢巴達喇為右翼前鋒統領內閣學

士寶興兼正黃旗漢軍副都統 癸丑

上御太和殿視朝王以下文武升轉各官謝恩

諭內閣本年九月十五日賊匪突入禁城

一案為從來未有之事雖渠魁業已就獲明

正典刑而助逆從犯在逃者尚多步軍統領

順天府五城肅清輦下是其專責近日並未
能自行訪獲案犯以淨餘孽又墮因循疲玩
惡習殊堪切齒憤恨即刑部就獲犯內訊出
姓名年貌飭交緝捕各犯如祝現劉成祥董
伯旺情罪尤重者迄今月餘亦未緝獲實屬
懈弛怠玩步軍統領順天府五城俱著傳旨
嚴行申飭現在京城內外交順天府五城分
別旗民編查保甲即刻奉行若稍遲延治罪
不恕並交步軍統領就所管地面實力稽查

各該衙門務即實心經理比戶嚴查遇有蹤
跡詭異者即切實盤詰俾奸宄無所容身以
副除莠安良之治其王公滿漢文武大臣官
員第宅衆多著並各自留心查察凡給使人
役內如有來歷不明形跡可疑者立即送官
究治毋稍疏縱若視此旨為具文因循不辦
非朕之臣子矣○又諭豫親王裕豐所屬桑
堡村居住之包衣閒散陳爽等黨惡多人率
先肆逆於九月十五日在紫禁城內滋事裕

豐平日形同木偶毫無知覺非尋常失察可
比理宜革去王爵但念此爵係裕豐之高祖
多鐸由軍功所封著施恩免其革爵親王
俸十年以示懲戒將此通諭各王及貝勒貝
子公等嗣後各將所屬包衣佐領人等留心
稽查儻有似此不守本分兇徒即行拏報斷
不可姑容隱匿○旌表守正捐軀甘肅靈州
民郭進庫妻李氏○甲寅命戶部尚書托津
馳往河南軍營查辦事件○命戶部右侍郎

桂芳在軍機大臣上學習行走○以禮部尚
書成寧署戶部尚書○以鑲白旗漢軍都統
和世泰為總管內務府大臣○以福建汀漳
龍道海慶為安徽按察使○給直隸開長垣
東明三州縣被賊難民兩月口糧並避難客
民回籍路費○乙卯諭內閣方受疇奏請將
新授開歸陳許道岳齡奏與浙江杭嘉湖道
李坦對調等語向來各直省遇有奏調之缺
祇准在本省酌調或總督於兼轄省分揀員

對調尚屬可行。今李坦係浙江道員，方受疇以河南巡撫請由隔省對調。若各省皆紛紛效尤，成何政體？岳齡安現已赴任，如於開歸陳許道一缺不甚相宜，該撫或於本省道員中酌量奏調。若岳齡安並難勝道員之任，即奏明送部引見。其開歸陳許道一缺，請旨另行簡放。方受疇所奏不准行，並著傳旨申飭諭軍機大臣等，東省賊匪經同興督兵勦辦悉數殲除，地方寧謐，辦理俱妥。惟聞東省

因年歲歉收，兼遭賊匪焚掠，災民逃避四出，現聞本境安靜，有由河南江南直隸轉回者，沿途甚多。該民人等蕩析離居，情殊可憫。著同興飭知地方官認真撫卹，務使餬口有資，不致轉徙失所。事定後各歸本業，用副朕軫恤災民至意。○賑河南魯山縣被旱災民，給洛陽鞏登封偃師光五州縣災民一月口糧。緩徵林涉河內濟源孟武陟溫光山新安滎池上蔡舞陽西平鄆城閿鄉淮寧西華商水。

項城沈邱二十州縣新舊額賦○給安徽毫蒙城懷遠宿鳳陽五州縣被水災民一月口糧 丙辰

御製訓移居盛京諸宗室曰：於鑠大清龍興東海肇基盛京。

世祖入關，救亂定鼎京師。諸王貝勒貝子公及衆宗室除奉祀留都者，攀龍附鳳，隨至北京。屏藩輔翼，雲集景從。至於今一百七十餘年矣。天潢蕃衍，日月引長。仰惟

皇考錫類推恩，淪肌浹髓，親親渥澤，不可殫述。朕祇承

庭訓，首重展親教養。多方終難徧及也。我八旗子弟生齒益繁，億萬黎民輻輳京邑，物產昂貴，此必然之勢也。設官分職，經費有常，豈能歲增祿糈乎？亦未能盡用宗室置滿洲蒙古漢臣於閒地，非善政也。封建直省，其失具在前史，更不必論矣。宵旰殷懷，迄無良策。敬讀我

皇考盛京賦

啟佑予衷以

祖宗之心為心思惇本睦族之道莫若移居故土習我舊俗返樸還淳去奢從儉誠良法也人情狃於閒逸同乎流俗漸染之日深也可與樂成憚於謀始巧宦之長技也宗室中之明理曉事者必知感鞠謀綏衆之深恩而一二不肖者遂訛傳為竄逐流放之重罰是不但不知予求舊之心亦非乃祖乃父之克家

良嗣矣朕志先定詢謀僉同乃命將軍和寧工部侍郎富俊於盛京小東門外擇地建房文學

武廟衙署戍樓咸備總計八十區周以垣墉聚族而居肄武習文各恭爾事以待器成出為廟廊良佐所得不亦多乎宗室頂戴

考慈自幼即有養贍今移居故國儘可自備路費然長途千五百里之遙惟恐力有不逮特命官雇大車各付官價宗室共七十戶皆諸

王遠選安分樸實深可造就之人也逐日給盤費先期備行裝下及僕役皆畀以金共用帑項萬有一千有奇擇吉季秋上旬中旬分三隊起程言歸故鄉欣然就道其歡樂之情自應出於至誠所格况每起簡大臣照料關內直隸關外盛京各派文武官吏沿途護送亦可謂殫思竭慮惠我宗人矣乃有出乎意想之外竟倡為發遣之說煽惑人心不可不闡明其理也夫犯罪之人徒流軍遣律有明條必申明所犯何罪所配何省從未有發遣至本省之軍犯軍流道里表具載其詳內地則發往新疆新疆則發往烟瘴遠離故土投諸四裔遇有慶典始赦還鄉我大清百有七十餘年之律例天下皆知宗室轉不知耶今以衣錦還鄉之樂事轉謂斥放遷徙之虐政稍有人心者何忍出此言哉試問犯罪發遣之人豈有受此重賞者乎不辨自明矣願我宗人還我故國安常處順念昔先人武備宜

勤家語須熟行有餘力學於古訓此日為家之賢子弟他年作國之好大臣拭目以俟可不勉乎自此次移居著有成憲閒十餘年踵行一度我朝本支百世蕃衍熾昌留都北京王氣連屬上慰

列聖在天之靈普錫宗室無疆之福誠盡美盡善之政也爾眾永思予訓尚慎旃哉○諭內閣首逆林清業已伏法其惡黨亦次第捕誅但節次研訊犯供尚有祝顯即祝現劉成祥

董伯旺劉第五各犯皆係同謀潛入禁門逞兇滋事情罪尤重者屢飭查拏尚未就獲該逆犯或改易姓名潛匿近地亦未可知都城王公滿漢文武大臣官員等第宅眾多廝役實繁有徒昨已降旨諭令王公大臣官員等各自留心辨察如有蹤跡詭異者即擒拏到官以便究治此不但為國除害並可自保身家該王公大臣官員等慎勿心懷疑懼畏涉干累或查有可疑之人私行驅逐即為了事

背國負恩有辜朕意至內城外城以及城外關廟等處各庵觀寺院鋪戶人等並著順天府五城迅速編查保甲步軍統領等實力稽查毋再因循疲玩致干重咎○又諭此次直隸河南山東交界地方逆賊滋事擾害良民經朕特派欽差大臣督率巴圖魯侍衛會同三省督撫並各路提鎮等調集滿漢勁兵剋期進剿嗣又由京挑派健銳火器二營官兵一千名分起進發皆係簡練之師一可當百

近日又復飭調吉林黑龍江馬隊官兵二千名尤為驍勇軼倫即日星馳雲集諒此么麼小醜不難一鼓蕩平惟是簡將調兵原期除莠安良俾閭閻早臻寧謐謀反逆賊一名勿令倖免良民斷不可波累受害恐愚民不知原委聞大兵過境相率驚疑或奸徒播造謠言煽惑眾聽以為兵過之處不分良莠多肆誅夷致羣相駭怖紛紛避徙或至老弱顛連轉於溝壑賊匪又從而裹脅且逞其詭謀於

抗拒官兵之時將被脅之人驅令在前先罹鋒鏑使吾民既死於賊又死於兵朕輟轉思之深為不忍前已降旨嚴諭領兵大員等申明紀律凡大兵所至於閭閻秋毫無犯沿途官給飯食自騎營馬一絲一粟不以累民如官兵侵擾良民小則插箭遊營大則軍法從事其領兵官員如縱兵殃民查出從重治罪並申諭將帥臨陣專戮賊匪毋許濫殺一人其有被脅在先棄械投誠者概免誅戮以廣

仁恩著直隸總督山東河南巡撫即將此旨迅速謄黃廣行曉諭俾小民等咸知王師所至原以為民除害保赤衛良遠邇同心共望早靖邪氛各安生業永享太平再首逆林清在京拏獲業已寸磔傳首三省示衆尚有李文成徐安幘牛亮臣馮克善王進道五犯皆係賊營渠惡罪孽滔天又有祝顯即祝現劉成祥董伯旺劉第五四犯皆林清同謀逆黨情罪尤重必須按名捕獲明正典刑茲特明

頒賞格如各處文武官弁有能擒獲者並加超擢兵民人等擒獲者賞給官職並給予重賞其各處庵觀寺院僧道等有能擒獲者亦必優加賞賚其賞格即照平定三省邪匪時拏獲王三槐徐添德之例此內李文成一犯現在滑縣城外李家莊聚眾伏匿如賊黨內有能將該逆縛獻者不但赦其已往之罪亦必一律加賞儻有人獲賊獻官而官弁冒功奪犯將獲賊之人姓名隱匿准本人據實首

告立將冒功奪犯之人治罪本人仍照格升賞或將獲犯之人戕害滅口一經查出立寘重典仍將獲犯之人家屬厚加賞卹其或窩藏重犯匿不報官則其人即係叛逆罪在不赦全家悉行誅戮以儆兇頑著各該督撫將此旨廣張示諭無論通衢僻壤咸使聞知俾人人憤切同仇速殲巨憝以彰國憲○又諭吏兵二部具奏酌議失察邪教處分各摺直省地方遇有奸民倡立邪教惑眾斂錢甚至

釀成叛逆重案該管文武各官如能先事覺察及早查拏破案自應寬其既往以勸緝捕而杜諱飾即如此次直隸山東河南三省均有奸民糾眾滋事該管督撫溫承惠同舉長齡及所屬府縣均未治罪此內如同興能先事查拏究出首犯林清姓名住址又能將山東滋事賊匪迅速翦除是以疊加恩賚優予甄敘至溫承惠因所屬地方有逆首林清突犯禁門為從來未有之事又復勒辦遲延是以明示懲處賞罰各有權衡非一律科以失察之咎也朕詳閱吏兵二部所議如該管文武各官於邪教叛案能先行訪聞將案犯迅速緝獲無論時之久暫不特免其處分亦無庸照兵部所議送部引見該督撫奏聞時朕必立沛恩施優加獎擢或因匪黨眾多職微力不能辦立時密報上司及咨會鄰境查拏破案者著准其功過相抵不必照本例減等議處儻明知故縱始終掩匿不報事發從重

治罪若屬員詳報而該上司隱飾不辦者則將該上司黜革治罪詳報之員概免議處其在任毫無覺察經後任官舉發者將前任官俱照原例降革如此明定章程嗣後該管文武各官當曉然於失察過輕諱匿罪重認真緝捕毫無瞻顧庶奸匪不能潛匿吏治民風可期日臻整肅○以太僕寺少卿梁上國為太僕寺卿仍留廣西學政任○緩徵山東館陶冠清平嶧陽穀嘉祥莘七縣被旱被賊災民新舊額賦漕糧及惠民青城商河濟寧四州縣舊欠額賦○緩徵陝西潼關華華陰大荔渭南五廳州縣水災新舊額賦有差並榆林神木府谷葭懷遠米脂六州縣霜災舊欠額賦及倉糧籽種○以山東兗城章邱齊河齊東濟陽禹城長清平原德陵惠民青城陽信樂陵商河濱蒲臺東平東阿壽張汶上聊城高唐臨清夏津二十五州縣麥收歉薄改徵粟米丁巳諭內閣嗣後宮內圓明園值

御門典禮內閣學士宣奉大學士承旨時御前大臣及御前侍衛俱無庸退下著為令○諭軍機大臣等前因那彥成在衛輝遷延不進特派托津馳往督辦昨那彥成報稱在道口附近斃賊一千餘名本日復據稱屯聚道口之賊傾巢出掠官兵分頭截擊殲獲甚多那彥成接奉屢次嚴旨頗知畏懼尚有立功自贖之意現在連獲勝仗計算道口賊匪所賸無多勦淨後即可圍攻滑縣惟本日據章

煦奏稱長垣東明等處賊匪復又四出焚掠賊勢甚為猖獗馬瑜帶兵往勦恐不得力托津著先馳至馬瑜軍營認真督辦○欽差大臣直隸總督那彥成奏截勦道口賊匪得勝並接奉密諭戰懼悔艾等情得旨汝若能成大功朕若仍治汝罪朕何以仰對

天

祖汝能知悔懼奮勉自當大施渥澤勉之○予紫禁城內拒賊傷亡頭等侍衛那倫護軍校

得玉四德供事倪大銓蘇濤戴杰祭葬世職兵丁烏勒興阿等十八名賞卹如陣亡例○戊午諭內閣葉紹楨奏詳陳直省保甲事宜並將伊父原任布政使葉佩蓀從前酌定規條繕錄進呈朕詳加披閱其規條頗為簡要易行編查保甲一事直省各州縣果能經理得宜則士民之良莠習俗之淳澆無不周知由一邑而一郡由一郡而一省上下稽查瞭如指掌縱有奸慝何所容匿無如地方官不

實力奉行以安民之良法轉為滋累之繁文由於科條不能盡一遂相率畏難藉口於格礙難行著將葉紹楨備進刊本發給直省督撫各一冊令該督撫翻刻刷印通飭所屬各州縣一體依照辦理使令不繁苛而除莠安良閭閻可永臻寧謐若視為具文因循怠玩仍廢置不辦惟該督撫是問以違旨論恐不能當此重咎也言出法隨凜記毋忽○己未上御懋勤殿勾到奉天浙江陝甘情實罪犯停

決奉天斬犯三人絞犯九人浙江斬犯四人絞犯五人陝甘斬犯三人絞犯二人餘一百三十一人予勾○諭內閣本年九月十五日在蒼震門該班之章京兵丁等覆加研訊是日午刻實止護軍關隆一人在門坐班其餘官兵人等因向有飯牌之例多輪流出外買取食物紫禁城內各門該班官兵理宜常川全數直班方足以嚴宿衛若輪替出外必致遷延曠誤其一日兩餐應如何量為調劑著

前鋒統領護軍統領妥議章程具奏尋奏請交內務府大臣議奏從之○又諭前因正黃旗漢軍兵丁曹幅昌從習邪教與知逆謀該管都統等均有失察之咎降旨將祿康裕瑞革去都統副都統仍加恩賞給宗室四品頂帶祿康以宗人府副理事官用裕瑞以宗人府筆帖式用茲據訊明曹幅昌之父曹綸聽從林清入教經劉四等告知逆謀允為收衆接應曹綸身為都司以四品職官習教從逆

實屬豬狗不如罪大惡極該管都統副都統漫無覺察其咎尤重祿康裕瑞著革去宗室四品頂帶副理事官筆帖式即日俱發往盛京派令管束移居宗室各戶即在小東門外新建公所居住永不敘用以示懲儆其該管之叅領副叅領佐領驍騎校等不必交兵部議處著即擎交刑部治罪○又諭巡視五城御史嵩安等奏公同辦理編查保甲一摺都城為搢紳萃集之區編查保甲自應視外省

城鄉畧為變通所有五城地方王公及大小文武官員第宅著遵照前旨令該本家自行嚴查其餘軍民商賈吏役人等以及庵觀寺院均令一體編次添設門牌註明人口數目責令互相稽察客民投住鋪店寺廟者令該屋主詢明來歷填註循環號簿送官查驗儻有隱飾別經發覺從重治罪至外城地方開設戲園本無例禁但演唱淫詞豔曲及好勇鬪狠戲劇於人心風俗大有關係著該御史

等嚴行查禁以端習尚並著出示曉諭居民人等如有家存奸盜邪淫小說及違礙經卷或自行燒燬或呈繳到官巡城御史衙門彙送軍機處驗明查銷○庚申諭內閣京師編查保甲一事節次降旨飭諭順天府五城實力辦理並令步軍統領衙門認真稽查現在各該衙門均已恪遵妥辦惟是奸宄溷跡往來無定承辦各衙門不可謂保甲既編即可無事緝捕徒整肅於一時又復懈弛於後著

再通飭步軍統領順天府五城各衙門仍督飭番役人等隨時踴訪無論茶坊酒肆以及庵觀寺院遇有三五成羣形蹤詭異者即詳加盤詰無任奸徒漏網並著廣張告示通行曉諭以此次逆賊林清敢於光天化日之下肆行叛逆神人共憤覆載不容其黨惡匪徒斷不能任其一名倖逃顯戮除惡務盡法在必伸至林清當日曾藉白洋教為名傳徒惑衆後又勾引紅陽教之人一同謀反此時辦

理逆案所誅者全係謀反之人月來刑部審訊問擬凌遲到屍梟示者已不下百數十名其指名緝拏者亦係獲犯內供出同謀從逆之人至於尋常習教者不過鄉愚無知一時被其誘惑聞有拏送到官按律問擬罪止發遣充徒太監內習教者亦均照例擬遣並未濫戮一人此衆所共見共聞者凡緝捕官役以及軍民人等當知嚴拏案犯重在謀逆不重在習教如林清同謀逆黨尚有潛匿附近

者有人能擒捕或首告到官一經審實官弁立加升擢民人優加賞賚即向來習教之人如能將逆犯呈首到官不但准予免罪亦與平民一體恩賞至習教之家多藏有經卷圖像愚民罔知禮義其意不過妄希求福不知邪說異端致禍之媒林清係傳教為首之人供奉經像有年現在身死族滅室家灰燼其不祥孰甚若仍不翻然改悔終受大害百姓等何苦以清白之家留此兇穢之物求福乃

轉以速禍。其有翻然改悟者。著將經卷圖像自行首送到官。當堂銷燬。具結永不習教。該衙門即將其姓名住址存記冊檔。免其治罪。列為良民。以後再有吏役鄰里藉詞訛索。告訐者。先治告者之罪。若陽為自首。尚私相傳習。查實將本人加倍治罪。此等習教愚民。既已延及近畿外省。亦隨在多有。並著通諭各直省一體出示曉諭。悉令將經卷圖像呈繳。照自首免罪之例。咸與維新。經朕此番實心

苦口飭諭之後。百姓具有天良。當開悟迷感。恪守王章。勉副朕愛育赤子。化民移俗。除莠安良之至意。○又諭。綿億等奏請八旗漢軍操演鳥鎗。專用上隊馬甲共二十四百名。按二十二次操演。所領鉛彈每名各散給三十箇。按次演放。操演火器原期施放熟練。方能中的。著即照所議行。再御鎗處官兵技藝向俱精熟。嗣後八旗漢軍每屆操演之期。著每旗咨取御鎗處一人前往教演。如有施放不

能合格者。令其隨時指撥。俾一律精純。悉成勁旅。本年仍即按期操演。○又諭。八旗漢軍都統綿億等奏請酌定稽查屯居漢軍旗人一摺。八旗漢軍在屯居住者。散處於直隸各州縣。距京較遠。該管佐領等例不准離城遠出。勢難查察。而該州縣官又以漢軍等身係旗人。向不歸其管轄。遂致此項旗人任其作奸犯科。毫無約束。不可不更定章程。以專責成。著直隸總督通飭該州縣。嗣後屯居漢軍

旗人一切戶婚田土事件。俱歸所隸州縣一體管理。若仍前諉卸。遇有失察之案。將該州縣官一例叅處。並著八旗漢軍都統等傳知所屬屯居旗人。嗣後均安靜守法。聽該管州縣官約束。設有抗違。從重治罪。現在直隸省編查保甲。即令將屯居漢軍與民人一體編查。以候補總兵官徐銳為直隸正定鎮總兵官。○辛酉諭。內閣喬遠瑛奏請宣揚教化。以正人心。以厚風俗。一摺。內恭錄乾隆二年

七月內

皇考高宗純皇帝訓飭州縣官勤察民生宣布教化

諭旨一道仰見

睿謨廣運迪富教之本原課循良之實效官常利獎民生休戚

燭照靡遺朕此時整飭吏治化導民風剴切曉諭亦總不出

聖訓範圍之外惟各直省頒行既久漸或視為

具文著各督撫等將原奉

聖諭刊發所屬各州縣俾各恭繹

德音勤思職守務教養之實政聯官民為一體

毋以簿書塞責毋以侈費累民旌善懲奸獎

勤警情庶幾訓俗型方閭閻風尚日淳邪慝

不作漸收經正民興之效其每月朔望宣講

聖諭廣訓並責成師儒認真開導實力奉行潛

移默化日計不足月計有餘朕實厚望焉

又諭章煦奏籌辦團練鄉勇請將口糧及製

造號衣器械等費俱官為支給事竣報銷一摺紳士耆民等各自團練義勇保衛鄉閭即古者寓兵於農之意若支給口糧製備號衣器械悉由官為辦理無論國家經費有常從無此例且人數聚散無時亦復何所稽考此必係承辦軍需劣員倡為此議豫為冒銷地步章煦受其慫恿妄行陳奏章煦著交部議處先傳旨嚴行申飭○又諭國家設立科道職司言路原期發奸摘伏俾大案得早破露

以匡國憲而弼王章乃近來科道風氣惟知摭拾浮詞更改一二例文藉以見長干進或竟受人囑託毛舉細故博取直名而於大奸大惡轉毫無舉發即如逆首林清一案訊究該逆等供稱自嘉慶十一年間即有榮華會名目至謀為不軌則始自十六年夏間該逆等潛伏近畿傳教謀逆經年累月勾結多人其蹤跡亦不甚秘密乃科道等一無見聞竟同聾瞶實屬有乖職守本應悉予降革姑念

人數衆多從寬免議俱著傳旨嚴行申飭惟此案謀逆重犯俱係直隸附近州縣之人並有漢軍旗人曹綸父子與知逆謀所有科道中漢軍及籍隸直隸各員失察之咎尤重著都察院查明各該員在任年月咨交吏部議處以示懲儆○又諭前經降旨令貢楚克扎布等於察哈爾牧廠內挑選壯馬二千匹徑解直隸豫備吉林黑龍江官兵乘騎再挑馬二千匹來京豫備該官兵等更換本日據

章煦奏解交直隸馬二千匹內該督率同劉榮慶挑退瘦小難供乘騎者二百餘匹又據兵部奏吉林頭起官兵五百名應換馬匹據該領隊副都統色爾袞呈請仍將本處乘來馬匹騎往其察哈爾牧廠馬匹不願更換等語此次所調察哈爾馬匹係豫備出征官兵乘騎之用貢楚克扎布等並不認真挑選以駕馬充數實屬玩愒本日復據太僕寺奏自嘉慶十一年至十七年三次均齊較八年以

前原交馬數虧缺一萬一千二百八十八匹牧廠孳生馬匹原應歲有贏餘以備調撥乃自八年以後經三次均齊每次均有虧缺此次缺少尤多貢楚克扎布來靈俱著交部嚴加議處其來靈前於正黃旗漢軍副都統任內失察曹綸父子逆謀之案竟無庸再議即著來京候旨此次來京備換馬匹吉林頭起官兵既不願更換暫留備續到官兵挑換之用其豫備黑龍江官兵更換馬一千匹著

將疲駕者挑出五百匹迅速截回以省糜費所有由京及直隸駁回馬匹一應往返費用俱不准開銷著貢楚克扎布來靈分賠示罰並著貢楚克扎布會同新任副都統福珠隆阿查明此次派辦馬匹各官員及嘉慶八年以後太僕寺左右兩翼牧廠官員分別查明開送職名交部嚴加議處尋議上得旨貢楚克扎布著降為二品頂帶仍帶革職留任來靈著革職諭軍機大臣等前此山東曹州

賊匪滋擾直隸派兵前往邊界駐紮彈壓茲聞故城居民有紛紛遷徙德州之事如將弁徇縱兵丁擾累居民以致畏避遷徙亟當嚴行查辦將約束不嚴之將弁嚴叅示懲並一面曉諭居民毋懷疑懼以安民心或附近另有匪徒播煽搖惑人心即嚴密查拏無稍疏漏致令別滋事端將此傳諭同興知之○調正白旗滿洲副都統福珠隆阿為察哈爾副都統鑲白旗漢軍副都統成秀為正白旗滿

洲副都統以伊犁領隊大臣博啟圖為鑲白旗漢軍副都統○河南河北鎮總兵官色克通阿年老命來京以服闋總兵官楊芳為河北鎮總兵官○壬戌

上御懋勤殿勾到江西安徽湖廣情實罪犯停決江西斬犯十二人絞犯六人安徽斬犯八人絞犯五人湖廣斬犯十七人絞犯二十五人餘一百十八人予勾○兵部議奏兵部尚書福慶等前任都統失察曹綸謀逆請照例

革職得旨福慶在正黃旗漢軍都統任內失察曹綸與林清商同謀逆計兩年零一箇月比祿康失察月日較久但祿康係由大學士獲咎降調後棄瑕錄用之人且曾任步軍統領漫無覺察是以降旨革職仍發往盛京福慶此次留京辦事遇九月十五日之事毫無展布朕回京召見數次辭色之間不知愧憤實屬無能無用著革職姑念未任步軍統領非棄瑕錄用之人暫免發遣德麟在副都統

任內失察六箇月本應將職任世職一併革去惟念伊父福康案從前屢建軍功懋著勞績仰蒙

皇考高宗純皇帝錫封貝勒身後追封郡王德麟承襲貝勒前因

天壇大祀派令視牲曠誤降為貝子此次再將伊貝子革去則福康案舊勲幾至泯沒且福康安又無次子可以改襲朕仰體

皇考恩遇福康安之心保全勲臣之爵仍留德

麟貝子其散秩大臣。並所管火器營事務。全行革退。賞給三等侍衛。在大門上行走。仍罰貝子俸十年。拴住在副都統任內。失察六箇月。著革去總兵。賞給驍騎校。回旗當差。○以都察院左都御史明亮署兵部尚書。○以宗人府左宗人晉隆為內大臣。○調鑲藍旗漢軍都統成寧為鑲紅旗滿洲都統。正白旗蒙古都統崇祿為鑲藍旗漢軍都統。以左翼前鋒統領鄂勒哲依圖為正白旗蒙古都統。○

癸亥。

上詣

奉先殿

壽皇殿行禮。○賞三等侍衛景行二等侍衛為葉爾羌幫辦大臣。○是月。山東巡撫同興奏副都統蘇爾慎護軍叅領福英阿色爾果善藍翎侍衛吉勒章阿藍翎長扎玉善業已到營。得旨。此數人皆可一人當百。而蘇爾慎更為出衆。但必須好馬乘騎。斷不可令其步戰。

保護愛惜用之。○兩廣總督蔣攸銑奏。釀成亂逆。因循怠玩。咎在州縣。而表率無方。督撫藩臬道府之責尤重。目前急務。莫先於察吏。批。最要。又奏。欲振相沿之弊。當用破格之勸懲。道府州縣貪酷不法。固應叅辦。其有平庸無能。才不稱職者。亦應隨時勒休。改用。不必俟計典之年。始行覈辦。其實有才守兼優者。亦即據實密奏。逾格獎勵。得旨。已通諭直省矣。此係非常大變。總由因循而成。朕力除此弊。必期振作。知人安民。洵至言也。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十七

實錄卷之二百七十七

上

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十八

世宗憲皇帝受天興運敷化綏猷崇文經武孝恭勤儉端敏英哲睿皇帝實錄卷之二百七十八

世宗憲皇帝受天興運敷化綏猷崇文經武孝恭勤儉端敏英哲睿皇帝實錄卷之二百七十八

世宗憲皇帝受天興運敷化綏猷崇文經武孝恭勤儉端敏英哲睿皇帝實錄卷之二百七十八

世宗憲皇帝受天興運敷化綏猷崇文經武孝恭勤儉端敏英哲睿皇帝實錄卷之二百七十八

世宗憲皇帝受天興運敷化綏猷崇文經武孝恭勤儉端敏英哲睿皇帝實錄卷之二百七十八

效修

嘉慶十八年癸酉十一月甲子朔

上詣

雍和宮行禮

宣仁廟

凝和廟

火神廟拈香○遣官祭

先醫之神○諭軍機大臣等戴均元等會勘

東省運河請大加挑挖一摺運河估計挑工

本有定數該河督等以本年受淤較重必須

大加估辦現當軍需緊要撥帑浩繁今因微

湖水短。恐來年誤運。即照所請辦理。一切估辦稍有浮冒侵蝕。不但侵冒之員立予正法。即該管上司亦必一同正法。又據請開蘇家山閘。將正河清水遞引入湖。引黃入湖。流弊甚大。著伊等自行揣度。如確有把握。即繪圖貼說。奏明辦理。或湖身淤墊。再有貽誤。即將此次倡議及奏請之員正法示儆。再挑挖雇募人夫。恐有潰散。賊匪混雜。應募尤當飭屬加意嚴防。留心辨察。將此諭令知之。○那彥

成等奏。勦平道口賊巢情形。得旨嘉獎。與都統高杞等下部議敘。賞還總兵官楊芳二品頂帶。賞侍衛額勒精額。哈朗阿。遊擊齊慎。巴圖魯名號。遊擊馬光宇。都司劉印。景守備寶德。俞振海。千總段永福。花翎護軍三音布等。藍翎侍衛阿勒罕保等。并擢有差。○乙丑。諭內閣。紫禁城內外。前經酌留內火器營兵四百名。幫同該班護軍等輪班宿衛。朕昨於十月三十日恭詣

壽皇殿行禮。由神武門出入。見該官兵等支搭單布帳房住宿。天氣漸寒。朕心深為憐憫。著內務府大臣。管理武備院王大臣。前鋒統領。護軍統領。會同察勘。午門東華門西華門神武門內外。如有閒空房間。或舊設堆撥酌量勻給該官兵等棲止。藉避風雪。仍責令輪流在外實力巡查。毋稍疏懈。如查無房屋之處。著該衙門即日趕緊製造。穩棚。度地支搭。俾得禦寒。以示體卹。此事總須速辦。稍有遲延。

治罪不赦。凜之。○以失察逆犯林清傳習邪教。前任兼順天府府尹曹振鏞。順天府府尹初彭齡。宋銘。下部議處。○丙寅。裁減吏兵二部處分則例。諭內閣。近來吏兵二部所定則例。科條太繁。動多窒礙。地方文武員弁。遇有應辦事件。往往顧惜處分。憚於舉發。賢者困於成法。不敢變通。不肖者工於舞文。巧為規避。以致積漸因循。釀成鉅案。國家設官分職。期於得人而理。其定立處分。加之察劾者。原

以舉直錯枉。俾共知警惕。無曠庶官。從前立法之意。私罪立予創懲。公罪量為原宥。所以區分賢不肖者。至為簡當。自定例屢經增改之後。條目滋多。日趨苛細。書吏因緣為奸。雖有賢能之員。日望吏議。而庸碌者或以倖免。於甄別人材。澄敘官方之道。甚無益也。著吏兵二部。將文武處分則例。公罪各條。逐加詳覈。凡事涉具文。無關政治者。一切處分。奏明大加刪減。務使簡而易遵。信而可守。賢員不

致掣肘。不肖者無所施其伎倆。書吏不能高下其手。庶地方文武各官。少所牽礙。得以展布謨猷。盡心職守。用副朕蠲滌煩苛。敦崇實政之至意。○又諭御史嵩安等奏。酌籌內城編查保甲事宜。請交步軍統領衙門。叢辦一摺。內城地面。向係步軍統領管轄。舊有十家戶名目。即倣照保甲規制。叢實編查。較為簡易。所有內城旗民戶口。編查保甲事宜。著專責成。步軍統領衙門認真妥辦。毋稍延緩。此

內除王公滿漢文武官員三品以上者。令其自行查察外。其四品以下職官。均與旗民一體編查。有升任三品者。隨時具報開除。○諭軍機大臣等。那彥成奏。官兵攻克道口後。直抵滑城。布置圍攻。先將桃源接應之賊截回。滑城內賊匪出城衝撲。俱經官兵擊退。已將東西南三面城門堵住。惟正北西北兩門尚未堵合。此時緊要機宜。必須四面圍定。方可併力進攻。切不可於西北正北兩門未合之

先率行攻打。致留賊匪奔竄之路。賊匪突圍。必係悉其精悍。乘間奔逃。老弱無用。棄之城。中設堵合不嚴。則有名賊目。悉行免脫。克城之後。僅收復空城。於大局何益。乾隆年間。庫車前鎰具在。慎之。陝甘官兵。據奏已出潼關。日內即可到營。正可補北面圍兵之不足。那彥成等。惟當督率將士。合圍嚴密。使賊匪無路奔逃。先用大礮毀其垣壁。我軍奮勇先登。即可一鼓掃蕩。畧遲數日。朕亦不降旨飭催。

若滑縣之賊再行散竄。則惟那彥成是問。○又諭據初彭齡奏。定陶以北城武鉅野鄆城等縣。近日仍多土賊。數十人成羣。搶奪村莊。武城縣並有欽賜檢討劉洙。為土賊頭目。又嶧縣之常泥溝。鄰城之馬頭鎮。均被土賊燒搶等語。山東曹縣定陶賊匪。均已剿除淨盡。而附近州縣。尚不免有土賊乘機燒搶。著同興遴派文武幹員。前往嚴密查拏。果有欽賜檢討劉洙。潛充賊目。即拏獲究辦。其焚掠村莊之土賊。並著督率地方官。嚴拏重懲。毋任煽聚擾害。又滋事端。○理藩院尚書景安。以疾乞假。允之。以總管內務府大臣和世泰署理藩院尚書。○戊辰諭內閣。恭值南郊大祀。朕先一日宿壇。定例由宮內乘輦。陳設大駕鹵簿。禮儀明備。本年禁城內有九月十五日之變。仰賴上蒼垂佑。渠魁立殲。餘黨悉除。其豫東賊匪。派兵剿辦。連奏捷音。冀可計日蕩平。前曾於孟

冬之朔。派儀親王永璣。告祭天壇。朕沐非常。昊旻風宵。欽感。尚未躬達。悃忱。茲於長至日恭祀。園丘。肅陳祇謝虔願。恩慈。敬當減損儀文。用昭寅畏。前一日詣壇。不御輦。由宮內詣皇穹宇。以至進齋宮。俱乘紅桿八人轎。大駕鹵簿。無庸陳設。祭日禮成。還宮。設騎駕鹵簿。奏導引樂。著該衙門敬謹遵照豫備。○又諭逆犯林清滋事一案。現訊據夥黨各犯供稱。該逆勾引夥匪。皆先以財利引誘入教。久乃商謀逆情。該逆等並非無業之人。著直隸總督順天府尹。將此案審明。首從各逆。犯如林清曹綸等。按照旗籍。將各名下叛產悉行籍沒入官。其每年應得租銀若干。詳細造冊報部。歸入旗租項下。以備每年加賞八旗兵丁之用。該督等督飭所屬實力清查。毋任吏胥等

隱匿侵欺致滋弊竇○又諭汪志伊張師誠許文謨係地方文武大員於匪徒詹天香林茂等築寨製械冀圖拒捕並勒贖斃命搶劫積有二十餘案不早嚴拏懲辦特旨交部議處係先懲其積壓遲延之咎今吏兵二部覆奏聲請該督等處分應俟二十餘案定讞後始能按其案情大小覈議殊屬錯誤所有吏兵二部堂官著交都察院查明將創為此議者議處隨同畫稿者察議其汪志伊等處分著軍機大臣議奏○以故廣西萬承州土知州許修仁弟修義襲職○賞宿衛紫禁城四門官兵銀有差○已諭內閣九月十五日逆匪林清潛遣夥黨突入禁門謀逆當經官兵將逆黨殲捕淨盡嗣訊據獲犯供稱是日逆匪等在禁城滋擾時恍惚之中望見關帝神像該逆眾立時畏懼奔竄悉就殲擒此次逆匪滋事迅即殄除都城安堵前於孟冬朔日蠲潔祀謝

天 地 宗 社 敬 酬 春 祐
關帝廟尚未虔申祀謝著太常寺於冬至前諏吉在地安門外
關帝廟報祀一應禮儀即照春秋二祀之例定期具奏請旨遣皇次子前往行禮用答神庥○又諭前九月十五日三阿哥鎗斃賊匪二名自係諳達等平日與阿哥講習技藝故能如此精熟諳達畢勒哈納全善保明喜濟克津扎布富英阿等著賞加一級以示獎勵已故諳達二等侍衛佛爾卿額朕前在藩邸時隨從當差甚屬奮勉嗣經派充二阿哥諳達素能講授伊子察良阿現回吉林著賞挑該處領催○前鋒統領永琿等奏請於東華門西華門外建設木柵添派護軍直班從

之○旌表守正捐軀廣東番禺縣民尹煥文妻鄭氏○展緩甘肅省積年舊欠額賦並雜稅銀糧○庚午

上御懋勤殿勾到江蘇河南山東情實罪犯停決江蘇斬犯四人絞犯七人河南斬犯八人絞犯二十九人山東斬犯四人絞犯九人餘一百一人予勾○軍機大臣等議奏白塔山及九門信礮處請添派副都統六員輪班直宿從之○辛未旌表守正被戕廣東陽春縣

民何振廣妻嚴氏○戶部議准雲南巡撫孫玉庭疏報元江州開墾夷田六段照例升科從之○給河南滑濬二縣被賊難民兩月口糧及避難客民回籍路費○壬申

上廷訊逆犯曹綸屈四俱凌遲處死○諭內閣本日廷訊逆犯曹綸已盡法懲治按律凌遲梟示並將其家屬應行緣坐各犯分別辦理矣曹綸係正黃旗漢軍伊伯祖曹璘曾任侍郎伊祖曹城曾任知府伊父曹廷奎曾任同

知世受國恩且伊嫡母荆氏生母孫氏因伊父署南籠府任時苗匪圍城俱自縊殉節曹綸身任都司以四品職官竟敢扶助林清通同謀逆欲為一二品大員亂臣賊子行同梟獍處以極刑所以彰國憲而快人心至八旗漢軍自我

太祖

太宗開國之初從龍著績櫛風沐雨勲載旗常我國家視同世僕實與八旗滿洲蒙古無異

百數十年以來漢軍中歷任文武大臣名卿碩輔節概炳著者指不勝屈即現在簡用內外大員亦皆克宣力効忠無愧閭閻不意竟有曹綸一人敗常幾本實出人情意想之外諒八旗漢軍聞之自必人人憤恨義切同仇不知此等敗類乃戾氣所鍾譬如萬頃嘉禾閒生稂莠鋤而去之無害良畝即如林清本係畿輔民人敢興悖亂國有常刑祇將逆犯誅殛斷無因林清一犯將近幾數百萬良民

皆疑其反側之理。現在曹綸一家已銷除旗檔。我漢軍臣僕皆當視曹綸為異類。不必引以為愧。所有八旗滿洲蒙古漢軍等。惟當感激國家培養厚恩。勿忘祖父勤勞世澤。共矢天良。力抒忠藎。無負朕諄諄訓勉至意。將此通諭八旗知之。○諭軍機大臣等。那彥成奏報後。又已數日。未據續報軍情。聞該督等已督率官兵於滑縣城外設架木城。挑挖溝濠。併力合圍。此時朕並不降旨飭催該督等務

布置周密。俟吉林黑龍江官兵到營。一舉竣事。斷不可致令旁竄。至大功告竣。應行撤兵時。著先令健銳火器營京兵。令原帶之員分起撤回。現尚有飭拏之匪徒。趙得隴周永太等。儻有蠢動情事。正當趁此兵力速為勦辦。毋致大兵全行凱撤。又勞徵調。○調江南江寧布政使陳觀為山西布政使。山西布政使陳桂生為江寧布政使。○命山東截留漕糧六萬石備賑。○癸酉。定順天府屬州縣官考

察升調例。諭內閣。御史陳用光奏。大興宛平二縣為首善之區。向來專循資格。以闡茸無才者授之。安能責以發姦摘伏。嗣後請擇治行尤異之員題升。使府尹得兼舉劾之權。又察吏之方。宜責成撫藩大吏。苟其有私。雖循例保舉。未嘗不可市恩。苟其無私。雖破格超擢。不必疑其逾例等語。國家牧民之官。首重州縣。州縣得人。何利不興。何害不除。然州縣之賢不肖。不特朕不能徧知。即部臣亦不得

而知之。不能不以其權歸之於督撫大吏。如其徇私濫舉。經科道劾叅。或因事告發。必當重治其罪。若因整頓地方。擇一賢能之員奏請升調。總以格於處分。屢奉部駁。不得已遂以簡僻缺分庸懦無能者充數。保薦吏治由此廢弛。關繫殊非淺鮮。昨已降旨令吏部將例內公罪處分大加刪減。嗣後各直省州縣要缺。該督撫遴選賢能之員。專摺保奏。除該員現有私罪處分。吏部仍奏明飭駁外。其任

內一切因公處分均可無庸覈計著吏部詳定章程奏明頒發遵行以收推賢舉能實效其大興宛平二縣應如何責成順天府尹遴選賢員考課善最之處并著詳議具奏尋議奏查順天府所屬二十四州縣定例均係直隸總督專主府尹會銜嗣後大興宛平二縣缺出請歸府尹於所屬之員詳加遴選出具考語奏請升調其外二十二州縣揀選題調均令府尹主彙總督會銜如順天府所屬官員無可保題再咨行總督於通省揀選令總督主彙府尹會銜順天府屬佐雜各缺亦歸府尹專主辦理從之○又諭巡城御史嵩安等奏現因編查保甲請將浮寓及土著文武微員一體編次等語京師居人稠雜流品不齊其土著及浮寓微員原與現任職官有別自應詳加稽考以杜混淆著該巡城御史等將土著浮寓之文職佐貳雜職武職五六品以下等官並虛銜人員均一體編列稽查如

查有假冒職官者即嚴行根究照例懲辦其例應在籍候選及已捐分發者飭令按限回籍赴省毋任逗遛滋弊○又諭八旗滿洲蒙古漢軍都統副都統前鋒統領護軍統領等各具奏操演章程內載定例每年四月十六日起至七月十五日止停止操演自因夏令暑熱雨水較多暫行停操但四五月之交尚非大雨時行之際天氣亦未至溽暑仍著照常演習改自五月十六日起至七月十五日止一體停操餘俱照所奏行○甲戌諭內閣此項察哈爾解京豫備吉林黑龍江官兵乘騎馬匹除更換撥補外其瘦小者至六百十匹之多實屬辦理不善此六百十匹往返路費草斤口分俱不准開銷著責令貢楚克扎布來靈及解馬總管等照數分賠貢楚克扎布身任都統其咎較重著再罰賠馬一千匹補入牧廠缺額以示懲儆○除江蘇鎮洋縣捐置義冢田二十五畝有奇額賦○乙亥

上御懋勤殿勾到直隸山西熱河情實罪犯停

決直隸斬犯二人絞犯十人山西斬犯五人

絞犯三人熱河斬犯一人餘五十六人予勾

○諭內閣本日新授內閣侍讀學士汪鑄其

摺謝恩即命進見其人老邁龍鍾兩耳重聽

詢其年歲履歷不能奏對惟免冠叩首流淚

戰慄而已此等庸劣無能之輩何以姑容至

今貽誤公事汪鑄著以六品主事銜休致開

缺另補戶部堂官俱交部議處以為徇庇劣

員者戒併通諭宗人府六部各京堂衙門及

內務府三院各處嚴行甄別汰去衰庸各衙

門堂官公同具奏如有意見不合者專摺具

奏引見定奪立分真偽以副朕用人求治之

誠心諸臣各發天良勿邀虛譽為國求賢勿

市私惠即行辦理不准遲延○又諭綿課等

議奏

天壇隨扈章程所有

天壇內外添派兵五千五百六十名及正陽門

外添派兵八百十六名著加恩每次每人賞

給口分銀二錢交廣儲司籌款給發○諭軍

機大臣等為慧裕等奏等獲妄布邪言匪犯

李占魁審明辦理一摺已批交刑部知道矣

該督等因豫東二省匪徒滋事飭屬巡緝盤

獲形跡可疑山東邱縣人李占魁審出編造

歌謠煽惑人心各情於緝捕尚屬認真惟未

將所造歌謠抄錄具奏先將該犯正法辦理

未免草率著該督等將該犯所造歌詞即行

抄錄交軍機轉奏○雲南騰越鎮總兵官李

東山以親老乞終養允之調山東兗州鎮總

兵官陳廣寧為騰越鎮總兵官以候補總兵

官劉榮慶為兗州鎮總兵官○展緩湖北江

陵公安石首隨應山天門漢川沔陽潛江枝

江十州縣及各衛所水災旱災新舊額賦有

差並緩徵江夏武昌興國黃陂孝感黃岡蘄

水荊門嘉魚崇陽通城漢陽鍾祥安陸襄陽

十五州縣武昌武左德安三衛舊欠額賦○

丙子

聖祖仁皇帝忌辰遣官祭

景陵

上詣

壽皇殿行禮○諭內閣松筠等奏查辦恒傑控款審明定擬一摺前據晉昌奏恒傑呈控烏魯木齊地方傳習矢公邪教並興奎收受屬員禮物及倉庫虧短旗民命案各重情共十三款經朕特派松筠會同長齡前往查審今

據松筠等提集人證逐款質訊業據恒傑全行認誣其所控款內如傳習矢公邪教一款案情最重茲訊明係鄉愚打鼓治病並無書符念咒及授徒斂錢情事恒傑呈出之小本符咒係伊自行購買扶乩所用伊前在領隊大臣任內曾頭戴道冠道帽坐功念經已據自將道冠經卷呈出恒傑身為大員自習異端轉將自買符咒冊本作為憑據誣人傳習邪教居心陰險可惡並據恒傑供認與章京

鳳鳴強認同族屢索資助又向協領成格巡檢王吉士等索借銀兩因不滿所欲一併捏款誣告卑鄙無恥不堪已極恒傑若僅照松筠等所擬改發黑龍江充當苦差該犯到戍後又必故智復萌別生事端恒傑著仍發往伊犁永遠枷號不准開釋以為挾私陷害造言誣控者戒至興奎於恒傑指控各款審屬全虛其收受提督定住賄贈銀兩係友朋交際與賊私不同惟得受總兵閻俊烈銀兩並

於年節收受州縣餽送食物咎有應得業經革職已足蔽辜興奎著免其發遣飭令回旗○諭軍機大臣等前日據那彥成奏說據獲賊供稱馮克善於八月內已往德州本日據方受疇盤獲賊犯車得新等亦據供稱大頭目馮克善因與李文成不和現已前往山東德州等語該逆係與李文成牛亮臣商同起事之人為賊緊要頭目此次前赴德州斷非在彼潛匿必係勾結同教之人又圖滋事德

州與直隸接壤距京祇六百餘里該處本有
教首宋躍澄一犯飭拏未獲今馮克善又復
潛往看來山東逆影尚多並聞附近州縣時
有焚搶村莊之事難保無匪徒互相糾應不
可不加意防範同興駐劄曹州著即迅速遴
派文武幹員星夜馳赴德州嚴查馮克善及
宋躍澄蹤跡務得切實下落設法擒獲○又
諭據同興奏拏獲武城縣土賊辦理一節此
案拏獲國子監助教銜劉竹一犯自即係初

彭齡所奏之劉洙該犯膽敢乘邪教滋事編
造狂悖詩句縱令子姪糾搶可惡已極著該
撫親提嚴訊是否曾入邪教與匪徒勾串如
止於糾搶已當斬決梟示如滋擾地方戕害
多人即照叛逆之律問擬其子劉崑起等現
均在逃即嚴緝務獲其蘭嶧一帶匪徒並嚴
飭文武官認真稽查毋稍大意○命巴里坤
領隊大臣色玉慎來京以頭等侍衛塔清阿
為巴里坤領隊大臣賞已革喀什噶爾叅贊

大臣伊鏗額藍翎侍衛為伊犁領隊大臣○
丁丑欽差協辦大學士戶部尚書托津奏勦
滅開州賊匪得旨嘉獎與馬瑜等下部議敘
○緩徵江蘇山陽阜寧清河桃源安東鹽城
江都興化銅山豐沛蕭縣邳宿遷睢寧十五州
縣淮安大河徐州三衛被水地畝新舊額賦
及碭山縣次年額賦○戊寅

上御乾清門聽政○諭內閣御史黃中傑奏外
城各門胥吏人等藉盤詰為詞需索錢文請
旨查辦一摺各城門官弁兵役原為稽察奸
宄而設若藉端需索不特苦累行旅轉將匪
徒得錢賣放其弊更鉅著步軍統領等嚴查
重懲應如何派員稽查禁絕弊端並著該衙
門妥議具奏尋議上得旨昨據御史黃中傑
奏外城各門胥吏人等藉盤詰為詞需索錢
文當降旨交步軍統領等嚴查懲辦茲英和
等奏派員分赴各門查問該城門領等俱稱
未經需索請令該御史指實某門某人奏聞

以憑查辦等語。都城各門近日稽查嚴密。不肖丁役藉端需索。係必有之事。普行查問。孰肯承認。如令該御史一一指實。科道風聞言事。令其輾轉牽引。多人以實其詞。亦非政體。該門吏等惟賄是從。若不嚴行懲辦。勢必將巨猾凶渠得錢賣放。所關尤鉅。仍著交步軍統領等詳議。或各衙門添派文員稽查。暨實酌定章程具奏。○又諭承柱前在山西蒲州府任內。緣事降調。該撫衡齡奏請捐復留省。經朕特旨駁斥。嗣在部呈請降捐知縣。又經特旨不准。彼時承柱具呈妄訴。嘵嘵置辦。交吏部查明具奏。會明降諭旨。伊若再不安分。重究不赦。茲承柱以不准降捐知縣之員。竟敢呈請捐復知府。膽大妄為。實屬不安本分。著革職。發往伊犁効力贖罪。○諭軍機大臣等。御史黃中傑奏。江西龍泉縣從前有添弟會匪徒滋事。因搜拏未盡。現在南安贛州寧都等處仍有會匪立教煽誘等語。龍泉縣添

弟會匪徒。曾經查拏。搜除未盡。今南安等處復有立教傳習等事。著先福即飭該州縣嚴密訪查。遇有形跡詭異匪徒。拏獲重懲。其訊明僅止習教者。責令具結改悔。各州縣於編查保甲之時。一體嚴查。務期除莠安良。不至養癰貽患。俾閭閻永臻寧謐。○以二等侍衛文孚。光祿寺卿齊布森。為內閣學士。兼禮部侍郎銜。通政使司通政使扎拉芬。宗人府府丞。蔣子蒲。為都察院左副都御史。國子監祭酒姚文田。為詹事府詹事。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十八

實錄卷二百七十八

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七十九

此條係實錄卷二百七十九之末條其後尚有續修實錄卷二百八十一條

此條係實錄卷二百八十一之末條其後尚有續修實錄卷二百八十二條

此條係實錄卷二百八十二之末條其後尚有續修實錄卷二百八十三條

此條係實錄卷二百八十三之末條其後尚有續修實錄卷二百八十四條

此條係實錄卷二百八十四之末條其後尚有續修實錄卷二百八十五條

欽修

嘉慶十八年癸酉十一月己卯諭內閣昨因

實錄卷二百七十九

一

召見升授內閣侍讀學士之戶部郎中汪鏞
老邁龍鍾當經降旨將該員降級休致並將
姑容不叅之戶部堂官議處通飭在京各衙
門甄別衰庸矣朕思部院各司非一人專理
即間有一二衰庸者濫廁其間其事務尚未
致全行貽誤已應亟行澄汰至各直省道府
州縣各有地方專責若其人衰庸庸劣該管
上司徇情邀譽不行叅劾必致廢弛吏治貽
害民生所關尤鉅著通諭各督撫等將所屬

道府州縣實力甄別如有不稱職者據實劾
參毋任應援所遺之缺有亟須整頓者該督
撫保舉賢能之員專摺具奏即與例未符朕
自能鑒別加恩允准僅督撫等因有此旨徇
私濫舉或經科道糾參或別經發覺朕必將
保舉非人之督撫從重治罪決不寬貸○又
諭御史汪梅鼎奏請申明放賑定例以重民
瘼一摺各直省偶遇偏災施恩賑卹原期實
惠及民不使一夫失所地方官自應遵照定

例於查報戶口之初官給冊費親勘填冊按
戶散放並將應散銀米數目戶口姓名明白
刊示以杜胥吏中飽之弊近乃里保申報書
吏造冊均索使費官又輒轉剋扣以銀易錢
減價侵漁種種流弊不一而足本年直隸河
南山東安徽湖北陝甘等省各有歉收處所
已節次降旨賑卹而直隸東三省交界毗連
之處兼有賊匪蹂躪小民顛沛流離尤堪憫
惻若地方官當此之時辦理賑務及撫卹難

民仍不認真經理竟有侵蝕剋扣等事非我
臣僕其情難恕一經發覺必立予正法以為
玩視民瘼者戒各該督撫等務當督飭所屬
實心撫卹用副朕惠愛黎元至意○又諭瑞
齡奏分別挑選額兵一摺前鋒護軍係八旗
訓練精兵自應以年力壯勇者挑補即驍騎
營兵亦當以技藝較優者挑取不得以老弱
充數嗣後前鋒護軍責成該統領等勤加訓
練務俾一律精壯其不堪用者著照所請卽

退分別補換至八旗挑補領催比試清漢文
馬甲比較弓箭均著覈實辦理惟養育兵一
項較其家口多寡挑取以資養贍著通諭八
旗一體遵行○又諭瑞齡等奏昨日朕御門
辦事護軍參領雅林保護軍校福珠隆阿並
未站門請將雅林保交部議處福珠隆阿交
本旗從重鞭責等語雅林保著交部議處至
前鋒護軍統領俱有管束兵丁之責護軍校
福珠隆阿應行鞭責瑞齡即當立時懲辦此

等事亦必入奏交旗必至兵丁等於該管大臣毫無畏懼福珠隆阿即著瑞齡從重鞭責嗣後鞭責等事俱著該統領等自行辦理毋庸具奏○諭軍機大臣等章煦奏拏獲散旗惑眾匪犯提案審辦一摺田克岐敢於製造號旗交霍富秋任洛正散布惑眾可恨已極著向田克岐嚴究旗上書寫二月二十九日伊等約期謀反獨定此日係何情由又伊等既欲起事豈無刀矛器械獨造黃旗多面其

意何居該督務即派幹員將此三犯及其餘應拏各犯按名捕獲勿任一名漏網並將該犯等是否與京城滑縣賊匪勾通之處詳細訊明一面奏聞一面即將該犯等正法將此傳諭知之○減免直隸文安縣大窪地畝額賦○蠲緩三姓地方水災霜災旗民新舊未完倉糧及丁地米折銀並貸銀兩口糧有差○緩徵寧古塔阿勒楚喀疊被霜災電災新舊未完倉糧及丁地米折銀有差○庚辰諭

內閣前日據鐵保奏籌議經費一摺內稱伊曾任督撫有年願照兩江總督俸廉一年之數捐銀一萬八千兩以盡蟻忱鐵保久膺外任養廉優厚以祿入所餘還輸公用伊前因南河興辦要工認繳養廉銀四萬兩曾准其解交河庫此次復因積有餘資請再繳還總督一年養廉事同一例是以准其交納部庫至其所請令京外各員量力報効之處現交該部覈議乃本日鄭親王烏爾恭阿奏稱伊

見教匪滋事國用浩繁請扣親王俸二年歸入軍需應用等語所奏殊屬無謂國家仰承昊佑幹運盈虛雖有戎事出入度支從無缺乏從前辦理三省邪匪七年之久餉銀用至八千萬兩悉由帑藏頒發從未令臣工輸助彼時王公大臣亦未有奏請者此次勦捕滑縣賊匪地止一隅師行兩月連奏捷音餘匪嬰城已如釜魚檻獸計日即可克復縱或駐師搜捕經理善後事宜臘底春初定可全師凱

衛軍需支發無多不須廣為籌畫今烏爾恭阿倡為此舉設王公大臣等紛紛效尤籲懇捐輸成何政體所請不准行諸王大臣與國休戚相關但當竭忠盡力於職守所在實心整飭能使綱紀修明中外肅人上以感召天和豐登屢告下以綏安黎庶奸宄不興數年之間家給人足國用日充所獲多矣正不必貢獻輸忱始稱忠蓋也布告在廷咸喻朕意○以吏部左侍郎文寧署直隸提督○辛巳

上御懋勤殿勾到朝審情實罪犯停決官犯三人斬犯三人絞犯十五人餘十人予勾○諭內閣本日勾到朝審官常各犯內蒼震門該班之已革副參領齊欽已革護軍校明崑堪明三犯及已革護軍福珠隆阿等十三犯皆因守衛疏玩致賊匪突入大內非尋常懈怠可比即將該犯等概行予勾實屬罪有應得惟此次賊匪突入禁門為從來未有之事實非人情意料所及直班官兵倉猝未能守禦

尚有一線可原且東華西華各門官兵業經得邀寬典今朕於萬無可貸之中特加恩宥所有齊欽等十六犯俱著免其勾決該犯等疏玩情節仍有輕重不同應行區別此內齊欽堪明福珠隆阿鎖住伊靈阿五犯是日因飯牌已下照常更換出外買食聞信後始繞進神武門其失誤尚屬有因齊欽堪明福珠隆阿鎖住伊靈阿均著枷號四箇月滿日發往伊犁明崑瑞昌凌倭訥蘇肯榮泰斌得福

保得勝保海長福祿保十犯彼時俱在內該班或屋內閒坐或私往他處擅離直所其罪較重明崑瑞昌凌倭訥蘇肯榮泰斌得福保得勝保海長福祿保俱著枷號六箇月滿日發往伊犁其關隆一犯係午刻輪坐木克山之人見賊匪混入不能辨識其罪尤重關隆著在刑部監牢枷號八箇月滿日仍牢固監禁又斬犯曹廷琦曹維曹咸亨三犯均係逆犯曹綸期親服屬按律緣坐本應予勾但曹

廷琦等素因曹綸情性乖張罔顧倫理久經斷絕往來情同陌路不特於曹綸蓄心謀逆毫不知情即其從前入教亦並無見聞且曹維之母荆氏孫氏前在伊父曹廷奎南龍任所因苗匪圍城俱自縊身故曹綸負國昧良不念

累朝養養深恩行同梟獍然朕勅法施仁並行不悖於殉節死難後嗣仍必寬其一線曹廷琦曹維曹咸亨俱著免其勾決交刑部牢固

監禁○又諭英和等奏酌議各門添設文員稽察章程一摺京城內外各門向設城門領等官稽查啟閉近因兵丁等盤詰商民有藉端需索之弊該衙門奏請揀派筆帖式四員前往分查內外城門共十餘處添此微員四人安能稽查周密仍屬有名無實惟在該步軍統領等隨時留心明查密訪如有勒索賄縱者立即從嚴懲辦自可禁絕弊端其各門偏吉官廳所設兵丁著各旗該管大臣分飭

章京等不時嚴查並通飭各稅局一體稽查毋令胥役索詐滋擾至崇文門添派巡捕營弁兵巡緝稅課一事不特不能杜弊適以滋弊著該監督等仍照舊例專設員役稽查其巡捕營毋庸兼管若海巡等有得賄縱奸及需索行旅等情令巡捕營舉報查明究辦○諭軍機大臣等據方受疇奏盤獲賊匪司建魁訊據供稱首逆李文成於十月內逃至宋姓賊營欲竄往山東因長垣一帶有官兵堵

截即往封邱陽武一路欲奔太行山等語又據托津奏稱獲犯魏得中供稱賊目劉輜明等將李文成接出滑城欲往山東曹縣扈家集朱成貴家養病等語該犯等行蹤詭詐是否果赴曹縣或仍在豫省尚難憑信那彥成等當詳細查探務期弋獲李文成與劉輜明同在一處劉輜明亦係緊要賊目若同時緝拏將劉輜明訊供具奏即於該處正法李文成一犯解京盡法處治將此傳諭那彥成等

知之○壬午諭軍機大臣等據托津奏因馮克善有逃往德州之信現督同馬瑜富蘭閔俊烈帶領官兵按程前進探有匪徒聚眾即趕往殲除等語所奏紕繆已極現在滑城圍攻喫緊之時最防潰匪竄往開州一帶托津當緊顧北面方為正辦至馮克善潛赴德州恐與宋躍濇糾約尚係懸揣之詞本日同興奏訪查德州並無宋躍濇其人惟景州有宋延齡宋雷二人學習拳棒徒弟甚多恐即係

宋躍濇之捏名已派官弁訪拏等語宋延齡宋雷二人即果係宋躍濇現尚潛伏易於擒捕此時托津率爾統兵三千餘名前往宋躍濇等聞信驚逃轉難弋獲甚或見大兵壓境情急逞兇豈非激之使變開州距德州六百里今托津忽以欽差帶兵進發沿途居民豈不驚擾況滑城將次克復賊眾窮蹙設或探知北面大兵移往他處竟向直隸邊界奔突徐銳帶領存城兵豈數堵禦托津計不及此

舉動冒昧著傳旨嚴行申飭○免安徽毫蒙城懷遠鳳陽宿盱眙五河七州縣水災旱災額賦並緩徵靈璧定遠壽鳳臺潛山太湖宿松望江東流繁昌桐城阜陽懷寧當塗蕪湖無為廬江巢天長十九州縣新舊漕糧額賦有差賑毫蒙城懷遠鳳陽宿五州縣災民給泗盱眙五河鳳陽靈璧五州縣暨屯坐各衛一月口糧○緩徵江西廬陵泰和新淦清江豐城五縣水災新舊額賦有差○癸未諭內

閣茹榮奏編查保甲請分別造冊更換一摺都城居民輻輳去住靡常現在編查保甲立法不厭周詳又須簡明易行免滋擾累除居民鋪戶應造循環簿按年更換外其客店車行庵觀寺院著另立清冊兩月更換一次園館居樓優伶寓所著另立專冊一月更換一次五城御史督率揀發試用人員分款實力稽查日久奉行毋稍疏懈○甲申命皇次子智親王

祭

關帝廟○署直隸總督章煦奏滑城賊匪竄往封邱輝縣新鄉等處有直趨林縣之勢等情得旨頃接卿奏實切焦思已由六百里加緊嚴催高杞托津分帶將弁兵丁兜剿但恐緩不濟急為今之計先嚴諭廣平府屬州縣速練團勇保守城垣自北而南以堵為剿候大兵齊集併力剿除此股賊內有首逆李文成劉惲明二賊李文成眼目受傷兩腿不能行動身坐四套大車此二賊窮兇極惡必須生擒若有擒獲者官則超升兵則超用民即授職仍施厚恩布告官兵兆庶毋負朕意日內一得信息即行馳奏斷勿遲延○旌表守正捐軀直隸涑水縣民張繼周女張氏○乙酉諭內閣御史王嘉棟奏責成州縣整飭地方以昭職守一摺州縣為親民之官必其人清勤明幹方能體察閭閻疾苦辨別氓庶莠良共襄善治若如該御史所奏簡僻者耽於安逸繁劇者疲於應酬安望吏治之修舉欲

革其弊固在於禁止私謁裁減供支而官吏之賢不肖尤必考察維嚴方稱綜覈名實之義昨因升授內閣侍讀學士之戶部郎中汪鏞經朕於召見時察其老邁龍鍾降級休致通飭在京各衙門澄汰衰庸並令各直省大吏一體遵辦現在京職各員已據該衙門詳加甄別漸就澄清而外任官員較之京員職守尤專其藩臬大員為通省表率尤貴得人著通飭各督撫先將所屬藩臬兩司詳加查覈如有劣蹟者列款劾參其或年力衰穢及年未衰而才具不能整綱飭紀振興吏治者亦著據實密奏候朕鑒別其道府州縣丞倅佐貳以及候補人員著該督撫督率藩臬二司公同甄別如有不稱職者分別降革勒休毋任戀棧不必俟三年大計將庸碌者概行沙汰庶賢能之材得以及時効用俾其盡心民事力振積風該督撫等務各矢天良秉公考覈毋寬容以邀譽毋谿刻以作威進賢退

否黜陟幽明用副朕整飭官方至意○山東巡撫同興奏審辦獲犯究出首逆林清出力人員賞知府凝園花翎知縣潘尚楫等儘先補用○命浙江處州鎮總兵官郭文燾馳往河南軍營交高杞差遣委用○賑山東曹州濟寧二府州屬被賊難民○丙戌嚴申誣告叛逆之禁諭內閣本年九月十五日之變奸民林清倡首作亂其附近村莊隨同助逆者竟有二三百人實屬罪大惡極斷不能任其

一名漏網國有常刑法所不赦其能捕獲正犯者皆予破格施恩如拏獲林清之把總田濤番役張吉等超升官職重賚帑金昨順天府奏署巡檢韓邦俊拏獲由西華門逸出之逆犯田起祿審訊明確特將該員以縣丞升用並將該府尹等寬免另案處分以期羣知鼓勵迅獲兇渠乃連次各處拏獲人犯其中真偽相參在十月十五日以前者審明多係真正逆賊其十月十五日以後所拏之犯或

僅止習教或全無干涉徒令承審官日夜研鞠廢時曠事所審者皆係無稽之事轉令有名逆犯遠颺漏網且似此拖累無辜必至人人危懼轉瞬長至歲朝民閒迎神獻歲如香燈爆竹等事皆避忌不敢舉行豈稱綏衆寧民之義朕愛育黎首除莠安良多保一良民增朕之福枉殺一無辜心實不忍著通行曉諭畿輔億萬戶除有數莠民外其餘皆朕善良赤子宜各安生業無惑浮言現在未獲逆

犯中如劉呈祥祝現劉第五等有確知其蹤跡者到官密首拏獲審明立將首告之人厚加賞賚並給予職官若妄報邀功照例治罪其或挾仇誣扳則誣告叛逆律有明條即以叛逆之罪罪之步軍統領順天府五城亦各以此嚴飭兵役賞罰同之至愚民淫祀邀福習俗漸染已久並非悉皆逆黨其家有供奉邪神及收藏違禁經卷或自行銷燬或呈繳到官既經改悔概行免罪該衙門即迅速騰

黃刊布俾衆聞知。共喻朕除莠安良威與維新之意。○丁亥。總管內務府大臣奏酌增直班官兵銀米數目一摺。得旨。兩翼八旗官兵及內務府護軍營驍騎營官兵在內直宿。專伺稽查門禁。晝夜巡邏。責守恭重。不得一刻擅離。向來每日賞給銀米。原資果腹。朕念近日物價昂貴。所開銀米恐有不敷。特降諭旨。命總管內務府大臣等量為調劑。以廣恩慈。今據奏稱。每人每日加米三合。加銀一分。並

酌撥房間。以為炊飯之地。從此各營官兵入直該班。無所藉口。均當感戴朕恩。常川在直。所朝夕竭力稽察。不可始勤終惰。如遇官兵偶有患病等事。必須該管大臣官員驗明屬實。令人接替。方准下班。無故出門者。不特將本人治罪。並將同班之人。及該管官員大臣一併重懲不貸。各宜激發天良。共期盡職。著將此旨。用清漢文書於木牌。在各直舍懸掛。觸目警心。日久奉行毋忽。○刑部奏審擬傳

習紅陽教犯安傑等罪。並請分別查拏人犯一摺。得旨。此案學習紅陽教人犯安傑等。刑部僅擬以杖徒鞭笞發落。殊屬輕縱。安傑著發往烏魯木齊。廣五即廣明寶實成。浦黃添受張大柱。王如松。傅成輔。劉景泰。葛長齡。俱著發邊遠充軍。餘著照所擬完結。其附摺所奏分別查拏人犯一節。該部職司讞獄。於各衙門緝獲人犯。交部審訊。該部訊問確實。照例定擬。如有虛誣。奏請昭雪。至緝捕之事。非

刑部所當議。及此奏顯係憚於研鞫。意存諉卸。所有刑部堂官均著傳旨申飭。○那彥成奏截勦輝縣賊匪。直抵司寨。得旨嘉獎。副都統德寧阿等下部議敘。○托津奏勦滅開州賊匪。出力員弁護軍叅領福英阿下部議敘。賞遊擊滿德坤班荆布。即能花翎。知州周衡等藍翎。守備王正剛等升用。開復有差。○實授明亮為兵部尚書。調理藩院尚書景岑為都察院左都御史。實授和世泰為理藩院尚

書○以緝獲山東逆犯宋躍濤同知武隆阿等下部議敘○以緝獲逆犯王士青賞盛京刑部侍郎貴慶副都統緒蔣花翎○戊子上詣

壽康宮行禮○諭內閣那彥成等奏官兵截剿輝縣竄匪全數殄滅殲斃逆首李文成及賊首劉幗明一摺所辦可嘉之至本年九月十五日之事逆首林清與李文成二人內外勾結約定同日起事適李文成在原籍滑縣強

克捷訪拏刑訊其黨與見事已敗露不能待九月十五日之期即劫獄戕官揭竿倡亂林清在京謀逆外援不至迅就捕誅而李文成在豫省指揮逆黨四出焚劫直隸長垣東明山東定陶曹縣等處同時蠡起戕害生靈經朕簡派領兵大員調集數萬官兵會同勦捕該逆李文成潛伏滑城見官兵連獲勝仗於未經合圍之先賊黨劉幗明等乘夜將該逆擁護出城另糾夥衆數千人由封邱延津修

武竄至輝縣希圖入山奔逸若使遂其奸謀則滋蔓難圖朕之良民受其荼毒者又不知幾千萬人正在廛念適朕前派之吉林黑龍江馬隊官兵星馳到豫那彥成等派令德寧阿色爾袞帶領追又有楊芳特依順保二人管帶蘭州固原勁兵前往合剿追至輝縣司寨山中殲戮賊匪二千餘人首逆李文成率同賊目劉幗明等數百人負隅死守本日接那彥成六百里加緊奏報德寧阿楊芳等

統率滿漢官兵奮力攻擊不避鎗石折毀寨牆一擁而登生擒賊匪二百餘名李文成避入樓房楊芳特依順保色爾袞德寧阿率衆直入該逆等無可逃避劉幗明自稱其名持刀躍出被官兵用鎗擊斃李文成亦對衆稱名舉火自焚經官兵搶出業已壓斃查驗屍身刑傷痕跡顯然其餘賊目及從逆夥黨五六百名全行殲戮並無一名漏網實足以彰國憲而快人心該將領及滿漢官兵等倍常

奮勇宜加優獎。色爾袞、德寧阿著加恩各賞加都統銜。楊芳特依順保著加恩各賞加提督銜。即先換一品頂帶。該四員仍俱賞給雲騎尉世職。其本有世職者准其再兼一雲騎尉。乾清門三等侍衛伊勒通阿身受六傷。費勇力戰著加恩起升為乾清門頭等侍衛。仍賞給勁勇巴圖魯名號。再加賞四喜玉搬指一箇、花大荷包一對、小荷包二箇。又發去玉柄小刀十把、磁礮翎管十箇、瓷翎管十箇。瓷搬指套十箇。分賞出力官弁。一兩重銀鏢二百箇、五錢重銀鏢二百箇、一兩重銀牌一百面、五錢重銀牌一百面。分賞出力兵丁。仍著那彥成等秉公查明官弁兵丁內奮勇出力應行獎擢者據實保奏。候朕施恩。陣亡之吉林委叅領福林德著加等照叅領例賜卹。逆首李文成著於劉屍後傳首河南直隸山東滋事地方示衆。劉輜明亦著於屍梟示其餘擒獲賊目韓得衆等審明即於該處正法。此

股竄匪洗蕩淨盡。殲渠魁。滑城長圍已合。餘賊聞風喪膽。著那彥成等迅速進攻。毋俟捷音再加懋賞。將此通諭中外知之。○諭軍機大臣等據同興奏。拏獲逆黨宋躍濬。訊供逆首馮克善從滑縣走出。於十一月初十日到該犯家中。十五日該犯送至景州。由獲鹿前赴山西等語。該逆馮克善甫於十一月十五日自景州起身。前赴山西。由直隸境內行走。計尚未能遠颺。該署督迅飭各屬按照所供年貌嚴密查拏。逆首李文成、劉輜明等俱已殲斃。滑城指日克復。惟查拏潛逃匪徒最關緊要。所有著名逸犯徐安、輜、牛亮臣等現在滑城困守。此外馮克善一犯即係最要逆目。該署督當督飭各地方文武員弁認真設法緝緝。如能弋獲必將獲犯之人優予恩施。勉之毋怠。將此傳諭章煦知之。○賞八旗兵丁一月錢糧。○己丑以服闋宗人府府丞李宗瀚為宗人府府丞。○庚寅諭內閣嗣後滿

漢京堂缺出。遇有郎中開列應升者。著該部院堂官每衙門各保舉二員。出具切實考語。咨送吏部開列具題。候朕簡用。儻徇情濫舉。將不稱職之員保送充數。必將原保堂官議處示懲。○又諭此次逆案內發遣各處駐防為奴人犯。本皆法無可宥。因人數眾多。不忍駢誅。從寬貸其一死。該犯等到配後。著各該將軍都統等。散撥各處安插。勿令聚處。仍嚴加管束。如有不遵約束。或故智復萌。在彼傳

教斂錢。及乘間脫逃者。該將軍等拏獲審明。一面奏聞。一面即在該處正法。毋稍寬縱。○又諭逆賊林清與李文成二人互相勾結。倡首作亂。李文成曾兩次到京。與林清面訂於本年九月十五日起事。屆期李文成由豫省帶領匪徒數百人來京接應。適滑縣知縣強克捷訪知李文成逆謀。於九月初間將該逆拏獲到案。刑夾收禁。賊黨馮克善等因謀救首逆。遂聚集徒黨。於初七日入城劫獄。並突

入縣署。將強克捷全家戕害。彼時李文成徒眾已在本籍搆亂。遂不及分派。賊黨進京。林清不知外援已絕。仍守株坐待。旋經捕獲。立正刑誅。李文成雖一時免脫。究因傷重不能步履。在滑城潛伏。迨後官兵屢勝。賊黨劉輜明等於未經合圍之先。將該逆擁護出城。乘坐大車。沿途逃避。究因帶傷不能遠逸。旬餘之久。僅逃至距滑城二百餘里之司寨。官軍星馳追及。立予殄滅。檢驗屍身。傷痕宛在。林

清李文成二首逆。因未遂期會。奸謀是以前後授首。易於拉朽。今全師告捷。追思強克捷首破逆謀。厥功甚大。而全家慘遭荼毒。尤堪矜憫。前曾降旨將該故員照例賜卹。尚不足以旌其死事之忠。強克捷著加恩。照知府例賜卹。並著入祀京師昭忠祠。交該撫查明。伊尚有無遺嗣。著於服滿後承襲世職。送部引見。以示酬獎。忠勲恩施優渥。至意。○又諭各省邪教之起。其始止於燒香拜會。聚眾斂錢。

或由數人至數十人多亦不過百餘人地方官一經訪聞隨時拿獲按律懲辦邪說自可漸熄無如州縣因循怠玩於所屬村鎮匪徒夜聚晝散傳教授徒等事俱視為故常不加究詰久之奸民徒黨衆多潛懷悖亂養癰滋蔓貽害至不可勝言前特降旨寬免地方官失察處分以除諱匿之弊仍恐伊等存畏事之見不認真查辦著再通行申諭嗣後各直省州縣官到任後先周歷村莊稽查保甲將

境內有無邪教申報該管上司如訪有萌蘖立即查拏究辦毋稍玩泄儻飾有為無化大為小經上司訪聞將該州縣從重叅處若州縣詳報而上司諱匿消弭准該州縣直揭部科代為呈奏將該管上司嚴懲不貸○又諭九月十五日首逆林清分遣匪黨突入禁門其時西華門官兵全未擒捕以致賊夥數十人盡數闖入門被賊闖搜捕兩日始行淨盡該官兵等厥咎甚重是以概行發遣東華門

當賊匪突入之時經該官兵等即行攔截將門扇掩闔祇闖入賊匪五名其二名於蒼震門內擒獲餘三名即在東華門殲斃現在節次拏審逸犯因東華門關閉後逃回者甚多是該官兵等尚屬功多罪少著加恩將前此革職之副叅領雙福降一等補用護軍校真武保雙全俱賞補護軍其斥革之護軍巴彥圖官紹傳森布泳恰布全泰崑崙保鍾魯瑪達春雙祥富清阿德克金布富克精額嚴喜

那林俱賞補馬甲○又諭從來治民之道教化為先國家撫有黎庶設羣有司畀以司牧之任所以迪牖斯民俾日興於善非第催科斷獄即可稱為良有司也近來各省地方官積習因循稍能守法奉職者已不可多得至於教化之事則置焉不講閒有恥為俗吏勤思治本者鮮不視為迂談朔望讀法孟冬鄉飲皆著於令甲舉行者蓋已寥寥况實能導民於善更化易俗者乎夫孝弟忠信禮義廉

恥此八者為盡人所當知當行凡在四民舍此則無以為人地方有司舍此亦無以為教孟子曰經正則庶民興庶民興斯無邪慝官吏不修正教無怪愚民習於邪教其初大率為學好修福之說所惑因愚入妄因妄而至於犯上作亂及罹於罪辜國有常刑而實皆由於地方官教化不興以至陷溺斯民至於如此語云邪不勝正所謂正者即孝弟忠信禮義廉恥嗟我良民何辜受邪說之害朕思

之實為惻惻著通諭各直省督撫轉飭該州縣等於所屬民人實力化導宣講

聖諭廣訓務俾家喻戶曉久之人心感發知仁而有所不忍為知義而有所不敢為則正教昌明邪說自熄矣至生監為齊民表率尤當束身名教共相砥礪著各學政督率教官加意訓迪於歲報優劣秉公甄別俾知有所勸懲再習尚侈靡尤為風俗人心之害近日民間服飾器用競尚繁華以至物力匱乏民貧

則奸邪易生不可不示以節制並著該地方官嚴申禁令務俾崇儉黜奢先義後利庶幾習尚日端用副朕敦俗化民之至意○諭軍機大臣等滑城克復後即有搜捕零匪等事有那彥成高杞楊遇春在彼足敷督辦托津即行回京供職先將京兵凱撤西安滿洲官兵亦可先著富僧德管帶回營直隸各營官兵出征者共有六七千名各處城守亦覺空虛那彥成係直隸總督並著將不甚得力之

兵先撤回一二千名各歸本汛以資鎮撫其吉林黑龍江馬隊並甘肅蘭州固原得力之兵統俟餘匪淨盡地方實可放心再行凱撤○以緝獲逆犯多人賞京營叅將趙廣德花翎○

上以冬至祀天於

圓丘自是日始齋戒三日○辛卯軍機大臣議奏鑾儀衛額設民校尉請改用旗校尉從之

○壬辰	上詣	南郊齋宮齋宿○癸巳冬至祀	天於	圓丘	上親詣行禮○遣官祭	永陵	福陵	昭陵	昭西陵	孝陵	孝東陵	景陵	泰陵	泰東陵	裕陵○遣官祭	孝淑皇后陵寢○遣官祭	端慧皇太子園寢○停次日朝賀○諭內閣
-----	----	--------------	----	----	-----------	----	----	----	-----	----	-----	----	----	-----	--------	------------	-------------------

朕本日恭祀	南郊天氣暄和禮儀明備	壇壝內外整齊嚴肅屏息無譁此次增添翊衛	事宜係屬創始各該處率履無愆所有原議	之御前大臣領侍衛內大臣內務府大臣前	鋒統領護軍統領步軍統領等均著加恩給	予紀錄二次此內莊親王綿課於一切章程	彙總籌酌除給予紀錄外伊子奕睦尚未考	試應封著即封為輔國公仍賞戴花翎其	壇內執事之太常寺各官肅恭將事俱著加恩	給予紀錄二次成寧總理太常寺於	壇內各事宜酌議詳妥除給予紀錄外再加恩	賞戴花翎派管	壇門之鐵保明亮果齊斯歡寶興巴特瑪朱毓	瑞管理嚴肅亦著加恩給予紀錄二次嗣後	每年三次	南郊大祀俱著照此次所定章程敬謹豫備永	遠遵行毋怠○又諭衡齡奏挈獲捏名誣陷
-------	------------	--------------------	-------------------	-------------------	-------------------	-------------------	-------------------	------------------	--------------------	----------------	--------------------	--------	--------------------	-------------------	------	--------------------	-------------------

王銀廣等案犯秦定宇審明分別定擬一摺
此案秦定宇因被王銀廣誘令賭博輸欠情
急輒假捏叛匪姓名書信誣人謀逆重罪且
於布旗內書寫悖逆字樣現當匪徒滋事之
時該犯圖洩私忿造作逆詞搖惑人心情節
尤為可惡該撫照例擬以斬監候不請旨即
行正法所辦未免拘泥秦定宇著即處斬並
著該撫出示曉諭地方居民如知有真正謀
逆之犯赴官首告一經審實必當重加獎賞

若挾嫌誣捏審明後亦必加等懲辦立正典
刑庶小民共知勸懲不敢以假亂真至王銀
廣一犯起意局賭及與販婦女本罪有應得
該犯誘令秦定宇賭博以至釀成此案擬以
杖徒尚覺輕縱王銀廣著杖一百發邊遠充
軍餘依議○是月托津奏帶兵會剿林縣竄
匪行抵磁州南界接據那彥成來信逆首李
文成等業已殲斃餘匪全數剿除即趕回開
州邊境嚴密防堵得旨汝試思之帶領千餘

官兵衝寒跋涉徒勞地方供應成何事體指
日滑城克復若有北來餘匪奮力勦辦如無
速至軍營會商應往何處汝若無可辦之事
先令香山火器二營官兵還京仍分四起汝
同慶祥帶領頭起先行

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百七十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十

監修總裁官經見日講起居注太子太傅武英殿大學士文淵閣領事稽察欽奉
上諭事件處管理刑部事務翰林院掌院學士

崇加級尋常加級臣貴休備總教習太子太傅文淵閣大學士左庶理刑部事務加級臣貴均元履選員得赴屠沽官太子少保內大臣文淵

閣提舉閣事稽察欽奉
上諭事件處協辦大學士都尚書翰林院掌院學士兼管庶吉士總管內務府大臣鑲黃旗滿洲都統堂

統領管理九部三庫奉宸苑清園等處總理工程處御膳房御藥房太醫院西洋館事務軍功加級隨帶加級尋常加土級紀錄二十

次在英和經度諸臣太子太保禮部尚書上書施行吏部武英殿藏書總目于監事務加六級隨著卹卹紀錄四次汪廷珍等奏

救修

嘉慶十八年癸酉十二月甲午朔緩徵陝西

咸寧長安寧陝孝義高陵興平藍田鄠盤屋

醴泉咸陽涇陽三原渭南臨潼富平蒲城大

荔華乾武功鎮安二十二廳州縣被旱災民

額徵粟米
乙未諭內閣綿課等奏會議謁

陵隨扈翊衛各事宜一摺所議各條俱屬妥協
著依議行朕每年春月諏吉謁

陵並臨幸南苑行圍習武歲以為常本年九月

河南滑縣等處匪徒滋事調派京營吉林黑龍江及直隸各營官兵馳往會剿沿途經過

各州縣應付車馬等項不無藉資民力又林

清在禁城謀逆餘匪散布近畿所有京圻牧

令率皆揀員更換責令編查保甲除莠安良

實力整頓若明春仍照歲例舉行謁

陵典禮各地方官承應差次於本任職事難免

曠誤且閤閤元氣未復亦應與之休息恭查

乾隆二年八月

皇考高宗純皇帝定期恭謁

泰陵舉行

皇祖世宗憲皇帝二週年禮儀其時督臣李衛

以禾稼盈疇奏請停止

皇考俯俞所請成什述哀明春朕祇謁

東陵本係歲行常例敬當仰體

皇考愛育畿輔黎庶之心暫停前往俾京兆官吏得以從容時日敬事勤民想

在天之靈必蒙鑒允俟一二年後有旨諏吉謁

陵原議王大臣再將隨扈翊衛事宜酌議具奏
又諭黃鉞叅奏失察武生從逆之教官請

旨革職一摺馬克光身係武生膽敢戕官劫獄為著名賊目情罪重大該管教官失於查察非尋常疏懈可比荷澤縣訓導兼理曹州府教授宋璇著即革職以為教官溺職者戒本日又據御史辛從益奏本年六月山東金鄉縣紳士以邪匪聚眾密揭教官教官詳稟學臣張鵬展其時縣令在省辦案聞風恒懼經學臣詳問該縣情形屬實飛咨撫臣同撫臣猶以教官黨護秀才挾嫌捏報未肯即

行遣捕學臣力爭同興感悟始行查辦究出首逆林清藏伏附京近地等語張鵬展在山東學政任內失察武生從逆有應得之咎若果東省邪匪由張鵬展力爭查辦則功過足以相抵著張鵬展先行明白回奏並著同興將此案查辦原委據實明白回奏尋奏上得旨張鵬展在山東學政任內失察武生從逆本應交部嚴加議處其於金鄉縣邪匪謀逆鉅案一聞稟報即飛咨同興查辦並向該撫

力言必應奏聞辦理同興始飭縣拏獲崔士俊等究出首逆林清奏明立就捕誅該學政功過尚足相抵著加恩免其嚴加議處惟學政本有奏事之責張鵬展彼時不先行奏聞亦有不合仍著交部議處以山東賊匪剿捕淨盡命經理糧餉內閣學士文孚來京供職丙申諭內閣那彥成奏查明隨征怠玩之備弁兵丁嚴行懲辦一摺所辦甚是軍營賞罰嚴明方足以示勸懲此次官兵攻克司

寨殲除首逆所有在事出力奮勉之將弁兵丁均經立沛恩施俾知鼓勵乃白土岡進剿之時健銳營及河南西安弁兵中竟有一二退縮不前者經特依順保楊芳等立時砍斃二人率眾鼓勇直前始獲全勝茲查出河南盧氏營守備左傳文西安營驍騎校穆蘭健銳營前鋒校查當阿副前鋒校倭什布明福俱臨陣畏葸本應即按軍法從事但念此次全師告捷始從寬懲辦左傳文等五員俱著

革職即在軍營枷號示衆俟軍務全竣發往伊犂到戍再加號三年後充當苦差永遠不准釋回俾羣知警畏以肅戎行諭軍機大臣等御史申啟賢奏豫省奉旨賑卹各州縣因將截漕米石改撥軍需應行折給賑糧尚多遺漏又開封彰德地方官亦借軍需為名科派草豆並請嚴緝南汝一帶紅鬍子順刀手各等語豫省連年歉收現在河北一帶又被賊匪蹂躪一應撫綏安輯事宜最關緊要

著該撫嚴飭所屬將應行賑卹各州縣按照查報戶口妥速散放毋任官侵吏蝕其彰德等處有無藉軍需苛派民間之事併著嚴查具奏該省南汝一帶最多匪徒現在辦理保甲著嚴飭地方官實力編查妥為鎮撫將此傳諭方受疇知之○那彥成奏勦滅河南輝縣賊匪殲斃首逆出力人員賞營總和福已革總管舒爾哈善副都統銜佐領永海特里善營總阿爾遜叅領巴圖魯德海德林保侍

衛蘇倫保都司趙啟貴巴圖魯名號叅領巴揚阿德清克仁阿巴爾精阿佐領安出拉額布臣驍騎校貴當阿富色訥領催永謙岱清保富里善遊擊馬正元安惠都司馬鳴謙守備唐偉千總張作功王萬得饒成富花翎前鋒訥清額等藍翎知州銜宋炳等升補有差○賑河南祥符陳留杞通許尉氏洧川鄆陵中牟蘭陽儀封鄭禹密新鄭裕葉太康許臨潁襄城長葛汝魯山鄆寶豐伊陽寧陵睢商

邱鹿邑柘城洛陽偃師鞏登封光虞城安陽湯陰臨漳武安內黃獲嘉輝封邱考城河內濟源修武武陟原武陽武孟津舞陽羅山淮寧沈邱滎澤濬宜陽南陽南召鄧閿鄉西華項城鄆城六十七廳州縣疊被水旱災民給封邱陽武新鄉獲嘉輝林六縣被賊難民兩月口糧丁酉諭內閣十六日二阿哥接冊寶內廷行走之親王郡王固倫額駙軍機大臣上書房師傅管理內務府大臣及公孟佳

公舒明阿准其到擯芳殿道喜送如意此外王公文武大臣俱不准去違者治罪不恕○戊戌諭內閣國家求治之道所寶惟賢公孤卿尹其才猷器識朕自勤加甄別至百僚庶司勢難徧觀盡識惟在大臣推賢讓能方合以人事君之義嘉慶四年曾降旨令部院大臣密保賢員嗣考言詢事洊加簡擢賢才願由此而進現當整飭綱紀之時尤當博選賢能共襄治理著通諭滿漢文武一二品大臣

各舉所知必灼見為才品卓越有守有為者密疏所長登之薦牘古人內舉不避親外舉不避仇果其有裨於國即屬親故俱不必存避嫌之心但不得植黨徇私妄相援引朕觀其所舉益可收明目達聰之效儻平日實無素信之人不得濫舉充數該大臣等務各秉公忠薦賢為國用負朕登崇俊良至意○又諭據欽天監奏正陽橋護城河水周流環遶直達通潞合之正陽門永定門南北方位正

協水火既濟之義今天橋南河泊六處閱年漸久泥土半淤審度地勢似涉水火相爭應請將兩岸積土趁勢填實等語正陽門就外城形勢而論地居坎位永定門在其南地居離位正陽橋近北導引河流委輸通潞恭讀皇考高宗純皇帝聖製正陽橋疏渠記本取坎離既濟之義辨方正位鞏固皇圖彼時司工官未喻

聖意遂窆河泊六處我

皇考以成事不說故不待請而為之記茲正陽橋一帶護城河渠浮沙淤墊亟宜疏濬以達流泉其天橋迤南河泊六處該監審度象涉水火相爭與

聖製文協坎離以亨既濟本義殊不符合其地依形家言為都城明堂法宜坦平正直今四凸參差於

郊壇左右觀瞻亦復不肅著照欽天監所請交步軍統領衙門即用兩岸積土將河泊六處

一律培墊以大和會而昭蕩平敬述

聖製文真經涂以鞏皇圖本義該衙門即擇吉辦理又諭御史傅棠奏請定內外大臣在任年限及興修水利以裕民食二摺所奏俱不可行國家簡用臣僚內而部院大臣外而督撫藩臬其才具之優絀與職任之繁簡不能不隨時量能器使期於人地相宜若如該御史所奏必拘以年限始行更調豈該員於簡用後不能勝任亦必曲為姑容待其服滿

耶至所奏請將直隸東豫歉收地方凡淤塞水道坍塌隄岸急為修整疏通該三省現在辦理軍務京外各項工程尚因軍興概行停止寧於此時轉令工役繁興勞民糜帑尤屬迂闊不達事理該御史所奏著均毋庸議○諭軍機大臣等新疆南北兩路自乾隆年間開闢以來設立駐防以資控馭地方遼闊道路遙遠各路卡倫驛站繁費在所不免從前新疆經費係由內地撥解備用歲以為常原

難一時裁減惟思巴里坤烏嚕木齊已列為郡縣南路各城回民歲輸貢賦亦比於齊民大率與內地無異其伊犁塔爾巴哈台兵丁亦多給與屯田該處自平定以來五十餘年人民日聚土地日闢今昔情形不同因時制宜亦宜量加裁定著傳諭松筠長齡將新疆南北各城及鎮西迪化二府州所屬每年出納大數通盤覈計其地利所產人力所生是否歲有增益不須取資內地者約有若干即

不能以該處歲入給該處之用但使經費歲有所減則於國用不無稍裨此事關繫甚大總在松筠等公忠體國實心擘畫務為經久無弊之策朕亦不責以近功速效也○己亥孝惠章皇后忌辰遣官祭

孝東陵○諭內閣涿州固安二處為京師往來孔道行旅絡繹奸宄易於潛跡著順天府會同直隸總督嚴飭該州縣留心查覈並添派幹員幫同稽察門關巡邏市鎮勿稍疏懈○

又諭同興奏請定鄰境州縣緝拏要犯事例一摺直省州縣各有疆界定例拘傳鄰境人犯必關移本地方官票傳移解原以杜冒名妄拏擾害平民之弊若案關重大如現在緝拏逆犯自應量為變通免致稽遲時日漏洩風聲嗣後如查拏逆案要犯鄰縣踴明住址准其選派幹役就近速往掩捕仍密具文移另派妥役關會本邑地方官並免其不及協拏處分庶冒充延擱之弊可以悉除其尋常

命盜戶婚田土案件關提人犯仍著照舊例行降烏什辦事大臣愛星阿為藍翎侍衛以二等侍衛西拉布為烏什辦事大臣○廣西思陵土知州韋一彪因病告替以其子繡襲職庚子諭內閣御史童槐奏請將逆匪案內應拏要犯開寫清單交步軍統領等衙門及各省指名查拏其跡涉疑似者盤獲先審確據毋得草率送部以滋冒混有妄拏邀功誣捏者按律懲處毋使以偽亂真等語所

奏甚是近日各處具奏盤獲形跡可疑之犯據供京師附近及外省地方皆有伏匿夥黨指證甚確及交步軍統領等衙門暨各督撫按名拏獲審訊情節半屬子虛且有挾嫌誣捏者與正案全無干涉而正案內在逃要犯節經降旨嚴飭查拏步軍統領順天府五城等衙門緝獲者甚屬寥寥專待指名方能拏解如此孰不能為耶外省拏解者亦多詐偽是內外各衙門皆役志於虛無疑似之地而

轉令正犯日久稽誅又涉因循疲玩辦理頗為失當此案未獲兇渠內有首助逆謀者皆罪大惡極若不迅就捕誅則遺孽尚存必至又萌逆志著交軍機處將現在京外未獲各犯內查明最要次要開寫姓名籍貫清單交步軍統領順天府五城及應緝省分之將軍督撫等分飭所屬上緊端緝並廣出示諭責令首報以期必獲如捕獲最要人犯官弁立加超擢兵丁重賞超拔民人優加賞賚其捕

獲次要之犯亦分別獎賞但必須質訊明確實係正犯無疑方錄其功將此通諭知之○辛丑諭內閣給事中楊懌曾奏請嚴禁結會進香一摺地方不逞之徒學習拳棒拜會結盟及愚民聚眾燒香等事地方官原應隨時飭禁無如各省官吏怠玩成習不加禁止以致民間視為故常此等風氣亦不獨額毫陳州等處為然亟應嚴申禁令著通諭京城及各省地方官嚴行出示曉諭以四民各有本業內修倫紀外奉王章即為致福之本若結會燒香聚眾迎神例有明禁自此火示諭後如再有擊鼓鳴鑼揚幡賽會者該地方官即將為首之人嚴拏懲辦以端風俗而正人心○又諭富俊奏請定內外臣工三年更調並禁止奢靡講求武備各款國家簡用臣僚量能器使其職事修廢必隨時甄覈若概以三年為期其稱職之員正資整頓何必亟於更調其不勝任者又安能曲為姑容待其限滿

乎所奏殊於吏治無裨至士民婚喪讌勞自應稱家有無隨宜成禮無如人情競尚浮華見侈靡者羣相歆羨轉以儉質者為非遂至貧富相耀取非其有靡所不為敝習相沿伊於胡底著八旗及直省大員善為化導使人知禮讓為先廉恥為重一切鮮衣美食綳節繁儀俱無足貴尚庶崇實黜華風俗人心可冀日臻淳樸其兵丁操演弓力當以挽強為尚縱不能悉挽八力以上若六力則頒諸令甲著八旗護軍前鋒健銳等營嗣後挑缺揀選務以六力弓為合格其不入格者毋許濫充至東三省官兵技藝優嫻實堪嘉予此次調赴軍營各官兵俟凱撤回京之日著御前大臣領侍衛內大臣會同挑留二三百員名分派京城各處當差以收相觀而善之益並著該大臣等每屆五年奏請挑送一次即以此次為始著為令○那彥成高杞楊遇春奏圍攻滑城急切不能摧破并連日賊匪出

城衝撲官兵截擊勦殺各情得旨。頓兵堅城之下。已月餘矣。况新年已近。外藩俱集。必得旬日之內。殲除淨盡。不可再遲。所有指名嚴緝各逆犯。不可令其漏網。汝三人合力同心。奮勉迅速辦理。朕惟計日以待。捷音實深焦急。汝三人不可稍有耽延。慎重妥速為要。命大學士曹振鏞。吏部尚書章煦。禮部尚書成寧。兵部尚書明亮。劉鐸之。工部尚書英和。在紫禁城內騎馬。戶部議准。前任陝甘總

督那彥成。疏報烏魯木齊頭屯所開墾地三頃。照例升科從之。壬寅諭內閣。御史王家棟奏稱。明歲立春較遲。請緩至春融再行諏吉。辛圓明園並西直西便等門。向係夜間啟閉。請嚴為查察等語。圓明園內

安佑宮供奉

神御向來每遇迴鑾。必親詣虔告。本年九月因正在查辦逆案。未及親詣行禮。每年萬壽節俱幸園受賀。今歲酌減禮儀。僅於寧壽宮錫

宴一日。其時明降諭旨。即以歲朝禮節一切如常。不再矯情刪改。宣示在廷。圓明園為

皇祖

皇考臨幸之所。百年以來舊制相沿。諸事吉祥。

明歲新正

安佑宮行禮。不敢再遲。且每歲外藩入覲。例於正大光明及同樂園山高水長等處張燈宴賚。藉示懷柔。朕並已將一切承應故事大加刪減。永著為例。祇酌存典禮。以聯中外上下

之情。若待至春融幸園相距不過數旬。而新正令節諸儀文多因以曠廢。豈曰宜之為禮乎。該御史不能深悉內廷規制。所奏著毋庸議。至所稱西直西便等門。子夜即開車馬絡繹稽察。難於周密。嗣後朕駐蹕御園之日。所有奏事引見各大臣官員。俱於前一日出城。在附近住宿。則城門即可照常啟閉。應如何定制之處。著軍機大臣會同步軍統領衙門詳議具奏。以拏獲首逆馮克善加署直隸

總督章煦太子少保銜仍下部優敘擢知縣張翔為知府典史吳楷為知縣把總高雲鶴為守備道員張五緯等下部議敘○予江西故湖北黃州府同知阮龍光江蘇故蘇州府學教授浦起龍雲南故給事中尹壯圖入祀鄉賢祠從巡撫先福朱理孫玉庭等請也○撥兩淮鹽課銀一百二十萬兩解往河南備用 癸卯諭內閣御史王庭華奏陳禁城該班定例一摺禁城內直班各王公文武大臣等俱應在內常川稽查彈壓不得稍有曠缺乃近日怠玩相仍於直宿次日不候接班之人交替輒先散歸殊非敬慎在公之義嗣後禁城內輪直六大班之王公文武大臣等各班交替時刻皆當恪遵定例其直宿次日俟本班輪直之員進內當面交替方准下直如不候接班人到先行散歸或留人傳語交代者著接班之員據實奏參毋稍徇隱○又諭方受疇奏豫省調派本處征防官兵請

一體支給鹽菜口糧並應折馬乾請照例價加增等語本省調撥官兵例不准給鹽菜銀兩前據該撫奏請支給經該部照例議駁今據奏豫省連歲歉收物價昂貴例支銀兩不敷食用自係實在情形著加恩將豫省調派征防官兵自此次奉旨之日為始准其一體支給鹽菜口糧每名每日折給銀一錢俾資果腹其應折馬乾銀兩並准其每匹日給銀一錢此係特旨准行嗣後不得援以為例○

戶部議准前任陝甘總督那彥成疏報烏魯木齊奇臺縣開墾地四百五十畝照例升科從之 甲辰諭內閣滑城指日克復餘匪勒淨軍務即可告蒞此次直隸豫東三省被賊滋擾各州縣其城村鄉鎮多有紳士耆民團練義勇捐給錢文自衛里閭而賊眾被勒奔竄之時因所至有備不致肆行裹脅於官軍亦不為無助該士民等曉明大義志切同仇實堪嘉尚著直隸山東河南各督撫查明近

賊各府州縣團練防護處所將倡首之紳士
耆民據實保奏分別賞給職銜其出貲出力
之居民商賈人等該督撫自行查辦或給予
扁額或量加賞賚以示褒獎 戶部議准前
任陝甘總督那彥成疏報烏魯木齊蘆草溝
所開墾地五頃十畝照例升科從之 乙巳
諭軍機大臣等本日據朱勳奏報前月二十
九日陝西岐陽縣三才峽地方有匪徒四五
百人持械掠食旋經竄至盤屋縣山內獨
河一帶裹脅民人東竄計有八九百人又小
王湖亦有賊三百餘人搶掠糧食並有旗幟
刀矛現經該撫派員與總兵吳廷剛兩面堵
剿等語陝省地方又有匪徒滋事雖據奏係
飢民掠食但已有千人之衆現已有旨諭令
長齡帶兵來陝督辦一俟滑城攻克著高杞
即帶領西安滿兵並酌帶陝甘兵一二千名
由潼關取道速赴南山幫同長齡勦辦 戶
部議准前任陝甘總督那彥成疏報烏魯木

齊頭屯所開墾地三頃九十畝照例升科從
之 丙午賞平定滑城功諭內閣那彥成等
由六百里加緊馳奏督率官兵攻克滑城一
摺覽奏欣慰此次逆匪勾結起事始於滑縣
戕官劫獄占據縣城其夥黨在直隸山東邊
境者亦同時竊發擾害城鎮鄉村居民被其
荼毒節經派調官兵分路進剿山東曹定等
處賊匪早經撲滅直隸開州長垣一帶亦就
地掃除其豫省大股賊匪先經那彥成等將
道口桃源屯踞之賊次第攻克其時逆首李
文成率領匪衆竄至輝縣司寨地方經楊芳
等帶兵殲斃兇渠蕩除餘孽惟占踞滑城賊
匪負隅抗拒圍攻已越四旬現經那彥成等
周環布置於本月初十日親督兵勇奮力進
攻城南地雷轟發震裂牆垣數十丈那彥成
督同楊芳桑吉斯塔爾冒烟攻上左首楊遇
春等攻上右首城西地雷繼發官兵雲梯齊
上城垛高杞同馬元等帶兵進攻各門分投

繼進殲斃賊匪三四千人賊衆突圍逃竄又被官兵擊斃四五千人生擒賊匪二千餘人投出難民老幼男婦二萬餘人全城克復此皆仰賴

上天

祖

考垂佑深恩得以掃除逆惡迅奏成功朕與天下臣民同深慶幸那彥成高杞楊遇春統領師千不辭艱瘁其在事將領官兵等亦俱奮

勇出力允宜渥沛恩施以昭懋獎那彥成著加太子少保銜賞給三等子爵換戴雙眼花翎在紫禁城內騎馬並賞給御用荷包一箇升授伊子容照為乾清門二等侍衛所賞荷包銅枝即著容照馳驛齎往又賞給黃面黑狐皮馬褂一件四喜玉搬指一箇吉祥白玉牌一箇鑲寶石帶扣一副黃辦大荷包一對小荷包二箇高杞著賞給頭等輕車都尉紫禁城內騎馬並賞給黃面烏雲豹皮馬褂一

件四喜玉搬指一箇鑲寶石帶扣一副黃辦大荷包一對小荷包二箇楊遇春著賞給二等男爵紫禁城內騎馬並賞給黃面天馬皮馬褂一件四喜玉搬指一箇鑲寶石帶扣一副黃辦大荷包一對小荷包二箇桑吉斯塔爾隨那彥成率先登城著加恩在御前侍衛上行走其摺內圍出各員除那彥成高杞楊遇春外凡攻城出力者俱著交部從優議敘兵丁賞給一月錢糧圍城各官弁俱著交部

議敘兵丁賞給半月錢糧並發去四喜玉搬指十箇玉柄小刀十把花瓷銅管十箇玻璃鼻烟壺五箇瓷鼻烟壺五箇分賞出力官弁一兩重銀鐲二百箇五錢重銀鐲二百箇一兩重銀牌二百面五錢重銀牌二百面分賞出力兵丁自九月十二日以後直隸豫東等省軍報絡繹並有突入禁門逆案軍機大臣等晝夜宣勞除勒保病假在家近甫銷假入直外董誥盧蔭溥著交部從優議敘桂芳自

托津出差派令入直奉職克勤著即在軍機大臣上行走仍交部議敘松筠曹振鏞職任給廨俱著加恩晉加太子太保銜劉鐸之英和督緝認真俱著加恩賞加太子少保銜百齡同興辦理防勦事宜奮勉出力俱著加恩賞加太子少保銜軍機章京通政使司叅議姚祖同著交部從優議敘此外各章京著軍機大臣查明尤為出力者保奏數員交部從優議敘其餘各員並著交部議敘所有此次

議敘各員均照軍功例議給○又諭百齡奏籲請捐廉協濟軍需一摺此次豫東匪徒滋事江境毗連地方駐兵防守不無供億百齡等懇請捐廉以佐例銷不敷之用百齡黎世序朱理陳觀慶保楊懋怡廖寅職分較大俸廉優厚著准其交納存於該省備用其道府以下各員概行給還免致辦公竭蹶藉詞科斂○命吏部右侍郎吳璥馳往河工查辦湖河事宜○命戶部左侍郎蘇楞額盧蔭溥右

侍郎桂芳在紫禁城內騎馬○賞兵部迎提軍報主事穆克登等藍翎仍下部議敘○戶部議准前任陝甘總督那彥成疏報秦州開墾地十二頃有奇照例升科從之○丁未諭內閣巡漕給事中李鴻賓奏請覈定管泉疏泉各官功過一摺東省疏濬泉源為通漕濟運之亟務近年該管各員於年例挑濬事宜視為具文以致多有梗塞運河每形淺滯著該河督巡撫嚴飭有泉各州縣及管泉督挑

各員實力挑疏如有草率從事者即指名嚴參懲辦果能認真疏導泉流通暢重運經過無阻准其據實保奏給予議敘俾共知勸懲以利漕渠○以故一等子志慶子德廣多祥孫克什布各襲爵○戶部議准前任陝甘總督那彥成疏報烏魯木齊塔西河所開墾地二頃七十畝照例升科從之○給直隸元城大名南樂清豐四縣被旱災民兩月口糧○給安徽靈璧鳳臺盱眙泗五河五州縣被水

被旱災民一月口糧。免雲南銅廠民欠工本銀。戊申諭內閣。錦課等奏請嗣後各王貝勒貝子公門下。閒散宗室名下。屯居包衣人丁。均令各隸州縣管理。各門上亦揀選妥人。派為頭目。在彼專司稽查。約束彈壓。並入旗宗室在京外附近居住者。勒限催令遷移。進城。八旗覺羅在城外居住者。令各都統查辦等語。王貝勒等屬下屯居包衣人丁甚多。即自派頭目。安能令其遍歷周查。此項人等。

即著該地方官一體編入保甲。就近管束。其八旗宗室覺羅等在京外附近居住者。各有房產相依。若一概勒令移居城內。亦滋繁擾。著該州縣官一體編查。如有違犯法令情事。詳明該上司移咨在京該管衙門查辦。○又諭御史卓秉恬奏嚴禁吏役索詐一摺。編查保甲原以除莠安良。各地方官若果親身查察。自不致有吏役索詐之弊。著步軍統領。順天府五城暨直省督撫等。各飭所屬將簡明

條約刊示閭閻。如胥吏甲長有斂錢抑勒等情。令該戶民即時首告。查明從重懲處。庶良法奉行日久無弊。○諭軍機大臣等。那彥成此次克復滑城。將首逆按名生擒。辦理實屬完善。現交廣厚慶祥管帶京營官兵押解牛亮臣徐安。輜二犯來京。所辦甚是。至陝省飢民滋事一節。昨降旨令高杞率同富僧德等帶領西安滿兵。並酌帶陝甘官兵迅速前往。交長齡勦辦。今那彥成得信後。已先派富僧

德隨同高杞至潼關探聽消息。並將西安蘭州固原各官兵次第撤動。密囑楊遇春押後行走。甚合機宜。至山西大同官兵。本非勁旅。無庸派往。即著張績等帶領歸伍。滑城破後。直隸山東一帶人心未定。尚須重兵彈壓。所有直隸官兵祇可擇其不甚得力者。先撤回十分之三。東省防兵並知會同興酌撤一半。俟搜捕淨盡再行全撤。克城之際。民賊混淆。殲斃賊匪一萬七八千人。燒斃賊匪七八千

人豈無難民在內則投出難民二萬餘人亦
豈無賊匪在內此時不可濫殺一民亦不可
倖免一賊若不認真辨察儻著名兇悍之賊
一經漏網將來餘孽復萌關繫非淺那彥成
不可憚煩先將生擒賊匪二千名逐一審出
名姓住址並將戮斃賊屍詳加驗認查點飭
拏之賊目何人在內何人未獲其難民二萬
餘衆該督多派精細之員逐名查訊實無賊
匪涸跡其中再行釋放其滑城內偏僻處所

並地窖枯井均逐細搜查此內賊匪藏匿者
固多恐良民亦所不免詳細分別勿令玉石
混淆此時善後事宜最關緊要該督總遵照
前旨留彼駐紮緝匪俟滑城附近地方悉臻
寧謐再移營大名以次順赴山東鄆城一帶
查看各處情形均可放心再奏明候旨回京
復命將此諭令知之○以勦滅滑縣賊匪生
擒首逆牛亮臣徐安惻王道澄戮斃首逆宋
元成劉宗順馮相林等賞副都統格布舍騎

都尉世職在御前侍衛上行走賞頭等侍衛
阿勒罕保副都統銜遊擊李士林等并賞有
差以搜捕開州餘匪並緝獲教首協辦大
學士尚書托津提督馬瑜下部議敘

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百八十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十一

監修總裁官題項日講起居注官太子太傅武英殿大學士文淵閣領閣事務參政奉
上諭事件處管理部事務翰林院掌院學士

學士級尋常加四級由振鐸離職官太子太保文淵閣大學士管理刑部事務加五級欽均元鍾廷日請起居注官太子少保內史奏滿

開授舉閣事稽察欽奉 上諭事件爲協辦大學士部尚書翰林院掌院學士教習原官總管內務府大臣鑲黃旗滿洲都統步

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

松修

嘉慶十八年癸酉十二月己酉

上御乾清門聽政。○命莊親王綿課為正使。戶部右侍郎桂芳為副使。持節奉冊寶封。

皇次子  為和碩智親王

制曰樹屏隆乎建威事炳周京疏爵尚乎錄功

道光漢策式穀眷義方之秉輝瑤牒以酬庸

維藩邀恩命之敷渙綸言而錫秩爾皇次子

寧形聞毓質紫極承暉協度中和訓行而

道詩禮宅衷端亮敬慎以事君親蓋誠至則

勇生身先捍禦繫理明則識定力致安全於

國於家克忠克孝朕仰惟

篤祐嘉乃徽猷宜優獎之特加示大公而行賞

茲封爾為和碩智親王錫之冊命於歲崇勲

茂著願共勵於廷僚丕訓誕膺勉益嫺乎家

法欽哉○諭內閣御史童槐奏軍務善後事

宜各款所奏俱是此次逆匪糾謀非止一省

現在滑城攻克首惡全降黨侶無二三餘匪

潛投夥黨各該地方官因軍務已竣處於巡

經事宜稍在踴躍美飮知直禁於南山東江

南安、安徽、湖北、盛京、吉林、將軍、督撫等、各督所

屬文武員弁。於關津要隘處所。加意稽查。毋

令奸匪溷跡。並嚴示勸懲。以勵巡防。其豫東

兩省被賊之處。先後投出難民數萬人。轉徙

流離事後歸集。資生無策。著地方官妥為安

撫將所有逆產絕產覈實查明造冊報部以

為安插無業難民之用。其如何分別極次。通

籌生計。該督撫妥議章程具奏。前次派調各

路征兵之時。吉林黑龍江官兵沿途最為安

靜京兵亦尚約束嚴明。惟直隸綠營官兵。軍紀頗不整肅。現當凱撤之時。著傳諭各路帶兵官員。務嚴申紀律。儻有驕縱滋事者。查明立即治以軍法。毋稍徇庇。至軍需報銷。應嚴杜冒濫。著該部即行知各該省。以奉文之日為始。均照例限題報。如有遲逾。按例叅處。以杜延混侵欺之弊。再屢次軍營奏報。賊目中竟有生員及助教職銜者。喪心蔑紀。較齊民尤堪痛恨。著那彥成等確實查明。從重懲辦。

並將失察之學政教官。照例叅處。○又諭文凱奏九門嚴禁擁擠。並城上添設專員巡防一摺。九門輻輳往來。稽查自應嚴密。惟每日啟閉之時。車馬紛沓。恐有奸徒洩跡。著步軍統領。飭諭九門弁兵。於各門啟閉時。將出入之人魚貫放行。毋任混雜擁擠。庶耳目易周。於查緝更為詳密。其城上每夜直班官兵。向無專員統轄。著照所請。滿洲蒙古漢軍三旗。每日輪派叅領一員。在城直宿。責成稽察。該

班官兵巡邏事宜。步軍統領衙門仍按所呈報。不時查覈。毋久而懈。○又諭章煦奏防堵後路兵丁。請量給柴薪銀兩一摺。此項留防兵丁。著加恩准其自奉旨之日為始。每名每日支給柴薪銀三分。照例免其扣還。其應支馬乾銀兩。並准其每匹每日支給銀一錢。以資餵養。其已撤兵丁。不准混入開銷。○諭軍機大臣等。滑城業經攻克。逆賊首夥殲獲無遺。軍務大局已定。惟陝省山內匪徒糾眾。擄

擄一案。前已降旨。令長齡即速帶兵查辦。並令富僧德等先將西安馬隊。並陝甘得勝勁兵撤回。俾資協剿。昨據那彥成奏到。已將陝甘官兵分隊凱撤。著長齡等酌度。若岐山匪徒勢頗鴟張。即行文富僧德。將所帶之兵飛調來營。如不須多兵。即令歸伍。該匪等因乏食滋擾。先祇聚眾四五百人。今已有一千二百餘人。長齡等當迅速辦理。或曉諭解散。或整兵撲滅。一經辦竣。先由六百里奏聞。以慰

廬注○又諭唐鬚子一犯既經拏獲山西解梁一帶自可保無煽惑情事此時高祀可無庸帶兵前往即著來京復命豫省應辦善後事宜尚多楊遇春應暫緩回陝幫同那彥成諸凡經理完善將此諭令知之○以詹事府詹事穆彰阿為通政使司通政使通政使司副使慶明為光祿寺卿○庚戌定傳習邪教治罪條例諭內閣刑部奏酌議傳習白陽等教分別治罪條例一摺嗣後審辦白陽白蓮

八卦等邪教凡傳徒為首者著定擬絞決其紅陽等教及各項教會名目即照刑部所議辦理至此等愚民平日惑於邪說罔識禁令現在大加懲創許以自新惟在地方各官詳為化導使小民共知學習不經符咒斷難獲福而國憲森嚴禍將不測雖至愚之人亦當惕於利害勉為良善著步軍統領五城及直省督撫將軍都統府尹等各出簡明告示將新定罪名及自首限期剴切曉諭庶家喻戶

曉自首者多不致有名無實○以總管內務府大臣徵瑞為工部右侍郎○以鑲紅旗滿洲副都統慶祥為正黃旗漢軍都統調鑲紅旗蒙古副都統長慶為鑲紅旗滿洲副都統以內閣學士齊布森兼鑲紅旗蒙古副都統鑲紅旗漢軍副都統格布舍為正藍旗護軍統領○旌表守正捐軀河南光山縣民李太和妻朱氏○辛亥諭內閣御史傅崇泰請嚴禁沿途勒索往來車輛一摺地方遇有兵差

過境需用車馬例有開銷該州縣官應妥為雇備若任不肖書役恣意妄掣索詐錢文必至商旅裹足現在賊匪勦捕淨盡大兵陸續凱撤著直隸總督順天府尹嚴飭經過各州縣將應付車馬事宜妥協經理如有胥吏藉端派拏得錢賣放等弊嚴行懲處以杜擾累○諭軍機大臣等本年直隸順德廣平大名三府地方年歲歉收節經加恩撫卹現在軍務已竣安撫災民最為緊要此等乏食窮黎

係朕善良赤子。如不妥為撫輯。小民凍餒所迫。或再聚眾掠食。擾害村莊。其意祇圖一飽。苟延旦夕。初無謀逆之心。與賊匪之蓄謀勾煽者迥不相同。但一經滋事。或聞拏抗拒勢。不得不用兵勦捕。民為邦本。朕體天地好生之心。實有所不忍。藩司素納。現在大名府城。該督務就近督飭該藩司認真經理。或設廠煮賑以資餬口。其轉徙道路者。或揀派誠實之員。酌帶銀米。俾資接濟。良民苟不至救死不遑。必不肯冒法作亂。能使民情大定。則兵燹之餘。更可保無他患。該督盡心督率。妥辦勿忽。將此諭令知之。又諭。現在豫省軍務已竣。正在辦理善後事宜。方受疇係該省巡撫一切皆須經理。其當務之急。尤在撫卹難民。勿使失所。濬滑封考一帶。係被賊較甚之區。西路輝縣等處。亦經竄匪滋擾。其各村鎮難民焚掠之餘。自必蕩析離居。黃河以南各州縣。本年荒旱尤甚。飢民載道。該撫務遴派

實心任事之員。分赴被賊各州縣。確實查勘。速加撫卹。至黃河以南被災各該處。亦加意察看情形。飭屬妥為辦理。該撫前此本有分設粥廠之議。但恐有轉徙道路不能赴廠就食者。或派妥員酌帶銀米。就地安集。更為有益。誠能多盡一分心力。即多活無數生靈。近日各督撫等多有捐廉之請。試思朕此時裁汰繁費。停止工作。豈肯受伊等進奉。若果仰體朕惠愛黎民之心。倡率屬員賑卹災黎。以補國帑所不逮。則即係伊等盡心為國。而全活者眾。其積德於身家亦不少矣。此時豫省情形。更較各省為重。該撫惟當實心經理。務令實惠及民為要。將此諭令知之。○又諭。現在軍務甫竣。人心尚未能十分安定。東省此時留兵三千名。分駐曹州東昌等處彈壓。自應如此辦理。其善後最要機宜。全在撫卹飢民。東省連年荒歉。兵燹之餘。十室九空。飢寒交迫。聚而掠食。恐所不免。若成羣結隊劫奪

村莊地方。安能不拏。此等飢民與叛民迥異。叛民如林清李文成等。謀為不軌。即概予誅夷。無可矜憫。至飢民因救死覓食。若不加收卹使之激而生變。哀哀赤子。困於歲復。困於兵朕體天地好生之心。思之實為不忍。同興不可專顧軍需。遂忘盡心民瘼。伊等本有分設粥廠之議。但小民流離轉徙。道路遙遠。或酌帶銀米沿途散給。更為有益。多盡一分心力。即多活無數生靈。將此傳諭知之。○命內

閣學士文孚兵部郎中康紹鏞馳往山海關查辦事件。○壬子。諭內閣。昨諭京城內外編查保甲。聞前三門外各街巷辦理頗為嚴密。其附近圓明園一帶地方。僅立門牌。至今並未清查編次。該御史等家在都城。辦公即以自衛。於稍遠之處。即意存玩視。豈實心任事之道。著都察院堂官。即傳知該巡城御史。限十日內。將圓明園附近之南海淀陳府水磨蕭家河樹村清河一帶地方。逐戶挨查。詳審

編排。不得草率遺漏。如有逾限未辦。及草率從事者。都察院堂官據實劾參。限內辦竣者。將辦理情形依限奏聞。其近京各村莊。凡隸五城所屬者。俱著一體上緊編查。○又諭。御史趙永彤奏請嚴飭辦理軍需各省。毋許浮銷一摺。此次直隸豫東辦理軍需。自九月內軍興之日起。至陸續凱撤之日止。為時無幾。其奏咨原案及文移底冊。均不難據實查覈。著該督撫即督率局員。將支應各款。分別確

數。趕緊造冊具題。如有不肖之員。從中侵冒。及藉端攤派科斂者。即據實劾參。嚴行懲辦。○又諭。本日禮部等衙門年終彙奏稽察廟宇一摺。京城內外各廟宇。不准外來遊方僧道及來歷不明之人。潛行居住。向由禮部等衙門派員稽查。年終具奏一次。現當編查保甲之時。所有京城內外大小庵觀寺院。尤應稽察嚴密。勿令宵小潛蹤。其距京稍遠各廟宇。更恐耳目難周。禮部等衙門司員。不能常

川前往著交步軍統領順天府五城不時派員密訪抽查如有形跡可疑者隨時究辦並將容留匪類之僧道從重懲處勿徒以年終一奏虛應故事○托津奏審辦逆案搜捕零匪並承辦軍需出力人員賞郎中斌良錢學彬知州張孔源參將蕭文治都司張儉游文高花翎守備陳祥禧等藍翎道員屠之申等加銜升敘開復有差○鑄給浙江紹興府新改鹽捕同知河莊巡檢司關防從巡撫李奕

疇請也○癸丑諭內閣御史松長奏各省同知通判州縣內有歷俸十年者無論該員願否引見概令該督撫出具切實考語送部引見不得聽其自便等語各省丞倅州縣各有俸滿限定向由吏部調取引見願否聽其自便此內恐有衰老之員不願來京藉以懸棧嗣後著於俸滿日吏部行文調取該督撫出具切實考語概行送部引見毋許該員託詞自便以杜掩飾○又諭陳預奏整飭吏治一

摺為治之道首在得人州縣為親民之官各督撫自當隨時甄別冀收實效惟各省州縣甚多若必待朕一一詢事考言豈能徧及國家堂陛之間自有等差向來召見者即部院司員亦不能與惟道府請訓始予召見豈能概及州縣著該督撫於所屬州縣中賢能出衆者密疏治行據實保舉一二人或二三人候朕諮訪得實飭部調取引見其中果有才猷卓越者必予超擢挨升至道府時再行召

見以符體制至各省倉儲關繫民食軍糈自應實貯無虧方足以備緩急著各督撫飭屬確查其存價未買者俱令察看地方豐歉情形酌量定限買補虧缺者即予嚴叅並勸諭地方富戶設立義倉以備荒歲不必官為經理總期民食有資事無煩擾至稗官野史大肆侈談怪力亂神之事最為人心風俗之害屢經降旨飭禁此等小說未必家有其書多由坊肆租賃應行實力禁止嗣後不准開設

小說坊肆違者將開設坊肆之人以違制論至民間演劇原所不禁然每喜扮演好勇鬪狠各雜劇無知小民多誤以盜劫為英雄以悖逆為義氣目染耳濡為害尤甚前已有旨查禁該管地方官務認真禁止勿又視為具文其村莊廣設義學教化小民亦地方應辦之事總在該州縣官實力奉行勤加勸諭不徒為紙上空談方為有益至科條太繁無關政治轉足以啟吏胥高下其手之弊前已有

旨飭交吏兵二部大加刪減著速行妥議請旨施行○諭軍機大臣等本日朱勲等奏南山匪徒裹脅至三千餘人且烏鎗器械甚多沿途放火傷人勢漸鴟張若不迅速撲滅恐裹脅愈多辦理又致費手除已飛飭長齡帶甘肅兵一千名前往督辦外楊遇春熟悉該處情形聲威素著此旨到後著該提督即日挑帶吉林黑龍江兩處馬隊六百名令色爾袞達斯呼勒岱二人管帶隨同前往迎頭協

勦楊遇春到陝後如長齡已到即與長齡商同列衛如長齡尚未到著先與朱勲會商勦辦楊遇春已離豫省那彥成尤當慎重彈壓著在滑縣多住時日察看地方實可放心再遵照前旨移營大名一帶以次順赴山東查看情形回京復命將此各傳諭知之○以故鄂爾多斯扎薩克貝子喇什丕勒弟端多布色楞襲爵○以鑾儀衛冠軍使德克進為鑾儀使○調河南河北鎮總兵官楊芳為陝西

西安鎮總兵官西安鎮總兵官閔俊烈為河北鎮總兵官○給陝西孝義寧陝藍田藍屋鄠鄠岐山寶雞定遠鳳畧陽洵陽商鎮安山陽商南雒南安康平利紫陽白河漢陰洵陽石泉二十四廳州縣被水災民口糧貸南鄭城固洋西鄉寧羌留壩褒城七廳州縣倉糧有差並平糶安康平利白河紫陽洵陽石泉漢陰鄠洛川中部宜君十一廳州縣倉穀○甲寅

上御寧壽宮。賜王。公。大臣。蒙古王。貝勒。貝子。公。額駙。台吉等食。並賞賚有差。○旌表守正捐軀直隸赤城縣民王福妻張氏。○乙卯。

上幸瀛臺閱冰技。科爾沁扎薩克郡王敏珠爾多爾濟等四人。蘇尼特扎薩克郡王喇特納錫第。阿巴噶扎薩克郡王瑪呢巴達喇等三人。烏珠穆沁扎薩克貝勒圖克濟扎布等三人。阿巴哈納爾扎薩克貝勒瑪哈巴拉土默特輔國公濟魯布。喀喇沁多羅額駙扎木揚。

多布丹等二人。喀爾喀賽因諾顏扎薩克貝勒德勒克朋楚克等八人。杜爾伯特扎薩克鎮國公鄂勒哲依鄂囉什瑚額魯特輔國公丹津扎布。青海扎薩克頭等台吉旺舒克等二人。察哈爾額魯特二等台吉瑪什巴圖等二人。呼圖克圖呼畢勒罕喇嘛等九人。於西華門外瞻觀。○諭內閣。歷科鄉會試。後查明年老諸生三場完竣者。分別加恩。用以嘉惠耆儒。行之已久。未便遽爾停止。著每科仍照

舊查辦。惟浮開年歲。人數冒濫。其弊不可不除。著照舊例。遞加十歲。方准列入。如有捏報朦混情弊。將該生斥革治罪。所有造冊出結各官。查明交部分別議處。○又諭。前據將攸銘奏。暹羅國正貢船隻。在洋失火。所載貢使人役及表文方物等件。俱無下落。僅有副貢船抵粵。當經降旨。將該國副貢使及所存貢品十種。派員送京。無庸補備正貢。今又據將攸銘奏。該副貢使哪拔察哪丕汶知突因在海

船感冒風寒。又聞正貢船失火焚燒。致受驚恐。現在患病。難以起程。請俟醫治痊愈。再行護送入都等語。該副貢使患病受驚。正需調理。長途跋涉。甚非所宜。現已屆年節。不必再令進京。著加恩。令將所存貢品十種。就近交貯粵省藩庫。由該督委員解京。其副貢使令在粵休息。妥為調治。該國王抒忱納賚。其正副貢使適因事故。不能到京。而航海申虔。即與齋呈無異。所有例賞該國王及貢使人役

物件著禮部查明奏聞將賞件發交該督轉行頒給該副貢使令其於病痊之日齋領回國並將此旨傳知該國王以示懷柔遠人之意○賞紫禁城內外該班火器營護軍校護軍等銀○丙辰

上御撫辰殿大帳次賜蒙古王貝勒貝子公額駙台吉及外藩使臣等宴並賞賚有差○諭內閣方受疇奏拏獲聚衆搶奪拒捕殺差各犯審明定擬一摺此案謝金榜糾約夥匪多人持械搶奪該縣僉差往拏謝金榜率衆拒捕殺死差役一人受傷者六人實屬兇頑藐法豫省現當勦捕逆匪之後似此糾搶拒捕匪徒審明後應即行正法以儆刁風方受疇尚照尋常案件奏請部議實屬拘泥著傳旨申飭謝金榜著即處斬宋成貴法狗留著即處絞餘俱照所擬完結○河南巡撫方受疇奏軍營巡緝防守出力人員縣丞鍾梁等權補有差○丁巳頒

御製致變之源說曰禁城之變必有本也夙夜思之蓋有故焉夫宋家莊一亂民本無惡不為一棍徒耳非有才德能感化人心亦無邪術能混人耳目惟利口濶翻妄談怪誕假劫數以惑亂癡愚遂其大逆之謀而已愚民聞約而從不顧後患者何也祇圖目前之小利所謂窮斯濫矣舍生就死而不恤也百姓困窮為致變之源而其本又在州縣亦多困窮無暇撫字也治亂繫於州縣必先有守而後有為今則或因於虧缺或因於民欠或因於攤捐有此三困難為清官矣官不清則民不畏挾制控告首足倒置罔上之念非一朝一夕之故其所由來者漸矣罪至於謀叛刑至於凌遲無可再加而民不畏者不識尊卑不知利害也官有廉恥必有操守方可言化導禁令今之時勢官民交困愆忽度日難言操守民反制官若不竭力振作患將未已也邪說誘民總以利動其貪心貪心起則無惡不

作矣。督撫大吏。誠能培養州縣。使無匱乏。然後責以治理。獎善懲貪。至公無私。民心愛戴者。為上等。畏服者。次之。怨聲載道者。去之。經正民興。未有不可教訓之民。皆是不能教訓之官耳。官因必取之於民。民窮則邪慝作。一定不易之理也。百姓足。君孰與不足。此理財之要道也。橫征暴斂。所損益大矣。禁城之變。深感。

天恩佑國除邪。彰明顯著。朕若不知感畏。不勤

政事。

天必降災。內外臣工。若仍挾詐懷私。因循觀望。欺朕甚易。欺

天甚難。身家性命。立時瓦解矣。內外臣工。信朕之言。是朕大福。不信朕言。是朕之大不幸。亦諸臣之大不幸也。願諸臣以實心行實政。以實力保國家。成全朕一片苦心。幾篇絮論。或可稍贖前愆。勉收後效。朕有厚望焉。○頒

御製原教曰。古先聖王。敬敷教化。君臣父子。夫

婦昆弟朋友。秩然定分。不可紊也。德禮以道之。政刑以齊之。日用飲食之閒。無非教也。孝弟忠信。禮義廉恥。為教之大綱。士農工商。各勤其業。漸臻於不識不知。順帝之則。共成熙皞之世。此教之效驗也。承平日久。生齒日繁。物價騰貴。游手之民。不逞謀食。加之以官多。疲玩。兵盡。急慵。文不能辦事。武不能操戈。頑鈍無恥。名節有虧。朕遇斯時。大不幸也。中外已成痼疾。自不知教焉。能教民。而邪教從此

而起矣。始以造福。逃劫引誘。癡愚終歸於滅。絕人倫。謀反大逆。因邪教聚不逞之徒。肆行無忌。賢不畏死。雖嚴刑峻法。視為泛常。奈何風俗積壞。至於此極。豈不痛哉。蓋由朕之知人之明。而又心存姑息。去位復用者。指不勝屈。以致寡廉鮮恥之徒。在任者不肯實心去任。者不知畏懼。以偽亂真。愆忽度日。此實朕德之不修。教之不正。君不正。臣亦多偏。無怪乎邪教接踵而起。皆朕不正。羣臣之咎。而內

外臣工亦各有不能正己之處。焉能去邪黜偽乎。修己以治百姓。我君臣各思奮勉。或可挽回汙俗。稍益前愆於萬一耳。奸民倡為邪說。煽惑愚民。其經卷鄙俚不通。俗陋已極。不但諸子百家難相比擬。即佛經道錄亦去此遠甚。其年號皆前明之時。竟係彼時亂民所造。潛藏窮鄉僻壤。未能搜出焚燬。貽害至今日也。去邪教以遏亂。焚邪經以滌源。是在良有司正己率屬。誠心化導。使民知正教之益。

邪教之害。漸歸於倫常禮義矣。邪教惑人。惟一利字。愚民見利忘義。貪利忘害。徇利亂常。趨利迷心。至於罪大惡極。雖死不悟。皆圖利耳。誠能實心治民。先養後教。庶民具有良心。斷無不改悔之理。是在吾君臣昌明正教。勤政愛民。心誠求之。其庶幾乎。○頌

御製行實政論曰。季秋禁城之變。非浮言泛論所能殫。必以實心行實政。庶幾補救於萬一也。幾暇靜思其故。總因窮困而起。始則鼠竊。

狗偷。繼以踰垣肆劫。終於謀反作亂。其心為救急度命耳。加以王畿雜處。不肖混跡。倡立邪教。妄言劫運。揭竿而起。直入禁城。亂民罪大惡極。固不待言。而潛匿近畿。往來約會。自十六年夏季。林清即造謀。定於今歲九月十五日起事。先搶宮禁。次劫京城。既得此地。皇上必避往關東。如此逆謀。已三年之久。朕竟不能知。實深慚愧。實切痛心。國家設立王公文武大臣。以及侍衛章京。不下千員。八旗步

營將弁兵士。幾及十餘萬人。竟無一人出首者。嗚呼痛哉。若云實不知覺。是欺

天矣。總由泄沓成風。苟且從事。悠忽度日。怠玩居心。視國事漠不相關。積陋習牢不可破。窮本探源。總因予之德薄才疏。心存姑息。水懦民玩。予之咎也。書云。威克厥愛。允濟。傳云。猛以濟寬。欲起廢策。積非共奮精神。大加振作。不可問矣。內外臣工。勿慕虛榮。而貽實禍。勿保一時之爵祿。而遺萬古之臭名。盡心致敬。

實政力行。激天下忠良之氣。挽向來玩愒之風。勿以習俗為不足憂。勿以廉恥為不足惜。民風之淳薄。軌物之廢興。實關繫於吏治之勤惰也。禮教既弛於平日。人心久溺於非幾。忠孝廉節。斥為腐談。詐偽刁頑。習為秘計。修禮明教。東正抑邪。此實今日刻不可緩之急務也。我朝

龍興東海。定鼎燕京。八旗勁旅。一可當百。今居舊土之兵。嫻熟騎射。未致廢弛。而從居京師

者。僅健銳火器二營。日事操演。畧覺可觀。若前鋒護軍驍騎諸營。雖有其名。而無其實。軍器鈍敝。技藝生疏。歲糜帑項幾及百萬。而管理諸王大臣。不知教訓。不勤練習。除挑補差缺之外。一概漠不關心。實屬可詫。予苦口訓誨。置若罔聞。嗚呼痛哉。無事則安坐而食。有事則潛匿畏葸。試問我八旗子弟。有是理乎。然十五日捕賊奮勇。仍藉我八旗子弟捨身盡力。全數殲擒。不患兵之不精。但慮諸王大

臣不以實心行實政耳。誠能勤求

家法。率由舊章。簡拔俊雄。汰裁冗怯。務使人人知方有勇。能執弓箭刀槍。則處常可壯干城。遇事即成勁旅。屏藩既固。烏有殄行驚師之變哉。望諸臣皆以實心行實政。勤敬公慎。顧惜廉恥。智者竭其謀。勇者盡其力。上報

皇天

列聖垂佑之恩。下挽愚民流風汙俗。佐朕中興之治。俱為盛世之忠良。補今時之重咎。垂奕

代之勲名。是予至願也。○諭軍機大臣等。長齡等奏陝省岐山縣地方匪徒滋事一摺。直省軍務事件。應用五百里馳奏。此次三才峽匪徒糾搶。長齡已派撥官兵征剿。即用馬遞奏聞。已覺遲緩。乃差人齎呈。長齡實屬糊塗昏憤。著傳旨申飭。前已降旨派該督帶兵一千名遠赴陝省。著無分晝夜。兼程行走。迅抵該處。察看情形。若何。應如何勦撫。先由五百里奏聞。此次官兵聲勢甚盛。該督當與楊遇

春安為經理迅速藏事。現又據御史王庭華奏北山延安鄜州等處上年頻肆搶奪。近日復有匿名揭帖煽惑人心等事。此時速將南山匪徒辦淨。則各處人心俱安。僅遲延日久。北山再有勾引所關匪細。長齡一面迅速籌辦南山勦撫事宜。一面密飭延鄜一帶文武官弁留心鎮靜彈壓。勿稍疏虞。○以烏魯木齊都統晉昌為盛京將軍。塔爾巴哈台叅贊大臣伊冲阿為烏魯木齊都統。塔爾巴哈台領隊大臣松福為叅贊大臣。賞伊犂總管德克津布副都統銜。為塔爾巴哈台領隊大臣。○戊午。孝莊文皇后忌辰。遣官祭昭西陵。上詣慈寧宮。壽康宮行禮。○諭軍機大臣等。據同興秦邊防現已裁撤。四川提督多隆武應令即回本任。

等語。現在陝西岐山縣有匪徒掠食滋事。著多隆武迅速回川。且不必回任。先暫駐川北地方。派委精細員弁。隨時偵探。僅竄匪有入川之事。即派撥兵勇迎頭截擊。勿使一名闖入。○山東巡撫同興奏。勦辦定陶逆匪。堵禦邊境。出力人員。賞副將寧德福。寧阿。叅將段琨。遊擊五達。色海。凌阿。都司周添章。花翎佐領蘇琿等。監翎領催會林等。武舉。○改河南滑縣為題調繁缺。添設縣丞。把總各一員。從欽差大臣直隸總督那彥成請也。○免河南滑濬三縣被賊難民新舊額賦。並緩徵次年新賦。免封邱陽武延津考城蘭陽新鄉獲嘉輝林九縣節年積欠額賦。並緩徵本年額賦。○以歲暮裕祭。太廟自是日始齋戒三日。○己未。諭內閣。章煦奏審訊匪犯田克岐等。聽從監犯李經散旗謀逆。分別辦理一摺。此案監犯李經妄造旗幟。勾同禁卒。約令田克岐等進監謀逆。案關

重大。現將首夥各犯擒獲。分別凌遲斬梟。辦理甚為妥速。順德府知府康亮鈞。首先訪聞獲犯。究出逆情。實屬奮勉出力。康亮鈞著施恩賞加道銜。仍加一級。以示獎勵。至大名縣知縣章德溥。典史吳家琦。於監犯商同禁卒。糾約謀逆。漫無覺察。大名府知府莫景瑞。近在同城。毫無聞見。非尋常疏玩可比。吳家琦著革職。發往新疆充當苦差。章德溥著革職。發往軍臺効力贖罪。莫景瑞著即革職。以示懲儆。

○署直隸總督章煦奏。拏獲逆犯楊遇山。知府彭應杰等。下部議敘。○以吏部尚書鐵保。戶部尚書潘世恩。工部尚書周兆基。戶部左侍郎盧蔭溥。禮部右侍郎佛佳。兵部右侍郎果齊斯歡。充經筵講官。○賞山東等省鄉試年老諸生周汝浩等八百一十二名。舉人副榜有差。○庚申。以歲暮。祭。遣官祭太廟中殿。

後殿。○諭內閣。五城御史嵩安等奏。編查保甲。

事竣。並酌籌永遠遵循各事宜。一摺。所議客店車行庵觀寺院設立之循環簿。自應每月更換。其揀發五城委用司坊官。遇有乏員之時。准由都察院咨明吏部。照例揀選。發交該城委用。至各城需用心紅紙張筆墨等項。向無報部支領之例。著交都察院自行籌款撥給。餘著照所請。○諭軍機大臣等。長齡奏起程前往岐山三才峽等處。督同進剿。一掃岐山匪徒滋事。節經降旨。飭令長齡赴陝會同

朱勲督辦。復派楊遇春帶領吉林黑龍江官兵會剿。兵力不為不厚。賊匪烏合之衆。不難一鼓掃除。該督等當專意勦捕。不可豫存招撫之見。使奸民無所畏懼。其實係被脅飢民。未經與官兵接仗。先自投出者。自當訊明釋放。若曾經執持器械抗拒官兵。即係亂民。不可稍存姑息。將此各傳諭知之。○那彥成奏。攻克滑城。隨營出力人員。賞總兵官馬元提督銜。營總烏爾清阿。協領卓爾渾。保參領金

保副都統銜副將張大振遊擊周貴佐領貝 渾保參領花山保協領穆蘭岱巴圖魯名號 知府郎錦騏總兵官音登額副將舒凌阿遊 擊圖勒畢善陳天壽楊印花都司馬起龍唐 樾陳錦守備彭永吉協領呼嵩額佐領德色 爾克依托隆武德楞額防禦德成額爾格木 齊海祿哈豐阿善寧參領齊木多爾濟德春 扎庫奇委官圍和保驍騎校都凌阿隆佳花 翎員外郎玉綬等藍翎餘升賞有差○以辦 理軍需出力河南布政使台斐音同知方傳 秩下部議敘○辛酉裕祭	太廟	上親詣行禮○遣官祭	永陵	福陵	昭陵	昭西陵	孝陵
--	----	-----------	----	----	----	-----	----

孝東陵	景陵	泰陵	泰東陵	裕陵○遣官祭	孝淑皇后陵寢○遣官祭	端慧皇太子園寢○遣官祭	太歲之神○回部伯克喇哈密第等九人朝 鮮國使臣韓用鐸等二人於牛門外瞻觀○	諭內閣阿克當阿奏淮南監掣同知等官並 分司張應銓懇請捐銀以備賞需各一摺前 因豫東匪徒滋擾江境亦有駐兵防守之處 經百齡等奏請捐廉協濟軍需鹽政阿克當 阿運使廖寬職分較大皆准其交納道府以 下即不准行監掣同知以下微末職官廉俸 無多阿克當阿乃據情代奏懇請捐輸必致 科歛商民殊非政體分司候選道員張應銓 因其捐銀一萬兩懇請儘先選用尤屬取巧
-----	----	----	-----	--------	------------	-------------	--	---

阿克當阿所奏均不可行。國家經費實亦不
需此著將捐輸銀兩概行擲還。○諭軍機大
臣等阿克當阿奏請令各省當商捐輸銀兩
賞給職銜議敘一摺。所見鄙陋已極。不知大
體。現在豫東等省善後撫卹各事宜。及堵築
要工需費。未免支絀。然國家籌款之道。自有
正辦。何至謀及商賈。此等市儈之徒。惟利是
視。一聞捐輸之說。必先藉此增息。股削貧民。
而伊等轉可坐得議敘。將來一登仕路。其牟
利之心。必不能改。非攫取官帑。即苛斂百姓。
成何政體。況地方官經理此等事件。何能不
假手胥吏。種種弊竇。尤不可勝言。所奏斷不
可行。阿克當阿係內務府司員出身。識見卑
淺。未嘗學問。遂爾妄行陳奏。朕若明降諭旨。
必須將伊嚴加議處。伊何能當此重咎。姑念
其平素辦事認真。此次亦為急公起見。免其
懲處。著傳旨嚴行申飭。此摺發回。後伊亦不
必存案。嗣後毋得如此妄瀆。將此傳諭知之。

壬戌
上御保和殿筵宴朝正外藩。科爾沁巴林教漢
浩齊特蘇尼特翁牛特烏珠穆沁土默特阿
巴噶喀喇沁奈曼阿巴哈納爾喀爾喀杜爾
伯特青海王貝勒貝子公額駙台吉塔布囊
等及回部伯克朝鮮國正副使等隨文武大
臣依次就坐。諸樂並作。
上進酒。召左翼科爾沁卓哩克圖親王噶勒桑
棟囉布科爾沁扎薩克親王布彥溫都爾瑚
巴林親王銜扎薩克郡王索特納木多爾濟
科爾沁扎薩克郡王和碩額駙索特納木多
布齋土默特扎薩克貝子固倫額駙瑪呢巴
達喇右翼喀爾喀賽因諾顏扎薩克親王固
倫額駙拉旺多爾濟喀爾喀扎薩克圖汗布
尼喇特納喀喇沁親王銜扎薩克郡王滿珠
巴咱爾回部郡王銜貝勒哈迪爾喀喇沁扎
薩克輔國公理藩院額外侍郎瑪哈巴拉等
至。

御座前賜酒成禮○緩徵江蘇高郵寶應甘泉東臺興化五州縣水災本年額賦及次年額賦有差是月盛京將軍和寧等奏拏獲張世傑等訊無習教謀逆情事即予省釋現在奉省地方安靜仍嚴飭地方官毋得妄拏無辜違者立即懲辦得旨嚴緝餘匪立予恩施妄拏邀功決不姑恕勉力辦理勿因循勿張皇逆賊豈容漏網良民何忍株連爾等須善體朕意○河南巡撫方受疇奏被賊各區現

在設立粥廠茲再同藩臬兩司各道府州縣並捐半年廉銀統計一十一萬兩撥給各屬採買粟米於二月後接續煮粥散給得旨實心經理造福無量多活一民減我君臣一分罪孽自求多福不可不勉力辦理此內若混入餘匪仍須拏究正法造福愈大矣○西安將軍穆克登布奏岐山三才峽匪徒滋事現派滿兵三百名趕赴鎮撫兩標兵一路會剿復派兵三百名交副都統額勒金泰帶赴峪

口堵禦得旨此三百名俟飢民定後即行撤回為是若稍曠張行文催富僧德凱旋之兵速來西安滿兵守城最要不可再派出征矣○是年旌表孝子江南等省謝文錦等十三名孝婦江蘇楊王氏孝女江蘇李氏等六口守節合例宗室三等侍衛和保妻尚佳氏等九口滿洲景和妻巴于忒氏等八十三口蒙古富太妻那拉氏等二十五口漢軍董明妻管氏等二十四口內務府武慶妻王氏等九口各省駐防韓瑞妻劉氏等一百三十四口直隸等省豐潤縣董承烈妻崔氏等八百七十口未婚守志江南等省史右元聘妻江氏等三十六口百歲壽民婦雲南等省徐王氏等十九名口五世同堂四川等省王杏舒等四十家各給銀建坊如例○會計天下民數穀數直隸等省通共大小男婦三萬三千六百四十五萬一千六百七十二名口存倉米穀三千三百七十萬四千四百六十八石二

大清仁宗受天興運敷化綏猷宗文經武孝恭勤儉端敏英哲睿皇帝實錄卷之二百八十一

實錄卷二百八十一

三十五

清實錄
嘉慶十九年正月上

監修總纂程煜自講起居注官太子太傅武英殿大學士湖廣總督楊察奏
聖恩尋常四級
曹振綱總纂太子太傅文淵閣大學士管理刑部事務聖恩載初元經度日講起居注官太子少保內大臣文淵
閣提舉閣事務察奏
上諭事奉諭旨翰林大學士部南書翰太醫院學士教習圖書總管內務府大臣鑲黃旗滿洲都統多
羅額領管理戶部庫務奏委清漪園中處總理工程處奉膳方御藥方丞蘭廷南洋學務軍器監副理常祀武祀錄士
項善和總纂總纂官太子太傅禮部尚書上書房侍史武英殿總纂管理國子監事務聖恩程煜自講起居注官法政等奉

嘉慶十九年甲戌春正月癸亥朔

上詣

奉先殿行禮○詣

堂子行禮○遣官祭

太廟後殿○御太和殿受朝作樂宣表如儀○

詣

大高殿

壽皇殿行禮○御乾清宮賜皇子皇孫親藩等

宴○甲子○

上御重華宮茶宴廷臣及內廷翰林以三友軒

八四九

聯句○乙丑

高宗純皇帝忌辰遣官祭

裕陵

上詣

奉先殿

壽皇殿行禮○丙寅

上御紫光閣賜蒙古王貝勒貝子金額駙台吉

暨外藩使臣等宴並賞賚有差○諭內閣上

年逆匪突入禁門時恍惚之中望見

關帝神像畏懾奔竄立就殲擒本日又據那

彥成奏當滑城克復之時賊匪於黑夜拚命

突圍官兵施放鎗箭未能真切忽城旁廟宇

自行起火照同白晝官兵兩路夾擊始將賊

匪截回悉數殄除事定後乃知城旁廟宇供

有

關帝神像廟雖焚燬

神像巋然獨存毫無損動等語此次逆匪滋

事屢荷

關帝靈爽翊衛實深寅感著該衙門於原定

封號敬擬加封二字進呈候朕酌定通頒直

省用荅

神庥其滑縣廟宇俟重修落成之日該撫再

行奏請御書扁額敬謹懸掛尋加封仁勇二

字並頒滑縣廟宇

御書扁額曰佑民助順○諭軍機大臣等教匪

蠱惑良民已非一日燒香斂錢之事何處蔑

有愚民無知被其煽惑雖有從教之實並無

謀叛之心此次林清等造謀悖逆係借傳教

為名勾結同類其平素入教者並非盡知逆

謀此時但誅叛匪不誅邪教即平日素非邪

教而此次知情亦在所必誅其平日雖係習

教而此次並不謀逆亦不深究那彥成當刊

刻簡明告示廣為曉諭俾知一經入教為禍

百端其初不過貲財被人誑騙而其後至於

身家不保令其各知猛省痛加改悔如家有

經卷邪像即行呈繳銷燬庶使習俗漸移人

皆勉為良善。將此諭令知之。○又諭南山地勢袤延。賊蹤奔竄無定。若不分投截勦。則所至輒遭蹂躪。長齡等所奏現在情形。必須先顧完善之區。杜其竄逸之路。所見甚是。此時石泉寧陵及秦州徽縣一帶。均有陝甘官兵堵截。賽冲阿又帶川省官兵由寧羌一帶而來。扼其南面。賊匪已無虞四竄。計日內各凱徽勝兵。次第到陝。楊遇春所帶吉林黑龍江勁旅。亦可趕到。大兵雲集。無難一鼓殲除。目

前緊要機宜。惟當以勦為正辦。賊匪糾眾焚掠。拒傷官兵。目無法紀。即使本係飢民。而此時抗拒王師。亦已罪在不赦。豈能復存姑息之見。以後招撫二字。該督撫不得存之於心。亦不准形之奏牘。惟當督飭各路官兵認真勦殺。至曾經持械抗拒而被勦窮蹙自行投出者。發遣新疆。一面知會松筠於到配後嚴加管束。將此諭令知之。○又諭陝省三才峽等處匪徒滋事。大率因年荒穀貴。飢民掠食。

糾集既多。遂敢焚劫村聚。抗拒官兵。現當遏絕亂萌。自不能不憚以兵威。而原起釁之由。總因地方官不卹民艱。以至小民迫於飢寒。不能稍沾賑卹。及至釀成事端。興師動眾。國帑所費。轉致不貲。此等貽誤地方之員。實堪痛恨。著長齡查明陝省鳳翔一帶上年災歉實在情形。是否州縣匿不稟報。抑該撫藩等接據稟報。並不查勘奏聞。俟軍務完竣之日。秉公據實奏。○那彥成奏拏獲賊首並辦

理軍務出力人員。賞參領舒精阿達喜扎坦保佐領達靈阿。驍騎校和成額。候升同知直隸州知縣宋炳。花翎知縣徐潤等。藍翎餘升擢有差。○丁卯諭內閣。紫禁城內直班王大臣。遇朕駐蹕御園。及歲時巡幸。尤應嚴密稽查。夙夜罔懈。近日王大臣等。多有怠玩。相仍不候接班。清晨先自散直者。其接班之人。遲至薄暮始進內直宿。禁城重地。每致日間虛曠無人。上年九月十五日。逆賊約於午時突

入禁門。未必非豫知守衛空虛。乘間伺隙。前已降旨訓飭。茲再行申諭。嗣後禁城內直班王並內大臣。文大臣。武大臣。前鋒護軍統領。俱著恪遵定制。各於辰刻至景運門內九卿朝房面行交替。接班後。仍著在景運門內外班房會集。毋許遠離。至申酉之間。始准各自散歸直宿處所。如有怠惰偷安。不候交班先行散去者。著接班之人。立時具摺奏。無論王大臣。即將爵職斥革。雖有勲績。概不原宥。言出法隨。各宜凜遵。如接班之人。徇隱不奏。別經查出。一律斥革。至接班之人。若任意延玩。過辰刻尚不進內。亦著住班之人。叅奏。其紫禁城內各處直班官兵。均著王大臣等不時查驗。如有曠缺。立行革懲。再向來在內該班之總管內務府大臣。例不直宿。每於早間進內游行數刻。即行散去。嗣後著日出進內。俟至申刻。始准下直。其在內直班之王大臣等。是日有無曠誤。即派令總管內務府大臣

留心稽察。違者據實叅奏。若內務府大臣散直過早。王大臣等即行叅奏。朕仍不時另行派員密查。其各凜遵無怠。○戊辰上詣雍和宮行禮。火神廟拈香。○己巳。世祖章皇帝忌辰。遣官祭孝陵。○諭內閣。張映漢。秦州縣為親民之官。三年大計考覈過疏。請於每年歲底確加甄別等語。三載考績之制。昉自虞廷。遵循已久。若每年甄別一次。事涉煩擾。况牧令分理地方。總在該管大員認真察覈。不特貪酷之吏。黜之。惟恐不速。即疲庸不職之員。亦當隨時糾劾。又豈必待一年之久乎。現當整飭官常之日。直省督撫。惟當秉公察吏。登崇俊良。黜退庸闇。吏治自蒸蒸日上。不在紛更成憲也。○又諭前據侍郎吳璥請開捐。例當交戶部覈議具奏。茲據潘世恩。蘇楞額。議請暫開捐例。

盧蔭溥桂芳趙秉冲議請將常例推廣加增
托津因甫經回京二摺俱未列名推廣常例
事多格礙難行暫開捐例能否於經費有裨
或於此二議外別有良策可裕國用著派曹
振鏞托津鐵保英和四人再行妥議具奏尋
議上得旨前據吳璥奏開捐例朕以捐例本
非善政恐無實濟而徒滋流弊特交戶部覈
議嗣經部臣兩議奏上其請推廣常捐事例
者既窒礙難行其請暫開捐例者亦未能確
計其足裨國用因再降旨派曹振鏞托津鐵
保英和四人另行妥議旋據英和單銜具奏
極言捐例之弊而其所陳裕國之策一請仍
復名糧之舊一請多開礦廠名糧一節前已
飭查覈辦若開礦則流弊滋多亦不可行本
日據曹振鏞等三人議上仍以暫開捐例為
請現在軍需河工各項動用均出常年經費
之外國家度支有常實不能不豫為籌備斯
時既別無善策姑照所請暫開豫東事例著

各該部會同妥議條款具奏此朕萬不得已
之舉非以捐例為必可行也諸臣食君之祿
皆當忠君之事除此次曾經交議者無庸再
行瀆奏外其餘各大臣果有真知灼見能為
裕國之策者必須字字確切毫無流弊不准
泛論紙上空談仍犯議論多而成功少之病
如確有把握立能濟軍需河工之用奏上時
朕採取施行即將捐例停止若止言捐例之
弊而別無良謀其言皆朕所稔知毋庸虛陳
奏牘也○命再減湖北隨州平糶米價○庚
午享
太廟遣成親王永理恭代行禮○
上詣
大高殿行禮○幸圓明園○詣
安佑宮行禮○遣官祭
太歲之神○諭軍機大臣等同興等奏山東
軍需已支用者七十餘萬尚有各州縣應行
找領之項統計約須百萬懇請一概毋庸報

銷在通省地方官養廉內攤捐。分十年歸款等語。所辦非是。此次賊匪滋事。山東省曹定一帶。雖有勦捕事宜。但官兵在本境勦賊。供支有限。如京營吉林黑龍江勁旅。以及陝甘他省客兵。皆未到境。何至軍需用項。計有百萬之多。此必局員等濫支濫應。漫無撙節。因恐報銷致干飭駁。遂倡為通省捐廉之說。無所稽察。以便浮開冒混。不思國家辦理軍需。例應作正開銷。部臣勾稽考覈。應准應駁。皆有一定準則。豈容臣下博捐輸之名。而轉遂其冒濫之實。所奏不准行。該撫即督率局員。速將軍需支款。按照定例覈實報部。毋任絲毫浮冒。將此諭令知之。○展賑直隸平鄉。南和廣宗鉅鹿肥鄉曲周廣平雞澤威邯鄲隆平寧晉十二縣。上年被水。被旱。被雹。災民有差貸。邢臺沙河唐山內邱任永年成安磁元城大名南樂清豐開東明長垣十五州縣。口糧有差。並給籽種牛具。○緩徵山東荷澤濮

定陶曹城武鉅野金鄉觀城朝城范鄆城單嘉祥魚臺博平茌平平原清平汶上陽穀邱堂邑館陶冠息嶧濟寧武城德平惠民青城商河樂陵滕東平三十五州縣及德州臨清東昌濟寧西衛。上年被旱。被賊。地方新舊額賦。並貸予籽種口糧有差。○展賑河南祥符陳留杞通許中牟蘭陽儀封鄭高新鄭尉氏洧川鄆陵密裕葉太康扶溝許臨潁襄城長葛汝郊寶豐伊陽魯山寧陵睢鹿邑柘城商邱三十二廳州縣。上年被水。被旱。災民給洛陽偃師鞏登封光閭鄉西華項城鄆城九州縣。歉收。及被霜。貧民一月口糧。並貸虞城安陽湯陰臨漳林內黃武安涉汲新鄉獲嘉淇輝延津封邱考城河內濟源原武修武武陟孟溫陽武孟津新安滎池舞陽上蔡西平信陽羅山淮寧商水沈邱光山滎澤三十七州縣貧民籽種口糧。○貸陝西西安鳳翔同州邠乾五府州屬並榆林葭懷遠神木府谷米

脂潼關華陰大荔渭南十一廳州縣上年被水被旱被霜災民口糧○展賑安徽毫蒙城懷遠鳳陽宿五州縣上年被水被旱災民貸泗盱眙五河靈璧四州縣及屯坐各衛貧民口糧○貸江西廬陵泰和新淦清江豐城五縣上年被水災民籽種○貸湖北隨應山江陵公安石首五州縣及屯坐各衛所上年被水被旱災民籽種○貸湖南澧州上年被水災民籽種口糧○辛未諭軍機大臣等那

彥成奏各路出力義勇懇請賞給頂帶以示鼓勵等語此次豫省及直隸山東邊境一帶賊匪滋擾各路義勇隨同官兵打仗殺賊奮勇出力者人數衆多著加恩再賞碑礪頂五十箇金頂一百箇那彥成擇其尤為出力者分別賞給毋稍冒濫將此諭令知之○又諭賽冲阿奏帶兵起程赴陝協勦一摺陝省三才峽等處賊匪節據長齡朱勳奏報萬五一股經官兵痛勦之後在華陽兩河等處奔竄

現在吳廷剛分別勦捕其尤九一股由黑水峪向南奔竄又楊貴一股竄至鳳縣亦均有官兵躡勦此時長齡已帶甘省官兵馳抵藍屋楊芳亦已到彼朕又節次降旨將西安滿洲營並河州固原各處得勝勁兵凱撤赴陝並派楊遇春帶同吉林黑龍江馬隊六百名星馳前往與長齡會合進勦其石泉寧陵及秦州徽縣兩當東西兩面均派有堵截之兵惟向南一帶與川省毗連前因多隆武奏回

成都曾降旨令其在川北一帶駐劄督同桂涵羅思舉相機防堵今賽冲阿因探聞洋縣地方有賊匪竄擾與川省通江接界該將軍已帶兵取道保寧探明賊蹤迎頭截擊川省邊防要緊賽冲阿當分飭桂涵等將沿邊要隘布置周密無庸深入陝境一面多派弁兵分投偵探儻有賊匪竄近相距在三四百里之內即帶兵奮力截殺以勦為堵與陝省官兵共收夾擊之效勿使賊蹤闖入川境將此

諭令知之○山東巡撫同興奏曹州濟寧一帶前經留兵三千名分駐彈壓茲查兩旬以來地方頗為寧帖現又徵兵一千四百名祇留兵一千六百名足資巡防惟曹州營向設叅將一員兵五百名除分防各汛外存城兵祇三百四十餘名不敷彈壓請將事務較簡之文登營副將改為曹州營副將其中營都司即隨駐曹州又東昌營向設都司一員職分亦小應請以曹州營叅將改設東昌其文登營即以東昌營都司移設下兵部議以登州副將係海疆要缺未便移駐曹州曹州既存城兵單應令於就近營分酌量抽撥其東昌營應設叅將准於本省酌量改調以資防範從之○那彥成奏首先團練殺賊出力士民生員郭青山等擢用有差○癸酉諭軍機大臣等汪志伊等奏閩省牌甲保長人多畏避承充皆由易於招怨今擬將緝拏人犯催徵錢糧二事不派牌甲保長專責成以編查

戶口稽察匪類凡有匪徒藏匿令其密稟地方官作為訪聞俾免招怨等語人果存心公正何慮怨尤惟私心不免遂喜市恩而畏招怨近日內外臣工竟成通病此等徵末牌長又何足責所有緝拏人犯催徵錢糧二事自無庸再派伊等管理至既責以稽查戶口即當予以糾察之權如果地方藏匿匪徒正當令其指名首報俾匪黨共知畏憚不敢潛蹤若令密稟地方官作為訪聞則匪徒不懼甲長何以除莠安良乎至所稱甲長等三年後果有成效加以獎賞其怠玩者隨時革究自應分別懲勸其畬民熟番久與齊民無異俱當一律辦理又沿海及內河大小船隻藏奸濟匪均所不免所議設簿登記按季查點以昭嚴密之處亦應照所議行將此諭令知之○甲戌

上廷訊河南滑縣首逆牛亮臣馮克善悉凌遲處死○諭內閣此次調赴軍營之吉林黑龍

江官兵等於途次即出力奮勉將司寨地方賊匪殲除並將賊首李文成勦斃及至滑縣攻城殺賊實屬奮勉可嘉此皆由該將軍副都統平日訓練有方所致除色爾衮德寧阿業由軍營出力加恩外現任將軍喜明富俊副都統松寧穆騰額蘇清阿明德等著加恩一併交部議敘賽冲阿雖調補成都但離吉林未久著一併交部議敘○兩江總督百齡奏隨營出力人員賞道員徐斯按察使銜道

員毓岱知府音德和花翎餘升用有差○以內閣學士文孚為山海關副都統○乙亥諭軍機大臣等吳璥奏查勘東省湖河水勢情形並會籌疏濬泉源以資濟運一摺江南邵宿運河向賴微山湖為水匱乃近年上游泉渠並未挑挖積沙淤塞山水無路歸湖以致湖瀦日就短絀現僅存水二三尺為從來所未有此實李亨特任內貽誤厥咎甚重著戴均元傳諭李亨特伊身罹重咎今朕格外施

恩不即治罪著自認出貲數萬以為濬泉挑河之用即著戴均元李鴻賓查勘現在何處工段緊要先行罰令承辦如本年漕艘北上河流順暢無誤趙運屆時據實奏聞尚可量予恩施儻漕運貽誤必將李亨特從重治罪將此諭令知之○又諭滑縣附近賊匪俱已搜捕淨盡那彥成現在移營開州因開州一路俱有留駐之兵擬將直隸兵二千名分撤歸伍祇帶吉林黑龍江兵六百名一路巡查

回京自應如此辦理此時直東境內甫經寧輯人心尚未大定餘匪亦未能全淨那彥成帶兵行走毋庸按站趲程每日酌量或二三十里或四五十里沿途緩緩移營留心察看如各處尚有藏匿逆匪即駐營訪拏曉諭鄉民趁此兵威自行縛獻遇途中有訊辦事件駐紮一二日辦竣再行前進均無不可所過州縣多係災區已飭各該地方官加意撫卹如或辦理不能妥協該督於過境時查出即

飭其認真經理儻竟有玩視民瘼罔或拯卹者即行叅奏將此諭令知之○又諭據吳璥奏稱山東曹州府屬及金鄉魚臺一帶向來匪黨本多至今强悍之風未息聞良民或因舉報餘孽或因團練防堵以致結恨成讐匪徒尚思報復其被賊蹂躪之區飢民羣聚良莠難分豫省睢州工次並偶有焚燒料垛之事寧陵考城濬滑封邱等處難民災民不少聞有土賊搶掠開封及河北三府二麥未種人心尚難大定請飭諭該督撫實力安撫加意防範等語現在該三省本各有未徹防兵著該督撫密飭帶兵將領鎮靜彈壓其有私藏器械夜聚曉散妄冀勾結報復者均令紳士耆民指名報官儻有拒捕情事州縣官就近移會駐兵大員帶兵擒捕統俟麥熟後人心大定再行奏聞將留駐之兵全行裁撤可也上年荒旱之區豫省最甚撫卹尤為最要方受疇當深體朕懷力為拯救於賑卹之外

多設粥廠以期多所全活並著曉諭飢民使其自相保認如有習教從賊之犯潛來粥廠伊等即當密首立時拏辦務使良莠不致混淆閭閻自長臻安輯矣將此諭令知之○刑部尚書韓對請假省親允之以兵部尚書劉鏐之署刑部尚書○丙子
上御奉三無私殿賜皇子皇孫親藩等宴○御山高水長賜王公大臣蒙古王貝勒貝子公額駙台吉及外藩使臣等食翼日如之○諭內閣長齡等奏籌辦征防官兵鹽糧分例及安設臺站各事宜一摺陝省岐山縣匪徒聚眾搶掠現調派滿漢官兵協力勦辦業已連獲勝仗計日即可蕆事所有漢中陝安兩鎮官兵離營三百里以外准其一體照例支給鹽糧其馬乾一項向例每日給銀五分該省昨歲歉收時價昂貴著照上年豫省之例加倍給發應需軍糧各附近廳縣倉穀不敷動碾之處准其按照市價隨時採買並趕製軍

火設站安夫源源運送。至文報尤關緊要。著照例分別平原山路安設馬步正腰各塘。務期郵遞迅速。應需銀兩。准其於軍需三成並封貯項下動支。該督等惟當督飭司道各員。嚴飭所屬實心經理。加意撙節。毋得稍有冒濫。○諭軍機大臣等。長齡等奏連日痛勦匪徒。拏獲偽軍師偽先鋒及催兵分路進勦。緣由一摺。南山匪徒烏合之衆。不早撲滅。一經蔓延。各處完善之區。遭其蹂躪。老師糜餉。其患豈可勝言。著勒限於正月底二月初一律辦竣。不准遲逾。此時辦理之法。先須顧定平原。勿令出山焚劫。尤不可令其竄入老林。惟當四面堵截。使賊所向輒窮。我兵皆新勝之師。勇氣百倍。又吉林黑龍江勁旅。一可當百。必能計日歲功。現在萬五一股。經吳廷剛節次痛勦。剩有數百人。遁往太白山。陳四尤九一股。向寧陝一帶奔竄。祝廷彪帶兵由子午峪向西截擊。麻大旗劉二一股。千餘人竄往

隴州。楊遇春已親自馳往勦辦。龔貴一股。千餘人。竄至兩當太陽寺地方。有副將何占鼇等在彼勦捕。吳抓抓一股。千餘人。楊芳即日帶兵前往截勦。現又有旨飭催賽沖阿等由川迎擊。著長齡迅速飭知各路領兵大員。督率所帶官兵分投痛勦窮追。如某人勦某股之賊。此一股份即責成該員一手辦淨。不可得一勝仗。又棄而之他。致勦敗之賊。又裹成大夥。長齡係總統大員。居中調度。察看何處兵單。即將辦淨一股之勝兵。飭令前往協助。○又諭長齡等奏萬五分出股匪吳抓抓等一千餘人。竄至棧道武關一帶。該處路通黑河。遠至漢江上游。即可入川。已飛咨成都將軍賽沖阿。川北鎮總兵桂涵。由寧羌沔縣前來截勦等語。賽沖阿前因探聞洋縣地方有賊匪竄擾。已帶兵取道保寧進勦。此時吳抓抓股匪竄往武關一帶。該處與川省邊境密邇。賽沖阿務即探明賊蹤。迎頭截擊。並飭桂涵

羅思舉等各率弁兵分布要隘探有南竄之賊即分道迎遏將此諭令知之○丁丑

上詣

安佑宮行禮○御正大光明殿賜朝正外藩等宴作樂賜酒如除夕儀○諭軍機大臣等松筠由喀什噶爾查辦玉努斯一案完結自即起程前赴伊犁上年九月禁門滋事一案因十五日係署護軍統領楊澍曾在內該班當即褫革發遣彼時亦無暇訊供今聞楊澍曾是日在景運門外直班一聞賊匪突入率同護軍等將東華門立時關閉祇闖入賊匪五人旋即捕獲同時適西華門闖入賊匪多人楊澍曾未能兼顧其獲罪情節尚有可原著松筠到彼後傳到楊澍曾詳詢是日禦賊情形據實具奏再候諭旨將此諭令知之○是日立春順天府進土牛春山寶座

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十二

及豫東二省。勞師糜餉。該管官毫無覺察形。

上帝自是日始齋戒三日○己卯諭內閣和世

泰等奏本月十九日

祈穀壇大祀前期詣

壇齋宿豫備禮興一摺向來恭遇

南郊大祀朕前一日詣

壇例皆乘輦上年冬至乘紅桿八人轎係特減

損儀文虔申告祭茲該衛因昇輦旗尉尚未

嫺習請乘禮輿試思詣

壇乘輦載在儀注典禮攸關向來出宮及進

壇兩班本用旗尉惟中間換班沿用民尉上年

定議全用旗尉得旨已將兩月何以尚未教

演嫺熟顯係因循怠玩藉詞支飾所有鑾儀

衛堂官除長慶甫自軍營回京毋庸議外和

世泰孟佳德克進及該管章京等俱著交部

議處朕此次詣

壇姑乘禮輿現距

常雩之期尚有數月著該衛將昇輦旗尉勤加

教演屆期毋得再因循貽誤致干嚴懲不能

恕矣○又諭御史夏修恕奏請嚴禁妄擊無

辜一摺所奏甚是此次辦理叛案其從賊逆

黨必當悉數捕誅不容一名漏網但豈得因

此株累查拏擾及良善近日審訊各處查緝

送部之人多有妄報邀功挾仇誣陷者雖審

明後即予昭雪而其人羈禁囹圄室家播棄

資產蕩然且有因以瘐斃者似此妄行羅織

心實不忍良民何辜遭此苛政其何以消沴

戾而召祥和現在必應查拏之犯俱經刑部

將年貌住址根究明確開單飭交京畿及各

省按名緝辦務獲究辦此外如有妄拏無

辜誘供刑逼以及仇板捏控者審明俱按律

坐誣治罪庶矜慎刑獄除莠安良以靖人心

而迓

吳兢○諭軍機大臣等據順天府奏於逆首林

清家中起獲三佛應劫統觀通書鈔本一冊

呈覽此等不法經卷豈可任令流傳其書內

稱此經出在山西平陽府岳陽縣王家莊等

語此書既由該處流傳恐鈔寫不止此一本

附近村莊尚有收藏潛匿之人著衡齡即派
委員前往密訪如有收藏之家立即查起封
送軍機處銷燬並嚴追來歷務收查淨盡勿
令再有傳寫貽惑鄉愚○庚辰

上詣

南郊齋宮齋宿○諭內閣上年九月廷訊林清
據供伊有邪書一本用紅布包裹藏匿家內
當經飭令步軍統領順天府衙門派員搜查
未經起獲本年正月十二日廷訊牛亮臣復

據供稱林清實有此書係賊目于克敬轉給
因又飭知順天府再行查起旋據劉鏞之等
派員於林清家牆穴內起獲封固呈覽其書
悖謬荒誕不經已甚即行焚燬當日林清藉
此誑惑鄉愚邪說誣民上千

天討故其書雖深藏固秘隱匿數月終被搜獲
銷燬不使存留於世何況顯為悖逆之徒覆
載不容豈能倖逃法網若承緝之人心存玩
愒以為其事既往不逮認真端訪則是不能

善承

吳蒼除邪興正之心不存忠君護國之志又染
因循疲玩之習朕必立施重罰不赦著再通
諭步軍統領順天府五城並直隸等省將前
此飭發查拏從逆最要次要各人犯按照年
貌名單上緊密訪嚴拏勿稍疏懈此內如祝
現劉呈祥劉第五董伯旺劉成章等逆更為
巨惡尤須剋期弋獲試思此次順天府搜獲
逆書之典史吳孝愉朕尚施恩破格升用若
官弁兵役能緝獲渠魁必更優加獎賞但必
審明確係正犯始錄其功若妄拏無辜拖累
善良亦必治罪不貸○諭軍機大臣等長齡
前任河南巡撫逆犯李文成等本皆該省民
人私與林清勾結往來約期造反長齡職任
封圻毫無覺察上年將伊簡任烏魯木齊都
統離任未久豫省逆賊旋即起事究其蓄謀
年月正在長齡任內厥罪與溫承惠等未加
懲處並因那彥成督兵豫省一時乏人將伊

簡放陝甘總督伊甫抵任。南山亂民滋事。非伊之咎。但伊積愆甚重。此時帶兵勦賊。正當奮身自贖。目下征兵雲集。足敷調度。如果於一月內剋期蕆事。不但寬免前罪。仍當懋加獎賞。若辦理延玩。則二罪並罰。朱勳久任陝西藩司。擢任巡撫。南山距省甚近。飢民乏食滋事。該撫不能先事豫防。迨焚掠肆擾。又未能立時勦辦。意存招撫。其所派招賊之人。旋經被賊戕害。辦理種種不妥。亦與溫承惠長齡無異。姑令戴罪自贖。著將應需軍火糧餉。不准糜費。如果糧餉無誤。防堵嚴密。俾征兵得以迅速竣事。尚可賞其前罪。若怠玩貽誤。不能寬貸矣。至楊遇春謀勇素著。因陝省亂民滋事。又派令帶領吉林黑龍江勁兵馳往會勦。該提督務協同長齡等鼓勵將士一鼓蕩平。蕆事後。仍再加以上賞。以獎勲勞。將此各傳諭知之。○辛巳。祈穀於上帝。

上親詣行禮。○辛酉。明圓。○御正大光明殿。賜大學士尚書等宴。○御山高水長。賜王公大臣蒙古王貝勒貝子公額駙台吉及外藩使臣等食。○諭軍機大臣等。那彥成奏酌挑吉林索倫兵留京當差等語。所奏甚屬非是。吉林黑龍江官兵鎗箭精熟。朕所素知。但留京當差格礙甚多。該官兵各有家室。此次奉調出兵。不過暫時行役。伊等原處各有產業。一旦令其委而去之。獨居京師。既無房屋可居。又無親戚可靠。種種不便。豈可不念及乎。現在照每年學團官兵之例。詢其情願留京者。方令留京。那彥成奏請將一百三十餘人統行引見。派差斷不准行。將此諭令知之。○那彥成奏直隸守護城池承辦軍需出力官員紳士賞守備劉經花翎都司陳夢熊等藍翎。餘升用有差。○壬午。上幸萬壽山。○諭內閣。綿課等奏阿哥致祭陵寢章程一摺。舊例派阿哥致祭。

陵寢有禮部侍郎一員內務府大臣一員隨往
禮部侍郎僅有呈遞儀注一事因即停派其
內務府大臣係派內務府郎中一員代辦嗣
後禮部侍郎仍毋庸請派其內務府大臣一
員由內務府衙門將該大臣銜名統行開列
請旨派往即令兼委署領侍衛內大臣總理
一切事務仍照例派散秩大臣二員其餘侍
衛官員兵丁等俱照所奏章程辦理再阿哥
途間中伙向多在廟宇民房殊非體制嗣後
著於程站適中之地設中伙一處支搭黃布
城內設蒙古包一座帳房四架由武備院派
司員前往豫備其有備用房處所即無庸支
搭○又諭上年冬閒據陝西巡撫朱勳奏稱
岐山縣三才峽地方有飢民聚衆滋事之案
查係萬五為首該逆等因木商停止工作無
處傭工輒敢糾人焚掠不法已極當派長齡
楊遇春前往督辦本日據長齡等奏稱萬五
股匪經吳廷剛帶兵連次追勦獲匪黨多

名該逆窮蹙奔潰由太白老林竄入盤屋山
內長齡等復派副將達凌阿叅將丁永安帶
兵協勦於山內設伏以待該逆竄出寬溝伏
兵鎗箭齊發該逆身帶鎗傷經眼目縣役江
貴認明擒獲餘匪勦除淨盡等語萬五一犯
乘機倡亂實為首惡茲經官兵臨陣生擒餘
黨悉數殄除一月以來均係吳廷剛奮力追
勦不予以暇該逆無路奔逃故得迅速成擒
吳廷剛著加恩交部照軍功例從優議敘達
凌阿丁永安探蹤設伏能將首逆生致實屬
奮勉達凌阿著加恩賞加總兵銜丁永安著
加恩賞加副將銜仍交部照軍功例從優議
敘其縣役江貴賞給八品頂帶入伍以外委
即補以示獎勵○以河東河道總督戴均元
為吏部右侍郎吏部右侍郎吳璥為河東河
道總督○癸未諭內閣勒保等奏會議托津
那彥成酌籌軍務善後事宜一摺所議俱是
直省營伍各就地方形勢建設腹地駐兵少

於邊隘舊制本極詳明直隸豫東三省原設兵額足資控馭不得因莠民偶爾滋事遽議增添況國家經費有常每年增餉三十萬兩亦非易事豈可不計及久遠至開州等處匪徒甫靖有須移駐弁兵之處著即由該省各營酌量抽撥其吉林黑龍江官兵更番駐京操防事多窒礙昨那彥成續行奏請復經降旨訓飭現在各省編查保甲實為除莠安良要務其收繳練勇器械並安設塘汛堆卡酌派弁兵盤詰奸宄各事宜惟在該督撫實力奉行自足以收成效那彥成現任直隸總督該省營務正資整頓若將不能得力之員與陝甘將備對調其在直隸既不可用豈調往陝甘即可姑容那彥成莅任伊始無所迴護著即嚴行甄別以肅軍紀其長垣等處兵燹之後無業難民尤應加意撫卹該處逆產絕產著即飭屬查明頃畝贍給窮民勿任官吏侵欺又滋獎竇○以貴州巡撫許兆椿為刑

部左侍郎江蘇布政使慶保為貴州巡撫調浙江布政使常格為江蘇布政使貴州布政使福昂為浙江布政使以四川按察使常發祥為貴州布政使調湖北按察使陳若霽為四川按察使以甘肅蘭州道嚴烺為湖北按察使○甲申諭內閣姚文田奏請急農桑緩刑獄一摺國家政在養民農桑者天下之大本朕親耕后親蠶躬行為天下先誠以民生所亟一日不再食則飢終歲不製衣則寒布帛菽粟其事至恒而所關至鉅定例考覈吏治首列勸課農桑所以責望牧令者莫要於此古者物土之宜耕九餘三歲有豐歉民無凍餒近者膏腴之產多以蒔菸倉廩所儲兼以釀酒地利未盡禁令復弛地方偶值偏災雖蠲賑頻施民猶不免飢寒本務不修無怪乎閭閻之貧且病也著通諭直省督撫各飭所屬府州縣官務知朝廷貴農重粟之意以勸課農桑為亟境內沃壤悉令樹植嘉穀有

勤於南畝者勞之相之其廉穀病農者抑之懲之地產日豐蓋藏饒裕衣食足而廉恥興富教之政其庶幾乎至除莠所以安良刑者不得已而用之若訟獄繁興株累者衆其妨於農事者甚大著問刑官吏遇有應訊案牘務速為剖判曲直嚴懲誣枉勿得拖累無辜以卹民生以厚民俗其各實力奉行勿怠○又諭上年審辦林清逆案經軍機大臣會同刑部將緝獲案犯鞫訊定擬分別情罪最重次重奏明辦理此等梟獍之徒糾謀倡亂覆載不容必當盡法處治以快人心但人數衆多其實係鄉愚無知被誘脅從者亦所不免一經與知逆謀不得不按律懲辦朕每於無可寬宥之中求其有一線可原者量為改減自去年九月以後節次審辦計已二百餘犯本年正月十二日又辦理牛亮臣馮克善等犯仍在立春以前現當春陽應候宜乘時布澤以迓祥和著傳諭軍機大臣刑部堂官自

立春以後審擬各逆犯如祝現劉第五劉呈祥支進財董伯旺劉成章等仍按律寸磔以彰國憲其餘情節最重者問擬凌遲情節次重者即改為斬決情節又次重者即改為斬監候分別定擬具奏軍機大臣等務斟酌情罪重輕詳慎定讞以副朕矜恤刑獄法外施仁之意○諭軍機大臣等長齡等奏洋縣竄匪踰淺過江分別督辦一摺此股竄渡漢江之賊同日據賽冲阿奏到該將軍行抵沔縣因聞該匪等渡江竄至八寶臺即移兵洋縣先辦此股竄匪其沔縣黑河之賊已派寧羌遊擊林向榮帶領寧羌陽平弁兵五百名在彼堵剿已降旨令賽冲阿督同楊芳親廷彪先將渡江之賊剿捕完竣再移兵會剿他股並令多隆武督率桂沅羅思舉嚴防黑河之賊南竄其麻大旗一股賊匪人數不少著楊遇春迅速追剿並就近督辦竄近徽縣零匪至盤屋峪內尤九陳四股匪著長齡督率吳

廷剛等趕緊辦竣。此次賊衆多係山內匪徒。其意總欲四出亂竄。分我兵力。總當注定成股之賊。痛剿窮追。使其無裹脅之暇。無掠食之資。方能迅速掃除。長齡等務勉力速辦。勿稍遲延。將此諭令知之。○又諭。川北防守一節。尤關緊要。現在沔縣一路。兵備空虚。著多隆武督同桂涵羅思舉分路巡防。以堵為剿。並多派弁兵偵探。冀貴吳抓。股匪竄至邊境。賽冲阿追剿之賊。又復南竄。即帶兵迎頭堵截。以收夾擊之效。勿使蔓延。闖入川境。將此諭令知之。○又諭。洋縣地方。與川北毗連。該匪現向東南奔突。有賽冲阿馳往堵截。儻賊匪被剿情急。折竄而東。則係陝西興安府地界。再由興安而東。則與楚省二竹接壤。山境叢雜。到處可通。亦不可不先事豫防。著馬慧裕吉林泰。即傳知鄖陽鎮總兵富斌。多派弁兵於邊界偵探。如賊匪有竄近楚境之信。即帶兵迎頭截剿。無使闖入境內。○乙酉。

孝聖憲皇后忌辰遣官祭

泰東陵。○丙戌。山東巡撫同興奏。辦理逆匪出力各員。賞同知武隆阿。章垣。吳堦。花翎通判慶福等。藍翎餘升補有差。○丁亥。諭內閣。兵部奏議處山海關副都統額勒金布一摺。上年節次據額勒金布奏。盤獲匪犯各案。俱稱有謀逆重情。出入山海關。送信糾人。及解京交軍機大臣會同刑部審訊。惟李得水一犯。雖無送信糾人謀逆情事。曾在長垣隨同搶劫。尚係有罪之人。其餘各案。皆由刑逼勒供。全屬虛枉。額勒金布任聽所屬之人妄捏。故勘並未親自覆審。率以糾衆謀逆重情。張皇入告。以致拖斃無辜。至六命之多。僅照部議降三級調用。尚覺過輕。額勒金布著革去副都統。賞給藍翎侍衛。自備資斧。前往英吉沙爾。換回彥吉保。伊過京之日。不准請訓。即行起程。○又諭。果恭郡王福晉因伊孫貝子綿洞患病。具摺代奏請假。綿洞係固山貝子。有

奏事之責。因病請假。理宜自行具摺。即本身患病。不能自奏。亦應摺內列銜。今伊祖母福晉。竟具摺代奏。請假。殊與體制不符。此皆管理宗人府事務之王公等。平素怠忽從事之所致。該管王公等。均著申飭外。仍令該管王公等。宣諭各王貝勒貝子等。嗣後如有告假者。均著自行具奏。福晉等不得代奏。○諭軍機大臣等。蘇楞額奏。嚴禁海洋私運一摺。據稱近年以來。夷商賄通洋行商人。藉護回夷兵盤費為名。每年將內地銀兩。偷運出洋。至百數十萬之多。該夷商已將內地足色銀兩。私運出洋。復將低潮洋錢運進。任意欺朦商賈。以致內地銀兩。漸形短絀。請旨勒禁等語。夷商交易。原令彼此以貨物相準。俾中外通易有無。以便民用。若將內地銀兩。每年偷運出洋百數十萬。歲積月累。於國計民生。均有關繫。著蔣攸銘。祥紹。查明每歲夷商等偷運足色銀兩出洋。實有若干。應如何酌定章程。

嚴密禁止。會同妥議具奏。○旌表守正捐軀直隸望都縣民趙停順妻張氏。江蘇桃源縣民臧勤修妻吳氏。○戊子。諭內閣。本日那彥成來京復命。並陳自滑縣凱徹經過直隸山東。沿途地方民情。極為寧謐。上年河南滑濬等處逆匪滋事。特命那彥成由陝甘馳赴豫省。授以欽差大臣關防。總統師干。經朕疊加訓飭。那彥成感奮自効。連奏克捷。先渠授首逆黨。悉除。辦理迅速完善。那彥成克副委任。深堪嘉獎。伊係阿桂之孫。亦由平日習聞祖訓。勉紹家聲。故能宣力効猷。懋膺爵賞。茲追念舊勳。著於本月二十九日。在阿桂墓次。賜祭一壇。著禧恩前往奠酒。用示朕眷舊酬庸恩意。○諭軍機大臣等。百齡等奏。勘明安省被水情形。一摺。睢州漫工。亟需籌堵。百齡等將下游可慮之處。詳悉條陳。所奏自皆切實。此時漫口不堵。一經汎水長發。河南安徽兩省下游州縣民田廬舍。俱在巨浸之中。小民

失其生計。況全黃匪注洪湖。堰圩隄工處處著重。儻或不能容納疏導。關繫匪輕。此時籌辦堵築。俾災黎早得復業。兼可以工代賑。原屬正辦。但時已將屆春仲。雖有閏月。距桃汛不遠。採購稻料。一時能否湊手。且一經興工。即須一氣呵成。合龍鞏固。若堵築稽遲。伏汛一臨。兩壩不能抵禦。或將埽段衝墊。則所費錢糧。豈不全歸虛擲。著即傳諭百齡。吳敬方受囑通盤計畫。此時東河上游各廳。如有存工料物。即可先行撥用。至附近富戶殷商有素蓄稻麻等項。亦照所請。准其倣照納粟報捐之例。按照所捐料物。覈計例價數目。給與議敘。將此諭令知之。○己丑諭內閣。長齡等奏留防官兵。懇恩支給柴薪銀兩。一摺。陝省留防峪口等處滿漢官兵。定例每日只支口糧。不給鹽菜。惟念該兵丁等防守邊卡。堵禦辛勤。著加恩將該處留防官兵。自此次奉旨之日為始。每兵每日支給柴薪銀三分。俾資

食用。其甘省秦階一帶征防之兵。亦著一體支給。○又諭松寧等奏審訊張觀瀾等畏刑誣認謀逆一案。將承辦各員請旨革審。並和寧緒莊等自請治罪。各一摺。奉天承審各委員於誤等。到案之張觀瀾等。不虛衷研鞫。輒任意利求。逼認謀逆重情。咎無可辭。但尚無受賄故勘情事。佐領四德。佛德治中。呂士淳著免其革審。交部嚴加議處。協領恒慶。駙騎校武訥。覃穆。承泰著免其解任。交部議處。和寧慶惠誠。客任聽屬員濫刑誣枉。草率入奏。著交部議處。緒莊貴慶華連布。明知案情未確。不據實平反。著一併交部議處。○諭軍機大臣等。長齡等奏勦淨麻大旗等股匪。寶隴肅清。其尤九陳四一股。經吳廷剛等追至寧陝地方。冒雪進攻。殲擒七百餘名。並生擒偽元帥尹朝貴等。嗣賊匪分起東竄。又經叅將張起鵬勦斃三百餘人。賊勢已就衰敗。惟此股餘匪。現復逃至鎮安寧陝交界地方。該處

路通楚豫亟須併力攔截長齡已派馬元帶兵一千名赴商州一帶截剿尚恐兵力不敷現在後起凱撤官兵二千名過陝著即交長齡截留協剿長齡並可於此內酌撥數百名飭知帶兵將領就近取道趕赴馬元一路幫同堵截即將竄匪就地剿盡勿令竄近豫境為要再楊遇春現已將麻大旗等一股賊匪辦竣其吳抓扒龔貴股匪竄至沔縣黑河一帶滋擾賽沖阿移兵洋縣以後僅派遊擊林向榮帶兵五百名堵遏兵力太單恐該匪等四處裹脅人數漸增楊遇春由寶隴一帶前赴沔縣甚近著即帶領勝兵探明吳抓扒龔貴二逆現在屯聚何處即星馳趕赴先將此股賊匪悉數剿除毋令旁竄將此諭令知之○又諭陝省商州山陽一帶與豫省西界毗連賊匪現在東竄呢瑪善係南陽鎮總兵豫陝交界地方正其所轄著即行挑帶勁兵一千名星夜馳赴該處紮營防堵一面多派弁

兵偵探僮賊匪有竄近之信即迎頭截剿與馬元等併力夾擊以堵為剿勿庸深入陝境總當緊顧本省邊防勿任賊匪闖入豫境為要○以剿滅陝西賊匪麻大旗等提督楊遇春總兵官游棟雲下部議敘都司趙起貴等升擢有差○朝鮮國王李瑤遣使表賀萬壽冬至元旦三大節及歲貢方物賞賚筵宴如例○以故科爾沁扎薩克郡王羅布藏嘉木參子琳沁扎勒贊襲爵○補給直隸開東明長垣三州縣未被賊擾貧民四月口糧○庚寅諭軍機大臣等本日據賽沖阿奏稱該將軍追剿渡江竄匪於本月十九日追至木竹壩地方適遇該匪由老漁壩竄至該將軍親身督戰將賊首楊榮奎獲殲斃賊匪五百餘名其後隊苗小一所帶綠號匪衆千餘人竄回漢江以北岸該將軍仍帶兵緊躡等語此時漢江以南已就肅清川北可以無虞此股折回江北之賊賽沖阿乘勝追剿當亦不難

辦淨惟吳抓抓龔貴等股匪前據奏稱在黑河沔縣一帶遊奕楊遇春勦淨麻大旗一股之後已飭令移兵前往日內曾否趕上痛勦不致散竄又吳廷剛所勦尤九陳四一股昨據奏稱逃往寧陝鎮安一帶馬元帶兵攔勦曾否截回均為垂虛著長齡等迅即具奏再本日賽冲阿奏到賊匪楊榮供內據稱該匪等起事之初分成五號黃號係偽總兵段姓紅號係楊二劉濫子綠號係苗小一尤九藍號係偽總兵黃姓該匪係青號頭目並據供稱綠號尤九因擄掠婦女被苗小一將伊殺斃等語此五股賊匪除紅號楊二於投首之後赴賊營招降被殺青號楊榮此次擒獲正法綠號苗小一現經賽冲阿追勦外其餘黃號段姓現在洋縣河北岸藍號黃姓現竄往五郎山紅號劉濫子現在何處竄逸是否即在沔縣黑河及寧陝等處賊股之內抑另自分竄他往又綠號尤九一犯既據供稱已被

苗小一殺斃何以該督等摺內俱稱尤九與陳四一股在盤屋山內奔竄是否尤九實未被殺賊供難信抑與陳四奔竄者並非尤九均著查明先行覆奏將此諭令知之○以勦除漢江賊匪成都將軍賽冲阿下部議敘擢外委任朝勝為千總並賞藍翎○以刑部右侍郎成格禮部右侍郎王宗誠署經筵講官

○辛卯

孝儀純皇后忌辰遣官祭

裕陵○諭軍機大臣等陝省山內匪徒滋事緣由上年十二月間朱勳初次奏報即稱該匪等係木廂傭工之人因停工乏食糾夥搶糧以後每次奏報亦均以飢民為詞而焚掠傷人擾害日甚且裹脅人數動輒數千旗幟鎗礮無所不有試思鎗礮二項豈能倉猝製辦今計每次接仗官軍擒獲者為數不少又如騾馬一項楊遇春勦殺麻大旗一股即奪獲七百餘匹該匪等沿途搶劫亦豈能如此之

多。看此光景恐非盡屬飢民。地方官迴護平日失察處分。託詞卸過。必須大加懲創。著長齡詳細確查。此事如係飢民。則地方官有諱災之罪。如係邪教。則地方官有失察之罪。務將確情秉公具奏。毋稍含混。○以直隸秦寧鎮總兵官那彥寶為正藍旗滿洲副都統。兵部左侍郎成書為秦寧鎮總兵官。○予山東陣亡守兵王祿一賞卹如例。○壬辰。

上詣

大高殿行禮。○還宮。○轉兵部右侍郎果齊斯歡為左侍郎。調理藩院左侍郎普恭為兵部右侍郎。轉理藩院右侍郎禧恩為左侍郎。以正藍旗滿洲副都統那彥寶為理藩院右侍郎。○是月。陝甘總督長齡等奏報勦辦萬五股匪。三次獲勝。得旨。此事以迅速痛勦為主。我兵不宜多分隊伍。先儘大股賊匪。盡行辦淨。則小股賊匪。震懾聲威。散者必衆。總以殲戮逆首萬五為要。頃接那彥成奏報。甘肅兵

已凱撤過西安時。若尚需兵力。酌留兵五百名。亦可如辦完萬五。即不必留矣。用兵之道。合則氣壯。分則見單。不可墮賊詭計。將軍賽冲阿帶兵千名。由洋縣而來。汝等同心協力。殺賊安良。佇膺懋賞。勉之。

平定縣志

卷一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十三

大清仁宗受天興運敷化綏猷崇文經武孝恭勤儉端敏英哲睿皇帝寶錄卷之二百八十四

監修總裁官藤田鳴起居士傳武英殿大學士湘閣領閣事稽察欽奉
上諭事件處管理工部事務翰林院掌院學士齊世榮

加三尋常加級臣曾振鐸總裁官太子太保文淵閣大學士管理刑部事務加五級臣戴均元經筵日講起居注官太子少保內大臣文淵

閩提舉閣事樞密教華上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步

軍統領管理戶部庫舉宸苑清漪園等處總理糧處御茶膳房御藥房太醫院西洋堂事務掌功初三級傳習初二級尋常初五級紀錄十

次臣美和經筵講官太子太保禮部尚書上書房行走武英殿經籍管理國子監事務加級隨帶加級紀錄四十四次汪廷珍等奏

敕修

嘉慶十九年甲戌二月癸巳朔諭軍機大臣

等吳璥等奏查勘清口海口及堰盱一帶湖
河情形並會籌疏濬事宜一摺清口一帶估
挑引河拆展各壩並於迎水壩外王營減壩
毛家嘴等處擇要抽挑及加挑兩壩引河各
工即照所議剋期趕辦俾河湖盛漲有路宣
洩為有備無患之計其堰盱掣壩石工應趕
緊賠修補築現在睢工未堵全黃注湖南河
應行疏濬防守各事宜著責成百齡黎世序
實心經理其睢工堵築事宜著責成吳璥方

受囑詳籌妥辦務各盡心力以副委任將此
各諭令知之○又諭松筠奏接聞恩長信稱
霍罕伯克愛瑪爾遣使呈請在喀什噶爾添
設哈子伯克自行辦理安集延事務不必阿
奇木伯克管理恩長欲與松筠會議具奏經
松筠訪知係因玉努斯遣人致送愛瑪爾禮
物與之通好愛瑪爾遂有是請等語玉努斯
係回子郡王阿奇木伯克前經松筠訪有營
私取利苦累回民等款因令松筠前往查辦

今復有遣人與霍罕伯克通好致送禮物致該夷使有自設哈子伯克之請著松筠將前後訪出各款逐細向玉努斯詰訊務得真實情由再行奏明辦理恩長玉福係該處叅贊幫辦大臣如玉努斯款蹟屬實均有失察之咎著松筠於定案時附叅其另片奏請令伊銓額署理叅贊事務一節伊銓額現已補授伊犁領隊大臣松筠即傳旨飭知該員令其前來喀什噶爾暫署叅贊可也○又諭此次

吳廷剛所勦陳四分股之賊尹朝貴於十二日趕抵吳家堡適祝廷彪到彼與之合兵勦殺當將首逆尹朝貴生擒殲獲六百餘人旋又探知陳四一股在黃草坪民房屯踞復分兵三路乘夜進攻賊匪燒斃淹死及殲獲者又有七百餘人並訊明尤九一犯已被夥賊戮斃又楊芳所勦沔縣賊匪將龔貴一股在三元壩地方督率馬步官兵奮勇勦殺先後殲賊六百餘名各路官兵勦賊均屬奮勉出力現在長齡已親赴東江口寧陝一帶督同吳廷剛馬元追勦尹朝貴陳四股內東竄零匪楊遇春親赴留壩一帶率同何占鼉追勦龔貴股匪其沔縣游奕之吳奇譚貴股匪已派游棟雲會同楊芳勦辦又賽沖阿所勦折回江北之苗小一股匪亦派祝廷彪馳往會勦朱勳等在峪外防堵各處股匪均有專員認定勦辦不至顧此失彼惟當緊躡窮追各勦各股將首逆夥黨就地埽除淨盡統於前

二月內一律辦竣將此諭令知之○長齡等奏追勦萬五股匪出力人員賞叅將張起鵬巴圖魯名號都司宋連守備劉藻花翎千總白玉喜等藍翎餘升補有差○甲午以舉行仲春經筵遣官告祭

奉先殿

傳心殿

上御文華殿經筵直講官英和曹振鏞進講孟子經正則庶民興講畢

上宣御論曰人心不正之故總由邪說橫行也其咎在上而不在下蓋有故焉為人上者不能彰明教化宣揚禮義司牧之官惟知尸祿保位視民如草芥德不修學不講乃有奸徒煽惑假邪說以誣民愚頑自趨陷阱而不覺世道沉淪未能挽救誰之咎歟正己治人實為探本之論謹身率下誠為不易之理不必責人之趨向不端曷不自省己之行為末有不知者也逆來順受又何怨乎人君為世道

計在一心樞機之所發轉旋風氣惟在敬敷五教躬行實踐為庶民之準則形端表正其應如響不可忽也堯舜以來真正不易之常經即在倫常日用之間非新奇之事也常經既復而歸於正皆知五倫之道為吾真是勃然咸興於善則邪慝皆潛移默化矣人倫明於上小民親於下烏有干名犯義之舉同歸於正之功用全在培養心德誠至理也直講官桂芳潘世恩進講易經君子以遏惡揚善

順天休命講畢

上宣御論曰天運四時雨露雷霆無非教也人君代天御極立身行道大柄在於遏惡揚善賞罰必得其當轉移人心之大用也齊之以刑雖聖王不得已之苦心亦無可奈何之事也稂莠不去嘉禾不生虞舜去四凶孔子誅少正卯可謂辟以止辟遏惡之道盡矣若淫刑以逞殘忍酷暴視民命如鴻毛任意草菅則是自為元惡焉能遏人之惡自絕於天災

患立至矣朝廷名器非邀恩市惠之真酬勲慰勞賞得其宜所以獎善也若濫賞博好施之名人皆不知感繼不知畏而善者反淪於惡矣五刑五用天所以討有罪也則順天命以遏之不可因怒而濫刑五服五章天所以命有德也則順天命以揚之不可因善而濫賞順天休美之命功罪皆其自取昭大公無我之心不以一時之喜怒任性施為斯能遏惡揚善矣其本在於克去己私復乎天道握御天下之大權立治萬民之極則克明俊德樹之風聲體天圖治庶臻大有之盛矣禮成上幸文淵閣賜講官及聽講諸臣茶復賜宴於本仁殿○遣官祭先醫之神○諭軍機大臣等賽沖阿追勦苗小一股匪已渡漢江北岸因聞另有藍號股匪數百人由太陽灘踰淺渡江旋又折回追勦殲獲賊匪四百餘名擒獲偽先鋒旗手多名所辦迅速可嘉陝省賊匪均各蓄意入川

以圖勾結川北川東與陝境處處可通巴山
老林路徑叢雜搜勦亦復費手此時緊要機
宜總以防賊入川為要現在陝省賊匪已有
各路官兵分投緊躡不致散竄而江岸遼闊
賊匪屢次窺伺儻賽冲阿深入陝境轉致後
路空虛該將軍在洋縣一帶追勦紅號綠號
股匪吳廷剛等並已由北逼勦而來諒該賊
匪不致遠竄可以就地埽除勦竣此股若數
十里百里內有賊竄至自當隨時截殺若在
數百里之外切勿窮追遠涉務當步步緊顧
川界川省邊防嚴密即所以助陝省成功並
傳知多隆武暨桂涵羅思舉分督弁兵在川
省沿邊一帶多設偵探加意防範其七盤關
及沿江一帶均派兵巡邏聲息相應勿稍疏
懈將此諭令知之○乙未遣官祭
文昌帝君廟○諭內閣御史孫沅奏挑選侍
衛酌定弓力一摺國家以弧矢開基武備之
修挽強為尚但力不同科若如該御史所奏

概令開弓在八力以上亦屬難行此事惟在
練習精勤則臂力日增即力弱者亦漸能挽
強嗣後著領侍衛內大臣及管理旗營諸大
臣各率所屬勤加教演縱不能悉挽八力勁
弓總約以六力為合格庶禦侮折衝干城之
選日衆矣○諭軍機大臣等前因睢州漫工
亟宜堵合又慮大汛長發以前工程不能辦
竣則帑項皆歸虛擲降旨令吳璥等詳議具
奏本日朕恭閱

皇考高宗純皇帝實錄內載乾隆四十三年八
月派高晉等堵築儀封等處漫工之時欽奉
諭旨前者楊橋漫工劉統勲兆惠前往堵築襄
曰修亦同差往回京時曾向人言下埽漸近
中泓頗難著力因思埽在水內其質輕浮遂
設法繫以船上大鐵錨八支便得直墜到底
自此下一埽即得一埽之益不復有漂走者
其說似為近理著傳諭高晉等口門收小時
水深溜緊或可以其法試之所需鐵錨若僅

買之大船恐不敷用即可做式成造等因欽此仰見我

皇考廕念河防慎重埽工之至意其時高晉等如何遵辦是否因此得益豫省必有成案此次辦理大工之時著吳璥方受疇詳查舊制如果用以下埽即可追壓到底則料物可無漂失之虞所費有限而得力不如後來進占之穩實亦即據實覆奏再此次堵築漫工關繫下游災區難以再緩但一切物料如何籌

辦不致缺少以及挑河築壩等事能否確有把握可於大汛前合龍之處伊等自己會商斟酌萬全迅速奏聞以慰廕注將此諭令知之○以烏魯木齊都統晉昌為盛京將軍塔爾巴哈台叅贊大臣伊冲阿為烏魯木齊都統塔爾巴哈台領隊大臣松福為塔爾巴哈台叅贊大臣賞伊犁總管德克金布副都統銜為塔爾巴哈台領隊大臣○
上以祭

社稷壇自是日始齋戒三日○丙申遣官祭關帝廟○丁酉祭

先師孔子遣大學士曹振鏞行禮○諭軍機大臣等長齡等奏寶雞縣東河橋地方有不知姓名賊匪千餘人執旗搶掠現已入山有赴隴州之勢等語此股是否係龔貴股匪抑係各處零匪復行聚合現在長齡已親自帶同特依順保色爾袞並滿漢官兵二千名由斜峪關探蹤進剿務須迅速撲滅勿任旁竄現在東竄股匪剿除淨盡又有吳廷剛祝廷彪兩路勝兵長齡等酌看情形何路緊要即令該鎮等前往協剿或分往或合往隨時調度朕亦不為遙制將此諭令知之○又諭常明奏陝匪南竄親帶官兵馳往迎剿一摺所奏過涉張皇洋縣渡江股匪節據賽冲阿奏報剿辦完竣其折竄北江零匪亦僅止千餘人經賽冲阿等帶兵剿捕無難立就埽除川界東北一帶現飭多隆武桂涵羅思舉督率

弁兵扼要分防足資守禦省城地方緊要理宜鎮靜撫綏常明一接賊匪渡江之信即紛紛徵調帶領多兵輕率遠出致令人心驚疑實屬不知緩急著傳旨申飭常明即速回省城鎮靜彈壓並飭知重慶鎮總兵羅聲皋即回本任所調之軍督提三標及建昌兵二千名均令回營歸伍○又諭東林奏豫挑駐防滿兵五百名以備調撥一摺東林不識事體挑備駐防滿兵多名豈不令人心惶惑所辦

輕率東林著傳旨申飭所挑官兵即傳令安靜駐守勿得輕舉妄動○又諭前因商州龍駒寨等處毘連豫省邊境飭令南陽鎮總兵呢瑪善選帶弁兵一千名前赴該處紮營防堵本日據長齡等奏報陝省東路肅清豫省西界不須派兵防堵著方受疇飛檄呢瑪善撤兵歸伍仍留心察探鎮撫地方為要○長齡奏生擒首逆陳四並尹朝貴零匪全數殄滅得旨獎賚下部議敘賞總兵官祝廷彪吳

廷剛提督銜把總李明舉等升賞有差○戊戌祭

大社

大稷

上親詣行禮○幸圓明園○諭軍機大臣等朕自四年以後每歲恭謁

裕陵用紓孺慕上年九月行次白澗適得逆匪突入禁門之信案關重大亟須回京辦理當即由彼轉程未克祇謁霜露倏更寤寐至今

耿耿現在直隸軍務甫竣閭閻正須休息春閒不能前往或俟至秋間諏吉展謁亦未可定那彥成曾受

高宗純皇帝簡擢厚恩茲以勦賊藏功膺朕懋賞本應敬詣

裕陵虔申叩謝著那彥成於古北口查辦營馬事竣即由彼前往於叩謁後沿途經過薊州三河通州三州縣地方各暫駐一二日途間如三家店邦均段家嶺夏店烟郊等大村鎮

均留心察春現在各該處地方情形是否寧謐其編查保甲一事該州縣辦理能否認真不致有名無實有無容留奸慝現任州縣官均能勝任與否有應叅劾更調者即奏明甄別事竣回京復命再赴新任又本日章煦奏查驗省南州縣分別降補勒休各遺缺揀員補授一摺發交那彥成閱看該督於抵任後再行確加查驗是否均各允協覆奏到日再降諭旨將此諭令知之○又諭陝甘學政韓

鼎晉條奏南山內勦賊善後事宜一摺此次南山匪徒經各路官兵截擊殲擒過半零匪日益窮蹙無難剋期掃除淨盡惟該處山徑叢雜賊蹤四竄必盡杜其劫掠裹脅之路則藏事更速即如每次破賊搜獲鎗砲器械等件皆該匪等就各寨碉搶掠所得可見守禦不堅即資寇兵而齎盜糧著長齡等即飭令南山內外各寨碉村堡將糧食搬聚合併固守俾竄匪所到無可得食則搜勦更易為力

是即堅壁清野之遺意也至用兵所以衛民必須於所過地方秋毫無犯方為紀律之師其克賊有功之弁兵自必加以升賞若擄掠婦人子女軍法在所不宥即逆犯家屬例應緣坐者亦自有國法辦理尚不當縱令弁兵擄掠若將難民子女從而擄掠此與賊何異著長齡等嚴飭領兵各鎮將約束弁兵申明紀律如有擄掠婦人子女者立即究明從重辦理其賊中投出之婦人子女除逆黨緣坐外訊係被賊裹脅者妥為省釋辦理無俾失所再南山毗連各州縣一應撫綏安輯各事宜均關緊要非精明強幹實心任事者弗克勝任著長齡朱勳於勦賊事竣後察看各州縣內如有闖茸廢弛者即嚴行甄別另揀賢能之員奏明調補以期除莠安良將此諭令知之○又諭松筠奏行抵葉爾羌面詢玉努斯及差赴霍罕之阿巴斯供詞一摺玉努斯身為郡王現係阿奇木伯克乃率自遣人前

赴霍罕送禮通好訪問薩木薩克之子下落致被愛瑪爾輕視。向其所遣之人爭添禮物不肯見面。並令稱其為汗。皆由玉努斯多事取辱。現在霍罕地方。訊明並無薩木薩克有子之說。而愛瑪爾因見玉努斯卑禮厚幣。從而生心。旋即遣人前來。欲在喀什噶爾添設哈子伯克。玉努斯無端生釁。是即其罪。松筠現將玉努斯摘去頂翎。在葉爾羌看守。一面前赴喀什噶爾。訊辦恩長具奏霍罕遣使緣

由。並確查玉努斯各項款蹟。著即據實訊明。秉公定擬。如玉努斯之咎。祇在革職以下。松筠奏明。候旨飭遵。若其罪係在革職以上。著松筠一面具奏。一面解京。聽候覈辦。現在該處有換班之領隊彥吉保百祥回京。著即派令押解玉努斯到京。勿稍疏失。松筠於此案訊明具奏後。仍由喀什噶爾叅贊大臣行文飭知霍罕伯克愛瑪爾。將玉努斯前此私自遣人送禮。現在查明治罪緣由。明白曉諭。俾

愛瑪爾得知原委。自不敢生心輕視。其恩長等失察之處。著於定案時一併附叅。將此諭令知之。○賽冲阿奏追勦漢江北岸紅號綠號股匪。並生擒首逆羅懷等。得旨嘉獎。擢遊擊。余步雲為叅將。並賞巴圖魯名號。賞千總嚴登第把總楊映春李萬春花翎。驍騎校哲庫訥等藍翎。餘升補有差。○以正紅旗漢軍副都統文凱為烏里雅蘇台叅贊大臣。塔爾巴哈台叅贊大臣松福為正紅旗漢軍副都

統○己亥

孝淑皇后忌辰遣官祭

陵寢○諭內閣上年九月內賊匪突入禁門。以及直隸河南山東逆黨同時滋事。皆由林清造謀主使。往來勾結。實為元惡巨憝。而其同謀助逆。倚為心腹者。除拏獲正法各犯外。尚有祝現劉呈祥劉第五童伯旺支進財五人。又劉成章一犯。係李文成義子。李文成遣令來京與林清約期造反。此六犯關係緊要。節

經降旨飭拏迄今數月。總未弋獲。現在京城審辦逆案。伏法已二百餘人。河南山東及直隸邊界。全就肅清。即陝省南山匪徒滋事之案。日內官軍連次大捷。亦殲獲渠黨殆盡。而此逆黨數人。尚在竄逸。稽誅成何事體。前因步軍統領五城順天府各衙門緝獲要犯。屢經破格施恩。優加升賞。近日來又相率懈弛。實屬可恨。其奏獲之犯。大率皆臨時脅從。給與刀布者。該犯祇圖一時免禍。接受後或在

家不敢同行。或中途畏罪逃遁。其罪止於知情不首。即或倖免數人。尚無大害。若祝現等數犯。實係蓄心謀逆。顯為悖亂者。該犯等一日不獲。則遺孽一日不盡。大臣官員等具有天良。宜如何認真查緝。乃各該衙門於應緝要犯。泄泄不問。惟將餘犯奏獲數人。以為搪塞地步。仍蹈因循怠玩陋習。豈實心任事之道乎。著再嚴飭步軍統領五城順天府各發天良督率所屬將祝現等各犯上緊設法密

訪蹤跡。務於一二月內勒限緝獲。果於限內報獲。審訊明確。則賞格具在。必立予恩施。若逾限不獲。即將該大臣官員以及番役人等分別懲治。決不輕恕。其從前獲犯受賞者。有功必錄。亦有過必罰。不能倖邀寬貸也。○旌表守正捐軀雲南霑益州民呂開元女呂氏。○庚子諭內閣。那彥成等奏查明古北口營馬虧短。旗馬未能照例拴養情形。分別擬議一摺。古北口營馬。歷年虧缺。扣存馬乾買補。

並未賠償。所有未經買補馬八十匹。並動用馬乾買馬銀兩。著歷年提督將備等照數分賠。其旗馬一項。自嘉慶十三年至十七年折變馬價。支領馬乾銀兩。除辦理馬匹事件動用各款。免其著賠外。歷任正署提督辦公賞兵。各有動用之項。殊屬不合。積拉堪用過銀二百兩。著交部察議。福長安用過銀四百七十餘兩。伊係棄瑕錄用之人。又私行挪用公項。著交部議處。薛大烈用過銀二千七百餘

兩喜明用過銀四千八百餘兩均著交部嚴
加議處伊四人所用銀兩仍著照數賠繳不
准分限餘俱照所議完結○又諭巡視東漕
給事中李鴻賓奏續開新泉請令按名彙冊
報部一摺東省運河全資泉源接濟多濬一
泉即多收一泉之益乃該地方官每因惜費
懈於疏挑以致多所淤塞著照該給事中所
請嗣後各州縣疏出新泉由巡漕御史查勘
具奏後該州縣即將泉名勒石申報各上司
由撫臣彙冊咨部如有湮廢確查扣除其將
新泉隱匿朦混不報者該上司查明叅處○
又諭給事中李鴻賓條奏三省善後事宜一
摺所言切中時弊皆應速辦上年直隸豫東
三省交界奸民滋事皆由林清首倡逆謀梟
獍豺狼滔天之罪寸磔不足蔽辜其從逆徒
黨亦皆被其煽惑罹刑網伏誅夷者殆以萬
計而良民受其荼毒因而戕生蕩析者更不
可勝數朕思之實為憫惻三省連年本多荒

歉茲又加以兵燹閭閻凋瘵若再不盡心撫
字其何以拯救黎元前屢頒諭旨令該督撫
等加意賑卹分給銀米並於各處多設粥廠
俾道路飢民咸資餬口今據該給事中奏稱
粥廠雖設而民居寫遠老弱卧病枵腹餘生
不能赴食並有匍匐而來未得食而先斃者
殊堪憫惻直隸大名山東曹州情形相同而
河南滑濬中牟睢鄭祥符考城寧陵各州縣
為尤甚夫以民就廠何如以廠就民此時亟
應多為籌備米粟酌量村莊遠近添設粥廠
或本境米糧稀少即就近於豐熟地方廣為
採買督撫大吏下及有司皆有為朕牧民之
責伊等動輒以捐廉辦公為請朕多不允納
若仰體朕保赤之誠以俸入所餘倡先施濟
使地方富戶紳民共知則儆能令災民多所
全活其所濟者大矣又所奏查禁地窖一節
上棟下宇廬舍市廛各有恒式今奸民等創
為地窖為鬼為蜮小而窩藏姦賭大而聚匪

兇徒皆倚以為巢穴。不可不嚴行查禁。著三省督撫。即分飭地方官。訪明現有巢窟。令其自行毀除。若不毀除。或經官查出。或被入告發。以違制論。並出示曉諭。毋許再有私造。以杜隱患。又所奏嚴禁私渡一條。據稱官渡因查人過嚴。難民致被攔阻。而私渡得錢賣放。奸民轉可偷渡。三省沿河地方及河南睢寧二境黃河口門以下。比比皆是。壩上棚民。因禁渡路斃日多等語。渡口盤詰奸宄。若因此稽留難民。為暴商旅。是防弊而適以滋弊。著該督撫分派妥員。於官渡私渡一體留心查察。如有形跡可疑。及帶有違礙字跡器具者。即行查緝。其勒索錢文。苦累平民賣脫奸宄者。查出從重懲治。毋稍姑息。又所奏派兵會哨一事。搜捕餘匪。彈壓地方。防兵不能曠日久駐。該給事中奏請倣江海會哨之條藉以察勘營汛。稽查匪黨。是亦弭患之道。但每月二次亦未免太數。應如何按計營汛程途遠

近撥派弁兵輪流巡緝。俾居民無擾。奸匪潛蹤。著直隸河南山東督撫酌議章程妥協辦理。○諭軍機大臣等。現在著名逆犯如祝現等尚在竄逸。稽誅其餘。飭拏各犯。並直隸豫東勦散零匪。均不免有潛蹤伏匿者。該犯等聞有興辦大工之信。或逞其狡計冒充夫役。涸跡其中。乘間焚燒料塼。恐致人心驚懼。歷來辦理大工。總派武職大員帶兵在工次彈壓。此次又當加倍慎重。著河南巡撫方受疇多派文武幹員。常川駐工。晝夜巡邏。以杜奸宄。而靖人心。將此諭令知之。○以前任工部左侍郎顧德慶署兵部左侍郎。○賞圓明園直宿官兵銀。○辛丑諭軍機大臣等。山海關地當要隘。那彥成藉查閱營伍。察看一路土俗民情。於事甚便。其經過之灤州一帶。向有賣符傳教匪徒。曾經懲辦有案。現在該處有無傳習邪教之事。或祝現等要犯在彼潛匿。亦未可定。那彥成並當留心訪查。如能弋獲

要犯更為有益將此傳諭知之○又諭本日朕恭閱

皇考高宗純皇帝實錄內載乾隆四十三年十

一月丁亥

聖諭昨召見雅德據稱回子伯克每日俱上大臣衙門每見必叩頭行禮殊屬非是中國之待外藩原有定制不在接見間過事森嚴朕撫馭懷徠回子等無不感恩知法不敢稍懷異心然而必命大臣前往駐劄者乃國家億

萬年之計我後世子孫不可不善體朕意將所定成法永遠遵守大臣等果能正己率屬恩威並施伊等自然悅服倘回子伯克干犯法律據實叅奏小則降革大則予誅亦不為過若徒倚恃尊嚴欺凌作踐斷乎不可不但見回子伯克不可如此即土爾扈特金川番子見大臣亦不可如此等因欽此仰見我皇考統馭外藩思深慮遠之至意國家撫有萬方長駕遠馭回疆衛藏俱特派將軍大臣駐

劄撫綏當令知大皇帝威德遠播統於一尊同深感畏至將軍大臣等於回番伯克部長雖有約束鎮撫之責然同為朝廷臣子於接見時自當各按定制以禮相遇若妄自尊大將伊等視同奴隸殊乖撫綏之義且伊等於將軍大臣之前幾同臣僚又何以辨上下別等威乎著傳諭該將軍大臣等並轉飭所轄各處務遵照乾隆四十三年頒發聖諭恪守定制不可將外藩等欺凌蔑視並將

此旨各抄錄一通永遠奉行○河南巡撫方受疇奏軍營出力人員賞道員趙麟按察使銜都司汪鳳臨花翎全保等藍翎知府昌宜泰等加銜升敘有差○壬寅

上御勤政殿聽政○諭內閣御史卓秉恬奏慎重保舉一摺朕惟為治在乎得人知人則哲自古其難虞書明四目達四聰所以廣求賢之路也上年降旨通諭滿漢文武一二品大臣保舉賢員密疏入奏冀收登崇俊良之益

今該御史謂假以密保之名。安能必其無私。與其密保而慎所舉。何若明保而示以公試。思三載考績。內而京察。外而卓異。莫非明列薦章。若密保則大臣各舉所知。以備簡擢。即古人薦賢為國。不市私恩之義。使必令其露章入告。則人之才具。安能有醇無疵。設御史等各以恩怨為毀譽。紛紛以某所舉為不公。文章論列。效明季把持攻訐陋習。尚復成何政體耶。至云邇日外間。竟有鑽密保之語。該

御史既有所聞。著即將鑽刺者何人。受其鑽刺之大臣何人。或係徇情。或係受賄。據實指名叅奏。朕必立行究治。以為植黨援私者戒。若並無其人。該御史以空言阻撓善政。陽博建白之名。陰閉進賢之路。則用人行政。朕自有權衡。斷不能以求賢望治之心。為浮言所搖奪也。○又諭向來雲南土貢。例進銅鑪。浙江歲進嘉鑪湖鏡。兩淮歲進銅火盆。相沿已久。歷年所積。宮内存貯者甚多。朕愛惜物力。

思以有用之銅斤。度之無用之地。殊為虛擲。現在錢局官銅。未為豐裕。若省此耗費。俾廣為流通。於鼓鑄不為無益。著傳諭該督撫。鹽政此數項銅器。嗣後均無庸呈進。則鑄造者少。而地寶胥歸利用矣。○諭軍機大臣等。本日賽沖阿等奏。勦除青藍紅綠四號股匪。將首逆苗小一殲斃一摺。此數股賊匪。勦淨之後。川陝邊界。已就肅清。惟龔貴殘匪數百人。在寶雞東河橋一帶奔竄。楊遇春已馳往勦

辦。其吳抓抓等股匪。業經楊芳游棟雲勦辦完竣。有另股賊匪七八百人。奔竄竹壩子。該鎮等星馳追勦。以得勝之師。乘殘敗之賊。諒可剋日殄除。此外尚有長齡前奏竄往隴州。不知姓名賊匪千餘人。該督自行帶兵往勦。曾否追及。埽除此時。長齡與賽沖阿楊遇春軍營相距。均不甚遠。伊等各將所辦之賊。追殺淨盡。即可以次會合。看來歲事捷音。必能符前二月之限。惟大股賊匪。勦除之後。必當

將山內山外及附近棧道零星竄匪搜捕淨盡伊等會勘實無遺孽即由六百里加緊奏報歲功總於迅速之中倍加慎重勿留遺孽將此諭令知之○以勦除陝西賊匪並殲斃首逆苗小一功加封賽冲阿二等男賞雙眼花翎○以太常寺卿哈寧阿為內閣學士兼禮部侍郎銜詹事府少詹事恩寧為詹事○癸卯

孝康章皇后忌辰遣官祭

孝陵○諭軍機大臣等長齡等奏勦滅吳抓抓股匪並將首逆吳抓抓吳奇殲斃一摺現在各股賊匪次第埽除惟剩有張占鼇小股七百餘人由沔縣旁竄譚貴亦在其內楊芳等已乘勝追勦諒可即日辦竣其龔貴股匪竄入黑河老林賊夥不過八九百人若在地不難一戰殄除今老林內灌木叢雜兵力不能施展長齡楊遇春各派總兵特依順保副將何占鼇分帶弁兵步行入林搜勦該匪等

因獸猶鬪潛伏叢莽之中若乘官兵不備戕害將士即兵丁稍有傷損已屬不值若得力將弁更當慎重保全此等殘敗之賊即譚貴龔貴等均不須按名生擒但將首夥殲斃即可竣事與其冒險搜林不如用火焚燒或鎗礮轟擊乘其竄出之時扼要堵截聚而殲旃較為妥善長齡等相機辦理勿遲滯亦勿冒昧將此諭令知之○以勦滅首逆吳抓抓等股匪總兵官楊芳等下部優敘餘升賞有差○以太僕寺卿巴綱阿為科布多叅贊大臣○甲辰遣官祭黑龍潭

昭靈沛澤龍王之神玉泉山
惠濟慈佑靈濩龍王之神昆明湖
安佑普濟沛澤廣生龍王之神密雲縣白龍潭

昭靈廣濟龍王之神○諭內閣科道職司糾察先當屏除私見精白乃心則所言皆公是公非方為無忝厥職乃近日往往有挾私逞

忿以攻訐為報復者。此等惡習。安能逃朕鑒察。本日御史傅棠以王集失察曹綸父子謀逆一案未請處分。具摺參奏。曹綸以漢軍職官潛與逆謀。梟獍性成。本無族類。上年辦理該犯之日。即明降諭旨。令漢軍臣僕等皆不必引以為愧。彼時王集於召對時。曾經免冠叩首涕泗交流。自請治罪。經朕面諭。令其安心供職。毋庸慚懼。嗣將該旗都統副都統等分別懲處。因係管轄之員。漫無覺察。無所逃罪。王集於曹綸毫無統屬。亦與祿康等不同。該御史若謂其職居臺長。非其餘漢軍大臣可比。亦當於上年查辦曹綸定讞時。即行具奏。何以當時默無一語。直至數月以後。追溯前事。忽為此舉。王集兩耳重聽。曾有人面奏伊藐視同官。不與人接談。人向伊言置之不理等語。此必伊與王集近日挾此小嫌。藉以糾彈。洩其悃悃之忿。豈出於直道之公耶。傅棠原摺著擲還。○又諭林清逆案內助惡兒

渠捕誅殆盡。尚有祝現。劉呈祥。劉第五。董伯旺。支進財。劉成章。六犯關繫緊要。迄今總未弋獲。前經嚴飭步軍統領五城順天府各衙門督飭所屬。勒限緝拏。但該犯等形跡詭譎。偵知查拏嚴密。自必更易姓名。潛蹤竄匿。若非指認明確。徒事海捕。總難迅獲。惟當多購眼目。設法踴緝。著步軍統領等衙門廣出示諭。無論軍民人等有與祝現等六犯認識者。到官報明。能隨同番役將正犯指拏。必奏明重加賞賚。斷不因其與逆犯識認。致予波累。即向係習教之人。亦從寬免其治罪。該衙門即購線嚴拏。勿令要犯日久稽誅。○諭軍機大臣等。據御史傅棠奏。稱浙江各府屬山勢深峻處所。多有外來遊民。租場所。柴。翻掘根株。種植芭蘆。以致土石鬆浮。一遇山水陡發。衝入河流水道。淤塞瀕河隄岸。多被衝決淹浸。田禾大為農人之害。其遊民多係來自福建江西安徽等省。成羣結伴。自數十以至百

數散處各山。無人稽察。不可不嚴行禁止等語。此等無籍遊民。租場開墾。既有礙水利。兼之百十為羣。往來無定。難保日久不滋生事。端初彭齡董教增。前任安徽巡撫時。曾將安徽省租典山場遊民。奏定章程。嚴立限期。勒令退山回籍。今浙省租場開墾情形。與安省稍有不同。著李奕疇。依照安省奏准之例。察看情形。酌量變通。將此項遊民。如何定限勒令退山回籍之處。妥議章程。奏明分飭所屬認真辦理。將此諭令知之。○乙巳。

上幸萬壽山。○諭軍機大臣等。據給事中李可蕃奏。稱廣西富川賀昭平。等縣與湖南廣東交界之姑婆山等處。現有匪徒多人。結拜添弟。會搶劫嚇詐。上年秋冬。連劫富川等縣。呂松墟等處之居民。鋪戶鹽埠人等。地方官並不徹底查拏。梧州肇慶等府。亦有會匪滋擾。商販勒索銀兩。又廣州肇慶各府屬。有匪徒復興三合會。名目搶劫。又廣東民人。多有潛

入天主教者。香山等縣婦女。亦多入教。更恐奸民潛蹤。教內轉相引誘。滋事等語。粵東粵西地廣人稠。良莠不齊。茲又有匪徒潛匿拜會。肆劫。亟應嚴密查辦。至香山縣門一帶地迫外洋。為夷人寄居之所。近復傳習天主教。久之亦恐滋患。現飭各省編查保甲。著將敝館董教增各飭所屬。將此等習教拜會匪徒。設法嚴查究辦。並出示曉諭紳耆人等。俾其互相稽察。自行約束。有拜會入教者。稟官究治。縱容者罪之。以除邪慝。而安良善。將此諭令知之。○旌表守正捐軀直隸大城縣民王致成妻李氏。○丙午遣官祭昭忠祠。○諭軍機大臣等。松筠等奏。駁飭霍罕來使。現已傾心感服。一摺。該夷使回霍罕後。如果愛瑪爾遵奉飭駁。不敢再請。則已。如再來請。即當諭以爾霍罕部落。不過邊外小夷。天朝准令來往貿易。已屬格外恩施。今爾敢為無厭之請。試思天朝之人。豈無在爾處貿易者。若在

而厚民生。○又諭御史張鑒奏。軍需河工報銷。杜絕書吏需索一摺。軍需河工二項所用國帑。動輒鉅萬。且每案情形不同。應准應駁互異。非如常年各項經費報銷。猶有成式可據。是以每遇報銷。部中書吏即生心需索。而外省承辦之員。慮干駁減。甘心給與重貲。其實仍係於帑項內豫為剋扣。損公費而飽私橐。相率為奸。其弊不可不嚴行禁革。著通諭戶工二部堂官督率各該司員。於報銷冊籍

到部時。務確查例案。並詳覈各本案摺奏題咨。及原奉諭旨。體察情形。細覈數目。分別准駁。毋得假手吏胥。致滋弊竇。並著各該省督撫。河督嚴飭承辦各員。實用實銷。無聽不肖之員。徇於積習。仍前勾通部書。侵帑舞弊。儻局員有藉此浮冒者。立予叅處。部胥有故意勒指者。即行據實陳奏。必當徹底根究。從嚴懲治。以除積蠹。○己酉。諭軍機大臣等。此時漢江南北各股竄匪。俱已掃除淨盡。惟吳扒

扒先期分出之另股賊匪七八百名。竄往畧陽一路。經楊芳游棟雲等。分兵兜剿。賽冲阿因該處與四川廣元昭化相近。恐有逸匪竄至邊界。由華陽帶兵。徑赴寧沔一帶相機堵截。所辦甚是。賽冲阿在寧沔一帶駐劄。遠為聲援。無庸帶兵深入。總以緊顧西南。勿使賊匪竄及川境為要。如長齡追賊南來。距寧沔在百里內外。賽冲阿自可與之會晤。一同奏報。儻相距尚遠。賽冲阿探聽長齡已由六百

里加緊馳奏。軍務完竣。則寧沔一帶無庸駐兵。即帶領將弁等回川可也。將此諭令知之。○賽冲阿奏。勦辦木竹壩賊匪出力官兵。擢遊擊楊逢春為副將。賞叅將朱承受。已圖魯名號。防禦富興。叅將蘇勒當阿。守備王文衡。徐廷彪。張必祿。冉玉龍。千總趙國柱。趙廷耀。花翎千總閔正相等。藍翎餘升補有差。○庚戌。諭內閣。御史孫升長奏。查閱民壯。並令鄉約保正稽查結報一摺。直省州縣丞倖衙門。

額設民壯給與工食以備守禦乃日久懈弛或以他役兼充或以老弱備數以致有名無實著各督撫董飭所屬認真查閱並以時教演俾收防捕之效至鄉約保正稽查匪類隨時結報本係編查保甲內應辦之事並著實力奉行毋得視為具文○又諭禮部奏請定宗室王福晉以下奉恩將軍恭人以上已故嫡室追封典例一摺向例外藩王公嫡室已故准與繼室一同請封即內外官員嫡繼正室例准並給封典本禮經婦從夫爵之義何以宗室王福晉以下奉恩將軍恭人以上已故嫡室轉例無請封明文自係從前遺漏所有宗室王公以下奉恩將軍以上其嫡室已故未經請封者俱准其呈請追封該衙門即纂入例冊永遠遵行○諭軍機大臣等據御史孫升長奏廣貴等邊省州縣有設立狼兵之處分以狼田狼田之糧比常額較輕其入隸州縣當差地方官春冬查閱近恐有名無

實等語該二省狼兵名目始自何時現在是否尚循其制著該督等查明如相沿設立既經分給田糧自應覈實當差該督等即分飭各屬俾認真訓練以時查閱藉資防捕之用毋令虛費田糧有名無實將此諭令知之○准三品頂帶前任鴻臚寺卿翁方綱重赴恩榮宴並賞二品銜○辛亥御製甄別賢愚以澄吏治諭曰知人安民古今通誼未有不可教誨之民所憂者多半不能教誨之官耳國家設立督撫即古諸侯也億萬蒼生所託責任綦重藩臬道府州縣星羅棋布全為治民而設也甄別賢否誠為至要督撫果能公忠為國明政體達時務舉一人而屬吏知勸黜一人而屬吏知儆坦白無私有何疑畏乎若居心未淨所識又偏或徇私容庇或任性喜怒則必有夤緣奔競之徒請謁營求希免叅劾仍屬無益有損矣所謂才識平庸各有不同或姑息養奸積小陰功而

貽大患。或遷延廢事。托名鎮靜。實屬怠惰。此類為當今之大蠹。必當立去勿疑。亦有審斷迂謬。徇縱吏役。耽安逸。好聲色。此等人年雖壯盛。在所必黜。無足惜也。亦有年力雖老。而志氣不衰。辦事勤敏。老成練達。方資倚任。豈可入於沙汰之列乎。督撫以察吏為要。尤以通達下情為本。勿存成見為主。蓋情性不一。好尚各殊。剛決明敏者。喜果銳。溫柔恭儉者。喜鎮靜。投其所好。以保功名。稍不留心。去取

不當。名為甄別屬員。反受屬員之甄別矣。州縣有當切責之處。亦應有體恤之處。私罪不容。公過可恕。先存公忠體國之心。行實惠及民之政。持廉法之大綱。畧趨承之末節。入疆知政。任事考勤。因地制宜。量才授職。敬慎之心。刻不可忘。為臣不易一語。時存衷曲。稍不留意。必流為徇私任性。而不自覺。則舉措未必妥協。賢不肖混淆。閒雜吏治愈敝。民風愈壞。天下事不可問矣。今日急務。在靖人心。欲

靖人心。務崇教化。總在賢良守吏宣化承流。獎善懲惡。躬行實政耳。正教失而後邪教肆。昏冥戾氣。積來已久。無賴小人。自趨溝壑。茫如醉夢。至死不悟者何也。其本在親民之官。不實心化導。散而無紀。任其所向。全不教誨。癡愚小民。不自知為邪教。尚謂行善學好。養生度世。又有大逆不逞之徒。從而煽誘。以利動之。以威脅之。曾無一處昌明正道。嗟我良民。焉得不陷於邪教乎。記曰。君子如欲化民

成俗。其必由學乎。吏治之壞。皆自不學來也。今之親民之官。首重在利。缺之肥瘠。賠之多寡。習應酬。結聲援。患失之心太重。民事漠不動念。靦顏服官。尸居餘氣。心先不靖。尚能靖民耶。澄吏治為轉移之機。督撫宜善體朕言。力矯風氣。造就賢才。更化善俗。以教化之興替。定官吏之去留。於鼓勵之方。更為切至焉。甄別賢愚。為治之本。敦崇教化。為治之原。一心不懈。三年有成。惟願督撫體朕苦衷。化民

邪說若仍因循怠玩置之不論則太負國恩
良心盡泯朕亦無顏屢諭矣明則有法律幽
則有鬼神未必能瞞昧也○諭內閣火器營
官兵上年派赴豫省軍營勦賊出力經那彥
成等保奏加恩升擢及賞花翎藍翎勇號者
甚多本日兵部議卹官兵單內復有火器營
陣亡護軍伍忠額等四名該官兵此次出兵
實屬勇往伍忠額等捐軀行陣尤堪憫惻除
照例卹賞外著該旗營查明伍忠額瑚松阿
海洪阿伊勒杭阿四人之子如無差使者即
行賞給養育兵錢糧年已及歲即挑補護軍
如該兵丁並無子嗣准其將承繼之子一例
挑補以示恩卹○諭軍機大臣等長齡等奏
生擒逆首龔貴餘匪勦除淨盡並張占鼇股
匪經楊芳等追勦殄除所辦俱好現在各路
成股賊匪俱已辦完惟譚貴傅老八龍正光
喜兒劉濫子余姓數犯未經就獲該匪等竄
匿山林若不迅速殲除恐又裹脅為患長齡

等派兵分別搜捕務須按名辦竣勿留遺孽
長齡等察看南山內外全行肅清即與賽冲
阿等聯銜馳奏發摺後賽冲阿即帶領弁兵
凱撤回川其陝省善後事宜長齡與楊遇春
等會商辦理將此諭令知之○長齡奏報軍
營出力文員賞道員敦良知州姚令俞知縣
劉國柱花翎同知向淮藍翎知縣楊翼武等
升擢有差○以生擒逆首龔貴殲盡餘匪賞
長齡騎都尉世職並花翎晉封陝西提督楊
遇春一等男賞西安鎮總兵官楊芳頭等侍
衛色楞保佐領舒明阿副將何占鼇叅將呂
天奉巴圖魯名號驍騎校達布星額遊擊中
福馬玉林方一彪都司党聯陞馬安邦蔡文
瑾董順劉夢龍守備唐大德孫光烈劉允孝
花翎遊擊李白玉等藍翎餘升補有差○以
內閣學士周系英為兵部右侍郎命在上書
房行走○調直隸古北口提督馬瑜為江南
提督以正定鎮總兵官徐錕為古北口提督

甘肅督標副將張大振。為正定鎮總兵官。○予滑縣陣亡護軍伍忠額等七名。披甲雅喜哈等七名。賞卹如例。○壬子。諭軍機大臣等。朱勲奏辦理撫卹情形一摺。此次南山匪徒滋事。皆由年歲荒歉。禾廩停工。飢民無所餬口。因而聚集滋擾。在愚民畏死倖生。初不過欲苟全性命。殊不知轉於溝壑。尚可終其天年。今大兵所至。悉數誅夷。玉石俱焚。不但真賊無可逃生。即脅從亦不能倖免。兩月來就戮纍纍。駢首殆不下數萬。雖死者皆係亂民。情形實亦可慘。然當其肆惡之際。猖狂無忌。靡所不為。山內善良遭其荼毒者。又不知若干。思之又實可恨。伊等固孽由自作。而前此不能撫綏安輯。化導頑愚。我君臣惟當引以為愧。今軍務已蕲。疲氓未蘇。朕體上天好生之德。惟求多活民命。該撫亦不可不仰體朕意。妥協經理。不得誣之劫數。聽其流亡。現在辦理賑卹。散給口糧。人數衆多。一時

驟難辨別。除實係真正賊匪。曾經焚掠抗拒。人所共知者。自當查拏懲辦。抵法無赦。其餘乏食來投者。且當概予收留。贍其口食。儻或過於區別。致令枵腹無依。寧不慮其流而為匪。良民又為賊矣。況將來果有不安本分者。亦不難繩以王法。此外或資遣回籍。或編入保甲。一切隨宜經理。務使免於蕩析。不致再滋事端。現在長齡即須陞見來京。該撫惟當督率地方官認真妥辦。總當視國事如家事。實心實力。不憚煩勞。果能多所救全。則不但仰副朕保赤之誠。伊等自積陰隲。亦復不淺。將此諭令知之。○調黑龍江將軍富俊。為吉林將軍。以甘肅西寧鎮總兵官特依順保。為黑龍江將軍。降廣東陸路提督薛大烈。為陝西漢中鎮總兵官。以漢中鎮總兵官吳廷剛。為廣東陸路提督。調陝西延綏鎮總兵官常祿。為西寧鎮總兵官。以服闋總兵官許松年。為延綏鎮總兵官。○給陝西被賊滋擾之洋。

西鄉城固。襄城留壩五廳縣村莊兩月口糧。並緩徵鹽厘。沔陽鳳寶雞五縣本年額賦。○展五城飯廠及普濟堂煮賑一月。○癸丑諭內閣。英和等奏酌議教練步甲技勇一摺。步甲一項。專在堆撥柵欄當差。向無操練之例。自嘉慶十一十七兩年。酌撥額缺。挑選八旗滿洲蒙古正身閒散充補。此內年力精壯。堪以造就者。必不乏人。自應教演技藝。予以進身之階。著將此項步甲。每旗滿洲揀選四十名。蒙古揀選十名。共四百名。於各該旗附近地方。設立公所。挑取健銳營出身步軍校八員。統率練習各項技藝。由該步軍統領等督率翼尉。勤加訓練。如果技藝嫺熟。三年後。每旗拔取一人。賞給金頂領催。再三年後。於領催八名內。擇其技藝尤精者二人。賞給六品頂帶。再三年後。拔取一人。保送委步軍校。此後每年。祇准保送一員。其所需公費等項。著於內務府官房租庫。並廣儲司積存制錢。

內賞借錢五萬串。發交長蘆鹽政生息。解交該衙門備用。其原款准其分限歸還。餘俱照所請行。○增設密雲委驍騎校十六員。從副都統策丹請也。○以副都統銜喜明。為駐藏大臣。○平糶湖北鄖鄖西房竹山竹谿保康六縣倉穀。○甲寅上幸萬壽山。○諭內閣。前此凱撤回京之健銳火器二營官兵。聞多有私帶幼孩來京者。此等被賊地方無依子女。自應由地方官安插。其有係逆匪子女。更應照例辦理。著該管大臣。即將該官兵等所帶幼孩。逐一傳齊。在公所訊問。如有係逆犯子孫。即交刑部照例查辦。其係平人子弟。此時既無本家。可以給領。著仍交原帶回之官兵承領。令其妥為收養。○旌表守正捐軀山西太原縣民牛敏妻曹氏。○乙卯諭內閣。御史陳鍾麟奏重循吏以敦化理一摺。所奏是國家親民之官。首重循吏。循吏之所為。不專在簿書錢穀。而必以教

化及民為先務。民不知教。貪利忘義。平日見利則趨。靡所不為。雖至喪身亡家之事。亦陷溺其中而不覺。所以大奸巨猾如林。清者窺見此等無知之民。皆可動之以利。輒轉煽惑。誘之從逆。其實蚩蚩之民。並不知謀逆為何事。但思乘機劫掠而已。今大憝已除。政治維新。化民之道。當先自察吏始。夫吏者。皆國家培養人材。拔之齊民之中。畀以牧民之職者也。乃自習尚日偷。士子讀書。祇知弋獵科名。

於五經四子。聖賢淑世善民之旨。全未能身體力行。及其仕也。較缺分之肥瘠。以為趨避。伺上官之喜怒。以為榮辱。凡為國為民之義。茫然無所動於中。甚且朘削膏脂。陵侮鰥寡。小民將何所觀感而率從耶。上下交征。利國事尚可問乎。著各省督撫大吏。深求致治本原。留心察看屬吏。勿專以便捷武健。任奔走承意旨者為賢。必其惠愛及民。於境內興舉教化。使士民愛如父母。敬如師保者。方不愧

循吏之稱為上官者。不苛以文法。俾得展其志學。其著有成效者。據實察舉。久之闔省官吏。知所趨向。長吏日以農桑學校為事。小民羣以孝弟忠信為俗。日計不足。月計有餘。先義後利之教行。斯尊君親上。共臻治理矣。將此通諭知之。○調福建漳州鎮總兵官章陀保。為陝西延綏鎮總兵官。延綏鎮總兵官許松年。為漳州鎮總兵官。○丙辰諭內閣。松筠奏查明喀什噶爾已革阿奇木伯克玉努斯。

邀功妄殺四命。並其餘苦累回眾各款一摺。前此鐵保任喀什噶爾叅贊大臣時。曾據玉努斯稟報。有回眾等私斂金錢。送給薩木薩克之子一案。當經審辦。奏請將回子毛拉素皮。烏舒爾。愛瑪爾。沙朶斯四名正法。茲據松筠查明此案情節。均係玉努斯同伊莫洛伯克。阿布都拉仔斯商量捏造。其所云攢湊金錢等物。竟係玉努斯自行備出。並將伊父伊斯堪達爾從前招降薩木薩克原書添寫。捏

作毛拉素皮帶來憑據。酷刑取供。現在該處大小伯克回子阿渾等。人人痛恨稱冤。經松筠查訊得實。覆訊玉努斯。審擬治罪。先將鐵保等參奏請旨等語。鐵保前在兩江總督任內。於王仲漢謀毒李毓昌一案。毫無覺察。將伊褫革發遣。旋又棄瑕錄用。授為喀什噶爾叅贊大臣。洊升吏部尚書。乃前於玉努斯編造謠言。刑求無辜。不加詳勘。致成冤獄。枉殺四命。其咎甚重。且伊前此辦理阿克蘇錢局一案。現被革員官成控告多款。可見伊在新疆時。仍前溺職。自任吏部所言之甚屬謬妄。毫無膽氣。竟是無能廢物。不能屢恕。鐵保著革職。發往吉林。交該將軍富俊等派撥當差。其原任喀什噶爾幫辦大臣伊犁總兵哈豐阿。著革職。發往烏魯木齊當差。當日隨同審辦之額外主事豐安。主事銜拜凌阿。均著革職。發往伊犁効力。至恩長。王福二人。接任在後。未經審辦此案。但不能查出參奏。且又有失

察玉努斯縱容護衛家人。因糧貴賣。苦累回民之事。恩長。王福。均著交部嚴加議處。○諭軍機大臣等。陝省賊匪。大股剿淨之後。尚有逆犯數名潛逃。今譚貴一犯。經楊芳帶兵追獲。其餘傅老八。龍正光。春兒等犯。亦皆經地方文武督率擒拿。不致漏網。現在棧西一帶。均已肅清。長齡等仍分派將領。赴各處老林搜查。並親自帶兵向棧東一路排搜前進。以期淨盡根株。不留餘孽。至各路官兵。此時自當以次凱撤。所有吉林黑龍江官兵六百名。著交色爾衮達斯呼勒岱。各帶三百名。分為兩起行走。此外各路官兵。將甘肅路遠者。先行撤回原伍。其暫留之西安漢中陝安三鎮兵各一千名。提標兵一千名。均係在本境駐紮彈壓。俟察看情形。大定。再行議撤。至長齡覆奏。查勘山內上年秋收。約在五分以上。包穀青空之處。曾經該撫飭交該州縣查明。奏聞撫卹。是地方官尚無諱災激變情事。山內

賊匪。委因停工乏食。乘機搶掠。並非如邪教之蓄心謀逆。其鎗礮刀矛等項。因前次教匪滋擾民間。製以自衛。未經裁禁。此次多由攻破寨堡所得。堡寨居民。製械自衛。今轉為賊所用。豈非藉資寇兵。著該督撫即出示曉諭。令其自行呈繳。精利者。分配各營操演。其朽壞敝鈍者。即可官為銷燬。亦鑄劍戟為農器之意也。再此次吉林黑龍江及各路征兵。均不得攜帶子女幼孩。如違。按律懲辦。所有被賊地方。無依幼孩。著長齡等交地方官出示招保。有親戚保認者。即予領回。無家可歸者。官為收卹。即於留養局收養。俟其年歲稍長。能自謀食。各令散歸謀生可也。將此諭令知之。○又諭。本日吳璥方受疇奏到。會審睢工漫口。因購料維艱。時日已遲。勢難興舉。請先培大隄。以工代賑等語。豫江兩省正河。因睢口奪溜之後。水落停淤。大隄愈形卑薄。自應趁此時壩工未動。先行培築。即可以工代賑。

該督等履勘確切。據實估計。並飭承辦各員。實心經理。再本日御史孫世昌奏上年睢州漫口。豫安兩省下游被災州縣。窮民流散在外者。百十為羣。隨處覓食。道路相繼等語。百齡方受疇務飭所在地方官。妥為全活。資遣其已回鄉土者。當加意撫綏。無俾失所。將此諭令知之。○又諭。松筠奏。確查玉努斯款蹟一摺。玉努斯編造謠言。妄殺四命。實為殘忍。玉努斯應得罪名。著松筠於訊取親供後。一面定擬具奏。一面遵照前旨。派交彥吉保。百祥。押解來京。俟到京時。降旨覈辦。再摺內據稱此案傳話。通事阿布都克比爾。於上年十月內。忽爾嘔血亡故一節。此甚可疑。阿布都克比爾係當日訊供傳話之人。即屬案內要證。何以上年忽爾嘔血亡故。安知非玉努斯防其洩洩事機。殺以滅口。並著松筠詳加查訪。玉努斯有無將伊毒害之處。一併訊明具奏。○長齡等奏。楊遇春。吳廷剛。兩路出力滿。

漢官兵擢總管達斯呼勒岱副都統賞頭等侍衛諾木齊佐領德慶巴圖魯名號知州羅應唐總管哲保遊擊李士林承昌劉發恒陳喜都司劉鳳翥守備陳貴驍騎校珠勒格訥花翎防禦穆騰布等監翎餘升補有差○以督辦糧餉出力賞陝西按察使繼昌花翎○以故喀爾喀賽因諾顏額魯特扎薩克貝子車伯克扎勒兄扎木彥多爾濟喀爾喀土謝圖汗扎薩克輔國公拉蘇龍多爾濟子車琳扎布喀爾喀車臣汗扎薩克貝子貢楚克扎布子蘊端巴雅爾各襲爵○調工部尚書英和為吏部尚書以戶部左侍郎蘇楞額為工部尚書調兵部左侍郎果齊斯歡為戶部左侍郎轉兵部右侍郎普恭為左侍郎調工部左侍郎常福為兵部右侍郎轉工部右侍郎徵瑞為左侍郎調刑部左侍郎穆克登額為工部右侍郎轉刑部右侍郎成格為左侍郎以廣西巡撫成林為刑部右侍郎○以河南

布政使台斐音為廣西巡撫調陝西布政使慶岐為河南布政使以江西按察使盛傳崇為陝西布政使江南河庫道徐炘為江西按察使○調正藍旗漢軍都統英和為正藍旗滿洲都統以宗人府右宗人奕紹兼正藍旗漢軍都統正紅旗滿洲副都統蘇楞額為鑲黃旗蒙古都統調鑲黃旗蒙古副都統佛佳為正紅旗滿洲副都統以鎮國公奕顯為鑲黃旗蒙古副都統○以甘肅金塔寺營副將博勒忠阿為伊犁總兵官○丁巳諭內閣給事中斌松奏製軍器以重武備一摺八旗文武大臣官員例有應行自備盔甲弓箭等件每屆五年由兵部奏請點驗一次本年係應行點驗之年因思盔甲一項原以飾軍容而昭儀衛於禦侮折衝實用尚非所亟著通飭八旗各大臣官員將應有者自行修補存貯免其點驗其該大臣官員等應備之弓箭撒袋腰刀等件本年仍著照例點驗再上年飭

交各旗營補製軍器。並著一律整備齊全。各該管大臣不時查驗。勿致日久懈弛。著派出之王大臣。一併點驗。如有缺額。嚴叅治罪。○又諭本日署烏魯木齊都統劉芬奏審辦客民羅生雲妒姦殺死二命一案。摺內將姦婦卜羅敘稱達婦。殊屬粗率。達婦二字從未載入爰書。劉芬不學無術。著交部察議。並通諭內外問刑衙門。永不准用此等字。○又諭據桂芳等奏。戶局鼓鑄印額。三月後請仍按六

卯鼓鑄。閏月鼓鑄四卯。現在計算銅斤。查有上年八月內已抵臺莊之壬申年滇銅正運二起。迄今未據報出東境。請旨嚴催。並將在前各運銅斤。一併飭催等語。滇員徐延傳。領運壬申年正運二起銅斤。既已於上年八月行抵臺莊。何以至今尚未據報趨出東境。即或運河水淺。亦當設法逆催。現在此運銅斤七月以前。即須應用。實屬緊要。何得任其遲滯。又壬申年白種岳等四運。前據報在宿遷

守凍。此時春融冰泮。亦當催令開行。以期六七月到京。接濟鼓鑄。著江蘇山東直隸各督撫。督同派出之兩司。認真催趨。如敢有意耽延。據實叅奏。仍自行議罪具奏。其癸酉年正運四起京銅。或已起程在途。或正赴瀘領運。並著各該督撫嚴飭各地方官。隨到隨催。毋得藉風水阻滯為名。任意延玩。由四百里通諭知之。○都察院左都御史王集。以老病休致。以吏部右侍郎戴均元。為左都御史。署兵

部左侍郎顧德慶。為吏部右侍郎。○以吏部右侍郎秀寧。為武英殿總裁官。○以翰林院侍讀學士恒福。充日講起居注官。○戊午

孝昭仁皇后忌辰。遣官祭

景陵。○諭內閣。大學士會同戶部議駁。百齡奏。奏請江蘇及各省當舖。按照成本多寡。將息銀輸納二成。分作五年給還一摺。國家理財制用。政有常經。即權宜取濟。亦當準事理之平。若商民權子母。逐錐刀。其事至為纖細

豈應官為覈計。今該督等欲按當商成本。責以輸納。又恐取民非制。請分作五年如數給還。無論一出一入。甚滋繁擾。試思地方官勒借所部財物。尚干功令。況以經國之需。而謀及庶人。不已褻乎。至原摺內稱當商等多係仕宦舊族。各有報効之心。此語尤屬虛誕。仕宦家固亦有治生營運者。然此輩大抵市儈居多。強其所不欲。而濫及名器。亦太不計利害重輕矣。現在帑項雖未饒裕。然綜覈出入。尚不至即形支絀。何遽謀及下策若此。實屬鄙陋。日前阿克當阿曾有此奏。朕以伊係內務府人。平日歷任不過鹽榷諸務。未諳政治。無足深責。當祇降旨申飭。百齡雖亦係內務府人。伊由翰林出身。歷任封疆。擢至協辦大學士。未理亦由翰林洊升侍郎巡撫。不應識見庸陋。同為此不學無術之言。除所奏飭駁外。百齡。未理。均仍交部議處。○己未。上還宮。○皇五子綿愉生。○遣官祭賢良祠。○

賽冲阿奏。查明殲斃苗小一。勦除青藍紅綠四號股匪。出力員弁。起復已革總兵官唐文淑。為副將。並賞花翎。賞佐領清昌。千總周炳南。把總彭榮。外委陳起貴。花翎千總武魁等。藍翎餘升。擢有差。○庚申。諭內閣。御史程贊寧奏。請申嚴夥槍械關之禁。以靖地方。一摺。夥槍械關。其翼陵之氣。實為亂萌。地方官果能隨案懲辦。則兇頑屏跡。自不致日久養癰。乃近來官員。大率因循怠玩。祇圖一時迴護。處分不知涓涓不塞。流為江河。卒之釀成巨案。而地方官獲咎滋重。著各督撫嚴飭府州縣官。嗣後遇有糾眾逞兇之案。務須徹底嚴查究辦。毋得避重就輕。化大為小。儻有瞻徇容隱諸弊。即行據實嚴參。若該管上司。於所屬有稟報之案。顛預壓擱。別經發覺。則治該管上司之罪。不稍寬貸。○又諭御史程贊寧奏。請申明前奉諭旨。以肅銓政。一摺。前因議處吏部辦理處分錯誤之堂司各官。降旨飭

令吏部將各該書吏自行分別責革並通諭各部院衙門堂司官勤職敬事不得假手吏胥致有歧誤吏部澄敘官方銓政所關尤鉅乃堂司官並不實心綜覈屢有舛錯惟知以檢舉塞責本年檢舉者已有三案之多難保非書吏從中舞弊非嚴加懲辦無所儆畏總由鐵保無才少識福薄災生到處因循不能整理嗣後該部遇有辦理錯誤之案著一面檢舉一面即將承辦書吏交刑部審訊其咎止錯誤者仍照前旨由吏部將該書吏自行責革該管各員交都察院照例察議若訊有別項情弊即將該書吏按律治罪並以書吏罪名之輕重覈定該管各員處分務各留心整飭毋稍懈怠○諭軍機大臣等據馬慧裕奏探聞陝省賊匪竄近鄭西派兵防堵等語現在陝省已無成股賊匪惟勦散之賊恐有一二零匪假裝乞丐行旅冀向楚省竄逸著該督嚴飭地方文武員弁督率兵役於各要

隘處所或林谷深處逐細搜查如有拏獲零匪即就近解往陝省交長齡朱勳等審辦其楚省邊防察看實已寧謐即將調防之兵徹歸原伍以節糜費將此諭令知之○辛酉諭內閣給事中吳邦慶奏請查冒籍童生以肅功令一摺據稱本年大興宛平兩縣考試童生冒籍甚多經該縣斥逐一百餘名尚未淨盡甚至廩保等於出結識認時有爭執毆詈情事現屆府考之期請旨查辦並將未經斥逐之冒考童生十八名開單呈覽等語順天大宛兩縣童試向來冒籍者多歷經查辦飭禁近年弊混未除至有廩保等互相爭競之事自應詳加釐剔以端士習著該府丞會同此次審音御史將單開冒籍各童生並此外有無朦混應試者逐一查明區別照例覈辦○壬戌春分朝日於東郊上親詣行禮○諭內閣自上年九月內逆匪林

清勾結豫東教匪聚衆謀逆。勦辦甫竣。其時南山匪徒因陝省兵將徵調遠出。乘虛劫掠。復派令凱撤官兵。分路勦除。現已一律肅清。軍務全行報竣。軍機大臣贊襄樞務。夙夜勤勞。宜沛恩施。以昭優獎。董誥之子候選員外郎董淳著加恩以郎中用。托津之子乾清門二等侍衛恒齡著賞給頭等侍衛。仍在乾清門行走。盧蔭溥之子監生盧本著賞給舉人。准其一體會試。桂芳之子監生炳奎著賞給七品小京官。所有軍機章京著軍機大臣擇其尤為出力者保奏數員。再予甄敘。○又諭上年賊首林清倡造逆謀。突擾禁門。糾約李文成率領逆黨。詭服潛蹤。剋期來京。接應嗣林清迅就捕誅。三月之內將各處逆黨殲除淨盡。又值陝省南山匪徒萬五等乘機搶掠。派兵勦捕。兩月之內掃蕩無遺。此皆仰賴天恩。

考佑事機順利。氛祲全消。允宜恩膏普被。以迓祥和。除林清萬五等二案匪犯。罪名不能未減外。著刑部將各直省軍流以下官常人犯。查明照例減等。其歷次緩決官常各犯。久羈囹圄者。並著詳查酌議。奏請施恩。○又諭賽冲阿等奏報南山老林內外。漢江南北。全行肅清。一摺。陝省匪徒萬五等因木廂停工。乏食糾集夥黨。分路搶劫。經朕特派長齡楊遇春等督兵勦辦。復派賽冲阿帶兵由川界堵截。各路將弁兵丁奮勇爭先。所向克捷。將各股賊匪次第殄除。其勦散零匪竄匿老林等處者。現據賽冲阿分派官兵赴寧羌略陽一帶逐細排搜。長齡楊遇春亦自西向東。分兵搜捕。共計各路鎮將搜獲及寨民縛獻者。又有五百餘名。悉行正法。實無遺孽。賽冲阿會同長齡等遵旨由六百里加緊馳奏。此次勦捕南山匪徒。辦理實為迅速。賽冲阿長齡楊遇春朱勳及鎮將備弁等業已疊次降旨優

加恩獎分別升擢。所有出力兵丁。除吉林黑龍江兵六百名。俟到京之日。再加賞賚。其陝西甘肅四川三省征兵。著該將軍等查明。將已經拔擢。賞戴翎枝。及僅止防堵者。扣除外。其隨營打仗兵丁。加恩普行賞給一月錢糧。以示朕嘉獎勤勞。恩施周被至意。○是月直隸總督那彥成。奏報到任日期。得旨。清勤慎三字。汝其勉之。自滿自是四字。汝其戒之。其餘諸務。隨時訓誨。為政不在多言。惟致誠耳。

○山東巡撫同興。奏覆查禁地窖。得旨。實心經理。實惠及民。土窰一節。亦有富戶私藏積蓄。以避水火盜賊者。若逐戶搜查填砌。必滋事端。徒令胥役生財。何益於事。即如林清大案。併無土窰。此明證也。○陝西巡撫朱勳。奏謝議敘。得旨。因循疲玩。官吏之大病。貪利忘害。愚民之大病。不能去此二大病。皆朕一人之咎。此三言盡之矣。我君臣各自勉旃。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十五

實錄卷之二百八十五

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十六

駐修總教官權近日講起居注官太子太僕武英殿大學士劉蘭閣領事諸察欽奉
上諭事件虞管理工部事務翰林院學士隨帶

加殿尋常加級曾換鑲總教習太子太保文淵閣大學士管理刑部事務加級戴均元經是日講起居注官太子少保內大臣文淵

閣提舉閣事程鑒欽奉 上諭事件處候知大學士 部尚書翰林院掌院學士教習庶吉士總管內務府大臣鑲黃旗滿洲都統步

軍統令管理戶部三庫專役於津浦道等處辦理程處恭於崇慶坊街藥房太醫院西洋堂事務功加三級隨帶加級尋常加級對子

次臣英和經道諸官李太守禮部尚書上書房行走武英殿總管理監子監事務及子監隨帶三級紀錄四品銜江蘇巡撫等奉

敕修

嘉慶十九年甲戌閏二月癸亥朔

上詣

大高殿行禮○幸圓明園○旌表守正捐軀安
徽懷遠縣民賈小山妻褚氏○甲子諭內閣
昨據拉旺多爾濟奏伊祖超勇親王策凌入
祀賢良祠牌位。本在前祠安設。二月三十日
伊子巴彥濟爾噶勒詣祠行禮。見策凌牌位
移在後祠東間等語。當即降旨交軍機大臣
傳到太常寺堂官及看守祠宇官員詢問。哈
寧阿色克精額二人。先行來園。詭稱因係埽

除龕座。搬移後安設錯誤。經朕指出。欺飾情節種種不符。諭令軍機大臣覆加嚴詰。據看守祠宇之應祀官單春成供稱。上月二十七日。成寧哈寧阿俱在賢良祠承祀。祭畢。成寧因祭文內祇有怡賢親王及巴克什達海之名。而無策凌之名。令將策凌牌位與巴克什達海互移。哈寧阿亦自認是日同在祠內。隨同附和。未經阻止。其時色克精額實未入祠。詢之成寧。據稱伊未經奏明。輒將祠內位次互易。實屬冒昧。求從重懲處等語。賢良祠安設牌位。自有一定敘次。成寧即因祭文內無策凌之名。疑及向來安設錯誤。意欲更正。亦應詳查例案。奏明請旨。乃率逞臆見。擅自改移。成寧年老糊塗。福薄災生。任意妄為。豈能復勝尚書之任。著以藍翎侍衛。自備資斧。前往新疆換班。以示懲儆。哈寧阿於成寧私移賢良祠牌位時。未經阻止。已有應得之咎。及傳旨詢問。又復捏詞支飾。色克精額於此事。

當時雖未與聞。不應與哈寧阿隨聲掩飾。伊
二人均係棄瑕錄用之人。厥罪維均。斷難輕
恕。本應板責。訊問姑從寬免。俱著交部嚴加
議處。應祀官單春成。聽從堂官指使。著毋庸
議。尋議革職。得旨。哈寧阿。色克精額。著加恩
以六品贊禮郎補用。○大學士伯勒保。以病
乞解任。命仍留大學士任。在家食俸。○以熱
河都統和寧為禮部尚書。兼鑲紅旗滿洲都
統。吏部左侍郎文寧為熱河都統。轉吏部右
侍郎秀寧為左侍郎。調禮部右侍郎佛佳為
吏部右侍郎。工部右侍郎穆克登額為禮部
右侍郎。理藩院右侍郎那彥寶為工部右侍
郎。以內閣學士英綬為理藩院右侍郎。○以
協辦大學士戶部尚書托津為正白旗領侍
衛內大臣。○以都察院左都御史景晏為國
史館副總裁官。○調鑲藍旗漢軍都統崇祿
為鑲藍旗滿洲都統。鑲白旗蒙古都統明亮
為鑲藍旗漢軍都統。正白旗滿洲副都統英

綬為正黃旗滿洲副都統。正黃旗蒙古副都
統舒明阿為正白旗滿洲副都統。以鑾儀衛
鑾儀使孟佳為鑲白旗蒙古都統。刑部右侍
郎成林兼鑲白旗蒙古副都統。喀什噶爾幫
辦大臣玉福為正黃旗蒙古副都統。以理藩
院左侍郎禧恩兼鑾儀衛鑾儀使。○命哈密
辦事大臣德通來京。以哈密幫辦大臣慶長
為辦事大臣。○乙丑

上御勤政殿聽政。○以詹事府詹事姚文田為
內閣學士。兼禮部侍郎銜。候補三品京堂景
祿為太常寺卿。內閣侍讀學士珂什克為太
僕寺卿。○以兵部尚書明亮為內大臣。○調
鑲藍旗滿洲副都統秀寧為正紅旗滿洲副
都統。正紅旗滿洲副都統佛佳為鑲藍旗滿
洲副都統。○調京營右翼總兵英綬為左翼
總兵。左翼總兵西拉布為右翼總兵。○丙寅
諭軍機大臣等。御史黃中傑奏稱江西吉安
贛州南安三府地方多有强悍不法之徒。偶

因細故即聚衆械鬪並聞贛州之信豐縣小園王姓兇頑尤甚動輒糾聚千人持械入城毫無忌憚地方官懼干處分容忍不辦每以告病乞歸等語頑民糾衆械鬪實為囂凌惡習日久必致釀成巨案該管地方官畏葸因循匿不查辦且以離任為自全之計是以官而畏民尚復成何事體該御史籍隸江西見聞自確著先福即嚴飭該三府官員認真查禁實力整頓其信豐縣小園王姓既確有住址姓氏著即查明遴委幹員緝拏究辦該撫不可存畏難之見若顛預寬縱養癰貽患必將該撫從重治罪不稍寬貸將此諭令知之○旌表守正捐軀四川清溪縣民蔡白銀妻孫氏○丁卯諭內閣散秩大臣並無辦事之責嗣後無論正委如有擢至都統者俱無庸兼散秩大臣著為令○戊辰上御閱武樓閱火器營操○降內閣學士阿隆阿為太常寺卿調太常寺卿景祿為太僕寺卿○以和闐幫辦大臣法里哈為鑲黃旗漢軍副都統○寧夏將軍福會年老命來京調西安將軍穆克登布為寧夏將軍以駐藏大臣祥保為西安將軍駐藏幫辦大臣喜明為駐藏大臣賞太僕寺卿珂什克副都統銜為駐藏幫辦大臣○己巳諭內閣上年逆賊林清案內要犯祝現劉呈祥劉第五董伯旺支進財劉成章六名在逃未獲前特諭該衙門等上緊嚴拏自二月初七日降旨之後迄今又已一月尚無一名就獲殊屬怠玩該犯等雖蓄心謀逆然其糾合無賴匪徒突入禁城搶掠亦不過如一盜劫之案如果認真查緝何難悉數捕誅試思地方官承緝盜案尚有初叅至四叅期限儻逾限不獲各有例得處分何況此次禁城重案非比尋常今祝現等六犯日久稽誅而其餘指拏夥犯尚有百餘名近來就獲者甚屬寥寥該衙門及各處地方官所司何事本當即予懲處姑念各該犯

此時不知逃匿何地。未便一概示罰。著再飭諭步軍統領順天府五城各衙門並奉天吉林熱河山海關察哈爾直隸山東河南山西陝西甘肅江蘇安徽湖北各將軍督撫都統副都統等一體飭屬迅速嚴緝。志切同仇。務在必獲。若再因循疲玩。非我臣子矣。並著廣為示諭。無論軍民人等有能將祝現等六犯及其餘各犯擒獲縛送者。均分別獎賞。即本人素曾被惑習教。此時能將重犯捕獲。不但

盡免其入教之罪。仍加以厚賞。此內有職官人等。亦一律加以升擢。凡境內窮鄉僻壤。以及庵觀寺院。務皆實力編查。並令家喻戶曉。雖從前曾將逆犯容留。而此時畏法獻出。亦皆免罪錄功。毋有疑慮。其有偵知逆犯蹤跡報官者。即令作線往拏。俟拏獲審明。照格升賞。至各地方官於逆犯逃逸過境。或在本境藏匿。均有應得處分。但伊等此時果能認真緝捕。其從前逆犯過境及在境藏匿。亦一概

免究。專錄其獲犯之功。經此次剴諭之後。伊等當激發天良。共加奮勉。同心協力。庶不至違導通誅也。將此通諭知之。○庚午諭軍機大臣等。朕上年中途迴蹕。未經謁

陵。方寸耿耿。至今寤寐莫釋。且自回京以來。辦理逆案。渠魁迅獲。餘黨悉誅。滑縣賊巢三月殄滅。陝省竄匪。兩月蕩平。溯計軍興。鮮有如祖此之迅速完善者。現在中外敕寧。仰賴

考恩佑。朕感深寅畏。若不躬申叩謝。於心實覺難安。那彥成任事後。能於六月以前將地方各事宜經理妥協。即於七月內具奏。朕當降旨。諭吉於八九月間。恭謁

東陵。敬申忱悃。此次專為謁

陵謝

恩。不赴盤山。不往南苑。按程往返。不過七日。即地方承辦差務。斷不致多勞民力。該督務善體朕意。妥為籌備。將此諭令知之。○又諭滑

縣知縣強克捷猝遭逆匪搆亂慘及全家殊堪矜憫著於韓城縣為之建立專祠將強克捷並伊家從難者一併列祀以旌蓋節又據章煦奏稱逆匪馮克善於上年劫出李文成突入縣署時將強克捷戕害強克捷有女挺身罵賊不受污辱慘被賊匪倒釘廳柱鬻割斃命並著查明據實聲敘奏請建坊旌表以慰貞魂將此諭令知之○辛未諭內閣侍講學士蔡之定奏請行用楮鈔一摺所奏泥古迂謬斷不可行前代行用鈔法其弊百端小民趨利若鶩楮幣較之金錢尤易作偽必致訟獄繁興麗法者衆殊非利用便民之道且國家經費量入為出不致遽形匱乏何得輕改舊章利未興而害已滋甚乎如係臺諫之員建言紕繆因其與有言責尚可將原摺擲還無庸置議該學士係文學之臣以迂腐之見率陳奏牘實屬越職蔡之定著交部議處以為妄言亂政者戒○壬申諭內閣御史辛

從益奏請釐正文體嚴禁懷挾一摺所奏是國家設科取士制藝代聖賢立言必以清真雅正為宗六經皆載道之文其中並無奇文僻字凡天地民物之理包括靡遺近日士子罔知潛心正學獵取詭異之詞捋撻鉅以艱深文其淺陋敝習相沿大乖文體況言為心聲尤足覘人器識士子進身之初先由詭遇及試以政事其於是非邪正之辨治亂得失之原皆懵然不解於心欲望其通達政體以聖賢之學坐言起行豈可得乎嗣後鄉會試考官校士衡文務各平心持鑒別裁偽體簡拔真材如有將支離怪誕之文目為新奇妄行錄取者經磨勘官摘叅必將原考官嚴加懲處至策對以覘博洽亦必貫通經史所對與所問相比附方稱通才乃剽竊唇鈔競為懷挾以售其欺尤屬大干功令科場特派親信王大臣搜檢原以禁絕弊端近日亦頗疏懈並著申諭遵照定例認真搜索毋得視

為具文。以正文風而端士習。○癸酉諭內閣。鄉會試搜檢。凡士子所攜場具。均有限制。以禁懷挾而拔真材。乃奉行既久。視為具文。聞近日士子竟有攜帶坐褥入場者。坐褥厚裝綿絮。其中夾帶之弊。事所必有。不可不嚴行查禁。著禮部先期廣張告示。嚴行曉諭。嗣後士子入場所攜鋪墊器具。務遵照定例。氈無裏皮。無面。以便搜查。儻有不遵定制。仍帶用有裏面氈皮坐具者。經搜檢王大臣等查出。立將所帶坐具扣擲。不准攜入內場。若查有夾帶。另行照例懲辦。該士子等務各凜遵法度。毋蹈愆尤。○又諭御史申啟賢奏。請申明地方官巡歷鄉村之例。宣揚教化。責成吏治。一摺。州縣為親民之官。職司教養。循良之吏。敦本善俗。日以民事為先。務使小民家給人足。戶盡可封。自不致草竊奸究。流而為匪。即如上年逆犯林清。以草澤奸民。輒敢首倡逆謀。煽惑徒黨。推原其故。該逆等習見鄉民趨

利如鶩。動之以利。即可得其死力。而市井惡少。貪淫忘恥。該逆等所習邪教。又復男女無別。誘以所好。一經陷溺。雖至喪家亡身。冥然不知悔悟。其間大奸巨猾。除林清李文成牛亮臣馮克善數犯。實係謀為不軌。罪惡貫盈。其餘附和之徒。並不知謀逆為何事。不過意圖搶劫擄掠。以遂其欲而已。深維致亂之由。實因州縣各官。因循怠玩。不能教養之所致也。夫長吏為齊民表率。言教不如身教。司民牧者。朝廷優之以爵祿。乃不為朝廷盡教養斯民之責。素餐怠事。惟思保全祿位。此其自私之心。亦與貪利忘義者何異。今欲化民俗。先飭官常。著各省督撫大吏。倡率各州縣官。受任一方。即以一方之民事為己責。勸農桑。興學校。民之所利。亟為興之。民之所苦。亟為除之。無論通都僻壤。公務之暇。輕騎減從。親赴閭閻。體察民情。旌別淑慝。綏集善良。而發奸摘伏。亦隱寓其中。一邑舉其職。則一邑安。

一郡舉其職則一郡安。由郡而省。吏治修明。民氣和樂。而天下安矣。朕諄諄訓誨。爾長吏其共勉之。○又諭兵部議。將在豫省打仗陣亡傷亡病故受傷各官兵等。照例分別卹賞。俱著照所議行。本內列有鄉勇一款。此次勦捕逆匪。節經降旨。不准募用鄉勇。該大臣率行咨請卹賞。該部即應議駁。乃率將陣亡鄉勇。照步兵例議卹。受傷鄉勇。照官兵三等傷減半議賞。殊屬非是。所議不准行。惟是該省業經募用在前。同一陣亡受傷。所有卹賞銀兩。著該省自行照數捐廉給發。不准列入報銷。用昭體制。○甲戌。遣官祭歷代帝王廟。○諭內閣。松筠奏審明玉努斯邀功捏報妄殺四命。及擡價賣糧。苦累回衆各款。分別定擬一摺。此案玉努斯捏造逆裔薩木薩克子嗣。遣人帶信。斂錢將毛拉素皮等刑逼成招。四人同罹重辟。業據玉努斯供認屬實。本應照松筠所擬抵罪。惟玉努斯因

姦娶僕婦。色奇納。被其鎮壓。盡惑種種。唆使以致迷惑顛倒。行類瘋狂。業將色奇納正法。玉努斯尚有一線可原。且伊祖額敏和卓。著有勲勞。伊父伊斯堪達爾。宣力多年。姑援議功之例。稍從末減。玉努斯著加恩免死。解往伊犁永遠監禁。案內首先誣捏之阿布都拉仔斯一犯。及肆行迎合之伊弟里斯巴克。依一犯實屬罪無可貸。松筠於審明後。已按例正法。其阿布都拉一犯。妄挐無辜。但到案即行供明。著照所擬免死。發往黑龍江給兵丁為奴。其餘各犯。均著照松筠所擬完結。至從前被誣案內。發遣黑龍江之回子呢雅斯素皮。庫察克二名。及毛拉素皮等四名。緣坐家屬。自應一體昭雪。即行釋回。其呢雅斯素皮。庫察克二名。於歸途經由吉林。已罰令鐵保捐給盤費銀兩。並著松筠傳諭哈豐阿。該回民路過烏魯木齊時。亦令捐給銀兩。以示罰懲。其另摺所奏查抄估變贓物。除解京交納

外。餘著松筠查明被累回衆及臺站回子一體給賞。至被誣之毛拉素皮等四名家屬及現在釋回之呢雅斯素皮庫察克二名。無辜冤濫情殊可憫。著松筠將抄變銀物。優為賞給。以示矜卹。葉爾羌阿奇木伯克貝子邁哈瑪特鄂散等。隨同松筠平反此案。認真查辦。貝子邁哈瑪特鄂散著加恩賞給大緞二匹。阿奇木玉素布伊薩克瑪木特三人。各賞給大緞一匹。即於該處庫項內動用分賞。以示獎勵。○諭軍機大臣等。御史卓秉恬奏。河南南陽等州縣倒斃飢民。沿途暴露。聞之實堪憫惻。方受疇職任封圻。通省地方。皆應悉心經理。乃僅就耳目較近之區。粉飾彌縫。其離省較遠之州縣。竟漠不關心。一任地方官因循怠玩。生者輾轉流徙。亡者骸骨暴露。豈不上千天和乎。該州縣各有疆域。將境內倒斃飢民。隨時派人埋葬。其事亦輕而易舉。乃道殣相望。付之不見不聞。致令行道傷心。地方

官所司何事。著方受疇嚴加督飭。令該州縣速為掩埋。勿再仍前玩泄。致干重咎。慎之。豫省本年連得雨雪。正望感召祥和。轉歉為豐。該撫務實心實力。拯救災黎。俾餬口有資。多所全活。庶不負牧民之寄也。將此諭令知之。○旌表守正捐軀直隸冀州民王文羣妻張氏。○乙亥。上幸萬壽山。○諭內閣。御史王嘉棟奏。勸民耕種。以盡地利。一摺。上年直隸豫東三省逆匪。勒淨之後。曾降旨令該督撫查明叛產絕產。分別辦理。此事務須及早清楚。方不致被胥吏欺朦。豪強侵占。若遲延日久。則諸弊叢生。著該督撫派員迅速查明。分撥無業難民。以資撫卹。現當耕作之時。其無人播種之田。並著先行招佃力作。無使荒廢。其有田無力者。酌借籽種口糧。被荒賤售地畝。均准令產主照原價回贖。毋許勒捐居奇。有妨農業。○又諭方受疇奏。甄別道府等員一摺。據稱南陽

府知府嵩泰於該府地方情形不甚相宜請以陳州府知府李振肅對調等語知府為方面大員南陽府係請旨簡放之缺嵩泰如才不勝任該撫即應據實奏明甄別請旨另行簡放若與本省之員對調恐啟為人擇缺之漸所請不准行○命圓明園該班官兵照禁城例每年給與恩賞銀每屆四月給領○除江蘇丹徒縣河泥壓廢田一項八十四畝有奇額賦○丙子諭內閣長齡等奏籌辦善後事宜一摺陝省南山匪徒現當勦除淨盡之後所有撫綏彈壓各事宜自當加意整飭俾地方益臻寧謐其所請酌留官兵一款該處地方遼闊山深林密此時甫就肅清留兵彈壓自不可少著照所請分派鎮將帶兵在四路稽查彈壓俟麥收後撤歸原伍所派地方如有逸匪潛匿即令就近搜拏山中無業遊民如有賭博鬪毆等案各照例責懲儻有聚衆搶掠及拒捕者從嚴辦理其兵丁內如

有藉端生事擾害良民者亦從嚴究辦至山內五方雜處不但本處匪徒慮有藏匿未淨即京城未獲逆犯如祝現劉呈祥劉第五董伯旺支進財及河南逸犯劉成章等六人并其餘飭拏從犯難保其不逃往陝省竄伏山內前已將該逆等年貌清單通行發給該督等並諄囑各將備一體踴躍緝遇有口音面貌相類者即留心盤詰如拏獲祝現等六犯著由四百里奏聞其山中搜緝餘匪亦著隨時具奏此項彈壓官兵四千二百名並著照所請每月給予鹽菜銀兩不支夫價等項仍照防兵例給予口糧以示體卹又所奏被賊地方普加撫卹一款該處積歉之區復被賊焚搶災黎生計維艱業經降旨撫卹現屆青黃不接著加恩將盤屋沔縣畧陽鳳縣寶雞五縣及蹂躪較重之洋縣城固隴州三州縣俱再加賑一月其應給房舍修費亦著照例覈實題報又所奏木商傭工給予執照一款此

次山內滋事匪徒大抵皆木廂傭工之人該商等平時招募工作不分良莠以致藏垢納汙此後稽查約束自當嚴定章程著照所請令州縣查明境內木廂紙廠處所發給該商執照將所雇工匠姓名鄉貫造冊交鄉約甲長查察其外來傭工亦令先投鄉保等問明姓名鄉貫另冊呈報按照保甲之法認真稽查以時增刪日久毋懈又所奏修葺寨堡編記軍器一款山居百姓多憑寨堡守衛自應

中書奏

上

令其修葺完固至存貯軍器用備不虞除礮位全行追繳入官外其刀矛鳥鎗分別寨堡大小酌量存貯並鐫註字樣設立號簿登記明晰以便稽覈俱照所奏辦理惟是寨民存貯器械原以自衛若不能演習猝遇匪徒盡為所掠轉致藉為寇兵應於各寨堡中令甲長約長隨時查驗督令演習以資備禦其技藝嫺熟者兼可充入伍之選又所奏將遊匪從嚴懲辦一款遊民不務生理好勇鬪狠奸

究萌生實由於此必當從嚴懲辦著照該督等所請嗣後南山內如有三五成羣執持器械搶掠傷人者比照川省匪徒例於搶奪本例上加等治罪該督即將新例刊刻出示俾知儆畏俟地方寧謐後再奏照本例辦理務使匪徒革面革心化莠為良各安生業○長齡等奏勦滅南山匪徒出力員弁賞遊擊萬彪胡超巴圖魯名號道員余正煥德奎遊擊李建勲李章何文韜都司沙武德守備盧亨

千總王洪謨協領成瑞佐領舒通阿花翎知州何煥等藍翎餘升擢有差○山東巡撫同興奏辦理軍需及勦賊出力人員並首先呈報逆謀捐貲團練各紳士賞知州王旭昇知府銜參將齊國珍副將銜守備孫魁一等升銜有差生員李九標舉人候選通判孫宗渭等選補加銜有差○丁丑清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子智親王○禮部祭

孝淑皇后陵寢○遣官祭

端慧皇太子園寢○諭內閣馬慧裕等奏持齋誦經愚民遵示首呈經卷圖像一摺愚民習教誦經其始止惑於福田利益之說迨輟轉傳習人數衆多復有奸民煽誘遂至滋生事端上年因辦理邪匪普諭各直省示令習教之家將經卷圖像悉行呈繳即照自首免

罪之例咸與維新今湖北省於編查保甲時各州縣親歷鄉村廣行曉諭即據民人余元澄等遵示自首繳出各種經卷圖像該民人一聞示諭不敢隱匿實係洗心改悔余元澄等俱著免其治罪夏永霞先曾收藏經像傳習多人伊身故之後其子夏澄慶亦到官呈首且搜查伊家內並無另藏違禁經卷板片夏澄慶亦著免其治罪各省如有曾經習教民人自行改悔到官呈首者俱著照此辦理

若經此次曉諭之後仍復私自收藏則是怙過不悛一經發覺必當從重治罪其繳出經卷內除尋常釋道持誦之經不應禁者即著分給省城內釋道寺觀無庸銷燬外其應禁各經卷著派員詳細檢查凡經內有真空家鄉無生父母及飄高老祖字樣者同護道榜文二本一併解京查銷其餘即著該撫張映漢親視銷燬將來各省繳到經卷亦著照此辦理○又諭黎世序奏籌備重運漕船將刀

難挾制之漕標遊擊據實奏一摺所奏甚是。本年東省微湖蓄水短絀江境湖水必應搏節以資挹注。漕河諸臣皆當通籌全局協力同心期於全漕無誤方為公忠體國之道。乃此次幫船輓入中河阮元即堅執開閘引駱馬湖水之議該漕標遊擊潘遇龍不肯遵例起剝迨至風定水回仍復藉詞停待如果中河淤淺不能行舟何以駱馬湖水並未開放該河督親自督勸幫船七十餘隻即已連

實錄卷一百一十五

奏

檣輓渡毫無停阻顯係該遊擊挾制刁難似此藐玩之員不可不嚴加懲處潘遇龍著降為千總仍責令催趲儻敢再有貽誤奏明從重治罪阮元固執已見著交部議處淮海道河洲因與該遊擊理論上船測水失足跌損腿骨洵屬急公可嘉著交部議敘給假令其安心調養如醫治難痊再行奏明開缺回旗另賞差使○撥湖北安陸應城黃岡三縣倉穀四千石運赴應山縣平糶撥房縣餘存秋

米運赴鄖陽竹山竹谿保康房鄖西六縣平糶○戊寅以詹事府少詹事王以銜為詹事○旌表守正捐軀山東肥城縣民張士德妻李氏○平糶山西交城文水岢嵐翼城鄉寧長子屯留壺關介休臨大同高平陵川遵和順沁沁源武鄉平定壽陽孟忻定襄靜樂保德河曲解安邑夏平陸聞喜隰大寧蒲永和和林格爾嵐興襄陵洪洞曲沃黎城平魯陽城沁水臨晉猗氏榮河萬泉虞鄉芮城河津五十二廳州縣及樂平鄉巡檢所屬倉穀○已卯諭內閣御史程贊寧奏請杜規避承緝盜劫等案參限一摺所奏是定例地方官遇有盜劫之案四參限滿即應降調離任原以專其責成若於參限將滿之前將本任之員移調他處其承緝之案轉得置身事外而接任之員因無接緝降調之例亦不認真緝捕日久因循盜風漸熾必致奸民無所畏忌嗣後地方官承緝盜劫等案務責令專司緝捕

不得於四叅限滿之前飾詞遷調如巧為規避一經查出除將本員勒緝叅處外並將該上司一併嚴懲不貸○調喀什噶爾幫辦大臣烏爾卿額為喀喇沙爾辦事大臣喀喇沙爾辦事大臣永芹為喀什噶爾幫辦大臣○旌表守正捐軀山西交城縣民樊泰女樊氏○庚辰旌表守正捐軀山西鳳臺縣民婦郭傅氏○除福建光澤縣水衝田三十一畝有奇額賦○辛巳諭內閣江南邳宿運河向賴東省微山湖瀦水濟運定制夏秋閒收水一丈二尺以資次年鋪放即遇水短之年亦總收至九尺一丈以上從無不敷鋪灌之事茲據吳璥等奏勘查微山湖本年僅止湖心存水二尺及一尺八九寸不等實從來所未有而毘連微湖之南陽昭陽及東岸獨山湖又皆淤成平陸更無可導引之水此皆李亨特在任時因循貽誤疲玩耽延厥咎甚重近又風聞李亨特革職留工効力並不常川駐工

仍在濟寧居住公館擅用文武巡捕及差弁多人竟與現任總河無異謬妄尤甚伊係屢次獲咎棄瑕錄用之人不知激發天良小心愧奮既已玩誤公事罷斥後仍恣意放縱不知儆畏李亨特著傳旨拏問交吳璥同興派委妥員迅速押解來京交刑部治罪○壬午賞前任太常寺卿書興藍翎侍衛為和闐幫辦大臣以頭等侍衛伊勒通阿為庫爾喀喇烏蘇領隊大臣○癸未調陝西西安鎮總兵官楊芳為漢中鎮總兵官河南河北鎮總兵官閔俊烈為西安鎮總兵官漢中鎮總兵官薛大烈為河北鎮總兵官○以葉爾羌糧貴平糶倉麥○甲申上幸萬壽山○諭內閣據通政使司副使蔣祥墀奏現在河南辦理災賑地方官悉委之胥役胥役糾合鄉保彼此侵吞索錢刁難等語方受疇久任直隸藩司上年林清謀逆本有失察重咎溫承惠業已降調方受疇亦應降

調因升任在先未加懲處伊到豫省後督辦撫卹事宜經朕屢次降旨嚴切訓示乃節據給事中李鴻賓御史卓秉恬奏該省飢民難民流離載道本日蔣祥墀復有此奏而召見面奏者更多是豫省辦理賑務種種不妥其情形昭然在人耳目方受疇著先傳旨嚴行申飭並交部議處○旌表守正捐軀廣東澄邁縣民何新村妻魏氏○乙酉諭內閣英和等奏剔除偷運回漕積弊一摺南糧歲勞轉運以實京儲其俸甲等米領出之後兼可贍及民食惟回漕之弊最為蠹國病民近來俸米甲米入朝陽門均派御史等稽察嚴密其城外居民零星食米勢不能不令負荷出城是以細米在一石以內者為例所不禁乃奸商作偽又將碾過一槽之米攪合粗米弊混回漕著照所請一體示禁必實係細米方准出城仍著嚴飭該城門官兵毋許得錢賣放索詐擾累別滋弊端○又諭南河歲搶修經

費舊例每年動用銀五十萬兩自嘉慶十二年加增料價以兩倍為止總不得過一百五十萬兩之數以後每年題報俱未逾額此次報銷十七年歲搶修工程用銀至一百五十萬餘兩較之倍加之數又復增多若不嚴行駁斥必至逐年漸增無所底止所有此次逾額銀九萬餘兩即著黎世序及承辦各工員按數分賠不許再藉詞登覆黎世序仍著傳旨申飭嗣後歲搶修經費該河督務遵照

原奏均勻覈計不得逾一百五十萬兩之數如有搏節據實題報其逾額者即照此次之例罰賠示懲○又諭李亨特前在河東總河任內貽誤運務并於革職留工之後任情恣肆業經拏問解部治罪今又查出伊子李善祺居喪縱欲狎比優伶皆由李亨特平日縱容所致李善祺著交部訊擬所有李亨特在京及東省寓所貲財著一併查抄示懲○諭內閣前經降旨令刑部將各省軍流以下官

常人犯查明減等新疆各處發遣人犯未到配者本在查辦之列其已到配者亦著一體加恩查辦此內除免死減等及逆案邪教發遣各犯不援減外著刑部將新疆各處由軍流罪名加重發遣到配各犯覈其情節較輕者分別開單奏明減等○命通政使司副使琦善叅議康紹鏞馳往江南審案○丙戌以故湖北忠岡司土千總田世桂子三慶甘肅西寧稱多族百戶洛智策旺子旺多爾特里各襲職○丁亥諭內閣朕恭閱

皇考高宗純皇帝實錄乾隆四十六年查辦各省武職名糧裁添養廉挑補實額一事曾據大學士阿桂奏稱國家經費驟加不覺其多歲支則難為繼此項經費歲增三百萬統計二十餘年即須用七千餘萬兩請將武職議給養廉所扣兵餉除邊疆查明增添兵額外其餘腹省均可無庸挑補實額等語當經欽奉

諭旨國家經費原當量入為出而足兵衛民又不得稍存靳惜之見阿桂所奏部庫出入大數大臣謀國自應如此但泉貨本流通之物財散民聚聖訓甚明與其聚之於上毋寧散之於下且在官多一分即在民少一分現在戶部庫銀尚存七千餘萬兩何必於此事總認過計所有阿桂原奏並此旨一併發抄著大學士九卿科道詳悉妥議具奏欽此旋經廷臣議將直省所裁名糧悉行挑補實額仰

惟我

皇考深維財散民聚之義損上益下惟願出帑藏以裕軍國聖訓煌煌高邁千古誠非一切籌策會要所敢幾而當日建議之初阿桂通盤計畫逆料及數十年後經費難繼其深識遠慮亦不愧老成謀國計此項經費自乾隆四十六年至今三十餘年所用已逾於所存且自嘉慶元年以後辦理軍務河工以及各省蠲緩賑濟每

歲度支經費之外所出又豈可萬億計設此時府庫充盈仍與昔年無異則朕亦惟常守散財之

訓豈肯鯁鯁計量然使乾隆年間庫貯情形亦同今日則量入為出我

皇考當日亦本不以阿桂之言為非況我朝兵制定額已久自增設名糧額缺以來聞各省營伍積弊相沿仍屬有名無實於武備亦未能大有裨益立政之道貴在因時制宜其應

如何將增設名糧額數酌量汰減仍復還舊制之處著大學士軍機大臣會同兵部詳悉妥議具奏○以大學士曹振鏞吏部尚書章煦都察院左都御史戴均元為治河方畧總裁官吏部左侍郎吳烜禮部右侍郎王宗誠兵部右侍郎周系英為副總裁官○戊子

上御勤政殿聽政○諭內閣都察院具奏控案每於摺內聲請勅交該督撫審辦或因其曾在督撫衙門控告即請欽派大臣審辦甚且

因有欽差大員在外查辦事件輒指名請交

欽差某某審辦舊習相沿大屬非是各衙門

具奏控案朕覈其案情輕重或勅交督撫提

訊或派員前往審辦其中自有權衡豈臣下

所得妄擬嗣後該衙門具奏控案祇應將情

節詳悉敘明其會在本省何衙門具控幾次

一併聲敘不准用請旨勅交查辦字樣如再

有率行擬請者必將該堂官懲處不貸○以

詹事府詹事恩寧武備院卿玉福刑部郎中

熙昌為內閣學士兼禮部侍郎銜○以纂輯

全唐文告成總裁大學士董誥等加級有差

提調等官議敘如例○命戶部右侍郎桂芳

倉場侍郎初彭齡馳往廣西查辦事件○已

丑以兵部右侍郎常福署戶部右侍郎吏部

左侍郎吳烜署倉場侍郎○調陝西布政使

盛惇崇為甘肅布政使甘肅布政使何銑為

陝西布政使○以翰林院侍講張鱗編修龔

守正署日講起居注官○予遇賊被戕河南

滑縣教諭呂秉鈞巡檢劉斌祭葬世職如知縣例馬甲伊常德祭葬世職如驍騎拔例典史陳寶勳把總戚明彰祭葬世職如例○庚寅加賞廣寧門外普濟堂煮賑小米三十石德勝門外功德林二十石○辛卯江寧將軍興肇年老命來京調寧夏將軍穆克登布為江寧將軍以寧古塔副都統德寧阿為寧夏將軍副都統銜達斯呼勒代為寧古塔副都統

實錄卷二百八十六

主

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十六

整

嘉慶十九年甲戌三月壬辰朔諭內閣御史

蔡炯奏山東一路營汛倒塌有汛房處亦無一兵看守直隸省亦復如是惟近京二三百里較為齊備等語官塘驛路安設墩堡防兵所以緝拏盜賊盤詰奸宄若設汛處所並無一兵駐守則道路漫無稽查無怪飭拏要犯弋獲無期前聞直省編查保甲以後城市村莊巡察頗為嚴密今為期未久即已漸形懈怠地方官又蹈因循積習那彥成同興俱著傳旨申飭著將所屬營汛各加整飭並將飭

拏之祝現等犯嚴勒文武員弁上緊訪緝務在必獲其直隸邊牆以外承德府所屬地方尤為遼闊恐有偷越關隘至彼潛匿者並著那彥成嚴飭該地方文武員弁加意偵邏毋稍疏玩○旌表守正捐軀浙江玉環廳民吳陳勲妻劉氏○癸巳

上幸萬壽山詣

廣潤祠拈香○祭

先蠶之神

皇后親詣行禮○諭軍機大臣等廣惠泰官造剝船到齊請旨申明定例一摺向年漕艘北上時官剝船不敷輪轉添雇民船協濟地方官遂封留民船胥吏藉端勒索賣放以致船戶畏懼避匿有礙蘆鹽輓運嗣經蘆商捐造剝船一千五百隻又籌款生息官造剝船一千隻現在所造之船已於上年全數解到計共剝船二千五百隻足敷輪轉剝漕之用此項剝船所費不貲若不妥為經理領用未久

漸就損壞安能常為添造著那彥成詳議章程應如何分派經營其經營之員應如何立限保固限內如有損壞船隻應如何分別成數議定處分其已滿年限全無損壞者應如何量加鼓勵分別勸懲以專責成並檢查從前舊有條例如有未協未備之處斟酌改擬奏明候旨飭辦再每年糧船入境約用剝船若干隻著先行詳明總督如在二千五百隻以內即不許封雇民船若實遇轉運棘手之年所用剝船須在二千五百隻以外亦令先行報明約須添雇民船若干隻方准照數封雇儻地方官私封牟利查明隨時叅辦著一併議入規條將此諭令知之尋奏上復下部議嗣議據直隸總督那彥成稱新舊剝船派沿河天津等十八州縣分管召募船戶自領船日始保固十年責成天津道暨楊村通判隨時查驗如有限內損壞及器具不全者將經管官議處天津道及楊村通判失察亦分

別議處限外完全者酌加獎勵其剝船調集輪轉專委楊村通判經理抵通騰空事宜歸通永道督催等語均應如所議行惟稱如遇南糧入直太遲添雇民船協濟一節查此時新船已添有一千隻即遇轉運棘手之年亦儘敷輪剝應毋庸添雇以省擾累從之○乙未諭內閣德泰前由按察使降三級以京員補用吏部照所降之級以員外郎改補本係照例辦理該員輒以所降官階應補從四品

京堂曉曉呈辯京堂係兩司升階豈降調之員所得改補茲因另案接降復具呈妄言挾制德泰任性乖張不安本分著即行革職以示懲儆○丙申諭內閣劉鏞之等奏請暫留丁憂候補知縣竇景燕以資緝捕一摺所奏不可行丁憂人員例應回籍守制緝捕雖屬要務非軍營可比何庸違例奪情豈查拏要犯專責之該員一人乎竇景燕著即飭令回籍守制○又諭馬慧裕奏各省分發道府丞

倅人員補缺無期請於道府選缺出時一缺歸選一缺外補請旨缺出一缺由部請旨簡放一缺由該督撫開單保奏其同知通判不論何項缺出部選外補相間輪用等語所奏大屬非是部選道府丞倅之缺各有定例不容稍紊若將應選之缺半由外補銓法必至混淆至道府請旨之缺均係緊要尤非捐納初任人員所能勝任若如所奏分班間補不稱職者必多於吏治大有所損馬慧裕所奏

上詣

不可行著交部察議仍傳旨申飭○以雲南龍陵協副將成文為騰越鎮總兵官○賞山東等省癸酉科鄉試年老諸生于紳等七十一名舉人副榜有差○旌表守正捐軀山西霍州民李鎖妻韓氏○丁酉

大高殿行禮○還宮○諭軍機大臣等百齡等奏清口一帶挑工完竣啟放宣洩並湖河水勢情形一摺洪澤一湖本專注淮瀆之水今

加以全黃匪注勢益浩瀚此時甫屆桃汛而高堰誌椿長水尺寸已日見加增計湖口所出之水不敵湖中所長之多此後伏秋大汛長發更盛時日又長豈不更虞漲滿下游百萬生靈朕心垂厪綦切且淮南為財賦所出儻致商民失業又將何以撫綏此事關繫重大現在引河雖已開放伊等又於南甯等處修建閘座以資宣洩其隄工保障事宜尤屬緊要更當加意講求朕今以淮揚百萬生靈付交汝等一切應行籌備之處皆當未雨綢繆思患豫防此時國帑不能寬裕自應力為撙節但實有應辦之工亦不可因小失大欲省轉費所有籌辦修守事宜該督等盡心擘畫務保萬全隨時具奏以慰廑注將此諭令知之○直隸總督那彥成奏承辦兵差出力人員布政使素納清河道魯銓下部議敘餘升敘有差○以兵部左侍郎普恭通政使司通政使張鵬展知貢舉吏部尚書章煦工部

尚書周兆基為會試正考官禮部右侍郎王宗誠內閣學士寶興為副考官○倉場侍郎榮麟因病乞假允之以工部右侍郎那彥寶署倉場侍郎刑部左侍郎成格署工部右侍郎○以署鑲黃旗蒙古副都統毓秀為正藍旗蒙古副都統○戊戌諭內閣御史富勒禮奏外省解部餉鞘並不隨到隨收輒先寄存銀號轉交並部庫收放銀兩請令稽查該部御史眼同收放等語各省鞘銀解部自應隨到隨交若輾轉拖延難保不滋弊竇著步軍統領衙門隨時密查餉鞘一經解到即派員押送赴部呈報勿令稽遲其江南道御史本有稽查戶部之責遇有部庫收發銀兩時即知會該道輪流前往眼同收放以專查察○又諭御史富勒禮奏捐監捐職請嚴稽覈一摺向來捐監捐職承辦各衙門祇憑戶部印文發照註冊並不親往查對恐其中或有影射著照該御史所奏捐監一項每屆一月令

銀庫及禮部國子監承辦之員至戶部查對一次捐職一項每屆一月令銀庫及吏部承辦之員至戶部查對一次並令稽察戶部御史等屆期前往眼同覈對以杜弊混有弊即叅不可緘默○命將黑龍江等處官常人犯及軍臺効力官犯一體查辦情節輕者奏明減等○己亥

上耕藉詣

先農壇行禮更服至藉田所

躬耕三推復加一推

御觀耕臺命睿親王端恩克勤郡王尚格和郡王綿脩各五推吏部右侍郎佛住戶部左侍郎果齊斯歡禮部右侍郎穆克登額兵部右侍郎周系恭刑部左侍郎成格工部左侍郎茹棻都察院左副都御史曹師曾通政使司通政使穆彰阿大理寺卿王引之各九推畢順天府府尹率農夫終畝賞賚農夫耆老如例○諭內閣宗室鄉會試取中用一文一詩

己屬優異若不加以覆試無以鑒別真亦著自本科為始宗室會試中式者傳集在圓明園正大光明殿覆試屆時禮部奏明另定試期毋庸與本科中式貢士同日其試題仍用一文一詩著管理宗人府之王公等先期傳示應試各宗室舉子俾共聞知○又諭托雲泰奏請將阿克蘇庫貯普爾錢文折銀散放官兵鹽菜暫停內地撥解本年經費銀兩一摺阿克蘇現在庫貯普爾錢文積有三千三百餘串自應酌量折放以省調解之繁著照所請將該處現存銀六千二百八十餘兩按月散放完竣外所有官兵應支七成鹽菜銀兩即將此項普爾錢無論官兵俱以二百二十文為一兩散放其官員應領三成錢仍以一百六十文為一兩給領自本年四月起至明年九月止本年應調經費銀一萬一千兩著暫停調解嗣後該處庫貯普爾錢文積存數目足數散放一年鹽菜銀兩即停調經費

一次並著照所議行○以成都協領阿朗阿為荊州右翼副都統○庚子

上幸圓明園○以翰林院侍讀學士那丹珠為詹事府詹事○辛丑諭內閣前據御史富勒禮奏鑲紅旗滿洲都統等於東安泰承襲佐領一案先經辦理錯誤迨更正後未經自請處分請旨查辦當經降旨令常福長慶將此案辦理緣由明白回奏茲據常福等奏稱此案世管佐領達春泰身故無嗣因其別支

皆有承襲佐領未便添襲世職是以先經咨詢兵部並溯查達春泰上輩擬將其胞叔佛喜承襲後經兵部都察院援例咨駁即遵照將其弟東安泰擬正引見承襲緣事已更正是以未請處分等語各衙門辦理公事不能無擬議偶誤之時但能商榷更正仍即歸於無誤此案鑲紅旗滿洲辦理承襲佐領一事始雖有將佛喜擬襲之議迨與兵部都察院往返商酌旋即自行更正仍以東安泰擬襲

並無錯誤若以從前未定之論追溯苛求將各衙門商榷一事偶有異議即須奏請處分殊不勝其煩擾該御史所奏未免吹毛求疵著毋庸議○又諭國家不得已而用兵所以戡除暴亂安定善良即行師絕域亦止於斬馘擒渠尚當秋毫無犯以肅軍紀至於內地亂民原係獄吏捕治之事祇緣人數衆多不能不藉兵力以速殲除所謂大刑陳於原野期以當罪而已領兵將弁皆當深知此義約

束士卒俾閭閻良善同登衽席方稱朕用兵衛民之意至克捷歲功之日逆匪家屬例應查明緣坐其被難民人無依子女亦當由地方官撫卹收養若征兵凱撤之時任其紛紛攜帶在賊匪遺孽既因此漏網而良民子女竟至遠離鄉土淪於婢僕此與俘獲何異甚非仰體朕惠鮮懷保之意也此次滑城用兵朕屢經申諭領兵各大員嚴飭該兵丁等毋許掠取財物而於攜帶子女一節實為意計

所不及朕先引咎自責那彥成等知愧與否
清夜捫心自問可也若再不認真查辦罪逾
重矣前據文孚奏到吉林黑龍江官兵有攜
帶子女之事當經降旨查辦旋據管理健銳
營王大臣覆奏並未明晰辦理實屬因循草
率無恥無能昨據富俊查明黑龍江官兵攜
帶子女分別將逆犯親姪照例緣坐凡良民
子女派員解交該親屬認領其無家可歸者
暫交該官兵收養所辦甚為認真因交軍機
大臣傳齊火器健銳二營所帶子女覆加訊
問其籍隸滑濬二縣者僅止十八名其餘一
百三名多係順德廣平彰德等府所屬訊係
該官兵等於凱撤時沿途攜帶領兵各員漫
無約束大屬非是本應將該官兵等治以應
得之罪惟念此次軍務告成極為迅速其奮
勇出力者吉林黑龍江官兵為最火器健銳
營官兵次之綠營兵又次之俱經著有勞績
而攜帶子女一節又未經誠諭於先姑著從

寬一概免其治罪管理火器健銳營王大臣
先經奉旨察辦顛預具奏實屬草率因循怠
玩文孚首先具奏富俊查辦認真俱著加一
級現在查出各幼孩內劉喜兒等六名伊
父母均係不肯從賊致遭戕害實為節義可
憫劉喜兒等六名每名賞銀二兩著該地方
官妥為收養訪明的確親屬再為給領其有
父母兄弟伯叔之四十名口每名賞銀一兩
亦著各該地方官傳到親屬令該幼孩認明
給領如所指親屬先已身故他往即於該處
養濟院收養長大聽其謀生俱交提督衙門
順天府派委文武各二員解送各本籍地方
官收領其無依幼孩七十五名口暫交該官
兵等領回收養此與分給為奴者不同不准
作踐胡為如子女撫養將來如有親屬來京
尋認者即報官給領毋許勒措至此次在京
各大臣侍衛官員曾經派往軍營者如有攜
帶子女及其家人等攜帶者亦免其治罪俱

著自行查明報出。交軍機大臣訊明分別辦理。如隱匿不報以違旨治罪。並著吉林將軍等及此次調派征兵之各省將軍督撫副都統提鎮將該官兵攜帶子女俱詳細查明。照此次章程分別辦理。各自具摺具奏。如辦理草率及因循怠玩者俱以違旨治罪。昨降旨令兵部定立例條。著將攜帶良民子女及逆犯家屬如何分別治罪及領兵官如何議處一併詳議具奏。頒示遵行。尋議上得旨。均著照所議行。王師戡暴安良首嚴軍紀。律載官兵擄掠人口。若於已附地面擄掠者不分首從皆斬監候。此指行師外域新附版圖者而言。尚當卹其人民。以示除暴施仁之意。況內地編氓本吾赤子。除亂逆者按法誅鋤外。其被難流離男婦子女皆應亟為撫卹。若官兵逼脅攜帶豈非自相擄掠耶。所有此次攜帶幼孩各官兵均屬有干軍紀。本應定擬大辟。姑念伊等平日未諳法律。帶兵大員亦未先

申明禁令。是以概從寬宥。著該部將定律同此次議准各條款即行刊刻。頒發京外滿漢各營一體遵照。並著於操演日期逐條宣講。設遇有徵調尤當剴切曉諭。俾官兵等恪遵紀律。約束嚴明。儻有肆意違犯者則軍法具在。按律治罪不赦。○壬寅

孝賢純皇后忌辰遣官祭

裕陵。○癸卯。諭內閣。從來民為邦本。人君撫有區宇。以不忍人之心。行不忍人之政。堯舜三代之治。未有不以仁政為先者也。朕仰承

天

考之命。孜孜圖治。無日不以愛民為心。胞與之懷。痼疾之念。實由於中所不能自己。惟如上年辦理逆案。其情同梟獍。自外生成者。恕然無可矜卹。此外億兆生民。無不視同赤子。誠求保乂。惟恐或遺。昨因凱撤兵丁。有沿途攜帶幼孩之事。朕憫其遠離所親。淪於婢僕。特降旨飭查。派員資送回籍。誠欲使之骨肉完

聚以稍慰如傷之念。其小民有控訴冤抑者。亦必亟為申雪。以重民命。朕宵衣旰食。求莫圖寧。所願者四海之內無一夫不得其所而已。第九重之上。安能徧及。是在地方大吏。仰體朕愛民如子之心。各率所屬。民之所欲與聚之。民之所惡勿施之。拯其流離。開其迷惑。危者使安。枉者使直。以惻隱之心。行慈惠之政。庶幾閭閻幽隱。咸遂其生。善氣所積。於以感召。

天和雨暘時若。年穀順成。朕與天下臣庶共樂昇平。有厚望焉。將此通諭知之。○又諭御史賈聲槐奏戒游惰以重本業。崇節儉以厚民生一摺。食為民天。崇本抑末。警惰黜奢。為藏富閭閻之計。朕節次頒示御製文。諄諄以化民成俗為訓。凡所以飭吏治而阜民生者。至詳且備。地方官果能實力奉行。留心勸課。自可漸返淳風。今該御史所奏。仍不過勸襲緒論。且因本年會試。以生之者眾。四句命題。借

此衍說殊屬無謂。國家設立言官。使之上章敷奏。凡遇地方大吏貪黷營私。及小民冤抑情狀。原准其指事上聞。以憑覈辦。若似此撫拾浮言。於國事有何裨益。著通諭各科道。嗣後均不許以無益空言。濫陳奏牘。賈聲槐所奏著毋庸議。○調兵部右侍郎常福為戶部右侍郎。以理藩院左侍郎禧恩為兵部右侍郎。轉理藩院右侍郎。英綬為左侍郎。以內閣學士玉福為理藩院右侍郎。○以工部右侍郎那彥寶為總管內務府大臣。○以吏部右侍郎秀寧為翰林院掌院學士。○以刑部右侍郎陳希曾為國史館副總裁官。○以內閣學士熙昌署倉場侍郎。○以江西巡撫先福為陝甘總督。漕運總督阮元為江西巡撫。戶部右侍郎桂芳為漕運總督。調福建巡撫張師誠為江蘇巡撫。以刑部右侍郎陳預為福建巡撫。調工部右侍郎江蘇學政陳希曾為刑部右侍郎。以內閣學士鮑桂星為工部右

侍郎降江蘇巡撫朱理為內閣學士兼禮部侍郎銜。○命詹事府詹事王以銜提督江蘇學政。○甲辰加兵部尚書明亮太子少保並賞雙眼花翎。○調正白旗蒙古副都統瑚圖禮為鑲黃旗滿洲副都統鑲紅旗蒙古副都統齊布春為正白旗蒙古副都統以頭等侍衛蘇爾慎為鑲紅旗蒙古副都統。○加陝甘總督長齡都統銜為伊犁叅贊大臣。○緩徵四川協同防堵之通江南江巴廣元四州縣本年額賦。○乙巳諭內閣上年九月十五日禁城滋事逆犯祝現在逃未獲屢經降旨飭拏祝海慶等係祝現同族之人在豫親王裕豐府內當差上年九月初旬並曾至祝現家中裕豐早應據實奏明將祝海慶等交出詢問或用以作線緝捕以期要犯速獲乃匿不奏聞以至外間傳播有祝現在豫親王府內藏匿之言前日朕派英和查拏祝海慶等三人裕豐尚不知自請處分昨復派綿課英和

同赴該王府內查詢祝現蹤跡本日綿課等覆奏查詢情形裕豐仍不自行奏請處分實屬糊塗不知大義裕豐著交宗人府嚴加議處。○以拏獲河南滑縣逆犯王進道賞武生李殿臣等武舉提督徐錕等升敘有差。○免直隸大興宛平長垣開東明五州縣上年隨徵耗銀。○丙午諭內閣馮慧裕等奏請將湖北省委勘淤田升科之試用佐雜微員量予鼓勵又另片奏查拏糾夥搶奪聚眾拒捕人犯之把總李萬春未將為首重犯生獲不敢遽邀議敘各等語此二案辦理失宜未免有重文輕武之見殊屬非是各省試用佐雜人員督撫大吏必須委辦事件方可覘其才具優劣如果遇事奮勉該督撫勤加委用能者獎拔不能者亦應澄汰若委派一事即奏請分別等次施恩恐其中不免冒濫該督等奏請鼓勵之處著不准行至把總李萬春帶領兵丁將聚眾糾搶人犯捕獲數十名鎗斃起

意奪犯之魏第三。其糾衆為首之高升一犯。亦因拒捕身受鎗傷。在監病斃。該弁已屬奮勉出力。乃謂其未能將首犯生獲。聲請無庸議敘。武弁臨陣勦賊。不能責以有生擒而無殲斃。何於捕盜而獨事苛求乎。李萬春著加恩以千總即用。先換頂帶。以示獎勵。○平糶

大清仁宗受天興運敷化綏猷崇文經武恭
勤儉端敏英哲睿皇帝實錄卷之二百八十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十八

[illegible]

救修

嘉慶十九年甲戌三月丁未諭內閣前因訪

緝逆犯祝現查知豫親王裕豐府內有該犯族人祝海慶等當差並伊護衛人等有事前聞知逆謀之事當將護衛拜綰阿及祝海慶等俱交軍機大臣會同刑部審訊茲訊明上年九月初八日祝海慶因事曾至桑堡經伊族叔嵩山告以祝現等習教謀逆等情祝海慶次日回城即向胞伯貴山述知於初十日回明佐領善貴叅領伊精阿及護衛拜綰阿等拜綰阿等恐有不實商令傳到屯領催祝

瑞令其具結。再為呈報。拜綢阿先於是日面稟裕豐。裕豐漠不動念。答以俟查明再辦。及至十六日。善貴等帶領祝瑞具呈。已在十五日滋事之後。裕豐接呈次日。復有不必聲張之語。本日令管理宗人府王公會同軍機大臣。詢問裕豐。裕豐亦答認前後情節屬實。裕豐身為親王。聞有首告謀逆重情。不速行具奏。又不轉報宗人府及留京王大臣。迨事後接收呈詞。仍隱諱數月不奏。實不知其如何居心。昏愾糊塗。罔知國家大義。至於此極。著暫行革去王爵。交宗人府軍機大臣。大學士。六部尚書會同議罪具奏。其拜綢阿伊精阿。善貴既經呈稟。則其咎重在裕豐。惟伊等彼此推諉。輾轉取結。遲延數日。是其應得之咎。拜綢阿善貴俱著開復原官。伊精阿著回任。俱交兵部議處。嵩山於謀逆重情。首先舉發。祝海慶聞知。即向該管處據實首報。均明於大義。嵩山祝海慶俱著加恩賞給護軍校貴。

山一同稟報。著賞給藍翎長伊三人俱撥在本旗大營當差。○戊申
上幸萬壽山。○己酉

上詣

安佑宮行禮。○諭內閣。貢楚克扎布等奏詳查馬匹牛羊虧缺數目。並自請議處治罪一摺。此項倒斃馬匹牛羊。貢楚克扎布在任最久。上年福珠隆阿不諳情形。於嚴冬調查。貢楚克扎布亦不行阻止。咎無可辭。此時若令該總管等全數賠補。未為平允。且該蒙古等生計。恐不免拮据。著將應賠數目分作十成。貢楚克扎布著分賠五成。福珠隆阿著分賠二成。無庸議處治罪。其餘三成著該總管等賠補。俱准照原議二年三年之限。分別完繳。所有報驗皮張著分賞牧廠衆蒙古俾資生計。○又諭莊親王綿課等奏會議裕豐罪名一摺。裕豐上年九月初十日聞知祝海慶等首告逆謀。若立時奏報。迅將匪黨查拏。則十五

日禁城之變。可以先事消弭。其功甚大。乃伊
漠不關心。遲延不舉。實屬無福。承受國恩。祇
知因循疲玩。反罹重咎。逮十六日。接受呈詞。
維時鉅案已成。然逆犯尚多未獲。裕豐據實
奏明。仍可令祝海慶等作線。將祝現各逆犯
按名捕誅。何至遁逃日久。而伊泄泄如前。轉
云不必張揚。實不知其是何肺腑。至前日事
已訪出端倪。朕特派綿課英和前往該王府
查詢。伊仍不知愧懼。拘泥進班日期。不即來
園請罪。種種昏愎糊塗。罔知大義。皆出情理
之外。綿課等議請將裕豐問擬杖流折園。實
屬罪所應得。惟念伊祖豫通親王多鐸從前
在開國諸王中。勲績最著。仰蒙
皇考高宗純皇帝復爵紹封。追配
太廟。國家議功議親。載在令典。朕推念舊勲。宥
及後裔。裕豐賦性情愚。不能復列屏藩。業已
革去王爵。加恩免其園禁。即令在王府外閒
房居住。不准出門閒遊。令其閉門思過。上年

議罰王俸十年。除扣過本年春季俸銀外。其
餘未扣者著責令於兩年內全數繳出。交納
部庫。其應襲王爵著宗人府照例查辦。又
諭慶祥等奏失察火器健銳兩營官兵攜帶
幼孩自請處分一摺。此次凱撤回京官兵。查
明火器營攜帶幼孩僅二十餘名。健銳營攜
帶幼孩則有九十餘名。兩營之優劣。即此可
見。慶祥長慶管帶火器營。沿途曾申明禁令。
其失察官兵攜帶幼孩為數亦少。著交部察
議。桑吉斯塔爾積德管帶健銳營官兵。其攜
帶幼孩較火器營多至數倍。桑吉斯塔爾並
自行攜帶一名。厥咎較重。念其攻克滑城時
首先登城。甚為奮勉。仍照前旨交部議處。積
德由健銳營員擢任副都統。仍令兼管本營
統帶征兵。乃沿途漫無約束。且年力就衰。不
勝副都統之任。著降一級。以本營章京補用。
○以故喀爾喀車臣汗扎薩克親王達爾瑪
錫里弟瑪尼巴咱爾襲爵。○以內閣學士熙

昌兼鑲白旗漢軍副都統○庚戌

上御勤政殿聽政○內閣學士齊布森以讀本錯誤降二級調用○旌表守正捐軀河南新蔡縣民陳有枚女陳氏○辛亥諭內閣吏部議駁吳璥等請將道府二缺改為題缺一摺所駁甚是○運河道原係請旨之缺向多於記名人員內簡放○如果該員到任後不諳河務仍准該河督奏明更調○今遽請以此缺改為在外題補豈奉旨簡用之人悉不如在外保

題之人耶若云初任人員不諳缺分情形則外吏孰不自初任始其稱職與否存乎其人亦非可一概論也○至東昌府本係部選之缺上年曹定匪徒滋事東昌境壤密邇一切事務較繁該撫奏請將嵇承羣升補朕特旨允行豈能因以為例外省督撫遇地方偶有事故往往於事後奏改缺分不知地與事適然相值該督撫平日留心整飭則境壤胥臻寧謐非將一二州縣改簡為繁即能於政治大

有裨益○輕易舊章殊屬無謂○將此通諭各督撫知之○又諭曹綸身為職官甘心附從逆賊林清謀為不軌罪大惡極實從來所未有其身已顯伏國法不可不將其逆蹟書之簡冊俾令遺臭萬年○著國史館將該逆事實編列逆臣傳以為亂臣賊子之戒○以鴻臚寺卿常亮為內閣學士兼禮部侍郎銜○以委散秩大臣棍楚克策楞為正白旗蒙古副都統○壬子頒

御製書裕豐獲咎事曰○去秋賊入禁城非常大變朕思逆謀已有二三年之久勾結亦有數百人之多京城內外官員旗民竟無一人舉首誠不可解矣

列聖一百七十餘年養育深恩竟無一人念及朕惟有仰

天揮淚而已○今幸內安外靖民氣漸淳仍有未獲逆犯祝現等七十餘犯屢命嚴緝尚未就獲祝現係豫親王府屯居包衣二月初聞有

在府中潛匿之說朕意斷無此事然世風卑下人心澆薄恐亦不免竟有意外之事因加密訪得有端倪乃命英和捕獲祝海慶三合始悉原委案情畢露矣癸酉季秋八日海慶在桑岱遇見嵩山密告祝現同林清陳爽等於十三日會齊十五日進城造反之事海慶連夜回京即告知佐領善貴護衛拜綢阿拜綢阿即於初十日密稟裕豐執意視為泛常寂然不動仍令補寫呈詞出具甘結試思海慶三人不過王府微末員弁一聞此信即行稟訴惟恐不及乃裕豐從幼襲爵受我

皇考復還親王

天高地厚之重恩陡聞此信即應立時具摺由驛速奏十一日可至行在朕立遣大臣究辦渠魁可獲逆謀可消即不能全數就擒斷不至突入禁城而裕豐居首功受上賞其勲直與乃祖等矣即或計不及此亦應速告留京王大臣或管理宗人府王貝子公或都統或

提督彼若具奏功仍歸裕豐儻若沈擱咎在彼而不在裕豐不意因循疲玩釀成大變此裕豐重罪一也至十五日午時逆賊犯門斬關諸王大臣皆進內日夜守禦直至朕回宮後始命歸家而裕豐於十六日潛回府第拜綢阿等以呈詞具稟又不具奏乃云事已至此權且收存不必張揚是何言歟彼時逆犯皆未就獲若早呈出亦可速擒伏法以誅心之論責之百口難辯百身莫贖矣此裕豐重

罪二也自九月至三月隱匿原告在府不令彼查拏祝現及至官訊海慶得實尚不請罪朕差莊親王及英和至府查起原呈仍不請罪具何肺腑敢於如此親王雖尊未必大過皇帝太不知分量矣此裕豐重罪三也此非朕欲加之罪過刻之論實據事直書無一字虛假也嘗觀宗室王公功績表傳乃祖豫親王多鐸智勇超羣勲猷卓越定鼎京師收復南京後以睿親王事株連降封信郡王至乾

隆四十二年正月

皇考特命追復親王及封號並配饗

太廟豫親王實開國功勳之首朕敢不敬體

皇考仁心保全其後裔乎裕豐雖失維屏維翰之道國家原有議功議親之典况天潢同派亦不忍自翦枝葉也除明降諭旨治裕豐之罪朕保全宗族之心不可不明示諸王大臣能改因循積習者為國家之棟幹不改者聽之而已

天鑒在上豈能逃罪乎○諭內閣那彥成奏據獻縣知縣張翔稟稱有都察院委員汪象仁步軍統領衙門委員王大用至署口稱訪有逆犯于幅祥弟兄五人寄居獻縣孫爾莊等情經該縣緝獲于兆麟弟兄五人與委員等會訊于兆麟等極口呼冤並有莊民李大法等八十餘人赴縣公保該縣詢問汪象仁等有何憑據惟稱得自傳聞並未奉有刑部飭緝抄單等語現在要犯祝現等六名並其餘

次要逆犯數十名日久未獲必應嚴密查拏勿使一名漏網承緝之員訪悉該犯等潛蹤何處即應跟同眼線前往掩捕或人少慮有疏失密行知會地方官派人協拏均無不可若因奉委出境不能速獲正犯沿途託名風聞將尋常燒香社會查拏一二起以圖暫時搪塞且意存邀功妄拏無辜以偽亂真尤乖禁暴詰奸之意著傳諭步軍統領順天府五城各飭知所派員弁兵役訪拏要犯務憑刑部單開年貌住址確實踴緝勿得濫及平民徒滋擾累其委員汪象仁王大用著都察院步軍統領衙門傳到詢問所緝于幅祥等有何指證據實覆奏其于兆麟等五人姓名並著刑部查明是否應緝之犯迅速咨行該督以憑覈辦○癸丑

上幸萬壽山○諭內閣吳璥等奏請挑獨山湖引渠並堵築泗河民堰改挑直河一摺獨山湖承受附近各州縣山泉坡流並泗河有餘

之水由昭陽湖遞達微山湖。蓄水濟運。近年來各處引渠。全行淤墊。每遇泉水長發。不能導引。歸湖轉致泛溢。民田自應亟為疏濬。又鄒縣境內泗河南岸民堰。因北岸淤灘挺峙。逼溜南趨。屢築屢潰。亦應一律挑培。著照所請。將估需工銀一萬九千三百餘兩。先於司庫地丁項下動支。飭令趕緊興辦。毋誤本年伏秋汛期收水之用。該河督等仍隨時嚴密稽查。毋令工員等有草率虛糜情弊。至此項工程。前任河督等並未及早勘驗。致有貽誤。均難辭咎。除李亨特業已查抄外。所有前項動支司庫銀兩。毋庸分年攤徵。著該河督等查明歷任貽誤道廳各員。分別攤賠歸款。以示懲儆。○又諭。昨因裕豐獲咎。朕特製書事文一篇。並令阿哥等繕譯清文。著發交管理宗人府王貝子公等。傳知宗室人等。君臣上下。本屬一體。宗室派出天潢。尤與國家休戚相關。裕豐因聞知首告叛逆。心存膜視。獲罪

諸宗室當以為鑒。各將所發御製文恭錄清漢字。各一通。存之於家。朝夕觀覽。俾咸知大義。毋負訓言。○又諭。富俊等奏黑龍江邪教。遣犯二百四十七名。具呈悔過。出教懇請飭部議減一摺。所奏謬誤。不可行。邪教自首免罪之例。係於未經破案之前。畏罪改悔。原可宥其既往。予以自新。若已經發遣之犯。皆係破案後審明治罪者。豈得因其具呈改悔。妄求減罪。若罪人皆可以改悔減免。豈重辟人犯於勘定之後。亦可以悔過末減耶。富俊蘇清阿。俱著傳旨申飭。仍交部議處。所有該處邪教案內各遣犯。仍著該將軍等嚴加管束。如有滋事脫逃者。即按律嚴辦。勿稍姑息。○諭軍機大臣等。將攸銛等覆奏。粵省查辦匪徒情形一摺。粵省地廣民稠。良莠不齊。全在地方官實力整飭。以期漸革澆風。摺內所稱六浮山及回肚面山二處。有商人黃大通等鐵廠錫廠三座。每處工丁一二百名。因恐人

衆難於稽查。俱飭令封禁。令該商將各工丁妥為遣散等語。所辦尚未妥協。上年陝省南山匪徒。即因木商停工乏食而起。粵省山內鐵鍋等廠。該商等久已利為恒業。而工丁等亦藉以謀食。今驟加封禁。此數百名失業工丁。豈一二商人即能將其散遣。俾無失所。此等無藉游民。轉致流而為匪。所有此數處廠座無庸封禁。應官為設立章程。或編造丁冊。令該商等遞加保結。地方官再按季考察。使各貧民有餬口之地。又不致藏垢納汙。方為正辦。又所奏專禁內地民人傳習天主教一節。自應如此辦理。天主教本傳自外洋。該夷人居住。舉門自習其教。原可不必過問。惟該夷人若向內地民人傳授。則恐其煽惑流毒。此不可不嚴切申禁。一經查出。不但將內地習教之人。按律懲辦。其傳教之西洋人。亦一併嚴懲。該督等總期張弛得宜。綏靖地方。為要。將此諭令知之。○禮部以宗室會試中額

請得旨。取中三名。○以故喀爾喀賽因諾顏輔國公齊旺達什子德勒克達什襲爵。○甲寅諭內閣。為政在於得人。國家設官分職。內由卿尹。以及曹司。外由督撫。以及守令。咸得其人。則庶績咸熙。自無隳事曠官之慮。朕所夕旁求。惟以登崇賢俊。澄汰貪庸。為敷政安民之本。凡內任京堂大員。於召對時。覘其材品學識。量能除授。獲收明試以功之效。至百職庶司。員數衆多。焉得人人而識之。是在為之長者。秉公持正。獎拔賢能。為國家培養人材。共襄治理。方不愧以人事君之義。如司員保舉外任。該堂官既列之薦章。朕即於此內簡膺方面。乃稱職者固多。而濫竽者實亦不少。當保送之時。堂官等但以其年資合格。不肯嚴為甄別。一經外用。督撫等又以特簡之員。不肯輕加糾劾。任其貽誤地方。於吏治民生。所關匪淺。近來諸務因循。內外一轍。推原其由。服官任事之人。因避專擅之名。遇事推

諉遂致疲玩成風。不知專擅者非其分內之事。越俎代庖。營私翫法。誠為法所宜懲。若以職分應盡之事。而相率退讓。避谿刻之名。不嚴以率屬。懼煩苛之諍。不勤以奉公。則曠誤相仍。其害滋甚。豈蓋臣為國之義乎。所有內外大吏。務各慎簡。乃僚勤修厥職。俾賢傑奮興。庶明勵翼。朕實有厚望焉。○又諭內廷行走親王郡王等。較閒散王等。差使繁多。儀親王成親王。皆係朕兄。且年近七旬。若令諸王常川進內。朕心有所不安。若竟不令在內廷行走。似覺疏遠。朕復不忍。嗣後儀親王成親王。除遇

大祀大典。朕御門辦事。及所管衙門奏事帶領引見日期。照常進內當差外。朕出入圓明園及各處拈香。臨幸清漪園等處。均著不必隨往。以示體恤。肅親王永錫近來辦事留心。實屬奮勉。永錫著加恩賞戴三眼花翎。在內廷行走。○調兵部尚書明亮為都察院左都御

史。禮部尚書和寧為兵部尚書。左都御史景安為禮部尚書。○命山東學政內閣學士黃鉞來京。仍在南書房行走。大理寺卿王引之提督山東學政。○乙卯。諭內閣。前據刑部奏審訊王三等勾通天津鋪戶販運米石出城。恐有回漕情弊。當降旨交那彥成查究。茲據那彥成奏稱。天津烟戶稠密。惟藉商販米石接濟。刑部訊出該鋪戶盧德等。自上年四月至今。共買運細糧米一萬四千餘石。於全漕似無大礙。等語。奸商私運米石出城。本干例禁。京城居民繁庶。百倍天津。此項私運糧米一萬四千餘石。若云可濟天津民食。獨不計都城民食驟少此數乎。況天津一帶為漕艘經過通津。正係回漕弊藪。豈可不嚴密查禁。著那彥成仍派員確查。該處私運米石。若實係細米零星售買。無庸究辦。儻將粗米攪混影射回漕。即嚴拏按律懲辦。以除積弊。並著刑部將王三等再行提訊。該鋪戶等所買米

石如有賣給旗丁口漕情弊即確訊某幫某丁。開單咨行該督按名查拏究辦。○丙辰諭內閣孫玉庭奏請將溢額兵米糶價充餉一摺。雲南嵩明等九州縣溢額米石因倉廩不敷收貯民房廟宇日久潮溼難免霉變之虞自應量為調劑著照所請將此項米石飭令各該州縣按照市價就近糶賣其糶獲米價隨時解交藩庫報撥充餉以歸實用。○禮部以會試中額請得旨滿洲取中七名蒙古取中二名漢軍取中四名直隸取中二十三名奉天取中二名山東取中十七名山西取中十二名河南取中九名陝甘取中九名江蘇取中二十名安徽取中十四名浙江取中二十一。江西取中十八名湖北取中十一名湖南取中八名福建取中十二名廣東取中六名廣西取中六名四川取中六名貴州取中九名雲南取中九名。丁巳諭內閣從來兵制與國賦相權而行我朝建設各省營兵

久有定額其小有損益亦皆就地方情形隨時酌定惟乾隆四十六年添補名糧額缺案內一時各省驟添兵六萬六千餘名為數較多迄今三十餘年於武備無甚裨益而帑項已多用至四千餘萬前曾降旨令大學士軍機大臣會同兵部將增設兵糧額數酌量汰減詳議具奏本日議上朕披覽摺內現在各省額兵六十二萬四千餘名較之雍正年間及乾隆四十六年以前所增實多自應酌加裁減惟各該省地方情形有今昔不同者亦當熟思審慮各就現在經制參考先後所設兵數汛防控制情形將應汰應留通盤籌畫庶餉不虛糜而兵皆足用著各省總督山東山西河南巡撫成都將軍河道漕運總督各將所屬標下各營及該提撫鎮協等營兵內每省可以汰減若干據實具奏彙交原議大臣再行覈議尋奏除直隸安徽山東河南陝西甘肅六省及河東河標或兵額本簡或控

制緊要難以酌減外江蘇裁額兵三百六十五名。漕標裁八十四名。河標裁二十五名。江西裁額兵一千八十三名。浙江裁額兵七百二十八名。福建裁添募暫設兵一千三百五十名。馬五百六十匹。湖北裁額兵一千六百三十六名。湖南裁額兵一千五百五十四名。山西裁額兵一千八百六十五名。四川裁額兵六百三十名。廣東裁馬六百九十六匹。廣西裁額兵六百三十名。雲南裁額兵二千三百三十二名。貴州裁額兵一千九百五十八名。統計裁兵一萬四千二百四十名。馬一萬二千五百六十六匹。每歲共節省餉銀二十七萬一千九百三十二兩有奇。米三萬七千五百五十五石有奇。從之。○又諭明亮等奏會議松筠條奏回疆事宜一摺。所議俱是。伊犁將軍總統新疆事務。其南路地方向由喀什噶爾參贊大臣管轄。各城阿奇木伯克等缺。即由該參贊大臣驗看。分別奏調驗放。向例

並不會商將軍。若調赴伊犁驗看。長途跋涉。殊非體恤之道。將軍事權亦不免過重。自應仍照舊章辦理。至軍臺當差回衆口糧。向不動支官項。從無年終咨報之例。其開墾開田。疏引餘水。係各城隨時興辦之事。亦無庸另議升科。餘俱照所議行。○戊午。上幸靜明園詣龍神廟拈香。○諭內閣。那彥成奏於官兵攜帶幼孩。未能約束稽查。自行議罪一摺。那彥成身為統帥。於凱撤官兵。約束不嚴。致紛紛攜帶幼孩。本有應得之咎。惟念伊平素未諳軍律。此次出征之時。朕亦未先行申諭。昨兵部議處軍營各員。均已加恩從寬辦理。那彥成自請交部嚴議之處。著加恩寬免。其請罰世職俸十年。亦減為五年。所有官兵等自滑縣至出山海關。一應車馬供應。俱不准報銷。罰令賠出。送回各幼孩。經過直隸境內所需盤費等項。亦一併著賠。以示薄懲。○撥直隸

宣化天津兩鎮標兵各四百名。督標兵二百名。移駐大名左右。開州杜勝等營。從總督那彥成請也。○旌表守正被戕四川漢州民文應爵妻趙氏。○己未諭軍機大臣等。山東曹縣定陶等處上年因教匪滋事。民被兵火。朕憫念窮黎失所。疊次施恩。有加無已。但此次該省滋事賊匪。並非外寇。即係本地莠民。自為蹂躪。鄉里受其荼毒。室家蕩然。伊等亦無可怨尤。今朕保赤深恩。為之給其口食。謀其生計。伊等天良具在。寧不知中誠感激。該撫當廣出示諭。以爾等幸於兵燹之後。重樂昇平。今後惟當勉為善良。勿辜朝廷恩意。即如滑縣一經賊匪屯聚。大兵所至。玉石俱焚。地方良民被難者。亦不可數紀。此後爾耆老百姓及紳士人等。均不可不互相勸戒。稽查勿為邪說所愚。勿為奸徒所煽。各安耕鑿。保守家室。庶風俗淳良。永享太平之福。如此剴切曉諭。亦化民齊俗之一助也。將此諭令知之。

○展緩山東被賊滋擾之曹定陶河澤鉅野城武鄆城單濮范觀城朝城金鄉十二州縣。本年額賦。○庚申諭內閣。弘謙等奏酌定雲騎尉品級章京補缺章程一摺。五陵八旗額設雲騎尉品級章京。遇有缺出。如本旗無合例應升人員。向係由京補放。於該處差使未能熟習。著照所請。嗣後該處缺出。本旗無應升之人。即在本翼三旗驍騎校及讀贊等官合例人員內。揀選補放。毋庸由京揀補。所有現出鑲紅旗雲騎尉品級章京員缺。即照此辦理。著為令。○辛酉諭內閣。同興奏訊明教習李庭業未及告假離館回籍。前於保奏防守出力紳士。不能詳查列入單內。實屬疏忽。將李庭業解部治罪。並自請議處等語。上年豫東教匪滋事。勦除迅速。各省所保人員。俱不免有冒濫。即如同興摺內所稱曹濟各屬處處戒嚴。紳士等練勇防護。此雖捍衛城垣。亦係自保家室。如賊氛擾及。或嬰

城殄寇著有勞績自當加以恩獎其附近戒備之區實係身先倡義捐出厚貲或將為首者甄敘一二。此外隨同守禦者安能一概濫及。著同興將上次保列各紳耆再行秉公確查。如有濫給者即奏明徹銷不得稍存迴護。該撫不行詳查將李庭業列入單內。著交部議處。至李庭業捐貲守城查無捏飾情弊其家有老親聞警奔歸亦屬人情惟未及告假擅自離館是其應得之咎著刑部訊明將所給議敘徹銷以抵其罰無庸再行治罪。○戶部議准湖廣總督馬慧裕疏報漢川沔陽天門江陵四州縣文出民業官荒田一百二萬畝有奇照例升科從之。

實錄卷二百八十八

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十八

實錄卷二百八十八

三

太廟遣儀親王永璣恭代行禮○諭軍機大臣等。同興奏武城縣教犯姜明自行投首。現在回省訊辦一摺。已明降諭旨。將武城縣知縣吳士超解任。交該撫訊辦。該撫即親提案內人證。將徐忻邵得成等所供各情節逐一嚴訊。秉公定擬具奏。該省民人往往惑於燒香治病。流入邪教。並著同興廣出示諭。以爾等鄉曲愚民。若欲燒香祈福。則祠廟正神。原不禁瞻禮祈禱。若因患疾病。則延醫調治。比之

九四五

者轉益加多。現在此兩省共未解銀六百六十餘萬兩。山東省亦增至五十萬餘兩。其甘肅雲南直隸福建廣東等省亦均有未解銀兩。實屬因循疲玩。直省各州縣經徵銀兩。乃國家惟正之供。度支經費所從出。若州縣徵存而不解司庫。以致部中指撥日形支絀。頻年積壓。相仍國用。將於何取給。各督撫受朕厚恩。具有天良。無一實心辦事。思之實深憤懣。全不以國計為念。一任不肖官吏拖延。樊

混。總不上緊清釐。明知經費未裕。瑣瑣焉議於常賦之外。設法巧取。而置分應提催之款於不辦。豈非本末倒置。公私罔辨乎。江蘇安徽二省為數最多。張師誠甫經簡調。胡克家亦到任未久。無所用其迴護。山東省較之甘肅等省亦多至數倍。著嚴飭各該督撫。即督率該藩司認真查辦。各將徵存未解之款儘數提解司庫。報部報撥。如州縣中有延不申解者。嚴叅治罪。以儆其餘。儻提催不力。則惟

該督撫藩司是問。恐不能當此重咎也。○署倉場侍郎吳烜因病乞假。允之。以刑部左侍郎許兆椿署倉場侍郎。○甲子。

上詣

時應宮

昭顯廟拈香。○還宮。○諭內閣。百齡奏查閱徐州鎮標各營官兵技藝嫻熟。懇請將徐州鎮總兵沈洪貴加議敘等語。上年沈洪帶兵赴東豫境內勦堵賊匪。該督前次彙保出力。

員弁時未將沈洪保奏。迄今事逾數月始代為奏請議敘。殊於事理未協。至該總兵於所轄營伍訓練整齊。係分內應辦之事。無庸加以獎勵。所奏不准行。又另片奏革職副將趙得功隨營勦探出力。趙得功著送部引見。再降諭旨。至山東單縣生員薛檀雇勇防堵緝獲賊匪。應由山東巡撫查奏。該督係兩江總督。代為懇恩亦屬越俎。其所請將薛檀賞給從九品職銜之處著無庸議。○諭軍機大臣

等百齡等奏籌辦江境漕運河防一摺本年
邳宿運河水勢短絀而洪湖受黃淮二瀆之
水恐難容納此二者皆江省最要之事現在
首二兩幫雖已趨入東境而在後幫船甚多
除借汶水濟運之外江境有何可以導引之
水百齡等惟當無分畛域酌盈劑虛總期於
重運無誤以收和衷共濟之效至河口係湖
水去路現據稱加挑引河之後湖水較暢湖
面僅長水四寸但桃汛長水有限瞬息伏秋
大汛為日方長堰圩各工存在喫重不可稍
存大意其所稱修築隄工啟放各壩以及籌
辦下河歸海之路並分洩黃水各事宜惟在
該督等思患豫防多方籌備總之今歲江境
務保安瀾萬不可稍有疏失百齡等當慎之
又慎勉之又勉也將此諭令知之○以常雩
祀

天於
圓丘自是日始齋戒三日○乙丑諭內閣據滿

珠巴咱爾奏查明木蘭各處圍場牲獸甚少
本年正二月間大雪數次至今尚未融化三
月十九以後又連日大雪道途泥濘異常等
語本年甯內入春以後雪澤尚多山路泥濘
再經夏秋雨自必倍難行走且各處圍場
牲獸較少亦應畧為孳息所有本年木蘭秋
獮典禮著暫行停止俟明歲照例舉行至今
秋既不行圍亦無庸臨幸熱河○又諭御史
孫汶奏各省赴京控案咨交本省督撫均有
逾限未結者而山東省為甚請旨飭令迅速
辦結等語各衙門咨交本省控案前經立有
定限逾限查叅乃該督撫任意延宕罔知顧
忌現在兩江及其餘省分均有十案至三四
案不等直隸省有三十二案而山東省則竟
有八十九案之多雖經都察院屢次查叅泄
泄如故以致原告守候無期本年復紛紛來
京具控其因循疲玩實為尤甚同興等敢於
如此疏懈不慮朕降旨拏問乎所有山東省

未結八十九案著責成該撫同興與藩司朱錫爵臬司劉大懿三人即速分提審辦勒限一年全數辦結並著伊三人每月將所分股內已結未結各若干案自行具奏一次若再有延玩是有心誤國必加懲處不貸其直隸省三十二案著交那彥成率同臬司錢臻迅速審辦亦著勒限一年每月具奏一次伊二人到任未久各案非由伊等積壓無所庸其迴護但此後設再逾限則伊二人亦無所辭咎其餘各省未結之案並著各該督撫上緊清釐毋稍延緩干咎○又諭前據巡視東城御史塔勒炳阿等奏該城指揮謝天膠訪獲要犯侯添幅等交部審訊當以該指揮緝捕認真賞給花翎寧絀以示獎勵茲據軍機大臣會同刑部訊明侯添幅等五名並無習教從逆情事內有二名曾經學習拳棒亦經該督審擬咨部有案是侯添幅等該省業已查辦且並非要犯訊之獲犯之黃有功據稱伊

與謝必得等五六人均非該指揮衙役係給有印票令馳往外府州縣無分畛界緝拏等語現在逆案內著名要犯尚有祝現等六名日久稽誅其餘指名緝拏者亦尚有數十名未獲該民人等如果知其實在下落首拏到官朕必加以優賞即曾經習教之人能將該犯等所在據實舉首或送信捕獲朕亦必免其習教之罪仍一體給賞屢經降旨甚明是此等著名要犯民人皆可捕捉何庸給與印票若令該民人執持該指揮無分畛域印票四出查訪將外府州縣尋常案犯亦令緝拏恐藉端嚇詐滋擾閭閻且離京既遠真偽莫分必致要犯未獲而流弊已不可勝言謝天膠除寧絀業已給賞外其賞戴翎枝著即行撤回如能將祝現等要犯緝獲再行施恩○鑄給四川越窩廳煖戴田壩土千戶印信從總督常明請也○丙寅

上詣

南郊齋宮齋宿○諭內閣朕向來恭祀

天壇自太和門外乘輦詣

壇行走不過五刻本日新換旗校尉昇輦行走

遲至十刻之久內惟頭班末班及中閒經過

天橋此三班校尉昇行尚速人亦健壯其餘

各班甚覺遲緩多係瘦弱數月以來鑾儀衛

大臣章京等不認真督率演習俾臻嫻熟殊

屬怠玩除命軍機大臣傳旨申飭外所有管

理鑾儀衛大臣和世泰著罰俸三箇月鑾儀

使長慶禧恩德克進著各罰俸半年專管演

習昇輦校尉之章京及本日帶班遲緩之章

京著查明各罰俸一年其頭班末班天橋三

班昇輦校尉加恩每人賞給一兩重銀鏤一

箇此三處帶班章京均免其罰俸著該管大

臣等督率該章京勤加教導務照向日行走

五刻舊規演習嫻熟毋再延玩干咎○丁卯

常雩祀

天於

團丘

上親詣行禮○幸圓明園○諭軍機大臣等常

明等奏涼山生番出巢滋事會商勦辦緣由

一摺涼山生番因夷地歉收分股四出於銀

廠溝那裏溝東寧鄉一帶焚掠滋擾自應懾

以兵威迅速勦辦毋令蔓延為患此時常明

已商令多隆武帶兵二千名前往會同永寧

道劉斌相機進兵如軍威震懾該提督等到

彼剋日辦理完竣即飭令地方官將被擾難

民妥為安撫毋使失所儻該生番等仍守險

拒敵多隆武不能辦竣常明不必親往著在

省鎮撫料理地方事務賽沖阿素嫻軍旅著

即星馳前赴該處督率勦辦該將軍新受重

恩自必倍加奮勉迅除草竊以靖邊隅川省

距京較遠軍務情形俱著由五百里馳奏以

慰懸廬將此傳諭知之○戊辰引見辛未科

散館人員得旨此次散館之修撰蔣立鏞業

經授職其清書二甲庶吉士林則徐楊希銓

漢書二甲庶吉士吳慈鶴潘錫恩程恩澤黃玉衡羅永符劉斯喟袁銳廖文錦許乃濟王惟詢錢駉許邦光張敦頤王茂松周凱陳鴻熊遇泰陳繼義王贈芳譚言謫邱家煒俱著授為編修漢書三甲庶吉士奎耀王雲錦福申李象鵬龔綬俱著授為檢討胡方朔馮元錫曾秩汪鳴謙周際釗李恩綬陳焯恩貴王培陸堯松宋劭毅何炳彝朱士林徐謙莫焜喻元準凌銓尹佩珩曹師恕馬志燮尹世衡俱著以部屬用姚維藩何惠羣鄭家蘭辛文汴黃揚鑣邊鳳翽倪彤書閻善慶趙鉞盧演復羅以豐劉體仁陶廷皋盧振新阮貽晃党紹修俱著以知縣即用龍雲圻黃崇光俱著歸原班銓選○諭軍機大臣等據初彭齡台斐音奏桂芳於上月二十六日行抵武昌因患病不能前進伊二人已先行馳赴廣西等語桂芳途次患病未能前進廣西審案緊要著初彭齡台斐音二人迅即兼程前往會同

將攸銘秉公查辦此旨到日桂芳如已病痊自己趨程趕赴前途若病尚未愈毋庸勉強起程廣西之案有初彭齡等三人足敷辦理桂芳著在武昌安心調理○以故土爾扈特扎薩克親王車璘烏巴什子恩克濟爾噶勒襲爵○己巳上幸萬壽山○諭內閣豫通親王多鐸後嗣除第三房出繼外尚有五房此次襲爵自應於每房內各揀選一人帶領引見不應於長房獨揀選三人所辦甚屬草率著宗人府於原揀選之裕興裕全哲沖額三人內秉公揀選一人其五房內原揀選之佛歡雖係該房長子既不識字亦難入選著於該房內另行揀選一人俟朕由香山回園後帶領引見管理宗人府王貝子公等辦理此事未免任意著各罰職任俸半年○以禮部尚書景安為滿洲繙譯會試正考官禮部右侍郎穆克登額為副考官○庚午諭內閣據高杞奏查明南

路撫卹及軍需銀兩。照例報銷。其餘各款請捐廉歸補一摺。甘肅秦階等州縣間有陝省被勒賊匪闖入境內。所有撫卹銀二千八十餘兩。自應照例題銷。至該省官兵派赴河南陝西勦捕賊匪。除鹽菜口糧等項作正開銷外。此外添設腰站夫馬供支。中途調回馬匹。及防城守卡民夫口食。解運軍火糧餉委員盤費。並報銷書識紙張飯食等項。共用銀二萬七千四百餘兩。著高杞督率藩司覈實確

查造冊報部。毋許絲毫冒濫。應准應駁部中。按例覈銷。毋庸令該督與藩臬兩司捐廉歸款。○又諭李亨特前在河東總河任內。因事獲譴。發往伊犁。經朕棄瑕錄用。命往南河効力。於承辦荷花塘漫工。執持謬見。以致壩身已堵復蟄。僅予薄懲。發往熱河嗣復洊擢河東總河。李亨特屢邀破格恩施。自應感激愧奮。力圖報効。乃於微山湖蓄事。宜不能先期籌辦。任其日就淤淺。現在湖心存水僅止

尺餘。即尋常河泊亦不至枯涸。若此。李亨特廢弛河工。貽誤漕運。厥咎甚重。且於罷斥後。仍恣意侈慢。不知儆懼。部議發往新疆。尚不足。以蔽辜。李亨特著先在部枷號半年。再發往黑龍江効力贖罪。○諭軍機大臣等。據成林奏甄別不稱職之員。請旨勒休一摺。知州蘇榮坪。知縣羅樹德州。同李培林。徐瞻雲。四員。著蔣攸銑台。斐音抵粵。西後。再覈實察看。如果係年邁才庸。不能勝任。該督撫再行具

奏。候旨遵行。儻成林考覈不公。該員等或有屈抑之處。即據實叅奏。毋稍迴護。將此諭令知之。○以故喀爾喀扎薩克圖汗扎薩克貝勒成敦扎布子曼達爾瓦襲爵。○命內閣學士熙昌。馳往直隸平泉州審案。○以內閣學士黃鉞。為戶部右侍郎。○予故戶部右侍郎趙東沖。祭葬如例。賞銀三百兩治喪。○賞會試年老舉人齊殿楹等五十九名檢討助教。學正職銜有差。○辛未。諭軍機大臣等同興

奏審訊姜明石瑾二案大概供情一摺據稱姜明於嘉慶九年正月間由邵大校傳給歌詞伊即邀同劉八等起立如意會燒香念誦本年正月被該縣訪拏伊情願改過自新別無傳徒惑衆情事並將姜明供出歌詞鈔錄呈覽朕閱其歌詞雖屬鄙俚均係勸人為善並無違悖字句惟伊等既知勸善則聖賢書籍何非教人為善之意外此如世所傳之陰陽文感應篇等類朝夕誦習亦可為修身行

善之助若自行編造歌詞私立會名轉相傳授是即與邪教相類著同興廣出示諭剴切訓導俾無知愚民共知禁戒勿再效尤致干法令其姜明一案質訊明確即行擬結可也至德平縣石瑾等窩匪一案搶劫多次擾及鄰省必須從嚴辦理將此諭令知之○以奉宸苑卿福勒洪阿為內閣學士兼禮部侍郎銜○壬申

上幸靜明園詣

龍神廟拈香○幸靜宜園○緩徵河南商邱縣上年水災漕糧及漕項銀米○是日駐蹕靜宜園至丙子皆如之○癸酉諭內閣據那彥成奏查明失察逆匪之歷任總督府尹及藩臬道員在任年月請分別示罰等語此次教匪謀逆伏匿郊畿該管官毫無覺察厥咎甚重除溫承惠方受疇素納慶格業經議罰並在任不及一年各員均無庸置議外鄒炳泰著罰繳銀二萬兩宋鎔李鈞蘭福昂湛露

著各罰繳銀一萬兩楊志信靈保士俊著各罰繳銀五千兩以示懲儆○又諭那彥成奏軍需用項仍請捐廉攤補一摺上年教匪滋事直隸省軍需動款約計九十萬兩前因該管各上司平素漫無覺察以致釀成叛案降旨令那彥成查明議罰示懲茲據查覆歷任各員人數無多著落分賠帑項仍屬虛懸請照前奏均攤歸款著照所請即交該督將軍需動用銀九十萬兩督飭藩司詳細覈算在

於現任大小官員養廉內分作十五年均勻攤扣歸款。○又諭本日兵部奏護軍統領敬徵入場彈壓請簡員署理已諭令無庸派署矣。向來兵部凡遇前鋒統領護軍統領偶派數日差使即請派員署缺所派之員接署一二日旋即交替殊涉紛繁嗣後前鋒統領護軍統領凡出差在半月以上者該部仍照例奏署其在半月以內者兩翼前鋒統領有一人出差其印鑰著互相兼署八旗護軍統領遇有出差之缺著按照旗分次敘將印鑰交其次之員兼署著為令。○移陝西水圍城甄坪營汛及分防縣丞駐老觀坪從調任總督長齡請也。○甲戌諭內閣此次攻克滑城官員賞給議敘兵丁賞給錢糧前降諭旨甚明霍隆武等斷無功牌餉銀二項並領之理伊等本由食餉兵丁虛加頂帶應賞給錢糧將兵部議敘功牌按名追繳嗣後各營凡有頂帶而仍食餉銀者遇有恩旨均賞給錢糧毋

庸議給功牌以歸畫一。○禮部以滿洲繙譯會試中額請得旨取中六名。○調任陝甘總督長齡等奏查漢中興安二府距省一千餘里兼之山路崎嶇遇有請領急需往返有稽時日是以漢中府庫原額備貯銀六千兩興安府備貯銀三千兩查興安漢中均在崇山之內情形相同自應寬為籌備現查鳳翔府額貯銀八千兩該府地處平原距省不遠與同州府程途相倣同州府既無備貯銀兩則鳳翔府備貯一項自應裁撤即請以此項分撥漢中府銀四千兩共有備貯銀一萬兩興安府銀四千兩共有銀七千兩既無庸另請帑項而一轉移閒於各該府地方情形均為合宜從之。○阿克蘇辦事大臣托雲泰緣事革職賞已革護軍統領楊澍曾藍翎侍衛為阿克蘇辦事大臣。○改福建分巡寧福道復為糧儲道從總督汪志伊等請也。○緩徵江蘇豐沛二縣上年續被霜災新舊額賦及應

還麥畝○緩徵江西豐城縣節年水災未完
籽種穀石○乙亥

上御演武廳閱健銳營操○諭內閣此案寶義
於本營官兵接駕時突出道旁呈遞書本幾
致御馬驚逸刑部照衝突儀仗例擬發駐防
當差無以儆衆寶義著先在本營枷號一箇
月滿日同伊眷屬俱發往熱河作為該處駐
防閒散交該都統等嚴加管束如三年無過
准挑給兵丁差使總不准揀選官職嗣後八

旗兵丁如有衝突儀仗者均著照此辦理○

緩徵湖北沔陽監利天門荊門應城五州縣

上年歉收新舊額賦○丁丑

上幸靜明園○還圓明園○戊寅

孝端文皇后忌辰遣官祭

昭陵○命於

黑龍潭

覺生寺設壇祈雨○諭軍機大臣等松筠奏
玉努斯之子邁瑪特瑪哈蘇特年甫十歲性

頗良善請暫停王爵先襲封貝子俟其及歲
當差果堪造就陸續加封貝勒郡王等語所
奏非是玉努斯緣事獲罪所出王爵係伊祖
額敏和卓功勳所立承襲自有定例玉努斯
之子係罪人之子例不應襲松筠率為奏請
且令先襲貝子尤屬非宜松筠係大學士兼
任將軍辦事歷練有年今如此游移輟弱銅
疾難除本應交部議處姑念此係密奏免其
交議著傳旨嚴行申飭其承襲王爵譜系著

該將軍行知吐魯番領隊大臣報明理藩院

照例辦理可也將此諭令知之○以故和碩

特扎薩克貝子巴特瑪策凌子普爾普襲爵

○己卯諭內閣朕聞裕瑞在盛京不能約束

移居諸宗室諸宗室亦皆不服並聞伊初到

時即有蕩檢踰閑之事當降旨令和寧緒莊

查明叅奏茲據和寧等覆奏裕瑞初到盛京

即欲買妾經民人張二等商令民人徐恭休

妻假捏姓名賣與裕瑞為妾伊等未經查叅

請交部察議等語。裕瑞獲咎請居盛京。不知安分思過。復買有夫之婦為妾。即此一端已屬無恥。妄為其別項劣蹟。亦無庸再行查奏。裕瑞著在盛京嚴密圈禁。派弁兵看守。不拘年限。張二等照例治罪。擬結。和寧緒莊先未參奏。迨降旨查詢。仍意存掩飾。僅自請察議。不足示懲。緒莊身係宗室。不免有心袒護。著交部嚴加議處。即來京聽候部議。其所遺盛京副都統員缺。即以和寧降補。無庸交議。晉昌未到任以前。盛京將軍事務仍著和寧署理。祿康在盛京居住。頗知敬畏。約束眾宗室亦甚妥協。著加恩賞給主事戴用四品頂帶。與文弼傑信一同辦事。○諭軍機大臣等。將攸銑奏被叅之署融縣知縣錢培善稟訴屈抑一摺。此案前據成林奏到。已降旨交桂芳初彭齡會同該督撫審辦。茲據蔣攸銑奏。錢培善被叅之後。稟訴成林有勒寫親供情事。並案內之李老六是否正盜。均應訊究。明確。

俾無枉縱。初彭齡審訊此案。務虛衷嚴鞫。不可稍存成見。如李老六實被誣扳。錢培善辦理此案並無捏飾。當為之辯明。消雪。將勒供迎合各員據實叅奏。再藩臬同城均有奏事之責。若僅止未叅成林。隨摺嚴叅候旨。儻有意迎合。亦有劣蹟。即照于易簡之例一併革職。拏問。查抄治罪。不可姑息。疏縱。儻李老六果係正盜。錢培善規避捏詳。屬實。審明後按律定擬。並治錢培善以飾詞妄訴之罪。不可因成林現已獲咎。一概諉過。總當一秉至公。毋稍偏倚。將此諭令知之。○以已革豫親王裕豐弟裕興襲爵。○以禮部左侍郎瑚圖禮為兵部尚書。轉禮部右侍郎。穆克登額為左侍郎。以內閣學士寶興為禮部右侍郎。○調正藍旗漢軍都統奕紹為鑲紅旗滿洲都統。以前任江寧將軍興肇為正藍旗漢軍都統。調鑲黃旗漢軍副都統董連第為鑲黃旗滿洲副都統。以武備院卿阿蘭保為鑲黃旗漢

軍副都統○予河南陣亡把總楊秀庭祭葬世職如千總例都司紀祥守備許天貴千總李洪春住起鳳把總朱祥李登高外委吳毓瑄馮國棟李有時傷亡把總梁國幹祭葬世職陣亡兵勇柯玉等一百九十五名賞卹如例○予福建捕盜被戕千總林士輝祭葬世職出洋淹斃巡檢于尚敬祭葬外委巫鈺等三十二名賞卹如例○庚辰

上詣

黑龍潭神祠拈香○調江西按察使徐忻為湖南按察使湖南按察使恒敏為江西按察使○辛巳諭軍機大臣等那彥成前奏請將督標及宣化天津鎮標兵抽撥一千名移置大名等營特降諭旨允行茲該督以該兵丁等各有父母室家遠道遷移於操防未能得力請於督標並宣化天津二鎮標各營兵內照抽撥之數陸續裁汰飭令大名等營就近招募所奏係屬實在情形自應如此辦理惟

是宣化天津二鎮均係要地驟各裁去兵四百名亦未免過多著該督再於通省營伍內酌量均勻裁汰以符一千名之數其大名各營即按新增兵額招募充伍至新募之兵該處甫經綏靖上年賊黨中實難保無漏網匪徒若朦混入伍所關匪細該府附近地方上年守城禦賊曾充鄉勇民人甚多伊等素與賊為敵又曾練習技藝應先儘募令入伍既易於辨識兼可訓練得力將此諭令知之○

以大學士董誥戶部尚書潘世恩兵部尚書劉鏞之都察院左都御史戴均元吏部左侍郎秀寧兵部右侍郎周系英工部左侍郎茹荼內閣學士恩寧為殿試讀卷官○壬午策試天下貢士瞿溶等二百二十六名於太和殿前制曰朕仰承

吳綽眷佑兢兢業業夙夜不敢康十有九年於茲矣用是彌深寅畏以期治臻上理與我黎庶共享昇平之福當茲延攬爰佇嘉謨尚書

為傳心要典二帝三王以來凡曰欽曰恭曰
慎曰克艱曰孜孜曰兢兢君臣交儆之言與
洪範之言敬中庸之言誠能推闡其義歟人
君敬天以勤民事人臣敬事以亮天功誠敬
相通之旨可發明其蘊歟丹扆大寶之箴皇
極經世之論典矣懋矣朱子或問之言心法
治法者道無不賅能互申其旨歟真德秀大
學衍義畧治平而不言豈果操諸一家之內
而國自治天下自平歟抑所謂措正而施行
者固有漸歟政教之美風俗為先古者家有
塾黨有庠州有序國有學凡以化導其民而
興賢與能由此其選也記曰君子如欲化民
成俗其必由學乎夫孝弟忠信禮義廉恥固
有之良盡人同具彼民習聞正論則奇袤之
說自不得而中之漢循吏如文翁召信臣輩
或興學校或重本業誠得端本善則之道歟
正學興則邪說熄官常肅則庶民從公卿大
夫所使承流而宣化二千石與我共此民者

宜何如董率而化導之也官多因循疲玩吏
多貪利徇私啟釁振贖勅法除奸用何道歟
古無所謂兵凡民皆兵也無所謂將六卿皆
將也周官始有伍兩卒旅師軍之名自邱甲
田賦之制日紊楚有二廣晉有爰田法制紛
如嗣後崇卒用徒車戰漸廢戰國之兵動以
數十萬計於是兵民始分至漢而內有南北
軍外有郡國兵厥制何若唐之府兵最為近
古何以更為驍騎宋收節度之權改為更調
元祐熙寧兵制孰為合宜明之五軍都督府
亦猶府兵之意也何以改為十二團營又改
為三大營召募之法既不可行團練之名亦
多流弊多士自田間來見聞親切其何以使
兵歸實用餉不虛糜歟上古無司刑之官虞
書命皋陶作士明五刑以弼五教周禮獄辭
之成司寇聽之三公參聽之其載在秋官者
有五聽八議三刺三宥三赦之法能舉其畧
歟春秋時鄭有刑書晉有刑鼎情偽日出法

令滋彰。李愷法律蕭何益之。叔孫通又益之。其篇目若何。漢文除肉刑。善矣。而以髡笞代之。深文酷吏。務從重比。死刑轉不勝其衆。魏晉以來。病之。隋唐以來。始制五刑。其即有虞鞭扑流宄之遺意歟。朕明慎用刑。期於辟以止辟。近又命廷臣清理庶獄。凡情有可原。悉予減等。愚民無知。自罹法網。果何道而使之革面革心。不犯有司。歟。夫端主德以建極。正民俗以同風。飭戒而綏靖。嘉師勅法而矜慎。庶獄皆治治之要圖也。多士學古入官。講求有素。其以所蘊者著於篇。毋泛母隱。朕將親覽焉。○諭內閣。方受疇奏。豫省麥收統計八分有餘。並據西平河內鄆城等縣。呈送雙穗瑞麥等語。從來

宋曜澄等。雖亦為叛逆渠魁。然皆被林清所惑。聽其指使。約期起事。若其餘附從賊衆。祇係鄉愚。無知。隨同劫掠。並不知悖逆為何事。經官兵一律剿除。此二省被賊地方。不特良民遭其荼毒。即脅從匪衆。多被誅夷。思之亦覺可憫。茲逆黨已靖。流離安集。上蒼宥罪。施仁。臘雪盈尺。春雨依旬。麥收普慶。豐登而豫省且有麥穗雙歧者。天心仁愛。斯民昭然可覩。惟直隸地方。逆犯林清。伏匿有年。流毒滋甚。首逆雖已伏法。逆黨如祝現等。尚日久稽誅。京畿一帶。冬雪春膏。俱未霑足。自入夏以來。雨澤愆期。朕宵旰焦思。虔申祈禱。昨十九日。親詣黑龍潭。升香之際。靈雨沾濡。然迄未沛然。優渥良由乖戾之氣未盡消除。吳穹雖鑒朕籲禱之誠。尚不肯普被甘膏於黎庶。朕惟有自省。積愆益修厥德。以釋民罪。諸臣亦當盡心化導。切戒因循。植善誅奸。矢清

矢慎以期蕩滌瑕穢感召祥和勉旃勿怠○
又諭桂芳由嘉慶四年翰林洊擢侍郎雖資
格未深然在內廷行走有年南書房上書房
軍機大臣內務府大臣俱曾供職辦事明白
細心人亦直爽本年春閒派令前往廣西審
辦事件旋擢任漕運總督伊行抵湖北省城
染患時疫病證降旨令其安心調理方冀不
日就痊茲據張映漢奏報桂芳於本月初十
日因病溘逝良才難得深為悼惜著加恩晉
贈太子少保加尚書銜所有應得卹典該部
察例具奏任內一切處分悉予開復著伊弟
桂葛帶同伊子炳奎馳驛前往湖北接伊靈
柩沿途官為照料到京時准其入城治喪伊
曾授三阿哥讀書俟伊柩入城次日派三阿
哥前往奠酒其隨同桂芳出差之戶部員外
郎玉符亦因染疫同日身故著加恩交地方
官將其靈柩妥為照料隨同桂芳一路行走
到京時不得入城尋予桂芳祭葬諡文敏○

轉刑部右侍郎陳希曾為左侍郎以內閣學
士朱理為刑部右侍郎○以浙江巡撫李奕
疇為漕運總督刑部左侍郎許兆椿為浙江
巡撫○以都察院左副都御史蔣予蒲署倉
場侍郎○癸未

上幸萬壽山詣

廣潤祠拈香○諭軍機大臣等松筠奏玉努
斯之母及閩族台吉屬下人等稟懇情形一
摺玉努斯獲罪係在喀什噶爾阿奇木伯克
任內之事伊叔丕爾敦拜喇木兩台吉遠在
吐魯番其不能查察情有可原且叔姪罪不
相及著免其治罪並無庸交理藩院議處即
傳諭伊等知之至玉努斯前妻伊母情願接
回係伊家事原可聽其自便若欲送往伊犁
團聚玉努斯現在獲罪監禁豈有在監內團
聚之理松筠自應據理駁飭何必復行請旨
此一節又未免輟弱矣將此諭令知之○甲
申諭內閣二阿哥三阿哥王大臣等奏閱看

前鋒護軍圓明園等營官兵步射完竣等語
此後正當暑熱大雨時行著不必閱看馬步
射俟立秋以後於左右兩翼前鋒營八旗護
軍營圓明園護軍營每營照上屆另行選派
官兵一百名仍交原派出之阿哥王大臣等
自七月二十日起閱看馬步射○乙酉

上詣

火神廟拈香○還宮○御乾清宮召讀卷官
入親閱定進呈十卷甲第○丙戌

上御太和殿傳臚賜一甲龍汝言祝慶蕃伍長
華三人進士及第二甲袁元善等一百人進
士出身三甲鄧軒等一百二十三人同進士
出身○幸圓明園○丁亥諭內閣朱勳奏查
明強克捷二子先經回籍並隨任被戕親屬
一摺上年逆首林清勾結河南賊匪李文成
等約期九月十五日進京滋事經滑縣知縣
強克捷先期訪聞拏獲李文成牛亮臣等犯
嚴刑拷訊賊黨馮克善等因逆謀已洩糾眾

劫獄不克分派進京逆首林清不知音耗就
近分遣逆黨入城而外援斷絕立就誅夷該
首逆猶懷疑株待旋就捕誅李文成雖一時
免脫緣刑傷過重不能遠逸經官兵進剿戮
於司寨強克捷職膺民社能周知一縣之事
首先訪獲逆黨俾林清李文成等失約敗謀
後先授首實屬傑出良臣功在社稷且以身
殉難闔署被害者至三十餘人深堪嘉憫覽
奏揮淚不止前經降旨照知府例賜卹入祀
京城昭忠祠尚不足以酬忠蓋強克捷著加
恩賜諡忠烈賞給騎都尉世襲罔替伊長子
強逢泰即著承襲騎都尉服闋後送部引見
次子強望泰著賞給舉人文武聽其自便准
其一體會試強克捷長媳徐氏抗節不屈挺
身罵賊致被活釘鬻割拋棄遺骸尤為可慘
著賜諡節烈誥贈恭人照例建坊旌表並著
朱勳遵照前旨在韓城縣為強克捷建立專
祠前層設強克捷牌位後層設節烈恭人牌

位其從難之三十五人俱分次設牌從祀地方官春秋致祭以慰忠貞初次致祭著巡撫朱勳親詣拈香至韓城縣地方登仕籍者有强克捷之忠良前大學士王杰正色立朝亦籍隸該縣士風醇茂宜示優旌著加恩賜祭一壇仍將韓城縣文武學額各增五名永著為例用示朕獎忠勵俗之至意○又諭前據劉鏞之等奏訪聞薊州一帶有販賣鈕扣用藥迷人之事拏獲唱木偶戲之張化祥等三

書

十

人驗有紅藥並訊有聽從山東周村鎮開設鈕鋪民人沈益三謀逆供詞嗣又將夥同售賣藥鈕之王業古等六人一併獲案經刑部訊明張化祥等所供藥鈕迷人之說全屬子虛並據同興等緝獲沈益三及各鋪夥訊明所賣鈕扣內紅黃藥末均係錫藥實非迷人藥物據實覆奏本日又據該府尹等奏派員在薊州等處通行詳查前言係聞自鄉民傳說毫無應驗等語此案本屬荒誕既已查詢

明確亟應省釋以免拖累所有山東省緝獲之沈益三等著即行釋放回籍其現在刑部監禁之張化祥等六名即釋放令該地方官留心約束毋任出外滋事至稟拏審訊之縣丞徐振鐸前經賞擢知縣道員張五緯給予加級之處俱著撤銷○予陝西捐資備賑知州王恭修生員楊殿輝等議敘有差○戊子

上幸靜明園詣

龍神廟拈香○己丑

書

十

上御勤政殿聽政○以詹事府詹事王以銜為內閣學士兼禮部侍郎仍留江蘇學政任○命庫車辦事大臣烏勒德呢回京賞已革盛京副都統緒莊四等侍衛為庫車辦事大臣○庚寅諭內閣晉昌奏回民馬二用藥迷姦孫晁氏將馬二擬絞監候一摺强盜用藥迷人取財殺害者俱例應斬決此案馬二因孫晁氏央伊治病設計用藥迷倒將孫晁氏姦污孫晁氏醒後羞忿自戕幾致殞命實屬

淫惡奸險。且在新疆地方。不可不嚴辦示懲。
馬二即馬伏保。著改為絞立決。○江南提督
馬瑜。以前在東明防守。安居公館復失。察所
屬營員恣意狎邪。降為徐州鎮總兵官。以徐
州鎮總兵官沈洪。為江南提督。

寶鑑卷之九

毒

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百八十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十

監生陳雲龍等請充各道官本云云其殿監生王潤周等請發舉一論事傳康官王孫翰被問學院等語事
加級各官習經書俱錄總職官本云條文內開六等管理刑部事務如發舉均元題等語據此查官本云係屬大臣訓
問提舉閣事稽察欽奉一論事件應辦六等官部當書翰林院掌院學士教習庶吉士隨書司格府大臣領欽派滿洲都統等
軍務管理一節查其案內清國粵東總理糧餉委係其庸劣如學方太醫院等語查該監生隨帶加級各官加級紀錄
一查其和經提據官本云係推研的書云書存行次次次較錄我管理國子監事云云據此該監生第一等紀錄云汪廷幹等奉
教修

銷官項亦太不知認咎矣。所有本年東境雇
用剝船應給工食俱著同興一人賠出。不准
開銷。再山東近運河一帶州縣共有泉四百
八十餘處。雖出水大小不同。然使逐處疏通
源源挹注。自可匯為巨流。何至有運河缺水
之患。即如京畿玉泉山以一泉之水。下注至
河環繞京城。復由五閘至通州濟運。經流數
十里。即遇天旱之年。從無虞匱缺。山東泉源
既多。委輸自必更旺。以之灌注三百餘里運

河。何難常令給足。總由有泉各州縣任其壅
塞。不能導使入川。又或新出之泉。憚於考成
不肯報出。以致逐漸廢弛。有名無實。著傳諭
吳璥。同興。飭令有泉各屬。務皆實心經理。不
得飾詞隱匿。該河督等仍隨時查察。明立勸
懲。務使疏濬得宜。以收泉源實效。將此諭令
知之。○命吏部左侍郎秀寧。內閣學士姚文
田。教習庶吉士。○授一甲一名進士龍汝言
為翰林院修撰。二名進士祝慶蕃。三名進士

伍長華。為翰林院編修。○戶部議准。升任江
西巡撫先福疏報。南昌鉛山龍南三縣開墾
地三頃三十六畝。有奇。照例升科。從之。○壬
辰。

上詣

大高殿行禮。

時應宮拈香。○還宮。○緩徵河南裕州拐河。

旱災民租課銀。○以夏至祭

地於

方澤。自是日始齋戒三日。○癸巳。

孝誠仁皇后忌辰。遣官祭

景陵。○諭內閣。文寧署理古北口提督。數月以

來。未曾拏獲要犯。並從犯亦未拏獲一名。實

屬無能。嗣簡放熱河都統。來京陛見。先即力

辭。並稱伊有管見條奏。如不蒙俞允。伊即不

能辦理。本日伊具摺陳奏。朕詳加披閱。語多

偏謬。如扈從官員人役。由本衙門給與印票

以憑盤詰。一條。朕每年巡幸熱河。扈從文武

官員出口所帶人役衆多。各該員均係職官所帶之人。皆當自行查驗。若必藉印票為憑。徒滋紛擾。轉屬有名無實。況亦斷不能辦之事。去年宋家莊造逆。與此事毫無干涉。可鄙之極。又各省流民。一概不准出口。一條國家生齒日繁。無業貧民。出口傭趁謀食。勢難一概禁止。但於關口嚴設禁令。不過使貧民多罹於法。其繞道偷越者。仍所不免。既於民生有礙。亦於關政無益。又口外商民赴熱河生理。及由此廳赴彼廳者。悉由各廳給票查驗。一條口外各廳境壤相連。若商民來往。均須領票報查。是使胥吏日飽囊橐。商民被累。必羣相裹足不前。其弊豈可勝言。此三條苛細淺陋。皆斷不可行之事。無庸再行置議。其餘如廳員保升知府。稅員保留久任。亦事多越俎。此外間有一二可行者。著總理行營王大臣會同各該部院覈議具奏。文寧貌似認真辦事。而實則苛刻不曉事體。不勝熱河都統

之任。文寧著降補盛京副都統。並傳旨申飭。令其即赴新任。無庸請訓。熱河都統員缺。著和寧補授。文寧到盛京後。和寧將副都統任內事務交代。仍署理盛京將軍。俟晉昌到任。和寧來京陛見。再赴熱河新任。和寧未到任以前。熱河都統事務。仍著毓秀署理。○諭軍機大臣等。賽沖阿等奏雷波涼山生番出巢焚掠。經永寧道劉斌等帶領先到之永寧等營官兵五百名進抵大谷堆。多隆武亦行抵雷波。生番聞有大兵到來。畏懼回巢。涼山生番有來營投首者。大涼山生番送出所擄漢人二十餘人。並稱隨後將所掠民人一併送出。並即投誠。又接據清溪縣稟報。囑魯巖夷匪亦因乏食出掠。現派建昌道曹六興等帶兵進勦等語。此次涼山生番出巢滋事。多隆武等甫經帶兵到彼。尚未接仗。該夷匪等何遽畏懼兵威。聲稱投首。恐夷情狡詐。仍未可深信。現在該夷匪既經回巢伏匿。著賽沖

阿等即傳諭多隆武等帶兵屯紮斷其出巢滋擾之路一面諭令該夷匪將滋事首犯按名縛獻所掠漢民悉數放還並出具再不滋事木刻如該夷匪真心畏服悉皆遵照辦理將獻出兇犯審明後對衆凌遲處死交出被掠民人安撫妥協即可撤兵不必深入賊巢勞師糜餉儻該夷匪遷延觀望意在緩師或竟傾巢出而抗拒當進兵痛剿不可意存姑息辦理軟弱使夷衆不知敬畏現在清溪又

有夷匪出掠之事賽冲阿等即飭知曹六興唐文淑等帶兵妥速剿辦勿令滋蔓為要將此諭令知之○甲午引見新科進士得旨一甲三名龍汝言祝慶蕃伍長華業經授職外袁元善瞿溶祁寯藻牛鑑張玘陳傳均陸以烜王丙端木杰師壽昌呈麟陽宗城楊殿邦朱達吉奎照彭邦畷祝慶揚吳傑主協夢葉維庚徐鑑余鳳喈陶廷杰程贊采劉學厚萬承宗程川佑賀熙齡劉逢祿戴於義盛思本

朱德芬強上林主統仁李逢辰胡世琦顏伯燾傳繩勛主瑋慶蔣慶均監瑛李雲青鄭敦允吳振斌主端履張翹宗室德喜保朱惠覺羅德寧李之瑄李家惠李裕堂姜梅王炳瀛蘇廷玉熊一本李浩傳綬龔文炳趙光祖陳鳳翰常恒昌黃暄殷齊賢周師劉禮奎靳會昌俱著改為翰林院庶吉士宗室素博通額王琦慶毛啟閔程德潤明通徐璈李周南馮思澄劉光三王瑞徵孫曰熙郭恒辰蔣文慶

姚汝晉陳世泰鄧軒慶祿鼎滿達程銓宗室績蘭俱著分部學習石綸侯大魁周春祺朱璜張梧張延閔陳炳極陳寶儉蘇應珂喬用遷羅文綱主九如林杞材張履恒郭大鍾徐新彭作邦鄭開禧程題雁荆宇寧呂玉麟邊鳴珂俱著以內閣中書用王俊選陳金臺鹿裕曾俱著以國子監學正學錄用朱楣任士謙張象乾涂鴻儀張邦棟范仕義朱紹恩李廷榮李藩李重發呂偉標黎恂游昌廷李宗

沆陳士楨談素教陳述芹馮淦趙棠何榮緒郭在磐劉斌鄧寅春邊青黎雲麟孔昭顯陳正頤趙銘彝陳道坦胡鑑主德璘李璋陳驥盧爾秋劉坤琳路孟達鄭兆杞楊鶴書宋國經賈學閔文達李憬伍先準楊沂秀劉省勳林鳳儀朱德璉陳禮魏綱李連夢李之梓李鵠樹德俱著交吏部掣籤分發各省以知縣即用候補內閣中書梁藹如著遇缺即補候選知縣林聞鶴劉國策李世猷蘇鏊雷學湛

吳人傑著交吏部以知縣即行選用餘著歸班銓選○諭軍機大臣等本日崇祿等奏盤獲廣東貢生盧贊跟隨僕人張四攜帶鴉片烟一案已交刑部審辦矣鴉片烟一物其性至為毒烈服之者皆邪慝之人恣意妄為無所不至久之氣血耗竭必且促其壽命實與自餌鴆毒無異輟轉流傳最為人心民俗之害其來由於番舶先至廣東進關後以漸販往各省若粵海各口查禁認真不許絲毫透

入內地則外夷商人皆知鴉片烟為中國屬禁之物不能售賣獲利自必不復攜帶如仍有違禁私與中國商民交易者查出按例治罪杜其來源較之內地紛紛查拏實為事半功倍再天主教絕滅倫理乃異端為害之尤者此在西洋人自習其教原可置之不問若傳習內地民人不止大千例禁為國家之隱憂貽害最大比白蓮教為尤甚豈可不思深慮遠乎著將攸銘等廣為刊示曉諭該處沿海商民並來粵交易之西洋人等一體知悉如中國民人有私習天主教者地方官立即訪拏從重治罪其西洋人誘惑內地商民者一經究出拏獲一體治罪斷不寬貸務各凜遵例禁以熄邪說而正人心將此諭令知之○乙未夏至祭

地於方澤

上親詣行禮○幸圓明園○諭內閣據初彭齡

等奏查明成林原奏署融縣知縣錢培善接緝盜案規避捏供實係屈抑請將革率定案之知府臬司一併解任歸案審辦一摺此案韋弟大家被盜係十二年九月之事懸擱多年因循怠玩其歷任遲延各員及督催不力各上司均干嚴議成林並未據實查叅錢培善於上年六月甫經到任因犯供翻易詳請批示並無不合乃成林挾其稟揭前任虧空之嫌嚴叅革職實屬任性作威不公不法承審知府張業南迎合上司臬司張凱元率詳請叅著一併解任交初彭齡等提同全案人證秉公嚴審分別定擬其從前延案不辦各員及歷任各上司一併查明奏○諭軍機大臣等松筠等奏鎮西府奇臺縣之大石頭產有銅礦宜永縣之羊圈灣即都蘭哈拉產有鉛礦請令烏魯木齊糧餉處額外主事鳳鳴提標左營遊擊祥順及升任阜康縣知縣楊峻呼圖壁巡檢馬曾裕督率商民實心試

採如礦砂旺盛即行具報抽課等語著照松筠等所請即令鳳鳴等督率商民試行開採如果礦砂旺盛能於國課民生兩有裨益即奏立規條永遠遵辦若開採無效亦即奏明停止不可迴護將此諭令知之○又諭松筠等奏吐魯番回衆交糧當差頗覺苦累必須量為調劑該處地方宜種木棉近來種植甚廣再有南路皮張商販雲集每因自相交易時滋訐訟莫若官為經紀按則徵稅在於城鄉適中之區設立經紀數名給與官稱稅票評價每兩徵收三分仍招殷實良民詳請給帖責成該同知經理試收一年得有成規再行定額所有抽收稅銀每年撥出十分之三由該同知分給四位領回子並軍臺當差回子以濟困乏其餘稅項解歸道庫以充經費等語吐魯番種植棉花均係回子地畝出租招種若即在產花之區抽收稅銀恐滋紛擾如於商販經由處所如嘉峪關等處酌量抽

稅事或可行。高杞係烏魯木齊都統。現署陝甘總督。著詳細查明此項棉花與南路商販皮張從前嘉峪關等處曾否定有稅額。並體察吐魯番回衆如何苦累情形。驟增此項花稅有無紛擾之處。不妨寬以時日。務計議周妥。據實具奏。將此諭令知之。○刑部右侍郎成林革職。逮問。調工部右侍郎那彥寶為刑部右侍郎。理藩院左侍郎英綬為工部右侍郎。轉理藩院右侍郎玉福為左侍郎。以內閣學士熙昌為理藩院右侍郎。○以頭等侍衛格布舍為鑲白旗蒙古副都統。○丙申諭內閣長齡等奏籌撥寧陝裁兵餘地。請由營員經理。備支公用。並酌添兵食一摺。陝省寧陝鎮及漢中協籌撥營田。原照舊額兵數置買。嗣將寧陝鎮裁撤。漢中協改鎮。其裁去兵丁餘出地畝。交地方官招佃收租。變價以備營中公用。茲據長齡等奏。漢中鎮各營均係折色餉銀。全賴營地租糧藉資接濟。各營地畝

歷年水衝沙壓。租糧多有豁免。馬步兵丁得項較優。尚可支持。守兵關餉最少。生計維艱。著加恩將寧陝裁兵餘出地畝。自嘉慶十九年起。仍歸各營招佃收租。除每年營中公項變價動支外。餘糧勻給領糧最少之兵。俾資接濟。仍著地方官監放。將收支細數按季報明督撫。以杜侵蝕。○又諭胡克家奏。覈明軍需動支實數。攤廉歸款一摺。此次豫東匪徒滋事。安省祇係調撥兵丁。在本省邊界協防。摺內稱自軍興之日起等語。張大其詞。殊屬不合。所有該省動支各款。著查明軍需則例。鄰省用兵。撥兵在本省協防。動支款項。應否准銷。如例應報銷者。仍著覈實造冊報部。其例不准銷者。本應由該省分賠。無庸奏請攤捐。至報部冊內有與例不符。經部指駁者。仍著落該省賠繳。以清帑項。○調福建巡撫陳預為浙江巡撫。以福建布政使王紹蘭為巡撫。調雲南布政使李長春為福建布政使。以

雲南按察使額特布為布政使鹽法道史致光為按察使○緩徵陝西潼關大荔蒲城三廳縣被雹村莊銀糧草束並給大荔蒲城二縣災民一月口糧○丁酉諭內閣御史歐陽厚均奏請飭查上年被賊地方殉難紳民婦女一摺上年直隸山東河南三省毗連各州縣猝遭匪徒滋事紳民士女不乏捐軀殉節之人可見忠義之性本乎人心著各該督撫學政飭屬查明取具確實甘結照例題請旌

實錄卷一百一

表以示朕褒節維風之意○又諭同興奏遵旨分提京控各案趕緊審辦一摺山東省積案逾限未結者幾及百件皆由巡撫藩臬因循疲玩不認真清理所致嚴罪維均此內同興上年帶兵防堵離省數月兼有查河催漕等事未能專心鞠訊其咎尚有可原至藩司整飭吏治臬司綜覈刑名朱錫爵劉大懿終年安坐省城一任地方要務延擱廢弛咎無可辭朱錫爵劉大懿著交部加等議處即開

缺聽候部議○調河南布政使慶斌為山東布政使以河南按察使諸以謙為布政使用三品頂帶光祿寺少卿程國仁為山東按察使廣東高廉道和舜武為河南按察使○命河南滑縣建殉難知縣強克捷專祠以從難三十五人從祀○己亥諭內閣那彥成奏報二麥約收分數一摺單內首開大興宛平二縣約收八分一派虛詞全不足據即此可見悠忽居心急玩從事大約無福受恩矣本年畿輔一帶雨澤稀少麥苗黃萎都城附近田畝朕出入經過留心察看其收成不過在二三分之間今那彥成奏報八分其不實孰甚以此類推其餘各屬稟報真偽亦豈盡足憑食為民天最為地方重務該督於民生本計漫不經心若此恐汝用心於無用之地俾晝作夜欲做福康安之行為乎著傳旨申飭所有收成分數單著發還俟各屬地方二麥刈穫登場後確查實在收成分數再行具奏若

再有虛飾經朕查出必將該督嚴懲不貸○諭軍機大臣等蘇楞額等奏審擬太監小劉進喜向書吏于漢索取麩料並順義縣辦差給與各太監他坦食物錢文一摺朕每遇巡幸禁止太監等向地方官需索屢經嚴諭至再至三乃猶有太監書吏彼此交涉散給供應之事據于漢供南石槽三家店髻髻山三處係順義縣承應密雲瑤亭子等處係密雲縣承應近年均有折給四執事他坦十三處搭鍋臺豫備民夫水桶錢文及雞肉麩米等項業將太監等治罪併書吏于漢問擬杖徒著那彥成即查明近五年以內濫給太監供應之知縣先行革職指名嚴叅交涉之書吏均照于漢之例問擬杖徒失察之總督藩臬奏明交部議處本年八月間祇謁東陵著那彥成先期嚴行飭知所屬各州縣嗣後踴路經過地方如有太監需索之事即稟明總督據實奏聞懲辦若隱匿不奏或私行

給與經朕查出必將該州縣及該督一併治罪不貸○除陝西武功縣被水衝塌馬廠餘地二頃四十六畝有奇額賦○辛丑諭軍機大臣等朕聞陝西藩司何銑精神積鈍才識短淺竟不能辦事前任臬司時一切惟幕友家人是倚毫無振作陝西地方緊要現當軍務甫竣清釐錢穀整飭吏治政務綦繁何銑素非明幹之才恐其不克勝任伊甫經到任著朱勲留心察看一兩月後如果辦公竭蹶該撫即行據實具奏朕酌量將何銑改補亦所以保全何銑也切勿迴護將此諭令知之○以故奉恩將軍英智子敏順襲職○予河南濬縣遇賊被戕從九品徐沅祭葬世職如陣亡例壯役上敏等六名卹賞如兵丁例○壬寅平糶奉天鐵嶺開原二縣倉穀○癸卯遣官祭關帝廟○以兵部右侍郎禧恩兼鑲白旗護軍統領調正藍旗蒙古副都統毓秀為正白

旗滿洲副都統以內閣學士常亮兼正藍旗蒙古副都統○旌表守正被戕廣東陽春縣民周亞奇妻陳氏○戶部議准調任福建巡撫張師誠疏報侯官龍巖漳平三州縣開墾田一頃八十五畝有奇照例升科從之○甲辰

上幸萬壽山詣

廣潤祠拈香○諭內閣高杞奏審擬同知吳邦墉將縣役薛寅枷責斃命一摺外省辦理

庶務非失之不及即失之太過總未能準乎情法之平近日民間獄訟玩法逞刁而胥役為尤甚非齊之以刑無以生其儆懼但刑法自有一定規條不得濫事酷虐此案同知吳邦墉審訊縣役薛寅等不過尋常爭毆細故掌責數至二百板責數至八十又濫及無辜婦女以致薛寅傷重斃命實屬違例濫刑暴虐乖張該署督擬以革職遣戍是其罪所應得至請於省城枷號一箇月此則未免失當

國家設官治民置胥役以供指使其分至為卑賤若官員以杖斃胥役枷號示眾恐奸胥蠹役因此長藜官藐法之心非所以嚴尊卑上下之制吳邦墉著革職發往伊犁充當苦差無庸再加枷號餘著照所擬完結○乙巳諭內閣上年逆首林清勾結豫東匪徒滋事所有京外首夥賊眾均已殲除淨盡辦理實為妥速惟案內要犯尚有祝現劉呈祥劉第五董伯旺支進財劉成章六名及次要犯五

十九名在逃未獲節經降旨飭拏步軍統領順天府五城各衙門派員四出該委員購線訪拏實已不遺餘力而日久未獲者緣委員等所帶人役無多勢難遍及遠方其直省各州縣恃有委員等踴躍轉不於所轄之區嚴密訪查即有要犯潛匿界內亦茫無覺察似此不顧國家喪盡良心空食君祿徇義忘讐因循怠玩幾同海捕具文試思逆犯數十名縱使蹤跡詭秘總不出此數省地界如果各

州縣同心協力。比戶周查。該逆等安得有容身之地。著再申諭。步軍統領衙門。順天府。五城察院。包衣三旗番役。及奉天。吉林。熱河。山海關。察哈爾。直隸。山東。河南。山西。陝西。甘肅。江蘇。安徽。湖北。各將軍。督撫。都統。副都統等。一體飭屬。上緊查拏。凡境內窮鄉僻壤。以及庵觀寺院。務皆實力稽查。遇有形跡可疑之人。即行盤詰。其路途山谷。倒斃自盡者。除有親屬認領外。俱照刑部單開年貌。逐細覈對。

實錄卷二百九十一

十一

毋稍遺漏。前次獻縣知縣張翔。於本境拏獲逆犯馮克善。當即加恩超擢知府。各府州縣如能將祝現等重犯捕獲。朕亦必優予恩施。務各激發天良。義切同仇。使遺孽迅就捕誅。以藏鉅案。將此通諭知之。○成都將軍賽沖阿奏報。進剿雷波夷匪。殲獲多名。擢把總王耀龍為千總。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十一

實錄卷二百九十一

十一

不如慎之於進宮之始較為得要嗣後進宮太監其自行投充者著總管內務府大臣等公同查驗詳問來歷行文該地方官查明實因家道貧苦在籍並無為匪不法情事結報到日方准收進派撥當差其由諸王府交進者著該本王自行詳擇必須給使已逾三年察其馴謹樸實實可放心者方准交進如其居心行事不敢具保者不許濫進充數設有疏忽弊混惟原驗之總管內務府大臣及該本王是問其各凜遵毋忽○又諭御史夏國培奏支放甲米章程請歸畫一並稽察糴米出城弊端一摺本裕倉附近街市米鋪囤積添派御史會同稽察一款是否可行著交倉場衙門議奏至食米出城一節著步軍統領衙門派委妥員認真查察期於不缺民食而奸商又不致影射回漕以除積弊尋議上得旨榮麟等奏議覆御史夏國培條奏支放甲米章程一摺本裕倉放出米石分途載運豈

添派御史一員所能稽察周到夏國培所奏原屬難行至該侍郎等請嚴禁領米兵丁不得在米鋪囤積及借空房堆聚一節亦多窒礙該兵丁等領米之後不能獨雇車輛即日運歸勢不得不於附近米鋪暫行寄貯或就肆中春碓皆情事所必然若多為厲禁徒滋苦累其回漕之弊全在步軍統領等衙門嚴密巡查遇有違禁私囤及包攬拉運者將奸商拏獲重懲自可剔除積弊若更制而於事無益不如其已也○以太常寺卿阿隆阿為內閣學士兼禮部侍郎銜○丁未諭內閣刑部進呈新疆雲南等省緩決人犯減等清單朕詳加披閱內新疆絞犯樊倉王弼義托郭齊三犯俱用刀斧傷斃人命擬絞監候緩決一次金刃殺人非他物致斃者可比邊隅重地應從嚴示儆此三犯俱不准援減嗣後新疆闖殺案內有因金刃斃命擬絞緩決一二次者俱照此例不准援減又絞犯馮育潯因

擅殺罪人擬絞該犯扎死馬板雲雖係追悔拒姦惟始已甘心隱忍不得謂之激於義忿馮育澄亦不准援減雲南省絞犯高明因疑竊同伊子高小六將張超毆斃父子逞兇共毆死者並非正賊高明擬絞甫經緩決一次不准援減餘依議○諭軍機大臣等那彥成奏自陳悚惕下忱請交部嚴議一摺事君之道總在毋欺言行不符終遭禍患為政之道總在務實實則有功虛則罔效那彥成近日悠忽怠惰不實心任事今見朕訓飭諭旨則鋪敘惶悚之詞奏請交部嚴議伊豈不知此等部議處分即議至革職每多加恩改為留任者仍屬有名無實朕果欲懲辦那彥成無難立降諭旨又何必待伊奏請耶所有那彥成自請嚴議之處著毋庸議上年林清勾結李文成通同謀逆彼時特召那彥成授以總統之任旋又補放直隸總督原將此鉅案責成那彥成一人令其肅清京外翦淨根株並

非專攻滑縣屯聚之賊即為了事嗣那彥成將滑城克復朕念其辦理迅速先行懋賞庸伊必感激奮發力圖報稱乃那彥成自到直隸總督任後諸事因循復萌故智中道而立怠玩疲庸竟似功業已成現在逃竄各匪與伊無涉者試思未獲各賊如祝現劉呈祥劉第五董伯旺支進才劉成章六犯皆林清李文成心腹黨與該犯等一日不獲則逆案一日不完不可一日稽誅其次要五十餘犯亦皆助逆之人那彥成身膺重寄責無旁貸數月來未獲一犯寧不知愧知懼若云該犯等免脫遠颺不在近地則本日廣惠奏到伊於寶坻地方拏獲李玉麟李玉奉二犯即係指名飭拏次要五十九犯單內之人寶坻地方非該督所屬州縣乎那彥成此時當大加愧厲清夜捫心何人之孫何代之臣賢不肖之名汝自揀擇認真督率文武官弁將未獲各犯上緊訪緝以結鉅案如將要犯逮獲朕

仍當渥沛恩施。若至秋令。仍泄泄沓沓。一犯不獲。必將該督治罪。亦不待伊自行奏請矣。將此諭令知之。○又諭御史王嘉棟奏山東沂水蒙陰地界。屢有私梟聚眾搶劫鹽店。毆傷巡差積案。累上年冬間。竟有戕斃巡役孫殿魁。及將巡差閻章剗去右眼。割去左耳之事。該商等稟報迄今。正犯未獲。私梟益無顧忌。聚至百數十人。攜帶鳥鎗器械。每逢市集之期。裝載私鹽。公然設場售賣。竟與官鹽無異等語。上年山東曹州一帶。教匪滋事。同興帶兵延緩不進。經劉清催促率兵將賊匪殲戮。始得迅速藏功。其拏獲崔士俊等犯。究出逆首林清。亦係由知府凝圖訊取供詞。稟報該撫據以入奏。朕念同興統轄全省。特將該撫宥過施恩。至再至三。乃該撫一味因循廢弛。毫無振作。今沂水蒙陰地方。梟犯充斥。肆行不法。至於如此。該撫豈竟毫無見聞。御史所奏梟徒傷斃差役。具有姓名。斷非憑空捏造。此時若不嚴拏懲辦。總存化大為小之見。匪徒肆無忌憚。愈聚愈多。將來養癰貽患。其害豈可勝言。著同興即嚴飭該管地方官。上緊督緝。務將傷差正犯獲案。按律嚴辦。其有大夥興販。攜帶鳥鎗器械。梟犯並著地方文武員弁會同設法查緝。毋稍玩視。致滋事端。該撫一切留心整飭。若仍前怠泄。恐不能當其咎也。將此諭令知之。○旌表守正捐軀四川江津縣民卞世崇女卞氏。○緩徵直隸大城永清涿滿城安肅博野望都容城蠡縣祁高陽新安獻阜城景南皮正定井陘行唐靈壽平山元氏無極贊皇晉藁城新樂武邑深武強饒陽定深澤三十四州縣旱災新舊額賦並旗租倉穀折色口糧銀。○戊申諭內閣御史卓秉恬奏武英殿書版損失請詳查收貯一摺。武英殿御書處書籍版片。積年刊刻不易。若任其殘缺漫漶。殊為可惜。著管理武英殿御書處王大臣將現存各項書版逐

一查點其頒行有用之書。如版片間有缺壞應即補刻齊全。若係尋常書籍不常刷印者其版片缺失已多。無庸補刊。將所剩書版鏤除備用。查明分繕清單。奏聞辦理。至收貯書版如武英殿廊房不敷堆積。或另擇閒曠樓宇。分別存度以防朽蝕。○又諭各衙門辦事敏則有功。全在該堂官勤以率屬。力除因循疲玩積習。昨日朕披閱光祿寺進呈黃冊。係報銷上年十二月動用錢糧。清漢文俱僅止數頁。何難及早繕辦。乃遲至六月之久。始行具題。殊屬延緩。光祿寺堂官俱著傳旨申飭。嗣後該衙門報銷黃冊。著改為閱一月具題。毋許遲逾。○又諭據富俊特依順保等奏郭爾羅斯副盟長公固魯扎布所請分定蒙古地方交界礙難辦理請旨等語。所奏甚是。百餘年來設立軍臺。並未分定交界。乾隆三十一年蒙古台吉等呈請分界。經原任將軍富僧阿會同郭爾羅斯盟長策旺諾爾布以臺

兵與蒙古人等耕牧雜處多年。未便分界。咨報理藩院定案。茲據固魯扎布呈稱臺兵與蒙古人等雜處。遇有命盜案件。刑律與蒙古律有閒。辦理掣肘。請定立蒙古臺丁交界。理藩院即應駁斥。乃並未咨駁。率行咨查。固魯扎布仍拘泥原呈。自係因將伊授為副盟長。一時高興。希圖便宜。今中外一家。並無區別。此事著仍舊辦理。固魯扎布著革去副盟長。以示懲儆。並交理藩院將固魯扎布前次具呈。係何人任內之事。查明參奏。○領侍衛內大臣莊親王綿課等遵議。紫禁城內火班章程。得旨。宮內及圓明園設有需用火班之時。若俟該管激桶之大臣官員到後。始管帶激桶進內。豈不遲緩。著於啟放何門時。即將本日在內直宿之御前乾清門侍衛請派二人。於啟門後。傳到激桶官兵。先行帶引入內。其該管激桶之大臣官員。隨後報明陸續放入。至直班之御前乾清門侍衛。除帶激桶二人

外其餘俱在本處不得擅動如遇朕親往看視該侍衛等各佩帶弓刀敬謹隨扈毋許曠誤餘依議○諭軍機大臣等刑部具題四川民人吳應才戡傷胞兄吳應連身死一案聲明救母情切夾簽請旨並據內閣票擬雙簽進呈已將吳應才改為應斬監候秋後處決矣此案吳應才因胞兄吳應連醉後向伊借錢吵鬧用刀戡傷繼母余氏左手腕倒地復持刀向戡該犯情急奪刀回戡適傷吳應連肚腹殞命該犯與吳應連如係同母兄弟則案情毫無疑義惟吳應連乃該犯前母所出伊母余氏或因己子刃斃胞兄裝點情節為其子輕減罪名亦未可定本內所稱吳應連刀傷伊母左手腕一處其傷之輕重及傷後若干日平復之處均未詳敘恐案情尚有不實不盡著傳諭陳若霽即將此案人證親提至省再加詳訊驗明余氏手腕一傷此時仍否存有痕跡當日所戡輕重何若余氏受傷

後越幾日傷始平復即可得此案真實情節該臬司非原審之官無所庸其迴護務虛衷嚴鞫不可稍存成見將此諭令知之○己酉諭內閣御史孫世昌奏問刑衙門議擬官員罪名不能遽請枷示一摺國家制官刑以儆有位官吏犯法削除爵秩其伏辜與齊民等然刑律中亦稍示區別荷校之罰本非一概而施其有情罪較重者皆由特旨加以示懲至問刑衙門科斷官員罪名則當遵照定律問擬不得於法外濫議加刑奏上時權衡出自上裁若高杞問擬吳邦壩一案其罪名不在定律之內者原非臣下所當援引也○諭軍機大臣等馬慧裕廣厚奏湖南承變原造剝船虧折銀兩酌籌歸款一摺此項河口盤淺剝船先經松筠吳璣徐端等奏請行令湖南省分造嗣經勒保等因船不合用奏明酌留一二成餘交湖南領回變價歸款茲據奏稱前項剝船自運至江南分派各州縣收管

後均拋置河干。日久損壞。器具不全零星折變。虧折至二十萬六千四百餘兩之多。請於通省文職養廉內分攤歸款等語。湖南省分造剝船。本出自江南督河諸臣主見。該督等創議時。並未悉心籌畫。冒昧奏請。以致窒礙難行。迨解到後。又不飭屬妥為收管。致令漂泊損壞。均難辭咎。此時若將變價虧折銀兩全數責令湖南省賠補。殊未公允。應令江南湖南兩省各半分賠。著百齡將從前創議成造之總督松筠總河吳璥徐端等解到時委員查收之總督勒保總河陳鳳翔等及查驗收管各員一一查明。按照分賠一半銀十萬三千二百兩零。酌議多寡。分別著賠。開列清單具奏。其餘一半。著照馬慧裕等所請於湖南省攤扣歸款可也。將此傳諭知之。○庚戌上幸靜明園。詣龍神廟拈香。○諭軍機大臣等。那彥成奏查明每年春秋二差需費銀數一摺。並開單呈

覽。向來春秋二差車馬橋道等項例價不敷。直隸省不無津貼。但亦何至如該督所奏地方官需賠銀二十餘萬兩之多。實屬大奇。若按款鉤稽。必致又興大獄矣。詳閱單內所開浮冒實所不免。直隸官吏藉辦差為名。以少報多。那彥成不加詳察。即據以入奏。殊屬糊塗冒昧。著傳旨申飭。其單內由該省自行支銷者。著該督率同藩臬二司詳細參酌。大加覈減。以節浮費。毋得仍前濫行支用。至所開宮門支應一單。其所列各件。固有實係備用者。而虛開者亦復不少。即所開炕桌四百張。大小桌椅二百四十張。半桌五十張。此等器具。若如天津五臺等處行宮。係由地方官豫備陳設者。自不能不置備器具。若春秋園附近行宮。皆由內務府管理。其中桌椅等項一切齊全。何須地方官另為置辦。其所置桌椅多至數百張。行宮屋宇無多。亦無處堆積。其虛妄可知。又如竹絲燈籠一千箇。火把一千

根行宮內從不需用此物其餘類此者尚多。大率皆大小官吏備以自用者亦一併列為宮門支應尤屬不實。朕已將此單發交總管內務府大臣查明刪減將必需備用者擇出覈定數目。發交該省每次照數豫備將來差次由地方官將所備物件點交內務府大臣官員驗收再由內務府大臣發交各等處太監支領總不得令太監等與地方書吏私自交收以杜流弊。又據另片奏太監等隨從出外麩草米豆等項恐其自向街市購買與外間市僧閒雜之人交往可否飭諭內務府大臣等將隨圍太監應給麩米食物覈定數目由州縣呈交內務府大臣發給等語所見糊塗已極太監等給使內廷禁止與外人交接如差次向地方官吏需索食物使費或藉以交通熟識此則必應嚴禁若伊等尋常購買食物與市販等彼此交易此則情事之常不得謂之交接即如御園各處太監其日用所

需原准其出福園門西南門自行購買並未加以飭禁若伊等偶食蔬果皆須向內務府大臣代為購備則繁細瑣屑成何體制况太監隨從出外賞給路費俾資食用設如那彥成所奏該太監等既領錢糧復令地方為之代備供應有是理乎所奏斷不可行現在辦理太監小劉進喜差次需索一案順義縣知縣陳楷任聽書吏濫給供應咎有應得雖據那彥成查明舊習相沿並非有心交結茲當整飭之時不能不加以懲創已降旨將陳楷革職准其留於該省仍令幫辦差務如果辦差數次妥協無誤再由該督奏請開復其餘五年以內辦差各州縣人數太多著照該督所請查明同失察之總督藩臬奏明照例分別議處其密雲瑤亭濫支供給之書吏等仍遵照前旨確實查明照例治罪將此諭令知之○辛亥

上御勤政殿聽政○命刑部左侍郎成格光祿

寺卿彭希濂馳往山西大同府查辦事件○
以都察院左副都御史蔣予蒲通政使司通
政使穆彰阿為內閣學士兼禮部侍郎銜國
子監祭酒湯金釗為詹事府詹事○壬子諭
軍機大臣等本日召見錢樞詢以江浙地方
情形據稱近數年來杭嘉湖及蘇常等府每
屆秋冬之間有江北淮徐海一帶游民百十
為羣或乘坐船隻或推輓小車或結隊步行
衣履齊全不類乞丐號稱飢民所過鄉村坐
索飯食鋪戶等斂錢資送必須給其所欲始
去否則時衆強取人皆畏其強橫不敢較論
地方里保亦不行查問該匪徒等歲以為常
視同行業富民鋪戶有畏其滋擾先期徙避
者近來愈聚愈多沿途無賴之徒隨而附和
其中私集竊匪無所不有恐因循日久滋生
事端再江浙數年來年歲豐稔而米價總未
平減兼之市集行販常有驟長驟落之時甚
至一二日間有每石增減銀數錢者推原其

故洋面近雖肅清而零星匪徒尚未淨絕仍
時有出洋米石大約洋船一到海口則其價
立昂洋船開行後價即陡落其買米總用洋
錢因其便於取攜不須平兌行使簡便易於
掩飾故近海口之松江嘉興寧波紹興各府
洋錢盛行街市交易不用銀兩制錢恐多流
弊等語飢民乞食所在恒有若無籍之徒號
稱飢民結隊成羣擾害良善地方官不加禁
遏日久恐滋事端至米石不准出洋所以杜
絕接濟用清盜源若禁令稍弛恐洋匪又形
充斥著百齡張師誠陳預各於所屬地方留
心查辦如外來游民令該州縣各於境內稽
查一有搶奪之案立即嚴拿懲辦其風自可
漸戢其各處海口尤當嚴查密訪勿任不肖
兵役縱容包庇致齎盜糧該督撫接奉諭旨
後認真妥辦仍各將辦理情形具摺覆奏將
此諭令知之○癸丑
孝恭仁皇后忌辰遣官祭

景陵○諭軍機大臣等。百齡等奏三進漕船。全數渡黃。請將催趲出力各員量予鼓勵一摺。所奏殊不成話。向來重運漕船。渡黃迅速。比較上年日期。早十餘日。或早月餘。始將催趲出力之員量加獎勵。皆朕特降恩旨。恩出自上。該督等每屆糧艘北上。派員催趲。歲以為常。即使輓運安速。亦其分所應為。不當自行奏請鼓勵。况本年渡黃日期。較上年亦遲六日。以閏月節氣計算。遲至十餘日。該督等即

應奏請治罪。方為正辦。今奏請加恩。此語出於何典。姑念今夏東境運河水絀。輓運維艱。即幫船早出江境。轉致沿途擁擠。故渡黃雖遲。不復加以責備。豈能復邀甄敘。所有該督等開單奏請施恩之處。著不准行。嗣後每年重運。仍應竭力趲前。勿許再有遲逾。將此諭令知之。○命翰林院編修姚元之提督河南學政。○甲寅。給河南睢寧陵鹿邑柘城商邱五州縣積水地方貧民口糧。並緩徵上年額

賦。○乙卯。諭內閣。御史卓秉恬奏整飭吏治一摺。劫盜最為民害。全在地方官速拏懲治。俾無一倖。逃法網。庶足以儆強暴而靖閭閻。乃積習相沿。往往以消弭諱匿為事。總緣盜案有疏。防展參處分。冀圖苟免。不知地方偶有失事。尚係公罪。果能緝拏迅速。並可轉過為功。即如逆案內緝拏要犯祝現等各該地方官能於境內捕獲者。朕方將加以升賞。斷不因其曾在境窩藏。轉追坐其失察之咎。是捕盜而獲功。諱盜而獲罪。二者得失昭然。該員等非特為國盡職。當明大義。即自為身謀。亦不當以彼易此也。至積案之多。皆由地方官不速為審辦。厯控上司。上司又不即為審結。輾轉發審。動延數載。因有積慣訟棍。深知地方官玩愒成風。諒不能察及幽隱。遂敢於架詞聳聽。輾轉愈多。拖累愈甚。所以近年京控之案。日見其多。實由吏治廢弛之故。著各該督撫通飭所屬於緝捕聽斷事宜。力為振

刷。俾盜風盡熄。訟案日稀。如有因循怠玩。仍蹈故習者。即嚴加糾劾。毋得稍有徇庇。以肅官常。○奉恩將軍定海。因病告替。以其子那當阿襲職。○丙辰。

上幸萬壽山。○諭軍機大臣等。那彥成奏大名清豐南樂三縣疏濬積水情形一摺。大名等縣七十餘莊地畝。前因衛水倒漾。頻年淹浸。茲據各村民人情願自行出夫挑挖。並請官為彈壓。積水淹浸田畝。鄉民自願疏消。以利耕種。自應俯順輿情。令其興辦。該督並飭知地方官妥為彈壓。勿令胥吏人等藉端滋擾。至該處與豫東兩省毗連。人夫聚集之時。易於藏奸。現在未獲要犯祝現等及次要犯共六十餘名。或潛跡其中。亦未可定。那彥成當密飭該道府州縣及委員等留心察訪。遇有形跡可疑之人。即詳加盤詰。勿稍疏漏。又另片奏保定及省南一帶。時疫頗多。所請辟瘟丹方。已飭令抄錄發去。該督即照方配製廣

為散給。以拯災黎可也。將此諭令知之。○丁巳。諭內閣。國史館纂辦臣工列傳。向不按年分先後以次進呈。其辦理章程。本不畫一。前日該館進呈和珅列傳。和珅逮問伏法。迄今已越十五年。始將列傳纂進。已太覺遲緩。迨詳加披閱。其自乾隆三十四年襲官。以至嘉慶四年褫職。三十年間。但將官階履歷挨次編輯。篇幅寥寥。至伊一生事實。全未查載。惟將逮問以後各諭旨詳加敘述。是何居心。不可問矣。和珅在乾隆年間。由侍衛擢擢大學士。晉封公爵。精明敏捷。原有微勞足錄。是以皇考高宗純皇帝加以厚恩。奈伊貪鄙性成。怙勢營私。狂妄專擅。積有罪愆。朕親政時。是以加以重罰。似此敘載簡畧。現距懲辦和珅之時。年分未遠。其罪案昭然在人耳目。若傳至數百年後。但據本傳所載。考厥生平。則功罪不明。何以辨賢奸而昭賞罰。國史為信今傳後之書。事關彰瘁。不可不明白宣示。所有承

辦和珅列傳之纂修官。著查明叅奏。交部嚴加議處。其正副各總裁校勘疏漏。均難辭咎。除陳希曾甫經到京。仍留原館。毋庸交議外。董誥在館年久。精神未能周到。著毋庸兼充正總裁。仍交部議處。景安現已年老。章煦甫經到館。均免議處。毋庸兼充副總裁。著派曹振鏞。托津。潘世恩。充國史館正總裁。盧蔭溥。充國史館副總裁。將該館纂輯各事宜。妥立章程。加意整飭。其和珅列傳。著另行詳查編次進呈。尋奏。刪纂和珅列傳之編修席煜。請革職審訊。得旨。顧純原纂和珅列傳稿本內。本載有事實四條。皆和珅罪狀。仰奉皇考高宗純皇帝飭諭。加以譴責者。葛方晉節去三條。席煜節去一條。其居心實不可問。除葛方晉業經身故外。席煜前已革職。著即行押解回籍。交江蘇巡撫張師誠嚴行管束。令其閉門思過。不准外出。並留心稽察。如有怨望詩文。即奏聞。將該革員拏問治罪。○成都

將軍賽冲阿等奏報官弁進勦涼山番賊。斃為首兇夷畢格等。擢外委彭朝富為把總。兵丁張勇為外委。○鑄給湖南撫標右營遊擊關防。從總督馬慧裕請也。○戊午。以巡漕給事中李鴻賓為河東副總河。○己未。諭內閣。向來部院各衙門。遇有請派事件。均將上屆派出各員。開列比較單呈覽。此次考試拔貢。禮部單開嘉慶七年派出搜檢王大臣內。已故者十二員。不應仍行開寫。嗣後各衙門開列比較單。著將上屆派出之員敘明共若干員。聲明已故若干員。扣除將現存者按名開單進呈。○又諭。本日永錫等將原任察哈爾總管頭等侍衛諾木齊。列入請補總管缺內。揀選帶領引見。諾木齊前在察哈爾總管任內緣事革去總管。降為副護軍叅領。上年軍營出力。授為頭等侍衛。降級未久。豈可復為該處總管。揀選王大臣等漫不經心。除將諾木齊之名裁撤。毋庸帶領引見。其原保之

領侍衛內大臣榮郡王綿億署領侍衛內大臣睿親王端恩揀選之御前大臣莊親王綿課值年旗都統肅親王永錫蘇楞額奕紹哈迪爾崇祿明亮副都統瑞齡西拉布均著交部議處嗣後總管任內獲罪調用者不准再放總管○諭軍機大臣等吳璥奏澍雨應時漕行順利一摺本年東省因湖漕短絀漕艘輓運維艱昨據同興奏報本月二十一二等日得有透雨河流增長本日復據吳璥奏稱汶泗等河長水自二三尺至七八尺有餘運河存水四尺足資浮送現在東省得雨後各處泉源旺發河水充盈糧艘連檣北上自可以速補遲惟向來東省值大雨時行之際並不早為收蓄任其汪洋旁洩逮暑雨已過湖水日形淺涸始各處疏泉導流而勢已無及頻年重運經臨節節阻滯職此之由此時應趁河水長發泉源湧盛之時覈計運河存水漕艘可以暢行一面即將有餘之水設法導

引歸湖則挹注從容自勝於臨渴掘井也昨有旨令吳璥前赴豫省防汛並籌辦睢工特授李鴻賓為河東副總河所有豫省河防及堵築睢工事宜李鴻賓此時不必兼管惟督率東省道將廳營等催趲漕船收蓄湖水一切盡心籌畫其湖水所收尺寸每月具奏一次註明舊存底水若干新收長水若干開具清單呈覽吳璥專意經理河南工程事宜亦毋庸兼顧東省俟睢工合龍後吳璥回至濟寧再與李鴻賓將全河大局形勢機宜詳細講貫可也將此諭令知之○以陝西神木協副將齊慎為西安鎮總兵官

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百九十一

實錄卷一百九上

五

穀修

嘉慶十九年甲戌六月庚申朔日食○旌表

[illegible]

守正捐軀江蘇沐陽縣民戴庭璠女戴氏○辛酉諭內閣那彥成奏查明大名府屬捐輸者賑紳民懇請獎勵一摺上年大名府屬州縣被災地方窮黎乏食該紳民誼敦任卹捐輸銀米拯濟鄉閭原係義所當為即地方大吏嘉其好施樂善奏請獎勵亦當示以限制名器豈容太濫所有單開之候選同知胡鑑堂候選敎諭李敘曾候選縣丞李友曾著加恩交部議敘其捐米一百石之朱堦郭允淇

胡德隆董克忠。胡郁文。王克念。傅永年。李連喜。石培金。頓成德。金盤銘。李元欽。劉天香。捐銀四百兩之朱漢書。劉士奇。張蘭坡。俱著賞給八品頂帶。其捐米五十石。捐銀二百兩者。均無庸議。○直隸總督那彥成。奏辦理賑務。編查保甲出力各員。候選知縣蔚音芳等。升補有差。○壬戌諭內閣。董誥等會議松筠條奏。節省新疆經費。並查辦屯地抽收木植二摺。烏嚕木齊收捐監糧。從前雖經舉行。但該處糧價近俱平減。此時定額過少。恐與內地收捐有礙。若定額過多。捐輸未能踴躍。仍於倉儲無裨。朕敬遵

皇考聖諭。著照舊停止。永不再言此事。言者必誅。其餘各款。著長齡於到任後。會同高杞再行體察情形。詳慎籌度。分析具奏。○諭軍機大臣等。連據同興奏報。山東通省於正月下旬以後。俱各得雨。深透直隸各屬。亦據那彥成奏稱。普被甘霖。聞豫省自入夏以來。雨

澤稀少。又聞有旱乾之處。朕心深為廬念。豫省與直隸山東接壤。近日是否均沾渥澤。著方受疇飭屬查明。迅速覆奏。再聞滑縣城鄉。因昨冬兵燹之後。氣象慘淒。居民未獲安處。著方受疇派員前赴該縣。察看情形。如尚有未埋骸骨。亟為掩瘞。勿令日久暴露。又古有磔攘之禮。所以祓除不祥。或招延僧道。設壇建醮。為之禳解。俾沴戾消除。庶人心日靖。亦可以感召和甘也。將此諭令知之。○又諭據

同興奏。拏獲搶劫案犯孫四。朱林富。並私梟曲二。趙幅周等犯。飭提究辦等語。山東沂水蒙陰等處。屢有匪徒搶劫。並私梟聚眾拒捕。傷差之案。經朕降旨飭拏。據同興奏報。緝獲孫四等犯數起。可見地方官若認真緝捕。奸匪自無能倖逃。何至盜風日熾。該撫務振刷精神。以戢暴安民為念。勿以此數案係奉特旨飭辦。即上緊踴躍。其餘案犯。仍一味因循延擱。終無寧謐之期矣。果能實力整頓。地方

自日有起色。勉改惡習。以贖前愆。將此諭令知之。○浙江布政使福昂。以因循疲玩。不能約束家人。降六部郎中調雲南布政使。額特布為浙江布政使。以山東鹽運使劉清為雲南布政使。調雲南按察使史致光為貴州按察使。貴州按察使伊湯為雲南按察使。○平糶福建寧洋縣倉穀。○癸亥。

上幸靜明園詰

龍神廟拈香。○諭內閣御史傅棠奏。近日刑部保題員外郎郎中。及派秋審處總辦司員。該堂官不問辦事能否。資格淺深。公同酌商。輒以家貲殷富。年輕資淺之員。濫行保派。等語。朕面詢董誥。據稱。近日該部因秋審處該班聽事人員較少。曾添派捐班司官七人。兼秋審處行走等語。刑部總辦秋審處為天下刑名總匯。自應將在部年久諳習刑名之員。派令行走。以資辦案。今該堂官以年輕捐納人員越次派充。此等少年一無知識。所謂未

能操刀而使割。未聞以政學者也。此時名為資其奔走之勞。將來遇有升題保送等事。即指稱在秋審處行走。豫為占先地步。必致各司歷練勤能之員。轉為過抑。殊不足以重公事。而示甄別。無怪乎嘖有煩言。所有此次添派兼秋審處行走之邢承祖。王玉璋。盛思道。廖均。和慶。崇慧。趙協中。俱著徹退。飭令各回本司學習行走。○甲子。諭軍機大臣等。初彭齡會同蔣攸銛等奏。訊明王延瑞稟揭成林各款。並查明該省虧空。分別定擬。各摺成林在巡撫任內。聲名平常。其恣意貪侈。必有實在劣跡。自應徹底嚴辦。方足以定成林罪案。茲據初彭齡等奏。稱成林於首縣置辦鋪墊等項。並不發價。並家人裴興等索取門包。每逢年節。開送眾家人名單。即在所給門包內分別賞給。以致家人益無忌憚。請將成林照家人索取陋規知情故縱罪。坐本官律。擬以杖流。請旨改發伊犁等語。所辦顯有不實。不

盡疏脫劣員是何意見外省督撫叅辦劣員始則據實糾彈及結案時又曲為迴護開脫將就完結最為惡習最為可恨如裴興等所供門包一項成林既知其家人索自州縣於本署自賞家人時公然開單分給與成林取自州縣何異且縱令家人如此婪索州縣而成林轉無自飽囊橐之事亦理之所必無初彭齡等以為罪坐裴興一人而以成林當其輕罪實屬曲為徇縱錯謬已極至成林前奏

粵西各州縣因緝捕攤捐虧缺銀三十萬兩據初彭齡等奏查明此事係屬成林憑虛入奏此語亦屬顛頑成林任粵西巡撫數年何以忽將該省錢糧虛報數十萬虧空自因平日恣意貪婪計算各屬虧空約有此數恐致日久敗露故豫為此奏以為將來彌縫脫卸地步以上各情節均關緊要必應徹底根究現在初彭齡已起程赴安徽省審案著交蔣攸銛會同台斐音親提成林及伊管門家人

裴興等覆加嚴鞫務令據實供吐另行加重定擬具奏該督等毋得再有徇縱致干咎戾將此諭令知之○廣西布政使史積容按察使張凱元緣事革職以大理寺少卿葉紹椿為廣西布政使廣東惠潮嘉道趙慎畛為廣西按察使○乙丑諭內閣綿恩奏失察太監莊玉福李長春二人與花戶趙四認識未能約束請旨議處等語王府太監平日與外人認識事所常有本王豈能一一查禁李長春

緣事遞籍後經綿恩具摺奏懇釋回均無不合惟李長春係曾經獲譴之人祇准令喚回當差綿恩不應仍給與首領頂帶此一節著交宗人府議處至莊玉福李長春私與地棍交往莊玉福著降為王府八品首領李長春著革去首領以示懲儆仍交綿恩嚴加管束毋許出外滋事○丙寅予河南實心辦賑候補同知謝樟等及捐銀煮賑候選教諭楊聖修等議敘頂帶有差○丁卯諭內閣上年九

月以來直隸地方承辦軍務差使絡繹雖一切動支官帑而供備車馬不能不借資民力本年畿南一帶州縣二麥歉收旬日以來普獲甘霖大田甫經播種朕體恤民艱前已降旨暫停秋獮至謁

陵大典每歲舉行上年途次白澗因聞禁城內有逆匪滋事之案事關

宗

社朕權衡緩急不得不回京查辦

橋山咫尺未遂瞻依方寸至今耿耿仰賴

鴻慈垂庇自回京以後辦理逆案渠魁迅獲餘

黨捕誅都城安堵即擬虔申

祀謝因豫陝軍務未歲去冬今春均未克諏吉

前往茲當中外救寧朕上感

在天之佑中積慕戀之忱亟思肅恭展謁著於

八月十九日啟鑒祇謁

東陵二十五日回京所有應行豫備事宜著名該衙門敬謹豫備○又諭戶部議駁廣厚奏

銅鉛不敷額鑄酌減鑪座並免補鑄缺卯一摺湖南省採辦供鑄銅斤逾年短缺自嘉慶十五年起缺鑄至一百三十七卯之多其採買滇銅漢鉛均較他省為近何至遲延短缺日甚一日顯係廠員等經理不善所致該撫不督飭所屬設法籌補率請減鑪免鑄殊屬不合廣厚著傳旨申飭即設法認真整頓務依定額按卯鼓鑄並將缺卯趕緊籌補以利國用餘依議○又諭勒保自上年染患目疾

未能速痊朕因其歷官中外著有勲勞是以於前次奏請開缺時祇將所管各項差使簡員管理仍留大學士伯爵令其在家食俸安心調攝不限以年月俟目疾就痊仍入閣辦事前降諭旨甚明勒保自應仰體朕意在家靜養乃本日又復來園具摺懇開大學士之缺是率意煩瀆不知朕恩矣現在內閣辦事並不乏人勒保何必急為此奏朕於大臣去留之際進退遲速自有權衡況向例大學士

出缺本俟一月後始行請旨簡放原所以示恩禮勒保著恪遵前旨安心調攝若再行瀆請不特開伊大學士伯爵之缺並將其子英綬等官職一併罷黜是勒保不知善承恩眷非朕待之不厚也○又諭御史烏爾袞保奏稽查內監出入章程一摺所奏紕繆不可行內監給使宮廷出入各門事時有原有定例若每日逐一搜檢不特事涉紛擾且人人而疑之推而至於官員吏卒出入概事搜查

豈昇平時之政乎至於搜出雜藥即令帶藥之人自喫尤覺繁苛可笑豈成政體此摺若係漢御史呈遞或不諳宮禁規制尚可將原摺擲還烏爾袞保係滿洲御史乃如此妄行陳奏瀆言亂政不勝御史之任伊本由內閣侍讀升補著仍回內閣以侍讀用○又諭宗人府題敏順承襲奉恩將軍一本已依議行矣本內所開英智之次子名清永泰向來滿洲命名除清語不計字數外若用漢文祇准

用二字不准用三字今清永泰之名幾與漢人姓名相連者無異殊乖定制本年春閒曾降旨將侍衛和珅保之名改為和保飭諭管理宗人府王公伊等此次仍漫不經心摺奏總不看視所有管理宗人府之王貝子公等著名罰職任俸三箇月其族長學長等俱罰俸六箇月清永泰之名即改為永泰○裁河南裕州州判為滑縣道口鎮縣丞從巡撫方受疇請也○乙巳

上御勤政殿聽政○以太僕寺卿景祿為通政使司通政使○庚午

上幸萬壽山詣

廣潤祠拈香○諭軍機大臣等貴楚克扎布奏宣郡張家口捕務均關緊要宣郡距張家口只六十里擬暫回張家口督緝仍頻赴宣郡梭織往來期獲要犯等語所奏大不曉事乾卦教首華姓未獲而祝現又有逃往張家口一帶之信該都統均應留心查緝但查緝

之法必須不動聲色密派員弁兵役設法踞訪匪徒等方不致聞風遠颺今貢楚克扎布以都統大員隨從多人僕僕往來於宣郡張家口之間即使要犯在彼潛匿伊豈無耳目非乘間逃竄即伏藏愈固安能迅就弋獲該都統之意不過欲見其辦理認真不敢怠玩不知於緝捕機宜大相刺謬伊日內既回張家口不必再赴宣郡著一面就近留心督緝祝現一面遣派妥員在宣郡一帶訪查華姓如宣郡訪獲正犯該都統前往審訊錄供具奏道里甚近不致遲誤總須持以鎮靜勿涉驚擾為要其另擬緝捕事宜三條前兩條請於地方交界處所及河工水次偵捕之處所見甚是早經降旨飭辦其在新疆偵緝一條則斷不可行者也將此諭令知之○命古城領隊大臣富寧阿來京賞候補郎中福昂三等侍衛為古城領隊大臣○辛未諭內閣刑部奏查辦四川省一二次緩決人犯分別准

減不准減開單請旨一摺朕詳加披閱准減人犯單內有絞犯周挺富一名因駱在榮黃夜竊伊柘葉該犯聞響喊捕駱在榮從樹滾下用刀拒捕該犯奪刀過手連砍五傷駱在榮倒地亂滾該犯復用刀亂戳五傷殞命此案駱在榮偷竊柘葉為物甚微且地當曠野較之入室行竊者不同該犯奪刀連砍於業經倒地之後復又連戳多傷致即時殞命實為兇狠周挺富一犯此次應不准減等此等兇忍之徒及金刃一二傷斃命緩決案犯須過三次後查辦時再量予減等○壬申頒御製化民成俗論曰學記曰君子如欲化民成俗其必由學乎旨哉是言千古不磨之論也蓋人不學不知道道者何天經地義日用倫常皆道也孝弟忠信禮義廉恥國之四維民之大用也知者則為賢臣循吏孝子良民不知者則為貪官汙吏逆子亂民矣變化氣質養正毓德舍學無術也正學興則邪說熄官

常肅則庶民從今之大弊在正學式微官常疲惰故邪說日熾蠱惑鄉愚頑俗固結而不可解者總由於不學之人過多之故也人性本善惟學能導其善漸仁摩義教孝教忠非學不能明德也廢學則為冥頑之民不習正學必流於邪教矣如水之就下不可遏禁終至泛濫難止同歸於汙濁皆不學之害也學者知大義不學者圖小利而不顧大義犯上作亂之徒皆因利也利心起而義心失大害

隨至尚不自知如飛蛾投火至燬不悟誠可憫也見利忘義皆不學之人也此類人多非國家之福也家有塾黨有庠州有序國有學不可廢而不設也不可設而不學也不可學而不思也設官講學明正教也教官之名豈空言哉天下未有不可化之人未有不能辨之事所慮者官不盡職苟且因循民不能化俗不能成坐視流於汙俗不肯援救激成變亂惟用嚴刑峻法鍛鍊株連波累無辜流離

顛沛不教而殺謂之虐是可忍也孰不可忍也三苗尚能感格況中土之人乎邪教之本唯一利字利心深染正義全乖欲格其非心必自正學始道德齊禮有恥且格是聖王之全體大用不可不亟講也經正民興斯無邪慝君臣各盡其道士庶各修其業形端表正上行下效庶幾移風易俗返樸還淳洵由昌明正學始也甲戌季春齋居事簡偶讀學記有會於心故申論焉○諭內閣刑部具題河

南省絞犯李明在監逸出就獲仍照原擬絞候一本李明本係秋審緩決二次之犯在滑縣監禁上年九月間值教匪滋事劫獄放囚逼令入夥該犯不從乘間逃跑出城在附近地方求乞本年正月間被兵弁拏獲經該撫照原擬罪名具題朕詳覈案情李明當賊匪開獄放囚之時雖乘間逸出事後亦未經到官自首然被逼不肯從賊與附逆入夥者判然不同亦應量從末減著刑部通查上年滑

縣監禁罪囚。共有若干名。當賊匪劫獄時。有無守法不肯脫逃。及逃後自行投首。並如李明之不肯從賊。亦未自首。經兵弁拏獲者。各有幾人。其罪名應如何區別定擬之處。悉心覈議具奏。所有李明一犯。候議上時。再行覈辦。尋議上得旨。刑部奏查明上年教匪滋事。滑縣等處。守法未逃。並乘閒逸出各監犯。分別自首被獲酌減罪名。開單呈覽。朕詳加披閱。內絞犯李胖小等三名。係逸出後被獲。其不肯從賊之處。僅憑該犯等供詞減擬杖流。尚覺稍輕。李胖小羅秉信李明俱著改發新疆。餘依議。○癸酉諭軍機大臣等。據常明奏此次勦辦雷波清溪夷匪。調派官兵所需鹽糧夫價運腳犒賞以及安塘設站等事。共需銀三萬三千餘兩。連撫卹難民之費。皆在其內。其中有例得准銷者。亦有例不准銷者。該督撫擬與司道各員。公同捐辦等語。所奏非是。地方辦理軍務一切軍需支應。例應報部

覈銷。何庸地方官捐辦。何嘗自出己資。仍不過取之於官庫。或剝削小民。假名圖利。若云內有例不准銷之款。即屬濫支。濫應本不應造報。所有此次軍需銀三萬三千餘兩。著該督詳加稽覈。除不應報銷者刪除外。其例應報銷者。照例具題。由部查覈將來設有部駁之款。應行著賠者。該省再行攤賠可也。將此諭令知之。○成都將軍賽冲阿等奏勦平涼山清溪夷匪。並出力各員弁。得旨嘉獎提督多隆武。下部優敘。賞道員曹六。擧按察使銜劉斌。花翎。仍下部議敘。加叅將王泰。副將銜賞知府張瑞。溥。叅將李廷揚。遊擊德印。守備孫如藩。郭成。千總楊明魁。花翎。知縣胡之富等。藍翎。餘升用有差。○甲戌旌表守正捐軀江蘇蕭縣民孟傳江女孟氏。○乙亥諭軍機大臣等。朕恭閱皇考高宗純皇帝實錄。內載乾隆五十一年據劉戡奏。拏獲張均德一犯。訊據供稱。段文經

曾向伊說。大名東南上。約六七百里路。有箇大湖。那湖中巽卦的人最多。大半是使船的。段文經或逃往湖中。潛匿。當經劉裁委員分往南陽。微山。蜀山等湖。踴緝等語。上年直隸等省辦理滋事匪徒。捕誅各犯。多係傳習坎卦離卦之人。其巽卦教內。同謀滋事者。雖少。但均係八卦教匪黨。自必聲息相通。逆犯祝現等。並次要各犯。在逃未獲者。尚多。必有匪夥。窩留大名府境東南六七百里之湖。係何

湖名。其地當與山東河南毗連。著那彥成。同興。方受疇。各飭屬查明。其湖在何地。界湖內船戶。是否至今。尚多習教之人。如該處習教人衆。即應密為查辦。從此訪察各逆犯蹤跡。或可迅就。弋獲也。將此各諭。令知之。○江蘇巡撫張師誠。因親病乞假。允之。以欽差倉場侍郎初彭齡。暫署江蘇巡撫。○撥福建龍溪。海澄。南靖。長泰。四縣。歸石碼通判兼轄。漳浦。平和。詔安。三縣。歸雲霄同知兼轄。從前任巡

撫張師誠請也。○旌表守正捐軀陝西山陽縣民閻登儒妻葉氏。○丙子

上幸萬壽山。○諭內閣。汪志伊等。奏。奉。把。總。朱。渥。請。革。職。審。訊。一。摺。朱。渥。本。係。洋。盜。投。首。施。恩。賞。給。把。總。自。効。茲。管。駕。營。船。赴。臺。乃。敢。捏。報。遭。風。擊。碎。船。隻。漂。失。兵。丁。並。將。撈。獲。礮。位。藏。匿。島。嶼。其。情。節。尤。為。可。惡。此。等。狼。子。野。心。顯。係。故。智。復。萌。如。訊。有。蓄。謀。為。匪。及。通。盜。情。事。即。行。凌。遲。處。死。並。將。妻。子。緣。坐。以。示。懲。儆。

通判李維錚。訪出捏報情形。即馳往查起。所匿礮械。據實稟辦。實屬明幹認真。著加恩。以同知即用。○丁丑。諭內閣。此案已革兵丁劉觀朝。挾本管都司沈文同。革除名糧之嫌。捏造。剋扣兵餉。偷賣倉糧。各重款。來京呈控。現經審係全虛。此等刁風。斷不可長。常明。僅將劉觀朝。照。募。越。赴。京。告。重。事。不。實。例。發。邊。遠。充。軍。至。配。所。折。責。安。置。尚。屬。輕。縱。劉。觀。朝。著。加。枷。號。三。箇。月。滿。日。重。責。四。十。板。發。烟。瘴。充。

軍。嗣後如有革兵控告本官。審係全虛者。即照此辦理。○戊寅考試。癸酉科拔貢。以大學士董誥。吏部尚書章煦。戶部左侍郎果齊斯歡。盧蔭溥。右侍郎黃鉞。禮部右侍郎王宗誠。都察院左都御史戴均元。為閱卷大臣。○己卯。諭軍機大臣等。那彥成奏。直隸省自嘉慶二年至十八年積欠。及大兵經由各州縣民欠地糧。並借給折色銀兩。共銀三百四十餘萬兩。米糧穀豆等項。共一十四萬餘石。草六萬餘束。為數過多。請分別蠲免十分之三四五分等語。所奏乖謬之極。直隸省前次辦理清查之後。業已嚴降諭旨。各州縣不准絲毫再有續虧。嗣後亦不得更藉清查名目。以為掩飾虧空地步。那彥成到直未久。復為此奏。自係該省屬員。欲將虧空混入民欠之內。創為此議。覬覦邀免。那彥成受其慫恿。大膽冒昧。率行入奏。著傳旨嚴行申飭。總不准再提此事。將此諭令知之。○領侍衛內大臣莊親

王綿課等奏。紫禁城內外直班護衛大臣官兵規制。已為嚴密。聖駕啟蹕後。無庸添派。惟查吉林黑龍江官兵。最為驍勇。現在留京分補各營額缺者不少。應請於紫禁城四門。景運隆宗二門。進班章京兵丁定額內。每日酌挑二三名。輪流直班。向遇啟蹕之期。留京王大臣並不直宿。應照巡幸木蘭之例。在紫禁城內輪流直宿。並添派健銳內外火器三營章京各一員。在東華門外直班。其圓明園直班大臣。向祇四員。應酌添直班大臣四員。輪流直宿。並令外火器健銳兩營章京在園直班。得旨。紫禁城內外及圓明園各處禁門柵欄守衛官兵內。著俱將吉林黑龍江留京官兵。每日酌挑數名。輪流直班。該官兵等騎射清語。較為嫻熟。各營官兵相觀而善。亦屬有益。餘俱照所議行。○緩徵直隸大興宛平通國安易涿水六州縣旱災新舊額賦租銀。暨應還倉穀。○庚辰

上幸靜明園詰

龍神廟拈香○辛巳命吏部尚書章煦刑部右侍郎那彥寶查看運河○調兵部尚書劉鏞之為戶部尚書以倉場侍郎初彭齡為兵部尚書內閣學士蔣予蒲為倉場侍郎○壬午遣官祭

火神廟○諭內閣榮麟等參奏通水道張五緯玩誤漕運請交部議處一摺北運河淤淺處所前經該侍郎等奏明飭交該道剋期疏濬乃並未測量挑挖以致重運糧船節節淺阻實屬玩誤現在漕艘銜尾而來勢難刻緩著派內閣學士穆彰阿光祿寺少卿吳邦慶前往督率張五緯將北運河所有橫淺處所逐一挑挖務於半月內一律深通俾糧艘暢行無阻所有挑挖夫工之費俱罰令該道賠出。不准開銷如辦理妥速從寬免其議處。儻再有延誤必當從重治罪。穆彰阿等奉旨後即日前往督辦不必來園請訓○又諭刑部

議覆吉林偷竊官豆遣犯蕭亞升。照原擬斬罪。請旨即行正法。所議未為允當。蕭亞升以免死發遣盜犯起意行竊官倉豆石。固屬藐法。但所竊豆石計賊僅止十兩以上。為數無幾。若擬斬即行正法。設遇贓物倍多。逾貫者。又將加以何罪。蕭亞升一犯仍照免死減等發遣盜犯在配。該徒罪以上擬斬監候。本例與劉老二陳山二犯均著斬監候。秋後處決。嗣後免死發遣盜犯在配。為首竊盜官糧計贓在八十兩以上。擬以斬決。其不及八十兩者。俱不得加重問擬。○諭軍機大臣等。上年九月十五日逆匪滋事之後。各逆等皆經陸續搜捕正法。惟祝現等六犯係著名巨逆。當被逃遁。至今尚未捕獲。此等梟獍之徒。秉性兇逆。現當查拏嚴緊之時。潛蹤偷活。及日久稍一鬆懈。又必煽誘匪黨。復圖滋事。一有亂萌。則良民必先受其荼毒。至翦除艾薶。賊徒亦必同遭殲滅。是此時去惡不盡。關繫實

非淺鮮朕屢經降旨飭拏祝現等各犯務淨根株者意念實在於此近日各該處緝拏匪犯俱不得其要領各該州縣營汛俱有一定界址本境以內耳目易周掩捕易及誠能果於本境之內燭照數計賊將焉往若本境有無賊匪藏匿尚茫無足據一聞他境傳有賊蹤即闐然趨赴相率爭功是謂舍其田而芸人之田忘本逐末無怪祝現等六犯及其餘五十餘匪日久遁謀迄無一獲也緝捕之法

先懷義切同仇之心勿存因循怠玩之習當知該逆等俱係覆載不容之人非其平日同教往來情密者誰肯不顧身家收留藏匿若該逆等無有容隱之家逐日奔走道途入市覓食則此數月來偵緝四布耳目衆多又何至毫無蹤影著傳諭那彥成同興衡齡方受疇各飭所屬州縣先各就本境密訪有無習教之家如有其人不必亟亟查拏再訪察上年九月十五以後其家有無遠來形跡可疑

之人。在彼留住從此節節留心密訪果確有見聞即迅捕確訊如有真賊何難就獲由一家而一里由一里而一縣由一縣而一府由一府而一省皆能辦理得法自無藏奸之處惟在大小官吏激發天良共切同仇毋奉行不實視為海捕具文為要將此諭令知之○又諭李鴻賓奏各湖新收長水尺寸及南糧二三進幫船行走情形二摺朕特授李鴻賓為河東副總河雖豫東兩省河務皆其所轄

但本年豫省防汛及睢汛大工專派吳璥在彼督辦伊不能顧及東省其東省蓄水濟運各事宜則專責成李鴻賓一人經理李鴻賓於豫省河務此時竟無須過問惟一意將東省臨河兩岸八處河壩以及東境南界江南北界直隸運河一應利弊情形通盤籌畫泉源坡水應疏導者及時疏導湖底應開濬者設法開濬如果籌辦得宜來年重運經臨河流暢順即係李鴻賓之功儻漕船再有阻滯

即係李鴻賓之罪務勉之又勉以副委任至二三進幫船現已跟接入境本年在前幫船行走已逾定限所有在後各幫當迅速催趨督令晝夜趨行以速補遲勿稍延緩將此諭令知之○以都察院左都御史戴均元署吏部尚書理藩院右侍郎熙昌署刑部右侍郎○以工部尚書周兆基為國史館總裁官○癸未諭內閣貢楚克扎布等奏請將應賠馬匹牛羊作價扣廉完繳一摺所奏甚屬取巧

更兼膽大在朕前竟敢朦混亂法牧羣牲畜理宜尊養繁庶不容稍有缺額此項馬匹牛羊因倒斃虧缺係由該都統等辦理不善所致經朕加恩免其治罪責令分賠亟應籌買足額即所屬地方現在採買牲畜較多亦當分向他處設法購買若扣廉作價於虧缺之額仍不能即時補足縱使繳價倍蓰亦與牧政無裨貢楚克扎布福珠隆阿俱著傳旨嚴行申飭即將應賠各項牲畜按限買補買有

成數隨時奏聞缺額補足時專摺具奏彼時朕派員前往查驗如有朦混定將該都統等一併治罪○又諭松筠奏查明回子通事阿布都克比爾身故緣由附參署任阿奇木伯克並自請議處一摺此案前據松筠奏稱阿布都克比爾嘔血身故彼時朕即疑有毒斃滅口情弊諭令松筠查訊茲訊據回子伊斯麻依爾供明實係伊第里斯巴克依與阿布都拉仔斯二人聽從玉努斯之婦色奇納主

使用藥毒斃果不出朕所料除色奇納及伊第里斯巴克依阿布都拉仔斯三犯業經正法外其時玉努斯年班進京署阿奇木伯克事務之英吉沙爾阿奇木伯克瑪木特毫無覺察且年已衰老著革退阿奇木伯克伊斯麻依爾知情不舉仍發回喀什噶爾枷號期滿重責示懲至阿布都克比爾被毒身斃情殊可憫著於抄變玉努斯財物項內撥出銀一百兩由恩長就近賞給伊子阿布都納什

爾以示矜卹松筠前此未經訊出茲已查辦明確其自請議處之處著加恩寬免○又諭董教增奏請審辦逆倫重犯仍照舊例審明後即在省垣正法以昭慎重等語此等逆倫重犯罪大惡極向令其解回犯事地方正法者原俾衆人觸目警心共知畏懼但其犯事之處或距省千餘里及數百里不等輾轉遞解疏脫堪虞設中途病斃轉得倖逃顯戮嗣後審辦逆倫重犯其距省三百里以內無江

河阻隔者仍押赴犯事地方正法其距省三百里以外者審明後即將該犯在省垣正法首級解回犯事地方梟示儆衆○甲申以刑部尚書崇祿吏部左侍郎吳烜禮部右侍郎寶興充經筵講官戶部右侍郎黃鉞署經筵講官○乙酉

上幸萬壽山詣

廣潤祠拈香○諭軍機大臣等那彥成奏遵旨飭委員弁嚴拏逆犯一摺本日據劉鏞之

等奏據已革知州吳士鴻等在新城縣姚起營地方拏獲李天相一犯訊據供認伊家三世習教該犯曾經首逆林清偽封自在王其胞兄李天壽亦有偽封王號與知逆謀並在京南瓜里村拏獲支進才之胞弟李贏子即支贏子一犯現已交部審訊李天相等均係從逆要犯或籍隸新城或在京南附近村莊潛匿又據方受疇奏在磁州拏獲滑縣逸出逆賊此皆那彥成所屬地方茲經順天府委員拏獲那彥成亦知愧知懼否耶順天府委員不過數人屢有緝獲要犯那彥成統轄全省所委員弁較順天府不啻數倍乃數月以來並未拏獲要犯一名其所稱遴派文武員弁分投密訪嚴拏之語盡屬空言看來那彥成於緝捕一事仍不免因循疲玩著傳旨嚴行申飭該督接奉此旨務即嚴飭所屬將犯現等要犯並次要各犯上緊偵緝務獲毋稍疏懈仍遵前旨將緝捕情形十日具奏一次

再朕本年八月間恭謁

東陵直隸應派隨扈官兵前日已經軍機大臣會議章程奏聞降旨令該督遵照辦理近聞那彥成仍欲密備官兵二千名該督自帶一千名在前行走提督帶領一千名在後隨扈此斷不可鑾輿出入警蹕自有常儀若驟增兵衛二千前後擁護沿途駭人觀瞻實覺不成體制該督惟當遵照覈定兵數擇其年壯技優在營年久可靠者挑選足數勿將無籍新兵一名廁入其各處經過城市村莊著慎委妥員先行逐細詳查臨時加意管轄勿容來厯不明之人叩閭煩瀆以昭嚴肅此外母得率行添兵若那彥成以派兵二千之說曾經奏聞仍私自豫備帶往屆時必將那彥成拏問治罪不貸凜之將此諭令知之○除奉天岫巖廳被淹窪地八十五頃七十四畝有奇額賦○丙戌諭內閣馬慧裕等奏請將拏獲沿江沿河積窩巨盜之知縣郎錦駿等五

員送部引見等語所保甚屬冒濫江夏縣知縣郎錦駿拏獲鄰境行劫盜犯四名且曾於上年盤獲散布謠言之李占魁一犯緝捕尚屬認真著准其送部引見至此案失事在漢陽縣地方該縣知縣裴行恕若承緝不力即有應得之咎今將盜犯拏獲功過僅足相抵試用縣丞黃中立從九品陳渭試用知縣陶洽等各獲盜犯數名該員等差遣奮勉不過冀圖拔補委署該督等率行奏請送部引見殊屬非是馬慧裕張映漢俱著傳旨申飭其請將裴行恕等送部引見之處著不准行○又諭吳璥等奏豫籌轉運三進漕糧俾得迅速回空酌議三款內前二款請以楊村剝船運送抵通及在北倉囤貯再為運通皆係節年辦理有案事屬可行其第三款請將山東河南等處軍船在臨清代為剝運照料抵通此在江廣重船自可無誤歸次而豫東等處軍船往返耽延恐轉致凍阻北河似有窒礙

著交倉場侍郎會同漕運總督妥議具奏○
丁亥諭內閣朕恭閱

皇考高宗純皇帝實錄內載乾隆五十二年七月內因旗人婦女有燒香遊蕩耗費錢財一案欽奉

諭旨八旗都統副都統等管轄八旗人衆當如父兄教訓子弟留心管束並非止令其辦理旗務挑選兵缺已也著飭令宗人府八旗王大臣等嗣後務將各該管旗人嚴行約束並傳諭各該族長叅佐領等留心稽察儻再有此等事件將該管王大臣官員一併治罪欽此

聖訓煌煌仰見我

皇考整飭八旗敦崇教化至意彼時王大臣等管理旗務已不免懈弛致有婦女入廟燒香違犯禁約之事今相距又幾三十年管旗王大臣因循懈怠日甚一日旗人中忘本蔑義上年竟有事出人情物理之外者朕思之深

為寒心不忍形諸紙筆夫習俗日漓皆由於教化不講今之王大臣管理旗務不過謹慎自持挑缺無弊再於查城閱操按期不廢已自以為奉職無忝殊不知此皆循分應管之事至於根本之地必如

聖諭所云若父兄之教子弟使八旗少壯服習訓言遷善遠惡爭自拔濯奮興以勉為楨幹干城之選斯不愧統率之責今都統副都統以及叅佐領等任旗人之日即遊蕩視如秦越人之肥瘠試思遊蕩則不務正業耗費日多耗費多則身家匱乏不特卑汙苟且之事皆所不免甚至邪慝引誘亦被其煽惑背禮義而忘廉恥其害可勝言乎化導之法亦非必執人人而耳提面命但使居高提倡使知有善則必勸有惡則必懲稽查密而賞罰明則羣然以天理為必當循以王章為必當畏父誠兄勉蒸然向風將見習尚日淳賢材輩出矣管理旗務王大臣務各矢公忠勤思國

本以勉副朕諄諄訓迪之苦心將此通諭知之○以候補三品京堂齊布森為太僕寺卿○增鴻臚寺學習鳴贊官二缺○戊子諭內閣綿課等奏審擬贊禮郎富昌呈控伊妹夫筆帖式富勒洪阿懷疑出妻一案已依議行矣國家設官分職辦理庶政大小各有等差如事關重要非臣下所敢擅斷者自應奏聞請旨定奪此外應題應咨之件為類孔多該管大臣應照例分別覈辦違戾之事則有司

存况夫婦不和家門猥瑣之事乎非為上者憚於煩勞其體固當如是也此案富昌控伊妹夫富勒洪阿各情節祇係夫婦閨房口角細故既在該管衙門控告弘謙等儘可自行審理咨部完結乃專摺具奏並於摺內恭書陵寢字樣之下敘述猥褻語句實屬荒謬除前已降旨議處外茲特明白宣示近日內外臣工往往欲避專擅之名於事之不應奏者亦以一奏塞責以見事雖至瑣尚纖毫不敢欺

隱設有大於此者必更無所諱匿不知人之才識見大者能知體要其遇事也確有權衡見小者日詹詹於凡近一遇重大之事情無據依默然不敢置喙如上年林清於近畿勾結黨與散布謠言積有月日竟無一人聞知能先期舉發者可見大小官吏散精神於煩苛瑣屑之地而莫知政要舉其細而遺其大於國事又奚裨乎著通諭內外各衙門嗣後於一切庶務皆當詳察事理審度重輕分別

辦理勿外涉粉飾之跡中懷怠玩之心屢言小事而轉不言大事名曰無欺而欺罔更甚矣若因有此旨誤會朕意於應行奏辦者轉因循壓擱則獲咎滋重必不赦宥○又諭衡齡奏失察大同鎮總兵張績等劣款請旨交部嚴議一摺衡齡身任巡撫兼管提督印務通省營伍皆歸統轄乃於張績等種種劣蹟毫無覺察實有應得之咎且聞上年勦辦滑縣逆匪時那彥成奏准咨調山西兵一千名

防堵太行山口。該撫據文飭知張績竟加倍帶兵二千名。銜齡曾經面阻。張績不從其言。徑行帶往。該撫平日罷軟。不能節制。鎮將以致肆無畏忌。亦可概見。惟張績現經交部嚴加議處。銜齡咎止失察。其自請嚴議之處。著加恩改為交部議處。○引見八旗及直省考取拔貢生。蔣明遠等五十六名。以七品小京官分部學習。明誠等六十三名。以知縣試用。呂恂等六十二名。交吏部詢問。以教職佐貳等官分用。○旌表守正捐軀河南遂平縣民陳萬年妻周氏。○是月。兩江總督百齡奏。歷年查辦外來遊民。嚴杜內地米糧出洋章程。得旨。有治人。無治法。國計民生。以誠求之。則能就緒。鋪敘摺奏。無益於事。○新授河東副總河李鴻賓奏。謝得旨。實心勉力。勤求治理。集虛受益。切勿因循怠玩。亦勿自以為是。須寬嚴並濟。宣納合宜。勉之。○浙江巡撫陳預奏。查浙省棚民大概情形。得旨。實力辦理。務

令相安。天下一家。勿存歧視。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十二

江寧布政使陳桂生。為福建布政使。○辛卯

及未見接班之人先散去者亦著阿哥等具

摺附報奏。又諭每年福建貢鮮荔枝到京。第一次賞給王大臣等俱叩謝恩賜。其次給賞者不再叩謝。以省繁文。前曾有旨飭諭昨儀親王。成親王。慶郡王永璘。因二次賞給荔枝復叩頭謝恩。實覺多禮。近來王大臣等每於末節細故。過為周密。以見其小心。謹畏。而於國家大事。轉因循怠玩。漠不關心。舍本驚末。於事奚裨。嗣後諸王大臣。務於大者遠者。勤思襄贊。方合忠君敬上之義。毋事虛

文曲謹小者。近者不必過於吹求也。○又諭前因宗室中有以和坤保清永泰取名者。特指出降旨飭改。昨肅親王永錫面奏。宗室中有取名三字。而不成清語者甚多。請旨應否一體飭改。所奏非是。旗人以漢文取名。不准連用三字。以示別於漢人姓氏之意。若八旗子弟。以清語取名。連用三字四字。其中改換字尾。致與清語本義不協。似此者。難以枚舉。若概令更改。實屬紛擾。不成政體。著均仍其

舊毋庸置議。○又諭金湘由黑龍江贖罪回籍。捐復原官。本應照例加倍報捐。念其投効軍營。著有微勞。著令其於已交捐項外。再補交十分之五。嗣後新疆放回人員。呈請捐復原官。如在軍營出力奏准者。著即照此例辦理。○以宗人府府丞李宗瀚為都察院左副都御史。光祿寺卿慶明為太常寺卿。○命翰林院編修程德楷提督貴州學政。○壬辰上詣

大高殿行禮。○還宮。○諭軍機大臣等。本日明亮奏伊車夫延福拾獲匿名揭帖一件。內控告獻縣知縣張翔。素同林清一黨。上年馮克善往投張翔。張翔將其縛獻。今升授河間。知府白蓮教定於七月二十日自河間府交通起手等語。上年拏獲馮克善。解京。屢經部臣研審。嗣復經廷訊。若果有與張翔同黨往投。被其縛獻情事。馮克善豈肯不據實供明。以洩其恨。其為挾嫌誣扳。情理顯然。除已交步

軍統領嚴拏投遞匿名揭帖之人外。但既有此許告。並有七月二十日起事之說。為時甚近。不可不密為訪查。著那彥成即時派委妥員。迅速前往河間密查。該處有無逆黨勾結形跡。或投遞匿名揭帖之人。到京投遞後。又已潛赴該處。並著一體訪拏。再查張翔近日曾否拏有逆案內人犯。或未經詳辦。又行放走。致令乘間來京。計圖反噬。又或張翔之幕友長隨書役。有被其攆逐責革者。造為此語。報復傾陷。均密行飭知委員。令其逐一細訪。得有端倪。密拏嚴究。那彥成一經接據稟報。即先行由驛覆奏。所有匿名揭帖。照鈔發給閱看。此事甚有關繫。汝勿因循片刻。勉力速辦。○癸巳。

上御太和殿視朝。王以下文武升轉各官謝恩。○辛酉。明園。○甲午。諭內閣。前據吳璥等奏。豫籌轉運三進漕糧一摺。當交倉場侍郎等會議。續據阮元因限期緊迫。先行籌議。由驛

具奏。亦即發交倉場侍郎一併迅速議奏。茲據榮麟等奏稱。數計剝船全數。除留運銅鉛外。儘數趕赴楊村一帶。俟三進各幫入關。即一面在北倉起卸。一面趕緊寄剝。並將滿號船隻。亦令載米抵通。其借用豫東軍船運通一條。亦稱三進三十六幫。一過津關。無論江廣豫東軍船。或在北倉截卸。或令剝船寄剝。總使就近回空。不得稍有濡滯。並恐趕辦期促。請將回空例限展寬十日等語。該侍郎等

所議。總在計算無誤。回空惟借船剝運一事。皆因趲運不及。不得已為此下策。此時山東直隸運河水勢旺盛。足資浮送。著阮元督飭三進幫船。晝夜趲行。勿令片刻停留。俟到津時。察看必須趕緊回空。即儘數起卸。北倉並用剝船輪復轉運。能使南北均無遲誤。不致露因傷米。方為妥善。其首進尾幫及二進幫船抵通後。並著榮麟等速籌運倉。庶早接辦後運。毋致積壓。○山西大同鎮總兵官張績。

以廢弛營務降補千總以鑲黃旗滿洲副都統董連第為大同鎮總兵官○乙未諭內閣上年山東定陶曹縣匪徒滋事同興本有失察之咎及帶兵前赴曹州又復畏葸遷延全賴劉清奮勇請先督兵勦捕得以迅速成功朕因彼時東境先就肅清加恩寬其罪謫仍留山東巡撫之任乃本年六月金鄉縣又有匪徒聚眾逞兇之事同興於六月十五日已接據稟報隱匿不奏半月之久臬司程國仁係漢人到任未久尚知稟請親往同興身任封疆並不親赴及朕已聞知特派章煦那彥寶前往查辦同興於七月初二日始專差齎摺補奏以圖掩飾前非似此因循玩誤斷難再事姑容同興著交部嚴加議處山東巡撫著章煦以尚書署理食一品俸支食巡撫養廉同興即派員將印信送交章煦接受自行摘去翎頂來京聽候部議○諭軍機大臣等本日同興奏到金鄉匪徒聚眾逞兇一摺所

奏甚屬含混上年林清逆黨崔士俊等糾眾欲圖起事先被擊獲該處同謀逆匪倖而漏網者自必不少現據同興摺內敘述逆黨常孟德供詞即有偕赴金鄉報復夙仇之語此次為首聚眾之犯是否即係上年逆匪親屬黨與伊等意圖報仇其奸謀作何布置此種情節最關緊要著章煦那彥寶即徹底根究據實具奏儻匪夥至今仍聚而未散需兵擒捕即飛調劉清前往就近酌調各營弁兵令其督率往捕一面飛調青州駐防滿洲兵令哈哈岱帶領馳赴若再有不敷章煦等由五百里迅速驛奏朕再由京派員前往章煦等相機妥辦務將糾眾首逆悉數捕獲並將起釁根由確實訊明勿稍含混疏縱前任金鄉縣知縣袁潔已有旨解任並著章煦等查明該縣有無釀變及辦理不善之處據實奏泰那彥寶會同章煦將交辦一切事宜查審完竣後即來京復命可也將此諭令知之○調

鑲白旗漢軍副都統熙昌為鑲黃旗滿洲副都統以古城領隊大臣富寧阿為鑲白旗漢軍副都統○以山東臨清協副將八十為登州鎮總兵官○丙申諭內閣托津奏查明北運河水勢情形並張五緯原稟各款一摺本年漕船行走遲滯係因東境缺水過津關後轉運並無延誤榮麟蔣予蒲免其議處此後漕船銜尾而來著趕緊籌辦起運如有遲逾惟該侍郎等是問張五緯稟請照例刮蕩浮

沙所辦本無不合惟不應向總督府尹各衙門疊具稟詞重言聳聽著交部察議○諭軍機大臣等那彥成奏查辦匿名揭帖一摺內稱河間府各州縣具稟公事僉云地方寧謐此言皆係虛詞不過地方官酬應上司為此粉飾之語豈可信以為實至稱自上年林清案後所有滋事亂民均經掃滅無遺此則尤為謬妄上年林清案內逃逸逆犯如祝現等六名及其餘五十九名皆日久稽誅並有曾

與逆謀漏網不知姓名如現經拏獲之李添相等類此者想仍不少那彥成能保河間境內竟無一人混跡藏匿耶一府如此他處亦然那彥成身任直隸總督現當責成搜拏逸犯緊要之際豈可率聽屬員浮詞心存怠玩惟當自思身係阿桂之孫痛改自是之念激發天良督飭所屬上緊查緝總期盡獲逸犯勿徒以空言塞責至此案投遞匿名揭帖之人務設法訪獲研究確情其原帖著分半發

給以備獲犯時比對筆跡將此諭令知之○丁酉諭內閣禮部奏議駁御史黃中傑條陳優貢考試事例一摺各省優生三年舉報一次與拔貢十二年舉行一次者年數懸殊如一體加以廷試引見錄用實於體制未協該御史所奏不可行至該部奏稱嗣後優貢生免其來京朝考以示體恤等語所議亦非各省優生由學政會同督撫保題升入太學朝考後始准作貢生斯合貢於王廷之義若停

止朝考殊覺名實不符。禮部堂官輕改舊章。著傳旨申飭。其優貢朝考仍照舊例行。○戊戌。

孝懿仁皇后忌辰遣官祭。

景陵○己亥。諭內閣。上年逆匪潛入禁城。滋事一案。首逆林清及助惡逆黨二百餘人。均經陸續殲捕。伏法。惟尚有未獲最要者六犯。此內祝現劉呈祥。劉第五董伯旺。支進才。五犯。係與林清首先造謀糾黨之人。其劉成章一

犯。係李文成義子。皆稔惡巨憝。此外次要者五十九犯。除李玉麟。李玉奉二犯就獲外。計未獲者尚有五十七犯。亦皆係助惡兇渠。此等未淨之孽。若任其偷息延喘。其怙惡之心。必不肯悛。一俟查緝稍懈。又復潛相勾結。設小有煽動。不但良善橫遭荼毒。而派兵勦洗。其附和脅從同被誅夷者。又不知凡幾。赤子無故相率淪亡。朕實不忍。是以節次嚴降諭旨。諄飭步軍統領。順天府五城各衙門。直隸

河南山東山西以及附近各省督撫將軍都統提鎮等。上緊設法查拏。無俾漏網。實朕保衛民生之苦衷。乃數月以來。正犯迄無一獲。而各處派出緝捕之人。意存邀功冒賞。偶遇名姓相同。蹤跡疑似者。即行妄拏呈報。該衙門亦即據以入奏。以圖暫時塞責。迨到案研鞫。多由刑逼教供。於本案毫無影響。雖亟予昭雪。而牽連波累。業已身家蕩然。此外藉端訛索。得贓釋放。未經報出者。恐仍不少。是巨惡未除。而良民已先受其害。不可不明白申諭。內外承緝逆犯各衙門。務各嚴飭所派員役。此時訪拏逆犯。當先密購眼線。查明蹤跡。確係正身。迅速掩捕。如捕獲正犯一經審實。則超升重賞。朕必立沛恩施。若捕風捉影。無除惡之實心。存冒功之鄙念。徒然騷擾鄉曲。虐害善良。到案後審出虛誣。必將妄拏無辜之人。照例治罪。不稍寬貸。將此通諭知之。○又諭百齡奏查明江蘇省上年調赴徐州防

禦官兵買帶幼孩分別辦理。並自請與提督等交部議處一摺。從前征討外域。功成凱撤官兵內。間有攜回俘獲人口者。相沿不在例禁。上年勦辦豫東逆匪。係在內地州縣各路官兵於凱撤時。紛紛攜帶子女。一經飭查。自京營吉林黑龍江。以及直東豫晉陝甘江蘇等省。無處不報。出者實繁有徒。此內有擄掠強行攜回者。亦有貧困情願相隨者。今事後多以收養無依為辭。不知王師除莠安良。

事以掃平寇亂而止。其難民推弱伶仃。流離道路。安插撫綏。自有地方官為之經理。豈藉遠調客兵代為收卹。惟地方官不以卹民為念。斯官兵等得有藉口。前經降旨訓飭。命統兵大員平日申明軍紀。嚴禁擄掠地方官亦當知民生為重。設遇水旱兵荒。凡境內老弱婦女。皆盡心綏集。方為各稱其職。此次各路官兵攜帶幼孩罪名。以及帶兵大員失察處分。俱經加恩寬免。所有江蘇各營官兵亦一

概免罪。百齡烏爾額尚維。個沈煥樊雄楚。均加恩免其議處。○諭軍機大臣等。初彭齡奏請帶同刑部司員茅豫前往江蘇佐理辦公一摺。各省督撫向無隨帶部員之例。初彭齡雖係署任。所辦究係巡撫之事。若允其所請。各督撫或相率效尤。殊乖體制。現已明降諭旨。將茅豫發往江蘇。以知府候補初彭齡到任後。可與百齡相商。派令在江蘇差遣委用。將來初彭齡回京時。茅豫自留江省候補。

可也將此諭令知之。○庚子。

上韋靜明園詩

龍神廟拈香。○諭內閣。果勒豐阿奏審擬糾衆搶劫傷斃事主之賊犯。分別辦理一摺。已交刑部速議具奏矣。摺內因賊犯係蒙古人。捏稱蒙賊二字。太不成話。直省辦理盜竊案件。但聲明某省某府州縣人。並未於賊犯姓名之上。冠以某省字樣。蒙古地方亦各有部落。遇有賊犯。聲敘係某部落之人。案情自明。

果勒豐阿不曉文義冒昧捏寫實屬謬誤著交宗人府議處並著飭知刑部理藩院嗣後辦理蒙古案件如有用此等字樣者即將原奏咨之人查明叅處○諭軍機大臣等那彥成奏酌派文武員弁稽查鑾輅經由地方一摺朕每歲謁

陵係常行典禮秋獮前駐蹕熱河鑾輅所經皆在近畿數百里之內如同戶閭一切扈從兵衛悉有常儀上年京城內雖有逆匪滋事

之案而蹕路所過一塵不驚原無庸過於設備若如那彥成所奏令站道弁兵俱各手持鎗矛紛紛林立豈不駭人觀瞻所有直隸官兵隨扈章程前經軍機大臣等詳悉會議奏准頒行該督惟當祇恪遵守其沿途站道弁兵著俱循照向例佩帶弓箭腰刀執持儀棍其鳥鎗長矛二項斷不准用如有私自攜帶者屆時立行拏究將該管營員治罪並將那彥成懲處不貸將此諭令知之○添設河南

內黃縣主簿分駐楚旺鎮從巡撫方受時請也○壬寅諭內閣上年窮凶極惡逆匪林清滋事之後節次搜捕首從各犯俱已明正典刑惟祝現等六名其五人係林清濟惡黨魁劉成章係李文成義子屢次往來林清家同謀倡逆均係最要之犯不可一日稽誅此外尚有次要五十七犯亦皆日久未獲此等梟獍之徒必當迅就捕誅俾輦轂之下一無遺孽以安民生而彰國憲屢經降旨嚴飭並明示賞罰使承緝者知所勸懲乃近日察看各處緝捕情形內而步軍統領衙門順天府五城外而該督撫等往往飭派員役越境訪拏而於本管境內轉多疏懈其意以為在鄰境獲犯其功更優於本境以冀仰邀厚賞又以見其於境外且遠出偵緝則境內之嚴密可知以圖暫時免過不知舍近圖遠或索諸千里之外轉失諸耳目之前無怪乎緝捕之人紛紛四出日久而迄無一效也自今日降旨

以後內外承緝各衙門凡先經派出越境訪拏逆犯之委員差役等俱著撤回各在該管境內按里按戶嚴密訪查果能燭照數計洞察無遺此數十逆犯但仍偷息人聞其將安匿乎至有託詞謂所轄之區地廣戶稠所屬員役有限不能徧及者伊等方且舍其田而芸人之田若將派出之人撤回令其專查境內不猶愈於務廣而荒耶除各省接壤州縣犬牙交錯界在一二百里以內者承緝之人

不得互相推諉仍准其出境緝拏外其餘俱各專責成統率之員嚴督分轄之吏分轄之吏嚴責切近之司人人盡力期於本管之內深信不疑則遺孽盡除可計日而待也將此通諭知之○諭軍機大臣等方受疇秦豫省兵額無多僅數防守請免裁減一摺豫省額兵共一萬三千七百餘名該省毗連七省緊接京畿原設兵額僅數防守自可無庸汰減惟兵制有定必須設一兵得一兵之力始收

捍衛之益向來綠營習氣多有以工匠廝役冒食空名錢糧者並有缺出虛懸日久不補者其現額之兵又或以老弱充數分供各營員役使不認真操演者著該撫督飭各鎮將將營伍實力整頓以時操練其空缺濫役諸弊務湔除淨盡俾兵無冗設餉不虛糜以昭軍實而固封守○癸卯中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○諭內閣御史陶澍奏刑部員外郎張師泌親病危急請飭令回籍一摺所奏殊為多事張師泌前於引見時朕因張師誠先有親病乞假之奏當令英和傳旨詢問據張師泌覆稱伊父母所患病證漸已向愈張師誠即擬來京陛見等語各官員遇有匪喪等事關係倫常風化言官有所見聞

自當據實奏劾若父母偶患疾病言官即騰章入告請旨勒令回籍恐開攻訐之風所奏不准行原摺著擲還○甲辰諭軍機大臣等章煦那彥寶奏查訊單縣金鄉竊匪挾仇聚眾逞兇大概情形一摺此案李義楊存禮挾捕役范二韓成光王德訪拏之仇輒糾眾持械扎死范二毆傷王德等數人實屬兇橫不法現在楊存禮及夥犯張克己常孟德等業經就獲其首犯李義訊據逃往河南永城一

帶尤為案內要犯著即嚴飭查拏務獲其餘各夥犯亦須按名拏獲毋任一名漏網此案雖訊據現供係竊匪挾仇滋事非教匪餘黨然糾眾至三十餘人情形尤惡章煦等仍當將獲犯嚴切根究此內有無習教之人如係教匪餘黨必當從重懲辦若實係竊匪聚眾拒捕扎斃捕役即照本律問擬金鄉縣知縣袁潔畏葸無能冒昧通稟著即革職把總石鵬齡聞高粱地內匪徒吶喊即不敢擒拏又不即刻派兵追截尤為玩誤捕務著革職等問從重治罪章煦等察看金鄉一帶民情安帖即可前赴省城查辦事件將此諭令知之○安徽布政使蔣繼勳緣事降調以大理事少卿康紹鏞為安徽布政使○以宋儒周敦頤後裔承宗襲五經博士○乙巳諭內閣御史黃鳴傑奏請釐積弊以清訟獄各條所奏俱是從來政平訟理所關於吏治民生者綦重近日地方奸徒往往藉一事為由牽控多

人或挾嫌報復快其私忿或乘機索詐利其貲財地方官率據呈詞茫無區別一經傳案質訊胥吏等因得倚勢橫行百端需索及需索不遂則又非刑拷打肆意陵虐以致案外毫無干涉之人一遭拘繫楚毒備嘗甚或拖斃囹圄即幸邀滄雪而室家蕩析生計蕭然實堪憫惻至於白役濫差訟師包攬尤屬表裏為奸此輩日揣地方良懦瘠以自肥其中講張為幻奸偽百出不特命盜案件架詞拖

累現當查拏逆案之際設逞其詎罔羅織株連蚩蚩小民其何以堪著通諭步軍統領順天府五城及直省督撫各飭所屬凡遇詞訟到官除原被告及緊要證佐外毋得率據所控徧行提質儻有奸胥蠹役私拷橫索藐法殃民立即懲辦尤當嚴拏訟棍寘之重典俾奸頑無可施其伎倆良善各得保其身家則民生日遂吏治日興矣其各實力奉行勿忽○諭軍機大臣等據慶旻奏藩庫交代並盤

查各屬倉庫懇請展限一摺已降旨分別予限矣山東藩庫及各屬倉庫款項皆係前任撫藩任內之事章煦慶旻甫經蒞任無所庸其迴護所有司庫正支借撥各款及各屬錢糧一切解支存虧數目內有作正開銷者即行分析造冊報部有因公挪移他款者亦即據實奏明分別辦理其有私行侵用以致虧缺者查明係何人侵虧無論上司屬員在任去任者俱一一指實和盤托出毋許絲毫欺

隱章煦即督同慶旻於此數月內逐款清釐秉公開報務期條分縷析若伊等稍有瞻徇牽混不趁此時備細查明又復顛倒了事日久更必輾轉難辦儻限內查辦未能全竣屆時再行奏明請旨經此次飭查之後該省倉庫若再有隱漏之處惟原查之撫藩是問恐不能當咎也將此諭令知之○旌表守正捐軀直隸滿城縣民于有利妻王氏○丙午諭軍機大臣等那彥成奏查訪河間府知府張

翔被人匿名訐控一案訪出上年該府拏獲馮克善時曾有獻縣教諭傅曾啟欲圖捏冒邀功。懇其列名協緝。因該府回覆未允。頗有煩言。曾唆使武生張光仲控告張翔分賞不公。傅曾啟之弟傅曾來曾充當順天府書吏。於六月初一日自獻縣進京。其家即住順天府署內。與明亮住宅相近。種種可疑。難保非傅曾啟主使。伊弟傅曾來所為等語。傅曾啟冒功未遂。銜恨張翔。伊弟傅曾來又形跡可疑。那彥成所見甚是。當經面諭英和會同順天府密行查訪。本日據英和等奏。傅曾來即傳泰交。曾充順天府書吏。於十七年因事斥革。現在並未居住府署。本年六月間曾有劉姓書吏遇見傅曾來在正陽門客店居住。嗣復移住伊戚蔣廷揚家。傳到蔣廷揚訊問。據供。傅曾來六月二十日到京。二十六日移居伊家。二十七日說赴順天府找入。至七月初三日。仍回伊家居住。現於十二日已赴涿州。

南門內找任姓家看望等語。此匿名揭帖。明亮車夫係於初二日拾獲。正在傅曾來二十七日赴順天府找入之後。初三日回蔣姓家之前。看來此事係傅曾來所為無疑。現在英和等已派番役前赴涿州查拏。但恐該犯或由涿州又往獻縣。亦未可定。著那彥成即速派員前往獻縣一帶沿途截拏。務期弋獲。其教諭傅曾啟即著解任。交那彥成提至省城研究。並派員在伊署中檢查伊弟兄字跡書信。以憑覈對。一經訊有確供。迅速覆奏。將此諭令知之。○又諭吏部奏山西承審王銀廣刑逼混供之澤州府知府王廷璣。經該部查取職名。據該撫以王廷璣職名開叅到部。正在覈議間。復據該撫以該府於王銀廣到案時並未用刑拷訊。咨請免議。前後兩歧。請飭查明再行覈議等語。此案該撫既以王廷璣用刑追問。咨送職名。何復又以該府並未用刑。咨請免議。處分出入攸關。不容歧異。該府

當日拏獲王銀廣時如何向其鞠訊以致王銀廣混供妄扳如曾經用刑拷問自有刑拷證據無難查驗得實若委無刑逼之事該撫既經查明亦應自行檢舉將前摺內用刑追問字樣聲敘錯誤之處自請處分奏懇將王廷瑛免議何得前後兩歧率行咨辦著該撫即行詳查據實覆奏毋稍含混○以工部尚書周兆基署禮部尚書○丁未諭內閣百齡等奏三進重運漕船全出江境因時日較遲

自請交部議處一摺本年全漕趲出江境比上年遲逾一月實由東省微山湖蓄水短絀不能鋪及下游以致江境運河時形淺滯該督等多方籌濟將幫船全軌出境期限已遲不能仰邀議敘以功補過其自請議處之處均著加恩寬免現在東省籌辦蓄水事宜期復舊規明歲湖水充足江境河道自可暢行若再有稽延必當懲處不貸○又諭張映漢奏審明迫於叔命活埋胞兄案犯按律定擬

奏懇量為末減一摺向來辦理關繫服制之案情有可原者俱係照例具題刑部於題覆時夾單聲敘內閣票擬雙簽朕酌覈情罪復下九卿定議議上時改為斬監候入於情實歷經辦有成案上年廣厚於湖南省應行具題聽從母命溺斃胞兄之張僕潮一案專摺陳奏曾經降旨駁飭事在隔省張映漢寧未聞知今鄒春發一犯聽從叔命活埋罪犯應死之胞兄原與這犯犯尊者不同該撫但敘

明情罪具題刑部內閣自必照例聲請如閣部疏畧朕閱本時覈其情節亦必降旨飭議乃該撫輒改用專摺陳奏殊違定例張映漢著傳旨申飭所有鄒春發一案著仍照例具題以符定制○旌表守正捐軀安徽懷遠縣民臧文有女臧氏○緩徵陝西朝邑大荔二縣水災新舊額賦給貧民一月口糧並房屋修費○戊申

上幸萬壽山○諭內閣朕因大學士勒保日疾

未愈。每於召見伊子英綬時面加詢問。昨據英綬奏稱。伊父近日延請祝由科醫生看視。其治法先用口在太陽穴吮出毒氣。隨後再畫符念咒。可望有效。等語。朕以符咒之事。近於邪術。勒保係百僚之長。即為治病起見。亦不應信用此術。因命軍機大臣傳諭英綬。令其將延醫緣由據實具奏。本日據英綬摺奏。該醫生張泳寧。向來俱係按法治病。實無畫符念咒之事。並非祝由科。亦無傳徒惑眾等

情。此次為伊父勒保吮治三次。無效。已不令醫治。等語。張泳寧用符咒治病。情由朕先未聞知。英綬前日面奏甚明。乃於傳旨查訊時。概為推卸。前後奏對情詞歧異。矢口亂言。英綬著交部議處。醫生張泳寧著交軍機大臣會同刑部審訊定擬具奏。○己酉。諭內閣。百齡等奏請借撥淮鹽加價銀款。交商生息。以為邵宿運河歲挑工用。一摺。邵宿運河為漕艘北上經由要道。每歲挑河築壩約需銀五

萬餘兩。向由河庫籌款給發。並無專款可動。著照該督等所請。准其於兩淮引鹽徵存癸酉年三釐加價項下。動撥銀六十萬兩。發交淮商鮑有恒張廣德等承領。按月一分生息。解交河庫存貯備用。除歲挑邵宿河道需銀五萬餘兩外。其餘銀二萬餘兩。即以歸還原款。俟原款繳完後。另作正項動用。○諭軍機大臣等。據章煦等奏查明金鄉縣匪徒拒捕逞兇。並非邪教。餘黨一摺。此案因事在金鄉。又有報復夙仇之語。以致各處訛傳。目為邪教。餘黨今既查明係竊匪報復捕役之仇。金鄉一帶地方安靜。民情寧帖。著即將獲犯嚴審。並飭拿逸犯。按律定擬完結。其另片所奏章邱縣知縣崔起龍杖斃九命一案。該管本府擬圖庇護屬員徇私廢公。即此可見。等語。此案因臬司程國仁到任後查出。詳辦同興不能掩飾。始行具奏。種種情弊顯然。此時同興朱錫爵劉大懿雖已分別降革。仍係聽候

查辦擬圖已有徇庇劣員消弭重案之咎章煦及藩臬兩司俱係新任那彥寶係屬欽差皆無所用其迴護著將同興朱錫爵劉大懿凝圖四人在東省時何人有何劣蹟查明分別指實列款奏勿得稍有徇縱將此諭令知之○又諭特依順保奏遣犯張貴芝脫逃一摺已降旨通飭緝拏矣張貴芝係免死強盜減等發遣逃後拏獲例應即行正法至前鋒愛星阿自河南軍營攜來幼孩黃九章同時逃走該幼孩既非例應緣坐之犯又非該前鋒契買家奴逃回本籍儘可聽其自便該將軍與脫逃遣犯一例開單具奏豈該幼孩拏獲後亦應即行正法耶特依順保太不曉事著傳旨申飭所有幼孩黃九章逃走之處著毋庸議○旌表守正捐軀山東陽信縣民管景悅孫女管氏○庚戌諭內閣朕此次閱看兩翼前鋒營八旗護軍營官兵步箭其正黃旗正紅旗護軍營官兵各有三名中五箭

者鑲紅旗護軍營官兵雖有步射平常之章京一員尚有中五箭者五名平日操演尚好護軍統領百順西拉布敬徵均著交部議敘鑲白旗護軍營官兵俱未中箭且有一名射不及靶者此皆由護軍統領禧恩訓練無方禧恩著革去護軍統領以示懲戒○諭軍機大臣等吳璥等奏江南豐碭山東曹單鉅野定陶一帶請飭令該督撫酌派弁兵防查等語斷不可行向來興舉大工聚集人夫料物彈壓稽查原不可少又上年教匪滋事之後祝現等犯六十三名日久未獲興工之後人夫衆多難保無奸民混跡是以特派薛大烈帶兵巡查兼有該督撫等自帶本標弁兵協同防範辦理已極為周密若江南山東毗連處所俱派駐弁兵防守成何事體吳璥等若因朕未允所請仍行文鄰省紛紜多事經朕聞知定行懲處不貸○又諭據英和等奏飭拏之傳曾來一犯已於十八日被保定府官

役拏獲解交直隸總督審訊等語。此案匿名揭帖。看來係傅曾來弟兄所為無疑。該犯現已就獲。著那彥成詳細研審。前已將原帖後幅一半發交那彥成閱看。茲將前幅一半一併發往。以便比對筆跡。一經審出實情。該督再傳傅曾來。同其兄傅曾啟。隔別嚴訊。此事究係何人起意。所遞揭帖。係何人所書。令其默寫。詳加比覈。錄取確供。從重定擬。由驛具奏。○以鑲白旗蒙古副都統格布舍為鑲白

旗護軍統領。○辛亥。諭內閣。朕此次閱看各營官兵將步射優長者。立加恩獎。平庸者已加懲儆矣。惟伊等射箭或箭不及靶。或雖中而不能穿靶。此皆弓軟之故。凡各營挑選兵丁。應將能挽六力弓者挑取。方合定制。其不能挽六力弓者。或由考試。或挑別項差。使各有進身之途。原不應挑取兵丁。嗣後務擇能挽六力弓者挑取。責成該章京妥為訓練。如有挽七力弓者甚善。即或不能挽七力弓。亦

應以挽六力弓為準。著前鋒統領護軍統領等將官兵等技藝。妥為訓練。朕明年閱該營官兵。儻仍步射弓軟。定將該管大臣等治罪。○又諭劉清上年在山東帶兵勦賊。民情甚為愛戴。雲南布政使一缺。與伊不甚相宜。著以二品頂帶。仍留山東鹽運使之任。其雲南布政使員缺。著趙宜禧補授。○調浙江巡撫陳預為山東巡撫。以山東鹽運使顏檢為浙江巡撫。仍用三品頂帶。調河南按察使和舜武為廣東按察使。以浙江溫處道韓克均為河南按察使。○壬子。諭內閣。英綬前在朕前奏稱伊父勒保延請祝由科醫生。吮治目疾。兼有符咒等術。及朕命軍機大臣傳訊。英綬覆奏。又稱醫生張泳寧向係按法治病。並非祝由科等語。張泳寧吸氣吮瘡。術涉異端。必應驅逐遠方。以正首善風俗。此犯雖非由英綬延致。但伊奏對前後兩歧。實有應得之咎。部議降三級調用。念其兼任護軍統領。此次

該營官兵內有中五箭者四人。其平日訓練尚屬認真。議敘應加一級。可抵去降一級。仍有應得降二級調用處分。英綬由侍衛出身。於武職尚堪勝任。著加恩改為降二級留任。所有鑲黃旗護軍統領。正黃旗滿洲副都統。左翼總兵。俱著照舊管理。其於部務不能諳習。工部侍郎著即行開缺。○以理藩院右侍郎熙昌為工部右侍郎。內閣學士蘇冲阿為理藩院右侍郎。○以都察院左都御史戴均

元署經筵講官。○調河南按察使韓克均為雲南按察使。雲南按察使伊湯安為河南按察使。○癸丑諭內閣。朕聞山東省吏治廢弛。巡撫藩臬怠玩。因循毫無整頓。先後降旨罷黜。復派章煦那彥寶前往確查。茲據章煦等奏稱。該省吏治廢弛。地方凋敝。官民交怨。訟獄繁興。倉庫空虛。人情刁悍。詳加察訪。眾口一詞。同興身任封圻。負恩弱職。惟藩司朱錫爵之言是聽。首府疑圖聲名狼籍。一味姑容。

不加叅劾。朱錫爵素好侈華。綜理財賦。漫不經心。支發軍需毫無頭緒。並時令九如堂戲班在署演唱等語。同興朱錫爵以撫藩大員。如此廢弛地方。厥咎甚重。同興昨已照部議革職。朱錫爵前降補郎中。不足蔽辜。亦著革職。○諭軍機大臣等。本日章煦等奏查明山東省吏治廢弛。同興朱錫爵種種玩誤情形。已有旨將朱錫爵革職。並將知府擬圖革職歸案審訊矣。東省倉庫空虛。廢弛已極。現據

章煦等奏稱。軍需報銷設局半年。延擱不辦。支用各款毫無頭緒。又州縣經徵地丁錢糧不解司庫。其中情弊顯然。著章煦督同慶旻認真清釐。無稍掩飾。其濟寧州知州王旭昇。東昌府同知王殊渥。二員據稱朱錫爵與之俱有親誼。例不迴避。但不知引嫌。將該二員具詳巡撫升任。致招物議等語。王旭昇王殊渥二員。雖係朱錫爵親戚。但既例不迴避。亦不能遽坐以徇私。暱比之咎。著章煦等再行

詳查如該二員果與朱錫爵有賄賂鑽營實據另行參奏再將朱錫爵治罪○甲寅諭內閣衛齡覆奏知府王廷瑛審訊王銀廣一案前後奏咨互異緣由一摺此案王廷瑛於拾獲匿名首呈之初因事關叛逆將王銀廣跪鍊熬訊不得謂之非刑拷問旋即訪獲正犯審明正法使案情得以平反辦理並無錯誤王廷瑛著免其議處惟衛齡於吏部查取職名時率行開參嗣又不自行檢舉奏明更正冒昧各部以致前後兩歧殊屬不合衛齡著交部察議○諭軍機大臣等昨有旨命章煦督同慶收清釐山東庫款該省捐監銀兩亦恐有輾轉弊混之處著該署撫督率該藩司將捐監一項自為一款溯自嘉慶五年開捐日起至本年六月底止逐款挨查通共收銀若干某項支用若干現存若干開列清單具奏如有弊混即行據實劾參將此諭令知之○乙卯

上幸靜明園詣龍神廟拈香○旌表守正捐軀四川安岳縣民施必全女施氏湖南澧州民王克容妻黃氏○丙辰旌表守正捐軀浙江江山縣民程庭盛妻蔡氏○丁巳上御勤政殿聽政○諭內閣御史黃中傑奏衛道復被侵占請旨查禁一摺京城街道寬廣應修治蕩平以昭整肅商賈人等列肆而居其檣棚露積致礙官街者例有明禁衛巷居民亦不得將煤渣等物拋積中途壅塞道路近日該管各衙門並不認真經理仍墮因循疲玩惡習以致斜道等屢形奏牘步軍統領及督理街道衙門俱著傳旨申飭嗣後務各就所管地面實力稽查如市販等有支搭棚座侵占官街者即押令移徙其積土壅高之處亦隨時督率起除以利經涂毋得日久生玩○又諭御史黃中傑奏關市弊混日增申嚴例禁一摺關市之設所以通商便民成法

極為詳備。近日該管官奉行不實。日漸廢弛。各關口應立之稅課。木榜並詳單。小本均不。豎立刊刻。商賈不知稅例多寡。任聽家人吏役。額外抑派。多收少報。虧課病商。叢滋弊竇。至各省牙行。亦不按年清查。率多頂冒朋充。甚或假託官差。多方苛索。俱應隨時查禁。著通飭管理稅務衙門。及直省地方官。申明例禁。實力奉行。勿任奸胥市僧。勾串欺蒙。以除積蠹。○又諭吳璥等奏。運河洩水涵洞衝刷。

奏奉 諭旨

著

缺口將防護不力之廳汛各員。參奏著賠一摺。本年東省運河。因六月中旬雨後。水勢漲發。上河廳屬堂博汛涵洞衝刷缺口。屢堵屢墊。七月十二日始行堵合。前後動用工料銀三千五百兩。該廳汛辦理不善。咎無可辭。通判牛繼祖主簿程榮俱著交部嚴加議處。所有支用款項。仍分別勒限追賠。其衝塌涵洞。勘明如須移建。並著照式賠修。以示懲儆。○又諭誠安奏。盛京移駐之宗室如有祖父母

父母在京病故者。請准其告假奔喪等語。所奏是。盛京移駐宗室。原欲使其觀摩善俗。同歸醇厚。其有祖父母父母在京病故者。自應給假。俾令來京穿孝治喪。以敦倫紀。從前宗人府議奏章程。於婚嫁歸葬各項。俱准給假。獨遺奔喪一條。實屬疏漏。所有移駐盛京宗室。遇有祖父母父母在京病故者。俱准給假。令其奔喪。該將軍給予路票。填註限期。仍報明宗人府。事竣飭令依限回程。○諭軍機大

奏奉 諭旨

著

臣等。朕本日御門辦事。降旨將常格補放光祿寺卿常格精力未衰。非因其年老改補京職。聞伊歷任外官。頗好聲色。聲名俱屬平常。且其人言語誇誕。全不可信。現改用京職。已離江蘇藩司之任。著百齡初彭齡密查常格在任時。如有貪劣款跡。即行據實迅速奏。不可徇隱。將此遇便諭令知之。○刑部奏審明已革興平倉花戶秦杰把持倉務依律定擬一摺。得旨嗣後如有已革花戶。仍在現充

花戶身後影射辦事者應再加等治罪其現
充花戶容留盤踞者亦應加等治罪著刑部
酌擬專條奏定遵行○以太常寺卿陸以蔭
為宗人府府丞○以通政使司副使蔣祥墀
江蘇布政使常格為光祿寺卿○以翰林院
侍讀學士徐頤充日講起居注官侍讀顧臯
署日講起居注官○以內閣學士阿隆阿兼
正藍旗蒙古副都統○以浙江按察使楊護
為江蘇布政使雲南糧儲道廣慶為浙江按
察使調山西按察使慶格為江蘇按察使江
蘇按察使楊魁恬為山西按察使○以讀本
錯誤降內閣學士常亮為六品贊禮郎

實錄卷之二十九

七

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百九十三

實錄卷之二十九

七

督撫仍遵前旨。各飭所屬於該管地方。各查各境。不必舍近圖遠。委員四出。總須按里按甲。先密訪習教之家。或素有複壁地窖者。購線確查。料該逆匪潛投伏匿。其詭計必不外乎此。一經訪有端倪。迅即掩捕。定當事半功倍。自本日降旨之後。統限於歲前。務將各犯悉數拏獲。勿使一名漏網。餘孽盡除。民志咸定。從此常逖。

天庥屢豐告慶。天下臣民。其永享承平之福矣。

○又諭據理藩院轉奏。巴林親王銜扎薩克郡王索特納木多爾濟等。呈請本年九月來京叩祝萬壽等語。甚屬可嘉。朕一視同仁。中外一家。內地之事。伊等無不知曉。去歲直隸省所用車馬過多。民力不無拮据。本年朕若巡幸熱河。由彼進哨。路遠日多。恐勞民力。是以暫停進哨一次。不惟民力可舒。哨內牲畜亦得孳生。至八月二十日恭謁。

東陵。路近日少。不致多勞民力。明年朕仍駐蹕。

熱河。由彼進哨。該蒙古等即可隨圍瞻覲。光本年萬壽。並非大慶之年。可比。索特納木多爾濟滿珠巴咱爾瑪哈巴拉。均著不必來京叩祝。仍俟本年年班來京。俾免往返跋涉之勞。以示朕體卹蒙古臣僕至意。○庚申諭內閣。國家定制。凡現任大員。始准奏事。謝恩已革人員。向無奏事謝恩之例。今已革阿克蘇辦事大臣托雲泰。具摺謝恩。實屬膽大不識體制。托雲泰著即發往烏魯木齊効力三年。期滿再行回旗。嗣後新疆各城大臣。無奏事之責者。不准具摺謝恩。○又諭。此案奉恩將軍宗室祿吉勒斃。伊妾及子女六人。復自縊身死。甚屬可慘。我天潢中斷不應有之事。據綿課等詳訊。伊姪寧鈞及僕婢等。察覈情形。委係因瘋斃命。案無疑義。惟此案自奏聞以後。疊經召見綿課。永錫晉隆奕紹等。均稱祿吉素瘋。因陪祀不到。屢經參處。並見其聞游街市。時露癲狀。竟作為笑談。毫無憐卹。

之狀真所謂其所辱者薄矣。綿課等既知祿吉瘋疾即應早為防閑。奏明禁錮乃視同膜外以致釀成七命巨案。管理宗人府王公等於本家應辦事件全不認真經理。莊親王綿課成親王肅親王永錫晉隆奕紹俱著罰職任俸六箇月。總族長者罰俸一年。族長者罰俸二年以示懲儆。○又諭步甲凌柱先因毆死伊妻擬絞援減。今又乘醉逞兇毆傷本管官情殊允橫該部擬以發往黑龍江充當苦

差。先枷號三箇月尚不足示懲。凌柱著永遠枷號。常川遊示九門儆衆。嗣後步甲內有怙惡不悛逞兇毆本管官者即照此例辦理。○又諭御史張鑒奏請嚴拏盜匪一摺。直隸滄州沿河一帶為往來船隻經由停泊之所據稱屢有報劫之案。現當緝捕緊要之時地方文武員弁何得稍有懈怠。著該督嚴飭查拏以靖奸宄而安行旅。○鑄給湖南衡州協中軍都司關防從總督馬慧裕請也。○辛酉遣

官祭

文昌帝君廟。○諭內閣御史卓秉恬奏近日外城竊案較多請令左右翼總兵輪駐南城一摺所奏不可行。總因漢御史家住南城是以屢有此奏。步軍統領衙門所轄地方寬廣事務殷繁增設總兵二員一員常川在圓明園附近駐紮以資巡緝一員協同步軍統領在皇城內外稽查不能再令分駐外城。至外城市廛稠密易於藏奸該統領視內城緊要

於外城時或疏畧漠不關心亦實有之事。即如上年逆匪滋事先一日俱在外城伏匿。五城營汛將弁衆多皆係步軍統領衙門管轄惟在該統領及總兵等督率營員各按地面認真巡捕自能禁暴詰奸並著五城御史督率司坊官一體查緝以期肅清輦轂綏靖民居毋得日久生懈。○諭軍機大臣等據福克精阿奏本年年班堪布進貢包物自藏進京照例調撥蒙古兵五十名王舒番兵五十名

前往迎接護送。茲於七月十四日。據通丁等稟報。該番兵等馳赴尼牙木錯住古地方。尚未接著堪布突遇四川果羅克及格爾次等。該番賊三百餘名。放鎗劫奪將馬匹口糧行李等物盡行搶去。並鎗傷番兵七名。殺斃番伯長及番兵各一名。餘被衝散。現在福克精阿約計堪布貢物等件。中秋後可到丹噶爾邊口。恐內地派兵接護遲緩。已飭令班禪額爾德尼商上堪布撥伊佃戶兵丁。並續派蒙古兵一百名。就近馳往前途迎護等語。果羅克等處賊番沿途劫掠。屢經查辦。總未斂戢。此次青海派兵迎接堪布。該番賊等膽敢聚集三百餘人。放鎗肆劫。並殺斃苗目等二人。鎗傷七名。兇橫已極。試思兵丁等所帶行李。無多。尚遭劫掠。堪布等齎押貢物。並隨帶貨包。及由京領回賞件。往來皆必由青海草地行走。該番賊等生心覬覦。若再至中途劫擄。成何事體。此次不可不大加懲創。著賽冲阿

多隆武二人內酌量一人。遞帶弁兵四五百名。迅速前往被掠地方。查明此次劫奪滋事賊番巢穴。備以兵威。令將放鎗搶掠之三百餘人。全行縛獻。審明何人為首。何人傷斃官兵。嚴行懲辦。並令將劫去之行李馬匹等件。悉數繳出。若稍有抗違。即當痛加勦戮。務使知所畏懼。不敢再出滋擾。庶道途安靜。可期一勞永逸。該將軍等酌定帶兵起程日期。先令由驛迅速覆奏。將此諭令知之。○又諭。汪志伊奏。紹興協副將吉郎阿年力正強。曉暢營務。前因箭未中靶。奏請勒限半年再考。今考驗得該副將馬步箭中靶三枝。仍請留任等語。所奏甚屬非是。副將有分間之寄。全在整飭營伍。訓練官兵。方為稱職。至箭靶之中否。乃一日之短長。豈能以此定其優劣。如果該副將平日於營務認真經理。習訓有方。即考驗時偶爾箭不中靶。原可寬恕。儻因循怠玩。諸務廢弛。或有別項劣蹟。雖試射合格。豈

能不加以叅劾吉郎阿既曉暢營務自應仍留副將之任汪志伊前後兩奏均覺多事著傳旨申飭嗣後該督於所屬營伍惟當實心簡覈秉公勸懲不可含本逐末也○壬戌遣官祭

關帝廟○諭內閣慶保奏黔省鉛斤請併歸道員經管一摺據稱水城通判所屬之福集廠額辦鉛斤近年支絀日甚緣該處產鉛不旺四處購覓子廠地非該通判所轄輾轉移

商事多撓阻若併歸貴西道經理呼應較靈可期採辦無誤等語所奏自係實在情形著照所請將水城通判所管之福集廠務一併改歸貴西道管理每年正加起運鉛額責成該道盡心籌辦毋稍缺誤○又諭御史蔡炯奏請禁粵民製造竹銃以弭兇鬪一摺所奏非是直省鞠審命案分別謀故鬪殺其致命之傷則有火器金刃他物手足之不同讞獄時但準情援律定擬罪名其殺人器具不能

強為厲禁若謂竹銃可以殺人禁民製造凡民間日用金木器物何一不可戕命豈將概登例禁其手足傷人者又將何法以治之耶況增一禁令適為胥役增一訛索賄縱之門於戕暴懲兇毫無裨益至該御史所稱竹銃斃命之案招冊內不得聲敘希圖嚇退等詞火器殺人刑部均擬情實秋審時亦必予勾其希圖嚇退乃案情所時有並不以此加之寬宥招冊據情聲敘豈可概事刪除該御史

此奏所謂因噎廢食著無庸議○諭軍機大臣等章煦奏派員分赴臨清德州等處修理倉廩存貯截留漕米一摺臨清德州二處倉廩建設水次原以備貯米石但年久未用聞已閒有坍塌該署撫即飭令趕緊粘補無誤截卸儻坍塌過多不能一律修整或於該二處空閒官廨及寬廣廟宇分別存貯即德州行宮如距水次相近房間完整亦可暫時堆貯總期漕糧存貯得宜不致有受潮霉變及

看管不嚴等弊亦不可距水次過遠多糜運脚該署撫妥酌辦理無庸拘於一定也將此諭令知之○以故烏珠穆沁扎薩克親王巴勒珠爾喇布齋子多爾濟濟克默特納木濟勒襲爵○癸亥

上詣

大高殿行禮○還宮○頒

御製申命捕賊諭曰去歲之變實內外臣工因循疲玩所釀成者也而因循疲玩之臣工皆

予所用是在予知人不明之咎也迴思此變情狀險惡之至我君臣無才無德竟能於三月之中安內平外弭兵息民豈人力哉天也

上天垂佑保護我國家如此之深厚尚不竭盡心力捕餘賊而淨根株正人心以彰國法又形疲玩漸涉因循是予之咎重總不能感化諸臣啟聾振聵焉能肅清餘孽乎夫不知感天之佑承君之訓視同陌路縱賊貽憂試觀史

冊為何如人予雖極力保全了此一生將來蓋棺論定未必能逃後世公論也予深恐辜負

天澤又留遺惠不覺言之過激所謂誨爾諄諄聽我藐藐顧內外諸臣翻然改悟竭力振作克去已私揚名樹績予有厚望焉○旌表守正捐軀直隸曲周縣民高添幅妻蘇氏○緩徵河南祥符陳留杞通許尉氏洧川鄆陵中牟蘭陽儀封鄭榮澤高密新鄭虞城安陽湯

陰臨漳林武安涉內黃河內濟源修武武陟孟溫原武陽武洛陽偃師鞏孟津登封新安澠池裕舞陽葉上蔡西平信陽羅山淮寧西華商水項城沈邱太康扶溝許臨潁襄城鄆城長葛汝魯山郟寶豐伊陽閿鄉光光山汲新鄉輝獲嘉淇延津封邱考城七十三廳州縣積欠額賦漕糧及商邱寧陵睢鹿邑柘城五州縣水災新舊額賦並免緩滑濬二縣兵荒新舊漕糧及攤徵睢工衛工加價攤黃民

塏等項有差。○甲子以舉行仲秋經筵。遣官告祭。

奉先殿。

傳心殿。

御文華殿經筵直講官秀寧曹振鏞進講中庸。故至誠無息講畢。

上宣御論曰。中庸一書。聖王之心法備矣。心法者何。一誠字耳。天地覆載。日月照臨。誠之全體也。聖王法天則地。健行不息。誠之大用也。

萬方萬姓之事業。全繫於一人一心之存養存養之道。致誠也。無一事非誠之所為。即無一息非誠之所在。動作應禮。從容中道。漸臻於至誠無息之極。則不待勉強。自成久徵。悠遠博厚高明之要道矣。功用同乎天地。皆出自然。若因私欲間斷。常有遷移之時。其功用遂不能臻無息之妙。即非至誠矣。至誠之心。渾然天理。毫無私欲。純一不已。安有止息之時。慎終如始。常久不變。發政施仁。成已成物。

皆至誠所感召也。誠者實也。有實心然後能行實政。無息者勤也。日勤實政。不尚虛文。所謂君子務本。本立道生。生生不息。馴至於悠久無疆。一以貫之矣。君臣各盡誠心。各行實事。百工咸序。庶績用成。上感天和。下敦風化。不亦休歟。君心誠而天下莫不歸於誠。敢不勉乎。直講官果齊斯歡。周兆基進講易經。君子以辨上下定民志講畢。

上宣御論曰。嘗觀大易象傳。上天下澤履。君子

以辨上下定民志。定分不易履之象也。尊卑等級。截然不紊。古先聖王制為典禮。定以制度。天經地義。秩然不可踰越。所以定民志也。天生民而立之。君使司牧之。君豈能獨任乎。慎選公卿將相。百官庶司。付之職守。立政保邦。愛養黎民。咸使得所。得所則志定矣。民志既定。自然五倫順序。五教覃敷。親其親長其長。而天下平。烏有干名犯義作奸悖亂之舉。下民雖至愚。亦不敢為。更不忍為也。欲辨等

威平僭越。非可以語言化導也。非可以刑罰逼脅也。當思慎爾出話。敬爾威儀。有威可畏。有儀可象。正心修德。尚儉去奢。君臣自勉。勤慎職思其居。使天下羣黎愛之如父母。敬之如神明。各具良知。本性原善也。上下之分。孰不知之。犯上妄為。亦由在上位者不卹其下之所致。已志不定。奚能定民志乎。堯舜之時。僅四凶耳。未必若是之甚也。修己以治百姓。樹之風聲。泰交丕應。世臻大同。民志既定。比戶咸安居樂業。不識不知。順帝之則。上下之辨。不待宣諭矣。禮成。

上幸文淵閣。賜講官及聽講諸臣茶。復賜宴於本仁殿。○諭軍機大臣等。章煦等奏查明同興前在軍營保舉文武各員辦理草率有勞績相同而棄取互異者。開單請旨飭詢等語。朕前諭令章煦等密查同興前在軍營保舉各員。并有無冒濫不公之處。原恐其有聽情受賄等弊。即當治伊之罪。此時若據所聞已

未保舉名單。將同興傳至軍機處。指名詢問。伊不過飾言。恐人數太多。難以入奏。或託言一時查訪未確。記憶不真。安能得其實據。治以重罪。仍著章煦將同興所保各員。向東省官吏密查。如有受賄情弊。即據實奏。再行治罪。至副將寧德辦事不公。已明降諭旨。將寧德拔去花翎。交部議處。該副將既經同興派充翼長。總理營務。軍營所保將弁。皆由伊登記冊報。更難保無聽受賄屬之事。著再行確查據實。嚴參毋稍徇縱。其投効從九品黃炳。並無捐職執照。何以率請留東補用。並著傳到該員查明奏。至單內所開已保未保文職各員。此時斷不能一一查詢得實。均著無庸置議。其武職內如殺賊九名。擒賊三名之阿納布。殺賊七名。擒賊三名之成順等。著章煦再詢訪衆論。如勞績屬實。前為同興所屈抑。該署撫即據實續行保奏。照佐領蘇琿請賞藍翎之例。懇恩獎勵。以昭平允。將此諭

令知之。○又諭。初彭齡奏查辦虧空嚴禁密奏之弊一摺。所奏甚是。可謂實心任事。能任勞任怨矣。各省倉庫查有虧缺。原應隨時懲辦。前因積弊已久。現任官大半非原虧之人。是以令清查確實。截止數目。以期分限彌補。乃自有清查以來。各該督撫。不但不能依限勒令彌補。且不免有續虧。每藉口於原報之數不實不盡。以致每隔數年。續查一次。其數倍多於前。此非續虧而何。初彭齡所稱名為

密摺陳情

實則通同舞弊

此二語確盡情事。即如江蘇省嘉慶六年岳超查奏時。各屬虧短銀三十餘萬兩。若能分年彌補。迄今已越十年。每年約補三四萬金。早已據報全完。乃張師誠任內續查。已增至七十餘萬兩。至慶保任內續查。竟增至二百二十萬餘兩。江寧藩司又報出九十六萬餘兩。江蘇一省。共虧銀三百十八萬餘兩。較岳超初報之數。多至十餘倍。試思自嘉慶六年以後。並無南巡大

差。亦無論令豫備巡幸之事。豈東南一路有兵差徵調。可以藉口乎。又豈在京諸大臣中有似從前和珅貪婪者。致該省督撫傾貲饋送乎。如果有之。著即據實陳奏。毋稍隱諱。計惟南河屢舉大工。及災歉賑卹。數年之間。所費甚鉅。然皆出自國家左藏。共撥銀數千萬兩。何嘗絲毫累及地方。乃該省歷次清查虧空。有增無減。若再姑息不辦。何以警官邪而慎國帑。惟此時若即明降諭旨。按律查辦。不

特罹於重辟者

人數過多

且亦於帑項無益。各州縣雖同一虧空。其實在情形亦有不同。即銀數各數亦有差等。一經徹底查辦。俱不難水落石出。百齡初彭齡皆係實心任事之員。著即會同查辦。將歷任虧空之員。各就該員名下查明實據。此內貪黷營私。損國課以肥私橐者。指名參奏。拏問。寔之重典。仍查抄家產作抵。等而下之。何等者應革職監追。何等者尚可暫行留任。勒限追賠。分別情罪重

輕酌擬章程。開單具奏。候旨遵行。俟江蘇一省辦定章程。再明降諭旨。令凡有虧空省分。俱依照辦理。以期國帑清釐。咸知警懼。剔除積弊。再張師誠前因親病告假。現將屆兩月。其父母病證是否已愈。未見具摺銷假。江省距伊原籍甚近。著百齡初彭齡就近察訪。遇便覆奏。將此諭令知之。○鑄給新設河南滑縣營都司關防。從巡撫方受疇請也。○以安徽合肥等四十州縣水旱歉收。撥藩庫銀二十萬兩。採買米穀平糶。○乙丑諭內閣。向例武殿試。御紫光閣。第一日閱視中式武舉馬步射。第二日閱視技勇畢。回宮。即於是日帶領引見。諸武舉由西苑進內。趨走不無擁擠。本科武殿試。朕於十月十八日御紫光閣閱視馬步射。十九日在景運門外御箭亭閱視弓石。回宮後帶領引見。二十日升殿傳臚。著為令。○又諭御史王家棟奏請嚴禁捕役擅用私刑一摺。所奏是。捕役查拏匪犯。遇有形

跡可疑之人。原准其隨時躡緝。至於審問口供。非捕役之事。自有問刑衙門專司錄供。該捕役解往審訊。如審明確係要犯。則原拏之人。自邀恩賞。即訊係誤拏。其咎亦尚可原。乃近日各衙門番役捕快。竟有私刑拷掠。勒取供詞。然後送官審問者。其中嚇詐邀功。挾讐戕害。幾同羅織。自當嚴切申禁。著通諭步軍統領順天府。五城。及直省緝捕各衙門。所派番役。祇准緝犯送官審訊。錄供具奏。後即行解送刑部。刑部收審時。如驗有拷掠重傷。雖訊明案犯真確。亦治以私用官刑之罪。若訊出刑逼教供。誣陷等情。奏明從重治罪。○上以祭社稷壇。自是日始齋戒三日。○丙寅諭內閣。現據北城拏獲賊犯尹七一一名。究明係行竊綺春園玉器正犯。並據供出在海淀陳府一帶偷竊儀親王鄂勒哲依圖園寓什物各一次。又偷竊民人家三次。尹七一犯本年在海淀

地方已行竊六次。此外竊犯想仍不止。此該管官緝捕廢弛。實屬因循怠玩。英綬常在御園附近駐劄。督率巡緝。責無旁貸。乃漫無整頓。著交部議處。先行退出乾清門。西拉布在園駐班之日較少。著交部察議。英和常川在城。不能兼顧。著加恩免議。圓明園副將王永功。以及該管營汛各員。交兵部查明一併議處。尋議上。得旨。英綬著照部議降三級。以三等侍衛在大門上行走。○諭軍機大臣等。前

實錄卷一百一十五

三

據潤祥等奏。請停止大凌河牧廠試墾地畝。將旗民人等撤回。此項廠地。照舊分撥三營添補牧放。當交軍機大臣等會議。茲據富俊奏稱。此項試墾地畝。實與三營牧羣無礙。若將已墾成熟之地。全行廢棄。領佃旗人雇工等一千六七百人。全行失業。於旗人生計大有關礙等語。此項試墾廠地。若有礙牧羣。自應停止。如三營牧地本無不敷。新墾地畝。原屬閒荒。可裕旗人生計。一旦廢棄。亦覺可惜。

所有潤祥等前奏。請勒令領佃旗人等進邊。以及拆卸富鋪平毀溝壕等事。著和寧等飭令暫行停止。無庸辦理。晉昌即日到京。陛見後。即令赴任。文寧於此事未經查辦。無所迴護。著派晉昌於到任後。會同文寧親往該處覆加履勘。詳悉妥議具奏。候旨遵行。將此諭令知之。○又諭。那彥成奏。訪拏匿名揭告形跡可疑之教諭傅曾啟等。訊非正犯。先行擬結等語。此案傅曾啟既因張翔拏獲馮克善。

實錄卷一百一十五

三

超升知府。希冀邀功。喚令並未在場。幫拏之武生張光仲。呈控分賞不公。並補給倒填月日。緝拏逆犯。諭帖跡涉可疑。伊弟傅曾來所供。七月初二日。日出始行出門。恰在車夫延福拾獲匿名揭帖之後。其語亦未可信。獻縣教諭傅曾啟。著革職。武生張光仲。著褫革。交那彥成再行詳悉研鞫。即審明傅曾啟等確非呈遞匿名揭帖之人。亦暫時羈禁。不可令其逃逸。該督仍一面派員上緊訪察。務究出

真犯使案無疑義以成信讞並有旨飭諭步軍統領順天府五城一體嚴緝矣將此諭令知之○丁卯

太宗文皇帝忌辰遣官祭

昭陵○祭

先師孔子命

皇次子智親王行禮○諭內閣凡祭祀齋戒期內適遇忌辰其應用服色總以祭祀為重

帝錄奉書

至

南郊大祀前一日如適遇忌辰恭閱祝版時朕御龍袍龍褂執事人員均穿蟒袍補服其餘大祀

中祀前一日適遇忌辰恭閱祝版時朕御龍褂執事人員均穿補服以昭祇肅著為令○又諭上年九月逆匪滋事一案近畿一帶匪黨業已捕誅殆盡民情安堵此次朕祇謁東陵蹕路經過通州三河薊州遵化境內該地方官編查保甲比戶周知悉皆安分良民斷

無奸宄溷跡啟蹕後每日行宮尖頓扈從之官員兵丁以及直隸派出隨營之官弁兵役有巡察之責者自應晝夜稽查遇有形跡可疑之人留心盤緝以昭嚴肅然慎密之中尤當示以鎮靜若有冀圖邀功之人將過往行旅負販指為逆犯妄拏誑報駭人聽聞以致閭閻驚擾必將該官兵立刻嚴拏治罪決不寬貸著將此旨先期曉諭俾各凜遵毋忽○戊辰祭

帝錄奉書

至

大社

大稷

上親詣行禮○諭內閣此次恭祀

社稷壇祝版書寫錯誤係由博士恒慶等誤將春祭祀文交內閣書寫恒慶伊克唐阿無庸交部嚴議俱著即行革職景安等雖先事未能詳慎旋即查明更正景安慶明舒寧俱著加恩改為交部議處賈允升係屬漢員不識清文其自請議處之處著加恩寬免○又諭

和寧等奏。獲越邊偷砍木植人犯一摺。此案張洪基等各犯。私越邊門偷砍木植至數千件之多。實屬藐法。著交盛京刑部嚴審定擬具奏。其該管邊門章京及坐卡官弁。並該管地界旗民地方各官。以及總巡協領等。漫無覺察。難保無通同徇隱情弊。著查明據實嚴叅。佐領托永安。督率者役訪緝認真。著施恩賞加一級。著役孫成等著和寧等重加獎賞。以示鼓勵。○又諭。台斐音奏審擬行劫官

實錄卷一百一十五

五

銀盜犯一摺。向來盜劫之案。其僅止聽從接贓。及在外把風瞭望者。俱聲明情有可原。部議免死減等發遣。此案曾保榮等明知餉船停泊河干。起意糾劫。大膽藐法。非尋常盜案可比。除盜首曾保榮夥盜劉瑞。關興友。朱勝茂。黃亞長。分別戮屍斬梟外。許亞松。黃亞芬。蕭達元。蕭亞七。四犯。雖僅止接贓瞭望。未經上船肆劫。其情無可原。不准減等。俱著斬監候。秋審時入於情實。嗣後如有明知官帑敢

行盜劫者。俱著照此例辦理。○又諭。此案賊犯尹七。係偷越御園圍牆進內。牆外堆撥相距甚近。該官兵全無覺察。其咎尤重。千總韓彪著即革職。該班兵丁二名。俱著革退。加號兩箇月。滿日責釋。牆內堆撥二處。距賊犯越牆之地俱遠。且來往走籌。該賊犯必係伺隙方敢跳越。其咎與牆外堆撥有間。所有六七堆撥該班之委護軍校著革退。仍留護軍。其該班護軍等。著交該營重責。免其革退。委護

實錄卷一百一十五

五

軍叅領巴永泰。護軍校廣善。花尚阿。俱著交部嚴加議處。直班之管理圓明園八旗官兵大臣瑞齡。著交部議處。○調刑部左侍郎成格。為工部右侍郎。轉刑部右侍郎。那彥寶。為左侍郎。調工部右侍郎。熙昌。為刑部右侍郎。○調鑲紅旗蒙古副都統密哩。為正黃旗滿洲副都統。以內閣學士穆彰阿。兼鑲紅旗蒙古副都統。調鑲紅旗護軍統領敬徵。為鑲黃旗護軍統領。以署正白旗護軍統領秀寧。為

鑲紅旗護軍統領以工部右侍郎成格兼京營左翼總兵己巳秋分夕月於西郊

上親詣行禮

太祖高皇帝忌辰遣官祭

福陵○諭內閣御史卓秉恬奏請嚴濫保以肅吏治一摺所奏是為政在於得人熙載奮庸原賴乎羣策羣力但賢才伏處下僚朕一人耳目豈能遍及不能不以薦舉之責任之大

實錄卷二百九十四

五

臣古之人進賢受上賞惟在屏除私意雖內舉不避親外舉不避讐觀所舉之賢否即舉者之存心公私亦可灼見如官員中有因公過失其人庸薦復進將來能為國家整飭吏治修舉庶政正所謂不以一眚掩大德若徇私濫舉無論貪劣著蹟者斷不可復登薦牘即素日無咎無譽之人舉以塞責一經錄用素餐尸位貽誤地方亦豈稱薦賢為國之義乎朕推心置腹諸大臣所舉或以明揚或以

密保朕察其才質分別擢用毫無逆億於其閒設大臣中有聽情納賄所舉之人既登顯仕竟有以貪酷罹罰者其原保之人亦安能辭薦舉不公之罪總之薦賢惟期於國事有裨公則有功私則廢職內外大臣尚其慎簡乃僚勿忽朕命○庚午

上幸圓明園○遣官祭昭忠祠○諭內閣秋祀夕月壇嗣後如遇朕親祭之年其配位著派親郡王上香○又諭章煦奏查明東省捐監

實錄卷二百九十四

五

銀兩撥解借動各款內有聊城等州縣辦理煮賑案內續發銀一萬五千兩又軍需借動銀三萬六千兩俱未經詳奏先行動用藩庫存貯銀兩遇有地方公用例應奏准動支朱錫爵於煮賑軍需兩案先行借撥捐監項下銀五萬一千兩如曾經稟商同興則擅挪之咎伊二人共之若朱錫爵徑由藩庫動用同興亦有失察之咎又據章煦奏東省續行查出積案六十三起同興前摺未經列入其在

巡撫任內更屬因循廢弛。所有前項借動銀五萬一千兩。著同興朱錫爵照數各半分賠。以示罰懲。○諭軍機大臣等。山東各州縣庫款前已有旨。命章煦督同慶收查辦。昨據初彭齡查奏江蘇省虧空。已飭交百齡初彭齡會同徹底查辦。山東各州縣倉庫虧缺情形。亦斷難再事姑容。著交章煦徹底確查。務於此次悉令水落石出。將來陳預到任。章煦交印後。地方公務由陳預自行辦理。其查辦虧空一事。仍留章煦。以欽差大臣在東與該撫會辦。照依指示江省諭旨。查明確數。分別差等。覈定罪名輕重。開單具奏。俟辦定章程。章煦再行回京覆命。張師誠現已銷假。即行來京。伊接任後。亦仍令初彭齡以欽差大臣留江督辦也。將此諭令知之。○以太僕寺卿梁上國為太常寺卿。仍留廣西學政任。○緩徵湖北沔陽州。淤地新賦。○辛未

上詣

實錄卷一百一十五

五

實錄卷一百一十五

五

安佑宮行禮。○諭內閣。御史魯垂紳奏請申明典禮。以崇體制。一摺。向例每逢祭祀大典。朕出入禁城。各衙門派有官員在禁門外迎送。近日迎送之員。甚屬寥寥。殊非敬慎之道。著通諭各衙門。嗣後該堂官將迎送官員酌定名數派出。後先期造冊咨送都察院。屆時由齊班御史將迎送各員職名按冊查收覈對。如有曠誤者。該御史指名叅處。○大學士勒保。以目疾解職。仍食伯爵全俸。命戶部尚書協辦大學士托津為大學士。管理戶部事。都察院左都御史明亮為兵部尚書。協辦大學士。調兵部尚書瑚圖禮為戶部尚書。以署正白旗漢軍都統伊冲阿為左都御史。○壬申。予河南滑縣遇賊被戕已革千總吳炳通祭葬。如千總例。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百九十四

寶錄卷二百九十四

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十五

監修總官松尾日清尾尾官大子丞傳武英殿大學士文淵閣領閣事稽察欽奉 六部事件處管理工部事務翰林院掌院學士護衛

加二級尋常加四級生 曹承錫 號教官太子太保文淵閣大學士管理刑部事務監獄臣戴均元 題 是日議起居注奉旨少保內大臣文淵閣提舉閣

著籍祭款奉
上諭事件處協辦大學士部西書翰林茂學院學士教習庶吉士總管內務府大臣鑲黃旗滿洲都統步軍統領管理

部工庫承農莊清漪園等處規畫工程處御茶膳房御藥房太醫院西洋堂事務軍功加三級隨帶加二級尋常加三級紀錄二十次

以此和緩臣議官太子太師禮部尚書書房行走武英殿總管管理園子監事務加六級隨帶加二級紀錄四次臣汪廷珍等奉

教考

嘉慶十九年甲戌八月甲戌俞允上平策

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

業以爲不務現等名要亦已久稱該會無隆

旨食魚片通衢侶壤城市雍和諒無不厝矣

該犯等皆係罪大惡極覆載不容之人小民

具有天良誰肯冒法竄藏自必與同教之

家先經被誘此時窮蹙來投若從而舉首盧

涉干連因此諱莫如深冀圖苟免不知祝現

等所以不使倖逃顯戮者在叛逆不在習教。

上年逆賊林青等。雖系籍八卦教。然目

教而從逆者十之一
習教而不從逆者十之

九其雖經習教而不肯從逆者不過愚民無知一時被惑與叛逆之徒相去懸絕更或有並未習教不過與逆犯等素有姻戚交往因而輾轉投託者凡在此等皆准其據實舉首或將所留逆犯縛交或密告本地方官捕捉或先經容留在家此時已潛往他處者即將該犯等現在蹤跡及所匿處所密首到官一經捕獲但治該逆犯之罪其首告之人從前習學邪教窩留逆犯之罪概行寬免如並未

習教者並照平民一體重加獎賞著步軍統領順天府五城及直隸河南山東等省地方官廣行出示曉諭如經此次示諭之後執迷不悟仍前窩匿別經訪拏無論習教與否窩藏逆犯者即與所窩之犯一律同罪至煤窩山廠僧道寺觀外來人等蹤跡無定最易藏奸又各處關津隘口為行旅往來要地並著該地方官各就所管地界按里按甲嚴密稽察毋令逆犯等得以變易姓名詭裝混匿其

有藉端滋擾及挾仇誣陷者仍各按律治罪務淨遺孽而安善良又諭那彥成奏請將查拏逆犯畏蕙遷延之遊擊請旨革職一摺那彥成自抵直隸總督任後於飭拏要犯未經緝獲一名此次訪有祝現蹤跡派遊擊圖勒畢善帶同眼線前往查拏該遊擊遷延觀望以致逆犯聞風他竄那彥成派委不慎咎無可辭乃僅叅奏圖勒畢善並不自請議處甚屬非是圖勒畢善著革職來京俟逸犯就

獲後如訊明實係祝現再治其罪若僅係次要之犯則革職已足蔽辜免其治罪那彥成著革去雙眼花翎仍帶單眼花翎並交部議處將來祝現等六犯悉數拏獲內由直隸員弁拏獲一二名尚可加恩賞還那彥成雙眼花翎若無直隸員弁拏獲者不能邀恩賞還也 以河南城守尉喜格為荊州右翼副都統 乙亥諭內閣給事中楊懌曾奏請禁奸商囤積米糧以濟民食一摺本年安徽省缺

少雨澤糧價增昂前據巡撫胡克家奏請動撥藩庫銀二十萬兩委員分赴鄰省採買米石運至該省備用業經降旨允准今據該給事中奏該省廬州六安毗連之雙河鎮三河鎮一帶有呂姓米商修蓋倉房沿河七十餘里盤踞多年每歲積穀百餘萬石賤買貴賣倉名有二十八豐號數其餘分戶囤積者尚復不少等語從來通商所以便民若當市糧昂貴之時貧民需食孔殷豈可任令奸商居奇牟利著胡克家即委員查明該商囤積糧石數目官為平定價值開倉出糶俾穀石流通窮黎得資接濟如該商等抗違隱匿即將糧石入官平糶仍治以應得之罪○又諭戶部議覆御史賈聲槐條奏清查錢糧起解數目以除積弊一摺各省額徵正賦為國家度支之源其留支起解各款每年定限奏銷分別完欠考成立法綦嚴其例應起解之款本與留支者不同一有徵存即應按起批解如

報解逾時該藩司道府等即當隨時察數勒限飛提若該州縣已報徵存日久不行解司其中必有官侵吏蝕情弊此而不加查辦該督撫藩司道府所司何事至每歲錢糧奏銷各按完欠分數將經徵督徵等官開叅若以徵存未解之款列入已完數內則是實欠在民者尚有處分侵挪在官者轉無察劾何以杜欺隱而絕弊端嗣後各州縣應解錢糧如有已徵未解者奏銷冊內即照未完分數揭叅如該督撫藩司開作已完者查出即照通同徇隱例懲處其直隸江蘇安徽山東福建甘肅廣東雲南等省徵存未解數目前經戶部查叅降旨飭催著該督撫嚴提飭解儻州縣不能剋期報解則虧挪情弊顯然即行查明據實嚴叅按例治罪勿得代為掩飾致干重譴○諭軍機大臣等本日都察院奏曲沃縣民人張功成呈控糾眾逞兇一案已有旨交衡齡審辦矣前據衡齡奏稱晉省風俗醇

儉並無習教結會等事。此案張功成所控石在渭等於本年五月內勾約順刀會多人逞兇搶掠報縣勘驗後並不緝犯究問以致該民人來京控訴可見該省竟有匪徒糾眾倡立會名肆行搶劫衡齡一味因循置之不辦僅以空言掩飾竟同木偶著傳旨申飭所有案內逞兇各犯著即按名拘拏親提訊擬至該省既有順刀會匪難保無通同逆犯窩藏容隱之事並著詳細研鞫如訊有要犯蹤跡

密速擒捕勿任漏網禍福任汝自取慎之將此諭令知之○吏部以大學士松筠托津應定何殿閣請得旨松筠著為武英殿大學士托津著為東閣大學士○禮部尚書胡長齡以疾乞假允之○轉都察院左都御史戴均元為禮部尚書工部左侍郎茹業為左都御史○丙子諭內閣御史程贊寧奏請嚴私梟拒捕之禁以靖地方一摺官引滯銷由於私鹽充斥全在地方官實力查拏隨時懲辦梟徒

自當畏法斂戢近日捕務廢弛遂致私販日多著通諭各督撫鹽政嚴飭所屬文武員弁認真查辦如訪有窩賣私鹽梟徒立即會同擒捕勿存消弭規避之見其有兵役包庇者究明按律嚴懲毋稍寬貸○又諭前據阮元等籌議南糧寄剝截卸章程內湖北等處六幫米三十三萬二千餘石用楊村剝船運通其江西八幫半共米三十八萬七千八百餘石在北倉截卸俱經降旨允行茲榮麟奏請

自湖北頭幫起至饒州半幫止共十四幫半先在北倉截卸量加堆貯如空剝輪轉回楊再將餘剩米數迎幫剝載赴壩等語所辦未為妥善南糧轉運應儘先到幫船赴楊村寄剝將在後各幫截卸北倉若此時概行截卸露囤堆貯將來又將餘米迎剝多此一番輾轉既虞折耗復慮稽延著榮麟仍遵照原議章程將在前幫船除現已開斛起卸米石即在北

倉收貯外未經起卸者均仍催赴楊村寄紉勿得頻番改易致有遲逾又諭

皇后之胞叔明善在刑部員外郎任內辦事認真伊身故後其妻覺羅氏於三日內殉節實可嘉憫明善著加恩追贈鴻臚寺卿伊妻覺羅氏即以恭人例旌卹諭軍機大臣等御史張鑒奏浙江省五六月間缺雨田禾枯槁米價騰貴地方官禁鋪戶增價各鋪戶因成本既貴難於虧折賤賣是以一石以上皆

不肯賣甚有停止歇業者又浙省商販之米聚於長安鎮為米商四集之所該省大員飭委嚴查囤戶未免滋擾以致富戶不敢置買多米外來之米既少必更形短缺等語各省地方豐歉不齊全賴商販流通各就產米盈餘之區源源接濟則民食尚不致匱乏浙省民稠地狹即遇豐收之年亦資外來米穀協濟若因一時米貴抑勒各鋪戶減價出糶又以嚴查囤戶為名索詐擾累本地殷戶既不

敢多存米石外省米商又裹足不前將來本境之米食盡明春青黃不接之時窮黎必致生困著顏檢即查明該省歉收情形市糧價值斟酌盈虛出示曉諭務俾商販米石源源而來米糧既多其價自減方於民食有益不可膠柱鼓瑟祇取給於目前而不通籌全局也將此諭令知之○以故鎮國將軍綿伸子奕順降襲輔國將軍○以內閣學士王以銜為工部左侍郎仍留江蘇學政任○以甘肅

涼州鎮總兵官馬元為廣西提督○丁丑上詣

大高殿行禮○還宮諭內閣松筠奏伊犁幫辦糧餉事務筆帖式職銜鶴鳴期滿遺缺請以徐松坐補一摺徐松於學政任內因贓款革職發往伊犁効力贖罪到戍甫逾一年松筠遽為奏請小京官職銜幫辦印房事務殊屬有意市恩所奏不准行松筠著傳旨申飭所有伊犁糧餉章京一缺照例由京派往更

換○又諭恩長等奏卡倫官兵通同舞弊審明定擬一摺福通阿派管卡倫索詐得財因贓私敗露復以自刎挾制行同無賴著加枷號二年滿日發往伊犁充當苦差隆祥碩凌阿德玉及巴圖魯托克托拜等均著照所擬完結恩長玉福失於查察著交部議處其從前各任官兵歷年久遠人數過多其得贓與否既無確實證據俱加恩免其查究嗣後該叅贊大臣於官兵派赴卡倫時務嚴切訓誡勿許需索錢文擾累回衆並出示曉諭回民如有私行勒索者准其據實首告審明後將該官兵從重治罪以四川綏定協副將羅思舉為甘肅涼州鎮總兵官旌表守正捐軀四川慶符縣民嚴時仲妻陳氏戊寅上啟鑒恭謁

東陵○諭軍機大臣等本日那彥寶奏到籌議睢工大概情形並備辦物料緣由一摺將建立壩基挑挖引河方向繪圖呈覽此摺係那

彥寶單銜具奏吳璥方受疇二人並未會銜此次堵築睢工如建立壩基挑挖引河能相度地勢得宜則辦理順手易於合龍即錢糧亦不致糜費緊要機宜無有過於此者朕命那彥寶前往豫省與吳璥方受疇會辦伊三人應和衷共濟計出萬全那彥寶此摺所奏曾否與吳璥方受疇熟商伊二人以那彥寶所定壩基引河方位為然與否摺內俱未聲明著將此摺發交吳璥方受疇二人閱看若

伊等意見相同可保萬全無弊那彥寶吳璥方受疇三人即聯銜迅速覆奏一面剋期興辦如吳璥方受疇所見與那彥寶不合即著伊二人另行據實由驛陳奏並繪具圖說呈覽那彥寶原圖交軍機處存記以便參酌覈定降旨飭遵總之此事關係重大無論睢工漫口已逾一年下游災區急思涸復即大工所需帑銀三百餘萬兩經戶部多方籌撥始能如數解往現在帑藏支絀情形伊等諒俱

深知如能於所撥之數再有節省。是伊等各發天良。若辦理不慎。仍思續請帑金。則其勢萬有不能。伊等當慎之又慎。不可稍存諉卸附和之見。有誤國事也。將此諭令知之。○免蹕路經過地方。本年額賦十分之三。○是日駐蹕烟郊行宮。己卯駐蹕白溝行宮。○庚辰遣官祭黑龍潭。

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟龍王之神。諭軍機大臣等。據伯麟等奏。昨工現辦堵築事宜。請共繳養廉銀一萬五千兩解往備用等語。封疆大吏祿入豐厚。值國家辦公需費之時。情殷捐助。亦屬分所當然。但昨工距雲南幾及萬里。該處工費。前據吳璥等通盤籌計。約用銀三百八十萬兩。業經如數籌撥解往應用。該督撫所繳

養廉一萬五千兩。長途運送。殊於大工無補。伯麟孫玉庭受朕厚恩。畀以邊陲重寄。惟在將地方事務經理得宜。使政肅民安。邊疆寧謐。通省倉庫錢糧。毫無欠缺。即所以紓忱報効。再該省銅鹽二事。亦經費之大端。伊等盡心籌辦。能使京省鼓鑄無缺。鹽井額課無虧。亦即於國帑有裨。又何在區區呈繳乎。所有伯麟孫玉庭請繳廉助工之處。著不准行。設該省地方閒遇水旱。有資撫卹。或銅鹽諸務有應需調劑之處。該督撫量力捐辦。可以節省帑項。則伊等義切急公。是亦在所不禁也。將此諭令知之。○是日駐蹕隆福寺行宮。○辛巳。

上恭謁

昭西陵

孝陵

孝東陵

景陵

裕陵俱未至碑亭。即降輿慟哭。步入隆恩門詣。

寶城前行禮。躬奠哀慟。王以下文武大臣官員均隨行禮。

世宗憲皇帝忌辰。遣官祭。

泰陵。○諭內閣。伯麟等奏審訊已革知縣萬永福妄遞書本。按律定擬一摺。萬永福前在山西知縣任內。以妄行條奏。斥革回籍。不思安分家居。此次復遣人在貴州學政衙門陳遞書本。竟敢誣託。

先師降筆。演為策畧。實屬侮聖造言。書中謬妄甚多。其最甚者如上。

陵以太子代行。

關聖宜去帝號。此二語即罪在不赦。仰惟

皇考高宗純皇帝特輯儲貳金鑑一書。以前代建立太子。流弊甚多。不可踵行。如有建言以立太子為請者。即行正法。煌煌

聖訓。卓越千古。國家億萬年所當遵守。萬永福

何人敢於援論及此。又我朝崇奉關帝。備極尊禮。歷荷

神庥。助順。上年九月間。逆賊潛入禁城。以及冬間克復滑縣。皆曾顯著

靈佑。朕中心欽感。方且特加

封號。萬永福以為宜去帝號。慢褻孰甚。該督等奏請將萬永福照大不敬律擬斬。即行正法。本屬罪所應得。姑念該犯係因革職後妄思起用。熱中顛倒。以致心志迷亂。語無忌憚。

著仍照扶鸞本律應絞。即行正法。伊弟萬永寧與該犯同設此盤。著改發黑龍江。伊徒吳希哲代遞書本。著改發吉林。即行分別起解。此二犯至配所後。交該將軍嚴加管束。如再造詩文。胡說亂講。即行正法。切勿姑息。至貴州學政李宗昉於萬永福遣徒投遞書本。懇其代進。該學政有奏事之責。應一面奏聞。一面咨審。乃僅移咨巡撫辦理。亦屬不合。李宗昉著交部議處。○命直隸布政使素納來京。

候補四品京堂以按察使錢臻為布政使通
永道李鑾宣為按察使○賞蹕路經過看守
各行宮弁兵半月錢糧○是日迴鑾駐蹕桃
花寺行宮○壬午諭軍機大臣等據常格奏
代理潯關稅務共五十六日應賠銀二萬二
千七百二十五兩零已明降諭旨令其賠繳
矣常格聲名本屬平常朕素知其為人溺於
聲色性情侈靡今代理關務僅止五十餘日
何至額缺二萬二千餘兩恐不免有恣情揮
霍之事著初彭齡會同阿爾邦阿即將該關
徵收號簿飭取查覈常格經徵期內是否徵
多報少自行花費查有弊竇及貪縱劣蹟即
行據實嚴叅如查無款據亦必須將該關因
何缺額之處訪查明確據實覆奏毋稍徇隱
將此諭令知之○緩徵直隸豐潤寶坻龍門
定東安青靜海滄鹽山新河冀懷安肥鄉束
鹿文安十五州縣水災旱災雹災蟲災各村
莊新舊額賦及旗租倉穀○是日駐蹕白溝

行宮○癸未諭內閣此案護軍花齡阿初次
隨圍不諳差使又行走落後該管章京蘇克
棟阿有督率之責正言訓斥分所當然即加
以鞭責亦不為過即同行之護軍人等口出
怨言亦屬情事之常乃花齡阿輒羞忿輕生
於行營重地用刀自戕實屬有干禁令著交
刑部於傷痊後照行營自戕例治以應得之
罪副護軍叅領蘇克棟阿護軍校富森布均
無不合無庸解任護軍寶惠等俱著省釋格
布舍自請議處之處亦著寬免此旨通諭各
營知之○調荊州右翼副都統喜格為乍浦
副都統乍浦副都統西凌阿為荊州右翼副
都統○是日駐蹕烟郊行宮○甲申
上還宮○遣官祭賢良祠○諭內閣上年逆賊
林清潛蓄異謀於九月十五日分遣黨惡突
入禁門嗣拏獲從逆各犯訊明多係鄉曲無
賴之徒值農隙無事被其煽惑隨同搶劫此
等游手閒民不從事於畝畝往往相率為匪

據竊奸宄無所不為現在枋秋將屆禾稼登場此次蹕路所經閭閻安堵雖氣象極為肅清但戢暴安良不可稍存懈弛著步軍統領九門八旗順天府五城各率所屬將飭拏要犯認真訪緝遇有三五成羣不務正業蹤跡詭異者隨時隨地留意稽查常有備無患之心副予安益求安之念務使輦轂之下令肅風清該衙門官役尤當同心協力聯為一體如能緝獲奸匪功則同賞若彼此推諉玩縱過則同罰其順天府四路各州縣並著該府尹等督飭一體實力嚴查毋稍疏懈○乙酉

上幸圓明園諭內閣特依順保等奏查明黑龍江官兵攜帶幼孩內王金斗一名曾經從賊殺人並有應行緣坐之杜年成等已另降清字諭旨分別正法覈辦矣王金斗身係正賊其餘亦皆應緣坐若非特依順保等將該幼孩等聚集查訊令其互相指認查出辦理

幾致漏網因思京營及各省滿漢官員兵丁由軍營攜回幼孩甚夥其中似此者恐亦難免自應覆行查辦著通諭健銳火器等營並吉林直隸江南山東山西河南陝西甘肅四川等省駐防綠營由軍營撤回將弁兵丁各將所攜幼孩報明聽候查訊京營由軍機大臣外省由各該將軍督撫提鎮等將該幼孩等傳集一處令其彼此識認此內如有從賊及應行緣坐者一經指出即可究辦此等獲

罪之人非互相攻訐斷不肯自行供認此次即查有從賊及逆犯子孫罪應緣坐之人其原帶官兵本無從查察亦不治其罪但所攜幼孩務須按名呈報備查以靖遺孽勿得隱匿致干咎譴也將此通諭知之○丙戌諭內閣御史孫汝奏剔釐行伍積弊一摺國家設兵衛民歲糜左藏建置督撫提鎮以統轄標營分布備弁責以訓練原期有一兵即收一兵之用

乃積漸廢弛。叢生弊竇。如兵丁缺出。自應即時挑補。若利其缺曠。侵蝕餉乾。則營兵即至缺額。更復以工匠裁縫廚役等項。侵占名糧。甚至有以廝役優伶充數者。則額兵之內。又復有名無實。尤為營伍鉅弊。必應痛加革除。至於訓練之法。當使人人習於技藝。無一濫竽。方成精銳。如查閱營伍時。僅將列置前牌者。閱視數牌。易啟不肖營員揣測朦蔽之漸。嗣後閱視營伍大員。務將前後名牌。參錯抽

看。以杜欺蔽。至各兵丁等。得受糧餉。皆係養贍身家所資。若沿習陋規。假辦公之名。多方剋扣。則該兵丁等謀生之不暇。又何能專意操防。著各該督撫提鎮。督飭所屬。政除積習。實力整頓。務使兵歸實用。餉不虛糜。如有仍前弊混者。即據實嚴叅懲辦。以簡軍實。而肅戎政。將此通諭知之。○又諭御史王嘉棟奏。清釐州縣交代。以杜侵虧。一摺。州縣官經管倉庫錢糧。前後任交代。委員監盤。本有一定

例限。逾限者。分別議處。如查有虧缺。接任之員。即應據實稟揭。該管上司查明叅辦。乃近日各省州縣交代。有數年尚未算結者。其中或瞻顧寅好。私相彌縫。或畏懼上司。不敢詳報。甚或翼倖升調。甘為擔承。先則通融出結。迨後官經數任。輾轉轆轤。積弊日深。伊於胡底。著通諭各直省督撫等。嗣後州縣官交代。務嚴飭前後任及監盤之員。按限結算。毋得遲逾。前任一有虧缺。即令後任據實揭報。叅

處。若前任所虧。後任已經查出。並未揭報。監盤官亦扶同徇隱。出結之後。別經查出。即將後任及監盤官。嚴行叅辦。並將虧短各款。著落分賠。以示懲儆。○又諭吳璥等奏。睢工投効人員。請照定價。交納稻埕。覈算銀數。照捐例。給予官職等語。本年豫省興辦大工業。已撥給帑銀三百八十萬兩。所需稻麻。經該河督等覈定價值。發帑採辦。何須投効人員。再行捐貲購料。且戶部現開捐例。豫省工次復

准報捐亦與事理未協吳璣等所請著不准行○丁亥諭內閣御史孫世昌奏剔除賑卹積弊一摺朕念切民依如傷在抱每遇地方水旱偏災議蠲議賑不惜鉅萬帑金務使一夫不失其所所有司牧之責者宜何如仰承德意實力奉行俾閭閻均霑實惠乃近來各省辦理賑務多有未善以致諸弊叢生如委員查災藉端需索藩司發帑借項扣除造冊時不覈戶口之虛實胥吏易於侵漁設廠時不酌道路之遠近飢民疲於奔走甚至安撫失宜致使流民轉徙強暴橫行種種擾累不一而足是帑項虛糜而澤不下究皆地方官奉行不力之故本年江浙等省被旱地方有應辦賑卹者著該督撫督飭所屬盡心經畫一切積弊悉行革除保民為國家第一要務全在大吏實心任事使墨吏奸胥無從染指庶恩膏下被用副朕懷保惠鮮之意又諭御史何彤然奏請嚴禁重徵一節國家惟正之

供原不准額外絲毫多取擾累閭閻乃近日州縣中輒法營私將收糧串照內印寫如有重徵准其更正字樣於徵收正課之外復借追積欠為名多方抑勒即控告上司仍發交本官審辦莫為申理似此橫加苛索罔上病民害何可言據該御史奏稱此事山東為甚湖北江蘇等省亦間有之著該督撫嚴行查察如有似此重徵巧取者指名嚴參究辦並將糧串內重徵更正字樣通行飭禁勿任影射以懲貪墨而安黎元○又諭御史賈聲槐何彤然奏民人上控案件請勅下各督撫親提審訊各等語直省設立藩臬二司綜理庶政又置督撫以統制之督撫之秩其初原為察弊除奸與巡按無異今定為實缺管理地方凡所部中有冤抑案情府縣不為申理該督撫自應親提鞠訊立辨是非庶可肅法紀而蘇民困若督撫不為審理致小民跋涉來京控訴欽派大臣前往查辦試思在京部院

衙門各有應辦政務豈能常令曠職使車四出各省又安用此督撫為耶嗣後直省督撫遇有發交親提審訊案件務各親身鞠問違者即治以違旨之罪發交兩司者亦如之其本省上控案件不得仍批交本府本縣任令掩護前非設法消弭遇案情重要關涉官吏者該督撫即會集司道等當堂聽斷不可養尊處優概委之首府首縣致令官官相護曲意彌縫務痛改因循疲玩積習使政平訟理民隱得伸則吏治自蒸蒸日上矣將此通諭知之○諭軍機大臣等據御史何彤然奏廣西省南寧太平慶遠思恩鎮遠五府管轄土司四十六處皆與各府屬州縣地址相錯並非化外邊氓其土民考試事宜前經奏准除承種番哨隸置私田身充賤役不准考試外其正民雜民承種官田者恐其入學抗糧退田後仍准應試乃各土官辦理未能盡一往往借退田一說影射民田為官田含混阻考

以致各土童控訴紛紛有乖撫綏之意等語該省役田官田民田布政司俱有冊檔可稽其應如何查覈明晰俾各土民考試不致受土官抑勒之處著蔣攸銑台斐音會議具奏將此諭令知之○以都察院左副都御史曹師曾為內閣學士兼禮部侍郎銜○以福建按察使瑞麟為陝西布政使山西冀寧道訥福為福建按察使

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十五

該上司祇圖省費而屬員資緣依附擅騙招搖弊竇叢生且聯絡既久假公事以酬私勞遇有保舉之時鑽營請託勢所必有即如近日河工將次興築而外間已傳播謠言不可不防其漸著通諭直省各督撫凡署中一應幕務毋得假手屬員致藉辦事為名啟倖進之路務各自謹廉隅以杜奔競而肅吏治○又諭高杞奏軍營買回女子隱匿不報又復轉賣之遊擊請旨革審一摺因原提標後營

中書全書下

下

遊擊胡文秀著革職延綏鎮標右營守備胡元榜著解任交該督提齊人證文契秉公質訊定擬具奏並著遵照昨降諭旨將該省出征官兵攜回幼孩傳集一處令其彼此識認如有從賊及應行緣坐者俱令一一指出分別究辦毋任隱匿○又諭百齡初彭齡奏藩司不將新虧之契實力剔除請先行革去頂帶一摺藩司專司錢穀杜絕挪移先須將本年應解之款依限催提現當清釐庫款之

時江寧江蘇兩藩司於本年上忙銀兩承催不力又不據實揭叅實屬玩縱陳桂生常格俱著革職留於該省戴罪督催如能如數完解該督撫奏明另行施恩賞給差使儘逾限不完即奏請嚴議分別著賠將經徵玩誤各員一體嚴叅治罪○又諭此案已革千總饒國柱於運員白鍾岳督押銅船抵閩時威氣村斥不令插檔行走迨赴船理懇又託故不見以致白鍾岳恐誤限期窘迫自縊情節強

中書全書下

下

橫勢同威逼僅擬杖徒其罰過輕饒國柱著重責三十板發往伊犁効力贖罪餘著照所擬完結○諭軍機大臣等前據那彥寶奏籌議雕工建立壩基挑挖引河等事因此摺係那彥寶單銜具奏當經降旨詢問吳璥方受疇是否意見相同即據實由驛覆奏今據奏到本條公同籌議意見相同覽奏深慰朕懷現距九月十九日開工吉期甚近一切章程既已籌定即應興辦毋稍遲緩十九日開工

後每進占二十丈即由驛具奏繪圖呈覽朕計日以待再上年方受疇奏曾於睢州工次盤獲蔡景華等犯訊係聽從教匪指使來工乘間放火當即審明正法其餘夥匪數人飭拿未經具報全獲現在要犯祝現等六名及次要犯五十七名亦日久在逃該逆等聞豫省興舉大工或溷跡夫役中乘間焚燒料垛以圖洩忿工次兵役衆多縱不致別生事端而損失錢糧亦所關匪細刻下正當稽料運

實錄卷七十一

下

工堆貯之時風高物燥尤應加意防範著那彥寶吳璥方受疇嚴飭在工及地方文武官員小心火燭嚴密守護並傳諭薛大烈責令親督弁兵晝夜巡邏密加偵察勿任奸匪潛蹤致滋他慮儻工次料垛竟有防守不嚴被匪徒焚燒之事除將匪犯嚴拏懲辦外其所焚料物即著落那彥寶吳璥方受疇薛大烈四人名下照數罰賠以示懲儆再本日御史宋邦英奏請飭禁屬員幫辦幕務一摺據稱

河工地方近傳有捷徑不在終南河水洋洋大有佳處補缺何須吏部諸公衮衮競開便門聯語現在睢工辦理需人將來合龍後在事出力人員伊等自必具摺保奏務當一秉至公使人心翕服不可將佐幕私人濫行列入致干物議也將此諭令知之○又諭本日百齡初彭齡奏請責令江蘇江寧兩藩司嚴催上忙錢糧並留常格暫緩起身各摺已有旨將常格陳桂生二員均革職仍留該省戴

實錄卷七十一

下

罪督催矣又據初彭齡奏辦理虧空實在情形一摺直省倉庫錢糧係國家維正之供朕未嘗於定賦之外絲毫溢取每歲量入為出以制國用若任其虧短拖欠則軍國度支於何取給該督撫受朕厚恩加之倚畀此時徹底清釐勿僅視為當官應辦之務應視國事為家事如伊等平素家貲交奴僕經營被其侵蝕此時家計支絀無可稱貸追問家奴等追索仍任意懸宕伊等豈能甘心隱忍今以

朝廷正賦付之歷任貪墨之員。或恣意揮霍。或代子弟捐納官職。或於家園私置田產。而使府庫空虛。該督撫等具有天良。豈能膜視至侵盜錢糧。本有定例。如果錢糧有著。悉能追繳如額。原非必於例外從嚴。若平日著名劣員。在任時任意侵欺。此時奉旨嚴追。而帑項仍然無著。亦豈能不置之重典。以儆官邪。百齡等將江省本年新賦截止。溯查該省歷任州縣虧缺數目。究係若干。勿糾勿漏。再遵

照前旨。就各該員名下。追出實據。徹底查明。按其情罪輕重。分別等差。具奏辦理。務使侵蝕者法無可逃。挪移者亟圖自贖。庶此番查辦。可期積弊一清。不致有名無實也。將此諭令知之。○調陝西布政使瑞麟。為福建布政使。以山西按察使楊樾恬。為陝西布政使。調福建按察使訥福。為山西按察使。以福建汀漳龍道習振翎。為按察使。○己丑。

上御洞明堂。勾到新疆雲南貴州廣西情實罪

犯停決新疆斬犯五人。絞犯二人。雲南絞犯五人。貴州斬犯七人。絞犯八人。廣西斬犯四人。絞犯七人。餘八十四人。予勾。○諭軍機大臣等。據劉鏞之等奏稱。順義縣牛欄山地方。盤獲賣馬之韓泳昌。劉兆屈。順李泳明。王增懷等五名。並起獲馬二十二匹。訊據韓泳昌等供。劉兆之父劉景昌。向與蒙古人在口外偷趕馬匹。本年八月初五日。韓泳昌屈順帶同蒙古人根敦吉。至劉景昌家。與在彼居住

之蒙古人貢布等五名。在滿丹花馬廠。搶去馬三十匹。並帶鞍馬一匹。除留寄售賣外。該縣實起獲馬十四匹。又將該犯在高麗營賣馬八匹。一併起獲。旋據事主張其顯赴縣呈報。詳訊被竊月日。並失馬數目。均與韓泳昌等所供相符。並稱放馬之人。當被毆傷。伊鋪影曾在察哈爾都統衙門報明有案等語。已將韓泳昌等犯交刑部審訊矣。近日口外竊馬之案甚多。該犯等膽敢糾同蒙古人等偷

竊廠馬數至三十餘匹並毆傷事主竟與劫奪無異不可不嚴行懲創著貢楚克扎布查明張其顯鋪夥呈報原案即飭派兵役將貢布等各犯嚴拏務獲解部歸案辦理再前月朕恭謁

東陵蹕路經過地方其各村莊編挂門牌甚為整肅緝拏匪犯懸貼賞格亦極詳備詢之那彥成據稱直隸各府州縣俱照此一律辦理並非於近畿地方粉飾塞責看來口內查辦

保甲一事尚為認真因思口外多倫諾爾地方烟戶稠密商民雜處奸徒最易藏匿混跡現在祝現等六犯及次要之五十餘犯均未拏獲安保無一名潛往伏匿現在該處作何查辦之法著該都統督率該地方官一體編查設立賞格嚴密訪緝如有逸犯到彼即可追蹤擒捕毋稍疏漏將此諭令知之○以宋儒朱子後裔雲鐸襲五經博士○庚寅上幸靜明園詣

龍神廟拈香○諭內閣御史申啟賢奏請嚴禁睢工濫保人員一條向來興舉大工該河督等往往收錄投効人員事竣一律保奏其中徇情冒濫之弊實不能免此次睢工辦理堵築事宜經朕特派京員前往交令差委該河督復奏調南河熟諳廳員備弁多人並有河南山東兩省現任及分發各員人數甚多足敷差遣其外來投効者俱著不准收錄至前日該河督等奏搶辦黑垆險工出力各員

內將投効之縣丞王仲澐候選州同盧萬之二員列名保奏河防要工出險保護平穩係每歲搶修之事向無投効之例該河督等前奏本屬不合所有該二員賞給議敘補缺之處俱著撤回飭令前赴睢工聽候差委如果始終出力俟工竣再行奏聞覈辦市恩邀譽上天不容濫之慎之○又諭御史卓秉恬條陳捕務一摺捕役專司偵緝地方遇有竊盜案件該管官目應督飭該役嚴拏究辦乃捕役

往往護庇盜賊。因緣為奸匪。徒恃有護庇。肆行無忌。如該御史所稱。直隸河南山東江南等省。皆由捕役養奸。以致盜風日熾。而該管官又率多袒庇。捕役置若罔聞。不可不嚴行申禁。著各督撫實力嚴查。如該管捕役有通盜之事。嚴拏懲辦。其司捕官有與捕役通同舞弊者。嚴叅治罪。該州縣官知而不舉。或有諱匿消弭之事。一併查叅重懲不貸。○又諭御史賈聲槐奏。請禁實缺州縣轉相委署。以杜規避。一摺。州縣身膺民社。於地方公務各有專責。實缺人員。原不得輕易更調。但各省州縣繁簡不同。必須人地相宜。方足以資治理。如本任遇有出差事故。地居繁要。實非初任人員所能署理。於別州縣中揀員調署。原為慎重公事起見。惟是外省因有此例。該上司或藉為屬員揀擇缺分。規避叅罰。亦所不免。著通諭直省督撫。遇有調署州縣等缺。務須秉公慎選。期於有裨地方。若叅以私見。聽

受屬員賁緣趨避。一經發覺。定行嚴懲不貸。○又諭本日素納奏。到謝恩摺內。據稱今歲五七月間。兩次患病。才識短淺。未克勝任等語。直隸地方正當整飭之時。素納既患病。不克勝任。何以前此並不陳明。今於離任後始行具奏。實屬有心應機。素納不勝四品京堂之任。著以六部郎中降補。○命戶部左侍郎盧蔭溥。工部右侍郎成格。馳赴河南查辦事件。○賞察哈爾木和爾噶順等。十一站被災

弁兵一年錢糧。○辛卯

上御勤政殿聽政。○遣官祭

都城隍之神。○諭內閣琦昌奏。阿哥書房諸達。請專用繙譯出身人員。一摺。所奏甚屬無謂。阿哥書房諸達。本應將熟習清語人員揀選保送。著各部院衙門仍循照向例。秉公慎選。亦無庸專用繙譯舉人進士。更改成例。○諭軍機大臣等。文孚奏。現在關口無事。額請陞見一摺。殊屬非是。上年額勒金布在山海

關一聽所屬妄等無辜逼誘誣認從逆額勒金布又不自行訊供多所冤濫經朕特派文孚康紹鏞前往查辦將額勒金布革去副都統其缺即補放文孚該副都統自到任以來已逾半載於應緝要犯並未等獲一名現在最要逆犯祝現等六名及其餘次要犯五十餘名日久遁跡該犯等聞山海關近日查拏鬆懈或向該處偷冒出邊並或有先經逃出復行混入者該副都統能保無一名過伊境

內乎豈得輒謂無事奏請來京陛見殊屬忘本縱逆文孚著傳旨申飭即在任督飭所屬認真巡查關口緝拏逆犯俟各要犯等陸續報獲後明年再行奏請陛見可也將此諭令知之○以都察院左副都御史賡泰太常寺卿慶明為內閣學士兼禮部侍郎銜○壬辰諭內閣刑部將順天府並直隸等省遣軍流徒官犯摘敘事由開單呈覽朕詳加披閱內已革縣丞馬士鴻故勘游清懷斃命已革試

用知縣李維棠在籍窩娼賣姦並節次恐嚇訛詐黃八觀等銀兩已革教諭曾日昇在籍占踞澳口勒抽船戶錢文澳保往查又經該犯私拷嚇制並姦淫乳婦嗣又設計霸占張兩等當舖已革騎都尉勒爾京額先因圖姦張德發違嗣又在配闖毆滋事已革知縣張源違例押訛徐泰隴致令畏累自盡復向屍親賄和已革千總姚文富侵用庫銀擬斬嗣經接任守備完繳庫項將該革員減等已革

知縣張紹聞因糧書侵用糧銀差傳無干認繳以致陳傳明自盡嗣又改卷朦詳幾致糧書漏網已革巡檢朱楸以曖昧不明姦賊事情汚人名節已革典史丁文光得受莫讓魁枉法贓銀四十兩已革縣丞王炳翰誣告黃安泰冒績遷官已革知州王奎聚已革知縣儲斗南故入孔傳標等罪名俱不准其減等餘俱准其減等○又諭本年正月內同興保奏投効從九品黃炳留東補用嗣經章煦查

無該員捐職執照。咨部確查。茲據吏部查明。衡工例內並無黃炳其人。本年六月內。有從九品黃烜來京請補執照。七月內始更名黃炳。該員上年投効軍營時。何得豫稱黃炳。顯有影射假冒情弊。著交章煦詳查據實叅辦。

○緩徵吉林打牲烏拉鄂莫和畢爾罕。法特哈。舒蘭永智社。兵處水災應徵新舊倉糧。並給房屋修費有差。○癸巳遣官祭

歷代帝王廟。○諭內閣。李鴻賓奏。微山湖水收復舊規一摺。近年微湖收蓄短絀。皆因引渠淤塞。不能進水。又兼各閘啟閉失宜。以致耗洩過多。不敷濟運。朕特授李鴻賓為河東副總河。督辦收蓄事宜。茲據奏稱。測量微湖誌椿。已收至一丈一尺九寸二分。較之定誌僅短八分。現在來源甚旺。計可於收符舊誌外更有贏餘。其蜀山南旺昭陽等湖。均已蓄充盈。辦理甚屬認真。李鴻賓係嘉慶六年進士。由翰林改擢科道。資格尚淺。經朕簡用。

副總河後能盡心妥辦。不負委任。著加恩賞給二品頂帶。以示嘉獎。○加大學士托津太子太保。○以大學士托津。曹振鏞。為會典館總裁官。○甲午。

上御洞明堂。勾到廣東福建情實罪犯。停決廣東官犯二人。斬犯八人。絞犯十三人。福建官犯一人。斬犯四人。絞犯五人。餘六十五人。予勾。○諭內閣。方受疇奏。審明已革遊擊陳天壽。隱匿劉成章之妻劉崔氏。分別定擬一摺。

陳天壽收留劉崔氏作妾。雖訊明不知係逆犯劉成章之妻。伊係都司帶兵之員。膽敢在軍營掠占婦女。實屬卑鄙無恥。陳天壽著重責四十板。枷號三箇月。再行發往伊犁充當苦差。餘俱照所擬辦理。○又諭。御史陶澍奏。緝捕逆犯事宜一摺。據稱地方官查緝逆犯。恐捕獲後究出從前經過藏匿之處。皆有處分。因置真賊不辦等語。逆犯祝現等六十餘名。在逃日久。輾轉藏匿。地方無定。前已降旨。

申諭各地方官能將要犯拏獲者免其失察之咎仍予恩施俾得實力查拏無所瞻顧直省督撫惟當督飭文武員弁嚴密踴躍隨時查察不但在所轄境內拏獲不復追究已往即各該員衙署跟隨廝役內竟有祝現等犯改名投充使用多日一經查出呈報訊問得實仍當一體施恩至所稱押令董幗太遊歷鄉村訪查真賊一節董幗太與各逆犯素多認識該逆等聞董幗太所至慮被指認更必潛蹤遠引况逸犯藏匿本無定址豈能令董幗太遍行周歷其派出管帶之人並恐有藉端訛指之弊轉滋擾累其事不可行○諭軍機大臣等據章煦奏錢樾坐船在德州衛地方被盜已降旨將德州知州徐霖叅將覃廷薦把總王慶雲革職協緝矣錢樾前於陞見後因病回籍受此驚懼之後病體若何盜匪由何處上船動手搶劫時曾否拒捕伊家人及船戶等曾否捕賊有無受傷彼時錢樾是

否在船抑或下船隱避他處現在或已南旋抑或尚在山東養病該署撫摺內俱未詳細聲明著即查明由四百里迅速覆奏以慰廑注將此諭令知之○又諭御史孫汶奏榮麟截卸漕米辦理未協一摺北倉截卸米石先後定有章程昨榮麟奏請改自湖北頭幫起至饒州半幫止先在北倉起卸所辦本未妥善業經降旨飭令遵照原議章程辦理乃榮麟於八月二十日接奉諭旨後仍將湖北頭

二三幫在北倉起卸其在後之九江後等幫轉改寄紉復遲至二十三日始行補奏實屬固執偏見乖張錯謬榮麟著交部議處至該御史所奏湖北頭二三幫本不應截卸係該幫頭伍利其省便向榮麟所帶書吏吳姓及舍人劉姓賄囑所致是否屬實著交熙昌會同廣惠就近秉公查訊確情據實分別叅奏○乙未上幸靜宜園○諭內閣和寧奏總管請借俸銀

買置公寓一摺該總管等督率官兵護守陵山例應就近居住便於稽察因向無隨缺官房均出賃租賃民房當差未免拮据著加恩准其照盛京副都統侍郎借款置房之例

福陵

昭陵總管二員各借給四年俸銀五百四十兩置買住房作為隨缺官房所借銀兩即由盛京戶部庫貯撥餘項下動支分限二十年現在現任及後任總管名下俸銀內按照住房年

月扣完歸款○諭軍機大臣等瑚圖禮等奏駁飭廓爾喀王來稟緣由一摺披楞在廓爾喀西南與唐古忒不通問素無仇隙豈有越境遠來與唐古忒構釁之理自係廓爾喀與披楞連年爭鬭求助天朝屢于駁飭是以妄言聳聽希圖賞賜金銀遂其私願所言實不可信瑚圖禮等繕檄駁斥所辦甚是廓爾喀接到檄諭如不再潰稟則已如敢再來嘗試喜明等當嚴加駁諭以天朝一視同仁從

無因外藩被兵賞助金銀之事即使以金銀賞助仍須爾國自為備禦如備禦不力非但賞去金銀被其搶奪即爾國自有財物亦難保守爾國疆土界在披楞及唐古忒之闕披楞與唐古忒開事必先將爾國搶占斷不能越境而來爾為天朝固守藩籬即所以自固藩籬無庸多為冒瀆如此明白飭諭該國王自當畏服凜遵不敢再行潰稟但廓爾喀此次稟內既有披楞欲將唐古忒霸占再往內地鬧事之語邊疆緊要不可不加意備防喜明等仍當密為留神隨時偵探以杜窺伺而靜邊陲將此諭令知之○又諭蔣攸銑奏甄汰廣西省庸劣各員一摺並據稱於查閱營伍途次訪聞既確據實陳奏不及與撫臣會銜等語外省地方官吏查有庸劣不職之員自應嚴加甄覈但此係地方公事例應督撫會銜具奏非如軍政營制專隸總督者可比況摺內所甄別者全係廣西官員蔣攸銑並

未與該撫會同酌辦。遽以單銜入奏。未免專擅。殊失和衷共事之道。著傳旨申飭。並將原摺發還。著將攸銘與台斐音覆加酌覈。聯銜具奏。到日再降諭旨。將此諭令知之。○調禮部尚書景安為戶部尚書。戶部尚書瑚圖禮為禮部尚書。○是日駐蹕靜宜園。至己亥皆如之。○丙申諭軍機大臣等。據湖北學政朱士彥奏。該學政按試荊州。有福建汀州府上杭縣人陳仁。投遞稟帖。並太平冊十二條。懇其轉奏。其稟冊內有在四川犍頭灣被賊擄去入夥之言。當將該犯拏獲審訊。據供十六年八月間。該犯由黔赴蜀。從樂山縣前赴雅州。至犍頭灣地方。有賊夥一二十人。將腳夫鄔姓殺害。捆縛該犯。擄至張老五家。逼令入夥。該犯當經應允。同喫血酒訂盟。彼時見有章大五、金大五、鐵大五、楊大五數人。張老五令該犯為伊子教書。並經管賊夥名冊。冊內開有一萬多人。均是在外搶竊販私及雙刀

會添弟會賊人名目。張老五係大頭目。年五十餘歲。本係湖廣人。入籍四川。章大五係廣東人。鐵大五係山東人。其金大五業已正法。餘均不知姓名籍貫。該犯於十七年四月逃出。曾至伊叔敘州府經歷署內不收。來至沙市等語。除降旨湖北督撫再將陳仁一犯研訊外。川省民情獷悍。販私搶奪等事。本所時有。今據陳仁供吐張老五一犯。在犍頭灣地方糾夥結盟。殺人無忌。其賊夥多至一萬餘人。載有名冊。並有雙刀會添弟會名目。不法已極。大為地方之害。川省文武衆官受國爵祿。不思除莠安良。一味因循疲玩。實堪切齒。著常明迅即遴派文武幹員。前赴該處詳細確查。是否陳仁所供。有頭目張老五及章大五、鐵大五、楊大五其人。如何結夥滋事。如臨訪確實。著即按名查拏。無任免脫。其冊開賊夥一萬餘人。是何姓名。均在何處。現在該一帶地方。有無雙刀會添弟會名目。逐一詳查。

研訊明確妥為辦理即速由驛奏聞不可養癰貽患再向來該省秋審人犯例由臬司勘定總督覈題著常明查明本年該省案犯分別情實緩決由臬司何人勘定是否均由署任之員所辦抑由前任臬司常發祥任內勘定辦理即行據實覆奏將此諭令知之○調甘肅涼州鎮總兵官羅思舉為四川重慶鎮總兵官重慶鎮總兵官羅聲皋為松潘鎮總兵官松潘鎮總兵官福智為涼州鎮總兵官

○丁酉諭內閣李奕疇將予蒲奏請將浙省曬曬耗米緩俟下運帶交一摺本年浙江漕船由楊村寄剝各幫多添折耗加以剝船飯食等項費用倍增現當回空南下之時日食不無拮据此內温州前至杭州二共八幫丁力較乏自應量為調劑著照所請將該八幫本年應交曬曬耗米緩至下運帶交以紓丁加○戊戌

上御正直和平殿勾到四川情實罪犯停決斬

犯三十一人絞犯三十九人餘一百三十一人予勾○諭內閣那彥成奏請將因荒賤賣地畝准照原價回贖以卹貧民一摺小民以耕作為業藉資養贍直隸大名等府屬三十餘州縣前因連年荒歉民間地畝多用賤價出售較豐年所值減至十倍本處富戶及外來商賈多利其價賤廣為收買本年雨水調勻而失業之民已無可耕之地流離遷徙情殊可憫亟宜官為調劑以遂民生著照該督

那彥成所請明定章程自上年麥收以後本年麥收以前所賣地畝准令照原價贖取定以三年為期俾貧民漸次復業免致失所此外山東河南兩省上年被擾歉收各州縣並著各該撫飭屬查明一體辦理務令各地方官善為經畫毋許稍涉爭競以期閭閻恒產有資共安樂土○又諭本日勾到四川省情實人犯內由該省定擬緩決經刑部改入情實者十七起所改各案情罪俱屬允當朕詳

加酌數。此內惟林俸名一犯。故殺理斥之妻。原應勾決。因先被伊妻毆傷。是以未勾。其王老三一犯。犯竊被獲。助勢傷差。王庭相一犯。因口角細故。喝令子弟輪毆。王庭揚多傷斃命。黃榜一犯。因鄧氏誣竊爭鬪。金刃立斃。婦如。又另傷其姑。謝允孝一犯。理曲逞忿。故殺徒手婦女。汪正太一犯。因口角細故。逞兇刃斃婦女。傷多且重。朱惲俸一犯。理曲兇毆。一死一傷。復致失火。燒斃三命。湯奇仲一犯。因誣竊爭毆。砍斃婦女多傷斃命。僧普濟一犯。妬姦殺人。又另釀姦婦一命。周卯卯一犯。逞忿疊毆幼孩。斃命。此九犯皆必應問擬情實。內朱惲俸一犯。情罪尤重。即予以立決。亦不為過。李亭寬一犯。誣控圖賴。致被誣之人自盡。黃大喻母三讓二犯。俱故殺病妻。情殊殘忍。楊惲興一犯。三次開棺見屍。周萬林一犯。挾嫌聽糾。毆斃曾尚恩。傷重立斃。任會元一犯。逞兇疊毆楊幅章。傷多立斃。王玉春一犯。

逞忿故殺八歲義女。此七犯亦應問擬情實。必不可恕。秋讞大典。理應慎重詳覈。乃該省於應擬情實人犯。失出至十七起之多。辦理實屬輕縱。所有此次分別實緩覈定具詳之臬司。係由何人任內勘辦。著查取職名。交部嚴加議處。其總督常明。著一併交部議處。尋奏。按察使常發祥。勘定二起。瞿曾輯。勘定十五起。得旨。常發祥失出未及五起。著免其議處。瞿曾輯。著降三級調用。○又諭。從前辦理

川楚陝三省邪匪時。地方官清查叛產絕產。甚屬遲延。自緣三省地方遼闊。林藪深邃。事閱多年。易滋轉轉。其延緩尚屬有因。此次平定教匪。如林清祝現等犯。其逆產即在近畿。此外李文成及附逆匪犯。大抵籍隸滑濬長垣。東明開州暨曹定一帶。逆產在千里之內。地勢平行。並無山林錯雜。且前後三月。嚴事徹兵。為時不久。清查較易。前經降旨飭辦。延未辦竣。又犯因循疲玩之錮疾矣。著順天府

府君直隸河南山東各督撫迅即督飭所屬各將該管地方叛產並絕產勒限查清奏明辦理毋得日久宕延致吏胥等隱匿侵欺種滋弊竇○以吏部右侍郎顧德慶知武舉工部右侍郎鮑桂星為武會試正考官都察院左副都御史李宗瀚為副考官○己亥上御正直和平殿勾到奉天陝甘浙江情實罪犯停決奉天斬犯四人絞犯七人陝甘斬犯十四人絞犯十人浙江斬犯四人絞犯五人餘一百九人予勾○諭內閣太常寺於各壇奉祀例徵草價任令拖延及題銷時又未詳查銀數率以虛款具題辦理均屬錯謬景安賈允升係自行查出其自請議處之處著加恩改為察議舒寧著交部嚴加議處奉祀王顯俊許春慶錢孝榮范揚興已革寺丞德齡滿興書吏顧沛蒼均著交刑部審訊如訊有舒寧通同舞弊混情事並著一併叅奏尋議上得旨舒寧著降二級調用仍兼贊禮郎○又

諭吳璥等奏新設副總河應否頒給關防等語南河舊設正副總河公用關防如遇正總河攜印外出副總河即調用道印此次添設之河東副總河亦毋庸另給關防吳璥未回署之前著李鴻賓照例調用道印○又諭馬慧裕等奏持齋誦經愚民遵示呈繳經卷圖像一摺本年春間湖北民人余元澄等遵示自首繳出各種經卷圖像當經降旨將余元澄等免罪並令嗣後如有曾經習教民人自行改悔到官者即照此辦理茲又據湖北雲夢等縣民人陳金輝等首稱伊父向習天主教該民人等相沿持齋念經並未斂錢傳教今遵示具結改悔將經卷圖像及十字架等件呈繳並經各該縣親赴各家逐細查看除自行呈出經件外並無別項違禁之物所有雲夢等縣民人陳金輝等著一併免其治罪其繳出各經卷除尋常釋道持誦之經不應禁者即著分給釋道寺觀無庸銷燬外其應

禁各經卷及十字架等件。即著該督撫親視銷燬。不必解部。○又諭廣厚奏查明苗疆均屯田租酌將借墊各銀穀分別捐賠一摺。湖南苗疆經費前經展扣三成軍需銀六萬兩發交買穀四萬石並餘銀二萬零五百八十兩以為儲備。又苗糧盈餘存倉穀二萬一千七百五十三石零。因節年荒歉及墊辦公用借動前項銀兩並動用穀四萬九千二十三石零。此內各苗弁借支丈田穀六千五百五十石著加恩豁免其餘銀兩穀石現據廣厚查明實係因公動用自應即速補還以實邊備著照所請將倉廩等項抵交穀一萬三千九十七石七斗外其所短銀二萬五百八十兩穀三萬二千七十五石六斗以穀一石作銀一兩共計銀五萬二千六百五十五兩六錢准將廣厚捐銀六千兩翁元圻捐銀四千兩並通省攤扣三成軍需展攤一年計銀三萬兩歸補尚短銀一萬二千六百五十五兩

六錢即著署辰沅永靖道姚興潔照數賠繳嗣後備儲銀穀如遇有要需及租穀歉收不敷非覈實奏明不得擅動。○庚子

上幸靜明園。○還圓明園。○辛丑諭軍機大臣等本日據御史孫汝奏州縣倉穀積弊一摺常平倉穀原以為民間水旱不時之備若奉行不善更或滋生事端則不特緩急無備並且勒借派買為害閭閻該御史所稱山東於嘉慶十六七等年登萊青三府偏災十八年

泰兗曹諸屬災歉未聞以開倉平糶賑貸為請者可見倉廩並無實貯等語所言的確之至東省現在清查庫項其各屬倉穀如有虧缺自應一併查辦至採買須視收成分數在八九分以上糧價平減方發價採買庶不致穀貴病民本係常平倉成法其抑勒派買亦干例禁著陳預嚴飭所屬力加整頓毋得因循滋弊又御史賈聲槐奏嚴禁浮收漕糧一摺據稱山東兗州曹州東昌等府收成較豐

然上年冬間蹂躪之餘。元氣未復。萊青二府間被蟲災。收成尚有六七分。武定府得雨已晚。蟲災更甚。收成不過四分。若再浮收。恐致拮据等語。州縣徵收漕糧。不准浮收顆粒。例禁綦嚴。雖在豐熟之區。亦當杜絕弊端。況值民力維艱。豈可任令貪猾朘削。著陳預通飭所屬。力除漕弊。並隨時嚴加查察。如有仍前弊混。即據實參辦。○又諭英和等奏。已革臨清州知州張光熙。應賠關稅銀三萬三千餘

實錄卷二九七

十一

兩。無力完繳。現交刑部監追。該州士民李永吉等。以該員居官清廉。惠政及民。情願代交應賠銀兩。並開列張光熙惠政十一條。懇求代奏等語。著交陳預將革員張光熙平素居官情形。並李永吉等所開惠政十一條。是否屬實。即據實查明。迅速覆奏。○壬寅。諭內閣。上年逆案内。尚有祝現等最要次要各犯六十餘名。日久稽誅。節經降旨飭等城集鄉屯各。皆揭示曉諭。其督緝承緝衙門。或自設方

畧。或另懸賞格。又無不徧行出示。計直隸河南山東山西數千里之間。鄉曲小民。諒已無不周知。而各逆犯仍杳無蹤跡。自係有平日習教之家。為之窩藏。捕拿愈急。則伏匿愈深。而貪功之員。役嗜利之耳目。復妄猜訛指。索之於虛。無恍惚之鄉。不獨徒亂人意。抑且擾累無辜。全於捕務無益。著步軍統領順天府五城及各該督撫。通飭所屬。自此次降旨之日。為始。所有從前張貼告示賞格。聽其剝落

實錄卷二九七

十二

漫利無庸。更易外。此後亦不必另有揭示。仍遵前旨。各就本管地方。逐細留心察訪。如確有最要次要各犯蹤跡。即密速掩捕。儻該犯等乘間竊出。亦即可隨時盤獲。總在各查各境。無處不周。無時稍懈。該逆等自可期必獲。如各該地方官。果能將最要次要各犯緝獲。其失察本境內藏匿之咎。即自去冬至今經年之久者。亦概從寬免。仍必加以恩獎。將此通諭知之。○命五城於冬春二季。設廠責賑。

面奏鑲黃旗護軍德楞額於上年賊匪擾及禁門時守護合符身被重傷等語當令軍機大臣傳詢該護軍據稱伊上年九月十五日在隆宗門該班適值匪徒持械突至因門上合符關繫緊要取藏懷內當被刃傷三處昏暈倒地至次日始醒將合符取出交章京卓凌阿收存等語德楞額當變生倉卒之際不避鋒刃竭力保護合符深明大義除前經照頭等傷賞卹外著加恩拔補護軍校先換頂帶遇缺即行挑補以示獎勵○諭軍機大臣等據御史陳鍾麟奏本年江蘇省被旱歉收亟需調劑聞該省州縣官因藉口設措虧項於民情災務未能兼顧茲際顆粒如珠儻徵收漕糧借彌補名目多方勒捐則鄉曲窮黎更形支絀請飭令該督撫悉心妥辦毋得顧此失彼等語江蘇倉庫虧缺皆緣貪官汚吏恣意侵欺飽其慾壑平素視國帑為己私指官虧為民欠究之實在致虧之由與民何涉

實堪切齒痛恨斷勿令其倖免此時辦理虧空惟當將各該員名下所虧實數按款徹查指名叅辦或籍淡或追賠或責限彌補一一罄其私貲償補足數辦理方為允協若州縣因籌補舊虧藉徵收為設措則是官侵吏蝕其累悉歸於民甚或不肖之徒轉復藉此漁利公項未清私橐又飽其腹民伊於胡底江蘇省現當荒旱之年米糧缺少正須盡心撫字豈可因官員之不肖苦累吾民此時果有實欠在民毫無影射伊等查明據實陳奏朕仍即酌量加恩當與官員舊虧分別辦理可也張師誠昨已起身赴任初彭齡於交篆後著作為欽差暫留蘇省仍會同該督撫將此事詳悉妥辦俟辦定章程再行來京供職其該御史奏請招徠商販勿過於抑勒市價俾令踴躍運販之處並著該督撫酌量情形隨宜妥辦將此諭令知之○又諭昌平州監犯趙二格趙獄脫逃一事前據劉鐸之等叅奏

當即降旨飭拏。茲據那彥成奏到尚未弋獲。又前日章煦奏錢樾坐船至德州高官廠地方。被盜進艚者六人。在外把風者約有十餘人。據錢樾云該盜犯打劫後仍向東北而去。似從滄州景州一帶跟來。該處係南北孔道。錢樾以二品大臣坐船盜匪等明火執仗。肆劫無忌。實屬目無法紀。又本日御史黃中傑奏。近聞河間富莊驛地方有響馬賊公然攔截客車。意圖行劫。因客伴衆多。幸免劫掠。以

近畿地方如此奸徒充斥。可見直隸緝捕廢弛。無怪乎飭拏要犯多名全無弋獲。那彥成所司何事。又犯因循疲玩大病矣。著傳旨申飭。所有趙二格一犯該督著即勒限緝拏務獲。其行劫錢樾坐船各盜匪並著嚴飭所屬無分水陸一體端訪。迅即按名就獲。不致漏網。其富莊驛響馬賊伺劫一事並飭令派員密查。如果實有此等匪徒並當一一捕獲置之於法。以安行旅而息盜風。其最要次要各

逸犯並著該督認真督緝。一經就獲迅速奏聞。勿存泄泄之見。將此諭令知之。○以通政使司通政使景祿為都察院左副都御史。○甲辰諭內閣戶部奏查覈常平倉穀額貯現存未買各數目。開單進呈。朕詳加披閱。內惟四川一省實貯在倉並無動缺。外其各省節年動缺未買倉穀自一萬餘石至五百一萬餘石不等。積貯為民食所關。國家設立常平倉存貯穀石為有備無患之計。各該省遇有

動用必須隨時買補顆粒無虧以期緩急有恃。今各省倉穀動缺如此之多。日久虛懸延不買補實屬玩視倉儲不可不嚴定章程畫一辦理。著各該督撫查明所屬倉穀動缺未補者若干。各按地方之大小兼視年歲之豐歉自行奏明立限買補。各省俱以四川為式。務令實貯無虧俟補足後即行奏聞。該督撫惟當實心查察毋令各州縣藉採買為名有多買短發浮收勒索情事以致累及閭閻更

不得以無報有以少報多。自蹈欺飾之咎。將此通諭知之。○又諭御史魯垂紳條陳外省吏治二摺。所奏俱是。上年九月以來。朕以內外臣工積習因循。諸務廢弛。節經降旨訓飭。並特頒手諭。諄諄告誡。不啻至再三。宵旰焦愁。胥隸告敝。諸臣總未能領會。仍各怠玩居心。悠忽度日。誠不可解矣。科道等條陳時務累牘連篇。其有議論可行者。無不亟加採納。立予施行。如本日魯垂紳摺內所言州縣

不得濫收長隨。包庇胥役。嚴禁劣衿惡棍。並州縣詞訟不准轉委佐雜。又各營衛毋許縱容兵丁恃強不法。及甄別教官等事。皆屬地方大吏應行認真經理者。伊等身任封疆。凡令甲所頒。早當正己率屬實力奉行。何待降旨飭遵。及科道等一一陳說。若因循疲玩。鋼習不移。即朕日加訓諭。頒示科條。該督撫不過視為具文。陽奉陰違。於實政亦復何益。嗣後直省督撫等。當各激發天良。痛湔積習。於

吏治民生所在。悉心講求。勉力綜理。以期漸臻實效。用副朕勤求治理至意。將此通諭知之。○又諭章煦奏查明上年曹州軍營實在出力未保武弁。續行保奏一摺。萊州行營手總馬承舉。充中營經制外委王義如。黃大春。投効已革外委金玉魁。四員。歷經打仗殺賊十餘名。至四十餘名不等。實屬奮勇出力。自應加以鼓勵。馬承舉。王義如。黃大春。俱著加恩賞戴藍翎。金玉魁。遇有額外外委缺出。即

行補用。其同興原保賞戴藍翎之曹州營把總霍學功。殺賊無多。勞績最次。武舉仙魁。打仗緝捕。查無稟據。未便濫膺恩賞。俱著拔去藍翎。又原賞武舉之德州滿營領催會林。亦查明殺賊不多。著註銷武舉。仍給還領催。其投効從九品黃炳。冒名邀功。原保留東補用之處。著先行註銷。仍查提審訊。治以應得之罪。○諭軍機大臣等。本日章煦等奏交卸撫篆。各摺陳預接受撫篆後。所有地方刑名錢

穀事務。自應由該撫專辦。章煦著以欽差暫留該省。此時逆犯未獲。緝拏緊要。著章煦會同陳預密飭嚴拏。勿任久匿遠颺。是為至要。又東省各州縣倉庫虧空一事。伊二人應即督同藩司慶斌。將該州縣所虧實數及致虧之由。逐一究出。如同興朱錫爵二人及凝圖等有染指得贓情事。當不避嫌疑。指名奏奏。如同興等並無染指。亦應將州縣內侵蝕肥己者。據實嚴參。勿使倖免。其餘分別覈辦。此

等貪官污吏。悖入已久。或籍沒或追賠。或責限彌補。惟當一一罄其私貲。償補足數。不得任其以民欠為詞。如實有未完民欠。伊二人確切查明。並無影射。奏明後方可酌量施恩。章煦俟將此事辦定章程。再行來京供職。將此諭令知之。○又諭。熙昌等奏查訊榮麟辦理北倉截卸漕米緣由一摺。榮麟於北倉截卸各幫米石。並不遵旨照原議辦理。又將滿號船隻一併任意截卸。種種乖謬。已據熙昌

等查明具奏。惟於榮麟辦理此事有無情弊之處。尚未查明。現據摺內奏稱。傳到在通開設木廠收買湖北頭幫滿號船隻之李泳發。據供該幫頭伍毛勝。於八月間。曾經告伊因貪圖省便。賄買倉場衙門截卸北倉船隻。可免到壩等語。毛勝既有此語。情弊顯然。必須徹底究問。現在毛勝尚未獲案。已降旨山東巡撫。將該頭伍迅速獲解。著熙昌等於毛勝到時。嚴加根究。其賄囑截卸一事。是否該頭

伍懇書吏等夤緣。請託榮麟受賄。檄飭辦理。抑係書吏等私行受賄。朦朧榮麟率行聽信。准辦。均即訊問明確。據實奏。不可袒護。將此諭令知之。○又諭。御史陶澍奏。湖南山田早歉一摺。據稱該省澧州慈利桃源安化及寶永所屬歲早歉。沅陵瀘谿麻陽等處尤甚。米價騰踊。穀多之家不肯零糶。沿江無賴游民。阻守米船搶奪等語。地方偶遇歉收。全賴商販流通。俾小民得資口食。若囤積遏糶。

甚至乘機攘奪。殊干例禁。著該撫即飭各該地方官查明出示曉諭。積穀殷戶毋許居奇。嚴禁匪徒阻遏米販。如有搶奪情事。立拿重懲。又據該御史奏。沅陵縣大油山金礦有聚衆偷挖之事。安化等處鐵礦深曲窩藏盜竊等語。開採礦廠易滋事端。並著該撫轉飭該屬。即將大油山偷挖金礦匪徒設法遣散。仍將該礦永行封禁。其各處應採鐵礦不時彈壓稽查。毋致藏奸滋事。○以大理寺少卿永

祚為太常寺卿。○乙巳。

上御洞明堂。勾到江蘇河南山東情實罪犯。停決江蘇斬犯四人。絞犯六人。河南斬犯八人。絞犯二十四人。山東斬犯四人。絞犯三人。餘一百二十人予勾。○旌表守正捐軀福建建安縣民吳廷益妻呂氏。○緩徵河南光固始商城光山四州縣旱災新舊額賦及漕項加價倉穀並糶貸倉穀。○丙午。諭內閣蔣攸銑等奏特參調度失宜之總兵。並玩視巡緝之

備弁。請旨分別嚴議革懲。以肅水師一摺。粵省水師捕務經節年整理。洋面甫就肅清。該鎮將等惟當實力巡防。始終弗懈。方可永臻寧謐。萌蘖不滋。乃南澳鎮總兵胡于鏐因見粵洋寧靖。輒將所隸海門達濠各營師船紛紛調遣遠出。以致本年春夏間。南臯滾圭湖墩各洋面商船。間有失事。該總兵調度失宜。事後又不能實力捕獲。咎無可辭。著交部嚴加議處。先行離任。聽候部議。都司銜署澄海

右營守備黃正嵩藉詞奉文赴省。並不迅即遵調會捕。實屬怠玩。著降補把總。以觀後效。如再退蕙。即嚴參治罪。碣石左營千總曾廷輔在洋分巡。正值商船失事。毫無覺察。非尋常疏防可比。著革退千總。作為水師兵丁。責令隨同偵緝。其署海門營參將遊擊曾榮據稱平日在師船奮勇出力。並著照所請。加恩留於粵省。以水師參將升補。○又諭。和寧等奏。拏獲偷砍偷運木植各犯。請旨嚴審一摺。

此案譚克仁等犯膽敢雇倩多人私越邊門偷砍木植其船戶張永付等駕船裝運私至邊外高麗溝地方均屬大干法紀著將現獲各犯解交盛京刑部嚴審定擬具奏城守尉宗室福寧拏獲案犯多名起出木植有三千四百餘件之多緝捕奮勉著加恩賞戴花翎仍交部議敘以示鼓勵○諭軍機大臣等據御史孫汶奏稱河工向有賠四銷六之例工員等往往偷減侵蝕豫為賠修地步請飭河

臣豫飭工員覈實辦理等語現在睢汛興辦大工頒發帑金多至三百餘萬一切募夫購料工鉅費繁那彥寶等駐工督辦惟當認真稽察勿任稍有偷減與其偷減而著賠於後何如於興工之始實力妥辦俾工堅料實此時錢糧不致虛糜則將來承辦之員亦永無賠累之事豈不甚善將此諭令知之○又諭近來四川民情獷悍重案繁多本年該省秋審情實人犯起數多於往歲本日刑部題本

內乃竟有十二歲幼孩羅娃九歲幼孩朱娃謀斃八歲幼孩劉德富剝取衣袴之案此在稔惡強徒圖財害命已屬可惡該犯等年在幼穉即膽敢肆惡罔忌可見習與性成該省風俗兇悍已極不可不嚴行懲創常明等辦理姑息即如現在秋審人犯經刑部由緩改入者至十七起之多似此任意輕縱督不畏法之徒更復何所顧忌著常明督率該地方官盡心化導俾風氣漸臻淳厚勉為良善儆

遇命盜各案則當盡法嚴懲勿稍寬縱以冀辟以正辟漸挽澆風不致流為頑梗也將此諭令知之○兩江總督百齡等奏秋汛安瀾得旨嘉獎下部議敘賞江南河道總督黎世序二品頂帶餘升敘有差○京口副都統康音蘇以老病休致以荊州協領額勒經額為京口副都統○丁未上幸萬壽山○諭內閣常明奏審明挾嫌支解之重犯定擬請旨一摺此案乞丐陳討口因

陳洪家小豬食伊米飯用棍毆斃斃端甚屬細微陳洪執商同其弟陳淮將陳討口支解致死洩忿復燒屍滅蹟兇殘已極川省民情獷悍重案繁多該督於此等重犯審明後應即請王命將該犯等正法示衆庶殺一儆百可收辟以止辟之效乃常明仍拘泥請旨各省之設王命將安用耶督撫統轄全省苟用法輕重得宜即可轉移民俗似此兇惡不法之徒鞠訊明確尚不立寘重典緩待奏報往

返需時設疲斃罔倖逃顯戮地方匪徒見督撫不能即寘之法意存玩視益復無所儆懼何以革獷俗而善民風陳洪著照支解為首律即凌遲處死陳淮照為從加功律即行處斬○湖廣總督馬慧裕奏捐修宜城縣城商民賞李麗園等頂帶議敘有差○以故鎮國將軍弘康子永淳降襲輔國將軍○緩徵陝西榆林懷遠葭神木府谷綏德米脂潼關華陰十廳州縣本年旱災霜災水災新舊

額賦賑潼關華陰三廳州縣被水貧民並給房屋修費○戊申諭軍機大臣等阮元奏拏獲謀逆奸匪究出首夥姓名親赴督辦一摺此案逆首朱毛倡膽敢於先天化日之下潛蓄逆謀編捏謠詞造作龍文憑票木戳偽封匪黨官職實屬罪大惡極凡我臣民皆應髮指現在從逆之邱忝澤等雖經獲案該逆朱毛俚先已前往福建浦城著汪志伊即派明幹之員飛速嚴拏務在必獲無任聞風逃

匿該犯在餘干境內既已煽誘多人其在浦城一帶如有被誘入夥者並著一併查拏不可一名漏網該犯朱毛俚一經就獲該督即一面由驛奏聞一面飭派員弁押解江西歸案審辦該犯起意謀逆其煽惑始於何時有無造作器械窩藏之處均應徹底根究其得受偽封之匪徒亦必當盡法懲治毋稍姑息阮元現已前赴餘干著即督率搜捕務期盡絕根株並嚴訊供詞分別定擬由驛具奏將

此諭令知之○又諭御史歐陽厚均奏湖南地方從前尚為安帖近聞郴州村落中有男女混雜互相習教之事長沙府屬之益陽縣亦有之又永明江華二縣毗連粵省處所上年曾有結會圖謀搶劫等事現在人數尚不衆多誠恐日久貽患等語地方匪徒傳教結會其初不過意圖斂錢鄉曲愚民被其煽誘傳習衆多遂致滋生事端現據阮元奏江西餘干縣地方有匪徒朱毛僮編造謠言偽封

官職一案已拏獲夥犯多名此等匪徒聚集人衆不但圖謀搶劫甚至倡為逆謀惟在地方官隨時查辦方不致養癰貽患茲據該御史奏郴州等處有習教結會之事著廣厚即派委妥員前往各該處嚴密訪查如有倚恃人衆圖謀搶劫者將為首之人查拏嚴辦示懲並出示曉諭鄉愚無知被誘傳習准予自首免罪分別妥辦以除根莠而靖地方將此諭令知之○兵部以武會試中額請得旨滿

洲取中一名漢軍取中二名直隸取中八名奉天取中一名江蘇取中二名安徽取中二名山東取中五名山西取中二名河南取中二名陝西取中四名甘肅取中一名福建取中一名浙江取中一名江西取中一名湖北取中一名湖南取中一名四川取中三名廣東取中五名廣西取中一名雲南取中一名貴州取中一名○以廣西左江鎮總兵官王兆夢為廣東陸路提督○予故廣東提督吳

廷剛祭葬如例○鑄給奉天府撫民同知新民屯巡檢關防從府尹誠安請也○己酉諭內閣御史申啟賢奏請飭令地方大員崇儉去奢以培民氣一摺國家設官分職牧養斯民期於家給人足然後人知自愛敦禮節而恥為非若地方大吏不知愛惜民財不肖州縣專事逢迎於上司過境豫備供給車馬則有科派食物則有官價一切擾累地方胥吏復藉端苛索斂錢包攬獎賞叢生閭閻生計

安得日臻饒裕。其上司到任三節生辰陋規。及謁見門包等項。屢經嚴禁。第恐陋習相沿。未盡革除。上官既取之。屬僚屬僚有事。自不能不為包庇。甚或演戲宴會。飲饌服物侈靡。相尚。民間相率效尤。財力日匱。邪僻干法之事。遂致靡所不為。於吏治民生均有關繫。各直省督撫。司道大員。惟當潔己奉公。崇儉黜奢。躬為倡率。惜民財以節浮費。俾戶慶盈寧。治登淳樸。收轉移風化之實效。朕於諸臣有厚望焉。○又諭御史申啟賢奏。請嚴禁賭博。以靖民風一摺。聚賭為藏奸之藪。始而朋比為奸。引誘良民。及至傾家蕩產。流落無賴。則又相率偷竊。甚或藉賭博以招致愚民。潛謀不法。即如本日刑部呈遞姜道學供詞內稱。該犯因賭錢。始與馮克善認識等語。足見邪匪聚賭。即藉以引誘愚頑。在稍知畏法者不肯附從。而暨不畏死之徒。從此滋生事端。不可不防其漸。著各省督撫。嚴飭所屬。實力查

禁賭博及窩賭之家。儻有如該御史所奏。違民間賽社廟會。設立賭棚。各州縣管門家人及捕役等。索費賣放情事。即嚴拿從重懲治。以副朕除莠安良之至意。○又諭文寧等奏。審明安添豹等均無入教謀逆情事。當令軍機大臣會同刑部覆訊。姜道學據供。安福祥即安文祥。安二標。孫富庭。即孫富禮。孫富來。胡麻子。曾與同賭。其餘盛德等。俱係良民。亦未同賭。韓大堯並未見面。劉四已傳得忠張七實無其人。俱係從前在大名府畏刑妄供。並曾與安福祥即安文祥揪扭等語。與文寧等所訊安添豹等供詞相符。除鄧洛三曾經畫符治病。孫富來孫富禮。安文祥。胡麻子曾與姜道學同賭。俱著照文寧等所擬罪名完結外。安添豹等俱著分別保釋。○諭軍機大臣等。本年江蘇安徽及浙西各府屬。均因夏秋缺雨。田禾受傷。米價騰貴。已節次有旨令該督撫等籌辦。俾小民無致失所。因念該

數省為南漕所出。每年天庾正供。在京俸餉。俱仰給於此。民食倉儲。皆當豫為籌及。庶不致臨事周章。著交百齡。張師誠。胡克家。顏檢。各將該省實在情形。詳加體察。轉瞬冬月。開徵之期。其應如何妥為籌畫。辦理之處。著先期詳悉具奏。將此各諭令知之。○又諭。前據百齡。初彭齡。奏查辦江蘇各屬虧空。節經降旨。令詳查明悉。分別定立章程具奏。此時張師誠抵任後。初彭齡即以欽差會同查辦。惟

念江蘇省本年適值旱歉。現須勤求民瘼。查辦撫卹事宜。虧空固不可不查。若辦理過亟。州縣一時無措。其稍有良心者。尚肯出諸囊橐。或變產抵墊。其中不肖之員。仍必腹削民膏。罔顧災歎。甚或以賑借小民之資。挪移搪塞。閭閻益遭苦累。儻或激成事端。派調撫綏。轉致動糜經費。所關非細。著百齡。初彭齡。張師誠。於各屬虧空。總須將舊虧接墊及新虧入己。逐一分析。定立章程。將貪黷之員重辦。

示懲。去其已甚。仍察看情形。通盤籌畫。務於倉庫有益。不在剋期旦夕也。將此各諭令知之。○以廣東三江口副將李應元。為廣西左江鎮總兵官。○庚戌諭。內閣章煦等奏。嚴查藩庫。屬庫。勒限交代。算明實數。再行彙覈。定議一摺。東省一百七州縣。交代逾限。未經出結者。共有六十五州縣。前後一百八十六任。是通省交代不清之州縣。已十居其六。各州縣接收交代。最為倉庫虛實關鍵。該州縣等

既逾限未經出結。何以不行查辦。輒聽新舊官接任。輾轉耽延。巡撫藩司。所司何事。著刑部。即傳同興。朱錫爵。將此摺交與閱看。令其據實登答。並各令思惟已咎。自行擬罪。由該部具奏。○又諭。章煦奏。研訊祖黑子。並無窩藏。逆犯實係李二。戈信。貪利捏指一摺。此案先經順天府眼目。在東省認有祝現馬匹。又因李二。戈信。指稱祖黑子家藏有面生可疑之人。所說形狀與祝現相似。那彥成一聞此。

信即派遊擊圖勒畢善前往蹕蹕圖勒畢善至祖家莊後。遲延畏蕙。致令逃逸。是以將圖勒畢善革職。那彥成派委不愼。又不自請議處。當經革去雙眼花翎。仍戴單眼花翎。並交部議處。現在順天府眼目所認之馬。業經查明係灤州民人家所產。輟轉賣給郭浩。並非祝現之馬。茲又據章煦奏。李二戈信因貪圖日給飯錢。捏造祖黑子家有窩藏逆匪形跡。那彥成聞信。派員往拏。並無不合。所有部議

降一級調用之處。著無庸議。並賞還雙眼花翎。圖勒畢善派令拏賊。既到祖家莊地方。並不即日掩捕。究未免畏蕙。但尚不至革職。圖勒畢善著革去花翎。降為都司。仍交直隸差委。遇缺補用。祖黑子等訊係無辜。著即釋放。郭浩賀應成同馬匹。如尚未起解來直。即無庸起解。儻業已在途。即著截回釋放。李二戈信貪利妄指。以致拖累無辜。所擬枷杖尚屬輕縱。李二戈信著改為杖一百。流三千里。先

在祖家莊枷號兩箇月。再行發配。以示懲儆。○又諭禮部議駁書敏奏請站丁考試一摺。所駁甚是。前此書敏奏到時。並未將站丁原委奏明。復據和寧等查明具奏。此項站丁係從前吳三桂名下。逃丁家人及偽官子孫。與盛京戶工兩部所屬官丁。由徹藩時安插者不同。豈容濫與考試。書敏並未詳查。率行陳請。殊屬冒昧。著交部議處。○賑奉天遼陽牛莊。廣寧。承德。鐵嶺。開原。蓋平。等城被水。旗民

○辛亥。諭內閣御史何彤然奏。請令民人自行捕盜。並將斂錢興賊之愚民。免其究治。一摺。所奏紕繆。不可行。地方設有文武各員。詰盜安良。是其專責。如果地方官諱盜不辦。以及兵役等有得贓通盜情事。原准百姓據實申理。必當嚴治其罪。若不責成官弁。督拏率聽所在民人自行捕盜。此令一出。愚民勢必各糾黨羽。擅製器械。挾仇妄拏。彼此構釁。豈不大張械鬪之風。至民人斂錢興賊。本干厲

禁。若概免究治。則是縱令秦賊。使齎盜糧。欲弭亂而轉以長亂也。何彤然罔識政體。不稱言官之職。著斥退御史。仍回編修之任。原摺著擲還。○諭軍機大臣等。恩長奏英吉沙爾阿奇木伯克瑪穆特。緣事革職。請旨應否賞留二品頂翎等語。革職人員。豈有仍留原品頂帶之理。瑪穆特係獲咎罷斥之人。恩長復為之違例奏請。實屬非是。恩長著傳旨申飭。所請瑪穆特賞留二品頂翎之處。不准行將

此諭令知之。○壬子。諭內閣。榮麟於北倉截卸漕米。並不遵照奏定章程。輒將在前行走各幫率行截卸。並將例應到通之滿號船隻一併截卸。迨經降旨飭令照原議辦理。仍不凜遵。朦朧具奏。殊屬種種乖謬。茲復據熙昌等奏。訊明倉場衙門書吏徐建超等。因湖北頭二三幫。本不在截卸之列。聞榮麟欲改議截卸。遂起意向該幫頭伍撞騙銀兩。該幫頭伍毛勝等貪圖截卸省便。行賄屬實。榮麟毫

無覺察。請旨嚴議等語。榮麟如果遵照原議辦理。該書吏等何由藉端撞騙。皆由伊固執己見。擅改章程。致令不法奸胥乘機舞弊。榮麟膽大妄為。實屬溺職。前經部議降四級調用。不足示懲。著降補六部筆帖式。餘著該部覈議具奏。○又諭刑部。奏遵旨傳訊同興朱錫爵。據稱伊等在山東時。於州縣交代不能實力催辦。以致延不結報者甚多。罪無可辭。情願各將撫藩任內養廉全數罰繳等語。同

興朱錫爵以撫藩大員。乃於各屬交代。任意宕延。實屬因循疲玩。尚有何顏坐享厚廉。同興支過山東巡撫養廉四萬五千兩。朱錫爵支過藩司養廉四萬兩。均著照數趕緊呈繳戶部。毋許遲延。○諭軍機大臣等。陳預奏東省清查庫款。審理積案。需員幫辦。請將石韞玉祁項二員飭發來東。以資整理一摺。東省虧款積案。現當清查審辦之際。該省官吏即不可信任。該撫亦當奏請揀員發往。豈必需

石韞玉祁頊二人始能經理自係陳預與該二員誼屬同年舊僚欲藉幫辦公事為名事竣後即可送部引見為伊二人開起用之路陳預甫到東省遽為此奏顯係瞻徇私誼殊屬非是著傳旨申飭其所請不准行至章煦留東查辦事件本未帶有司員現於記名各部院司員內簡派四員前赴山東隨同章煦等辦事著章煦等留心察看各員內如有實心任事堪膺外任者事竣後據實奏聞章煦

帶同回京交部帶領引見其不宜外任者仍令回原衙門行走可也將此諭令知之○又諭顏檢奏查明浙省米價並節次辦理情形一摺浙省杭嘉湖三府農田被旱米少價昂民力拮据昨已降旨令該撫妥為經理摺內據稱現在上緊查勘著於勘明後即將應如何查辦之處據實具奏請旨不可遲緩至南漕關繫緊要京師每歲俸餉取給於是不容稍有缺誤朕廑念災區而天庾正供其繫於

國計者甚重該撫務當體察情形通盤籌畫一面將應行籌濟民食撫卹災黎之處迅速議辦一面將漕糧事宜妥為區畫以期兩無貽誤該撫係屢經棄瑕錄用之人不可不盡心經理以副委任將此諭令知之○又諭和寧等奏審訊越邊偷砍木植人犯並參處該管各員一摺已明降諭旨分別革職解任議處矣此項偷砍木植數千件之多出入邊門眾目共覩非他物之易於藏匿者可比其管

門坐卡官弁豈得諉為不知僅止失於覺察之理顯有得贓徇縱情弊不可不徹底根究著晉昌等提齊人犯詳加鞠訊務得確情分別定擬又另片奏防禦海寧阿捏病外出不知去向等語該防禦自係畏罪潛逃必須弋獲究辦該處近通海口伊或私自航海逃往山東地方亦未可定晉昌等除飭令總巡各員並附近邊柵地方官上緊查緝外一面行文山東巡撫並移咨山海關副都統一體訪

拏歸案辦理至所稱查獲木植按照市價變賣一節盛京應辦工程甚多木料宜廣為儲備此項木植大小不齊如有財大可用者此時若一併銷售將來需用時再行發價購覓又屬費事著即於此中選擇成件材料留貯聽用其餘零星小件即行估價變賣可也將此諭令知之○調兵部左侍郎普恭為倉場侍郎轉兵部右侍郎禧恩為左侍郎以內閣學士恩寧為兵部右侍郎○以正黃旗蒙古

副都統玉福為正紅旗滿洲副都統烏里雅蘇台叅贊大臣文凱為正黃旗蒙古副都統○旌表守正捐軀山東濟寧州民趙思明妻李氏○緩徵甘肅皋蘭靖遠鹽茶靈中衛五廳州縣及紅水縣丞所屬本年旱災新舊額賦○癸丑

上御勤政殿聽政○諭內閣前據御史申啟賢叅奏河南滑縣知縣孟此瞻劣蹟多款當特派侍郎盧蔭溥成格前往查訊昨據盧蔭溥

等奏查得孟此瞻前在滑縣任內私留被難婦女蘇大葵為妾并另將蘇二葵等婦女多人分賞家人車夫等又將應行入官之叛匪衣服車馬售賣入己並縱令家人王泰將客

店內無主紅花數十包賣錢使用與該御史所奏多符孟此瞻身為縣令值地方蹂躪之餘不知加意拊循轉肆意貪淫罔顧廉恥地方有如此劣員科道等自當奏聞查辦該御史得有風聞詳加訪察其所奏現已得實殊

為可嘉申啟賢著賞加一級至前日御史石承藻奏步軍統領衙門因查拏張三妄行擾累一事張三係案犯英啟供指白蓮教應行傳訊之人原供本無年貌番役等遵照票開住址挨戶細查適章寅新近移居到彼與張三之姓同音因此向其查問如果該番役等藉端滋擾勒索銀錢該御史自當奏請嚴辦今查明並無鎖拏勒逼情事目下正值查拏邪匪之時何能不留心盤詰該御史輕聽

風聞不加詳察冒昧入奏殊屬非是石承藻著罰俸一年○又諭戶部議駁兩浙鹽政常顯請加免課鹽斤一摺鹽課為國帑攸關自應按引計課覈實辦理浙江仁和等三縣戶挑引鹽每梟行鹽八百斤歷久遵行在案該販等惟知牟利營私即額鹽八百斤之外已不免有夾帶私銷之弊若如該鹽政所請每梟加免課鹽八十斤則是明令違例販私該販等更藉此多行夾帶必至正課滯銷殊多

實錄卷二百九

十一

流弊所請不准行常顯受人慫恿冒昧陳奏實屬不合著交內務府議處○命河東副總河歲支養廉銀四千兩○以宗人府府丞陸以蔭為都察院左副都御史國子監祭酒多山為光祿寺卿○賞頭等侍衛福蔭副都統銜為吐魯番領隊大臣○甲寅

孝慈高皇后忌辰遣官祭

福陵○以故輔國公成秀子繼崐襲爵○旌表守正捐軀山東膠州民王小居妻王氏○乙

卯

上詣

恩慕寺

恩佑寺行禮○詣

大高殿行禮○還宮○頒

御製實心行政說曰以實心行實政則治否則亂一身一家推而至於朝廷天下總不外乎務實也方今大獎官無實心民多偽詐官則因循怠玩民皆譸張為幻上下不交寡廉鮮

實錄卷二百九

十一

恥不但不能遵守朕訓甚至奸徒醜詆竟漠不關心毫無動念誠怪誕之極矣身家念重國政愈輕以實心為國則流芳百世否則貽臭萬年人生上壽不過期頤既出仕於朝廷而又甘居庸碌悠忽度日是誠何心哉聖賢心法祇一誠字誠者真實無妄之謂試問諸臣能致誠乎能無妄念乎恐未然也小人之德草在上位者實心既少庶民妄想必多始而斂錢惑眾尚屬小妄想馴而至於揭竿作

亂則大妄想動矣。自古亂賊稱王稱帝者有之。從未聞有僭上古三皇之號者。是世道人心。日趨汙濁。我君臣既為斯民之長。豈忍不盡心竭力。鞠躬盡瘁。補救於萬一乎。若旅進旅退。惟利是圖。同乎流俗。合乎汙世。自思後代評論為何如人。當必汙流浹背矣。諸臣盡一分實心。國家受一分實福。民生免一分實禍。承上接下。惟諸臣是賴。唐虞庶績咸熙。皆岳牧贊襄之力也。朕多失德。故遭去秋之變。昨夕不能去諸懷。孜孜求治。曷敢懈弛。諸臣近日漸忘斯事。召對之時。又云無事矣。嗚呼。餘逆未擒。謠言煽惑。側席不遑。尚恐怠忽。忍心言無事乎。是可忍也。孰不可忍也。朕以實心著實說。徧誥朝宇。以實心行實政之良臣。必能副朕實心。從朕實說。若不能領會。謂朕之言無關緊要者。是誠頑石不若。不可與言之。而與之言。失言之咎在朕。欺飾詐偽之名難逃史筆也。忠奸之辨在實偽二字之分。清夜

捫心不言而喻矣。○諭內閣。賈允升奏。太常寺衙門有須整頓查辦一摺。太常寺人員。職司壇廟執事。每遇祀事。自應致齋誠懇。以肅明禋嗣。後職事官員。俱著晝夜在本衙門齋戒。並著查齋科道等。據實確查。如有不在衙門者。即行參奏。其祭器內。簋簠籩豆。應如何酌定年限。敬謹修理。制帛一項。該寺尚有舊存。及上年所領共六百二十五端。應如何分年領用。如該寺積有贏餘。即暫停織造。俟將屆領用時。再令辦解。均著禮部太常寺詳查酌議。章程具奏。至犧牲所牛隻。挑取烙印記之後。皆係豫備祭祀供用。並著總管內務府大臣。隨時前往查驗。以杜偷減餽養之弊。○賑江蘇句容。上元。江寧。江浦。六合。溧水。高淳。泰。江都。甘泉。儀徵。武進。陽湖。金匱。無錫。江陰。丹徒。丹陽。金壇。溧陽。宜興。荆溪。二十二州縣。被水

被旱災民。並緩徵吳華亭東臺鎮洋長洲元和常熟昭文崑山新陽婁奉賢金山上海南匯川沙靖江高郵興化寶應太倉嘉定崇明山陽阜寧清河桃源安東鹽城銅山蕭場山宿遷海沐陽三十五廳州縣及各衛民屯額賦。○以孟冬時享。

太廟自是日始齋戒三日。○丙辰。

孝敬憲皇后忌辰遣官祭。

泰陵。○諭內閣陳預奏東省藩庫收支款項應

軍機處

上

令按旬詳報一摺。東省藩庫支發各款向不詳明巡撫止有月報而所報又係籠統開載以致節年支發彌補各款。輾轉不清殊非慎重出納之道。著照該撫所請嗣後飭令藩司將收支銀兩按旬詳報巡撫備案。如非常例應支及本款無項而借動別款者俱令隨時詳明巡撫俟覈定方准支放。庶款項互有鉤稽免致日久弊混。○又諭張聰慧前署長壽縣任內脫逃重犯十一名當經降旨以疏脫

人犯過多即限內全行拏獲亦不准其開復現在該革員於限內獲犯八名尚餘三名未獲所有常明奏請將張聰慧捐復原官留於川省補用之處實屬徇庇市恩斷不准行仍著該督飭令上緊緝捕俟全行拏獲再行奏明請旨。○諭軍機大臣等陳預奏靈山司巡檢王邦彥呈遞密摺懇請代奏封固進呈一摺王邦彥以巡檢微員輒敢擅遞奏摺希圖召見如此膽大妄為肆無忌憚若不明正其

軍機處

上

罪何足以儆刁頑著章煦陳預即將該巡檢革職拏問伊所欲面奏之事竟不必向其詢問著按其應得罪名即行定擬具奏。○又諭章煦等奏東省虧空最多之濟寧州知州王旭昇膠州知州周履端原任章邱縣知縣王嵩三員並日照縣知縣善寶一員已分別降旨將該員等革職拏問交章煦等嚴審矣此內王旭昇一員與朱錫爵本有戚誼前聞該員有賄賂營私情事曾交章煦密查據稱

查無實蹟。茲據奏該員在歷城任內虧空甚鉅。必有致虧之由。著章煦等將該員嚴加根究。如該員有逢迎饋送及同興未錫爵均有染指之處。迅即由四百里據實嚴參。毋稍瞻徇。將此諭令知之。○旌卹陝西禦賊被戕生員晏文質民婦晏閻氏等十二名口。如例。○旌表守正捐軀直隸滄州民李二妻徐氏。○展緩山東章邱鄒平濟陽臨邑齊東平原惠民青城商河武城新城齊河禹城淄川益都臨淄壽光昌樂臨朐博興樂安高苑蓬萊臨清夏津邱聊城堂邑博平茌平清平冠館陶莘高唐恩汶上陽穀壽張嶧德平濟寧嘉祥魚臺濮范觀城朝城鉅野單城武鄆城五十二州縣蟲災旱災舊欠漕糧籽種倉穀並緩徵上年被賊之荷澤曹定陶金鄉四縣新舊漕糧。○丁巳諭內閣胡克家奏宿松縣已故知縣鄭杰挪移庫項無完。將歷任知府查參追賠一摺。州縣挪移虧缺果係無力完繳。例

實錄卷一百一十五

十一

應著落該管知府分半賠交。前任安慶府現調任蘇州府知府申瑤。前署安慶府現任鳳陽府知府倪思淳均著革職留任。按照應賠銀數勒限完繳。如限內全完准其開復。其另案已革前任安慶府知府姚鳴庭應賠銀兩併著移咨原籍按限嚴追。以重帑項。○又諭上年逆首李文成賊黨戕官滋事占踞滑城附近市集村莊大半被其焚掠居民蕩析離居實為可慘。大兵克復之後該邑被難人民婦孺如何撫卹避往他所者如何招徠田廬何以各令復業城署肆廛何以漸次修舉皆知縣之責必須有守有為真實愛民之員方克勝任。革令孟杞瞻非但不能整頓地方抑且貪淫無恥種種妄為實從來所未有者軍機大臣即將上年孟杞瞻補授滑縣之時係何人保舉查明據實參奏。○又諭此次會試中式武舉王君泰等六名經覆試弓石與原冊均不相符。所有列字圍宿字圍張字圍之

實錄卷一百一十五

十一

原監射王大臣俱著交部議處。其辰字圖不符者多至三名。著將該原監射王大臣加倍議處。○諭軍機大臣等。方受疇奏訊據獲犯晁世重供稱。本年八月曾到工次。與曹縣人張廷美等遇見等語。該犯曾被賊匪裹脅入夥。前此來工與張廷美等會遇。恐有串謀焚料洩忿之事。現在興舉大工。夫役衆多。奸匪易於湊跡。著吳璥等飭委幹員。嚴密訪查。毋稍疏懈。再據戴均元奏。向遇堵築工程將應用料物購備足數之後。料販等因工次不再購買。無可牟利。往往於將屆合龍之時。潛將料塼焚燒。不得不重價向買。以濟急需。其堆置料物處所。應周圍挖濠設卡。小心防守等語。工次料塼最關緊要。該料販等嗜利無賴。乘閒焚燒。希圖居奇。自係事之所有。吳璥等當督飭員弁。並傳知薛大烈。分派弁兵巡緝。加意防範。如拏獲此等奸販。嚴加懲辦。示儆。至料物堆貯地方。挖濠周護。不能寬深。或再

實錄卷二百九十八

吏

實錄卷二百九十八

吏

於濠內堆置棘刺等項。以杜偷越。著吳璥等酌量妥辦。將此諭令知之。○賞廣寧門外普濟堂煮賑小米三百石。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九十八

嘉慶十九年十月

嘉慶十九年十月

嘉慶十九年十月

嘉慶十九年十月

嘉慶十九年十月

嘉慶十九年十月

嘉慶十九年甲戌冬十月戊午朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶二十年時憲書

○諭內閣本日孟冬時饗

太廟哈寧阿於應贊讀祝時遽贊飲福實屬錯

誤經景安奏奏本應將哈寧阿交部治罪但

伊一經罷斥轉得遂其偷安且現在贊引乏

人哈寧阿加恩免其治罪著革職留於本衙

門効力仍充贊引差使遇有饗祀大典准其

暫用贊禮郎頂帶平時不得戴用俟經過

天壇大祀三次毫無錯誤著禮部尚書奏明請

旨儻稍有貽誤必當從重治罪近來太常寺

堂司各官屢以禮節錯誤獲咎自緣齋戒不

虔以致愆儀失度

鑒觀有赫實堪祇畏嗣後該堂官等當督率執

事各員蠲潔致齋恪恭將事毋得心萌怠肆

致罹譴責。○又諭據董誥等查明上年那彥成等保奏滑縣知縣孟屹瞻原摺呈覽。朕披閱原奏。上年滑城失守。懸缺無人。那彥成以地方急需。幹員會同方受疇將孟屹瞻保奏摺內稱其辦事勇幹。能得民心。其時軍務倥傯。孟屹瞻帶兵堵剿。劣蹟未著。那彥成未加詳察。率行會商保奏。固屬冒昧。至於克復滑城之後。孟屹瞻不能惠卹災黎。轉恣意貪淫。聲名狼籍。計其在任將及一年。方受疇並不

叅奏。似此殃民敗檢之員。該撫竟毫無聞見。所謂察吏者安在。豈非形同木偶乎。那彥成著交部議處。方受疇著交部嚴加議處。尋議上得旨。那彥成著改為降三級留任。方受疇改為革職留任。八年無過。方准開復。○又諭綿課等奏稱。正黃旗滿洲領催春慶投遞匿名揭帖。將該管叅佐領驍騎校族長等叅奏。請將伊等一併交部議處。一摺。凡旗下兵丁等如有因公錯誤之處。該管大臣官員自有

應得之咎。領催春慶私投匿名揭帖。該管官員何由得知。今若全行交部議處。嗣後再有似此者。該管官員等縱即查獲。亦將規避處分。反致隱匿不報矣。綿課等此奏甚屬糊塗。不曉事體。除不准行外。綿課等著飭行。○緩徵兩淮拼茶角斜。豐利。富安。安豐。梁垛。東臺。河垛。丁溪。草堰。劉莊。伍佑。新興。板浦。中正。臨興。十六場。被水電戶折價銀。○己未

上幸圓明園。○辛酉

上以萬壽節。御同樂園。賜皇子皇孫及王以下文武大臣。蒙古王公等食。至甲子皆如之。○諭內閣。本月初二日。據都察院及巡視西城御史陳用光具奏。九月三十日夜間。西城正指揮署內有賊七八人。持刀點燭。搜執婢女一人。索要本官見面。該指揮王慶長出外追趕。見有人在廚房內擲出菜刀。旋即逃逸。並未失物。適先於二十九日盤獲形跡可疑之曹七一名。在指揮衙署暫押。恐或有奪犯情

事等語。朕詳加披閱。該賊人等七八人持刀點燭。搜執婢女。索取本官。其勢甚張。何以該指揮出外。賊人並不行兇劫物。即行逃逸。且持刀不砍。轉在廚房擲出菜刀。殊於情事不合。當經降旨交刑部審訊。本日刑部奏訊據婢女來喜供稱。伊本係被劉祥姦拐賣給該指揮為婢。劉祥現又到該指揮衙署冒充早班。竊姦誘令逃走。於是夜進屋。要將伊引出等語。與都察院及巡城御史等原奏迥異。其

與曹七等一案。更全不相涉。巡城御史既據指揮報有此案。親赴勘訊。自應查明原委。乃率據該指揮稟報之詞。張皇入奏。都察院堂官伊冲阿等亦率據該御史及該指揮之詞。並不自行傳訊明白。即行據奏。均屬忙亂。除交刑部將此案徹底審訊。明確定擬外。左都御史伊冲阿。茹荼副都御史扎拉芬。李宗瀚。陸以莊。俱著交部察議。景祿刑名熟習。又係屢次棄瑕錄用。更屬冒昧。同巡視西城御史

陳用光。俱著交部議處。尋議上得旨。伊冲阿。茹荼。扎拉芬。李宗瀚。陸以莊。景祿。俱著降一級留任。王慶長著革職。陳用光不勝御史之任。仍以翰林院編修用。○癸亥。

萬壽節。遣官祭

太廟後殿。○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵。○遣官祭

孝淑皇后陵寢。○遣官祭

顯佑宮

東嶽廟

城隍廟○

上詣

安佑宮行禮○御正大光明殿皇子皇孫及王以下文武大臣官員蒙古王公等行慶賀禮○甲子河南按察使伊湯等以年老改補京職以通政使司副使琦善為河南按察使○緩徵山西保德岢嵐興嵐靜樂臨河曲七州縣旱災霜災本年額賦並保德五寨偏關托克托城四廳州縣舊欠銀米○乙丑

上幸萬壽山○諭內閣朕本日恭閱

皇考高宗純皇帝實錄內載乾隆五十六年秦承恩奏陝西渭南縣地方拘獲劉照魁一犯訊係八卦教曾至喀什噶爾代震卦掌教王子重傳送家信得受封號並代王子重口許同教發遣之屈進河等六犯封號等語欽奉諭旨以王子重復敢潛通信息興復原教罪大惡極而屈進河等仍向王子重討求封號恣不畏死竟與叛逆無異著將王子重解京盡

法處治其屈進河等六犯著即在該處正法等因欽此仰見我

皇考高宗純皇帝懲遏邪惡綏靖邊陲至意上年逆案內發遣新疆各犯朕因人數衆多不忍駢誅是以法外施仁貸其一死此等違犯較諸盜犯情有可原免死減等者情罪尤重該犯等到配後必應嚴加管束不得任其私相往來又滋煽惑新疆地方緊要著松筠恩長通傳南北兩路辦事大臣俱各查照乾隆年間成案隨時懲辦如逆案內各遣犯一有過犯立即正法儻再有傳教情事即照大逆辦理毋少姑息以儆奸惡而靖邊圉○又諭常福上月偶因患病失跌本日忽具摺請將一切職任差使均請開缺常福前於綿課具奏匿名訐控蘇楞額時曾奏稱綿課應將原摺燒燬不必具奏殊不思呈詞封面並有毀譽王大臣之言其險惡可恨尤出情理之外此而不查拏懲辦奸徒何所做懼常福欲甘

心忍受置之不辨。豈非唾面自乾。看來常福於經管各事。亦未必能自信妥協。畏人多言。是以此時急急求退。常福因循疲玩。已極不勝卿貳之任。著將其侍郎副都統。即予開缺。仍留總管內務府大臣。其所管別項差使。且派員暫署。○以烏里雅蘇台將軍慶溥為都察院左都御史。調工部右侍郎成格為戶部右侍郎。禮部左侍郎穆克登額為工部右侍郎。轉禮部右侍郎寶興為左侍郎。以內閣學

士穆彰阿為禮部右侍郎。○調鑲紅旗蒙古副都統穆彰阿為鑲紅旗滿洲副都統。以署正黃旗蒙古副都統福會為鑲紅旗蒙古副都統。○以都察院左都御史伊冲阿為烏里雅蘇台將軍。○丙寅諭內閣。昨經降旨。以乾隆五十六年陝西地方有盤獲八卦教邪匪劉照魁。赴喀什噶爾代王子重傳信滋事之案。通諭新疆辦事大臣。將上年逆案遺犯加意管束。有犯必誅。茲查劉照魁當日由陝西

解部審訊之時。詰以如何出口。據稱係在肅州地方假認王子重親戚。前往探望。到肅州衙門起票出口。沿途得以照驗無阻等語。當經

皇考高宗純皇帝特頒諭旨。查明管關給票及沿途不行查驗之員。嚴行懲創在案。現在逆案內發遣人犯較之當日王子重之僅習邪教者。情罪尤重。豈得任其親屬人等私相往來。藉探望為名。致滋事端。著傳諭陝甘總督

嚴飭該管肅州認真查察。毋得輕給口票。其嘉峪關以外南北兩路。並著各該處辦事大臣認真查驗。如有假冒隱混起票出口者。立即嚴拏審辦。儻有疏縱情事。一併懲處不貸。○丁卯

皇后千秋節。宮內行禮如儀。停止筵宴。及在外公主福晉命婦行禮。○諭內閣。前據胡克家奏。本年安徽廬鳳等府州屬地方被災歉收。請撥銀一百二十萬兩。以備賑需。當交戶部

覈議。茲據戶部奏。該省藩關兩庫。現存銀一百十五萬兩。應先儘撥用等語。各省遇有災歉。經地方大吏勘明具奏。朕軫念民艱。立即發帑賑濟。即當經費充裕之時。亦應儘本省庫項動撥。斷無庫貯未動。先請協撥之理。安省藩關兩庫。現有存貯銀兩。胡家克率請協撥。著傳旨申飭。所有該省應備賑需。著將本省存貯銀一百十五萬兩。搏節動用。斷不准出此數。該撫務督飭各屬。確細查勘。覈實經理。勿任稍有浮冒。○戊辰。免黑龍江被災各城。應徵額糧。並緩徵舊欠口糧籽種。○己巳。上詣

安佑官行禮。○諭內閣。阮元奏。拏獲逆案主謀夥要各犯。先行審明辦理一摺。此案逆匪胡東耀。買得殘書一本。內有陣圖及悖逆俚語。即向逆夥邱忝澤。楊易。盧勝輝。誇稱解得書內陣圖。如得有為首起事之人。便可圖取富貴。楊易隨以朱毛。俚可以假託前明後裔。朱

毛。俚間邀。自任不疑。遂共赴積善禪林。同謀為逆。取逆書內俚詞。稱為後明晏朝年號。偽封胡東耀等官職。輾轉糾約。入夥。給與偽劄。該逆等踐土食毛。膽敢性同梟獍。自外生成。實屬罪大惡極。阮元到任未久。即能飭屬於各地方編查保甲。嚴密。遂將鉅案立時發覺。辦理迅速。實屬可嘉。阮元著賞加太子少保銜。並賞戴花翎。即發去花翎一枝。白玉翎管一節。並賞給大荷包一對。小荷包四箇。各省承平日久。奸慝潛生。全在地方大吏。飭屬認真查察。除莠。即所以安良。上年林清一案。其倡為逆謀。已經數歲。如直隸總督順天府尹等。於該逆等未經舉事之先。早能如此次之訪聞捕獲。人數不多。豈不甚易。乃經歷年所如。聲如噴。及至釀成巨逆。毗連三省。罹於刑誅。兵革者。為禍甚烈。實皆該大吏等因循怠玩。貽誤所致。各該督撫。具有天良。能不引以為鑒耶。案內胡東耀等十七名。業經分別凌

遲斬決辦理程麟祥等三十五犯定擬發遣
為奴尚屬輕縱著改為絞監候入於明年秋
審情實該撫即將各犯分交各府監禁不准
與外人交接通信如稍不安靜即行正法至
朱毛僅一犯尤為此案罪魁必應即時拏獲
處以極刑以快人心而中國法著兩江湖廣
閩浙各總督江西福建浙江江蘇安徽湖北
湖南各巡撫一體飭屬查拏如於何省拏獲
即由該督撫訊取供詞由四百里具奏一面

即於該省正法各該督撫皆當視朱毛僅一
犯在伊境內藏匿飭屬認真嚴密訪拏務在
必獲不得以現在已飭鄰省查拏彼此恃有
委卸稍為鬆勁如阮元能於江西境內拏獲
仍當給予議敘其餘曾化龍等十九犯拏獲
後如訊係倡謀推奉朱毛僅為首之犯即凌
遲處死如得受偽封官職並糾約人眾者即
斬立決儻明知叛情聽從得受憑票並未受
職糾人者擬絞監候入於明年秋審情實將

此通諭知之○又諭綿課等奏請本月二十
二日率領八旗官兵前赴楊山窪操演一摺
現今兩旗合操已經四次官兵技藝均屬整
齊且天氣較寒本年八旗在楊山窪合操之
處著停止○旌表逼嫁捐軀浙江桐鄉縣民
蔣敘吟妻陸氏○庚午

上詣

大高殿

壽皇殿行禮○還宮○以詹事府詹事那丹珠

大理寺卿常英正白旗漢軍副都統敬徵為
內閣學士兼禮部侍郎銜○以山東臨清協
副將馬建紀為登州鎮總兵官○辛未諭軍
機大臣等初彭齡奏嚴催各州縣上忙錢糧
並酌擬辦理虧空章程十條與百齡張師誠
會議一摺查辦虧空一事總須先截住新虧
再將舊虧數目徹底查清熟籌彌補此時立
法伊始章程緊要必須辦理確有把握該省
虧空多至三百餘萬豈一二年即能彌補足

數為今之計。惟當立限催追。按期繳納。該州縣等致虧之由。情形本非一致。其實挪移而數目較少者。原可責限完繳。即實係侵虧。數目又鉅。勢不得不嚴行叅辦。然叅辦之後。若不計及如何歸補。則貪污固皆抵法。帑項仍屬虛懸。即使分賠代賠。目前似為有著。而日久懸宕。豈不終歸烏有。甚或接任之員。藉彌補為名。苦累百姓。則是官項無補。民膏先被朘削。其弊尤不可不防。初彭齡等查明此等

劣跡。當一面叅辦。一面上緊監追。轉無庸亟亟置之於法。若仍延不設措。則是侵欺於前。懸宕於後。情罪可惡。當懲辦一二。以儆其餘。庶於帑項有益。將此諭令知之。○以光祿寺卿蔣祥墀為宗人府府丞。○壬申試中式武舉杜文燼等四十八人於太和殿前。○諭內閣那彥成奏酌動節省馬乾銀兩交商生息。以為添派隨扈兵丁盤費一摺。直隸各營兵丁遇朕祇謁。

兩陵及巡幸木蘭。派出承應差使所需盤費。向於節省馬乾銀內支給。所有本年議添兵丁應支盤費。除已於馬乾銀內動用外。著照所請。即在藩庫餘剩節省馬乾銀內。提出銀二萬兩。發交保定天津兩府鹽當各商。以一分生息。遇閏加增。解交直隸藩庫。以為每年添派兵丁盤費之用。其阿哥致祭

陵寢暨前往熱河。派出當差兵丁所需盤費。並著一體支給。○命喀什噶爾叅贊大臣恩長回京。賞哈密叅贊大臣成寧。副都統銜為喀什噶爾叅贊大臣。○旌表守正捐軀河南洛陽縣民女湯氏。○賑安徽合肥廬江無為巢桐城銅陵鳳陽壽鳳臺懷遠定遠蒙城霍邱六安霍山泗盱眙五河天長滁全椒來安二十二州縣及屯坐各衛。被水被旱災民。給毫壽宿靈璧泗無為潛山舒城寧國東流和繁昌含山貴池建德十五州縣災民一月口糧。並蠲緩額賦漕糧有差。緩徵懷寧太湖宿松。

宣城。南陵。旌德。寧國。涇。太平。貴池。青陽。建德。當塗。蕪湖。阜陽。太和。十六縣新舊額賦。○癸酉。旌表守正被戕山東日照縣民楊太妻秦氏。守正捐軀河南澠池縣民李富修女李氏。○撫卹琉球國遭風難夷如例。○甲戌。以戶部左侍郎果齊斯歡署翰林院掌院學士。○賞降調鑲白旗漢軍副都統積德頭等侍衛為哈密幫辦大臣。○乙亥。

上詣

時應宮

昭顯廟拈香。○御紫光閣閱中式武舉馬步射。○諭內閣。百齡初彭齡奏江蘇江寧兩藩司限內催提本年上忙銀數一摺。陳桂生常格。前督徵上忙銀兩。承催不力。均經降旨革職。仍留該省戴罪督催。茲江蘇藩庫應完上忙銀兩。已據常格提解十分之九。督催尚屬奮勉。常格著加恩來京。以從三品卿員補用。其江寧藩庫應完上忙銀兩。陳桂生報解之

數現在尚祇七分有餘。且伊到任半年。於庫項尚未結報。有無輕轉未清之款。著照所請。將陳桂生暫留該省。俟新任藩司李長森交代出結後。再行請旨。又據初彭齡另片奏。陳桂生續送各屬已未完上忙清冊數與前詳多寡不符。內上元。江寧。六合。儀徵。寶應。甘泉。如皋等縣未完之數。據稱係屬民欠。應請詳查辦理。又溧水一縣徵存未解銀兩。據稱挪墊奏銷。並請著落賠繳。查明參辦等語。陳桂

生所送上忙清冊。因何與前詳不符。其上元等七縣。是否實有民欠。著初彭齡。百齡。張師誠。會同查明。分別辦理。至溧水縣挪墊奏銷。究係何員任內之事。陳桂生既已另文揭參。並著徹底查明。秉公覈辦。○蠲緩浙江。西安。常山。開化。仁和。錢塘。海寧。餘杭。臨安。於潛。嘉興。秀水。石門。桐鄉。海鹽。歸安。烏程。長興。德清。武康。安吉。孝豐。三十一州縣旱災。本年額賦漕糧有差。○丙子。

上御箭亭。閱中式武舉技勇。○御乾清宮。引見中式武舉。親定甲乙。○緩徵湖南澧州積水地畝新舊額賦。及應還籽種口糧銀。○丁丑上御太和殿傳臚。賜中式武舉一甲丁殿寧。史鵬。楊定泰。三人武進士及第二甲閻麟閣等五人武進士出身。三甲杜文燼等四十人同武進士出身。○諭內閣。據蔣攸銛等奏。請將南澳東莞等處原設礮臺。擇要改建等語。粵省南澳接連閩洋。又東莞虎門海口為夷商出入門戶。向俱設立礮臺。駐兵防守。惟海道遷改。今昔形勢不同。自應因時制宜。扼要移建。以資防禦。著照所請。將南澳長山尾下礮臺。裁撤。上礮臺改為望樓。其礮位移設隆澳東莞縣虎門南山西北角。添設礮臺一座。其橫檔原設礮臺。即於該處東面城腳增築月牆。移置該督等即派員勘估。於冬季興工。勒限完竣。所有弁兵礮械。仍照原額酌量分派。應需工料銀兩。准其於普濟堂餘存經費內

支給。工竣造冊報部查覈。○諭軍機大臣等。上年九月逆匪滋事之案。實從來所未有。幸辦理迅速。首夥各犯立時殲獲殆盡。惟助逆巨惡尚有祝現劉第五劉呈祥董伯旺支進財劉成章六犯及夥黨五十餘名。尚在未獲。此皆罪大惡極之徒。豈可令其久稽顯戮。國法不申。彼時計其蹤跡。不能遠颺。當經嚴飭步軍統領順天府五城各衙門。及近京省分各督撫。設法捕拏。前後所降諭旨及手書訓諭。諄諄指示。不啻面命耳提。至為嚴切。京城各衙門固皆督辦認真。不遺餘力。即近京省分。如直隸河南山東山西等處地方文武。亦皆畏懼凜遵。各知龜兔乃自春夏以來。一無訪獲。目今又自秋而冬。朕昕夕盼望。仍未有報獲之處。殊增煩懣。因思該逆等亡命奔逃。或緣近京地方。櫛比排搜。不能藏匿。因而遠颺窮竄。冀脫網羅。該犯等潛竄以來。為時已久。計其日月道里。處處可到。而遠省地方官

員或料該犯等必不能遠來。疏於偵緝轉致潛匿該境亦未可定。該犯等一日不獲則遺棄一日不盡養癰貽患。後慮滋深各督撫共有天良寧不思為國除賊接奉此旨惟當不動聲色各盡乃心現屆編查保甲之時正可飭令所屬地方文武認真查察無論城鄉市鎮以及庵觀寺院等處俱當一體留心踴訪能使本境烟戶釐然一清則外來匪徒自然無所託足將此諭令知之○戊寅諭內閣前

據英和等奏已革臨清州知州張光熙應賠關稅銀三萬三千餘兩無力完繳現交刑部監追該州士民李永吉等以該員居官廉惠情願代交應賠銀兩並開列張光熙惠政十一條呈覽當經降旨令陳預將張光熙居官情形詳查覆奏茲據陳預奏到張光熙前任臨清州時曾捐資煮粥賑飢散放棉衣並增築堤工修理城垣等事俱係確實其餘各款亦與原呈相符民情愛戴等語張光熙官聲

素好惠政及民加恩著刑部釋放免其監追其應賠關稅銀數並著寬免一萬兩尚有應繳二萬三千餘兩飭令自行措繳其該州士民代為賠銀之處不准行亦不准該州士民將銀兩私交張光熙出名呈繳○緩徵江西星子都昌建昌安義德化德安瑞昌彭澤南昌新建豐城十一縣本年旱災水災額賦○己卯諭內閣孟屹瞻在滑縣任內訊無縱逆枉斷科斂各情惟收養子女除查有逆屬在

內應行緣坐外若實係被難者當訪明親屬領回完聚即實在無家可歸者亦當妥為安置俾令得所孟屹瞻身任地方令長有父母斯民之責其於被難子女即當視同己出乃不加意撫綏轉將蘇大葵等收為妾婢併分給家人車夫等實屬蕩無廉恥孟屹瞻著發往黑龍江充當苦差到配後先行枷號三箇月以示懲儆○庚辰諭軍機大臣等據恩長奏伊蘭瓦斯卡倫官兵向回民需索錢物案

內之副護軍叅領福通阿於審訊時自刎傷愈嗣於九月十六日夜自縊等語福通阿需索錢文一案前據恩長等審擬具奏降旨將福通阿枷號二年滿日發往伊犁充當苦差其罪原不至死乃福通阿於諭旨未到之前畏罪自盡從前佛倫保亦有自戕之案緣新疆官弁不諳律例一經被事未知獲罪輕重心懷疑懼輒行自戕看守官役又不嚴加防範屢有疏失殊屬不成事體著松筠傳知新疆南北兩路各大臣嗣後審訊官犯應收監者即行收監應看管者派人嚴加看管勿稍疏縱俾罪應擬辟之犯不得倖逃憲典其罪不至死者亦不致冒昧輕生也將此諭令知之○以二等侍衛吉凌阿為已里坤領隊大臣○辛巳

上御懋勤殿勾到直隸山西情實罪犯停決直隸官犯一人斬犯二人絞犯十二人山西斬犯三人絞犯四人餘一百人予勾○諭內閣

那彥成奏酌定覆查保甲章程一摺編查保甲一事詰暴安良最為善政上年冬間朕明降諭旨通行飭辦自京畿以及直省次第奉行本年八月間朕恭謁東陵蹕路經過各州縣見比戶懸設門牌開載甚為詳晰詢問自外省來京大小官員亦稱遵照令式一體編查是此次京外辦理保甲漸有成效惟居民遷移不定戶口增減靡常若不隨時稽覈則先後參差仍屬有名無實各省地方官因循積習大抵始勤終怠祇為目前塗飾耳目之計稍閱歲時又復視為具文漫不經意那彥成所奏每年秋收無事後俟外出耕作及各項傭工人眾歸里之時請再行稽覈一次免致匪徒涸跡所辦甚為覈實著各直省通行照辦州縣官於秋收後先行曉諭各村莊保長人等將本村戶口自行逐細查明造具草冊呈送該管州縣親往覆查悉遵辦定規條取具互保甘結將門牌

照改填寫按戶懸掛令該管道府直隸州親往抽查查竣後稟報督撫交兩司覈對具詳督撫於歲底彙奏一次至祝現等各要犯縱使詭跡潛蹤總不能出版輿之外但恐變易姓名扶同隱混各州縣於編查戶口之時遇有客籍寄居之人必須加意審察如地方素有習教之家則保長鄰右尤當設法稽考密加訪詰如果地方官人人奮勉治一縣如一里治一府如一縣推而至於各直省則燭照數計奸徒將何所託足若陽奉陰違虛應故事更或藉此擾累良民一經查出必將奉行不力之督撫嚴懲不貸將此通諭知之○又諭御史孫世昌奏清釐緩徵積弊一摺朕軫念民依偶遇地方水旱偏災無不立沛恩施分別蠲緩其緩徵一節原為小民生計艱難未能按期輸納是以量予展緩俾民力得以稍紓乃督撫藩司不能仰體德意任令地方官輾轉延壓催徵挪用迨屆應徵之期又復

多方掩飾捏稱民欠是官侵吏蝕恣飽慾壑使朝廷澤不下究職此之由嗣後各省遇有被災緩徵處所該督撫一經接奉恩旨即飭知藩司勒限行知該州縣騰黃曉示俾小民及早周知該藩司仍密行查訪勿任不肖官吏得聞舞弊儻有任意延擱私自催徵者立即嚴叅究辦至漕米令民赴倉完納錢糧令民自封投匭本係定例務各實力奉行將里書糧班等蠹吏嚴行禁革以除積弊將此通諭知之○緩徵直隸景清苑滿城安肅唐博野望都定祁南皮正定新樂易大城新安十五州縣水災霜災蟲災新舊額賦旗租及舊欠倉穀○壬午實授孫全謀為廣東陽江鎮總兵官○旌表守正捐軀四川健為縣民龍亨榮妻曾氏○癸未刑部奏查明各直省軍流以下官常人犯請旨可否減等得旨鞠應蛟東揭總兵各款內業有三款屬實尚非私忿挾制薛貴因拏獲竊賊供出窩夥追訊不

認用棍責打因傷潰爛死越二旬尚無非法毆打及索詐別情顏懷哲因查夜拏獲賭博人犯移縣究辦被其混罵用鞭責傷致斃事屬因公亦無挾嫌索詐情事俱著准其減等餘俱不准○以光祿寺卿慶明為大理寺卿詹事府少詹事珠爾松阿為詹事○除浙江仁和縣義塚地六十四畝有奇額賦○甲申以貴州布政使常發祥為光祿寺卿○旌表守正捐軀山東滕縣民張東林妻趙氏四川

仁壽縣民婦王邵氏

○乙酉

上御懋勤殿勾到朝審情實罪犯停決官犯五人斬犯六人絞犯十五人餘十人予勾○除江西南昌新建豐城南城四縣坍塌田二百八十四頃八十二畝有奇額賦○丙戌諭內閣晉昌等奏勘明養息牧河牧廠試墾情形一摺此案養息牧河牧廠前經松筠富俊和寧於會勘大凌河西廠試墾摺內請將該牧廠查文歸官開墾其時因經費不敷降旨停

實錄卷九

天

止勘辦惟令將大凌河西廠試墾續經和寧富俊將該牧廠地畝撥給錦州義州各界旗人及陳新蘇魯克認領試墾嗣據潤祥等於審辦烏特拉丹撤等控案查明該處牧廠試墾不便情形並將松筠和寧富俊叅奏當經降旨令軍機大臣會同該部議奏未及議上復據富俊奏稱開墾此項牧廠不糜經費而於旗人生計有益廢棄實屬可惜等語復經降旨令晉昌會同文寧確勘具奏茲據奏稱該牧廠地在邊外距錦州廣寧義州皆三四百里旗人無力者不能開墾有舊業者又不肯捨舊圖新現在試墾者多係內地民人各色攬分種於旗人生計無益徒為奸民牟利之數等語所見甚是該牧廠開墾於旗人生計無益且與收政有礙著即裁撤其潤祥等原奏各事宜仍著軍機大臣會同該部議奏松筠和寧仍著議處富俊固執不通叟叟潰奏著嚴加議處○以江蘇按察使慶格為貴州

愈形膠轕。承辦之員。恐不免意存延挨。冀為牽混。冒銷地步。百齡黎世序督辦不力。均傳旨申飭。著即照工部所奏。將十五年堵築馬港口。十六年堵閉王營減壩李家樓各大工。並十六年以前另案工程。以及加培土工。於奉文後。定限四箇月。全行造冊估銷。其十七年以後另案工程。於奉文後。定限六箇月。全行開單具奏。儻再逾限不行奏報。必將該督等及承辦之員。一併交部從重議處。又諭

御史賈聲槐奏。東省交審案件。辦理遲延。請勅令速行審結一摺。已革章邱縣知縣崔起龍杖斃九命一案。本年七月初旬。降旨令章煦提審。並將該管道府查叅。迄今已逾三月。尚未奏結。該省吏治。因循疲玩。幾成錮習。無怪緝捕要犯日久無一報獲也。章煦著傳旨申飭。此案著陳預即親提嚴審。迅速擬具奏。該省未結案件尚多。前飭巡撫兩司分審各案。務須上緊趕辦。依限報完。勿致前案未

結。後案又增。益形積壓。其逆案內最要次要各犯。並嚴飭地方文武員弁。趕緊緝拏。期於速獲。毋再延玩干咎。諭軍機大臣等。方受疇奏審辦逆犯王學道一摺。所辦輕縱已極。王學道一犯。習教傳徒。助逆劫獄。曾經受翼宮伯偽封。並為賊畫策。自稱習知兵法。不可據城。若據住縣城。必被官兵圍剿等語。幸賊眾不聽其言。據守滑城。得以迅就殲洗。設或聽其詭計。紛紛鋌走。豈不滋蔓難圖。該犯

脫逃後。復敢編造書詞。逞其狂悖。不法已極。必應凌遲處死。以申國法。乃該撫於審明後。僅恭請王命處斬。並未梟示。何不知輕重。若此。方受疇著傳旨嚴行申飭。該撫接奉此旨。著將王學道屍身。仍凌遲梟示。家屬緣坐。○
庚寅。

上詣

雍和宮行禮

宣仁廟

凝和廟

火神廟拈香○諭內閣御史黃中傑奏敬陳管見以端習尚一摺前因京都外城開設戲園有演唱淫詞豔曲及好勇鬪狠之戲者降旨飭令巡城御史等出示嚴禁該御史等業經遵照辦理如果近日大臣官員中有令戲班違禁演唱者該御史確有見聞自當指名叅處若如所奏令管班下賤優伶首告黥戲職官實無此政體至飭令直省教官稽察戲

文稿本並將京城查禁戲目彙冊飭行直省事太煩瑣可笑可鄙該御史所奏迂闊不可行嗣後各巡城御史惟當遵照前降諭旨將邪淫鬪狠戲文隨時查禁勿令日久生玩則習尚自可以漸轉移矣○又諭衡齡奏拏獲鄰境罪應斬決逃犯一摺毆斃胞兄之犯律應斬決該犯田幅於毆死胞兄田銀後脫逃已越十四年久稽顯戮該撫既於拏獲後審訊明確即應一面奏聞一面恭請王命將該

犯正法乃仍照尋常斬犯將招冊咨候部覆

殊屬拘泥衡齡著傳旨申飭田幅一犯著即處斬署靈邱縣候補知州張錦榮能將鄰境在逃年久重犯拏獲緝捕尚屬認真著照所請張錦榮准其遇有本班應得之缺儘先補用○辛卯諭內閣御史孫汶叅奏私挪庫項為子捐官之原任山東濟寧州知州王旭昇請旨查辦一摺王旭昇在山東州縣任內虧空最多前經章煦等查叅有旨將該員革職

拏問查抄備抵今據該御史奏伊子王康先於本年五月間報捐道員其捐項如係盜用庫銀則是以侵盜為捐納如云出自私囊則豈有家擁餘貲不先補完官帑之理著戶部查明王康又捐項如業經上庫即行文山東將所捐之銀照數在王旭昇虧款內扣抵將捐照追還註銷如未經上庫即勒令王康又將捐銀照數解東為伊父抵補虧空並著戶部查明凡遵新例報捐者除京官及直省

士民外其外官凡有倉庫之責者或本身捐升或為子弟報捐均於收呈後先行文該省責令本管上司查明該員經手倉庫如實無虧短由該管上司出結咨部准其報捐設查有虧挪即據實報明除不准報捐外仍照虧空例治罪該管上司徇私捏混查出一併嚴懲○又諭那彥成奏雲南運員葉立笙領解京銅船隻行至山東臨清地方因河水淺澀移會直隸吳橋縣備船候剝迨銅船行抵吳

橋縣境查問該運員業已先行船內只有伊弟並家丁朱姓二人將銅斤堆放河干亦即他待杳無音信現經該縣派役將銅船護解前進等語運員葉立笙領解銅斤理應親身在船督押乃與伊弟及家人等先後他往無蹤恐有虧缺官銅畏罪潛逃情事著那彥成派員查拏葉立笙併伊弟及家人朱姓二人迅速緝獲解交刑部嚴行審訊至此項銅船業經護解前進抵通之日著倉場侍郎派員

先將銅斤逐細盤查有無虧短據實具奏○諭軍機大臣等松筠奏接奉除莠安良詔敬陳惶悚下忱一摺上年逆首林清滋事時勾結匪徒多係直隸河南山東亂民山西雖屬近省嚴查並無逆犯是以事後搜捕逆黨總於此三省中嚴密踴躍今為期已逾一載各要犯仍稽誅未獲計該犯等日久遠颺足跡無不可至新疆地方發遣匪徒甚多從前王子重在喀什噶爾即有匪黨前往潛通音信

是其明證此次逆案緣坐發遣人犯更復不少所有在逃各犯非其親故即其同教夥黨現因查拏緊急內地無可容身或竟假裝商販潛竄口外隱匿窩藏亦未可定著松筠密行飭知南北兩路各大臣照前次發去各逆犯年貌清單一體留心訪緝此等發遣新疆之犯本係大逆緣坐從寬免其一死儻復不知悔改私匿逃人或傳徒惑眾一經查出即行正法不可稍存姑息如緝獲逆犯訊明迅

速馳奏其最要六犯各省一有續獲者亦必於報便諭知松筠令其停緝也將此諭令知之○戶部議准調任浙江巡撫陳預疏報富陽安吉奉化象山新昌定海東陽六縣開墾沙地二百八十頃三十二畝有奇照例升科從之○壬辰

上御乾清門聽政○諭內閣昨召見徵瑞據奏稱圓明園西北面圍牆現已加高其四面舊有圍牆應一體用石片加高五尺等語上年

逆案內匪徒有闖入禁門之事圓明園附近地方甚為安靜本年正月內朕臨蒞御園駐蹕十月之久諸事吉祥其西北一帶前因地勢較曠加砌圍牆牆外堆撥官兵並已酌量增添稽查周密此時若又將四面舊有圍牆一律加高義何所取近來朕因經費不充停減一切工程徵瑞豈不聞知此項圍牆若如所奏辦理所費甚鉅自係不肖敗類司員中又覬覦承辦工程從中沾潤者創為此議可

恨已極徵瑞受其慫恿率行入奏實屬老邁糊塗昏迷顛倒本應革職念其行走多年暫寬時日所有工部左侍郎正黃旗蒙古副都統總管內務府大臣俱著開缺亦無庸管理茶膳房圓明園事務並革去紫禁城內騎馬拔去花翎加恩賞給總管內務府大臣銜管理

雍和宮造辦處三山事務○引見翰林院保送御史人員得旨王耀辰羅家彥盛唐于德培

御史用○轉工部右侍郎穆克登額為左侍郎調盛京戶部侍郎潤祥為工部右侍郎以刑部員外郎德文為盛京戶部侍郎○以太常寺卿永祚為通政使司通政使○以頭等侍衛載銓為正黃旗蒙古副都統○以廣西梧州協副將王應鳳為福建建寧鎮總兵官○旌卹河南滑縣遇賊捐軀巡檢劉斌妻韓氏子嘉善樹善達善典史陳寶勳母徐氏子

玉振。玉龍教諭呂秉鈞妻唐氏孫夢熊夢彪。把總戚名彭子蕙幕友候選未入流李槐蔭生員張泰諸自潁民人呂惠亭僕祁陞等五十九名口如例。○旌表守正捐軀陝西麟遊縣民楊思敏妻白氏。○甲午遣官祭

先醫之神。○諭軍機大臣等李鴻賓奏東省疏出新泉查驗水源旺盛實能經久者十八處飭令各州縣取名勒石移交撫臣彙冊咨部等語。東省各州縣陸續報出新泉共九十

八處。七月閒覆查可存者尚有三十二處。茲據奏稱復加履勘泉源經冬暢出可以經久者僅止泗水等州縣十八處其餘八十處何至俱不堪挹注。所勘恐仍有遺漏。東省州縣官每因境內報有泉源懼日久湮塞致干疏濬不力處分遂先以水源微弱不能暢出為詞。著李鴻賓再派委妥員將前此查出各新泉水勢旺弱情形詳加履勘凡可以疏濬者即設法利導不得任聽地方官借詞掩飾能

共得新泉數十處責成該州縣隨時疏濬於湖潄河道自更有裨益也。將此諭令知之。○乙未諭內閣前據高杞奏甘省嘉慶二十年應支兵糧估撥不敷請撥銀五十五萬七千餘兩照數採買當交戶部覈議。茲據戶部查明該省倉貯數目足敷支放情形詳悉具奏甘省河東河西實存各色倉糧據該省十七年奏銷冊造計有六百餘萬石加以兩年新收糧石積漸加多所有每年需用兵糧足敷支放其河東各營分覈計各州縣存貯糧石亦均可就近供支又何得以遠道撥運糜費腳價為詞。今倉現存之糧石不用任其紅朽轉請動項採買竟似從前按例冒賑甚屬可惡。即經費充足亦不應辦。况經費支絀之時豈能增此妄費。該藩司率行詳請該署督不行查明遽以入奏殊屬含混。原奏之署陝甘總督高杞原詳之藩司盛惇崇均著交部議處。所有該省嘉慶二十年估撥兵糧著該督

即轉飭各屬就近動支毋許貽誤並照戶部
所議嗣後遇有採買兵糧著將該處存貯糧
石實數造具簡明清冊隨案報部以備稽覈
○以禮部右侍郎穆彭阿署工部右侍郎○
上以冬至祀
天於
園丘自是日始齋戒三日○丁酉
上詣
南郊齋宮齋宿○戊戌冬至祀

天於
園丘
上親詣行禮○遣官祭
永陵
福陵
昭陵
昭西陵
孝陵
孝東陵

景陵
泰陵
泰東陵
裕陵○遣官祭
孝淑皇后陵寢○遣官祭
端慧皇太子園寢○停次日朝賀○庚子
聖祖仁皇帝忌辰遣官祭
景陵
上詣

壽皇殿行禮○諭內閣昨據順天府奏拏獲逆
犯陳爽之子陳五兒陳顯之子陳四兒兩犯
當交刑部審訊並監提董綱太劉輩兒質認
屬實訊據該二犯僉供自上年九月伊父等
犯事以後俱經逃往他處藏躲近日始回桑
堡家中看視即被拏獲等語陳五兒年僅八
歲陳四兒年僅十歲鄉村童穉易於湮跡乃
一經自外回歸旋就捕獲可見清查保甲奸
宄自無容足之地該一帶編查門牌戶口尚

為認真近日風聞圓明園附近一帶於編查保甲一事春夏之間尚為整肅秋冬來日就廢弛不但稽查不力並門牌亦多遺失如此任意懈弛不惟逆犯潛蹤難期捕獲即尋常宵小亦將無所忌憚現在御園工作俱經降旨停止夫役等不下千餘人同時歇業當此隆冬沍寒尤應加意查察豈可轉形疏玩所有巡視北城御史著傳旨嚴行申飭勒限一箇月責令將該一帶卡口事宜認真整頓一

月後朕派員往查儻辦理不能嚴整必當重治其罪並著傳諭步軍統領順天府五城現在陳四兒陳五兒兩犯即係仍在本村捕獲所有未獲各逆犯難保其不日久思鄉潛回探視伊等不可舍近求遠務各於該管地方督率所屬將保甲戶口認真稽查如能弋獲要犯渥邀恩賞毋得日久生懈玩泄干咎將此通諭知之○緩徵湖北黃陂孝感安陸應城隨應山雲夢江夏武昌嘉魚興國漢陽十

二州縣及武昌武存德安三衛旱災本年額賦漕糧並舊欠銀米籽種有差○壬寅河南巡撫方受疇奏團練鄉勇出力紳士賞知府銜趙曰瑞等加級職銜有差○又奏續查滑濬二縣逆產三十餘頃請撥給增設都司營及書院義學留養局等處徵租從之○調工部右侍郎潤祥為倉場侍郎倉場侍郎普恭為工部右侍郎○癸卯月食○諭內閣上年逆案内尚有最要次要等犯六十餘名日久

未獲各逆犯或仍在本境潛匿或早已出境遠颺苟尚視息人間要不出寰區之內直省大吏若果實心為國實力抒猷未有不獲之理奈因循陋習總不能除怠玩疲癢日甚一日朕實寒心切齒上年降旨令直省編查保甲由一甲一里一州一縣推而至於天下如果燭照數計豈有不能緝獲者推原其故總由各州縣賢否不一其勤能真慙之員於辦理保甲事宜必能詳慎精密洞察無遺其昏

庸者或具文以塞責。虛矯者或飾詞以見長。編查不實。則發奸摘伏。即不能收實效。各逆匪。奸狡性生。其窩藏之家。亦各具有耳目。聞知某州縣官吏賢明。政令嚴肅。恐不能逃其照察。其鄰近某州縣。怠玩廢弛。形同聾瞶。自必欺其可欺。以其境為通逃之藪。著申諭順天府五城及各直省督撫。各於所屬編查保甲一事。認真考覈。其辦理井井有條。始終不懈者。加以獎勵。懈弛虛飾者。立予劾參。將昏

庸者。盡易為賢能。則基布星羅。宇內自無藏奸之所。况保甲為治民良法。現已辦有成規。即將來各逆犯全行弋獲之後。仍當奉行無替。使守土之吏。於四境之內。靡不周知。即尋常盜竊案件。亦無難有犯即破。庶宵小咸知儆懼。邪慝不敢妄行。閭閻可長臻寧謐也。將此通諭知之。○賞八旗兵丁一月錢糧。○甲辰。

上幸瀛臺閱冰技。○以四川按察使陳若霖為

布政使。建昌道曹六興為按察使。○以頭等侍衛佛安為庫爾喀喇烏蘇領隊大臣。○乙巳。諭內閣。戶部奏請飭催陝西等省軍需駁查未結各案。並直隸等省軍需報銷逾限各一摺。軍需為帑項攸關。自應隨時報銷。以杜延混浮冒之弊。乃陝西一省軍需用過銀兩。在嘉慶三年以前及四年以後。駁查各案。尚有銀五百九萬五千餘兩。事閱十有餘年。未經銷結。又刪減隨征兵丁加增鹽菜銀十八

萬九千餘兩。亦未題報。其湖北。四川。及協濟軍需之直隸。甘肅。雲南。貴州。廣東。福建。山東。山西。湖南。江西。安徽等省。共未經銷結銀二百五十二萬五千餘兩。似此多年積壓日久。愈滋輾轉。又上年直隸等省辦理邪匪軍需所用銀兩。降旨飭令趕緊報銷。今已逾限。除河南一省。現據陸續題報外。其直隸。山東。陝西。甘肅。山西。安徽。江蘇等省。均尚未據報部查覈。又雲南勦辦緬寧邊外逆目張輔國官

兵支用銀米等項。尚未題報。亦屬遲緩。各該督撫等。俱著傳旨嚴行申飭。務即各現良心督飭所屬。將駁查各案趕緊清查。報其上年軍營內所用銀兩。亦即迅速造冊報部覈銷。毋再延宕干咎。○以故察哈爾和碩特輔國公達什喇布坦子桑噶布多爾濟襲爵。○以翰林院侍讀寶璣充日講起居注官。○丁未諭內閣。托津等會議江省虧空追補章程一摺。已依議行矣。此事初彭齡及百齡張師誠皆以江蘇各州縣庫項虧缺過多。亟思追補之法。雖兩議具奏。其意未嘗不同。惟初彭齡所擬各條過於欲速。即如將原虧之項責成現任州縣賠繳一條。分別一萬兩以上限六箇月。五萬兩以上限一年。屆期不完。即革職監追。再各展六月一年之限。不完治罪。江省現任州縣大半非原虧之人。欲於一二年之間責令補完數百萬帑金。其勢有所不能。且操之過蹙。不肖之員。仍不免賸削民膏。必

至紛紛訐控。訟獄繁滋。甚或恣意敲剥。激生他故。所關尤鉅。從來有治人無治法。江省自清查虧空以來。已十有餘年。無歲不以彌補為事。而現在實查虧數。仍有三百餘萬。該省河工賑卹。悉皆發帑辦理。又未舉行南巡。之典。各州縣何所藉口。總緣大臣不法。小臣不廉。以致虧缺疊疊。其所謂彌補者。無非託之空言。全無實效。自此次降旨以後。該督撫藩司等務當行之以實。視國事如家事。並飭該管道府州逐層查察。先須杜絕新虧。將州縣中貪酷著名。歷任侵帑入橐。抗不完解者。查出一二員奏明。立寘重典。以為續虧者戒。其現任各官內有私挪庫項自行捐升及代子弟捐官者。查出除不准報捐外。仍嚴參治罪。所有舊虧銀數。即照此次所定各款按限實交。勿許藉詞延宕。每歲江寧江蘇兩藩司所屬各追補若干。尚餘虧數若干。該督撫按款查實。於年終分析具奏一次。其倉穀一項亦

上緊確查籌辦。期於數年之間。使庫廩充實。積弊全清。吏治民生。均有起色。該督撫責有攸歸。善副委任。勉之母怠。○又諭御史石承藻奏。欽派大臣隨帶司員。應迴避本旗本籍。以杜瞻徇。一摺。直省遇有參控重案及密查事件。特派大臣前往查辦。其案情之虛實。罪名之輕重。惟在該大臣秉公覈辦。所帶司員。不過隨同訊供查卷。安能操其短長。若如該御史所奏。凡隨帶司員。有與原參原告。被參被告。及案內有關涉之人。同旗同籍者。悉令迴避。不准帶往。無論拘於員數。必致遴選不得其人。且欽差大臣出京之後。每有續交審辦案件。設案內人證。適與帶往司員同旗同籍。豈令將帶往之員。立即徹回。又另派司員馳驛前往更換耶。各大臣由朕簡派。果其人公正可信。自能嚴明率屬。不至曲徇情。如其人不可信。即非同旗同籍。亦難保其不滋弊竇。朝廷擇人任使。若必多設科條。曲加

防範。以致窒礙難行。實無此政體也。該御史所奏。不可行。著無庸議。○大學士伊勒將軍松筠奏。捕盜出力官員。賞伊犁領隊大臣富永副都統銜阿哈拉克齊哈布薩朗藍翎。餘升用有差。○命大學士托津。戶部尚書景安。馳往江蘇。會同初彭齡。百齡。張師誠。查辦事件。○命吏部尚書英和。暫在軍機大臣上行走。兼署戶部尚書。○以工部右侍郎普恭。兼鑲紅旗漢軍副都統。○旌表守正捐軀福建

長樂縣民施孔武妻林氏。○戊申。

上幸瀛臺閱冰技。○諭軍機大臣等。御史陶澍奏。紅鬚匪徒日熾。敬陳緝捕事宜。一摺。河南南汝光一帶。以及安徽潁亳等處。向多紅鬚匪徒。屢經降旨飭緝。總未斂戢。今據該御史奏稱。近來日聚日多。橫行益甚。每一股謂之一捻子。小捻子數人。數十人。大捻子一二百人。不等。成羣結隊。公肆搶劫。或奪人貲財。或搶人妻女。甚至挖人目睛。且有頭目指揮。河

南之息縣光山正陽羅山汝陽項城為尤甚其在逃未獲之王妮仔即屬頭目而地方官捏稱為從其在安徽者有李東山馬大振二人最為出名現在藏匿阜陽縣境內每人手下約有千人州縣顛頑不辦等語除莠安良為地方官專責若畏難不辦日久養癰益滋隱患該御史摺內指陳人名地名鑿鑿有據其言必非無因且該匪徒夥黨約有千人則在逃未獲之逆犯祝現劉成章等難保不投

入其中冀延殘喘著方受疇胡克家各遴派委員在河南息縣等處安省阜陽境內將王妮仔李東山馬大振三犯按名捕獲審明嚴辦並密訪各逆犯有無溷跡在內者設法查拏毋稍疏縱再本年安省潁亳一帶收成歉薄飢民甚多胡克家尤當密諭委員持以鎮靜務須不動聲色將拏匪徒逸犯嚴密蹀緝首犯就獲則其餘夥黨自必畏懼解散不可張皇海捕致令夥眾驚擾激成事端此為

至要將此諭令知之○己酉諭內閣常明奏拏獲捏造明靈教名色邪言惑眾之唐惲興嚴審辦理一摺此案唐惲興先以符咒治病誑騙錢米嗣復捏稱明靈教名色希圖廣為煽惑妄播邪言經署巴州試用知縣顧堯峯於下鄉稽查保甲時訪拏獲案該督審明後即恭請王命將該犯處斬梟示其訊未被誘習咒僅延請治病之何洪受等分別問擬枷杖完結所辦甚好此等無知匪徒妄造邪言

其初不過意圖誑騙迨煽惑日久被誘者眾遂致滋生事端若地方官似此及早查拏將首犯懲辦戮一儆百被誘人數無多保全者不可勝計儻意存姑息因循不辦則積日累月釀成巨案所波累者益眾較量輕重利害甚明此次訪拏唐惲興之試用知縣顧堯峯實心稽查保甲訪出匪犯甚屬能事著加恩儘先補用以示獎勵○諭軍機大臣等本日軍機大臣會同該部議奏烏特拉丹撤等罪

名已依議行矣。此案養息牧廠閒荒地畝松筠等於奉旨停止勘辦之後復行試墾並未詳悉奏明。乃伊等之咎至此項地畝原在三營牧廠之外。其陳新蘇魯克黑牛羣原定牧廠界址各寬二十餘里至八十里長四十里至一百數十里不等。本屬寬餘。近年又撥給養贍地一萬四千六百畝於生計更為充足。此項曠廢馬廠與牛羊廠毫無干涉。該牧丁等前此藉以牧放私有牲畜並私自開墾地畝駕詞誣控茲審明分別治罪。若仍聽該牧丁等占據牧放刁風斷不可長。即如軍機大臣等所議令該將軍每年派員巡察嚴禁私墾私放。但地既閒曠又與三營廠界相連恐稽察難周。仍復多滋訟端。上年九月內和寧具奏養息牧曠地現已開墾成熟一百六十八頃五年加墾可得熟地八千四百頃。曾經降旨以此事辦理一年已有成效著循照辦理。本年該處秋收豐稔旗佃均霑利益。此時

若盡行裁撤平毀溝濠拆逐窩鋪轉多紛擾。此事既不糜國家經費每年又增收租穀竟以仍行開墾為是。地既開墾則松筠等處分亦可稍減。松筠和寧俱改為降一級留任。富俊改為降二級留任。仍准抵銷此事著專交晉昌仍派和忠前往該處將界址溝濠逐一覆勘其應如何分給旗丁等照舊耕作並經理妥善歷久無弊之處著晉昌詳查妥議具奏將此諭令知之。○庚戌以江南太湖協副將趙春曉為蘇松鎮總兵官。○壬子上詣壽康宮行禮。○諭軍機大臣等章煦等奏查明通省倉庫虧缺及嚴催趕辦情形一摺據稱嘉慶十四年吉綸任內清查奏報虧數多有不實其原奏虧缺一百七十九萬八千餘兩又另案參追銀六萬一千七百餘兩外茲又查出虧缺銀一百五十五萬二千餘兩共銀三百四十一萬二千餘兩係十四年以前通

省虧空實數其十四年以後各州縣虧空更不可問現因各屬冊報數目不符疲玩成習飭令本管道府分赴所屬親身督催趕緊查辦等語山東通省虧空銀兩經章煦等查明十四年以前實數已有三百四十餘萬之多至十四年以後虧空更不可問則其中獎竇自不一而足必有不肖官吏肆意侵吞私肥囊橐且擅取庫項公然為己捐升并為子弟報捐官職者此等貪劣之員殊堪痛恨若不從嚴懲辦何以儆戒將來章煦等俱係受恩深重之人惟當盡心稽覈徹底查明將各州縣中貪黷著名者查出實數嚴行叅劾從重治罪其該管上司歷任撫藩中如有納賄縱容者亦查明賊證據實糾叅不可稍有徇隱至各州縣既已通同虧缺現當查辦之時仍復遷延觀望著照章煦等所奏責成該管道府州上緊嚴催其有按延徇庇者一併叅處務令將積弊和盤托出勒限追補使帑項胥

歸有著力振東省疲玩積習以副委任將此諭令知之○緩徵直隸霸定興新城宛邢臺南和平鄉廣宗鉅鹿任邯鄲肥鄉曲周廣平雞澤威隆平寧晉文安東安清苑唐東鹿安故城青靜海滄鹽山沙河唐山內邱永年咸安磁元城大名南樂清豐龍門冀南宮新河棗強曲陽四十五州縣積欠額賦口糧倉穀○癸丑上幸瀛臺閱冰技○諭軍機大臣等富俊等奏豫議試墾章程請先於吉林等處閒散旗人內揀選屯丁一千名每丁給銀二十五兩籽種穀二石於拉林東南夾信溝地方每名撥給荒地三十晌墾種二十晌留荒十晌試種三年後自第四年起交糧貯倉十餘年後移駐京旗蘇拉時將熟地分給京旗人十五晌荒五晌所餘熟地五晌荒五晌即給原種屯丁免其交糧作為恒產並將屯田出入各數屯丁用款及設官管理章程開單呈覽此項

試墾地畝需帑無多將來開墾成熟後移駐京旗閒散與本處旗屯衆丁錯處易於學耕夥種不致雇覓流民代耕啟田為民占之墾所議似屬可行其單內合計十年用銀四萬零五百兩其試墾之第一年祇需銀二萬八千餘兩即可興辦著即照富俊等所議挑選屯丁一千名由該處備用銀兩內撥給牛價等項公倉內撥給穀種如法試墾富俊現准來京陛見著松寧先行經理俟富俊回任後

一切會同妥辦此事創行伊始伊等務計畫周詳督率各屯丁勤習耕作並隨時認真查察如一年辦有成效則積至十餘年後所得租穀糶價大可裕旗人生計若仍令雇民代墾或將地畝私行租佃久之悉為流民占據將來移駐旗人時無地可耕則該將軍等辦理不善咎有攸歸斷不寬恕其所議按年徵租及派撥官兵約束一切章程均著照所議辦理將此諭令知之○閩浙總督汪志伊奏

緝獲結會首犯熊毛賞生員李玉衡舉人知縣周珩等升賞有差○甲寅諭軍機大臣等那彥成奏將失察逆犯過境及在境藏匿之地方文武各官仍照例叅處以嚴捕務一摺所奏不可行上年九月間逆匪滋事朕將那彥成由甘肅驛召至豫昇之總統重任那彥成遷延觀望經嚴旨飭催並有再不進兵即行革職逮問之諭一面派托津馳往督辦那彥成畏懼悚息始移兵道口與賊接仗及一

戰獲勝見賊匪易辦因連次進剿及圍攻滑城又時閱數旬方行克復朕念其辦賊究屬有功渥加懋賞那彥成蒙此厚恩寧不當知感知愧將上年未淨遺孽悉數殄除乃祝現等最要次要六十餘犯逃竄稽誅伊在任十月有餘竟未緝獲一犯乃欲嚴定處分盡將過失諉之屬下所見實大謬矣朕所以施寬大之恩明降諭旨將地方官失察逆犯過境及在境藏匿處分概行免究者因外省地方

官迴護處分積習已深恐其豫計獲賊之後
訊出從前經由藏匿處所干連受過相率隱
忍諱飾愈深甚至境內有習教之家迴護處
分飾有為無是以寬其失察之過專錄獲犯
之功如果此時拏獲逆犯祇當訊其與林清
謀逆緣由根究夥黨其餘概不置問若如那
彥成所奏將失察地方文武各官復嚴行叅
處不但朝廷詔令屢更不足示信於臣下且
令州縣人人自危畏首畏尾惟恐逆犯弋獲
自累累人尚安望認真緝捕乎看來那彥成
亦係因日久未獲一犯故作此無聊之思希
圖塞責而不知於捕務全局大有窒礙也將
此諭令知之○直隸總督那彥成奏請將長
垣東明開州逆產地三十八頃給正定鎮標
兵丁召佃收租從之○乙卯諭軍機大臣等
朕聞本年八九月間有噶唎夷人同噶喇前於
例闖入虎門又有噶唎夷人同噶喇前於
該國入貢時曾隨入京師年幼狡黠回國時

將沿途山川形勢俱一一繪成圖冊到粵後
又不回本國留住澳門已二十年通曉漢語
定例澳門所住夷人不准進省同噶喇在粵
既久夷人來粵者大率聽其教誘日久恐致
滋生事端著蔣攸銘等查明同噶喇有無教
唆勾通款蹟如查有實據或遷徙安置奏明
妥辦將此諭令知之○命禮部右侍郎穆彰
阿工部右侍郎鮑桂星前往通州查驗倉米
○以司經局洗馬朱方增署日講起居注官
○丙辰江蘇布政使李長森因病乞假允之
調貴州布政使慶格為江蘇布政使以貴州
按察使史致光為布政使古州道張暉吉為
按察使

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百九十九

實錄卷之二

圭

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三

臣等初彭齡奏已革藩司隱匿虧短銀兩冊報多寡懸殊一摺此案溧水縣虧缺銀數先經初彭齡飭查據陳桂生冊報實虧銀九千二十兩零及初彭齡交卸撫篆之前一日復據陳桂生詳稱溧水縣應解本年上忙有挪解奏銷之項當經初彭齡劄飭李長森查明係何員墊解現據李長森等查得本任溧水縣知縣克什布經手錢糧虧短銀六萬五千二十兩零該署縣劉翰周將上忙挪解奏銷

嘉慶十九年甲戌十二月丁巳朔諭軍機大

銀七千二百九十兩較之陳桂生初次冊造該縣虧缺銀九千餘兩之處多至五萬餘兩此非續虧而何不可不查明嚴辦著交托津景安初彭齡會同審辦即將溧水縣知縣克什布革職拏問已革藩司陳桂生亦著拏問並飭提該縣經手庫書人等一併嚴訊將該縣所虧銀兩是侵是挪陳桂生有無遁同隱匿等弊逐一訊明按律定擬具奏如該督撫有知情徇庇情事一併據實叅奏不可瞻徇情面將此諭令知之○又諭前據甘家試奏候選道廖思芳訪知逆犯劉第五在山東曲阜縣境內潛匿帶同眼目王幅擒獲解往江南審辦嗣據百齡奏稱該犯於上年三月在金鄉縣見過林清封伊偽職九月在定陶滋事後復至曹州府城外焚掠等語現在劉第五業已解部經軍機大臣會同刑部提訊據稱素係鐵匠營生並未習教其在江南原係係廖寅署內拔貢生向姓家人宋遇所教周

知縣萬知縣在運司署內刑嚇誘供每訊供詞廖思芳必在旁探聽並經廖思芳給伊衣帽等物伊始混供等語此案廖思芳誤聽妄拏即應釋放乃復將錯就錯又復刑嚇逼誘是其緝拏要犯並非志切同仇為國除害全係貪功冒賞私見執迷不悟以假亂真置國法民命於不顧是誠何心可鄙可恨上年逆案內要犯日久未獲此時正在上緊查拏之時全在訪拏訊問之員實心從事若一味捉風捕影妄拏無辜鍛鍊成招直至朕特派大臣審訊始與昭雪則被誣之人其所受毒苦已不可勝言似此紛紛擾累各省效尤迄無底止成何事體此事必應查明嚴懲以挽作偽澆風托津景安皆深知近日外省妄拏情弊者著將廖思芳萬承紀周以勲拔貢向姓及伊家人宋遇俱提至清江浦親加研訊將此案妄拏妄勘各情節徹底究明如宋遇實有捏供教誘情事即照誣陷人叛逆例治罪

或係廖思芳及拔貢向姓等指使。並萬承紀周以勲有心故。勸分別嚴叅治罪。百齡如有偏執不公情事。一併據實劾叅。毋稍徇隱。將此諭令知之。○戊午。諭內閣。蔣攸銛奏請生監考試。概令默寫。

聖諭廣訓。以端士習而厚民風。一摺。向來直省各學政歲科考試。取進童生。覆試時定有敬謹默寫。

聖諭廣訓之條。誠以士為民倡。果能平時服誦相與宣講。內而砥礪躬行。外而化導鄉俗。自見薰德善良。風氣日臻淳厚。其直省各學監生。不由童試。素未誦習。而生員於取進後。亦日久不復循誦。該生監等身列膠庠。為齊民之表率。尤應令其修德懷刑。導民先路。著禮部通行直省各學政。嗣後歲科兩試。並貢監生錄科考遺。均一體敬謹默寫。

聖諭廣訓一二百字。其不能默寫者。按其文藝遞降等第。及斥置不錄。庶該生監等勤加肄

習。共相漸摩。俾鄉曲小民咸知觀感。用副朕化民成俗之意。○諭軍機大臣等。蔣攸銛等奏密陳夷商貿易情形。及酌籌整飭洋行事。宜一摺。所奏俱是。粵省地方瀕海。向准各國夷船前來貿易。該夷商遠涉重洋。懇還有無。實天朝體卹之恩。然懷柔之中。仍應隱寓防閑之意。近來哄哈喇國護貨兵船。不遵定制。停泊外洋。竟敢駛至虎門。其詭詐情形。甚為巨測。蔣攸銛示以兵威。派員詰責。該大班始

遞稟謝罪。此後不可不嚴申禁令。該夷船所販貨物。全藉內地銷售。如呢羽鐘表等物。中華儘可不需。而茶葉土絲在彼國斷不可少。儻一經停止貿易。則其生計立窮。書云不寶遠物。則遠人格。該督等當深明此意。謹守定制。內固藩籬。不可使外夷輕視。嗣後所有各國護貨兵船。仍遵舊制。不許駛近內洋。貨船出口。亦不許逗遛。如敢闖入禁地。即嚴加驅逐。儻敢抗拒。即行施放鎗礮。懾以兵威。使知

畏懼所有該督等請嚴禁民人私為夷人服役及洋行不得搭蓋夷式房屋鋪戶不得用夷字店號及清查商欠不得濫保身家淺薄之人承充洋商並不准內地民人私往夷管之處均照所議行將此諭令知之○又諭御史王嘉棟奏請開水利以濟民生一摺據稱浙江杭嘉湖三府被旱歉收現在青黃不接之時又值米價昂貴貧民艱於謀食請開濬西湖以工代賑等語西湖為浙西水利攸關

田疇廣資灌溉康熙雍正乾隆年間節次動項興修迄今閱時已久湖身淤墊水旱難收蓄洩之利該御史所奏自係實在情形著顏檢詳加履勘如應行興辦並可以工代賑即奏明妥辦其所請動用景工生息及海塘節省銀兩亦著該撫查明應如何借動及分年攤還之處一併妥議具奏但此事原為利民起見該撫勘明後奏請辦理不可謂出自上意恐無識之徒妄行揣度以為豫備南巡則

與朕興利惠民之意大相刺謬也將此諭令知之○己未命戶部尚書景安禮部尚書戴均元理藩院尚書和世泰在紫禁城內騎馬撥江蘇省城附近倉米六千石備賑○庚申諭內閣鮑桂星奏請酌定武英殿章程一摺內稱總理應於修書時按期到殿公同商辦無事之日亦不時親往稽查一款武英殿設立總理二員督辦一切事務原應常川到殿以專責成現在定親王綿恩不兼御前大

臣差使儘有餘閒嗣後總理二人俱著隨時親赴武英殿督率所屬認真經理毋許疏曠其餘所奏各款著交軍機大臣議奏○又諭朕屢經降旨飭令步軍統領順天府五城各衙門以查拏逆犯一事不可舍近求遠王畿之內尤當首務肅清所有編查保甲一事尤當認真釐剔不可使有逆犯隱混在內乃前日南城指揮汪忠增果於青龍橋地方偵獲逆犯宋二即宋廣弼一名訊係陳顯家傭工

之人曾經入教謀逆連日從宋二根究又訊出有前在逆犯龔恕家傭工之王路一名現即在大有莊居住青龍橋大有莊等處俱附近御園其地與皇城之東華西華門外相等該犯等竟敢在彼潛匿數月未經查拏並據宋二供稱該犯前在大有莊李七牛十鋪內居住之時彼處編查門牌係書寫宋五名字等語編查保甲先須分別莠良既編之後必須認真查察若一經編成冊籍即據以為憑

不復用加釐剔奸究得以冒託豈不又成具文著內諭步軍統領順天府五城各衙門務當同心協力無分畛域即門牌內業經填註姓名之人亦須詳查來歷覈對年貌並密訪有無匿名隱混情事不得以有人具保即將就塞責如此爬梳剔抉庶奸究無所容身既不可外示張皇尤不可內存疏懈功則同賞過則同罰其各凜遵毋怠○諭軍機大臣等入冬以來步軍統領順天府五城所獲各犯

據供皆係遠竄外出近日始行逃回其往返皆自直隸地方經過該省官弁何竟毫無聞見那彥成到任以後將及一年該省從未獲犯一名豫東二省尚偶有就獲逸犯獨直隸竟似置此事於不問何以疲玩至於如此昨經降旨嚴飭那彥成接奉諭旨寧不動心乃本日具奏各摺並不將現在緝捕情形具奏可見泄沓沓全不繫念實屬毫無愧怍良心何在因循疲玩故態復萌矣此旨到後務

當激發天良加倍奮勉嗣後凡遇奏事之時俱著將緝賊情形詳悉奏聞儻有一次疏漏該督難逃譴責也將此諭令知之○辛酉以工部左侍郎穆克登額為禮部尚書都察院左副都御史景祿為工部左侍郎禮部右侍郎穆彰阿署刑部左侍郎調鑲紅旗漢軍副都統普恭為鑲白旗滿洲副都統以內閣學士常英兼鑲紅旗漢軍副都統○壬戌孝惠章皇后忌辰遣官祭

孝東陵○諭內閣御史陶澍奏外省州縣積習請治其源以端吏治一摺各州縣為親民之官惟在牧養有方教化有法斯吏治端而民生日裕乃因循疲玩相習成風若不亟加整頓何以革弊習而勵官方如該御史所稱州縣交代虧空上司懼于失察之咎勒令新任接收又藉公科派有籌補幫助賠使費等款及豫備賞號派辦供給壓薦幕友濫送長隨並委員需索提省羈留種種告累皆各省

實有情形總緣外省大吏不以吏治為事其始稍開其端久之揚波逐流日甚一日陋習相沿遂至成為錮弊雖有一二自好之士亦不能卓然自拔今欲清其源責在大吏著通諭直省督撫藩臬等務各洗心滌慮飭紀整綱伊等養廉優厚一切賞需供頓不可絲毫累及屬員其州縣官因攤捐羈候橫被苦累之處查明悉予裁革俾賢能者得以自立中材以下亦無所藉口庶幾大法小廉吏治日

有起色以厚民生以興民行胥於此端其本焉○又諭廖思芳妄擊劉第五知縣萬承紀周以勳及拔貢向姓家人宋過刑逼教誘供詞一案節經降旨交托津等審訊分別治罪茲復據軍機大臣會同刑部將山東解到之劉第五家屬鄰右匠夥人等隔別研訊據伊妻劉孔氏供劉第五實無為匪不法情事背上疤痕係十四年患搭背瘡延醫人陳文思治愈腿上小疤係從前曾患小癰俱非刀鎗

傷痕匠夥高士升供上年九月內劉第五實係與伊在歇馬亭一同打鐵並未出門鄰右尹甫山陳丙魯地保孫添崇並伊子劉小拴伊戚孔繼禹僉供劉第五並不為匪曩之刑部所訊劉第五供詞及陳預原訊劉孔氏等供詞俱相脗合劉第五無辜被拏畏刑誣服供證確鑿毫無疑義業將劉第五併家屬等釋放並加恩賞給劉第五及伊妻孔氏伊子小拴銀五兩高士升等銀五兩令作路費回

曲阜縣原籍以示矜卹。廖思芳等誣枉平民造成冤獄。著托津等即將廖思芳萬承紀周以勲革職拏問。嚴審定擬具奏。又據王幅供伊曾以劉第五籍貫不符阻止廖思芳廖思芳許給伊銀三千兩。令其作眼往拏。此項銀兩王幅並未得受。除將廖思芳按例問擬外。並著將許給王幅銀三千兩照數罰出。將一半賞給劉第五及伊妻子。其餘一半高士升等被累遠涉。著均勻賞給。○諭軍機大臣等

本日據巡視東漕給事中卓秉恬奏請。摺節湖水以利漕運一摺。微山湖蓄水本以接濟韓莊八閘及邳州一帶運河。上年微湖水勢短絀。不敷鋪注。江境多方疏導。始克濟運。本年微湖雖蓄水寬裕。然江境仍當加意摺節。兩省同辦一事。總當不分畛域。該給事中稱邳州各閘啟閉事宜。僅以一主簿兼管。恐其照料不周。啟閉失宜。請於河清河定河成等閘派員經管之處。著黎世序酌於江境各閘

官內或擇其事務較簡者。改設一二員。或酌添一員。幫同管理該處閘座。以專責成。該河督議定後。奏明請旨辦理。將此諭令知之。○癸亥。諭內閣。前據鮑桂星條奏。武英殿刊刻校勘事宜一摺。當經降旨。交軍機大臣議奏。又另片奏。提調劉榮黼等聲名平常。即派武英殿總理事務王大臣及武英殿總裁會同東公查奏。及綿恩等奏上時。朕召見常福。據奏伊等在武英殿查詢時。提調劉榮黼對

衆指稱鮑桂星因熙昌校勘修改。恐致遲延。曾言熙總裁所校。不過偏旁點畫。可以將就。並言近日有旨。旗人多靠不住。此時督撫多用漢人等語。當交軍機大臣傳詢鮑桂星。即據認有此語。係本年秋閒。聞自周兆基並稱在部與滿員共事。見多有徇私背公者。適是日周兆基自盛京差回。遂著傳詢周兆基。兼令鮑桂星將徇私背公。係何人何事。據實指出。隨據周兆基登覆伊於召見時並未奉有

此旨亦未與鮑桂星言及現在已據鮑桂星自認彷彿記憶是日赴園太早假寐初醒周兆基所言聽聞不真其鮑桂星所指熙昌屬託武英殿供事又託將吉林開採煤窰議准及慶溥託伊工程委員等款據熙昌登覆實無請託供事之事即鮑桂星亦不能指出所託供事姓名其屬託吉林煤窰一節據熙昌覆稱但言吉林請開煤窰係屬好事並非託其議准慶溥登覆祇認曾在朝房問過鮑桂

星所奏何事鮑桂星答以具奏董率工程亦未囑託委員以上各情節如果鮑桂星存心公正則周兆基以召對時諭旨失口向人宣露鮑桂星應立時叅奏朕必將伊加以褒獎乃以彷彿無稽之言輒向劉榮黼轉述其誕妄之罪尚何所辭即慶溥熙昌等果有囑託情弊鮑桂星亦應將所託何人何事原文名條據實叅奏乃因口舌爭競牽連率指一經研究全無證據豈能以此坐周兆基等之罪

鮑桂星任性乖張妄言亂政著交部嚴加議處慶溥於鮑桂星不同部院其所奏何事本不應與聞乃率行詢問以致鮑桂星疑有囑託慶溥著交部察議周兆基熙昌均無庸議尋議上得旨鮑桂星指訐慶溥熙昌等囑託公事一無證據其咎猶小至其所述朕輟滿洲重漢人之語此則妄言亂政之大者朕統御寰區滿洲漢人一視同仁從無偏愛偏憎於其間國家設官定制如東三省及新疆各城並各省駐防文武大員皆專用滿洲此因地制宜之道有漢人所必不能勝任者若直省督撫滿漢間用因材器使惟視其人之賢否何嘗有畸輕畸重之見乎鮑桂星以私意揣度為此無稽之言謬妄已極著即照部議革職不准回籍令其在京閉門思過仍責成五城御史不時稽察如私著詩文有怨望誹謗之詞即行嚴叅從重治罪不貸又諭前據陳預奏臨清州知州楊嗣曾稟據外委王

廷瑞指拏匪犯白居易。訊係曾經從逆。請解交刑部審訊。一摺。朕詳閱白居易供詞。本屬支離。當令軍機大臣會同刑部監提董綱太。將白居易供詞逐層詳訊。據供。林清家並未見有白居易其人。林清本無親子。曾抱養王姓幼孩。為嗣。早經身死。實未延師教讀。嘉慶六年。林清賃寓武門外彭姓房一間。後移居黃村。亦止住廟內房一間。借住伊家。亦止房九間。均無小樓。上年九月。林清曾分刀令人進城滋事。三月並無分刀之事。林清家實無武舉劉鵬翹往來。亦並未令劉鵬翹給白姓帶信。糾人等語。覈與白居易原供。迥不符合。昨據東省將白居易解到。該犯刑傷甚重。兼患腹瀉。精神十分委頓。刑部恐該犯進監瘵斃。趕緊提訊。僅據供出外委王廷瑞因借錢不遂。挾嫌誣控。逆情臨清州知州楊嗣曾刑拷逼供等語。不能再吐供詞。延至次日。殞命。刑部驗明該犯兩手拇指有繩吊傷。兩膝

有跪鍊傷。兩足踝有夾棍傷。當令傳訊張學。曾據稱白居易在臨清州審問時。曾經受刑。及到省城。巡撫及臬司首府等並未用刑等語。此案外委王廷瑞因借錢不遂之嫌。誣陷平民。實為罪魁。王廷瑞著革職鎖拏。臨清州知州楊嗣曾不察虛實。一味刑逼。致成冤獄。楊嗣曾著革職拏問。俱交章煦嚴審確情具奏。先罰楊嗣曾銀五百兩。賞給白居易家屬。如無家屬。則不必矣。○諭軍機大臣等。上年辦理林清逆案。勦平豫東教匪。及陝省南山匪徒各緣由。節經頒示諭旨。並御製文。前長齡陞辭時。復令向松筠詳悉告知。松筠俱已聆悉。惟逆案内未獲逸犯尚多。其祝現劉第五。劉呈祥。董伯旺。支進才。劉成章六犯。尤為最要兇渠。必應捕正刑誅。本年前半載。自仍在內地潛匿。今已閱一年。恐其中已有逃竄出口者。前已降旨交松筠傳知南北兩路各大臣一體踴躍訪緝。但緝捕之法務在慎密。不可

張皇該處現已開厰出口傭作之人甚多著松筠等飭知各城將前發去逆犯年貌單存留公署密派兵役留心偵訪不必到處刊刻張貼轉致該犯等聞風避匿為要再此次逆案内發往新疆各犯本係罪應誅殛者從寬免死發遣儻該犯等到配後故智復萌再傳教授徒冀圖煽誘或私相勾串一經查出一面奏明一面立將該犯在彼處正法示儆不可稍存姑息將此諭令知之○甲子

上幸瀛臺閱冰技○以西安協領德格為荊州左翼副都統○旌表守正捐軀浙江海鹽縣民蔡茂芳妻葉氏○乙丑以內閣學士王鼎為工部右侍郎仍留江西學政任兵部右侍郎周系英署工部右侍郎○以荊州協領福謙為成都副都統○予江蘇故國子監司業陳祖范刑部主事孫護孫前明進士王泰際安徽故訓導汪廷榜浙江故兵部主事蔣師燭廣東故候選道盧觀恒入祀鄉賢祠從巡

撫朱璽百齡初彭齡胡克家李雲鑄董教增等請也○丙寅諭軍機大臣等那彥成奏接奉諭旨慚愧悚惶請交部嚴加議處一摺一篇空話覽之生厭要犯未獲緝捕廢弛慚愧悚惶何益於事該督奏請嚴加議處亦明知發交部議在吏部自必以疲玩不職議以褫革迨奏上時仍可望施恩留任伊接奉後又復具摺謝恩即為了事又可敷衍幾日豈不竟成具文試思朕果欲將那彥成革職治罪又何必待伊自行奏請耶一年以來京城步軍統領順天府五城所以能疊獲逸犯者朕每日召對各該衙門大員總以緝捕要犯責成伊等諄諄訓飭不啻舌敝唇焦諸臣知朕盼望焦勞又見詔旨嚴切人人愧奮共矢天良故訪緝不敢稍懈至直隸省則自那彥成首以緝捕一事為無關緊要其平素議論總云惟恐妄拏平人株連無辜託為鎮靜以掩其疲玩該督先以此見橫據於胸其接見屬

員時解急之情。自形於詞色。各屬員等探知此意。孰肯盡心訪緝。無怪乎逆犯等往來直境。無人過而問之也。逆賊悖天逆理。至敢突入紫禁城內滋事。凡屬我大清國臣子。皆當痛心切齒。志切同仇。此時一犯未獲。於心一日不安。那彥成自問何國之人。何人之孫。忍於不拏逆賊乎。當激發天良。於閩省官僚相見之時。實心誨勉。使人人爭奮。將懈弛者痛加訓飭。庶衆志成城。可冀要犯次第就獲也。

那彥成自請嚴議之處。姑著存記。此次亦不必具摺謝恩。將此諭令知之。○又諭御史胡承珙奏陳賑務利弊一摺。本年江蘇安徽兩省被災較重。節經降旨蠲緩賑卹。不惜億萬帑金。以全民命。當此歉收待哺之時。全在地方官實心實力。經理得宜。不使一夫失所。方稱朕誠求保赤之意。若如該御史所奏。領賑時藩庫書吏借款剋扣。領賑後州縣書吏借端開銷。委員協同查辦。或需索供應。或通同

侵匿。造報戶口冊籍。或舞弊浮開。或藉詞折算。以及設廠遠近失宜。散賑早晚失時。糴米煮粥。攪和沙灰。給錢折銀。短串扣平等弊。則國帑半就虛糜。災民何能均沾實惠。著傳諭百齡張師誠胡克家將該御史摺內指出各弊端。當盡心剔除。選擇賢能之員認真查察。務令廩藏所頒絲毫皆及窮黎。以期多所全活。保衛民生。為要。將此諭令知之。○丁卯諭內閣。前因三品以下京堂衙門奏事較簡。令於每年冬間。自圓明園進宮後。該京堂等輪班直日。以次召見。本年十月以來。各該京堂多已輪流召對。現在年班將軍都統副都統等陸續來京。每日召見人員較多。其京堂輪班直日之處。著即停止。嗣後每歲於年班人員到京後。即停止京堂直日。著為令。○戊辰諭軍機大臣等。本日軍機大臣會同戶部倉場侍郎議覆百齡等籌濟缺額漕糧一摺。所議甚是。已依議行矣。京倉儲貯足數。接濟該

督等所請收買行月耗米徒然多糜帑項著即飭知各該糧道毋庸辦理其徵存歷年緩漕正耗等米四萬五千九百餘石即行催齊搭解運通至江西湖北湖南濱臨水次州縣每省酌碾常平倉穀二十萬石一款著該三省巡撫各將該省水次州縣常平倉穀現存數目查明每處可以碾動若干即行分別派碾於幫船開行之前交兌灑帶運通一面奏聞一面辦理勿致遲誤為要將此各諭令知之○已巳

上御乾清門聽政○諭內閣御史孫世昌奏各直省嗣後拏獲最要次要各犯不得遽請於該省正法應令派員押解送部覆訊等語所奏甚是上年逆案内尚有最要次要各犯六十餘名未獲各該省文武員弁自應志切同仇上緊緝捕俾逆惡不至稽誅惟其閒貪功嗜利之員役即不免有妄拏故勘誣陷平民之事亦必當立予昭雪並將該官役等治以

應得之罪以示創懲林清潛伏京畿為賊匪渠魁其豫東兩省緊要賊目皆係曾與林逆往來勾結者所有單開最要次要各犯一經拏獲必須解京審訊並令留贖之人辨認方有確據著通諭各直省嗣後拏獲最要次要人犯該督撫等訊明後一面錄供具奏即一面派委妥員押解來京交刑部覆審不得以該犯刑傷甚重恐倖逃顯戮為詞奏請即於該省正法以慎刑章而杜冤濫○以光祿寺

卿多山為太常寺卿○旌表守正被戕河南滑縣民婦文武氏○賑陝西神木府谷懷遠榆林四縣被霜災民○庚午諭軍機大臣等松筠等奏遣犯魁敏悔罪情形一摺所奏非是傳習邪教人犯於未破案前自首到官具結改悔方准免罪西洋教被誘從犯於到官未定案時當堂悔悟出教亦准免罪從無定罪遣戍之後因其改悔復准減免之例即尋常關毆等犯亦不能於定讞決罰之後再加

曲宥。魁敏世習西洋邪教。從前獲案時。經刑部再三開導。始終執迷不悟。特降旨發往伊犁。永遠不准釋回。此等怙惡之徒。無論決不改悟。即果悔過。亦難未減。况新疆各城。現在發遣逆案內入教。從犯甚多。豈到配後。自稱改悔。松筠即代為奏請減罪耶。松筠總不能執法。一味姑息。是誠何心。所奏斷不准行。將此諭令知之。○又諭韓鼎晉奏請添設回民學額一款。斷不可行。回民散居各省。所在皆有。非如苗民之聚集一方者可比。湖南苗民另行編列字號。原所以示區別。若各省回民久與本處生童一體考試。如果文藝可觀。原准取入學額。並無多寡限制。若如該學政所請。將回民專列字號。則直省各州縣皆有回民。處處援以為例。豈不將學額廣行侵占。必致彼此攻訐。轉非相安之道。所奏著毋庸議。將此諭令知之。○又諭本日據韓鼎晉奏榆綏地方情形一摺。據稱該學政由寧夏接考。

榆林等屬路經邊牆內外。得悉本年內地及蒙古地方荒歉情形。詢問倉中積貯。據該州縣俱稱從前因公動用。俱有案據。現在皆屬空虛。該處土瘠民貧。向無採買之例。兼連年歉收。無可籌補等語。邊防以積貯為先。民食兵糈胥關緊要。榆綏界處北邊。聞近年流民甚眾。各屬倉貯空虛。緩急之間。恃何接濟。此項倉穀該州縣既稱因公動用。並非虧缺。自有案據。何得日久因循。並不設法補足。著朱

勲即查明各州縣缺穀實數。酌量情形次第籌補。務令倉儲充實。有備無患。又據稱榆綏一帶被災較重。雖經加恩賑卹。緣沿邊地方向來尚有蒙古糧食接濟。本年蒙古地方荒歉情形與內地相似。故市集糧食甚少。所有口外種地民人。現俱聞賑歸來。其蒙古乏食貧民亦均逃入內地。必須分別辦理。妥為安置等語。榆綏地方連年荒歉。向賴蒙古糧食接濟。今蒙古亦遭荒歉。民食愈艱。該處現在

榆林等屬路經邊牆內外。得悉本年內地及蒙古地方荒歉情形。詢問倉中積貯。據該州縣俱稱從前因公動用。俱有案據。現在皆屬空虛。該處土瘠民貧。向無採買之例。兼連年歉收。無可籌補等語。邊防以積貯為先。民食兵糈胥關緊要。榆綏界處北邊。聞近年流民甚眾。各屬倉貯空虛。緩急之間。恃何接濟。此項倉穀該州縣既稱因公動用。並非虧缺。自有案據。何得日久因循。並不設法補足。著朱

辦理賑卹。但本年從口外聞賑歸來者較多。且蒙古民人亦紛紛因逃荒而至。該撫當加意經理。俾窮黎口食有資。或酌給路費。資遣出口。務令流離安集。地方寧靜。不可心存玩視。稍有貽誤。將此諭令知之。○以故一等公英海子祿賢。一等男慶玉子鍾靈各襲爵。○辛未諭內閣。昨據正紅旗滿洲呈進承襲頭齡所遺男爵家譜。僅將承嗣之子恩緒繕寫。向未進呈家譜。俱將本生祖父履歷詳錄進呈。即譜內不能註寫。亦應另片具奏。儀親王平日辦事最為詳細。此次何以如此疏忽。除恩緒業經引見承襲外。仍著該旗將恩緒祖父履歷查明覆奏。嗣後八旗襲職。如有繼嗣襲職者。務將其本生祖父履歷查明具奏。庶杜捏報冒入旗籍之弊。○又諭前經降旨。令紫禁城各門進班官兵內。添派東三省數人。原因該處之人技藝熟習。在各門當差。於事有裨。嗣召見永壽西拉布瑞齡。問及俱奏稱。

各門均有三省之人。昨派蘇爾慎安成往查。惟景運門有一護軍校東華門有一護軍其餘各門俱無。甚屬非是。朕前令添派該處之人者。並非專指新到京之人而言。即在京居住二三代者。亦係其人。永壽等未悉此意。於見面時妄奏。均有不合。永壽西拉布瑞齡均不稱職。永壽著革去前鋒統領。照例上朝。西拉布著革去護軍統領。仍留副都統總兵之任。瑞齡前將圓明園西邊堆撥官兵不必每日出派具奏。彼時朕即當面申飭。今又擅於朕前妄奏。尤屬非是。況伊名聲亦屬平常。瑞齡著革去護軍統領副都統。管理圓明園在散秩大臣上行。再昨日係正黃旗進班。該旗護軍統領百順進班之護軍統領敬徵未能查出。亦屬疏忽。百順敬徵著交部議處。其景運門司鑰長廣泰東華門副護軍叅領廣福著免其議處。外其餘各門進班章京等均著交部嚴加議處。以示儆戒。○以故二等男

頤齡子恩緒襲爵。○以鑲黃旗蒙古副都統
奕額為左翼前鋒統領。戶部右侍郎成格兼
正紅旗護軍統領。正紅旗漢軍副都統成德
為鑲藍旗護軍統領。調鑲紅旗蒙古副都統
福會為正黃旗滿洲副都統。以工部左侍郎
景祿兼鑲紅旗蒙古副都統。

實錄卷三百

主人

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三百

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三百一

嘉慶十九年甲戌十二月壬申諭內閣本月
初四日曾經降旨那彥成以伊到任以來直
隸省於應緝要犯未獲一名令其嗣後凡遇
奏事之時俱將緝捕情形附奏儻有一次疏
漏定行譴責那彥成接奉此旨之後於本月
初十日奏陳惶悚情形自請嚴議經朕施恩
寬免姑著存記乃本日那彥成差人呈遞奏
摺朕逐一披覽於所屬官員有舉有劾獨於
緝捕一事摺內既未陳奏亦無附片聲敘以
特旨飭諭之事那彥成竟不凜遵實屬玩泄
該部知道欽此

那彥成著傳旨嚴行申飭仍交部議處○以詹事府詹事湯金釗為內閣學士兼禮部侍郎銜○以內閣學士那丹珠兼鑲黃旗蒙古副都統○減江蘇江都縣窪地九百一十八頃七十八畝有奇額賦並除舊欠○癸酉諭內閣貢楚克扎布在察哈爾都統任內上年挑備軍營馬匹率以駑馬充數吉林黑龍江官兵過京時俱不願承領更換嗣飭令查拏逆犯曹綸貢楚克扎布因見宣化鎮出兵名冊有曹綸在內未經詳查率以曹綸業經出兵具奏設彼時曹綸聞知查拏之信先有自戕情事或出口遠避致亂臣賊子不能明正典刑成何事體此二事獲咎俱重皆應革職經朕格外施恩僅予薄懲免其革任乃此次年班到京於召對時奏及捕賊一事痛哭不止聲震殿陛語言亦不明析伊謂秦庭一哭見其忠心戀主正所謂今之愚也詐而已矣上年逆賊之變貢楚克扎布未在京城此時

若偶因論及前事憤懣流涕尚屬情理所有亦何至痛哭不休以致應對失次迨降旨交軍機大臣詢以捕賊一事伊究竟有何主見據稱欲朕降旨寬其一線將逆犯誘出再將該犯正法等語無論現等六犯散竄各方即誘出一二人其餘數人聞風藏匿愈固不能以次捕誅即此六犯全行投出尚有次要五十餘犯見此六犯被誅又豈有不遠颺深匿之理況國家搜捕逆黨明頒詔令若如貢楚克扎布陋見其何以示信於天下貢楚克扎布至愚極詐昏憤無能不勝察哈爾都統之任著革去都統賞給三等侍衛派往新疆換班以觀後效若再犯法未必能還京矣○又諭自上年九月十五日以後節次拏獲逆犯審明已至東華門外見門閉跑回者共有三十四名是日該班官兵等倉猝遇警亟將門扇掩闔使羣賊不能乘機竄入較之西華門之漫無扞禦者其功罪實覺懸殊前已施

恩將革退官兵。分別降補。茲再行加恩。其原降為委護軍叅領之雙福。遇有副叅領缺出。仍著帶領引見。原降為護軍之真武。保業已挑補護軍校外。其雙全一員。遇有護軍校缺出。即行挑補。原降為馬甲十四名內。除崑崙保富清。阿傳森。布德克金布。泳恰布五名業已挑補護軍外。其巴彥圖。瑪達春。雙祥。那林福克。精額。全泰。官紹。鍾安。嚴喜九名。遇有護軍缺出。即行挑補。○又諭。上年查辦逆犯突

入禁城一案。因東華門官兵扞禦尚為出力。加恩將已革官兵分別降補。原降諭旨並無准該官兵復還原缺之語。近因節次擎獲逸犯訊供內。因見東華門關閉跑回者。共有三十四名。念該官兵等防守尚有微勞。欲再降旨施恩。乃查詢該管上年降斥各官兵中。該管大臣已有挑補原缺者。是朕之恩澤未施。而伊等早已豫行拔擢。大屬非是。此內如英綬所稱護軍真武。保於朕閱射時中箭四枝。

是以挑補護軍校。又據敬徵稱。伊因該旗護軍多年老平。常者駁回。另換經該旗將崑崙保等送到。其名單內未經註明上年斥退緣由。是以挑補等語。真武保係曾經獲咎之人。英綬本不應令其在御前較射。又復挑取護軍校。崑崙保等四人。該旗未將斥退緣由註明。輒行開送。敬徵亦未詳細察明。率行挑補。均屬不合。英綬敬徵及該旗都統副都統俱著交部議處。○以西安將軍祥保為察哈爾

都統。鑲藍旗護軍統領成德。為西安將軍。正黃旗滿洲副都統密哩。為鑲藍旗護軍統領。健銳營翼長扎坤珠。為正紅旗漢軍副都統。賞已革察哈爾都統貢楚克扎布三等侍衛。為和闐幫辦大臣。○甲戌諭內閣。伯麟奏仇殺一家三命。審明首從各犯分別辦理一摺。除正兇伍小三一犯。業據該督於審明後恭請王命凌遲梟示外。其余添才一犯。該督請照殺一家非死罪三人從而加功斬決律量。

減為斬監候秋後處決。覈其情節。余添才先被伍小三誘令擔保債負。並不知有謀命情事。及伍小三向告實情。該犯欲行逃避。因被伍小三用刀嚇逼。畏懼偕行。後於伍小三將唐進學打倒之時。喝令幫助。該犯尚不敢動手。又被伍小三用言嚇唬。該犯始用刀背幫毆唐進學兩下。可見該犯並無致死唐進學之心。是唐進學一家三命皆死於伍小三之手。該犯實未同謀加功。該督請照殺一家非

死罪三人從而加功。斬決律量減為斬監候。所擬猶未允當。余添才一犯著照尋常謀殺命案從而加功者絞監候律改為絞監候。入於秋審情實。○諭軍機大臣等。本日御史吳賡枚奏。安徽災賑事宜。並地方情形四款。其第一款稱。助賑善民宜普為獎勵。請分別奏題。勿致遺漏等語。安省士民捐資賑糶。前已有旨。令該撫於事竣分別辦理。以示嘉獎。茲據該御史奏。地方官辦理此事。胥吏等往往

多方阻抑。著該撫督飭州縣詳細查明。其捐數較多者。開單具奏。捐數少者。亦一體具題。交吏禮兩部分別旌敘。勿稍遺漏。其第二款稱。流民散布乞食。恐匪徒混跡其中。應行防範。並飭將聞賑歸來者。認真勘辦等語。本年安省災區較廣。額毫等處。均毘連河南。飢民千百為羣。流離乞食。難保無上年滋事餘匪混跡其中。儻乘機煽誘。有聚眾搶劫等事。則辦理費手。糜帑轉多。胡克家務妥為經理。加

意撫綏。勿令別滋事端。至飢民等前因逃荒遠出。此時聞賑歸來。必當覈實妥辦。該御史摺內稱。州縣等往往憚於履勘。祇憑胥吏開銷。致多朦混。又本日御史胡承珙亦條奏。及此據稱。安省地方官於他處趁食飢民。每以彼此同係災區。不加收卹。致令轉徙於道。該飢民等離鄉既遠。又不能聞賑還歸。且有原籍有田可耕。而力量不能歸里者。請廣為曉諭。資遣還鄉等語。流民挈家遠出。蕩析離居。

地方官極當資遣還鄉俾安井里。迨既歸原籍之後。尤需一律補賑。庶資口食。況現在雨雪調勻。明年麥收可望。該流民不皆無業之徒。其原籍地畝。有已經種麥者。回家可望春收。未經種麥者。亦可補種雜糧。該撫職任封圻。當此歲歉。民貧流離滿目。忍不實心妥辦。以副朕安民保赤之誠耶。又據奏請除擾累。以安富儉。游惰以勵俗。二款。地方官藉端巧取需索富戶。委員又四出擾累。朘削民膏。至於斂錢惑眾之事。地方官尤應查禁。其女戲清音。以及鴉片烟館。俱為風俗人心之害。著該撫嚴飭所屬實力稽察。如有違禁干犯者。拏獲按律治罪。務使官戒貪汙。民懲游惰。吏治肅而人心正。以漸收除莠安良之效。將此諭令知之。○以故翁牛特鎮國公達瓦什哩子烏尼濟爾噶勒襲爵。○以通政使司通政使永祚為都察院左副都御史。鴻臚寺卿海福為光祿寺卿。○乙亥。諭內閣。稽恩奏抽查

圓明園附近各村門牌。自上月換齊後。仍有不符等語。編排保甲。將逐戶丁口填註門牌。遇有應增應除者。報明更改。必須隨時查對。則一有外來奸宄。無難覺察。若門牌所載人名數目。與現在丁口不符。仍屬具文。不能收除莠安良之效。圓明園每年駐蹕之日。最久稽察尤當嚴密。乃如此草率從事。該巡視西城北城御史。俱著傳旨嚴行申飭。仍責成該御史等。即赴御園一帶。將各村莊門牌覆行查對。明析逐一更正。明年正月。朕臨蒞御園後。再派員詳察。如有不符。必將該御史等從重懲處。嗣後每歲自正月至十月。該西北兩城御史。著照左右翼總兵之例。輪班在御園附近居住。半月更替。專司稽察牌甲。該御史等住址。著報明軍機處。朕隨時派員查察。如有曠誤。嚴懲不貸。○丙子。諭內閣。蔣攸銑等奏審擬德泰徇縱家人向忠盤踞省城私放利債。並其子向南珍冒充典吏一摺。此案德

泰於家人向忠之子向南珍冒充典史一事。伊回任後查知。經向忠懇求未究。復兩次畫稿咨送供結。知情徇縱。證據確鑿。猶飾詞強辯。以為不知。向南珍即向忠之子。冀圖卸罪。實屬狡詐可惡。該督等擬以發往軍臺。不足蔽辜。德泰著發往伊犁効力贖罪。餘俱照所擬完結。○刑部奏倉場侍郎叅劾西倉監督張景泗各款虛誣。分別辦理。得旨。此案宗室隆順。誣捏張景泗改廩挪米。並與花戶等聚

飲謀事各款。具稟倉場侍郎等。以致冒昧叅劾隆順。無庸交宗人府折圈。著將隆順併伊家屬移駐盛京。交祿康等嚴行管束。普恭蔣予瀆。及查倉御史林鍾岱。俱著交部議處。餘依議。○丁丑。

上御寧壽宮。賜王公大臣及蒙古王貝勒貝子公額駙台吉等食。並賞賚有差。○諭軍機大臣等。巡視南漕御史黃鳴傑奏籌挑徒陽運河章程一摺。徒陽運河因上年興挑時辦理

草率。以致本年回空幫船淺阻。經百齡等將承辦之該道府縣叅奏著賠。並設法疏濬牽輓。始免貽誤。現在又屆歲挑之時。若仍任承辦各員偷減挑工。明年重空兩運。經臨自必又形淺阻。近年山東運河辦理不善。每重運北來。籌畫極為費手。今歲各湖蓄水充盈。可以無虞阻滯。徒陽運河為江浙一帶幫船經由要道。若於此先有阻滯。則東境雖輓運暢順。仍恐有稽時日。該御史所奏覈實估冊。以

免減漏。加緊熬壩岸水。以裕挑工。嚴禁平員包攬。以專責成。並不當以封墩作誌。樁務實量尺寸。兼令抽挖龍溝。貯水以驗挑工。首尾水平。豫於開壩先三日呈報工竣。俟該撫會同該御史親往查驗後。始令啟壩鋪水。各條均為覈實挑工起見。著百齡等即飭承辦各員實心辦理。該督等仍隨時查察。如有偷減草率情弊。即行指名叅奏。至前令勒賠各員。並著飭催將賠項解工濟用。不得仍令干與。

挑工事務以杜彌縫。擲掩之弊。將此傳諭知之。○戊寅。

上幸瀛臺。閱冰技。科爾沁郡王棟默特等三人。教漢扎薩克郡王達爾瑪濟爾迪等二人。蘇尼特扎薩克郡王巴勒珠爾雅喇木丕勒。四子部落扎薩克郡王彭楚克桑噶布。茂明安貝勒丹丕勒。巴林扎薩克貝子多爾濟帕勒瑪。阿巴噶扎薩克郡王瑪呢巴達喇等九人。鄂爾多斯扎薩克貝子額爾德呢桑。鄂爾羅

斯扎薩克鎮國公古魯扎布。喀喇沁額駙巴勒丹蘊丹。青海扎薩克郡王車凌端多布等二人。茂明安扎薩克頭等台吉托克托瑚。土爾扈特扎薩克親王恩克濟爾噶勒等四人。綽羅斯三等台吉衮布等四人。杜爾伯特汗齊旺喇布坦等差來使十六人。熱河額魯特總管呢瑪等六人。回部阿奇木伯克巴彥岱等十五人。土司丹紫江楚等三十二人。琉球國使臣向斌等二人。於西苑門外瞻觀。○己

卯

上御撫辰殿大幄次。賜蒙古王貝勒貝子公額駙台吉及外藩使臣等宴。並賞賚有差。○緩徵江蘇上元。江寧句容。江浦。六合。甘泉儀徵。七縣。及揚州衛旱災。本年額賦漕糧。並展緩甘泉縣水災新舊額賦漕糧。○庚辰。諭軍機大臣等。托津等奏查辦初彭齡參奏百齡張師誠大概情形一摺。此案初彭齡原參百齡得受泰壩永豐兩壩公費一款。現查得此項

公費。從前奏明有案。自乾隆五十三年以來。歷任總督。均提充本衙門公用。有案卷可查。並非始自百齡。不得謂之需索。其所稱巡撫衙門提解海關揚關兩處公費。並張師誠未經到任。先行提用一節。據查明張師誠於此項銀兩並未提用。現在托津等飭調中軍馬進。並提查案卷。自可得其原委。此內有情節最關緊要。必須徹底查明者。係初彭齡所稱百齡於兩壩公費之外。尚有縣丞傅祖緒吏

目胡開擊檢校陳青照等派管兩壩之時百齡得受銀二萬四千兩均係馮潮過付一款又張師誠向劉澧查問關稅致劉澧心疑復索送銀二千兩一款百齡張師誠身任督撫如果婪索賊私必當嚴辦示懲但必須得有確據方能治伊二人以簠簋不飭之罪著托津等向初彭齡詢問伊所稱百齡張師誠收受此兩項銀兩究係何人告知有何人堪作證據此時賊物何在即業已用去亦有實在

下落伊既稱閩省皆知不難指出向伊告知之人姓名傳案質證果經查訊屬實即將百齡張師誠據實嚴叅治罪勿稍瞻徇設查究此二款初彭齡不能指出實據則百齡張師誠均係一二品大員亦不能以毫無指實之言妄行叅劾汙其名節托津等即將初彭齡陳奏不實之處據實嚴叅現已降旨將常格馮潮二人解任交軍機大臣會同刑部審訊一經訊有確供即由驛發交托津等嚴辦托

津等當先就提到人證案卷詳細確數以憑質對又百齡保奏幕友縣丞楊德頃一節據初彭齡稱楊德頃長年在百齡署中幫辦筆墨於河工防禦事宜並未出力等語據百齡稱該員隨辦軍務晝夜辛勤又因諳悉河務復留其在署稽覈工程文案是以兩次保奏曾於奏片內切實聲明等語楊德頃是否於防禦河工兩案均屬出力並著托津等就近查明併提奏案覈對據實具奏至江寧各屬

是否有續虧六十餘萬陳桂生稟覆初彭齡原稟內稱此項銀兩本未列清查項內現在已經批解支撥者三十餘萬等語果否確實並著托津等查明據實具奏將此諭令知之○以故阿拉善額魯特鎮國公莽噶拉子德勒格爾布彥襲爵○辛巳

孝莊文皇后忌辰遣官祭

昭西陵

上詣

慈寧宮

壽康宮行禮○壬午諭內閣章煦奏審明外委王廷瑞誣告白居敬一案分別定擬一摺此案白居敬雖訊非逆犯但伊平日畫符騙錢所開課單內兼載有邪言使非瘦斃因圖亦當治以應得之罪並非無辜平民外委王廷瑞因見白居敬言語荒誕疑為邪教遂添造逆詞指擎到官冀圖邀功受賞訊明並無借錢不遂挾嫌誣控情節亦與憑空陷害者有聞且白居敬究係病斃並未身罹重辟其所請將王廷瑞照誣告叛逆已決例擬斬立決之處著改為斬監候知州楊嗣曾於白居敬到案後應審明誣叛情由據實平反照例科以惑眾騙錢之罪乃一味刑求致該犯拖累斃命訊明尚無故勘教供情弊楊嗣曾業已革職已足蔽辜免其發往軍臺○免直隸寧晉新河二縣積水地畝上年額賦○上以歲暮裕祭

太廟自是日始齋戒三日○癸未諭內閣托津

等奏審擬廖思芳妄擊劉第五一案廖思芳明知並非逆犯有意故陷平民其宋遇教誘劉第五供認造反及識認林清並一告以林清年歲狀貌係廖思芳指使現已供認確鑿百齡於此等重案不詳慎研鞫率以廖思芳恐嚇教誘供詞冒昧入奏若非部臣平反幾成冤獄百齡不必交部議處著革去官銜及協辦大學士暫留兩江總督之任廖寅失察伊子妄擊教供著交部嚴加議處已革知縣萬承紀周以勲承審重案不將傷痕確實相驗又未查出教供情弊著照例開復交部議處○命吏部尚書章煦協辦大學士○添設河南滑縣都司一員撥撫標千總一員駐潯縣潯縣把總一員駐道口安陽汛把總一員駐老安鎮撥衛輝開封兩營外委各一員添設外委一員額外外委二員赴滑縣隨營操防以外委一員協防潯縣撥撫標左右兩

營河北鎮左右兩營彰德鎮內黃營等處兵
三百名移駐滑縣一百七十名。老安營三十
名。濬縣道口各五十名。從巡撫方受疇請也。

○甲申。以歲暮祫祭。遣官祭。

太廟中殿。

後殿○乙酉○拾祭

太廟

上親詣行禮。○遣官祭

永陵。

福陵

昭陵

昭西陵。

孝陵

孝東陵。

景陵。

泰陵。

泰東陵

裕陵○遣官祭

孝淑皇后陵寢○遣官祭

端慧皇太子園寢○遣官祭

太歲之神○軍機大臣等議覆裁節閩浙水

陸營兵馬匹。及餉乾銀米事宜。查閩省為海

疆扼要所設額兵未便裁減請於水師提標

金門鎮原添水兵三千名內抽撥三百名歸

於福寧左營。作為額兵。應減兵一千三百五

十名。其陸路提鎮協等二十二營。山海交錯。

馬兵未盡得力。各酌裁官馬十分之二。計馬

五百匹所裁馬兵五百名即為步兵守兵額

缺募補內除福寧中營於嘉慶八年該鎮左

營改水師營業內原撥馬兵六十名應全數

裁改守兵外。餘按步三守七。共應募補步兵。

一百三十二名。守兵三百六十八名。裁浙江

撫標左右二營戰守兵一百名馬戰守兵六

百二十八名。提標中左前後四營。暨寧波城。

守營馬戰守兵一百八十八名。杭州協城守

錢塘內河水師二營馬戰守兵一百名。嘉興

協左右二營戰兵四十名。湖州協左右二營戰守兵二十一名。紹興協左右二營馬守兵五十名。溫州右營暨城守營戰守兵六十名。處州鎮標中左右三營馬守兵六十名。衢州鎮標中左右三營暨城守營馬戰守兵一百九名。通計浙閩兩省每年節省餉乾米折并米價共銀五萬五千四百零四兩米二千六百二十石八斗。其閩省酌裁水路兵丁。應將水師提標金門鎮兩標所裁戰兵一千五百五十名。於續募水兵額數之內。擇其技藝平常者。開革住餉。並俟有事故出缺。毋庸另募。其陸路各營內所裁馬兵額缺。亦應於馬兵內擇其騎射未能嫺熟者。降補步兵守兵。並俟有事故出缺。改挑步守。以符定額。其浙省各營內議裁馬步守各兵。亦請俟事故出缺。毋庸另募。從之。○丙戌。

上御保和殿筵宴朝正外藩巴林喀喇沁科爾沁教漢蘇尼特浩齊特四子部落扎賚特茂

明安土默特阿巴哈納爾喀爾喀郭爾多斯郭爾羅斯阿巴噶翁牛特土爾扈特杜爾伯特青海綽羅斯王貝勒貝子公額駙台吉等及朝鮮琉球國正副使等隨文武大臣依次就坐。諸樂並作。

上進酒。召左翼巴林親王銜扎薩克郡王索特納木多爾濟喀喇沁親王銜扎薩克郡王滿珠巴咱爾科爾沁扎薩克郡王和碩額駙索特納木多布齋郡王棟默特蘇尼特扎薩克

郡王巴勒珠爾雅喇木丕勒浩齊特扎薩克郡王端多布多爾濟土默特扎薩克貝子固倫額駙瑪呢巴達喇喀喇沁扎薩克輔國公理藩院額外侍郎瑪哈巴拉右翼喀爾喀扎薩克親王固倫額駙拉旺多爾濟科爾沁扎薩克達爾漢親王布彥溫都爾瑚阿巴噶扎薩克郡王瑪呢巴達喇土爾扈特扎薩克親王恩克濟爾噶勒喀爾喀扎薩克郡王溫端多爾濟青海扎薩克郡王車凌端多布回部

郡王銜貝勒哈迪爾喀爾喀鎮國公巴彥濟爾噶勒至

御座前賜酒成禮○以西安協領成瑞為廣州

滿洲副都統○是年旌表孝子江蘇等省江

大林等八名順孫張憲華一名孝女吳氏等

五口孝婦朱氏等二口守節合例宗室平文

妻曹佳氏等十六口滿洲觀祿妻那拉氏等

一百二十四口蒙古福紹妻吳氏等三十二

口漢軍海福妻高氏等三十一口各省駐防

實錄卷三

重

蕭廷茂妻張氏等一百八十二口直隸等省

賈鳳舞妻王氏等八百六十一口未婚守志

滿洲瑪祿善妻伊爾根覺羅氏等二口蒙古

明祿妻佟氏一口盛京色克圖妻沈氏一口

江蘇等省糜文元妻賀氏等二十七口百歲

壽民婦廣東等省李朝德等二十六名口五

世同堂安徽等省吳恒德等三十八家各給

銀建坊如例○一產三男直隸等省姬宗孝


等九家○會計天下民數穀數直隸等省通

共大小男婦三萬一千六百五十七萬四千
八百九十五名口存倉米穀三千八十萬二
千八百六十九石九斗一升七合五勺

實錄卷三

重

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三百一



統一書號:11018·1355—31

定 價: 53.00 元